



《續修四庫全書》編纂委員會編

續修四庫全書

上海古籍出版社



七四三・史部・地理類

瀛環志略十卷

〔清〕徐繼畲撰

.....一

海國圖志一百卷（卷一至卷四十三）

〔清〕魏源撰

.....二〇七

24154/3

道光戊申年鑄

壁星泉先生  
劉玉坡先生  
鑒定

# 瀛環志畧

本署藏版

序

吉甫撰郡縣之志未盡域中景純注山海之經空談荒外良以地理之學難精而滄溟之大尤不易知也五臺徐松龕中丞博學多聞兼綜條貫嘗與論歷代典章制度以及前言往行無不元元本本考核精詳又以其餘釐正古書鈎稽戎索軼亥章之步盡儻忽之疆囊括鯢程包舉鼉奠著為瀛環志畧若干卷自東南海島諸國西至蒲昌鹿渾北極伊連渤鞮其疆域之延袤道里之遠近創建因革之故山川民物之名前史所未詳博物所不紀靡不瞭如示掌浩若吞胸聽鄒衍之談天小儒咋舌覽木華之賦海才士傾心蓋公自觀察此邦駐旌泉郡值番舶通商之際正譯書畢集之時鱗鬣魚鼈圖披王會象胥龍節職在周官固已訪埵影於酉陽獲鱗書於丙穴鱣更可數犀照無遺泊乎攄柔遠之蓋忱膺巖壘之重寄三山甘雨萬里恬波既觀十郡之康遂續九邱之志寒暑再易勒為一編洋洋乎宇宙之鉅觀古今之絕業也夫六合之外聖人以不論存之千歲之日智者可坐而致之故詢天之高廣則仲尼子貢不能知極人之短長則樵僂防風可以決豈非無徵者不信多識者有功歟是書博采前賢著述正其舛誤得所折衷帝虎魯魚無訾後世石華海月廣綴前聞洵堪備史館之參稽恢職方之紀載者矣公今宣力閩疆渥承

瀛環志畧

序

宸眷勳猷所至譽望日隆方將補馘球圖焜煌鐘鼎移海國見聞



之筆作太平寰宇之書錫文錦以招來毀毛車而更造上佐  
天子布大德於埏紘下綏黎元樂匡生於衽席豈惟是書之成爲  
足縱橫八極表示千烁而已哉  
道光二十八年歲在著雍涒灘長洲愚弟彭蘊章拜撰

瀛環志畧

序



二

地輿廣矣重譯之外耳目所不及無稽之說羣起而簧鼓之欲折  
以理無由也松龕中丞治閩政通人和旁及柔遠之略得泰西人  
所繪地圖反覆詢譯參以史錄所紀訂其舛誤閱五年成瀛環志  
略一書凡各國之沿革建寘與夫道里風俗人情物產咸備焉暇  
日出以相示披讀一過覺荒陬僻壤無不如指掌紋如燭幽寐而  
又於奇奇怪怪之中芟夷古今荒唐之說歸於實是以是歎見聞  
果確理無不通而公之不憚旁搜博採積歲月以成此書者非公  
之好奇正公之精於窮理也 慶僭 幸與參訂之役謹跋簡末以志  
服膺

道光戊申秋八月會稽陳慶僭謹跋

瀛環志畧

跋

三



二

序

天下有道守在四裔王者不勤遠略而德意所涵濡威靈所震撼類皆有囊括區夏甄鑄埏埴之勢故禹貢紀要荒周官有職方氏之掌東南置侯西北置尉至於王母呈圖鬼方效順凡夫乾坤之所開陰陽之所接九夷八蠻之國如在幕庭蓋自羲軒以迄姬周之盛鮮不由此我

國家金甌澄奠淳風炤洽罔有內外悉主悉臣幅員之廣超古軼今其已隸典屬奉正朔歲時貢獻修職而來者固已駢蹄接踵摩肩延頸懽忻奔走相望於道矣即至窮髮赤裸燠齒臬駟之國負固匪茹開亦難馴而德威所播帖然就軌由是海宇鏡清飛艘雲集瀛環志畧

序

四

表裏肅清中外祀福於鑠乎盛哉洵建中之上儀混一之隆軌也中丞徐松齋先生以渰雅之才兼文武之畧文章經濟炳燦一時筮仕已來徧歷海疆近開府七閩時

天子方有事於柔遠倚先生為長城界以東南重任先生沈毅靜鎮又推誠待物宣揚仁風恩威並濟遠人安之相與婆娑嘔吟鼓腋而笑時古大秦所分諸國悉遣渠酋航海梯山翕然屬至先生撫綏之暇每咨訪其形勢得所謂地球圖並泰西人所繪各國地圖暨東南海島諸國山川風土物產習尚與夫古今沿革變遷之故瞭如指掌又考訂古籍著為之說此瀛環志畧一書所由作也且夫四裔之荒非查客所能周歷也重譯之遙非章亥所能盡履也六

幕之大四維之廣非局踣一隅執管測蠡者所能臆度也是故傳

十賫之文鄉不離夫連石探九梯之穴國尚限於挹婁寸觀咫聞非所以邳張乾樞樸貫堃紐也夷考山海經所傳怪奇悖恍荒誕而難憑至穆天子乘八駿馬周游八極而瑤華所載彈索不詳降及逸史方言權輿於爾雅濫觴於稗海其書亦往往行於世而言人人殊徵實則繆若先生以淵淵著作之材精心考證麟麟炳炳足以補廣雅廣記所未逮他日藏之

祕府頒在學官備輶車之咨采佐史宥之蒐稽振古賢奇之士饋餉靡窮而於

國家撫馭之策控制之方實有裨益緝熙

瀛環志畧 序

五

帝圖潤色鴻業此物此志也夫豈第遠搜僻壤博采叢書侈招摭之富夸聞見之奇已哉澤不敏曩嘗監司浙東歷沿海諸郡邑近復奉檄來閩因得從先生之後勤理通商事務時與泰西諸國人相往來亦欲有所采擇成一家之言而才有未逮靡所取裁觀先生此書躊躇滿志不翅遺我以測土之圭授我以縮地之術班孟堅云博我皇道宏我漢京方茲編矣昔在成周之世越裳來貢周公作指南車以歸其使他日有策日影而至者即以此書為指南之式也可謹書其沿起而為之序

道光二十八年歲次戊申秋七月福山鹿澤長謹序



地理非圖不明圖非履覽不悉大塊有形非可以意為伸縮也泰西人善於行遠帆檣周四海所至輒抽筆繪圖故其圖獨為可據道光癸卯因公駐廈門晤米利堅人雅裨理西國多聞之士也能作閩語攜有地圖册子繪刻極細苦不識其字因鈎摹十餘幅就雅裨理詢譯之粗知各國之名然匆卒不能詳也明年再至廈門郡司馬霍君蓉生購得地圖二册一大二尺餘一尺許較雅裨理册子尤為詳密并覓得泰西人漢字雜書數種余復搜求得若干種其書俚不文淹雅者不能入目余則薈萃採擇得片紙亦存錄勿棄每晤泰西人輒披册子考證之於域外諸國地形時勢稍稍得其涯畧乃依圖立說採諸書之可信者行之為篇久之積成卷

瀛環志畧

卷一

帙每得一書或有新聞輒竄改增補稿凡數十易自癸卯至今五閱寒暑公事之餘惟以此為消遣未嘗一日輟也陳慈圃方伯鹿春如觀察見之以為可存為之刪訂其舛誤分為十卷同人索觀者多懇懇付梓乃名之曰瀛環志畧而記其緣起如此道光戊申秋八月五臺徐繼畬識

凡例

一此書以圖為綱領圖從泰西人原本鈎摹其原圖河道脈絡細如毛髮山嶺城邑大小畢備既不能盡譯其名而漢字筆畫繁多亦非分寸之地所能注寫故河道僅畫其最著者山嶺僅畫其大勢城邑僅標其國都其餘一概從畧  
一此書專詳域外葱嶺之東外興安嶺之南五印度之北一切蒙回各部皆我國家候尉所治朝鮮雖斗入東海亦無異親藩胥神州之扶翊不應闕入此書謹繪一圖於卷首明拱極朝宗之義而不敢贅一辭

瀛環志畧

卷一

凡例

一南洋諸島國葦杭閩粵五印度近連兩藏漢以後明以前皆弱小番部朝貢時通今則胥變為歐羅巴諸國埔頭此古今一大變局故於此兩地言之較詳至諸島國自兩漢時即通中國歷代史籍不無紀載然地名國號展轉淆訛方向遠近亦言人殊莫可究詰轉不如近時閩粵人遊南洋者所紀錄為可據此書於南洋諸島國皆依據近人雜書而畧附其沿革於後五印度現為英吉利屬部皆依據泰西人書其歷代沿革過於煩瑣且半涉釋典僅於篇中畧敘數語以歸簡淨  
一西域諸部迤南之波斯天方諸國泰西人繪有分圖其葱嶺之西裏海之東波斯愛烏罕之北俄羅斯之南泰西人繪為一圖



總名為達爾給斯丹斯丹一作士丹西域言國主也元史說為算端又作算難乃古時康居大夏大宛大月氏奄蔡諸國歷代變更沿革亂如琴絲近世士大夫從軍西域者亦多所撰述今止就見於官書者約畧言之不敢涉考據之藩籬亦聊以藏拙云爾

一日本越南暹羅緬甸諸國歷代史籍言之綦詳今止就其現在國勢土俗立傳而畧附其沿革於後至歐羅巴阿非利加亞墨利加諸國從前不見史籍今皆溯其立國之始以至今日其古時名國如巴庇倫今土耳其東土波斯即今波斯其西土希臘今土耳其猶太即拂羅其東土羅馬即大秦今意大里亞列國厄日多即麥西在阿非利加北境非尼西亞即加爾達額在阿非利加北境之類皆別為一傳附於今本國之後庶幾界畫分明不

瀛環志畧

卷一

凡例

二

涉牽混

一泰西諸國疆域形勢沿革物產時事皆取之泰西人雜書有刻本有鈔本并月報新聞紙之類約數十種其文理大半俚俗不通而事實則多有可據諸說間有不同擇其近是者從之亦有晤泰西人時得之口述者湊合而敷衍成文期於成片段而已取材既雜不復注其出於某書也

一泰西人如利瑪竇艾儒略南懷仁之屬皆久居京師通習漢文故其所著之書文理頗為明順然夸誕詭譎之說亦已不少近泰西人無深於漢文者故其書多俚俗不文而其敘各國興衰事蹟則確鑿可據乃知彼之文轉不如此之樸也

一外國地名最難辨識十人譯之而十異一人譯之而前後或異蓋外國同音者無兩字而中國則同音者或數十字外國有兩字合音三字合音而中國無此種字故以漢字書番語其不能昭合者本居十之七八而泰西人學漢文者皆居粵東粵東土語本非漢文正音展轉淆訛遂至不可辨識一波斯也而或譯為白西轉而為包社巴社訛而為高奢余嘗令泰西人口述之則曰百爾設又令其筆書之則曰比耳西今將譯音異名註於各國之下庶閱者易於辨認然亦不能遍及也

一泰西人於漢字正音不能細分斯也士也是也實也西也蘇也混為一音而刺與拉無論矣土也都也度也杜也多也突也混

瀛環志畧

卷一

凡例

三

為一音而撒與薩無論矣故所譯地名人名言人人殊

一泰西各國語音本不相同此書地名有英吉利所譯者有葡萄牙所譯者英人所譯字數簡而語音不全葡人所譯語音雖備而一地名至八九字詰屈不能合脗如花旗之首國英人譯之曰緬葡人譯之曰賣內賣讀如美內讀如呢今姑用以紀事無由知其孰為是非也

一地名中亞字在首者皆讀為阿在尾者多讀為訶加字多讀為嘎平聲亦有讀為家者內字皆讀平聲音近尼疴字讀如訶一各國正名如瑞國當作瑞典噠國當作噠馬西班牙當作以西把尼亞葡萄牙當作波爾都噶亞然一經更改閱者猝不知為



何國故一切仍其舊稱

一外國地名人名少者一字多者至八九字絕無文義可循數名連寫閱者無由讀斷今將地名人名悉行鈎出間加圈點以醒眉目明知非著書之體姑取其便於披閱耳

瀛環志畧

卷一

凡例

四

瀛環志畧

五臺徐繼畬松龕輯箸

目錄

卷一

地球

亞細亞

皇清一統輿地全圖

亞細亞東洋二國

亞細亞南洋濱海各國

卷二

瀛環志畧

卷一

目錄

一

亞細亞南洋各島

亞細亞東南洋大洋海各島

卷三

亞細亞五印度

亞細亞印度以西回部四國

亞細亞西域各回部

卷四

歐羅巴

歐羅巴俄羅斯國

歐羅巴瑞國

會稽陳慶借慈圃參訂  
福山鹿澤長春如  
沁水霍明高蓉生採譯

歐羅巴噠國

卷五

歐羅巴奧地利亞國

歐羅巴普魯士國

歐羅巴日耳曼列國

歐羅巴瑞士國

卷六

歐羅巴土耳其國

歐羅巴希臘國

歐羅巴意大利亞列國

瀛環志畧

卷一

目錄

二

歐羅巴荷蘭國

歐羅巴比利時國

卷七

歐羅巴佛郎西國

歐羅巴西班牙國

歐羅巴葡萄牙國

歐羅巴英吉利國

卷八

阿非利加各國

卷九

亞墨利加

北亞墨利加水疆

北亞墨利加英吉利屬部

北亞墨利加米利堅合眾國

卷十

北亞墨利加南境各國

南亞墨利加各國

亞墨利加海灣羣島

崑崙嶺新德  
堂弟繼燠  
甥薄于達  
校字

瀛環志畧

卷一

目錄



三



# 地球圖


瀛環志畧

卷一 地球圖



瀛環志畧

卷一 地球圖




瀛環志畧

卷一

地球圖

三



地球

地形如球以周天度數分經緯線縱橫畫之每一周得三百六十六度每一度得中國之二百五十里海得十之六有奇土不及十之四

泰西人推算其詳茲不贅

地球從東西直剖之北極在上南極在下赤道橫繞地球之中日馭之所正照也赤道之南北各二十三度二十八分為黃道限寒溫漸得其平又再北再南各四十三度四分為黑道去日馭漸遠凝陰沍結是為南北冰海

地球從中間橫剖之北極南極在中其外十一度四十四分為黑道再外四十三度四分為黃道限再外二十三度二十八分赤道

瀛環志畧

卷一

地球

四

環之

按北冰海人人知之南冰海未之前聞頃閱西洋人所繪地球圖於南極之下註曰南冰海以為不通華文誤以北冰海例稱之也詢之米利堅人雅神理則云此理確鑿不足疑也赤道為日馭正照之地環繞地球之正中中國在赤道之北即最南濱海之闊廣尙在北黃道限內外較之北地寒暖頓殊遂以為愈南愈熱抵南極而石爍金流矣殊不知日馭所行乃地球正中之地由闊廣渡海而南水程約五六千里而至婆羅洲一帶乃正當赤道之下其地隆冬如內地之夏初然再南而至南黃道限之外其氣漸平再西南而至阿非利加之岷朴則已見霜雪



又再西南而至南亞墨利加之鐵耳聶離已近南黑道則堅水不解當盛夏而寒栗由此言之南極之為冰海又何疑乎中國舟行不遠以閩廣為地之盡頭遂誤以赤道為南極固宜其聞此說而不信也

大地之土環北冰海而生披離下垂如肺葉凹凸參差不一其形

泰西人分為四土曰亞細亞曰歐羅巴曰阿非利加一作利未亞此三

土相連在地球之東半別一土曰亞墨利加在地球之西半四大

名乃泰西人所立本不足為典要今就泰西人海圖立說始仍其舊近又有將南洋羣島名為阿塞亞尼亞州稱為天下第五大州

亞細亞者北盡北冰海東盡大洋海南盡印度海西括諸回部西

瀛環志畧 卷一 地球 五

南抵黑海在四土中為最大中國在其東南卦兼震巽壤盡膏腴

秀淑之氣精微之產畢萃於斯故自剖判以來為倫物之宗祖而

萬方仰之如辰極我

朝幅員之廣曠古未有東三省之東北隅地接俄羅斯正北之內外

蒙古諸部悉其庭幕編入八旗為臣僕西南之青海兩藏置侯尉

而安枕西北之新疆回疆包漢志西域諸國之大半而卡外之哈

薩克布魯特諸部歲以牲畜供賦役東海之朝鮮琉球南裔之交

陞暹羅緬甸南掌廓爾喀諸國修貢職無愆期是亞細亞一土未

奉我正朔者僅有東海之倭奴北裔之俄羅斯極西之弱小諸回

部南荒之印度諸國耳則中國之在亞細亞固不止得其半也

歐羅巴者亞細亞極西北之一隅地形與海水相吞齧比之亞細亞不過四分之一部落甚多就其大者言之約十餘國其人性情精密工於製器長於用舟四海之內無所不到越七萬里而通於中國凡中國之所謂大西洋者皆此土之人也

阿非利加在亞細亞之西南當羅經坤申之位東西南三面皆大

洋北面兩內海界隔紅海地中海僅一綫與亞細亞相連其地廣莫約

得亞細亞之半迤北有回部餘皆黑夷天時炎酷土脈粗頑人類

混沌在四土中為最劣

亞墨利加在地球之西半與三土不相屬地分南北兩土中有細

腰相連北亞墨利加之北界直抵冰海其西北一角與亞細亞東

瀛環志畧 卷一 地球 六

北一角相近中隔海港數十里東面與歐羅巴諸國隔大西洋海

遙對西面大洋海直抵亞細亞之東方見畔岸南亞墨利加與北

亞墨利加一綫相續其極南地盡之處已近南冰海兩土合計約

與亞細亞表延相埒其地自剖判以來未通別土歐羅巴人於前

明中葉始探得之

四土皆從北極紛披下垂南黃道之南僅有島嶼再南則汪洋一

水直至南極無片土矣土在上而水在下亦坤與自然之理也

雅神理云兩年前佛郎西英吉利米利堅西班牙四國會遣四

舟向南探之近南冰海一帶尚有國土其廣狹未能詳也

四大土之外島嶼甚多最大者澳大利亞餘則亞細亞之南洋諸



島亞墨利加之海灣羣島皆商艘數至之地也。

土之外皆海也。一水汪洋誰為界畫就各土審曲面勢強分為五。

曰大洋海曰大西洋海曰印度海曰北冰海曰南冰海。

大洋海者由亞細亞之東抵南北亞墨利加之西即中國之東洋。

大海泰西人因其風浪恬平謂之太平海洋面之廣闊以此為最。

蓋環繞地球之半矣。米利堅人謂赴粵買茶由此路可近三萬里。

因其過岷處太險。山之盡頭且汪洋數萬里無添備水食之處卒亦罕有行者。

大西洋海由歐羅巴阿非利加之西至南北亞墨利加之東遠者

萬餘里近者不足萬里。

瀛環志畧 卷一 地球 七

印度海北至亞細亞東至澳大利亞西至阿非利加由適中之印

度一土而南望故西人以此稱之即中國之南洋暨所傳之小西

洋。

北冰海者亞細亞歐羅巴北亞墨利加三土之北境環而拱之近

岸千百里霜雪凝結堅冰不解海有大魚能吞舟莊子所謂北溟

有魚其名為鯢者始謂是歟。

南冰海在南極之下氣候與北冰海相若。

亞細亞有阿勒富海。在波斯阿又有紅海。泰西名皆由印度海

分注歐羅巴有地中海。泰西名又有黑海。泰西

必有黃海。泰西名皆由大西洋海分注惟亞細亞西境之

西。

鹹海一名死海又名鹽海泰西名亞裏海。泰西名喀爾士必則與大海絕不相通蓋本大澤強名之為海耳。

瀛環志畧 卷一 地球 八





亞細亞

亞細亞。本土耳其買諾古時地名。土耳其西土國名有東中西三亞。泰西人於此土之東。統名曰亞細亞。幅員之廣為四土之最。居是土者為中國之十八省。東三省。內外蒙古諸都。新疆回疆。青海前後藏。其北際海為俄羅斯之東境。其東濱海藩國曰朝鮮。海中三島曰日本。又小島曰琉球。其南與中國之滇粵諸省毘連者曰安南。暹羅緬甸南掌。散布南海之中者曰南洋羣島。其西北與新疆回疆毘連者曰西域諸回部。其西南與兩藏毘連者曰廓爾喀。曰五印度。再西為阿富汗俾路芝波斯諸回部。再西南為阿刺伯回部。再西北為土耳其之東土。再西為土耳其之中土。再西為土耳其之西土。

瀛環志畧

卷一

亞細亞

土

諾所謂小亞細亞者也。北距北冰海。東距大洋海。南距印度海。即南海及西距紅海地中海黑海。是為亞細亞之全土。

按俄羅斯境土在亞細亞者十之六。而其國都在歐羅巴之波羅的海。土耳其東中兩土在亞細亞。而其建都之西土亦在歐羅巴。兩國分圖俱歸之歐羅巴。紀其實也。


# 皇清一統 輿地全圖

瀛環志畧

卷一

皇清一統輿地全圖

十三






瀛環志畧

卷一

皇清一統輿地全圖

主



皇清一統輿地全圖

亞細亞以中國為主。疆域之界畫。山川之形勢。人人知之。不煩觀。縷我。

國家龍興。良維奠基。遼瀋吉林一省。東盡赫哲費雅諸部。黑龍江一

省。北跨外興安嶺。周迴萬餘里。皆自古重譯不到之地。至若旃裘

毳幕。碁布北庭。內外蒙雪嶺天山。蟠迴西域。新疆襄平箕子之遺

封。朝鮮烏斯吐蕃之舊部。青海昔限異方。今歸典屬。輶車往復。畿赤

無殊。且又

內府圖志。考據綦詳。諸子百家。論述尤夥。非卮言之所能盡。亦非外

史之所宜言。謹摹

瀛環志畧


卷一

皇清一統輿地全圖

函

皇朝輿地全圖於卷首而說不贅焉

# 東洋二國圖



瀛環志畧

卷一

東洋二國圖

五

## 東洋二國

東洋浩渺一水直抵亞墨利加之西界數萬里別無大土附近中國者止有日本琉球二國蓋神州之左翊也西洋人海圖將日本三島列朝鮮以北係屬錯誤彼市舶罕到東洋就所傳聞者以意為之耳茲據海國圖見錄更正之

日本古稱倭奴其國在東海中平列三大島北曰對馬島與高麗南境相直一夜可達明季關白為亂者是也中日長崎土較大與浙海普陀山相直內地商船互市於此南曰薩喇馬與浙之溫台相直人強健刀最利兼產馬明嘉靖年間擾閩浙之倭寇薩喇馬也三島之外小島甚多王居長崎之東北地名彌耶穀譯曰京官皆世祿仍漢制稱刺史二千石文字同中國讀以倭音國事柄於

瀛環志畧

卷一

東洋二國

六

上將軍王不干預僅食厚糈受方物上將軍有時展觀而已歷代以來不爭王而爭上將軍故上將軍第宅時更新主而王無易姓以寬永為年號歷世不改立法嚴人少鬪爭犯法者輒走山谷自殺呼童僕鳴掌則應竟日不聞人聲好佛敬祖先得香花佳果必供佛或走獻祖墳俗尚潔街衢時時掃滌男女皆大領闊袖女加長以曳地繪染花卉禪裏帛幅著短襪曳絲履男髻鬚而雜頂額留鬚髮至腦後闊寸餘縮為髻髮長者剪之女多美髮日洗滌薰以楠沈前後挽髻插玳瑁簪其男女眉目肌理鬚華土信東方秀氣之所鍾也長崎與普陀東西對峙水程四十更六十里橫洋為一更剪渡風浪極險廈門至長崎水程七十二更由臺灣雞籠山之北



渡米糠洋。香簞洋。北風從五島門進。南風從天堂門進。前明中葉。大西洋之葡萄牙。嘗欲據其海口。又以天主教誘其土人。日本與之戰。荷蘭以兵船助日本。葡萄牙遁去。故其國與通商者。中國與荷蘭而已。所產者。紅銅。硫磺。海菜之類。節採海國。聞見錄。

顧亭林天下郡國利病書云。倭奴隣三韓而國故名韓。中倭後自惡其名。更號日本。在東南大海中。依山島而居。地方數千里。為畿五。曰山城。曰太和。曰河內。曰攝津。曰和泉。共統五十三郡。為道七。曰東海。統一百十六郡。曰南海。統四十八郡。曰西海。統九十三郡。曰東山。統一百二十二郡。曰北陸。統三十郡。曰山陽。統六十九郡。曰山陰。統五十二郡。為島三。曰伊岐。曰對馬。按海國。聞見錄。

瀛環志畧

卷一

東洋二國

七

見錄稱日本平列三大島。其遠北者名對馬島。而此所云對馬島。止統兩郡。蓋對馬本北境小島之名。後來遂以為北境總名。余嘗見日本人所作廣對馬島賦。傲選體極瑰麗。自注云。島小不足賦。故廣言之。亦一證也。曰多藝。各統二郡。地皆依水附巽。郡之大者。不過中國一村。落戶可七萬。課丁八十萬。有奇。國王一姓。歷世不易。初號天御中主。居築紫宮。其子號大材雲尊。自後皆以尊為號。傳世三十二。至彥瀲尊第四子。號神武天皇。徙太和州。強原宮。傳至守平天皇。凡四十一世。復徙都山城國。其國文武僚吏皆世官。自兩漢時始通中國。魏晉以後。得五經。佛教於中土。於是沙門之教盛行。唐貞觀間。嘗遣使往諭。宋初。遣國僧齋然。浮海貢獻。太宗賜紫衣。厚存撫之。其傳國已六十四世矣。按後漢書。倭在韓東南大海中。依山島為居。凡百餘國。自武帝滅朝鮮後。通漢。

者三十許國。大倭王居邪馬臺國。男子皆黥面。文身。男女無別。飲食以手。俗皆徒跣。云云。是。日本在漢時。并非一國。土俗與諸番島無異。其文字官制。自是兩漢通中國後。始學得之。此所云六十四世。湖之當在商周。其國王一切名號。當係通華文後。增飾為之耳。又元史世祖至元間。遣的黑由高麗往諭日本。日本不納。又命祕書監趙良弼往。日本始遣使臣。彌四郎來。然良弼再往。皆僅至其太宰府。未至王京。十一年。命經略忻都等。以舟三百。載兵一萬五千人。征之。入其國。敗其兵。矢盡而還。十八年。命范文虎。阿塔海。將兵十萬。以戰船九百。征日本。至平壺島。大風破舟。文虎等乘堅船遁還。棄十餘萬眾於山下。盡為日本所殲。得還者三人而已。後再議征討。以劉宣言而止。又明史洪武四年。日本國王良懷。遣僧祖朝來貢。七年以後。屢寇山東浙江沿海。

瀛環志畧

卷一

東洋二國

六

備之。永樂元年。國王源道義遣使入貢。賜以金印。仍寇抄不已。十七年。總兵劉江大破倭於望海埭。俘斬二千餘人。由是稍斂迹。嘉靖初。國王源義植幼闇。不能制命。羣臣爭貢。僧宗設與僧瑞佐在甯波爭坐次相仇。遂大肆殺掠。屢寇甯台。徽人汪直為倭船渠魁。奸民徐海。陳東。毛烈。並引倭為寇。沿海騷動。王忬督師至浙。薦材勇將俞大猷等。大有斬獲。既而罷去。以張經督軍務。大破倭於王江涇。因趙文華讒搆論死。倭遂犯蘇松諸郡縣。所至殘破。胡宗憲為總督。以計誘殲徐海。俘麻葉。陳東。復誘汪直內渡。斬之。賊渠畧盡。而汪直餘黨。趨閩海。大肆殺掠。屢破郡邑。宗憲尋被逮自殺。命戚繼光。劉顯。俞大猷。協力剿閩廣賊。屢



戰克捷。擒斬畧盡。倭患始息。萬曆二十年。倭酋平秀吉寇朝鮮。秀吉者。薩摩州人。販魚爲業。關白信長關白日本官名收養之。能畫策。會信長爲其下所殺。秀吉平其亂。遂居關白之位。以誘劫降六十六州。朝鮮之金山。與日本對馬島相望。時朝鮮王李昫洒於酒。秀吉謀取其國。遣其渠行長清正率舟師數百艘。逼釜山鎮。朝鮮望風潰。王奔平壤。復奔義州。倭遂入王京。剽府庫。八道幾盡沒。王復奔避愛州。遣使告急。朝議救之。前軍失利。兵部尙書石星議遣人探之。嘉興無賴子沈惟敬應募往。尋以李如松爲東征提督。襲平壤。大捷。斬級千二百餘。皆焚溺死。行長遁還龍山。官軍乘勝輕進。敗於碧蹄館。已而封貢之議起。石星主之。爲

瀛環志畧

卷一

東洋二國

九

倭所給。乃再議東征。以邢玠總督薊遼。楊鎬駐天津。倭渠清正攻南原。守將楊元棄城遁。官軍退守王京。麻貴攻尉山。垂克而遠收軍。官軍尋大潰。死者萬餘。時劉綎以川兵至。約行長爲好會。行長以五十騎來。綎伏兵欲擒之。行長馳去。無何。平秀吉死。諸倭引兵歸。劉綎等邀擊之。有斬獲。倭遂揚帆去。諸帥以大捷聞。論功有差。沈維敬以通倭棄市。云。余嘗謂日本一國。而端大海之東。制倣周漢。文同斯逸。非以寇攘爲俗者。自通中國以來。雖共球。不時至。而未嘗西向。遣一矢付之。度外何損。華威元世。祖雄心。夸肆。忽欲強以臣妾。招諭不從。威以兵力。無端舉十萬之師。坑之海外。輪臺旋悔。不謀再舉。倭人自是遂有輕中國之

心。有明一代。寇掠頻仍。馴至東南半壁。蹂躪無完宇。而朝鮮亦幾遭蠶食。皆由元人爲之禍始也。我

國家龍興。遼瀋聲靈。先播賜谷扶桑。片土舊標。有年故靜。守東隅不敢箕踞。向漢又禁絕貢舟。我之估帆。往而彼之市舶。不來二百年中。遂相安於無事。信籌邊自有良策矣。

元王輝汎海小錄云。由對馬島六百里。踰一岐島。又四百里。入容浦口。又二百七十里。至三神山。其山峻削。羣峯環繞。海心望之。鬱然爲碧芙蓉也。上無雜木。惟梅竹靈藥。松檜。杉。羅等樹。其居民多徐姓。自云皆徐福之後。海中諸嶼。此最秀麗。方廣十洲。記所云。海東北岸。扶桑。蓬邱。瀛州。周方千里者也。余按三神山

瀛環志畧

卷一

東洋二國

三

本方士夸誕之說。用以欺誑人主。果卽係日本附近小島。則當日船交海中。何爲求之不得。後漢書倭國傳。稱會稽海外有夷洲。及澶洲。秦始皇遣方士徐福。將童男女數千人。入海求蓬萊神仙。不得。徐福畏誅。不敢還。遂止此洲。世世相承。有數萬家人。民時至會稽市。王暉小錄所云。或卽夷洲。澶洲之類。至三神山之名。其爲傳會無疑也。泉州陳資齋提軍倫少時嘗附商船遊日本。言其風土甚悉。云日本人皆覆姓。單姓者。徐福配合之童男女也。徐福所居之地。名徐家村。其塚在熊指山下。云徐家村。熊指山。不知在日本何地。蓋華人入倭。自徐福始。其遺民年久繁衍。遂散布於通國。倭人通中國文字。當係君房教之特海外



遠夷輶車罕至。往來者皆商賈之流。無由探悉其原委耳。

琉球在薩喇馬之南。東洋小國也。周環三十六島。皆海中拳石。其國都之島較大。南北四百餘里。東西不足百里。舊分山南山北中山三國。後并入中山為一。故稱中山王。王尚姓。自紀載以來。一姓相傳無改。步國小而貧。逼近日本。屬役良苦。自前明世修貢職。我國家煦育寰瀛。體卹尤至。其貢舟三年一至。許其販鬻中土之貨。免其關稅。舉國賴此為生。王薨。則世子遣使請

命。例遣文臣二人為正副使。

賜一品服。持節航海。冊其世子為中山王。故其國之風土。多有能言之者。由福州之五虎門放洋。用卯針。約四十餘更。至孤米山。其國之

瀛環志畧

卷一

東洋二國

三

大島也。再東卽至其國。國分三路。曰首里。曰久米。曰那霸。由內地往收泊必於那霸。其地商賈萃集。為大都會。王居首里。山之脊也。國與中國同文。官之最尊者為金紫大夫。歲得俸米百石。以次遞殺。守土之官曰按司。一按司所轄約六七里。土饒瘠。產米絕少。以地瓜為食。即番薯。非官與耆老不食米。地無麻絮。以蕉為布。類織蒲。負戴者圍下體。餘皆裸露。海風最烈。屋瓦常飛。故構屋甚卑。簷與肩齊。王居與使館較軒昂。以大繩繫柱。而釘於地。防海風也。其士大夫以黃帛為冠。似浮屠氏之冠。大領博袖繫帶。

周海山尚書嘗使琉球。著中山志云。琉球自古未通中國。隋時有海船望見之。始知有其地。因其島嶼紆蟠。如虬龍流動之形。

故稱為流虬。後乃改為琉球字。唐宋以後。漸通中土。明初入貢。太祖賜以閩人善操舟者三十六姓。修貢職甚謹。封舟頻往。後為日本所滅。王被虜。不通音信者數十年。已而遣使來。言王被執不屈。倭送還復國。由是復修職貢。如常期云。余按琉球東洋小島。受役於倭。貧弱不能自存。惟賴貢舟販鬻。稍得餘資。以餬口。資本皆貸於日本。販回之貨。運往日本者八九。國人貧甚。不能買也。其國比之南溟。平潭差大。而不及臺灣之半。蓋滄海之一粟耳。然累世效貢職。受正朔。遂為東海藩臣。比於朝鮮。交趾。國貴自立。豈不信哉。

瀛環志畧

卷一


東洋二國

三



一〇七

# 南洋濱海各國圖



瀛環志畧

卷一

南洋濱海各國圖

三

瀛環志畧 卷一

## 南洋濱海各國

亞細亞大地。由中國之西南斜伸入海。迤邐漸削。至彭亨息力而盡。東為中國之南洋。西為小西洋。中間大國三。曰越南。曰暹羅。曰緬甸。小國一。曰南掌。四國內附多年。南掌彈丸地。不濱海。今記南洋諸國。連類及之。

越南即安南。古之交阯。秦以後。唐以前。皆隸版圖。南界之林邑。漢末。即自立為國。後稱占城。安南。至後五代時。乃列外藩。今并占城為一國。復兼真臘。北境安南。故地南境占城。真臘故地。稱曰廣。南北界廣東。廣西。雲南。三省。西界暹羅。東南面大海。都城曰順化。在富良江之南岸。衣冠仍唐宋之制。坐則席地。貴人乃施短榻。取

瀛環志畧

卷一

南洋濱海各國

三

士用策論詩賦。設鄉會科。士大夫皆好吟詠。詩或劣。不成句。而人喜為之。國分四十餘省。一省所轄。止數縣。文武官名。畧同內地。總督皆阮姓。王之族也。貴官坐堂皇。或解衣捫蝨。其簡陋如此。宴客設銅盤。置蔬肉各少許。無醢醢。以醃魚汁代之。鴉片之禁甚嚴。犯者立寘重典。東南臨海。有都會曰祿。或作祿。一作龍。一作龍。一作龍。一作龍。故都也。南境臨海。有都會曰東埔寨。真臘之故都也。閩廣商船。每歲往來貿易。別國商船入港。設防甚嚴。權稅亦重。諸國惡其煩苛。故市舶罕有至者。所產者。番木。沉香。鉛。錫。桂。皮。象牙。燕窩。魚翅之類。其入貢。由廣西之太平府入關。不由海道。安南本中國地。諸書言之。綦詳。故不多贅。



顧亭林天下郡國利病書云安南古交趾也秦開嶺南以交趾隸象郡漢武帝置交趾九真日南三郡光武中興以任延錫光為交趾九真守教耕種制冠履始知婚娶立學校女子徵側徵貳反馬援討平之建安中改為交州前五代並因之唐初改安南都護府安南之名始此五季梁貞明中為土豪曲承美所據自是迭相奪管內大亂有丁部領者平之宋乾德初上表內附詔以部領為安南郡王自是始為外夷矣部領傳子璉及璿大校黎桓篡之傳二十年至子龍廷為李公蘊所篡李氏傳八世二百二十二年至李吳昌無子女昭盛立避位于夫陳日照詔封日照為安南國王傳至日烜元世祖召使入覲不奉命大發

瀛環志畧

卷一

南洋濱海各國

三

兵討之尋遣使謝罪修職貢陳氏傳十二世凡一百七十年至明洪武二十一年陳焯為其國相黎季犛所弑季犛子替更名胡查改國號曰大虞永樂二年老撾送日烜孫陳天平至諭查迎還故主查陽奉命天平至伏兵劫殺之命朱能張輔沐晟等率兵討之生擒黎季犛黎蒼即胡查遂復安南為郡縣立都布按三司分為十五府五州後因中官馬騏貪黷誅求盜賊盜起土官黎利乘之為亂宣德元年命王通柳升討之柳升敗死王通棄地與利盟約而退宣宗由是決意棄安南黎利尋奉表謝恩命利權署國事黎氏傳十世一百十年嘉靖元年黎譔為其臣莫登庸所篡命仇鸞毛伯溫討之登庸面縛降以為安南都統

使自是來貢不絕云按莫氏之後復為黎氏所奪兼并占城為一國稱占城為廣南以大曾阮氏世守之漸成尾大我朝乾隆末年黎維祁為廣南大曾阮光平所逼棄國來奔大兵征之光平初拒命尋乞降入朝受封傳子光績為黎氏之甥阮福暎所滅福暎請更國名改封越南國王至今世修貢職焉○又天下郡國利病書云占城古越裳氏地在交州之南秦為象郡林邑縣漢末大亂功曹子區連殺縣令自號為王謂之林邑國數世後其王無嗣甥范熊代立傳子逸晉咸康二年逸死夷奴范文篡立都典衝侵擾交州進寇九德傳子佛孫胡達屢寇日南九真交州遂至虛弱至胡達孫文敵為扶南所殺大臣范

瀛環志畧

卷一

南洋濱海各國

三

諸農平其亂自立為王傳子陽邁孫咄宋元嘉二十年使宗慤檀和之討之乃遣使朝貢隋初未賓服遣劉方甯長真伐之其王梵志遣使謝罪于是朝貢不絕唐貞觀中王頭黎死子鎮龍被弑立頭黎女為王國人不服更立頭黎姑之子諸葛地為王妻以女國乃定周顯德五年王釋利因德漫遣使朝貢始自稱占城國有宋一代屢入貢時時與交州構兵乾道四年占城以舟師襲真臘入其國都慶元五年真臘大舉伐占城殺戮殆盡俘其王以歸國遂亡其地悉歸真臘因名占臘云其後國王或云真臘人或云占城恢復無可據者元世祖至元十五年遣使貢方物奉表降十九年以其國王孛由補刺者吾既內屬即其



地立省而其子補的負固不服遣峻都征之自廣州航海至占城港分遣陳仲達等由瓊州三道攻之入其國其王逃入山遣使求歸順復潛殺使臣峻都轉戰至木城下阻隘不得進遂引還後雖歸款終無順志明洪武元年遣使入貢二年遣行人吳用賜以璽書自是常修貢職迄嘉靖年間朝貢不絕云余按占城自漢末自立為國相傳千有餘年後為安南所并名其地為廣南今王安南之新阮舊阮皆由廣南藩封得國蓋江黃之不祀久矣○又天下郡國利病書云真臘一名甘字智一作甘莫惹又作滋浦只又作干波底阿俗稱東埔寨又曰吉篋本扶南屬國隋時始通中國唐貞觀初并扶南而有之唐人虬髯客傳疑是寓言扶南即狼臙臙國其先女

瀛環志畧

卷一

南洋濱海各國

七

子為王號曰葉柳柳音聊其南有微國人名混浩來化葉柳遂以為妻惡其艱教著貫頭國內效之男子下體著橫幅曰水幔其後天竺僧橋陳如有其國教國人事天神每且誦經咒故易世既久真臘重僧云唐永徽初并有鳩密富那伽乍武令僧高等國神龍以後國分為二其南近海號水真臘其北多山阜號陸真臘後復合而為一及滅占城號為占臘役屬參半真里登流明蒲甘蒲甘即細甸等國各領聚落大者十餘地方七千餘里元元貞中遣使招諭之乃始臣服明洪武永樂年間累次朝貢又云真臘城周二十里戶口二萬餘石濠廣二十餘丈屬城三十各數千戶王宮及官舍皆面東城門上有石佛頭五飾其中者以

金當國中有金塔金橋王宮正室瓦用鉛歲時相會則羅列玉猿孔雀白象犀牛於前飲食用金盤金盃故俗稱富貴真臘云又陳資齋海國聞見錄云東埔寨介居兩大之間東貢安南西貢暹羅稍有不遜水陸各得并進而征之余按據顧書則真臘在明初尚稱富盛據陳錄則真臘在國初尚存小國今則為越南之嘉定省不知何時夷滅蓋安南雖累世通貢而蠻觸相吞向無入告之說故占城真臘之亡於何時竟未有能言之者陳資齋海國聞見錄云安南以交趾為東京以廣南為西京由廈門赴廣南取道南澳見廣之魯萬山瓊之大洲頭過七洲洋取廣南外之咕啤羅山而至廣南計水程七十二更赴交趾則

瀛環志畧

卷一

南洋濱海各國

天

由七洲洋西繞北而進計水程七十四更七洲洋在瓊州府萬州之東南往南洋者必經之路中國商舶行海以望見山形為標識至七洲洋則浩渺一水無島嶼可認偏東則犯萬里長沙千里石塘偏西則溜入廣南灣舟行至此固不惕惕風極順利亦必六七日方能渡過七洲洋有神鳥似海鴈而小紅嘴綠脚尾帶一箭長二尺許名曰箭鳥行舟或迷所向則飛來導之俗傳紅毛船最畏安南不敢涉其境其人善於泗水遇紅毛夾板則遣數百人背竹筒攜細縷沒水釘於船底從遠處登小舟牽曳之俟其擱淺乃火焚而取其貨又或謂安南人造小舟名曰軋船能攻夾板船底故紅毛畏之以今考之皆不甚確蓋占



城之北海形如半月海水趨灣其勢甚急海船或溜入灣內無西風不能外出紅毛夾板入溜擱淺曾敗數舟故至今歐羅巴人涉海以望見廣南山為厲禁商船入安南內港土人皆用小船繫繩牽引乃慮其擱觸礁淺藉為嚮導即中國各港之引水船反用之以碎敵船理或有之惟汲水而釘船底則事涉香芹矣至軋船之製曾有繪圖做造者施之海面仍無異常船耳食之談施之實事往往鑿柄正不獨此一事也

澎湖有蔡進士名廷蘭者為諸生時渡海遭颶風飄至安南之廣義王從陸路遣送歸自廣義至諒山歷安南十四省所至之地必有閩粵人聚處各有庸長司其事閩則晉江同安人最多

瀛環志畧

卷一

南洋濱海各國

三

蓋不下十餘萬也所著安南紀程言之甚悉

暹羅南洋大國也北界雲南東界越南南臨大海西南連所屬各番部西界緬甸西北一隅界南掌其地古分兩國北曰暹南曰羅解暹多山艱食羅解傍水有餘糧暹乃降於羅解合為暹羅國國有大水二一日瀾滄江發源青海歷雲南入暹羅之東北境至東埔寨入海一日湄南河發源雲南之李仙把邊等河至暹北境會諸水成大河至羅解南境入海海口曰竹與由竹與入內港至曼谷都城一作萬國長一千數百里水深濶容洋艘出入大城皆在河濱最著者曰湛地門曰萬巴曬故都曰猶地亞在湄南河上游沿河一帶居民皆架屋水中華人構瓦屋樓閣相望土人所居皆蘆葦

湄南河勢緩而散田疇藉以肥沃農時掉舟耕種插秧畢而河水至苗隨水長不煩蒔溉水退而稻熟矣米極賤每石值銀三星時載往粵東售賣王衣文彩佛像體貼飛金用金皿乘象輦以閩粵人為官屬理國政掌財賦俗崇佛僧沿門募食各施精飯食餘則餉鳥雀蘭若無舉火者又信番僧符咒一種人善咒法刀刃不能傷名為其人王養以為兵衛犯事應刑令番僧以咒解之方與施刑西界有大城曰馬耳大萬南界有大城曰刺郡皆著名富庶之地國之西南有斜仔六坤宋卡大啤吉連丹丁噶奴諸番部皆其屬國所產者銀鉛錫沉香束香降香象牙犀角烏木蘇木冰片翠毛牛角鹿筋簾席佳紋席簾黃大楓子豆蔻海參燕窩海菜其入

瀛環志畧

卷一

南洋濱海各國

三

貢由海道抵粵東

天下郡國利病書云暹羅國本暹與羅解二國地古赤土及波羅利也暹國土瘠不宜耕藝羅解平行而多稼暹人歲仰給之隋大業三年屯田主事常駿等自南海郡乘舟使赤土至今訛傳為赤眉遺種元元貞初暹人嘗遣使人貢至正間暹始降於羅解而合為一國明洪武初遣使朝貢進金葉表七年九年二十年皆入貢二十八年遣內臣趙達宋福等使暹羅祭故王賜其嗣王文綺永樂元年遣使賀即位自是入貢不絕十七年遣使諭其國王俾與滿刺加平即麻刺甲十九年遣使貢方物謝侵滿刺加之罪自正統至嘉靖間入貢如常期云按暹羅自我



朝定鼎之後。修貢職尤恭謹。乾隆中國為緬甸所滅。旋恢復。故王無後。推立大僧鄭昭為長。昭中子華嗣立。詔封為暹羅國王。相傳至今焉。暹羅為蠻方大國。隔以安南。緬甸與

中國地界相接者。僅滇省邊徼之一隅。故自古無擾邊之事。而恪修貢職。自元明迄我朝。五六百年無改易。可謂不侵不叛之臣矣。

海國聞見錄云。廈門至暹羅水程。過七洲洋。見外羅山。向南見玳瑁洲。鴨洲。見昆侖。偏西見大真與小真。與轉西北取筆架山。

向北至竹嶼港口。計一百八十八更。入港又四十更。乃抵萬國都城。其水程二百二十八更。而由廈門至東埔寨。僅水程一百

瀛環志畧 卷一 南洋濱海各國 三

十三更。何以相去甚遠。蓋東埔寨南面之海。盡屬爛泥。名曰爛

泥。尾下接大橫山小橫山。是以紆迴外繞而途遠也。暹羅流寓閩粵人皆有之。而粵為多。約居土人六分之一。有由

海道往者。有由欽州之王光十萬山。穿越南境而往者。其地土曠人稀。而田極肥沃。易於耕獲。故趨之者眾也。然其國多蠱祟

信符咒。風俗政治。遠遜安南。蓋安南風隸版圖。漸被車書之化。而暹羅則終古荒服。僅達梯航。故宜其相逕庭也。

緬甸一名阿瓦。種人蠻部大國也。北界野夷。東北界雲南南掌。東

界暹羅。西南距印度海。西北連東印度。其都城距雲南省三十八程。山曰小豹。水曰怒江。一名潞江。又稱大金沙江。發源前藏。歷雲南

入緬界。潤五里。緬人恃以為險。其俗剽悍。性多詐。有室廬以居。象馬以耕。舟筏以濟。其文字。進上者用金葉。次用紙。次用檳榔葉。謂之緬書。男子善浮水。縮髮頂前。用青白布纏之。婦人縮髮頂後。事

佛敬僧。有大事則抱佛說誓。質之僧。然後決。國有五城。以木為之。曰江頭。曰大公。曰馬來。曰安正。國曰蒲甘。緬王城。王所居也。其王

稱達喇瓦底。向由雲南入貢。先是英吉利蠶食東印度諸部。將及緬界。道光四年。緬王率大兵迎擊之。英師敗績。已而英人以兵

船入內港。即怒江口。緬人奮力搏戰。為炮火所轟。而潰。英師將逼都城。王不得已議和。讓海濱曠土為英埔頭。其西南曰馬爾達。般曰達

歪。其西北曰阿喀喇。緬人時懷報復之志。尙未動也。英吉利有新開之地曰阿

瀛環志畧 卷一 南洋濱海各國 三

薩密在緬甸西北本土。東地英人從東印度跨割有之。詳五印度圖說。南掌一作攬掌。北界雲南。東界暹羅。西南界緬甸。地甚褊小。本緬甸別部。國朝內附。貢馴象。

天下郡國利病書云。緬人古朱波也。漢通西南夷。後謂之蹶。唐謂之騾。宋元謂之緬。自永昌西南山川延逸。道里修阻。因名之曰緬也。漢和帝永元五年。揮國王雍繇調重譯奉珍寶。賜以印

綬。安帝永甯元年。遣使朝賀。獻樂及幻人。唐德宗十八年。驃國王雍羌。遣其弟悉利移來朝。獻國樂。其曲皆梵音。經論。憲宗元

和元年。懿宗太利六年。皆遣使來貢。宋徽宗崇甯四年。緬甸貢白象。五年。蒲甘入貢。今緬甸王城。高宗紹興間。俱來貢。元世祖至元

王城。



中由吐番三討之後於蒲甘緬王城置邦牙等處宣慰使司明  
洪武間始歸附永樂間遣翰林張洪使其地正統間宣慰莽次  
劄黎麓川叛夷思任思機來獻益以地嘉靖初孟養思倫猛密  
思真連兵侵緬殺莽紀歲緬訴於朝委官往勘不聽嘉靖中紀  
歲支子瑞體起洞吾復有其地東破纜掌即南南取土啞暹羅  
攻景邁服車里囚思個陷罕拔號召三宣為西南雄瑞體死應  
裏繼之萬曆十三年其族弟莽灼來歸應裏怒攻之灼奔騰越  
自是屢為邊患滇南為之騷然後為暹羅所攻乃不暇內犯云  
余按滇南諸蠻部即漢之徼外西南夷種類甚繁明初置六宣  
慰使司曰車里曰木邦曰八百大甸曰老撾曰孟養曰緬甸所

瀛環志畧

卷一

南洋濱海各國

三

謂滇南六慰者也後又增此外則孟定孟良威遠灣甸鎮康置  
土府州南甸千崖隴川耿馬孟密蠻莫路江置宣撫司芒市孟  
班茶山里麻鈕元置長官司其後諸蠻蠢動屢煩征討麓川之  
役二思授首武功雖赫而勞費半天下緬甸則莽氏創霸之後  
頻歲窺邊烽燧時舉蠻人好反其性固然武鄉侯之攻心至於  
七縱七擒馴擾殆非易易也我  
朝德威遠播悉主悉臣自西林相國建改土歸流之議草薙禽獮  
經營八九年而後定由是諸蠻盡入版圖熙熙耕鑿無復帶  
牛佩犢者其南荒列外藩者僅有南掌緬甸兩國南掌弱小不  
足言緬甸則依山負海疆土遼闊我

朝定鼎之初助鋤明葉首先効順乾隆中崛強犯邊旋仍賓服今  
且間隔印度為南海之屏藩關係亦非淺鮮矣

按南荒諸蠻部安南暹羅緬甸國勢相埒歐羅巴諸國自前明  
中葉即航海東來南洋各番島處處占立埔頭三國地皆濱海  
豈無繁盛之區動其盼羨安南雖有廣南灣之險而內地商船  
時時販鬻我能往彼豈不能往暹羅則內港深通駛行甚便乃  
歐羅巴於此二國皆未嘗措意即緬甸亦僅於海濱荒曠之土  
草荆一廛而未嘗深入割據者何也若謂因其貧瘠不屑經營  
則又不然安南最貧然物產未必遜於諸番島暹羅緬甸則風  
稱豐饒謂西人概從唾棄非情也蓋西人以商賈為本計其沿

瀛環志畧

卷一

南洋濱海各國

三

海設立埔頭專為牟利若處處留兵護守則得不償失南洋諸  
島大小不同皆四面環海不相聯絡其人則巫來由番族性既  
愚懦復不知兵地形可以周覽而盡伎倆可以一試而知震以  
炮火即鳥驚獸駭竄伏不敢復動故西人坦然據之而不疑至  
安南等三國地雖濱海而境土則昆連華夏山川脩阻丁戶殷  
繁進可以戰退可以守與各島之孤懸海中者形勢迥別又立  
國皆數千年爭地爭城詐力相尙戰伐之事夙昔講求其意  
計之所至西人不能測也設強據其海口即一時倖勝能保諸  
國之甘心相讓乎留重兵則費不貲無兵則恐諸國之乘其不  
備聚而殲旃市舶雖往而埔頭不設殆為是耳



# 南洋各島圖

瀛環志畧

卷二

南洋各島圖

自此以來直抵阿墨利加  
泰西人稱為大洋海即  
中國之東洋大海也

呂宋以南各島海國  
間見錄所列地名與西  
洋人所列不同今未能  
確指姑闕所疑




瀛環志畧 卷二

瀛環志畧

卷二

南洋各島圖



印度海中國  
謂之小西洋

二五



南洋各島

坤輿四大土皆周迴數萬里惟中國之南洋萬島環列星羅棋布或斷或續大者數千里小者數百里或數十里野番生聚其間榛莽相仍自為部落其種人統名巫來由一作無又有稱為繞阿即亞武吃者一作西漢時諸番始通貢獻唐以後市舶廢集於粵東明初遣太監鄭和等航海招致之來者益眾迨中葉以後歐羅巴諸國東來據各島口岸建立埔頭流通百貨於是諸島之物產充溢中華而閩廣之民造舟涉海趨之如鶩或竟有買田娶婦畱而不歸者如呂宋噶羅巴諸島閩廣流寓殆不下數十萬人則南洋者亦七鯤珠崖之餘壤而歐羅巴之東道主也

瀛環志畧

卷二

南洋各島

三

按南洋各島泰西人所繪圖最為審細而其說不甚詳譯寫地名亦多舛異歷考諸家雜說各有短長陳倫炯海國聞見錄得其大致而方向界址大半迷誤其所云水程更數亦多舛錯如力至麻刺甲僅二三百里而陳錄云廈門至息力一百六十更至麻刺甲二百六十更大誤王大航海島逸志言噶羅巴事最詳彼僑寓其地者十餘年躬所履覽自不誣也其餘半涉影響惟謝清高海錄於暹羅諸屬國暨婆羅洲蘇門答臘兩大島縷悉言之確鑿可據蓋曾游覽其地者其餘各島則有乖有合此外史籍官書半由探輯僅可志其沿革不能據為典要今就泰西人原圖博採諸家之說又詢之泰西人及廈門曾歷南洋之老舵師參互考訂約畧言之不能保其必無

舛午也

呂宋在臺灣鳳山縣沙馬崎之東南由廈門往水程七十二更北而高山一帶望若鋸齒俗名宰牛坑即呂宋之北境也地形似魚振尾南北約二千餘里西界濱海一帶多腴壤迤東山嶺錯雜林莽深阻有火峯時時地震山內野番黑面拳毛結茅寮衣樹皮與臺灣內山生番相似地本巫來由番國前明隆慶年間歐羅巴之西班牙國遣其臣味牙蘭駕巨艦東來行抵呂宋見其土廣而腴潛謀襲奪萬歷年間以數巨艦載兵偽為貨船餽番王黃金請地如牛皮大陳貨物王許之因剪牛皮相續為四圍求地稱是月納稅銀番王已許之不復校遂築城立營猝以炮火攻呂宋殺番王

瀛環志畧

卷二

南洋各島

四

滅其國西班牙鎮以大酋漸徙國人實其地其國負東向西有內中外三湖各廣三百餘里西人建城於外湖西海之濱名曰龜豆又於城之左角曰夷逸巽者作炮臺以控扼之建城之地名馬尼刺一作蠻人稱為小呂宋而以西班牙本國為大呂宋云或謂西名呂宋故以馬尼刺為小呂宋殊不知西班牙之據此島在萬歷年間而洪武七年人貢其國即名呂宋本係客裝主名反謂主借客名蓋亦未馬尼刺帆檣集百貨流通埔頭之盛甲於諸洋土肥濕宜稻產米最多又產白糖棉花麻煙草加非可子加非似黑豆青黑色炒而煮之味苦香似茶西洋人用以代茶或沃糖酥飲之可子亦果名即藥料中詞子西洋人亦以代茶 金珠玳瑁水片燕窩海參烏木紅木○呂宋迤南大小十餘島閩人稱之曰利仔戎曰甘馬力曰班愛曰惡黨曰宿霧曰貓霧煙曰網巾礁



腦一作蚊巾焦老泰西人稱之曰撒馬曰馬隣得曰把拉灣曰泥

鄂巴曰尼末巴地曰西武曰馬望曰邦閑曰多羅來地曰民答那

我皆巫來由土番族類天時與呂宋相倣中國商船由呂宋分往

貿易所產鹿鹿牛皮筋肺蘇木烏木降香速香黃蠟燕窩海參之

類島番愚蠢無蓄積須中國布帛以蔽形大半歸西班牙管轄

海國間見錄云呂宋下接利仔友水程十二更至甘馬力二十

一更至班愛十更至惡黨二十三更至宿霧二十四更至網巾

礁腦五十八更其圖附於四海總圖以意為之殊不足據泰西

人所繪圖呂宋迤南大小凡十餘島而其地名與聞見錄全不

同蓋以閩音譯番語已多恍惚而以漢字書番語尤言人人殊

瀛環志畧 卷二 南洋各島 五

且歐羅巴人多隨意命名不盡係各島本名今就各島地名詳

譯之甘馬力似即馬隣得班愛似即把拉灣惡黨似即泥鄂巴

宿霧似即西武貓務煙似即馬望最南一島較大海國間見錄

稱為網巾礁腦似即歐人所云民答那我海島逸志稱為潤仔

低者究亦未知其是否也

邵星巖大薄海番域錄云明洪武七年呂宋同瑛里諸國貢方

物萬曆四年助討通賊有功尋入貢取道福建先是華人販呂

宋既夥畱居潤內名歷冬積至數萬人萬曆三十年有妄男子

張幾稱呂宋機易山生金豆時礦務方殷詔遣漳州郡丞王時

和偕幾往勘是時呂宋已為西班牙所據原文誤為佛郎西今更正之守土

者乃西酋時和至曾陳兵問山各有主何得越採且金豆生何

樹時和不能答曾自是疑華人以兵圍而坑之死者二萬餘僅

餘三百人華船遂絕迹臺官奏劾幾坐誅時和愕死三十三年

遣商船論呂宋無生事西酋亦悔前事復厚遇華人估帆稍稍

復集其後畱者復成聚云又海國間見錄云呂宋原係土番今

為是班牙即西據轄漢人娶本地土番婦者必入其教禮天主

堂用沖水畫十字於印堂名曰澆水焚父母神主老終歸天主

堂空坑土親膚而埋之富者納費較多寡埋堂上基內貧者埋

牆外三年一清棄骸骨於深潤所有家費天主妻子作三股均

分土番善為蠱母傳女而不傳子如牛皮火腿咒法縮小如沙

瀛環志畧 卷二 南洋各島 六

令人食而脹斃又有蝦蟆魚蠱之類彼能咒解從口躍出成盆

晨鳴鐘為日方許開市午鳴鐘為夜闔市寂閉不敢往來昏鳴

鐘為日燈燭輝煌如晝夜半鳴鐘為夜以閉市肆晝夜各以三

時辰為日為夜日方午而禁夜亦異俗也又黃毅軒可呂宋紀

畧云呂宋為干絲蚶一作干干絲蚶在海西北隅地多產金銀

產於南北亞墨利加墨西哥秘魯與和蘭即荷勃蘭西即佛紅

毛即英相鼎峙俗呼為朱仔又曰實斑牛即西人之狀貌類

中華帽高角衣狹袖飲食器用畧同於和蘭閩廣所用銀餅肖

其國王之貌而鑄者也閩海之東南數千里即呂宋在焉東界

萬瀾潤仔低大海西界閩廣大海南界蘇祿大海北界萬水朝



宗大海計其地三千里有奇南北東西相去各千餘里此不甚南北長而東西狹土番戶口不下數十萬餘金珠玳瑁水片燕窩海參烏紅木魚鹽之利甲於海外前明時干絲納據其國設巴禮院即天主教行禮拜之教巴禮者番僧也天主教之師以瀝水為令不祀先祖所奉之神惟吠氏而已即耶穌瀝水者以巴禮王即羅馬教王之尸煎為脂膏將奉教之時令人自誓其身為吠氏所出巴禮將脂水滴其頭故曰瀝水娶妻謂之牽手親迎之日教父即教師以鍊環男女之頸每七日至院乞巴禮改罪日看彌卅有女尼院專司財賄以供國用其院封鎖甚嚴男子絕跡日用所需之物壁上用轉斗傳進女子有欲進院修行者悉入焉余按呂宋一島

瀛環志畧 卷二 南洋各島 七

在閩海東南距臺灣不遠地形風土俱相似臺灣頃為荷蘭所據鄭氏奪還遂歸版籍呂宋稍遠西班牙以詭謀取之倚為外府者數百年矣陳黃兩書所記大半皆天主教規乃西班牙本國之俗其以一晝夜為兩晝夜相傳為防變而起惟種蠱之說秦西向無此事當是土番舊俗耳地近閩疆漳泉兩郡之民流寓其地者不下數萬其例內地客民每年輸丁票銀五六兩方許居住當臺灣未開之前呂宋之米時時接濟閩中近廈門通商呂宋之米復至較之珍奇玩好其為利益也大矣近年諸番來粵東者多聚於馬尼刺米刺佛耶西道會來通市其船皆會集於此蓋其地為七洲洋之東岸轉柁北行即入

長沙頭門而抵粵東諸番倚為東道之逆旅薪水糧糧皆取辦於此故近來小呂宋之繁盛為南洋諸島之最

又黃毅軒呂宋紀畧云乾隆年間西北海之英黎即英吉利猝造甲板船十餘直溯呂宋欲踞其地化人巴禮納幣請解英黎乃返余按化人巴禮即天主教之師泰西人皆奉天主教每用其人以解紛然英人之遠肯收兵亦非信巴禮之說也西班牙之有呂宋已二三十年不特市舶流通資為外府而國勢之所託儼然東西兩境若為英人所奪則干絲臘亡其半矣彼即中衰究係西洋大國命脈所關勢且背城借一英國雖強豈遂能滅此朝食割土於重譯之外延敵於門閭之間非計也故呂宋之不

瀛環志畧 卷二 南洋各島 八

可奪英人亦明知之特脅之以威力待其哀請而罷兵使之畏我德我不敢抗我顏行然後我之市舶東來即以彼土為東道主而彼不敢斬噶羅巴之已奪而復還亦同此意皆情勢之顯然可見者

由呂宋正南視之有大島踞於巳方曰西里百一作失勒密士島又作細利密分四支如人臂股汶港尤為奧曲北一支曰馬拿多一作芒拿東向兩支曰多羅曰摩尼南向一支曰馬加撒一作芒佳風又作芒荷加錫又作芒加薩蘭於南北兩支各立埔頭建砲臺戍以兵馬加撒土番在巫來由中別一種類稱曰燕吉或作武吃氏剛猛好武技擊最精男女自童時即習之一人持短刀可敵數十人每揚帆上海賊望而引避聞



其名無不辟易者。其種人散布諸島國。人皆重之。獲利則歸養。其親舊本噶羅巴屬國。魁處馬甲撒山中。自稱營喏。如爪亞之稱巡。欄不受荷蘭約束。與盟約為兄弟而已。又一種番名武敦剛。猛類武吃氏。居於馬甲撒之南。諸島物產與呂宋畧同。幼布海參最良。按燕吉在島番中別一種類。泰西人稱為南海之傑。其人武勇。且知孝養。得此輩數萬。可以固圍。可以創霸。而惜其僻處荒島。無奇傑以為之倡也。果有其人。泰西諸國何遠能得志於南洋耶。

呂宋羣島之西南。婆羅洲之東北。有小國曰蘇祿。接連三島。島俱渺小。而戶口頗繁。本巫來由番族。悍勇善鬪。民多習為海盜。西班牙既據呂宋。欲以蘇祿為屬國。蘇祿不從。西人以兵攻之。反為所敗。其海產明珠玳瑁。山產蘇木。荳蔻。降香。藤條。又產鸚鵡。戶口繁多。地磽瘠。食不足。糴於別島。廈門商船時由呂宋往貿易。由厦至蘇祿水程一百一十更。海國聞見錄謂蘇祿與吉里問文萊共一土係屬。錯誤今更正之。

薄海番域錄云。蘇祿分東西峒。有三王。明永樂十五年。東王巴都葛巴以答刺西王麻哈刺吒葛刺麻丁峒王。巴都葛巴刺卜。並率其屬三百餘人。來貢方物。各給印誥封為王。東王歸次德州卒。命葬以王禮。令其子都麻舍還國。畱次妃葛本甯。次子安都祿等守墓。歲支米七十五石。萬曆中裁。其五世孫安守孫奏復之。我

瀛環志畧 卷二 南洋各島 九

朝雍正六年遣使至閩貢方物。求內附。以其險遠。未之許也。余按蘇祿南洋小國。獨噶嗎慕義。累世朝宗。當西班牙荷蘭虎視南洋。諸番國咸遭吞噬。蘇祿以拳石小島。奮力拒戰數百年。來安然自保。殆番族之能自強者哉。

由呂宋西南視之。有大島居於午位。曰婆羅洲。一作浮泥。又作蟠尼阿。其島周迴數千里。大山亘其中。曰息力。由東北而西南。山之西畔。極北曰文萊。一作極南。曰吉里問。一作吉里門。又作吉里地。閩又作蔣里問。山之東畔。極南曰馬神。一作馬辰。與吉里問接壤。馬神之北曰新當。再北曰卸敖。再北曰戴燕。再北曰萬喇。一作萬瀾。又作萬。即又稱萬老高。再北曰崑甸。再北曰巴薩。極北曰古達。由古達逾山而西北。即文萊界矣。自古達至新當。

瀛環志畧 卷二 南洋各島 十  
皆馬神所屬。故諸書統稱馬神。而諸部之名不著。山之西廣莫荒涼。其海濤瀧壯猛。多礁石。舟楫不能近岸。故土番南惟吉里問。北惟文萊。餘皆人迹不到之穢墟。即兩國亦貧甚。多駛船海中。為盜山之東。物產憤盈。海道通利。又產黃金。銍石。攻礦之工所萃。故丁戶殷盛。部落較多。諸番皆巫來由種類。沿溪築屋。為居。身不離刀。精於標鎗。見血即斃。性喜銅鉦。器皿皆用銅。上衣曰沙郎。下衣曰水幔。貧者以布。富者用中國雜色絲綢。裂條縫集為文采。俗從回教。七日禮拜。不食猪肉。巫來由皆從回教。回教興於小西洋之亞刺伯。故傳染於南洋。山中別有獠人性克頑喜殺。然不敢出山肆擾。諸部舊多噶羅巴屬國。荷蘭船初到此洲。入馬神內港。欲據其地。番畏炮火。避入深山。以毒草



清水上流。荷蘭受毒狼狽去。後卒於海濱立埔頭四。曰八三。即巴  
 日本田。即馬曰萬郎。即馬曰馬生。即馬繁盛遠邇。鳴羅巴。又海盜  
 時時鈔掠。貿易益微。息力大山。金礦極王。別有銓山。產銓石。銓石  
 卽金剛石。俗名金剛鑽。有五色。金黑紅者爲貴。歐羅巴人。以爲至  
 寶。大如碁子者。值數萬金。細碎者。釘磁之工用之。近年粵之嘉應  
 州人。入內山開礦。屯聚日多。遂成土著。初娶豫女爲婦。巫來由女  
 生齒漸繁。乃自相婚配。近已逾數萬人。擇長老爲公司理事。謂之  
 客長。或一年或二年更易。丁口稅銀。由客長輸荷蘭洋船。號頭金。  
 也。船稅亦荷蘭征收。番會聽荷蘭給發。不敢私征。每歲廣潮二府有  
 數船入港貿易。獲利甚厚。諸國土產。金與銓石之外。鉛錫水片豆

瀛環志畧 卷二 南洋各島 七

寇胡椒海參燕窩玳瑁翠羽鳥木檀香藤條。由廈門往文萊。取道  
 呂宋。往吉里問馬神者。取道七洲洋。由茶盤轉而東向。  
 薄海番域錄云。婆羅一名文萊。負山面海。俗素食念佛。禁食猪  
 肉。犯者論死。有東西二王。永樂四年。各遣使來朝。相傳國王閩  
 人。隨鄭和往。因畱鎮焉。王府旁有漢字碑。番人嫁娶。請王金印  
 印背印篆文獸形。云是永樂間賜。王髡髮裹金繡巾。腰插雙劍。  
 步行親屬稱班奇蘭。嚴重亞於王國。有木石二城。因長腰與築  
 岸禦潮。拆石城以爲塘。止存木城云。又云吉里地。即吉滿山  
 皆旃檀。至伐爲薪。田肥宜穀。氣候苦熱。午必俛首向水坐。差可  
 避瘴。男女斷髮短衫。俗以立爲尊。不知年歲。無文字。以石片記

事滿千石。則總於繩爲一結。訟者兩造各牽羊。曲者沒之。蓋猶  
 有結繩束矢之風焉。又明史淳泥於古無考。此淳泥當是馬神宋太宗  
 時始通中國。洪武三年遣使自泉州往。閱半年始抵其國。時其  
 國爲蘇祿所侵。頗衰耗。又素屬閩婆。即鳴閩婆人間之。其王意  
 頗中阻。使者諭以閩婆久臣服中國。爾畏閩婆。反不畏中國耶。  
 乃遣使奉表進貢。洪武八年命其國山川附祭。福建山川之次。  
 永樂三年入貢。封爲國王。賜印勅。其王率妃及子女弟妹陪臣。  
 泛海來朝。十月王卒於館舍。帝哀悼。賜祭葬。諡曰恭順。其子襲  
 封。定爲三年一貢。又乞封其國之後山。即息力勅封爲常甯鎮  
 國之山。御製碑文勒其上。洪熙後貢使漸稀云。又謝清高海錄

瀛環志畧 卷二 南洋各島 七

云古達。息力大山西北一國也。王居埔頭。有荷蘭人鎮守。由埔  
 頭買小舟沿西北海。順風約一日。到山狗王。地爲粵人貿易耕  
 種之所。由此登陸。東南行一日。到三畫。又名打喇鹿。其山多金  
 內山有名喇喇者。有名息邦者。又有烏落新泥。黎各各皆產金。  
 而息邦所產爲佳。巴薩在古達南。沿海順風約日餘。可到地不  
 產金。華人居此者。惟事耕種。所轄松柏港。產沙藤極佳。亦有荷  
 蘭人鎮守。崑甸在巴薩南。沿海順風約日餘。可到海口。有荷蘭  
 人鎮守。買小舟入內港。行五里許。分爲南北二河。國王都其中。  
 由北河東北行約一日。至萬喇港口。萬喇水自東南來會之。又  
 行一日。至東萬力。其東北數十里。爲沙喇蠻。皆華人淘金之所。



萬喇在崑甸東山中。由崑甸北河入萬喇港口。舟行八九日可至山多鑽石。亦有荷蘭人鎮守。戴燕在崑甸南。由崑甸南河溯流而上。約七八日至雙文肚。即戴燕境。又行數日至國都。乾隆末粵人吳元盛刺殺番酋。國人奉以為主。元盛死。子幼。妻襲其位。至今猶存。卸敖在戴燕南。由戴燕逆流而上。約七八日可至新當。在卸敖南。由內河行約五六日程。馬神在極南。由崑甸沿海順風行。五六日可至疆域。較大產鑽石。金藤。席。香。木。豆。蔻。海參。佳。紋。席。程。程。有。荷。蘭。人。鎮。守。蔣。里。閣。即吉里閣在馬神西。順風約二日可到。疆域稍狹。土產與隣國同。文來。即文萊在極北界。幅員甚長。中多亂山。絕無居人。土番亦無來。由種類喜中國布帛。土

瀛環志畧

卷二

南洋各島

三

產燕窩。冰片。沙藤。胡椒。云。余按婆羅洲為南洋第一大島。西洋人稱為蟠尼阿。即淳泥之轉音。唐高宗總章二年入貢。謂之婆羅國。宋太宗太平興國年間入貢。謂之淳泥國。明初入貢。又分吉里地。閩文。萊。淳。泥。等國。蓋淳泥為此島總名。宋明之稱淳泥者。乃馬神疆域。較大力能駕諸部之上。故以全島之名為國名。猶大亞齊之獨稱蘇門答臘耳。陳資齋海國聞見錄。謂息力大山。踞其中。外吉里。閩文。萊。朱。葛。焦。喇。馬。神。蘇。祿。五國。環而居之。今考蘇祿在馬神東北。乃海中三小島。與此土不連。朱葛焦喇。別書不見其名。惟王柳谷海島逸志云。荷蘭所推甲必丹。見有大雷珍蘭武直迷朱葛焦諸稱。呼似陳錄所云。誤以官

名為國名矣。又陳錄謂吉里閩在文萊之北。與諸書皆不合。自是舛誤。海島逸志云。山噶羅巴往馬神道。經吉里門。日晡電光里門。其在馬神西。可知。謝清高海錄紀此洲最詳。惟歷數諸國。俱云某國在某國東南。揆之西洋圖。地形方向。尙有舛誤。今據圖稍更正之。荷蘭人於南洋各島。遍設埔頭。諸番皆奉命。惟馬神獨能毒流。退師。可云鋒。倏。然。卒。為。西。人。所。制。番。族。固。無。遠。謀。也。息。力。大山。夙稱金穴。近年粵東流寓。幾於成邑。成都。尙有虬髯其人者。創定而墾拓之。亦海外之一奇歟。

山廈門。趨七洲洋。用未針。指西南。過昆侖。越茶盤。歷水程二百八十更。而抵噶羅巴。或作噶刺巴。又稱噶喇吧。噶羅巴者。南洋大島。西

瀛環志畧

卷二

南洋各島

四

界與蘇門答臘隔一海港。峽口曰巽他。峽兩岸即舊港地。為泰西諸國東來必由之路。其國東西橫亘約千餘里。背負南海。以火燄山為屏障。左曰萬丹。即古蘭。右曰井裏汶。其北兩山夾峙。如巷。曰狹內。狹南諸與羅列。有王與夾板。與東馬。與白與草。與等名。謂之與城。歷與城而抵其國門。戶重壘。形勢甚壯。舊本繞阿。番部。或稱爪亞。又與城皆繞阿之轉音。乃巫來由別種。元史稱揭哇。明史稱瓜哇。哇。即亞之轉音。揭哇。又爪之轉音也。其王稱巡欄。居於山中。地名覽內。各部之渠。稱史丹。王官有雙柄伽頭。山海美色。葛內外淡板。公杯。突公。勃。龍。諸名。目史丹官屬。有把智淡板。公把低等名。自古為南洋名國。附近諸番。島半歸統轄。前明中葉。荷蘭兵船避風入巴地。見其土地雄闊。可建城池。乃入萬丹。餌以卑辭。



厚幣借海岸片土修船。又以設立木棚蔽內外為請。繞阿貪利從之。遂襲破萬丹。并取巴地。繞阿震懼不敢爭。荷蘭與盟約。每歲納租銀。其沿海一帶之地。并歸荷蘭統轄。巴王由是為荷蘭所制。惟命是從。王死。王子非荷蘭命不得立。除授官職。亦聽命於荷蘭。荷蘭鎮以大曾於海口。建城邑。設市廛。街衢方廣。貨物充物。閩廣之海船大小。西洋之夾板。每歲往來。以千百計。遂為南洋第一都會。其地當赤道之南。炎熱異常。隆冬如內地之初夏。花木四時相續。春雨秋旱。歲止一收。而土田肥沃。米價極賤。閩廣之民流寓其地者。以數萬計。荷蘭擇其賢能者為甲必丹。歐羅巴官名。如中國州縣之類。專理華人詞訟。近年因華人把持行市。禁新到唐人。不准留住。諸洋番稱中國為唐。

瀛環志畧 卷二 南洋各島 五

人猶西北諸部之稱漢人。其部落并裏汶之東南。為北膠浪。北膠浪之東北。有大埔頭。曰三寶壠。商船萃集之地。富盛不亞巴城。再東為竭力石。又極東臨海為士里莫。東北臨海為外南旺。巴城以西之萬丹。古稱閩婆國。荷蘭據其濱海之地。立埔頭。繁盛亞於三寶壠。巴地所產者。米穀白糖。加非燕窩。近年學種閩茶。味頗不惡。但不甚多。附近諸番島。以噶羅巴為總匯之地。貨物畢萃於斯。天下郡國利病書云。瓜哇國。即噶羅巴。古訶陵也。一日閩婆。又名蒲家龍。在真臘之南海中洲上。其屬國有蘇吉丹。打板打。網底等國。即史丹淡板公把低之訛誤。以官名為國名。有文字。知星歷。宋元嘉九年。始通中國。後絕。至唐貞觀二十一年。與墮和羅墮婆登。皆遣使入貢。天

寶中自閩婆遷於婆露伽斯城。宋淳化五年。入貢。元時始稱瓜哇。世祖大舉兵征之。不克。後命將史弼破其國。擒會長以歸。尋放還。明洪武二年。遣行人吳用錫以璽書。隨入貢。封其王昔里八達刺為國王。三佛齊。即舊港。其屬國也。八年二月。令三佛齊瓜哇山川之神。附祭於廣東山川之次。後分為東西二國。永樂年間。並遣使朝貢。東王尋為西王所滅。天順四年。復入貢。自是不可考。云。按噶羅巴為南洋大國。劉宋時。即通中土。西包三佛齊。東括數十番部。篋篋迭貢。儼然海外雄藩。乃一旦為荷蘭所給。門庭戶牖。悉滋他族。奄然陸伏。幾於陳蔡。不美彼西人炮火之威。抵禦固非易易。然馬辰以毒流獲全。蘇祿以血戰自保。

瀛環志畧 卷二 南洋各島 六

而噶羅巴乃獨以貪餌釀禍。繞阿素點。竟智出兩部下。乎荷蘭據巴國海口。年月不可考。大約在明之中葉。自是粵海無瓜哇片帆矣。鯨鯢既已橫絕。鰥鵠無效。順之路可哀也夫。海島逸志云。噶刺巴海中澤國。由廈門往。水程二百八十更。四季皆如夏候。炎風暴厲。觸之生疾。河水甘涼。浴之卻病。米價平賤。人民富庶。貨物皆各處屬國輻輳。以赴貿易者。非巴中所產也。地水爪亞之國。和蘭。即荷。所居邊海之地。十不得一。爪亞之人數。百倍於和蘭。俗尚質樸。人恐姦。性柔怯。畏懼和蘭。聞其名。則合掌。主僕之分最嚴。見主人必屈膝合掌。名曰占巴。春雨後。田水平滿。拋種於田。不煩耘鋤。自然暢茂。米價極賤。其米粒長。



而嫖內地不及也。家計生產皆婦人主之。生女為貴。贅婿於室。生男則出贅於人。室如亭。四面開窗。無椅榻。席地而坐。地皆鋪席。施帷帳。男女盤膝雜坐。見客以握手為禮。俗重檳榔。客至則捧以為敬。食不設箸。以手掬之。啖牛肉。不食猪犬。女子不施脂粉。不簪花。衣無領。裙而不袴。男子則衣有領。鬢簪花。身有袴。百花四季不凋。百果相續不絕。味皆美於閩廣。蔬菜價倍於雞鷄。綠米價賤。人不肯竭力灌園也。巴國以風為鬼。以水為藥。凡感冒風熱。浴於河則愈。產婦及小兒出痘。皆浴於河。雖盛暑不敢露體。扇風臥必密室。施帷帳。少冒風則病立作。所以窗戶皆用玻璃。取不透風而光亮也。以上皆言瓜亞土俗自明初迄今四百餘載。閩

瀛環志畧

卷二

南洋各島

七

廣之人。而寓者生齒日繁。富商大賈。獲利無窮。因納賄和蘭。求其推舉為甲必丹。華人角口鬪毆。皆質之甲必丹。長揖不跪。自稱晚生。是非曲直。無不立斷。至犯大罪。并嫁娶生死。皆申報和蘭。水旱來往。皆給與文憑。使不得濫相出入。人命惟重。見證見證。必斬雞發誓。方敢花押定案。所以殺人往往無償。無敢作見證。故也。巴城地勢平坦。人居稠密。出鑿光。城市皆為園地。而和蘭園林相接。聯絡數十里。其中樓閣亭臺。橋梁花榭。曲盡精巧。每七日一禮拜。於巴刻入寺。講經念咒。拱聽者或低首垂淚。似能感發人心也。者約半時許散去。是日不理事。入園林遊賞。盡一日之歡。此言荷蘭制度風俗○三寶壠。一作三巴國所屬之區百貨

所聚買帆。湊集甲於東南。諸洲北膠浪營森。其左右翼也。嘮嘮。昨其倉廩也。堤塢二胞。終其門戶也。所轄上下數百里。土田肥沃。人民殷富。為諸邦之冠。天氣清涼。人少疾病。遠勝巴國。米價尤賤。市無饑者。風俗質樸。道不拾遺。夜不閉戶。和蘭有官駐守。職名鵝蠻律。又有杯突大寫財。副新蟻。喇噠等屬。分司各事。凡推華人為甲必丹。必申詳其祖家。巴中甲必丹。權分而利不專。三寶壠甲必丹。則利權獨擅。煮海為鹽。丈田為租。皆甲必丹有也。故得膺其職者。則富逾百萬矣。禮拜寺有高樓。鐘聲四達。丑未之初。為一點鐘。至十二點而止。未正丑正。為二點鐘。則家家閉戶而臥。路無行人。是一日如兩日。一世如兩世矣。此與呂宋同俗或泰

瀛環志畧

卷二

南洋各島

六

西本有。○北膠浪。巴國東南之區。面山背海。列屋而居。南北限以柵。華人萃處其中。俗呼為八芝蘭。番言街衢厦屋連延。危樓高聳。西向者為甲必丹第。有園數畝。樹木亭沼。幽雅特絕。迤北有澤海。真人祠。柵門外為泊面。番言稅館徵往來之稅。隨河而北。約半里為外泊面。稽查偷漏。又四五里。達於海口。有聖墓極靈。舟楫往來。必具香楮拜禱。浪中有和蘭官杯突駐守。有城有兵。城與八芝蘭隔一河。城之南園林深邃。傑閣巍峩者。杯突居焉。浪中為巴國山僻之地。景色天然。不假修飾。夕陽在山。漁歌互答。有似楚江音節。河水不深不淺。菱芡縱橫。彷彿蘇杭景象。俯仰之間。皆足以遊目騁懷者也。○萬丹古稱閩婆國。在巴國之西。瓜亞



所居地方寬廣。土田肥沃。貨物繁多。人皆富裕。所產佳絨。席幼。席為南洋最。和蘭據海邊。招集諸夷。往來交易。納其租稅。史丹爪亞處於山中。居第極壯麗。第外築一小城。和蘭官十二人。兵百人居之。名曰護衛史丹。實鈐禁之。史丹歿。其子非和蘭命。不得立也。爪亞四處散處。雖有國主。惟知畏和蘭而已。○噶羅巴。漳泉之人最多。有數世不回中華者。語番語。衣番衣。食番食。讀番書。不屑為爪亞。而自號曰息空。南字其寄居未久。及時往來者。服食語言仍華俗。和蘭專設甲必丹。以理華民。為甲必丹者。皆漳泉人。或以此致富。則滿載歸來。不復往。漳人陳應代其堂兄。映為三寶壠甲必丹。番官淡板公往候之。隊馬數百。整肅而

瀛環志畧 卷二 南洋各島 充

來至柵門外。則下馬入門。則膝行而前。懸危坐。俟其至。乃少欠身。爪亞之敬畏和蘭如此。王柳谷居噶羅巴十年。贊於甲必丹。某之家。巴國境內。遊歷殆遍。故言。其事最為詳。數今。摘錄數則於此。按海南饒沃之土。以噶羅巴為最。荷蘭以詭謀取之。遂致富強。明季甲板四出。侵擾閩浙。實倚巴地為巢穴也。其後漸以措克為事。華人販鬻其地者。許置貨。不許攜銀貨。又產於別島。不能時至。華船守候過時。歸途多遭颶颺。以此咸懷怨咨。嘉慶年間。荷蘭王為佛郎西拿破命所逼。走死荒野。國為佛郎西所并。英吉利恐佛人之兼有巴地也。嘉慶十四年秋。以舟師逼巴城。荷蘭曾堅守不下。逾年復往。以天炮環攻。荷蘭曾遁去。地遂為英

所有。除荷蘭苛法。商旅便之一時。轟傳荷蘭為英吉利所滅。即此事也。後數年。拿破命敗。荷蘭復國。其王以卑禮厚幣。請於英。英復以巴地還界之。然英船視巴地為東道。主荷蘭不敢迂也。噶羅巴。迤東諸島。接連由東南而東北。士里莫之東曰洛莫。一作洛莫之東曰麻里。一作巴里。又作。洛莫差大。麻里亞之兩島。土腴宜稻。平曠萬頃。產米最多。麻里之東曰松墨窪。一作松墨窪。地如港灣。環曲。地差大於洛莫。松墨窪之東南曰薩爾溫。一名松墨窪。地如松墨窪之半。薩爾溫之東北曰佛理與。一作佛力士。東西狹長。地倍於薩爾溫。佛理與之東。有六小島。接連相望。六小島之南。有大島曰池間。一作池間。及名胎墨爾。池間。譯言東也。地倍於佛理與。東畔有葡

瀛環志畧 卷二 南洋各島 子

葡牙埔頭。西畔為荷蘭埔頭。曰古邦。以上諸島。皆與噶羅巴東西。平列。巔巔相望。由池間而北。隔海面數百里。曰武羅。一作武羅。埔頭地如池間。三之一。人戶甚稀。亦無物產。武羅之東曰西蘭。一作西蘭。西蘭地倍武羅。野番不解耕作。食沙穀米。沙穀米非穀也。番島有浸水中。樹汁凝水。底成白粉。取粉曬乾。為細末。噴水滾成小珠。形如粟米。煮粥。味淡而滑。似合中陳粟米。南洋島番多以此為糧。武羅西蘭之直北。有大島曰摩鹿加。一作士羅洛。又作蘇洛。又荷蘭所屬。地形如人臂。股與西里百相似。物產頗豐。摩鹿加之西南曰安門。一作安波。荷蘭大會所駐。統轄羣島。海口設炮臺。東北曰萬他。有火山。多地震。摩鹿加之西。有小島曰德拿。其地天時和煦。園林極佳。惟火山一發。遍地皆灰。燼。西蘭之東南。有吉甯暴。暴諸島。摩



鹿加之西南有亞羅地門律兩島皆野番所居不屬荷蘭大抵自洛莫至池間一帶舊皆噶羅巴屬島迤北諸島亦有歸噶羅巴統轄者自噶羅巴受制於荷蘭諸島半屬荷蘭埔頭其人皆巫來由亦有野番野番面黑色或毛髮螺拳醜惡如夜叉又或深目高準口闊至耳男女皆穿耳而大其孔瑣以杙所產者胡椒燕窩海參魚翅海菜玉果藤條蘇木玳瑁頂紅龍涎香丁香木香豆蔻血竭之類

考泰西人書諸島之外尚有提議義羅羅巴治安等名與王志謝錄所云各島地名多不同大半皆噶羅巴舊屬爾時南洋東畔無顯國獨噶羅巴早通中土其聲名足以自耀又疆宇恢闊

瀛環志畧 卷二 南洋各島 三

市船通行諸島之影附警疎亦勢所必然自噶羅巴遭荷蘭禁鋼號令不行於四境諸島亦隨風而靡半為荷蘭役屬大者且不能抗况於培樓之瑣瑣當前明隆慶年間葡萄牙船初抵摩鹿加之德拿與西班牙船適相值爭此羣島互相攻擊至泰昌年間荷蘭以兵船逐兩國遂專擅摩鹿加羣島之利然所售之丁香豆蔻等物不足補防守之費又禁絕他國貨船不准入口故獲利甚微而羣島亦終古荒僻也

摩鹿加之東南有大島曰巴布亞又名那吉尼形如昂首之龜幅員亞於婆羅洲其地自古未通別土草木蒙翳深昧不測野番從林中跳出黑面拳毛見人則攫而裂之爭啖其肉別有一種似巫來由

者稍通人性道光十三年荷蘭人初開港道調兵防守商船偶有至者物產未詳

按巴布亞為東南洋極大之島荒穢與澳大利亞同即新荷蘭既失澳大利亞又復經營此島蓋亦不得已而思其次也

由七洲洋過昆命越真臘之爛泥尾趨暹羅內海之西岸地形如股由西北伸於東南中有連山如脊山之東有小國七極北界暹羅者曰斜仔一作南為六坤一作再南為宋卡一作再南為大畔又作大呢再南為吉連丹一作吉蘭丹再南為丁噶奴一作丁加奴皆暹羅屬國極南為彭亨俱由小真與向西分往自廈門往水程一百五六十更不等諸國皆巫來由番族裸體挾刃下圍幅幔所產者黃

瀛環志畧 卷二 南洋各島 三

金鉛錫翠毛燕窩海參藤條冰片惟丁噶奴胡椒最良貿易難容多艘闖販販洋之船時有至者

通考四裔門云斜仔在西南海中男子服短衣布幔跣足持刀女子穿花色衣被絲幔曳淺拖鞵土產燕窩番錫象牙綿花距廈門水程一百八十更六崑即六坤與斜仔接壤風俗物產相同又謝清高海錄云宋卡一作宋蘭音謂脚為卡讀如克上聲或作宋勝

在暹羅南由暹羅陸路十七八日水路東南順風五六日可到疆域數百里土番名巫來由俗不食猪與回回同鬚止雷下領出入懷短刀自衛男多資於女家俗以生女為喜為可以贅婿養老也分資財男女各半死無棺槨葬樹樹下不墓不祭王傳



位必以嫡子。庶子不得立。君臣之分甚嚴。王雖無道。無敢覬覦者。婦人穿衣褲。男子唯穿短褲。裸其上。有事則用寬幅布縫兩端。製於右肩。名沙耶。民見王及官長俯而進。至前。蹲踞合掌於額。立而言。平等相見。唯合掌於額。山多古木。產孔雀翡翠珊瑚象牙胡椒檳榔椰子銀鐵沈降速伽楠諸香海參魚翅。歲貢於暹羅。大呢即大在宋卡東南。陸路五六日。水路順風。一日夜可到。連山相屬。疆域亦數百里。風俗土產與宋卡畧同。海艘所泊處。謂之淡水港。其山多金。產金處名阿羅帥。中華人多往淘金。國屬暹羅。歲貢金三十斤。吉蘭丹即吉在大呢東南。由大呢沿海順風約日餘可到。疆域風俗土產畧同。大呢亦無來由種類。

瀛環志畧

卷二

南洋各島

三

為暹羅屬國。王居在埔頭。埔頭洋船灣泊處也。種芳竹為城。加以木板。僅一門。民居環竹外。王及官長俱席地而坐。裸體跣足。無異居民。出則有勇壯數十擁護而行。各持標鎗。見者咸躡身合掌。王過然後起。王日坐堂。酋長咸入朝環坐。有爭訟者皆持燭一對。俯捧而進。王見燭則問何事。訟者陳訴。命傳所訟者進質。王決以片言無敢不遵者。如是非難辨。則令汲水令兩造出童子各執一人。至水旁。延番僧誦咒。以一竹竿外遇道令兩童各執一端。同汲水中。先浮起者為曲。又有探油鍋法。盛熱油滿鍋。取一鐵塊投鍋中。番僧誦咒。令兩造探而出之。曲者手爛。直者手不傷。居民皆奉佛甚虔。土番居埔頭者多。操小舟捕魚。早出暮歸。居山中者或耕種。或樵採。唯剝大樹皮圍其下體。無屋宇。穴居巢處。土番俱善標鎗。能

擲殺人於數十步外。爭訟有不能決者。常自請於王。願互用標鎗。死無悔。王亦聽之。但酌合理直者先標。不中則聽彼反標。願鮮有不中者。凡獻餽食物。皆以銅盤盛之。戴於首而進。飲食不用箸。以右手拊取。重右輕左。若以左手取食物相遺。則怒為大不敬云。其地有雙戈呀喇頂等處。皆產金。中國每歲至此者數百人。閩人多居埔頭。販賣貨物。種植胡椒。粵人多居山頂。淘取金沙。納稅按船大小。大者洋銀五六百枚。小者二三百枚。謂之斃頭金。其釀酒販鴉片開賭場稅亦特重。賭賍追比最力。各國多如此。食鴉片則吉蘭丹為甚。其土產唯檳榔胡椒為多。以金三十斤為暹羅歲貢。按此篇言巫來由土俗最詳故錄之以例其餘丁加羅即丁在吉

瀛環志畧

卷二

南洋各島

三

蘭丹東南。由吉蘭丹沿海約日餘可到。疆域風俗與上數國畧同。而富強過之。各國俱喜養象。丁加羅尤甚。聞山中有象。先以木柵圍之。由遠而近。俟其饑困。然後用馴象勾致之。土產胡椒檳榔椰子沙藤冰片燕窩海參油魚鮑魚帶子蛤類似江瑤柱紫菜孔雀翡翠速降伽楠諸香胡椒最佳。甲於諸番。歲貢暹羅安南及據鳴羅巴之荷蘭。彭亨在丁加羅南。由丁加羅陸路約二日可到。疆域風俗民情均與上數國同。亦產金。而麻姑所產為最。土產胡椒冰片沙穀米。由彭亨東南行約日餘。復轉西入白石口。順東南風約日餘。則到舊柔佛。又薄海番域錄云。彭亨一名彭坑。土沃候溫。宜稼饒蔬果。俗尚佛。殺人血祭。明洪武中貢方物。



余按明初入貢諸國有彭亨之名而丁噶奴以北六國無聞或因夙事暹羅荒服附庸不能自達於中朝耳真臘盛時常并有媽密富那迦諸國當卽斜仔至彭亨一帶其人裸體與真臘同俗蓋皆猥賤國之種類也

過昆侖入白石口轉而西北卽彭亨至斜仔一山之背地形如帶與蘇門答臘相對彭亨之南當地盡處餘衍成內港有地曰息力一作實力一作息辣舊名柔佛英人名爲新嘉坡一作生嘉波又作新奇坡又作星隔伯兒舊本番部嘉慶二十三年英吉利有之其地當南洋小西洋之衝爲諸海國之中市英人免稅以聚商船西洋夾板每歲來者以數百計閩粵販洋之船南洋諸國之船亦時至帆檣林立東西之貨畢萃爲南洋西畔

瀛環志畧

卷二

南洋各島

五

第一埔頭每年交易之貨價數千餘萬圓英人築樓館以居戶口無多閩廣流寓萬餘人巫來由土人與燕吉客民居於海濱由息力循海岸而西北約三百餘里曰麻刺甲卽滿刺加一作麻六甲本暹羅屬國前明時葡萄牙據之旋爲荷蘭所奪嘉慶年間地歸英吉利立爲埔頭繁盛不如息力麻喇甲西北海中有一島曰檳榔嶼英人稱爲新埠內有高峯山水清勝居民五萬四千閩廣人居五分之一亦歸英吉利管轄英有大曾駐息力總理三埠貿易之事息力麻刺甲檳榔嶼三埠所產者金銀鉛錫犀角象牙胡椒玉果降香蘇木燕窩翠毛佳絨席之類厦門至息力水程一百七十三更息力至麻喇甲七更由麻喇甲過紅毛淺有國曰沙刺我亦巫來由番部山中皆黎人裸

體跣足與巫來由不相爲婚沙刺我之西北曰吉德亦名後山與宋卡毘連土產亦相類閩粵商船間有至此兩國貿易者過此則緬甸南界接連印度諸部稱爲小西洋內地舟楫不能往矣

明史柔佛近彭亨一名烏丁礁林萬歷間其酋好構兵鄰國丁機宜彭亨屢被其患華人販他國者其人多就之貿易時或邀至其國中覆茅爲屋列木爲城環以池無事通商於外有警召募爲兵稱強國焉字用芟草葉以刀刺之見星方食歲序以四月爲首死者皆火葬產犀象玳瑁片腦沒藥血竭之類又謝清高海錄云舊柔佛在彭亨之後陸路約四五日可到疆域亦數百里風俗與彭亨等國畧同爲巫來由種類本柔佛舊都後

瀛環志畧

卷二

南洋各島

五

柔佛土番徙於別島故名舊柔佛嘉慶年間英吉利以此爲海道四達之區墾闢土地招集商民薄其賦稅數年來海船輻輳樓閣連亘遂爲勝地番人稱其地爲息辣閩粵人謂之新州府亦或作新嘉坡土產胡椒檳榔膏沙藤紫菜檳榔膏卽甘瀝可入藥云余按息力舊本荒僻小番部無足輕重自英吉利創設埔頭遂爲東西扼要之地英船東來至息力如歸故土行李之乏困咸取辦於此近年中國盛傳新奇坡意其爲廣土衆民洋洋大國而不知固海濱一廬也○又天下郡國利病書云滿刺加國古哥羅富沙也漢時常通中國後爲頓遜所羈屬其國傍海山孤人少受役屬於暹羅每歲輸金爲稅明永樂三年遣



使入貢十年命太監鄭和等統官兵二萬七千餘人駕海船四十八艘往諸番島開讀賞賜封西利八兒達刺為國王九年七月嗣王拜里迷蘇刺率其妻子陪臣九百四十人來朝京師厚加賞賜道歸嗣後朝貢不絕云按滿刺加即麻喇甲本暹羅屬國明初其王率妻子陪臣傾國來朝慕義可謂至矣後為葡荷兩國所據今為英吉利埔頭其或僅據海口如瓜哇之拳蟄抑竟瑣尾流離如柔佛之他徙不可得而知也

息力之南噶羅巴之西有大島橫亘西南曰蘇門答臘一稱亞齊長約二千餘里中有大山綿亘曰萬古屢迤東窪下海潮侵漲林莽穢雜道路難通迤西平坦有大河縈帶地產沙穀米沙簾胡椒檳榔

瀛環志畧 卷二 南洋各島

血竭冰片安息香山產黃金銅鐵硫磺河產金沙海產龍涎香獸多水馬狒狒熊虎木多椰子處處成林部落之大者曰大亞齊在此島北面之西界西洋人稱為亞珍唐宋以來朝貢中國封蘇門答臘國王者即此國也大亞齊之東曰錫里再東曰雷里與息力隔海相對大亞齊西盡海轉而至島之南面曰小亞齊小亞齊迤東曰蘇蘇再東曰叭嚕再東曰茫古魯即萬古屢或作南勃利茫古魯之東盡海轉而北入峽口峽之兩岸曰舊港本名三佛齊王居峽西此東界部落之大者出峽口而西北又至島之北面海中別一嶼曰崗甲再西北別一嶼曰龍牙龍牙之西即新柔佛與雷里又相望矣諸部皆巫來由番族荷蘭英吉利分據海口各立埔頭近年英

吉利以此島埔頭易麻刺甲遂全歸於荷蘭其大埔頭在南界者曰巴唐即叭嚕在東北界者曰巴隣傍巴隣傍即舊港之西岸東岸為噶羅巴之西界峽口闊止數十里名曰巽他歐羅巴諸國東來必取道於此是為南洋之總門戶若由麻刺甲息力轉折而來則間道也○崗甲嶼又名丁機宜產鉛錫最多荷蘭設官權稅閩廣販洋之船時往貿易又巴唐之西南有小島曰呢士一作亞尼亦產鉛錫大亞齊西北海中有孤島曰尼古巴拉野番所居以椰子魚為糧不穀食

天下郡國利病書云蘇門答臘或稱須文達那古大食也大宋初與占城通貢南唐遂達於宋淳化四年船主蒲希密獻方物後與賓

瀛環志畧 卷二 南洋各島

童龍國來朝自是入貢不絕尋分部領勿斯離疑即彌羅巴跋布疑即那姑兒疑即茫古魯等國洪武年間蘇門答臘入貢永樂三年酋長宰奴里阿必丁隨中官尹慶朝貢封為蘇門答臘國王宣德六年復來貢十八年復請封其子為王初太監鄭和奉使至蘇門答臘僞王蘇幹刺方謀奪王位怨使臣賜不及已邀擊官軍和擊敗之迫至南勃利國即茫古魯并其妻子俘之以歸永樂十三年斬於行在諸番震服蘇門答臘西去一晝夜程有龍涎與每至春間羣龍交戲於上遺涎則國人駕獨木舟採之以為香一舫值其國金錢一百九十二枚嘉靖年間奉旨採辦每舫給銀一千二百兩又云三佛齊國古干陀利也居真臘瓜哇



瀛環志畧

卷二

南洋各島

无

之間。其王號詹卑。其人多姓蒲。梁天監元年入貢。後絕。唐天祐  
 初。始通中國。宋建隆初。遣使朝貢。淳化年間。為閩婆所侵。役  
 羅巴之南。渡後入貢不絕。明洪武二年。遣行人趙述使其國。隨  
 入貢册封為三佛齊王。後為瓜哇即嗎所廢。以其地為舊港。仍  
 立頭目以司市易。永樂三年。遣行人譚勝受千戶楊信等往舊  
 港。招撫廣州逃民梁道明。五年九月。太監鄭和使西洋諸國。還  
 至舊港。遇海賊陳祖義等。與戰。殺其黨五千餘人。擒祖義。械送  
 京師。斬於市。諸番皆服。是年。舊港頭目施進卿。遣使入貢。詔以  
 進卿為舊港宣慰使。自是朝貢不絕。云。又謝清高海錄云。三佛  
 齊及蘇門答臘島。在新柔佛島對渡。舊柔佛為西人所據。其土  
 番徙新島在息力南周圍

瀛環志畧

卷二

南洋各島

三

由大亞齊山盡處北行。少西。順風約十一二日。至尼古巴拉海  
 中小島也。土番皆野人性情淳良。日食椰子熟魚。不食五穀。按  
 此島去蘇門答臘甚遠不在九國之中小亞齊一名孫支。在大亞齊西。由大亞齊西  
 北行。經山盡處轉東南。行約日餘。可到疆域亦數百里。風俗與  
 大亞齊同。土產金胡椒椰子冰片沙藤。蘇蘇在小亞齊南。水路  
 順風約二日。可到疆域風俗土產與小亞齊同。以嘴在蘇蘇東  
 南。水路順風亦二日。可到疆域風土與上畧同。以嘴之西。有島  
 峙海中曰呢士。即亞又名哇德。民似中國。而小常相擄掠販賣。  
 出入持標鎗。不食五穀。惟以沙穀米合香蕉煎食。其地產鉛錫。  
 按此亦附近小島與蘇門答臘一土不連。茫古魯在以嘴東。水路順風約五六日可  
 到沿海都邑。近為英吉利所奪。國王移居內山。按英人近年以  
 蘇門答臘所得地易麻刺甲於荷蘭。即此  
 錄所云茫古魯與舊港也土產海參丁香豆蔻胡椒椰子檳榔。  
 舊港即三佛齊也。在茫古魯東。疆域稍大。由茫古魯東南行。約  
 三四日。轉北入葛刺巴峽口。即巽他順風行半日。方出峽。峽東  
 西皆舊港疆土。峽西迤北大山。名綱甲。即綱甲又別峙海中。產  
 名丁機宜鉛錫山麓有文都。上盧寮。下盧寮。新港等處。文都有英人鎮守。  
 權錫稅。近年已歸荷蘭國王所都在峽西。由文都對海入小港。西行四  
 五日。方至兩岸居民。俱臨水起屋。頗稱富庶。土產金錫沙藤。連  
 香降香胡椒椰子檳榔水鹿龍牙。在舊港北。由峽口水路到此  
 約三日。由此北行日餘。則至柔佛。西北行日餘。則至雷里。龍牙



多木大者數十圍中華洋船至此多換桅柁凡雷里錫里皆巫  
來由種類惟大小亞齊及蘇蘇民稍淳良餘俱克悍以盜劫為  
生云余按蘇門答臘一土古名婆利洲為西南洋極大之島  
明人不知為何地以隔海萬里之大食即今波斯一帶當之誤之甚矣  
此島部落之名尚有層檀黎伐之屬時代變更譯音轉易莫可  
得而稽近時惟謝氏海錄最為詳確西界雖分數部而以大亞  
齊為綱領獨擅全島之名稱蘇門答臘國固南洋大部也東界  
之三佛齊為自古朝貢之國自瓜哇廢其國為舊港漸以式微  
前明中葉以後荷蘭人據沿海要口營立埔頭諸番族為所鈐  
制不復能自列於王會亦可慨夫

瀛環志畧

卷二

南洋各島

三

蒲海番城錄云丁機宜地近柔佛屢為所侵始通姻好幅員最  
狹曾眾僅千餘以木為城王居列鐘鼓樓與華人舟中互市歲  
首十月蓋奉瓜哇正朔云按海國聞見錄謂丁機宜在呂宋羣  
島之南與萬老高芒佳虱同居已方頃余在廈門晤老舵師陳  
姓往來西南洋最熟曾屢至丁機宜詢其方向則云過昆侖用  
未針與噶羅巴相近所言與海國聞見錄異甚以為疑近閱薄  
海番城錄云丁機宜地近柔佛乃知即蘇門答臘東境之崗甲  
與老舵師之言信不誣矣其地產錫故廈門販洋之船時往買  
易

泰西人萬國地理書云南洋諸島沿海土人皆巫來由番族黑

面長髮頭纏布赤足腰圍花紋布穿襯插短刀多駕船捕魚或  
為海盜皆奉回教內地有黑面土番居山穴樹林如中國苗  
獠之類中國流寓甚眾廣州嘉應州之人為工潮州之人為農  
泉州漳州之人為商獲利多者為泉漳人閩粵游手謀生無策  
往往自投絕域不復首邱或娶番婦生子女遂化為異族

按南洋一水萬島環生補巽維之空缺其種人名為巫來由黑  
醜無慧蠢蠢如豕鹿漢平南越後諸番稍通貢獻唐宋兩朝番  
舶乃聚於粵東明成祖好勤遠畧特遣詔使遍歷各番島開讀  
於是諸番島嗚嗚內嚮效共球者數十族如呂宋瓜哇婆羅洲  
蘇門答臘之類幅員差廣可稱為國亦有蕞爾洲島戶不盈千

瀛環志畧

卷二

南洋各島

三

仰慕威靈搆拳求覲遂至漁獠蓋戶概錫王封雖云盛事抑未  
免夸而濫矣中葉以後歐羅巴諸國航海東來蓄謀襲奪番族  
愚懦不能與校於是呂宋羣島遂為西班牙所據而蘇門答臘  
以東大小數十島處處有荷蘭埔頭萬厝後諸番國朝貢之舟  
無復抵香山壑者以為遠人之日久寢疎而不知其流離瓊尾  
地已為他族有也自泰西據南洋諸島城池堅壯樓閣華好市  
塵繁富舟楫精良與前此番族之荒陋氣象固殊而中土之多  
事亦遂萌牙於此英吉利諸埔頭在息力以西南洋諸島非其  
有也然國勢既強西班牙荷蘭非其匹敵莫敢近視其視南洋  
諸島若己有之修船炮備糧糧諸島皆奉承唯謹不必涉息力



以西而後能辦應也。昔之南洋為侏儻之窟宅。今之南洋乃歐羅之逆旅。履霜水至豈伊朝久事勢之積漸。蓋三百餘年於茲矣。

天下郡國利病書云。漢時朱崖之南有都元。謀離夫甘都盧黃支等國。近者十餘日。遠至四五月。程前後遣使入貢。多異物。武帝時遣應募人與其使俱入海。市明珠璧琉璃奇石異物。賫黃金雜繒而往。所至國皆廩食為糶。蠻夷賈船轉送致之。夷珍貨流入中國。始此桓帝時扶南之西天竺即五印度大秦即羅馬等國皆由南海重譯貢獻而賈。胡自此充斥於揚粵矣。其貢玳瑁象齒古貝樹名可沈水香琥珀獸則馴象元犀猩猩之屬多不可殫紀以作布

瀛環志畧

卷二

南洋各島

三

三國時吳孫權遣宣化從事朱應中郎康泰使諸番國。其所經及傳聞有數百國。康立傳記謂之扶南土國曰蒲蘆中曰優。曰橫。跌曰諸。簿曰北。擲曰濱。那專曰烏。又曰斯。調曰林。陽曰馬。五洲曰薄。歎洲曰耽。蘭洲曰巨。延洲晉武帝平吳後入貢者林邑扶南之外曰牟羅曰橫蘆曰未利曰卑離曰滿都曰纏余曰沙樓曰蒲林皆昔所未聞者也。劉宋蕭齊時入貢者有師子毗加梨即孟加干陀利即三佛齊開蒲即嗎羅巴婆黃阿羅陀即麻刺甲阿羅單婆使狼牙修即錫蘭盤盤頓遜等十餘國。梁武帝時通貢者有婆利即蘇門答臘丹丹即萬羅巴毗騫即嗎羅巴等國。隋時入貢者益多有投和邊斗之屬。其貢大抵金寶香藥等物。亦有獻佛牙舍利者。皆奉婆

羅門教故也。余按以上諸番國。歷代異名。重譯之餘。展轉淆訛。莫可究詰。其為今何國。何島。有可考。有不可考。大約近者為南洋諸番。遠者至五印度而止。海外諸番之通貢。實萌芽於兩漢。歐羅巴諸國市舶之來粵。則始於前明。今南洋印度諸島國皆變為歐羅巴諸國。埔頭地則猶是也。而主者非其舊矣。○又天下郡國利病書云。置嶺南市舶使。始於唐。以嶺南帥臣監領之。設市區令。蠻夷來貢者為市。稍收利入官。貞觀十七年。詔三路船司。番商販到龍腦沈香丁香白荳蔻四色。並抽解一分。武后時。都統路元叔冒取番貨。物價不勝忿殺之。後於廣州設結好使。每番船至。則審事宜。以聞。貞元間。嶺南奏請移番市於安

瀛環志畧

卷二

南洋各島

三

南。陸贄在中書奏議駁之。宋開寶四年。置市舶司於廣州。以知州兼使。通判兼判官。淳化二年。始互抽解二分。凡諸番之在南海者。並通貨。以金錫緡錢易其犀象珊瑚琥珀珠璣鐵器皮玳瑁瑪瑙水晶番布烏楠蘇木香藥等物。太宗立權務於京師。詔諸番貨至廣州。非出官庫。不得私相貿易。其後又詔非珍奇物。皆聽市。後又詔他物之良者。亦聽市。其半大抵海舶至。徵其什一。而給其餘價值。歲入以數十萬計。縣官經費有助焉。熙寧中。廣州市舶歲課虧折。或以為市易司擾之。故令提舉。究詰以聞。於是務官呂邀以開取番物。劾免。後以言者罷。杭州市舶諸司皆隸廣州。元豐三年。中書言。廣州已修定條約。宜選官推



行詔廣東以轉運使孫迥罷帥臣兼領大觀元年復置廣浙福建三路市舶提舉司三年詔番商欲往他郡者從船司給券毋雜禁物其防船兵仗給之建炎二年詔市舶多以無用之物枉費國用取稅權自今以後篤耨香指環瑪瑙貓兒眼睛之類博買前來及有虧番商者重治其罪惟賜臣寮象笏犀帶可者量令輸送紹興二十七年詔廣南經略市舶司察番商假託入貢隆興中臣寮以象齒珠犀比他貨最重請十分抽一罷博買乾道初臣僚又言福建廣南貨有市舶宜置官提舉淳熙二年詔廣州市舶除權貨物他物之良者止市其半宋自南渡後經費困乏一切倚辦海舶歲入固不少然金銀銅錫錢幣亦用是漏

瀛環志畧

卷二

南洋各島

五

泄外境而錢之泄尤甚法禁雖嚴好巧愈密其弊卒不可言元世祖嘗立提舉司尋罷至英宗治平六年遣使權廣東番貨乃復立之聽海商貿易歸征其稅順帝元統六年罷廣東提舉二司至正二年復立廣東提舉司申嚴市舶之禁三年總海商貿易歸征其稅明制諸番例三年一貢世見來王准互市立市舶提舉司以主諸番入貢應入貢番先給以符簿及至三司與合符視其表文方物無偽乃送入京若國王王妃及陪臣等附至貨物抽其十分之五其餘官給之直暹羅瓜哇二國免抽其番商私賣貨物入為市易者悉封籍之抽其十二乃聽貿易然閩廣奸民往往有椎髻耳環效番衣服聲音入其船中導之為奸

因緣鈔掠傍海甚苦之初洪武三年頒科舉詔於安南占城以其通中國文字也海外諸番自是朝貢不絕永樂改元遣行人聞良輔內臣侯顯鄭和等招諭西南諸番暹羅瓜哇以至西洋古里諸國諸番貢獻畢至奇貨重寶前所未有乃命內臣監鎮市而設公館於城南水濱後改建於郡西仙湖永樂四年置懷遠驛於廣州城蜆子步翔房百二十間以居番人隸市所提舉司然內官總貨提舉官吏惟領簿而已成化安治之世貢獻至者日盛有司惟容其番使入見餘皆停畱於驛往來設宴管待方許入城衣服詭異亦有帽金珠衣朝霞者老稚咸競觀之椒木銅鼓戒指寶石溢於庫市番貨甚賤貧民承令博買多致

瀛環志畧

卷二

南洋各島

五

富正德十二年西海夷人佛郎機亦稱朝貢突入東莞縣大銃迅烈震駭遠近殘掠甚至炙食小兒詳佛郎西圖說海道奉命誅逐乃出境自是海舶悉行禁止例應入貢諸番亦鮮有至者貢船乃往漳泉廣城市貿蕭然非舊制矣於是兩廣巡撫都御史林富稽祖訓會典奏上得允於是番船乃通焉嘉靖中諸夷市舶抵粵內臣乘船至澳遣知縣有廉幹者往船盤抽提舉司官吏亦無與焉余按南海諸番之通中國自漢始而嶺南之權番稅自唐始唐以前之通番不過求珍異之貨誇王享之儀其重在貢而唐以後則權其貨稅以益國用其重在市由唐至明中葉閩廣之所謂番船者不過南洋小西洋諸島國非今日歐羅巴之



番船亦無所謂鴉片毒物也。然南宋時已有錢幣漏泄之憂。前明時已有奸民假冒之弊。始所謂勢有必至。理有固然者歟。古聖人不貴異物。不寶遠物。豈惟謹節制度。杜侈汰之萌。而防患未然之意。亦可謂深切著明矣。顧亭林海外諸番貢市一篇。頗為詳核。故採錄之以資考鏡焉。

海國聞見錄云。南洋為閩粵商船數至之地。海道有數險。舟師皆謹識之。最險者為南澳氣。古稱落際。在南澳之東南。隔水程七更。嶼小而平。四面挂脚。皆亂石。生水草長丈餘。氣吸四面之流。船不可到。則隨溜吸閣。不能返。氣之北。浮沈皆沙。垠約長二百里。盡北處有兩山。名曰東獅象。與臺灣沙馬崎對峙。隔洋

瀛環志畧

卷二

南洋各島

三

面水程四更。名沙馬崎頭門。氣之南。續沙垠至粵海。為長沙頭。南隔斷一洋。名曰長沙門。又從南首復生沙垠。至瓊海。萬州曰萬里長沙。沙之南。又生亂石。至七洲洋。曰千里石塘。皆南洋極險之地。海船遭風。或舟師迷誤。犯此數險。鮮不敗者。長沙一門。西北與南澳西南與平海之大星。適成鼎足之勢。門南北約關五更。粵之番船商艘。往東南洋。呂宋。文萊。蘇祿。數國貿易者。皆從長沙門出。北風以南澳為準。南風以大星為準。惟江浙閩三省。往東南洋者。從臺灣沙馬崎頭門。過而至於呂宋。諸國。西洋夾板。從昆侖七州洋之東。萬里長沙外。過沙馬崎頭門。而至於閩浙。日本以取弓絃直洋。中國往南洋者。以萬里長沙之外。渺茫無

瀛環志畧

卷二

南洋各島

三

所取準。皆從沙內。粵洋而至七州洋。汪洋一水之中。生此界限。亦溟渤之戶闕也。○七州洋之南。有大小二山。屹立澎湃。稱為昆侖。或作崑屯南洋必由之路。山產佳果。幽寂無人。蹟神龍所宅。昔荷蘭失臺灣。歸途過昆侖。欲建立為埔頭。龍與為患。荷蘭以大礮與龍鬪。久之。多發狂病。斃乃揚帆去。至噶羅巴。而舟覆。康熙四十五六年。荷蘭又圖昆侖。就海濱營埔頭。夜輒為鱷魚所吞。又為廣南海盜所劫。殺乃仍虛其地。凡中國洋艘過昆侖。天時極晴。雲瞥見黑雲一點。蜿蜒搖曳。狂風立至。頃刻而止。俗呼鼠尾龍。雲白者風尤烈。日兩三作。或四五作。舟人焚雞毛。蠟壳。使龍觸穢氣。而遠避。過昆侖。即無此事。○由昆侖而西南。有小島曰茶盤。為西南洋分路之地。往息力者。西行。往噶羅巴者。南行。

天下郡國利病書。謂真臘民色甚黑。號為昆侖。唐時所謂昆侖奴也。今考南洋諸島。番面色大半皆黑。不獨真臘為然。且黑有甚於真臘者。至昆侖二山。乃南洋小島。蛟龍之宅。寂聞無人。地雖近真臘。而非其所屬。何以黑民獨稱真臘。而又以昆侖為名。耶。蓋昆侖為南洋往來必由之路。海船皆耳熟其名。遂相沿為諸番之通稱。而因以為黑民之別號。唐代正當真臘強盛之時。嘗役屬南洋諸番。故又以昆侖專屬之。真臘也。宋史稱波斯入貢其從者日深。體黑謂之崑崙奴。波斯黑奴當是印度人。似又指西域之崑崙矣。







東南洋各島

澳大利亞一名新荷蘭。在亞細亞東南洋巴布亞島之南。週迴約萬餘里。由此島泛大洋海。東行即抵南北亞墨利加之西界。其地亘古窮荒。未通別土。前明時西班牙王遣使臣墨瓦蘭。由亞墨利加之南。西駛再尋新地。舟行數月。忽見大地。以為別一乾坤。地荒穢無人迹。入夜燐火亂飛。命名曰火地。又以使臣之名。名之曰墨瓦蠟尼。加西班牙人以此修航海之能。亦未嘗經營其地也。後荷蘭人東來。建置南洋諸島。展轉畧地。遂抵此土。于海濱建設埔頭。名之曰澳大利亞。又稱新荷蘭。旋為佛郎西所奪。佛人尋棄去。最後英吉利得之。因其土地之廣。堅意墾闢。先流徙罪人於此。為屯

瀛環志畧

卷二

東南洋各島

聖

田計。本國無業貧民。願往謀食者。亦載以來。他國之民。願受一塵者。聽之。地在赤道之南。天氣炎燥。海濱多平土。山嶺高者。不過三十丈。江河絕少。雜樹荒草。灌莽無垠。鳥獸形狀。詭譎與別土異。土番黑而披髮。裸體食草根山果。結巢於樹。予之酒。一飲即醉。臥泥中。如豕負塗。男役女若畜。怒輒殺之。英人流寓者。墾海濱濕土。種麥與粟。草肥茂。收羊孳乳甚速。毛毳細軟。可織呢絨。現居民不足十萬。每年運出之羊毛。值銀二百餘萬兩。百物未備。日用之需。皆從別土運往。英人於東境海口。建會城曰悉尼。居民二萬。捕鯨之船。時時收泊。貿易頗盛。而流徙之戶。水莠民飲博。蕩侈相習。成風流。寓良民亦頗染其俗。南境濱大南海。英人新徙人戶。已成聚落。

西境亦創置一屋。在江河之濱。北境近赤道。天氣酷熱。產海參海菜。燕窩。英人派陸兵駐守。以防侵奪。計澳大利亞一土。英人四境所耕收。僅海濱片土。不過百之一二。其腹地則與草叢林深。昧不測。土番如獸。老死無往來。不特風土無從探訪。即山川形勢。亦無由乘軺歷覽。英人謂此土雖荒曠。而百餘年後。當成大國。南海諸番島。當聽役屬。如附庸也。近命名曰南亞細亞。

按澳大利亞。即泰西人職方外紀所云。天下第五大州。陳資齋海國聞見錄。繪四海總圖。東南隅有片土。畧曰人迹不到處。即此土也。地之廣莫。為東南洋諸島之冠。野番獸處。亘古昏蒙。西班牙既探得亞墨利加兩土。侈心不已。展轉西尋。忽見此土。以

瀛環志畧

卷二

東南洋各島

聖

為搜奇天外。而不知地球圓轉。已至亞細亞之東南洋也。荷佛為鷓蚌之爭。旋以窮荒棄之。英吉利惜其廣土。極意經營。欲收效於數百年之後。亦可謂好勤遠畧哉。

班地曼蘭島

一作地

在澳大利亞之東南隅。相隔一港。地週迴約

七八百里。土脈膏腴。五穀薯芋蔬菜。皆可種植。英人開墾已及大半。居民務農之外。兼捕鯨魚。沿海港口甚多。貿易頗盛。

擗曰倫敦兩島。一名新西蘭。在班地曼蘭之東。幅員倍之。有高山。插霄漢。頂上終年積雪。燦白如銀。雪水消融。由澗壑分流而下。可以灌溉。土番黑醜。畧知人事。有酋長。酋頑好殺。獲仇則燻食其肉。藏其頭以示武。其土極腴。宜麻穀蔬菜。英人買其土。徙戶口墾種。



之漸以耶蘇教化其土人捕鯨之船時至以鳥鎗殺獲易食物土  
番健有力鯨船間僱為水手然不過數人多則恐其生變嘗有鯨  
船僱土番數十駛海中土番忽羣起盡殺船戶炙其肉而啖之○  
兩島別有佛郎西割據之士

東南洋番島甚多泰西人就其形似隨意命名有新危尼新耳蘭  
新撒羅門希伯等名或有會長成部落或野番散處野番皆黑面  
矮身與獸無別或有別土人登岸則磨牙吮血攫而食之

大洋海羣島

白澳大利亞迤東迤北抵南北亞墨利加之西界謂之大洋海水  
程數萬里島嶼甚稀間數千里乃一遇其島四圍多磐石亦生珊

瀛環志畧

卷二

東南洋各島

三

珊瑚海船近輒擱淺故不能遍及大洋海風浪最恬泰西人稱為太  
平海各島天氣晴和水土平淑產椰子芋薯果實足供採食土人  
織草為衣以蔽形性馴而慧異於迤西島番之悍獷近年耶蘇教  
之徒遊其地而誘進之多有信從易俗者島名不能盡悉英人因  
敘事而命以名○一日會羣島言其入耶蘇之會也島之大者曰  
阿他害地附近羣島甚多以此島為綱領其地山水秀淑風景宜  
人土人篤信耶蘇教廣設學館又阿歪希者亦大島屬島甚多有  
國王嘉慶年間舉國奉耶蘇教學館尤繁其王頗諳武備常有師  
船巡海○一日友羣島言與耶蘇教為友也土人形貌端正有心  
計耶蘇教之徒時遊其地誘化之有加羅林者屬島最多內有一

族頗通藝術商船偶過其地亦停泊貿易○一日賊羣島言其非  
善類也各島多西班牙所據西人以天主教誘勸之士人不肯從  
遂至互相攻擊交關不已○此外小島尚多名不盡著土產惟椰  
子人戶甚少未與他國往來○道光二十二年佛郎西新開馬耳  
其殺羣島風土未詳

按四海之中惟大洋海最大即中國之東海直抵亞墨利加之  
西境四萬里茫茫巨浸別無廣土即島嶼亦晨星落落據泰西  
人所傳述各島風土人類遠勝於亞細亞南洋諸島然帆檣偶  
涉率畧未詳蓋由東道往水程當十餘萬里由西道往須歷南  
亞墨利加之鉄耳聶離途既險遠又無利可牟故商船罕有至

瀛環志畧

卷二

東南洋各島

四

者惟捕鯨之船專騫大洋無所不到於諸島數數遇之乃得稍  
通聲聞耳









# 五印度舊圖



米利堅  
人繪

瀛環志畧

卷三

五印度舊圖

三




瀛環志畧

卷三

五印度舊圖

四





五印度

緬甸之西兩藏之西南有廣土突入南海形如箕舌所謂印度者也。漢書謂之身毒又稱天竺六朝以後釋典皆稱印度今稱溫都斯也。一音作痕都又作析都又作興都身毒印度溫都痕都析都與都本一音以華文譯之遂印度有五地形入海之處為中南兩印度東印度東界緬甸北連後藏北印度雪山拱抱東為後藏之邊徼西為西域之札布即布哈爾西印度跨印度河與西域之阿富汗俾路芝接壤東西約五千餘里南北約七千餘里境內各水二東曰安額河發源西北東南流至孟加拉雅魯藏布江從東北來會之入海印度人稱為聖水佛書所謂恒河者也西曰印度河發源後藏之阿里西行繞雪山之背至北印度之西北界轉而南

瀛環志畧

卷三

五印度

五

行北印度諸水會之至信地入海此外西有逆埔他答地諸河南有莪他惟利吉那加惟利諸江北境倚雪山南境沿海有連山環繞中間數千里皆平土西北界有沙磧餘多沃壤迤北寒暑適平迤南近赤道炎歊特甚土宜五穀宜棉花宜鶯粟花山水之所產者金剛鑽黃玉寶石青精瑪瑙明珠珊瑚藥材香水海味又產獅子馴象大鳥其人多黑面青唇迤北稍皙迤南黑甚以白布裹頭故粵東呼為小白頭國地本雕題種類貴人額塗日光花卉或以粉點面如星庶人額刺紋會臂務烙卦畫形皆雕題遺俗也男裸上體耳掛環下著圍裙女加上衣穿耳鼻掛金銀環臂脛俱帶釧鐲人習技巧金漆雕鏤皆精絕所製玉器薄如蟬翼其地為佛教所從出故

自古著名自後漢通中國唐時屢入貢趙宋時為回部所侵割元起北方括地西南太祖征服西北印度世所傳遇角端而迴兵者至憲宗朝復征服中印度以宗王駙馬分王其地東南諸部皆聽

役屬由是五印度為蒙古別部元末駙馬帖木耳王撒馬兒罕威行西域印度諸部皆臣服明嘉靖間撒馬兒罕別部莫臥爾攻取中印度地立國勢張甚力尙回教黜佛教蒙古在葱嶺西者至元末皆入回教諸部皆納貢為藩屬久而陵夷弱肉強食時時構兵先是明宏治八年歐羅巴之葡萄牙航海至印度西南界之孟買開鑿海港建立城邑市舶通行以此致富荷蘭忌之以兵船相攻亦攘其地立埔頭設公班衙擅印度海之利權者數十年迨英吉利東來驅除兩國

瀛環志畧

卷三

五印度

六

而有其地佛耶西亦於南印度之東界立埔頭康熙七年英吉利在東印度之孟加拉買地建館築炮臺造屋七十所帆檣雲集百貨流通埔頭日益富盛乾隆十七年孟加拉酋長毀其居因其人英人以大兵攻之遂滅孟加拉乘勝兼南中諸部諸部合縱禦之心力不齊紛紛潰敗有為英所滅者有聽其置吏僅擁空名者有受役屬為藩國者由是五印度全土歸英轄者十之七僅餘西北數部尙未服也英人於沿海立藩部三日孟加拉日麻打拉薩日孟買內地立藩部一日亞加拉

余嘗見米利堅人所刊地圖五印度共二十餘國在東者曰孟加拉曰麥哈爾曰尼泊爾曰阿力色在北者曰克什米爾曰勒



懷曰威聊曰烏訥曰聶離在中者曰阿爾各拉曰阿拉哈板特  
曰工窪納曰馬爾窪在南者曰甘勒士曰彌勒爾曰海特爾拉  
蠻曰麻打拉薩曰噶納的曰孟買在西者曰爾勒士布他拉曰  
阿布爾信據米人雅神理云此係五印度舊部落之名自英吉  
利據印度後有分析有改革與此圖不同後見英人所刻五印  
度圖與米利堅圖全不同地名繁簡亦異地既屬英當就英國  
立說附米圖於後以資考核

孟加拉或作旁葛刺又作網印度極東之地其會城曰加爾各搭  
或作甲加拉又作孟加臘在安額支河之濱溝壕深廣城垣鞏固城內館舍閎敞達  
衢矢直高樓對起皎如白雪城外萬艘鱗集百貨所萃富盛為五  
瀛環志畧 卷三 五印度 七

印度之最英吉利有大酋統轄印度全土駐於此城額兵英軍三  
萬土軍二十三萬謂之敘跋兵文職皆幼年從英國來學習土語  
職以洊升祿甚厚加城之東有城曰勢他加織工所萃布帛山積  
昔為孟加拉大酋駐札之地轄三部西北曰巴哈爾一作八拿即  
爾西南曰岡都亞那即米圖之西南濱海曰痢黎薩一作八拿力  
力巴哈爾戶口繁密人多造硝種鴛粟青靛又種玫瑰醪釀造香  
露痢黎薩佛教最盛之地也○阿薩密一作阿三又作亞在孟加  
拉之東北緬甸之西北前藏之東南距雲南邊微不遠西北與布  
魯克巴相連東西約一千一百里南北約五百里北面高山綿亘  
迤南平衍膏腴雅魯藏布江由兩藏來折而南下經此土西行人

孟加拉地本土夷部落俗崇佛教英人既取孟加拉湖藏江漸拓  
而東遂據其地立為別部會城曰若爾合德其土宜茶近年英人  
試種每歲得二十餘萬觔性寒劣飲之多作泄阿薩密不在五印  
東印度跨割與孟加拉  
藩部相連故附記於此

按西藏志布魯克巴之東工布之南為戮獐烏魯爾免族稱為  
貉狗野人國其種人名老卡止嘴割數缺塗以五色穴室巢屋  
獵牲為食阿薩密之東北境即在貉狗稍南東與雲南騰越微  
外之狹夷怒夷相接其未與前藏接壤者隔於貉狗與布魯克  
巴未與滇省接壤者隔於狹夷怒夷然距兩處邊界均不甚遠  
麻打拉薩或作馬搭刺又作曼噠在孟加拉之西南誠建於海濱  
喇薩又作馬達拉斯大

瀛環志畧 卷三 五印度 八

沙坡之上波潮衝激登岸最險英人設會城於此專為控扼南方  
其人面多純黑肢體便捷工百戲部名曰加爾那的即米圖之轄  
五部迤北曰北西爾加耳一作西令迤西曰巴拉加一作北西南  
曰哥英巴都爾一作班再西曰馬拉巴爾一作骨再西濱海曰加  
那拉一作骨北西爾加耳本印度大國嘗募兵欲逐英人英人進  
攻割其國三分之一嘉慶三年再搆兵為英所滅巴拉加城建山  
頂路惟蜿蜒一綫一夫可以當關哥英巴都爾炮臺堅固街衢方  
廣內有故王之宮英所滅也屬邑曰撒林民多織布造硝馬拉巴  
爾山嶺崎嶇為流徙罪人之地加拉那沿海一綫其城內萬厦整  
潔頗稱饒裕麻打拉薩之南有本地治里城一作奔的支黎為佛



耶西埔頭未能辟土。止據一城而已。

孟買一作網買。東稱爲港脚。在印度西界。沿山傍海。地形狹長。其民勤於生

計。供太陽火神。死者不葬。以飽鳥鳶。明初。葡萄牙初開海港。建設

埔頭。康熙初年。爲英人所奪。其地所產者。棉花。胡椒。椰子。珊瑚。之

類。海船甚巨。有載二萬二千五百担者。粵東最大之洋船。皆從港

脚來也。部名曰疍隆加巴一作亞。麥大巴。舊有回部大城。居民逾十萬。遭

地震而殘毀。故以孟買爲會城。轄三部。東北曰根的士即米圖之。甘勒士。

西北曰古塞拉德。南曰北不爾。孟買之北海濱。舊有蘇疎城。昔

爲商賈雲集之地。城內有禽獸院。養犬牛之老邁者。自市舶移於

孟買。此城日益蕭索。根的士界內有埔拿城。本馬刺他之都城。米

瀛環志畧 卷三 五印度 九

作馬爾雅一 嘉慶年間。英人滅之。其地產鴉片最多。北曰不爾之

南濱海。有地名疍穢一作俄亞。俗稱小西洋。長一百二十里。濶六十里。

明正德五年。葡萄牙取之。建城設險。役屬鄰藩。自葡萄牙衰。而其

地貿易亦微。又荷蘭有城在海濱。曰可陳一作固貞。近年亦爲英人所

取。

亞加拉米圖作亞爾各拉。又名額納特珂克。在五印度東西適中之地。元時。蒙古初

據印度全土。以此爲都城。所謂中印度也。殿閣宏敞。百官之署。畢

具。城內有塔。陟其頂。可周視九十里。城外有蒙古宮。亦作塔

形。週圍數十丈。工作極奇麗。城四面築炮臺。俱扼形勝。民皆回回。

不崇佛教。舊時本大都會。自蒙古衰廢。荒殘久矣。近年生聚漸繁。

貿易復盛。道光十三年。英人於其地立藩部。稱爲地內省。轄四部。

東南曰阿拉哈巴即米圖之阿。拉哈板特。迤北曰德列即米圖極北。曰古爾

瓦勒即米圖之威。即米圖。迤西曰亞日迷爾一作希亞。曰迷爾本回回大部。明

嘉靖五年。撒馬兒罕蒙古別部即莫臥爾。取其地立國。歷二百三十餘

年。當其盛時。印度諸國皆入貢。後權臣專政。四鄰內侵。國王孱弱。

不能自立。乾隆二十五年。求援於英。英師未至。王已爲敵所虜。曠

其目。使自尋導者。以爲笑樂。英人以勁兵破敵。乃免。然從此地歸

英轄。王僅居宮殿。食俸精。足以養其宗族而已。

按五印度別國埔頭。尙有數處。屬佛郎西者。本地治里之外。曰

加黎架爾在加爾那的部內。曰牙那安在北西爾的部內。曰商德爾那哥耳在

瀛環志畧 卷三 五印度 十

加拉曰馬黑在馬拉巴的部內。屬葡萄牙者。疍穢之外。曰達蒙在古塞

內的玉曰奔達。曰加那哥納。曰比這靈。曰薩達利。曰比爾凝

曰阿斯德拉加爾。曰巴黎。曰英巴爾巴升。曰順達拉瓦的。曰加

哥刺皆海濱。小聚落。屬噠國者。曰西林不爾在孟加曰達耶給巴爾在

爾那的。大約不過一城一邑。或海濱一廛。藉以僑寓客商。居積

財貨。非裂其壤土而有之也。則亦不足著錄矣。

錫蘭錫倫。西崙。僧伽刺。楞伽。在南印度之東南。海中大島

也。周迴千餘里。中有崇山高阜。近海窪下。地多雨。多迅雷。山川靈

秀。花木繁綺。禽聲歡樂。風景足怡。林內多象。土人用之。如牛馬。居

民皆崇佛教。云佛生於此土。生齒繁多。穀不足仰。食印度諸部山



出寶石海濱出明珠所產桂皮最良勝於粵西前明中葉葡萄牙據錫蘭海口立埔頭尋為荷蘭所奪嘉慶元年英吉利驅逐荷蘭盡有海濱之地時錫蘭曾殘虐失民心其都城在海濱名可倫破英人屢進攻內潰而亡全島遂為英有英以大酋鎮守海船屯集之地名停可馬里

天下郡國利病書云錫蘭山國古狼牙脩也自蘇門答刺順風十二晝夜可至其國地廣人稠貨物多聚亞於瓜哇中有高山上產鴉鵂寶石每遇大雨衝流山下從沙中拾取之隋常駿至林邑極西望見焉番語謂高山為錫蘭因名相傳釋迦從迦藍與來登此山猶存足跡山下有寺中貯釋迦涅槃真身及舍利

瀛環志畧

卷三

五印度

十一

子明永樂六年遣太監鄭和等詔諭其王亞烈若奈兒賚供器寶施布施於寺建石碑賞賜國王頭目有差亞烈若奈兒負固不服擒之以歸擇其支屬賢者亞巴乃那立之十四年偕占城瓜哇滿刺加蘇門答刺等國貢方物正統十年天順三年復入貢云余嘗聞米利堅人雅神理云錫蘭為天竺本國今稱五印度為天竺乃世俗相沿之誤按後漢書即以天竺為身毒似非以一島之名概全土雅神理所云不知何所據也

五印度中東南諸國大半為英所夷滅分隸四部尚有十餘國納款稱藩僅存故號者英人各派大酋駐札代理國政○德干又名尼桑一作尼散米圖作海特爾拉翁乃其都城之名又米圖之彌勒爾係其屬部在南印度腹地幅員

之廣為中南諸部之最國無政而好戰民多怨畔四鄰并侵英人助以兵力乃免於亡遂降於英為屬國其地天氣炎熱物產豐饒風俗邪淫最甚地分五部曰海德拉巴米圖作海特爾拉翁其都城也曰比德爾曰比拉爾米圖作彌勒爾曰亞瓦耶加巴曰北乍不爾○那哥不爾一作納不那在德干之東北幅員半之素以盜劫為俗飛騎四出剽掠諸鄰英人力征降之今為屬國其都城與國同名所屬通商之地曰罷架爾曰耶德各曰昭布爾曰拉登不爾曰馬合罷曰列不爾曰古達曰威拉合爾○刺日不德即米圖之爾勒士布他拉又名澳地在西印度幅員遼濶西境沙磧居多東境土田最沃江河足資灌溉舊本大國夙稱富饒以力不敵而降英地分九部曰日宜不爾曰哥達

瀛環志畧

卷三

五印度

十二

曰奔的曰荷代不爾曰入德不爾曰當克曰日薩爾迷耳曰比加尼爾曰巴的○賣索爾一作買素又作邁蘇耳即米圖之買若爾在南印度南界素稱強國地多沃土農功甚力其王好戰侵伐四鄰連年不息英人力戰取其地散其兵乃降為屬國都城與國同名所屬通商之地曰邦加羅爾曰幾那巴登曰幾德爾德拉克曰賽拉曰哥刺爾○烏德米圖作烏訥西在東印度北境與尼泊爾為鄰力不敵英降為屬國都城曰盧各腦所屬通商之地曰非薩巴爾曰幾拉巴曰巴來支曰丹達○西林德在北印度隆德勒至河之左本塞哥國左部降於英為屬國地分四部各有酋長曰巴的亞拉曰達內薩爾曰拉的亞納曰翁巴拉○邦德爾干波保爾曷爾加那皆中西印



度小國與新的亞夫牙相錯孱弱不能自立降附於英○日瓜爾  
又名古宜加瓦爾在西印度西南隅三面懸海素以寇掠為俗印  
度人稱為賊渠為強敵所迫降於英都城曰巴羅達一作巴羅達○薩  
達拉英之屬國在德干之西南都城同國名所屬通商之地曰馬  
合比里昔爾曰美黎至曰般德爾不耳曰台達尼○達拉王哥爾  
亦英屬國在南印度極西南海角都城曰的里魯德梭所屬通商  
之地曰達拉王哥爾曰波爾架曰固蘭曰安任加○哲孟雄一作  
雄在東印度北境介尼泊爾布魯克巴之間北連前藏壤地最狹  
人戶止五六千降於英為屬國○此外中西印度尚有數小部皆  
屬於英

瀛環志畧

卷三

五印度

三

按印度中東南諸部皆已屬英內德干等十餘部因納土歸降  
未夷九縣然各國皆有英會駐札代理國政名號空存塊然守  
府介於若存若亡之間亦終歸於絕滅而已

布魯克巴一作不丹在前藏之正南其北境與前藏之帕爾接壤東南

界英人新闢之阿薩密西南界孟加拉西界哲孟雄與孟加拉東  
西約一千五六百里南北約六七百里為紅教喇嘛總持之地與  
兩藏之奉黃教同舊分布魯克噶畢兩族雍正年間兩族相仇殺  
先後赴藏投誠貝勒頗羅鼐為和解之各遣使奉表貢方物後噶  
畢合於布魯克為一國其地時序和平類中國遠勝兩藏土田肥  
沃湖河交貫五穀蔬菜瓜果皆宜戶口極繁產棉花大黃黑金紋

石地分二部曰德白拉乍即布魯克曰比斯尼即噶都城在德白拉  
乍曰達西蘇敦西藏志作札什曲宗乃國王避暑之地西藏喇嘛  
往來五印度率取道於此按布魯克巴在廓爾喀之東中間僅隔  
印度而其書則別稱為不丹國不列五印度諸國之  
中蓋其地勢偏東不在五印度界內也今附錄於此  
廓爾喀一作庫本名尼泊爾一作尼巴爾又稱巴勒布一作巴或  
稱白布廓爾喀乃其別部城名當孔道而貿易繁故其名獨著猶  
西域浩罕之稱安集延也在東印度北境東西南皆界英人孟加  
拉亞加拉屬部東界哲孟雄北境毘連後藏東西約一千六百里  
南北約四百里舊分葉楞布顏庫庫木三部雍正九年各以金葉  
表文貢方物後併為一國乾隆五十六年侵擾後藏陷札什倫布

瀛環志畧

卷三

五印度

四

大掠而去相國福文襄公率索倫勁旅征之懸軍深入累戰克捷  
逼其都城先是英人既滅孟加拉東印度諸部皆降獨廓爾喀血  
戰保疆未遭蠶食且數數攻英屬部至是英人聞中國進兵亦興  
兵擾其邊廓夷震恐赴大軍乞降獻還所掠并獻首禍沙馬爾巴  
之戶

詔許其內附五年一貢由四川北上其北境連雪山凌摩霄漢終年積雪  
土肥沃產二麥黍稷各豆甘蔗棉花丹參肉蔻其人短身強狠多  
力戶口約百餘萬嘉慶二十年與英人交訖構兵累年近年復相  
攻互有勝負其國亦雕題種類彩衣塗額與印度諸部同面色尚  
不甚黑俗崇佛教紅黃喇嘛趾相錯惟不能操大權國分九部曰



尼泊爾首城名加德滿都一作甲曼土 又作陽布其國都也曰念四汗首城名廓爾喀曰念二汗首城名齊伊利曰馬各王不爾首城名同曰幾拉德斯數曾分據首城非一日加當首城名希當曰札言不爾首城名同曰薩巴帶首城名那刺加利曰廢隆首城名那刺加利

按廓爾喀地形狹長幅員非廣當英吉利破滅孟加拉驅諸部望風瓦解獨廓爾喀自保疆圉不失寸土其陰鷲多謀習於戰攻實為印度諸部之最然輔車無鄰獨支大敵亦岌岌之勢矣廓夷稱英人屬部為披撈又稱為里底

西藏志附錄稱距後藏塞爾地方十日程係白木戎界管九部

瀛環志畧 卷三 五印度 五

曰納噶爾汗曰雜納曰餘隆巴曰拉不立曰額耶細曰隘巴曰立巴曰雜不立其地稱為小西天東與朱巴連界南至大西天盆烏子西至白布北至後藏曰蓋子又云由白木戎西去十日交大西天界再行十日始到小西天不爾牙王子住處從此上船由海中行半月即至大西天云余按大小西天本番僧夸誕之稱大約以印度之東北一帶為小西天而餘則稱大西天與前後藏接壤者東有布魯克巴西有廓爾喀中間止有哲孟雄小部別無大國此所云白木戎東至朱巴朱巴不知為何地西至白布白布實即廓爾喀南至大西天盆烏子似即廓爾喀南隣之烏德然則所云白木戎者仍即白布仍即廓爾喀耳兩

藏與印度以雪山為界雪山巖寄嶺衍中藏川谷原非一帶齊截橫亘如垣中間夾雜之番戎小部容或有之然斷無極大部落而人皆茫昧之理又所云白木戎行二十日至不爾牙上船入海至大西天云今攷印度東界入海之處惟孟加拉最近此所云不爾牙應即是孟加拉由廓爾喀至孟加拉約千餘里似白木戎之為廓爾喀無可疑也至番部地名本多核詭重譯之餘言人人殊固亦不足怪耳

塞哥一作悉國 又作西刻北印度大國西域稱為克什米爾一作加治彌爾 又作夾乃其別部之名 其國自古以此部為國名新唐書謂之箇 氏米里 乃其別部之名 失密及謂之迦溼彌羅 宋史謂之迦溼彌 勒元人謂之乞石迷耳 猶尼泊爾之稱廓爾喀浩罕之稱安集延 皆克什米爾之轉音也

瀛環志畧 卷三 五印度 六

也東北雪山環抱與後藏西微毘連西北隅接西域之札布西界阿富汗俾路芝西南界信地東西約千里南北約二千五百里其地時序和平山水明秀沙磧雖多而上田極沃農功甚勤戶口約三百萬商賈善於行遠西域回疆後藏處處有之國舊分左右部以隆德勒至河為界河左之西林德部已降英吉利為屬國餘諸部皆在河右各有會長不相統屬乾隆末勞爾即刺會長林日星兼并河右諸部為一又逾印度河割阿富汗數城繼立之王尤雄武以歐羅巴人為將戰勝攻取四鄰畏服道光十九年王卒宗孫嗣立信任讒佞大棟旁落國勢頓衰先是英吉利攻滅孟加拉乘勝脅降諸部值塞哥兩世得賢主國治兵強故英人止戈修好未



嘗措意至是昏庸在位閒隙可乘遂連年大舉深入侵割其疆土過半其所失爲何部尙未得其詳也國分九部首日本若都城建於拉維河岸曰勞爾一作刺合米圖作勒機貿易繁盛爲通國大都會曰固宜斯丹首城名拉德如爾曰克什米爾首城同名曰着這首城名亞德各曰亞薩勒曰北朝威爾曰幾爾加爾不耳曰木耳丹曰勒亞曰德勒義斯馬伊爾汗曰德拉合西汗曰巴合瓦爾不耳首城皆同名道光二十年粵東譯出英人新聞紙有英軍攻阿付頗尼我羅斯約木哈臘欲取阿付頗尼之說意在爭北印度也二十六年傳聞英人用兵於北印度有取得西刻之加治彌爾與後藏接壤欲赴藏通市之說西刻即塞哥加治彌爾即克什米爾據西人所刻地圖克什米爾在塞哥極北界英人果割地至此則已拊塞哥之背不止喪地實多抑且危如朝露矣新的亞一作新地亞在中印度地形曲折迴環與英人屬部屬藩交錯

瀛環志畧

卷三

五印度

七

素以剽掠爲俗飛騎出沒屢與英人構兵地分三部各有酋長不相統屬曰亞加拉亞加拉舊都己爲英屬此蓋其西南部落首城名瓜利爾其王都也曰干德宜至首城名不耶不爾曰馬盧襪即米圖之馬爾雅一作馬刺他其都城己爲英屬此蓋其東北部落首城名痾日音馬盧襪爲鴉片總聚之地每年運出二萬餘箱

信地即米圖之阿布爾信在西印度極西南隅北界塞哥西界俾路芝南臨印度海印度河由此入海南北約千里東西約五百里都城曰海德拉巴其國未歸英轄

按以上五國惟布魯克巴偏東不在五印度界內然東西南三面皆介英人新闢之土亦可危也廓爾喀強悍能自立且狡焉

思敢實英人東面勅敵塞哥地大兵強新的亞剽輕善戰信地遠在邊隅勢異魯縞又逢弩末故三國微幸未亡也然近年塞哥境土已亡失過半而新的亞包括英土之中四面受敵臥榻之旁難容奸睡安陵之能否獨存尙未可知倘竟不支則唇亡之信地取之有如拾芥五印度之全爲英有固意中事耳前藏以布魯克巴爲屏蔽後藏以廓爾喀爲屏蔽兩部落離一撤則兩藏直與之接壤矣

五印度在亞細亞一土正當午位北面雪山綿亘南境斗入瀛渤袤延蓋萬餘里漢武帝欲由身毒通大夏斷匈奴右臂西南夷之役由此而興然單車之使卒未能度恆河即安而西發東漢時顯宗求佛法始一遣使由是漸通朝貢唐代往來尤頻數

瀛環志畧

卷三

五印度

六

北宋時亦屢來貢獻元太祖起於漠北未削金源先開西土由印度之西北轉戰而南憲宗繼之五印度遂全歸囊括巨古蠻荒之域使以鞭箠頒行莫逆功烈可謂奇矣惜乎有其土莫能變其俗宗王國威遠投蠻封魁警箕踞器佗自泰迨元政旣衰聲靈隔絕諸部之酋雖強半蒙古苗裔而與昔日之蠻荒亦無大區別也歐羅巴諸國之居印度始於前明中葉倡之者葡荷牙繼之者荷蘭佛郎西英吉利皆以重貨購其海濱片土營立埔頭蠻人憤憤不察萌牙英吉利漸於各海口建立炮臺調設兵戍養銳蓄謀待時而動迨孟加拉一發難端遂以全力進攻諸蠻部連雞棲桀等於拉朽折枯於是五印度諸部夷滅者十



八九哀哉。英人自得五印度。權稅養兵。日益富強。其陸地與西藏之南界。滇省之西界。雖壤地幾於相接。而梯度繩懸。往來不易。水程則自孟加拉至粵東。兼旬可達。邇年英人貨船。自印度來者。十之六七。昔日之五印度。求疏通而不得。今日之五印度。求隔絕而不能。時勢之變。固非意料所及矣。

英吉利印度埔頭。孟加拉最盛。孟買次之。麻打拉薩又次之。英吉利本國商船與歐羅巴諸國之船。每歲往來以數千百計。其稅銀每歲得千餘萬。養兵太多。支銷之外。所餘亦無幾。

中國之布。從前皆以麻織。自元太祖征印度。乃得棉花之種。花棉初稱。流傳中土。至今衣被九州。功駕桑麻之上。其利溥矣。乃鴉

瀛環志畧 卷三 五印度 九

片之毒。亦出於此。五印度諸部。皆產此物。而最多者為馬刺他。川南滇西地近印度。故亦有栽種。鴉粟者。鴉片分兩種。成團者為大土。其價昂。聚於孟加拉。打拉薩。成片者為小土。其價廉。聚於孟買。五印度貨物。惟棉花鴉片最多。近年竟以鴉片為主。每歲出運數萬餘箱。宇宙浮華之氣。乃獨鍾於佛國。何其怪也。

回疆葉爾羌等城。時有克什米爾。溫都斯坦。兩處之人。往來貿易。西域間見錄。謂兩部皆回部大國。由葉爾羌南行六十餘程。至克什米爾。又四十餘程。至溫都斯坦。以今攷之。克什米爾。即塞哥。為北印度大國。溫都斯坦。則五印度總名。部落既多。西域不能辨識。自克什米爾之外。概稱為溫都斯坦耳。又云。兩廣福

建之物。往往由溫都斯坦。販至回疆。此無足怪。溫都斯坦之孟加拉。孟買。皆英吉利大埔頭。閩粵之貨山積。由兩處至回疆。皆商賈通行之熟路。轉運固甚便矣。

謝清高海錄云。明呀喇。即孟土番有數種。一曰明呀哩。一曰夏哩。一曰吧藍美。明呀哩種較多。而吧藍美種特富厚。明呀哩食牛不食豬。夏哩食豬不食牛。吧藍美則俱不食。富者衣食居處。頗似英吉利。以華麗相尚。貧者家居俱裸體。以數寸寬幅布圍其腰。又自臍下紳至臀後。以掩下體。男女皆然。謂之水慢。此與由風俗相同。出門所圍布幅稍寬。有吉慶則穿長衣窄袖。其長曳地。用白布二丈纏其頭。以油徧擦其身。所居屋盡塗以牛糞。俗以

瀛環志畧 卷三 五印度 十

螺壳有文彩者為貨貝。交易俱用之。娶妻皆童養。夫死。婦不再嫁。髮髮而居。各種不相為婚。男子胸烙小印數處。額上刺紋。女人皆穿鼻帶環。吧藍美死。則葬於土。餘皆棄諸水。有老死者。子孫親戚送至水旁。聚而哭之。各以手撫其尸。而反掌自舐之。以示親愛。徧則棄諸水。急趨而歸。以先至家者為吉。明呀哩間有以火化者。更有仇儂敦篤者。夫死。婦矢殉。先積薪於野。置夫屍於上火之。婦則盡戴所有金銀珠寶玩飾。繞火行哭。親戚亦隨哭極慟。見屍將化。婦則隨摘諸飾。分贈所厚。而跳入火。眾皆噴噴稱羨。俟火化而後去。每歲三四月。羣聚賽神廟門外。先豎直木一。再取一木。度其長之半。鑿孔橫穿直木上。令活動可轉。橫



木兩端各以繩繫鐵鈎。二有數人赤身。以長幅布圍下體。手縮一籃。籃內裝各種時果。立其下。眾先取兩人。以橫木兩端鐵鈎。鉤其背脊兩旁。懸諸空中。手足散開。狀如飛鳥。觀者舉橫木推轉之。其人取籃中果分撒於地。羣爭拾之。果盡復換兩人。眾皆歡笑。不以為苦也。得果者歸。以奉家長及病者。以為天神所賜。云土產棉花。鴉片。煙。硝。牛黃。白糖。海參。瑤。訶子。檀香。鴉片。有二種。一為公班皮。色黑。最上一名。以第咕喇皮。色赤。稍次。皆華人所謂烏土也。出於明呀喇屬邑。地名以旦拿。其山曼噠喇薩者。亦有二種。一名金花紅。為上一名。油紅。次之。出馬拉他及盜叭哩者。名鴨屎紅。皆華人所謂紅皮也。出孟買及唧肚者。

瀛環志畧

卷三

五印度

三

則為白皮。○曼噠喇薩。即麻打。在明呀喇西南。由葛支里沿海陸行約二十餘日。水路順風約五六日。亦英吉利大埔頭。有城郭。其地客商多。阿哩敏。番。即來粵。戴三角帽者是也。土番名雪那哩。風俗與明呀哩畧同。土產珊瑚。珍珠。鑽石。銀銅。棉花。訶子。乳香。沒藥。鴉片。魚翅。猴棧。多。梭。多。形如小洋狗。又有金邊洋布。價極貴。一疋有值洋銀八十枚者。內山為曉包。補。番。曉包。補。華言大也。本回回種類。其間國名甚多。○笨支里。即本地治里。一在曼噠喇薩西南。為佛郎機所轄地。由曼噠喇薩陸行約四五日。水行約日餘。即到土產海參。魚翅。訶子。棉花。猴棧。多。○呢。咕。叭。當。即海國。聞見錄所云。尼在笨支里西嶺。介中疆域甚小。土

番名耀亞。即繞阿一。○西嶺。又名咕嚕慕。由笨支里水路約六七日可到。土番名高車子。風俗與明呀哩畧同。土產海參。魚翅。棉花。蘇合油。以上各地名者。東印度及中。○打冷莽柯。即達拉。在西嶺西北。順風約二三日可到。疆域甚小。土番極貧。而性頗淳良。風俗與上畧同。屬邑有地名咖補。西洋客商皆居此。土產海參。魚翅。龍涎香。訶子。○亞英咖。在咖補西北。順風約五六日。可到。土俗與上畧同。土產棉花。燕窩。椰子。訶子。○固貞。即在亞英咖西北。順風約日餘可到。本荷蘭埔頭。近亦為英吉利轄。土產乳香。沒藥。魚翅。棉花。椰子。蘇合油。血竭。砂仁。訶子。大楓子。○隔瀝骨底。在固貞北少西。順風約二日可到。土俗與上同。產

瀛環志畧

卷三

五印度

三

胡椒。棉花。椰子。俱運至固貞售賣。○馬英。在隔瀝骨底北少西。順風約二日可到。為佛郎機所轄地。風俗物產與上畧同。○打拉者。在馬英西北。陸路約數十里。土俗與上同。產胡椒。海參。魚翅。淡菜。○馬刺他。即馬盧。一在馬刺他。本印度。在打拉者西。疆域甚長。沿海分為三國。一小西洋。一孟婆囉。一麻倫呢。為回回種類。凡拜廟。廟中不設主像。唯於地上作三級。各取花辦。編撒其上。羣向而拜。或中間立一木柱。每月初三。各於所居門外。向月念經。合掌跪拜。稽首。土產棉花。胡椒。魚翅。鴉片。○小西洋。即俄。在馬刺他西北。境為大西洋。所轄地。土番名盈。丟。奉。蛇。為神。所畫蛇有人面九首者。婚嫁與明呀哩同。死則葬



於土。每年五月。男女俱浴於河。延番僧坐河邊。女人將起。必以兩手掬水洗僧足。僧則念咒。取水醮女面。然後穿衣起。又有蘇都魯。番察里。多番。咕嚕米。番三種。多孟婆羅國人。西洋人取以為兵。其風俗與孟婆羅同。○孟婆羅。在小西洋北山中。由小西洋順風約日餘可到。王都在山中。以竹為城。風俗與小西洋同。土產檀香犀角。○麻倫呢。在孟婆羅北。順風約日餘可到。風俗與孟婆羅同。土產海參魚翅鮑魚。二國貨物。多運至小西洋售賣。○盜叭哩。在麻倫呢北。少西順風約一二日可到。風俗與小西洋畧同。土產瑪瑙棉花鴉片洋蔥。洋蔥之白寸餘。熟食味極美。○孟買。在盜叭哩北。少西相去約數十里。為英吉利大埔頭。

瀛環志畧

卷三

五印度

三

有城郭。土番名叭史。顏色稍白。性極淳良。家多饒裕。土產瑪瑙大葱棉花阿魏乳香沒藥魚骨魚翅鴉片番鹹棉花最多。○蘇辣即蘇。在孟買北。水路約三日可到。土番名阿里。敏物產同上。○淡項讀平。在蘇辣北。水路約日餘可到。土產同孟買。○啣肚。在淡項北。疆域稍大。順風約二日可到。風俗與孟買諸國畧同。土產海參魚翅。俱運往蘇辣。孟買販賣。以上各地名皆中南印度西畔沿海各埔頭。自曼噠喇薩至啣肚。土番多不食猪牛羊犬。唯食雞鴨魚蝦。男女俱帶耳環。自明呀喇至啣肚。西洋人謂之哥什塔。一作戈什塔。中國稱為小西洋。土人多以白布纏頭。所謂白頭番也。遇王及官長。蹲身合掌上於額。過然後起。子見父母。亦合掌於額。平等。

相見亦如之。其來中國貿易。俱附英吉利船。本主船從無至中國。中國船亦無至小西洋各國者。○余按此錄所載。乃東中南三印度沿海大小各埔頭。其腹地國土疆域。謝清高均未涉。慮故不能言其詳。因其敘述諸番風俗物產。頗為明備。故附錄於此。

印度為佛教所從出。晉法顯。北魏惠生。唐元奘。皆遍歷其地。訪求戒律大乘要典。紀載特詳。其所謂恒河者。即今之安河。印度人稱為聖水。諸佛菩薩羅漢繪塑之像。多裸上體。或耳帶環。腰束釧。乃印度本俗。至今未改。所衣袈裟。即印度人外著之沙那。僧人為禮。合掌膜拜。亦皆印度土俗也。佛法自後漢入中國。

瀛環志畧

卷三

五印度

三

至南北朝。而達摩航海東來。演教外別傳。緇流遂布滿中國。紅衣喇嘛教起於烏斯藏。其地本昆連印度。至前明中葉。宗喀巴別唱宗風。演為黃教。內外蒙古暨瓦剌各部。靡然從風。其教可謂盛矣。然自回教興於唐初。由天方漸傳東北。不特玉門以西。多花門種類。而佛法最盛之五印度。亦大半舍牟尼而拜派罕。派罕巴爾即摩哈。麥回教之祖也。元起北方。最崇佛教。太祖憲宗取印度。建為外藩。乃其地已半從回教。不特不能改革。而蒙古居其地者。亦改從回教。蓋自宋元以後。五印度佛教已不如回教之多。至今日而印度各國。備歐羅巴之東藩。又奈以耶蘇教而佛教愈微矣。慧光照於震旦。而淨土轉滋他族。物莫能兩大。想佛方亦無。



如之何耶。

近刻有將巴社阿丹兩國稱爲西印度并極西之如德亞亦  
隸之西印度者其說甚奇不知何所本五印度者漢之天竺身  
毒也巴社卽波斯漢之安息也阿丹卽亞刺伯漢之條支也說  
國部四如德亞卽拂菻古羅馬之東境漢之大秦國也漢書列  
安息爲一國條支爲一國大秦爲一國天竺爲一國今日皆西  
印度則是有天竺而無安息條支大秦也夫天竺自古之弱國  
也幅員雖廣而怯懦不善鬪西北諸胡取而代之者屢矣東漢  
時大月氏方強嘗殺其王而置將令統其人唐時亞刺伯回部  
方強屢侵割其境土趙宋時半爲回部所割據至元明而五印

瀛環志畧

卷三

五印度

五

度全爲蒙古所囊括是他國之兼有印度者代有之矣未聞印  
度之兼有他國也漢書天竺傳稱月氏高附國以西南至西海  
皆身毒之地或者因此傳會歟高附不知爲今何地其國介天  
竺罽賓安息之間大約在印度河左右南至西海者指印度海  
非指地中海也唐沙門元奘訪求釋典遍歷五印度各有紀載  
其記西印度諸國總不離印度河左右而曰自此西北至波刺  
斯非印度之國也西北接拂菻西南海島有西女國並非印度  
境波刺斯卽波斯所謂巴社也拂菻卽拂菻泰西人稱猶太國  
冷轉音爲所謂如德亞也如德亞之北曰西里亞西女卽西里  
拂菻拂菻之說有女無男之說世俗所附會也  
元奘親歷其地而斷其非印度境今乃無端而隸之印度義何

取乎如曰其國在印度之西不妨名爲西印度則葱嶺東西之  
城郭諸國以及烏斯藏衛皆可名爲北印度滇池緬甸暹羅安  
南真臘皆可名爲東印度乎廣印度於天下其意何居爲此說  
者當代博雅名流或其別有所本而非予之所及知也書之以  
質所疑。

瀛環志畧

卷三

五印度

五







印度以西回部四國

阿富汗。阿富汗尼士丹。回部大國也。北界布哈爾。東界印度。南

界俾路芝。西界波斯。東西二千餘里。南北千餘里。乾隆二十四年

因拔達克山內附。屢貢良馬。其國本波斯東境。明正德初。有巴卑

爾者。取喀布爾。一作堪達哈爾。濟斯尼三城。自立為國。傳二百餘

年。至康熙中。波斯衰亂。阿富汗乘勢并兼。得其全土。越十七載。波

斯復興。那的爾沙既得國。詳波。盡銳東伐。滅阿富汗。那的爾沙死。

阿富汗王子亞美里沙收復故土。仍與波斯并立。乾隆五十四年

王塞曼沙為弟馬慕所篡。國大亂者十餘年。北印度之塞哥。一作

已詳五印。與阿富汗隔印度河為鄰。阿富汗盛時。嘗渡河取塞哥

邊地。俗傳愛烏罕滅溫。至是內訌。塞哥勞爾部。塞哥都城。一作勒

說。酋長林日星。收復河東地。并渡河割數城。阿富汗由是不振。近

年與英吉利所屬之印度。西部構兵數年。講和而罷。其國介印度

波斯之間。天氣酷熱多雨。西界有沙磧。餘皆沃壤。俗事耕種。無游

牧。城池壯麗。戶口殷繁。勝兵數萬。軍器用烏鎗。長矛。腰刀。不習弓

矢。風俗與波斯同。土產鐵錫。礬砂。硫磺。煙葉。棉花。阿魏。青黛

丹。參。甘蔗。地毯。○阿富汗分九部。首部曰喀布爾。一作其都城也。

地處平原。烟戶湊密。景象繁華。曰堪達哈爾。在國之東北。隅四面

皆山。亦大都會。曰哈斯那。與上二部皆商賈輻輳之地。曰羅各曼

曰日刺拉。巴。曰維西。曰發來。曰都札克。曰伊隆達爾。

瀛環志略 卷三

按阿富汗本波斯東境。前明中葉。乃裂波斯數城。自立為國。前

此固統於波斯。別無名號也。世多傳其兼并溫都斯坦。今攷溫

都斯坦。乃五印度總名。與阿富汗為鄰者。為北印度之塞哥國

兩國。本以印度河為界。阿富汗嘗逾河而割塞哥之西境。迨後

塞哥亦逾河而割阿富汗之東境。所謂疆場之邑。一彼一此者

耳。西域聞見錄。謂敖罕與溫都斯坦。地界毘連。各以威力相制

迭為強弱。今攷與溫都斯坦為鄰者。阿富汗之外。別無敖罕國

名。蓋阿富汗一作愛烏罕。愛烏合音。近敖。遂誤以愛烏罕為敖

罕。而安集延之浩罕。都城亦稱敖罕。一作霍罕。論者遂以此譏

椿園之謬妄。謂其移極北之回部於南方。實則轉音之滑訛。而

不足深訛也。又聞見錄云。敖罕之人。種類不一。有與內地回子

相似者。有與安集延相似者。有與土爾扈特相似者。有毛髮拳

曲。與俄羅斯相似者。又一種人。亦回子衣帽。鬚繞頰如蝟。而赤

染以茜。其人多力。善用木矛。西域人多畏之。又一種人。圓領大

袖衣冠。類漢唐。貌清奇。似朝鮮人。或謂是後漢之遺種云。又云

敖罕西域之大國。亦西域之亂邦。詐力相尚。日日皆逐鹿之勢

蓋自古而然云。余攷西洋人地圖。阿富汗境土。縱橫皆不過

一二千里。幅員既無。莫大之勢。種族安得如許之繁。蓋其國本

波斯所分。迨後由分而合。復由合而分。西域不知波斯國名。遂

以波斯各部種類。並歸之阿富汗耳。泰西人亦稱波斯。客籍流

瀛環志略 卷三



寓種類甚多。語音不一。有額力西者。即希臘。有阿丹者。即阿有羅。汶者。即羅。有都魯機者。即土。正與聞見錄所云相合。至兩國再合再分。兵爭數起。又復時時內訌。迭相篡奪。所云日日皆逐鹿之勢。殆不虛也。

俾路芝。密羅既。北羅吉。忽魯謨斯。思布。在阿富汗之南。亦回部也。東接西印度。西接波斯。南臨印度海。東西約一千七八百里。南北約六七百里。岡阜重疊。沙磧廣莫。田土甚瘠。僅敷耕食。時序和平。物產與阿富汗畧同。國無王。分六部。曰薩拉灣。曰加支干達瓦。曰倭拉灣。曰盧斯。曰美加蘭。曰古義斯丹。六部各有酋長。國小而強。習於攻戰。與英吉利所屬之印度西部時時構兵。互有勝負。

瀛環志畧

卷三

印度以西回部四國

三

按俾路芝立國不知所自始。明初鄭和等使西洋。乃有忽魯謨斯國名。泰西人舊地圖。阿富汗俾路芝皆歸入波斯。不列為國。蓋阿富汗本波斯東北境。則俾路芝自是波斯東南境。回族分爭。偶然割據。遂別成部落耳。又四裔考謂愛烏罕之南有思布部落。過思布亦海也。云。正指俾路芝也。

波斯。白西。包社。巴社。高奢。百爾設。法耳西。北耳西。亞。巴爾齊亞。伯爾西亞。伊蘭。哈烈。黑魯。塞克。回部大國。粵東呼為大白頭。呼印度為小白頭。兩地皆有白布纏頭之俗。因以為名者也。東北連沙漠。界布哈爾。東界阿富汗。俾路芝。西接東土耳其。北抱裏海。與義羅斯接壤。南抵阿勒富海。俗稱東紅海。與阿刺伯昆連一隅。其國地界遼闊。長約四千餘里。廣約三千

里。富多寶貨。與中國貿易最早。所謂碧眼波斯胡也。立國在有夏之初。春秋時居魯士由馬太開基。稱雄一時。後與歐羅巴之希臘諸部時時構兵。迨羅馬既興。猶太以西。囊括無遺。獨波斯未入版圖。其俗舊奉太陽火教。古時內地有火祆祠。由此而來。唐初回教興於阿刺伯。波斯與之鄰。國為所奪。由是為回回。大部唐宋兩朝。屢貢方物。元末駙馬帖木兒據撒馬兒罕。富強無敵。今葱嶺以西裏海以東諸回部皆撒馬兒罕所屬。遣其子沙魯哈據波斯。稱哈烈國。明永樂間嘗入貢。為西域諸部之首。後為土耳其部人所奪。傳二百餘年而衰亂。廢弑頻仍。尋為阿富汗所兼并。康熙三十三年。故王後裔達馬斯。募兵攻畧。恢復舊土。大將那的爾沙本盜渠。達馬斯倚以集事。賞不酬勞。遂舉兵

瀛環志畧

卷三

印度以西回部四國

三

反。弑達馬斯代其位。攻阿富汗滅之。乾隆十二年。那的爾沙為其下所殺。國又大亂。東境復為阿富汗所據。那的爾沙部將給靈據西境立國。惠愛其民。稱為賢主。在位三十年而卒。弟薩的謀鳩嗣王。外戚亞里木拉以討亂為名。起兵攻陷都城。殺薩的。并弑嗣王。遂僭位。亞里木拉死。大會日非爾代之。寺人馬何美攻滅日非爾。據王位。馬何美死。姪巴巴塞爾達耳繼立。今有國者不知為誰。都城周十四里。極鞏固。王宮壘石為屋。平方若高臺。不用梁柱。瓦甃中敞。虛空數十間。窗牖門扉。悉雕刻花文。繪以金碧。宏麗無比。別有園林池沼。尤極幽奇。國王最尊嚴。刑賞任意。視臣工如奴僕。土肥沃。節候多暖少雨。產良馬。紅棗。白鹽。銅鐵。金銀。琉璃。珊瑚。琥珀。



珍珠翠羽又產獅子獅子生阿木河即阿母河漢書稱爲媯水上游在布哈爾境內蓋林中初生日閉七日始開土人於日閉時取之調習其性稍長則不可馴其民強健男女多美姿容風俗繁華好修服飾國尚武功交戰殺敵必割耳以爲信嘉慶十八年與俄羅斯構兵敗績割北境之日爾日部道光初年波斯欲窺印度度積圍札布即布哈爾之希辣城英人以兵拒之乃引還○波斯地分十一部中地之部曰以辣亞日迷爾一作地多山阜都城曰德黑蘭建於北境之平原北方三部極西北曰義蘭一作伊蘭稍東曰馬郎德蘭一作馬散地兩部皆背負裏海前阻連山騰原衍沃林密草芳河流足資灌溉耕牧皆宜義蘭在西域最著名昔有大城極富庶今廢東南曰達巴利斯

瀛環志畧

卷三

印度以西回部四國

三

西域間見錄云塞克西域一大國也在敖罕西絕非回子種類稱其王曰汗部落數百各有統轄之人皆其汗之阿拉巴圖也事權歸一無跋扈叛弒之事城池巨麗人民殷庶居室寬敞整潔人家院落中各立木竿向之禮拜冬夏和平風俗坦白向宴會喜歌舞人多力善射與敖罕稱勍敵云論者極訛其謬妄謂敖罕之西並無此國殊不知椿園之所謂敖罕者乃愛烏罕並非安集延之敖罕所云塞克者即波斯國也波斯開國最早漢書稱爲安息唐書稱大食波斯泰西人記居魯士分國爲國漢書所謂安息也其一泰西人未紀其國名考之漢書有烏弋山離國在蜀賓之西南犂鞞條支之東北似即波斯所分國蓋安息得其西北烏弋得泰西則稱爲波斯至今未改或譯爲其東南也然亦未有確據

瀛環志畧

卷三

印度以西回部四國

三

丹建有大城商賈所萃西方三部極北曰亞塞爾拜然迤南曰古爾利斯丹一作古爾的斯丹巴爾三再東南曰古西斯丹三部土甚沃水利足資灌溉惟西鄰土耳其時被寇鈔民恆苦饑南方二部曰法爾斯在以辣之南山水最爲清勝其東曰給爾滿一作克爾曼地多沙磧有草場羊馬孳息土人以羊毛造氈帕極精緻法爾斯之東南臨海曰刺郡又名法南地褊狹多沙所產惟紅棗東方二部北曰哥刺森北界布哈爾東界阿富汗土甚沃而北方游牧者時侵掠之居民不得安業迤南曰古義斯丹與阿富汗俾路芝爲鄰法爾斯之西南有海口曰亞不支爾爲通國大埔頭東南隅有惡末與者古時海舶互市於此久已荒廢瓦礫之場有古殿太陽火神祠也

包社白西亦猶是波斯轉音元人稱爲哈烈乃以蒙古語更易地名其國在布哈爾之西南愛烏罕之正西並非絕域其人長於服賈西域諸城亦必往來數數而近來記西域事者絕無一語及於波斯蓋賈人止稱城邑聚落之名紀事者因訛襲謬遂不復知爲何國耳惟四裔考謂愛烏罕取默沙特諸部於伊蘭伊蘭即義蘭乃波斯北部著名大城又首部名以辣亞日迷爾以辣亦音近伊蘭其爲指波斯無疑惟波斯亦奉回教而椿園謂非回子種類又謂去葉爾羌二萬里失之太遠皆傳聞影響之說不足深辨又云塞克西北與俄羅斯薩穆接壤或云與阿刺克等國犬牙相錯云今考波斯西北隅實與俄羅斯接壤



西與東土耳其接壤。所云薩穆當即猶太之撒馬利亞南界與亞刺伯隔阿勒富海相望。陸地亦毘連一隅。此云阿刺克即阿刺伯指畫地界處處。昭合塞克之為波斯尚何疑耶。

秦西人記波斯古事云。波斯立國最早。夏后不降時。其王有札的勞摩者。初造兵端。嘗侵厄日多。掠其財貨。厄日多即麥西詳阿非利加圖說

歷商及周。部落事蹟無攷。成周中葉。分數部。有馬太者。波斯大部。其王有女。將嫁。夢葡萄生懷中。遍覆亞細亞地。疑女生子。將背叛已。而女產子。王命格殺之。使者不忍。付牧人。牧人妻方生子。而殤乃乳哺。王甥為已子。名曰居魯士。一作西祿斯。又作西洛。後王知其不死。急捕之。不得。怨使者之給已也。烹其子而食之。居魯士

既長。英武過人。汎愛得眾心。時馬太王暴虐。國人側目。居魯士因募兵攻王。王命將征之。將即子。被烹者。以全軍降居魯士。台兵攻王。王敗走。死於荒野。居魯士遂王馬太。時周靈王五年也。居魯士既得國。修法度。詰戎兵。兼并小弱諸部。聲威大震。時波斯別部有呂底亞國。富厚甲於諸鄰。聞居魯士逐外祖父而自立。欲伐之。其臣諫曰。馬太族貧而悍。得其地。無利於國。況其勢力強。不可犯。王不聽。遂起兵。居魯士禦之境上。陳兵大戰。波斯軍皆乘駝。而呂底亞軍乘馬。駝暗鳴。馬見輒反。走波斯軍。乘勢崩之。呂底亞軍大潰。逐北至都城。一鼓而下。擒其王。縛置積薪上。將燔之。王大慟曰。悔不聽賢臣之言。以至於此。居魯士詢

瀛環志畧

卷三

印度以西回部四國

壹

既長。英武過人。汎愛得眾心。時馬太王暴虐。國人側目。居魯士因募兵攻王。王命將征之。將即子。被烹者。以全軍降居魯士。台兵攻王。王敗走。死於荒野。居魯士遂王馬太。時周靈王五年也。居魯士既得國。修法度。詰戎兵。兼并小弱諸部。聲威大震。時波斯別部有呂底亞國。富厚甲於諸鄰。聞居魯士逐外祖父而自立。欲伐之。其臣諫曰。馬太族貧而悍。得其地。無利於國。況其勢力強。不可犯。王不聽。遂起兵。居魯士禦之境上。陳兵大戰。波斯軍皆乘駝。而呂底亞軍乘馬。駝暗鳴。馬見輒反。走波斯軍。乘勢崩之。呂底亞軍大潰。逐北至都城。一鼓而下。擒其王。縛置積薪上。將燔之。王大慟曰。悔不聽賢臣之言。以至於此。居魯士詢



勢遂衰。周顯王年間希臘馬基頓王亞勒散得。以三萬五千人伐波斯。波斯潰。馬基頓圍蘇撒。波斯都城幾陷。會亞勒散得卒於軍。希臘兵乃散走。亞細亞麥西諸地。俱為希臘諸將所分割。西漢時羅馬混壹西土。拓地至西里亞。即亞細亞以兵伐波斯。波斯以奇兵絕其糧道。羅馬兵潰歸。波斯尋遣使修好。故羅馬之兵不復東。漢書所云大秦即羅馬安唐初阿刺伯人摩哈麥創立回教。因起兵攻阿刺伯。奪其國。時波斯衰弱。為摩哈麥所兼并。故自唐以後波斯遂為回國。

按上古時波斯天竺皆事火神。拂箒。即猶太以西皆事天神。事火神者拜旭日。或燃柴薪向之禮拜。民非火化不生。非白日則宇

瀛環志畧

卷三

印度以西回部四國

三

宙無睹。故兩地之夷。上古卽有此俗。義起報本。非邪神也。事天神始於摩西。時在有商之初。沃丁年間託言天神降於西奈山。在阿剌伯境內。垂十誡以教世人。七日安息禮拜。卽起於此。距耶穌之生。尙隔一千數百年。乃天主教之所自出。非卽天主教也。天竺自佛教興。而祀火之俗改。今西域之乾竺特南印度之孟買。仍有拜火之俗。是其明證。波斯則自唐以前尙未改。後其國為回部所奪。始改從回教。然至今禮拜仍兼拜火神。故末惡與有太陽火神古殿也。中國自前五代時有祆神祠。又有胡祆祠。火祆祠。唐時有波斯經教。天寶四年詔改兩京波斯寺為大秦寺。又有景教流行中國碑。建中二年大秦寺僧景淨述。今考祆字从示从

天。卽天神。其教起於拂箒。卽猶太摩西初建此本大秦國之東境。大秦卽意大利之羅馬國漢人因其人長謂胡祆之卽。正有類中國故稱爲大秦其本國並無此名而屬之大秦。似祆神。祆神之卽天神。祆字本中國人所造西土而屬之大秦。似也。拂箒自漢初隸羅馬至是卽耶穌教之嚆矢也。若火神教。則出自波斯。與大秦無涉。謂爲火祆。則已混火神於天神。謂波斯教出於大秦。則又迴本支於異姓。景教一碑。尤爲荒誕。景教卽火教。中間景宿告祥。懸景日以破暗府。亭午昇真。云云皆指太陽火也。又云判十字以定四方。七日一薦。云云又牽涉天主教。其所謂三一妙身。无元真主。阿羅訶者。不知何人。而一切詞語。又皆緣飾釋氏糟粕。非火非天。非釋竟莫名爲何等教矣。蓋波

瀛環志畧

卷三

印度以西回部四國

三

斯之祠。火神本其舊俗。而佛教行於天竺。乃其東鄰。天神教行於大秦。乃其西鄰。至唐代則大秦之天主教。又已盛行。胡僧之點者。率合三教。而創爲景教之名。以自高異。中國不知其原委。遠從而崇信之。正昌黎所謂惟怪之欲聞者耳。又碑中云。貞觀十二年。大秦國大德阿羅本。遠將經像來獻上京。阿羅本德果自大秦來。其爲天主教無疑。其經當卽歐羅巴所傳之聖書福音。其像當卽耶穌被釘十字架之像。乃當時不聞有此。而所謂景教者。依傍於波斯之火神。潤色以浮屠之門面。是不可解也。自唐以後。佛教盛行。胡祆火祆之祠。波斯大秦之教。俱不復見。據秦西人所紀載。惟阿非利加北土之阿北西尼亞。尙有大秦



教名亦仍是波斯之火神教耳。

阿剌伯亞拉彼亞○亞拉鼻亞○阿爾拉密阿○阿辣波回教初

興之國也北界東土耳其東界波斯及阿勒富海南距印度海西

抵勒爾西海俗稱紅海長四千餘里廣三千餘里其地西南濱海一帶

有腴壤中央皆戈壁沙磧也商旅必結隊以行否則虞盜劫且慮風

沙埋沒物產唯聚最多入與畜皆食之產名馬牧者愛養如兒子

能一日行五六百里駝尤良負重行遠皆賴之又產加非香料沒

藥之類其地古時為土夷散部恒役屬於波斯陳宣帝大建元年

有摩哈麥者或作摩哈默又作瑪哈穆特生於麥加一作默加少年為商往來

西國娶富商之寡遂致大富不識字而性聰敏以佛教拜偶像為

瀛環志畧 卷三 印度以西同部四國 三

非而泰西諸國耶蘇教已盛行思別創教門以自高異入山讀書

數年著書曰可蘭宣言於眾謂獨一真主上帝命聖者教化世人

初命摩西次命耶蘇兩人之教雖行然不能遍及也復命摩哈麥

立教以補其缺入其教者焚香禮拜念經禁食豬肉唐高祖武德

四年逃難於麥地拿一作默德那土人靡然從教即以是年為元

紀今同教稱一千二百幾十年即本於此歐羅巴其後徒黨日眾

不入教者率眾攻之兵敗徒散收合復起遂滅大敵據阿剌伯全

土布其教於四鄰鄰部皆畏而從之回教遂蔓延西土當其盛時

嘗翦滅波斯吞食羅馬猶太買據阿非之北境紅海地中海裂歐

羅之西垂西班牙縱橫三土亞細亞阿非幾於無敵後為土耳其

所攻屬藩盡失日就衰微卒乃納貢於土耳其稱藩國焉西域稱

摩哈麥為派罕巴爾華言天使也其苗裔稱和卓木華言聖裔也

巴達克山塔什干皆其支派而霍集占兄弟稱大宗回部以為貴

種所至輒擁戴之點虜藉其名以號召回眾數數犯邊遂為西鄙

長患云麥加麥地拿皆在紅海之濱摩哈麥生於麥加其地有黑

石上作大殿周一里許麥地拿為摩哈麥葬處斂以鐵棺每歲諸

回回來兩地禮拜南洋西域泰西阿非利加近者數千里遠者數

萬里接踵膜拜以數萬計○阿剌伯地分六部首部曰黑德倭斯

都城曰麥加建於山谷之中夏屋雲連街衢瀾直海口甚大出運

之貨以加非為主販行歐羅巴各國次日也門曰亞達拉毛曰阿

瀛環志畧 卷三 印度以西同部四國 四

曼曰刺沙曰內德惹其海口在西方者曰熱他富商所萃在東方

者曰木甲與英吉利米利堅定約通商以兵船巡海護之○亞丁

小島也在紅海口門之外現為英人所據

按阿剌伯古條支國也回教既興乃有天方天堂等名皆花門

誇耀之稱比其國於天上其實本無此名其國在波斯之西南

前明時累次朝貢多由西域陸路來明初鄭和等由海道使西

洋至天方而止稱為西洋盡處彼蓋由印度海駛入紅海遂以

為海盡於此而不知小西洋之外尚有所謂大西洋也

佛教興於印度以慈悲為主以寂滅為歸中土士大夫推闡其

說遂覺元悟可喜摩西十誡雖淺近而平正無訾耶蘇著神異



之迹。而其勸人爲善。亦不外摩西大旨。周孔之化。無由宣之。重譯彼土。聰明特達之人。起而訓俗。勸善其用。意亦無惡於天下。固不必操儒者之繩墨。而議其後也。摩哈麥本一市儈。忽起而創立教門。其禮拜與天主教同。所別異者。僅不食豬肉一端。而其獸處無倫。則又爲泰西諸國之所唾棄。乃自李唐以後。其教漸行於西域。今則玉門以西。盡亞細亞之西土。周迴數萬里。竟無一非回教者。嗚。鼠。嗜。鼠。蜈。蚣。甘。帶。孰。爲。正。味。正。難。深。求。於。侏。儻。之。俗。矣。

考泰西人所刻地圖。及所著書。五印度之西。土耳其東土之東。土耳其東土。即西里亞。猶太諸地。在大秦國之東境。止有波斯一國。阿富汗俾路芝。皆波斯地。乃近代所分割。非古建國。稽之前後漢書。出莎車南道。西踰葱嶺。爲大月氏安息諸國。毘連者。爲剽賓烏弋山離。條支諸國。證以泰西人地圖。波斯西南之阿刺伯。東界阿勒富海。俗名東紅海南界印度海。西界勒必西海。俗名紅海惟西北一面。通陸路。與漢書條支傳所云。海水曲環其南。及東北三面。路絕。惟西北隅。通陸道者。一。一。脗。合。是。條。支。之。爲。阿。刺。伯。確。鑿。無。疑。又。前。漢。書。安。息。傳。北。與。康。居。東。與。烏。弋。山。離。西。與。條。支。接。又。稱。其。國。臨。媯。水。商。賈。車。船。行。旁。國。又。後。漢。書。大。秦。傳。稱。大。秦。王。欲。通。使。於。漢。而。安。息。欲。以。漢。繒。綵。與。之。交。市。故。遮。遏。不。得。自。達。今。考。波。斯。東。北。界。有。沙。磧。臨。阿。母。河。即。古。之。媯。水。其。西。界。接。土。耳。其。東。土。正。古。

瀛環志畧

卷三

印度以西回部四國

望

大秦國東境。由大秦通漢。舍此別無道路。是今波斯之爲安息。亦無可疑也。惟大月氏剽賓烏弋三國。爲今何地。迄無定論。或謂愛烏罕爲大月氏。北印度爲剽賓。中印度爲烏弋山離。殊未的確。大月氏本湟中行國。爲匈奴所破。西擊大夏。而臣之都媯。水北爲王庭。今考媯水。即阿母河。源分十數支。皆在雪山之北。葱嶺之西。匯流之後。西北行約二千餘里。又北折行約千里。而入於鹹海。在裏海之東。非裏海也。大月氏王庭。既在媯水之北。則其部曲自在媯水左右。乃今布哈爾境土。愛烏罕在媯水之南。距媯水尙遠。以地勢攷之。似卽古之剽賓。其地與印度之克什米爾接壤。風土物產亦相類。以剽賓爲北印度。始於唐釋元奘證之。新

瀛環志畧

卷三

印度以西回部四國

望

唐書殊爲未合。新唐書曰。天竺居葱嶺南。幅員三萬里。分東西南北中五天竺。南天竺濱海。北天竺距雪山。圍抱如壁。東天竺際海。與扶南林邑接。西天竺與剽賓波斯接。指畫地界。確鑿分明。證以泰西人地圖。亦絲毫不爽。剽賓爲天竺接界之國。則其不在天竺界內。不待辨而明矣。既在天竺之西。則其爲今之愛烏罕。又不待辨而明矣。如舉北印度而屬之剽賓。則天竺有東西南中而無北。何以謂之五天竺。不曰北印度。卽剽賓。而曰與剽賓接。是二非一。彰彰明甚。烏弋山離國。前漢書稱東與剽賓北與撲挑。西與黎軒。條支接。後漢書稱自皮山西南。經烏秣涉懸度。歷剽賓六十餘日。行至烏弋山離國。又西南馬行百餘日。



至條支是其國在罽賓之西南條支之東北乃今俾路芝及波斯極南境黎軒即黎鞞大秦國之別名其東境正接波斯條支即阿刺伯其西北隅亦接波斯波斯即漢之安息若謂烏弋即中印度則中隔數千里之安息何由得與黎鞞條支接耶五印度西界有印度河河西山岡連屬是即天竺與迤西諸國天然界限若謂罽賓為北印度烏弋為中印度西印度亦必包於兩國之中是所謂天竺者將專指東南兩印度乎且漢書明列罽賓烏弋天竺為三國今乃割天竺之大半屬之罽賓烏弋而令天竺本國轉無位置之處恐孟堅蔚宗無此紕繆文法也又天竺傳稱從月氏高附國以西南至西海東至磐起國皆身毒之

瀛環志畧

卷三

印度以西回部四國

望

地身毒有別城數百城置長別國數十國置王雖各小異而俱以身毒為名磐起不知為何地高附別有傳云在大月氏西南本屬安息及月氏破安息乃得高附云云度其地總在附近印度河一帶曷嘗云西至罽賓烏弋皆身毒之地俱以身毒為名乎又天竺傳稱天竺在月氏之東南數千里曷嘗曰在罽賓之南烏弋之東乎諸胡弱肉強食一彼一此數十年即有變更而大地山河萬古不易按圖而稽固歷歷可攷耳

後漢書東漢和帝永元九年西域都護班超遣掾甘英往通大秦抵條支臨海欲渡安息西界船人告以海水廣大往來須齎三歲糧英疑憚而止大秦屢欲遣使於漢為安息遮遏不得通

桓帝延熹九年其王安敦遣使自日南徼外獻象牙犀角瑇瑁始得一通云云考泰西人地圖安息即今之波斯條支即今之阿刺伯東漢時大秦之羅馬正當全盛未分東西詳意大其國都在意大利之羅馬東境至西里亞猶太拂菻國與安息接壤若由安息往大秦渡嶺水入安息境約三千餘里即今已入大秦東境今土耳其東土美索不兩西北行約三千餘里今土耳其渡海峽即君士但丁歷希臘之北境今土耳其約二千里至意大利之東北境今亞地又西南行千餘里即至大秦都城即今計陸路萬里而近自西里亞以西皆大秦地漢書所云從安息陸路繞海北行出海西至大秦人庶連屬十里一亭三

瀛環志畧

卷三

印度以西回部四國

望

十里一置從無盜賊寇警者的確不誣又云道多猛虎獅子遮害行旅不百餘人齎兵器輒為所食按西里亞以西皆大秦名都大邑四達通衢安得有猛獸遮害行旅蓋安息貪綰綵交市之利必不欲大秦之通漢故為此誣說以阻漢使之西行所謂遮遏不得通者此也若由條支從海道往則阿非利加之大浪山一路自明以前未通舟楫即今歐羅巴諸國貨船往來之歐羅巴東來海道率取道於地中海紅海條支都城在麥加乃紅海北岸漢書云條支城在山上周迴而其東境又臨阿勒富海甘英所臨之海未知其為阿勒富海抑即紅海若為阿勒富海則須繞條支三面之海計水程六七千里至紅海之尾而海盡



行陸路一百七十里。地名蘇爾士至地中海之東南隅再登舟西駛約六千餘里而抵大秦都城。即羅馬計水程約一萬三千餘里。若所臨係條支都城之紅海則西北駛千餘里已至紅海之尾計水程不足萬里中間隔陸路一百七十里不能一帆直達。明以前歐羅巴大船不能直抵中國即因此阻隔海國聞見錄所謂根不用刀截斷者也。近年英吉利用火輪船遞送文報皆由此路地中海另然舍此別無道路計其水程速則四五十日。有火輪船接遞。遲亦不過兩三月半載儘可往返何至須齋三歲糧蓋安息總不欲大秦之通漢故使西界船人。麥加距安息已遠甘英所設此詞以難之甘英憚於浮海遂中止耳。至安敦之入貢由日南徼外。即今越南南境之占城一帶乃由紅海駛入印度海東南

瀛環志畧

卷三

印度以西回部四國

星

行至蘇門答臘噶羅巴之巽他海峽轉而北行入南洋抵越南之南境。今歐羅巴諸國來粵東繞阿非利加至印度海後亦由此路。若從陸路須由日南歷暹羅緬甸抵東印度。越中印度至西印度無論中間歷數十番部使幣難通而西印度以西仍須經遮遏之安息方達大秦東境。故知其必由海道無疑也。○大秦國之北方亦有陸路可通中國。須從塞地利亞東北行。歷我羅斯南境。至裏海之北岸轉而東行。歷西域游牧城郭諸部。可抵玉關。此則不入安息境無從遮遏之矣。然南漢時大秦北境至日耳曼而止。塞地利亞以東以北皆匈奴別部。時義羅斯尚未立國時擾大秦邊境斷無可通之理。故通中國惟安息一路。既為所遮

還不得不由海道也。

瀛環志畧

卷三

印度以西回部四國







西域各回部  
西域廣莫。兩漢以來。諸部弱肉強食。時合時分。地名國號。變更以數千百計。元起北方。先開西土。歷代史籍。所稱西域諸部。幾於囊括無遺。元氏既衰。諸部紛紛割據。內多蒙古苗裔。亦有回回種族。我

朝定鼎之後。準噶爾噶爾丹恃其兵力。侵擾喀爾喀蒙古部落。我

聖祖仁皇帝親統六師。犁庭掃穴。漠北肅清。烽燧息警。其後策旺阿拉布

坦餘燼復燃。并兼坐大。據伊犁為巢穴。游騎四出。鄰部咸被侵噬。易世內訌。阿睦爾薩納款關請討。

高宗純皇帝神機獨運。命將西征。電掣星馳。拓地萬里。其後阿睦爾薩納

瀛環志畧

卷三

西域各回部

完

霍集占相繼畔亂。應時戡定。於是天山以北之準部。天山以南之回部。遍列成屯。凡漢志所云西域諸國。隸版圖者十六七。我羅斯當元氏之衰。崛起西北。其國都在歐羅巴之波羅的海。隅漸拓地。東南至亞細亞黑海之東岸。再拓而東南至亞細亞裏海之北。之西。泰西人所刻地圖。新疆回疆後藏之西。我羅斯之南。之東。波斯阿富汗印度之北。統名之曰達爾給斯丹。又謂之韃韃里。或作達達韃韃里者。游牧行國。無城郭室廬。歐羅巴人罕涉其地。故不詳其部落之名。綜其大勢。東起葱嶺。西抵裏海。泰西人稱為喀爾加斯。不過四千里。南起波斯阿富汗印度。北抵我羅斯界。亦不過三四千里。其間部落之大者。不過六七。東北多行國。西南多城

郭國。諸書博引繁稱。半多舛悞。今就其可據者言之。泰西人紀載

等名大約在鹹海裏海之間。其境土國勢未詳故未立傳

哈薩克回部之大者也。東北界科布多所轄之烏梁海。迤南界塔

爾巴哈台東南界伊犁。北界我羅斯。西南界塔什干。浩罕布魯特

諸部。地分三部。左部曰鄂爾圖玉斯。在伊犁之西北。右二部亦稱

中部。西部。中部曰齊齊玉斯。西部曰烏拉玉斯。兩部在伊犁之正

西。乾隆二十年。準部底定。阿睦爾薩納叛逃。左部誘其汗阿布賚

合兵拒戰。我軍擊破之。左部遂降。中西兩部亦詣軍門納款。皆授

王公台吉世爵。三年一貢。歲一市。以馬羊易緞布。而稅其百一。左

部自古為行國。逐水草游牧。與準部蒙古同俗。而從回教。右二部

瀛環志畧

卷三

西域各回部

平

則有城郭。右二部之北。別有部曰北哈薩克。以寇鈔為俗。時侵掠我羅斯邊境。我設兵防之。布魯特分東西。西部。東部。五在天山北準部之西南。舊游牧於特穆圖泊左右。部長稱鄂拓克。後為準部所逼。西遷寓安集延。王師定伊犁。乃復故地。乾隆二十三年。率戶口歸附。散處新疆。回疆卡外西部十有五。在葱嶺之西。與哈薩克浩罕拔達克山毘連。每部所轄多者千餘戶。少者二百餘戶。共二十餘萬口。以額德格納部為之長。二十四年歸附。各授其頭目品官。凡二品至七品。貢市如哈薩克之例。兩布魯特皆游牧行國。而奉回教。與哈薩克左部同俗。性剽悍喜擄掠。



巴達克山。葱嶺西南城郭回國也。扼葱嶺之右。距葉爾羌千有餘里。北鄙有城曰窩罕。一作幹罕。又作瓦漢。其地羣山環繞。田土膏腴。築室以居。耕田而食。亦兼牧獵之利。戶口十餘萬。頭目戴紅氍毹小帽。束以錦帕。衣錦氍毹衣。腰繫白絲絛。足躡黑革鞮。女則披髮雙垂。餘與男子同。民人帽頂似葫蘆。邊飾以皮。衣黃褐。束白絲絛。乾隆二十四年。逆回酋霍集占兄弟為王師所敗。奔巴達克山。縱兵肆掠。其酋素爾坦沙禽波羅尼都霍集占囚之。王師歷境檄索。乃縊殺之。而獻其馘。率所部十萬戶及鄰部博羅爾俱納款。受封賞甚厚。博羅爾在巴達克山之東。城郭回部也。四面皆山。西北有河。人戶三萬有奇。乾隆二十四年。與巴達克山同時內附。其人別一種族。

瀛環志畧

卷三

西域各回部

至

築屋而居。有村落。無文字。與諸回部語言不通。惟衣帽與安集延相倣。人皆深目高鼻。濃髭繞喙。男多女少。恆兄弟四五人共娶一妻。生子女次第分認。無兄弟者。與戚里共之。土半沙鹵。故其人苦貧。地多桑。取甚曝乾為糧。飲山羊之乳。以馬湏為酒。稱其酋曰比比。以人口為賦稅。生子女納其半。賣於各回城為奴婢。值頗昂。每口以五六十八九十金為率。  
乾竺特。或作退。擺特。別一種族。在葉爾羌南。地與後藏相接。無城郭宮室。鑿山為穴。以居。種米麥以食。亦有以游牧為生者。人蓄鬍髮。耳綴金環。其俗敬火。每晨以柴燒火。向之禮拜。地鹵斥。富者僅自給。貧者多傭工於他國。稱其酋曰汗汗。亦貧甚。惟取所部子女鬻於

各處。取其值以自贖。與博羅爾相似。

巴勒提。一作巴爾替。又作哈拉替良。在博羅爾南。重山複嶺之中。人戶寡弱。不足六七千。有屬邑曰哈普倫。稱其酋曰比比。俗遵回教。不蓄鬚。不食猪肉。衣帽語言與安集延同。以游牧為業。冬日嚴寒。覓山坳溫處。以蘆荻結寮。人畜共處。其中十月雪已盈丈。三月雪消始出地產。獨峯之駝。

浩罕。一作敖罕。又作豪罕。又作霍罕。俗稱安集延。回部城郭之國也。地在葱嶺之西。有四大城。俱當平陸。最東為安集延。與布魯特毘連。其人長於心計。好賈遠游。南北各城處處有之。故西域盛稱安集延。今遂為浩罕種人之名。從安集延。西百有八十里。為瑪爾噶朗城。又西八

瀛環志畧

卷三

西域各回部

至

十里。為納木干城。一作奈曼。又西八十里。為浩罕城。其汗居之。四城皆濱那林河岸。又所屬小城三。曰窩什。在東南。曰霍占。在西南。曰科拉普。在西北。近年塔什干亦附之。故浩罕又稱八城云。元人所置撒馬兒罕城。在浩罕城西。今成廢墟。浩罕風俗畧同南路諸回城。而鷲勇過之。性最陰狡。習於攻掠。西南與布哈爾毘連世為勍敵。乾隆二十四年。大軍追霍集占。霍集占欲投安集延。安集延不納。其酋額爾德尼旋奉表貢馬。其後霍集占兄弟為巴達克山所殲。波羅尼都次子薩木薩克逃赴浩罕。故浩罕有逆。曾遺孽云。  
按西域卡外諸回部。哈薩克最馴擾。布魯特好鈔掠。而部落瓜分不相統一。其餘或寡弱。或荒遠。俱不能為邊患。獨浩罕一部。



毘連布魯特附近吾國其人長於服賈心計精密卡內之南北各城卡外之回部各國足跡無不到之地性貪而狠狡焉思啟子女玉帛之所在刻刻垂涎逆魯波羅尼都遺種於茲浩罕藉其和卓之名居為奇貨和卓或作霍卓華言聖裔也其初祖摩也其子孫分布西域稱為和卓木頃遂擁逆裔張格爾誘脅布魯特攻陷四城括其蓄積捆載而去嗣復擁玉素普鈔掠喀城益其虎狼之性躡距之謀乘機即發而布魯特愛曼聚落散處本以寇鈔為俗聽其驅役嘗為先導是此時邊防之最亟者惟此虜爾

塔什干一作塔什罕亦城郭回部在浩罕之西北與哈薩克右部毘連瀛環志畧 卷三 西域各回部

地處平原多園林饒果木土宜五穀民居稠密舊為右哈薩克屬部乾隆二十三年遣使奉表求內屬尋入貢後又附浩罕為屬城蓋其國介哈薩克浩罕之間弱小不能自立故兩部皆得役屬之云由塔什干踰錫爾河又逾納林河為賽瑪爾堪城即撒馬兒罕今在浩罕境內又西南為噶拉克則城又西為烏爾根齊城兩城當是布哈爾地又西臨達里岡阿泊即鹹海布哈爾布哈爾札布札布甲不甲不回部大國也東接拔達克山諸部東南連北印度之克什米爾南界阿富汗西南界波斯北境與浩罕接壤包浩罕西界抱鹹海而達裏海幅員之恢闊諸回部殆無與比東境多山嶺西界有大戈壁沙磧有城郭而兼游

牧戶口不繁部落甚多屬城有鄂勒推帕疑即西域聞濟羅克拜爾哈噶斯呢等名匪阿母河兩岸皆布哈爾境土元人所置行省者也其地氣候頗炎冬無大雪產五穀瓜果又產骨重羊俗長騎射與浩罕時時構兵鄂勒推帕部山徑斗絕人強悍尤浩罕所忌云或云已為浩罕所破乾隆二十九年因巴達克山請內附道光十九年我羅斯欲窺印度密差頭人至布哈爾使與英吉利印度屬國構兵英人率兵入險講和而罷

按西域諸國布哈爾最大其地西接波斯東連印度為西南回部之樞紐道光二十年粵東譯出英人新聞紙即月報有云五月十四日接印度來信論及我羅斯欲攻打印度之事蓋我英國瀛環志畧 卷三 西域各回部

之印度兵攻取興都哥士山即雪山南邊各部落而我羅斯邊境在此山之北三年前尚有回部四五國巨隔今止隔一大山而已因布哈爾已附我羅我羅斯近日直攻至韃韃里之機窪韃韃里即游牧回部機窪一作基瓦又皆因我等攻取阿付顏尼部作其機當在鹹海之西裏海之東故我羅斯亦攻至荷薩士河即阿河已約木哈臘即布哈爾同取阿付顏尼部以攻打印度為我兵頭沙阿力山及馬約里治堵禦故計不行我羅斯前在希臘即額里士歐羅巴小國與包社人即波斯立約欲收復阿付顏尼以攻取印度亦因我兵頭律勿蘭所拒後詭稱收回逃散奴僕攻取機窪及木哈臘人皆謂我羅斯得此二地布哈爾不開有并人我羅斯之事大約歸附為屬國耳當必退兵乃



又使人日日學習印度事務。又與木哈臘人立約。同取阿付顏尼。不知我羅斯人要何地方。肯住手。我羅斯人曾以兵威自黃海印波羅海攻至黑海印勒必一帶地方。以廣其國境。所以今日必要隄防其在荷薩士河駐扎之兵。云又英人所著萬國地理書云。道光十九年。我羅斯私差奸人至甲不印布兜攬事情。遍滋事端。云即此事也。余按我羅斯近年疆土日廣。其國之南境。已盡裏海之西北兩岸。由裏海之北岸。直趨東南中間。所歷之鞑回部印。幾窪之類。皆冗弱無足比數。戎馬往來。如若無人。布哈爾較大。實為東道關鍵。故我羅斯脅而降之。以為進窺印度之計也。英人之取印度也。由海。我人之窺印度也。由

瀛環志畧

卷三

西域各回部

蓋

陸論巧。則我。不如英。量力。則英。不如我。兩國之在西土。可稱勦敵。數十年後。當不知作何變動矣。

西域諸回部。七椿園西域聞見錄言之最詳。官書如一統志。四裔考之類。世不經見。遂以此錄為典要。而不知其訛謬駁踳。殆不止一二端也。按噶爾之荒唐。退木爾沙之謬誤。人皆知之。愛烏罕之訛為敖罕。波斯之訛為塞克。圖說見前。議者徒知指擊。卒未有翹其原委而為之辨明者。其所稱大西洋諸國。大半影響。惟西域之博羅爾。退擺特。印乾。哈拉替。良勒提。印巴。三部言其土俗。頗詳。足補官書之所未備。餘則不足深考矣。又新疆識畧及西域水道記。所載諸部落之名。距回疆較近者。曰滾。曰綽。曰差。特。

拉勒。一作沙。曰赫斯圖濟。曰羅善。曰克什南。印西域聞見錄。曰達爾瓦斯。距葉爾羌十三站。至十八站不等。皆雜冗小回部。錯處於布魯特浩罕之間。稍遠者曰依色克。曰差普雅。曰渾塔斯。曰塔爾罕。以上四部似。皆距回疆二十餘站。至三十餘站不等。至若瓦罕為巴達克山之屬城。哈普隆為巴勒提之屬城。窩什霍占科拉普為浩罕之屬城。鄂勒推帕濟雜克拜爾哈噶斯呢。為布哈爾之屬城。堪達哈爾為愛烏罕之屬城。賈人往來。喀葉諸城。多稱其城邑之名。而不復稱其國土之名。遂致茫昧紛紜。不可辨識。其地形方向。諸書或同或不同。不敢意為位置也。葱嶺之塞勒庫爾。東流入羅布泊。印星。所謂崑崙河源者也。其

瀛環志畧

卷三

西域各回部

美

葱嶺以西之水。分三大支。一支發源後藏。西流至克什米爾。西界轉而南行。會北印度諸水。至西印度之信地。入大海。所謂印度河也。其餘兩支。皆自東而西南。一支為阿母河。泰西稱亞木達里亞。發源葱嶺。會布哈爾境內諸水。西行二千餘里。北折入於鹹海之南北。一支為納林河。泰西稱西爾達里亞。發源葱嶺。會北方諸水。西行二千餘里。入於鹹海之北。鹹海又名死海。西域稱達里岡阿。泊泰西稱亞拉爾。南北約六七百里。東西約二三百里。水鹹凝結成鹽。不通大海。故名死海。鹹海之西約千里。有大澤曰裏海。泰西人稱喀爾士畢安。一作加斯比約。南北約三千餘里。東西約千里。所受者西北諸國之水。汪洋似海。而不通。



大海故名裏海。其東岸為西域回部極西之境。逾裏海而西。即  
 俄羅斯東南境。與波斯西北境。世多以裏海為雷翁海。誤矣。按  
 水經注稱。媯水入雷翁海。媯水即今之阿母河也。嘗見泰西人  
 地圖。大二尺許。畫阿母河極詳細。由東南發源。支流從兩岸匯  
 入者十六道。行千餘里。乃成獨流。向西北行約二千里。又北折  
 行約千里。入於鹹海。將入鹹海。先匯為小湖。由小湖北注。洲渚  
 錯雜。羣繪極細。然則媯水所入之雷翁海。其為鹹海無疑矣。裏  
 海在鹹海之西。絕不相通。較之鹹海。大幾十倍。東來之水。盡入  
 鹹海。亦絕無涓滴入於裏海。蓋昔時止知有雷翁海。迨泰西通  
 中國之後。始盛傳裏海。遂以為非裏海。不足當雷翁海之名。而  
 不知其渺不相及也。惟前漢書稱康居西北可二千里。有奄蔡  
 國。臨大澤。無涯。此則為裏海無疑。即以為是為史籍言裏海之始  
 可矣。

瀛環志畧

卷三

西域各回部


卷

# 歐羅巴圖

瀛環志畧

卷四

歐羅巴圖







瀛環志畧

卷四

歐羅巴圖

二



歐羅巴

歐羅巴或作友一土在亞細亞極西北隅以烏拉大嶺為界詳我  
說中國之所謂大西洋也絕長補短約得亞細亞四分之一西距  
大西洋海水由西北灣環注入大地曰波羅的海一作八得海  
轉注東北分兩汊約三四千里波羅的海之南海水由正西注入  
大地曰地中海泰西名墨力特爾勒尼由西而東約七千餘里再  
分小汊注東北成巨浸曰黑海泰西名周迴約二三千環波羅  
的海南盡地中海黑海之北岸為歐羅巴全土其地自夏以前土  
人游獵為生食肉寢皮如北方蒙古之俗有夏中葉希臘各國初  
被東方之化耕田造器百務乃興漢初意大里亞之羅馬國創業

瀛環志畧

卷四

歐羅巴

三

垂統疆土四關成泰西一統之勢漢史所謂大秦國也前五代之  
末羅馬衰亂歐羅巴遂散為戰國唐宋之閒西域回部方強時侵  
擾歐羅巴諸國蒼黃自救奔命不暇先是火炮之法創於中國歐  
羅巴人不習也元末有日耳曼人蘇爾的斯始倣為之猶未得運  
用之法明洪武年閒元駙馬帖木兒王撒馬兒罕威行西域歐羅  
巴人有投部下為兵弁者攜火藥砲位以歸諸國講求練習盡得  
其妙又變通其法創為鳥鎗用以攻敵百戰百勝以巨艦涉海巡  
行西關亞墨利加全土東得印度南洋諸島國聲勢遂縱橫於四  
海現大小共十餘國

波羅的海之東岸有大城曰彼得羅堡一作必特我羅斯之都城



也波羅的海之西岸與大西洋海相表裏地形如葵扇下垂曰瑞  
國從南岸突出如臂巨波羅的海之門闕與瑞國作凹凸之勢曰  
噠國噠國之南曰日耳曼列國為歐羅巴之中原日耳曼之東北  
臨波羅的海曰普魯士日耳曼東南曰塞地利亞塞地利亞之東  
南臨地中海曰土耳其土耳其有三土此其西土土耳其之南地  
中東兩土在亞細亞界內形如人掌拊於地中海曰希臘日耳曼之南曰瑞士再南如人股  
之著屐入於地中海曰意大里亞列國日耳曼之西北臨海曰荷  
蘭荷蘭之南曰比利時比利時之南曰佛郎西佛郎西之西南曰  
西班牙西班牙之西臨大西洋海曰葡萄牙佛郎西之西北有三  
島雄峙海中曰英吉利

瀛環志畧

卷四

歐羅巴

四

歐羅巴諸國之名諸書異說幾難辨識有一國本有數名者有  
本係一名而譯寫轉音遂致言人人殊者今採輯於後以資考  
核

俄羅斯 ○鄂羅斯 ○厄羅斯 ○阿羅思 ○幹魯思 ○兀  
魯思 ○羅利 ○羅車 ○葛勒斯 ○縛羅答 ○莫哥斯未

亞 ○薩爾馬西亞 ○魯西亞 ○沒壽咄

瑞典 ○蘇以天 ○瑞丁 ○綏林 ○瑞西亞 ○綏亦古 ○西  
費耶斯利 ○里都亞尼亞 ○匪馬爾如 ○波的亞 ○藍旗

噠國 ○領墨 ○吝因 ○丁抹 ○大尼 ○丹麻爾 ○大馬爾  
齊 ○雪際亞 ○蘇厄祭 ○盈黎馬祿加 ○低納馬爾加 ○

旗黃

日耳曼 ○阿勒曼 ○阿里曼 ○占曼尼 ○耶  
馬尼 ○熱爾麻尼 ○亞勒墨尼亞

普魯士 ○破魯西 ○比阿爾彌亞 ○單鷹國  
普魯社 ○部魯西亞 ○埔魯寫 ○圖理

塞地利亞 ○奧斯德里亞 ○阿士得釐亞 ○阿士氏拉 ○歐  
塞特里阿 ○莫爾大未亞 ○東國 ○雙鷹國  
土耳其 ○土磯 ○都耳基 ○多爾其 ○特爾濟 ○都魯  
額里士 ○額力西 ○  
希臘 ○厄勒祭 ○厄肋西亞 ○  
瑞士 ○蘇子 ○束色楞 ○綏沙蘭  
○蘇益薩 ○黑爾威西亞  
意大里亞 ○以他里 ○以他利 ○伊達利 ○羅問 ○羅汶 ○那  
嗎 ○薩都爾尼啞 ○厄諾地里啞 ○奧索尼啞  
荷蘭 ○和蘭 ○賀蘭  
比利時 ○比勒治 ○惟理儀 ○北義 ○比爾啞略 ○比  
爾日加 ○密爾閣 ○彌爾尼王 ○比利問  
佛郎西 ○佛朗西 ○法蘭西 ○佛郎機 ○佛朗機  
○佛朗西 ○奧盧 ○奧祿 ○牙里亞  
西班牙 ○班牙 ○斯扁亞 ○士便 ○干絲蠟 ○義斯巴  
尼亞 ○以西把尼亞 ○大呂宋 ○意卑里亞  
葡萄牙 ○葡荷駕 ○葡荷庫耳 ○布路亞 ○波耳都欺 ○博爾  
都鳴亞 ○伯爾都牙里 ○大西洋 ○盧西達尼亞

瀛環志畧

卷四

歐羅巴

五

英吉利 ○英機黎 ○英圭黎 ○膺吃黎 ○諸  
厄利 ○英倫的 ○及列的不列顛

按以上各國惟義羅斯與中國互市在西北陸路不由海道其  
至粵東貿易者英吉利船最多居各國十分之六西班牙之船  
大半自呂宋來粵東稱大小呂宋不稱西班牙船之多幾過於

英吉利而洋米之外少別貨此外則塞地利亞普魯士次之噠  
國荷蘭又次之瑞國又次之佛郎西貨船每歲來粵多不過三

四隻少則一二隻所載皆呢羽鐘表諸珍貴之物葡萄牙即居  
澳門之大西洋其本國商船來者甚稀日耳曼之翰堡一作昂  
不爾厄

北閩一作不  
來梅兩埠間有貨船來粵比利時現求通商船尚未來

意大里亞近分四國商船無來者土耳其係回回希臘新造小



國向未通商

泰西人有歐羅巴列國版圖說。一曰俄羅斯國王主治地三百二萬正方里。居民四千一百萬人。每年進幣五千二百萬圓。皆以圓計重者七錢二分。分輕者四五錢不等。國家欠項二萬萬圓。額兵六十萬。戰時百萬餘。師船三十六隻。○二曰英吉利女王主治地三十萬正方里。居民二千二百萬人。每年進幣二萬二千八百萬圓。欠項三十五萬萬圓。額兵九萬。戰時三十七萬。師船六百十隻。戰時千餘隻。○三曰佛郎西國王主治地六十三萬正方里。居民三千二百萬人。每年進幣一萬五千七十萬圓。欠項四萬八千萬元。額兵二十八萬。戰時三十二萬。師船三百五十隻。○四曰塞

瀛環志畧

卷四

歐羅巴

六

地利亞國王主治地七十五萬正方里。居民三千二百萬人。每年進幣五千二百萬圓。欠項二萬萬圓。額兵二十七萬。戰時七十二萬。師船三十一隻。○五曰普魯士國王主治地三十萬正方里。居民一千二百萬人。每年進幣三千萬圓。欠項一萬一千四百萬圓。額兵十五萬。戰時五十二萬。師船未詳。○六曰西班牙女王主治地四十一萬正方里。居民一千三百萬人。每年進幣二千六百萬圓。欠項二萬三千餘萬圓。額兵四萬六千。戰時十七萬。師船今無。○七曰土耳其國王主治地六十萬正方里。居民九百餘萬人。每年進幣一千一百萬圓。欠項三千六百萬圓。額兵八萬。戰時二十萬。師船百有餘隻。○八曰瑞國國王主

治地六十七萬正方里。居民三百八十萬人。每年進幣七百萬元。欠項一千七百萬元。額兵四萬五千。戰時十三萬。師船三十隻。○九曰噠國國王主治地一十五萬正方里。居民二百萬人。每年進幣四百萬圓。欠項四千萬元。額兵三萬八千。戰時七萬四千。師船一百隻。○十曰葡萄牙女王主治地一萬八千正方里。居民三百七十萬人。每年進幣八百七十萬圓。欠項二千四百萬圓。額兵四萬。戰時七萬。師船二十三隻。○十一曰荷蘭王分南北主治。北曰荷蘭南曰比利時。共地七萬七千正方里。居民六百九十餘萬人。每年進幣一千二百萬圓。欠項一萬七千八百萬元。額兵四萬三千。戰時六萬九千。師船一百餘隻。○十二曰拿

瀛環志畧

卷四

歐羅巴

七

破里。一名捏不爾士。又作那不勒斯。意大里亞所分國。國王主治地一十二萬正方里。居民七百四十萬人。每年進幣一千二百萬圓。欠項八千四百萬圓。額兵二萬八千。戰時六萬。師船十二隻。○十三曰撒地尼。一作沙力尼。阿又作薩爾的。國王主治地七萬四千正方里。居民四百一十萬人。每年進幣八百七十四萬圓。欠項二千四百萬圓。額兵二萬八千。戰時六萬。師船八隻。○十四曰瑞士。無國王。民自推鄉長理事。地三萬。突加拿二國。此說遺之。○十四曰瑞士。無國王。民自推鄉長理事。地三萬二千正方里。居民二百萬人。每年進幣二萬五千圓。鄉兵三萬三千丁。○十五曰希臘。國係新造。地域稅入兵額未詳。○十六曰日耳曼。分四國。一曰巴華里。一作拜馬。又有國王。地九萬正



方里居民四百萬人。每年進幣一千四百萬圓。欠項四千四百萬圓。額兵五萬三千。戰時七萬一千。二曰漢那華。一作漢那瓦。又作亞諾威。有國王。地四萬二千方里。居民一百五十萬人。每年進幣四百六十八萬圓。欠項一千二百萬圓。額兵一萬二千。戰時二萬六千。三曰味耳典白。一作威丁山。又作瓦爾敦巴耳。有國王。地二萬方里。居民一百五十萬人。每年進幣三百三十四萬圓。欠項一千萬圓。額兵四千。戰時二萬七千。四曰撒遜。一作撒孫。又作薩克地。索尼亞。又作塞循。地一千五百方里。居民一百四十萬人。每年進幣八百七十四萬圓。欠項一千二百萬圓。額兵一萬三千。戰時二萬四千。別有大。小侯國二十餘。不在此內云。○余按此說各國地域之正方里。

測量海道處處誌其淺深不失尺寸。越七萬里而通於中土。非偶然也。西北之耀武功。始於漢。故稱中國為漢人。嶺南之聚番船。始於唐。故稱中國為唐人。然唐時之番船。亦不過南洋小西洋諸島國王。涯之胡椒八百斛。故南洋產也。後來盛稱波斯胡。波斯即今之包社。在印度之西。中土統謂之小西洋。歐羅巴諸國之東來。先由大。西洋而至小西洋。建置埔頭。漸及於南洋諸島。然後內嚮而聚於。粵東萌芽於明。中濫觴於明季。至今日而往來七萬里。遂如一葦。之杭天地之氣。由西北而通於東南。倘亦運會使然耶。歐羅巴之人。長。大白。皙。隆。準。深。眶。黃。睛。亦有黑。鬚。多。連。鬚。或。繞。頰。

有條直似中土者。有拳曲如虬髯者。有全雍者。有全雷者。有分別。雷。鬚。如。中。土。者。不。關。乎。老。少。也。髮。雷。二。三。寸。許。長。則。剪。去。鬚。與。髮。多。黃。赤。色。明季稱荷蘭為紅毛。近年稱英吉利為紅毛。皆因其。鬚。髮。之。黃。赤。然。歐。羅。巴。人。皆。如。此。非。獨。兩。國。為。然。也。聞亦有黑色者。髮黑者。睛亦黑。女子髮與睛亦然。或云居中土久則鬚髮。與睛漸變黑。其男女面貌。亦有半似中土者。男子冠平頂圓筒窄。簷高三四寸。或氈或帛。見客則釋冠。以為禮。皆闊領及領窄袖束。身長僅及腹。袴亦緊束於股。外襲之衣。畧寬長。可及膝。做其前襟。其衣內用布。外用呢。冬不裘。夏不葛。履鞮並著。以革為之。女人髮。全雷。挽。髻。畧。似。中。土。衣。亦。窄。袖。貼。身。而。無。領。前。露。胸。與。肩。之。半。後。裸。背。之。近。項。者。約。五。六。寸。出。門。則。襲。闊。領。之。衣。掩。蔽。之。下。著。裳。長。



拂地。腰皆裝積。約五六層。男女皆好潔。日就浴盤。

歐羅巴諸國。迤南者在北黃道之北。寒暑似中原。迤北者在北黑道之南。積雪至五六尺。堅冰至三四尺。俗傳西洋人畏冷。誤矣。冬月室皆熾炭。衣氈數重。無著皮者。所傳畏冷者。乃黑夷。黑夷皆印度或南洋各島人。與赤道相近。亘古未見冰雪。其遇祁寒而瑟縮也宜矣。

歐羅巴五穀之種皆備。極北嚴寒。多種油麥。日耳曼以南。以小麥大麥。莠麥為主。峇羅斯南境及土耳其。以粟米黍米高粱為主。種杭稻者。惟意大里西班牙。地處極南。故也。果實則桃李柰梅。櫻相橘。葡萄櫻桃。橄欖桑甚。無花果甘蔗。皆有之。蔬菜多種。以番薯

瀛環志畧

卷四

歐羅巴

十

為重。食以麥麪。燒作餅餌。牛羊豕皆多。熟沃以醢醢。食用刀匕。不用箸。飲用加非。煮湯和以酥糖。油以橄欖為之。清香不減。胡麻釀酒。以葡萄開。有用櫻桃果仁。大麥為之者。不如葡萄所釀之醇。羽緞用旄牛之毛。大呢用絨羊之毳。棉花由五印度米利堅販運。用火機織布。工省而價廉。五金之鑛。各國多有之。而峇羅斯產鐵最多。諸國皆取給焉。銀鑛舊資日耳曼之撒遜。近年取之南亞墨利加。材木隨處成林。橡松檉榆。櫟為多。紋緻而質堅。中國牲畜皆備。牛與豕極大。

歐羅巴諸國來粵東。皆從大西洋海開行。沿亞非利加之西岸。南行至盡頭之炭阿穩島。朴一作好望乃轉而東北。舟行至此。風

一作好望

名大浪山

濤最惡。彼土人慣於浮海。亦罔不慄慄危懼。過此乃額手稱慶。浮

印度海東北行。入蘇門答臘。噶羅巴之巽他海峽。又東北而至粵東。計程約七萬餘里。俗稱來三云五。蓋由大西洋來中國。約三月程。回國則須五月程。往返同途。而遲速不同者。非盡由風信之順逆也。四海之水。皆東趨至尾閭。而入大地。又從萬派源。泉分流而出。由歐羅巴至中國。則為順流。由中國西旋。則為逆流。故遲速不同耳。

按七椿園西域聞見錄云。峇羅斯之西北。有大國曰控噶爾。包峇羅斯東西界之外。所轄各城。自萬戶至十餘萬戶不等。小城屬於大城。每一大城。屬小城三四。以至十餘。大城計一千四百

瀛環志畧

卷四

歐羅巴

十一

餘。都城名務魯木。南北馬行九十日。東西亦然。城門二千四百。城內大江三。山河數澤。不可勝計。宮室縣巨數。十百里。黃屋朱門。皆以珠寶為飾。云。余嘗讀之。而疑其誕。以今考之。則西方並無此國。峇羅斯之北界。直抵北冰海。無別壤。其西則與歐羅巴之瑞典。普魯士。奧地利。亞接壤。西南與土耳其。其接壤。東南與波斯接壤。乃知所謂控噶爾者。蓋指歐羅巴之全土。云。與峇之控噶爾。乃係指土耳其。今大小有數十國。爭城爭地。時合時分。不相統一。千餘年之前。惟意大里亞為一統之朝。歐羅巴諸國。皆其臣僕。其都城極大。名曰羅馬。與椿園所云務魯木者。譯音相近。然亦不過七八十里。安得馬行九十日。耶。意大里亞。早














# 西戎羅斯境圖

瀛環志畧 卷四 戎羅斯西境圖 十六



瀛環志畧 卷四



瀛環志畧 卷四 戎羅斯西境圖 十七



我羅斯國

我羅斯國俄羅斯○鄂羅斯○厄羅斯○阿羅斯○幹魯思○兀魯思○魯西亞○羅利○羅車○葛勒斯○納羅斯○莫哥斯○未亞○沒壽啡據亞細亞歐羅巴兩土之北境復跨海據亞墨利加之西北隅拱北冰海如玦環長約二萬餘里宇內第一大國也其西土西界瑞典普魯士塞地利亞南界土耳其波斯東界西域回部其東土南界哈薩克回部喀爾喀蒙古黑龍江綜其全土在亞細亞者十之六在歐羅巴者十之四然其新舊兩都城皆在歐羅巴其富盛之部落雄麗之城邑萃於西偏迤東之地雖廣莫乃荒寒不毛之土其會盟戰伐亦皆與歐羅巴諸國為緣國勢在西而不在東故隸之歐羅巴其國古稱薩爾馬西亞自唐以前為西北瀛環志畧

卷四 我羅斯國 七

散部受役屬於匈奴唐懿宗咸通年間有會長祿利哥者招引族類肇造邦土傳至烏拉的米爾訶羅斯訶兩世立國始有規模周世宗顯德年間有王后理國政始崇希臘天主教其嗣位之王有十二子分國為十二部由是兄弟鬩牆互相攻伐日就衰亂宋理宗年間元太祖西伐滅阿羅思阿速欽察三部皆今我羅斯地立長子木赤為汗由是為蒙古別部元衰我羅斯故王後裔乃稍稍振起明嘉靖初借瑞典兵力驅逐蒙古復其土宇後有國王號以萬者一作伊挽又有雄畧辟地日廣達於東海之隅性殘忍好殺戮臣民數萬人由是羣下離心傳至波利斯後國勢衰弱內訌四起時波蘭方強日見侵削國人恟懼思得賢主以靖國康熙四十年立彼得

羅為國王一作伯多羅又作彼達王彼得羅幼時其姊貪權欲據王位彼得羅避禍隱寺內為僧既為眾所推立卑禮招致英賢與圖國事躬教士卒騎射兼習火器悉為勁旅由是政令更新國俗為之一變境內既平乃巡行邊界開通海口嘗以我人不善駛船變姓名走荷蘭投舟師為弟子盡得其術乃歸治舟師與瑞典戰勝之瑞典割芬蘭以講遂建新都於海濱曰彼得羅堡一作必特爾比特華又作桑比疏通波羅的海道水陸皆操形勢戰勝攻取彌士愈闢我羅斯近世之強大實自彼得羅始也彼得羅歿其后嗣位敏慧有權謀所任大將名震隣國疆土益廣乾隆二十年王后加他隣一作加達利納嗣位淫蕩多變而精於理事招致他國

瀛環志畧 卷四 我羅斯國 六

百工厚給廩餼教國人以藝事廣延文學兼修武備南隣之土耳其回部大國與我構兵數十年后累挫其鋒割其北境又分割波蘭三分之二后死嗣王即位見弒子亞勒山德黎繼立與佛蘭西連兵數年講和而罷弟尼歌拉士嗣立一作尼哥勞伐土耳其大捷波斯來侵擊退之割其日爾日等屬部威聲甚著即今在位之王也其國大畧分四部在歐羅巴境內者曰波羅的海東部曰波蘭部在亞細亞境內者曰高加索新藩部曰西伯利部波羅的海東部西抵波羅的海東至烏拉嶺烏拉嶺北起北冰海南至白爾摩長約四千里歐羅巴亞細亞北距北冰海南盡黑海南北約七千餘里東西約五千餘里我羅斯本國之全土也地形平坦東方始見山嶺



大勢分五城曰東戛曰大戛曰加戛曰小戛曰南戛○東戛在國之西北境因據波羅的海東岸故稱東戛地分五部首部曰彼得羅堡其故王彼得羅建新都於此因以為名者也沿海一帶平野蒼茫松榆茂密間有狹田地氣寒甚冬氣居六月之久都城在尼瓦河口近偏海港西風起則水湧入城街衢泛溢城內多廣厦傑構王廷長四十五丈闊三十八丈金彩耀目宏麗為西國之最泰西人造屋皆層樓疊架繞以迴廊外無牆垣院落雖王宮亦如此居民四十二萬五千內水陸兵五萬五千客民二萬五千別有藏軍器之城曰立冕彼得羅堡之西南曰斯多尼亞部再西南曰里窩尼亞部兩部內港有大埔頭曰利牙每年出入商艘千餘再南曰孤爾蘭的亞部彼得羅堡之

瀛環志畧

卷四

義羅斯國

九

北曰芬蘭部本瑞典東北境我戰勝割得之地極廣莫而氣候寒冽人戶貧乏○大嶽嶽之中原毘連北地幅員遼闊故稱大嶽地分十九部首日墨斯科部一作木吉在四境適中之地我之舊都也規制鉅麗百官之居皆飾以金銀嘉慶十六年佛郎西拿破侖新得國勢方張欲混一西土以大兵伐我圍墨斯科城將陷我人恐其據之也燒之而走火旬日不息佛師退乃次第修復王殿廣七十丈長二百一十丈宇內宮闕之高大殆無與比墨斯科之左曰瓦拉的迷爾部曰尼內諾烏痾羅部舊為國之大市今已衰廢曰赫阿夏部墨斯科之右曰加戛牙部百工萃集之地曰斯摩梭斯科部墨斯科之南曰都拉部其民冶鐵鑄造各器曰當波弗部曰

痾勒爾部曰窩羅尼日部曰古爾斯克部墨斯科之北曰哥斯德羅馬部曰日羅斯拉部曰的威爾部曰北斯哥弗部再北曰痾勒內部曰窩羅痾達部曰諾弗哥羅部三部地氣皆寒冽極北臨北冰海曰亞爾千日爾部廣莫倍芬蘭而荒寒不可耕人戶甚稀多以捕魚為業加戛諸部之粟時由內河往羅極北濱海之民皆短小以犬為馬以鹿為牛有天使頭城在白海內港之濱冰消之時商船可以出入○加戛我在大戛之東本回部地明嘉靖間我攻得之分為五部地腴坦宜稼產穀甚豐又產木材鋼鐵番鹼其民善於硝皮首部曰加戛加戛之南曰新比耳斯克部新比耳斯克之西曰奔薩部加戛之北曰維亞德加部再東北曰白爾摩部○

瀛環志畧

卷四

義羅斯國

十

小戛在大戛之西南舊本我地為波蘭回部所侵割尋復奪還其地氣候溫和川原清曠綠柳垂楊相望葡萄柑橘皆繁生其民耕田熟皮造番鹼各勤本業分三部曰究部曰厄加德黎諾斯拉部曰者爾厄痾弗部○南戛在大戛小戛之南土脈膏腴產穀最多分羅諸國地分五部曰加的勾巴爾的哥部曰給爾孫部曰比薩拉比亞部在黑海中者曰擣里達部小山巖秀地氣溫煦稱樂土加的勾巴爾的哥之東曰薩拉德夫部其種人曰可薩悍勇善戰馳騎如飛我人每用以破敵稱為勁旅其開拓西伯利廣土皆此部兵力也西伯利部戍守之兵亦皆此部人波蘭部一作破蘭又作波羅尼亞又作惹鹿惹也在海東諸部之西南先是有查遮爾



倫國者與波蘭隣其王薨於波蘭女主遂與波蘭合後為俄羅斯所取稱為西戎其人白皙又稱白戎迨後波蘭衰亂俄羅斯與奧地利亞普魯士瓜分其國俄得三分之二道光十二年波蘭遺臣據地起兵與俄軍戰潰敗而逃其地卒歸於俄合前所得白戎地統稱波蘭部白戎地廣闊平坦草茂土肥宜耕宜牧其民修潔屋宇整峻分六部曰威德比斯科部曰摩宜勒威部曰明斯克部曰維里納部曰哥羅德諾部曰窩黎尼亞部曰波多里亞部波蘭地蕩平如砥林茂草芳穀果俱豐兼產材木煤炭蠶蜜分八部曰馬索維亞曰加拉哥維亞曰三多迷爾曰加利斯曰魯伯林曰波羅略曰波達拉給亞曰亞烏斯多窩八部地界原圖未分畫

瀛環志畧

卷四

我羅斯國

三

高加索新藩部一作告在海東諸部之東南亞細亞極西之土也南境有高加索山西壓黑海東抵裏海綿巨蜿蜒千峯矗起其北境環抱裏海地勢平闊達於加匿部之白爾摩舊本游牧回部俄羅斯以兵力取之迤南在高加索山南北者皆土番種類獷悍異常舊屬土耳其波斯兩國近年俱為俄羅斯所割置新藩五大部極北者曰痾倫不爾厄部一作阿地接西域回部豐草鋪原蒙回各部互市於此以馬牛羊易布疋痾倫不爾厄之西南曰阿斯達拉干部一作述為五藩部之都會窩瓦河從西北來由此入裏海兩岸草場豐美牧畜蕃庶即土爾扈特寄居游牧之地西域聞見錄謂烏巴錫因河水未合率河南戶口內附而遺其河北今考窩瓦河自西北而東南為巴錫之東徙蓋攜其河東戶口而遺其河西也其地通衢四達

西域游牧各部互市者絡驛於途故富饒為五部之最女子絕美人長於釣捕販行甚遠阿斯達拉干之南曰薩加社一作色爾各阿在高加索山之陰種人居巖谷不事耕作貧甚而性特悍習於剽劫鄉皆土堡自練丁壯為兵梗令揭竿時時有之俄軍收捕往往挫衄僅緝廢以固邊圉不能使之馴擾也薩加社之南曰諾尼阿部一作額在高加索山之陽本屬土耳其其後稱兵叛土俄羅斯征服之收為藩部其地山嶺崎嶇戶口繁而貧販鬻男女為奴婢民俗悍獷甚於薩加社諾尼阿之東曰日爾日部一作熱東距裏海跨高加索山之南北本屬波斯嘉慶十八年俄羅斯戰勝割取

瀛環志畧

卷四

我羅斯國

三

之民俗與諾尼阿同男女多美姿容會城曰得勒甚卑陋我人修飾之漸改觀矣薩加社諾尼阿日爾日三部近年又分為八部日明哥勒里亞日達日斯丹日西爾加西亞日義米勒多日西亞八部之外又別立高加索省原圖皆未分畫西伯利部一作西卑里亞亞細亞之北境也西起烏拉嶺東距大洋海北距北海南抵外興安嶺界黑龍江索倫喀爾喀烏梁海蒙古哈薩克回部長約一萬三千里寬約五千餘里地處窮髮之北限以峻嶺崇山自古輜車之所未至歷代行國之所不居在大地為別一區宇其地氣候極寒迤南猶見草木迤北勾萌鮮苗僅有矮松白楊一年中冰雪凝結者九閱月其人種類各殊戶口甚稀游牧者或偶至焉寒冽不可久留故庭幕不傳於紀載元代有



漠北藩王嘗探悉其地欲跨嶺割據之以險遠而止前明中葉  
羅斯既興有商船於冰消時駛至西伯利海岸以洋貨易皮貨日  
漸狎熟盛誇我之富強其頭人有率戶口至我者賭其國都市座  
宮殿之壯麗傾心歸向各部競相傳播咸貢方物為藩屬我建炮  
臺於烏彌河口扼險要以控制之漸徙罪人供力役築城戍於是  
西伯利西方諸部不費兵力咸為我有尋復展轉東畧阻於冰雪  
獨薩拉德夫之兵能躡冰前進遂征服東方諸部達於東海之隅  
我羅斯與我爭雅克薩城即此時事至加他隣后時遣其臣墨領向東北探尋知亞  
細亞與亞墨利加一土不連中隔海峽數十里遂名其峽曰墨領  
峽因跨海據亞墨利加之一隅綜西伯利全土東部所產惟皮貨

瀛環志畧

卷四

我羅斯國

三

狐狸兔貂鼠獺之類皆備專售中國西部兼產金銀銅鐵各鑛鐵  
尤多每歲得百餘萬担泰西諸國皆仰給焉地分八部曰德波爾  
斯科曰多木斯科曰也尼塞斯科曰痾慕斯科曰義爾古德斯科  
曰亞古德斯科曰痾哥德斯科曰岡札德加○德波爾斯科與海  
東部之亞爾干日爾痾勒內白爾摩等部相連以烏拉嶺為界地  
氣寒甚產金銀銅鐵鑛○多木斯科一作多僕在德波爾西南與海東  
部之白爾摩痾倫不爾厄等部接壤其南與西域之哈薩克回部  
毗連游牧者時來侵掠雖有防兵不能禁也我有大酋駐此總理  
東方兼督鑛務○也尼塞斯科一作云在德波爾之南多木之東  
有草場出各鑛南境與哈薩克毗連駐兵四千以防侵擾○痾慕

斯科一作東色在也尼塞之東地頗豐饒善釀酒人多沈湎南境抵外  
興安嶺與烏梁海各部接壤○義爾古德斯科一作耳谷在痾慕之東  
地極廣大出銀鉛鑛兼產皮貨每年所得鉛與皮甚多足助國用  
其人多美丰姿頗講文學南境抵外興安嶺與喀爾喀蒙古土謝  
圖汗車臣汗兩部接壤南界有甲他城即內地所稱恰克圖中國  
與我人互市於此庫倫辦事大臣司其事彼以皮來我以茶往○  
亞古德斯科一作牙谷在義爾古德之東南境抵外興安嶺與黑龍江  
接壤康熙年間議定疆界立有界碑其地寒甚冰雪之消融者每  
歲止得三四月人戶稀少射獵之外無生計我人取其所得之皮  
以當賦稅○痾哥德斯科一作阿谷在亞古德東北地盡亞細亞之東

瀛環志畧

卷四

我羅斯國

三

北隅寒冽過於亞古德土人亦以獵獸為生我設官以賦其皮城  
建海濱與海東各島通商以收皮貨○岡札德加一作堪察加在痾哥  
德之東東界斜伸入海形如大刀頭其地終年寒冽草木稀疏海  
鳥翔集如蠅蚋居民捕魚為食穴地而居即東省所謂魚皮韃子我人設口  
收皮朝臣有重罪者流竄於此○自亞細亞極東北至亞墨利加  
海中各島稱亞律羣島迤南接日本各島稱古利羣島皆產皮我  
船往來收皮繫於中國○北亞墨利加之西北隅曰監札加我人  
逾痾哥德之墨領海峽跨而有之地寒凍無他產所得者皮貨而  
已○我羅斯雖分四大部而大勢則東西兩土西伯利其東土也海東



波蘭二部。其西土也。高加索新藩部。地雖在亞細亞。而與海東部。牙錯亦西土也。東土曠逸無垠。雪窖冰天。自古為不毛之土。境內有勒拿。葉尼賽。阿比等大河。大半發源漠北。流入北冰海。湖之大者曰蘇米。曰排半。土人戶口稀疎。雜以流寓。亦甚寥落。種族難稽。土俗亦無可言。物產則東皮西礦。皆獲無窮之利。亦外府之一奇也。西土三部。周迴萬餘里。半皆平土。立國雖在北境。沃壤則多屬南方。河流之最長者曰窩瓦。東南流七千餘里。而入裏海。地尼伯河南。流入黑海。頓河西南。流入亞速即阿海灣。土味拿河西北。流入波羅的海。阿尼牙河北。流入白海。西北多大湖。曰刺多牙。曰阿尼牙。曰西戛。其海口之可通舟楫者。北方則白海之隅。澤加牙。

瀛環志畧 卷四 我羅斯國

之灣。西北則芬蘭利牙之灣。西南則亞速之灣。港汊四通。舟行似便。惟因地氣嚴寒。海水之不冰者。歲不過六七月。或四五月。船不能以時往來。其南界之黑海。由他大尼里海峽。與地中海一綫相連。海道不如他國之通利。是以遠涉為難。其民各種族。一曰薩刺瓦族。居齊民之大半。曰力丁族。居波羅的沿海。曰芬族即芬蘭土人。居西北方。曰韃韃里族。游牧於南方。奉回教即西域回部種類。曰甲才族。亦游牧。奉佛教種類。曰日耳曼人。墾種新地。曰猶太散民。務百工。地之所產者。五穀之外。麻與皮為多。麻織帆布。售於各國。皮轉售於中國。其木多橡榆松。由海道運於各國。南方多馬。北方多牛。牛之油與皮。運出無窮。東界之山。產金銀銅鐵。金鋼石。其民衣長衫。

冬著羊皮。食物最粗。以大麥粉為湯。粉水為飲。人多嗜酒。身體不浴。冬月嚴寒。臥爐上以取溫。其俗重希臘教門。亦天主教別派。京師有總教主。大有權勢。其各教師散居各部。有廟七十萬。開僧一十六萬人。男寺四百八十所。女寺一百五十六所。我羅斯有宰相。筭政事。有大事。王召貴者一百二十人。議於公會。其部有八畧。如中國之六部。益以宗人理藩。每年關稅田賦雜稅。共銀七千八百萬兩。陸路領兵六十一萬。長於馬隊。火器亦精。水師大兵船四十隻。戰船三十五隻。兵船二十八隻。小船三百隻。水手四萬丁。軍法嚴。每排陣。軍士屹立如磐石。無敢移步者。用刑最酷。榜掠之刑。慘於死。俗尚畜奴僕。貴官富商。每人所畜以數十百。

瀛環志畧 卷四 我羅斯國

計。通國奴僕凡百餘萬。浮於兵額。按我羅斯舊國。在秦漢為渾庾。屈射。堅昆。丁零諸部。受役屬於匈奴。在唐為黠戛斯。骨利幹等國。宋末。元太祖起北方。拓地西域。以阿羅思等即我羅斯音三部分。其長子乃東我大我兩部。地非今日我羅斯之全土也。元氏既衰。我羅斯故王後裔。再燃餘燼。假隣國西費耶忒兵力今瑞典。驅逐蒙古。恢復疆土。迨後日益強盛。沿北海漸拓而東。繞出西域回部。外蒙古諸部之北。直達黑龍江東北。徼外名曰西伯利部。我朝順治年間。築城於雅克薩。侵擾索倫諸部。稱為羅利。屢遣兵毀其城。輒復據之。康熙年間。兩致國書。復由荷蘭附書。諭其國王。



其王乃遣使上書乞撤雅克薩之圍分定疆界立碑為志通貿易於車臣汗部之恰克圖并遣人來京師學習漢文每十年更易沿為常例其西境自彼得羅崛起日益恢拓西割瑞典之芬蘭南兼高加索迤北諸部西取白峩諸部又割波蘭三分之一土耳其波斯北境亦多被侵割於是俄羅斯境土北環北冰海西據波羅的海東距大洋海即東海又跨海據北亞墨利加之隅長約二萬餘里其南北之勢則西土較闊約六七千里東土較狹約四五千里宇內疆土之恢闊無過俄羅斯者宜其強大莫與京矣然在歐羅巴諸國中亦不過比肩英佛而未能定霸於一方者何也嘗以詢之雅裨理曰彼所有者多北裔窮荒

瀛環志畧

卷四

俄羅斯國

三

之士其東部層冰積雪草不繁牲不育不可遊牧故漠北諸部棄而不居俄人得之收其皮鑛之利所謂人棄我取非力能驅除而據為已有也迤西入歐羅巴界戶口稍盛再西至大俄東俄之南不乏名都大邑然較之英佛諸國總覺土滿舟楫之利火器之精心計之密又遠遜於諸國逐鹿海隅往往瞠乎其後特因其疆土之廣究係海內大國故諸國亦未敢輕視之比權量力不過齊秦晉楚相為匹敵已耳  
俄羅斯都城臨海亦有巨艦數十然水戰究非所長故不能在大海中與諸國角勝其貨船亦止往來西洋諸國未嘗涉大洋而至粵東蓋其國物產之最多者曰銅鐵曰麻布曰木料曰牛

馬隣近諸國皆仰給焉不必求售遠方最珍貴者皮貨如狐貂海龍駱駝絨洋灰鼠之類專以供中國之用入海船而載至炎方計無不朽敗者通市之在陸而不由海職是故也

西域聞見錄云俄羅斯本控噶爾爾屬國俄羅斯缺其朝貢又與兵擾其邊控噶爾爾以大兵臨之俄羅斯恐懼乞降增其歲貢控噶爾爾乃舍之又云當俄羅斯與控噶爾爾連兵屬國土爾扈特不堪徵調之苦其汗烏巴錫叛俄羅斯率其人戶度戈壁內附正乾隆年間勘定西域之時也今考歐羅巴諸國并無控噶爾爾之名百年以來諸大國與俄羅斯構兵者止有土耳其佛郎西波斯三國佛郎西之侵俄係嘉慶十六年俄人焚舊都以避之其

瀛環志畧

卷四

俄羅斯國

三

禍最烈事在土爾扈特投誠之後波斯之役亦係近年惟土耳其與俄羅斯連兵前後近百年道光初年猶交關未已聞見錄所云交兵事其為土耳其無疑土耳其都城名君士但丁一作康思坦胎諾格爾噶爾爾即格爾上五字之訛為控或由於轉音省文舊本羅馬東都後來猶冒羅馬之名故聞見錄稱控噶爾爾都城名務魯木魯木即羅馬之轉音也土耳其本回部大國所據者西土形勝之地恃其雄悍敢於侵擾強隣俄羅斯與之構兵至數十年之久徵發及於屬藩蓋非得已烏巴錫素不知兵出輒撓敗多所亡失又為舍楞所愚欲恢復伊犁舊牧傾國東徙為哈薩克所掠逼入沙漠種類幾致覆滅乃決計內附賜牧







一、身、心、丹、為、修、行、之、要、也、

瑞國

瑞典○蘇以天○瑞丁○瑞西亞○綏林○綏亦古○西歐  
瑞國○費耶斯科○里都亞尼亞○匪馬爾如○波的亞○藍旗  
羅巴極西北境舊分瑞典挪耳瓦一作諾魯威呀二國今并為一國  
東南距波羅的海西北距大西洋海北負北冰海南北約三千餘  
里東西約一千餘里地形如葵扇下垂中有連山脊起瑞立國在  
山之東西則挪耳瓦故地也地極廣莫而荒寒特甚土復饒瘠故  
民食鮮薄戶口稀疎古時為野番部落兩漢時流入日耳曼界內  
散處各國趙宋初有大酋厄里哥招集部人建造城邑是為瑞典  
立國之始是時挪耳瓦亦推大酋合羅爾德為王數傳後挪耳瓦  
為噠國所兼并明洪武年間噠王后馬里加爾達有權畧以術招

瀛環志畧

卷四

瑞國

三

誘瑞民隸大尼即噠國為一國噠國由是日強再傳至后孫殘忍好  
殺瑞民多怨畔瑞有王孫曰撒瓦一作古斯達英果不羣隱圖恢復噠  
人繫之獄易服逃回瑞地噠使吏逐捕撒瓦走北地匿僧舍乃免  
因涕泣募土人誓以除虐復仇引兵伐噠累戰皆捷故土全復嘉  
靖二年撒瓦即王位威惠並行瑞國大治王卒世子嗣位荒淫無  
政為國人所囚仰藥死萬曆三十八年王俄世答嗣位時日耳曼  
王即奧地利亞尙天主教諸國遵耶蘇教者咸被攻伐瑞素崇耶蘇教  
王救諸國之同教者帥師伐日耳曼中礮殞於陣其大將卒戰勝  
乃班師王女基利斯的那嗣位癖好文學厭苦兵事遜位於外戚  
加爾祿斯之羅馬游學不復反加爾祿斯以康熙三十八年嗣位

加爾祿斯一作查理第十二加年十八血氣方剛銳於戰伐以兵  
爾祿斯即查理譯音之不同也

侵波蘭割其境土之半波蘭大尼義羅斯連兵來伐王擊敗之威  
聲震一時後再攻波蘭之烏哥來納部全軍盡覆親赴土耳其求  
援五年不得請乃歸復引兵攻挪耳瓦之非德黎沙爾戰死城下  
義羅斯因以大衆威之嗣王累戰皆北割東境之芬蘭以講義兵  
乃罷營義兵之方急也諸酋各懷去就或專擅自恣王銜之事定  
之後王與諸大邦聯盟將討諸酋之不軌者諸酋懼謀弑王禮拜  
日伏客以火鎗擊殺之王子嗣位性卞急好用兵師屢撓敗括餉  
愈急國人噪變逐王嘉慶十四年國戚加爾祿斯攝王位其養子  
伯爾拿多的佛郎西人曾為大將智畧過人攝王委以政柄修武

瀛環志畧

卷四

瑞國

三

備結會盟用兵謀定而後戰所向克捷攝王因傳以位亦更名加  
爾祿斯即今在位之王也西境之挪耳瓦本屬噠國嘉慶二十年  
各國公使會議於維也納以瑞地之附近於噠者歸噠而以挪耳  
瓦歸瑞  
瑞典本國氣候極寒迤北沙磧低窪皆不毛之土南界土稍沃而  
濱海多淖泥農作甚艱恆苦乏食富者嚼餅薯貧者屑樹皮雜醃  
魚噉之所產者木料銅鐵舉國以此為生計亦產銀鉛礬礬獸皮  
境內小河甚多皆自西而東入波羅的海其流湍急而短舊分四  
大部建都之部曰綏林波羅都城曰斯德哥爾摩一作士突訓建於美  
拉爾湖濱廟堂華炫樓閣重疊外通海口為通國之大埔頭南曰



曷蘭三面界海。北曰那蘭。再北曰臘巴蘭。一作勒必蘭。後又分爲二十四部。曰斯德哥爾摩。曰烏布薩拉。曰威士德來斯。曰尼哥兵。曰荷勒波羅。曰加爾羅斯達。曰斯德拉哥巴爾卑。曰日非勒波爾。曰靈哥兵。曰加爾馬耳。曰仍哥兵。曰哥羅諾卑爾。曰波勒金日。曰斯加拉波爾。曰厄爾弗斯波耳。曰荷德波耳。曰亞爾慕斯達。曰基利斯的安斯達。曰馬爾摩呼斯。曰荷德維。曰諾爾波敦。曰威斯德爾波敦。曰威斯德爾諾耳蘭。曰仍德蘭。二十四部原圖未分畫。○挪耳瓦在瑞國大山之背。地形狹長。如帶。北抵冰海。西面大西洋。海山脚。槎牙入海。如蠚爪。波濤蕩激。礁石嶙峋。海舟誤觸。立糜。南界有映壤。稼穡四旬。卽熟。迤北多沙磧。且寒凍不毛。民多以魚爲穀。舊分六部。極瀛環志畧 卷四 瑞國 三

南曰幾力底斯安山。迤北東曰沃牙哈斯。西曰麻銀哈斯。再北曰特倫林。再北曰那蘭斯。極東北負北冰海。曰肥引墨。後又分爲十七部。曰亞日胡斯。曰斯馬勒難。曰里德馬爾根。曰基利斯的安。曰不斯給盧。曰巴拉德斯。北爾曰內德尼斯。曰滿達爾。曰斯達完白爾。曰仍爾盧斯卑爾。曰南卑爾仁。曰北卑爾仁。曰羅慕斯達爾。曰南德倫的音。曰北德倫的音。曰諾爾蘭。曰分馬爾根。十七部原圖未分畫。土產五金銀爲多。又產花紋石。民情樸厚。善待商旅。○瑞典之臘巴蘭。挪耳瓦之那蘭斯。肥引墨。背負冰海。非人所居。稍南。夏日長九時。冬夜長九時。極北。冬有夜無晝。不見日者。七十五日。夏有晝無夜。不見月者。七十五日。五六兩月。暴暖。蚊蚋密如塵沙。過此雪霰

飛集。皆寒凍之日矣。居民身不逾四尺。有野獸形似鹿。繫之以當牛馬。乘騎載載。皆用之。斃則食其肉。剔其筋。以爲弓。○波羅的海東岸有廣土。曰芬蘭。與臘巴蘭。肥引墨。相連。本瑞典東境。康熙年間。割歸我羅斯。瑞典有西費耶之稱。費耶合音爲芬。卽指芬蘭也。按瑞國處窮髮之北。在歐羅巴諸國中。最爲貧瘠。而能發奮自保。不爲強隣所并。兼安樂者。禍之萌。憂患者。福之基。雖荒裔亦如是也。其商船時有來粵東者。

瀛環志畧 卷四 瑞國 三



# 噠國圖

瀛環志略

卷四

噠國圖

三



瀛環志略 卷四

## 噠國

噠國。噠馬。○領墨。○吝因。○丁抹。○大尼。○丹麻爾。○大馬爾齊。○雪際亞。○蘇厄祭。○盈黎馬祿加。○低納馬爾加。○黃旗。○歐羅巴小國也。其商船常掛黃旗。故粵東稱為黃旗國。地形從日耳曼北出。如人之握拳。伸臂於海中者。與瑞典南境相對。作凹凸之形。北西東三面皆海。南界日耳曼列國。南北約千里。東西闊處四五百里。狹處二三百里。古時為土番部落。性波羅非內塞。各種居之後。為峇特族所據。與瑞典挪耳瓦合稱斯干的挪瓦國。地瘠食不足。沿海之民。皆捕魚為糧。因操舟學泛海。漸劫掠為海盜。諸國患之。趙宋初。有大酋哥爾摩者。眾推為王。突以兵船攻英吉利。英人蒼黃避之。遂據國都。英以厚賂緩兵。尋以計殲其眾。噠舉兵

瀛環志略

卷四

噠國

三

復仇。連年侵擾不已。英許歲賂與之和。是時諸國以海寇目之。不齒。數於列國也。後其王有駕奴特者。一作加奴度能修國政。賞罰嚴明。北伐挪耳瓦。滅之。伐英吉利。破倫敦。遂兼王英土。駕奴特死。其子繼立。為英北族威廉所殺。噠國幾危。後復有賢主嗣位。四境乃安。明洪武十年。女主馬里加爾達嗣位。號賢明。內修政事。外聯與國。於是瑞典亦納土為北藩。威權大振。嗣王能守其法。擴疆土。創科條。四隣咸服。其子嗣立。性酷虐。多內寵。戮酋長九十人。復欲盡滅諸酋之家。諸酋乃集議廢王。立大酋基里斯的亞奴為王。時瑞典已立故王之裔。兩國構兵數十年。乃罷。嘉慶二年。英吉利師船至波羅的海。噠欲耀威。列巨艦。陳大礮。扼之於港口。英人以師船攻



之英師勝而船多損。乃講和而退。嘉慶九年。佛郎西拿破命以大兵伐噠。噠與之和。拿破命密約噠以舟師襲英。英人偵知。先以大衆攻噠。圍都城。燔郭外四百椽。城垂陷。乃乞盟。復構兵六年。國虛耗不可支。近年貿易頗盛。元氣漸復。噠舉國奉耶蘇教。迤北語音近瑞典。迤南近日耳曼。所產惟五穀。牲畜每歲賣馬萬餘匹。牛七千。穀有餘。糶於英吉利。

噠國分五部。西四部與日耳曼相連。為波羅的海之門戶。橫亘如棖。西面沿海窪下。築長隄以捍海潮。大風起則飛沙覆田。壟畝全沒。故多種樺以堅其沙。極北曰入德蘭地。極廣莫多沙。積有大湖。七。迤南曰勞英不爾厄。再南曰疴爾斯德音。再南曰石勒蘇益克。

瀛環志畧

卷四

噠國

三

後兩部地連日耳曼。公會應出防兵三千六百名。說詳日耳曼南界有大埔頭曰亞爾多納。與日耳曼之昂不爾厄相近。時有鬻爭。又有大書院曰基里。東北有大島曰德納馬爾加。又名日倫。都城建於此島之東北隅。曰哥卑納給。一作可哈音為國之大埔頭。城內街衢繩直。屋宇軒敞。居民十萬。諸國貨船出入波羅的海。必經由此。港峽日名加。的牙。關僅數里。噠設關權稅。不則搯之。使不得過。諸國無如之何。亦遂安之。其國之富強。以此日倫之南。有兩島相連。人德蘭之東南。有大島曰非俄尼亞。西界海中多小島。民乏生計。以魚為糧。○西北大海中。有大島曰義斯蘭地亞。一作西爾蘭噠所屬也。地在英吉利三島之北數千里。氣候寒冽。同於瑞典之北境。有火山

曰挨哥辣。時迸流火漿。焚廬舍。地震最烈。往往山陵陷為坎窞。其民善捕長鯨。取其油。獵海犬。剝其皮。以為衣。

按噠國之在歐羅巴。壤地甚褊。未堪與諸大國比。權量力也。而加的牙一港。扼波羅的海數千里之喉。噠人實掌其筦。遂翹然為一方之傑。國之強弱。豈盡在乎疆土之廣狹哉。

瀛環志畧

卷四

噠國

六







奧地利亞國

奧地利亞阿士得釐亞○奧斯的里亞○阿士氏拉○歐塞特里阿○莫爾大未亞○東國○雙鷹國。歐羅巴大國也。其商船初抵粵東時。旗畫雙鷹。遂訛稱為雙鷹國。北界普魯士。我羅斯南界土耳其。抵亞得亞海。隅意大里亞各國。西界瑞士。暨日耳曼各國。東西三千一百餘里。南北一千八百餘里。其地古時為勒西亞。諾力加巴。訥尼亞等國。羅馬征服之後。為北狄所據。唐貞元間。佛郎西取其地。立為別部。元初。日耳曼有魯羅爾德。福者。號聰敏。攻獲奧地。日耳曼各部推立為王。稱為東國。然疆土褊狹。無大權。傳至阿爾麥。配匈牙利女。主匈牙利。因合於奧。驟益疆土。數千里。遂為大國。明正德十四年。國內亂。時西班牙王查理。

瀛環志畧

卷五

奧地利亞國

三

第五賢能得民譽。日耳曼諸部招之來。舉奉以為日耳曼王。王治軍行法。聲威大著。佛郎西來攻。王與戰破之。禽佛王。徙之西班牙。佛人以金贖之。乃放還。嘉靖四年。復得伯閔地。即不威疆土愈廣。查理第五歿。其弟嗣位。明於法律。簡任廉能。國大治。時意大里亞亂。帥師伐之。割其北境。圍羅馬一年。城幾陷。意大里諸部皆臣服。由是日耳曼稱霸。西土萬曆四十六年。王匪耳地難嗣位。先是查理第五尚天主教。禁耶穌教。至是。臣民復有從耶穌教者。王禁之甚力。違者加以刑。臣民合黨攻王。王誅滅之。遂舉國奉天主教。無敢異。康熙三十九年。日耳曼各部皆自立為王。從此東國稱奧地。利亞。不復稱日耳曼。時西班牙王歿。無子。舉王以為其宗國也。欲

立其子。而佛郎西王欲立其孫。兩國構兵十餘年。佛王卒立其孫。為西班牙王。康熙四十九年。王查理第六嗣位。委政臣下。尋歿。無子。傳位於女。女聰敏。能持國柄。治軍嚴整。隣不敢侵。女主歿。王約色弗第二嗣。時波蘭衰亂。王與我羅斯普魯士瓜分其國。由是幅員之大。遂洗洋於西土。王好耶穌教。廢天主教。天主教之黨欲為亂。王憚歿。嘉慶年間。佛郎西拿破侖得國。恃兵力征伐四隣。日耳曼列國皆納款。舉屬藩。比利時亦被侵略。詳比利時圖說而不為之下。佛無如之何也。拿破侖既敗。喪嘉慶二十年。歐羅巴諸國各遣公使赴維也納。奧地利都城會議。凡佛郎西摧破各國。皆申畫疆圻。重定盟約。以日耳曼列國雖各復故土。而散弱不能自立。乃議立公會。聯

瀛環志畧

卷五

奧地利亞國

四

結為與國。以舉為會盟之長。日耳曼列國之主。時來朝議國事。舉嘗與土耳其構兵三十年。講和而罷。其國大勢分四部。曰日耳曼地。舉之故土也。曰意大里地。曰匈牙利地。曰波蘭地。後來之所割據也。舉地利之日耳曼故土。在日耳曼列國之東南。山嶺重疊。產水銀。硃砂。鐵。草場豐廣。每歲所產牛馬羊。以萬億計。有多櫛。大河可通舟楫。地分五部。○舉地利亞內分兩部。南曰上舉地利亞。北曰下舉地利亞。都城在下舉地利亞。曰維也納。一作危阿納居民三十萬。王宮闕麗。王自奉甚約。不尚體統。與百姓往來如家人。其民以此親附。俗重紡績。產布帛最多。女子美姿容。淫泆無聞。教附近有



其耳城居民三萬六千。有書院藏書七萬冊。○的羅爾一作地在羅里在兩舉地利之西。遍地皆山。會城曰音斯不羅各一作不其民以獵為生。或擔負備趁四方。性慙直而多力。當佛郎西來侵。此土之民奮力擊退。稱為義勇。○義士的里亞一作以在里亞在舉地利之西南。會城曰加拉德斯一作來八居民一萬一千。其山洞穴玲瓏。巖袖重複。民以造磁器織綢緞為業。○壹黎里亞在義士的里亞之東南。會城曰的里也斯德一作得利益在亞得亞海隅。為地中海大埔頭。居民四萬。每歲出入之船八千隻。○不威迷亞一作伯開又作波希米在舉地利之北。舊本曰耳曼列國。為舉所滅。地形如釜。其外山嶺界隔。其中川谷深窵。土田之沃。為舉上壤。會城曰巴拉加產五穀。牲畜銅鐵。

瀛環志畧

卷五

舉地利亞國

五

麻居民善造玻璃器。運行四方。獲利無算。地有書院。習文藝者八百餘人。○摩拉維亞一作默隣在不威迷亞之東。壤地僻小。所產麻呢布甚多。會城曰阿里木極堅固。○以上各部皆入日耳曼同盟公會。應出兵九萬四千八百詳日耳曼列國圖說舉地利之意。大里地總名倫巴爾多威尼西亞。分兩部。○米蘭在的羅爾之南。東南際亞得亞海。幅員較廣。其地山水佳勝。有天主廟。肖像最巨。闊二十七丈。高三十三丈。西土以為異觀。會城居民十五萬。所轄百義城。居民三萬。額摩拿城。居民二萬六千。曼土亞堅城也。嘗為他國所攻。久圍不能下。罷味亞城。居民二萬一千。羅地城。居民一萬八千。皆意大里名邑也。○威內薩一作臨亞得非

亞海幅員甚狹。而戶口極繁。古時為地中海最大之海口。萬艘鱗集。握全海之利權者。千有餘年。今已衰廢。貿易無多。居民尚十萬一千。城建水中。街衢皆小河。飛橋橫跨。不礙舟行。所屬巴士亞。居民五萬。內有書院。肄業者三百人。味羅拿。居民五萬五千。味晉撒。居民三萬。燕地拿。居民一萬八千。

舉地利之匈牙利地一作翁給里亞。又作寒牙里。又作博厄美亞。又作班那里阿。在國之東界。古時匈奴有別部。轉徙至此。攻獲那盧彌地。於趙宋咸平年間立國。稱雄一時。久而寢衰。明建文年間。女主伊利薩麻嗣位。配舉王阿爾麥為夫婦。時匈牙利為波蘭所攻。土耳其屢侵南境。皆賴舉地利兵力。退敵保疆。遂挈國合於舉。其地幅員倍於舉本國。半山

瀛環志畧

卷五

舉地利亞國

六

半土。多惱河橫流其間。山出金銀銅鑛。每歲得金一千餘觔。銀四萬餘觔。土得穀田五萬頃。草場七萬五千頃。林九萬頃。園六萬頃。產五穀。牲畜葡萄。酒麻。丹參。蜜。俗不剪髮。編辮。戴小圓帽。外加闊邊帽。服色尚藍。與歐羅巴諸國迥異。地分五部。○匈牙利內分兩部。曰下那盧彌。曰上那盧彌。會城在下那盧彌。曰伯堡。何之舊都也。建於多惱河濱。居民四萬一千。所轄曰伯息。居民六萬一千。牲畜互市之地也。附近有補地城。居民三萬四千。伸匿。居民一萬七千。半以攻鑛為業。產銅尤多。阿丁堡。居民以釀酒養猪為業。每歲售猪八萬。刺固城。地當衝要。土耳其數來攻。五廟邑。為自古文儒聚會之區。得伯新邑。互市之地也。士額丁。居民三萬。勤於農作。產



煙草。○達郎西里瓦尼亞又名七山在匈牙利之東南山嶺高際  
霄漢出金鐵礦。會城曰黑曼居民二萬所屬冤城居民三萬與土  
耳其互市極繁盛有書院肄業者一千二百人。○哥羅瓦西亞一  
可在匈牙利之南七山之西會城曰亞哥耶其民勤於農作悍勇  
過人舉人募為游兵能破強敵產五穀煙草。○斯加拉窩尼亞在  
哥羅瓦西亞之西會城曰挨塞各土俗與哥羅瓦西亞同以上三  
部南界皆隣土耳其各練農民為鄉勇士人來侵則合力禦之。○  
達爾馬西亞一作塔馬在亞得亞海濱與壹黎里亞相接地形狹長土  
磽瘠不足於耕民多捕魚或為海盜會城曰撒刺戶口甚稀山產  
藥材巖間出野蠶蜜所屬加他羅城壁堅池深號為險固

瀛環志畧

卷五

塞地利亞國

七

塞地利之波蘭地曰加里細亞一作牙里西地平坦有沙磧多林薄熊  
狼所宅獵者殺之獻其皮官為給價其土鹵可以煎鹽民惟務農  
不解紡績衣食皆粗糲會城曰稜卑爾各一作降山內有書院。○布哥  
維納本土耳其地壘割得之因與加里細亞毘連故附波蘭部境  
土數百里會城曰達爾奴波羅居民九萬三千城內多廟宇僧尼  
甚眾其民長於貿易雖隸於塞而自有酋長主國政。  
按日耳曼全國時以塞地利為共主諸部如畿內之侯當查理  
第五之代興也擄佛王服羅馬兼荷蘭聲靈赫濯幾於霸矣惜  
乎力崇天主教而仇視耶穌教詳荷蘭圖說啓累代之兵端開殘殺  
之劫運則貽謀之不善也厥後日耳曼列侯皆自王其國無復

臣主之分。塞地利疆土之恢闊雖數倍昔時而聲威則遠遜矣。  
今西土論國勢者英吉利第一佛郎西第二義羅斯第三塞地  
利第四。

瀛環志畧

卷五

塞地利亞國

八







普魯士國

普魯士普魯社○蒲魯士○部魯西亞○不魯西亞○埔魯寫○破魯斯○破魯西○圖理雅○比阿爾爾亞○單鷹國亦歐羅巴大國。亞於奧地利亞。粵東稱為單鷹國。亦因其商船所畫之旗而得。北距波羅的海。東界俄羅斯。南界奧地利亞。西雜日耳曼列國。界荷蘭比利時。東西約二千一百餘里。南北約一千一百餘里。其地古時為北狄所據。南宋時日耳曼人征服之。立為別部。後為波蘭所兼。并明萬曆間日耳曼之巴耶德不爾厄部。復取其地立國。奉職忠謹。日主悅之。屢益以地。康熙三十九年。乃自王其國。其王長於節畧。節衣食帑。藏豐盈。子非哩特第二嗣位。推武有大志。屢勝強敵。擴地愈廣。王卒。姪嗣位。淫泆無度。沈湎

瀛環志畧

卷五

普魯士國

十一

於酒國勢驟衰。時佛耶西拿破倫得國。嘉慶十一年。以大兵伐普。王啡哩特威廉第三。初嗣位。力不能禦。佛人割其境土之半。普遂削弱。後六年。普民不悅佛政。思故主王。因民之怨佛也。與諸國合。縱攻之。佛師潰而棄地。普遂復其故土。王乃增修國政。勸農工。設學館。惠商旅。由是百姓親附。隣國之民皆喁喁慕義。遂為西土顯國。其國大勢分東西兩土。共八部。有在日耳曼界內者。有侵割他國得之者。其制民及歲者。工入肆。秀入學。否則罰其父母。年二十以上。男丁皆入伍。學藝三年。放歸。每歲秋操。閱賞罰之。故其國兵多。而強。額兵計十六萬五千。內宿衛一萬八千。騎兵一萬九千。炮手一萬五千。七百步兵十萬四千。別有民壯三十五萬九千二百。

舉國尚耶蘇教

普魯士之東部。首曰巴耶的不爾厄。一作班丁堡。境內阿得河縱橫。交流沿河沮洳。草場豐茂。便於牧畜。餘地平坦。多沙磧。故田不足於耕。松椽處處成林。材木無缺。都城曰百爾靈。一作伯靈。又作木爾林。周三十六里。有十五門。二十二市。居民二十二萬。皆奉耶蘇教。城內有孤子院。收養憐獨。有醫院。居旅客貧民之染疾者。有武藝院。教擊刺。有文學院。肄業者一千六百餘人。有軍器局。貯大炮。王殿長四十六丈。闊二十七丈。高十丈。規模極宏壯。百官之居亦整潔。百工諸術。各有學院。鐵器最精工。細若金銀。所造磁器尤良。堅緻不亞華產。而價甚廉。大呢羽緞布帛山積。遠客咸來貿易。故稱西土大都。

瀛環志畧

卷五

普魯士國

十二

會所屬谷丁堅城也。蘇邑粟土老。皆屬邑之豐美者。○波美拉尼亞。一作破亞。在巴耶的不爾厄之北。臨波羅的海。其南土田肥沃。其北近海。窪下多沙阜。出琥珀。土人得之。用以嵌飾寶器。產木料麻。五穀。會城曰斯德丁。一作士得丁。在阿得河濱。河流深廣。海船可以出入。以此估帆雲集。貿易繁盛。郊外長大之海口。稱為瑞隱口。所屬率他港城。在波羅的海濱。居民一萬五千。麥與綿羊毛由此出。運城最堅。敵屢攻之不下。其將誓曰。懸此城於天堂。我亦必取之。已而竟不能破。額林城有書院。招進四方之遊學者。吉林城在海濱。有通衢廣廈。文士所居。薩牙居民七千。厦屋雲連。稱為大邑。北勒居民四千。城外有池。初入耶蘇教者。往受洗禮。以此名著西土。其



地土脈狀甚。穀麥有餘。出糶遠方。罕比近海。有小河可通城內。居民多以琥珀造奇器。○細勒西亞一作在巴郎的不爾厄東南山嶺橫亘西南阿得河由此發源其土大半膏腴可耕之田六萬九千頃然常患人滿穀不足資接糶於他部產絲最細足供機杼八千綿羊毛甚豐售於英吉利山產鐵每年得一十五萬石銀二千六百七十斤會城曰北勒斯勞一作伯老居民八十萬六千百工畢集文儒萃焉河濱列城五曰瑞匿曰勒匿曰額刺曰報告曰匿士皆有金湯之勢○薩克索尼亞一作薩普在巴郎的不爾厄之西與日耳曼各部牙錯日耳曼小部有包括於境內者地產五穀羊毛其民溫和好禮奉耶蘇教甚篤會城曰馬得不爾厄一作隣壘高池深

瀛環志畧

卷五

普魯士國

三

之東本波蘭地普與我舉兩國瓜分得之地出五穀無別產會城曰波森街市寬廣居民二萬五千當普人初據其地民懷故國多怨思普治以惠政民乃胥悅其俗尙崇天主教普魯士之西部與東部不相連中隔日耳曼數小國地分二部南曰維士德發里亞一作西法里多大澤叢林居民以漂麻織布爲業善造火腿銷售遍於西土會城曰閔士得俗尙天主教○北曰勒那納一作如勒又分兩部曰上萊尼曰下萊尼上萊尼沿河傍山會城曰哥羅尼亞一作倫在萊尼河濱居民五萬善造鐵器織綢緞布疋所製香水最佳河內販運之舟往來如織所屬木城有大書院益百田戶口繁密百工萃處突鄉在萊尼河濱城內街衢闊朗多廣廈

瀛環志畧

卷五

普魯士國

十四

屢捍大敵居民三萬二千所屬哈勒有大書院肄業者千餘人別有廣廈收養孤獨吉令堡昔爲天主教女尼所掌今居民奉耶蘇教毀其祠宇○普魯士部在國之極東北境臨波羅的海與我羅斯連界其國以此部之名爲國名地分東西兩部夷坦無山產五穀堪出糶松椽高大材中舟楫半售英國會城曰哥尼斯北爾一作山居民六萬三千城週二十七里空闊難守所屬但澤城在河澤河相連之海口居民六萬貿易甚繁每歲入口之船千餘運麥糶於他國其城嘗爲敵所圍亡失甚多北境有城曰墨麥與西國通商又得實城極廣大嘉慶十一年與佛郎西議和於此益平城係大海口每歲入口之船一千四百○波森一作波新在巴郎的不爾厄



# 日耳曼列國圖

瀛環志畧

卷五


日耳曼列國圖

五



薩克索尼亞之西接塞加塞爾之東有陸  
克索斯分五國曰威馬爾曰薩克魯各不爾尼  
斯達曰薩克魯亞爾不爾尼曰薩克魯梅狀  
曰西接塞加不爾尼地界或斷或錯錯難不  
能畫釋又安拿爾三國皆對亞國地界皆分數  
處錯雜列國之中亦不能畫釋也

普魯士東部




瀛環志畧

卷五

日耳曼列國圖

六







瀛環志畧

卷五

日耳曼列國圖

日耳曼列國

日耳曼。阿勒曼。阿理曼。亞里曼。占曼尼。歐羅巴。古大國也。其地縱橫皆數千里。北扼波羅的海。南踐地中海。為歐羅巴之中。原上古時五方之民雜處。分數十小部。羅馬盛時。征服之。尙未盡。入版圖。佛耶西既興。其王甲利泰甫一作加爾祿斯馬哥奴。攻滅日耳曼諸部。地隸佛版百餘年。梁乾化元年。部人畔佛。復推佛耶哥尼亞。會長官拉多為王。王不世。及惟衆所推。薩克索尼亞佛耶哥尼亞。蘇亞維亞三部之酋。先後據王位。元初。舉地利亞酋長羅爾德。福為王。能服衆。由此繼序。不復推。至明初。日益強盛。聲威四播。幾與羅馬代興。康熙三十九年。各部皆自王其國。不相臣屬。塞地利既并。

瀛環志畧

卷五

日耳曼列國

兼坐大普魯士。亦拓地稱雄。兩國皆自有名。不復稱日耳曼。所餘迤西一片土。分三十六部。稱王者四。餘以次遞降。如中國之公侯伯。大者千餘里。小者乃數十里。東界奧地利。亞普魯士。西界荷蘭。普魯士。佛耶西。北界噠國。暨波羅的海。南界瑞士。意大利。南北約二千四百里。東西約二千二百里。嘉慶十一年。佛耶西拿破侖以兵脅日耳曼列國。皆降之。部落多所更易。後八年。拿破侖敗。日耳曼列侯各復舊土。嘉慶二十年。各國公使會議於維也納。舉地利。以塞地利。普魯士。本。日耳曼。所分。而噠國。荷蘭。與日耳曼。牙。錯合。四國於日耳曼列國。稱同盟。四十國。以塞地利為盟長。各按戶口多寡定兵數。每百人應出額兵一名。每二百人出援兵一名。共三



十萬四千餘。各國公使皆駐佛郎渡。即佛郎有大事則會議防兵分十二隊。畫地立營。總帥一人。各國公舉。然為帥者多舉地利人。他國不敢當此任也。各國語音皆同。有奉耶蘇教者。有仍奉天主教者。地氣北寒南暖。多腴壤。五穀百果皆宜。花卉亦繁。產金銀銅鐵錫鉛寶石。玉石。花石。赭石。滑石。磁石。陽起石。黑礬。白礬。硝磺。硫沙。磁粉。

巴威也拉。一作巴華里。又作拜焉。在日耳曼東南方。南北一千一百餘里。東西八百餘里。在列國中。幅員最大。爵稱王。戶口四百七萬餘。公會應出兵三萬五千六百。昔時嘗與佛郎西結盟。以攻日主都城。曰

幕尼克。一作門占街。市華潔。其民善造細皮。清玻璃。時辰表。工力巧捷。

瀛環志畧

卷五

日耳曼列國

九

名播四方。各國皆與通市。其制於七千人中。選明通有識者一人。赴京辦事。謂之事主。有大事則國王會眾。事主商決之。初造時辰表之城。曰尼林山。又有兩城。曰雨山。曰澳堡。今雖蕭索。造器之工尙夥。

瓦爾敦巴爾。一作威丁山。又作味耳典白。在巴威也拉之西。南北五百里。東西

三百六十里。爵稱王。戶口一百五十二萬。公會應出兵一萬三千

九百五十四。境多山嶺。出葡萄酒與各果實。都城曰斯都德牙爾。

一作突甲

薩克索尼亞。一作撒遜。又作撒孫。在巴威也拉之北。為日耳曼適中之地。東

西五百里。南北三百里。爵稱王。戶口一百四十萬。公會應出兵一

萬二千國之南界。有大山綿亘。與奧地利巴威也拉。昆連山。產銀鑛。最王開掘。已五百年。尙未匱竭。昔時西國之銀。多出於此地。乏五穀。居民夏則攻鑛。冬則挾餘資遊四方。飲食宴樂。資盡而反。都城曰德勒斯達。一作德停。王宮與耶蘇堂極宏麗。民多養綿羊。毛毳細軟。用織大呢。又造磁器。甚精。不亞中國之產。前明時。撒有名人曰路得能。譯解耶蘇意旨。別立耶蘇教名。以別異於天主教。由是耶蘇教盛行。而天主教之權衰。國有大邑曰來責。每歲設市二次。諸國商賈雲集。其地所出者。書籍。鐫印。最精。各國之文字。百家眾術之著作。無不畢備。每年所售。無慮數萬。億冊。價值數百萬圓。

亞諾威爾。一作漢那耳。又作漢那華。又作漢那瓦。在日耳曼之西北境。與噠國接壤。

瀛環志畧

卷五

日耳曼列國

十

南北八百七十里。東西五百四十里。爵稱王。戶口一百五十五萬。公會應出兵一萬三千五百。境內平坦。沙磧居半。惟沿河有沃田。草場。兼產蠶蜜。康熙五十二年。亞諾威爾有王若耳治。稱賢德。值

英吉利王威廉第三卒。無子。英之臣民。招若耳治。奉以為主。子孫承繼。至於今。亞諾威爾別立支子。故亞諾威爾為英之宗國。百餘年來。依為唇齒。道光十七年。亞諾威爾內亂。他姓代立。都城同國

名有大書院。曰可守延。收教幼學。聲名最著。西境有亞爾敦不爾。厄幅員頗廣。列國中。有薩克撒亞爾敦不爾。厄乃合三邑。為國合計。袤延僅百餘里。與此土廣狹不侔。此土或別有所屬。抑即薩克撒地。存俟再考。

巴敦。一作巴丁。在瓦爾敦巴爾之西南。北七百里。東西三百四十里。侯國之最大者。山嶺盤迴。峯巒秀出。風景清華。為日國之最。爵如上



公戶口一百十三萬公會應出兵一萬都城曰加爾斯盧合一作甲利

地產麻豆葡萄酒

挨塞一作黑西在亞諾威爾之西南長三百二十里廣二百里爵如上

公戶口七十萬公會應出兵六千一百九十都城曰達拉摩斯達

一作崇埔屹立炮門環繞外濬深池敵不能攻產麻烟葡萄酒

挨塞加塞爾一作黑西與挨塞毘連長四百里廣二百五十里爵

如上公戶口五十九萬二千公會應出兵五千六百七十都城曰

加塞爾其制幼主不得治事母后或至戚居攝俟年十八乃反政

地多山產銀銅鐵鑛

梅咯梭不爾厄一作黑西有二國在北方一日斯乖零長四百里廣

二百八十里爵如上公戶口四十三萬一千公會應出兵三千五

百八十都城與國名同一日斯德勒利也斯長一百八十里廣一

百里爵如上公戶口七萬七千公會應出兵七百十七都城曰疇

爾敦不爾兩國地平坦饒牲畜

威馬爾一作威密薩克索尼亞所分國昔有薩克索王裂國之西界以

封五子故五子各守封地不屬於薩克索威馬爾地錯雜於隣國

之中不相聯絡約計表延三四百里爵如上公戶口二十二萬二

千公會應出兵二千一百民多穎慧其君好招納文士故學業稱

盛都城與國名同

薩克撒各不爾厄額達一作撒亦薩克索所分地錯雜於列國之

中不相聯絡約計表延三四百里爵如公戶口十四萬五千公會

應出兵一千三百九十地有牧場山出金鑛現英吉利女主之夫

博雅那即此國之世子也都城曰各不爾厄

薩克撒亞爾敦不爾厄一作撒亦薩克索所分合亞爾敦不爾厄

羅內不爾厄挨森比爾各三邑為國約計表延百餘里爵如公戶

口十萬七千公會應出兵二千二十都城曰亞爾敦不爾厄

薩克撒梅凝認一作撒亦薩克索所分長五百里廣一百二十里

爵如公戶口十三萬公會應出兵一千二百六十都城曰梅凝認

其地產鹽

挨塞烘不爾厄一作黑堡亦薩克索所分國分兩地一日烘不爾厄一

日美塞內英合計約數十里爵如伯戶口二萬一千公會應出兵

二百都城曰烘不爾厄

拿攝一作拿掃長二百二十里廣一百五十里爵如公戶口三十三萬

公會應出兵三千二十昔嘗為荷蘭所兼并國人逐荷蘭酋復立

故主都城曰維斯巴敦地產葡萄酒與各果實夙稱富饒

不倫瑞克一作保地不相連有包於普魯士境內者有括於亞諾

威爾境內者約計表延二三百里爵如公戶口二十四萬二千公

會應出兵二千九十都城與國同名

安拿爾一作安合分三國一日德攝地錯雜列國之中約計百餘里爵



爾尼不爾地錯雜普魯士境內分上下二處約計百餘里爵如公  
戶口三萬八千公會應出兵三百七十都城同國名一日略敦地  
分四處在黑哩巴河之左者二在河右者二約計百餘里爵如公  
戶口三萬四千公會應出兵三百二十都城同國名三國地雖褊  
小而民居密匝城邑相望山水最佳足供遊賞都城各有園亭極  
幽雅

留斯一作策士分三國一日略勒斯長七十里廣五十里爵如侯戶口  
二萬五千公會應出兵二百都城同國名一日意士給利斯基延  
約數十里爵如侯戶口三萬公會應出兵二百八十都城同國名  
一日羅奔斯的音本與意士給利斯基為一國後析為二衰延約數

瀛環志畧 卷五 日耳曼列國

十里爵如侯戶口二萬七千五百公會應出兵二百六十都城同  
國名  
斯瓜爾斯不爾分二國俱包普魯士境內一日盧德耳斯達長九  
十里廣七十里爵如侯戶口五萬七千公會應出兵五百三十都  
城同國名一日孫德耳砂森長一百二十里廣六十里爵如侯戶  
口四萬八千公會應出兵六百九十都城同國名  
里卑一作立北分二國在亞諾威爾之南一日德的摩爾長一百二十  
里廣一百里爵如侯戶口七萬六千公會應出兵六百九十都城  
同國名一日燒問不爾厄長八十里廣三十里爵如侯戶口二萬  
六千公會應出兵二百四十都城曰不給不爾厄

襪爾德略一作瓦得長一百二十里廣八十里爵如侯戶口五萬四千  
公會應出兵五百十八都城曰哥爾巴士

何痕索勒爾一作素林分二國皆普魯士王之支庶一日昔麻認長一  
百二十里廣七十里爵如侯戶口三萬八千公會應出兵三百五  
十都城同國名一日挨深認長八十里廣三十里爵如侯戶口一  
萬五千公會應出兵一百四十都城同國名

列支敦士敦一作光石長六十里廣三十里在薩克索南山中爵如侯  
戶口六千公會應出兵五十五都城同國名  
此外北境尙有小國五皆商賈萃集之地自推殷戶為官司理事  
不隸王侯一日昂不爾厄一作漢堡地間隔不相聯約計衰延四五十

瀛環志畧 卷五 日耳曼列國

里戶口十四萬八千公會應出兵二百九十會城在易北河口為  
各國互市之地其船時至粵東一日不來梅一作北閩包亞諾威爾境  
內衰延約三十里戶口五萬公會應出兵四百八十通商在威悉  
河濱其船亦時至粵東一日佛耶克佛爾一作佛郎渡地不相聯衰延  
約三四十里戶口五萬四千公會應出兵四百七十其城臨河古  
時所築各國公使防兵皆駐此城每年開大市一次遠方商賈輻  
輳者數千帆一日盧卑略一作利北地不相聯衰延約三四十里戶口  
四萬六千公會應出兵四百一日尼發深周迴僅數里戶口二千  
八百九十公會應出兵二十八人  
日耳曼界內江河最長者為來因河由南而北轉西至噠國界入



海河濱土脈腴潤。產葡萄最良。沿河多名山古蹟。風景清美。時有遠客來遊。多惱河亦大水。在日界內橫流如帶。北方則易北河其名水也。其民居北方者多強健。性淳良。好學術。南方民風奢侈。日惟醉飽無遠圖。西南一帶。民多勤苦謀生。力作不倦。界內列侯壤地雖小而與諸大國婚媾往來。用敵體禮。其同盟公會條約雖甚堅明。然分土既眾。不免蠻觸之爭。遇大敵則心力不齊。難於制勝。幸維也納歆盟之後。佛耶西止戈保境。未發難端。或亦慮眾怒之難犯耳。

按日耳曼為歐羅巴適中之地。似中國之嵩。惟其人聰明闊達。西土以為貴種。其分土列爵似三代封建之制。自各部擁土目。

瀛環志畧

卷五

日耳曼列國

五

王。皇。地。利。雖。疆。土。日。擴。共。主。之。名。不。復。存。然。小。侯。數。十。傳。爵。土。於。子。孫。而。諸。大。國。無。吞。噬。之。謀。則。猶。有。古。意。存。焉。又。佛。耶。西。英。吉。利。立。國。之。祖。皆。日。耳。曼。人。諸。國。每。遭。喪。亂。輒。招。致。日。耳。曼。列。侯。或。世。子。為。王。大。國。如。英。吉。利。小。國。如。比。利。時。希。臘。皆。是。也。殆。西。土。王。氣。之。所。鍾。歟。

# 瑞士圖

瀛環志畧


卷五

瑞士圖

五







瀛環志畧

卷五

瑞士國

三

瑞士國

瑞士國。瑞士。東色楞。在日耳曼之南。塞地亞之西。佛郎西之東。意大利亞之北。東西約五六百里。南北約三四百里。萬山疊峙。中峯高接霄漢。常積冰雪。歐羅巴大河。多由此發源。其地山水清奇。甲於歐土。西境有官斯丹薩大湖。圍以密林。繁以清澗。豐草芳。蕪麋鹿羣游。尤為幽勝。地產五穀藥材。所造奶餌極甘香。居民大半以牧畜為生。夏月驅牛羊入山。秋冬乃返國。無苛政。風俗檢樸淳良。數百年不見兵革。稱為西土樂郊。古時地屬羅馬。羅馬衰亂。北狄不爾給農人據之。旋為佛郎西所有。後為日耳曼所奪。其民慤勇。日耳曼選為親軍。臨陣皆効死力。戰元大德年間。日耳曼王

瀛環志畧

卷五

瑞士國

天

亞里伯爾多苛斂無藝。濟以酷刑。瑞士人不能堪。逐日耳曼守土吏。各推頭人據險畫疆。告絕於日耳曼。其地斗絕。人健鬪。日耳曼不能收復。亦遂聽之。初分三部。後分為十三部。皆推擇鄉官理事。不立王侯。如是者五百餘年。地無鳴吠之擾。西土人皆羨之。嘉慶三年。佛郎西攝王拿破侖。時拿破侖。向未即位。以兵力強。取入版圖。改為十九小部。拿破侖既敗。各國公使會議於維也納。十九部之外。益以牙錯之日內巴拉。牛弗砂德爾。本屬普魯士。瓦來斯。本屬奧地利亞。三部共二十二部。為瑞士國。仍其舊俗。自推鄉官理事。酌地勢按戶口拔壯丁禦侮。諸大國不得鈐制。給里孫在東方。長三百五十里。廣一百八十里。戶口八萬八千。應



出壯丁一千六百。地分三邑。曰給里孫。曰加德。曰森給里。至各領以鄉官頭人。

伯爾尼。一作北耳尼在腹地。北境抵北方。長三百里。廣二百里。戶口三

十五萬。應出壯丁五千六百二十。巨室殷戶。半居於此。鄉官二百九十八人。

瓦來斯。在西南。本屬墨地利。割附於瑞。長三百餘里。廣百餘里。戶口七萬。應出壯丁二百八十。鄉官七十六人。

瓦鳥的。一作熱尼瓦在極西。長一百八十里。廣一百五十里。南界臨官

斯丹薩湖。風景幽絕。城建湖濱。居民造時辰表。每歲得價銀數百萬。洋船販至中國者。大半瓦鳥的人所造也。戶口十七萬。應出壯

瀛環志畧

卷五

瑞士國

五

丁一千二百八十。鄉官一百八十人。

德西怒。在南方。長一百三十里。廣一百二十里。戶口十萬二千。應

出壯丁七千八百。鄉官七十六人。

桑牙祿。在東方。長一百五十里。廣一百十里。戶口十四萬四千。應

出壯丁二千六百三十。鄉官一百五十人。

蘇黎世。在北方。長一百二十里。廣一百十里。戶口二十一萬。應出

壯丁三千七百。鄉官二百十二人。

盧撒爾拿。在腹地。長一百二十里。廣一百里。戶口十一萬六千。應

出壯丁一千七百三十。鄉官一百人。

亞爾荷維亞。在北方。長一百二十里。廣八十里。戶口十五萬。應出

壯丁二千四百一十。大鄉官一百五十人。小鄉官十三人。

弗里不爾厄。在腹地。長一百二十里。廣七十里。戶口八萬四千。應

出壯丁一千二百五十。鄉官一百四十四人。

烏黎。在腹地。長一百三十里。廣六十里。戶口一萬三千。應出壯丁

二百三十。鄉官十三人。別有副。

孰義的斯。在腹地。長九十里。廣六十里。戶口一萬三千。應出壯丁

六百。鄉官三百三十人。

加拉利斯。在西方。長九十里。廣五十里。戶口二萬八千。應出壯丁

四百八十。鄉官八十人。

牛弗砂德爾。在西方。本屬普魯士。割附於瑞。長九十里。廣五十里。

瀛環志畧

卷五

瑞士國

三

戶口五萬一千。應出壯丁九百六十。普魯士官四十五員。鄉官三

十人。會同議事。

獨爾荷維亞。在東北。長一百里。廣八十里。戶口八萬一千。應出壯

丁一千五百二十。鄉官一百人。

翁德爾瓦里的。在腹地。長八十里。廣六十里。戶口二萬四千。應出

壯丁三百八十。地分上下二邑。各推鄉官理事。

梭律勒。在北方。地形槎枒。半在伯爾尼界內。長一百二十里。廣八

十里。戶口五萬三千。應出壯丁九百。自推鄉官理事。

巴勒。一作巴悉在北方。長八十里。廣五十五里。戶口五萬四千。應出壯

丁九百八十。鄉官一百五十人。有大書院。名最著。文儒所萃。能宣



布耶蘇教旨

亞奔塞爾在東北包桑牙祿界內長八十里廣六十里戶口五萬五千應出壯丁九百七十分內外兩邑各推鄉官理事

砂佛塞在極北方牙錯日耳曼界內長七十里廣四十里戶口三萬應出壯丁四百六十鄉官七十四人

日內巴拉在西方本屬普魯士割附於瑞長七十里廣約三四十里戶口五萬二千五百應出壯丁八百八十鄉官二百七十八人

蘇克在腹地長五十里廣三十里戶口一萬四千應出壯丁二百五十自推鄉官理事

按瑞士西土之桃花源也懲碩鼠之貪殘而泥封告絕主伯亞

瀛環志畧

卷五


瑞士國

至

旅自成卧治王侯各擁強兵孰視而無如何亦竟置之度外豈不異哉花旗人甘明者嘗遊其地極言其山水之奇秀風俗之淳古惜乎遠在荒裔無由漸以禮樂車書之雅化耳

# 土耳其圖

卷六







卷六

二

土耳其國

土耳其土耳其○土耳其土耳其○都耳基都耳基○多爾其多爾其○都魯機都魯機○回

部大國也。地分西中東三土。西土在歐羅巴界內。中土東土在亞

細亞界內。三土合計縱橫約四五千。古時皆羅馬東境。秦國後

羅馬分東西三土。為東羅馬地。唐初阿剌伯回部方強。取東中兩

土。建為藩部。土耳其者。本韃靼種。舊遊牧葱嶺之東。犁一帶奉回

回。教展轉西徙。入買諾。其中土居於加拉馬尼亞。為亞刺伯回部

所驅。逃避山穴。其後種族漸繁。元成宗五年。頭人阿多曼一作阿

招集種人。攻奪買諾回國。即名其國曰阿多曼。至孫默拉德。日益

強盛。東土之猶太敘里諸部。即土耳其東土。以次蠶食。疆土愈廣。佛郎西

瀛環志略 卷六 土耳其國

日耳曼嘗以兵六萬來攻。皆失利去。元順帝至元年間。土王渡海

峽。伐東羅馬。與敵戰而勝。敵有將創甚。臥戰場。請王親加刃。死無

憾。王就之。敵將忽躍起。以短刀刺王中心。死。其子巴牙屑一作巴

渡海復仇。虜一萬人。盡殺之。會蒙古來侵。即元所封之。巴牙屑禦

之。兵敗被虜。後有摩拉多者。復奮起。侵割東羅馬境。土過半。子馬

何美德嗣。尤梟雄。明景泰三年。滅東羅馬。取君士但丁城為國都。

即土耳其西土。君士但丁一作康思坦。三土遂全歸統轄。紅海地

胎諾格爾。西域間見錄。稱為控噶爾。中海南岸諸國。舊屬阿剌伯者。或納土。或稱藩。阿剌伯亦納款為

屬國。復東取波斯。建為大藩。幅員之廣。幾比盛於羅馬。全國其用

兵屠戮最慘。每戰斬首以萬級計。治法全尚刑威。賦斂尤煩苛。嘉

嘉

嘉

嘉



靖以後嗣王多昏庸醉飽殘殺骨肉以此篡弑頻仍稱為亂國後宮常五六百人初生子者為后回回教主持國柄作威福諸大會守地者股督血以自肥橐滿則王賜帛自絞而簿錄其家蓋西國之昏虐無政未有如土耳其之甚者也初土耳其既得三土之地各分部落領以大酋名曰巴札地廣權重漸成尾大東土尤為遠難制康熙中其王達哈荷麻孱弱不綱諸巴札專制一方名雖為臣徵調多不應命東偏之亞爾美尼亞古爾的斯丹皆衣租食稅不供王室巴必羅尼亞部即美索不達迷亞部巴札阿墨嘗據地以叛土王那達沙征之累年不能取至塞黎慕嗣位始於嘉慶八年戰勝收復甫二載新立之巴札又叛塞黎慕親征中流矢死如德亞即猶太

瀛環志畧 卷六

土耳其國

四

之巴札亦跋扈不共命土無如之何也中土買諸部為土興基之地部民多驍韃種尙勉供賦役而西土諸部近接王都弄兵者接踵而起南境之希臘已裂土為敵國另有圖說近年自立為小國者又有三部此外藩國波斯早易姓天方即阿刺伯亦隔絕在阿非利加北境者阿爾及耳已為佛耶西所滅惟突尼斯的黎波里尙通朝貢麥西為海南上壤舊設巴札近年其巴札叛土攻取東土諸部勢將內犯英吉利佛耶西勒兵勸和乃分土稱外藩四國詳阿非利加圖說其王自塞黎慕東征不復國人立慕斯德發未一載廢之嘉慶十三年立馬荷美德在位年久勢益奄奄蓋其國中衰已百餘年今則岌岌乎有亡徵焉徒以世臣夾輔又與英佛諸大國合縱故尙

得苟延歲月耳北隣之俄羅斯大國也與土耳其中隔黑海東西壤地相接乾隆中土耳其與之構兵西域間見錄所云與俄羅斯已詳我羅前後數十年始猶勝負相當繼則累戰累北乾隆五十四年土王塞黎慕為俄羅斯所敗割地以講後俄羅斯大舉來伐佛耶西救之乃免自是多惱河一帶烽燧頻警奔命不遑道光六年土人侵俄南境戰而敗績俄以大兵圍其都城國幾亡英佛為之講和戕兵乃罷

土耳其西土古希臘十二國之地詳希臘國說北界俄羅斯舉地利亞南抵地中海地形入海之處界希臘國東界黑海東南與買諾隔一海峽峽名他大尼里後漢書大秦傳所云有飛橋數百里可度海北諸國即指此峽也竟止數里黑海地中海由此相通

瀛環志畧 卷六

土耳其國

五

春秋時波斯王澤耳土伐希臘嘗造浮橋以渡軍相傳古時有石橋圯廢久矣西抵亞得亞海隅縱橫各二千餘里南北高嶺橫亘多惱河縈帶其間地多山少平土南界海灣四凸島嶼紛羅地為歐羅巴初初之土土耳其以兵力強取之其民本習天主教不樂回教又不堪土之苛斂近年已成四分五裂之勢所產者棉花煙草葡萄南果羊毛之類地分八部○建都之部曰羅美里亞一作路默利其民多土耳其種族性強悍樂於戰鬪輕死生重然諾不禁鴉片人多羸瘠都城曰君士但丁建於黑海峽口之西岸本羅馬東都土耳其滅東王遷都於此更名曰士但丁城極大內有王宮殿宇崇闕城外海港深廣商船輻輳匝岸萬厦雲連各國使館在焉多瘟疫火患所轄亞得安城周十五里



內有古殿。閭閻凋敝。加利城在馬海灣。居民一萬七千。商賈互市之地也。○西里斯的黎亞。一作不牙在羅美里亞之北。北阻多惱河。風俗語音近義羅斯。其民勤苦力作。奉希臘教。會城曰所非。居民五萬。陸路通商之地也。所轄順刺城。形扼山險。一夫可以當關。爲土國北門。鎖鑰恃此。以禦我軍。多惱河一帶。城堡甚多。皆爲備我而設。○波斯尼亞。一作不尼在極西北。北距多惱河。草場豐廣。內有山產鐵甚良。居民鑄爲刀劍。不堪土之苛政。揭竿而起者屢矣。○日薩。刺萬。一作亞在海濱。居民以獵爲生。剛猛善戰。勇於赴敵。稱西土精兵。會城曰藥翰尼拿。昔有大酋據地。以叛土王。連年攻之不能克。○黑坐義。地形入海。與希臘隣。通地皆山。民居巖谷。顛患而悍。

瀛環志畧

卷六

土耳其國

六

猛毗匪必報。遠客來則待之甚厚。○塞爾維亞。一作息味在西里斯的黎亞之西。波斯尼亞之東。北距多惱河。會城曰占盧德師亞。一作別甲極堅固。其民強武好鬪。奉希臘教。不樂回教。鈐轄別推酋長起兵。拒土土不能征服。與之議和。近已自立爲國。納貢於土。○襪拉幾亞。一作瓦拉基在西里斯的黎亞之北。北阻大山。南距多惱河。縱一千八百里。橫四百五十里。地形平坦。河流交貫。土沃宜麥。草場豐茂。牧畜蕃孳。其民奉耶穌教。勤苦力作。而土政苛虐。培克百端。其地有大酋。如列國小侯。都城曰不加勒斯多。一作布加力居民八萬。峩羅斯時擁護之。近已立國。納貢於土。○摩爾達維亞。一作木大味在襪拉幾亞之北。西有山嶺界隔。地極廣莫。居民五十萬。產五穀。南果葡

荷煙密蠟。硝鹽馬牛猪。每歲售馬隣封。可萬匹。其地亦有大酋。如列侯。都城曰髻西。一作牙西藉庇於義羅斯。逃土政之酷虐。近亦立國。納貢於土。○干地亞。洲在海中。周圍一千五百里。中峻外坦。近海多良田。又產橄欖油。極佳。其民奉希臘教。不樂土政。據地以畔土王。征之二十餘年不能服也。其島山水極秀。海口近爲沙淤。舟行多阻。

土耳其其中土曰買諾亞。細亞極西之地。黑海地中海環其三面。縱約千里。橫約二千餘里。凡後言縱橫皆倣此南北峻嶺嵯峨。中多腴壤。土耳其起於此。土韃鞨種人。散布雜居。故土雖中衰。尙無分裂所產者。殺麥五金之礦。蠶絲乾葡萄南果酒油蜜香料藥材。地

瀛環志畧

卷六

土耳其國

七

分六部。○亞那多里亞。一作士麥拿又名小亞細亞。三面界海。與西土之羅美里隔一海峽。會城居民十萬。勤於懋遷。西國商賈雲集。每年出入貨價不下數百萬金。城內街衢污穢。每瘟疫盛行。傳染殆遍。所屬大城曰補撒。居民六萬。大邑曰加士他。曰牟尼。多回回廟宇。○加拉馬尼亞。在亞那多里亞之東。土耳其人初來時。寄居於此。會城曰可尼。土之舊都也。○亞達那。一作安在加拉馬尼亞之西南。跨山臨海。其山之羊毛細如絲。用以織布。極溫軟。○西威斯。一作在加拉馬尼亞之東南臨海。山出銅鑛。居民善造銅器。○馬拉士。一作在加拉馬尼亞之東南東接東土之亞爾美尼亞。西連加拉馬尼亞。亞那多里亞兩部。北距黑海。○德勒比孫達。一作德比遜在馬拉士之東



北隅。南界亞爾美尼亞。北距黑海。其埔頭為土耳其。其與俄羅斯通商之地。○買諾附近。有數島。曰居伯羅島。其土膏腴。所產葡萄酒。南果最良。居民饒裕。女人美姿色。舊稱樂土。近困於土耳其。苛政凋敝甚矣。曰維得島。水土平良。勤於農作。舊本自立為小國。後為土耳其所兼。曰治阿島。地極富庶。居民十五萬。不服土耳其。政教道光四年。土耳其以水師攻之。屠為赤地。曰米地。隣島產油酒。土耳其東土。在買諾之東。亦亞細亞地。北枕黑海。東北隅接羅羅斯。東界波斯。南連亞刺伯。麥西抵地中海。縱約二千餘里。橫約千餘里。東北一帶。大山疊嶂。最高者曰阿臘。曰黎巴嫩。阿付臘。底斯河。一作阿倫得發源西北。底格里士河。一作地發源正北。相對瀛環志畧 卷六 北耳其國 八

而東南流。至巴索拉。合流入海。西南隅有大澤。曰死海。本大城。邑遭異災。地陷為湖。其水鹹惡。周圍皆瘦嶺。枯山。死海之北。有湖。曰加利利。其地為泰西諸國。初建之。祖大國名都。代與者。凡十數。自為國部所據。其民種類各殊。在海岸海島者。皆額力西種。即希謂之上等人。居於西里亞。美索不達迷亞各部者。半阿丹種。即阿美。搗善騎。長於經商。多素封。居於東北山中者。為戈達曼種。游牧為生。健勇好鬪。好虜掠。土俗類韃靼里。謂西域游居於黎巴嫩山中者。曰馬羅奈底士。曰特魯西士。曰黑爾西。諸種皆回民。馬羅奈底士。為天主教名師。馬倫所化。因以得名。阿丹以兵力脅入回教。戶口繁多。其俗儉嗇。特魯西果敢。輕生。戰不長平。陸而長山。險。島鎗。

從高擊下。發無不中。黑爾西戰鬪最勇。以少敵眾。從未敗。土人與俄羅斯戰。倚此兩種。為勁旅。諸部地界遼闊。距王都絕遠。自土耳其中衰。守土之酋。多擁地自擅。不供賦役。百餘年來。僅僅羈縻。勿絕而已。物產與中土同。地分五部。○西里亞。一作敘里亞。唐書之訛。種皆女子。拂菻遣男子往配。在地中海東岸。東北距阿付臘。之說。乃華人所傳。會荒唐可笑。底斯河南。跨阿刺伯。與麥西接壤。黎巴嫩山在其北境。迤邐入於中土。其地大勢分兩域。迤北曰西里亞。古之名國。有海口。曰地破里。居民二萬五千。海濱舊有兩大城。一曰士羅西頓。昔時商賈萃集。富者均王侯。今成廢墟。一曰大馬士革。其地山川秀澈。田園開爽。花卉尤繁。十里外。芳馥襲人。迤南曰猶太。猶太舊分三部。曰猶太。曰撒馬利亞。曰加利利。在秦漢以前。為名國。都城曰耶路撒冷。唐書稱極廣大。城內居民逾十萬戶。本羅馬屬國。後衰亂。羅馬以大兵合圍。城破。屠之。部民星散。後再立國。卒為土耳其所取。因其為天主教。耶穌生長之地。故至今猶豔稱之道。道光十六年。麥西酋叛土王。以兵取西里亞。美索不達迷亞二部。二十年。英人助土耳其。將興兵。麥西乃還其土。○美索不達迷亞。一作磨俗。隣即在西里亞之東北。倚黎巴嫩山。兩河迴繞。阿付臘。底斯河。底格里士河。為東土中原。唐虞時。有諾威者。居此。為泰西諸國之始祖。其地半河半澤。農力勤。苦。境內有八塔者。昔回部都城。亞刺伯據東今成廢墟。又巴庇倫者。一作巴必羅尼亞。古大國都城。廢滅已二千餘年。瓦礫猶積成岡。



卓○古爾的斯丹一作科爾力士丹又名野哈馬在美索不達迷亞之東

地多山瘠。難耕。部民多游牧於韃韃里。會城曰亞勒破。居民逾

十萬。道光二年。毀於地震。不遺一椽。由此餓殍遍野。○亞爾美尼

亞一作亞麥尼在古爾的斯丹美索不達迷亞兩部之北。阿臘山在其

境內。峯壑險峻。洞峽幽深。水漲則巨舟泊於峯。當雲擾時。其地被

兵絕少。故戶口較他部獨繁。其民半奉耶蘇教。勤於商賈。家有恆

產。會城曰黑爾斯倫一作葉西倫地氣寒甚。七月中即見雪。巴牙息在

山脚。居民之學館也。平地近河曰地里。北客城與隣國通商。山內

古耳得族。建堡於洞壑之間。素為盜巢。○巴索拉一作巴所刺在古爾

的斯丹美索不達迷亞之東南。阿付臘底斯底格里士兩河至此

瀛環志畧 卷六 土耳其國 十

部之東南隅。合流入阿勒富海。為東南大埔頭。五印度商船輻輳。

其城屋陋。術狹。而貿易極盛。

按土耳其三土。古大秦國之東境。即意大里亞之羅馬為西域自古著名

之地。東土期闢最早。巴庇倫建國於前。西里亞代興於後。猶太

一作如大又作如氏亞又作如德亞又作備德亞即唐書所謂拂菻國。以色列之族。由

此興焉。其國自夏商至漢季。歷世最久。令辟賢王。後先輝映。西

土為希臘開基之地。西國之剖啟昏蒙。實由此土。君士但丁。則

羅馬之東都。比於有周之雒邑。泰西達隔神州。禮樂車書之化。

無由漸被。而在彼土言之。則此數千里者。固商周之耿毫。幽岐

聲名文物之所萃也。土耳其本回部賤族。竄身買諾。遺種繁滋。

遭時衰亂。揭竿而起。恃其兵力。蠶食東西。遂使名城墮毀。典策

散亡。文獻無徵。風流歇絕。三土之民。就俎醢之地。而困羶汗之

俗者。數百年於茲矣。回回之性。多殘暴不仁。而土耳其為尤甚。

俗無義倫。國無綱紀。日以刀俎待其民。肢脂膏而供醉飽。三土

之民。何不幸之甚也。觀泰西人所著書。西土之困於苛政也。尤

甚。勝廣之徒。時時援臂而彼昏。不知猶晏然為羊車之游。亡可

剋足而待矣。

泰西諸國。跨亞細亞。歐羅巴兩土者。惟俄羅斯與土耳其兩國。

土耳其疆域之大。不及俄羅斯。而擅膏腴之壤。據形便之地。百

年來。逐鹿紛紛。迄無止戈之日。固恃其地大兵強。不肯遽為俄

瀛環志畧 卷六 土耳其國 十一

下也。七椿園不知其國之本名。訛稱為控噶爾。又因其據東羅

馬故地。而以千餘年前一統之羅馬。移之於土耳其。荒渺甚矣。

又稱俄羅斯本其屬國。缺其朝貢。又擾其邊。控噶爾用東西迭

駕之法。俄羅斯大困。增貢乞和。乃免。此出於烏巴錫詛咒之口。

而聞見錄。乃鑿鑿言之。豈知與尸纍纍。而屢為城下之盟者。乃

即所云控噶爾耶。兩國黑海巨隔。風馬牛本不相及。自俄羅斯

開高加索部。詳義羅斯圖說而與土之東土接壤。又開波蘭諸部。而與

土之西土毘連。其初構兵。在乾隆中年。維時俄羅斯勃焉方興。

戰攻甚銳。土耳其衰機甫兆。兵力猶強。勝敗之數。大畧相當。後

則土勢日屏。南風不競。喪師失地。割講頻仍。近年內訌四起。危



如崇卯我則辟地益廣富強又非昔比悉銳南征何異折枯拉  
朽然土猶幸延至今未為我所兼并者由於英佛兩大國護持  
而排解之也歐羅巴人最惡回教土耳其之昏虐又諸國之所  
鄙夷英佛之於土非有所愛惜而必欲拯其危亡也我羅斯境  
土得歐羅巴之大半然北地荒寒不長水戰故僅能比肩英佛  
而未足以定霸一方若土耳其三土一旦為所并兼則地兼三  
海波羅的海黑海地中海於歐羅巴一土已扼吭而拊其背矣彼且治船  
礮閩形勢一旦擁十萬之眾卷甲西馳諸國其能宴然已乎故  
英佛之存土非愛土也懼我之兼土而事未有所止也兩國之  
強我素懼亦未敢開釁端而延大敵不得不隱忍戢兵聽土

瀛環志畧 卷六 土耳其國 三

然者  
泰西人紀巴庇倫西里亞古事云上古之世西土洪荒未闢  
獸食人有凝吻者武力絕倫能驅獸衛民眾推為主虞舜六載  
立國於亞細亞兩河之間兩河謂阿付臘底斯河底格里河曰  
巴庇倫始聚人民造宮室是為西土第一國後有諾威氏之孫  
曰亞蘇爾亦建國於亞細亞曰尼你味與巴庇倫為隣亞蘇爾  
之子曰尼奴拜巴庇倫為一國名其國曰亞西里亞而四方仍  
稱巴庇倫尼奴死妻西迷拉迷斯嗣位女主代立西土上古時  
拓地益廣亞細亞一洲即土耳其之中東兩土其今之亞細亞也半隸版圖其人

習天文善測星度西土推步之學由此起夏后不降十三歲西  
迷拉迷斯死子尼尼亞斯立務於奢靡不勤政事國勢漸衰其  
後傳三十餘世庶商及周在位多中主乏令聞故西史無紀載  
猶太者西土名國在巴庇倫西南壤地褊小素為巴庇倫屬國  
巴庇倫遇藩國無禮猶太不恭命周簡王元年巴庇倫以大兵  
伐猶太攻破耶路撒冷猶太都城又名拂箬猶太王自殺脅遷其民於巴  
庇倫猶太人有但耶利者聰異有學識時巴庇倫王得異夢心  
惡之祕不言其狀使羣臣測之中則賞否則刑羣臣憂懼罔知  
所措但耶利曰臣知之矣王夢大像立於前其首金其臂銀其  
胷腹銅其股鐵其足鐵與泥半忽大石飛墜像立碎風來吹散

瀛環志畧 卷六 土耳其國 三

其塵信有之乎王大驚曰信如其驗云何曰驗在國之興廢  
金首者像王也銀臂者將有旁族由褊小而與銅身者繼統之  
國將有廣土鐵股者再繼之國當以劍矛摧各部足之泥分土  
之象石碎風摧則興亡之無定也王驚異以為神人寵待之王  
卒子尼布甲尼撒嗣位立但耶利為相相三世但耶利死而巴  
庇倫益衰亂矣巴庇倫之東為波斯有馬太者波斯大部其王  
居魯士英果善戰新兼波斯諸部方以取亂侮亡為事巴庇倫  
恬不為備時巴庇倫王荒虐無政羣下離叛周景王八年居魯  
士大舉來伐巴庇倫望風奔潰圍都城一鼓而下巴庇倫亡地  
歸波斯周敬王年間巴庇倫叛波斯王大流士以大兵圍之歷



一年八月城破釘其民千人於十字架。周顯王年間希臘之馬基頓王亞勒散得大舉伐波斯。潰亞細亞諸部皆為馬基頓所奪。已而亞勒散得卒於軍。諸將裂新辟之土。自王亞細亞分為數國。日相戰攻。已而并為一國。仍巴庇倫舊國名曰西里亞。一作敘傳國百餘年。為西土大部。西漢惠帝五年為羅馬所滅。詳意大地歸羅馬。又泰西人記巴庇倫城高三十五丈。厚八丈七尺。上設塔二百五十城門一百。以銅為之。周迴一百八十里。南懷仁所記宇內七大宏工。有巴必鸞城。即巴庇倫之轉音。即此城也。當其初建。糜膏血而供版築。自以為子孫萬世之業。然居魯士兵來曾不血。反而克之。金城千仞。果足恃乎。巴庇倫再叛大

瀛環志畧

卷六

土耳其國

古

流土亞其城垣之高。拆毀其半。至今猶存遺址。在土耳其東土美索不達迷亞境內。又英官李太郭云。西里亞文字。西里亞文倫所造與諸國不同。與清文極相似。但橫寫順讀耳。因出西里亞文字册子。余翻閱之。信然。泰西人紀猶太古事云。猶太古名迦南。有夏帝芒之世。西土有至人曰亞伯拉罕。生於兩河之間。阿付臘底斯河底格利士河遷於迦南。其苗裔稱以色列族。傳數世至耶哥伯。有十二子。最少者曰約瑟。弗聰慧過人。諸兄忌之。賣於麥西為人奴。麥西一名埃及。多一此多。又作伊齊。不托在亞非利加。之東北境。詳阿非利加圖說。麥西王立以為相。以色列之族羣往歸之。初至時七十人。年久繁衍。至六萬人。麥西王忌其強

宗欲除之時。迦南以色列族。有至人曰摩西。生而神異。學識過人。報仇殺人。逃於荒野四十年。夢神人使赴麥西。救木宗。至則麥西王方張網羅。欲收以色列族。坑之。摩西密告宗人。約期同發。至海港潮退。變陸渡。畢而潮大。至麥西軍追者。皆溺死。摩西率眾至迦南之耶路撒冷。遂王其地。示十誠以訓民。教以事神。天敬父母。勿殺勿姦。勿盜勿妄證。勿貪他人之財。七日禮拜。省過。誓是為西土立教之始。泰西人相傳天神降於西奈山。石上蓋託於神道。以起人之崇信。耳後來耶穌摩西卒。約書亞繼之。教即本於此。西奈山在今亞刺伯西北境。摩西卒。約書亞繼之。分以色列族為十宗。裂地封為小部。統於耶路撒冷。周武王元年。有措母耳者嗣位。德量過人。能察民枉。稱為賢主。周成王二

瀛環志畧

卷六

土耳其國

五

十五年。王掃羅嗣位。好用兵。不恤民命。國人棄之。立大辟為王。大辟以周昭王十年嗣位。敬畏上帝。稱為聖人。在位十六年卒。王撒門。或作項嗣位。亦稱令辟。周穆王年間。王羅破暗嗣位。始稱猶太國。羅破暗卒。亞庇雅繼之。三年卒。亞撒繼之。號為賢能。亞撒之後。有何沙法者。亦賢主。周孝王二十一年。王耶何蘭嗣位。王后擅權。大戮宗黨。羣臣誅后。國乃安。王烏西亞嗣位。在位五十二年。猶國稱治。亞哈斯嗣位。招異族來國助戰。遂為國患。王希洗家繼之。驅除異族。境內復安。周莊王十年。王馬拿西嗣立。在位四十三年。王亞們繼之。荒淫無道。二年而卒。周襄王十年。王約西亞嗣立。內修政事。外攘寇虐。威聲振於西土。王禦敵




殞於陣。王耶何雅金嗣立。先是巴庇倫為亞細亞大國。猶太夙  
備西藩。巴庇倫伐。遇諸侯無禮。猶太王怒。絕朝貢。周簡王元  
年。巴庇倫以大兵攻之。城破。王自殺。遷其民於巴庇倫。猶太遂  
亡。周景王八年。波斯滅巴庇倫。釋猶太民歸國。以色列族復立。  
故國。傳三百餘年。西漢時。降羅馬為屬國。後復叛。為羅馬所滅。  
屠耶路撒冷都城。羅馬衰。亞刺伯回部據之。猶太為耶蘇生長  
之地。歐羅巴人時往拜其墓。既為回部所據。禁不得通。諸國皆  
怒。合兵攻回部。從軍者縱十字於衣。血戰二百餘年。卒奪回猶  
太地。重立為國。成以兵。未幾。成兵思故土。各散歸。尋為土耳其  
所據。其部民散之四方。西土各國多有之。以數百萬計。而總稱

瀛環志畧 卷六 土耳其國 去


為猶太族。與別族不相混。云余嘗聞之英官李太郭。猶太人最  
講文字。西國各種書籍。多猶太人所譯解。故其國紀載獨詳。歐  
羅巴文士游學者。不於希臘。即於猶太。蓋泰西絃誦之區也。又  
云猶太女人。姿姣好。而性靈慧。與別部迥異。娶婦得猶太女。則  
以為威施在室也。猶太自唐以後。中國稱為拂菻。即撒冷之轉。  
音初轉為拂。再轉為拂菻。唐書直以拂菻  
為大秦。蓋拂菻在羅馬東部。最著名。遂誤為大秦。別名猶  
西域。稱浩罕。為安集延也。宋明史因之。則沿唐書之誤耳。

# 希臘圖

瀛環志畧 卷六 希臘圖 七







希臘國

希臘國。額里士。額力西。古名國也。今為新造土耳其其西土之南。厄勒祭。厄肋西亞。界地形如臂入地中海。其盡處。牙似人掌。是為希臘國。縱約五百里。橫約七百五十里。疆土。福小海灣。繚曲。汙港。四通。洲與星列。產棉花。南果。羊毛。葡萄。乾橄欖。油。五穀。煙草。當上古時。歐羅巴人。草衣木食。昏濛未啟。有夏中葉。東方列國。已向化。義納孤。一作從。迦南抵希臘。迦南。始教土人以構屋。營居。耕田。播穀。有商中葉。灑哥。落從。厄日。多來。西。即。麥。立國於雅典。始織羊毳。為衣。釀葡萄為酒。取橄欖為油。鑄金。鍛鐵。作刀。刃。耒。耜。又以文字傳其土人。歐羅巴之開。淳閱。通文學。實自希臘始。希臘當商周時。分十二國。結為

同盟。周敬王年間。波斯以大兵攻希臘。希臘各國合縱禦之。波斯敗績。遁去。後希臘有馬基頓王亞勒散得者。合列國之兵伐波斯。乘勝直抵印度。王卒於軍部。將分其所得之土。各自王。由是希臘之語言文字。布於西土。西漢時。意大里亞之羅馬方強。征服四方。希臘各國亦歸版圖。後羅馬分東西。希臘故地屬東。王為亞刺伯。回部所侵。日就衰弱。土耳其既興。滅羅馬東王。以兵力取希臘全土地。屬土耳其者四百年。近年土政苛虐。雅典之民不能堪。嘉慶二十五年。遂去土酋。土人以兵攻之。雅典堅守不下。英吉利佛郎西。義羅斯三國壯。希民各以兵擁護之。土耳其無奈何。乃聽其自立。為國。即今之希臘國也。其地關山迴隔。九曲盤繞。羣峯競秀。望



若列屏名勝甲於西土。士女儀容多秀美。男好華冠麗服。女子美髮。髻樣巧幻多式。藏書之富甲於西土。人多博覽。各操鉛槧。述事立言。其宮殿古蹟。為泰西創造棟宇之初式。國王名阿多。本日耳曼列侯世子。希民推擇立之。王賢明勤於政事。國雖小。蓋方興未艾云。

希臘新分十部。首部曰雅典。一作亞的架都城在海灣。曰亞德納斯。自昔為聲名文物之地。今則市井寥落。景象蕭條。○亞爾哥黎大。一作拿破城在海口。曰腦比里亞。通商之大埔頭也。○亞加亞城在海口。曰巴達辣斯。一作巴答亦通商埔頭。街衢汗穢。商旅惡之。○美塞尼亞。一作墨首邑曰亞爾加的亞。希之堅城。土人屢攻之。不能下。○

瀛環志畧

卷六

希臘國

三

亞爾加的亞。首邑曰的黎波里薩。一作得破勒撒亦希堅城。昔為土耳其攻破。屠三千人。希人收復之後。盡戮土人之居守者。○拉哥尼亞。海中大嶼也。首邑曰迷斯達拉。一作希達居民六萬。土瘠瘠而農作甚勤。兼務工商。故恆足以自給。○亞加爾拿尼亞。一作爾加地首邑曰瓦拉說黎。在西界海灣。○羅哥黎大。首邑曰薩羅大。一作羅尼加居民六萬。勤苦力作。產棉花煙。○憂卑亞。西界一洲。首邑曰哥羅奔多。一作尼鄂奔多昔加拉大。首邑曰黑爾摩波里斯。一作摩力亞中有山嶺。牧人所聚。素稱盜藪。十部地界原圖未分畫屬島曰八摩。昔耶蘇弟子約翰流徙於此。以此著名。○海灣甚多。東方曰君得撒。曰撒羅尼加。南方曰益義拿。曰拿破里。曰可倫。西方曰爾加地。曰勒頒多。○希臘

之西有羣島。曰各府。曰散他。曰藐刺。曰地亞其。曰客花羅尼。曰息利。曰散地。總名曰以阿尼島。居民共計十九萬。產橄欖。油。葡萄。葡萄酒。密南果。島各有渠。掌政令。屬於英吉利。

泰西人紀希臘古事云。上古之時。歐羅巴草昧未闢。人獸雜處。有虞氏之初。亞細亞兩河之間。已見前有初立國者。曰巴庇倫。一作巴必魯。又作巴必羅。尼亞。詳土耳其圖說夏后氏之初。阿非利加之北境。有初立國者。曰厄日多。非利加圖說後有諾威氏之裔。曰日魯。建國於亞細亞之員諾。即土耳其其國人漸有渡海峽而西者。即他大尼。里海峽始知有希臘。廣土。夏后少康二十六歲。員諾人有伯辣斯。日者始立國於希臘之北境。曰西西恩。逾九十餘歲。有厄日多人遷於

瀛環志畧

卷六

希臘國

三

希臘名其地曰的丹。立國未成。衆思故土。散歸。夏后孔甲二十歲。迦南人義維孤。一作格木抵希臘之南境。始鳩集人民。教以營宮室。種穀麥。昏濛漸啟。商王外壬十二祀。厄日多之灑的斯人灑哥落。率其邑人。遷於雅典。立國曰亞德納斯。一作亞地拿始興技業。立法制。辨倫類。造文字。灑哥落卒。加拉腦斯繼之。治法益詳。希臘諸國。聞風效慕。荒陋之俗。一變。商王沃甲十三祀。亞德納斯王昂飛的安嗣位。是時希臘分十二國。時有詬爭。而東方諸國。已造兵端。昂飛的安恐諸國之自相攻。且心力不齊。無以捍大敵。乃馳使十一國。結為同盟。立公會於德爾摩比勒。每國遣使二人。歲二會。申約結齊。好惡講求利弊。各以聞。又各出蓄積。



貯於德爾佛斯堂。以備軍儲。每國以二人司之。由是四隣輯睦。十二國如一。國外侮不生。晏然康阜。駕舟行地中海。懋遷有無。勢益富強。當是時。十二國中。惟亞德納斯與斯巴爾達一作伯士大最。大斯巴爾達。又名塞拉德摩尼亞。其國初分數小部。商王祖乙。七祀有勒利斯者。并小部為一國。勢與亞德納斯相埒。諸小國。制度皆效兩國所為。亞德納斯王德修。以商王庚辛六祀嗣位。時國人分三等。曰爵紳。曰百工。曰農民。爵紳多專恣。剝民工。農貧乏。國寢弱。德修患之。乃汰官司。裁署舍。抑損豪貴。躬撓大權。加惠黎民。招徠商旅。遠方之民。歸之如市。百工技業。日精操奇。贏多。素封。農夫積倉箱。日益饒裕。亞德納斯遂為西國大都會。

瀛環志畧

卷六

希臘國

三

子哥德落斯嗣位。守其成法。益加惠於工農。由是爵紳無權。而庶民之勢重。哥德落斯卒。庶民私議曰。賢主不可再得。傳之貧殘。民且重困。乃揚言曰。能以入必德爾為君者。當聽命。入必德爾。西國所奉宗祖之神也。從此不立國王。以長官一人治事。名長官曰阿爾干。以哥德落斯子孫為之。繼序如王。而權與體視。王稍殺越三百三十餘年。周平王三十六年國人又以為不便。定議阿爾干三年。而更尋廢阿爾干。立九官以治事。九官由衆推選。以三年為秩。滿賢則留。否則更自是事權紛錯。奸宄日多。國人患之。有達拉固者。以才學稱。衆公舉修刑書。達拉固性嚴刻。罪無大小。皆予殊死。時人號為血書行之數十年。國人側足犯法者。

益衆。周靈王年間。公舉梭倫。重定制。梭倫者。望族之英。素能以德服人者也。刪達拉固苛法。酌情罪。歸於平允。國人大悅。復建議。事廳一。法制司一。以資財之多寡。分齊民為四等。每等百人有興革。則集議於議事廳。法制司設品官。定員數。選才德出。衆者領之。發號令。定刑賞。皆由法制司區畫。精詳。輿論翕然。方亞德納斯之廢王而立官也。德巴斯首效之。諸小國亦紛紛效之。德巴斯者。舊本非尼亞西亞人。詳阿非利西亞圖說其王加達慕斯於商王武丁年間立國於希臘者也。迨梭倫重定制。諸國又效之。斯巴爾達自勒利斯開國。傳四百餘年。至周成王十一年。有幽里寺德那斯伯羅刻黎斯者。兄弟也。同即王位。自是國有二王。

瀛環志畧

卷六

希臘國

三

同朝治事。其制傳八百餘年。不改。西土傳為異事。亦未有效之者。至末造之噶黎厄美尼斯始改為一王。周夷王年間。其國有賢主曰利古爾厄。重定制。與梭倫所定之法。大畧相同。而兵制尤為盡善。其俗儉嗇。其人壯武。嘗伐米西奈國。滅之。得其膏腴之土。國勢益強。是時東方之波斯國方強。其王大流士。一作達黎約再滅巴庇倫。勢張甚。顧希臘諸國以外夷賤之。不加齒禮。會波斯有大將本希臘人。大流士厚遇之。擢其姪高班。其姪叛附亞德納斯。亞德納斯有罪人義比亞斯。奔波斯。復挑搆之。周敬王二十九年。大流士以舟師伐亞德納斯。亞德納斯乞和不許。於是希臘諸國合縱禦之。波斯破亞德納斯。大與燔其城。亞德



納斯大將米力泰底率眾禦之戰於馬拉多那波斯敗績米力泰底奪其七船大流士慙憤死子澤耳士立一作拾爾時斯誓雪仇恥以三萬人伐希臘造長橋於他大尼里海峽長二千丈以渡軍希臘大震波斯欲招斯巴爾達降斯巴爾達扼險拒之人人決死戰呼聲動天地波斯軍敗走時波斯水軍分道攻亞德納斯亞德納斯大將地米多其利率眾禦之波斯師船泊外海忽風雷大作波濤震蕩壞波斯船四百艘地米多其利以計誘其餘船入內港圍而殲之波斯軍水陸皆敗澤耳士大怒舉傾國之師三十萬攻亞德納斯亞德納斯棄城保於別與波斯毀其城希臘諸國咸來助戰爭先陷陣波斯軍大潰橫屍數十里狼狽

瀛環志畧

卷六

希臘國

五

東走亡失殆盡澤耳士乘漁舟遁輜重盡為希臘所得先是希臘諸國自昂飛的安聯盟之後歷千年無改故能同心協力屢破大敵至是爭取波斯遺財頗有違言亞德納斯城扼海口操形勝且聚商船擅利權斯巴爾達素忌之既為波斯所毀亞德納斯人欲建復而斯巴爾達阻撓之由此兩國交惡盟約解散諸小國各有所附日啟爭端亞德納斯城既新建藩屬皆納貢餉日益強盛而斯巴爾達遭地震壓死萬餘人叛奴作亂弑王米西奈城又反國衰亂者數十年亞德納斯有賢長曰比哩吉發政施仁開闢富庶四國頌之會大疫死者相枕藉比哩吉亦染疾卒代位之長多挾私亂政民氣鬱然亞德納斯之西有大

洲曰西基利即西里屬於加爾達額有亞基庇亞底者生長此洲任俠好施素得眾心見亞德納斯衰亂欲取而代之因募兵攻亞德納斯破其水軍斯巴爾達與亞德納斯有夙嫌乘西基利之亂以大兵圍其都城毀之亞德納斯遂為亞基庇亞底所據由是希臘諸國互相攻日益衰亂已而馬基頓興一作馬斯馬基頓亦十二國之一在希臘北方初甚微弱周顯王年間有王曰非立一作非黎卑雄武有權畧與希臘諸國交兵累戰皆克使客游說之皆納欵為屬國王欲伐波斯會中刺客死子亞勒散得一作阿勒嗣位年二十一才兼文武英畧過人周顯王三十五年以三萬五千人伐波斯取亞細亞即買諾敘里猶太諸地波斯望風奔

瀛環志畧

卷六

希臘國

五

潰波斯王棄營走虜其妃后因移兵巡行海上有土羅者加爾達額之都城詳阿非利加圖說王攻破之屠八千人時麥西即厄多為波斯屬部王征服之墮其沿海名城由是所向披靡游兵及五印度皆納欵列東藩波斯王悉起境內兵決死戰王擊破之圍其蘇撒都城會遊疾旋師至巴庇倫卒於軍諸將各引所部據新辟之土自王從此希臘族散布西土至漢初希臘尚餘四國曰厄多里亞曰亞加壓曰白阿西亞仍以馬基頓為長馬基頓王非黎卑性強暴凌侮屬國三國患之時羅馬征伐四方兵力方強三國密求援羅馬命將以大兵入希臘非黎卑攜妻子逃羅馬因駐兵脅三國降三國悔失計求助於西里亞一作敘西里亞



亞者。亞勒散得部將所立國。兼亞細亞諸部。東中兩土。其為東方大國。時加爾達額敗將漢尼巴。亦赴西里亞求援。詳意大里阿。其王安的約哥計希臘亡勢。且及已。率輕兵救希臘羅馬迎擊之。安的約哥大敗遁歸羅馬。兵踵至圍其都城。安的約哥降。希臘四國聞之。皆納土降。地歸羅馬。時漢惠帝五年也。希臘諸國建於夏商至漢初。乃亡。凡歷一千數百年。余嘗聞之英官李太。郭云。雅典最講文學。肄習之精。為泰西之鄒魯。凡西國文士。未游學於額里士。則以為未登大雅之堂也。古希臘十二國。乃今臘則雅典一部。古亞德納斯之南境也。

瀛環志畧

卷六

希臘國

美

# 意大利國圖



瀛環志畧

卷六

意大利國圖

美



意大里亞列國

意大里亞。以他里。以他利。伊達。歐羅。羅。巴。古。一統之國。漢書所謂大秦國也。東北界奧地利亞。北界瑞士。西北界佛郎西。其餘全土斜伸於地中海。似人股之著。履者中有大山綿亘如脊。其地天時和正。土脈膏腴。穀麥。昌茂。花木馨芳。幽谷名園。相屬。西土羨為福地。自周以前。為土番散部。周幽王時。羅馬崛起。國勢漸強。其後武備日精。疆土四闢。至西漢時。北拓日耳曼諸部。至波羅的海。南服阿非利加。北境各國。西辟佛郎西。西班牙。葡萄牙。至大西洋海。又跨海建英吉利三島。東并希臘諸部。括貫諾西里亞。縱橫千萬里。跨歐羅巴亞細亞。阿非利加三土邊外。弱小諸部。皆修貢職。為

瀛環志畧

卷六

意大里亞列國

天

臣妾居然大一統之勢。建都城於羅馬。諸國仰之如周京。西域聞見錄所稱。控噶爾都城。務魯。東晉時。又建東都於黑海之峽。稱為君士但丁。一作公騰廷。又作康思坦胎諾。其後傳世既久。嗣王多淫辟。敗度內亂。迭生廢立。屢見西北諸部。皆擁土自王。不復為臣。東晉孝武帝二十二年。國分為二。以羅馬為西王。君士但丁為東王。東王至明景泰間。始為土耳其所滅。西王居意大里故地。劉宋時。為北狄。義特族所滅。我特族立國三百餘年。佛郎西取之。以羅馬都城奉教王。後復分裂。有伯棧日爾者。嘗并兼諸部。為一旋。以苛暴為國人所廢。奧地利亞。征服之。割北境之米蘭。威內薩兩部。自是之後。諸部時合時分。日尋干戈。雲擾尤甚。嘉慶十年。佛郎西王拿破

倫畧定其地。為佛藩部。拿破倫敗。諸國公使會議於維也納。分其地為九。大國四。曰羅馬。曰多斯加納。曰薩爾的尼亞。曰那不勒斯。小國五。曰巴爾馬。曰摩德拿。曰盧加。曰摩納哥。曰勝馬里。虐猶總稱。意大里亞其地物產豐饒。兼有蠶桑之利。每歲所產絲綿。價值三千餘萬。葡萄酒。橄欖油。橙柑。檸檬。栗。諸果。亦皆繁碩。其民身體纖弱。外寬柔。而內陰賊。往往昏夜刺殺仇人。好談論游戲。喜謳歌。有稷下之風。各國皆崇天主教。而羅馬為最盛。羅馬一稱教宗國。古羅馬舊都也。當全盛時。文物聲名。為西洋第一。大都會。至劉宋時。為北狄。義特族所據。故王宮闕大半殘毀。書冊舊典。亦掃蕩無遺。由是民變夷俗。非其舊矣。天主教自東漢時

瀛環志畧

卷六

意大里亞列國

天

傳播西土。羅馬人崇信尤篤。故國既為狄所據。天主教之徒。乘機招誘。黨羽日繁。大權歸其掌握。佛郎西既滅。我特族遂以其地歸天主教。師號曰教王。教王歿。則大會各教主。會議推老成者一人。嗣位。畧如前後。藏喇嘛坐牀之俗。其教傳布各國。有不遵者。輒挑釁。構兵夷滅之。或教其民。叛主佛郎西之創霸也。教王為之加冕。英吉利北族之起兵也。請於教王。教王封以英土。其權如此。至前明時。日耳曼人路得別立耶蘇教。稱為正教。斥天主教為異端。邪說。於是諸國半歸耶蘇教。而教王之權頓衰。所據之羅馬都城。古蹟最多。天主教堂極崇宏。光彩射目。入教之徒。如蟻。各食教王俸。精別國之祭司。禮拜主事者。遠方之信士。焚香禮拜者。踵相接也。天主



之外所崇奉者。耶蘇之母馬氏。稱為天后。額禱尤虔。其民情於農  
事野多曠。土山內多藏克盜。捕急則逃。入天主堂無復過問者。  
多爾加納一作突加拿在羅馬之西。東北界羅馬。西南臨海。土地膏腴。  
物產豐厚。都城曰佛羅棧薩。街衢整潔。萬厦翠飛。所屬有古城曰  
北撒昔。稱繁會。今已凋敝。海口有城曰里窩那。市舶所萃。貿易甚  
繁。

薩爾的尼亞一作沙力尼阿。又作撒地尼。又作撒丁。本意大里大島。其國由此島而  
割。意大里西北境。遂以島名為國。名地在多爾加納之西北。與瑞  
士佛郎西接壤。國分四部。曰辟門。曰熱那亞。曰撒歪。曰撒丁。島都  
城在撒歪。曰都靈。一作土林。殿堂宏麗。西人豔之。辟門多山。田不足畊。

瀛環志畧 卷六 意大里亞列國 三

其民多走別國謀生。熱那亞在海隅。昔為地中海公市。萬艘鱗集。  
稱大都會。意大里戰船皆屯泊於此。今衰廢已久。僅存各官之衙  
署而已。撒丁島地甚廣。莫而林莽。居半。居民披羊皮。挾利刃。遊牧  
林薄中。性悍。廣難於鈴束。  
那不勒斯一作拿波利。又作拿波里。破里。又作捏不爾士。在羅馬之南。東西南三面皆海。正  
地形似蹠履之處。意大里之南境也。西南有大島曰西治里。或作什士。  
力。又作西基利。與那不勒斯合為一國。都城同國名。屋宇高大。殿  
廟整肅。郭外萬峯環繞。高插雲表。內多幽壑。古洞。別有火峯。峯嶺  
常出烟雲。有時火石飛空。墜數十里外。或飛灰如霜。霰積數尺。壓  
山。畝廬舍。又火漿迸流如水。所至草木皆燼。近山有二古城。灰埋

已千餘年。忽土人掘出垣堞。依然傳為異事。地震甚烈。居民頻年  
被災。惟土田肥沃。物產豐饒。故戶口繁密。無肯避而去者。西治里  
島縱橫皆四五百里。土尤肥沃。多五穀。良釀。島中亦有火峯。鄉邑  
屢遭焚毀。吏多苛政。教主擅權。故夙稱沃土。而民恆貧乏。其會城  
曰巴勒摩。埔頭曰墨西拿。

巴爾馬一作巴馬在薩爾的尼亞之東。摩德拿之西。北抵波河。縱橫皆  
二百里。戶口四十餘萬。昔為奧地利王女封地。佛郎西王拿破侖  
之后也。拿破侖既敗。其後別離。仍據此地。  
摩德拿。東連羅馬。西連巴爾馬。長三百里。廣一百四十里。戶口三  
十八萬。

瀛環志畧 卷六 意大里亞列國 三

盧加。東連多爾加納。西至地中海。長九十里。廣五十里。戶口十四  
萬餘。  
摩納哥。在薩爾的尼亞境內。長三十五里。廣二十里。戶口六千五  
百。  
勝馬里。在羅馬境內。袤延約五十里。戶口四千餘。自推西長理  
事。不屬教王。  
意大里西南有馬里他島。地多磐石。居民積土為田以耕。其俗儉  
嗇。勤苦。戶口極繁。昔耶蘇之徒保羅。浮海擱淺。泗登此島。為人瘵  
病。著神異之迹。故此島名傳西土。當回部方強。以兵力脅此島。島  
酋率眾卒拒之。回部竟不能取。嘉慶年間。佛郎西誘降其酋。旋為



英吉利所奪守以重兵為地中海停泊戰艦之處

按西國自剖判以來惟意大里為一統之朝肇造邦土在成周中業混壹在西漢之初分裂在東晉之末宗社之墟在明景泰間祚數之長泰西無其比也據泰西人所紀載其創業之主曰羅慕路一作羅於周幽王年間始建城於羅馬別五土之宜教民以耕稼造戟弩以習戰子努馬一作馬嗣位初設律例愛育黎元分等威別貴賤境內大治傳七世至達爾癸虐蘇比爾伯淫虐無人理民廢王選賢者二人居高爵立公會以治事高爵每年一易由是國無王而勢日強盛意大里諸部皆歸版圖阿非利加北境有大國曰加爾達額一作迦舊名非尼亞西亞立國最

瀛環志畧

卷六

意大里亞列國

三

早出希臘遷於地中海之南岸其國善於商賈擅地中海之利權又兼并西班牙富強無與埒羅馬初興時加爾達額屢侵軼之又奪其屬島西治里後羅馬漸強始稱勅敵搆兵數百年迭為勝負西漢初加爾達額命其大將漢尼巴合西班牙之兵大舉伐羅馬連戰皆克陷南境諸城羅馬大將發比約馬西摩堅壁以老其師而遣別將馬爾塞羅伏奇兵邀其歸路又遣西比揚潛師渡海襲其都城漢尼巴聞警還救遇伏大潰比渡海將至西比揚回兵邀擊於海中全軍盡覆漢尼巴乘漁舟奔西里亞求援時漢高祖六年也是時希臘分數部馬基頓最強諸部為所凌侮求庇於羅馬羅馬以兵護諸部因脅降為屬國諸部

俄之密約西里亞為援西里亞者一作敘亞細亞大部在猶太

之北舊本巴庇倫地波斯滅巴庇倫地歸波斯後馬基頓王亞勒散得伐波斯盡取其地亞勒散得卒於軍諸將裂其土自王分為數國後并入西里亞為一國勢頗強大故希臘諸部欲倚之以拒羅馬而漢尼巴又盛稱羅馬師疲易敗漢惠帝五年西里亞王安的約哥帥兵赴希臘羅馬迎擊之西里亞兵大敗奔回羅馬軍乘勝逐北圍其都城安的約哥納土降漢尼巴自殺因移兵征馬基頓馬基頓亦降希臘諸部皆獻土漢景帝十年羅馬以大兵伐加爾達額圍其都城城將陷加爾達額闔城自焚羅馬毀其城因畧定其屬部復征服西班牙置為別部時葡

瀛環志畧

卷六

意大里亞列國

三

為西班牙西境尚未立國是時地中海南岸尚有兩強國一日奔多一日入占爾達奔多有高哥斯大山為屏蔽其王竟的里達隄強武好戰恃天險不肯賓服羅馬命大將西拉盧占祿征之連兵二十六年屢破其軍竟的里達隄扼險不肯降漢文帝後元年羅馬大將奔彪一作潘浦攻破奔多殺竟的里達隄入占爾達尤險遠漢武帝元封五年羅馬大將馬黎約征服之由是地中海南岸諸部盡入版圖猶太麥西亦納欵北境拓地至日耳曼復西辟佛耶西渡海征英吉利土番建為大部西土數萬里無復抗顏行者初羅馬廢國王立公會高爵由眾推選原議一年一易後因兵事不得易漸有久於位者高爵子孫名曰巴的黎西疇推舉



高。喬。半。由。巴。的。黎。西。病。黎。庶。雖。有。奇。傑。多。阻。遏。不。得。進。而。高。喬。子。孫。席。富。貴。以。勢。凌。人。黎。庶。積。不。能。平。時。諸。將。四。征。不。庭。各。擁。強。兵。皆。百。戰。悍。不。馴。至。是。四。方。畧。定。諸。將。各。凱。旋。屯。畿。甸。適。有。夷。族。自。東。北。來。侵。亞。細。亞。諸。部。多。翻。城。應。之。大。將。奔。彪。提。兵。往。剿。方。戰。勝。收。復。境。土。而。內。變。作。先。是。馬。黎。約。之。兵。與。西。拉。之。兵。誹。評。交。回。黎。庶。之。黠。者。乘。機。倡。亂。殺。高。喬。子。孫。民。與。紳。鬪。兵。與。兵。誼。既。而。兵。民。紳。分。黨。相。攻。數。旬。之。內。反。者。如。蠅。毛。而。起。屠。戮。凡。數。萬。人。奔。彪。聞。變。急。回。兵。大。將。愷。撒。一。作。人。畧。塞。薩。爾。方。西。征。亦。旋。師。共。平。內。難。盡。戮。反。者。前。後。死。者。凡。十。餘。萬。人。國。乃。定。是。時。大。權。歸。兩。帥。奔。彪。征。服。西。班。牙。奔。多。麥。西。猶。太。重。定。亞。細。亞。建。

瀛環志畧

卷六

意大里亞列國

壹

功。最。早。貪。權。位。漸。驕。恣。而。愷。撒。負。英。畧。學。術。過。人。平。佛。郎。西。英。吉。利。建。為。大。部。勳。業。尤。著。兩。人。積。不。相。能。愷。撒。素。得。民。心。奔。彪。度。不。能。抗。託。故。之。東。部。起。兵。攻。愷。撒。愷。撒。率。眾。禦。之。戰。於。希。臘。之。法。爾。薩。里。亞。奔。彪。兵。潰。單。舸。奔。麥。西。麥。西。王。斬。其。頭。獻。羅。馬。由。是。愷。撒。總。大。綱。立。法。制。羅。馬。大。治。時。高。喬。有。不。盧。多。加。西。約。者。忌。愷。撒。之。得。大。權。將。帝。制。遣。客。刺。殺。之。高。喬。馬。爾。各。安。多。尼。約。因。擅。權。專。制。將。自。王。愷。撒。猶。子。唯。大。屋。一。作。塞。薩。爾。額。達。維。約。起。兵。攻。之。戰。於。黑。細。約。河。馬。爾。各。安。多。尼。約。大。敗。攜。其。孥。而。逃。不。盧。多。加。西。約。皆。自。頸。死。漢。成。帝。建。始。二。年。唯。大。屋。踐。王。位。是。為。羅。馬。復。立。國。王。之。始。當。是。時。羅。馬。東。境。至。亞。細。亞。中。東。兩。土。西。境。至。

西。班。牙。英。吉。利。北。境。括。日。耳。曼。諸。部。南。境。包。阿。非。利。加。之。北。境。地。兼。三。土。亞。細。亞。歐。羅。巴。阿。非。利。加。周。迴。數。萬。里。盡。入。版。圖。波。斯。遣。使。乞。和。天。竺。亦。遣。使。通。好。徼。外。諸。夷。部。皆。入。貢。建。始。三。年。唯。大。屋。更。名。曰。奧。古。士。都。一。作。奧。烏。士。多。銷。兵。罷。戰。親。閉。仍。納。廟。門。仍。納。兵。主。之。神。罷。則。性。寬。大。厚。待。功。臣。親。愛。士。民。為。羅。馬。極。隆。平。之。世。其。後。駕。里。古。喇。尼。囉。相。繼。立。皆。苛。暴。荒。淫。比。於。幽。厲。大。將。菲。士。巴。山。素。得。民。譽。眾。推。戴。為。國。王。時。猶。太。叛。亂。命。其。子。第。度。伐。之。攻。破。猶。太。都。城。屠。之。已。而。第。度。嗣。立。慈。惠。愛。民。稱。為。賢。主。未。幾。卒。其。弟。嗣。立。煩。刑。苛。斂。國。人。不。堪。其。虐。弑。之。東。漢。和。帝。九。年。王。大。喇。壤。嗣。位。時。匈。奴。侵。北。鄙。命。將。擊。走。之。王。性。寬。惠。矜。庶。獄。有。仁。聲。晚。

瀛環志畧

卷六

意大里亞列國

壹

歲。好。土。木。比。頑。童。論。者。惜。其。不。終。繼。立。之。王。好。武。屢。伐。匈。奴。勝。之。順。帝。十。二。年。王。安。敦。嗣。立。博。物。好。古。明。於。治。體。修。律。度。振。綱。紀。號。為。中。興。時。匈。奴。逐。水。草。屢。犯。邊。王。親。率。大。兵。渡。河。深。入。不。解。甲。者。數。年。窮。迫。至。北。海。犁。其。庭。幕。伏。屍。百。萬。山。是。烽。燧。銷。息。數。十。年。無。鳴。吠。之。警。東。漢。之。末。昏。庸。在。位。骨。肉。相。殘。國。大。亂。蜀。漢。後。帝。年。間。稱。王。者。三。十。人。日。相。屠。攻。有。奧。哩。都。者。削。平。僭。逆。光。復。舊。物。羅。馬。再。康。後。因。東。方。多。邊。患。恆。屯。重。兵。以。備。之。晉。懷。帝。永。嘉。元。年。王。君。士。但。丁。一。作。公。嗣。位。性。謙。柔。有。遠。畧。建。大。城。於。他。大。尼。里。海。峽。之。北。岸。以。控。制。東。方。即。名。曰。君。士。但。丁。城。一。康。思。胆。胎。諾。格。爾。又。作。官。士。是。為。羅。馬。東。都。君。士。但。丁。卒。三。子。丹。的。諾。伯。拉。及。稱。控。噶。爾。



爭立國。又幾亂。嗣立之王好佛。仇耶蘇教。伐波斯。中流矢卒。王約菲安嗣位。溫恭好禮。修好四鄰。稱為太平。先是東北有義特族者。一作尼都。又作哥度。為匈奴所攻。降於羅馬。羅馬處之北境。恣其游牧。生聚年久。日漸強盛。羅馬既立東都。悉以勁兵防東邊。西都守備單弱。義特突以兵犯羅馬。羅馬王禦之。殞於陣。國大震。乃與之和。王第阿多西嗣位。潔白自修。稱為合辟。東晉孝武帝二十二年。分國為兩。以羅馬為西都。以君士但丁為東都。立二王分治之。其後西都屢為義特所侵。日就衰弱。王和挪流嗣立。貪饕喜淫。刑義特屢來攻。肆行殺掠。城邑蕭然。宋蒼梧王元徽三年。義特圍羅馬都城。王出降。義特囚之軍中。憂懼死。羅馬民私

瀛環志畧

卷六

意大里亞列國

美

葬之。山是西都。遂為義特所據。而東都仍稱羅馬。國梁武帝二十五年。東主如地尼安嗣位。精於吏治。因舊例。煩苛令羣臣刪訂之。歸於寬簡。臣民稱便。時國人有航海至中國者。攜蠶桑之種。以歸。試植之。與土性宜。由是繭絲之利興焉。泰西與蠶桑之利。已一千數百年。而中國之人不知。唐初。回教之摩哈默。興於阿刺伯。新兼以爲皆從。粵東販往。波斯勢張。其欲強羅馬。入回教。羅馬不從。由是爲阿刺伯所怒。數數被兵。是時義羅斯興於北土。以兵侵羅馬。與之私以女嫁之。從此義羅斯崇天主教。已而阿刺伯攻羅馬之東境。西里亞猶太。買諾諸部皆陷。峽東地全成敵境。僅餘希臘片土。其西土。其西土。勞益孤弱。元末土耳其起於買諾。兼并峽東諸部。數渡

峽。即他大尼里峽。已攻羅馬。侵割其旁邑。殆盡。明景泰三年。攻陷君士但丁都城。羅馬遂亡。○後漢書大泰國一名犁鞮。以在海西。此海指地中海。亦云海西國所居城邑。周圍百餘里。置三十六將。皆會議國事。其王無有常人。皆簡立賢者。其人民皆長大。平正。有類中國。故謂之大秦。與安息。即波斯。天竺。即印度。交市於海中。其王常欲通使於漢。爲安息遮遏。不得自達。至桓帝延熹九年。大秦王安敦遣使自日南徼外。獻象牙。犀角。玳瑁。始乃一通焉。云考之泰西人所紀載。羅馬都城最大。與漢書周圍百餘里之說相合。又羅馬自努馬七世後。不立國王。選賢者居高爵。立公會以治事。與漢書王無常人。簡立賢者之說相合。漢成帝二年。

瀛環志畧

卷六

意大里亞列國

美

暗大屋踐王位。仍世及。漢書所云。乃其往事。又漢順帝十二年。王安敦嗣位。號爲中興。與漢書延熹九年。大秦王安敦遣使入貢之說。年代名氏均相合。則意大里之爲大秦。無可疑矣。意大里在兩漢時。歐羅巴一土。隸幅員者十七八。故大秦之外。別無海西部落之名。見於范書。惟安敦之入貢。由日南徼外。其爲航海東來。可想而知。然則謂歐羅巴諸國。明以前未通中國者。殆不其然。惟市舶之聚於粵東。則自前明始耳。唐宋以來。皆以拂菻。乃大秦東鄰。屬部猶之稱。浩罕。爲安集延也。然自宋以後。拂菻。爲回部所據。其不屬大秦。中國不知其原委。故因仍不改耳。泰西人所刻耶蘇之書甚多。其敘述謂上古之世。有至人摩西者。受神天教於西奈山。在阿刺伯西北境。垂十誡以教世人。其先有哲人



曰亞伯拉罕十四世而生大辟。兩人皆西土名賢。能教化人。大辟十四世為巴別倫。巴別倫又十四世而生耶穌基督。基督如中國之靈耶穌之父曰約色弗。母曰馬利亞。馬利亞感神而孕。漢哀帝五年。生耶穌於猶太國之伯利恒邑。有異人從東方來。云有星降於猶太。為國王。其王希羅得。潛使人物色殺之。約色弗夢神人告使避難。抱兒逃於麥西。希羅得死。乃回以色列地。又遷於加利利之拿撒勒。耶穌既長。神異特甚。時有先耶穌問道者。曰約翰耶穌就而領洗禮。洗謂潔身領洗禮。蓋受業之意。約翰知耶穌為至人。不敢自居先輩。通告人使師耶穌。由是耶穌宣傳教法。戒殺戒淫。戒盜。戒誣。謂天為父。已為上天之獨子。降生以拯濟世人。

瀛環志畧

卷六

意大里亞列國

天

謂人之生也。靈魂為重。軀壳為輕。軀壳時至而毀。靈魂歷劫不磨。修道之人。升靈魂於天國。與天無極。受業者十二弟子。最著者為西門彼得。羅為耶穌伯馬太。耶穌能以神術醫人疾。癩者癩者。聾者聾者。以手撫摩之。立愈。所至男女數千人。隨之。喧傳耶穌為猶太之王。有祭司元魁。主持禮拜之人。該亞法與眾謀。欲擒而殺之。耶穌預知。數不可逃。語門人。以後事。門人有猶大士者。受賄賣其師。密導人往執之。送於大吏彼拉多。彼拉多審其無罪。欲釋之。眾怒。謂彼拉多縱叛民。堅請釘之十字架。彼拉多不得已從之。耶穌遂被釘死。葬之明日。失其屍。其後門人數數形見云。耶穌死後。彼得羅與諸弟子往來各國。傳布其教。

有士提反者。聞而篤信。以傳道自任。猶太人以石擊斃之。有保羅者。初與耶穌之徒為仇。攻之甚力。後悔悟入教。進道最勇。所著之書亦最多。云余嘗翻閱其書。文義詰曲而俚。蓋彼土學漢文者所譯。其中有帶機鋒似禪語者。而義則粗淺。其所謂洗禮七日安息禮拜之類。自摩西以來。即有之。非始於耶穌也。奉耶穌之教者。不祀別神。不供祖先。以耶穌為救世主。而以身命倚之。謂可獲福佑。有得禍者。則謂靈魂已升天國。勝於生人世。按其大致。亦佛氏之支流別派。歐羅巴遠在荒裔。周孔之教所不及。耶穌生於其間。戒淫戒殺。忘身救世。彼土崇而信之。原無所謂非而必欲傳其教於中土。則亦未免多事矣。

瀛環志畧

卷六

意大里亞列國


天

按耶穌生於猶太。其教之盛行。則起於羅馬。自教王擅權之後。諸國王侯。聽其頤指。有不從者。國輒被兵。主輒被弑。數百年無敢違異。其教稱為天主教。天主者。以耶穌為上天之主宰也。明初有日耳曼人路得者。起而攻其說。謂天主教解耶穌之書。皆謬誤。以刑戮強人入教。乃異端邪說。非耶穌本旨。於是取耶穌之書。重加譯解。別立教規。稱耶穌為救世主。名其教為耶穌教。諸國之奉天主教者。多翻然從之。教王大怒。令諸王捕殺耶穌教人。然其教已盛行。不可過止。由是君與民。因分教相殺。國與國。因分教相攻。數百年來。西土之民。肆市朝膏。原野者。不知幾百萬。皆因爭教而起也。今歐羅巴從天主教者。曰意大里亞。曰









瀛環志畧

卷六

荷蘭圖

望

荷蘭國

荷蘭和蘭。法蘭得斯。歐羅巴小國也。東界日耳曼。南界比利時。西北距大西洋海。縱約六百五十里。橫約三百五十里。壤地褊小。夷坦無山。歐羅巴地形。此最低陷。海潮衝齧。劃為洲渚。港道縱橫。交貫其地。沮洳卑濕。而土脈最腴。民習水利。善築隄防。開溝洫。又善於操舟。能行遠。故歐羅巴海市之通行。自荷蘭始。其地古時為土番部落。種人名曰巴達。漢時。意大里擴地至佛郎西。荷蘭土番悍不聽命。意大里兵阻水不能進。因置為荒服。不復爭。後為日耳曼之弗郎哥人所據。蕭齊時。佛郎西取之。置酋長分領其眾。佛有內亂。諸酋擁地自擅。分為十七小國。後有不爾疴尼亞酋長復并諸

瀛環志畧

卷六

荷蘭國

望

部為一。自立為侯國。北宋時。海潮決隄。數百里居民皆沒。都城幾陷。潮退之後。積水匯為巨浸。曰亞爾零海。經營數十年。戶口繁滋。商賈通行。完富過於曩時。明初。侯查理侵佛郎西。圍其都城。耀兵而還。時荷蘭富民多持財犯科律。侯以峻法繩之。刑戮過當。眾怨怒。有叛志。佛郎西乘勢伐之。侯震恐。納賂請盟。佛兵乃退。荷蘭舊分南北部。侯政苛虐。南部即北。畫疆不聽命。侯與戰。敗績。墮溝中。死。正德季年。西班牙王查理第五。新為日耳曼所推立。已詳舉地利亞圖說有大權。擊佛郎西。擄其王。西土諸國無敢逆顏行者。遂下令兼王荷蘭。荷蘭不敢抗。時荷蘭富甚。王減稅以悅其民。而悉令入天主教。有違耶蘇教者。積薪燔之。已而查理第五令其子西班牙王非



立第二兼王荷蘭禁耶蘇教尤急南部本習天主教無梗令者而北部夙崇耶蘇教堅不肯改非立第二以峻法繩之凡戮數千人荷蘭人情甚有阿蘭治者智勇過人眾推為主起兵距西班牙西班牙以大衆攻之荷蘭人人死戰屢敗而氣不衰佛郎西英吉利營引兵救之己而退去阿蘭治激其衆曰西人以我供刀俎當塗肝膽決死戰幸而勝國之福也不濟則決海隄挈妻子為波臣不死者乘舟逃萬里外誓不為之氓衆皆曰諾遂引軍獨進與西班牙鏖戰數十年屢挫西軍西班牙遣客刺殺之其子繼統其衆雄武過父奮力擊西軍大破之西班牙乃斂兵議和由是荷蘭復立為國晏然安富承平者二百餘年當前明中葉荷蘭航海東來至

瀛環志畧 卷六 荷蘭國

中國之東南洋據瓜哇海口即噶羅巴迤東迤北各島國皆建設埔頭通東西七萬里之海市故國雖小而富饒甲於西土明季嘗以兵船擾閩浙聖臺灣而據之後為鄭氏所逐小西洋各埔頭亦頗為英佛諸國所侵削而南洋數大島則依然荷蘭有也康熙二十七年王威廉第三有雄畧英吉利人招之渡海奉以為王幾霸西土嘉慶初佛郎西拿破命侵伐四國兵及荷蘭荷蘭王走死荒野地歸佛郎西英吉利乘荷蘭之亂也奪其瓜哇埔頭拿破命既敗荷蘭復立故王之裔英人乃還其埔頭先是荷蘭南部與北部相仇當北部與西班牙構兵南部附西班牙不相助嘉慶十九年南部與荷蘭合道光十一年南部復絕荷蘭立他族為王稱比利時國

荷蘭地形平行有水無山東偏僅有邱阜亦甚寥落北境出燕麥中國稱油麥又出胡麻形似壁蝨紫黑色可以為油西北境出大麥中土出麻與顏料南境出小麥俗喜吸絲烟故種烟草者多草場豐廣便於牧牛所製奶餅極佳又善造火酒二者通行各國所織羽毛緞最良中國貴之其民俗樸實耐勞節衣啜食治生最為勤苦無游民無盜賊利之所在不遠數千萬里性喜潔房屋時時掃滌街衢有污穢必洗刷淨盡稅餉頗重聽紳士籌辦王不得專地分十一部○北荷蘭西距大西洋海東環亞爾零內海都城曰亞摩斯德爾登一作俺莫士特爾建於義河之濱架木水中上起樓閣以河道為街衢居民二十萬貿易之盛為歐土大都會又有別都

瀛環志畧 卷六 荷蘭國

曰合其在海濱國王所居殿廷制頗卑狹而民居極整潔來丁島特兩城有大書院文儒所萃○南荷蘭在北荷蘭之南西面大海南界內港隔斷成兩洲會城曰海牙所屬鹿特堤城內通舟楫殷商所萃街市華潔○斯蘭德亞在南荷蘭之南西面大海內港縱橫界隔成八洲會城曰米德爾不爾厄○北巴拉班的在斯蘭德亞之東幅員頗廣南與比利時接壤會城曰不亞勒獨各○烏德勒支在兩荷蘭之東會城同部名○給爾德勒在烏支德勒之東北西界亞爾零內海東界日耳曼會城曰亞爾凝○德倫得在給爾德勒之北西界內海東界日耳曼會城曰亞森○疴威爾義塞耳在德倫得之北東界日耳曼會城曰索爾○非里薩在疴威爾



義塞耳之西。三面距內海。會城曰雷瓦爾敦。哥羅凝加在荷威爾。義塞耳之北。爲荷蘭極北境。東界日耳曼。會城同部名。靈不爾厄在北巴拉班的之東南。隔與日耳曼接壤。會城曰貢士的里。至十一部之外。別一部曰盧森不爾厄。在日耳曼界內。長二百五十里。廣二百里。會城同部名。戶口二十九萬。入口耳曼公會。應出兵二千五百五十。此部國中未盡應。在日耳曼國內。

按荷蘭爲歐羅巴澤國。與魚鼈錯處。受水患最甚。享水利亦最優。隄防溝洫。猶易易耳。刻木爲舟。而通行於數萬里之外。則習於水之明效也。勝國季年。閩浙兩洋。時見侵軼。嘗踞舟山。定海地方。尚有紅燬普陀。普陀嚴有萬歷年間宮塑佛像。荷毛馬頭之名。燬普陀。蘭以巨艦摧之。收其寶藏而去。鼓棹月

瀛環志畧 卷六

荷蘭國

吳

港。仰海澄縣。從前海港深。通大船可直抵城下。荷蘭船時來遊奕。後港漸淤。淺乃移市舶於海門。海門又於乃移於廈門。寄跡澎湖。崇禎三年。荷蘭據澎湖。撫南居。卒乃據臺灣。而有之。彼時概稱爲紅毛。即荷蘭也。鄭成功長江之敗。金廈不能守。適荷蘭通事何斌。負通稅逃內地。獻謀取臺灣。成功悉銳渡海。奪鹿耳。據安平。相持一年。荷蘭大困。成功乃縱之去。由此絕意中國。不敢復覬片土。先是鄭芝龍受撫後。嘗以小舟焚荷蘭三艘。厥後成功扼之於臺灣。幾致片帆不返。以彼橫肆如鯨鯢。遇鄭氏父子而弱焉。亦足爲遠夷侵凌中國之炯戒矣。歐羅巴諸國。皆好航海。立埔頭。遠者或數萬里。非好勤遠畧也。彼以商賈爲本。計得一埔頭。則擅其利權。而歸於我。荷蘭尤專

務此。其航海而東來也。亞非利加。印度。麻喇。甲蘇門答臘。卽已遍設埔頭。噶羅巴。卽瓜哇。一島大小。西洋入中國之門。戶富盛。甲於兩洋。爲諸島國之綱領。荷蘭以詭謀據其海口。建設城邑。流通百貨。由是迤東迤北。諸島國如婆羅洲。一名蟠尼。西里百。一名密摩鹿加。一名失羅洛。巴布亞。一名那吉尼。之類。大小凡數十處。說見南洋圖。皆巫來由。繞阿武吃。番族。荷蘭以次據口岸。立埔頭。有租賃其地者。有侵脅得之者。大約近年以來。小西洋諸島國。以英吉利爲主。東南洋諸島國。除呂宋。屬西班牙。餘皆以荷蘭爲主。地本彈丸。而圖國計於七萬里之外。歷數百年。無改亦可。謂善於運籌者歟。

瀛環志畧

卷六

荷蘭國

吳

鄭芝龍焚荷蘭船。見閩人所著臺灣外紀。其書雖小說。而事多實錄。非盡荒唐。維時荷蘭夾板擾閩浙。芝龍已受撫。爲裨將。奉軍門令。往剿荷蘭船。堅炮猛不能勝。乃募死士善泅者。以小船堆柴薪。澆以油。中藏火藥。前置引線。船首施短鐵鍊。綴利錐。死士一人。持斧坐船頭。數人從旁。乘風潮急。棹傍夷船。以斧釘錐於船。舫燃藥線。投水。皂回。藥燃火發。風又猛烈。荷蘭夾板被焚。三艘餘。悉遁去。云。余按芝龍本海中劇盜。所養皆亡命之徒。其權譎能得人死力。以此出奇制勝。理或有之。他書言火攻者。紛紛有謂用千百木筏積薪。順風潮而縱之者。有謂鎖千百小舟。積薪舫。港面而圍之者。大約皆江河火攻舊說。否則攻海盜舊




說○施○之○夾○板○鑿○柄○甚○矣○海○而○寬○闊○夾○板○皆○相○地○散○泊○近○者○相○隔○  
一○二○里○遠○者○三○四○里○木○筏○小○舟○雖○多○豈○能○塞○滿○汪○洋○如○牆○而○進○  
又○豈○能○引○鍼○拾○芥○無○端○而○使○之○相○著○此○自○焚○舟○何○與○彼○事○不○如○  
芝○龍○之○釘○船○事○雖○難○而○尚○有○實○際○耳○

瀛環志畧

卷六

荷蘭國

四




# 比利時圖

瀛環志畧

卷六


比利時圖

四





大洋西海



瀛環志畧

卷六

比利時圖

五

瀛環志畧 卷六

比利時國

比利時。北勒治。○惟理儀。○北義。○北爾日加。○北歐羅巴小國也。北界荷蘭。西北距大西洋海。西南暨正南。俱界佛郎西。東接普魯士。西部。縱約五百里。橫約三百里。古時本荷蘭南部。荷蘭多水。而比利時多平陸。明初。荷蘭侯查理。好用兵。徵調煩苦。比利時不聽命。查理引兵突入其境。掩殺八百人。比利時結大隊復仇。查理敗死。後西班牙王非立第二。兼王荷蘭兩部。荷蘭人阿蘭治起兵。拒戰相持數十年。比利時隸西班牙。未敢貳。康熙五十三年。西班牙以比利時歸奧地利亞。為奧藩屬者七十餘年。嘉慶初。佛郎西拿破侖兼并諸國。先取比利時。次滅荷蘭。拿破侖敗。荷蘭再立國。

瀛環志畧

卷六

比利時國

五

嘉慶十九年。比利時復與荷蘭合。先是荷蘭崇耶穌教。因此與西班牙構兵數十年。卒獲勝復國。而比利時。毘近佛郎西。願獨從佛俗。尚天主教。又夙隸西班牙。舉地利。皆天主教國。既與荷蘭合。不肯從荷俗。兩部之民。不相能。時時構釁。而荷蘭以比利時夙附仇國。不與恢復之師。素薄其人。不令居顯秩。又不肯收教其幼學。比利時人積不能平。道光十一年。逐荷蘭守土吏。荷蘭伐之。比利時諸部合兵拒戰。相持數月。伏屍遍野。佛郎西舉兵助比利時。荷蘭乃斂兵退。比利時人遂招日耳曼之薩克撒各不爾厄小侯。留波爾達。日米干塞。下游皆在荷蘭境。貨船由此出運。既絕荷蘭。荷蘭



過其港口使不得通乃造鐵軌鐵路以石鋪路鎔鐵汁灌之使平如砥以利火輪車之行歐羅巴各國以火輪車由陸轉運以達於海

比利時平原坦闊南界僅見岡陵氣候溫平土膏腴潤宜穀果烟葉多草場便牧畜兼產煤鐵地分九部○南巴拉班的在八部適中之地都城曰不魯拾拉斯一作木蘭洛士爾士又作北律悉建於塞內河濱宮廷高大潔而不華其民工於紡績所織呢布皆精良城內外多植嘉樹為園圃供士民遊賞○安都厄爾比亞在南巴拉班的之北壤接荷蘭會城同部名向為水運大埔頭近年港口為荷蘭所封舟楫不行○東發蘭德斯在南巴拉班的之西會城曰干的織工所聚呢布由此出運○西發蘭德斯在東發蘭德斯之西西距大

瀛環志畧 卷六 比利時國 五

海南界佛郎西會城曰不魯日係水運海口○海腦德在南巴拉班的之西南與佛郎西接壤會城曰蒙肆係內地埔頭○那慕爾在海腦德之東南界佛郎西會城同部名○列日在那慕爾之東與日耳曼接壤會城同部名○靈不爾厄在列日之北東界普魯士北界荷蘭會城曰賣士的里至此與荷蘭之靈不爾厄相連會城名亦同蓋一域分為兩地也

○盧森不爾厄在列日之南東界普魯士南界佛郎西會城曰亞爾倫此與荷蘭所轄之盧森不爾厄同名而會城名不同蓋地界亦相近也

按比利時本荷蘭南部兩土合併猶不敵諸大國之半其初分也因查理之妄殺西班牙之侵荷北部日尋干戈南部遂羈縻強敵其再分也則由於天主耶穌兩教之角勝於摩立教以止

殺也今乃因教而相屠豈不愚哉  
比利時於國初時曾來粵貿易絕迹多年佛郎西其姻鄰也近復為之代請通市朝議許之



# 佛郎西圖

瀛環志畧

卷七

佛郎西圖




瀛環志略 卷七

瀛環志畧

卷七

佛郎西圖



一三七



佛郎西國

佛郎西佛蘭西○法蘭西○佛郎機○佛朗機○佛朗泰○荷蘭西。歐羅巴強大之國也。東北界比利時。西北與英吉利隔海港相對。東界日耳曼瑞士。東南界意大利。亞暨地中海。西抵大西洋海。西南界西班牙。縱約二千二百五十里。橫約二千六十里。其地古名魯盧。又名牙里亞。為塞爾達野番部落。漢孝元初年間。羅馬大將檉撒征服之。檉撒一作人畧塞薩爾。命大臣鎮守。墾田播穀。漸化其俗。由是為意大利亞西境。後羅馬衰亂。南境為北狄維西哥多人即我特族所據。西境為北狄不爾給農人所據。東北境為日耳曼之佛郎哥人所據。齊高帝建元三年。佛郎哥酋長哥羅味。有雄畧。始驅除北狄。據其全土。改國號曰佛

瀛環志畧

卷七

佛郎西國

三

郎西。是為佛人立國之始。傳三百餘年。至給爾北里哥。為國人所廢。唐天寶十一年。立國相北比諾為王。一作北比諾聰敏好學。奮起修政。佛國以康。其孫甲利泰甫。一作加爾祿。斯馬哥奴。有文武才於唐德宗六年嗣位。時東方日耳曼之撒遜部屢犯邊。泰甫征之。禽其王。斬四千五百人。因畧定日耳曼諸部。并兼羅馬教王為加冠。時天主教王有大權。加冠者立為霸王之意。羅馬東王約為上交。泰甫乃開館第。招致文學之士。城邑宮室道路。剏造闕整。規模極一時之盛。泰甫傳數世。後宗支爭權。各部亦擅兵相攻。國又衰亂。宋太宗雍熙四年。國人立大倫武額加。頗多為王。傳數世。嗣絕。更立瓦羅義斯為王。宋理宗二年。王路易一作盧義斯嗣位。長於吏術。尤精名法。嘗帥師伐麥

西戰已勝矣。而三軍染疫不能起。乃納賂全軍歸。而增修國政。簡任賢能。號為中興。國與英吉利隔一海港。世為姻婭。當佛王嗣絕。英吉利王義都亞爾多。一作華義都。第三。自以佛故王之甥。當得分地。佛人不與。英吉利遂起兵相攻。兩國從此構讐。隔數年。或數十年。輒交。閱稱為勦敵。元順帝年間。國為英吉利所滅。有幼女。年十六號。召餘燼。擊退英軍。恢復境土。明萬曆二十五年。王顯理被弒。一作英黎。給顯理第四。一作英黎。給第四。由旁支嗣位。發奮自修。廣布仁惠。百姓歸之時。有天主教之魁。欲誅鋤異己。王不聽。魁恨之。謀弒王。萬曆三十七年。王中刺客死。百姓哀哭如喪父。嗣子愚孱。用小人。國政亂。傳至路易第十四。一作盧義斯。第十四。好武。佳兵。諸國來朝者。偃蹇凌侮之。

瀛環志畧

卷七

佛郎西國

四

由是皆怨。時乾隆三十八年。王路易第十六。一作盧義斯。第十六。嗣立。時華盛頓一作兀與騰據亞墨利加起兵。英吉利攻之不克。佛人以全軍助。華盛頓英不能支。遂與華盛頓和。而佛亦由是虛耗。王好漁色。內寵擅權。擾民不能堪。乾隆五十四年。國大亂。尋廢王弒之。立領事官三人。攝王政。以拿破命為首。一作拿破利翁。又作那波良。拿破命者。佛風將。用兵如神。征麥西有大功。王忌之。置散地。國人既弒王。拿破命乘勢鼓眾。得大權。嘉慶八年。國人推戴。即王位。恃其武畧。欲混一土宇。繼羅馬之蹟。滅荷蘭。廢西班牙。取葡萄牙。兼并意大利。瑞士。日耳曼諸小部。割普魯士之半。奪奧地利。亞屬。藩侵。噠國。圍其都城。戰勝。攻取所向無敵。諸國畏之如虎。嘉慶十六年。以大兵伐我



羅斯圍其舊都墨斯科。我人燒之而走。佛方旋師而天驟寒。軍士凍死者十七八。諸國乘其敝也。合力攻之。佛師大潰。故所得土全失。嘉慶二十年。各國遣公使會議於維也納。奧地利凡拿破侖所侵地各歸故主。其間有分析立盟約不相吞噬。拿破侖既敗。喪慙而避位。復立故王之裔路易。一作盧仍握兵柄。嘉慶二十一年。與英吉利戰於北境。兵敗被禽。英人流之荒島。道光二年死。路易即位數年。卒。弟查理立。一作加愚慙不任事。在位九年。國人廢之。擇立支屬賢者路易非立。一作盧即今在位之王也。以道光九年。嗣立。性寬仁。好納諫。有賢聲。

瀛環志畧

卷七

佛郎西國

五

班牙隔比里牛斯大山。餘皆平土。境內河道縱橫。著名者二十有二。最大者曰羅尼。自北而南入地中海。曰塞納。曰羅亞爾。曰日倫。大皆自東而西入大西洋。佛人多開支河為運道。佛人水利最精。其國以此為專門。處處可通舟楫。又多開溝洫。資蓄洩。以故壤地之腴。甲於西土。田畝得六。園林得二。牧場得一人。授田不過數畝。而農功最力。故戶口多而食常足。西北氣候頗寒。土卑濕。宜稼穡。果實東南溫燥。多草木。宜葡萄。物產之最豐者為葡萄酒。南方之民多以釀為業。味極醇。色淡黃。微赤。極清。味似中國北方黍米所釀。甜之起沫。一餅有值洋銀數十圓者。西土良醪皆取給於佛。歲得價銀六千餘萬圓。又造熱酒。歲得價三百萬圓。產橄欖油極多。種萊菔造糖。味同於蔗。所織大呢羽。

緞皆精緻。又能織花紋絲緞。本國歲產蠶絲十萬餘担。不足供機杼。仍由意大利販運。益之。其人心思精敏。工於製器。自來火之鎗。火輪之車。船大半皆其所創。都城有鐘表匠二千人。每歲造時辰表四萬件。自鳴鐘一萬八千架。其法時時變易。奇幻出人意料。他國亦有倣造者。而終遜於佛。山產石炭鐵鉛白礬。僅供國用。其民俗豪俠。自喜氣高。亢終日歌舞。無戚容。貴賤皆衣裳都麗。不惜費。喜交遊。善遇遠人。每年收各項稅銀約一萬二千九百萬兩。國舊分三十三部。因其廣狹不均。近年改為八十六府。壹里亞德佛蘭薩部在北境。東西適中之地。今分五府。首曰塞納。都城在其中。曰巴勒。一作帕爾。爾勒士。又作巴黎斯。建於塞納河兩岸。城垣方廣。居民九十餘

瀛環志畧

卷七

佛郎西國

六

萬王居殿闕巍峩。層樓複閣相望。文彩精麗。西土殆無其比。城外離宮別苑。歷代陸續修建。凡數十處。其街衢盤繞。環匝列肆。密如蜂房。往來者。輟擊肩摩。晝夜不絕。每歲京都所收稅銀計九百萬兩。歐羅巴都會之盛。推為第一。城內有大書院。藏印木書三十六萬冊。鈔本書七萬冊。遊學之士許住院借讀。又設醫院十四所。選名醫居之。每歲收療病者一萬四千人。各國學醫者皆裹糧赴巴。勒三年。或五年。學成然後歸。又有繁術院。居各項藝術之師。如學兵法。開河道。造器物之類。學者各就所願。羣居講肄。馬次曰疴瓦。斯在塞納之北。首邑名波威。曰哀斯尼。在疴瓦斯之東。首邑名拉安。曰塞納。疴瓦斯在塞納之南。首邑名威爾塞列斯。曰塞納馬爾。



內在塞納之東。首邑名美倫。○法蘭德勒部在極北境與比利時接壤。改一府曰諾爾。首邑名列黎。○亞爾多亞部在諾爾之西南。改一府曰巴的加雷。首邑名亞拉斯。○比加爾的亞部在巴的加雷府之西南。西界臨海。與英吉利南境相望。改一府曰索美。首邑名亞眠。○諾爾滿的亞部在北境臨海。與英吉利南境相對。改五府曰下塞納。北面臨海。首邑名盧昂。曰加爾瓦多斯。北面臨海。首邑名加英。曰滿砂。西北兩面臨海。首邑名森的羅。曰疴爾內。在加爾瓦多斯之南。首邑名亞靈孫。曰與勒。在下塞納之南。首邑名厄危律。以上六府與英吉利僅隔內海。內海名滿砂。遠者百餘里。近者乃五六十里。值晴明兩岸可以相望。有海口曰補羅義。曰加來。又有

瀛環志畧 卷七 佛郎西國 七

大口曰東末。佛人歷年伐英。皆出此港。三口。據形勝之地。炮臺周密。防守極嚴。敵船不能近也。○賞巴尼亞部在壹黎亞德佛郎薩之東。改四府曰亞爾德內斯。北界比利時。首邑名美西也爾。曰馬爾內。首邑名砂龍。曰疴卑。首邑名德羅業。曰高馬爾內。首邑名說蒙。○羅勒內部在賞巴尼亞之東。改四府曰米干塞。首邑名巴爾勒都。曰木塞勒。北界日耳曼。首邑名美的。曰木爾德。首邑名囊西。曰窩斯日。首邑名厄比納爾。○賣內部在諾爾滿的亞部之南。改二府曰馬也內。首邑名拉瓦爾。曰薩爾多。首邑名勒忙。○安如部在賣內部之南。改一府曰賣內羅亞爾。首邑名安惹爾。○北勒達尼亞部在賣內部之西。地形如臂伸入大西洋海。改五府曰壹列

維勒內。北半距海。首邑名勒內。曰哥的都諾爾。北面距海。首邑名森德比勒。與各曰非尼斯德拉。西南距海。有海口通大河。首邑名固英卑爾。曰摩爾比罕。南面距海。首邑名瓦內。曰羅亞爾。南北西三面距海。首邑名難得斯。○波亞都部在北勒達尼亞之東南。改三府曰枉德。西面距大西洋海。首邑名不爾奔枉德。曰二塞威勒。首邑名盧爾。曰維也內。首邑名波亞墨。○疴尼部在塞威勒府之南。改一府曰下砂蘭德。南境有海口。內通大河。首邑名羅捨勒。○森當日昂姑木亞部在下砂蘭德府之東。改一府曰砂蘭德。首邑名昂姑勒美。○耳里亞內斯部在壹里亞德佛郎薩之西南。改三府曰與勒羅亞爾。首邑名砂爾德勒。曰羅亞勒。首邑名疴爾良。曰

瀛環志畧 卷七 佛郎西國 八

羅亞爾捨耳。首邑名波羅瓦。○都勒內部在羅亞爾捨耳府之西。南改一府曰音德勒羅亞爾。首邑名都爾。○北利部在耳里亞內斯部之南。改二府曰捨耳。首邑名不爾。曰音德勒。首邑名砂多。盧以上三部六府在佛腹地。戶口殷繁。閭閻富實。皆佛國股肱。○威尼爾內部在捨耳府之東。改一府曰聶維勒。首邑名內維爾。○不爾波內部在聶維勒府之南。改一府曰亞列爾。首邑名木靈。○馬爾世部在北利部之南。改一府曰哥雷斯。首邑名疴勒。○黎木性部在哥雷斯府之西南。改二府曰高維也內。首邑名里摩日。曰哥勒塞。首邑名與勒。○疴威爾內部在亞列爾府之南。改二府曰不壹德多美。首邑名哥勒爾蒙。曰敢達爾。首邑名疴里拉。○



亞爾撒斯亞部在不壹德多美府之東改二府曰下勒怒首邑名義斯達拉斯不爾厄曰高勒怒首邑名哥爾馬耳○法郎師官德部在東界窩斯日府之南改三府曰高索內首邑名威蘇爾曰都伯東界瑞士首邑名北三孫曰汝拉東南隅界瑞士首邑名龍勒索爾聶耳○不爾疴尼亞部在法郎師官德部之西改四府曰約內首邑名疴拾勒曰哥德多爾首邑名的仍曰索內羅亞爾首邑名疴敦曰厄英首邑名不爾厄○里疴內部在極東北隅與日耳曼接壤改二府曰羅內首邑名里昂曰羅亞爾首邑名蒙比里孫○德爾非內部在厄英府之東南與意大利之薩爾的尼亞接壤改三府曰義塞勒首邑名哥肋諾伯勒曰多羅美首邑名瓦梭薩

瀛環志畧

卷七

佛郎西國

九

曰高亞爾卑斯首邑名甲○不羅溫薩部東接薩爾的尼亞南界距地中海改四府曰窩哥律斯首邑名亞威農曰下亞爾卑斯首邑名的品曰不世德羅內南境距海首邑名馬耳塞里亞曰瓦爾東南境距海首邑名達拉給娘○耶給德部在不羅溫薩部之西幅員甚廣改八府曰高羅亞爾南境距地中海首邑名不壹曰羅塞勒首邑名漫德曰亞爾德世首邑名比里瓦曰加爾首邑名尼美斯曰厄羅爾德首邑名蒙德不列爾曰疴德東境距地中海首邑名加爾加索內曰達爾尼首邑名亞爾比曰高加羅內首邑名都羅塞以上二部扼地中海北岸馬爾塞里亞為南境第一大埔頭又有海口曰土崙修造戰艦之地也○佛亞部在西界下砂蘭德

府之西臨海改一府曰亞列日首邑名佛亞○盧西隆部在南界東距地中海南負比里牛斯山與西班牙接壤改一府曰東比里牛斯首邑名北爾比娘○馬也納部在南界耶給德部之西幅員尤廣改九府曰日倫大西距大西洋海首邑名波耳多海港深通上接內河葡萄酒由此出運為西境第一大埔頭曰多爾多尼亞首邑名卑里句曰羅加羅內首邑名亞仁曰羅首邑名加爾曰亞維倫首邑名羅德斯曰達爾尼加羅內首邑名蒙德邦曰惹爾首邑名疴世曰蘭德西距大西洋海首邑名蒙德馬爾三曰高比里牛斯南界西班牙首邑名達爾卑○伯爾內部在西南隅西距大海南界西班牙改一府曰下比里牛斯首邑名波○哥爾塞牙部

瀛環志畧

卷七

佛郎西國

十

一作可耳西加又作嗎爾西阿又作郭士略 在國東南乃地中海大島在薩爾的尼亞島之北舊本屬意大利佛人取之今改一府廢王拿破命即此島人圖附意大里亞 佛郎西頗重讀書學優者超擢為美官其制宰相一人別立五爵公所又於紳士中擇四百五十九人立公局國有大政如刑賞征伐之類則令公所籌議事關稅餉則令公局籌辦相無權宣傳王命而已國有額兵三十萬戰船大小二百九十隻水兵五萬船之大者載砲七十二門至一百二十門亦有火輪船數十隻巡駛地中海其俗人人喜武功軍興則意氣激揚面有矜色臨陣跳盪直前議不返顧前隊橫屍雜遝後隊仍繼進不已獲勝則舉國歡呼



雖傷亡千萬人不恤。但以崇國威。全國體為幸。其酋長沈鷲好謀。知兵者多。水戰陸戰之法無不講求。又好用縱橫之術。故與諸國交兵常十出而九勝。

按佛郎西在歐羅巴諸國中。傳世最久。自哥羅味開基。至今已千餘年。中間雖迭遭變故而代立者皆其宗黨。未滋他族。未立女主。較他國之奕棋置君者。固有間矣。立法駿厲。賢君復六七作。危而不亡。殆有由也。

歐羅巴用武之國。以佛郎西為最。爭先處強。不居人下。偶有凌侮。必思報復。其民俗慷慨。喜戰。有小戎鐵騎之風。其用兵也。仗義執言。不似諸國之專於牟利。故千餘年中。侮亂迭生。而虎視

瀛環志畧

卷七

佛郎西國

十一

泰西國勢未嘗替削。至拿破侖之百戰百勝。終為降虜。則所謂兵不戢而自焚。又可為瀆武者之殷鑒矣。

佛郎西屬地在別土者。亦有數處。如南印度之本地。治利。南亞墨利加之亞阿那。亞非利加之阿爾及耳。印度海之不爾奔。得之不甚經營。棄之亦不甚惜。蓋不以此為重也。

歐羅巴各國皆以販海為業。如英吉利米利堅呂宋之屬。每歲商船至中國多者百餘艘。少亦三四十艘。所販鬻者。多棉花洋布。粗重之物。至如洋米胡椒蘇木海參之類。皆從東南洋轉販。並非西產。獨佛郎西商船最少。多則三四艘。少則一二艘。入口之貨。皆羽毛大呢鐘表諸珍貴之物。蓋其國物產豐盈。製作精

巧。葡萄酒大呢綢緞之類。售之歐羅巴各國。已利市十倍。不必遠涉數萬里而謀生。其航海而東來也。意在於耀聲名。不專於權子母。國勢既殊。用意迥別。其情勢可揣而知也。

顧亭林天下郡國利病書云。佛朗機即佛郎西古無可考。素不通中國。正德十二年。駕大舶突至廣州灣口。銃聲如雷。以進貢請封為名。撫按查無會典舊例。不允。遂退泊東莞南頭。徑自葢房樹柵。恃火銃以自固。有至部者。不行跪禮。朝見欲位先諸夷。御史邱道隆何濬皆言其殘逆稱雄。先年潛遣火者亞三。假充滿刺加國使臣。風飄到澳。往來窺伺。熟我道途。畧買小兒烹而食之。近日滿刺加國王奏其奪國讐殺等情。宜即驅逐。嚴禁私通。將

瀛環志畧

卷七

佛郎西國

十三

所造房屋城寨。盡行拆毀。詔皆從之。誅其首惡火者亞三。海道汪鋹以兵逐其餘黨。反用銃擊敗我兵。或獻計使善泗者入水。鑿沈其舟。盡擒之餘。乃遁去。汪鋹由此得佛朗機銃式。請頒於邊鎮。至今三邊實賴其用。嘉靖中。黨類更番往來。私舶雜諸夷中。首領人皆高鼻白皙。廣人能辨識之。又云。佛朗機人好食小兒。其國惟國王得食之。臣僚以下皆不能得。至是濟市十餘歲小兒食之。每一兒市金錢百文。廣之惡少。競掠小兒往賣。居二三年。兒被掠益眾。遠近患之。云云按佛郎西之至粵。在正德年間。是為大西洋抵粵東之始。明人不知有大西洋。以為其國在瓜哇之南。誤矣。當時置臣以會典所無。絕其封貢。言官復請驅



逐童牛之牯所慮未嘗不違而鑿舟之役事殊杳茫嘉靖以後更番來粵又何嘗能禁絕之也至烹食小兒非人類所為卽有獻媚之易牙未必遂沿爲故事佛國之在西土稱雄已千餘年果有此事諸國當視爲豺虎誰甘以牛耳相讓又我

朝通市二百年佛人每歲來粵何以不聞有此似當時之傳聞亦

未必盡確也或云佛郎西人好買小兒教織起花袖緞此則近似泰西諸國惟佛人能織花緞也鳥鎗之

制由此傳入中土實爲水陸利器靖潢池之反側肅羣庭之鳴

吠星馳電掃利賴何窮而不知此技之由來乃卽從中國之火

礮變化而出論者乃謂火器創於泰西蓋亦不考之甚矣已詳歐羅

巴圖說泰西人書言之

鑿鑿足知其不誣也

瀛環志畧

卷七

佛郎西國

古

鑿舟之說自來以爲奇策謂募善水之人伏於船底用利斧鑿孔其船立沈又聞善水之人能伏水底七晝夜能於水中食餅餌兼操作嘗以詢之寶升堂提軍彪提軍云此技余少時嘗學之未成也而知其梗概凡人入海水必閉目否則爲鹹水所侵目且盲必閉氣否則流隨吸入轉瞬而腹彭亨年少力壯者閉氣稍久亦斷無逾刻許者其能不浮不沈恃手足之運動運動少停則隨波湧出水面斷無在水中尙能施力運斧之理且海水波浪最勁愈深愈勁能浮江河之水者入海水則敗能浮內港之水者入大洋則敗善水之人在大洋落水得片板可不死若徒手浮沈大浪中力盡氣微亦未有不死者此技卽使至精

斷不能化其身爲魚鱉世俗所傳大半得之耳食資談柄則奇創可喜竟欲施之實事則愚矣又守備吳金魁水師勇士殺海亦嘗習此技余問之亦云然閱天下郡國利病書所記皆倭郵佛朗機事有鑿舟之說因附記於此

瀛環志畧

卷七

佛郎西國

古







西班牙國

西班牙。是班牙。實班牙。斯扁亞。士便。干絲。亦歐羅巴。大國東北與佛郎西接壤。東南距地中海。西界葡萄牙。北距大西洋。海西南至東北約二千四百五十里。東南至西北約二千八十里。國有大山數。皆自東而西。橫亘如垣。劃分三土。北土山嶺錯雜。溪澗交流。中多腴壤。便於農作。中土高廣。天時炎燥。雨水難得。民多以牧羊為業。南土山川秀發。風景清美。產各項果實。羊馬驢騾。皆良。勝於他國之產。其地古名意卑里亞。五方之人雜處。非尼西亞人居多。古商賈之國。後為加爾達額人所據。亦非尼西亞人所立。漢初意大里大將奔彪。一作潘浦。征服之。遂為羅馬西境。越六百餘年。羅

瀛環志畧

卷七

西班牙國

七

馬。衰。西。境。為。汪。德。羅。隋。窩。亞。拉。奴。皆北狄種類。三部之人所據。東晉安帝十三年。峩特。一作哥度。又作維。西哥多。又作厄都。亦北狄別種。會長雷維的約。率大隊自東方來攻羅馬。守臣不能禦。棄地而逃。東地遂為峩特族所據。尋翦滅西境諸部。以隋文帝開皇季年立國。傳一百餘年。至羅德黎哥。性苛暴。其臣有人良者。為羅德黎哥所推辱。時亞刺伯回部據亞非利加北境。即摩樂哥阿。利額諸回部。兵力方強。唐睿宗大極元年。人良引回部入寇。西班牙望風奔潰。王奔北鄙。國為回部所奪。僅餘亞斯都里亞。斯比斯。加亞納。瓦拉。三部。降為侯國。歷七百餘年。亞刺伯衰弱。守土回酋各裂土自擅。日尋干戈。亞斯都里亞。侯伯拉納。誓眾興師。攻回部。大捷。眾推立為王。尋攻獲加斯德辣地。稱

加斯德辣王。令峩特人自戰其地。得即封之。回部或降或竄。故土全復。而國已數分。然姻婭相聯。無鬭爭。加斯德辣傳至女主依撒伯爾。贊亞拉。岡侯。非爾。難多。明成化十五年。諸部仍合為一。是為

西班牙。復建之始。依撒伯爾。聰敏過人。能修國政。疑大海之西有廣土。宏治初年。遣其臣可崙。一作開龍。又作哥隆波。駕巨艦。裹糧探之。果得亞墨利加之可命比亞。驅逐土番。徙國人實其地。漸拓而南北。墨西哥。祕魯。智利。巴拉他。等部。詳亞墨利加國說。皆聽役屬。諸部產銀。鑛極。王每歲得數百萬。筋。西班牙以此致富。西土稱為金穴。嘉靖年間。復遣其臣米牙蘭。航海東來。至亞細亞。東南洋之呂宋。據其海口。建設埔頭。帆檣湊集。百貨流通。由此愈益富饒。先是正德十四

瀛環志畧

卷七

西班牙國

六

年。日耳曼內亂。時西班牙王查理第五。有賢聲。日耳曼各部。迎以為王。西班牙立其世子。非立第二。泰西人所編綱鑑敘述如此。近云。粵地利公爵。非里卑。第二。娶先王之女。若亞納。遂即位。二說不同。未知孰是。然綱鑑專紀各國興亡。世系頗為詳核。必有依據。故仍兩國聯為唇齒。傳子加爾羅斯。國益富強。西隣葡萄牙。本西班牙西部。趙宋時。驅逐回部。別立為國。萬曆中。葡萄牙王。禦敵殞。無子。西班牙遂收復其地。越六十載。復分裂。詳葡萄牙國說。方。西班牙之恢復。舊土也。回民之未逃者。皆降附。為編氓。歲久。復繁衍。逾數十萬戶。西班牙以其族類殊異。終為後患。勒兵驅逐之。回民皆破家。攜孥。狼狽渡海。轉徙入亞非利加北境。即阿利額回部。失業者。因剽掠。餬口。地中海。從此多盜。而西班牙戶口驟減。貿易漸微。日益貧



寡論者頗譏其失計康熙三十九年西班牙王查理歿無子舉地利王即日耳曼王時日耳曼列國俱已稱王故與地利不復稱日耳曼王欲立其子佛郎西王欲立其孫構兵累年卒立佛王之孫非立第五為西班牙王王英果能立政休養生息西國再康乾隆末年佛郎西內亂西班牙始攻佛後與佛約結攻英吉利戰船遭風大半沈失已而佛郎西拿破侖即位時西班牙王加爾羅斯與其世子不睦嘉慶十二年拿破侖約其父子為好會於馬也納云為調協至則數其罪而兩囚之自立其弟為西班牙王西民不服招英吉利兵合攻之交戰五年遂拿破侖之弟復立故王世子非爾難多自是以後內訌四起日就衰亂王歿無子立幼女依撒伯爾母后擅權王弟煽回部遺民為

瀛環志畧 卷七 西班牙國 九

亂蓋岌岌乎危亡之勢焉亞墨利加諸藩國皆畔僅存古巴片土詳亞墨利加海灣羣島圖說與呂宋埔頭而已  
 西班牙北境負比里牛斯大山地氣頗寒南境臨地中海夏令酷熱賴海風滌暑氣中土距海面一百四十四丈為歐羅巴極高之地四時多風隆冬不煬火河道之大者十二尤著者曰米虐曰斗羅曰德人曰瓜達爾維爾皆入大西洋海曰厄波羅入地中海土多膏腴五穀之種皆備木多橡果多葡萄山產各礦金銀近已空竭銅錫鉛尙有之惟鐵與煤探之不竭又產鑽石寶石五色玉瑪瑙水晶其民俗膽氣粗豪專務報復好逸憚勞惰於農作早餐後必午寢以此鄉戶多貧瘠半居棚寮俗儉嗇杯酒一果之外無

他求男女並好彈琴跳舞為樂又好為鬪牛之戲聚觀者如堵牆或縱狂牛於場勇者挾刃搏而刺之獲勝則千萬人歡呼迎賀舉國奉天主教教師有大權違異者以火焚之貿易之繁盛在海濱各埔頭稅餉歲入一千八百萬兩養兵太多軍興用不足恆貸於富民償其息近年主計者多失信不償富民閱不肯借每敵兵壓境輒因缺餉撓敗國舊分十三部近年改為四十九部合二島分上中下三等○新加斯德辣在中土為四境適中之地縱約六百里橫約七百五十里地高燥多沙磧草木不繁現改五部曰馬德里一作莫珠爾勒列上等都城同部名建於滿薩那勒斯河左王廷極宏麗土木之費計千萬金內有學署醫院觀星臺軍功廠

瀛環志畧 卷七 西班牙國 三

古玩庫藥草圃療畜館居民約二十萬人產呢羽綢緞地氈印花洋布磁器曰瓜達拉砂辣列下等古時多名人所產呢羽綢緞頗著名曰多勒多列中等昔回部據西班牙以此為都城宮殿猶有存者夏日苦熱乏水泉土人多飲坎中積雨曰固盈加列下等產蜜蠟牲畜曰虛達里亞耳列下等產水銀○舊加斯德辣在新加斯德辣之北縱約四百六十里橫約七百七十里山岡與平原相間現分六部曰不爾尼斯列下等田土肥沃氣候和平產五穀百果曰羅哥羅虐列下等地頗清勝產穀果商賈輻輳曰三當德爾列下等會城建於比斯加亞海口估帆雲集為北境大埔頭地產穀果黃麻牲畜煤蜜極多曰索里亞列下等城建山谷中產羊毛



曰塞額維亞。列下等。地氣寒。產呢羽玻璃紙割。曰亞維拉。列下等。地有書院。產洋布。○良在舊加斯德辣之西。縱約七百里。橫約四百五十里。地氣平善。物產豐饒。現改五部。曰良。列下等。會城屋宇高大。郊外風景清幽。產白玉。曰巴稜西亞。列下等。產穀果甚豐。曰瓦里亞多黎。列中等。土田最腴。產穀果數倍他部。又產材木極堅。船料仰給於此。兼產呢羽綿紗磁器。曰薩拉蒙加。列下等。昔為西國大都會。代有聞人。兵火之後。凋敝已甚。曰薩摩拉。列下等。產葡萄黃麻羊毛。○加黎薩。在良西北。南界葡萄牙。西北距大西洋海。居米虐河下游。縱約五百里。橫約四百五十里。近海卑濕。草場豐茂。宜牧畜。現分四部。曰哥魯尼亞。列上等。城建海隅。泊船最穩。商瀛環志畧 卷七 西班牙國 三

買輻輳。為西北境大埔頭。港口有大礮臺。極堅固。曰頗額。列下等。地有羅馬舊城。產麻布。曰疴稜塞。列下等。產火腿葡萄酒。曰奔德威達拉。列下等。產剪絨銅器。○加拉拿大。在極南境。臨地中海。縱約二百餘里。橫約八百餘里。地近赤道。天時炎熱。而水土平良。現分三部。曰加拉拿大。列上等。會城舊為回部王都。戶口八萬。物產甚豐。稱南方大都會。曰亞爾美里亞。列下等。有海口極深。可泊舟。山產玉石瑪瑙。曰馬拉牙。列上等。城建海濱。泊船最穩。貿易極盛。為南境大埔頭。○瓦稜薩。在東南隅。臨地中海。縱約七百里。橫約二百里。地氣極暖。罕見冰凌。現分三部。曰瓦稜薩。列上等。會城建於平原。居民六萬。萬厦整潔。貿易極盛。產穀果油酒綢緞大呢。

曰亞利干的。列中等。城建海濱。街衢闊直。港道寬穩。為東南境大埔頭。出口之貨。窩宅亦銘黑鉛白礬銀硃藍靛百果葡萄酒葡萄乾。曰加斯德倫得拉不辣納。列下等。城建海濱。物產貿易。與亞利干的畧同。而富盛遠遜之。○木爾西亞。在瓦稜薩之西南。東南境臨地中海。縱約二百餘里。橫約三百餘里。現分二部。曰木爾西亞。列中等。城建山谷中。戶口三十六萬。地氣溫厚。物產憤盈。穀果麻酒皆豐。又產銅錫硫磺白礬。有鹽池。產鹽極王。曰亞爾巴塞爾。列下等。產布疋牲畜鐵器。○亞拉岡。在舊加斯辣之東。縱約七百二十里。橫約四百八十里。山嶺重疊。寒燠懸殊。產麥麻百果酒油蜜蠟牲畜。兼產銅鐵錫礬不灰木。現分三部。曰薩拉厄撒。列下等。舊瀛環志畧 卷七 西班牙國 三

本繁盛。遭兵燹而殘毀。曰烏厄斯加。列下等。土膏腴。少歉歲。曰德魯厄爾。列下等。地氣甚寒。人乏疾病。產烏煤。○納瓦拉。在亞拉岡之西北。與佛郎西接壤。縱約三百里。橫約二百餘里。產黍稷大麥油麥豆粟。山產木料及五金之礦。現仍為一部。列下等。○亞斯都里亞斯。在舊加斯德辣良兩部之北。北境距大西洋海。縱約一百五十里。橫約四百六十里。南境負大山。民居巖谷。農作甚勤。產栗子佛手。山產銅鐵錫鉛白礬水晶。又產駿馬。現仍為一部。曰疴維夜多。列中等。○加達魯尼亞。在亞拉岡之東。東南臨地中海。北負比里牛斯大山。與佛郎西接壤。縱約五百里。橫約七百里。依山傍海。物產憤盈。地氣平善。戶口最繁。織造呢羽皆精良。貿易之盛。甲



於通國山產材木五金水晶白玉藍寶石白黑礬砂現分四部。曰巴爾塞羅內。列上等。城建海濱。居民十二萬。葡萄酒燒酒橄欖油南果由此出運。為東境第一大埔頭。曰達拉瓦納。列下等。地多烈風。穀果豐碩。曰勒黎達。列下等。物產亦豐。曰日羅納。列下等。城建山麓。有金湯之勢。國變時屢被兵。日形凋敝。○比斯加亞。介納瓦拉亞斯都里亞斯之間。北距大西洋海。縱橫皆二百餘里。產木材甚富。船廠皆取給焉。現分三部。曰比斯加亞。列下等。會城頗繁。盛為羊毛總聚之地。曰給不斯孤。列下等。城建山麓。為北境鎖鑰。嘉慶十八年。佛郎西來侵。屋宇燬臺。俱成灰燼。事定之後。脩復如初。曰亞拉襪。列下等。○義斯德勒馬都拉。在新加斯德辣之西。西瀛環志畧 卷七 西班牙國

境與葡萄牙接壤。縱約六百六十里。橫約四百六十里。土肥沃而氣候極炎。現分二部。曰巴達熱斯。列下等。城建瓜的牙納河右。極堅固。有石橋。長一千八百步。闊二百步。橋孔二十有八。產穀果菽酒牲畜。曰達塞勒斯。列下等。產牛羊。○安達盧西亞。在新加斯德辣之西南。西界葡萄牙。西南臨海。縱約五百里。橫約一千一百五十里。山阜與平原相間。其山有毛有童。產穀果絲綿蜜酒油鹽甘蔗牲畜。又產銅鐵窩宅水銀礬砂。長夏酷熱。土人多夜作晝輟。現分五部。曰塞維里亞。列上等。城建平原。居民九萬。豐饒。為南土之最。曰烏厄爾襪。列下等。民多以網魚為業。曰加的斯。列上等。城建海角。大而堅。著名西土。居民五萬三千。貿易昔稱極盛。今漸蕭索。

曰哥爾多瓦。列中等。城建達爾維維爾河之右。傑構雲連。樓臺重巖。街衢狹而穢。居民五萬七千。曰熱音。列下等。土甚沃而農作不勤。○巴里亞里斯。在西班牙東南地中海內。合五島為一部。列下等。曰馬惹爾架。曰米諾爾架。兩島較大。戶口約二十萬。產南果極多。曰壹維薩。曰佛爾門德辣。曰加卑勒拉。○加拿列斯。在阿非利加之西。大西洋海中。合大小二十島為一部。以德內黎非島為首。列下等。○安達盧西亞之南境。與阿非利加之北境。相對成海峽。曰日巴拉爾大。布羅陀。長約八十里。闊約五十里。狹處止十餘里。為地中海之門戶。英吉利於北岸磐石之上。築堅城。曰義人答答。環以礮臺。守以重兵。已歷百餘年。佛郎西西班牙屢攻之。不能取也。瀛環志畧 卷七 西班牙國

按西班牙境土恢闊。埒於佛郎西。其俗長於泛海。善於行遠。自得亞墨利加墨西哥諸部之後。其國有金銀氣。西土視為陶埒。至今歐羅巴各國行用之洋銀。大半稱呂宋番。宜其富強莫與京矣。然近年衰弱已甚。且貧苦者何也。富而無政。雖秦隋不免覆亡。况區區之夷國乎。呂宋在中國東南洋。與歐羅巴相去絕遠。西班牙於前明中葉探得之。立為埔頭。由其商船來粵東者。率稱大小呂宋。或稱宋仔。而西班牙之名轉隱。







五金各鑛黑礬硫磺磁石鹽田則沿海皆是取之不竭舉國崇天主教財貨半歸教師民恆貧乏國舊分六部後分為八部各有所領小部○義斯德勒馬都拉在南北適中之地西距大西洋海縱約六百里橫約二百五十里領十一小部曰里斯玻亞一作力士門一作勃葡萄牙之都城也建於德人河右跨山臨水樓臺疊起內有學署書庫觀星臺軍功厥規模極為鉅麗郊外內港寬深下接海口泊舟平穩貿易極繁河岸礮臺周而守衛嚴密乾隆二十年遭地震王廷民舍不遺一椽死傷山積歷年修建乃復其故曰德黎威德辣產葡萄有行宮甚麗曰加斯德內辣其海口可泊舟曰亞零給爾有溫泉能療病曰勒黎亞物產甚豐有玻璃廠足供通國之

瀛環志略

卷七

葡萄牙國

三

用曰亞爾哥巴薩產棉布曰多麻爾產油酒穀果甚多貿易頗盛曰歐靈曰商的勾西兩部地處高陵土田甚瘠曰三達零在德人河右土腴產豐繁華為通國之最有行宮備冬獵曰塞獨巴爾在薩都河右巨舟可泊產鹽極王○卑辣在義斯德勒馬都辣之北東界西班牙西臨大西洋海縱約六百里橫約三百里近分二部曰卑拉亞爾達曰卑拉拜砂共領十一小部曰固英巴拉舊為卑拉會城有大書院葡國名人皆由此出土產磁器麻布曰亞爾加尼耳地幽闇烟戶甚稀曰亞威羅在窩烏牙河口埠頭甚大而水土頗劣產魚鹽磁器紅橘曰非辣田甚沃其河多魚曰維修卑拉亞爾達之會城也有大市產棉布善造金銀器皿曰拉美厄產烟

葉多畜豚曰比轟爾與西班牙接壤城極堅曰達耶哥索城有七門十五塔砲臺周密曰瓜爾達地氣嚴寒產棉布洋絨鮮果曰黎尼亞利斯地荒僻少戶口曰加斯德羅巴耶古卑拉拜砂之會城也城垣整峻街衢敞潔物產亦裕○亞零德人在義斯德勒馬都拉之東卑辣之南東界西班牙西南隅臨大西洋海縱約五百里橫約二百九十里富庶甲於諸部產穀果羊毛奶餅油酒蜜蠟領小部八會城曰厄窩拉城市華整產磁器陶器曰卑惹土腴氣清民物康阜城外有塔四十又有方礮臺甚高可遠眺數百里曰窩黎給昔亞豐蘇英黎給大破回部於此其後人建坊廟以志武功曰維拉威索薩城有大宅極巨麗高爵居之又有大園周迴四十

瀛環志略

卷七

葡萄牙國

三

里內多嘉樹清泉麋兔充牣曰呢里襪斯為葡第一堅城戶口繁密商賈輻輳曰玻爾達勒給劣物產豐富人多素封曰加拉多戶口寥落曰亞維斯有行宮○亞利牙爾威西南臨海北界亞零德人東界西班牙縱約一百里橫約三百四十里其民雄健好武多以捕魚為業尤善駛船舊本小國葡滅回部并兼其地領小部三會城曰發羅平原饒沃烟戶湊密人多習漁曰達維拉葡萄遍野網罟蔽河山產銀銅曰拉各斯城建海隅港口深闊可泊大船屬邑薩給勒斯有書院故王亞豐蘇英黎給所建也○斗羅米虐東北界西班牙南界卑拉西臨大西洋海縱約二百五十里橫約一百五十里其地樹木成林牲畜蕃衍近分二部曰斗羅曰米虐共



領小部七曰巴拉加米虐之會城也。人烟湊密多峻宇。產軍器鐵器。麻布金銀器皿。價甚廉。曰伯爾多。斗羅之會城也。物產之豐。貿易之盛。亞於里斯波亞。葡之曰北那非野爾。人戶甚稀。曰幾馬拉。英斯昔開國之王亞豐蘇英黎給誕生於此。宮殿遺址猶存。產鐵器。牛皮。曰維牙納。城建黎馬河口。泊舟甚穩。土產極豐。曰巴爾塞。羅斯地亦豐富。產火腿。曰瓦連薩。城極堅固。○達拉斯德斯蒙德。世東北界西班牙。西界斗羅米虐。縱約二百二十里。橫約三百三十里。巖谷迴環。牲畜繁富。葡萄桑樹。而野彌山。領小部四。會城曰巴拉安薩。建於山陵之上。戶口不繁。土雖沃。而水泉鹹劣。產綢緞。絲貨。曰迷蘭達。昔之名城。久已廢毀。人戶尤稀。曰蒙哥爾窩。有織

瀛環志畧

卷七

葡萄牙國

无

造絲貨機房。貿易極盛。產葡萄美酒。曰威拉里亞爾。地極豐富。戶口最繁。屬巴北蘇的勒瓜。釀葡萄酒最良。商販絡驛。每歲得酒價約五六百萬金。○葡萄牙之西。大西洋海中有羣島。距葡境約二千餘里。葡探得之。聖為外部。總名曰亞索利亞。譯言鷹島也。島之大者有九。南方二曰三達馬利亞。曰三迷給爾。中央五曰德爾塞。辣曰三惹爾。日曰加拉西約薩。曰發牙爾。曰北哥。北方二曰佛羅。里斯。曰哥爾窩。各島天氣晴和。水土平善。產五穀。南果極多。中稔之年。猶堪出售五十舟。近刻有地里備考。大西洋人馬吉士所詳。其本國西班牙其祖國也。茲節採之以例其餘。按粵東之居夷自葡萄牙之居澳門。始維時尙方珍玩。皆取辦

於粵或不時給。輒為中涓所撈。適葡人有濠鏡之請。當事利其居積貨寶。便於供辦。又所謂歐羅巴者。爾時不知為何地。以為不過南洋諸夷之類。一技暫借。無足重輕。非必貪其五百金之利也。葡萄牙本西洋小國。得此奧宅。如登天上。以其餘資。廣築樓館。綿亘萬厦。歐羅巴諸國來粵者。倚為東道主人。其甯粵收。逋欠者。皆租其房屋。久居不去。諸夷之浸淫狎熟於粵東。則由澳門為之權。與也。林富一代名臣。而謀國之疎。若此。語云。涓涓不絕。將成江河。可不慎哉。

瀛環志畧

卷七

葡萄牙國


三

葡萄牙初至澳門。其本國商船來者甚多。極為饒裕。迨後印度南洋各埔頭。多為諸大國所侵奪。本國估帆。遂致絕迹。生計日益貧窘。僅以屋租為養命之源。其居澳門者。長子孫已數百年。粵人謂之土生仔。齒既繁。憂貧特甚。澳門之夷。俗呼為大西。又稱為意大里亞。當其初來。中土不詳其部落之名。彼謂從大西洋來。則稱為大西。洋而不知葡萄牙之在大西洋。不過勝薛之類也。至稱意大里亞。則以意大里為彼土一統之朝。猶之稱中國為漢人。唐人耳。又利瑪竇南懷仁之屬。以懋學名。中土皆意大里之羅馬人。而其來也。皆居澳門。訛誤相仍。有自來矣。



# 英吉利三

# 島總圖



瀛環志畧


卷七

英吉利三島總圖

三

# 英吉利

# 倫圖



瀛環志畧

卷七

英吉利英倫圖

三







英吉利國

英吉利。英。捷。黎。○英。圭。黎。○磨。吃。黎。○諸。歐。羅。巴。強。大。之。國。也。地。厄。利。○英。倫。的。○及。列。的。不。列。顛。歐。羅。巴。強。大。之。國。也。地。

水。三。島。孤。懸。大。西。洋。海。中。海。東。兩。島。相。連。南。曰。英。倫。一。作。英。蘭。北。曰。蘇。格蘭。一。作。斯。哥。西。亞。兩。島。南。北。約。二。千。餘。里。東。西。闊。處。五。六。百。里。

狹。處。三。四。百。里。迄。西。別。一。島。曰。阿。爾。蘭。一。作。耳。蘭。又。南。北。約。七。八。百。里。東。西。約。五。六。百。里。英。倫。南。境。與。荷。蘭。佛。郎。西。皆。相。近。舟。行。半。日。可。達。距。佛。尤。近。海。港。狹。處。止。六。七。十。里。兩。岸。可。以。相。望。也。其。地。古。時。為。塞。爾。達。士。番。部。落。後。為。北。狄。特。族。所。據。漢。宣。帝。五。鳳。三。年。羅。馬。大。將。檉。撒。一。作。人。畧。塞。薩。爾。既。定。佛。郎。西。遂。渡。海。平。英。倫。建。為。別。部。屬。意。大。里。者。數。百。年。至。今。猶。有。羅。馬。城。闕。遺。址。前。五。代。時。羅。馬。

瀛環志畧

卷七

英吉利國

美

衰。亂。特。族。卑。勒。敦。人。據。英。倫。後。為。據。蘇。格蘭。之。斯。各。多。比。德。斯。兩。部。所。攻。孤。弱。不。能。自。立。求。援。於。安。各。羅。安。各。羅。者。亦。特。種。寄。居。撒。遜。比。利。時。界。內。兵。素。強。而。偏。仄。無。立。國。地。既。為。卑。勒。敦。人。所。邀。則。大。喜。悉。眾。渡。海。破。走。蘇。格蘭。兩。部。因。脅。降。卑。勒。敦。人。陳。後。主。元。年。據。英。倫。立。國。後。分。為。七。部。如。列。國。小。侯。時。相。攻。伐。有。厄。伯。德。者。娶。佛。郎。西。王。之。女。女。奉。天。主。教。招。教。師。來。其。國。為。制。禮。儀。由。是。其。國。漸。強。唐。德。宗。貞。元。十。六。年。滅。六。部。歸。於。一。是。時。大。尼。國。一。作。噠。方。劫。掠。海。上。突。以。兵。船。入。英。倫。據。都。城。英。人。以。厚。賂。緩。兵。尋。以。計。焚。其。船。自。是。大。尼。寇。抄。不。已。居。民。逃。竄。田。野。荒。蕪。王。子。有。亞。那。烈。者。智。畧。過。人。幼。時。嘗。兩。赴。羅。馬。與。文。士。遊。方。嗣。王。位。而。大。尼。以。大。

眾。來。攻。王。乃。偽。為。樂。工。抱。琴。造。敵。營。請。奏。伎。侑。酒。因。得。縱。觀。虛。實。進。兵。決。戰。破。其。連。營。是。時。佛。郎。西。已。陷。北。地。大。尼。迭。侵。擾。王。枕。戈。寢。甲。五。十。餘。戰。而。外。患。平。乃。墾。田。勸。農。招。徠。商。旅。開。學。堂。以。譯。異。書。立。保。約。以。弭。盜。賊。境。內。大。治。王。卒。於。唐。昭。宗。年。間。嗣。王。孱。弱。大。業。遂。衰。先。是。英。倫。以。尚。天。主。興。久。之。教。師。擅。大。權。王。娶。后。教。師。禁。不。合。同。室。王。不。聽。教。師。劫。后。以。鐵。烙。毀。其。容。尋。斃。之。王。際。不。能。仇。山。是。王。僅。守。府。國。勢。不。振。大。尼。復。來。侵。擾。許。以。歲。賂。始。給。銀。一。萬。七。千。兩。後。增。至。二。萬。四。千。兩。而。兵。不。止。宋。真。宗。十。九。年。大。尼。大。舉。來。伐。破。倫。敦。都。城。遂。兼。英。其。王。曰。駕。奴。特。立。治。租。有。條。理。英。人。安。之。其。子。嗣。位。苛。斂。好。兵。先。是。英。北。族。一。作。給。英。倫。北。部。有。酋。曰。威。廉。一。作。給。列。爾。美。常。

瀛環志畧

卷七

英吉利國

美

仕。佛。郎。西。守。西。北。大。郡。大。尼。既。滅。英。威。廉。欲。圖。興。復。請。於。羅。馬。教。王。教。王。以。英。土。封。之。宋。英。宗。治。平。年。間。威。廉。率。舟。師。伐。英。大。尼。王。禦。之。兵。收。被。殺。威。廉。進。攻。據。倫。敦。遂。王。英。北。族。凌。英。民。英。民。多。反。側。王。怒。驅。英。民。十。萬。眾。於。林。中。皆。凍。餓。僵。死。以。其。田。宅。賜。北。族。既。而。悔。恨。卒。王。顯。理。第。一。嗣。宋。高。宗。二。十。七。年。王。顯。理。第。二。立。有。智。謀。時。天。主。教。魁。參。預。國。事。王。有。所。拔。擢。教。魁。輒。阻。撓。之。羣。臣。怒。殺。教。魁。王。懼。教。王。之。加。罪。也。自。守。齋。拜。其。墓。乃。已。附。近。有。伊。琳。大。洲。一。作。阿。爾。阿。王。征。服。之。其。世。子。剛。猛。好。戰。欲。伐。居。猶。太。之。回。回。族。先。往。聘。修。好。歸。途。為。他。國。所。擄。以。金。贖。回。後。戰。死。其。弟。約。翰。嗣。位。性。強。狡。好。田。獵。百。姓。疾。之。又。侮。天。主。教。師。羅。馬。教。王。怒。棄。絕。英。民。息。禮。拜。



一、二、三、四、五、六、七、八、九、十、十一、十二、十三、十四、十五、十六、十七、十八、十九、二十、二十一、二十二、二十三、二十四、二十五、二十六、二十七、二十八、二十九、三十、三十一、三十二、三十三、三十四、三十五、三十六、三十七、三十八、三十九、四十、四十一、四十二、四十三、四十四、四十五、四十六、四十七、四十八、四十九、五十、五十一、五十二、五十三、五十四、五十五、五十六、五十七、五十八、五十九、六十、六十一、六十二、六十三、六十四、六十五、六十六、六十七、六十八、六十九、七十、七十一、七十二、七十三、七十四、七十五、七十六、七十七、七十八、七十九、八十、八十一、八十二、八十三、八十四、八十五、八十六、八十七、八十八、八十九、九十、九十一、九十二、九十三、九十四、九十五、九十六、九十七、九十八、九十九、一百

閉殿堂。廢其婚葬。禁飲酒。食肉。薙髮。民皆怨。恫咎王。王不得已。納貢。教王由是權遂下。移民自擇。薦紳議政。不復關白。王憤甚。欲誅諸紳。諸紳欲招佛郎西世子為王。會王歿。華義都第三一作義都亞爾多嗣立。有權畧。平內難。與佛郎西構兵。累年。互有勝負。其子嗣位。權復為紳民所侵。英有別部之酋。忽起兵攻王。奪其位。明建文帝元年。國人立顯理第四。募兵恢復。滅僭位者。國乃定。顯理第五立。伐佛郎西。勝之。顯理第六立。年尚幼。大臣攝政。時王宗分二派。一曰紅玫瑰。派一曰白玫瑰。派因初分之第宅植此兩種花因以得名兩宗爭欲據王位。自相屠攻。國大亂者數十年。藩屬皆叛。明憲宗成化年間。顯理第七嗣位。削平內亂。四境又安。王性機敏。長於吏治。稱為賢主。顯理第八立。性強傲。尚豪華。喜怒不常。娶西班牙王女為后。因助西班牙伐佛郎西。后無子。出之。再娶少艾。已而失寵。殺之。再娶。又殺之。王有佞臣。委以大權。偶迂意。立賜死。忠言至計。如充耳。四國皆稱為無道主。先是日耳曼人路得者。著書譯解耶蘇教旨。人多信之。王不謂然。手著一書駁詰之。王歿。嗣王崇信耶蘇教。寬惠愛民。教士有法舉國。喁喁望治。立未幾卒。其姊馬利一作馬理嗣位。贊西班牙王子為婿。禁耶蘇教。國人不悅。明嘉靖三十六年。女主以利撒畢即位。賢明。知大體。勤於政治。英民頌之。是時荷蘭不肯從天主教。為西班牙所攻。英女主以兵助荷蘭。西班牙因移兵伐英。師船泊英港。忽大風激浪。船觸礁石。半沈壞。英人以小舟圍而殲之。片帆

瀛環志畧 卷七 英吉利國 七

無返者。國勢益振。先是斯哥西亞別為一國。一作師古泰元初英人取之。明中葉斯哥西亞人布魯斯復自立為國。有女曰馬理。姿絕世。初嫁佛郎西王為后。佛王早卒。馬理歸母家。父卒。嗣王位。選羣臣。美丈夫為夫。夫有別寵。馬理妬之。夤夜遣客殺夫。焚宮以滅其迹。而贅殺夫者為夫。時國人已競尚耶蘇教。而馬理仍執天主教。又殺夫有邪行。國人圍馬理。將囚之。越城而逃。募兵決戰。兵敗。降於英。英女主謂馬理犯倫。肇亂下之獄。馬理在獄十八年。復與獄吏姦。因逃去。英人捕得之。斬於市。萬曆三十一年。英女主卒。無子。斯哥西亞王熱給斯者。一作惹米士女主之姻也。英人奉以嗣王位。斯哥西亞復與英合為一國。熱給斯辯給有才好。講禮制。時天主教之徒結黨謀反。害公會。殿下藏火藥。候王至。將轟殺之。會發覺。悉誅死。萬曆四十二年。查理第一立。性拘癖。好戲狎。不恤民隱。由是士民怨。畔公會皆散。稅餉無所出。王將與佛郎西戰。授甲無應者。師船未戰而退。順治四年。王募兵。誅梗命者。國人與王戰。虜王弑之。時有大紳負才望。攝王政。以定國。自稱保護主。申明法制。參以變通。英人稱便。與西班牙荷蘭戰。皆勝之。攝政數年。倉庫充實。乃致位於先王世子。曰查理第二。為人淫侈。多內寵。惰於聽政。常與荷蘭戰。帥師者國之名將。入荷蘭內港。燬其戰船。王由此愈汰。忽倫敦大火。焚宮室。民居殆盡。已而瘟疫盛行。死者相枕藉。國勢頓衰。其弟嗣位。素習天主教。強民相從。民習耶蘇教。久不肯變慮。

瀛環志畧 卷七 英吉利國 七



王之相難也。渡海招荷蘭王為主。荷蘭王率兵至。王奔佛郎西。康熙二十七年。荷蘭王入倫敦。即王位。號曰威廉第三。雄武有大畧。法度嚴明。百司任職。積粟如邱山。蒐討軍實。悉成勁旅。由是威聲大振。方欲席卷西土。會嬰疾歿。無子。時日耳曼之漢挪瓦王若耳治第一有賢聲。康熙五十二年。國人招若耳治第一來英。奉以為王。王初蒞英。不諳其俗。后為英故王之女。習於英事。相助為理。民大和。前王兩宗苗裔尚存。起兵欲圖恢復。王夷滅之。是時英商船通行四海。日益富強。與佛郎西交兵。屢戰勝。王卒。子若耳治第二立。修法度。別等威。定親疎。平訟獄。國稱大治。伐西班牙。獲全勝。又伐佛郎西。割其藩屬之在亞墨利加者。乾隆二十三年。若耳治第

瀛環志畧 卷七 英吉利國 三

三立舉動好循禮法。亦稱賢主。先是前明中葉。英人泛海覓新地。得北亞墨利加腴土。徙國人實其地。日漸墾闢。遂成沃壤。英人倚為外府。後英國軍興連年。徵稅餉於亞墨利加。倍其常額。亞墨利加人不能堪。有華盛頓者。一作兀興騰。據地起兵。英人以大眾攻之。八年不克。佛郎西與英世仇。舉傾國之師助華盛頓。英不能支。乾隆四十七年。與華盛頓和。聽其自立為米利堅國。亞墨利加之國。沃土盡為米利堅所割。僅餘北境荒寒之土。英國由是虛耗已。而五印度貿易日盛。英富厚過於昔時。五印度者一名溫都斯坦。乾隆中年。東印度之孟加拉。因虐英商。英以大兵攻之。滅孟加拉。乘勝脅降東中南印度諸部。設四大部。孟加拉。麻打拉。麻喇甲息。

力諸番族皆歸統轄。英人遍設埔頭帆檣。雲集百貨。流通富饒。遂為西國之最嘉慶年間。佛郎西拿破侖得國。侵伐四隣。廢西班牙。王而以其弟王西班牙。故王求援於英。英起兵伐佛郎西。血戰累年。嘉慶二十一年。破佛郎西舟師於海峽。以九萬人登陸。進攻拿破侖。率十萬眾禦之。於窩德爾祿約期。大戰自昧爽至日暮。鎗炮之聲震天地。數十里烟氣迷漫。佛師大潰。英人乘勢逐北。斬首二萬級。拿破侖以歸流之荒島。西班牙王復其故國。由是英國威振西土。王晚年得狂疾。世子攝政。王卒。世子嗣立。有賢聲。早卒。道光九年。其弟嗣立。曰威廉第四。初為水師總統。以厚德御下。不沽名譽。及即位。安民和眾。不喜兵爭。論者謂才能不越眾。而德量有雅那為婿。

瀛環志畧 卷七 英吉利國 四

餘道光十八年四月卒。無子。有女不慧。遺命立兄女維多里亞為王。即今在位之女主也。立時年十八。贊日耳曼撒可堡侯世子博雅那為婿。英吉利三島以英倫為主。其立國之本境也。南北約千里。東西廣狹不齊。西界稍見山嶺。而平地為多。河道十餘。皆不甚長。田土膏腴。為歐羅巴之上壤。地分五十二部。○東方之部六。首曰迷德勒。塞斯。建都於達迷塞河濱。名曰倫敦。一作蘭莖。東西南北皆七十里。無城郭。居民一百四十餘萬。殿闕巍峩。規模閎鉅。離宮別苑。綿亘相屬。文武百官之署。各有方位。街衢縱橫。貫貫百貨。山積景象之繁。華人戶之湊密。為西國第一。大都會都中有保羅殿堂。耶穌子。又有



西殿祀耶蘇教名師。兩殿營構最奇崛。有大書院。曰屋度。文儒所萃。有大肆。曰北明翰。鐵工聚焉。城外內港通海口。埔頭最大。每歲別國商船來者千餘。本國出入者三千餘。次曰諾耳佛爾。曰素佛爾。曰黑爾德。佛爾。曰厄塞斯。曰岡比黎。曰諾耳克。佛爾。為織造呢布之地。岡比黎。曰有大書院。南方地氣較暖。岡阜紆蟠。帶以清流。蔭以茂樹。每春夏。林花嫣然。風景極清。分十部。曰根德。曰薩塞斯。曰蘇勒。曰北爾克。曰蘇當波。曰烏義爾德。曰索美爾塞。曰多爾塞。曰的。曰哥爾奴。瓦里斯。根德為大教師所駐。殿堂甚鉅。別有邑。曰綠威。養軍士水手之受傷而年邁者。又有邑。曰風素耳。有別館。極幽雅。居王族之隱逸而習靜者。南界有港口。甚寬大。

瀛環志畧

卷七

英吉利國

聖

兵船商船皆修造於此。檣立如林。北方地形漸狹。別一區。字分六部。其大部曰約爾克。有屬邑。曰曼識特。為洋布總聚之地。外通港口。曰里味池。居民二十萬。米利堅。販棉花之船。皆收此港。在英國埔頭為第二。西北列五部。曰蘭加斯德爾。曰威斯德。謀爾蘭。曰岡比爾蘭。曰達爾威。曰諾爾。東北爾蘭。北境有邑。曰新堡。係石炭之煤。聚集之處。中央之部十八。多平衍膏腴之土。曰支斯德。爾。曰德爾比。曰諾定昂。曰林哥爾內。曰捨羅波。曰斯達佛爾。曰雷塞斯德爾。曰魯德蘭。曰氣耳佛爾。曰窩耳塞斯德爾。曰窩爾維克。曰諾爾桑波敦。曰恆丁敦。曰購昌。曰哥羅塞斯德爾。曰荷哥斯佛爾。曰巴京咸。曰比德佛爾。西方地形入海。別一區。字總名曰威

爾勒士。其地山嶺重疊。為英倫之後戶。居民皆古時土番遺種。與英倫言語不同。多以牧羊為業。人皆散處。城邑甚少。地產石炭。分十二部。曰非林德。曰敦比各。曰該拿爾。曰安哥勒塞。曰美畧內。曰蒙德。美里。曰拉德諾爾。曰加爾的安。曰奔不羅各。曰該爾馬爾敦。曰北勒各。諾克。曰加拉摩爾安。

瀛環志畧

卷七

英吉利國

聖

爾厄。丁堡。蘇格蘭之舊都也。今為會城。在內海之南岸。街衢整潔。萬厦雲連。為北方大都會。曰林利德厄。曰合丁敦。曰北爾維克。曰稜非律。曰哀爾。曰烏宜。曰敦。曰拉拿爾克。曰比波勒斯。曰塞爾。給爾克。曰羅哥斯。不爾厄。曰當非利。斯。曰給爾加德。比里。至。中央十四部。曰亞爾。曰勒。曰比干德。曰內壹爾。那。曰慕來。曰邦弗。曰亞北爾。曰迷牙爾。曰安孤斯。曰白爾斯。曰發壹夫。曰見羅斯。曰加拉克馬南。曰斯德爾。零。曰當巴爾敦。加拉克馬南。為洋布總聚之地。出運別國。每歲得價千餘萬。北方六部。曰爾哥內。曰該內斯。曰蘇塞爾。蘭。曰羅斯。曰哥羅馬爾的。曰音威爾內斯。阿爾蘭。一作耳蘭。又在英倫蘇格蘭之西。海港隔斷。別為一島。南



北約七八百里東西約四五百里古時為土番部落英人於南宋時收服之地多滯澤河流甚短土亦磽瘠產石炭甚富又產鉛錫銅鐵其民粗豪閑爽飲酒歡會無遠圖英人募以為兵臨陣敢於衝突以退縮為恥故英之水陸將領半皆阿爾蘭人俗尚天主教不肯從耶穌教英人惡之而不能使之改革也地分三十二部○東方十二部曰都伯林一作土北林其會城也建於但士江濱下接海口水深便於泊船城內外居民十萬餘貿易繁盛景象極豪華曰勞斯曰壹斯德迷曰烏宜哥婁曰威哥斯佛爾曰幾爾給尼曰加爾婁曰幾爾德壹爾曰固音斯高翁的曰京斯高翁的曰威斯德迷曰耶佛爾○西方五部曰勒德靈曰斯黎各曰羅斯哥滿曰馬

瀛環志畧

卷七

英吉利國

聖

約曰加爾威○南方六部曰哥雷宜爾曰里摩黎克曰給黎曰哥爾克曰高德爾佛耳曰的卑拉黎○北方九部曰安德靈曰刀尼曰亞爾馬病曰的倫曰倫敦德黎曰德內加爾曰非爾馬那病曰的彎曰摩那安

英國附近海島甚多迤南最大者曰威地風景極清近佛耶西海中兩島曰額西曰額耳西在西方者曰萌島附近蘇格蘭曰撒多島地氣寒甚穀麥不登迤北羣島尤寒冽積冰雪者歲居其半其民捕魚為食

英吉利三島物產石炭之外兼產銅鐵錫鉛窩宅礪砂馬牛羊最多土宜二麥收穫甚豐然人滿食不足資運糴於他國織布者四

十九萬餘人其機以鐵為之激以火輪關振自能運動是以工省而價廉每年用棉花四十餘萬担皆從五印度米利堅運入織造大呢羽緞嗶嘰最多又能織絲緞亞於佛耶西絲由中國意大里運買鎗炮刀劍鐘表以及日用各項器皿之工約三十萬人每年各項貨價約值一萬萬餘兩街市之中衽帷汗雨晝夜往來如織其商船四海之中無處不到大利歸於商賈而工則貧

英國之制相二人一專司國內之政一專司外國之務此外大臣一管帑藏一管出納一管貿易一管訟獄一管璽印一管印度事務一管水師事務各有佐屬襄助都城有公會所內分兩所一日爵房一日鄉紳房爵房者有爵位貴人及耶穌教師處之鄉紳房

瀛環志畧

卷七

英吉利國

聖

者由庶民推擇有才識學術者處之國有大事王諭相相告爵房聚眾公議參以條例決其可否復轉告鄉紳房必鄉紳大眾允諾而後行否則寢其事勿論其民間有利病欲興除者先陳說於鄉紳房鄉紳酌覈上之爵房爵房酌議可行則上之相而聞於王否則報罷民間有控訴者亦赴鄉紳房具狀鄉紳斟酌擬批上之爵房核定鄉紳有罪令眾鄉紳議治之不與庶民同囚禁大約刑賞征伐條例諸事有爵者主議增減課稅籌辦帑餉則全由鄉紳主議此制歐羅巴諸國皆從同不獨英吉利也又英國聽訟之制有証據則拿解到官將訊先於齊民中選派有聲望者六人又令犯罪者自選六人此十二人會同訊問辨其曲直然後聞之於官官



乃審訊而行法焉。

英吉利本國境土止三大島。其藩屬埔頭皆在數千萬里之外。北

亞墨利加一土。英人於前明萬歷年間探得之。生聚墾闢。經營二

百餘年。後南境為華盛頓所割據。僅餘北境六部。詳亞墨利加圖說乾隆

初年。復得五印度數千里膏腴之土。詳五印度圖說由印度海之東岸漸

拓而南。在緬甸之西界。有阿喀喇等埔頭。迤南為麻喇甲。再東南

為息力。俱詳南洋圖說又由緬甸之西北。開阿薩密部。南洋之極東南。有

大島曰澳大利亞。又名新荷蘭別有兩島曰撈日倫敦。又名新西蘭皆英人

新開之土。另有國說此外則阿非利加之西界。有獅山諸地。詳阿非利加圖說

南亞墨利加有特墨拉拉諸地。詳亞墨利加圖說其餘所屬小島。不可勝

瀛環志畧

卷七

英吉利國

聖

數。

按英吉利。負然三島。不過西海一卷石。揆其幅員。與閩廣之臺

灣瓊州相若。即使盡為沃土。而地力之產。能有幾何。其驟致富

強。縱橫於數萬里外者。由於西得亞墨利加。東得印度諸部也。

亞墨利加一土。孤懸宇內。亘古未通聲聞。英人於前明萬歷年

間。探得之。遂益萬里膏腴之土。驟致不貲之富。其地雖隔英倫

萬里。而彼長於浮海。視如一葦之杭。迨南境為米利堅所割。所

餘北境。雖廣莫而荒寒。類中國之塞北。燕支既失。英國幾無顏

色矣。五印度在中國西南。即所謂天竺佛國。英人於康熙年間

在孟加拉購片土。造屋宇。立埔頭。乾隆二十年。滅孟加拉。乘勝

蠶食印度諸部。諸部散弱。不能抗。遂大半為其所役。屬其地產

棉花。又產鴉片烟土。自中國盛行之後。利市十倍。英人所收稅

餉。五印度居其大半。失之。桑榆而收之。東隅抑何幸也。英人既

得五印度。漸拓而東南。印度海之東岸。遍置埔頭。阿喀喇達至

取之。緬甸麻喇甲息力。即新奇坡易之。荷蘭小西洋。即印渡海利權歸掌

握者。八九矣。再東則中國之南洋諸島。國惟呂宋。屬西班牙。餘

皆荷蘭埔頭。繁盛如噶羅巴。即瓜哇衝要如馬尼刺。即小呂宋英人未

嘗不心豔之。而他人我先。無由憑空攫取。然往來東道。以兩地

為逆旅。西與荷不敢少。往也。澳大利一島。孤懸巽維。廣莫無垠。

野番如獸。英人亦極意經營。欲收效於數十年。數百年之後。至

瀛環志畧

卷七

英吉利國

吳

如亞非利加之獅山。又名西爾拉荒穢而取材。南亞墨利加之

特墨。踐塗泥而耕作。蓋四海之內。其帆檣無所不到。凡有土。有

人之處。無不睥睨相度。思股削其精華。而目前之倚。為外府而

張。其國勢者。則在於五印度。其地在後藏西南。由水程至粵東

不過兩三旬。蓋英人之屬地。久已近連。炎徼而論者。止知其本

國以為在七萬里之外也。

英吉利本國。地形褊小而生齒最繁。可耕之土。不足供食指之

什一。北亞墨利加。未分割之前。英民無業者。率西渡謀食。迨米

利堅割據之後。英所餘北境之土。寒不可耕。雖得五印度廣土

而其地本有居人。並無曠土。英人流寓。雖多終不能反客為主。



故汲汲於尋新地。近年得新荷蘭大島。誅鋤草萊。流徙罪人於此。貧民無生業者。亦載往安插。移民於八萬里之外。其為生聚之謀。亦可謂勤且勞矣。

英吉利歲入稅餉。除還商民利息外。每年約得二千餘萬兩。所出亦二千餘萬兩。本國額兵九萬。印度英兵三萬。土兵二十三萬。謂之教。跋兵。兵船大小六百餘隻。火輪船百餘隻。其兵水師衣青。陸路衣紅。重水師而輕陸路。專恃鎗炮。不工技擊。刀劍之外。無別械。英吉利兵船。極大者安砲一百二十門。次一百次九十。次七十。四次六十。中等者安砲四十四。次三十六。次二十八。小者安砲二十次十。次六。其船大者三桅。長十五六丈。次者二桅。長約十

瀛環志畧

卷七

英吉利國

星

丈。船形平直。兩般高六七尺。船腹入水深者三丈餘。淺者兩丈餘。小者丈餘。包以銅片。厚一二分。防蟻蝕船也。船底有三龍骨。正中者高三尺許。平而直。兩旁者相距尺許。低於中龍骨尺許。船底厚約七八寸。表裏兩層。故謂之夾板。釘極密。以銅為之。長尺許。舵甚小。在中龍骨之尾。長與中龍骨齊。桅三節。在根者圍約三尺餘。長約十丈。入船腹者三丈餘。直抵龍骨。在外者七丈餘。中一節圍約尺餘。長約二三丈。上一節圍不及尺。長止丈餘。每節相接處有木架。可坐數人。持儀器審方向。又可懸炮擊遠。帆分三幅。以布為之。卷舒極速。繩索密如蛛網。桅兩旁有繩梯。用以登桅。船首有桅。長二三丈。其勢斜立。亦施篷。以免風。謂

之頭鼻。砲位少者一層。多者兩層至三層。上一層在船面。下兩層於船旁。開砲洞。人在船腹。其船行大洋中。不畏風浪。其篷關振靈巧。能收八面之風。惟入水過深。最畏礁石。一閱淺。即立敗矣。船料皆番木。或黃色。或赤黑色。皆極堅紉。船之內外。時時拭滌。皆極光澤。繩索拭以油。使其柔紉。隔數日。輒重拭之。俗傳西洋砲皆銅鑄。非也。銅砲亦有之。而不如鐵砲之多。其鐵砲鑄精凝。內外滑澤。形粗而短。三千觔者。長纔五尺許。砲架不用輪。上下兩盤。施鐵條。進退左右。拽之以繩。極其靈便。砲彈極圓滑。亦時時以油拭之。防綉澀也。每砲一門。兵六人司之。鳥鎗皆自來火。另有刃長尺餘。以鞘插之於腰。敵迫不及放鎗。

瀛環志畧

卷七

英吉利國

哭

則套刃於鎗梢。以當戟刺。火輪船。大者如三桅船。小者如兩桅船。船之後半。上為水櫃。下列火門。或五或九。火門之內。以柴燃煤。水櫃之上。兩銅管粗尺許。灣折而下。至船底。承以兩木桶。高五六尺。圍七八尺。木桶之前。又接以雙鐵管。曲折灣環。達於輪軸。管內貯水。銀不火。燃水沸。熱氣從銅管入桶。桶蓋扇動。熱氣貫入雙鐵管。宛轉達於輪軸。以激動之。輪在船之兩旁。為鐵圈三層。橫施鐵板。畧如南方灌田之水輪。外以木匣護之。望如半月。船面有大鐵筒。高二丈餘。出黑烟。以透火氣。又小鐵筒一。高丈餘。出白蒸。以透水氣。船將行。先燃火。約兩三時候。水沸而開船。船內有銅尺二。施於兩



柱。推之向前。則輪前轉。推之向後。則輪倒轉。推之依柱。則輪不行。船之行也。輪激水如飛。瞬息不見。一晝夜約千餘里。船面立小梳二。遇順風。則施篷以助輪。風不順。則專用輪。而不用篷。船面設炮與夾板同。惟船腹不開砲洞耳。火輪船之製。四五十年前始創為之。先是歐羅巴諸國。織布多用火輪機。能者推廣其法。遂造為火輪船。近年米利堅又推廣其法。造火輪車。而鎔鐵為路。以速其行。亦可謂精能之至矣。

英吉利之人身材長大。白皙。鬚髮與睛或黑色。或黃赤色。心計精密。作事堅忍。氣豪胆壯。為歐羅巴諸國之冠。其語音雜佛耶西日耳曼。其文字用二十六字母。佛耶西用二十四字母。英益其二。餘二十四字母與佛同。或二三

瀛環志畧

卷七

英吉利國

究

字合為一音。以漢字譯之。斷不能照合也。舉國尚耶蘇教。耶蘇之書名為聖書。人藏一帙於懷袋。

英吉利官員常服之冠。圓筒平頂窄簷。燕居多用軟胎貼簷。畧如中國之如意巾。禮服之冠。以黑絨為之。厚一指許。頂如斧刃。前後伸出長近二尺。畧似中國之雨帽。雖盛暑亦著此。然入門即免冠。不能久戴也。武職有武功者。頂上綴白羽數十莖。貼身之衣束革帶。外襲之衣長過膝。用天青呢。窄袖。敞前襟。文職領袖與袴皆以銀線盤作花紋。武職兩肩掛銅獸面。貴者以金。下綴金線纓絡。職大者獸面之下。拖金絲繩長數尺。縮結盤於獸面。職卑者僅一肩掛獸面。文職帶劍。武職帶刀。鞘皆用白鐵。飾以金珠象牙。鏤製絕

精。刃雪亮如敷水。柔可盤圍腰間。伸之則直。禮服之刀劍皆無鋒。謂之太平刀。武員革鳥。踵後有銅釘上屈長寸許。英吉利之俗。男女婚配。皆自擇定。然後告父母。至婚配之日。耶蘇教師誠以善言為之祈福。男以戒指約於女指。親賓送之入房。歡宴而散。其俗男女皆分父母之產。男不得娶妾。犯者流之七年。男恆聽命於女。舉國皆然。

英俗賓主相見。以脫帽為恭。各伸右手相握為禮。除跪拜天帝救世主外。見君王亦無叩頭之禮。尊卑雜坐。無上下左右之分。每宴會。合座先立起。持杯祝君王壽。頌以好詞。一飲而盡。然後輪流相敬。敬是人。則是不飲。內一人頌好詞致祝。合座擊節呼贊之。贊

瀛環志畧

卷七

英吉利國

辛

畢。合座皆酬。

英俗早餐皆餅餌饅頭。沃以牛油。飲茶與加非。參以牛乳白糖。午飯謂之大餐。牛羊肉或燒或炙。飲葡萄酒。蔬菜不甚用。惟重荷蘭薯。


07962







# 麥西圖



瀛環志略 卷八

瀛環志略

卷八

麥西圖

三

## 阿非利加

阿非利加一作亞非里加一土在亞細亞之西南以羅經視之正當坤申之位其地極廣約得亞細亞三分之一南北一萬八千里

東西闊處一萬六千里東距印度海西距大西洋海南抵大南海東北距紅海北面距地中海中間有陸地一綫地名蘇爾士一作蘇萊係麥西回部

地與亞細亞回部相連地雖廣而沙磧居半又當赤道南北炎燠特甚瘴癘尤毒天時地氣人物在四大土中為最劣其北境古多名國今皆回部東境沿印度海迤北回族與黑夷雜居迤南皆黑夷有葡萄牙埔頭南境銳入大南海地盡處之吸朴俗名大為歐

羅巴東來必由之路有英吉利埔頭西境沿大西洋海迤北大漠

橫亘迤南皆黑夷有英佛米葡萄噠諸國埔頭其中央迤北皆沙漠間有回族沙南乃見壤土有黑夷部落統計阿非利加一土迤北多回部皆從亞細亞轉徙而來迤南皆土番其種人或稱尼刻羅或稱合丁突一作荷或稱星卑巴斯其人黑而蒙諸國多負為

泰西人地圖三土皆有分圖獨阿非利加分圖止有北境數國奴餘皆缺畧蓋其地氣毒劣歐羅巴人亦不能通歷部落之名大半得之傳聞各部地界之廣狹亦約畧計算不甚確也

阿非利加北土

阿非利加北土在紅海南岸者地形自西北而東南分三國曰麥西曰努北阿曰阿北西尼亞

麥西厄日多○扼入多○厄日度○埃及多○以古名厄日多在

至比多○迤志比多○伊楫○伊齊不托

厄日多○扼入多○厄日度○埃及多○以古名厄日多在

瀛環志略

卷八

阿非利加

三



紅海地中海之間北臨地中海東臨紅海東北一隅與亞細亞之猶太阿刺伯相連西北連的黎波里西南連沙漠南界努北阿縱橫皆一千七百餘里地本沙積有尼羅河從南方發源沿紅海之西岸北流入地中海兩岸塗泥淤為良田河每歲一漲且糞且漑漲甚則災中則稔故近河之地阡陌雲連戶口繁密而去河稍遠則平沙浩浩曠無人烟地少陰雨沙漠薰灼炎氣逼人其立國在有夏之初時歐羅阿非兩土草昧未開麥西獨顯西土之制度文物皆其所創隣近諸部咸臣服有商中葉希臘諸國興而麥西之權分周末為波斯所滅後為希臘之馬基頓所取西漢時意大里之羅馬興麥西歸降為屬國數百年唐初阿刺伯取其地由是為

瀛環志畧 卷八 阿非利加 四

回回部落明初土耳其取為別部鎮以大酋嘉慶三年佛郎西大將拿破侖攻克之越三載復以其地歸土耳其其近年麥西酋叛土王自立為國土王以大眾征之搆兵累年不能勝麥西攻土耳其東土諸部皆下之土王告急於諸隣波斯欲助土耳其因魯取麥西為藩部義羅斯以大兵入土境名為救土將隱圖之英吉利佛郎西皆勒兵勸和其酋乃還所侵地復通貢於土耳其其為外藩地分上中下三土上中兩土臨紅海西岸雙岡綿亘如夾巷下土臨地中海坦闊膏腴支河交絡為麥上壤共二十五部曰加義羅其都城也曰給里烏波曰北爾卑義斯曰師卑曰米加馬爾曰芒蘇辣曰達迷也大曰給比爾曰當達曰美黎曰美奴曰內日勒曰福

阿曰達馬奴爾曰亞勒散得黎亞曰德基塞曰亞德非曰白尼隋弗曰發雅曰迷尼亞曰蒙發祿曰西干德曰齊爾曰日給內曰挨斯內埔頭之最大者曰亞勒散得馬基頓王亞勒散得之所建也昔為地中海第一埔頭今仍為著名港口其國居民二百五十萬居都城者三十萬兵十二萬大戰艦十四隻兵多餉重賦斂煩苛民不聊生地產穀果麻錠蠶蜜棉花藥材

泰西人述麥西古事云洪水之後有鼻祖曰諾威居於美索不達迷亞在亞細亞今東土耳其地生三子長曰僧次曰剛次曰日肥德剛有子曰迷斯拉應於夏后啟七歲建國於亞非利加之北境曰厄日多始教民以穡事設職官造文字又建立四部曰德巴斯曰

瀛環志畧 卷八 阿非利加 五

德利曰門非斯曰達尼斯數傳至亞罷耶當夏后不降之五十七歲波斯王札的勞摩初肇兵端率眾寇厄日多厄日多未習兵事蒼黃走避波斯大掠而去亞罷耶率眾追之奪所掠而還由是始講武備兼修法度諸小國翕然翼戴尊為大主嗣位者多賢哲益修典制分品類立官舍建倉廩宴然康阜者蓋數百年是時歐羅巴一土皆土番散處榛莽未變有夏之末亞細亞人義納孤始抵希臘教其民以人事一云商盤庚年間迦南人枯木始教之未知孰是昏蒙猶未盡洗至商王外壬二祀厄日多人灑哥落率其邑灑的斯人抵希臘之雅典建為亞德納斯國一作亞地拿始廓然大變其俗自是希臘諸國日漸昌熾而厄日多聲靈稍替矣厄日多



傳至亞美奴非斯渡紅海溺死商王祖辛十二祀西索斯的黎嗣位刻厲自修武功文治極一時之盛號為中興子孫繼緒仍為西土大國又傳七百餘年日就衰弱至波哥黎斯為波斯王岡比斯一作乾所滅時周威烈王十六年也厄日多隸波斯數十年希臘之馬基頓王亞勒散得以大兵伐波斯取厄日多亞勒散得殞於軍大將伯德羅墨率所部據厄日多自立為王西漢時羅馬征服之地隸羅馬者數百年唐初摩哈麥與回教於阿刺伯厄日多與之接壤遂為所奪初厄日多為西土建國之祖文物之盛諸國無與比都城有大庫藏書七十萬冊稱西土藝林迨為回部所破取其書為薪爨飯遂等秦皇之一炬云都

瀛環志畧

卷八

阿非利加

六

城外有古王塚數處皆基闊頂銳棺內貯香油屍數千年不腐有一塚基闊五里高五十丈頂似峯尖中有洞深三丈四尺闊二丈七尺內藏石棺一不知何代何王所造西土以為異觀南仁字內七大宏工記有此塚

努北阿北阿○怒在麥西之南東枕紅海南接阿北西尼亞哥爾多番西連尼給里西亞長三千里廣二千里東南峻嶺重疊川谷相間西北沙漠遼絕尼羅河上游諸水灣環匯注河濱多沃壤餘皆不毛地氣酷熱甚於麥西古時本麥西南境自回部割據之後散為數小部道光二年歸麥西兼轄居民皆回回別有野番以劫擄為生行旅時見剽劫又誘畧努北子女賣於麥西麥曾不能

鈴制之也地分四部各有酋長曰努北阿曰當哥辣曰塞那爾曰札日斯地產麻烟米酒二麥甘蔗棉花檀香烏木象牙金砂駝馬尤良

阿北西尼亞阿八思尼阿○哈北○阿邁斯尼○亞思心域○馬八兒在努北阿之南東枕紅海南界亞德爾長二千三百餘里廣二千餘里山嶺盤迴岡陵錯雜有大水曰巴勒那塞各又名藍河下游匯於尼羅土田肥沃地氣溫平惟近紅海一帶頗炎燥多迅雷多雨自五月至十月陰霖居半行旅艱於跋涉自古為土番部落不通上國故沿革無考相傳其國舊制王族皆聚處高山之上不與國人交接以防異謀有嗣位者方許下山否則禁錮終身所奉者天主大秦二教大秦教即波斯

瀛環志畧

卷八

阿非利加

七

舊秦之火祿教大秦之名俗好爭鬪殺掠食牛不宰鬻割而生啖乃唐人訛傳詳波斯圖說之別有野番穴地而居捕蟲豸為食得野獸食其肉纏其腸繫其蹠於身以為觀美國分七部各有酋長曰的給勒曰公達爾曰昂哥卑爾曰昂合拉曰昂哥曰那勒亞曰薩馬拉產二麥粟米麻蜜棉花木料山中多獅豹山狗

按北亞非利加之東偏地多沙漠本不毛之土獨麥西得尼羅河之淤灌變為沃壤其西北境之蘇爾士又作蘇葉又與阿刺伯猶太接連故東方夷族上古時即轉徙至此其創制規為遂為歐羅巴開風教之始歷數至一千數百年可謂盛矣惟立國鳩民僅傍尼羅河蜿蜒一帶無地可擴無險可守故波斯希臘羅馬



諸大國與麥西恒為之臣。迨回部既強。遂為所吞噬。而名土變。羶俗矣。努北阿本麥西南部。其種人雖雜野番。而自古別無立國。阿北西尼亞不歐。不自古為土番部落。或謂其國尚有規模。不至如泰西人所云之荒陋。然較之麥西。不啻有華夷之別矣。又元世祖時。馬八爾俱藍兩國曾入貢。馬八爾即阿北西尼亞。俱藍似即努北阿。是為阿非利加通中國之始。由西印度西行。有小島曰亞丁。英吉利之所據也。由此入紅海。西北行四千里。而港盡。至麥西之蘇爾士。行旱路一百七十里。即地中海之東南隅。再舟行七千里。出直布羅陀海口。即大西洋海較之紆迴。南向繞阿非利加之西境。至極南之峽。朴而始。

瀛環志畧

卷八

阿非利加

八

轉舵東北者。計里約減二萬。計程約近一月。惟蘇爾士隔旱路一百七十里。舟楫不能通行。海國聞見錄謂。恨不用刀截斷者。即指此也。近年英吉利製火輪船。遞送文書。由印度海駛至亞丁。入紅海。至蘇爾士。行旱路至地中海東南隅。彼處有火輪船接遞。西駛出直布羅陀海口。火輪船行駛甚速。不畏風浪。而計程又近二萬里。故五十日可達英倫國都。自明以前。歐羅巴通中國皆由此路。說詳回部四國阿非利加北土。在地中海南岸者。東西長約萬里。南界撒哈拉大漠。綿延如帶。迤東多沙磧。迤西山嶺錯雜。古時總名美的德拉。成周中葉。有非西亞國者。由希臘遷居於此。名其國曰加爾達。

額一作迦大其擅地中海之利權。富強無敵。又有奔多入占爾達兩部。亦強國。詳意大里國說西漢初。皆為羅馬所滅。地屬羅馬者數百年。唐初回教興於阿刺伯。兵力方強。既得麥西。漸拓而西。地中海南岸諸部。蠶食無遺。又渡海侵西班牙。割其國十分之八。時葡萄牙係西班牙西境。尚未立。後阿刺伯衰。諸部半為土耳其所奪。地分四國。迤東接麥西者。曰的黎波里。迤西曰突尼斯。皆土耳其屬國。再西曰阿爾及耳。舊屬土耳其。今歸佛郎西。極西抵地中海口門者。曰摩洛哥。係紅帽回回。不屬土耳其。

的黎波里。的黎不里。特利破里。直波里。在麥西之西。土耳其屬國也。長四千里。廣二千五百里。夷坦無山。有大河曰的內。陸岸頗有腴壤。餘皆

瀛環志畧

卷八

阿非利加

九

沙漠。沙中間有片土。生茅草。回族游牧其中。騎健駝。四出剽掠。隣境患之。國有王世繼。仍請命於土耳其。分四部。曰的黎波里。其都城也。建於海濱。曰巴爾加。曰非三。曰亞達美。地氣酷熱。晝暑夜寒。多歉歲。土產皮羽。蠟棉花。硫磺。滑石。丹參。金砂。突尼斯。都尼斯。在的黎波里之西。亦土耳其屬國。地形北出。東北兩面皆臨地中海。長一千五百里。廣八百里。地勢平坦。沙磧居多。沿河之土。極腴。海濱鹵斥。乏淡水。戶口三百餘萬。皆安居貿易。無劫盜之俗。稱回部善國王不世。及由眾推舉。仍請命於土耳其。地分兩部。曰的里幾亞。曰達拉幾斯。都城建於波加斯湖濱。高阜之上。與國同名。居民十萬。多以織布為業。地氣濕熱。產穀麥。橄欖油。



兼產銀銅錫蠟水銀硫砂。獸多獅猴獐山狗。歐羅巴各國皆與通商。

阿爾及耳。亞爾日耳。阿利額。在突尼斯之西。舊亦土耳其屬國。今為佛郎西藩部長二千一百餘里。廣一千八百里。山巖嶄峭。岡阜紆蟠。東南峯巒插霄漢。常積冰雪。沿海山坡斗削。躋攀不易。境內多沙磧。而土最膏腴。自回族割據之後。農功疎惰。田多荒蕪。先是阿刺伯回族據西班牙七百餘年。生齒逾數百萬。明初。西班牙北部起兵恢復。回族多逃回阿爾及耳。後西班牙復驅逐。降回百餘萬出境。大半亦轉徙入阿爾及耳。回民失業流離。餓殍習為盜俗。陸則飛騎馳騁。剽掠行旅。水則飛艇出沒。截劫商船。數百年來。為地

瀛環志畧

卷八

阿非利加

十一

中海之大患。佛郎西英吉利米利堅管會舟師。勤之登岸攻畧。戮其人。不取其貨。回族震懼。斂迹數十年。已而復肆。道光初。佛郎西以大兵征之。破其都城。回族逃遁沙野。佛以大酋鎮之。治其民。以佛法盜蹤稍斂。回族之在沙野者。時時飛騎侵掠。佛以重兵防守。所費甚鉅。近年回會復聚大眾來攻。欲圖興復。為佛所破。戮其酋。其地戶口三百萬。舊分七部。曰阿爾及耳。其都城也。建於山坡。曰岡士丹的納。曰馬斯加拉。曰的德利。曰薩布。曰卑爾。北耳氣候溫平。多地震。產五穀果實。又產金銀鐵錫礬珊瑚。摩洛哥。馬羅各。馬落。可。摩樂哥。在阿爾及耳之西北。枕地中海。西距大西洋海南抵撒哈拉大漠。地勢由東北而西南。長二千五百里。廣一

千五百里。有大山曰亞德拉斯。橫巨國中。沙磧環匝。田少而腴。穀果皆宜。駝馬亦蕃。庶夏令酷熱。海風解之。沙漠薰氣。峻嶺蔽之。故地氣溫平。人少疾疫。居民六百萬。皆紅帽。回舊本阿刺伯屬國。土耳其既興。海南諸部。席卷無遺。獨摩洛哥。以篤遠。獲全。而阿刺伯衰弱。已甚。無復羈縻。遂獨立為海西。回國俗。好擄掠。擄得他國之人。強令入回教。從則釋。否則囚錮為奴。近年英佛兩國之人。遭擄禁者。數千兩國。以兵船攻之。圍其都城。其王震恐。盡釋被擄者。由是稍稍斂迹。國有王。分六部。曰摩洛哥。曰非斯。曰蘇斯。曰達拉哈。曰達非勒。曰西日爾。美塞都城。舊在摩洛哥。近遷於非斯部之。美幾內斯。其俗以布纏身。上束帶。巾包頭。戴紅帽。著各色履。腰插

瀛環志畧

卷八

阿非利加

十一

刀劍。跨鳥鎗。好馳馬。角勝。習射。頗精。閑婦女。甚嚴。出門。帕蓋全身。惟露兩眸。禁食猪肉。禁飲酒。喜吸烟。烟以麻葉為之。地產銅錫白蠟。藥材棉花木料。通商不廣。泰西人記非尼亞古事云。非尼亞古商賈之國。自夏以前。西土之人。老死不相往來。有夏中葉。智者始創舟車。貿遷有無。居積財貨。以此致富。西土名其人曰非尼亞。譯言客商也。始居於巴尼斯的納海濱。後有立國於希臘者。曰德巴斯。詳希臘圖說。希臘隘不能容。周厲王十年。有遷於地中海之南岸者。曰美的。德拉虐。一作墨力特。爾勒尼安。即譯言地中海也。定都城於土羅。即今突尼斯地。更國名曰加爾達額。一作迦。大其。時地中海南岸。荒穢未辟。人戶稀



疎非尼亞人出其貨財。建城邑。立市廛。墾田野。四方無業之民。羣往歸之。益治舟楫。流通百貨。地中海南北兩岸利權大半歸其掌握。復跨海辟西班牙。建為藩部。國富兵強。一時無抗顏行者。越數十年。而意大里之羅馬。與羅馬初興甚微弱。且不習兵事。加爾達額視之。蔑如也。地中海有二大島。曰哥爾塞牙。一作耳西加。又作郭士略。曰薩爾的尼亞。一作沙力尼。又作撒地尼。又作撒丁。皆附近羅馬。加爾達額據之以逼羅馬。羅馬不敢爭。又西治里島。一作西基利。又作西西里。與羅馬南境相接。本屬羅馬。加爾達額以兵力強奪之。羅馬亦不能取。由是益驕。周顯王年間。希臘之馬基頓王亞勒散。得以大兵伐波斯。游兵至加爾達額。攻破土羅。屠八千人。國幾亡。

瀛環志略

卷八

阿非利加

三

從此聲威頓削。而羅馬日益強。先是羅馬習陸攻。不習水戰。加爾達額勝則進攻。失利則張帆颺去。羅馬無奈。何加爾達額有戰艦穿漏。拋泊海岸。羅馬得之。倣其式。三月而造成百艘。有義界都者。講求駕駛之法。簡勁卒練為水軍。往來海道。日益嫻熟。由是與加爾達額為敵。加爾達額嘗侵羅馬。虜其將勒孤羅。押送羅馬營。請易俘囚。羅馬帥惜其才。將許之。勒孤羅張目叱之。曰。亡羅馬者。諸君也。出戰被俘。本國從無救贖之例。乃欲以一人。壞國法耶。毅然反敵。營大罵而死。羅馬軍人人雪涕勇氣百倍。加爾達額敗績遁去。遂奪回三大島。加爾達額有夙將阿迷利加爾。與羅馬血戰數十年。稱為能軍。有子曰漢尼巴。一作阿尼

巴幼敏慧。嘗詢父以兵法。父戲之曰。爾能矢志滅羅馬。當授爾漢尼巴。即設誓於入必德爾之前。古時各國所奉宗祖之神。未詳何時人。阿迷利加爾悉以韜畧授之。漢尼巴既長。謀勇過人。伐羅馬屢奏捷。年二十五。拜為大帥。合西班牙之兵。大舉伐羅馬。登舟楫。檣酒海中。日不滅。大敵有如此。水師抵羅馬南境。破其邊城。乘勝急攻。銳不可遏。羅馬軍四戰。四北。南境諸城皆陷。遂渡厄伯洛河。越比勒鈕阿爾比斯峻嶺。長驅直進。勢如風雨。羅馬屬部西拉古薩亦叛。附加爾達額。羅馬大震。羅馬大帥發比約馬西摩與眾謀曰。虜氣方盛。難與爭鋒。客兵利速戰。宜堅壘以老其師。而別以奇兵襲其後。乃閉城拒守。為卑辭以緩攻。而遣別將馬爾

瀛環志略

卷八

阿非利加

三

塞羅收復古西薩拉城。因伏兵邀其歸路。又遣西比揚潛以舟師渡海。襲土羅。土羅兵少。告急於漢尼巴。是時漢尼巴與羅馬軍相持日久。食垂盡。聞都城警報。急撤兵回救。發比約馬西摩率勁兵潛躡之。而馬爾塞羅伏奇兵突出。邀擊漢尼巴。前後受敵兵大潰。死傷山積。棄輜重。登舟急發。西比揚偵其將至。率舟師邀擊於海中。焚斬殆盡。漢尼巴以單舸乞援於西里亞。一作敘里亞。西里亞者。亞細亞大國。時希臘諸部為羅馬所困。亦求救於西里亞。其王安的約哥帥師救希臘。為羅馬所敗。狼狽東走。羅馬軍踵至。圍攻安的約哥。納土降。漢尼巴仰藥死。希臘諸國皆降。羅馬由是加爾達額孤立無援。屬部多離畔。自知亡在旦夕。



顧以夙稱大國。取於納欵。漢景帝十年。羅馬以大兵伐加爾達。額圍土羅。土羅堅守不下。截婦女髮為弓。拉羅馬軍死者千餘。羅馬有大將。冒矢石進攻。城將陷。加爾達額圍城舉火自焚。羅馬毀其城為平地。因分兵畧定海南諸部。復回兵征西班牙。西班牙亦降。非尼西亞遂亡。

按亞非利加北上。在紅海西南岸者。近亞細亞。故開風氣獨早。在地中海南岸者。近歐羅巴。故非尼西亞啟疆於前。意大里亞。耘耨於後。迨回部既強。噬滅殆盡。麥西既隸。土耳其曩時文物之盛。已掃蕩無遺。而地中海南岸諸部。乃半化為蹠跖之巢穴。時勢之變遷。可慨也夫。

瀛環志畧

卷八

阿非利加

西

阿非利加中土

阿非利加中土。迤北沙漠橫巨。稱為撒哈拉。又名麻木爾。嶺東西九千里。南北三千里。風起則天地昏暗。沙隨處堆積。為邱陵。天氣酷熱。無滴水。無一枝之蔭。行路者往往喘息死。或為風沙噎斃。行沙中皆用駝渴極。不得飲。則殺駝吸其血。或飲其胃中之存水。中間偶遇片土。如海中之洲。島有泉水。草木行旅賴以存濟。東偏沙中有回部。二曰哥爾多番。曰達爾夫耳。再南行盡沙漠。復見壤土。有河道。溪澗。草木暢茂。人皆黑番。亦從回教。部落甚多。總名曰尼給里西亞。哥爾多番在努北阿之西南。長約一千五百里。廣約一千二百里。

北境沙漠環繞。南界山陵錯雜。火峯時吐烟。燄地氣炎熱。有大河貫國中。曰巴勒比亞。兩岸多沃田。種宜黍稷。居民皆奉回教。國無王。鈐以頭人。為麥西所役。屬會城曰荷卑德。別有城曰巴拉。為商賈萃集之地。產棉花鐵器。

達爾夫耳。一作他弗。在哥爾多番之西。長約一千二百五十里。廣約八百里。北境沙漠居多。南界有腴壤。樹木成林。地氣熇烈。土宜黍稷。居民皆回。俗重農功。每歲國王率酋長躬耕。以勸農事。此禮乃地亦異事也。貿易頗盛。邊境多暴客。商旅皆結隊以行。每隊千餘人。駝數千行。宿如營陣。都城曰哥卑。國王居於爾發捨耳。土產黃麻胡椒。烟葉象牙。木材香料。又產玉紋石。硝磺沙。

瀛環志畧

卷八

阿非利加

五

尼給里西亞。又名蘇丹。在撒哈拉大漠之南。南接岳山。亞非利加之中原也。長約六千里。廣約四千二百餘里。地形坦闊。湖河與沙磧相間。河濱田多。腴腴。穀宜稻黍。材木果實。蔬菜皆備。地近赤道。炎氣蒸為瘴癘。多毒蟲。惡豸。他國人到。輒病死。故自古未通。別土英吉利嘗遣人探之。或染瘴死。或為土番所殺。迄不得端耗。又用火輪船從尼日爾河下游駛入。水手半死亡。無所聞見。而歸地分二十二部。曰波爾奴。曰巴也爾美。曰北爾古。曰桑加拉。曰不勒。曰岡干。曰窩那蘇勒。曰上邦巴拉。曰下邦巴拉。曰馬昔那。曰巴難。曰的勒南。曰丁不各都。曰牙烏利。曰尼非。曰波爾古。曰牙黎巴。曰北凝。曰瓜。曰公。曰加拉那。曰達公巴。諸部各有酋長。不相統轄。時時



相攻。獲俘則以為奴。土番皆黑面。奉回教。男好逸。耕作貿易。皆女為之。娶數婦則致富。其酋各有婦數百。土產麻棉烟靛象牙金沙皮革。

按阿非利加中土。迤北沙中兩回部。皆由北方轉徙而來。與北土之的黎波里諸部同。沙南地沃而廣。黑番各分部落。而水土毒惡。人類粗頑。好事如英吉利。舟車數往。博望無功。竟不能得其詳也。

阿非利加東土

阿非利加東土。係印度海之西岸。自紅海口門之外。地形由東北斜削而西南。長約九千里。迤北回教與黑番雜居。迤南皆黑番地。

瀛環志畧

卷八

阿非利加

六

多金沙藥材。土番探之以當錢幣。極東北曰亞德爾。其南曰亞然。再南曰桑給巴爾。再南曰莫三鼻給。其西南曰麼諾麼達巴。

亞德爾一作亞占在北土阿北西尼亞之東南。當紅海印度海之隅。商船罕至。故疆域之廣狹未詳。西南重岡疊起。東北平原廣闊。河流交貫。隴畝肥饒。穀宜黍稷。地氣炎燥。乏陰雨。居民皆土番。奉回教。地分數部。各有酋。與阿北西尼亞時有兵爭。產金沙乳香胡椒象牙。

亞然一作然貴巴在亞德爾之南。長約一千九百里。廣未詳。北境多山。東境磽瘠多沙磧。西南人迹罕到。沿海所居皆阿刺伯回教。以貿易為業。面色差白。內地皆黑番。以牧獵為生。國分十數部。各有酋。

不相統轄。其大者曰巴拉瓦。城建海濱。有深澳。便於泊船貿易。頗盛。土產香料為多。

桑給巴爾在亞然之南。長約四千里。廣約七百里。沿海窪下。林木叢雜。野象成羣。多性禽奇獸。內地山嶺台沓。西南一帶尤聳峭。江河迴繞。土田肥饒不一。地氣酷熱。多瘴癘。居民皆黑番。奉回教。地分數十部。不相統攝。其大者曰幾羅阿。曰蒙巴薩即唐書之林德。一作墨林他。即唐書之磨隣。曰馬加多朔。餘皆冗雜小部。土產穀果金銀銅鐵糖蠟棉花象牙鳥羽木料藥材。貿易頗盛。

莫三鼻給摩散北。磨山密。在桑給巴爾之南。長約四千四百里。廣約一千九百里。重巒叢林環繞。象多如牛。馬金礦金沙。取之不竭。土田膏腴。穀果豐碩。惟地多瘴癘。不便居棲。居民皆黑番。奉回教。其部落有馬古阿蒙如木新卑等名。冗雜零散。不相統攝。內有葡萄牙所辟之地。凡七處。曰莫三鼻給。駐有大酋。總轄諸處。曰給林卑。曰幾里馬內。曰塞內。曰索發拉一作所服刺。曰義能巴內。曰羅林索馬爾。給斯近年葡勢衰弱。貿易無多。惟以販賣黑口為事。墨門各夷館所用黑奴。皆從此土販來。

瀛環志畧

卷八

阿非利加

七

麼諾麼達巴在莫三鼻給之西南。廣長皆約一千里。山嶺盤匝。江河迴繞。沿河多腴壤。穀果繁碩。草木昌茂。地氣炎熱。不便居棲。舊本黑番大部有番王統攝。後遭寇亂。散為數小部。惟麼加耶瓜一部最強。土產金鐵象牙甘蔗樹膠。



按唐書。巨拂孫西南度磧二千里。有國曰磨隣。曰老勃薩。其人黑而性悍。地瘴癘。無草木。今考磨隣。即美林德老勃薩。即蒙巴薩。皆在桑給巴爾境內。是為史籍言阿非利加之始。所云度磧二千里。無草木。乃指自猶太即拂至兩部之路。計程不止二千里。史蓋約畧言之耳。

### 阿非利加西土

阿非利加西土。由地中海口門之外。地形折而南。下面大西洋海。數千里。盡屬沙漠。過此地形缺折而東。又轉而南。漸斜削而趨南。土其迤北沙漠之地。曠無人烟。迤南當赤道南北。壤土廣厚。潏澤迴環。茂草鬱鬱。叢林陰翳。毒霧蒸為瘴氣。曉夜昏濛。異國人久居。

### 瀛環志畧

#### 卷八

阿非利加

六

輒病死不死。亦成痼疾。其土人面黑如墨。染高顴。扁鼻。厚唇。鬚髮拳。網似骨。重羊毛混沌。無知近禽獸。衣好華彩。半裸其體。不蔽陰陽。用金珠象牙。遍身懸綴。以為美觀。相聚則婆娑跳舞。男女隨意雜配。種族無別。耕作者少。掘食草根。如芋薯。土肥沃。自生長。居草寮。或結巢於大樹。藉草席。器用瓦壺。祀樹木禽獸為神。每殺仇人。祭之。又有能作妖術者。無銀錢。以貨易貨。值饑乏。族類自相攻擄。獲生口。賣以為奴。各國之船。往來販鬻。每船輒二三百人。如貨豕。畜諸國所用黑奴。皆此土人。取其愿。樸且黑醜。無艾殺慮。販往亞墨利加者尤多。用以灌園耕田。種加非。造白糖。如牛馬。然終身力作。不怨不逃。其地物產甚多。土人不解搜採。出各項果實。又有樹。

油。可啗。番。鹹。林內。獠。獠。猿。猴。獾。獾。往來。跳。擲。虎。豹。獅。象。時。時。遇。之。蛇。多。大。者。如。巨。桶。能。吞。人。畜。歐。羅。巴。諸。國。心。豔。其。土。而。畏。瘴。癘。不敢。深入。僅。在。海。濱。設。立。埔。頭。期。於。日。漸。墾。拓。就。其。物。產。為。地。名。有。穀。邊。象。邊。金。邊。奴。邊。等。名。黑。番。部。落。甚。多。大。勢。分。三。域。曰。塞。內。岡。比。亞。曰。幾。內。亞。曰。公。額。

塞內岡比亞。在撒哈拉大漠之南。西距大西洋海。南界幾內亞。東界尼給里西亞。長約二千七百餘里。廣約二千里。境內大水二。皆西流入大西洋海。北曰塞內加爾。一作西南曰岡比亞。一作威兩水以名其地者也。平坦無山。墳壤與沙。積相間。田土膏沃。穀果皆宜。地近赤道。酷熱多瘴癘。由五月至八月。陰雨連綿。暑氣稍減。

### 瀛環志畧

#### 卷八

阿非利加

九

土番黑面卷毛。皆奉回教。地分二十小國。其酋或世傳。或公舉。不相統攝。曰弗達多羅。曰弗達日羅。曰弗拉都。曰加孫。曰奔都。曰牙尼。曰弗義尼。曰烏黎。曰登的里亞。曰分達。曰加荷爾達。曰邦不各。曰薩隆。曰加不。曰日約羅。弗曰新。曰烏阿羅。曰巴爾。曰加約爾。曰薩倫。土產金銅鹽琥珀紋石象牙。塞內加爾河口。有佛郎西創闢之地。凡三處。曰甚盧義斯島。曰哥勒亞島。曰烏阿羅。佛人建砲臺。設埔頭。與黑番交易。以布疋易金沙樹膠。每歲貨船約三十隻。凡佛船赴亞細亞。必至哥勒亞收泊。岡比亞河口。有英吉利埔頭。立商館。包兌包送。以兵船巡海口。捕畧賣黑奴者。幾內亞。在塞內岡比亞之南。西南距大西洋海。東至義的約比亞。



沙。東北界尼給里西亞。長約八千里。廣約三千里。海濱地形窪下。烟瘴甚毒。有大河曰尼日爾。發源尼給里西亞。至幾內亞南界入海。北境有大山綿亘。與塞內岡比亞分界。又有公山。為尼給里西亞塞內岡比亞分界之地。當赤道之北。驕陽亭午。石鑠金流。行人往往暈死。賴五月至九月時。時陰雨。否則無噍類矣。土脈肥饒。草木暢茂。穀果皆宜。黑番混沌。拜禽獸為神。較之塞內岡比亞尤為荒陋。惟以擄賣人口為事。耕作皆女為之。地分數十部。其較著者曰的馬尼亞。曰古郎哥。曰蘇黎馬那。曰加不蒙德。曰桑固音。曰加瓦利。曰亞干的亞。曰達荷美。曰亞爾達拉。曰巴達給里。曰拉各斯。餘皆冗雜小部。土產黃金。珊瑚。琥珀。紋石。甘蔗。烟葉。香料。西

瀛環志畧

卷八

阿非利加

辛

北境有英吉利新闢之地。在岡比亞河之南。曰塞拉勒窩內。一作西爾拉釐。又名獅山。岡阜重疊。林木陰翳。有瘴氣。產象牙。油。皮。蠟。木料。樹膠。貿易頗盛。又開學館。以耶穌教化其黑番。迤南有米利堅新闢之地。曰奕尼。一作危尼。又在門蘇拉多河濱。贖畧賣之黑奴居之。教之耕作。轉而東南。有英吉利新闢之地。曰哥斯建斗羅。又名全邊。金沙極多。又產棉花。藍靛。樹膠。白蠟。皮革。貿易極盛。惟地氣酷熱。人不能堪。此外有荷蘭埔頭。曰厄爾迷那。又有噠國埔頭。曰給里斯的巴爾。各地皆彈丸。各屬數小城。公額。一作公我。在幾內亞之南。一名下幾內亞。西距大西洋海。南界星卑。巴西亞東抵日牙加。長約三千八百里。廣約一千四百里。東境

山岡重疊。萬派發源。河之大者曰公額。因為部落之名。公額河縈繞四境。土田藉以肥沃。地當赤道之南。炎蒸與幾內亞同。黑番土俗亦相類。地分二十一小國。曰羅昂額。曰公額。曰奔巴。曰薩拉。曰莫盧阿斯。曰虎美。曰加三日。曰岡各白拉。曰何。曰何羅和。曰日。仍加。曰幾蘇阿。曰古達多。曰古凝加。曰當巴。曰里波羅。曰幾薩。曰塞拉。曰白倫多。曰難諾。曰比黑。土產銅。錫。甘蔗。胡椒。薯粉。象牙。西境有葡萄牙創闢之地。凡二部。北曰昂荷拉。南曰奔給拉。產五金各鑛。其商船往來。專以販賣黑口為事。

瀛環志畧

卷八

阿非利加

辛

按阿非利加西土。北境大漠橫亘。迤南故沃土也。黑番愚惰。無經營創造之能。遂至人禽雜處。長此榛莽。歐羅巴諸國。睥睨多年。阻於毒瘴。僅於海濱營立埔頭。而未能廓清。墾拓如米利堅。故事亦斯土之不幸也。番族蠢蠢。以人口為奇貨。以畧賣為恆業。而貧弱如葡萄牙。竟以販鬻人口為利藪。則尤不足道也已。  
阿非利加南土。由東西漸削。如筍。至極南。乃齊平地。形作東西之勢。東面距印度海者。曰加弗勒里亞。西面距大西洋海者。曰星卑。巴西亞。曰荷丁多的亞。極南地盡之處。距大南海。曰加不。加弗勒里亞。一作喀士列里。在東土莫三鼻給之南。東距印度海。西連荷丁多的亞。西南接加不。長約四千里。廣約一千里。迤西沙漠居多。水泉缺乏。東方巒嶂重疊。山谷中壤土腴厚。叢林茂密。獸多獅象。



能豹羚羊水牛鳥多鷹鷲海多鱧鯉海馬黑番長大力惟務稼  
穡部落甚多在海濱者有古薩當不給忙不給等部在內地者有  
比里加達爾馬哈巴羅隆馬盧的西馬著馬幾尼等部土產金銀  
銅鐵珊瑚琥珀

星卑巴西亞在西土公額之南西距大西洋海南界荷丁多的亞  
長約二千七百里廣未詳地形平闊沙漠中間有片土亦甚磽薄  
獸多人少黑番轉徙無常不成部落在阿非利加一土中最高荒  
瘠地無物產其種人即名曰星卑巴斯

荷丁多的亞一作合丁突在星卑巴西亞之南西距大西洋海東至加  
弗勒里亞南接加不長約二千五百里廣約二千二百里南北多

瀛環志畧

卷八

阿非利加

三

山嶺中間沙漠橫亘墳壤無幾海濱窪下土脈膏腴物產頗豐地  
氣溫平不似迤北之酷熱惟颶風時作猛烈異常羽毛凶戾蟲蛇  
毒惡異國人未敢托足黑番名荷丁多的多以牧畜為業怠於農  
事部落甚多各有酋不相統攝其較著者曰哥拉那曰那馬瓜曰  
達馬拉曰不書阿那曰波支斯曼

加不一作岬阿穩局朴在阿非利加極南地盡之處東

西齊平東為印度海西為大西洋海南為大南海長約二千里廣  
約一千里城建達勒與良二山之麓俗名大浪山其地時序溫和  
卉木繁盛牧場寬廣牛羊孳息穀麥堪出糶種葡萄酒極甘迤  
北半係沙漠每風起雲合黑氣迷漫產獅象虎兕鹿鹿河馬河馬有角

可作又產長頸鹿與駝鳥長頸鹿頸長於身駝鳥似鬪雞而高大  
印度天方一帶皆有土人短身黑面穴地而居得野獸則生食其  
之非獨產此地也

內前明時葡萄牙泛舟東來始識其地後荷蘭踵至營立埔頭徒  
國人而耕之捕土人為奴歐羅巴諸國商舶東來必寄泊於此流  
寓皆荷蘭人半以牧畜為業內地沿溪傍河亦有聚落而沙磧圍  
繞往來甚遠駕犢車行沙中往往中道渴死故地界迴環數千里  
而戶口不繁嘉慶十年英吉利以兵船奪取其地在海濱別開埔  
頭

按阿非利加南土之岬番謂山之盡為歐羅巴東來必由之  
路其地形銳入大南海海水至此而迴薄風濤猛烈異常舟楫

瀛環志畧

卷八

阿非利加

三

易於損壞不得不謀修葺之所又長途水米或缺必須接濟荷  
蘭之墾闢此土蓋有所不得已焉從前大西洋商舶東來至岬  
朴必收帆寄棹故物產雖微而獨為東道之逆旅英吉利之奪  
取惡荷蘭之獨當衝要耳近年歐羅巴諸國海道愈熟行駛迅  
甚至岬朴揚帆徑過收泊者十無二三則亦無關重輕矣其土  
惟極南濱海之處稍沃可以耕牧迤北則平沙沒胷固亦不足  
食也

阿非利加羣島

馬蘇阿島在紅海中附近北土之阿北西尼亞土耳其所屬烟戶  
無多而泊舟穩便貿易頗盛



幾羅阿島。蒙非亞島。桑西巴爾島。奔巴島。索哥德拉島。在紅海之外。印度海中。廣長二三百里不等。皆阿刺伯所屬。產香料象膽硃砂。

馬達加斯加爾大島。一作馬大狎甲。又作墨勒阿。在印度海東南。方與東土之莫三鼻給相近。長約二千八九百里。廣約七八百里。

有高山綿亘如脊。萬笏紛排。瀑布飛流數百仞。峯之最高者。北曰維加哥拉。南曰昂巴的美內。山東西平原坦闊。溪澗交縈。田土肥沃。穀果豐碩。清勝為阿非一土之最。惟地氣炎熱。海濱沙澤。居半瘴癘。觸人異國。人不能耐。居民皆黑番。從回教。自古別為一國。無所羈屬。佛郎西嘗謀取其地。屢圖之而未得也。地分數十部。不相

通。環志畧 卷八 阿非利加 五

統攝其大者曰疴瓦斯。曰塞哥拉。曰安達瓦爾斯。曰卑定薩。拉曰卑達尼美內。曰安達美西。餘冗雜。名不盡著。土產絲麻蜜蠟。竹蘇木。甘蔗。樹膠。青黛。烟葉。白胡椒。沙穀米。山中銀銅鐵錫黑鉛。水銀各礦皆備。寶石水晶亦所在多有。土番不解搜採。惟知攻鐵而已。

毛里西亞島。一作冒勒突。又作妙哩士。在馬達加斯加爾之東。迴環約五百里。氣候炎熱。尚可居棲。地為英吉利所辟。駐有大酋。附近小島四十餘。皆屬焉。土產白糖。

不爾奔島。一作補耳本。在毛里西亞之東。長一百八十里。廣一百三十里。居民九萬餘。佛郎西所辟。田土膏腴。地氣平善。內有火山。晝夜

吐酸不息。土產穀果。加非白糖。棉花。烟葉。丁香。桂皮。材木。又產黑金珊瑚。沿海無港澳。商船停泊。往往遭風損壞。然佛國商船。每歲往來。不肯棄也。

三達厄勒那島。在大西洋海中。與南土之星卑巴西亞相近。長四十五里。廣二十五里。英吉利所辟。駐以大酋。附近各島皆屬焉。地氣溫平。可居。嘉慶年間。佛郎西廢王拿破命為英吉利所禽。流於此島。道光三年病死。

桑多美島。周迴四百里。北林西卑島。長八十里。廣六十里。二島在大西洋海幾內亞海灣之中。葡萄牙所辟。舊多深林。密箐。葡人焚以烈火。墾其地。種葡萄。釀酒甚佳。每歲出運。價值三十萬圓。

環志畧 卷八 阿非利加 五

北農的威勒斯島。亞慮塞馬斯島。美黎辣是島。總名綠山頭羣島。在塞內岡比亞之西。地多枯瘠。不毛。海濱產鹽。居民賴以為生。又有加拿列斯羣島。共二十餘島。在摩洛哥之西。地氣濕熱。產酒果糖蜜。黍麥。豆。薯。絲。以上各島。皆西班牙所辟。加拿列羣島中。有大山曰德內黎。非高一百二十丈。商船往來。望為標準。又蘭塞羅德島。有火山。時吐烟酸。

修達島。在地中海直布羅陀口門之內。附近摩洛哥。建有堅城。亦西班牙所屬。

阿非利加一土。以八卦方向視之。正當坤位。其氣重濁。其人類。頽愚。故剖判已歷千萬年。而淳悶如上。古風氣不能自開。歐羅

巴



巴諸國好尋新地。帆檣周於四海。獨於亞非利加一土。僅創一  
 廛於海濱。而不能深入腹地。一洗山川之昏濁。蓋有故焉。亞非  
 利加一土。中間正當赤道。其南北亦去赤道不遠。炎歊既甚。瘴  
 癘尤多。非生長其地者。始不能堪。異土之人。艱於托足。其北土  
 與亞細亞接連。東西兩內海。紅海地處處可以泊船。故地雖沙  
 磧。而東方夷族。早已擇土而居。其東西南三面。塊然平直。土與  
 海齊。無凹凸灣環之勢。故無深灣。凡舟行大洋中。無深穩之港。  
 灣不能寄旋。故諸國海船。時時經過。而無由隨處登攀。其地之  
 不能開拓。實由於此。若從北方旱路。往則平沙數千里。較之涉  
 海尤艱。南方瘴癘。由昏蒙之未開。未必地氣之獨劣。烈山澤而

瀛環志畧

卷八

阿非利加

天


驅毒物。誅草萊。而播嘉穀。穢墟且變為腴壤。而惜乎番族之無  
 此智能也。土番形貌黑醜。蠢如豕鹿。以畧賣人口為俗。強半為  
 諸國之奴。亦可憫矣。然其人愿而馴。豢之終身。無逃叛者。其又  
 得坤土之柔順者歟。

# 南北亞墨利加總圖



瀛環志畧

卷九

南北亞墨利加總圖









亞墨利加

亞墨利加一作亞墨理一土與三土不相連。地分南北兩土。北土形如飛魚。南北似人股之著。肥禪中有細腰相連。北距北冰海。南近南水海。計長二萬八千餘里。東距大西洋海。與歐羅巴阿非利加兩土相望。水程約萬里。西距大洋海。直抵亞細亞之東境。無別土。極西北之一隅。與亞細亞之極東北隅。隔一海港。以地球大勢言之。三土在東亞墨利加。在西三土在地球之面。亞墨利加在地球之背也。

亞墨利加別一區。字自剖判以來。未通別土。其人五官肢體。近似中國。而面色紫赤。如紅銅。如櫻色。剪髮留數寸許。歸於頂而總束。

瀛環志畧

卷九

亞墨利加

三

之。蒙茸如散花。北亞墨利加之極北境。終年寒凍。捕魚而食。稍南以獵獸為生。衣其皮。畧如漠北蒙古之俗。再南皆野番散處。再南自墨西哥至南亞墨利加之可倫比亞。祕魯玻利非亞。智利諸部。古時即分國土。有城邑。前明宏治年間。西班牙之臣有可倫者。一作閣龍。又作個倫。又作哥倫波。駕巨艦西尋新地。始抵加勒海灣羣島。知有亞墨利加。廣土先取可倫比亞。正德十四年。西班牙人哥爾德斯探聞墨西哥富饒。率兵攻之。奪其國。再拓而南。南亞墨利加。西偏各國。以次蠶食。西班牙人漸流布。雜居開山掘銀礦。以此驟富。其時葡萄牙有海船遭風飄至南亞墨利加之巴西。見其土地空闊。徙國人墾種之。佛郎西英吉利聞之。亦駕巨艦西尋。至北亞墨利加。佛

據其南北。英據其中。荷蘭。噶國。瑞國之人。亦接踵西來。各事墾闢。

後佛與諸國所得之土。多為英所并。阡陌雲連。城邑相望。尤為富盛。自是亞墨利加兩土。西班牙。葡萄牙。得其南。英吉利得其北。倚為外府者數百年矣。乾隆中。米利堅。畔英吉利。英人不能收復。腴壤盡失。僅餘北境荒寒之土。嘉慶年間。西班牙王為佛郎西王。拿破命所廢。國大亂。墨西哥以南諸部皆畔。葡萄牙王為拿破命所逼。逃至巴西。雷子王其地。巴西人逐去之。此時南北亞墨利加。僅英人尚據北地。片土餘皆擁地自擅。不受歐羅巴約束矣。

北亞墨利加之西北境。有高山綿亘。曰落機。自西北而東南。偏有山曰押罷拉。既倦。由東北而西南。餘多平土。有大河曰密士失。

瀛環志畧

卷九

亞墨利加

四

必發源西北。由東南入海。浩瀚如中國之黃河。此外有馬更些。桑羅。梭索。德拉。瓦。勒。波。多。馬。哥。北。河。諸水。縈迴穿貫於平壤之中。故迴環萬餘里。土多膏腴。南亞墨利加之西境。有大山曰安達斯。綿亘如脊。由北而南。長一萬七千里。其山出銀礦。號為金穴。多火峯。山之東。平原廣坦。有大河曰亞馬孫。大如中國之長江。曰荷勒諾。哥。曰多干定。曰桑方濟。各曰馬達勒。那。曰銀河。皆南土名水。其居民分四種。曰土人。面紫色。即亞墨利加土著。曰白人。皆歐羅巴各國流寓。曰黑人。皆從阿非利加買來之奴。曰雜人。內分三種。或土母白父。或黑母白父。或黑母土父。三種人。氣色各不同。其土人亦種族各別。風俗語音殊異。其地舊無牛馬羊豕犬貓。西班牙人初



到時騎馬登岸。岸上人望見以為馬與人。一也。皆惶駭奔避。今則蹄角遍野。五穀舊惟黍稷。今則各種皆備。甘蔗葡萄橙柑。加非胡椒芋薯之類。皆從歐羅巴移種。亦俱繁碩。煙葉棉花尤為大利。近又興蠶桑之法。木多松柏橡栗榆椴槐楊。藥材顏料香料極多。五金之外。兼產鑽石寶石水銀煤與鹽。隨處有之。北亞墨利加之北境。寒凍不毛。與亞細亞之北境同。迤南漸溫。米利堅各部在北黃道之北。與中國節候相倣。再南至可倫比亞一帶。正當赤道之下。炎熱殊甚。然不似阿非利加之酷烈。且無瘴氣。故流寓者無天。關迤南漸平。再南至巴他拿。寒冽如北亞墨利加之北境。至極南之鐵耳聶離依休勾。已近南黑道。則冰雪常封。

瀛環志畧 卷九 亞墨利加 五

無人畜矣。乃知南北極之皆為冰海。其說信而有徵也。

北亞墨利加水疆

北亞墨利加之極北境。環北冰海如玦。地當黑道之下。陰凝特甚。夏亦見雪。未秋先凍。湖海皆冰。差我如銀山。萬壘至臘。兩月不曜。星不隱。人畜皆蟄。伏五六兩月。長晝不夜。海水皆圻。浮洋面如邱陵。船觸之立。即盡粉。其海產鯨魚。歐羅巴諸國有釣船百餘隻。英吉利荷蘭為多。其船冬月停結水中。至夏冰釋。乃往來海面。得鯨魚油。與骨皆獲。重價得。海犬海馬。則食其肉。而取其油。釣鯨最險。或觸冰碎舟。或巨鯨吞餌。牽舟沒重淵。然利之所在。不遑恤也。土人甚稀。捕魚鼈為糧。衣海犬之皮。穴地而居。冬時晝夜燃魚油為燭。肢體甚短。黑醜。粗具人形。其地分三域。曰北德溫。曰北日爾。

瀛環志畧 卷九 北亞墨利加水疆 六

日亞。曰巴非英。巴利。極西北之一隅。名監札加。一作甘查甲與亞細亞之極東北隅。僅隔海港五十餘里。我羅斯從彼地跨而有之。獵野獸之皮。以供飯糶。貂鼠海虎為多。其人皆居地窟中。水疆無地界。故未繪圖。



# 北亞墨利加英

# 吉利屬部圖

瀛環志畧


卷九

北亞墨利加英吉利屬部圖

七



瀛環志略 卷九



瀛環志畧

卷九

北亞墨利加英吉利屬部圖

八

一七九



北亞墨利加英吉利屬部

北亞墨利加一土自米利堅以北本皆佛郎西所墾關英吉利既得米利堅之地以兵力爭其北土與佛交戰八年佛棄其地英人括而有之乾隆末年華盛頓據地起兵米利堅諸部盡為頓所割惟北土用佛例稅額甚輕其民未畔故仍為英轄北至冰疆南界米利堅東距大西洋海西距大洋海其地大半平坦溪河錯雜河之最長者曰桑羅梭索又有伊爾釐休命等大湖地氣嚴寒畧如中國之塞北西偏林木膠鬲毛蟲所宅英人窮險極幽獵野獸而取其皮貂鼠駱鼠洋灰鼠海龍海駝之類皆有之或失路困冰雪中凍餓死又以火酒氈絨與土人而易其皮土人得酒輒沈醉往

瀛環志畧

卷九

北亞墨利加英吉利屬部

九

往腐腸而斃所得之皮由義羅斯轉鬻中國大利尤在林木英人結隊入林伐木而投之河順流達於海港或在海濱造船或販往英國新著島一帶海面多魚夏季尤旺諸國漁船蟻集捕魚鮓之販往天主教各國天主教各國齋戒食鮓魚計每年五穀木料皮張鮓魚各項價值銀數百萬兩居民約一百二十餘萬英吉利三島之民年年有西渡謀食者地分六部曰上加拿他曰下加拿他曰新不倫瑞克曰新蘇格蘭曰散約翰島曰新著大島六部總名新北勒達尼亞附近小島皆屬焉駐有大酋總理六部之事五穀皮張木料之外兼產銅鐵鉛煤水銀煙葉其西北荒地遼邈無垠尚未墾關上加拿他在桑羅梭索河之上游伊爾釐兩湖之北長約千餘里

溪湖之水匯集其流湍急小洲星列瀑布一落九十丈英國無業貧民來此墾種荒地勤者往往致富惰者或困餓死其會城曰給卑克

下加拿他在上加拿他之東長約千里居民大半佛郎西人尚天主教謀生不勤故恆產無多又不服英官時時搗竿英人以兵力靖之士女面紫色而眉目端好不解沐浴英人惡其不潔故娶之者少會城曰多倫多

新不倫瑞克

一作新本土威

在下加拿他東境之南南北約八百里東西

約六百里東臨大海南北臨內港港極深海船駛入無沙淺土田最腴而居民務農者少皆結隊入林伐木春水生木料順流達海

瀛環志畧

卷九

北亞墨利加英吉利屬部

十

港貨之得善價沽酒為樂日在醉鄉金盡歸山林理故業大城邑皆在水濱會城曰弗勒德里克係大埔頭英國商船往來販買木料三島無業貧民每年遷來者約六千人然地仍空闊再數百年亦不患人滿也


新蘇格蘭在新不倫瑞克之南三面懸海僅一隅與新不倫瑞克相連東西約一千里南北約三百五十里天氣嚴寒自十月至三月積雪不消產銅鐵煤海中多魚居民勤苦治生最為安分會城曰哈勒法係大埔頭海濱大港尙多因戶口不繁城邑未建故商船乏停泊者

散約翰島在新蘇格蘭之東北長約三百里廣約百里老兵移駐









北亞墨利加米利堅合眾國

米利堅。米一作彌。即亞墨利加之轉音。或作美利哥。一稱亞墨利。駕合眾國。又稱兼攝邦國。又稱聯邦國。西語名奈有士迭。

亞墨利加大國也。因其船掛花旗。故粵東呼為花旗國。其旗方幅。右角另一小方黑色。北界英土。南界墨西哥。得撒東距大西洋海。上以白點繪北斗形。北界英土。南界墨西哥。得撒東距大西洋海。

西距大洋海。東西約萬里。南北闊處五六千里。狹處三四千里。押。罷拉既俺大山環其東。落機大山繞其西。中間數千里。大勢砥平。

江河以密士失必為綱領。來源甚遠。曲折萬餘里。會密蘇爾釐大。河南流入海。此外名水曰哥隆比亞。曰阿巴拉濟哥刺。曰麼比勒。

曰德拉瓦勒。北境迤西有大湖。分四汊。曰衣羅乖。一作翁。曰休倫。一作。曰蘇必力爾。曰密執安。迤東又有兩湖相屬。曰伊爾釐。一作。

瀛環志畧 卷九 北亞墨利加米利堅合眾國

日安剔衣釐阿。諸湖為分界之地。北為英土。南則米利堅地也。初。

英吉利探得北亞墨利加之地。驅逐土番。據其膏腴之土。徙三島。

之人實其地。英人趨之如水赴壑。佛郎西荷蘭噠國。瑞國無業之。

民亦航海歸之。日漸墾闢。遂成沃壤。英以大臣居守。沿海遍置城。

邑。榷稅以益國用。貿易日益繁盛。以此驟致富強。乾隆中英與佛。

郎西構兵。連年不解。百方括餉。稅額倍加。舊例茶葉賣者納稅。英。

人下令買者亦納稅。米利堅人不能堪。乾隆四十年。紳耆聚公局。

欲與居守大酋酌議。酋遂議者。督征愈急。眾皆怒。投船中茶葉於。

海。謀舉兵拒英。有華盛頓者。一作兀與騰。米利堅別部人。生於雍。

正九年。十歲喪父母。教成之。少有大志。兼資文武。雄烈過人。嘗為。

...



英吉利武職時方與佛郎西構兵土蠻寇鈔南境頓率兵禦之所向克捷英帥沒其功不錄鄉人欲推頓為酋長頓謝病歸杜門不出至是眾既畔英強推頓為帥時事起倉卒軍械火藥糧草皆無頓以義氣激厲之部署既定薄其大城時英將屯水師於城外忽大風起船悉吹散頓乘勢攻之取其城後英師大集轉戰而前頓軍敗眾恇怯欲散去頓意氣自如收合成軍再戰而克由是血戰八年屢蹶屢奮頓志氣不衰而英師老矣佛郎西舉傾國之師渡海與頓夾攻英軍西班牙荷蘭亦勒兵勸和英不能支乃與頓盟畫界址為隣國其北境荒寒之士仍屬英人南界膏腴之士悉以歸頓時乾隆四十七年也頓既定國謝兵柄欲歸田眾不肯捨堅

瀛環志畧

卷九

北亞利米聖島

五

推立為國主頓乃與眾議曰得國而傳子孫是私也牧民之任宜擇有德者為之仍各部之舊分建為國每國正統領一副統領佐之副統領有一員者有數員者以四年為任滿亦有一年二年集部眾議之眾皆曰賢則再留四年八年之後不准再留否則推其副者為正副或不協人望則別行推擇鄉邑之長各以所推書姓名投匭中畢則啟匭視所推獨多者立之或官吏或庶民不拘資格退位之統領依然與齊民齒無所異也各國正統領之中又推一總統領專主會盟戰伐之事各國皆聽命其推擇之法與推擇各國統領同亦以四年為任滿再任則八年自華盛頓至今頓以嘉慶三年病卒開國六十餘年總統領凡九人今在位之總統領勿爾吉尼阿國所推也初華盛頓既

與英人平銷兵罷戰專務農商下令曰自今以往各統領有貪圖別國埔頭賤削民膏與兵構怨者眾共誅之留戰艦二十額兵萬人而已然疆土恢闊儲侍豐饒各部同心號令齊一故諸大國與之輯睦無敢凌侮之者自與英人定盟至今已六十餘年無兵革之事其商船每歲來粵東數亞於英吉利按華盛頓異人也起事勇於勝廣割據雄於曹劉既已提三尺劍開疆萬里乃不僭位號不傳子孫而創為推舉之法幾於天下為公駸駸乎三代之遺意其治國崇讓善俗不尚武功亦迥與諸國異余嘗見其畫像氣貌雄毅絕倫嗚呼可不謂人傑矣哉

瀛環志畧

卷九

北亞利米聖島

六

米利堅全土東距大西洋海西距大洋海合眾國皆在東境華盛頓初建國時止十餘國後附近諸國陸續歸附又有分析者共成二十六國西境未闢之地皆土番凡闢新土先以獵夫殺其熊鹿野牛無業之民任其開墾荒地生聚至四萬人則建立城邑稱為一部附於眾國之後今眾國之外已益三部總統領所居華盛頓都城不在諸國諸部數內計國二十六部三其丁口至道光二十一年計一千七百一十六萬九千餘

哥倫米阿一作七攔彌阿又作力士勒果勒彌阿在馬理蘭內港西汶之尾勿爾吉尼阿之西北地跨兩國周四十里合眾國之都城也初華盛頓既勝英居於哥倫米阿定為總統領治所合眾國之神者皆會集於



此議國政。城為華盛頓所建。乃合眾國創業之祖。故即名其城曰華盛頓。有總統領府。議事堂。文武衙署。迤西別一城曰查治。當有書院鑄炮局。對岸別一城曰阿力山特。釐阿有鑄炮局育嬰館。三城貿易極盛。居民四萬三千。米利堅各國皆無城都會聚落。即謂之城其實并無垣堞也。緬國一作洛又作賣內在合眾國極東北隅。與英吉利屬部接壤。西界紐罕什爾南界海。幅員如中國之浙江省。山水環匝。林木叢茂。北境極寒。冬月雪深數尺。堅冰可勝車馬。南境夏令頗熱。明天啟六年。英吉利有數人。始至基尼河畔。創立一鄉。後漸繁衍。與麻沙朱色士合。嘉慶二十五年。歸合眾國。道光元年。別立為緬國。地產五穀。棉花紙熟皮蠟燭鐵。以材木為最多。船料皆取辦於此。每歲出口

瀛環志畧 卷九 七

貨價約八百餘萬。合眾國貿易。緬居十之三。以奧古士大為會城。有大書院二所。正統領一人。副七人。巡察官十二人。贊議官數十人。居民五十萬餘。所務惟農漁商。無鉅富。無極貧。  
紐罕什爾國 一作紐韓詩爾又作紐合社又作新韓賽又作新杭西勒紐即譯言新也在緬國之西北。界英土西界注滿的。南界麻沙朱色士。幅員如緬三之一。境內峯巒疊嶂。最高者曰白山。積雪不消。終歲皓然。有尼比西阿尼湖。周數十里。風景幽絕。土氣清和。其人多壽。明天啟三年。英人麻臣俄尼士始墾此土。旋與麻沙朱色士合。乾隆六年。別立為紐罕什爾部。後歸於合眾國。地產大木。有高二十丈者。又產洋參冰糖銅鐵鉛。會城曰公哥突。有大書院。官制與緬畧同。員數差少。居民二十

八萬零。東南隅有波子某城。港口深穩。合眾國兵船皆泊於此。  
注滿的國 一作屋滿的一作注門又作華滿又作法爾滿又作委爾蒙在紐罕什爾之西北。界英土西界紐約爾。南界麻沙朱色士。幅員與紐罕什爾相埒。境內有曼士非爾大山。高四百餘丈。山多杉木。冬夏皆青。故名其地曰注滿。譯言綠山也。又有大湖曰占勃連。萬曆元年。佛郎西人由加拿他轉徙至此。雍正二年。英吉利人由麻沙朱色士漸拓其地。乾隆年間。別立為一部。乾隆五十六年。歸合眾國。產布疋綿紗粗呢。牲畜兼產鉛銅鐵錫。而鐵尤王。又產皂礬極多。會城曰滿比釐阿。有書院。官制與紐罕什爾同。居民二十九萬零。  
麻沙朱色士國 一作馬薩諸色士又作馬沙朱碩斯又作馬沙諸些又作馬撒主悉又作馬薩諸塞在紐罕

瀛環志畧 卷九 六

什爾注滿的之南。西界紐約爾。南界干捏底吉洛哀倫。東距大西洋海。幅員與注滿的相埒。近海地勢稍平。迤西山嶺重疊。干捏底吉河由北發源。橫貫國中。氣候溫和。似中國之江北。明正德年間。英吉利向天主教國人。尚耶蘇教者。航海逃至此地。名曰新英吉。利開墾生聚。戶口漸繁。康熙三十一年。復歸英轄。乾隆年間。歸合眾國。土產鉛錫白礬煤炭。大呢布疋魚油。會城在東界曰摩士敦。為合眾國大都。會城內萬室雲連。市廛盤匝。百貨闐溢。仍畱隙地。相問隙地。每方百畝。圍以欄干。外環樹木。為居人遊憩之地。牛馬不容踐踏。故地氣疏通。人少疾疫。有大書院六所。藏書樓數處。一樓藏書二萬五千冊。官吏士子。皆許就讀。惟不准攜歸。城外近臨



海港在合衆國埔頭爲第二其商船火輪船無所不到陸地有鐵路馬車與火輪車並用火輪車行甚速每日可三四百里設正統領一副二居民八十三萬零

洛哀倫國一作律愛倫又作爾羅愛倫在麻沙朱色士之南西界

干捏底吉東南距大西洋海幅員如中國之一中縣在合衆國爲

最小明崇禎九年麻沙朱色士人羅查威廉謫居於此鳩衆開墾

遂成小部康熙二年歸英吉利後歸合衆國土產鐵煤會城曰波

羅威士頓城外有海港曰新灣港內有小島其國以此島爲名哀

倫譯言島洛哀倫譯言島部也島上建樓高十餘丈樓頂作小屋

圍以玻璃每夜燃燈數十以導海船避礁石合衆國港口皆效之

瀛環志畧 卷九 北亞利架列島

戶口不繁而貿易工作與麻沙朱色士相埒棉花尤良地平坦無

水磨海濱多建樓高六七丈借風激輪爲磨以屑穀麥設正副統

領各一居民十萬八千零南懷仁字內七大宏工記有樂德島銅

脚海船出其儲間銅人內有旋梯人由旋梯至其右手燃燈以引

海船卽此島也建樓燃燈事本尋常乃懷仁造爲銅人之誕說而

云三十餘丈不知此銅人何由而鑄

亦何由而立也亦可謂荒唐之極矣

干捏底吉國一作干尼底吉又作哥內的古在洛哀倫之西北界

麻沙朱色士西界紐約爾南距海港幅員三倍洛哀倫有大河曰

干捏底吉發源緬國由此入海故以水名爲國名土壤中平沿河

腴沃氣候溫和近年已興蠶桑之利明崇禎六年麻沙朱色士人

始墾其地曰赤活後有英吉利人墾出港口之地曰紐約敦康熙

元年合爲干捏底吉部歸英轄嘉慶二十三年歸合衆國土產牛

馬騾羊銅鐵棉麻布疋大小呢紙鐵器又造木時辰鐘每歲得三

萬件會城有二一曰哈得富耳在河濱有大書院一曰紐約敦

在海口有大書院四其學館爲二十六國之最又有別院教啞與

聾者以手指代語言諸國皆效之設正副統領各一居民三十萬

九百零

紐約爾國一作紐約克又作紐育米利堅大國也東界注滿的麻

沙朱色士干捏底吉東南一隅臨海港南界紐折爾西賓久爾勒

尼安西北距安別衣釐阿伊爾釐兩湖東北界英土地形三角幅

員如中國之福建省東境多山大者曰押罷拉既俺餘多平土有

瀛環志畧 卷九 北亞利架列島

大河曰活得遜由北而南長千餘里闊三四里洋船溯流而上可

數百里迤北甚寒水堅可任車馬中間有湖曰齋治其地富庶繁

華爲二十六國之最前明中葉荷蘭人尋新地初辟此土名曰新

荷蘭嘉靖年間意大利大里游民慮至爲荷蘭備萬歷間英吉利人亦

至其地經營開墾日益富盛順治年間英吉利王命其昆弟名約

者主之以兵力逐荷蘭盡有其地名曰紐約爾乾隆四十年華盛

頓舉兵畔英紐約爾首附之英人惜其殷富屢以大兵攻取故被

兵爲最甚會城亦名紐約爾外通海港爲合衆國第一埔頭產銅

鐵鉛鹽牛馬羊豕棉布嗶嘰熟皮白紙玻璃每歲貨船入港者一

千五百艘運入之貨值三千八百萬圓運出之貨值二千三百萬



圓內地通衢多用鐵汁冶成以利火輪車之行有大市鎮二曰阿爾巴尼日推來通國書院學館甚多其費歲一二百萬圓有演武館教習鎗炮軍械官制畧同緬國員數較多居民二百四十二萬八千居會城者二十七萬

紐折爾西國一作紐約爾些又作紐惹西北界紐約爾西界賓夕

爾勒尼安南界特爾拉華東面大西洋海幅員與麻沙朱色士相

倣北境有大山平原多衍沃有巴沙益河受諸水匯為深潭澄浚

涵演怡人遊眺明天啟四年噠國人初寓其地後有瑞典人墾其

南隅荷蘭人墾其東北康熙四十一年始歸英吉利後歸合眾國

產鐵鉛布疋會城曰特連頓設正副統領居民三十八萬零

瀛環志畧

卷九

北亞利刺卷九

三

賓夕爾勒尼安國一作邊西爾威尼阿又作賓西注尼阿又在紐

折爾西之西北界紐約爾西北隅連伊爾釐湖西界倭海阿南界

勿爾吉尼阿馬理蘭特爾拉華幅員與紐約爾相埒境內有押罷

拉既俺大山有濕布下蘇貴哈那等河地氣寒暑適均土壤東勝

於西初開其地者為瑞典人康熙二十一年英吉利將領威廉賓

據之又買土番曠土拓為大部故以姓名其地曰賓夕爾勒尼安

譯言賓之林野也乾隆年間歸合眾國土產煤鐵鹽呢布苧麻磁

器玻璃會城曰非勒特爾非爾一作費拉地費在東南隅建於特

爾拉華河口街直如矢萬厦整潔外通海港洋船可直抵城下為

合眾國第三埔頭每歲運入之貨值一千一百餘萬圓境內有鐵

路可達鄰封火輪車船之煙櫃多造於此官制與紐約爾畧同居民一百八十二萬零

特爾拉華國一作底拉華又作地那注又在賓夕爾勒尼安之東

南西南界馬理蘭東面臨海懸為特爾拉華河下游故以水名為

國名幅員與洛哀倫相倣在二十六國中為最小地亦瑞典人所

開荷蘭奪之康熙三年歸英吉利初附於賓夕爾勒尼安後析為

小部道光十年始歸合眾國土田卑濕貿易無多會城曰多發設

統領一居民八萬八千零

馬理蘭國一作馬里蘭又作馬東界特爾拉華北界賓夕爾勒尼

安西南界勿爾吉尼阿中貫遮士畢海港分境土為兩畔幅員與

瀛環志畧

卷九

北亞利刺卷九

三

紐折爾西相埒西北有峻嶺餘多平土五穀百果皆宜明嘉靖間

英吉利有律官曰麻爾底磨率二百人來墾此土父子相繼至崇

禎六年告成其初開時值英吉利女王馬理在位故名之曰馬理

蘭馬理譯言王后蘭譯言地也後歸合眾國產呢布鐵器牙器玻

璃紙料會城曰阿那波里有書院官制與諸國同居民四十八萬

華盛頓都城在國之西南界

勿爾吉尼阿國一作費爾治尼阿又作委爾濟尼阿又在馬理

蘭之西南西北界賓夕爾勒尼安倭海阿西界阡的伊西南界田

納西南界北喀爾勒那東距海港幅員之廣為二十六國之最境

內多山最大者曰波威爾士河渠交絡最長者曰波多墨有天生



石橋離水二十丈闊數丈。又有石洞深一里許。內有生成數石。人名曰龍洞。土壤中平沿河者較腴沃。明中葉英吉利王占士時是顯理。英人初墾此土。因名其地曰占士。後於萬曆初告成。值女第幾。主以利撒畢在位。更名曰勿爾吉尼阿。譯言貞女。用以讚揚女主也。乾隆四十一年。歸合眾國。產五穀果實。貿易繁盛。會城在東界海濱。日里是滿有大書院。官制畧同諸大國。居民一百二十三萬。零合眾國聰明英傑之士多萃於此。

北喀爾勒那國。一作那弗喀爾勒那。那弗譯言北也。又作北格羅羅連。又作北加洛森。在勿爾吉尼阿之南。西界田納西南。南界南喀爾勒那。東距海。幅員與勿爾吉尼阿相埒。境內西北多山。以墨魯山為最高。

瀛環志畧

卷九

北瀛洲新著畧

三

東南皆平土。河道紛歧。最長者曰羅阿萊。東界有瘴氣。迤西平善。初英吉利律官格拉領頓。與依爾賴蘭威爾里等來墾此土。因以國王之名名之曰查爾士頓。未詳是查。後又有臘里者亦來墾。兩土毘連。告成之後。總名曰喀爾勒那。雍正七年。分為南北兩部。北部乃臘里所墾也。乾隆五十五年。歸合眾國。地產金。開鑛淘沙者常二萬餘人。木多松。以松脂代燭。穀以粟米為主。小麥次之。產棉花。煙葉。會城曰喇里。設正統領一。參辦七人。僚佐數十。居民八十八萬三千零。耕作買阿非黑奴為之。俗侈靡好宴飲。

南喀爾勒那國。一作搜士喀爾勒那。搜士譯言南也。餘與北國同。在北喀爾勒那之南。西南界若耳治。東南距海。幅員如北喀爾勒那。三之二。境內墨魯山。

高四百餘丈。餘皆部曠。有此底大河。由西北而貫東南。海濱炎熱。有瘴氣。迤西適中。初與北喀爾勒那為一部。後分兩部。與北部同時歸合眾國。土宜粟稻。木多松。橙。產棉花。苧麻。金鐵。有鐵路通鄰。封會城曰個倫比亞。有大書院。二官制同北部。惟北部無副統領。南部有之。居民五十五萬三千零。

若耳治國。一作若爾熱。又作若治阿。又作熱爾治阿。在南喀爾勒那之西北。界北喀爾勒那。田納西。西界阿拉巴。南界佛勒爾勒。釐幅員如中國之直隸省。押罷拉既。掩大山。在北境。東北有卸番亞河。又有阿結治。亞拉達。麻哈等河。皆注南洋。北界有石洞。高數丈。小河從此流出。駕小舟入洞。可十五里。過此瀑布。飛下不能進。

瀛環志畧

卷九

北瀛洲新著畧

三

矣。雍正十年。始有英吉利百餘人居此。立城於卸番亞河。畔無業貧民。競負耒耜。後荷蘭瑞典之人亦來墾。荒地漸成聚落。時南境之佛勒爾勒。釐為西班牙所據。以兵爭此土。數年乃定。乾隆十八年。英吉利始建為一部。時英王為若耳治。第二。遂名之曰若耳治。嘉慶三年。歸合眾國。地氣土俗。物產與南喀爾勒那同。以棉花為大利。會城曰摩理治。有大書院。官制與諸部畧同。居民六十五萬一千零。

倭海阿國。一作阿海阿。又作阿希阿。在賓久爾勒尼安之西北。距伊爾釐湖。西北界密執安。西界英釐安納。南界汗的伊。勿爾吉尼阿。幅員與賓久爾勒尼安相埒。地多岡阜。無大山。河渠交絡。土壤。



膏腴乾隆三十五年歐羅巴人從西北方來密執安始開荒地嘉慶五年告成英人始設官七年即歸合眾國產鐵煤鹽粟稻煙葉苧麻棉花玻璃有河道可達港口有鐵路通隣封會城曰戈攬模士設官如諸國居民一百五十六萬零

密執安國一作米詩干又作彌治類又作迷詩安東北距休倫湖東南距伊爾釐湖西距密執安湖南界倭海阿英釐安納幅員畧遜於倭海阿三面

包湖沙土疏行隨處可畊康熙三十九年佛郎西人始墾其地乾隆二十八年為英吉利所奪道光十五年始歸合眾國物產未詳有鐵路通隣封會城曰底特律設官如諸國居民二十一萬二千

零瀛環志畧 卷九 北亞細亞列國圖 五

阿的伊國一作建德基又作建大基又作根特機又作根都機在勿爾吉尼阿之西北界倭海阿英釐安納西界奕倫諾爾南界田納西福員如中國之浙江

省地居二十六國之中寒暑均平河道縱橫貫貫田土膏腴五穀百果不可勝食東境連押罷拉既俺大山有風穴上半年風從外

入下半年風從內出嘗有土人於上半年用密掩穴口秉炬而入行五十里不能盡懼而返次日乃出穴竟莫知其淺深其地舊屬

勿爾吉尼阿乾隆三十三年有單耶利蓬者徙居於此至三十八年來者漸眾立一邑曰暇律士四十四年別立為一部四十六年

歸合眾國土產禾麻菽麥煙葉麥之多甲於諸國兼產鐵鉛煤水道不通海貨難出運惟用火輪船貿遷於本國會城曰法蘭富耳

有大學堂官制畧同諸國員數頗多居民七十八萬九千零別有大市鎮二曰累士曰歷星頓兵最強推為諸國勁旅

佛勒爾釐釐部一作佛囉理得又作佛羅里達又作佛羅里他合眾國之極東南境地形如拇指斜伸入海北界若耳治阿拉巴麻餘皆距海幅員

與密執安相埒地形平坦壤土與沙石相間卑濕殊甚明正德七年西班牙人般士底里晏始墾此土嘉靖四十三年為英吉利所

奪越二十年西班牙復奪回嘉慶年間西班牙與別國交兵有米利堅貨船為西班牙軍所劫米利堅起兵索償西班牙知曲在已

而米船之貨已散失乃以佛勒爾釐釐地償之時嘉慶二十五年也西班牙人皆他徙惟留漁戶農夫近年招集流徙生聚漸繁海

濱土番尚未全服時與居民格鬪產玳瑁蜜蠟棗橙檳無花果甘

蔗棉花洋藍以達那哈為會城止設議事處一所未立統領等官故不列於諸國居民五萬三千零以上一都十八國一部為米利堅東路

田納西國一作典程西又作地尼西又作德內西在阿的伊之南東北界勿爾吉尼

阿東界北喀爾勒那南界若耳治阿拉巴麻密士失必西與阿甘色隔河為界幅員如中國之浙江省東界有峻嶺自北而南綿亘

數百里與押罷拉既俺大山相連節序和平土脈膏腴河渠交貫五穀百果皆宜合阿的伊為米利堅中原如中華之河雒其地初

為勿爾吉尼阿北喀爾勒那人所墾嘉慶元年立為國歸合眾國產鐵器棉布夏布會城曰那實官制同諸國居民八十二萬九千



零工農并力家給人足

阿拉巴麻國一作阿喇巴麻又作巴里特摩在若耳治之西北界

田納西西界密士失必西南隅距海南界佛勒爾勒釐幅員差遜

於若耳治押罷拉既俺山在東北境高百餘丈境內之水以阿拉

巴麻為最大因以為國名南方夏苦熱土人多入山避暑北方稍

見霜雪亦不甚寒近山近海之士多腴沃地曠人稀獸蹄鳥跡交

於野其地舊半屬若耳治半屬佛勒爾勒釐道光元年別立為一

部歸合眾國產金鐵稻穀果實甘蔗烟葉棉花洋藍以棉花為最

盛會城曰磨庇理灣建於海口為南方大埔頭出運棉花麥粉買

易極盛有大書院設正副統領各一議處官數十人居民五十九

瀛環志畧 卷九 聖羅加刺黎黎島 三

萬零經商者多能窮險遠所造快船行駛極速內地鐵路亦四達

密士失必國一作米西細比又作彌斯栖北在阿拉巴麻之西北

界田納西西北隔河界阿甘色西南隔河界魯西安納東南隅距

海幅員與阿拉巴麻相埒密士失必者米利堅大河來源甚遠大

如中國之黃河其河由此土西界入海故以為國名押罷拉既俺

大山至此而盡地氣與阿拉巴麻同有瘴氣夏令人多染疫土田

腴沃推南邦上壤惟西界未立隄防頗受水患康熙五十四年佛

郎西人初至寄居西班牙人續至爭之以為公地乾隆二十七年

英吉利取之嘉慶二年歸合眾國二十二年立為一國舊產煙葉

洋藍近年以棉花為盛會城曰查基遜官制與諸國同居民十三

萬六千八百零密士失必河口外通海港有城曰那吉士又名新

阿爾蘭洋艘所聚為西南大埔頭

魯西安納國一作魯西安納又作雷栖阿那在密士失必之西南

隔河為界北界阿甘色西界得撒南距海幅員如中國之直隸省

西北有小山東南平坦地氣炎熱多疫癘土膏腴有水患地為佛

郎西人所墾乾隆二十八年西班牙奪之嘉慶五年佛郎西復奪

回八年合眾國以番銀千五百萬圓買之二十三年立為一國土

產甘蔗棉花甲於諸國種蔗十五畝得糖五千斤有風櫃彈棉花

一櫃可敵數百人之工會城曰紐哈連官制同諸國居民二十一

萬五千五百零貿易之盛在密士失必河口上游諸國之貨皆萃

瀛環志畧 卷九 北聖羅加刺黎黎島 天

於此內地亦有鐵路

英釐安納國一作引底安納又作因北界密執安西北距密執安

湖西界奕倫諾爾南界阡的伊東界倭海阿幅員與密執安相埒

土壤膏沃山巔亦堪播種樹木尤叢茂康熙三十九年佛郎西人

始開其地乾隆二十八年為英吉利所奪後歸合眾國產煤鹽鐵

粟米苧麻煙葉洋參蜜蠟有鐵路通隣封會城曰英釐安納波里

官制同諸國居民六十七萬五千零

奕倫諾爾國一作伊理奈士又作依在英釐安納之西北界衣阿

華新部西界密蘇爾釐南界田納西幅員與魯西安納相埒地平

坦多茂林豐草宜牧畜初與英釐安納為一部皆佛郎西所墾後



為英吉利所奪。嘉慶十四年。分為奕倫諾爾部。後歸合衆國。土產與英釐安納同。會城曰灣達里阿。居民四十七萬六千零。

阿甘色國。一作阿干薩士。又作阿爾干薩。在魯西安納之北。東距密士失必大河。

與密士失必田納西隔河為界。西界因底阿土番。北界密蘇爾釐。幅員大於魯西安納。西界有阿薩麻薩尼大山。餘皆平土。舊本與密蘇爾釐為一部。皆佛郎西人所墾。嘉慶二十四年。始別為一部。

道光十六年。歸合衆國。土俗物產與魯西安納畧同。會城曰力特爾。洛官制同。諸國居民九萬七千零。

密蘇爾釐國。一作密蘇理。又作彌梭里。又作迷蘇利。在阿甘色之北。東與奕倫諾爾。

隔密士失必河為界。西北界土番。幅員與阿甘色相埒。境內無大

瀛環志畧 卷九 北亞墨利加新舊各洲 三

山多茂林。土宜粟麥稻。有大河曰密蘇爾釐。因以為國名。康熙三

十九年。佛郎西人初墾此土。與阿甘色為一部。嘉慶二十四年。始

分兩部。道光二年。歸合衆國。產白黑鉛砒石煤鐵鹽棉花牛皮。會

城曰渣法甸。官制畧同。諸國居民二十三萬三千零。分兩種。一曰

格臘色。土。即佛郎西人後裔。一曰牙模士。乃佛郎西人與因底阿

土番婚配所生。介乎紫白之間。土番紫色。

威士干遜部。一作威士滾。申達多里。衣阿華部。一作依阿威士。在蘇必力湖之南。密

執安湖之西。奕倫諾爾之北。跨密士失必大河左右。地界遼闊。約

如諸大國之四倍。多岡阜。無大山。土沃易於墾種。本因底阿土番

所居。道光十年。始有密執安白人遷居。漸成聚落。錯雜於土番之

中。皆建炮臺以資保衛。近年人戶漸多。分為兩部。北曰威士干遜。居民三萬零。南曰衣阿華。居民四萬三千零。經營方始。未設統領等官。故不成為國。以上八國二部。為米利堅西路。

合衆國之西。抵大洋海。尚有荒地數千里。北界英吉利屬地。南界墨西哥。中有落機大山。諸大河多從此發源。其土番總稱因底阿。

種類甚多。長大多力。五官停止。似中華。面色紫赤。髮與睛皆黑色。不解耕織。炊汲茹毛。飲血。或啖果菜瓜。以草木為棚。蔽風雨。夏

月。裸上體。腰圍獸皮。冬寒。則上體亦披皮。又有面塗五色。頭插鳥翎。以示武者。業惟漁獵。不知文字。病無方藥。惟求持咒者。叱解之。

其人。明信知敬。老受侮。必報湯火。不辭無錢幣。以樹皮珠石相交。

瀛環志畧 卷九 北亞墨利加新舊各洲 三

易有頭目。以約番衆。方英吉利與米利堅兵爭。欲誘土番擾西邊。

以分米勢。言語不通。土番不為用。而米利堅西鄙之民。多與土番

狎熟。因募為一軍。授以兵械。教成隊伍。土番踴躍用命。屢破英軍。

故合衆國之勝。英土番與有力焉。近年米人日漸西徙。與土番雜

居。教以耕作。風氣漸開。密執安湖之西。已立威士干遜衣阿華兩

部。兩部之西。仍係土番。米人約其地形。分為三部。曰威士頓達多

里。曰威士頓底特力。曰阿里顏達多里。

威士頓達多里。在阿甘色密蘇爾釐之西南。界得撒墨西哥。西抵

落機大山。北界威士頓底特力。地界遼闊。土肥。礮不齊。肥者可耕

可牧。瘠者多不毛。米人以其地與因底阿番。為牧獵之場。又立書



館給工作器具。冀日漸化導之。土番種類甚多。有土著者。有外來者。道光十六年。米人查其戶口。分十九種。曰作。鳥斯。曰格。力士。曰支羅。機士。曰阿些。治士。曰瓜。包士。曰沙。注。尼士。曰干。薩士。曰地。那。注士。曰機。加。布士。曰包。尼士。曰阿。麻。哈。曰阿。多士。曰西。尼。加士。曰委士。曰比。晏。機。搗士。曰比。阿。里。阿士。曰加。士。機。阿士。曰阿。島士。曰波。達。注。彌士。以上各種。俱已解耕牧居廬舍。學商賈。間有通文字者。其餘種類。尙多。榛狂如故。

威。斯頓。底。特。力。在。威。斯頓。達。多。里。之。北。東。界。威。士。干。遜。衣。阿。華。兩。新。部。北。界。英。吉。利。屬。地。西。抵。落。機。大。山。地。界。遼。闊。山。路。崎。嶇。米。人。罕。至。其。地。故。未。得。其。詳。其。種。人。有。曼。丹。士。敏。尼。達。里。士。墨。臘。弗。底。

瀛環志畧

卷九

北亞利加洲卷九

三

頓。士。然。頓。士。西。阿。士。等。名。道。光。十。五。年。嘗。與。米。人。戰。鬪。地。產。山。羊。鹿。皮。

阿。里。顏。達。多。里。又。名。艾。攬。彌。阿。達。多。里。在。落。機。大。山。之。西。北。界。英。吉。利。屬。地。南。界。墨。西。哥。西。距。大。洋。海。即中國之東洋大海又名太平洋地。界。遼。邈。

里。數。未。詳。西。界。近。海。有。山。嶺。數。疊。而。東。境。之。落。機。山。為。大。產。木。料。皮。毛。有。木。曰。擺。樹。高。二。三。十。丈。圍。四。五。丈。亭。直。無。枝。至。杪。始。分。枝。葉。遙。望。如。傘。又。有。一。種。樹。其。脂。如。糖。秋。收。其。子。作。餅。甚。美。土。番。不。解。耕。作。非。漁。即。獵。鑿。木。為。舟。可。載。四。五。十。人。運。獸。皮。至。艾。攬。彌。阿。河。口。易。白。人。壞。炮。鐵。鍋。白。珠。藍。珠。煙。葉。鐵。刀。等。物。其。俗。生。男。女。即。以。物。束。頭。俾。其。頂。鼻。挺。直。并。塗。脂。膩。為。美。觀。間。有。佩。熊。爪。銅。錫。藍。

珠。白。珠。者。交。易。多。以。女。任。人。調。姘。不。以。為。意。又。一。種。番。生。子。即。以。物。壓。頭。欲。其。區。經。年。始。除。去。之。故。亦。稱。匾。頭。人。艾。攬。彌。阿。河。之。北。岸。即。鸞。戈。注。島。土。番。食。海。魚。衣。獸。皮。歐。羅。巴。人。有。彌。里。士。者。曾。至。其。地。見。其。頭。目。之。屋。可。容。八。百。人。有。飲。食。者。有。坐。臥。者。儀。軀。粗。莽。以。人。骨。為。飾。五。官。亦。平。正。惟。以。赤。土。和。黑。沙。塗。面。令。人。望。而。駭。惡。食。惟。魚。亦。有。以。人。為。食。者。故。市。上。有。人。手。足。

按。米。利。堅。二。十。六。國。內。地。各。國。大。小。不。甚。懸。殊。惟。東。北。濱。海。數。國。壤。地。甚。褊。如。紐。罕。什。爾。注。滿。的。麻。沙。朱。色。士。干。捏。底。吉。紐。折。爾。西。馬。理。蘭。已。不。及。諸。大。國。三。分。之。一。而。洛。哀。倫。特。爾。拉。華。二。國。周。迴。皆。不。過。百。餘。里。乃。不。及。諸。大。國。十。分。之。一。此。非。其。分。地。

瀛環志畧

卷九

北亞利加洲卷九

三

之。不。均。也。當。歐。人。之。初。闢。此。土。也。人。戶。先。棲。託。於。海。塢。各。成。聚。落。後。乃。漸。拓。而。西。日。益。墾。闢。其。國。之。三。大。埔。頭。摩士敦紐約爾非勒特爾非爾又。皆。萃。於。東。北。富。商。大。賈。之。所。聚。地。雖。褊。小。氣。象。固。殊。內。地。各。國。皆。資。耕。作。幅。員。易。廣。而。財。力。不。如。海。濱。之。盛。其。勢。然。也。迨。華。盛。頓。倡。義。拒。英。各。部。之。豪。皆。起。兵。相。應。功。成。之。後。舉。事。者。凡。十。餘。部。因。即。分。為。十。餘。國。其。後。有。續。附。者。有。新。分。者。遂。成。二。十。六。國。皆。仍。其。舊。而。安。之。非。裂。地。而。定。封。也。洛。哀。倫。人。戶。止。十。餘。萬。特。爾。拉。華。止。八。萬。餘。不。能。因。其。彈。丸。黑。子。并。歸。大。國。齊。魯。之。不。兼。邾。莒。亦。初。制。則。然。耳。東。方。通。商。諸。國。紐。約。爾。最。富。厚。麻。沙。朱。色。士。賓。夕。爾。勒。尼。安。次。之。緬。與。勿。爾。吉。尼。阿。又。次。之。倭。海。阿。土。



沃人殷阡的伊田納西地處中原沃野千里南方諸國濱海西方諸國傍河地利之產運行較便故國多富饒計兩湖之南密士失必大河之東已無不闢之土河西止魯西安納阿甘色密蘇爾釐三國近益以威士干遜衣阿華二部其迤西數千里密林奧草野番所宅開墾不易然生齒日繁何虞土滿數百年後當亦阡陌雲連直抵西海之濱矣數千萬里稼穡之土剖判歷數千萬年闕而不發地不愛寶固如是乎然至今日而筆路啟疆固亦莫能終祕矣

米利堅各國天時和正迤北似燕晉迤南似江浙水土平良無沙積鮮瘴厲南方微有瘴氣亦不甚毒其土平衍膏腴五穀皆宜棉花最良亦最

瀛環志畧

卷九

北亞墨利加米利堅國

重

多英佛諸國咸取給焉蔬菜果實皆備煙葉極佳通行甚遠山內所出者石炭鹽鐵白鉛境內小河甚多米人處處疏鑿以通運道又造火輪車以石鋪路鎔鐵汁灌之以利火輪車之行一日可三百餘里火輪船尤多往來江海如梭織因地產石炭故也火輪船石炭木柴力弱不能用也英吉利火輪石炭皆自蘇各蘭帶來米利堅政最簡易權稅亦輕戶口十年一編每二年於四萬七千七百人之中選才識出眾者一人居於京城參議國政總統領所居京城眾國設有公會各選賢士二人居於公會參決大政如會盟戰守通商稅餉之類以六年為秩滿每國設刑官六人主讞獄亦以推選充補有偏私不公者羣議廢之合眾國稅入約四千萬

圓文職俸祿四百七十六萬圓陸路官兵俸餉四百三十萬圓水師官兵俸餉四百五十七萬圓雜費三百八十萬圓開墾土費一千三百萬圓統領雖總財賦而額俸萬圓之外不得私用分毫眾國舊亦有欠項道光十七年一概清還不復丐貸於民然緣此公私銀號多歇業而國家或有不虞之費無從取給亦頗受其累云米利堅合眾國額兵不過一萬分隸各炮臺關隘其餘除儒士醫士天文生外農工商賈自二十歲以上四十歲以下一概聽官徵選給牌効用為民兵餼糧器械概由自備無事各操本業有事同行伍又設隊長領軍等官皆有職無俸每歲農隙集聚操演其民兵約一百七十餘萬丁與古人寓兵於農之法蓋暗合焉

瀛環志畧

卷九

北亞墨利加米利堅國

重


米利堅合眾國白人皆流寓歐羅巴各國之人皆有之而英吉利荷蘭佛郎西為多三國之中英吉利又居大半故語言文字與英同其制土番各畫地授田不准遣徙貿遷工作皆白人其人馴良溫厚無驚悍之氣謀生最篤商船通行四海眾國皆奉耶蘇教好講學業處處設書院其士類分三等曰學問研究天文地理暨耶蘇教旨曰醫藥主治病曰刑名主訟獄

按南北亞墨利加衰延數萬里精華在米利堅一土天時之正土脈之腴幾與中國無異英吉利航海萬里跨而有之可謂探驪得珠生聚二百餘年駸駸乎富溢四海乃以培克之故一決不可復收長國家而務財用即荒裔其有幸乎米利堅合眾國



以爲國幅員萬里不設王侯之號不循世及之規公器付之公論創古今未有之局一何奇也泰西古今人物能不以華盛頓爲稱首哉

# 北亞墨利加 南境各國圖







瀛環志畧

卷十

北亞墨利加南境各國圖

二

北亞墨利加南境各國

墨西哥。一作美詩哥。又作墨是。可又作墨西科。北亞墨利加之西南境也。北界米利堅荒地。東界米利堅得撒。距大西洋海。西距大洋海南界危地馬拉。地形漸南漸削。由西北而掉於東南。長約萬里。極北廣約三千里。極南不過四五百里。煙山自西北來。此山在西界稱落機大山。在墨西哥稱煙山。因火峯最多故也。自危地馬拉以南至南亞墨加之極南境。皆稱安達斯大山。實則一脈相連。長約二萬餘里。貫國中如脊。火峯甚多。大者有四。煙燄常灼。霄漢地震。最烈。陵谷時時易形。北境平漫。有草無木。居民牧牛。以百萬億計。衣食皆取給於牛。秋高草枯。或投炬曠野中。延燒輒數百里。南境在山東者多沙磧。山西土田肥沃。百卉繁生。西國果實皆備。河之

瀛環志畧

卷十

北亞墨利加南境各國

三

長者曰巴拉窩。曰哥羅拉多。曰索諾拉。曰薩比那。迤北頗寒。迤南濱海一帶。炎熱異常。內地漸高。熱漸減。高至四五百丈。則和適如中原。物產無多。惟烏木紅木牙蘭米香料。而大利則在於銀。其山產礦最王。攻礦之極。三千餘所。各國行用番銀。出於墨西哥者。蓋三分之二。云初北亞墨利加一土。自米利堅以北。皆野番雜處。不成部落。惟墨西哥早建為國。有城邑。有壇廟。有王。有官。肖物形。而作字。有律例。地有廢城。極大。云是千餘年前古跡。不知何代何名也。明宏治初。西班牙遣可倫探尋新地。知墨西哥為金穴。又稔其國無備。正德十四年。遣其將哥爾德斯率兵攻之。震以炮火。墨西哥潰敗。國遂為西班牙所據。西人連踪西來。入山掘礦。流布雜居。



戶口日益繁盛。每歲得番銀一千數百萬圓。西班牙以此驟富。乾隆末年。華盛頓畔英吉利自立為米利堅國。墨西哥羨之。嘉慶十五年。畔西班牙。西班牙征之九年。方克復。甫一歲。又畔。立部人義都爾比達為王。道光三年。廢國王。分為十五部。各推擇官司理事。近年又分為二十三部。其制大畧。倣米利堅。而疆界未定。法制不立。諸部不免內訌。與米利堅有治亂之分焉。

墨西哥本西班牙所改建。故語言文字與西班牙同。其人分三種。一曰西人。皆西班牙流寓。實為地主。戶多殷富。俗尚奢靡。錦衣駿馬。遊遊都市。一曰土人。面紫色。鼻大骨。以耕田為業。資蔬菜以餬口。家多貧乏。不飲酒者。恆壽考。西人徵其口率之賦。而不與之。

瀛環志畧

卷十

北亞墨利加南境各國

四

往來。一曰雜人。白黑人嫁娶所生。居民共計八百萬丁。皆奉天主教。大部十九首曰墨西哥。在南境。跨大山之東西。都城在其中。曰達拉爾。般傑構雲連。殿堂整肅。居民十二萬。其地山川秀發。花樹繁茂。風景清絕。惟地形低窪。湖瀦漲溢。時受水患。次曰給勒打羅。曰瓜那叔阿多。會城皆同名。曰迷刷干。會城名瓦拉多黎。曰沙黎斯哥。會城名瓜達拉沙喇。曰薩加德架。會城同名。曰索諾拉。會城名維拉德佛爾的。曰濟華花。曰都郎額。會城皆同名。曰卓哈回拉。會城名蒙哥羅瓦。曰新良。會城名蒙德勒。曰達毛黎巴。會城名阿瓜約。曰桑盧意斯波多塞。曰委拉古盧斯。曰布委巴拉。曰華沙加。會城皆同名。曰濟阿巴。會城名盧達勒阿爾。曰巴達斯哥。會城名

三的阿各。曰于加敦。一作于各單。又作于革單。會城名美里達。小部四。曰加里佛爾尼亞。會城名桑加爾蒙德雷。曰新墨西哥。會城名三達非。曰達拉斯加拉。曰哥黎麻。會城皆同名。瓜達拉沙喇城附近。銀山礦徒所萃。居民七萬。英佛諸國富商。多出資開礦。厥然費用浩繁。獲利無幾。亞加補羅可。西地之大海口。昔時西班牙每歲有商船來此貿易。取道於南亞墨利加。跌耳聶離之南。風濤極險。自西班牙棄地之後。帆檣絕蹟。生意微矣。真十字架。東地之大埔頭。建於沙灘。做闊無港。澳海船停泊。往往遭風擱淺。然貿易極繁盛。

按南亞墨利加。西畔各國。舊皆西班牙屬藩。而以墨西哥為綱。領墨西哥。自古建國。不同米利堅之榛莽。西班牙豔其寶藏。奪

瀛環志畧

卷十

北亞墨利加南境各國

五

而有之。由此銀囊東來。享其利者數百年。自古長駕遠馭。必氣力足以包舉。而後長為我有。聲威一挫。不免生心。西班牙自遭佛郎西之禍。內變迭生。衰亂日甚。境內或稱勝。廣海外安。問器佗微。米利堅之先導。墨西哥諸國。其能終為西人。有乎墨西哥。擁土自擅。全效米利堅。而治忽殊途。顯晦異轍。則無華盛頓其人。以為之渠也。立國規模。固全在乎初始之人哉。  
一作德沙。又作特極。 得撒。又名費勒多尼亞。在墨西哥之東。米利堅之西南。南面距海。長廣皆約千里。地平如砥。田土極腴。草木暢茂。穀果皆宜。巴拉窩河。由此入海。地氣溫和。可居。惟煙戶尚稀。與草叢林中。有瘴氣。舊本墨西哥曠土。康熙二十六年。佛郎西人嘗欲開其地。



事未果。康熙三十二年。西班牙人據之。米利堅無業游民亦應至。後墨西哥畔西班牙得撤亦效之。附於墨西哥之卓哈回拉部。道光九年。畔墨西哥墨西哥征之六年。不能服。乃聽其自立為國。無國王。推擇官司理事。分為二十七小部。曰阿拉巴麻。曰巴刺塞里。亞。曰哥羅拉多。曰古曼治。曰哥里牙。曰公薩勒。曰阿黎斯不里。曰厚斯敦。曰倭斯卑爾。曰日非勒。曰刺巴加。曰黎卑爾的。曰麻的。曰爾達。曰迷那。曰迷蘭。曰米那。曰那哥多士。曰勒黎委爾。曰勒夫。曰約。曰薩比那。曰三達古斯的音。曰三當多尼亞。曰桑非里卑。曰桑巴的黎西約。曰達那哈。曰達拉委。曰瓦盛敦。都城曰奧斯的音。建於巴拉索河濱。貿易頗盛。土產以木料為主。

瀛環志畧

卷十

北亞墨利加南境各國

六

危地馬拉。在墨西哥之東南。地形愈狹。巨隔於兩海之間。自西北而東南。長約三千六百里。廣處約千里。地形中高外坦。安達斯山通貫如脊。火峯甚多。有晝夜不熄者。有忽吐忽熄者。西境炎熱。人多患瘧。東境溫平。可居。惟地震頻仍。時虞覆壓。地本屬西班牙。迨墨西哥畔西班牙。危地馬拉附墨西哥。後墨西哥廢國王。危地馬拉於道光四年。自立為國。不屬於墨西哥。近年分為五國。各推官司理事。不立國王。曰危地馬拉。長約一千九百里。廣約四百里。會城名新危地馬拉。曰桑薩爾瓦多。耳國地形曲折。難計里數。會城與國同名。曰關都拉斯。長約一千二百餘里。廣約五百里。會城名哥麻牙瓜。曰尼加拉瓜。長廣皆一百八十里。會城名夏。曰哥斯

德爾黎加國。東西約六百里。南北約四百里。會城名桑若塞。五國土皆膏腴。穀果豐碩。產金銀珍珠琥珀雲母木料顏料香料藥材牛皮。○危地馬拉濱海諸山。產材木極堅緻。價甚貴。英人結隊入山搜採。業此者四千餘人。

危地馬拉之東南。為南北亞墨利加連界之地。名巴拿馬。地屬可。以一綫界隔兩海。闊僅六十里。泰西人謂能將此土開為海道。則東西兩洋混為一水。掛帆而西。直抵中國之東界。便捷甚矣。然地梗山脊。疏鑿不易。泰西人亦僅存其說。未能興此大役也。

按歐羅巴至中國。道途之紆遠。阻於阿非利加。紅海地中海之間。隔蘇爾士。早路一百七十里。若疏為海道。則水程減二萬里。

瀛環志畧

卷十


北亞墨利加南境各國

七

米利堅至中國。道途之紆遠。阻於巴拿馬片土。若疏為海道。則西行而抵中國之東。水程當減三萬餘里。兩土之人。謀疏鑿者非一日矣。然開河道易。開海道難。且兩地之限隔。天地之所以界。畫東西也。今欲以人力鑿之。不亦慎乎。



# 南亞墨利加各國圖



瀛環志畧


卷十

南亞墨利加各國圖

八

瀛環志略 卷一〇

# 南亞墨利加巴西圖



瀛環志畧

卷十

南亞墨利加巴西圖

九

一九七



南亞墨利加各國

可命比亞一作可命巴又南亞墨利加極北境也西北至巴拿馬與危地馬拉接壤北距大西洋海西距大洋海東界英吉利新地東南界巴西西南界祕魯縱橫皆約五千里西境安達斯大山巒時有高峰二百餘丈又有火峯時吐煙燄東境平原廣坦河道縱橫以阿利諾馬加他為最大海濱酷熱水土不馴內地漸高溫平可居明宏治十五年西班牙遣其臣可崙尋新地先取此土建三部曰新加拉那大金加西臘即新加拉那大之訛曰加拉架曰基多各置大酋領之嘉慶十五年部人波里瓦爾率眾逐西班牙三部守臣構兵八年西班牙不能克復遂自立為可命比亞國道光十一年仍舊三

瀛環志畧 卷十 南亞墨利加各國 十

部分為三國曰新加拉那大曰厄瓜爾多曰委內瑞辣各有酋長不相統屬戶口不繁半皆西班牙流寓俗偷惰好賭博田屋蕩盡勿悔男女皆衣素伉儷最篤婦女不許人面或闕觀則挾刃相仇土人別為種性悍獷而陰狠地產加非白糖煙葉餅山產銀銅銀有四坑取之不竭河產金沙珍珠寶石○新加拉那大國在西北境由巴拿馬一綫與北亞墨利加相連長約三千里廣約二千五百里地氣濕熱北方為甚田土腴沃物產豐饒地分十八部曰波哥大都城建於平原與部名同曰安的育基亞會城名墨德零曰內巴會城同名曰馬黎濟大會城名紅大曰波巴馬曰巴斯多會城皆同名曰不哀那溫都拉會城名義斯官德曰說各會城

名基波多曰巴拿馬會城同名曰委拉瓜會城名三的亞哥委拉瓜曰加爾達日那曰蒙波士曰三達麻爾大曰里約合拉曰冬日曰邦不羅那曰索各羅會城皆同名曰加薩那勒會城名波勒○厄瓜爾多在新加拉那大之南南界祕魯東接巴西西縱橫皆約三千里西界有連山餘多平壤地氣溫平土田腴沃貿易繁盛地分八部曰比晉乍都城建山谷中名基多曰井波拉索會城名約里邦巴曰英巴不拉會城名義巴拉曰瓜亞基爾會城同名曰馬那比會城名波爾多維也若曰官加曰羅沙曰倭音會城皆同名○委內瑞辣在二國之東南界巴西長約三千五百里廣約二千五百里大河橫帶國中河北多平原炎熱殊甚河南多山溫和可居

瀛環志畧 卷十 南亞墨利加各國 十一

土田膴厚物產極豐地分十二部曰加拉架都城建山谷中與部名同曰加拉波波會城名瓦梭西亞曰馬拉該波曰哥羅曰都盧詩羅曰美黎達曰瓦黎那會城皆同名曰亞不勒會城名亞沙瓜曰瓜牙那會城名昂哥斯都拉曰古麻那曰巴爾塞羅那會城皆同名曰馬爾加黎大會城名亞松桑或作厄魯一作李露又作佰路又作北盧南亞墨利加名國也舊與玻利非亞合為一國今分北界可命比亞東界巴西西南界玻利非亞西距大洋海長約五千三百里廣約二千六百餘里安達斯大山自西北來環國之西界如帶山以西浮沙浸海斥磧不毛山以東橫嶺錯出拓為平原或高於平地百餘丈故山下炎蒸而嶺上恆積冰雪其



間膏腴之土。蔬穀皆宜。因地產金銀。舉國以攻礦為業。農事全荒。恆苦饑饉。其地自古為土番建國。風俗與墨西哥可命比亞同。西班牙既得可命比亞。聞秘魯銀礦尤王嘉靖三年。命比薩羅亞爾馬哥羅等懸軍深入。軍士或顛墜層崖。或失路餓死。顧以大利所在。堅不肯舍。已而抵其國都。番王不識戰鬪。懾於炮火。竄伏不敢與爭。國遂為西班牙所據。西人羣來攻礦。生聚日繁。鎮以大酋。歲收金銀益國用。所得多於墨西哥。嘉慶十三年。西班牙為佛郎西所困。屬藩多畔。秘魯欲畔而畏。西班牙兵多。猶豫不決。道光元年。與智利合兵。逐西班牙守者。遂自立為國。推擇長官理事。不立國王。居民皆西人。苗裔善待遠客。溫藹可親。惟好逸好賭。與可命比

瀛環志畧

卷十

南亞墨利加各國

十二

亞同俗。貿易諸事。倩他國人為之。土人為西人所制。艱於衣食。能釀酒。終日沈醉。其物產金銀之外。兼產銅鉛水銀胡椒甘蔗棉花藥材樹膠顏料香料。地分七部。曰利馬都城。建於利馬河濱。與部名同。曰阿勒基巴。曰不諾。曰古斯。各會城皆同名。曰阿牙古。說會城名瓜忙加。曰入凝。會城名華奴哥。曰利卑爾達。會城名都盧詩羅。玻利非亞。一作摩里威那。又名高祕魯。在祕魯之東南。東北界巴西。東南隅界巴拉圭。南界拉巴拉他。西南隅界智利。西距大洋海。縱橫皆約三千里。安達斯山大幹走西界。別支分歧入東界。在西界者。火峯不熄。在東界者。峭削參天。常積冰雪。土壤西瘠東腴。地

氣風俗物產與祕魯同。其地與祕魯舊本一國。俗名高祕魯。而呼祕魯為下祕魯。道光五年。乃別立為玻利非亞國。自推擇長官。不立國王。分六部。曰朱基薩加。都城建於平原。名乍爾加斯。曰巴斯會城。名巴斯達牙古。曰荷魯羅。曰波多西。曰哥沙邦。曰三達古盧斯。會城皆同名。波多西銀礦最王。自西人初開至今。得銀七萬二千萬有奇。

按字露。即祕魯。為南亞墨利加著名之國。泰西人著書。早豔稱之。以其為金穴也。其民謂地中有寶。不屑耕稼。故上壤鞠為茂草。有懷金而啼饑者。米利堅產穀棉。而以富稱。祕魯諸國產金銀。而以貧聞。金玉非寶。稼穡維寶。古訓昭然。荒裔其能或異哉。

瀛環志畧

卷十

南亞墨利加各國

十三

智利。一作濟利。又作治里。在玻利非亞之西南。東阻安達斯大山。隣拉巴拉他。西距大洋海。東南接巴他。峽拿地形狹長。如帶。南北約四千五百里。東西約四百餘里。東面峻嶺橫雲。高處常積冰雪。有火峯數處。多地震。海岸高下。時易形。山產金銀銅礦。每歲得銀八十餘萬兩。得黃金值銀五十餘萬兩。紅銅尤多。山西沿海一帶。土田肥沃。五穀蔬菜果實皆宜。其民雖多攻礦。而以農功為重。故夙稱富庶。異於祕魯之荒本。遂末初。西班牙既獲祕魯。嘉靖十五年。命亞爾馬哥羅進攻智利。土人拒戰不肯降。越四載。復命瓦爾的維亞進攻。得地無幾。嘉靖三十年。瓦爾的維亞為阿老干人所殺。西班牙以其所得之地。附祕魯。阿老干者。智利別部之最強者也。乾隆



三十八年。西班牙始滅智利。得其全土。而阿老干一部。始終未附。智利幅員。褊小。非祕魯諸國比。然土沃。礦旺。西班牙獨珍視之。嘉慶十五年。西班牙為佛郎西所困。亞墨利加諸藩部。皆畔智利。亦閉境自專。後西班牙以大隊伐之。智利兵敗。求援於拉巴拉他。拉巴拉他助以兵力。西班牙始退去。其民俗溫和好客。女有姿容。善音樂。地分八部。曰散地。牙。我。都城建於多波加爾馬河岸。深林之中。與部名同。曰阿公加瓜。會城名桑非里卑。曰哥固英波。會城同名。曰哥爾乍瓜。會城名古黎各。曰卯勒。會城名高給尼斯。曰公塞。桑。曰瓦爾的維亞。會城皆同名。曰濟盧。會城名桑加爾盧斯。按西洋諸國。行用番銀。成色高者。歐羅巴。印度所鑄。其常行者。

瀛環志畧 卷十 南亞墨利加各國 十四

分四種。曰墨西哥。曰祕魯。曰玻利非亞。曰智利。成色高下不同。粵東人能辨之。閩人不能辨也。但稱為呂宋番。又稱鷹仔番。拉巴拉他。一作李臘達。又作巴拉大河。在智利之東。隔以安達斯山。北界玻利非亞。東界巴拉圭。烏拉圭。東南距大西洋海。西南界巴他我拿。長約四千五百里。廣約二千里。境內有大江。與國同名。北里可馬若伯。默若兩河。匯之。由東南入大西洋海。海口闊九十里。西北有山嶺。餘皆蕩平如砥。舊本野番部落。明正德四年。西班牙命索利斯攻取之。鎮以大酋。其地荒草無垠。雜以荆棘叢林。西班牙人初至其地。以牝牡牛數十。縱之於野。歲久。孳息不知幾千萬。億。四境之內。皆野牛。居民七十萬。耕作者少。但以捕牛為業。食

其肉。寢其皮。製其骨。為器皿。地亦有馬。騎馬。馳草莽中。以逐牛。海口通商甚廣。出入貨價。每歲以數千萬圓計。皆牛皮所交易也。嘉慶十三年。部人逐西班牙守者。自立為國。效米利堅。推擇統領。稱兼攝亞墨利加國。然法制不立。規模草草。亦終於蠻荒而已。地分十四部。曰不宜諾塞利。一作捕。都城建於巴拉大河濱。與部名同。曰音德勒里約斯。會城名巴沙大。曰哥連德。曰三達非。曰哥爾多。瓦。曰三的。牙哥。尼。斯。德。羅。曰都古曼。曰薩爾達。曰如銳。曰加達馬。爾架。曰里約。倭。曰桑若漢。曰桑盧意斯。曰門多薩。會城皆同名。巴拉圭。或作巴拉。或作巴拉。吾愛。南亞墨利加小國也。間於巴西。拉巴拉他之間。長約一千七八百里。廣約八百里。地形斗絕。內拓平原。湖河

瀛環志畧 卷十 南亞墨利加各國 十五

淤灌。土多腴沃。明嘉靖五年。意大利人塞巴斯德。央加波。初開其地。越九載。為西班牙所奪。昇天主教師管理。不設官。乾隆三十二年。逐天主教師。隸於拉巴拉他。迨拉巴拉他畔。西班牙。巴拉圭。亦自立為國。時有歐羅巴。文士居巴拉圭。巴拉圭人推為會長。其人陰鷲。有權畧。詰暴除奸。土人畏服。國雖小而張甚。隣不敢侵。地分二十小部。部名未詳。產牙蘭米。甘蔗。棉花。藍靛。煙葉。繭蜜。大黃。血竭。桂皮。又產土茶。噉之能醉人。烏拉圭。在巴拉圭之南。東界巴西。南距大西洋海。西北兩面界拉巴拉他。長一千二百五十里。廣一千三百里。南方山阜紆蟠。北方則平原坦闊。內哥羅塞波拉的。巴拉大烏拉。乖諸河交貫。田土肥



饒物產極豐。舊本拉巴拉他地。後為巴西所奪。名曰昔斯巴拉的。那道光六年。部人畔巴西。自立為國。推擇官司理事。分九部。曰蒙德維罷。其都城也。曰馬爾多那多。曰加內羅內斯。曰桑若塞。曰哥羅尼亞。曰索黎亞奴。曰白三都。曰都拉各奴。曰塞盧拉爾病。  
巴西一作巴西。悉又作伯爾西。又作巴西。拉西利。又稱布熱爾。南亞墨利加大國也。地居南亞墨利加一洲之半。北東兩面距大西洋海。西北界可倫比亞。西界祕魯。玻利非亞。西南界巴拉圭。烏拉圭。縱橫皆約九千里。地勢平曠。間有山嶺。紆盤亦不甚高。江河多而長。最大者曰亞馬孫。自西而東。口門似海。曰凡悉。自南而北。曰烏路愚愛。自北而南。兩河之大亞於亞馬孫。皆流入大西洋海。其餘小河不可勝數。明宏治十

瀛環志畧

卷十

南亞墨利加各國

六

三年。葡萄牙人伯得祿阿爾瓦里斯探得其地。見其土沃而曠。徙國人墾闢之。後葡萄牙為西班牙所并。巴西亦為荷蘭所奪。鳩居五十餘年。葡萄牙復國後。悉銳渡海。逐荷蘭人。益開阡陌。買阿非黑奴助耕作。生聚二百餘年。遂為海西大部產棉花白糖煙葉。加非可二物果名。可代茶飲。紅木牛皮藥材。又出金沙金剛鑽各色寶石。地力甚厚。百穀皆宜。惜戶口未繁。農作不力。已墾之土。不過半之二。三餘則蓬蒿雜。選林莽。陰翳奇形之獸。不知名之鳥。恠譎之蟲。蛇飛走出沒於其間。雖有珍異之產。掩於穢墟。無由自獻。西人惜之。嘉慶年間。葡萄牙王為佛郎西王拿破侖所逼。逃至巴西。佛郎西歸國尋卒。其子伯德祿留王巴西。遣女歸王葡。王不諳巴俗。巴西

人迫王歸葡。立其世子為王。國之貴人相助為理。由是別為海西大國。不屬於葡萄牙。其國至道光年間。戶口約四百萬。葡人八十萬。雜類四十萬。白黑人。嫁娶所生。黑民十五萬。黑奴子孫。曠為民者。黑奴百餘萬。土人暨遠方各國之人七十餘萬。葡人多及時行樂。遊燕自娛。力作皆黑民為之。養之甚厚。故無叛逃。地分十八部。曰里約熱內盧。一作羅。都城建於海濱。與部名同。廷廟峻麗。市廛環匝。百貨填溢。學館醫院皆備。人戶一百五十萬。商船蟻集。為通國大埔頭。海門。廣闊風物清美。商旅羨為樂土。曰勝寶盧。會城同名。曰三達加達里納。會城名德斯德羅。曰勝伯德祿。會城名伯爾達勒給勒。曰馬的噶羅索。曰阿阿斯。會城皆同名。曰迷那日來斯。會城名額羅不雷

瀛環志畧

卷十

南亞墨利加各國

七

多。曰斯不黎多。三多。會城名維多里亞。曰巴義亞。會城同名。亦大埔頭。夙稱富庶。居民好賭成俗。盜賊肆行。時殺人於昏夜。曰塞爾日貝。會城名勝基里斯多望。曰阿拉病瓦斯。會城同名。曰伯爾能。不各。會城名勒西非。居民七萬。地平坦。豐草叢林相雜。其民騎馬獵野牛為生。與拉巴拉他同俗。曰巴來罷。會城同名。曰北里約哥蘭的。會城名達那里。曰西阿拉。會城同名。曰標意。會城名病滅辣斯。曰馬拉娘。會城名勝盧義斯。曰加郎巴拉。會城名伯零。巴國腹地產金沙鋼鑽寶石。其民陟嶽沒河。搜尋寶藏。不務農功。往往絕糧。餓死。土人悍獷近獸。戶口甚稀。巴西北境濱海。地名歪阿那。一作古牙那。有三國所闢新地。佛郎西新



地在東曰加夜那長約一千六百里廣約一千一百里產丁香番木其地叢林密匝瘴氣最毒到者輒染病死佛國免死罪人流徙於此荷蘭新地在中曰蘇利南長約七百五十里廣約六百五十里會城曰巴拉馬利波地多水澤產白糖加非貿易頗盛黑奴多逃入山林誘土番為盜劫英吉利新地在西與可倫比亞連界長約一千里廣約三百八十里本荷蘭所闢地英人奪而有之分三部曰特默拉拉曰義斯給波曰北爾彼塞土雖沃而半屬塗泥英人募阿非黑人來此修田工費太鉅獲利無幾亦產白糖加非巴他峩拿一作八的哥尼阿又作智加又作巴羅彌那南亞墨利加之極南境即世所傳之長人國地形如襍北界拉巴拉他智利東距大西洋西距

瀛環志畧

卷十

南亞墨利加各國

六

大洋海南距南海南北約三千餘里東西半之其地草木荒穢人皆野番肢體長大如常人一身有半遍體生毛攫食野獸不成部落亦不與他國往來地氣嚴寒如北亞墨利加之北境又別無物產故歐羅巴諸國括地至此未嘗過而一問也極南臨海之地水雪常凝對峙一島曰鐵耳聶離依休勾中隔一港曰麥哲論昔時商船駛往智利秘魯者由麥哲論港西行因港內多礁近年率取道於鐵耳聶離之南狂風迅烈昏霧迷漫濤瀾之猛惡倍於大浪山舟過人人額手喜若更生

按泰西人所記四大土人民惟巴他峩拿土番肢體長大異於別種然亦不過高於常人一身之半較長狄之身橫畝眉見軼

者猶相懸萬萬也此外黝黑如阿非利加醜怪如東南洋各島野番亦不過白黑妍媸之別而五官四體要無大異乃知長耳比肩之民飛頭貫胸之國古人故為恢奇之說而世或從而信之不亦慎乎

瀛環志畧

卷十

南亞墨利加各國

十九




# 亞墨利加海 灣羣島圖

瀛環志畧

卷十

亞墨利加海灣羣島圖

三



瀛環志略 卷一〇



瀛環志畧

卷十

亞墨利加海灣羣島圖

三

一一〇三



南北亞墨利加海灣羣島

北亞墨利加之南。南亞墨利加之北。細峽相連。自西北而東南。作  
灣。環外。向之勢。其東北有大小數百島。星羅棋布。西北起米利堅  
佛勒爾。勒釐部之東南隅。東南迄可倫比亞之東北隅。作灣。環內。  
向之勢。兩灣中間之海。名曰加勒。前明中葉。西班牙遣可倫。駕船  
覓新地。地無主。名夙聞海外。有五印度國。即云欲到五印度。西行  
數月。忽睹羣島。譁然以為抵印度矣。遂稱之曰西印度。而不知印  
度在東方。與羣島無涉也。西船初到時。擇羣島腴壤。開設埔頭。誘  
交土番謀墾。開後察知土番昏惰。又強不可使。遂以兵力勦鋤。無  
才遺。別買阿非利加黑奴。墾田播穀。農務漸興。其後復得墨西哥

瀛環志畧

卷十

南北亞墨利加海灣羣島

三

祕魯諸大國。歲致金銀數十百萬。視羣島如敝屣。不屑經營。久之  
為海盜所據。出沒剽掠。商旅患之。已而歐羅巴諸國接踵西來。紛  
紛爭據。羣島遂各有所屬。西班牙之外。曰英吉利。曰佛郎西。曰荷  
蘭。曰噠國。曰瑞國。羣島氣候極溫。與亞細亞南海諸島相似。島之  
大者。多有火峯。火漿時時迸流。地震頻仍。每秋冬。暴風驟起。沙石  
俱飛。所產者。棉花。酒。白糖。加非可子。

西班牙屬島曰古巴。在佛勒爾。勒釐之南。地形狹長。東西二千七  
百里。南北約五百里。羣島之最大者。岡陵重疊。土壤腴厚。物產豐  
盈。西人昔時不甚措意。近來藩國皆叛。僅餘此島。乃珍重培植。倚  
為外府。居民七十萬。內黑奴二十八萬。產白糖。加非酒。煙金銀銅

鐵水晶。吸鐵石。每年運出之貨。值二千萬圓。地分三部。曰西部。會  
城曰哈瓦那。居民十萬。所造之煙。最香烈。諸國爭購之。曰中部。會  
城曰三達馬里亞。曰東部。會城曰三的牙額。○又一島曰波爾多  
黎。各又名貴港口。在海地島之東。長約五百里。廣約一百五十里。  
地不廣。而物產尤豐。力作皆白人。黑奴甚少。每歲運出之貨。值銀  
二百四十萬兩。

英吉利屬島。牙買加較大。在古巴之南。島有山。山下溪澗縱橫。足  
資灌溉。土又膏腴。故其地農功最盛。舊會城遭地震。風災而毀。新  
立會城曰京敦。迤西有巴巴奧島。白人所居。其土瘠瘠。○東方之  
島。總名安的列斯羣島。曰安地馬亞。曰吉。英人舊所據守。曰多米

瀛環志畧

卷十

南北亞墨利加海灣羣島

三

尼加。曰多巴。英人新創。又特尼答島較大。附近可倫比亞東北  
隅。此外附近各小島尚多。英人擇要戍守。各島物產饒裕。居民多  
有餘資。競起樓閣。時時宴飲。○北方有巴哈麻羣島。又迤東有百  
爾慕他羣島。大小凡數百島。氣候溫晴。而物產殊少。無可貿遷。故  
英人不甚重之。

佛郎西屬島。在安的列斯羣島之中。曰馬耳的尼加。曰瓜他鹿。兩  
島最大。此外尚有八島。物產豐饒。貿易最盛。每年出入貨價。約二  
百餘萬兩。其地山青水澈。多名花異鳥。風景之佳。為海西羣島之  
冠。

海地島。在古巴之東。東西約一千五百里。南北約五百里。明宏治



五年西班牙遣可倫探尋新地。初抵此島。名曰義斯巴尼約拉。後西班牙據其東偏佛郎。西據其西偏。多買阿非黑奴力作。年久繁衍。黑奴凡四十餘萬口。而佛人僅萬餘。佛人待黑奴寡恩。黑人怨之。乾隆五十六年。佛有內難。黑奴黠者約期同發。各殺其主。佛人萬餘。殲戮無遺。西班牙人居西偏者。亦逃竄別土。黑人遂推雄者爲酋。佛以其爲遠。亦未暇西討也。地分六部。曰波爾德比。其都城也。曰加也斯。曰亞爾的波尼的。曰加不挨頭。曰三的亞額。曰三多明。各斯道光二十二年。都城地震。壓斃數千人。其地物產豐厚。農作不力。每歲運出貨價值二百七十萬兩。

瀛環志畧

卷十

南北亞墨利加海峽島

西

作競買爲奴。迫歐人西辟亞墨利加諸島。國苦於土滿。本國流寓。不足以資耕作。土人又悍不受役。於是多買黑奴。驅之墾畝。如牛馬然。葡萄牙尤以販買黑口爲利。相沿數百年矣。黑人雖混沌。然與歐人雜居日久。七竅亦已漸鑿。西葡諸國待之有恩。故未生變。佛人性高亢。視黑奴如草芥。踐踏無忌。黑奴之相相含忿。欲傳刃於其腹中者。非一日矣。一聞內變。操戈並起。萬戶聚殲。不遺噍類。語云。蠶蠶有毒。信哉。近年英吉利嚴申厲禁。以多金贖放黑奴爲民。前後費銀數千萬圓。且以兵船巡海上。捕販賣者。米利堅亦多所贖放。並於黑奴故土買地安插。固兩國之好行其德。抑亦有懲於佛人。不欲斂怨於異族。沽慈惠之聲。

弭肘腋之變。其爲謀誠深遠矣。

荷蘭屬島。在安的列斯者。有七地。褊狹無大權。每遇諸國兵爭。不暇權稅。各島乘機販鬻。恆獲倍蓰之利。

噠國屬島。在安的列斯者。有三。近年效英米。以釋放黑奴爲德政。瑞國有小島。在安的列斯羣島中。曰桑巴爾多羅美。地褊狹。貿易甚微。

按亞墨利加兩土。縱橫數萬里。海灣羣島。一拳石之多耳。然古巴海地兩大島。比中國之臺瓊。其餘各島。亦多腴壤。歐羅巴人極意搜求。得片土。卽經營墾拓。遂使萬古窮荒之僻島。無不獻之精華。其能事曷可少哉。

瀛環志畧

卷十


南北亞墨利加海峽島

五









海國圖志總目	
卷一	籌海篇一 謹守
	籌海篇二 謹守
卷二	籌海篇三 謹駁
	籌海篇四 謹款
卷三	海國沿革各圖 <small>漢魏隋唐五代 宋元明清各圖</small>
	地球正背面圖
	亞細亞洲各圖
卷四	利未亞各圖
	西羅亞各圖
	三羅亞各圖
	卷五
	東亞各圖
	卷六
	卷七





卷六 東南洋海岸之國

越南分國沿革 林邑 占城

卷七 東南洋海岸之國

暹羅 故扶南

卷八 東南洋海岸之國

暹羅本國沿革 真臘東境

卷九 東南洋海岸之國

暹羅屬國今為英夷新嘉坡沿革

卷十 東南洋海岸之國

海國圖志 總目

緬甸 朱波 烏土 金沙 江考

卷十一 東南洋亞細亞洲

東南洋海島諸國

呂宋 呂宋所屬島

卷十二 東南洋海島各國

荷蘭屬島 婆羅 瓜哇 大島 附蘇祿等

英荷布路三夷分屬地間等島

卷十三 東南洋海島各國

英荷二夷所屬葛留巴島

卷十四 東南洋海島各國

附葛留巴所屬島

卷十五 東南洋海島各國

英荷二夷所屬亞齊及三佛齊島 附美洛居 新埠

卷十六 東南洋海島各國

英夷所屬新阿蘭島 即澳大利亞洲又 即阿塞亞尼洲

卷十七 東南洋海島各國

日本島

卷十八 東南洋海島各國

海國圖志 總目

東南洋諸島形勢 附海船鐵路

卷十九 西南洋亞細亞洲

西南洋各國

五印度總述上

卷二十 西南洋諸國

五印度總述下

卷二十一 西南洋諸國

中東印度分述

卷二十二 西南洋諸國



北南印度分述	卷二十三 西南洋諸國
西印度巴社國	即波斯今爲回國 沿革附
卷二十四 西南洋諸國	
西印度阿丹國	即阿臘比阿爲回教祖國 沿革附
卷二十五 西南洋諸國	
各國回教總考	
卷二十六 西南洋諸國	
西印度如德亞國	附景教碑
海國圖志	總目
卷二十七 西南洋諸國	
天主教考	
卷二十八 西南洋諸國	
南土魯機回國	一名小土魯機一作土爾其今亦回教 沿革附
卷二十九 西南洋諸國	
五印度沿革總考	正史 歷代使西域記
附恆河考	
卷三十 西南洋諸國	
中印度沿革	今溫者斯坦小白頭回國屬 英夷職方紀作莫臥爾

東印度沿革	今孟加臘屬英夷 明史作榜葛刺
南印度沿革	今孟邁等埠西洋各國分據之南海 中錫蘭島大興梁時師子國相近
西印度沿革	今巴社大白頭回國及阿丹回國與 英夷通和爲所屬 漢曰安息條 支唐以後曰大食波斯 拂菻明曰天方默德那
北印度沿革	克什彌爾國今亦屬英夷 漢曰罽 賓其西境之愛烏罕即漢大月氏與 北印度境 大牙相錯
卷三十一 西南洋諸國	
北印度西北鄰部附錄	隋唐爲九姓昭武等國
卷三十二 西南洋諸國	
海國圖志	總目
北印度以外疆域考	
卷三十三 小西南洋利未亞洲	
利未亞洲總說	
東利未加加日多國	即伊 揖國
未利未加阿邁斯尼國	即亞 毗 域國
卷三十四 小西洋	
東利未加分隸他國兼攝者八國	
北利未加分隸他國兼攝者四國	
南利未加分隸西洋各國兼攝者五國土酋自主	



者四國

卷三十五 小西洋

西利未加二十四國

卷三十六 小西洋

中利未加二十五國

卷三十七 大西洋歐羅巴洲

歐羅巴洲總沿革

卷三十八 大西洋

布路亞國 一作葡荷亞 一作博都爾噶 即澳門大西洋國

海國圖志 總目

六

卷三十九 大西洋

大呂宋國 亦名斯扁國 一作是班牙 一作西班牙 一作以西把尼亞 一作千絲臚

卷四十 大西洋

荷蘭及彌爾尼壬國 彌爾尼壬 又作伊宜 一作北義

卷四十一 大西洋

佛蘭西上 一作佛郎機 一作佛郎西 一作佛蘭祭

卷四十二 大西洋

佛蘭西下

卷四十三 大西洋

意大里國 一作意大里亞 一作以他里 一作伊達里 亦作羅問國 亦作羅馬國 亦作那馬 國今分 為九國

卷四十四 大西洋

耶馬尼國上 一作熱爾瑪尼 一作亞墨尼 一作日耳曼 一作阿里曼 共三十四部

卷四十五 大西洋

耶馬尼國下

附分國二十五部

卷四十六 大西洋

歐塞特里阿國 即來粵之雙鷹英夷地圖中 作奧地利亞 共九部

海國圖志 總目

七

附 寒牙里九部 作博厄美厄 一作班那里阿 一作匈牙利

附 波蘭國 一作波羅尼

卷四十七 大西洋

瑞士國 一作大爾馬齊亞 一作蘇益薩 一作緩林

卷四十八 大西洋

北土魯機國 即古時額力西國 一作厄勒祭 今改奉回教 與阿細亞洲內之南土魯機 亦作土爾其 蓋一國分

跨兩洲 與俄羅斯相似

卷四十九 大西洋

希臘國 即古時額力西國 都昔為土爾其所據 今仍自為一國



卷五十 大西洋

英吉利蘭墩國都五十三部 英吉利又曰英倫又曰蘭頓乃島國非岸國也故列西洋之末

附 英吉利斯葛蘭島三十部

附 英吉利愛倫島三十部

卷五十一 大西洋

英吉利國廣述上

卷五十二 大西洋

英吉利國廣述中

海國圖志

總目

八

卷五十三 大西洋

英吉利國廣述下

卷五十四 北洋○俄羅一國分跨兩洲故以北洋別之

俄羅斯國東五部

俄羅斯國西八部

卷五十五 北洋

大俄羅斯十八部

南俄羅斯五部

俄羅斯南新藩五部

小俄羅斯三部  
加區俄羅斯四部  
以上皆在歐羅巴洲境內

俄羅斯東新藩四部

西悉畢厘阿二部 都莫斯部 科勿利部

東悉畢厘阿二部 雅古薩部 甘查甲部

此四部在細阿亞洲境內

卷五十六 俄羅斯沿革

卷五十七 北洋

數國皆在洲中海以北故以北洋別之

普魯社國 一作波魯斯 一作破路斯 一作埔魯窩 一作圖里雅 一作控葛爾 一作亞爾彌 亞一作馬西噶北 即來粵之單鷹

海國圖志 總目

海國圖志

總目

九

卷五十八

瑞國大尼國粵人呼黃旗國瑞丁國那威國粵人呼藍旗國

瑞丁國 一作芬尼祭 一作蘇尼祭 一作古典 一作蘇美 一作蘇林 外大西洋墨利加洲

卷五十九

外大西洋墨利加洲 全洲總說

卷六十 外大西洋

彌利堅國總記上

彌利堅國總記中

卷六十一 外大西洋



彌利堅國總記下

卷六十二 外大西洋

彌利堅東路二十部

卷六十三 外大西洋

彌利堅西路十一部 內有四部係因底阿士番

卷六十四 外大西洋

北墨利加洲墨西哥國 一作墨是司 一作麥西可 附西南四國西方三國及西北諸蠻

卷六十五 外大西洋

海國圖志 總目

北墨利加洲內英俄各國屬地

卷六十六

德沙國 一作得撒 一作特拔 在北墨利加洲

危地馬拉國 一作跨的馬刺國 在北墨利加洲

卷六十七 外大西洋

南墨利加洲智國 即長人國一名 巴羅彌那

金加西臘國 即哥倫比亞國 附厄瓜爾多國及委內瑞辣國均在南墨利加洲北境

卷六十八 外大西洋

巴拉大河國 巴拉及烏拉乘二國附均在南墨利加洲內

伯西爾國 一作巴悉在南墨利加洲

卷六十九 外大西洋

智利國 一作治理 一作濟利在南墨利加洲西南境

各國兼攝地在南墨利加洲內者

卷七十 外大西洋

南墨利加諸島

西海諸島 在墨利加西海之隅被歐羅巴洲列國所據

南極未開新地附錄

卷七十一

海國圖志 總目

南洋各國教門表

卷七十二

中西曆法同異表

卷七十三

中西紀年通表

卷七十四

國地總論上 論五大洲及昆侖

卷七十五

國地總論中 利瑪竇及艾儒略二西士記



卷七十六	國地總論下	南懷仁圖記 莊廷勇圖記
卷七十七	籌海總論一	陳氏沿海形勢篇 張氏澳門形勢篇 戎夷人貢舊案
卷七十八	籌海總論二	蕭氏粵東市舶論 粵東章奏
卷七十九	籌海總論三	浙粵章奏
卷八十	籌海總論四	浙粵章奏條約
海國圖志 總目		
卷八十一	夷情備采一	澳門月報
卷八十二	夷情備采二	澳門月報
卷八十三	夷情備采三	華事夷言 譯出夷律 貿易通志
卷八十四	倣造戰船議	

卷八十五	火輪船圖記
卷八十六	鑄礮鐵模圖記
卷八十七	倣鑄洋礮議 炸彈飛礮說 礮車礮圖說
卷八十八	西洋用礮測量記上
卷八十九	西洋用礮測量記下
海國圖志 總目	
卷九十	西洋礮臺記
卷九十一	西洋自來火銃法
卷九十二	攻船水雷圖記上
卷九十三	攻船水雷圖記下



卷九十四

西洋技藝雜述

卷九十五

西洋遠鏡作法

卷九十六

地球天文合論一

七政

卷九十七

地球天文合論二

日月蝕 彗星 恆星

卷九十八

海國圖志

總目

西

地球天文合論三

氣冰 風 雷電 潮 地震 火山

卷九十九

地球天文合論四

經緯度 黃赤道 晷論

卷一百

地球天文合論五

平安通背 日晷圖

重刻海國圖志敘

邵陽魏子默深海國圖志六十卷成於道光二十二年續增四十卷成於咸豐二年通為一百卷越二十有三年光緒紀元其族孫甘肅平慶涇固道光燾懼孤本久而失傳督匠重寫開雕乞余敘之維

國家建中立極土宇閎廓東南盡海島嶼星錯海道攸分內外有截西北窮山水之根以聲教所暨為疆索荒服而外大踰無垠距海遼遠以地形言左倚東南矣然地體雖方與天為圓固無適非中也以天氣言分至協

海國圖志

卷首

重刻海國圖志敘

中寒暑適均則扶輿清淑所萃帝王都焉歷代聖哲賢豪之所產也海上用兵泰西諸國互市者紛至西通於中戰爭日亟魏子憂之於是蒐輯海談旁摭西人著錄附以己意所欲見諸施行者俟之異日嗚呼其發憤而有作也人之生也君治之師教之上古君師一也後則君以世及而教分撮其大凡中儒西釋其最先矣儒以道立宗受天地之中以生者學之釋氏以慈悲虛寂式西土由居國而化及北方行國此外為天方為天主為耶蘇則肇於隋唐之間各以所習為是然含形負氣鈞



是人也此孟子所謂君子異於人者也其無教者如生  
番如野人不可同羣此孟子所謂人異於禽獸者也釋  
道微而天方起天方微而天主耶蘇之說盛俄英法美  
諸國奉天主耶蘇爲教又或析而二之因其習尚以明  
統紀遂成國俗法蘭西雖以羅馬國爲教皇其人稱教  
士資遣外出行教故示尊崇然國人頗覺其妄聊以國  
俗奉之而已今法爲布所敗教皇遂微更無宗之者是  
泰西之奉天主耶蘇固不如蒙與番之信黃教紅教也  
釋氏戒殺絕紛足化頑獷時露靈異足懾殊俗其經典

海國圖志

卷首

重刻海國圖志敘

二

之入中國經華士潤飾旨趣玄渺足以滌除煩苦解釋  
束縛是分儒之緒以爲說者非天方所可並也天主耶  
蘇非儒非釋其宗旨莫可闡揚其徒亦鮮述焉泰西棄  
虛崇實藝重於道官師均由藝進性慧敏好深思製作  
精妙日新而月有異象緯輿地之學尤稱專詣蓋得儒  
之數而萃其聰明才智以致之者其藝事獨擅乃顯於  
其教矣百餘年來中國承平水陸戰備少弛適泰西火  
輪車舟有成英吉利遶蹈我之瑕構兵思逞並聯與國  
競互市之利海上遂以多故魏子數以其說干當事不

應退而著是書其要旨以西人談西事言必有稽因其  
教以明統紀徵其俗尚而得其情實言必有倫所擬方  
略非盡可行而大端不能加也書成魏子歿廿餘載事  
局如故然同光間福建設局造輪船隴中用華匠製鎗  
礮其長亦差與西人等藝事末也有迹可尋有數可推  
因者易於創也器之精光淬厲愈出人之心思專壹則  
靈久者進於漸也此魏子所謂師其長技以制之也鴉  
片之壘癮養必漬酒後益醒先事圖維嬰粟之禁不可  
弛也異學爭鳴世教以衰失道民散邪慝愈熾以儒爲

海國圖志

卷首

重刻海國圖志敘

三

戲不可長也此魏子所謂人心之寐患人材之虛患也  
宗崇老矣忝竊高位無補  
清時書此彌覺顏之厚而心之負疚滋多竊有俟於後之  
讀是書者  
光緒元年歲在乙亥長至日湘陰左宗棠撰



海國圖志原敘

海國圖志六十卷何所據一據前兩廣總督林尚書所譯西夷之四洲志再據歷代史志及明以來島志及近日夷圖夷語鈎稽貫串創榛闢莽前驅先路大都東南洋西南洋增於原書者十之八大小西洋北洋外大西洋增於原書者十之六又圖以經之表以緯之博參羣議以發揮之何以異於昔人海圖之書曰彼皆以中土人譚西洋此則以西洋人譚西洋也是書何以作曰為以夷攻夷而作為以夷款夷而作為師夷長技以制夷

海國圖志敘

而作易曰愛惡相攻而吉凶生遠近相取而悔吝生情偽相感而利害生故同一禦敵而知其形與不知其形利害相百焉同一款敵而知其情與不知其情利害相百焉古之馭外夷者諷以敵形形同几席諷以敵情情同寢饋然則執此書即可馭外夷乎曰唯唯否否此兵機也非兵本也有形之兵也非無形之兵也明臣有言欲平海上之倭患先平人心之積患人心之積患如之何非水非火非刃非金非沿海之奸民非吸煙販煙之莠民故君子讀雲漢車攻先于常武江漢而知二雅詩

人之所發憤玩卦爻內外消息而知大易作者之所憂患憤與憂天道所以傾否而之泰也人心所以違寐而之覺也人才所以革虛而之實也昔準噶爾跳踉於康熙雍正之兩朝而電掃於乾隆之中葉夷煙流毒罪萬準夷吾

皇仁勤上符

列祖天時人事倚伏相乘何患攘剔之無期何患奮武之無會此凡有血氣者所宜憤排凡有耳目心知者所宜講畫也去偽去飾去畏難去養癰去營窟則人心之寐患祛

海國圖志敘

其一以實事程實功以實功程實事艾三年而蓄之網臨淵而結之毋馮河毋畫餅則人材之虛患祛其二寐患去而天日昌虛患去而風雷行傳曰孰荒於門孰治於田四海既均越裳是臣敘海國圖志以守為攻以守為款用夷制夷疇司厥樞述籌海篇第一

一 縱三千年圖九萬里經之緯之左圖右史述各國沿革圖第二 夷教夷煙毋能入界嗟我屬藩尙堪敵愾志東南洋海



岸各國第三

呂宋瓜哇嶼埤日本或噠或耽前車不遠志東南洋各島第四

教閱三吏地割五竺鵲巢鳩居為震日毒述西南洋五印度第五

維督與黔地邊疆閱役使前驅疇諷海客述小西洋利未亞第六

大秦海西諸戎所巢維利維威實懷泮鴉述大西洋歐羅巴各國第七

海國圖志

三

尾東首西北盡冰凍近交遠攻陸戰之鄰述北洋俄羅斯國第八

勁悍英寇恪拱中原遠交近攻水戰之援述外大洋彌利堅第九

人各本天教綱於聖離合紛紜有條不紊述西洋各國教門表第十

萬里一朔莫如中華不聯之聯大食歐巴述中國西洋紀年表第十一

中麻資西西麻異中民時所授我握其宗述中國西麻

異同表第十三

兵先地利豈間遐荒聚米畫沙戰勝廟堂述國地總論第十三

雖有地利不如人和奇正奇力少謀多述籌夷章條第十四

知己知彼可款可戰匪證奚方孰醫瞑眩述夷情備采第十五

水國恃舟猶陸恃堞長技不師風濤誰警述戰艦條議第十六

海國圖志

四

五行相克金火斯烈雷奮地中攻守一轍述火器火攻條議第十七

軌文匪同貨幣斯同神奇利用盍殫明聰述器藝貨幣第十八

道光二十有二載歲在壬寅嘉平月內閣中書邵陽魏源敘于揚州

原刻六十卷道光二十七年載刻於揚州咸豐二年重補成一百卷刊於高郵州



海國圖志後敘

譚西洋輿地者始於明萬曆中泰西人利馬竇之坤輿圖說艾儒略之職方外紀初入中國人多謂鄒衍之談天及國朝而粵東互市大開華梵通譯多以漢字刊成圖說其在京師欽天監供職者則有南懷仁蔣友仁之地球全圖在粵東譯出者則有鈔本之四洲志外國史略刊本之萬國圖書集平安通書每月統紀傳燦若星羅瞭如指掌始知不披海國海志不知宇宙之大南北極上下之渾圓也惟是諸志多出洋商或詳於島岸

海國圖志

後敘

五

土產之繁準市貨船之數天時寒暑之節而各國沿革之始未建置之永促能以各國史書誌富媪山川縱橫九萬里上下數千年者惜乎未之聞焉近惟得布路國人瑪吉士之地里備考與美里哥國人高理文之合省國志皆以彼國文人留心巨索綱舉目張而地里備考之歐羅巴洲總記上下二篇尤為雄偉直可擴萬古之心胷至墨利加北洲之以部落代君長其章程可垂奕世而無弊以及南洲宇露國之金銀富甲四海皆曠代所未聞既彙成百卷故提其總要於前俾觀者得其綱

而後詳其目庶不致以卷帙之繁望洋生歎焉又舊圖止有正面背面二總圖而未能各國皆有無以愜左圖右史之願今則用廣東香港冊頁之圖每圖一國山水城邑鈎勒位置開方里差距極度數不爽毫髮於是從古不通中國之地披其山川如閱一統志之圖覽其風土如讀中國十七省之志豈天地氣運自西北而東南將中外一家歟夫悉其形勢則知其控馭必有於籌海之篇小用小效大用大效以震疊中國之聲靈者焉斯則夙夜所厚望也夫至瑪吉士之天文地球合論與夫

海國圖志

後敘

六

近日水戰火攻船械之圖均附於後以資博識備利用咸豐二年邵陽魏源敘於高郵州



海國圖志卷一

邵陽魏源撰

籌海篇一 議守

自夷變以來，惟幄所擘畫，疆場所經營，非戰即款，非款即戰，未有專主守者。未有善言守者，不能守，何以戰，不能守，何以款，以守為戰，而後外夷服我，調度是謂以夷攻夷，以守為款，而後外夷範我，馳驅是謂以夷款夷。自守之策二：一曰守外洋，不如守海口，守海口不如守內河，二曰調客兵，不如練土兵，調水師不如練水勇，攻夷

海國圖志

卷一

籌海篇一 議守

之策二：一曰調夷之仇國以攻夷，師夷之長技以制夷，款夷之策二：一曰聽互市各國以款夷，持鴉片初約以通市，今請先言守。

今議防堵者，莫不曰禦諸內河，不若禦諸海口，禦諸海口，不若禦諸外洋，不知此適得其反也。制敵者必使敵失其所長，夷艘所長者外洋乎，內河乎，吾之所禦賊者，不過二端：一曰礮擊，一曰火攻。夷之兵船，大者長十丈，闊數丈，聯以堅木，澆以厚鉛，旁列大礮二層，我礮若僅中其舷旁，則船在大洋，乘水力活，不過退卻搖蕩，不破

不沉，必中其桅與頭鼻，方不能行駛，即有火輪舟牽往別港，連夜修治，惟中其火藥艙，始轟發翻沉，絕無洩底

鑿沉之說，其難一：若以火舟出洋焚之，則底質堅厚，焚不能然，必以火箭噴筒焚其帆索，油薪火藥，轟其舵尾頭鼻，而夷船桅斗上常有夷兵遠鏡瞭望，我火舟未至，早已棄旋駛避，其難二：夷船起旋，必須一時之久，夷船三五為幫，分泊深洋，四面棋布，並非連檣掛列，我火船攻其一船，則各船之礮皆可環擊，并分遣杉船小舟救援，縱使晦夜乘潮，能突傷其一二艘，終不能使之大創。

海國圖志

卷一

籌海篇一 議守

而我海岸懸長，處處防其闖突，賊逸我勞，賊合我分，其難三：海戰在乘上風，如使風潮皆順，則即雇閩廣之大梭船，大米艇，外裹糖包，亦可得勝，鄭成功之破荷蘭，明汪鉉之破佛郎機，皆偶乘風潮出其不意，若久與交戰，則海洋極寥闊，夷船善駕駛，往往轉下風為上風，我舟即不能敵，即水勇水雷亦止能泗攻內河淡水，不能泗伏鹹洋，其難四：觀於安南兩次創夷，片帆不返，皆誘其深入內河，而後大創之，則知欲奏奇功，斷無舍內河而禦大洋之理，賊入內河，則止能魚貫，不能棋錯四布，我



止禦上游一面先擇淺狹要隘沉舟緝復以遏其前沙  
坦大礮以守其側再備下游樁筏以斷其後而後乘風  
潮選水勇或駕火舟首尾而攻之沉舟塞港之處必  
雷洪路以出火舟或  
仿粵中所造西洋水雷黑夜泗送船底出其不意一舉  
而轟裂之夷船尙能如大洋之隨意駛避互相救應乎  
倘夷分兵登陸繞我後路則預掘暗溝以截其前層伏  
地雷以奪其魄夷船尙能縱橫進退自如乎兩岸兵礮  
水陸夾攻夷礮不能透垣我礮可以及船風濤四起草  
木皆兵夷船自救不暇尙能回礮攻我乎即使向下游

海國圖志 卷一 海防篇一 議守 三

沉後之地豕突衝竄而稽留片時之間我火箭噴筒已  
燼其帆火罐火斗已傷其人水勇已登其船岸上步兵  
又扛礮以攻其後乘上風縱毒煙播沙灰以眩其目有  
不聚而殲旃者乎是口門以內守急而戰緩守正而戰  
奇口門以外則戰守俱難爲力一要既操四難俱釋矣  
或曰門戶失守則民心驚惶縱賊入庭則必干罪戾倘  
賊方入口卽分夷兵登岸夾攻我後或進攻我城則如  
之何曰所謂誘賊入內河者謂兵礮地雷水陸埋伏如  
設筵以待虎設罾以待魚必能制其死命而後縱其入

險非開門延盜之謂也奏明兵機以縱爲擒何失守之  
有賊雖入口尙未至我所扼守之地何驚惶之有然海  
口全無一兵尙恐賊疑未敢長驅深入必兼以廢礮羸  
師佯與相持而後棄走引入死地卽如粵之三元里非  
內地乎若非夷兵登岸肆擾安能成圍會截敵之舉松  
江府城非內河乎尤提軍於上海失守之後整兵二千  
以待夷船駛入放礮相持二日而退使先備火攻塞去  
路安在不可奏安南殄敵之功傳曰不備不虞不可以  
師易曰王公設險以守其國夫險者非徒據口拒守敵

海國圖志 卷一 海防篇一 議守 四

不能入之謂謂其口內四路可以設伏口門要害可截  
其走寇能入而不能出也自用兵以來寇入粵東珠江  
者一入甯波甬江者一入黃埔松江者一皆惟全力拒  
口外而堂奧門庭蕩然無備及門庭一失而腹地皆潰  
使舍守口外之力以守內河守口外兵六七千者守口  
內兵不過三千得以其餘爲犄角奇伏之用猶賊知兵  
必不肯入如果深入送死一處受創處處戒心斷不敢  
東闖西突而長江高枕矣何至鯨駛石頭之磯霆震金  
焦之下哉故曰守遠不若守近守多不若守約守正不



若守奇守闊不若守狹守深不若守淺

請縱言浙江浙江島嶼林立而舟山居其一以險則非

門戶以富則非沃壤以大則僅彈丸明湯和經理沿海

并未收入內地明之定海今之鎮海縣也康熙初始移定海於舟山而改舊衛稱鎮海順

治八年議政王大臣奏言舟山乃本朝棄地守亦無

益其令副都統率駐防滿兵回京此皆開國老成瞻言

百里故康熙以前皆棄化外蓋城偏海濱船抵城外礮

及城內迥非臺灣瓊州崇明之比崇明雖最小而四面沙灘兩港曲折數十

里非小舟不能入乃甯波瀕海連岸之南田山壑成沃壤者反

海國圖志卷一 海防篇一 議守 五

禁不許開而重兵以守孤懸之島使外夷得以挾制此

不得地利者一然則如之何曰棄定海移其兵民於南

田嚴守甯波伴退鎮海招寶山以誘入之而後於甬江

下游狹港塞其去路乘風火攻者上策專守鎮海不使

入者次之分守定海者為下

請縱言廣東香港與尖沙嘴裙帶路三嶼相連周百餘

里堪避風浪而孤懸海面亦粵之舟山耳夷與我通商

則必入虎門方能貿易不與通商則夷雖孤處香港無

益其地距廣州四百餘里距虎門二百餘里何預咽喉

利害次則沙角大角礮臺遠隔虎門之外江面寥闊大

礮僅及中泓不足遏夷艘適足招夷礮何必守所宜守

者虎門之橫檔三門與虎門內烏涌再進曰獵得曰大

黃濬蓋廣東外城卑薄而城外市廛鱗次必應扼其要

口以為外障至四方礮臺踞省城後山俯視全城乃

國初王師破城所設是攻城之要非守城之要也事

平後早宜毀拆而阻其上山之徑乃不嚴守省河要口

而反守四方礮臺即使不失守其礮能遙擊夷船乎抑

將俯擊城中之人乎其失地利者二然則如之何曰拆

海國圖志卷一 海防篇一 礮守 六

去四方礮臺增修外城沉舟筏於獵得大黃濬倚山近

水堅築土城守以兵礮使夷兵斷不能闖省城而後潛

遣人樁塞烏涌上下火舟乘夜夾攻者上策棄沙角大

角固守虎門者次之弛內備而徒爭香港者為下

請縱言福建福州泉州諸河湍急皆潮至通舟潮退淺

闊則一潮不能直達故賊大艘不敢闖入所守者惟厦

門厦門有鼓浪嶼障其外大舟進港可至虎頭關小舟

可至稅關舊設礮臺於口門不足制賊僅足自守上年

反於口外大檔小檔暗嶼青嶼等紛增礮臺備多力分



故為夷所破其失地利者三然則當如之何曰以精兵重礮內伏虎頭關盡藏火舟於內港倂以廢礮疲兵守口棄走誘入內港而後水勇火具四面殲之者上策固守口門舊礮臺不使人者次之紛增多臺自相牽制者為下

請縱言江蘇寶山城偏海塘三面寥闊潮頭浪花高灘雉堞故 國初李成棟軍至此驚為絕地見寶山縣志且

以財賦文學之邦而城中無千金之產無一命之士即承平尚宜內移於江灣羅店或與嘉定上海同城乃以

海國圖志 卷一 籌海篇一 議守 七

重兵多礮守洋面即使不失守亦何能出奇制勝此失地利者四然則當如之何曰棄寶山專守上海沉舟後阻江灣而後誘其入江潛以樁後塞東溝下游而火舟水勇攻殲之者上策固守東溝毋使深入者次之守寶山海塘者為下

請并言天津天津府城直沽河距海口二百里潮退淺闊且外有沙洪為門戶中通大艘可以舟後沉塞倘夷艘敢北犯但內徙礮臺於近城縱其深入截其出口而火舟水雷夾攻之者上策設兵礮於沙洪伏地雷於近

岸者次之遠設礮臺於口外者為下

然則浙之錢唐江蘇之揚子江廣闊浩瀚既不能沉舟復以截其前後而火攻又易於駛避若何曰錢唐江西岸潮落沙灘十餘里夷船即入止能東擾蕭山斷不能西犯杭城且海口龔緒二山近皆漲淺猾夷早已探明故不肯駛入揚子江口外有君山圖山兩重門戶江陰鵝鼻嘴即君山之麓也斗入江中與對江之劉文沙相距四五里圖山與對江之東新河相去二三里 國初張名振鄭成功動輒闖入大礮遠則無力本難恃為門

海國圖志 卷一 籌海篇一 議守 八

戶故凡言守圖山者皆道聽耳食之譚也若既闖入以後非北窺揚州即西犯江甯揚州寶塔灣回腸曲折最便于伏火舟斷去路惟運河淺狹夷大艦不能入其入者不過火輪杉板四五舟夷兵六七百人即燼之亦無能大創惟江甯省會則大兵艘環集於石頭城即下其關也其外界沙洲數十里江面極狹而城內秦淮可藏火舟可出火舟夷船惟火輪無風能行其兵船貨船則無風不能動攻之之法宜乘無風之夜潮退之時以火舟水勇出水西門順流而下以數小舟攻一舟夷船首尾無礮



其同幫各船之礮恐自擊其鄰舟則不敢開火烈具舉  
船各自救亦不暇開我兵或泅或伏出沒如意亦不畏  
其開其尾大不掉之兵艦有不帆焚索斷舵燼鼻壞者  
乎四者去則船不能行人船可以並獲其奏功之小大  
則視火舟之多不多水勇之練不練火舟多水勇練以  
數百火舟攻數十兵艦卽有散旋於下游他岸者亦有  
下游火艇由運河出由瓜洲出由中閘出各攻各艦但  
使一夕無風夷艘必無噍類若得粵中水雷百具水勇  
黑夜泅送各艘之底一舉而燼之尤萬全策若彌旬連

海國圖志 卷一 籌海篇一 議守 九

日大風竟無風息之時則以火舟攻其上風而以石油  
江豚油之火箭噴筒從下風夾攻之專攻帆索亦必可  
焚其半夷若乘東風駛往上游則不能出海仍是檻籠  
中物若乘西風駛往下游則驅偏出海縱不可殲敵而  
可以走敵永不敢再窺內江矣或曰此皆謀之在預備  
之於先若既不能拒之口外又未嘗備諸口內一朝夷  
艘闖入倉卒風鶴無火具可購無小舟可雇無水勇可  
募其若之何曰調度不得其人雖謀之甚年亦潰之一  
且若調度有人則龍關六閘乃木簾所集沿江洲地爲

薪荻所敷上海之閩廣水手儀徵下河之私梟匪艇出  
沒風濤亡命驚利視死如歸一呼數千可集至火藥火  
毬火箭奇油毒藥軍興防堵局購辦所費鉅萬夷自六  
月初破寶山後七月朔日始抵江甯九月始出江口前  
後將及三月但一面羈縻一面備戰何事不可立辦順  
治十七年海寇鄭成功百萬之眾破瓜洲破鎮江沿江  
郡縣望風納款其時江甯防兵調征雲貴守備空虛東  
南全局皆震其岌岌豈但今日而梁化鳳且款且守突  
出陸戰以挫之火其百艘以走之彼豈備之於先謀之

海國圖志 卷一 籌海篇一 議守 十

於豫哉千兵易得一將難求粵東初年有殲夷之備而  
無其機近日江浙有殲夷之機而無其備機與才會事  
功乃出或曰圖山君山之隘說者皆謂可沉舟以斷其  
去路子何獨謂其不能火攻必乘順風子何以必待無  
風若夷舟不能動則大洋無風亦可攻之無風何又患  
其駛避豈夷船能無風駛動於大洋而不能駛動於長  
江耶曰沉舟塞江之事卽使施諸珠江甯江黃浦江淺  
狹之處尙必深下木椿厚聯竹纜加以大樹大石始可  
禦潮洑而免漂散況長江近海之處至狹亦必數里江



愈狹則洪愈深，潛愈急，又樁不能下，纜不能聯，如以無  
樁無纜，高僅丈許之舟，深沉於數丈之底，橫亘於數里  
大溜之間，以當千里潮洑之衝，何異以朽株遏奔駟，荷  
蘭沉二甲板船於鹿耳門，有渾潮而無內水，故淤沙愈  
漲，愈積，足以紆束港口，若內水與外潮互相撞擊，即盡  
沉夷船百十，尙不足填天塹，況能截其去路，是沉舟之  
策，斷不可施。諸長江我順風而火之，夷亦順風而避之，  
惟有無風則大艘寸步難動，而小舟槳櫓如飛，此安南  
札船所以制勝也。夷艘雖稱能轉風勢，然亦止能駛三

海國圖志

卷一

海國圖志

七

面之風而不能駛，迎面猛烈之風，尤不能駛，行無風，觀  
上年夷帥士密之兵船自澳門至虎門，五日方至，其證  
一、稷西之兵船在閩洋南澳，爲我水勇所攻，以無風不  
能開動，良久風起，始起旋，其證二、均見新韓世忠以海  
舟邀金師於黃天蕩，使船如使馬，兀術驀破海舟之策，  
以小舟載土鋪板，乘無風火其帆索，海舟不能避，煙焰  
漲天，其證三、蓋赤壁鄱湖之役，千艘短聯，萬檣林立，故  
順風一火，勢若燎原，若夷船不過數十艘，分泊各岸，無  
所牽制，乘風棄旋，誰執驚鷗，若非沉舟截之，則必以無

風蹙之，但大洋無風無浪之時極少，蓋無論順風逆風，  
微風皆難制者，大洋無論順風逆風，無風皆可攻者，內  
河長江形勢比之內河，則不足比之，大洋則有餘，故有  
風不可攻而無風則可攻。

英吉利夷艘兩碎於安南，人遂以爲安南水戰無敵於  
西洋，札船且勝於洋船，請試詰之曰：安南船礮果無敵  
也，則嘉慶人寇閩浙之艇，匪即阮光平所遣烏艚船百  
餘艘，宜乎橫行海外，何以敢劫商船而不敢劫夷艘，又  
何以屢被挫於閩粵，被颶碎於浙江乎？殊不知安南勝

海國圖志

卷一

海國圖志

七

英夷者在，縱其深入內河，而非馳逐於外洋，拒守於海  
口也，其所用札船狹長多槳，進退捷速，如競渡之龍舟，  
如粵東之快蟹艇、蜈蚣艇，特多一尖皮頂及左右障板，  
以避銃礮，以小勝大，以速勝遲，若大洋則不能使槳，是  
門艦火攻之具，非樓船水犀之軍也。富良江廣南港江  
面廣闊，與錢唐江揚子江等，一則誘至灘淺潮落而閣  
之一，則預備火舟，晦夜而乘之，以馳騁大洋，則不足以  
犄角內河，則有餘，關智不關力也。夷船橫行大洋，則有  
餘，深入堂奧，則不足爲客，不如爲主也。安南界連閩粵



民習水戰同於漳泉惠潮故夷船始至則畏閩粵而不  
敢攻繼則兩次闖入虎門廈門皆棄之不守而惟滋擾  
於江浙使得調度閩粵水勇之人則夷船凡入粵河入  
浙河入吳淞入長江同於安南可乘之機者凡四交臂  
束手而惟歸咎於船礮之不如夫安南之創夷其為洋  
船洋礮者安在惠潮漳泉間其為安南之人何限其為  
札船之技何限或又謂倭寇專騷內地故舍外洋禦海  
岸舍海岸禦城外者禦倭寇之法非禦英夷之法不知  
此又適得其反也倭寇長於陸戰短於水戰由其入寇

海國圖志

卷一

籌海篇一

謹守

七

皆窮島亡命無力置大艘大礮惟恃其膽力渡洋恃其  
刀鎗豕突故登陸則不可敵使以倭船遇閩粵之船則  
如石碾米也使其倭船遇大礮火器則如狼驅羊也明  
代剿倭名將亦惟知角諸陸戰雖間或擊其情歸亦已  
傷深瘡痍惟唐順之俞大猷始惓惓於擊賊海中且謂  
擊歸船不若擊來船深得治倭要領而戈船水岸之備  
亦未及見施行夫倭之所長在陸擊之外海在攻其所  
短英夷所長在海待諸內河待諸陸岸則失其所長乃  
明人禦倭者不知禦之於外而今日禦英者又不設伏

於內故天下實效之事必與庸眾之議論相反

或曰專守內河誠可制夷艘之橫突而不能制夷礮之  
猛烈則我兵猶憐虛聲奪銳氣其若之何曰大礮者水  
戰之用非陸戰之用也即水戰亦我師擊沉敵舟之用  
非敵舟擊傷我兵之用也且沉舟亦攻海面遠舟之用  
非內河近岸近舟之用也西北平原大磧陸戰用礮必  
先立戰車以制敵騎然後駕礮於車以破敵陣東南江  
濱海濱夷若以輪推礮上岸則有灘塗沮洳之險有塘  
陡岸峭之險有港汊橫縱之險大船不能近岸小舟不

海國圖志

卷一

籌海篇一

謹守

南

能載大礮故自用兵以來夷兵之傷我者皆以鳥鎗火  
箭從無攜礮岸戰之事惟我兵之扛礮扛銃則跋涉奔  
馳所至可用且較彼鳥鎗火箭更遠更烈其可無懼者  
一若夷從船上開礮則無論數千斤之礮數十斤之彈  
遇沙即止而我兵得於沙垣中礮擊其舟故廈門定海  
寶山屢為我礮擊破夷船而廈門定海之土城寶山之  
土塘皆未嘗為礮破即鎮海鎮江之城牆亦未嘗為礮  
破松江夷船開礮兩日我兵列陣城外伏而避之礮過  
後起畢竟未傷一人其破城者皆小舟渡賊登岸攻我



背後我兵望風輒潰及夷至則城中已無一人何嘗與礮事哉但使近塘近城之地兼伏地雷則我礮可傷夷夷礮不能傷我其可無懼者二夷船在大洋去岸數里鎗箭所不能及故非數千斤大礮不能遙擊闖入內河則舟岸相去不過半里數丈而我之扛礮必可及半里火箭噴筒可及十數丈但沿岸先築土垣則我之火器可及夷礮不能及我其可無懼者三或謂內河上游要隘我可預沉舟筏築礮城備兵勇其下游縱敵入隘之處預設之則敵疑不前不備之則倉卒無及不知惟

海國圖志

卷一

籌海篇一 議守

七

大礮笨重難運至樁木筏材可伏近村囊沙塗泥散亂堆野敵一望無可疑俟敵舟已過之後分遣兵勇一面運筏下樁一面壘沙成垣頃刻可就而我扛礮之兵亦頃刻可集不恃大礮而用扛礮出奇設伏其利無窮可無懼者四然有一宜防者則曰飛礮非謂懸桅上之號礮而謂仰空墮彈之炸礮也我之礮臺雖堅而彼以飛礮注攻炸裂四出迸射數丈我將士往往擾亂雖攻粵城時所放飛礮火箭非墮空地則飄池塘以隔城而不能有準見章奏而廈門則以飛礮而眾潰寶山則又以飛

礮而眾潰惟是內河水勢深淺不能一律即使夷船冒險駛入必須時時測量以防淺攔斷不能數十艘一齊擁進其飛礮能及垣內者不過偏近塘岸之數艘急用大礮扛礮注攻其火藥之艙拉蓬索扶頭鼻之人是為急策更有預備之策先于土垣內橫挖淺田鋪磚貯水我兵可以往來飛礮火箭墮水即熄或為斜坡前高後低使飛礮轉落深坑此須預先歷試不可臨時僥倖由此觀之夷之長技曰飛礮我之長技曰扛礮扛礮又不如扛銃若能講求益精於輕礮中藏用炸彈則且兼有

海國圖志

卷一

籌海篇一 議守

六

飛礮之長詳五十五卷誠能出奇設伏則多造大礮不如多造扛礮輕礮鑄製易演練易運負易挾攻追剿易橫放直透可傷數十人可及百餘丈視笨重不靈之大礮得力十倍乃張夷者競曰夷礮之利禦夷者亦曰鑄大礮之利曾不問所施何地試問用兵以來定海總兵以扛礮連戰數日殲夷千計而大礮則擊破一舟之外無他效也大寶山以扛銃三十擊死夷兵四百而招寶山所列大礮不曾一用至去冬以來浙江鑄礮益工益巧光滑靈動不下西洋而效安在也甚至沙角大角之戰陳



連升以地雷打銃擊死夷兵三四百而虎門左右所購列西洋夷礮二百餘未聞足以拒敵而適以資敵也不講求用礮之人施礮之地與攻礮守礮之別陸礮水礮之宜紛紛惟以畏礮爲詞鑄礮爲事不過祇藉兵而資寇故曰城非不高也池非不深也兵甲非不堅利也委而去之是器利不如人和也

兵無利器與徒手同器不命中與徒器同自軍興以來各省鑄大礮不下二千門虎門廈門定海鎮海之陷寶山鎮江之陷每省失礮約四百餘此皆重八千斤至一

海國圖志

卷一

籌海篇一

議守

七

千斤先後遺敵者千五六百門夷初攻廈門之役我軍開礮二百餘僅一礮中其火藥艙大艘轟裂沉海夷船遂退是數百礮僅得一礮之力也再攻定海時葛總兵開礮數日相持僅一次擊中其火輪頭桅卽欹側退竄是數百礮僅得一礮之力也攻廣東省城時惟中其一火輪一兵船頭桅及杉板數舟攻寶山時陳提軍礮中其火藥艙沉翻者二擊破其頭鼻頭桅者二夷遂繞攻小沙背是亦僅各得數礮之力也使發而能中則我礮亦足以破夷船發而不中卽夷礮亦成虛器中則一礮

亦足威敵不中則千礮徒費火藥其至礮力也其中非礮力也夷兵艘五十火輪艘十大小杉板舟數十但使我軍開數百礮內有數十礮命中卽可傷其數十舟大

者翻沉次者損折沉一船可殲數百人傷一船可傷數十人尙何敵之不摧如發而不中則虎門所購西洋夷礮二百位其大有九千斤者何以一船未破一礮未中是知礮不在大不在多并不專在仿洋礮之式惟在能中與不能中不能中之弊有三礮臺依山者前低後高依水者四面受敵皆易受飛礮是建置不得地難中一

海國圖志

卷一

籌海篇一

議守

六

山礮陷於石洞臺礮陷於垣眼陸礮木架不能運轉左右是以呆礮擊活船難中二兵士施放不熟測量不準臨時倉皇心手不定難中三夷船大礮不過重三千斤我守城守岸之八千斤大礮本夷船所極畏止以蹈前三弊故夷船得以先避我礮路施其炸彈誠使臺得地勢垣可藏身架可撥轉別伏奇兵以防後路礮眼分作兩層高者準夷之中艙低者準夷之舳底測以儀器演以標的臨時手眼合一心膽俱壯夷船雖堅桅雖大能當二三千斤礮不能當八千斤之大礮烏有中而不裂



者其火輪船杉板船則二三千斤礮亦足以破之其船面拉篷索扶頭鼻之人則千斤礮亦足以殲之烏有中而不摧者至夷之礮架均用車輪裹以鐵葉其數百斤及千斤之礮亦可推挽登岸然泥塗坡坎即不能行放定海慈谿兩次陸戰均無推礮鎮江曾推數礮上岸以地勢不便而退英夷又有馬礮軍駱駝礮軍惟用於西洋本國去冬粵東奏夷船四艘其載馬二百匹皆高大於內地之馬曾至定海蓋將為陸戰之用然安南緬甸皆以象負礮而戰傷其象鼻則反奔況馬與駱駝乎

海國圖志 卷十一 籌海篇一 護守 九

自用兵以來中外朋議不出二端非苟且即虛僞虛僞之議如雇商艘以戰大海沉舟後以截大江人皆知其難行然遂欲以苟且為苟安信下策為上策則其謬尤不可不破說者曰我兵皆立船上而夷兵皆藏船中我以血肉之軀當礮而夷以堅厚之舟當礮況我軍礮不如火藥不如礮手更萬萬不如奈何誤信稗史周郎江上之火鄂王湖中之草施諸浩瀚大洋欲以燼夷艦而膠火輪豈非兒戲應之曰自用兵以來我兵未嘗與夷一戰於海中也安有立船上以受夷礮之事夷攻岸則

我兵伏土塘中矣夷攻礮臺則我兵伏沙垣中矣夷攻城則我兵又伏女牆中矣又安有立露地以當夷礮之事且大礮彈重者數十斤小者十餘斤若果能以大礮陸戰則無論我礮夷礮橫放直透當者皆必決成血渠死傷百計試問夷寇粵閩寇江浙曾有大礮陸戰之事乎且夷兵雖藏船中而其拉篷索扶頭鼻之兵數十人則皆立艙面故我礮能從垣出擊夷船而夷礮不能隔垣以傷我是我以沙土當夷礮而夷以血肉當我礮其證一夷船一面攻礮臺一面以小舟渡兵繞攻旁岸夫

海國圖志 卷十一 籌海篇一 護守 十

夷兵涉灘塗爬峭岸我兵守岸上得以扛銃矢石俯擊一可當百其船上大礮恐自傷其攻岸之夷亦不敢遙擊是夷兵又以血肉當我火器而我兵以土岸當彼夷礮其證二乃夷兵抵岸後賊即撤去其舟使絕反顧故能冒死突前而我兵立於萬全之地進退自由反為一二飛礮驚走既走之後潰兵逃將既張皇敵礮以遺誅縉紳耳食復神奇敵軍以脅款甚至以周瑜江上岳王湖中之火攻水戰皆不足信不知江上湖中皆內河非大洋也安南廣南兩燒夷船片帆不返非內河火攻乎



餘姚之艘陷軟泥臺灣之艘閣淺礁皆人船并獲其淺  
關而我師不攻者定海郭士利之舟辛丑春歲款夷兵  
退出定海郭士利

三桅大舟附淺旁有二舟救護  
兼雇遠近鄉民撥載二日始動粵東天字礮臺下之舟

粵東款後夷兵退出大舟關于礮臺粵  
民欲火之義律移文大吏出示禁止皆數日始能移

動非明證乎邇者夷破吳淞後欲闖蘇州遣火輪舟測

水至泖湖輪膠於水草而返又非岳湖故轍乎況火輪

非戰艦不過哨探之用礮傷其一輪則全舟欹側不能

行方火輪窺松江窺餘姚窺揚州時其河橫不過

三四丈深不過丈許有何浩瀚汪洋之處沉後沉舟沉

海國圖志 卷一 籌海篇 一 譯

大樹皆可塞其走路火輪不能闖過稽延片時而兩岸

伏兵追兵伏礮扛礮火舟火器齊發何難收岳王湖上

之功乃不但戰艦不能制並火輪杉板皆不能制且故

危其詞如鬼神雷電例內河於大洋証正史為稗史悲

夫悲夫

方夷寇初興人皆謂其僅長舟戰一登岸則無用及浙

粵屢北則又謂夷兵陸戰亦不可敵陸兵敗矣而所以

致敗之由終未明於天下夫沙角礮臺之戰副將陳連

升以兵六百當夷數千殲夷數百以無援救而敗大寶

山之戰副將朱桂以兵六百當夷二千殲夷數百以無

策應而敗三元里之戰以區區義兵圍夷酋斬夷帥殲

夷兵以款後開網縱之而逸孰謂我兵陸戰之不如夷

者至定海之守甚嚴戰甚力何亦敗陷其所以敗陷之

由則亦至今未明於天下方夷寇之未逼定海也三鎮

以兵五千往防堵善後首議修城其地三面環山前面

瀕海城外二三里為紅毛道頭市長里許三鎮議築外

城包道頭街於城內左右抵山其三面則以山為城有

諍者曰天下無一面之城此海塘非外城也賊一翻山

海國圖志 卷一 籌海篇 一 譯

入即在城內矣備多則力分山峻則守勞請前勿包埠

左右勿倚山但環舊城再築外郭庶城足衛兵兵足守

城而議者皆謂市埠不可棄且左右高山我兵踞高臨

下仰攻不入時主兵者未渡海但據圖指揮遂從之嗚

呼山雖高峻而外非峭壁徑路坡陀可上但知白日晴

明之可守而不知晦冥風雨之難守也但知一二日之

可守而不知旬久師疲之難守也夷兵攻城退後回舟

安息我無舟師水勇以擾之而我兵則時時處處晝夜

設防山高嶺峻寢食無所天下有此守城之法乎是秋



夷艘至果乘大風雨晝夜攻擾至第五日乘我守疲兼值風逆遂以小舟渡兵撤舟死戰火氣炎上下擊無力遂登山入陷之嗚呼定海本不必守之地而所修築者又必不可守之城城陷久矣而所以致陷者終未明於天下不戒前車仍踵覆轍恐將來倒柄受敵者未有已也然則當如之何曰兵無常形地無定勢要之凡戰者必先謀敵之所以敗我至於六七竭智共攻其無可敗也乃可以行凡守者必先謀敵之所以攻我至於六七竭智共攻其無可入也乃可以守

海國圖志 卷一

籌海篇一 謹序

謹

孰為正孰為奇節制紀律不可敗堅壁清野不可犯正也出奇設伏多方誤敵使不可測奇也今禦外夷請先言外夷之兵法緬甸用兵遇強敵則專用大木樹柵為不可拔有時守禦堅固雖英吉利軍亦為所拒四洲志故李定國攻阿瓦都城之役其城三面環水緬於一面陸地復鑿為湖而樹木城於其前出兵守之俄於木城外復立一木城亦出兵守之如此漸備定國營始出兵大戰雖因象陣被傷反走而據柵為固終不可敗劉健庭間錄乾隆征緬之役緬守老官屯先據高坡堅立木柵柵外

三壕壕外列鹿角官兵大礮火箭地雷百道攻之終不可拔此即步步為營以守為戰之法暹羅軍柵亦然所謂正也英吉利康熙中以兵船由地中海攻俄羅斯俄羅斯歛兵縱其登岸而奇兵絕其歸路天大風雪英軍飢凍不戰自潰此一奇也佛蘭西嘉慶初合列國兵數十萬由陸地攻俄羅斯俄羅斯傾國遷避佛蘭西兵長驅入其國都俄羅斯兵乘大風雪夜潛回縱火佛蘭西兵焚凍死各半敗績而遁此二奇也準噶爾康熙中以兵三萬田色梭格河攻俄羅斯兩岸高山中通一峽深

海國圖志 卷一

籌海篇一 謹序

謹

入六七百里不見一人準噶爾疑其設伏誘陷急班師遁去此三奇也俄羅斯之待強敵與安南之待英夷如出一轍夫緬甸安南之待英軍豈皆有洋艘洋礮而一勝以陸兵之節制一勝以水戰之誘伏今師出無律是不知有正也臨出無謀是不知有奇也以無律無謀之兵即盡得夷礮夷艘遂可大洋角逐乎不知自反而惟歸咎於船礮之不若是疾誤庸醫不咎方而咎藥材之無力也噫



籌海篇二 議守下

夷事無所謂用兵也。但聞調兵而已。但聞調鄰省之兵而已。夷攻粵則調各省之兵以赴粵。夷攻浙則調各省之兵以赴浙。夷攻江蘇則又調各省之兵以赴江蘇。兵至而夷已就撫。則供客兵者。又逆歸兵。兵甫旋而夷或敗盟。則又調歸兵以爲戰兵。夫國家各省養兵。原以備各省緩急之用。而沿海尤重兵。所在江蘇五萬。浙江逾四萬。福建六萬。廣東將及七萬。若謂本省不皆精銳。而選調客兵。必皆精銳乎。則何以夷初至閩粵時。未嘗調

海國圖志 卷一

籌海篇二 議守

一

他省一兵而守禦屹然。及徵兵半天下。重集於粵。而粵敗塗地。重集於浙。於江而江浙又敗塗地。若謂英夷強寇非一省所能抵禦。則夷兵艦大小不過五十艘。其攻城上岸不過二三千人。豈一省養兵數萬。無數千可用之兵。沿海民風強悍。豈無數千可圍之義勇。若謂閩粵民兵雖可用。而多通外夷。江浙雖無漢奸。而民多柔弱。則何以廣東之斬夷會。捐賊艦者皆義民。兩禽夷船於臺灣。火攻夷船於南澳者。亦義民。而明人平倭寇。皆處州義烏之兵。近日戰定海保松江者。皆壽春之兵。然

則各省之勇民原足充各省之精兵。練一省之精兵。原足捍一省之疆圉。所要者。止在募練之得法。所難者。止在調度之得人。不在紛紛多調客兵也。前代錢氏有吳越王氏有閩。劉氏有粵。各通番舶。倘有海警。豈能借助於鄰。援又豈能合從以禦侮。況防海宜習水戰。而多調陸兵。舍長用短。以短攻長。不利一。在籍有安家。在途有傳食。事竣有回遞。縣縣傳送。驛驛供張。則累在官。來如乳虎。敗如鳥散。則騷在民。每土兵四五而贍一客兵。曷若省客兵之費。以練土著。不利二。故曰調兵者。選調本

海國圖志 卷一

籌海篇二 議守

一

省之兵而已。募兵者。選練本省之人而已。遠調不如近。調遠募不如近募。或曰賊如舍沿海而專攻一省。他省有兵無賊。此省賊多兵少。則如之何。承平恬熙。水陸弛懈。即有可用之兵。而無訓練。有可募之勇。而無紀律。安能俟數月訓練之成。以應倉卒之敵。則如之何。曰一巡撫提督所轄。則本省之兵也。一總督所轄。則近省之兵也。賊少專用本省。賊多兼用近省。如寇攻粵。則募本省水勇爲水師。而廣西出陸兵以佐之。賊攻浙。則練金處溫台勁兵備陸戰。而福建選水勇以佐之。夷攻蘇。則練



淮揚松江水勇與徐州兵備戰而安徽壽春兵佐之合  
兩省之兵勇豈尙不足禦一面之賊故曰要在募練之  
得法難在調度之得人不在紛紛多調客兵爲也

問曰遠調不如近募何耶曰挑選土著之利有三一  
銳而曰遠募不如近募何耶曰挑選土著之利有三一  
曰服水上二曰熟道路三曰顧身家計調兵一而當募  
勇之費十當土著之兵五以十丁之費募一丁以五兵  
之費養一兵練益精則調益寡調益寡則費益省以所  
省者練兵兵何患不精費何患不給或曰威繼光論選

海國圖志 卷一 藝文二 論序 若

兵之法除城市柔猾奸巧之人必不可用外必選氣力  
選武藝選身軀選靈警而尤必以膽爲主無膽則氣力  
武藝偉岸靈警皆無所用又曰選浙兵處州爲上義烏  
次之台州次之紹興又次之此外雖韓白復生不可用  
選兵若是之難嬰相之圖幾何人乎曰此言專爲杭嘉  
湖蘇松之人而發又爲福建上四府而發至漳泉惠潮  
之民械鬥則爭先赴敵頂凶則視死如歸矣舟戰則出  
沒風濤如履平地矣江北類毫壽泗徐浦之民家家延  
教師人人佩刀劍或一人能負放大礮矣儀徵下河販

鹽小舟入捍舟持械冒險莫敢誰何矣此其膽何待選  
武藝何待教故選精兵於杭嘉蘇松是求魚於山求鹿  
於原也選精兵於海南於江北則求柴胡桔梗於沮澤  
也不可以勝收也一省且有可調不可調可募不可募  
況紛然徵調於數千里外哉故選兵先在選地

募水勇之事天津山東不如江浙江浙不如閩廣以福  
建言之當夷艘初犯廈門大吏激厲水勇人人思奮故  
出洋立功及款議興俘夷釋軍賞遷延而氣一挫是秋  
所募赴浙水勇八百皆人人精悍及至浙而定海款議

海國圖志 卷一 藝文二 論序 末

成水勇空往空返而氣再挫次年又募精銳千人赴粵  
及至粵而前數日款議成水勇空往空返而氣三挫顏  
制軍召募本省水勇八千聞粵東款議漫然散遣不擇  
其精銳撥補水師而氣四挫自是水勇人人離心及夷  
船再至無暇號召其猾者甚且內應而廈門不守矣廣  
東初年水勇五千前後出洋燒夷艇匪艇逆夷望風畏  
竄及款議興一朝散遣而氣一挫新至諸帥誤疑粵民  
盡漢奸無一可信又不約束客兵騷擾居民而氣再挫  
於是虎門不守而省城累卵矣及夷兵淫掠激民之怒



於是一戰於三元里而夷會大困一截燒於虎門橫檔而夷艘煨燼可見閩粵民風之勁悍各省所無外夷所懾而水戰火攻尤其絕技斷不可望於山東天津漁鹽之戶蓋東南長水西北長陸遷地弗良得人者昌

今日沿海所患安在乎必曰械鬥之民也煙鹽私販也海盜也漁艇蛋戶也今日陸地所患安在必曰回匪也鹽匪也捻匪紅湖匪曳刀匪也官吏切齒為亂民有事則目為漢奸其中有一二人能號召數百二三千人者非有烏獲之力猗頓之財而信義意氣能豪一方其人

海國圖志

卷一

籌海篇三

完

皆偏裨將才其所屬皆精兵而自文法之吏視之則且謂亂民之首也夫兵者毒藥藥不毒則不能攻毒故易之師曰以此毒天下而民從之華事夷言曰英夷所中國之兵若善調度即為第一精兵現在廣東岸上力作之人與水中漁販之人其技勇皆歐羅巴人所不及若挑練此等人為兵卒可謂一等勇壯之兵雍正中西虜未靖詔各省選技勇送京師得數千人其最者能挽鐵弓及二十力弓以鳴鏑射其曾鏗然而墜舉巨石千百斤號勇健軍總督命史貽直領之屯巴里坤故一時北

省盜賊絕踪此先朝牢籠猛士之成效道光回疆之役

伊犁將軍奏選南北路遺犯二千為死士屢挫賊鋒惜事平盡赦回籍未能收入營伍如雍正故事尙有待於推廣焉嘉慶中海賊蔡牽犯閩詔安有知縣某者傳回鄉總四人各予銀千圓令團鄉勇日甫夕而每總理各以二千五百人至鎗械簾牌畢具一日而得精兵萬賊望風遁其人即皆械鬥之民也蔡牽又與朱瀆窺臺灣後山地本化外有泉人吳沙者集四社棚民與熟番拒之一戰其前一攻其後牽大敗走事聞始詔即其地

海國圖志

卷一

籌海篇三

幸

立葛瑪蘭廳悍賊不煩官兵何以文法吏不肯收以為用然此輩亦不肯為用蓋緣營之餉不足以贍其身家也英夷攻粵東時募漢奸三千人每人給安家銀三十圓每月工食銀十圓而我守虎門兵月餉不及三兩提督關天培憫兵之窮苦自捐賞卹每兵銀二圓而議者且劾水師兵挾制提督要賞尙望其出死力乎閩廣水師每省三萬有奇江浙水師每省二萬有奇虛冒半之老弱半之未必有數千之可用誠能汰虛冒冗濫之缺并兩兵以養一兵廣東約萬五千福建約萬五千專選



惠潮漳泉四府精訓練而嚴節制之以此推諸浙東江  
北豈但國家增無數之精兵而且沿海銷無數之械門  
中原收無數之梟匪精氣化痰痰化精氣豈二物耶烏  
喙附子以毒攻毒去而藥力亦銷願用之者何如耳  
精兵出其中李長庚羅思舉之驍將亦出其中不此之  
圖而惟竊竊然曰無將無兵古人詎借才於異地哉  
言調兵言籌餉者動虞兵單費絀而今言并兵并餉則  
兵不愈少餉不愈費乎不知一省之兵本足守一省之  
地一省之餉本足養一省之兵即有軍興一切格外之  
海國圖志 卷一 籌海篇二 護守 三

萬人之節制有異於三千人之節制且連大陣闢戰場  
決勝負者惟開創草昧之時及西北平原之地若承平  
東南剿寇溝洫縱橫坡坎交錯則用三千之處為多英  
夷兵艘所在為數幾何若各省有百練敢死之卒數千  
再團練沿海之漁船蛋戶以絕其羽翼何煩更調外兵  
其可無惑者一練兵之費取諸弁餉團勇之費將何出  
東南沿海殷富甲天下計自軍興以來粵閩江浙每省  
商捐紳捐各數百萬以本地之富民養本地之勁民衛  
本地之身家但使用得其宜尚可撙節贏餘為造船械  
海國圖志 卷一 籌海篇二 護守 三

修垣壘懸購賞之費何嘗盡煩外兵外餉此可無惑者  
三沿海之利莫大魚鹽前此甯波試行票鹽兩月銷至  
七萬引及停止後歲銷僅二萬引閩鹽派發般戶充商  
有甘出十餘萬金求免簽者潮州之鹽運同歷任賠累  
虧空鉅萬皆出官費胥役費捆工費層層蠹蝕不能減  
價敵私儻沿海皆行票鹽盡省浮費匪獨化私為官以  
助餉并可化梟為良以助兵他若浙江之南田山福建  
之封禁山許民屯墾沿海之銀鑛山許民開采境內自  
然之利用之不窮此可無惑者四至于兵分見寡之由



由無戰艦別詳下篇

匪特兵不宜多也。即礮臺亦不宜多。今為賊去關門之計者，不過曰增礮臺，移營汛，增礮臺之說曰多一重門，戶增一重保障，夫人家禦賊，非固守大門，拒不使人，即固守腰門，而開大門，以延敵，今無一門可恃，而但多設重門，以待賊之攻，陷豈知一重失守，重重膽破，何如弁十重之費，以修一重，修必固，弁十重之兵，礮以守一重，守必固，以近事證之，廈門舊止一礮臺，而守禦屹然，迨于口門內外，崧嶼、青嶼、大嶼、小嶼，增建各臺，而賊至立

海國圖志

卷一

籌海篇二 議守

臺

破寶山有東西礮臺，有海塘而失守，松江城無礮臺，而賊攻不入，是知礮臺不在多而在固，固之法如何？曰建之得地，修之得法，守之得人。福州城距五虎城二百里，一潮不能達，而潮退即淺，閣杭州城外潮退沙灘十餘里，海口瀟龕二山淤漲數十里，故此二省城賊皆不犯。廈門甯波舊建礮臺，本得形勢，方當棄去舟山，拆去青崧各嶼礮臺，安有更加增建之理。惟廣州及江甯夷船可直抵城下，粵東新城以外市廛櫛比，既無可築外邪之地，惟獵得大黃滙二處礮臺，實省城內障，與虎門外

障並重于此二處，扼險果能阻遏夷艘，則堂奧高枕而此外各港，以正可留為出奇設伏之地，安用處處設礮

河河填塞，若此處不可恃，則他處更可恃乎？江蘇則吳淞口內，惟江灣東溝二處可扼要設礮以守，上海福山口內，惟君山即鵝鼻嘴圖山二處可設礮以守，長江方當徙寶山之城，拆去東西礮臺，內徙要害，安有更加增建之理乎？地勢既得，守必萬全，萬全之策在乎奇正相生，一固土城以禦大礮，必三合土堅築，女牆先以礮演試，不致為度。二開淺池以備飛礮，見上三沉椿石舟筏以遏衝突，此法不可施于長江，而可施于

海國圖志

卷一

籌海篇二 議守

臺

內河或臨河有大樹，則伐倒沉之，又或以大木為籠，長數丈，內貯極大石，橫亘水中，視碎石舟筏，尤堪禦潮刷而阻。四伏地雷，掘暗溝以防陸路，五別伏奇兵以備陸戰，甚或守臺之兵，棄礮伴走，以誘敵使敵，但知全力攻臺而不知臺非我所顧惜，又使敵即知分路繞臺，而不知臺外勁旅尚多，初觀之以礮臺為正，伏兵為奇，至于奇正相倚變化不測，致敵而不為敵，致誘敵而不為敵，誘則又反以伏兵為正，而以礮臺為奇，方盡兵行詭道之秘，以視泥守礮臺有正無奇，一處受創，望風四潰者，其巧拙不可同年語矣，但所用之伏兵，必須平日精選



優養勤練而嚴節制之必使人人心靈膽壯技精械利且將士一心臂指呼應臨時方足出奇制勝此則全在訓練得人非空言所能取效者

海國圖志

卷一

籌海篇二 議守

謹

海國圖志卷二

籌海篇三 議戰

邵陽魏源重輯

內守既固乃禦外攻岳飛曰以官軍攻水賊則難以水賊攻水賊則易今以海夷攻海夷之法如何籌夷事必知夷情知夷情必知夷形請先陳其形勢英夷所憚之仇國三曰俄羅斯曰佛蘭西曰彌利堅憚我之屬國四曰廓爾喀曰緬甸曰暹羅曰安南攻之之法一日陸攻一日海攻陸攻在印度偪壤印度者曰俄羅斯與廓爾

海國圖志

卷二

籌海篇三 議戰

一

喀俄與英之國都中隔數國陸路不接而水路則由地中海與洲中海朝發夕至康熙三十年間英吉利會由地中海攻俄羅斯敗績遁歸自後不相往來而兵爭專在印度印度者蔥嶺西南與我後藏廓爾喀緬甸接壤去英夷本國數萬里英夷以兵船據東南中三印度而俄羅斯兵則由黃海裏海間取游牧諸部亦與西中二印度接壤止隔一雪山各以重兵拒守自東印度之孟阿臘之麻爾注南印度之孟邁之曼達喇薩鴉片盛行英夷歲收稅銀千餘萬俄羅斯覬覦之及英夷調印度



兵艘入犯中國深恐俄羅斯乘其虛以擣溫都斯坦

印中又傳聞俄夷使者已自比革特起程入中國

比革特也 惴惴懼其犄角蓋康熙中用荷蘭以款俄羅斯又聯

俄羅斯以偪準噶爾故英夷之懼俄羅斯者不在國都

而在印度此機之可乘者一廓爾喀者亦在後藏之西

與東印度偏處方乾隆中我師征廓夷時英夷印度兵

船亦乘勢攻其東境故上年英夷罷市後廓夷亦即稟

駐藏大臣願出兵攻擊印度當時若許廓夷擾其東俄

羅斯擣其西則印度有瓦解之勢寇艘有內顧之虞此

海國圖志 卷二 籌海篇三 議戰 二

機之可乘者二故可乘而不乘非外夷之不可用也需

調度外夷之人也

海攻之法莫如佛蘭西與彌利堅佛蘭西國偏近英夷

止隔一海港彌利堅與英夷則隔大海自明季 國

初之際佛蘭西開墾彌利堅東北地置城邑設市埠英

夷突攻奪之于是佛夷與英夷深讐及後英夷橫征暴

斂于是彌利堅十三部起義驅逐之兼約佛蘭西為援

三國兵船數百艘水陸數十萬不解甲者數載彌利堅

斷其餉道英軍飢困割地請和彌利堅遂盡復故地二

十七部英夷止守東北隅四部不敢再犯即印度地亦

荷蘭佛蘭西開之而英夷奪之乾隆初印度上會約佛

蘭西荷蘭二國合拒英夷運兵數載始分東印度屬英

夷而南印度屬西洋諸夷立市埠此各國之形也其互

市廣東則英夷最桀驁而佛蘭西二國最恪順自罷市以

後英夷并以兵艘防遏諸國不許互市各國皆怨之言

英夷若久不退兵亦必各回國調兵艘與之講理去年

靖逆出師以後彌利堅夷目即出調停于是義律來文

有不討別情只求照例通商之請并煙價香港亦不敢

海國圖志 卷二 籌海篇三 議戰 三

索此機之可乘者三乃款議未定而我兵突攻夷館反

誤傷彌利堅數夷于是彌利堅夷目不復出力而荷蘭

西于英夷再次敗盟之後是冬有兵頭兵船至廣東求

面見將軍密稟軍務自攜能漢語之二僧請屏去通使

自言願代赴江浙與英夷議款必能折服不致無厭之

求備英夷不從亦可藉詞與之交兵乃自正月與大帥

晤商始則不許代奏及奏又支離其詞反以叵測疑佛

蘭西延至六月聞浙江奏請款撫始許其行時英夷兵

船已深入長江犯江甯于是佛蘭西船駛至上海請我



舟導其入江而上海官吏又往返申請稍時迨佛蘭西  
易舟入江則款事已定數日盡飽谿壑佛蘭西畏然而  
返此機之可乘者四故可乘而不乘非外夷之不可用  
也需調度外夷之人也

今日之事苟有議徵用西洋兵船者則必曰借助外夷  
恐示弱及一旦示弱數倍於此則甘心而不辭使有議  
置造船械師夷長技者則曰糜費及一旦糜費十倍於  
此則又謂權宜救急而不足惜苟有議緝夷書刺夷事  
者則必曰多事嘉慶間廣東有將漢字夷字對音刊成  
一書者甚便於華人之譯字而粵吏禁

海國圖志 卷二 籌海篇三 議戰 四

之則一旦有事則或詢英夷國都與俄羅斯國都相去  
遠近或詢英夷何路可通回部甚至廓夷効順請攻印  
度而拒之佛蘭西彌利堅願助戰艦願代請款而疑之  
以通市二百年之國竟莫知其方向莫悉其離合尙可  
謂留心邊事者乎漢用西域攻匈奴唐用吐番攻印度  
用回紇攻吐番 聖祖用荷蘭夾板船攻臺灣又聯  
絡俄羅斯以備準噶爾古之馭外夷者惟防其協寇以  
謀我不防其協我而攻寇也止防中華情事之泄於外  
不聞禁外國情形之泄於華也然則欲制外夷者必先

悉夷情始欲悉夷情者必先立譯館緝夷書始欲造就  
邊才者必先用留心邊事之督撫始

問曰既款之後如之何曰武備之當振不係乎夷之款  
與不款既款以後夷瞰我虛實藐我廢弛其所以嚴武  
備絕狡啓者尤當倍急於未款之時所以懲具文飾善  
後者尤當倍甚於承平之日未款之前則宜以夷攻夷  
既款之後則宜師夷長技以制夷夷之長技三一戰艦  
二火器三養兵練兵之法請陳 國朝前事康熙初  
會調荷蘭夾板船以剿臺灣矣曾 命西洋南懷仁

海國圖志 卷二 籌海篇三 議戰 五

製火礮以剿三藩矣會行取西洋人入欽天監以司麻  
官矣今夷人既以據香港擁厚貲驕色於諸夷又以開  
各埠裁各費德色於諸夷與其使英夷德之以廣其黨  
羽曷若自我德之以收其指臂考東中二印度據於英  
夷其南印度則大西洋各國市埠環之有荷蘭埠有呂  
宋埠有葡萄牙亞埠有佛蘭西埠有彌利堅埠有英吉利  
埠每一埠地各廣數百里此疆彼界各不相謀各埠中  
皆有造船之廠有造火器之局並營船塢於他國亦  
時以兵船貨船出租於他國其船廠材料山積工匠雲



轉二三旬可成一大戰艦張帆起柁嗟咄立辦其工匠各以材藝相競造則爭速駛又爭速終年營造光燭天聲殷地是英夷船礮在中國視為絕技在西洋各國視為尋常廣東互市二百年始則奇技淫巧受之繼則邪教毒煙受之獨於行軍利器則不一師其長技是但肯受害不肯受益也請於廣東虎門外之沙角大角二處置造船廠一火器局一行取佛蘭西彌利堅二國各來夷目一二人分攜西洋工匠至粵司造船械并延西洋柁師司教行船演礮之法如欽天監夷官之例而選閩

海國圖志

卷二

籌海篇三 議駁

六

粵巧匠精兵以習之工匠習其鑄造精兵習其駕駛攻擊計每艘中號者不過二萬金以內英夷有軍器之費餘員大兵船三桅者每艘值銀四萬員見澳門新聞紙凡侈言每艘需十萬金者皆妄也現在廣東義士請彌利堅人造二桅兵船計百艘不過二百萬金再以十萬果僅費銀萬九千兩金造火輪舟十艘以四十萬金造配礮械所費不過二百五十萬而盡得西洋之長技為中國之長技每艘配兵三百人計百艘可配三萬人靖逆將軍奕山奏夷三桅大兵船三百人二艘中號兵船二百餘人火輪船八九十人杉板船大者六七十人小者二三十人廣東一萬福建一萬浙江六千江蘇四千其所配之兵必憑選練取諸

沿海漁戶梟徒者十之八取諸水師舊營者十之二盡裁并水師之虛糧冗糧以為募養精兵之費必使中國水師可以駛樓船於海外可以戰洋夷於海中不增一餉一兵而但裁并冗濫之兵餉此其章程可推廣者倘有六焉我有鑄造之局則人習其技巧一二載後不必仰賴於外夷如內地鐘表亦可以定時刻連二十五年大修之期即可自行改造一也夷船例二十五年一修有鑄造之局則知工料之值工食之值每艘每礮有定價然後可以購買凡外夷有願以船礮售官抵稅者聽閩商粵商

海國圖志

卷二

籌海篇三 議駁

七

出販南洋有購船礮歸繳官受值者聽不致以昂價贖物受欺二也沙角大角既有船礮火器局許其建洋樓置礮臺如澳門之例英夷不得以香港驕他夷生觖望而我得收虎門之外障與澳門鼎峙英夷不敢偏強廣東從此高枕嘉慶中澳夷曾備兵船二英夷備兵船四願助剿海盜今更得佛彌二夷効順彼貪市舶之利我收爪牙之助守在四夷折衝萬里三也鴉片蕙船敢於蔓延者欺我水師之不敢攻剿今水師整飭鴉煙自不敢來紋銀自不透漏以用財為節財四也官設水師米



艇每艘官價四千已僅洋艘五分之一層層扣蝕到工  
 又不及一半靖逆將軍奕山奏言水師例修之船新造  
 演試千斤之礮打二隻覆以藤棉加以牛皮外施魚網七層  
 穿兩面不能適用今製海艦不拘例價若不善立章程  
 則將來修造之期必然有名無實考洋艘所以堅固皆  
 由駛犯風濤遊行萬里令官艘終歲停泊會哨徒有具  
 文自後即無事之期而戰艘必歲護海運之米驗收天  
 津閩廣則護運暹米呂宋米臺灣米江浙則各護蘇松  
 杭嘉湖之米凡承造之人即皆駕駛之人凡內地出洋  
 之商願稟請各艘護貨者聽凡水師提鎮大員入京陛  
 見必乘海艘不許由驛陸進其副將參游以下入京引  
 見或附海運之舟北上總禁由陸其文吏願乘海艘入  
 京者聽惟不許承辦船工五也國家試取武生武舉人  
 武進士專以弓馬技勇是陸營有科而水師無科西洋  
 則專以造船駕船造火器奇器取士掄官上之所好下  
 必甚焉上之所輕下莫問焉今宜於閩粵二省武試增  
 水師一科有能造西洋戰艦火輪舟造飛礮火箭水雷  
 奇器者為科甲出身能駕駛風濤能熟風雲沙線能鎗  
 礮有準的者為行伍出身皆山水師提督考取會同總

海國圖志

卷二

籌海篇三 議戰

八

督拔取送京驗試分發沿海水師教習技藝凡水師將  
 官必由船廠火器局出身否則由舵工水手礮手出身  
 使天下知 朝廷所注意在是不以工匠舵師視在  
 騎射之下則爭奮於功名必有奇材絕技出其中昔李  
 長庚剿海賊皆身自持柁雖老於操舟者不及故知水  
 師不能舍船械而空談韜略武備不能舍船礮而專重  
 弓馬六也  
 天下有不可強者三有其人無其財一難也有其財無  
 其人二難也有其人有其財無其材謂材三難也自用  
 海國圖志 卷二 籌海篇三 議戰 九  
 兵以來所糜費數千萬計出其十之一二以整武備有  
 餘則財非不足明矣海關浮費數倍正稅皆積年洋商  
 與官吏所肥蠹起家不貲其費皆出自鴉片豈不當派  
 數百萬之軍餉則財又非不足明矣中國智慧無所不  
 有厯算則日月薄蝕閏餘消息不爽杪毫儀器則鐘表  
 晷刻不亞西土至羅鍼壺漏則創自中國而後西行羅  
 始自中國見  
 華事夷言 穿札扛鼎則無論水陸皆擅勇力是人才  
 非不足明矣船桅船艙所需鐵力之木油木櫓木柁木  
 皆產自兩廣蓬帆浸以晉石火不能焚出自山西火藥



配以石油得水愈熾出自甘肅關外玉門縣赤金衛迤南之石油河本年二月陝甘總督解至石  
 油三千六百斤 火箭參以江豚油逆風更猛出自四  
 川軍符所下且夕可至硝提數次而煙白鐵經百練而  
 鋼純皆與西洋無異則材料又非不足明矣飛礮火器  
 皆創自佛蘭西而英夷效之以及船械相等之葡萄亞  
 荷蘭呂宋彌利堅等國皆仰我茶黃食我互市欲集眾  
 長以成一長則人爭効力欲合各國以制一國則如臂  
 使指誠欲整我戎行但得一邊才之兩廣總督何事不  
 可為哉或曰五十艘之船械且造且購一年而可集百  
 艘之船械且造且購二年而畢集即其制造施用之法  
 以我兵匠學之亦一年而可習二年而可精是一二年  
 後已無鑄造之事尙遠重修之期更何局廠之設乎曰  
 是何言也夫西洋惟英吉利國兵船五百餘艘佛蘭西  
 國兵船三百餘艘蓋為分守各國埠頭而設其餘各國  
 戰艦亦各不過數十艘而皆有船廠火器局終年不息  
 者何哉蓋船廠非徒造戰艦也戰艦已就則閩廣商艘  
 之泛南洋者必爭先效尤甯波上海之販遼東販粵洋  
 者亦必羣就購造而內地商舟皆可不畏風颶之險矣

海國圖志 卷二 籌海篇三 謀戰 十

西洋火輪舟之受數千石者止為遠越重洋其在本國  
 內河內港之火輪舟皆不過受五百石至九百石而止  
 以通文報則長江大河晝夜千里可省郵遞之煩以驅  
 王事則北觀南旋往還旬日可免跋涉之苦以助戰艦  
 則能牽淺滯損壞之舟能速火攻出奇之效能探沙礁  
 夷險之形誠能大小增修詎非軍國交便戰艦有盡而  
 出鬻之船無盡此船廠之可推廣者一火器亦不徒配  
 戰艦也戰艦用攻礮城壘用守礮況各省綠營之烏銃  
 火箭火藥皆可於此造之此外量天尺千里鏡龍尾車  
 風鋸水鋸火輪機火輪舟自來火自轉碓千斤秤之屬  
 凡有益民用者皆可於此造之是造礮有數而出鬻器  
 械無數此火器局之可推廣者二古之聖人剡舟剡楫  
 以濟不通弦弧刻矢以威天下亦豈非形器之末而睽  
 渙取諸易象射御登諸六藝豈火輪火器不等於射御  
 乎指南制自周公挈壺創自周禮有用之物即奇技而  
 非淫巧今西洋器械借風力水力火力奪造化通神明  
 無非竭耳目心思之力以前民用因其所長而用之即  
 因其所長而制之風氣日開智慧日出方見東海之民

海國圖志 卷二 籌海篇三 謀戰 十一



猶西海之民雲集而驚赴又何暫用旋轆之有昔漢武  
欲伐南越爰習樓船水戰於昆明湖乾隆中以金川恃  
礪險爰命金川俘卒建礪於香山又命西洋人南懷仁  
制西洋水法於養心殿而西史言俄羅斯之比達王聰  
明奇杰因國中技藝不如西洋微行遊於他國船廠火  
器局學習工藝反國傳授所造器械反甲西洋由是其  
興勃然遂為歐羅巴洲最雄大國故知國以人興功無  
倖成惟厲精淬志者能足國而足兵

海國圖志

卷二

籌海篇三 議戰

三

船礪也每出兵以銀二十員安家上卒月餉銀十員下  
卒月餉銀六員贍之厚故選之精練之勤故御之整即  
如澳門夷兵僅二百餘而刀械則晝夜不離訓練則風  
雨無阻英夷攻海口之兵以小舟渡至平地輒去其舟  
以絕反顧登岸後則魚貫肩隨行列嚴整豈專恃船堅  
礪利哉無其節制即僅有其船械猶無有也無其養贍  
而欲效其選練亦不能也故欲選兵練兵先籌養兵兵  
餉無可議加惟有裁并之而已粵省水師將及四萬去  
虛伍計之不及三萬汰其冗濫補其精銳以萬五千人

為率即以三萬有餘之糧養萬五千之卒則糧不加而  
足以五千卒分防各口礪臺與陸營相參以萬人分配  
戰艦可得三十餘艘無事日令出哨外洋捕海盜緝煙  
販有事寇在鄰省則連艘赴援寇在本省則分艘犄角  
可以方行南海矣或曰粵洋縣長三千餘里水師數萬  
尙虞不周今裁汰大半不彌形單寡乎曰水師多而不  
敷以無戰艦也無戰艦出洋則口岸處處出防以水師  
當陸師之用故兵以分而見寡今以精兵駕堅艦晝夜  
千里朝發夕至東西巡哨何患不周是兵以聚而見多

海國圖志

卷二

籌海篇三 議戰

三

英夷各處市埠自大西洋至中國首尾數萬里何以水  
師不過九萬即能分守各國又何以入寇之兵不過五  
十艘而沿海被其騷動況水師外尙有本省綠營數萬  
何患其無兵分守前年楊參贊有請水師改為陸兵之  
奏吾謂不如并岸上之水師為船上之水師用力少而  
收效廣

問西洋與西洋戰亦互有勝負我即船礪士卒一切整  
齊亦何能保其必勝曰此為兩客相攻言之非為以客  
待主言之也夫力不均技不等而相攻則力强技巧者



勝力均技等而以客攻主以主待客則主勝攻勞守逸請言其狀夫海戰全爭上風無戰艦則有上風而不能乘即有戰艦而使兩客交關於海中則互爭上風尙有不能操券之勢若戰艦戰器相當而又以主待客則風潮不順時我艦可藏於內港賊不能攻一俟風潮皆順我即出攻賊不能避我可乘賊賊不能乘我是主之勝客者一無戰艦則不能斷賊接濟今有戰艦則賊之接濟路窮而我以飽待饑是主之勝客者二無戰艦則賊敢登岸無人攻其後若有戰艦則賊登岸之後船上人

海國圖志

卷二

籌海篇三 議載

四

少我兵得襲其虛與陸兵夾擊是主之勝客者三無戰艦則賊得以數舟分封數省之港得以旬日徧擾各省之地有戰艦則賊舟敢聚不敢散我兵所至可與鄰省之艦夾攻是主之勝客者四故歷考西洋各國交兵凡英吉利往攻彌利堅本國則彌利堅勝以英吉利往攻俄羅斯本國則俄羅斯勝若英吉利與各國互戰於海中無分主客則舵師得上風者勝

問曰船廠火器局設於粵東矣其福建上海寧波天津亦將倣設乎不做設乎戰艦百艘果足敷沿海七省之

用乎曰沿海商民有自願倣設廠局以造船械或自用或出售者聽之若官修戰艦火器局則止需立於粵東造成之後駛往各岸無事紛設蓋專設一處則技易精紛設則不能盡精專設則責成一手紛設則不必皆得人戰艦既成以後內地商船仿造日廣則戰艦不必增造何者西洋貨船與兵船堅固同大小同但以軍器之有無爲區別貨船亦有礮眼去其鐵板即可安礮內地平時剿賊尙動雇閩廣商艘況日後商艘盡同洋船有事立雇何難佐戰艦之用惟水師則必以閩廣爲主而

海國圖志

卷二

籌海篇三 議載

五

江浙爲輔何則福建之役夷船泊於南澳港鄧制軍所募水勇伴作商舟乘無風攻之夷艘甫覺我水勇已偪其後船焚其帆索傷其舵師水手夷艘無風不能起旋偪近不能開礮且小舟外障溼幔銃彈不能入良久風起夷船始遁此江浙水勇所不能也粵東之役官軍方失利於城外而我武舉梁體羣夜以火舟三隊從穿鼻洋截攻其後乘潮至虎門橫檔夷船甫開一礮而我火舟已偪其後稍火藥船轟發兩桅飛起空中全艘俱燬佛山義勇又圍截夷兵於龜岡礮臺遠出上風縱毒煙



以昧夷目盡殲夷兵并擊破其應援之杉板舟此江浙水勇所不能也靖逆將軍奏言粵中水勇以小舟八人盪槳旋折如飛將及夷礮所近之處即覆舟人水載之而行及至夷船仍翻舟而上以火毯噴筒焚其帆索得勢即躍上夷船不得勢即仍下水覆舟而行銃礮皆不能及已募得二百餘人此江浙所無也夷船犯乍浦時餘艘雷踞鎮海招寶山有委員雇閩勇三百餘以火舟易使賊覺獻策用大油篋各裝火藥二百斤載以小竹筏以鐵索拴筏四角套於項頸手扶篋筏貼水潛行遠

海國圖志

卷二

海國圖志

夫

望不見及至夷船後潛挂舵上火發轟烈全船立燬既而有尼之者飛檄中止此亦江浙所無也此皆在無戰艦之時可用若是况配入戰艦用其所長外夷尙且畏之豈他省所及故江浙舟師宜專護海運而閩粵舟師宜專剿海寇漢口瓜洲錢塘江亦有沒水之人能伏問子於議守篇專守內河守近岸使夷船夷礮失其所長已可收安南創敵之功則又何艘械之足學而厥局之足設耶曰夷兵之橫行大洋者其止也其登岸及入內河者其偶也夷性詭而多疑使我岸兵有備而彼不

登岸則若之何內河有備而彼不入內河則若之何觀其初至也以結怨之廣東而不攻繼以結怨之廈門而不力攻及突陷舟山徘徊半載而不敢深入是猶未測內地之虛實尙有所畏也自廣東主款撤防破虎門圍省會而夷始肆然無忌矣再破廈門定海駛入寧波而益無忌矣再破乍浦寶山上海駛入長江而益無忌矣使夷知內河有備練水勇備火舟如廣東初年之事其肯深入死地哉故廣東初年有殲夷之備而無其機江浙近年有殲夷之機而無其備且夷兵船五十艘貨船

海國圖志

卷二

海國圖志

七

二十餘艘火輪舟十艘其闖入珠江入甬江入黃埔江者皆不過兵艦七八艘火輪二三艘杉板小舟十餘而已其餘仍寄旋大洋即使殲其內河諸艇而奇功不可屢邀狡夷亦不肯再誤且夷貪戀中國市埠之利亦斷不肯即如安南日本之絕交不往此後則非海戰不可矣鴉片壘船仍泊外洋無兵艦何以攻之又非海戰不可矣夷船全幫數十艘駛入者惟長江江面雖狹於外洋而倍闊於他港夷艘散泊各岸不聚一處即用兀术之火攻而天時風色難必亦不過殲其三分之一究恐



有竄出大半之艦則亦非追剿不可矣苟夷畏我內河專肆驚擾聲東擊西朝南暮北夷人水行一日可至者我兵陸行必數日方至夷攻浙則調各省之兵以守浙夷攻江則又調各省之兵以守江即一省中而有今日攻乍浦明日攻吳淞後日又回擾鎮海我兵又將雜然四出應接不暇安能處處得人時時設備況戰艦火器乃武備必需之物二三百萬乃軍需十分之一何憚不為而見輕於四夷況有洋艦洋礮之後亦非漫然浪戰也客兵利速戰主兵利持重不與相戰而惟與相持行

海國圖志

卷二

籌海篇四 議款

六

與同行止與同止無淡水可汲無牛羊可掠無硝藥可配無鐵物可購無蓬纜可補煙土貨物無處可售桅槍無處可修又有水勇潛攻暗襲不能安泊放一彈即少一彈殺一夷即少一夷破一船即少一船而我之沿海腹地既有戰艦為外衛則內河近岸高枕無虞所至接濟策應逸待勞飽待饑眾待寡是數十艘可當數百艘之用況夷兵以大艘為身以杉板小舟為四足但多募漁舟快艇專燬其杉板小舟小舟盡則大舟亦可為我有在得人而已在得人而已

籌海篇四 議款

海國圖志

卷二

籌海篇四 議款

九

完勿計也我子弟之敗類不敗類勿計也欲制夷患必籌夷情請先陳夷情而後效其說中國以茶葉湖絲馭外夷而外夷以鴉片耗中國此皆自古所未有而本朝有之茶葉行於西洋自康熙始而鴉片之入中國亦自康熙始初準以藥材上稅乾隆三十年以前歲不過二百箱及嘉慶元年因嗜者日眾始禁其入口嘉慶末每年私鬻至三千餘箱始則囤積澳門繼則移於黃埔道光初奉旨查禁復移於零丁洋之葛船零丁洋者在老萬山內水路四達凡中



外商船之出入外洋者皆必由焉夷艘至皆先以鴉片寄躉船而後以貨入口始躉船不過四五艘其煙至多不過四五千箱可用火攻而大吏密奏請暫事羈縻徐圖禁絕于是因循日甚其突增至二十五船煙二萬箱者則在道光六年設巡船之後巡船水師受月規放私入口于是藩籬潰決及道光十二年始裁巡船而積習已不可挽道光十七年復設巡船議定每千箱以若干箱送水師報功而鴉片遂歲至四五萬箱矣今以道光十七年廣東與英夷貿易出入之數計之湖絲價銀六

海國圖志 卷二

籌海篇四 議款

千

百五十九萬員茶葉價銀千有四百萬員白礬串珠樟腦桂皮磁器大黃麝香赤布白糖冰糖兩繖百二十二萬六千員共計英吉利船所購出廣東之貨二千一百八十一萬六千員其入口者棉花八百二十二萬員六洋米二十三萬八千員二十一大呢百五十五萬員羽紗四十萬員嗶嘰八十萬員羽緞五萬員洋布七十萬員棉紗七十三萬員千有八水銀二十三萬員百石錫二十九萬五千員萬五鉛八萬九千員萬四鐵四萬八千員萬六硝七萬五千員千石檀香烏木象牙

海國圖志 卷二

籌海篇四 議款

三

珍珠胡椒沙藤檳榔魚翅魚肚花巾洋巾計七十一萬員共英夷進口貨千四百四十七萬八千員少於出口貨價銀七百餘萬員使無鴉片而以貨易貨則英夷應歲補中國銀七百餘萬員乃是歲鴉片價銀反出口二千二百萬員計銷鴉片四萬箱此數之確然可考者彌利堅國是歲出口之貨綢緞價七百五十萬員茶葉五百十九萬八千員十二絲棉葛布磁器蔗糖五十七萬九千員共計千有三百二十七萬七千員入口洋貨三百六十七萬員內有洋米八十六萬員洋布四十少銀九百六十萬員何以不聞補銀蓋亦鴉片價內開除之數英夷所運者即度鴉片彌他西洋諸國出口入口者約計二百萬員共計外夷歲入中國之貨僅值銀二千十四萬八千員而歲運出口之貨共值銀三千五百有九萬三千員以貨易貨歲應補中國價銀千四百九十四萬五千員使無鴉片之毒則外洋之銀有入無出中國銀且日賤利可勝述哉綜計英夷所購出之貨莫大於茶而湖絲次之所售入中國之貨莫大於鴉片而棉花次之至大黃則蒙古所需非西洋所急故每歲



出洋大黃不過值五萬餘員即俄羅斯市大黃歸亦僅松筠綬服紀略茶葉雖西洋所盛行而佛蘭西國不甚需之以其本國皆飲白酒不甚飲茶故佛蘭西到粵之船較少然前代市舶從不聞茶葉出洋茶葉出洋自明季荷蘭通中國始及康熙二年英吉利商又自荷蘭購歸百斤飲而甘之國人飲者歲增一歲康熙四十九年至十四萬斤雍正二年至二十八萬斤乾隆二十四年二百二十九萬斤三十七年五百四十七萬斤五十年遂至千三百萬斤嘉慶十八年二千一百二十八萬斤道光二年二千三百七十六萬斤十年後三千餘萬斤及英夷公私散後各商自運銷茶愈廣十七年廣東出口茶葉三十餘萬石共價銀千有四百餘萬員又彌利堅國道光十七年購茶價銀三百六十九萬兩共茶十二萬餘石荷蘭歲需茶二百八十萬斤不等佛蘭西二十三萬斤不等佛蘭西茶沿途售與各國具到本國者無幾此外西洋各國大約二百萬斤惟俄羅斯由蒙古運往茶葉歲六百四十餘萬斤是西洋之飲茶亦猶中國人之吸鴉片雖損益懸殊皆始自近日非古昔所有故知洋錢流入內地皆鴉片未行以

海國圖志

卷二

海國圖志

三

前夷船所補之價至鴉片盛行以後則絕無貨價可補而但補煙價洋錢與紋銀皆日貴一日矣漕務鹽務邊務皆日困一日矣使非養癰於數十年之前潰癰於設巡船之後何以至是今但歸咎割癰之人而養癰潰癰者不問故至今益以養癰為得計此邊患宜溯其源者一

西洋互市廣東者十餘國皆散商無公司惟英吉利有之公司者數十商轉資營運出則通力合作歸則計本均分其局大而聯散商者各出已貨自運自售利害皆

海國圖志

卷二

海國圖志

三



初議公司止設三十年及限滿而公司欲專其利不肯散局復以助本國兵餉為詞請再展三十年而糜費開支浮冒乾沒且運回之貨居奇踊貴百物滯銷國人皆不服屢控國王請散公局各自貿遷皆為大班數人把持與通國散商為怨敵其公司資本銀三千萬員主事二十四商首領二人專司機密每商捐銀二千五百員以贍之道光十年本國會計入公帑銀萬有五百萬員公使費銀九千萬員公欠項銀七千五百萬員公司貿易無利道光十二年載貨出本國出印度國者置價共

海國圖志

卷二

籌海篇四 議款

音

三千萬員而所售回之價僅千有六百萬員公司不如散商者六倍故道光十三年遂散公司之局國王盡收帑本任商自運而第征其稅此粵中公司合散之情形也方廣東公司未散時各大班恃其勢大多金凡抗衡中國官吏皆公司大班所為公司散則勢渙易制而盧制軍蒞任未久誤聽洋商言以英夷公司雖散而粵中不可無理夷務之人反飭令彼國派領事來粵十四年始來者曰勞律卑突入省河罷市調兵而後退十六年再至者即義律也祇便洋商一日之私圖豈期邊疆今

日之戎首試問粵中互市西洋十餘國何嘗有夷官駐粵若謂英夷貨多事蹟則彌利堅國每年貨艘至粵之多亦亞於英吉利何以二百載從無築驚觀禁煙新令初頒各國遵令即英國新至貨船亦遵例具結而義律駛兵船阻其入口苟當時無公司領事則英夷各商亦不過隨同各國具結惟恐卸貨之不早驚利之不先何暇抗文法爭體制何至開兵礮停貿易又何至愬國王請兵艦連兵萬里構衅數年故馭邊在先悉夷情公司散局此海疆一大機會而中國邊臣失之者二

海國圖志

卷二

籌海篇四 議款

音

禁鴉片之議有二一內禁一外禁自夷船犯順人皆謂外禁必不可行果必不可行乎又以夷變歸咎於繳煙果由於繳煙乎何以五月繳煙之後旁徨半年而未動何以尚肯出船貨充公之結何以尚懸購告犯之賞何以逐出老萬山外復尚有願遵 大清律乞回澳門之稟是其激變絕不由繳煙而由於停貿易明矣英夷國禁濃酒小帶有佛蘭西使者至其國英夷聞其攜違禁貨物因監禁其使令禁繳出禁物始釋之與廣東之勒繳煙土何異又英夷國律例凡他國商攜違禁貨物



入境者罰其貨價三倍是卽科以彼國之法亦無可辭其非因繳煙而由停貿易又明矣然則不停貿易固可免用兵亦可禁鴉片使不來乎曰奚不可之有請先陳夷情而後效其說英夷之說曰若要印度人不栽波畢除非中國人不食鴉片若要中國人不買鴉片除非印度不栽波畢中國人若以鴉片貿易同英國講論英吉利國王定肯禁止販運卽印度栽種波畢之事亦可停止而栽種別物仍可得稅餉貿易之利澳門月報又曰有人言情願斷止鴉片一物別開南邊港口貿易可乎我恐

海國圖志

卷二

籌海篇四 議款

美

未必能行華事夷言是外禁之事英夷亦未嘗不籌畫及之但外夷惟利是圖惟威是畏必使有可畏懷而後俯首從命故上者嚴修武備彼有躉船則我能攻之彼有夾私應停貿易則立停之使我無畏於彼彼無可挾於我自不敢嘗試次者代籌生計使彼卽停鴉片而上無缺稅下無缺財則亦何樂走私之名而不趨自然之利請得而詳之夷煙產自印度而銷於廣東其東印度種鴉片之地皆官地如中國鹽場置官收稅不得私煎除鴉片地稅銀四百餘萬員外加以栽種時開花時取汁時

出口時四次收稅又凡五百餘萬員共計孟阿臘歲稅九百六十八萬四千餘員又南印度之孟邁鴉片稅亦百餘萬員除印度兵餉支用外歲解英吉利國都者三百餘萬員此其國最大之利數考康熙乾隆中准商船運呂宋暹羅米入口者每米萬石免其船貨稅十分之五米五千石以上免稅十分之三卽不及五千石亦免稅十分之二並許商人運暹米二千石以上議敘頂戴此二國產米不產鴉片有利無弊自後港脚夷船援例歲運印度新嘉坡葛雷巴米入口者不下四十萬石多

海國圖志

卷二

籌海篇四 議款

毛

以鴉片寄躉船而以米入口由是粵海關裁抑之但免入口米稅不免出口貨稅今與夷約果能剷除鴉片之地改種五穀者許其多運洋米入口並援例酌免其貨稅則夷喜於地利之不荒其必樂從者一粵東出口之貨則洋行會館每百兩抽內商三分而三分必增諸貨價其入口之貨則每一大洋艘至黃埔官費及引水通事使費約需銀五千員皆在正稅之外雖不明取於鴉片而夷則失諸彼者償諸此我則收其實而避其名今與夷約果鴉片不至則盡裁一切浮費舉以前此貢使



所屢求大班所屢控者一旦如其意而豁除之俾歲省數百萬夷必樂從者又一彼國入口之貨莫大於湖絲茶葉出口之費莫大於棉花洋米呢羽今中國既裁浮費免米稅商本輕省則彼國不妨於進口之茶絲出口之棉米呢羽酌增其稅以補鴉片舊額此外鉛鐵硝布等有益中國之物亦可多運多銷夷必樂從者又一威足懾之利足懷之公則服之有不食桑菽而革鴉音者乎水師之通賄不懲商胥之浮索不革戰艦之武備不競而惟外夷操切是求縱獲所求且不可久矧乃河潰

海國圖志

卷二

善海篇四 議款

三

而魚爛鳥驚而獸駭尙何暇議煙禁哉張奐之服西羌班超之告任尙此機會可乘反以過急失之者三此皆未變以前事也既變以後則不獨以夷攻夷并當以夷款夷 國初俄羅斯爭黑龍江地構兵連年聖祖命荷蘭寄書俄羅斯而獻城歸地喀爾喀兩部爭衅構兵 詔命達賴刺麻遣使往諭而喀部來庭緬甸不貢聞暹羅受封而立貢廓爾喀未降聞英吉利助兵而卽降故款夷之事能致其死命使俯首求哀者上否則聯其所忌之國居開折服者次之上年靖逆將軍未

至粵時彌利堅夷目卽出調停講款於是義律來文有不討別情只求照例通商尙帶違禁貨物船貨充公之語並許退出虎門之說夫命將出師不過因夷之索煙價索地踞虎門今三事皆不敢違命是不戰屈夷亦足以徵 朝廷折衝千里之威非彌利堅居閒豈能有是而利害未能陳明章奏未能剴切于是而英夷要盟又于是而英夷敗盟是冬佛蘭西兵帥復以兵艘至粵求面見將軍密陳軍事請代款請助兵以夷攻夷以夷款夷在此一舉而又遲疑之支訕之延及半載始令赴

海國圖志

卷二

善海篇四 議款

三

江甯則英夷款議已成數日視彌利堅原議相去天淵故不款於可款之時而皆款於必不可款之時此機會可乘不乘者四此四機者謹其始機則鴉片不至流毒乘其二機則公可不致桀驁乘其三機則不以罷市興兵乘其四機則不致款議失體一誤再誤三誤於事前四誤於事後經此四誤而鴉片之外禁不可行矣今日之事非內禁不可矣內禁之不效有三一曰不許告發也二曰不速限期也三曰不先黥後僇也不許告發之故在防誣陷夫



吸煙有癮販煙有土告不實有反坐何患其誣且有告發之令則雇工鄰右人懷戒心大厦深堂皆無固志雖有貪慾貪利之徒不敢再為嘗試其必效一限期不速者恐死刑太多也不知期愈寬犯愈眾昔宋臣宗澤守汴京承兵燹之後百物昂價倍徙澤念小民所急惟食乃梟一餅師之首下令平價不三日而市價盡平夫速則梟一人而萬人肅遲則刑千百而四海玩果不果之異也且煙癮有限期販煙有何限期但使沿海各郡縣每城立梟販煙之首一二人以令下之日為始不俟限

海國圖志

卷二

籌海篇四 議款

三

期風行雷厲其必效者二吸煙未至限期罪不至死奈何曰有 大清律刺面之法在今再下令三月不戒者黥後再三月不戒者死以下令為始十七省各出巡煙御史一人專司有犯必黥之事其縉紳富戶哀求免黥者許以金贖不黥面而仍黥手黥手逾期不戒毋得再贖如此則法易行法必行且在前次限期之外豈得更議其期迫乎此必效者三總之法信令必雖柳杖足以懲奸法不信令不必雖重典不足儆眾飲食不已釀為訟師小刑之刀鋸不肅釀為大刑之甲兵聖人垂憂

患以詔來世豈不深哉豈不深哉

海國圖志

卷二

籌海篇四 議款

三



海國圖志卷三

海國沿革圖敘

邵陽魏源



古有表沿革無圖沿革者圖經表緯圖橫表縱左之右之互相體用然以表書史所習足目所及之中國可也以表侏僂不經汗漫莫窮之外國則表自表圖自圖自非專門之士鮮不一齟而一齟于蔽而于蹟矣且利馬竇艾儒畧南懷仁及近日英夷漢字之圖雖方位度數有準有則然詳海口疏腹內沿土語荒古名如適異國

海國圖志 卷三

海國沿革圖敘

一

聞羣咻有聲無詞莫適誰主陳倫炯莊廷勇之圖據彼藍本各各不相貫串至明太監鄭和下西洋之圖僅至西南洋五印度尙未至小西洋甚乃圖柯枝古里小葛蘭爲一島而列于榜葛刺錫蘭山之西又圖忽魯謨斯爲一島圖舊港小瓜哇與蘇門答刺爲同洲奚翅迷途之子指東謂西適邽之夫南轅北轍蓋闢尹不識圖史棧工舟師紆折行駛以其舟行所至之先後爲圖地之方位又凡柯枝西岸之恆河與忽魯謨斯兩岸之東西海港即西圖所謂西紅海東紅海也皆混同大海遂致岸國圖成島國

彼身歷之人尙如是又何責王圻以下之扣槃捫燭乎烏乎必觀元史明圖之荒唐歷代諸史之明昧與利氏艾氏南氏諸圖之紛錯而後知斯書斯圖之必不可已

海國圖志

卷三



海國沿革圖敘

二














墨利加洲沿革甚少今不復圖  
西海

大西洋歐羅巴各國沿革圖  
今名歐文  
別名歐文

漢魏唐西域沿革圖總敘

塞外山川國地里至吾何徵請姑徵西域其國則皆城郭居國非同漠南漠北行國之游牧遷徙其名則歷漢晉六朝唐宋而城郭三十六國不甚改非若匈奴柔然突厥回紇契丹之分合無定其書則創自班氏父子世護西域身履目擊非若西南吐番西北瀚海之輶軒不至惜哉惟詳蔥嶺以東耳其蔥嶺以西則漢書不如北魏書其蔥嶺西南之五印度則漢書又莫如唐書蓋前漢使皆至烏弋還無至條支者故有條支西行近日所

海國圖志

卷三

漢魏唐西域沿革圖總敘


八

入及弱水西王母之荒誕至北魏書則分蔥嶺以東流沙以西為一域蔥嶺以西海曲以東為一域者舌以南月氏以北為一域兩海之間水澤以南為一域州居部畫網紀秩然其言條支西渡海曲一萬里為大秦國而指其海旁出與中國渤海東西相直則明知為地中海非西洋大海且言大秦國在兩海之間地六千里則並能知大秦以北之洲中海又言條支國海水曲環其東南北三面惟西北一面近陸則并西紅海東紅海皆燦若眉列前利馬賓千餘年而預合符節盛矣哉故蔥嶺



西北至魏書而大明唐書西域傳惟以疏林爲大秦是爲巨繆其餘則據元奘之記與王元策攻取印度之章疏故于南天竺瀕海北天竺圖負雪山東天竺接扶南林邑西天竺接罽賓波斯而中天竺據四天竺之會共周三萬餘里無不聚米畫沙紀綱條貫盛矣哉故葱嶺西南又至唐書而大明肆前人韋路攘剔啟我後人亦惟我後人疏通昭曠肆前業其終之今據三史臚成此圖而六朝隋宋沿革略附其下其宋元明則見于海國沿革總圖不復別出


海國圖志 卷三 漢魏唐西域沿革圖總敘 九











元代疆域圖敘

自生民以來禹迹所及中國九州之地則偏東海其西南北三海則雖列代好勤遠略之君發譯使賈金幣尙莫睎其涯際騁八駿步章亥尙未徹其里域其能北至于北海西至于西海南至于南海者亘古一渥奇溫氏而已其始有西北海之欽察國阿羅思國阿速國東北海之鐵勒黠戛斯國骨利幹國高麗國者太祖其并有蔥嶺以西南至海之印度天方者憲宗其并有南海之占城瓜哇遠通利未亞洲之馬八爾俱藍者世祖此皆

海國圖志

卷三

元代疆域圖敘

兩

漢唐聲教所不訖而元皆筆撻有之藩封樹之駕遠御長甫田驕桀易世而後鞭長尾大于是印度諸國恃阻雪山不受戎索惟建阿母河行省治蔥嶺以西嶺北行省治和林杭海山以北阿力麻里元帥府治天山以北別失八里元帥府治天山以南遼陽行省治遼河以東火州曲先元帥府治土魯番至陽關以東然世祖末年阿母河行省亦廢則蔥嶺以西擅于賽馬爾罕蔥嶺以北阿羅思欽察擅于月祖伯大王其勢已同羈縻且海都篤娃叛于嶺北幹端叛于和闐則二地亦不屬朝廷



惟治天山南北東三帥府及和林遼陽二路與內地各行省之地而已然則元中葉後疆域始僅埒漢唐而開國疆域則視漢唐極盛時且再倍過之 高宗純皇帝御製文集曰葱嶺為昆侖居天下之中昆侖以東莫大于中國以北莫大于俄羅斯以西南莫大五天竺國元初則兼此三大國疆域而有之謂不振古霸烈哉世祖至元二十五年從禮部請令會同館蕃夷使至籍其道里山川風俗物產為職貢圖明初又盡得燕京圖籍使修元史諸臣稍加蒐討何難部畫州居成蓋地之圖


海國圖志 卷三 元代疆域圖敘 五

補禹貢之缺擴萬古之曾後王會之盛及舉一代數萬里之版章擯諸荒外等諸烏有其地里志未僅附錄西北地名二頁畢竟孰西孰北尙未能辨也列傳則動言西北諸王兵起畢竟西方之王歟北方之王歟皆不能明也自十一行省而外一則曰西北之地難以里計再則曰邊外羈縻之州莫知其際更何詰其部落之本末山川之界畫近世嘉定錢詹事大昕毛貢士嶽生大興編修徐先生松皆從事元史詹事僅刊藝文氏族二志毛君僅成后妃公主二傳然讀詹事廿二史考異曾不


及塞外輿地毛君自言和林尙未審其何在則其書之不成殆亦知難而退徐先生之于輿地專門絕學所為元史西北地里附注及諸王世系表亦未卒業源治海國圖志牽涉元史輒苦迷津爰取元秘史蒙古源流及邱處機劉郁之書參以列代西域傳記圖理琛異域錄暨鑿鉤稽旁證側出遂成一圖四考以彌缺憾味爽行荒莽鳩舌問郵程雖僅辨方猶賢乎己又有元經世大典地圖從永樂大典中錄出并附其後其元代西域考沿革後元代北方疆域考二篇見俄羅斯沿革後

海國圖志 卷三 元代疆域圖敘 六












# 亞細亞州各國圖


海國圖志卷之三

三






朝鮮國北界圖




朝鮮國中界圖






朝鮮國南界圖



續修四庫全書 史部 地理類


安南國圖




二六四



東南洋各海圖





中國南兩印度國合圖







圖度印東





國度印五







印度國舊圖




西藏各部圖






西域押安北治三國圖




百耳西亞國圖






亞拉比亞國圖




土耳其全國圖






南土耳其國圖





俄羅斯國圖







俄國新圖

亞細亞州內




東界圖

日本國






日本國西界圖




續修四庫全書 史部 地理類

東南洋各島圖







荷國屬所巴島圖



及各島圖




奧大利亞






奧大利亞洲專圖




奧大利亞洲內新瓦里士圖






地西島圖



大西洋圖






# 利未亞州各國圖


利未亞州全圖

利未亞州全圖






麥西國圖




利未亞北：各方國圖






英吉利所屬朱利安州南方各地圖



續修四庫全書 史部 地理類


歐羅巴洲各國圖




二七八



歐羅巴洲全圖




大呂宋荷葡亞兩國全圖






瀛環志略呂宋葡萄牙亞合圖




續修四庫全書 史部 地理類

佛蘭西全國圖






圖西 蘭佛




圖合國兩 義北蘭荷






圖全國里大意



續修四庫全書 史部 地理類



圖國任瑞




二八二



大國圖




奧地利三國圖 白耳曼破路新







普魯士國圖



續修四庫全書 史部 地理類


奧地利國圖




二八四



北土耳其國圖




希臘國圖







威那丁瑞




南國圖



歐羅巴州屬




俄國新圖






瀛球志各俄羅斯西境圖




異域錄俄羅斯國圖






英吉利本國三島圖




續修四庫全書 史部 地理類

四州英吉利國部分圖






圖利吉英 界志環瀛




圖蘭各蘇





伊年蘭島國




亞墨利加  
州各國圖

外國圖志 卷四 外大西洋圖


三



圖全州加 刺然亞北




圖部各邊東國他 拿加屬所利吉英






彌利堅全國圖




續修四庫全書 史部 地理類

麥西哥全國圖






危地馬拉全國圖




北加利內英俄二國屬地圖







亞烈利州各島圖




南亞烈利州全圖






可倫比全國圖




巴拿馬國圖







北路支利威兩國圖



加利州南方五國合圖







右香港英夷公司所呈大憲圖也。余纂此書有取之  
 華人者。皇朝通考及一統志外如周達觀真臘  
 風土記、王憚汎海小錄、謝清高海錄、張奕東西洋考  
 黃衷海語、師範滇繫、劉健庭聞錄、顏斯綜南洋叢測  
 黃可垂呂宋紀畧、王大海海島逸志、郁永河裨海紀  
 遊、張汝楫澳門紀畧、陳倫炯海國聞見錄、七十一西  
 域聞見錄、徐繼畲瀛環志畧、葉鍾奇英吉利夷情紀  
 畧、有取之夷人者、艾儒畧職方外紀、南懷仁坤輿圖  
 說、美利加人培端之平安通書、英人禕理哲之地球  
 圖說、馬禮遜之外國史畧、歐羅巴人馬吉斯之地理  
 備考、美理哥人高理文之美理哥國志、澳門人之每  
 月統紀傳及天下萬國地理全圖集、四洲志、貿易通  
 志諸書，皆世所尠見，最而錄之，旨則數千，稿凡三易，  
 畧舉其目，以眎有徵，惟此圖乃廣州府經歷蔡源程  
 承訓所摹，飾以五色，因取以冠是書之首，斯純乎以  
 夷人譚夷地也。

海國圖志

卷四

圖後

聖



敘東南洋

魏源曰志海國莫瑣于明史外國傳傳成于  
侗本乎明外史及王圻續通考大概有三  
南洋不分古里瑣里皆南洋近國而與荷蘭佛郎機同  
卷意大利亞處大洋極西而與柯枝榜葛刺同卷甚謂  
佛郎機近滿刺加何翅秦越同席其蔽一二曰島國與  
岸國不分謂淳泥即大泥則移島於岸謂亞齊即大食  
波斯則移岸於島謂柔佛即佛國而東西竺島即天竺  
賓童龍即舍衛則移西天於東洋至若婆羅閣婆大卜

海國圖志

卷五

東南洋敘

瓜哇影射互殺叩槃捫燭其蔽二三曰同島同岸數國  
不當分而分大泥彭亨柔佛滿刺加吉蘭丹皆暹羅南  
境屬國也婆羅淳泥瓜哇蘇祿文萊馬神皆一島所環  
處也止宜以毗連各屬國附於暹羅之傳以淳泥等統  
立一同島之傳餘自亞齊三佛齊小瓜哇錫蘭山等著  
名數大島國外類皆荒洲小嶼人不過數百家貢不過  
一再至無關沿革何與共球止宜統述一篇臚其名目  
乃各國各傳觸目迷離概稱在東南海中無疆里沿革  
可徵無市舶邊防可述其蔽三魏源又曰地之氣其

至明而一變乎滄海之運隨地圓體其自西而東乎前  
代無論大一統之世即東晉南唐南宋齊梁偏隅割據  
而航琛獻寶之島服卉衣皮之貢史不絕書今無一登  
于王會何為乎紅夷東駛之船遇岸爭岸遇洲據洲立  
城埠設兵防凡南洋之要津已盡為西洋之都會地氣  
天時變則史例亦隨世而變志南洋實所以志西洋也  
故今以呂宋荷蘭佛郎機英吉利布路亞五國綱紀南  
洋其越南暹羅緬甸日本四國雖未并于洋寇亦以事  
涉洋防者著于篇而朝鮮琉球洋防無涉者不及焉凡

海國圖志

卷五

東南洋敘

二

海岸之國三海島之國六



海國圖志目錄

東南洋海岸三國

卷五

越南故交趾

卷六

越南分國沿革林邑占城

卷七

暹羅故扶南

卷八

海國圖志

卷五

目錄

暹羅分國沿革真臘東埔寨

卷九

暹羅屬國今為英夷新嘉坡沿革滿刺加舊柔佛

卷十

緬甸朱波驃國

海國圖志卷五

東南洋每岸之國

阿細亞洲總說原本無今補輯

邵陽魏源輯

明艾儒略職方外紀亞細亞者天下一大州也人類孳生之地聖賢首出之鄉其地西起那多理亞離福島六十二度東至亞尼倫峽離福島一百八十度南起瓜哇在赤道南十二度北至冰海在赤道北七十二度所容國土不啻百餘其大者首推中國此外曰韃而韃凡皆是

海國圖志

卷五

東南洋

一

兒西亞大白頭曰度爾格都魯樓曰如德亞天方默德並此州鉅邦也海中有鉅島曰則意蘭即錫蘭曰蘇門答刺曰瓜哇即葛雷巴曰渤泥此渤泥為島可證謂曰呂宋近臺曰馬路古坤輿圖說作木路更有地中海諸島亦屬此州界內中國則居其東南其北極出地之度南起瓊州出地一十八度北至開平等處出地四十二度從南涉北其得二十四度徑六千里東西大抵略同其距大西洋路幾九萬開闢未始相通但海外傳聞尊稱之為大知納近百年以來西船往來貿遷始闢其途兼



以麻算之士得歷中華廣聞見曠然遠覽其一統志所詳者今不復述姑錄全洲大略于左

萬國地理全圖集曰四大地之中亞齊亞最廣大長二萬四千里闊一萬二千三百里大地北極出地二度至七十八度英國中線偏東自二十六至一百九十度南及印度海有東京暹羅北耳西海隅北及北冰海東及太平洋海與其海隅西連歐羅巴大地及地中海有微地與亞非利加大地相連又及於紅海隅與印度海也在此大地內南方之各國稱謂無來由列邦暹羅安南老

海國圖志 卷五

東南洋 總說

二

緬甸五印度北耳西亞刺百等國北有俄羅斯藩屬國亦稱西百利東有中國及所屬滿州各地方日本羣島並琉球西有西域列國與土耳其基藩屬中有蒙古族各部地沙漠西藏東南邊則多羣島廣大且遠焉○亞齊亞西方為各人類始祖之本地道理術法與教門一皆由亞齊亞出故亘古至今視為重地案亞齊亞即臣細亞也一作阿

悉

越南

安南國在暹羅之東北國都建于傳依此日傳依後又曰虎地蓋西京

順化港之異名也亦原有三國一曰廣南一曰干波底阿一曰

東京并有干波底阿所屬之臘阿士窮巴兩小國干波

地接廣南當即明史之賓童龍與古

城接壤者蓋廣南以東頓海之小國于有七百七十四

年乾隆三十九年因廣南光中王冲幼被難與其遺臣遁于海

島遇佛蘭西教師阿特蘭彼此投契其懷義憤遂回佛

蘭西乞師適值佛蘭西國難未定閱數載始請得兵船

助其恢復于有七百九十年乾隆五十五年滅仇復國案此

安南光中王冲幼被難事在乾隆三十九年借西洋兵

復國事在乾隆五十五年既非明嘉靖中黎維濬復仇

滅莫之事又非嘉慶七年阮福瑛借暹羅兵復仇滅阮

之事乾隆五十五年正阮光平黎黎氏黎氏投中國之

海國圖志 卷五 東南洋 海峽國 三

時更與此情事不合以前後考之此當專指廣南而言

高宗御製詩集乾隆乙未題平定合符詩注云

李侍堯奏粵民李阿集私越邊界至安南國之順化其

地在安南王城西南遠隔重洋昔為阮姓竊據歷几世

皆稱順化王與安南黎王世仇會順化王死有子二嫡

幼而庶長先立其舅擅威福有同姓阮翁衰者以除奸

立嫡為名募兵自稱西山王偪順化城二子皆出走李

阿集以戰功封開國公阮翁衰思自立眾解不從李阿

集人海遇順化二子舟劫奪其財攜家回內地為有司

所執籍其家得調兵玉符上下各一左右琴榻相應形

圓而植鑄小篆文云案乾隆乙未為四十年與此志

三十九年先後一歲情事正符而二子海中被劫即此

志所謂遁入海島之事阮光平本名阮惠有兄阮岳即

詩注所謂嫡幼庶長之事蓋阮光平幼時本遭難避荒

及長乃借兵恢復廣南又乘黎鄭內鬻之際因並據安

南耳中國惟知其晚年盜有安南之事不知其幼作亡

載師範安南紀略亦與此志互有出人光中之為阮



光平無疑光中王既感歐羅巴之扶佐又慕歐羅巴之兵法遂仿造兵船火器訓練國兵是以現有礮船三百艘大兵船一號在阿細亞洲諸國罕與匹敵是以兼取安南東京及干波底阿國并合三國而統一之此處始謂阮南東都緬甸暹羅兵制皆由各頭目招募充伍器械皆長鎗刀弩雖有火鎗皆西洋所廢棄之物購買修整不堪適用惟安南軍器制度得之歐羅巴故在緬甸暹羅兩國之上其水戰兵船長自八丈以至十丈不等而寬僅八尺其製造之法取整油木一株截定長短尺寸先用火燒出中槽後用刀斧剝斲而成沿河各城均備此以待臨時一招而至即有五百號每船掉槳五六十人各帶長鎗短劍別配火鎗兵三十人船頭平直安礮一門自六棒至十二棒重不等遇敵將船橫排成列羣唱戰歌極力掉槳頃刻逼近隨即死鬪如敵人大船欲衝擊小船則小船閃避又甚巧速其王與貴人尋常所乘之船雕飾鍍金映水燿燦土庶不敢僭也安南兵船近日造作愈精愈巧每船長十丈九尺其材可作西洋兵船之中梳緬甸暹羅兩國陸戰全恃堅銳木柵環繞重

海國圖志

卷五

東南洋 海國圖

四

海國圖志 卷五 東南洋 海國圖 四

豪雖英吉利之兵馬亦有時可以拒之第兵欠紀律設一破其柵即未免潰亂奔竄安南軍制按歐羅巴兵法訓練而成可云紀律之師計其兵數于千有八百年間嘉慶六年約十有四萬今則不過五萬內有三萬在國扈衛國王聞安南國王庫貯金錢計有七百十四萬員而銀則不計其數也緬甸戶口約有五百萬暹羅戶口約百有二十萬安南東京戶口五百有十萬四千臘阿士戶口約八十有四萬蕪萊由戶口約十有九萬又中國人在彼人籍約四十有四萬其官制章服文字大略都遵

海國圖志

卷五

東南洋 海國圖

五

中國為東方諸國所不及眉公河為安南最鉅之河道亦發源雲南南經巴爾門而注之海眉公河似指富良之黎花江經安南入海由海口溯流而上約二十餘日巨船可揚帆直駛三國土產木棉穀米油木花木白糖胡椒簾竹膽黃檳榔燕窩海參象牙原本安南國東界海南界海西界暹羅北界中國廣西以虎地為國都領部落二十有一原本部落名皆夷語今刪之其安南郡縣具詳前史重輯原無今補萬國地理全圖集曰安南王據東京而取占城國之大



半南接暹羅達於南海北及中國東北及廣西西連老  
撾暹國東達東京海隅及南海北極出自九度至二十  
三度英國中線偏東自一百零三至一百零八度東北  
隔富良江西交潦瀨江廣袤圓方二十九萬四千方里  
東京望海平原如草場與占城地相似國內多山歸化  
江路接西南界宣化江路接時麻道陀江路接金齒界  
諒州路接左右兩界其國二十二郡六者為占城故地  
其外為安南東京地其江自雲南廣西出者皆南流惟  
東京之江東流其海之港甚多處處可泊國西都曰順

海國圖志 卷五 東南洋 海峽國 六

化城離海邊十八里沿江十二且建屋宇大半草廬半  
瓦屋其東京城在河濱距海三百里居民比順化更繁  
為貿易之埠與中國通商並不與他商經營東安居民  
原來自中國開墾立業故其氣色相去不遠至占城之  
土民面黑身矮與暹相似乾隆年間國王沒臣主異心  
或結暹羅或結安南故為安南侵據其地豐盛而民懶  
惰海邊有港巴族類風俗語音與安南異古時乘船冒  
危遠商他國近日漸退安居山內服屬安南安南國崇  
佛教拜偶像有奉天主教者王盡滅其教門而殺其師

然尚存四十餘萬信士東京出金鐵開廠每年掘銀二  
十餘萬占城產米多日糖檳榔肉荳蔻唐船最多古城  
之絲賴江瀕海捕魚為生安南人矮身著長衫褲以布  
纏首衣裳黎黑色惟尊貴服綢緞眾民污穢不洗衣不  
浴體風俗人清爽滿面笑容揚眉暢氣安心聽命但因  
連月徭役小民貧苦無聊王住殿太乘榮威其侍衛三  
萬丁立內閣置六部中外百官甚效中國之法各省有  
其督撫部院等大官所讀之書與中國相同但其音懸  
絕至于武備國王請佛蘭西武官教死西國操演武藝

海國圖志 卷五 東南洋 海峽國 七

是以所鑄之火礮所造之鳥鎗不異佛蘭西其武官深  
曉兵機所有兵船大勝中國之艦巡駛五印度南海各  
國以廣見識其公使屢到外國隨便辦事遇有外國船  
隻進港即嚴行防範煩擾苛刻以塞外商之路中國所  
來之大小船三百隻安南往新嘉坡每年三十有餘隻  
但其水手係漢人王之兵船二三隻載雜貨亦赴其埠  
貿易  
聖武記安南所都曰東京即唐交州都護治所而以廣  
南順化二道為西京即古九真日南地中隔海口世為



阮氏割據號廣南王兵強於安南初明嘉靖中安南爲莫登庸所篡國王黎維譚走保清華順化四府至孫黎維潭起兵破莫復國實其臣鄭氏阮氏之力世爲左右輔政後右輔政鄭氏乘阮死孤幼出阮氏於順化使王廣南而自專國事于是阮鄭世仇構兵至鄭棟益專柄將篡國而忌廣南之強乃誘其土酋阮岳阮惠攻滅廣南王于富春及鄭棟死阮惠又起廣南兵攻滅鄭氏于是阮氏復專國盡取王都珍寶歸廣南治城池于富春旋使其將阮任以兵數萬攻東京國王黎維禛遣使走

海國圖志

卷五

東南洋海峽國

投新中國時乾隆五十三年也明年朝廷命兩廣總督孫士毅出師討阮惠惠敗走黎維禛復國是冬阮惠復集廣南之眾傾巢來襲孫士毅軍潰走還黎維禛復來投阮惠亦改名阮光平叩關謝罪乞降言世守廣南與安南敵國非君臣並請五十五年入覲祝 八旬萬壽 詔封阮光平安南國王五十七年卒子阮光纘襲封初阮氏世王廣南以順化海港爲門戶與占城暹羅皆接壤阮光平以兵篡國用虛耗商船不至乃遣烏船船百餘總兵官十二以采辦軍餉爲名多招中國

海盜使爲鄉導入寇閩粵江浙嘉慶初各省奏擒海賊屢有安南兵將及總兵封爵敕印詔移咨安南尚不謂國王預知也暹羅既與廣南積怨會黎氏甥阮福映者乞師暹羅克復西都并縛海賊莫扶觀等獻諸中國中國始知阮氏父子數好誨盜之罪時嘉慶四年也及七年阮福映復破東京盡有安南備陳擣兵始末爲先世黎氏復仇其舊封農剛本古越裳氏地今兼并安南請以越南名國 詔封越南國王蓋新阮篡黎十餘年復滅于舊阮今修職貢者非復前日阮氏云

海國圖志

卷五

東南洋海峽國

九

英吉利夷情紀略欽縣葉鍾進寄 嘉慶十一年間有大班喇弗者探知我屬國安南之東京地居海隅時有內訌乘隙可取時阮福映滅仇遂親往孟甲刺約其兵頭駕大船十號直趨安南富良江海口先令其副兵頭駕七艘入以討舊欠索馬頭爲名安南聞之先飭漁艇商船盡藏內港故入口數百里無阻直至東京下碇不見一人及夜忽有小艇無數各載乾柴火藥四面圍至急發大礮轟之小艇皆乘上風火發風烈七艘俱燬右黑鬼善泅者遊水出報兵頭駭遁不敢再入



海國志略曰越南即安南古之交阻秦以後唐以前皆  
 隸版圖南界之林邑漢末即自立為國安南至五代時  
 乃列外藩今并古城為一國復兼真臘北境安南故地  
 南境占城真臘故地稱曰廣南北界廣東廣西雲南三  
 省西界暹羅東南面大海都城曰順化在富長江之南  
 岸衣冠仍唐宋之制坐則席地貴人乃施短榻取士用  
 策論詩賦設鄉會科士大夫皆好吟咏詩或劣不成句  
 而人人喜為之國分四十餘省一省所轄止數縣文武  
 官名略同內地總督皆阮姓王之族也貴官坐堂皇或  
 解衣捫蝨其簡陋如此宴客設銅盤置蔬肉各少許無  
 醢醢以醃魚汁代之鴉片之禁甚嚴犯者立置重典東  
 南臨海有都會曰祿奈或作祿賴一作龍奈一作農耐占城之故都也  
 南境臨海有都會曰東埔寨真臘之故都也聞廣商船  
 每歲往來貿易別國商船入港譏防甚嚴權稅亦重諸  
 國惡其煩苛故市舶罕有至者所產者番木沈楠諸香  
 鉛錫桂皮象牙燕窩魚翅之類其人貢出廣西之大  
 平府人關不由海道安南本中國地諸書言之綦詳故不多贅  
 俗傳紅毛船最畏安南不敢涉其境其人善於泗水

海國圖志 卷五 東南洋 海峽國 十一

遇紅毛夾板則遣數百人背竹筒攜細縷沒水釣於  
 船底從遠處登小舟牽曳之俟其擱淺乃火焚而取  
 其貨又或謂安南人造小舟曰軋船能攻夾板船底  
 故紅毛畏之以今考之皆不甚確蓋占城之北海形  
 如半月海水趨灣其勢甚急海船或入灣內無西風  
 不能外出紅毛夾板入溜擱淺曾敗數舟故至今歐  
 羅巴人涉海以望見廣南山為厲禁商船入安南內  
 港土人皆用小船繫繩牽引乃慮其擱觸礁淺藉為  
 鄉導即中國各港之引水船反用之以碎敵船理或  
 有之惟沒水而釘船底則事涉香茫矣至軋船之製  
 曾有繪圖倣造者施之海面仍無異常船耳食之談  
 施之實事往往鑿柄正不獨此一事也按鄭芝龍焚  
 灣外絕時荷蘭夾板擱淺芝龍力受撫為神將奉  
 命往剿荷船堅炮猛乃募死士善泅者以小船堆  
 柴薪澆以油中藏火藥前置引線船首施短鐵線  
 利錐死士一人持斧坐船頭數人從旁乘風潮急掉  
 傍夷船以斧釘錐於船板燃藥線投水臭同藥火  
 發風又猛烈荷船夾板被焚三艘餘遁去云按芝龍  
 本海中劇盜所養皆亡命其權謀能得人死力故出  
 奇制勝理或有之他書言火攻者謂用千百木筏積  
 薪順風潮縱之或謂鑽千百小舟積薪載面圍之  
 皆江河大攻舊說施之夾板鑿柄甚矣海面寬闊夾  
 板相地散泊相隔一二里三四里木筏雖多豈能塞  
 海又豈能引線拾芥使之相著此自笑舟何與彼事

海國圖志 卷五 東南洋 海峽國 十二



地里備考曰安南國又名交趾在亞細亞洲之南北極  
 出地八度四十五分起至二十三度止經線自東八十  
 七度四十五分起至一百零七度止東南皆枕中國海  
 西連暹邏國北接中國南北相距三千七百里東西相  
 去一千五百里地面積方約三十九萬三千七百五十  
 里烟戶三京三兆口本國地勢山陵綿亘平原坦闊河  
 則甚多其至長者一賣岡河一桑該河一支來河一多  
 乃河湖則甚鮮其至大者一托湖一勞湖田土膾炙  
 果豐稔草木茂盛鳥獸充斥土產金銀銅鐵錫絲茶漆  
 海國圖志 卷五 東南洋 海國圖一 三

靛蔗藤花檳榔沙藤肉桂胡椒象牙藥材木料等物地  
 氣溫和王位相傳所奉之教儒釋不一技藝精良貿易  
 昌盛通國分爲五部一唐冲首府曰順化乃西都也建  
 于順化河岸一唐外即東都首府曰給卓一平順首府  
 曰古城一嘉定即東埔寨又名真臘首府曰柴棍一包  
 當首府曰保國中部落四散住居不屬統轄名目紛繁  
 茲不及贅其通商衝繁之地一名柴棍一名代佛一名  
 罕山一名給卓

外國史略曰亞悉亞東南洋海岸各國北連中國之雲

南廣西廣東南及暹羅海隅及南洋羣島東及安南東  
 都海隅西連榜甲拉海隅在亞西亞各國之至南其長  
 江曰迤拉瓦的江一名大金沙江由雲南流出逕緬甸  
 四千四百里入榜甲拉海隅水深廣可入大海船若小  
 三板船可及雲南界撤路音河一名潞江亦由雲南下  
 流直南入緬甸之馬他班海隅其北支內多暗沙南支  
 則水深三十里默南江一名沅江亦由雲南下流南向  
 入暹羅灌田最豐盛其江最深而出口處反淺黔南若  
 河即瀾滄江由雲南流入越南西都有漳江溪港有兩  
 海國圖志 卷五 東南洋 海國圖一 三

條西方係緬甸國並英吉利藩屬地其東越南中間爲  
 暹羅老掌等地南則爲蕪萊由族類

又曰越南國北極出地自八度三十分及二十三度偏  
 東自一百零五度及一百零九度廣袤方圓六千七百  
 里民在東都者千餘萬在廣南百有餘萬在占臘或在  
 千賓百五十萬越南南連暹羅東及大海北與中國交  
 界西連老掌其全國之地自南占臘地起如區粟鎮河  
 僊南榮安江永清定祥蕃安邊和平順衙莊富安歸仁  
 和義廣南皆南地也其中央有廣德廣治廣平又安東



京各鎮北方有清內清外興化南上下海東京北山西高平郎北太原宣光廣安等鎮其南方占臘之地地低田肥無山林人繁盛民不習勤國君又不知教養故府庫充而百姓貧乏惟與中國交界之東都居民蕃庶勤勞能製各物又花河邊之順化田肥地茂其內山多磽低地出米烟檳榔白糖玉桂皮胡椒檀香奇南香粗茶葉等貨港口便通商面貌皆似中國本漢人之苗裔也其文學亦用中國字讀中國書法度規矩風俗皆與中國彷彿士民伶俐恆帶喜色多巧思衣尚黑不好潔

海國圖志

卷五

東南洋 海岸國

西

不浴身男應徭役女乏貞節代男苦勞以養其家庶民貧乏惟僑寓之漢人免徭役農力勞而收薄商賈多漢人所運出者檳榔白糖胡椒最多通商極興旺船由埔寨來者載米鹽等貨赴新埠頭貿易國王亦調兵船每年赴港并赴旁甲拉東都所運賣者係粗磁等貨所造之鳥鎗大砲等火器尤妙東都出胡絲但不如中國之細衣布緞紗皆粗其上者必買自外國乾隆三十八年西都有兄弟三人一為將軍一為商賈一為和尚共驅國王世子有佛蘭西教主偕世子求援于暹羅國併往

海國圖志

卷五

東南洋 海岸國

東

佛國求救是時三奸已據其國虐其民其東征者不服水土斃死甚眾王駐伶仃島於是佛國與本地義勇力驅奸徒又攻擊東都舊王復位乃用佛官練兵鑄炮又建戰船如西洋之甲板且築砲臺自後武事日興乘占臘國王內亂與暹羅分據其地直入祿賴每年調兵船載餉貨赴新埠等港貿易所寓漢人亦駛各港口在占臘載貨物王自操全權不與鄉紳會議所納各稅約五百萬兩其西都曰順化府居民三萬各江邊離海二里北極出十六度四十五分偏東一百零六度三十二分



武林郁永河神海紀遊曰紅毛船用板兩層斲而不削製極堅厚中國人目為夾板船其實整木為之非板也其帆如蛛網盤旋八面受風無往不順較之中國帆船不遇順風則左右截折傾險迂艱者不翅天壤然巧於逆風者反拙於乘順風若與中國舟航並馳順風中彼反後矣故遇紅毛追襲即當轉舵順風揚帆可以脫禍若仍行箴風鮮不敗者況彼船大如山小舟方畏其歷安能仰攻紅夷恃船大帆巧橫行海外輕視諸國所至侵奪顧兩敗于交趾交趾拒敵之法創造小舟名曰札

海國圖志卷五 東南洋 海岸國一 六

船長僅三丈舷出水面一尺兩頭尖銳彷彿端陽競渡龍舟以二十四人操楫飛行水面欲退則反其棹變尾為首進退惟意儼然游龍船中首尾各駕紅夷巨礮附水施放攻其船底底破即沈雖有技巧無所施設於是天敗至今紅毛船過廣南見軋船出即膽落而去中國東南半壁皆大海日與西夷互市軋船之製亦所宜講余文儀臺灣志交雷巴國人本輕捷善鬪紅毛製造鴉片誘使之食遂疲羸受制其國竟為所據紅毛人自有食鴉片者其法集眾紅毛人環視繫其人於桅竿上以

礮擊之故紅毛各國祇有造煙之人無一食煙之人又聞夷船由孟邁赴廣東必先經安南邊境初誘安南人食之安南覺其陰謀下令嚴禁犯者死無赦一國卒不受其害

澳門紀略曰昔西洋夷有以天主教行於安南者國人誠之國王盡拘其人立二幟于郊下令曰不從教者立赤幟下宥其罪如守教者立白幟下受誅竟無一人肯出教立赤幟下者王怒舉礮殲之至今不與西洋通市至則發大礮擊之西夷卒不敢往

海國圖志卷五 東南洋 海岸國一 七

魏源曰越南自漢唐明屢隸版圖列郡縣事燦前史惟其與西洋交構則皆在 本朝於中國洋防最密邇雍正初紅夷兵船由順化港闖其西都而西都以水攻沈之嘉慶中復由富良海口闖其東都而東都以火攻燬之鷺島將擊必斂其形未聞禦大洋橫行之劇寇徒以海口礮臺為事者越南之禁鴉片與日本禁耶穌教同功與酒誥禁羣飲同律咄咄焉邦尚能令止而政行

越南疆域附考 原無今補 寧清通考四裔門安南節交趾與滇粵接界由廣西至其國道有三從憑州入則經文淵脫則諒



山溫州鬼門關保祿縣凡七日至安越縣之市橋  
 江由思明府入則過摩天嶺思陵祿平二州又過  
 車里江安博州耗軍洞鳳眼縣凡八日至市橋江  
 自龍州入則由平而隘七源州四日至文蘭平茄  
 社分二道一從文蘭過石隴縣北山經鬼門關渡  
 昌江經世安安勇二縣凡三日至市橋江一從平  
 茄縣西經武巖州司農縣凡四日至市橋江市橋  
 江在安越縣境昌江之南諸路總會處五十里至  
 慈山府嘉林縣渡富良江入交州由雲南至其國  
 道有二一由蒙自經蓮花灘入程潤洞循洮江源  
 右岸過水尾文盤鎮安夏華清波諸州縣凡二十  
 七日至臨洮府又過山圍縣興化府白鶴縣凡十  
 日渡富良江一由河陽臨洮江源左岸過平源  
 福安宜江端雄諸州府凡二十三日至高良江  
 然皆山徑欹側難行若循洮江右岸入乃大道也  
 若廣東海道自廣州五雷山發舟北風順利一二  
 日可抵交之海東府沿海岸行八日始至海東有  
 白藤安陽塗山多魚諸海口各有支港以達交州

海國圖志 卷五 東南洋 海岸圖一 六

此海道大略也國治在交州距京師萬有千百  
 六十五里即唐都護治所郡縣分十三道道分十  
 三承政司安邦海陽山南京北山西諒山太原明  
 光興化清華又安順化廣南是也隸安邦者府一  
 日海東舊即交州地隸海陽者府一仍日海陽舊  
 即新安地隸山南者府十有一日上洪下洪天長  
 廣東應天荆門新興長安汶仁昌平義興舊即諒  
 江建昌奉化鎮蠻建平地隸京北者府四日北河  
 慈山諒江順安舊即北江諒江地隸山西者府六  
 日歸化三帶端雄安西臨洮江地隸山西者府六  
 歸化地隸諒山者府一仍日諒山舊諒山地隸太  
 原者府三日太原富平通化舊太原地隸明光者  
 府一仍日宣化舊宣化地隸興化者府三日興化廣  
 威天關舊即廣威州地隸清華者府四日紹天鎮  
 甯蔡州河中舊清化地隸又安者府八日又安壁  
 平思又奇華德先廣州北平清都即又安濱州地  
 隸化者府三日廣化英都昇華舊即順化昇華  
 地隸廣南者府三日廣南茶麟五麻舊即又安地

其形勢東南一帶皆海有望海城漢伏波將軍馬  
 援建國境西界南界北界廣西東北界廣東沿邊  
 皆有重巒深澗林菁彌望至大小落靠嶺鬼門關  
 羅婆羅翁嶺尤其國中要地交州獨倚富良江  
 為天險江闊二三里其水混濁一自緬甸流入山  
 興化過嘉興府來一自雲南流入由興化府來至  
 交州匯合諸小河流匯漸大自西東下經過交州  
 北向東南流入海在國總屬州縣二百餘東西相  
 距一千七百六十里南北二千八百里此安南全  
 境也國王黎氏祖籍清華人為安南王都清華繼  
 因交州為歷代割據險要地兼有通海之利始遷  
 都之國無城池人煙輻輳地勢平坦一望皆田村  
 莊橋比人多地少台境州縣不過具數而已唐調  
 露初置安南都護府始名安南至德初改鎮南大  
 命 欽命正副使往封賜以鍍金銀印文曰安  
 南國王其國中文武官制略同中國兵丁皆免  
 銀徭役按月給餉兵分水陸不分戰守兵以象馬

海國圖志 卷五 東南洋 海岸圖一 六

重每象額兵二百五十名有正象奴六副象奴二  
 其餘兵丁分執火器刀鎗行則前後序進戰則左  
 右排列凡交界隘口及衝要郡縣皆撥象鎮守喪  
 祭遵文公禮信尚風水官民不許卜葬山上推許  
 葬於田富貴者冢上蓋茅屋歲久即半惟國王與  
 輔政鄭氏葬必卜地至於權幸勢要或有私卜敗  
 則亦平矣交州有國學文廟各郡縣皆建學校俱  
 如中國間有釋老夷獠雜居性輕悍役使貧弱仔  
 掠不忌惟交安二州稠獠好謀驍悍二州酒秀好  
 學交州惟國都及安邦承政司所屬地愛州屬清  
 華承政司隸州濱州屬安邦承政司云屋舍惟王  
 府輔政宅及廟宇用瓦色紫黃餘皆茅屋國中農  
 桑極盛荳蔻胡椒兼饒魚鹽之利金珠珊瑚瑇瑁  
 石磬火齊丹砂諸貨若其中外離合國祚變遷自  
 秦及明前史備載本朝順治十六年雲南平定  
 安南國王黎維祺奉表貢康熙五年維祺繼登故  
 明子承恩所給敕印詔道使封為安南國王  
 乾隆五十二年黎維祺為阮光平所滅大兵恢復



其國旋仍為阮光平所取光平來降命入朝	詔封阮光平安南國王傳子阮光顯嘉慶七年為	黎氏舊臣阮福映所滅詔改封	越南國至今六年兩貢並進	一統志曰廣東欽州廣西左江雲南臨安元江皆	與交趾為界欽以東海道與之對境欽以西為南	甯府南甯之東南恩明府所屬恩州忠州上下石	西諸州太平府所屬龍英太平安平上下凍諸州	皆與接境西龍州乃其所必由之路而憑祥州則	其要害也鎮安府所屬有歸順及下雷洞亦與接	境二峒迤西則雲南界矣臨安之阿迷州左能塞	等九長官司皆其近界元江有水路通之而蒙自	縣則其所必由之路也其道在廣西則由太平	府歷龍州及憑祥州抵其諒山府至其所稱東都	者可七日程在廣東則自欽州西南一日至其永	安州由玉山等處至其東都可五日程在雲南則	由臨安府經蒙自縣河底之蓮花灘至其東都	可四五日程此中與交南邊境之大略也	海國圖志 卷五 東南洋海國一	粵中見圖曰安南地東西相距一千七百六十里	南北相距二千八百里其為府十七為州四十七	為縣一百五十七歲入可農一千三百六十餘萬	舉滇黔閩廣之賦不足以當之俗稱高庶明代棄	若弁髦嘉靖中黎莫變生廷議征討吾粵先哲近	文敏議遣大司馬按兵境上詔諭交人以釋歸者	授之郡以州歸者授之州使其自為守若廣西之	上官然可不血刃而定湛文簡權論亦如此而竟	不行誠可惜也由廣東入交趾海道自欽州南大	海揚帆一日至西南岸即交趾潮陽嶺又自廉州	冠山前海發舟北風順利一二日可抵交趾海東	府若沿海岸而行烏雷嶺一日至白龍尾又二日	至玉山門又一日至萬甯州又二日至廟山又三	日可抵交趾海東府自欽州天涯驛經貓兒港山	萬甯州抵交趾國城陸路止二百九十一里又欽	州城下登舟兩日至福淪自福淪至防城陸路一	寸五里防城有廉州府同知龍門協左營一守備	駐劄防城水路三日可至交趾萬甯州管下之江
-------------------	---------------------	--------------	-------------	---------------------	---------------------	---------------------	---------------------	---------------------	---------------------	---------------------	---------------------	--------------------	---------------------	---------------------	---------------------	--------------------	------------------	----------------	---------------------	---------------------	---------------------	---------------------	---------------------	---------------------	---------------------	---------------------	---------------------	---------------------	---------------------	---------------------	---------------------	---------------------	---------------------	---------------------	---------------------	---------------------

坪防城水路兩日可至欽州管下如昔司巡檢所  
轄之東興街有欽州州判與龍門協左營一小河  
駐劄東興街至江坪陸路止五十里隔一小河耳  
江坪各省商賈輻湊多有婚娶安居者計欽州東  
興街至安南國城海道約六七日程陸路約十一  
二日也由廣西入交趾分三路自憑祥州入者出  
鎮南關一日至思陵州自龍州入者一日至平而臨  
天龍一日至思陵州自龍州入者一日至平而臨  
由雲南入交趾元時始開兩路自蒙自縣人經蓮  
花灘以抵交趾之石龍自河陽隘入循洮江左岸  
十日至交趾平原皆山徑難行明英國公張輔發  
兵憑祥黔國公沐晟發兵蒙自不隨馬伏波故道  
次攻取勝此奇兵也



海國圖志卷六

東南洋二之國

邵陽魏源編

越南分國二

越南西都即廣南國也漢為日南九真郡晉以後曰林邑宋以後曰占城國朝曰廣南今並入越南為西都。原無今補

東西洋考安南分十二承政司其實一承政不能及申國一府或自舊縣升為府如慈山淮仁之類或承政祇管一府如宋邦諒江之類舊名多更改割裂船人稱西京者即其故都其王居曰日南殿清化港即舊清化府也是漢九真郡治之地隋唐為愛州在交趾為西京今

海國圖志卷六

東南洋 海國圖二

一

為清華承政司順化港即舊順化府也今為順化承政司廣南港即舊又安府也漢為日南隋唐為驩州今為廣南承政司廣南有太傅阮某者國相鄭松之舅也松既執國政阮不能平擁兵出據於此威行諸郡某卒其子始修貢東京新州港即舊新安府也今為海陽承政司提夷港亦交趾屬縣風俗大約與東京相類尚有汝南承政京北承政山西承政諒山承政太原承政明光承政興化承政又安承政皆非瀕海之地買船所不到故不詳之中國買船至其海口司關者以幣報船主

見酋行四拜禮獻方物酋為商人設食乃木牌於廳舍聽民貿易酋所須者輦而去徐給官價以償廣南酋號令諸夷均於東京新州提夷皆屬焉凡買船在新州提夷者必走數日程詣廣南入貢廣南酋亦遙給木牌民過木牌必致敬乃行

皇清通考四裔門廣南國為古南交地王本中國人阮姓歷代以來未通職貢其地東接安南西鄰占城南濱海東北至緬甸西北距暹羅境有大山海水環之望如半月名曰廣南灣人善泗紅毛國人夾板船最大風帆

海國圖志卷六

東南洋 海國圖二

二

不利漂入廣南灣者國人即遣小舟數百雲集其處人負一竹筒納長縷汲水而釘縷於船下還棹小舟遠曳以行使其閣淺始奪其貨而焚其舟故紅毛人以不見廣南山為幸他國商船入廣南者稅物加倍康熙八年廣東都司劉世虎等遇風漂泊其地廣南國王遣臣趙文炳送歸并帶貨物船隻來粵部議趙文炳等雖奉廣南印文遣來實係中國之人或留或遣請旨定奪其帶來之物現奉海禁不便貿易應入戶部得旨廣南國王送劉世虎等同粵殊為可嘉著給以照驗遣



歸廣南船貨不必入官仍給來使凡往來商船由廈門至廣南者先過安南界歷七洲洋向廣南外之占畢羅山即入其境國無城郭周栽刺竹以自固云

源按廣南即阮光平先世所封地本安南附庸以地險兵強自為一國近則并歸安南矣 皇清

通考係黎氏未滅已前所修故以廣南別為一國陳倫炯海國聞見錄南洋諸國以中國偏東形勢用針取向俱在丁未之間合天地包大西洋按二十四盤分之即在巽已矣就安南接聯中國而言海接廉州山繞

海國圖志

卷六

東南洋 海岸圖一

三

西北而環南直至占城形似半月名曰廣南灣秦象郡漢交趾唐交州宋安南陸接兩粵雲南風土人物史與備戰後以浣化新州廣義占城之地統名廣南因舅甥委守浣化隨據馬龍角礮臺北隔一水與交趾礮臺為界自浣化而南至占城為廣南國其王阮姓亦稱廣南王古日南郡地也以交趾為東京廣南為西京而西京強於交趾南轄祿賴東埔寨崑大嗎西南鄰暹羅西北接緬甸栽刺竹為城人善沒紅毛甲板船風水不順溜入廣南灣內者國遣小舟數百人背竹筒攜細縷沒水

密釘細縷於甲板船底遠繫牽曳船以淺閣火焚而取其輜重今紅毛甲板以不見廣南山為戒見則主駕舟者曰懸長國有常刑廈門至廣南由南澳見廣之魯萬山瓊之大洲頭過七洲洋取廣南外之占畢羅山而至廣南計水程七十二更廈門至交趾由七州西繞北而進交趾水程七十四更七州洋在瓊島萬州之東南凡往南洋者必經之所西洋甲板有洞天儀量天尺較日所出刻量時辰離水分度即知為某處中國洋艘無此儀器止用羅經刻漏沙以風大小順逆較更數每更約

海國圖志

卷六

東南洋 海岸圖二

四

水程六十里風大而順則倍累之潮頂風逆則減退之雖知某處不如西洋船之確必見某處遠山分別上下山形用繩馳探水深淺驗其沙泥一一配合方為準確至七州大洋大洲頭而外浩浩蕩蕩無山形標識風極順利對針亦必六七日始能渡過而見廣南占畢羅外洋之外羅山方有準繩偏東則犯萬里長沙千里石塘偏西則恐溜入廣南灣無西風不能外出且商船非本趕廣南者入其境以為天賜稅物加倍均分猶若不足此於紅毛人物兩空尚存中國大體所謂差毫釐失千



里也七州洋中有種神鳥狀似海岸而小喙尖而紅脚短而綠尾帶一箭長二尺許名曰箭鳥船到洋中飛來引導人呼是則飛而去間在疑似再呼細看決疑仍飛而來獻紙謝神則翱翔不知其所之相傳王三寶下西洋呼鳥插箭命在洋中為記

魏源曰廣南為林邑古城舊壤明史尚與安南鄰國皇清通考修於乾隆四十五年亦以廣南安南並列故阮光平自理之疏亦謂世守廣南與安南敵國而廣南常扼安南之項背西都常制東都之死命則地形勢然

海國圖志 卷六 東南洋 海國圖二 五

哉莫氏篡黎而清華順化四府據于黎氏則卒覆于黎黎氏恢復而廣南順化割于阮氏則卒覆于阮阮氏據國而農耐迫廣南肘腋則卒借暹助以并東都舊志謂阮氏恢復廣南借佛郎機之力考海國圖見錄作于雍正初前乎阮氏數十載已言廣南水戰為紅毛船所畏何為反借助于紅毛且此志中語及廣南戰艦戒心動色情見乎詞固不得不虛稱歐羅巴援救之功以揜英吉利創敗之辱彼謂西洋水犀戈船無敵海內外者抑知五行迭相克陰陽迭相勝天下有不可制之物耶廣

南瀕海之順化港口即古賓童龍國為占城東盡境自明王圻謬指為舍衛國明史因之悲夫悲夫籌防邊問兔園語廟謨恃郢書用陳湯不如石與匡

越南分國沿革上 廣南之地晉唐五代

晉書林邑國本漢時之象林縣其南則馬援鑄柱之處也去南海三千里後漢末曹區殺令自立為王其後王無嗣外甥范熊代立其俗皆開地戶以向日至於居止東西無定果於戰關便山習水不凋平地四時暄暖無霜雪人皆裸跣以黑色為美貴女賤男同姓為婚婦先聘婿其王服天冠被纓絡每聽政子弟侍臣皆不得近武帝太康中始來貢獻 咸康二年范逸死奴文箕位文曰南西卷縣夷帥范稚奴也嘗牧牛瀾中獲二鯽魚化成錢用以為刀研石嶼石即五解文知其神乃懷之隨商賈往來見上國制度至林邑遂教逸作宮室城邑

海國圖志 卷六 東南洋 海國圖二 六

及器械逃甚愛信之使為將文乃謂逸諸子或徙或奔及逸死無嗣文遂自立為王乃攻大岐界小岐界式僕徐其書皆胡字 永和三年攻陷日南害太守夏侯覽殺五六千人餘奔九真以覽月祭天鐘平西卷縣城遂據日南告交州刺史朱蕃求以日南北都橫山為界初德外諸國皆齎寶物自海路來貿易賄而交州刺史日南太守多貪利侵侮十折二三至韓戰估較大半由是諸國志憤及覽至郡又就荒於酒政教愈亂故被破滅既而文還林邑是歲朱蕃使督護劉雄成於日南文復攻陷之四年文又襲九真害士庶十八九年征西督護滕駿率交廣之兵伐文於盧容為文所敗退次九真其年文死子佛嗣升平中廣州刺史 梁書林邑國者本漢日南郡象林縣古越裳之界也伏波將軍馬援開漢南境置此縣其地縱廣可六百里城去海百二十里去日南界四百餘里北接九真郡其南界亦步道二百餘里有西國夷亦稱王馬援植兩銅柱



表漢界處也其國有金山石皆赤色又出瑞璣貝齒吉  
貝沈木香晉世范文為王穆帝永和三年夏侯覽為日  
南太守侵刻尤甚林邑先無田土食日南地肥沃常欲  
略有之至是因民之怨遂舉兵襲日南殺覽以其屍祭  
天留日南三年乃還林邑交州刺史朱蕃遣督護劉雄  
成日南又復屠滅之進寇九德郡殺害吏民遣使告蕃  
願以日南西北境橫山為界蕃不許文歸林邑尋復屯日  
南五年征西將軍桓溫遣督護滕駿九真太守權遠帥  
交廣州兵討之其王范佛嬰城固守遂令駿盛兵於前  
遂帥勁卒七百入自後踰壘而入佛嬰驚潰奔走遂追  
至林邑佛乃請降安帝隆安三年佛孫順復寇日南  
九德皆執其太守交趾太守杜瑗遣兵擊破之即以瑗  
為刺史義熙三年順復寇日南九年寇九真瑗皆遣  
兵破走之自瑗卒後林邑無歲不寇日南九真諸郡殺  
傷甚多交州遂致虛弱順達死子敵真立其弟敵銀攝  
母出奔敵真追恨不能容其母弟捨國而立敵文敵又  
于其甥其甥又為國相藏驛子攻殺而立敵文敵又  
為扶南王子常根純所殺大臣范諸農平其亂而自立

海國圖志 卷六 東南洋 海國圖二 七

高祖永初二年林邑王范佛嬰遣使貢獻即加除  
交帝永嘉七年遣使自陳與交州不睦求蒙恕有八  
年又遣樓船百餘寇九德入四會浦口交州刺史阮彌  
之遣隊主相道生將三千人赴討攻區粟城不克引還  
林邑欲伐交州借兵於扶南王赴討攻區粟城不克引還  
使上表獻方物求領交州詔答以道遠不許太祖元嘉  
初使和之伐南九德諸郡二十三年使龍驤將軍交州刺  
史檀和之伐南九德諸郡二十三年使龍驤將軍交州刺  
和之遣使司馬蕭景憲為前鋒怒仍領憲軍副楊邁開  
見討遣使上表願還所略日南民戶奉獻國珍二月軍  
至朱栢成楊邁外言歸欵猜防愈嚴憲等乃進軍向  
區粟城楊邁遣水步軍徑至景憲破其外救盡銳攻城  
五月尅之斬其帥首獲金銀雜物不可勝計乘勝追討  
即林邑楊邁父子挺身奔逃所獲珍異皆未名之寶又  
銷其金人得黃金數十萬斤又宗慈傳元嘉二十二年  
年伐林邑怒自奮請行除振武將軍為安西參軍蕭景  
憲軍副隨交州刺史檀和之圍區粟城林邑遣將范昆

海國圖志 卷六

沙達來教和之遣偏軍拒之為賊所敗又遣然然乃分  
軍為數道偃旗潛進討破之拔區粟入象浦林邑于范  
楊邁傾國來拒以具裝被象前後無際士卒不能當怒  
曰吾聞獅子威服百獸乃製其形與象相禦象果驚奔  
象因潰散遂克林邑收其異寶雜物不可勝計  
秦時故林邑縣也漢末稱王晉太康五年始貢獻晉建  
興中日南夷帥范佛奴文敷商賈見上國制度教林邑  
王范逸起城池樓殿王服天冠如佛冠身被香縷絡國  
人凶悍習山川善鬪吹海蠶為角人皆裸露四時隨暖  
無霜雪貴女賤男人色以黑為美南方諸國皆然區粟  
城建入尺表日影度南八寸自林邑西南三千餘里至  
扶南  
水經注溫水篇交州外城記曰從日南郡南去到林邑  
國四百餘里林邑記曰其城治二水之間三方際山南  
北瞰水東西洞浦流湊城下城西折十角周圍六里城  
開十二門凡宮殿南向屋宇二千一百餘間市居周繞  
阻峭地險故林邑兵器戰具悉在區粟多城壘自林邑

海國圖志 卷六 東南洋 海國圖二 八

王范佛嬰始秦餘徙民染同夷化日南舊風變易俱盡  
巢棲樹宿負郭接山榛棘蒲薄騰林拂雲幽煙真緇非  
生人所安區粟城建入尺表日影度南八寸自此影以  
南在日之南故以名郡望北辰星落在天際曰在北故  
大會明帝問曰此其大較也日南重耳至今郡有雲中  
城者不必皆有其實日亦俱出于東南耳至于風氣暗  
日影仰當官民居止隨情面向東西南北迥背無定人  
性以悍果于戰鬪便山習水不媚平地古人云五嶺者  
天地以隔內外況綿途于海表顧九嶺而彌迥非復行  
路之遙阻信幽荒之冥域者矣建元二年林邑王范文  
政日南九真九德百姓奔逃千里無煙乃還林邑林邑  
西去廣州二千五百里城西南角高山長嶺連接天鄴  
嶺北接潤大源淮水出那那遠界三重長洲隱山遠西  
嶺山迴東其嶺南開源小源淮水出松根界上山墾流  
嶺山繞南曲街迴東合淮流以注典冲其城西南際山  
東北嶺水重壑流浦周繞城下東南墾外因傍湖城東  
西橫長南北縱狹北邊兩端迴折曲入城周圍八里飛



觀鷓尾迎風拂雲綠山瞰水濤... 占夷書銘讚前王胡達之德西門當兩重... 西即淮流也南門度兩重對溫公壘升平二年交州... 刺史溫放之殺交州太守杜寶別駕阮朗遂征林邑水... 陸累戰佛保城自守重求請服聽之今林邑東城南五... 里南擬背日西區城內石山順淮面陽開東向殿飛檐... 北南擬背日西區城內石山順淮面陽開東向殿飛檐... 餘五牛屎為塗牆壁青光迴度曲掖綺羅窗椒房嬪... 膝無別宮觀路寢永巷共在殿上臨眺東軒與下語... 子弟臣侍皆不得上屋有五十餘區連費接棟檐宇如... 承神祠鬼塔小大入廟層臺重樹狀似佛刹郭無市里... 邑寡人居海岸蕭條非生民所處而首渠以永安養國... 十世豈久存哉... 隋書林邑之先因漢末交趾女子徵傅之亂內縣功曹... 子區連殺縣令自號為王無子其甥范熊代立死子逸

海國圖志 卷六 東南洋 海岸國二 九

立日南人范文因亂為逸僕隸遂教之築宮室造器械... 逸甚信任使交州將兵極得眾心文因間其子弟或奔或... 徙及逸死國無嗣文自立為王其後范佛為晉揚威將軍... 軍戴桓所破宋交州刺史檀和之將兵擊之深入其境... 至梁陳亦通使往來其國延袤數千里多香木金寶... 物產大抵與交州同以輒為城壘塗之東向戶王戴... 金花冠形如章甫衣朝霞布珠璣瓔珞足躡草屨時復... 錦袍良家子侍衛者二百許人皆執金裝刀有弓箭矛... 每以竹為弩傳毒於矢樂有琴笛琵琶五絃頗與中國... 同每擊鼓以警眾吹簫以節身冬月衣袍婦人推髻施柳葉... 黑俗皆徒跣以幅布纏身冬月衣袍婦人推髻施柳葉... 內金髻中沈之於海口庶人以瓦送之於江男女皆截... 髮隨喪至水次盡哀而止每七日然香散花復哭盡哀... 盡七七而罷至百日三年亦如之入皆奉佛文宇同於... 天竺高祖既平陳乃遣使獻方物其後朝貢遂絕時天... 下無事羣臣言林邑多奇寶者仁壽末上遣大將軍劉... 方為驩州道行軍總管將步騎萬餘及犯罪者數千人

擊之其王梵志率其徒乘巨象而戰方軍不利方於是... 多掘小坑草覆其上因以兵挑之梵志悉眾而陣方與... 戰偽北梵志逐之至坑所其眾多陷轉相驚駭軍遂亂... 方縱兵擊破之頻戰輒敗遂棄城而走方入其都獲其... 廟主十八枚皆鑄金為之蓋其有國十八葉矣方班師... 梵志復其故地遣使謝罪於是朝貢不絕... 新唐書南蠻傳王本林邑也一日占不勞亦曰占婆直... 交州南海行三千里地東西三百里而廣南北千里西... 距真臘霧溫山南抵奔浪陀州其南大浦有五銅柱山... 形若倚蓋西重巖東涯海漢馬援所植也其地冬溫多... 霧雨產琥珀猩猩猴獸結造鳥以二月為歲首稻黍再熟... 取檳榔瀟酒椰葉為席俗凶悍果戰鬪以麝塗身日... 再塗再瀟拜謁則合爪頓額有文字喜浮屠道治金銀... 像大或十圍王所居曰占城額有文字喜浮屠道治金銀... 衣白氍毹古貝斜絡臂飾金珠為纓髮戴金華冠如章... 甫妻服朝霞古貝短冠如王王衛兵五千戰乘象... 藤為鎧竹為弓矢率象千馬四百分前後不設刑有罪... 者使象踐之或送不勞山俾自死隋仁壽中遣將軍劉

海國圖志 卷六 東南洋 海岸國二 十

芳伐之其王范梵志挺走以其地為三郡置守命道阻... 不得通梵志衰遣眾別建國邑武德中再遣使獻方物... 高祖為設九部樂饗之貞觀時王頭黎獻馴象鑄鎖五... 色帶朝霞布火樹與婆利羅剎二國使者偕來林邑其... 言不恭羣臣請問罪赦不問又獻五色鸚鵡鸚鵡所... 寒有詔遣之元和初不朝獻安南都護張舟執其偽驢... 子五十九獲戰象朋鐵... 越南分國沿革下 廣南之地宋以後曰... 占城○原無今補... 宋史占城國在中國之西南東至海西至雲南南至真... 臘國北至驩州界汎海南去三佛齊五日程陸行至賓... 陀羅國七月程北至廣州便風半程東至麻逸國二日程... 端國七日至交州兩日程陸行半程其地東西七百... 程西北至交州兩日程陸行半程其地東西七百... 南北三千三百八日施佛州西日源州北日烏里州... 統大州三十八日施佛州西日源州北日烏里州... 每村落戶三五百或至七百亦有縣鎮之名民獲斥象



皆輸於王其風俗衣服與大食國相類五市無籍錢止  
 用金銀較量錙銖或吉貝錦定博易之市樂器有胡琴  
 笛鼓大鼓樂部亦列舞人其王腦後髮髻散垂披吉貝  
 衣戴金花冠七寶裝縷絳為飾脛股皆露鞞革履無襪  
 婦人服及拜揖與男子同王每日午坐官屬謁見膜拜  
 或出遊看象採獵觀魚皆從者十餘輩各執弓箭刀  
 則乘象一人持檣盤前導從者以兄為副王或以弟為  
 次王設高台凡一員東西南北各二分治其事無俸祿  
 令其所管土俗資給之勝兵萬餘人定十一月十五日  
 為冬至十二月十五日城外縛木為塔王及人民以衣  
 物香藥置塔上焚以祭天人有疾病旋采生藥服食地  
 不產茶止飲椰子酒兼食檳榔有重罪令象踏之犯奸  
 者男女共入牛以贖罪負國王物者以繩拘於荒墾物  
 充而後出之其國前代罕與中國通周顯德中遣其臣  
 貢方物有雲龍形通犀帶善陸石又有蓄薇水澆衣經  
 歲香不歇猛火油得木愈熾皆貯以琉璃瓶建隆二年  
 來貢表章書於貝多葉以香木函盛之太平興國六年  
 海國圖志 卷六 東南洋 海岸圖一

四年占城以舟師襲真臘傳其國都慶元以來真臘大  
 舉伐占城以復仇殺戮殆盡俘其主其地悉歸真臘  
 元史占城近瓊州順風舟行一日可抵其國世祖至元  
 間廣南西道宣慰使馬成旺嘗請兵三千人馬三百匹  
 征之十五年右丞哈魯都未平遣人至占城還言其王  
 有內附意詔降使來朝封占城郡王十九年十月朝廷以  
 占城國主歲遣使來朝稱臣內屬遂命左丞哈魯都等  
 其地立行省以撫安之既而其子負固弗服朝廷使人  
 往暹國往八馬兒國舟經占城皆被執故遣兵征之十  
 一月兵至占城港海口北連海旁有小港五通其國  
 大州東南止山西旁木城官軍依海岸屯三稍礮百餘  
 木城四面約二十餘里起樓櫓立回回三守應援行省  
 遣官招之七往終不服二十一年正月十五日夜半發船  
 攻城至期分遣兵千六百人由水路攻木城三百人攻  
 東城沙嘴又以三千人分三道攻南面舟行至天明泊  
 岸為風濤所碎者十七八賊聞木城南門建旂鼓出萬  
 餘人乘象者數十亦分三隊迎敵矢石交下自卯至午  
 賊敗北官軍入木城復與東北二軍合擊之殺溺死者  
 數千入城中餘眾悉潰國主棄行宮燒倉廩殺前  
 所留使逃入山十七日整兵攻大州十九日國主使來  
 求降二十一日入大州二十二日遣其舅銀脫禿花及  
 其子三子餘人奉物雜布二百匹大銀三萬兩銀五十  
 七錠碎銀一囊為質來歸款又獻金葉九節標槍詭言  
 國主類中箭今小愈未痊能見省官疑其子非真聽其  
 還論國主早降且以問疾為辭遣千戶總把倍往規之  
 見是日途先歸子全等入山兩程國主遣人來拒不果  
 至請言其兄殺前所留使百餘人二月八日實脫禿花  
 獻請給大元服為今王所殺心實怨之願禽今王父子  
 主逃於大州西北鴉侯山聚兵三千餘人會延等來言  
 未至不日將與西北鴉侯山聚兵三千餘人會延等來  
 等覺而逃來十五日寶脫禿花偕宰相大師等五人來  
 降謂唐州延等為細國主軍皆潰散安敢復戰又言  
 今未附州郡凡十二處每州遣一人招之舊州水路乞  
 行省各遣一人乘舟招諭陸路則乞行省官與已往禽



國主行省猶信其言調兵一千屯半山塔遺子全德堅  
等領軍百人與寶脫禿花同赴大州進討約有急則報  
入山官軍獲謀者知國主實為侯山立若聚兵約二  
萬餘遣使交趾真臘等國借兵及徵賓多龍舊州  
等軍未至十六日官軍進攻十九日近木城二十里賊  
浚濠壘拒以木官軍斬刈起距奮擊破其二千餘眾  
轉戰至木城下山林阻隘不能進賊旁出截歸路軍皆  
殊死戰始得解還營二十一年三月六日唆都領軍回  
十五日江准省所遣助攻都軍萬戶忽都虎等至占城  
則官軍已回適占城主遣王通事者來四月十二日國  
主令其孫奉表歸款是年命平章政事阿里海牙奉鎮  
南王脫歡發兵假道交趾伐占城不果行  
明史占城居南海中自瓊州航海順風一晝夜可至自  
福州西南行十晝夜可至即周越峯地秦為林邑漢為  
象林縣後漢末區連據其地始稱林邑王自晉至隋仍  
之唐時或稱占不勞或稱占婆其王所居曰占城至德  
後改國號曰環道周未遂以占城為號朝貢不替元世

海國圖志 卷六 東南洋 海峽國二

祖惡其阻命大舉兵擊破之亦不能定洪武二年遣使  
奉表來朝貢帝遣官齎聖書大統歷文綺紗羅往賜自  
後或比歲貢或間歲或一歲再貢洪武三年遣使往祀  
其山川尋頌科舉詔于其國初安南與占城構兵天子  
為遣使諭解而安南復相侵四年其王奉金葉表來朝  
長尺餘廣五寸刻本國字乞賜兵器乃樂器樂人俾安  
論之曰占城乃安南所被之地庶不取欺今兩國互推而  
賜占城兵器是助爾相攻甚非撫安之義樂器樂人語  
音殊異難以遺發爾國有曉華言者其選擇以來當令  
肄習因命福建省臣勿徵其稅洪武二十一年真臘貢  
象占城奪其四之一其他失德事甚多帝聞之怒命行  
人董紹救責之尋遣使謝罪國王失道大臣開勝弒王  
自立明年遣太師奉表來貢帝惡其逆卻之永樂元年  
以即位詔諭其國洪武六年貢使言海寇自稱元剽劫  
海上國王擊破之賊魁溺死獲兵舟二十艘蘇木七萬  
斤謹奉獻帝嘉之命給賜加等共冬遣使獻安南之捷  
帝謂省臣曰去年安南言占城犯境今年占城謂安南

擾邊未審曲直可遣人往諭各罷兵息民洪武十年  
月與安南王陳端大戰燬敗死占城乘勝入其國王遣  
使奏朝貢人回賜物悉遭安南掠奪又昇臣冠服印  
帝為大發兵往討乃救占城嚴兵境上遏其越轍永樂  
五年四月攻取安南所佔地獲賊黨俘闕下自後鄭  
和復遣使其國永樂十三年王師方征陳季擴命占城  
助兵尚書陳洽言其王險懷二心愆期不進反以金帛  
戰象資季擴季擴以黎蒼女遣之復約季擴侵升華  
府地厥罪難均帝以交趾初平不欲勞師但賜救切責  
俾還侵地王即遣使謝罪正統元年瓊州知府程瑩言  
占城比年一貢勞費實多乞如暹羅諸國例三年一貢  
帝是之然番人利中國市易雖有此例迄不遵天順八  
年其使者復訴安南見侵需索白象乞如暹羅諸國例  
使臣歸諭國王固封疆捍外侮毋輕構禍從之成化七  
年二月安南兵破其國執其王劫印符大肆焚掠遂據  
其地王弟逃之山中遣使告難兵部言安南吞併與國

海國圖志 卷六 東南洋 海峽國二

若不為處分非惟失占城歸附之心抑恐啟安南跋扈  
之志宜遣官齎聖書諭其國化八年遣使持節往封  
命弟至新州港守者拒之知其國已為安南所據改爲  
交南州乃不敢入十年冬遣成化十年安南復遣兵執  
王弟立前王孫為王以國中馮義行張瑾往封之義  
孫遣使朝貢請封命給事中馮義行張瑾往封之義  
等多攜私物既至廣東聞王孫已死其弟古來遣使乞  
封義等慮空還失利亟至占城則安南已偽救立其  
國人提婆台為王義等不俟奏報輒以印幣授提婆台  
封之得所賂黃金百餘兩又往滿刺加國請貨其私物  
以歸焉義至海州病死張瑾具其事并上僞救于朝  
廷不知也明年古來奏請冊印言臣國所有土地本二  
十七處四府一州二十二縣東至海南西至占城  
人山北至阿本喇補凡三千五百餘里交人前畏天威  
還臣故地官自劾張瑾擅封詔下獄論死乃諭交人  
詣廣東受封并救安南悔禍古來乃自老搃挈家赴崖







海國圖志卷七

歐羅巴人原撰

東南洋三之風

侯官林則徐譯

邵陽魏源重輯

暹羅

安南暹羅緬甸三國幅員相接北與中國西藏雲南廣西交界少西與印度交界餘皆以海為界除麻六甲以外東西距約三千里南北距共有九十萬方里山皆發脈于印度之希馬臘壓山此山最高次則以阿山為最

海國圖志

卷七

東南洋 海國圖三

一

餘多崎嶇難通似每一谷可為一國無不廣大衍沃暹羅建都于曼谷兩面皆山一寬長之大谷也山雖層疊均不甚高無過五百丈者土沃產豐為海船市埠之最附近各國皆不及前被緬甸吞并國人不服且地勢阻隔故緬甸得之旋失之復為暹羅所有陸戰木柵甚堅步步為營全同緬甸國王臨朝端坐威儀甚尊百官偏袒跪足屈腰蹲身盡禮致敬稱謂以金為尊如稱上則曰金首金目金鼻金口金足之類緬甸暹羅安南三國大都身短色黑而扁體高絕少姣好似頑實點似惰實

勇髮多而黑卻少髯鬚有即拔去望若婦人與阿細亞洲各國不同然性善泛愛一見甚殷勤稍拂輒反目不若印度之柔和其居家治生亦如中國印度度惟不及兩國人材技藝耳暹羅人游惰度日不尚技藝尤藐視外國人有商舶至其地輒待同蠻夷壹似無能為役者惟尊中國而不知有他國也三國皆尊奉印度佛教凡事苟且節儉惟修建寺宇則窮極華麗塑像有雕白石者有鎔赤銅者或高丈或高二丈餘尺金彩耀目其工匠不亞於歐羅巴并有鑄像廠其價值多寡視像身之大

海國圖志

卷七

東南洋 海國圖三

二

小出家為僧終身不娶惟暹羅人或為僧或返俗任意往還且云人生不可不出家不可久出家不出家則不知規矩久出家則虛度光陰蓋其出家猶中國子弟之出外就傅及冠有室則不復從師所習梵典梵字及術數之類皆從僧師受之實非終身披剃之比也暹羅文學亦同緬甸大抵闡揚佛教其讚頌四百似有音律須六禮拜之久始能誦畢奉佛戒禁肉食然印度僧不盡守戒或不食家牲而食野禽謂不在律禁其在家人並以蟲蛇為美味安南緬甸亦然蓋近中國閩廣之風矣



暹羅城沿河而建遠觀若築柵于後上浮水...  
 服色頗同東方男女皆耳環手鐲地多金鑽凡酒盃櫛  
 椰盒器皿皆赤金以綢緞為質金繡為文觀其服可知  
 其職之差等女服寬長而腋下疊褶略同緬甸男逸女  
 勞粗重工作悉委于女貿易亦皆女為之然謹守禮法  
 雖在市中足不踵戶未嫁之貧女有與外國人寓所傭  
 工支持家務襄理貿易雖儼如家室不可干以非禮此  
 俗安南尤盛治喪亦各不同緬甸貴人棺柩停斂需時  
 庶人香膏塗屍而火化之暹羅以屍飼飛禽皆遵佛教

海國圖志 卷七 東南洋 海岸國三 三

茶毘之制若安南國中遇喪則慶賀燕宴十二日奢華  
 甲誦國彼則失之過慘此則失之太奢與其慘又奢奢  
 也三國皆重技藝而廟宇中雕刻彩繪尤各殫其妙官  
 民俱嗜觀劇或在人家或於稠眾動輒扮演價值甚廉  
 非若歐羅巴人必有一定之戲臺昂貴之戲價也音樂  
 節奏和暢動人女音嬌柔尤似中國惟意大里之音樂  
 三國皆不能學暹羅國東界安南北界中國南界海西  
 界緬甸以曼谷為國都領部落二十有一戶口約百有  
 三十萬各緬甸北隅之彌南河發源雲南歷暹羅之曼

谷國都出海案彌南河當即雲南之瀾滄江至暹羅土名黃河水極膏沃

曼谷 國都 義唔

依彌羅 巴于舍

金都扁 曼士格

持釐巴戈臘 木底阿羅

麥爾古 松波

巴爾底阿 達阿依

特那色領 松波巴

青地 波頭

西晏 戈倫比

樟底目 葉希里

加磨阿以上原本

源案二十一部落各目與官書四裔考不符姑

存備考

重輯原無今補

皇清通考四裔門暹羅東廣南南東埔寨古暹及羅斛  
 兩國地也地方千里環國皆山國分郡邑縣隸於府  
 隸大庫司大庫司者猶華言布政司也庫司九日暹羅



可刺細馬足曹本皮細絲束骨胎果平正倒腦細討不  
六昆府十四日綵納無老比采東板魯辣皮疋皮里采  
野多饒千無里細辭滑采欲款細灣沾奔魁山縣七十  
二西北土礮礮暹地也東南土平衍羅斛地也王城分  
八門城濠磚砌周遭十餘里城中有小河通舟城外西  
南居民蕪集王居在城西隅別建宮城約周三里有奇  
殿用金裝綵繪覆以銅瓦室用錫瓦塔砌用錫裹磚欄  
杆用銅裹木王出乘金裝彩轎或乘象車其傘蓋以葵  
章葉為之王每旦登殿官僚於臺下設毯以次盤膝坐

海國圖志 卷一 東南洋 海峽國三

五

台掌於頂獻花數朵有事則具文書朗誦上呈候王可  
否乃退國王自明洪武中始用中國賜印其國官制九  
等一日握亞往二日握步喇三日握蟒四日握坤五日  
握悶六日握文七日握板八日握郎九日握救選舉由  
鄉舉於大庫司以文達於王所王定期試之咨以民事  
應對得宜始賜章服授官考課亦以三年為期其文字  
皆旁行不通漢字明正德中選留貢使一二人入館肄  
業後乃稍習漢文其服色惟王留髮冠金嵌寶石形似  
兜笠上衣下裳綴布五采小袖朱履臣民皆剪髮男女

椎結白布纏頭官一等至四等金嵌寶石帽五等至九  
等五彩絨緞帽衣俱兩截機履用牛皮婦人粧髻簪戒  
指錫釧脂粉略同中國亦上衣下裳五彩織金花幔曳  
地皮烏紅黑炎熱卑溼人皆樓居上聯檳榔片籐覆之  
間用陶瓦無床桌几椀皆藉氈席簾而坐官民有銀不  
得私用皆送王所委官傾瀉成珠用鐵印印文其上每  
百兩入稅六錢無印文者以私銀論罪初犯斷左指再  
犯斷右指三犯者死錢穀出入之事取決婦人婦多智  
夫聽命焉國人有名無姓為官者稱握某民上者稱奈

海國圖志 卷一 東南洋 海峽國三

六

某下者稱隘某風俗勁悍習水戰其貢有龍涎香速香  
金銀香象牙胡椒藤黃豆蔻蘇木烏木大楓子薔薇露  
西洋閃金花緞之屬又金石則有金剛鑽寶石花錫羽  
毛鱗介則有孔雀五色鸚鵡犀象金絲猴六足龜花木  
蔬果則有黃竹紫竹貓竹石榴子水瓜土瓜又產羅斛  
香味清遠似沈香蓋以其地得名也明洪武中入朝賜  
印文始稱暹羅國順治九年十二月暹羅遣使請貢并  
換給印救勘合從之自是職貢不絕康熙三年先是外  
洋貢船人廣東界守臣查驗屬實進泊河干封貯所攜



貢物俟禮部文到始貿易物輒毀壞二十三年六月國王遣使來貢因疏請嗣後貢船到廣具報後即次河干俾貨物早得貿易并請本國採買器用乞諭地方官給照置辦貢使進京先遣貢船回國次年差船迎敕歸國許之二十四年增賞暹羅緞幣表裏五十四十七年詔貢使所攜貨物免其徵稅六十一年詔日暹羅國貢使言其地米甚饒裕銀三三錢可買稻米一石朕諭令分運米三十萬石至閩廣浙江於地方甚有裨益不必收稅雍正三年貢稻種果樹其船梢目九

海國圖志

東南洋 海國圖三 七

十六人本係漢人求免回籍許之七年御書天南樂國匾額賜之並減免速香安息香袈裟布疋等貢乾隆元年六月咨禮部言往時欽賜蟒龍大袍藏承恩亭上歷世久遠難保無虞懇再邀恩賞賜一二年每造福送寺需用銅斤求暫開採買部議不可詔特賞蟒緞疋疋加賞銅八百斤後不為例八年九月奉旨暹羅國商人運米至閩源源而來嗣後外洋貨船帶米萬石以上者免船貨稅銀十之五五千石以上者免稅十之三即載米不足五千之數亦免

其船貨稅銀十分之二次年福撫陳大受奏言閩商前赴暹羅販米其國木料甚賤應聽造船運回給照查驗報可十四年御書炎服屏藩匾額賜之十六年閩督奏准商人赴暹羅運米至二千石以上者查明議敘賞給頂帶十八年二月入貢并懇賜人蔭饒牛良馬象牙并通徹規儀內監部議不可詔賜人蔭四十六年正月暹羅國長鄭昭遣使入貢奏稱自遭緬匪侵凌雖復土報仇紹裔無人茲羣吏推昭為長遵例貢獻方物五十一年其子鄭華嗣立復入貢詔封華

海國圖志

東南洋 海國圖三 八

暹羅國王其國都在廣東省西南海道約四十五晝夜可至始自廣東香山縣登舟乘北風用午針出七洲洋十晝夜抵安南海次有一山各外羅八晝夜抵占城海次十二晝夜抵大崑崙島又用東北風轉舟向未及申三分五晝夜可抵大真樹港五晝夜可抵暹羅港入港二百里即淡水洋又五日抵暹羅城其國西南有大山綿亘由暹羅沿山海而南為宋勝勝仔六崑大呢皆暹羅屬國海國圖見錄自東埔寨大山繞至西南為暹羅由暹羅



沿山海而南為斜仔六坤大畔丁葛奴彭亨山聯中國  
 生向正南至此而止又沿海繞山之背過西與彭亨隔  
 山而背坐為柔佛出柔佛而西為麻刺甲即丁葛奴之  
 後山也由麻刺甲而西出於雲南天竺諸國之西南為  
 小西洋戈什達暹羅沿山海而至柔佛諸國各皆有王  
 均屬暹羅國所轄古分暹羅二國後合為暹羅國俗崇  
 佛王衣文彩佛像肉貼飛金用金為器血陸乘象亭象  
 輦舟駕龍鳳尊貴以裸體跣足俯腰踳踳為禮不衣  
 禪而圍水樓尊敬中國用漢人為官屬理國政掌財賦  
 海國圖志卷七 東南洋 海國三 九

城郭軒豁沿溪樓閣羣居水多鱷魚從海口至國城溪  
 長二千四百里石黃河水深闊容洋船隨流而入通黃  
 河支流夾岸大樹茂林猿猴采雀上下呼鳴番村錯落  
 田疇饒廣農時闢家棹舟耕種事畢而回無俟鋤芸穀  
 熟仍棹舟收穫而歸粟藁長二丈許以為入貢土物因  
 播秧畢而黃河水至苗隨水以長長至六七尺則苗亦  
 長至六七尺水退而稻熟矣幹河入中國勢猛而急支  
 河入西域歸東埔塞暹羅以出海勢散而緩田疇藉以  
 肥饒案此竟以暹羅之河與中國之黃河同源謬甚故  
 惟東西洋考謂黃水海夏秋自海中來者得之故

產米之國石可三星俗語捕鹿枝頭牽牛上樓蓋鹿為  
 水漂沒閣息於樹梢溪屋為水注浸引牛於樓上人有  
 被虎噉鱧吞者告於番僧僧咒拘而虎自至咒據縹紗  
 於水而鱧自縛剖而視之形骸猶存有受蠱者向僧求  
 咒則解是以俗重佛教富者卒後葬以空即釋氏塔也  
 又有一種共人共者咒法各也刀刃不能傷王養以為  
 兵衛若犯刑令番僧以咒勸化之使其自退咒法方與  
 受刑國造巨艦載萬餘石求桅木於深山大樹先以咒  
 語告求允許方敢下斧不則樹出鮮血動手者立亡用  
 海國圖志卷七 東南洋 海國三 十

牛挽輦沿途番戲以悅之咒語以勸之少有不順則拔  
 木而自回舊地挽至厥所其靈方息產銀鉛錫洋布沈  
 速象牙犀角烏木蘇木冰片降香翠毛牛角鹿筋藤蓆  
 佳文席藤黃太楓子豆蔻燕窩海參海菜以銀豆為幣  
 大者重四錢中者一錢次者五分小者二分五釐其各  
 日發皆王鑄字號法不得剪碎零用找以海螺巴夏門  
 至暹羅水程過七洲洋見外羅山向南見玳瑁洲鴨洲  
 見崑崙偏西見大真嶼小真嶼轉西北取筆架山向北  
 至暹羅港竹嶼一百八十八更入港又四十更共水程



二百二十八更而東聯東埔寨僅水程一百十三更何以相去甚遠蓋東埔寨南面之海一片盡屬爛泥故名爛泥尾下接大橫山小橫山是以外繞而途遠也

地球圖說暹羅國東界安南國南界麻六甲國并海西界阿瓦國北界中國其百姓約三百萬都城名萬國城內民九萬宗釋教現有花旗國英吉利國人在此傳授耶穌聖教居茅廬以藤席竹簟為寢處不衣褲而圍小

幔裸體跣足頭雍而留頂髮常食檳榔齒黑口臭亦有建屋水上極其高峻國君好白象戰則以白象為先鋒

海國圖志 卷七 東南洋 海國三

現有中國廣東福建人能駕暹船與之貿易或至此務農其土人形狀與安南相似地勢低陷天雨多則遍地水溢民風男尊女賤一男多娶數女不合則休之無妨內有至大之江名湄南又麻六甲國之南有一地名新嘉坡與中國人通商之處產鹿角象牙白豆蔻胡椒各樣香料米鹽錫藤木料牛虎等皮所進入之貨大抵購自中國

地理備考曰暹羅國在亞細亞州之南北極出地八度至三十一度三十分止經線自東九十七度起至一

百零一度止東至安南國西連馬拉加海峽南接馬拉加國北界中國雲南長約三千三百餘里寬約一千里地面積方約二十萬零一千一百餘里烟戶三兆六億

口本國地勢西方則重岡疊嶺絡繹延袤此外則邱阜寥寥平原坦闊每遭水患河之長者一名美能一名薩密一名賣岡湖則甚小為數無幾田土膏腴河濱沃潤

土產金銅鐵錫鉛鹽窩宅燕窩象牙豆蔻沈香胡椒烟葉甘蔗木料等物地氣溼熱風俗樸素王位世襲所奉之教乃釋教也其餘別教人或奉之槩不禁止貿易與

海國圖志 卷七 東南洋 海國三

隆商賈雲集粵稽國史康熙二十七年至乾隆四十六年與緬甸國日尋干戈時事屠戮廢立舉行名器更變越三十二載有哥羅馬甲者即位戰勝緬軍國事乃定首郡名邦哥乃本國都也建于美能河口宮殿廟堂則用磚瓦閭閻房屋俱用木板其通商衝繁之地一名西約的亞一名盧窩一名耶日約內其兼攝之地一名真臘即東埔寨也一名老撾即越家也一里哥爾一賓德倫一巴達尼一加蘭丹一的靈加諾一給達一仍塞倫島或隸版圖或派官居守或受其貢焉



每月統紀傳曰暹羅在南海沿古赤土及婆羅剎地也其後分爲暹與羅斛二國暹瘠土不宜耕稼羅斛土平衍而種多獲暹賴給焉元明以來皆稱國曰暹羅乾隆年間緬甸王征勦暹羅值凶年飢歲爲緬所服其後有漢人在暹國者亦乘緬甸荒年起兵報復破緬凱旋自立爲暹羅王嘉慶初年間暹國內之將軍謀反令漢王讓位現在此朝治國頻數與緬甸打仗服老搥占城馬萊西南方幾國方欲與安南相戰蓋暹羅官員殺安南公使道光年間英國駐印度之總帥與緬甸王相戰暹

海國圖志 卷二 東南洋 海峽國三

羅與英國盟約以兵相助議息攻戰之後兩國友交本年亞默利加統邦之治主亦遣公使結貿易約暹羅之田不勝肥美其中谷之江每年漲黃水自五月一派從海口來四月插苗隨水漲而發水漸高苗亦漸長遂至六尺漲以九月始退退即稻熟可收田得水而肥其米純白盛供所用有餘載出口產物甚多有白翎蘇木翠羽乳香降香象牙犀角木頭能造巨艦之桅有燕窩海參海菜錫等貨其地向南甚平坦向北有山嶺土番與漢人相似而顏更黑惟好閒遊卻令外國人代

工作民居樓及竹藤之屋富者卒後葬以塔人皆裸體跣足俯腰踞踞見尊貴不衣褲而圍水慢惟僧言是聽凡男子皆爲僧幾年然後爲平民建廟塔無數致敬敬佛象暹羅有三王三位其民皆視之如佛敬服如神仙王宮高廣以黃金爲飾雕鏤八卦備極美麗有門三重每門圖畫飛仙菩薩之狀懸以金花王之器皿都是黃金惟膝行可朝見

海國圖志 卷二 東南洋 海峽國三 西

年有上海寧波泉州廈門潮州廣東船進其都城稱萬國兼占地門貿易英吉利及亞黑利加各國之船皆進萬國黃河江貿易其女人亦爲商賈只恨居民懶惰多荒地若非漢人代爲耕種經營甚難度日也外國史略曰暹羅國廣袤萬三千三百三十方里居民五百萬北極出地自五度至十九度南及同名之海隅北連老掌東及越南西連英藩屬地至緬甸北有山南方有低谷壘南河之所南流也地豐裕海島星羅棋布由中國進暹港過七洲見外羅山向南則玳瑁洲鴨洲



覽倫偏西則大真嶼小真嶼西北為筆架山向北至  
羅港竹嶼草木茂盛多磯地無居民古分羅國暹國後  
合為一國崇佛教感風水王衣形肉貼飛金用金皿陸  
乘象亭象轎駕龍鳳舟設官屬曰招夸以裸體跣足俯  
腰蹲踞為禮見尊貴不衣褲用小幔圍之尊敬中國用  
漢人為官屬理國事掌財賦城郭軒朗沿溪皆樓閣多  
鱷魚從海口至國城水深闊洋船隨之夾岸皆茂林深  
竹猿猴彩雀上下呼鳴暹村錯落田疇沃饒粟藁長二  
丈許插秧後有黃河至苗隨水長無湧傷之患水退而

海國圖志

卷七

東南洋 海岸國三

五

稻熟矣故其耕種之農皆棹舟出作無俟鋤芸穀熟仍  
掉舟收穫而歸黃水至此其勢散而緩田疇肥饒人死  
則焚尸而後葬或發願死後以尸飼魚鳥將造巨艦載  
萬餘石求桅於深山中遇大樹先以咒語告求如樹神  
允首方下斧產銀鉛錫象牙犀角烏木蘇木冰片降香  
翠毛牛角鹿筋豆蔻燕窩海參海菜等貨暹羅土產之  
豐與旁葛拉相等但暹羅米穀價更賤高地亦能種麥  
其木最堅美宜于造船且料多而價賤較中國造船費  
惟值半價又多紅木或運出新埠或載廣州上海天津

寧波等港又多種白餉胡椒每年六萬餘石亦運賣與  
中國其白餉十萬餘石漢船買豆蔻降香樹膏藤黃各  
項顏色白餉紅木烏木檀香象牙錫虎骨虎皮牛皮犀  
角並雜貨唐人之船亦載米餉賣與南海各島最多在  
新埠各海港所進中國之船每年約九十隻小船甚多  
俱由海南島昔有花旗船載舊鐵炮以易白餉每年約  
一二隻今則少矣印度國每年亦有數船到是港載布  
匹易白餉等貨統論漢船每年所載之貨約四萬噸外  
國之甲板約二萬噸向暹人無水手後有世子仿外國

海國圖志

卷七

東南洋 海岸國三

未

甲板船亦造數隻赴各國貿易遂為通商之始山產金  
沙錫鐵所出之果尤美於他國尊貴卑賤皆築廟建塔  
然無路無橋無一肯捐建者此其大惑也男女居俱罕  
穿衣服女露胸脯各剃頭首頂留髮男女恆浴身以遊  
食甚菲薄不殺牲破卵惟請外國人則用之好建寺廟  
不惜費自居則草寮惟漢人所寓始有瓦石庶民每月  
必以三分之一供徭役不樂務本業蓋稍得蠅頭官吏  
則強奪之故耳五爵甚多下品觀其上品必匍匐不得  
立起民許而驕傲有礙難即失膽不敢行動信輪迴之



說每年有潮州福建人赴暹羅居住多取其土女以居者二萬餘棄漢俗衣食一如暹羅國王亦擇其聰明者官之使理征賦貿易之事暹軍亦隨時伐鄰國虜居民遷至本地其中緬甸文萊巫來由老掌人等甚多自外來者各操本俗征餉甚重居民共計三百萬惜政令太苛○暹羅本古地元時始知其名入貢中國與緬甸文萊占臘干賓等國為鄰時時犖嶮交戰或勝或敗葡荷亞人於萬曆間初至此國開埠貿易後英人與佛蘭西皆至此通商方漢人未到是國以前貿易祇數萬名

海國圖志 卷七 東南洋 海國圖三 七

英國公班衙於其地開行有奸人賄王用事遂招佛蘭西人至於康熙二十五年佛國兵士守港口於是國人殺王驅佛蘭西軍更立新主通商如故乾隆三十八年緬甸軍陷其都城且火之虜其民為奴全地荒蕪漢人憤之倡義起兵驅敵即今國王之祖也自後國復興旺漢民日增貿易益廣道光四年緬甸與英人交戰之際暹羅結盟於英合陣前往盡復前所失地於是與英人及花旗等國大通貿易但運出者價昂運進者價低今王已老其世子聰明親造火輪船他國藝術無不講求

習英語讀英書能自樹立在各國中為無雙矣道光八年侵老掌地虜其人為奴又前與安南屢戰屢和為爭據占臘國暹人與越南各分占其半兩國搶奪至今未息國有五爵官憲俸祿無多不足以養其廉也國所收餉銀百五十萬兩其所居之族類各有頭目領之律例與中國相仿其經冊皆係咒語其語音亦純用梵語其字樣與華音亦有所似其書冊大半虛誕不錄緊要事唐人繙譯三國演義與暹羅人閱看所有花放傳耶穌之教者亦藉此音以敘述之其書本頗多或闡教理或

海國圖志 卷七 東南洋 海國圖三 六

訓藝術通國分五分一曰暹在歐南河兩岸地豐盛其都曰萬國城居民二十萬口板屋列市浮於河寺殿甚煌餘皆渺小民貧乏富者惟漢商及五爵由此更進則為古都曰由他雅城已荒廢居民鮮少海邊又有斬地文萬巴賽等邑亦通商多產胡椒二曰老掌所讓地在北方皆山林出紅烏木象牙等貨族類多蠻暹人所虜為奴者也其民樸實事暹人如子事父惟產業甚微不能納貢物三曰占臘即甘賓地也新歸暹之版與其土豐產而少人戶焉四曰文萊國之數眾與英之藩屬及



緬甸交界兩國山中地美而未有墾之者亦無新民

之者五曰巫來由種類之地其地之一分曰貴他部與

英國之檳榔嶼相對是出白糖米穀餘皆土酋歲貢于

暹

海國圖志卷七

東南洋 海島三

尤

海國圖志卷八

東南洋

邵陽魏源撰

暹羅國

劉健庭聞錄暹羅古刺景邁三國皆與緬世仇明永曆  
桂王入緬時其遺臣散入各國有馬九功者為古刺招  
明潰兵三千有江國泰者暹羅妻以女各遣使約李定  
國于孟良將犄角夾攻緬而吳三桂兵已攻永曆于阿  
瓦于是李定國發憤死二國之師失望而返  
俞變癸巳類纂緬東為葫蘆廣南為暹羅物產略同

海國圖志卷八

東南洋 海岸國四

自與中國構難以來緬加戍東北而力戰東南經費贖  
竭百姓愁怨四十七年其酋孟魯殺贅角牙而自立國  
人又殺孟魯立孟雲而值暹羅之難暹羅國踣長居緬  
西南緬於乾隆三十六年滅之鄭昭者中國人也乾隆  
四十三年暹羅遺民憤緬無道推昭為王乘緬匪抗拒  
中國人傷財盡之後盡復舊封又與師占緬地贅角牙  
屢為所困暹羅於四十六年入貢陳其事朝廷不使亦  
不止也四十七年鄭昭死子華嗣華亦有武略孟雲不  
能支乃東徙居蠻得五十一年鄭華受 朝封孟雲



五十三年由本邦齋金葉表入貢送楊重英等出

高宗哀憐之諭暹羅罷兵五十五年使賀 入旬萬

壽受 封爵定十年一貢嘉慶十年秋暹羅貢表又

言方出師攻緬得勝頌 敕諭解之冬緬甸叩關求

入貢蓋乞救也疆吏以非貢期拒不納而緬已削弱矣

聖武龍阮光平既募黎氏據安南懼王師再討又方與

暹羅構兵恐暹羅乘其後啟關謝罪乞降又言聞暹羅

貢使將入京恐媒孽其短乞 天朝勿聽其言及阮

光平受封後旋死其子阮光纘嗣立而黎氏甥農耐王

海國圖志 卷八 東南洋 海峽國四 二

阮福映者奔暹羅暹羅妻以女弟助之兵克復農耐

海錄作農奈海國圖志見錄作祿賴其國在廣南之南

在東埔寨之東北即真臘東境與廣南隔一海港勢

日強號舊阮屢與新阮戰奪其富春舊都并縛獻海賊

莫扶觀等于 朝皆中國海賊受安南東海王偽封及

總兵偽職又獻其攻克富春時所獲阮光纘封册金印

時嘉慶四年也七年十二月阮福映全滅安南遣使入

貢乞以越南名國 詔封越南國王

瀛環志略曰暹羅流寓粵人為多約居土人六之一有

由海道往者有由欽州王光十萬山穿越南境往者其

地土曠人稀田肥沃易耕種故趨者眾然其國多蠱祟

信符咒風俗政治遠遜安南

按歐羅巴諸國自前明航海東來處處占立埔頭安南

暹羅緬甸地皆濱海豈不動其盼羨安南雖有廣南灣

之險而商船時時販鬻暹羅則內港深通乃歐羅巴皆

未嘗指意即緬甸亦僅於海濱曠土草創一廛是何以

故且安南雖貧物產亦夥暹羅緬甸夙稱豐饒西人概

從唾棄何也蓋西人以商賈為本沿海埔頭專為牟利

若處處留兵護守則得不償失南洋諸島四面環海不

海國圖志 卷八 東南洋 海峽國四 三

相聯絡其人則巫來由番族性愚懦不知兵地形可以

周覽而盡震以火炮鳥驚獸駭竄伏不敢動故西人坦

然據之而不疑至安南三國毘連華夏山川修阻丁戶

殷繁進戰退守與各島孤懸海中者迥別又立國皆數

千百年爭地爭城詐力相尚意計所至西人不能測也

留重兵則費不貲無兵則恐諸國乘其不備市舶往而

埔頭不建其謂是與

魏源曰明萬曆中平秀吉破朝鮮時暹羅自請出兵潛

擣日本以牽其後兵部尚書石星從之而兩廣督臣蕭



彥尼之滇撫陳用賓約暹羅夾攻緬甸緬疲于奔命遂不復內犯永歷困于緬甸暹羅復與古刺起兵攻緬以援李定國之師其忠于勝朝若是乾隆中緬甸不臣得暹羅夾攻屢捷而緬甸始貢阮光平父子篡黎氏寇沿海及暹羅助黎滅阮俘獻海盜而南洋息警其忠于

國朝又若是其國每夏有黃水自海中來以漸而漲水尺苗尺水丈苗丈水退苗熟其水將至則傾國鼓樂儀仗以迎之及秋水退亦餞之如初有播種無耘耔有天工無人力故穀豐而賤甲乎南海自康熙來歲運洋

海國圖志 卷八 四

米數十萬石以濟閩粵之民食近以免稅不利粵海關故關吏陰撓之始則售米不許置貨繼則置貨不許免稅于是觀望不至若不陰撓之而且推廣於天津歲歲采買積久并可減東南之漕廣天庾之積其裨益中國又若是宜乎 聖祖有天南樂國之褒 高宗有炎服屏翰之額視朝鮮琉球僅著恭順無裨邊疆者何如視西洋各夷歲叨中國茶黃磁絲之益反報以鴉片之毒者更何如暹羅東境斗入大海廣袤數千里而滿刺加為海艘之都會近日並為英夷割據又移滿刺加市

埠于柔佛故地改名新嘉坡其入寇之兵食皆恃新嘉坡接濟暹羅軍柵堅壁同于緬甸見四洲志戰艦狹長同于安南南齊書專尊中國藐英夷英夷究不能患四洲志誠使用明季夾攻日本之議令暹羅出兵恢復滿刺加柔佛故地而安南以札船助之則英夷有內顧巢穴之憂與驅策廓夷鄂夷攻印度之策並行不悖昔陳湯用西域之師破康居王元策用吐番之師以擒印度皆洞地利悉敵情又皆決機微外不由中制用能建不世非常之烈不然則築室盈廷亦終尼于蕭彥王疑之流而已

海國圖志 卷八 五

暹羅與南掌皆介緬甸越南之間接壤雲南之普洱元江其曼谷國都則雲南瀾滄江入海之口即古之扶南國其東北尚有海口曰東埔寨即古之真臘潮水膏沃同之亦南洋都會今皆不屬英吉利

暹羅本國沿革 唐以前為扶南 唐以後為暹羅 扶南西去林邑三千餘里在海大灣中其境廣袤三千里有城邑宮室人皆醜黑季裝保身既行性質直不為寇盜以耕種為務一歲種二歲穫又好雕文刻鏤食器皆以銀為之貢賦以金銀珠香亦有書記府庫文宗有類於胡喪葬婚嫁略同林邑其始女子柳葉王之為外國人混濟所據傳數世其將范尋復世王扶南泰始初遣使貢獻升平初復有竺旛檀稱王遣使貢象南齊書扶南傳扶南晉宋世暹羅貢宋末扶南王僑陳







象二頭持孔雀蓋以迎使人并致金花金盤以藉詔函  
至王宮駁等奉詔書上閣王以下皆跪宣詔訖引駁等  
坐奏天竺樂事畢還館又遣婆羅門就館送食以草葉  
為盤其大方丈後數口請入宴儀衛導從如初見之禮  
禮遺甚厚尋遣子貢方物並獻金芙蓉冠龍腦香以饋  
金花奏蠶鼓而送之既入海見絲魚羣飛水上浮海十  
餘日至林邑東南並山而行其海闊千餘步色黃氣  
腥舟行一日不絕云是大魚也循海北岸達于交趾  
新唐書扶南在日南之南七千里地卑窪與環王同俗  
有城郭宮室王姓古龍居重觀樹城椽葉以覆屋王出  
乘象其人黑身髮髮儂行俗不為寇盜田一歲種三歲  
穫國出金剛狀類紫石英生水底石上浸水取之可以  
刻玉扣以殺角乃法人喜鬪雞以金珠香為稅治特牧  
城俄為真臘所并益南從那那城武德貞觀時再入  
朝又獻白頭人二白頭者直扶南西人皆素首膚理如  
脂居山穴四面峭絕人莫得至與參半國接  
水經注芝扶南記日扶南去林邑四千水步道通檳

海國圖志 卷八 東南洋 海國四

和之令軍入邑浦據船官口城六里者也自船官下注  
大浦之東湖大水連行湖上西流湖水日夜長七尺八尺  
從此以西湖望並潮一上七日水長丈六尺七日之後  
日夜分為再潮水長一二丈春夏秋冬雖然一定高下  
定度水無盈縮是日海運亦日象水也又兼象浦之名  
晉功臣表所謂金邊清選象渚澄源者也其川浦渚有  
水蟲彌微攢木食船數十日船壞源潭湛瀨有鮮魚色  
黑身五丈頭如馬首何人入水便來為害  
元史暹國當成宗元貞元年進金字表遣人與麻里孛  
兒舊相警殺至是皆歸順  
明史暹羅在占城西南順風十晝夜可至即隋唐赤土  
國後分為羅暹二國暹土瘠不宜稼羅暹地平衍種  
多穰暹仰給焉元時暹常入貢其後羅暹併有暹地  
遂稱暹羅解國洪武三年命使臣呂宗俊等齎詔諭其  
國四年其王遣使貢馴象六足龜及方物詔賜大統歷  
及綵幣洪武五年貢黑熊白猴及方物明年復來貢其  
王之姊別遣使進金葉表貢方物於中宮凡再御之時  
其王憐而不武國人推其伯父主國事遣使來告貢方

物且獻本國地圖洪武七年來貢言去年舟次烏猪洋  
遭風壞舟飄至海南賴官司救護尚存願餘究羅錦降  
香蘇木諸物進獻廣東省臣以聞帝怪其無表既言覆  
部臣曰古諸侯於天子比年一小聘三年一大聘九州  
之外則每世一朝所貢方物表誠敬而已唯高麗頗知  
禮義故令三年一貢他國如占城安南南洋瑣瑣里瓜  
哇淳泥三佛齊暹羅解國真臘諸國六貢既頻勞費太甚  
今不必復爾其移暹羅諸國俾知之然而來者不止其世  
子亦遣使上箋於皇太子貢方物命引其使朝東宮宴  
資遣之洪武八年其舊明臺王世子亦遣使奉表朝貢  
暹羅國王洪武十年其舊暹羅王命始稱暹羅而比年一  
貢或一年兩貢至正統後乃或數年一貢云洪武二十  
年溫州民有市其暹羅必經之地因其往來而市之非通番  
也乃獲有洪武二十八年世子遣使朝貢且告其父之  
喪命申官趙達等往祭救世子嗣王位諭之日朕自即

海國圖志 卷八 東南洋 海國四

位以來命使出疆周于四維足履其境者三十六聲通  
于耳者三十二風殊俗異大國十有八小國百四十九  
較之于今暹羅最近邇者使至知爾先主已逝王紹先  
王之緒有暹羅于邦家臣民歡博茲特遣人錫命王其罔  
失法度周于樂以光前烈欽哉永樂二年九月有番  
船飄至福建海濱詰以光前烈欽哉永樂二年九月有番  
其貨以利所司其治舟給粟俟風便遣赴琉球是月其王  
貢方物乞賜司其治舟請頒量衡為國永式從之先是占  
城貢使返風飄烈女傳請頒量衡為國永式從之先是占  
及滿刺加又新暹羅奪所賜印詔帝降救責之六年中  
宮和使入國其王貢方物謝罪永樂七年正月奸民  
何八觀等逃入暹羅帝命使者還告其主毋納逆逃其  
王即奉命送還賜幣幣命使者還告其主毋納逆逃其  
刺加王遣使謝罪宣德八年其國貢舟次占城新州港  
盡為其國人掠劫正統元年貢使來京新狀較占城下  
令盡還所掠人掠劫正統元年貢使來京新狀較占城下  
使往須文達那亦為暹羅賊人掠去必還羅先還所掠



本國自不致不還成化十七年貢使還至中途竊買子  
女且多載私鹽命遣官戒諭先是河州人謝文彬以販  
鹽下海入其國仕至坤岳猶天朝學士也後充使來  
朝因貿易禁物事覺下吏宏治十年以四夷館無選羅  
譯字官詔廣東訪取能通彼國語言文字者赴京備用  
正德四年選羅船有飄至廣東者市船中官熊宣與守  
臣議稅其物供軍需事聞詔斥宣妄擾事柄撤還南京  
十年進金葉表朝貢館中無識其字者詔選留其使一  
三人入館肄習窮靖元年暹羅占城貨船至廣東市船  
中官牛榮籍習窮靖元年暹羅占城貨船至廣東市船  
象及方物白象死於途其使者以珠寶飾其牙盛以金  
盤并獻白象尾毛為信帝嘉其意厚遣之隆慶中其鄰  
國東蠻牛求婚不得信帝嘉其意厚遣之隆慶中其鄰  
其國王自經於其世子以歸次子嗣位勵志復仇萬歷  
間東蠻牛兵復至王整兵奮擊大破之暹羅山是雄海  
上移兵攻破真臘降其王從此歲歲用兵遂霸諸國萬  
曆三十年日本破朝鮮暹羅請濟師直搗日本牽其後  
中樞石星謀從之兩廣督臣蕭彥持不可乃已遂崇禎

十六年三月猶入貢其國周千里風俗勁悍習于水戰  
大將用聖鐵裹身刀矢不能入聖鐵者人腦骨也王瑣  
里人官分十等自王至庶民有事皆決于其婦其婦人  
志量實出男子上婦私華則夫置酒同飲恬不為怪  
日我婦美為華人所悅也崇信釋教男女多為僧尼亦  
居庵寺持齋受戒衣服頗類中國富貴者尤敬佛百金  
之產即施其半氣候或寒或熱地卑溼人皆樓居男女  
椎髻以白布裹首富貴者死用水銀灌其口而葬之貧  
者則移置海濱聽羣鳥飛啄謂之鳥葬交易用海貝是  
年不用賦則國必大疫其貢物有象牙犀角孔雀毛  
翠羽龜及六足龜寶石珊瑚片腦米腦樟腦腦油腦柴  
薑薇水碗石丁皮阿魏紫梗藤竭藤黃硫磺沒藥烏參  
香安息香羅斛香速香檀香黃熟香降真香乳香樹香  
木香丁香烏香胡椒蘇木肉豆蔻白豆蔻菓荻烏木大  
楓子及撒哈刺西洋諸布其國有三寶廟祀中官鄭和  
瀛涯勝覽暹羅地方千里環國皆山峭拔崎嶇地下溼  
氣候不常或嵐或熱自占城西南舟行七晝夜方至新  
門海口入港方達其國王居宮室壯麗民樓居其樓密

聯檳榔片繁之甚固藉以藤蔗竹簞寢處於中王乃  
瑣里人也白布纏首無衣履束髮絲繫加以綿綺壓  
跨象行或肩輿金柄傘蓋葉為之尚釋教國人皆  
然僧尼甚多其服類中國語言與廣東同俗澆習水  
戰常征伐鄰邦市用海貝一如錢價廉產紅馬肯的  
次于紅雅忽明瑩如石榴子國西北二百餘里有市鎮  
曰上水通安南各埠羅國在南海中自東莞之南亭門放  
明黃表海語曰暹羅國在南海中自東莞之南亭門放  
洋南至烏瀾獨嶺七洲星盤坤未針至外羅坤申針四  
十五程至占城舊嶼山又坤未針至外羅坤申針四  
也又未針至占城舊嶼山又坤未針至外羅坤申針四  
山西鉞入暹羅港水長洲隱隱如填船出入如中國  
車坦然其國之一控扼也少進為一關少以夷酋又少  
進為二關即國都也其地沮洳無城郭王居據大曠稍  
如中國殿宇之制覆以錫板閣東壁為巨扉是為王門  
治內分十二塘填魚長主焉猶華之有衙門也其要害  
為龜山為陸昆猛齋猶華言總兵衙門也其要害  
華人流寓者之居土夷乃散處水棚板閣葭以茅草無

海國圖志 卷六 東南洋 海國圖四  
陶瓦也其國有僧謂王前世皆僧來世作王其貴僧  
亦稱僧王國有號令決焉凡國人謁王必合掌跪而撫  
王足者三自撫其首者三謂之頂禮凡王子始長習梵  
字梵禮若術數之類皆從貴僧故貴僧之權侔于王國  
無姓氏華人流寓者始從本姓一再傳亦亡矣人皆  
首重上級差重置中級殊死者置下級其輕刑以皮鞭  
罪重斷足十指差重置中級殊死者置下級其輕刑以皮鞭  
象跡之貴僧為請于王王乃有之沒為僧奴謂之奴團  
賦役省薄惟給象為最重故殊死獲免者不為奴團則  
以給象終身焉國無占候凡日薄蝕國人見者則奔告  
于王首至者賞建寅之月王乃命巫占方命力者由勝  
方所向掠人而別其騰雜諸藥為湯王滿足象滿首以  
作猛氣凡用騰華人為上倍不別孕婦不別瘡病不別  
是故用騰視歲甲子為多寡也建辰之月是為歲首建  
巳之月始作農事建午之月為多寡也建辰之月是為歲首建  
乃御龍舟乃祀土穀禾乃登始稷凡稼之長茂視源之  
淺深釋長丈有三尺幾八尺有咫稍長盈寸田畝購數



口少歉歲也婦女多慧巧刺繡織紵工於中國尤善  
 釀故暹酒甲於諸夷婦飾必以諸香擇其體髮日夕三  
 四浴戲狎不禁雖王之妻妾皆盛飾倚市與漢兒相質  
 易不訝亦不取亂居父母若夫之喪則削髮如比邱尼  
 經旬乃蓄鬢如舊凡死喪富者火尸而葬貧者舉尸筏  
 而浮諸海喪屬凡有海濱迎僧而咒羣大鳥啄食頃刻  
 而盡謂之鳥葬凡有海濱迎僧而咒羣大鳥啄食頃刻  
 而投諸海所乃以貝多葉書數符佩以奴因沒水奉數  
 而出貴僧積其孽跡多者數之刻其腹有得鉛珠二升  
 者跡少乃歸符其背咒而縱之國人凡有仇怨皆謂僧  
 求咒其咒土夷遺者非死則病然不能驗于華人也凡  
 領僧少其十品食麥禱禱牛羊豕鴨雞魚皆熱而薦  
 之僧咒而後舉舉必盡數器不足十品不以供其產多  
 蘇方木檳榔椰子波羅蜜片腦諸香雜菓象齒犀角金  
 寶珠瑠璃之屬貿易用飽其民饒富豪酋各劇別島而  
 居奴因數百口著費每鉅萬不蓋藏不虞寇西洋諸國  
 異產奇貨輻輳其地匠藝工緻故寶指環時至中國一  
 枚值數千金地廣兵強實併有占踞賦賦而私其貢

主

賦以不繫中國利害置不問也  
 謝清高海錄曰暹羅國在東埔寨之西縱橫數千里西  
 北與緬甸接壤園大而民富庶船由港口入內河西行  
 至國都約千餘里夾岸林木葱籠田疇互錯時有樓臺  
 下臨水際猿鳥號鳴相續不絕男女俱上裸男以幅布  
 圍下體女則被帶官長衣製與中國雨衣略同以色辨  
 貴賤紅者為上右臂俱刺文王則衣文衫繡佛像其上  
 飛金貼身首飾皆以金陸乘象載水乘龍舟凡下見上  
 偏祖跣足屈腰躡身以金陸乘象載水乘龍舟凡下見上  
 上臨水為之土人多力農時至則播種熟則收稔無事  
 耘鋤故稱樂土商賈多中國人其釀酒販鴉片煙開場  
 賭博三推稅甚重俗尊佛教每日早晚僧寺被袈裟  
 外又三分之僧食其以稻飯者蔬食其一以餉蠶鼠終  
 歲如是僧無自舉火者出家為僧謂之學禮雖富貴家  
 子弟亦多為之弱冠後聽其遺俗其婚嫁俱至僧寺拜  
 佛然後歸舍焉願重中國文字客有能詩文者國主  
 多羅致之而供其飲食園有軍旅則取民為兵一月之

內其糶糶皆兵自備越月然後王家頒發四鄰小園  
 屬焉土產金銀錫魚翅海參鮑魚瑤瑁白糖落花生  
 檳榔胡椒荳蔻砂仁木蘭椰子鹿山馬水鹿形似鹿而  
 象牙犀角孔雀翡翠象熊鹿形似鹿而大商賈常取其  
 無角色青其大者如牛山馬形似鹿而大商賈常取其  
 角假充鹿茸犀角小者亦重斤餘其色稍白而旁有一  
 大者重二三斤小者亦重斤餘其色稍白而旁有一  
 直上者為天曹角其潤而微者則頂者亦不若頂上  
 三分無潤而圓滿色潤而微者則頂者亦不若頂上  
 無枝其大合抱高者五六丈種七八年然後結子每  
 止開花四枝花莖傍葉而長數尺花極細碎一枝  
 結椰子數顆四花分四季采之欲釀酒者則於花莖  
 盡花未及開時取瓦罐承之其液勿令花開再以  
 及午酉亥三時則取其液清晨所收味清醇日出後  
 微酌俱微有酒味再釀之則成酒矣所收味清醇日出後  
 則之花莖盡而止椰肉可以榨油亮可為器衣可為船  
 糶故番人多運之歲以土物貢中國

主

暹羅屬國沿革二今東埔寨古真  
 隋書真臘國在林邑西南本扶南之屬國也去日南郡  
 南行六十日而至南接車渠國西有朱江國其王姓利  
 利氏自其祖漸已強盛兼扶南而有之居伊奢那城  
 郭下二萬家城中有一大官名與林邑同其王三日一  
 士城有數千香七寶床上施寶帳其帳以文木為竿象  
 聽朝坐五香七寶床上施寶帳其帳以文木為竿象  
 金鈿為飾狀如小屋懸金光燦有同于赤土前有金香  
 鐘二人侍側王着朝霞古其纓絡腰腹下垂至膝頭戴  
 金冠花冠被珠璣瑤珞不履革屣耳懸金璫常服白  
 以象牙為扇若露髮則不加環珞臣人服製大抵相類  
 有五大臣曰孤落交二日相高憑三日婆何多陵四  
 印舍摩陵五日多朱階二日相高憑三日婆何多陵四  
 持仗其國與參半江二國和親數與林邑陀二國  
 戰爭其人行止皆持甲仗若有征伐因而用之其俗非  
 或去一妻或不得為嗣王初立之日所有兄弟形小色







海國圖志 卷八 東南洋 海國圖四

皇清通考四裔門海口國瀕西南海中安南暹羅屬國也王鄭姓今王名天賜其沿革世次不可考國中多崇山所轄地纒數百里有城以木為之宮室與中國無異自王居以下皆用磚瓦服物制度彷彿前代王蓄髮戴冠巾紗帽身衣蟒袍腰圍角帶以鞣為履民衣長領廣袖有喪皆衣白平居以雜色為之其地常暖雖秋冬亦不寒人多裸而以裳圍其下相見以合掌拱其上為禮重文學好詩書國中建有孔子廟漢人流寓其地有能句讀曉文義者則延以為師子弟皆彬彬如也其地有能句魚乾蝦米牛脯雞正七年後通市不經七洲大洋到魯萬山由虎門入口達廣東界計程七千二百里距廈門水程一百六十更○源案港口地方與東埔寨相連非海島也亦真臘舊境疑即宋史所謂滿甘國而阮王阮映之農耐舊國一作龍奈者也通考修于乾隆未而阮福映借暹兵克復安南則在嘉慶初云

元周達觀真臘風土記真臘國或稱占臘其國自稱曰甘字智今我元按西番經名其國曰激浦只蓋亦甘字智之近音也自濶州開洋行丁未對歷閩廣海外諸州

蒙以花帕自王至於國人無異制惟貴者始得服縹緞國人皆布以是為等差人柔弱喜餉象教之操演禦敵飲食咸用手搏以漁獵耕種為業帶劍入山尋犀角獻尊長以為禮父母喪則薙髮以黑色為居喪之服土產蘇木象牙白豆蔻藤黃麝皮檳榔子黃蠟每冬春間浙關粵商人往彼五市近則兼市絲勛及夏秋乃歸粵人之歸也舟必經七洲大洋到魯萬山由虎門入計程七千二百里距廈門水程一百七十更國王名辣王丹女之子魯之不知其姓名安南暹羅屬國也其旁有尹代鳴國距廈門水程一百四十更亦屬安南暹羅風俗略與海口東埔寨同

海國圖志 卷八 東南洋 海國圖四

埔寨東門至占城水程一百更至東埔寨水程一百一十三更東埔寨雖有自一國介在廣暹二國之間東貢廣南西貢暹羅稍有一遜水陸各得並進而征之番係白頭無來由多裸體以布幅圍下身名曰水樓地產錫象牙翠毛孔雀布蘇木降香沈速諸香燕窩海菜藤○案海錄錄賴作龍奈東埔寨作本底國

海國圖志 卷八 東南洋 海國圖四

港口過七州洋經交趾洋到古城又自占城順風可半乃到真蒲乃其境也又自真蒲行坤申針過崑崙洋入港凡數十惟第四港可入其餘悉以沙淺故不通巨舟然瀾望皆修藤古木黃沙白草倉卒未易辨認故舟人以尋港為難白港口北行順水可半月抵其地日查南乃其屬郡也又自查南換小舟順水可十日過半路村佛村渡淡洋可抵其地日千傍取城五十里按諸番志稱其地廣七千里其國北抵占城半月路西南距暹羅半月程南距番禺十里其東則大海也舊為通商往來之國本朝峻都元帥之置省占城也嘗遣一虎符百戶一金牌千戶同到本國竟為拘執不返元貞乙未遣使招諭以次年二月離明州二十日自濶州港口開洋三月十五日抵占城中途逆風不順七日始至大德丁酉六月回舟八月十二日抵四明

又日天時耕種歲可三四熟蓋四時常如夏不識霜雪也其地半年有雨半年無雨自四月至九月每日午後必雨淡水洋中水痕漸高至七八丈巨樹盡沒惟留一杉人家濱水而居者皆移入出至十月後點雨絕無洋

中僅可通小舟深處不過三五尺人家又復移下矣耕種者計何時種熟是時水可澆至何處隨其地而播種之又有稻田等下田不種常生水高至一丈而稻亦與之俱高凡稻田藪園皆不用糞唐人到彼皆不與言及中國糞壅之事恐為所鄙也

又日山川自入數真蒲以來平林夾岸長江巨港綿亘百里古樹修藤禽聲雜還至半港始見曠田則又絕無寸水滿望禾黍芄芄而巳野牛千百成羣游聚其間又有竹坡亦綿亘數百里其間竹節相間生刺荷味至苦四畔皆有高山

又日屬郡九十餘日真蒲日查南日巴潤日莫良日八薛日蒲日各置官屬皆以木棚為城

不能悉記各置官屬皆以木棚為城

又日每村或有寺或有塔人家稍密自有鎮守之官大路旁亦有郵亭之類近與暹人交兵遂皆荒曠

又日風俗前此有八月取勝之俗因占城王每年索人贖一獲千萬餘枚遇夜則多方令人於城中及村落取之俟賊足以節占城王近年已除此惡俗



又曰國人交易皆婦人所以唐人到彼必先納一婦以  
司貿易瀕海山野之人炎日蒸炎而無首級至王宮貴  
室之婦女不親風日仍瑩潔如玉惟女甫及北八九歲  
即必延僧先開其童身十一二即嫁先夫不謂故甫及  
二十即如四十歲人其俗小兒入學者皆先就僧家教  
習暨長而還俗其故莫能考也  
又曰地苦炎熱每曰非數次澡浴則不可耐久夜亦不  
免一二地苦炎熱每曰非數次澡浴則不可耐久夜亦不  
家合一池不分男女皆裸浴其間惟父母尊長與子女  
卑幼先後尚相避如行輩則無拘也城外大河無日  
無之水常溫如湯惟五更則微涼至日出則復溫矣唐  
人之為水手者利其國中不著衣裳且米糧易給婦女  
易得屋室易辨器用易足貨販易獲利往往通留不返  
又曰軍卒亦多裸跡右執標鎗左執戰牌無弓箭礮石  
等物傳聞與暹人相攻皆驅百姓使戰別無謀畫  
又曰國王乃故國主之婿原以典兵為職使女竊其金  
劍遂據其國身嵌聖鐵刀箭不能傷特此出遊無忌凡  
出時諸軍馬擁其前旗幟鼓樂踵其後宮女三五五花

海國圖志 卷九 東南洋 海國四

布花善手執巨燭自成一隊雖白日亦照燭又有宮女  
皆執內中金銀器皿及文飾之具制度迥別不知何用  
又有宮女執標鎗牌為內兵又成一隊又有羊車馬  
車皆金飾之臣僚國戚皆騎象在前遠望紅涼傘不計  
其數又其次則國王之妻及妾勝或轎或車或馬或象  
其鋪金涼傘何止百餘其後則是國主立于象上手持  
寶劍象牙亦以金飾之張鋪金白涼傘凡二十餘柄其  
傘柄皆金為之其四圍擁簇之象甚多又有軍馬護之  
若遊近處止用金轎皆以宮女昇之出入必奉小  
金塔金佛在其前觀者皆跪地頂禮國王日兩次坐衙  
治事凡臣民欲見國王者皆先列坐地上以俟少頃內  
中隱隱有樂聲在外方吹螺以迎之須臾見二宮女織  
手捲簾而國王乃仗劍立于金窗之中矣臣僚以下皆  
合掌叩頭螺聲方絕王坐獅子皮聽事既畢尋即入內  
三宮女復垂其簾  
諸人各起散矣

海國圖志卷九

東南洋四 海岸

暹羅東南屬國今為英吉利新嘉坡沿  
舊柔佛等國新嘉坡一作新州府一作  
星忌利坡皆字音相近。原無今補

明史滿刺加在占城南順風八日至龍牙門又西行二

日即至或云即古頓遜國唐曰哥羅富沙梁書海南諸

在海嶼上地方千里城去海十里有五王並稱屬扶南

杜氏通典頓遜國梁時問馬在海嶼山上北去扶南

可三千里其國之東界通交州其西界接天竺諸國賈

人多至其國而互市馬頓遜過入海中千餘國漲海無

涯岸船未嘗得過也其市東西交會日有萬餘其地

人珍寶物貨無種不有又哥羅富沙國亦見通典其地

無王亦不稱國服屬暹羅歲輸金四十兩為賦永樂元

年遣使賜以織金文綺宣示威德招徠之其酋大喜遣

使隨入朝貢永樂三年九月至京師詔封為滿刺加國

王請封其山為一國之鎮帝製碑文勒山上永樂九年

王率妻子陪臣五百四十餘人來朝抵近郊命中官有

司宴勞供張會同館入朝奉天殿帝親宴之錫賚甚厚

永樂宣德中王屢率妻子陪臣來朝並訴暹羅見侵狀

朝廷屢救暹羅乃奉詔成化十七年九月貢使言

成化五年貢使還飄抵安南境多被殺餘鯨為奴今已



據占城地又欲吞本國帝乃因安南使還，敕責其王後，佛郎機強舉兵侵奪其地，國王出奔，遣使告難。時世宗已嗣位，敕責佛郎機，令還其故土，而諭暹羅國諸王救災卹鄰，迄無應者。滿刺加竟為所滅，時佛郎機亦遣使朝貢，請封抵廣東守臣，以其國素不列王會，羈其使以聞。詔予方物，之直遣歸，後改名麻六甲云。所貢物有瑪瑙珍珠玳瑁珊瑚樹鶴頂金母鶴頂瑣服白苾布西洋布撒哈刺犀角象牙黑熊黑猿白鹿火雞鸚鵡片腦薑薇露蘇合油梔子花烏參泥沈香速香金香阿魏之屬。

海國圖志

卷九

東南洋 海國圖五

二

有溪可淘沙取錫，田瘠少收，民皆淘錫捕魚為業。氣候朝熱暮寒，男女椎髻黝黑，間有白者，唐人種也。俗淳厚，市道頗平，自為佛郎機所破，其風頓殊。商舶希至，多直詣蘇門答刺，然必取道其國，率被邀劫，路幾斷。其自販于中國者，則直達廣東香山澳，接跡不絕云。

明黃衷海語：滿刺加在南海中，始為暹羅屬國，厥後守土酋長叛其主而自立，自東莞縣南亭門放洋，星盤與暹羅同道，至崑崙洋，直于午收龍牙門港，二日程至其國。為諸夷輻輳之地，亦海上一小都會也。王居前屋用

瓦乃永樂中太監鄭和所遺者，餘屋皆錫箔為飾。遇制使若列國互市，王即盛陳儀衛以自傲備，民皆居士室，其尊官稱姑郎伽邪，巨室稱南和達，民多饒裕，富家胡椒有至數千斛，象牙犀角西洋布珠貝香品所蓄無算，文字皆梵書，貿易以錫行，大都錫三斤當銀一錢，牙儉交易揭指節以示數，千金貿易不立文字，指天為約，卒無敢負者。不產五穀，米稻皆販自羅喇，隄里俗奉回教，禁豕肉，以酥酪和飯而啖，雞犬鴛鴦常仰販他國，價五倍於華，民性獷暴而重然諾，刃不離頃刻，語不合

海國圖志

卷九

東南洋 海國圖五

三

輒搥刃其胸，逃匿山谷，踰時乃出，死者家不復尋，譬姑郎伽邪亦不復追論矣。地多崇山大谷，陸行可達暹羅，嘗併有瓜哇之國。古閩然瓜哇夷素兇狡，凡受備其地而戕害其主者，十八九，惟善制樂筒，中其矢者無不立死。正德間，西洋佛郎機之船互市爭利，而闕夷王執其那達而囚之，佛郎機人歸，愬於其主，乃治八大艘，精兵及萬，乘風突襲其國，大被殺掠，滿刺加王退保隄里，佛郎機將以其地索賂於暹羅而歸之，暹羅辭焉。佛郎機滿載而歸，王乃復所。蘇門答刺加舊有五嶼，以海有此山也，東南距海西北皆



岸連山地瘠鹵收穫殊寡故未稱國越羅越輸金五十兩否則被伐求樂七年已丑上命太監鄭和册為國王王自是不役屬暹羅攜妻子赴京謝願修職貢上賜船還其境有大溪灌王宮入海跨溪橋之構亭于上約二十餘楹交易者來集俗尚回回教持齋受戒王以白纜頭風俗淳樸民舍如暹羅聯榻坐業漁列木為舟泛海而漁婚喪類瓜哇中國船亦至其地橋木為柵關四門鼓樓夜巡以鈴內設重棚有倉庫可貯貨五月中方發船厥產黃連香烏木打魔香此香乃樹脂墮地成遇火即燃國人以當燈及塗舟木不能入明堊者若金箔名水珀是已○爾懷仁坤輿圖說滿刺加國地不甚廣為海商輻輳正在赤道下春秋二氣氣候極熱無日不雨故可居產象及胡椒佳果木終歲不絕人長善不事生業或彈琵琶閒遊

謝清高海錄宋卡國在暹羅南少東由暹羅陸路十七八日水路東南行順風五六日到疆域數百里或作

海國圖志 卷九

東南洋 海峽國五

四

宋脚或作宋脮勝土番名無來由地曠民稀俗不食豬與回同鬚止留下領出入懷短劍自衛娶妻無限多寡男女將婚男必先損其童身女年十一二即嫁十三四便能生產男多贅於女家俗以生女為喜以其可以贅婿養老也若男則贅於婦家不獲同居矣其資財則男女各半凡無來由種類皆然死無棺槨葬椰樹下以淫為佳不封土不墓祭王傳位必以嫡室子庶子不得立君臣之分甚嚴王雖無道無敢覬覦者即宗室子弟國人無敢輕慢婦人穿衣褲男子唯穿短褲裸其上

事則用寬幅布數尺縫兩端襲於右肩名沙郎民見王及當長俯而進至前蹲踞合掌于額立而言平等相見

唯合掌額餘與暹羅略同山多古木土產孔雀翡翠瑇瑁象牙胡椒椰子銀鐵沈香降香速香伽楠香

海參魚翅歲貢于暹羅皇清通考四裔門宋勝在西

食則嗜髮削其髮著衣袴無鞋襪首插維尾腰繫疋帛事耕漁常佩刀女椎髻既足短衣長裙披錦于肩能紡織土產牛鹿肉蝦米燕窩海參番錫之屬本朝雍正七年後通市不絕其國距廈門水程一百八十里更有坊仔六崑大呢諸國球仔在西南海中東北與宋脮勝接風俗男子服短衣布履跣足持刀女穿花色衣被絲履足曳淺拖鞋土產燕窩番錫象牙棉花其國距廈門水程一百八十里更西與六崑國接六崑風俗物產同球

海國圖志 卷九

東南洋 海峽國五

五

任距廈門水程一百五十里更太呢一名大年在西南海中東北與六崑接男女短衣跣足佩刀執鎗土產胡椒蝦米燕窩黃蠟牛鹿脯其國距廈門水程一百五十里三國自雍正七年後通市不絕與宋脮勝俱暹羅屬國海錄又曰太呢國在宋卡東南由宋卡陸路五六日水路順風約日餘可到連山相屬疆域亦數百里風俗土產均與宋卡略同民稀少而性兇暴海艘所泊處謂之淡水港其山多金山頂產金處名阿羅帥由淡水港至此須陸行十餘日由吉蘭丹港口入則三四日可至故中華人到此淘金者船多泊吉蘭丹港門以其易于往來也國屬暹羅歲貢金三十斤明張奕東西洋考太呢國華人流寓甚多此相



種也船至獻果幣如他國初必設食待華人後來此禮漸廢矣貨賣彼國不收徵稅惟與紅毛售貨則湖絲白助稅紅毛五斤華人銀錢三枚他稅稱是若華人買彼出貨下船則稅如故

又曰吉蘭丹國在太呢東南由太呢沿海順風約日餘

可到疆域風俗土產略同太呢亦無來由種類為暹羅

屬國王居在埔頭埔頭者朝市之處而洋船所灣泊也

周圍種竹為城加以木板僅一門民居環竹外王及

官長俱席地而坐裸體跣足無異居民出則有勇壯數

士揀護而符各持標鎗見者咸躡身合掌王過然後起

政簡易玉日坐堂酋長有稱萬者有稱斷者咸入朝環

坐議政事有爭訟者不用呈狀但取蠟燭一對俯捧而

進王見燭則問何事訟者陳訴王則命宣所訟者進質

王以片言決無曲直無敢不遵者或是非難辨則令沒

水沒水者令兩造出外遇道路童子各執一人至水旁

水延番僧誦咒以竹竿令兩童各執一端同沒水中

番僧在岸咒之所執童先浮者則為曲無又其甚者則

敢復爭童子父母習慣亦不以為異也

有探油鍋法盛熱油滿鍋番僧誦咒取一鐵塊置鍋中

否則鼎沸傷人終不能取非自故訟者無大嘔強而君

度無愧者鮮不踰鍋而服罪

民俱奉佛甚虔王薨或子繼或弟及雖有遺命然必待

民心之所歸而後即位若民不奉命而兄弟叔姪中有

海國圖志 卷九 東南洋 海國圖五 六

為民所藏者則讓之而退處其下不然雖居尊位而號

命亦不行也土番居埔頭者多以捕魚為生每日上午

各操小舟乘南風出港下船則乘北風返棹南風謂之

出港風北風謂之入港風日如此從無變易殆天所

以養斯民也其嶺山中者或耕種或樵採土無衣下無

襪唯剝大樹皮圍其下體亦無屋宇穴居巢處凡土番

俱善標鎗能擲殺於數步外乘便行動避匿老林

故山谷僻處鮮有得入爭訟有不能決者常自請於王

願互用標鎗死無悔王亦聽之但酌令理直者先標中

而死則彼家自以尸歸不中則聽彼反標願鮮有不中

者婦女淫亂而禁嫁華人故閩粵人至此鮮娶者有妻

皆暹羅女也犯姦者事發執而囚之度其身家厚薄而

罰其金凡犯令者亦然少笞杖之刑國有大慶王先示

令擇地為場至期于場中飲酒演戲國人各以土物貢

獻王受其儀于場中賜之飲食四方來觀之華夷雜沓

姦賄無禁越月而後散凡獻餽儀物皆以銅盤盛之戴

于首而進飲食不用箸多以右手搏取故重右而輕左

人若以左手取食物相贈遺則怒為大不敬云地多瘴

氣

海國圖志 卷九 東南洋 海國圖五 七

海國圖志 卷九 東南洋 海國圖五 七



屬華人至此必入浴溪中以水灌頂多至數十榻俟頂上熱氣騰出然後止日二三不浴則疾發居久則可少減然亦必由澳流即土番嬰疾其傷於風熱者多淋水即瘳無庸藥石凡南洋諸國皆然其地有雙戈及呀喇頂等處皆產金由吉蘭丹埔頭入內河南行一日許西有小川通太呢阿羅帥又南行日餘雙戈水會之又南行十餘日則至呀喇頂與彭亨後山麻姑產金處相連河中巨石叢雜水勢峻厲用小舟逆挽而上行者甚艱中國至此者歲數百聞人多居埔頭粵人多居山頂

海國圖志 卷九 東南洋 第國五 八

山頂則淘取金沙埔頭則販賣貨物及種植胡椒凡洋船到各國王家度其船之大小載之輕重而權其稅船大而載重者納洋銀五六百枚小者二三百不等謂之免頭金客人初到埔頭納洋銀一枚居淡歲又納丁口銀一枚居吉蘭丹山頂淘金欲回中國者至埔頭必先見王納黃金一兩然後許年老不復能營生者減半若甲必丹知其貧而為之請則免甲必丹者華人頭目也凡洋船造船出賃者謂之板主暹羅盤指示方向者謂之夥長看舵者謂之太工管理銀錢出入者謂之財庫

船口登卸收發貨物者謂之清丁而出資賃船者謂之易則為船主船中水手悉聽指麾故有事亦唯船主是問其釀酒販鴉片開賭場者稅亦特重私家通負酋長嘗置若罔聞而賭賬則追捕甚力各國多如此食鴉片煙則吉蘭丹為甚客商鮮不效尤者其土產唯檳榔胡椒為多亦以三十斤金為暹羅歲貢源案吉蘭丹即大呢之馬頭也風俗俱同大呢嘉靖末海寇餘眾逃歸於此生聚至二千餘人行劫海中商船苦之或謂吉蘭丹即小葛蘭國按小葛蘭與檳榔接壤而吉蘭丹與大呢相連去彼遠甚但大呢吉蘭丹俱鑄金為錢而柯枝與小葛蘭亦俱用金錢以此相同影響之所自起也姑載之以破疑

海國圖志 卷九 東南洋 海國五 九

又曰丁加羅國一作丁葛奴疑即丁機宜也源案此國宜別自一島在蘇門答刺之東非暹羅相連之地在吉蘭丹東南由吉蘭丹沿海約日餘可到疆域風俗與上數國略同而富強勝之各國王俱喜養象聞山中有野象王家則令人砍大木於十里外周圍柵環之旬日漸移而前如此者數次柵益狹象不得食俟其羸弱再放馴象與鬪伏則隨馴象出自聽象奴驅遣土產胡椒檳榔椰子沙藤冰片燕窩魚翅海參油魚鮑魚螺頭帶子紫菜孔雀翡翠速香降香伽楠香帶子角帶也形若江瑤柱胡椒最佳甲於諸



番歲貢暹羅安南及鎮守葛刺巴之荷蘭荷蘭領海國羅西南斜仔六坤宋脚皆暹羅屬國大呢吉刺丹丁葛奴彭亨諸國沿山相續俱由小真嶼向西分往水程均一百五六十更不等土產錫錫翠毛佳文蕭燕窩海參料藤冰片等類相同惟下葛奴胡椒則於諸番皆無來由族類不識義理裸體扶刀下無幅屨檳榔夾煙嚼生米和水吞質易難容多般

又曰彭亨在丁加羅南音近邦項本無正字也此由丁加羅陸路約二日可到疆域風俗人情均與上數國同亦產金而麻姑所產為最土產胡椒冰片沙穀米胡椒初種時長尺餘年餘長至數尺則卷成團復取土掩之俟再生然後開花結子十餘年藤漸弱則取其旁舊土或有雜木葉霧散其中者糞之復茂不可以他物糞至三十餘年則不復結子須擇地另種舊地非百年後不能復種自安南至麻倫呢諸國皆有唯丁加羅所產為最冰片水液也周流水內夜則上于樹梢明則下于樹根土番夜聽其樹而知其上下老嫩俟其老時四散潛往以刀削其根數處如中國之取松脂然天明其液流從欲處落地滴成片若未老則出木而已沙穀米亦以水液為之其木大者合抱砍伐破碎春之成屑則以水洗之去其滓俟其水澄即其下凝者暴乾成粉以上復以水洒之則累累如顆珠煮食之可以療饑

數國間粵人多來往貿易者內港船往各國俱經外羅山南行順風約一日過煙筒大佛山又日餘經龍奈口過崑崙海日餘見崑崙山至此然後分途而行往宋卡暹羅大呢吉刺丹各國則用庚申針轉而西行矣由彭亨東南行約日餘復轉西入白石口順東南風約日餘

海國圖志 卷九

東南洋 海岸國五

十一

則到舊柔佛明史彭亨在暹羅之西洪武十一年其王田沃氣候常溫米粟饒足煮海為鹽酸椰漿為酒上下親狎無寇賊然感於鬼神刻香木為像設人祭賽以噴又曰舊柔佛在彭亨之後陸路約四五日可到疆域亦數百里民情風俗略與上同土番為無來由種類本柔佛舊都後徙去故名舊柔佛嘉慶間英吉利以此為海道四達之區墾闢土地招集商民貿易耕種而薄其賦稅數年來舟船輻輳樓閣連亘遂為勝地番人稱其地為息城閩粵人謂之新州府亦或作新嘉坡土產胡椒檳榔膏沙藤紫菜檳榔膏即甘瀝可入藥明史柔佛近丁礁林永樂中鄭和遍歷西洋無柔佛名或言和曾經東西竺山今此山正在其地疑即東西竺萬歷間其酋好構兵鄰國丁機宜彭亨屢被其患華人販他國者其人多就之貿易時或邀至其國中覆茅為屋列木為城環以池無事通商于外有警則召募為兵稱強國焉地不產穀常易米于鄰壤字用莖葉為刀刺之見星方食節序以四月為歲首居喪婦人薙髮男子則重髮死者皆火葬所產有犀象玳瑁片腦沒藥血竭錫蠟嘉文筆木棉花檳榔海菜燕窩西國米冰片吉柿之屬皇清通考四裔門柔佛在西南海中背山而國前臨大海歷海洋九千里遠廣東界經七洲大洋到魯萬山由虎門入口國中無城郭宮室王府即建於海濱支以竹木蓋以茅葉民皆環山而居崇山峻嶺樹木叢雜野獸縱橫天時雖秋亦暖王以柳葉為衣左衽下裳密織小花為之佩刀首蓄髮長二三寸蒙以金花帕跣足民人冠用銅線為胎幔以白布衣短衫或裸而以裳圍其

海國圖志 卷九

東南洋 海岸國五

十一



下體婦女織席挽推髻肩披錦父母喪則茹髮衣黑衣  
為喪服夫皆贊於婦相見以合掌拱上為禮俗輕生好  
殺尚佛教喜鬪雞伐鳥木拾海菜時出劫掠飲食用  
手忌猪肉嗜煙葷齋一月舉國絕食凡星乃食思三十  
日始止土產糖香烏木西國米冰片海參胡椒燕窩之  
屬亦產沙金鑄花小金錢為幣康熙初嚴南洋諸國商  
販之禁故閩粵無柔佛之船而內地商船亦無往其國  
者迨雍正七年弛禁後其國通市不絕距廈門水程一  
百八十里更七洲洋中有神鳥狀如海雁而小長喙色紅  
腳短而綠尾羽如箭長二尺許能導人水程呼是則飛  
去日否則仍飛而來獻紙謝神翔翔不知所之矣柔佛  
屬國有下葛如單而吹獻紙謝神翔翔不知所之矣柔佛  
亦瀕南海四時皆暖無霜雪崇山峻嶺蜿蜒相望風俗  
略同柔佛土產胡椒之美甲於他番餘則沙金冰片沙  
藤速香等物其國人終身不出境無航海而來中國者  
每歲冬春間粵東本港商人以茶葉薑器色紙諸物往  
其國互市乾隆二十九年以兩廣總督蘇昌奏准帶土  
絲及二蠶胡絲浙閩人亦間有往者及夏秋乃歸必經  
海國圖志卷九 東南洋 海岸國五 三

七洲大洋至魯萬山由虎門入口達廣東界計程九千  
里單咀距廈門水程一百三十更風俗衣服飲食土產  
與柔佛同彭亨國與柔佛連山相枕內地商民往來佛  
國有轉附番船至其地貿易者 陳倫炯海國圖志見錄  
柔佛國山雖聯於彭亨其勢在下水路應到崑崙用未  
針取茶盤轉西至柔佛計廈門水程一百七十三更番  
情與上諸國相似所產亦相同惟較之略美而倍多每  
年經商可容三四船就舟交易產沙金國以鑄花小金  
錢為幣重四五  
分銀幣不行

又曰麻六甲一作滿刺加在舊柔佛西少北東北與彭  
亨後山毗連陸路通行由舊柔佛水路順東南風半日  
過琴山徑口又日餘到此土番亦無來由種類疆域數  
百里崇山峻嶺樹木叢雜民情兇惡風俗詭異屬荷蘭

管轄初小西洋各國番舶往來中國經此必停泊採買  
貨物本為繁庶之區自英吉利開新嘉坡而此處浸衰  
息矣土產錫金冰片沙藤胡椒沙穀米檳榔燕窩犀角  
水鹿玳瑁翡翠降速仰楠各香閩粵人至此採錫及買  
易者甚眾 陳倫炯海國圖志見錄由柔佛而西麻喇甲亦  
漢人理國事無來由族類官屬各日惡耶國王彷彿羅用  
椒降香蘇木燕窩助賦產金銀西洋布犀角象牙鉛錫胡  
中國洋船到此而止距廈門水程二百六十更 海錄  
又曰沙刺我國在麻六甲西北由麻六甲海道順東南  
風二三日經細毛茂下有洋沙其水不深此國在紅毛  
淺東北岸疆域數百里民頗稠密性情兇獷後山與丁  
加羅吉蘭丹相連山中土番名黎喇子裸體跣足鳩  
形鶴面自為一類亦服國王管轄但與無來山不相為  
海國圖志卷九 東南洋 海岸國五 三

婿嘗取蜜蠟沙藤沈香降香犀角山馬鹿虎皮  
等物出與國人交易閩粵人亦有到此者其產錫冰片  
椰子沙藤 又曰吉德國在新埠西北又各計達由新  
埠順東南風日餘可到後山與宋卡相連疆域風俗亦  
與宋卡略同土曠民稀米價平減土產錫胡椒椰子閩  
粵人亦有至此貿易者由此陸路西北行二三日海道  
日餘到養西嶺陸路又行三四日水路約一日到蓬呀  
俱暹羅所轄地自宋卡至此皆無來由種類性多兇暴  
出入必懷短刀以花鐵為之長六寸有奇鑲以金海馬  
牙為柄其刀未有花紋者持以相關刀頭有紋者則佩  
之以為吉慶王  
及酋長皆然

每月統紀傳曰麻刺甲地方毘連于柔佛丁葛奴大年  
吉連丹宋脚諸國沿大山相續土番為無來由族類不  
識義理裸體挾刀下圍幅幔檳榔夾煙嚼貿易難容多



般土產鉛錫翠毛佳紋蓆燕窩海參藤胡椒等貨諸國  
相似所產相同麻刺甲在明朝時有馬萊由之王馬萊  
作無因暹羅侵地麻刺甲遣貢使至北京控訴永樂三  
年詔暹羅國王勿開兵隙暹羅王遣使謝罪然陽遵陰  
違竟侵服之嘉靖年間葡萄牙兵船往麻刺甲盡力征  
服設官治之天啟崇禎年間荷蘭又戰勝葡萄牙而有  
其地至嘉慶年間英吉利以萬古累易之于是麻刺甲  
為英吉利新藩開英華院以教唐人與土人且義學甚  
多男女不論土番漢人皆知讀書故廣東與福建人居

海國圖志

卷九

東南洋 海岸國五

丙

此種園耕田與實力嶼檳榔嶼貿易柔佛為阿細亞大  
山諸國極南入海之山副馬萊西王管之彭亨有金沙  
錫甚盛福建船希往彼以柔佛彭亨性悍好鬪正是馬  
萊西族類之習此外海濱國屬于暹羅者皆地小不足  
比數

顏斯綜南洋蠡測曰南洋之間有萬里石塘俗名萬里  
長沙向無人居塘之南為外大洋塘之東為閩洋夷船  
由外大洋向東望見臺灣山轉而北入粵洋歷老萬山  
由澳門入虎門皆以此塘分華夷中外之界唐船單薄

舵工不諳天文惟憑弔鉞驗海底泥色定為何地故不  
能走外大洋塘之北為七洲洋夷人知七洲多暗石雖  
小船亦不樂走塘之西為白石口附近有一埠四面皆  
山一峽通進平原曠野頗有土人並無酋長產胡椒沙  
藤有唐人墳墓碑記梁朝年號及宋代咸淳或云此暹  
羅極東邊境十餘年前英吉利據此島名之曰星忌利  
坡召募開墾近聞已聚唐人雜番數萬閩粵之輕生往  
海外者冒風濤蹈覆溺而不顧良由生齒日眾地狹民  
稠故無室無家之人一往海外鮮回鄉者此島由外洋

海國圖志

卷九

東南洋 海岸國五

五

至粵十餘日由七洲洋至粵僅七八日近來英吉利甘  
心留粵一則恃南洋港脚諸番沿途俱有停泊二則恃  
星忌利坡離粵不遠彼國雖隔數萬里之遙今則無異  
鄰境此外海岸上瘠產稀如飛頭巒等處雖常到不屑  
顧其志蓋欲扼此東西要津獨擅中華之利而制諸國  
之咽喉古今以兵力行商賈以割據為壟斷未有如英  
夷之甚者

貿易通志東南洋貿易之盛者莫如暹羅及新嘉坡暹  
羅與安南緬甸相接而通商最廣中國買米買貨之船



赴其國者歲百餘號所駐中國人五萬有餘英吉利亞  
 獸利加等國互市每年貨價約銀五百萬餘員新嘉坡  
 本非國乃斗入南海中一大峽地方二千里距澳門水  
 程十更向為閩廣客民流寓約二萬餘人英吉利屢以  
 兵船爭奪嘉慶二十三年襲而據之置城戍兵營肆貨  
 招商賈設英華書院凡國中書籍皆鑲板翻譯延華人  
 教其子弟屹然為巨鎮計閩廣船歲往者八九十艘安  
 南三十六艘暹羅四十艘各南洋小船千三百餘艘夾  
 板船四百七十四艘貨物出入約計銀各八百餘萬員

海國圖志

卷九

東南洋 海峽國五

六

其地近中國故凡紅毛船之自澳門歸與自西洋至者  
 均以此為總匯此外麻刺甲檳榔嶼等處亦英吉利公  
 司所據而貿易有限不及新嘉坡三分之一  
 梁書南夷傳扶南國在日南郡之南海西大灣中去日  
 南可七千里在林邑西南三千餘里城去海五百里有  
 大江廣十里西北流東入於海其國輪廣三千餘里土  
 地滂下而平博氣厚風俗大較與林邑同出金銀銅錫  
 沈水香象牙孔雀五色鸚鵡其南界三千餘里有煩遜  
 國在海峽上地方千里城去海十里有五王並屬扶

海國圖志

卷九

東南洋 海峽國五

七

南頓遜之東界通交州其西界接天竺安息徼外諸國  
 往還交市所以然者頓遜迴入海中千餘里漲海無崖  
 岸船舶未曾得逕過也其市東西交會日有萬餘人珍  
 物寶貨無所不有又有酒樹似安石榴采其花汁停甕  
 中數日成酒頓遜之外大海洲中又有毘騫國去扶南  
 八千里傳其王身長丈二頭長三尺自古夾不死莫知  
 其年王神聖國中人善惡及將來事王皆知之是以無  
 敢欺者南方號曰長頸王國俗有室屋衣服噉杭米其  
 人言語小異扶南有山出金露生石上無所限也國  
 法刑罪人並於王前噉其肉國內不受估客有往者亦  
 殺而噉之是以商旅不敢至王長樓居不血食不事鬼  
 神其子孫生死如常人唯王不死扶南王數遣使與書  
 相報達常遺扶南王純金五十人食器形如圓盤又如  
 尾樞名為多羅受五升又如椀者受一升王亦能作天  
 竺書書可三千言說其宿命所由與佛經相似並論善  
 事又傳扶南東界即大漲海海中有大洲洲上有諸薄  
 國國東有馬五洲復東行漲海千餘里至自然大洲其  
 上有樹生火中洲左近人剝取其皮紡績作布極得數



尺以爲手巾、曾與焦麻無異而色微青黑、若小垢汚則投火中復更精潔、或作燈炷用之不知盡

案扶南爲今暹羅國其南界三千餘里有頓遜國在

海崎上斗入海中三千餘里則今之柔佛新甲埔也

頓遜之外大海州中又有昆鷲國去扶南八千里則

未知爲今之婆羅小瓜哇島歟抑小瓜島歟至其東

方連漲海中有諸薄州再東有自然大洲則南洋諸

嶼叢峙固難一一指實之矣

每月統紀傳曰廣南沿海至占城祿賴繞西而至東

海國圖志卷九 東南洋 海峽國五

埔寨東埔寨雖別自一國界在越暹二國之間東貢越

南西貢暹羅土番爲馬萊西裸體居多以布幅帷下身

自東埔寨大山繞至西南爲暹羅沿海而南爲斜仔

邑六坤邑麻刺甲地方與柔佛丁機宜或丁葛奴大年

吉連丹宋脚諸國沿大山相續土番爲馬萊西族類不

識義理裸體挾刀下圍幅幔攢榔夾烟嚼嚼貿易難容多

艘土產鉛錫翠毛佳絨席燕窩海參藤胡椒等貨麻刺

甲向來有馬萊酋土君因暹羅王於明朝時侵伐其國

服之嘉靖年間葡萄牙人往麻刺甲盡力征服設官治

之天啓崇禎時爲荷蘭所奪自是荷蘭營其國至道光

年間英吉利以萬古累島易之英人因於麻刺甲開新

藩立英華院教唐人在其土所生之子兼通中西文藝

且多設義學無論男女士番漢人皆令讀書故閩廣人

居此種耕與息力檳榔嶼生理甚旺柔佛爲亞西亞諸

國極南入海之大山馬萊西王管之又彭亨有金沙錫

礦福建船希往彼永樂年間二王遣公使朝貢蓋柔佛

與彭亨王兩國好關正是馬萊西各族之性情也此外

各島在東海濱朝貢暹羅王奉金葉表諸方物都是小

海國圖志卷九 東南洋 海峽國五

地方居民甚懈惰又曰新甲埔一名息力此小島舊是

馬萊西土君所轄爲海賊之藪近歸英國所管地雖極

小其生理爲南海至盛不但西洋夾板斷續往來且武

吉及馬萊西之船安南暹羅各國之船皆無數出入英

國之官不納餉稅任人貿易商賈輻輳福建廣東人住

此爲商匠士農者無數英吉利有營汛炮臺

地里備考曰馬拉加國在亞細亞州之南北極出地一

度五分起至九度三十分止經線自東九十六度

二十分起至一百零二度止東西南三面枕海北界過



羅國長約二千餘里寬約五百里地面積方約十萬里  
入烟希疎地勢嶄巖岡陵綿亘叢林廣布水澤瘴癘島  
嶼充斥樹木蔚茂湖河稀少貫徹其地田土頗瘠果實  
略多禽獸蕃衍魚鹽豐盈土產金鐵錫蜜蠟珍珠燕窩  
豆蔻檳榔血竭兒茶象牙牛皮甘蔗木料沙穀米巴馬  
藤油各等物地氣溫和王位世襲所奉之教乃回教也  
貿易與隆商賈輻輳國內地方里哥爾等處現歸暹羅  
國兼攝一北刺克部一薩靈哥爾部一惹何爾部一巴  
梳部一隆波部各處自為立主不相統屬國人號曰馬

海國圖志

卷九 東南洋 海岸國五

三

來由然猶有薩忙的公北奴之目焉

又新埠島一名布路檳榔在馬拉加海峽之間長六十

里寬三十里地多肥饒菓木茂盛

又息辣島一名新嘉坡在馬拉加海峽口田土膾炙菓

木豐茂貿易昌盛商賈雲集其馬拉加舊國近日人烟

反少貿易蕭疎以上各處于道光十年皆受駐榜加刺

之兵帥節制

外國史略曰亞西亞地嘴西出蘇門馬六加二地中間

為海峽各島散布如星棋最大者檳榔嶼在西邊距對

面貴他大山不遠北極出地五度二十五分偏東一百  
度九分廣袤方圓五百里居民五萬一千嶼有高山有  
溪地氣和暖山水甚美前本荒島乾隆五十年英國公  
班牙買為船廠開墾豐盛每年出胡椒二萬石丁香豆  
蔻價值銀十萬員對面之貴他島亦種甘蔗產物三萬  
石日增月盛四方雲集福建人尤多居然都會國家所  
費有限而收餉過之。新嘉坡或稱新實力坡或稱新  
埠頭海峽中之嶼北極出地二度十五分偏東一百零  
四度土甚饒大林多虎出胡椒檳榔膏為印度遠至中

海國圖志

卷九

東南洋 海岸國五

三

國之路海由西轉東此峽為所必經故英國公班衙于  
嘉慶二十三年買以開埠其始居民僅百五十口頓增  
至二萬餘中多唐人盡免稅餉道光十四年各西國及  
他國之甲板四百七十二船中國之商二十七船越南  
四十九船暹羅二十四船蘇來由七十二船婆羅島一  
百三十八船西里白島五十五船巴里嶼六十三船牙  
五島七十二船蘇門他拉島五百一十四船檳榔嶼八  
船馬六加六十船西邊蘇來由族類四十六船料嶼二  
百五十一船附近之列嶼二百二十船各國所運入貨



物約共一千萬員而運出之物有加于此各方雲集遂為亞西亞之大市。○新嘉坡賓富島荷蘭在此築炮臺開市稱曰料嶼出胡椒檳榔膏土民所食者參葉檳榔椰子製造物件多潮州人通商不廣收餉甚微設兵守島有巡船捕海盜有蕪來由土酋代辦島務。○賓富島所屬令音嶼蕪來由以劫盜為務荷蘭與約給俸祿令其毋為海賊有犯即刑其地磽出錫無他產亦不出五穀。○此島之北向有亞南巴邦土那等荒島為海賊所潛匿

海國圖志

卷九

東南洋 海峽國五

五

外國史略曰馬六加古國也北極出地二度及十度長二百六十五里闊四十里其地半蕪來由族類中間黑山遍延內多支溪下流入海有沙線入海口居民甚罕惟伐木搭棚而已山內盡黑面人無衣服居處舊屬暹羅管轄其馬六加之君子宋德祐二年始創立國明武宗正德五年暹羅大軍攻其城敗退葡萄牙水師攻陷其地自後歸葡萄牙順治元年荷蘭又降其城邑嘉慶間英人又破之是時有耶穌門徒開學館教化其俗此際有英官管理埠頭但通商甚微物產不多如金沙

錫南果胡椒五穀悉由外國運入天氣清爽無瘴氣居民罕少亦有蕪來由並印度人其山水特美麗

又曰蕪來由列國沿南洋海斗出甚長其中多山草木茂盛多植香沈香沙藤山多錫礦溪有金沙海邊多椰子民情地荒獨海邊有數屋皆竹葵為之附近種蕉樹食其果終日嚼檳榔青烟以水和飯日用不多故頗自足每日多眠睡間出為海盜乃盡力劫掠體矮而帶黑色若激其怒則憤烈如虎然無膽略易奔潰沿海各處有土酋皆甚貧乏賴中國人代理其貿易最多者廈門

海國圖志

卷九

東南洋 海峽國五

五

等處之人其餘若蕪來由之列地由暹羅而南斜行到六坤宋脚此地之民半暹羅語音喜拜佛像半蕪來由各類並同入拜天地真主暹羅之官在此者每酷虐蕪族其大尼事丹丁葛奴等地沿山陸續皆以金銀樹實暹羅且准貢使實五穀而向南連此地者因彭亨南方之極南者為柔佛另有微地難細述風俗多相似所產亦相同中國閩廣人至此貿易每獲厚利民以金錢為幣重四五分不用銀惟用番頭以為通行之寶經商每埠僅可容三四船所市者金沙胡椒沙藤冰片海參



燕窩萃毛佳文蓆亦以鴉片布疋易胡椒等物

萬國地理全圖集曰麻海峽之東口有新嘉坡北極出地一度十五分偏東一百零四度嶼地不大獨出胡椒檳榔膏嘉慶二十三年英國官憲買其嶼以後廣開商路不論何國船隻赴市槩免稅餉遂為南海各島貿易之中市中國船隻每年幾十巨艦常駕閩粵客數十人到此買賣耕作所居漢人其一萬有餘丁此外列西國夾板每年幾百隻運進布帛器皿以南洋物產易之居民早夜奔馳日無寧晷燕來由等人住其海濱

海國圖志

卷九 南洋 海國圖五

詩

皆屬英人管轄每年運進載出之貨價其計銀八千九百萬員○又曰檳榔嶼在西北有高峯其土種植玉菓胡椒所出不少山水甚美居民五萬四千丁其中有一萬係漢人對面沿海地方又歸英國轄故立總文官兼攝檳馬新等處○又曰南洋島之沿海燕來由族居之身體弱矮面紫髮黎甚長纏頭赤腳腰圍紋布穿視各帶短刀怒即刺人時喫檳榔遊玩不務工駕船捕魚為海賊奉回回教往其教主葬處燒香歸則庶民敬仰其人內地居民不同面有紫黑二類黑面者高山穴

海國圖志

卷九

東南洋 海國圖五

事

林為其原土人智量有限是以中國人乘機取利廣州府與嘉應州人為工潮州府人為農福建人為商最獲利者乃廈門漳州之商大半留住不歸每年一次寄信及銀以補親戚之用一歸故鄉盡皆耗費仍返棹尋利矣凡出外國之人多係內地棍徒離家走絕域但不帶婦女與土女結親生子而自新者鮮迄地吃鴉片賭錢澆風日熾至西國之人荷蘭操權尤廣此國之西賈少皆屬文武與土人來往溫良不驕是班牙國人好逸避勞土人但崇天主教有大權者乃僧也其商賈其少並不出其本屬之島英人惟據三島以通商為重故開港免餉以招四方之商貿然與土人仍無往來之理蓋教門語言嗜尚各不相通也

魏源曰英夷開闢新嘉坡富庶聞於中國已數十年皆不知為古時何國閩海錄及英夷海圖始知即柔佛滿刺加故墟蓋明以前滿刺加為南洋之都會英夷始移其貿易于柔佛新嘉坡有堅夏書院瑪利堅國人所建其書院及翻刻漢字書院與吉利所建皆外夷所學漢文及翻刻漢字書院皆選羅之東南境海所故所刻書皆著此兩書院藏板岸相連並非島嶼距大嶼山僅五六日程平衍數百里



斗出海中形如箕舌扼南洋之要衝乾隆以前多為閩

粵人流寓自英夷以兵奪據建洋樓廣衛市又多選國

中良工技藝徙寓其中有鑄礮之局有造船之廠並建

英華書院延華人為師教漢文漢語刊中國經史子集

圖經地志更無語言文字之隔故洞悉中國情形虛實

而中國反無一人瞭彼情偽無一事師彼長技唱矣哉

方康熙初定臺灣時廷議欲遷其人棄其地專守澎湖

獨施琅力爭之謂不歸中國必歸于荷蘭 聖祖從

之設官置戍海外有截使當日執捐珠厓之議臺灣今

海國圖志

卷九

東南洋 海國圖五

美

時不為新嘉坡者幾希使後世有人焉日翻夷書刺夷

事籌夷情如外夷之偵我虛實其不轉罪以多事甚坐

以通番者幾希彭亨柔佛等國明以前不見于史蓋即

梁書之丹丹廣書年單單在振州東南而隋唐書並言往婆利州者

先由赤土丹丹而至其國赤土為扶南則丹丹必其相

連之東南境故有唐人墓方梁宋碑記云

海國圖志卷十

歐羅巴人原誤

侯官林則徐譯

邵陽魏源重輯

東南洋五海岸之國

緬甸

緬甸與暹羅安南三國在阿細亞洲南洋歐羅巴人以  
其與印度交界統謂之為印度外前代歐羅巴人罕至  
其地所知者不過孟阿臘安治市河之東岸而已伊掛  
畫師比多里彌所繪地理圖其圖內大海灣之西岸有

海國圖志

卷十

東南洋 海國圖六

十一

梯泥城即緬甸之底泥色領城也意大里亞人曾至中

國海岸而所繪之圖亦未詳確佛蘭西國當日攻取麻

六甲地所考察者僅附近一隅佛蘭西又曾遣羅比里

至暹羅國欲行教化始略知暹羅國大概近日英吉利

已得印度之地多與三國交界故所說此方之事雖不

詳備較前代歐羅巴人則所得為多緬甸國建都阿瓦

又謂之馬臘麻原是三國一曰阿瓦一曰阿臘干一曰

祕古各不相統恒相爭奪惟緬甸當衝受害尤重千有

六百年明萬曆二十八年緬甸與兵攻服祕古迨千有七百年



康熙三十九年秘古復約荷蘭西洋兩國之兵同攻緬甸屢戰屢勝直抵阿瓦禽獲緬甸之底布里王維時緬甸反屬于秘古然緬人強悍突有阿羅般部落招集土兵恢復阿瓦國都自立為王盡收緬甸舊地遂出師攻滅秘古國其子山巴領嗣位後秘古復叛山巴領又攻勝之遂乘勝並取暹羅久仍為暹羅所敗僅存麻六甲以西沿海之麻爾古底呢色領等城耳山巴領歿其弟皿底臘疑勃老嗣位又並合阿臘干為一國此外尚有攻取加渣爾加色等處軍威可謂勦矣然以麻爾古之地皆與

海國圖志 卷十

東南洋 海岸圖六

二

孟阿臘接壤孟阿臘屬于英吉利兩國接壤日久復起兵爭干有八百二十六年道光英吉利遂起印度之兵攻緬緬恃其習戰視英寇蔑如也然緬軍紀律不嚴進銳退速以此為英軍所挫英軍亦不習其水土地險餉艱瘴惡多疾難以深入本欲退師反聲言直取阿瓦長驅而進緬軍屢屢阻遂卑辭求和乃割阿臘干麻爾古達阿依底尼色領沿海之地復償英吉利兵餉始罷兵然緬甸陸戰全恃堅銳木柵環遶重濠有時英吉利兵馬亦為其所拒其國賦稅如東方中國之法以田地

錢糧為正供此外征收外國貿易稅餉不作正項別貯內庫緬甸暹羅安南皆然傳聞緬甸國王與西洋構衅講和津貼英軍兵餉咄嗟立辦可見其國之富緬甸暹羅安南政事大略與東方各國相同權柄專制于王百官不得專擅所用律例皆合中國印度兩國之律參酌損益而行如緬甸之職官若翁疑士若敬翁多士若阿達翁士皆在國都助王理政並有律官出外分轄各部征收賦稅解都供餉部民有事先赴訴麥翁衙門次始上控于羅都衙門由羅都而達于王以判斷之有烙鐵

海國圖志 卷十

東南洋 海岸圖六

三

之刑有咒詛之法斟酌施用與印度略同印度外咸知文字惟緬甸語音龐雜有用佛語有用韃韃里音語有用中國音語參雜而成歐羅巴人不能分其句讀望之如一長句說寫俱難書籍皆編貝葉國王則以象牙為篇頁以金飾邊貯以描金盒並有雕刻成字而金飾之者藏書雖富專以講論神明為主而史記音樂醫學畫譜謂之雜說小書惟安南文學獨遵中國較緬甸暹羅為深奧緬甸屋舍最陋以竹插地用籐繫架用席作牆而苦覆之即謂落成大者不日可完小者頃刻立就雖



潦草而便易風雨坍塌既無推歷之虞回祿偶遭亦無  
 蕩貨之戚伊底河發源西藏南流經緬甸之麻羅城而  
 入海案伊底河謂雅魯藏布江也  
 緬甸國東界南掌邊羅西界孟阿臘南界海北界西藏  
 雲南以阿瓦爲國都領部落四十有八戶口約四百萬  
 名原本

阿瓦國都	門額爾	西廉	哥里布	江墩	凍米	拉比那古	巴爾麻	芝補	窮血	打梗	翁茂拉布拉	光墩	邦布	磨觀	邊定	拉公厘	高梗	蒙厘布	郎欲河	班沙	巴岩謬	麻拉	西格呀都
------	-----	----	-----	----	----	------	-----	----	----	----	-------	----	----	----	----	-----	----	-----	-----	----	-----	----	------

海國圖志 卷十

東南洋 海岸圖六

四

麻渣布	阿拉干	渣岩	特囊休	茂都	血特	新達	比衣謬	呢特	濟騷	麻欲疎	蘭梗	血巴	麻爾打曼	東俄	底奴彪	波丹謬	哥士血	衣岩	知那麻幾爾	巴三	西利嚶	麻羅	大金沙江由此 城西入東印度 原無今補○止	母哇	原本	沿革	取其涉海國者	新唐書驛古朱波也自號突羅朱聞婆國人曰徒里拙 在永昌南二千里去京師萬四百里東陸真臘西接東 天竺西南墮和羅南屬海北南詔地長三千里廣五千 里東北袤長屬羊苴咩城凡屬國十八曰迦羅婆提曰 摩禮烏特曰迦黎迦曰半地曰爾巨曰坤朗曰偈奴曰
-----	-----	----	-----	----	----	----	-----	----	----	-----	----	----	------	----	-----	-----	-----	----	-------	----	-----	----	----------------------------	----	----	----	--------	---

海國圖志 卷一

東南洋 海岸圖六

五



羅津曰佛代曰渠論曰婆梨曰偈陀曰多歸曰摩曳餘  
 即舍衛瞻婆閻婆也彌臣至坤朗又有小崑崙部王名  
 茫悉越俗與彌臣同由坤朗至祿羽有大崑崙王大於  
 彌臣由崑崙小玉所居半日行至磨地勃柵海行五月  
 至佛代國有江支流三百六十案此當即有大金沙江有川名思毗  
 離芮土多異香北有市諸國估舶所湊越海即閻婆也  
 十五日行踰二大山二曰正迷一曰射鞞有國俗與佛  
 代同經多茸補邏川至閻婆八日行至婆賄伽盧國土  
 熱衢路植椰子檳榔仰不見日王居以金為髻厨覆銀

海國圖志 卷十 東南洋 海岸國六 六

瓦爨香木堂飾明珠有二池以金為隄舟楫皆飾金寶  
 驃王出輿以金繩床遠則乘象嬪史數百人青髻為圍  
 城周百六十里有十二門四隅作浮圖民居皆鉛錫為  
 瓦荔支為材俗惡殺拜以手抱臂稽顙為恭明天文喜  
 佛法有百寺琉璃為甃錯以金銀丹彩紫鑲塗地覆以  
 錦罽王居亦如之民七歲祝髮至寺至二十有不達其  
 法復為民衣用白氍朝霞以蠶帛傷生不敢衣戴金花  
 冠翠首絡以雜珠王宮設金銀二鐘冠至焚香擊之以  
 占吉凶有巨白象高百尺訟者焚香跪象前自思是非

而退有災疫王亦焚香對象跪自咎無桎梏有罪者策  
 五竹捶背重者五輕者三殺人則死土宜菽粟稻粱蔗  
 大若脛無麻麥以金銀為錢形如半月號登伽佗亦曰  
 足彈佗無油以蠟雜香代炷與諸蠻市以江豬白氍琉  
 璃罽缶相易婦人當頂作高髻飾金珠琲衣青婆裙披  
 羅段行持扇貴家者傍至五六近城有沙山不毛地亦  
 與波斯羅門接距西舍利城二十日行西舍利者中天  
 竺也南詔以兵強地接常羈制之案緬甸與東印度接  
 故節錄之元明與中國構兵壤惟唐書畧見端倪  
 皆于海國印度無涉故不錄

海國圖志 卷十 東南洋 海岸國六 七

謝清高海錄曰烏土國在暹羅蓬牙西北疆域較暹羅  
 更大由蓬牙陸路行四五日水路順風約二日到佗孟  
 為烏土屬邑廣州人有客于此者又北行百餘里到媚  
 麗居又西北行二百餘里到營工又西行二百餘里到  
 備姑俱烏土屬邑王都在益畫益畫即阿由備姑入內  
 河水行約四十日方至國都有城郭宮室備姑鄉中有  
 孔明城周圍皆女牆參伍錯綜莫知其數相傳為武侯  
 南征時所築入者往往迷路不知所出云北境與雲南  
 接壤雲南人多在此貿易衣服飲食大畧與暹羅同而



樸實仁厚，獨有太古風。民居多板屋，夜不閉戶，無盜賊爭關。由備姑西北行，沿海數千里，重山複嶺，并無居人。奇禽怪獸，出沒號叫，崇巖峭壁間，多古木奇花，所未經覩。舟行約半月方盡，亦海外奇觀也。微第缸在烏土國大山之北，數十年來，英吉利新開土地，未有商賈，其風俗土產未詳。

國史館郭世勳傳：乾隆五十五年，暹羅國王鄭華表稱：乾隆三十六年，被烏土國搆兵圍城，國君被陷，其父鄭昭克復舊基，僅十分之六，其舊地丹著氏麻叨塗懷三

海國圖志 卷十

東南洋 海岸國六

八

城尙被占踞，請詔敕令烏土國割回三城，詔以烏

土國即緬甸別名，前此緬甸孟敬與暹羅紹氏構兵，非

新會孟隕之事，今緬甸已易姓，何得上煩中朝，追索侵

地命兩廣總督郭世勳檄諭止之。案暹羅國別號赤土，

以填壤異色得名。

地球圖說曰：阿瓦國東界暹羅，南界旁葛刺海，并印度

洋，西界天竺國，并旁葛刺海，北界西藏國，又內有三小

國，即阿瓦、皮球、馬搭班是也。其百姓約有二百七十萬

數，都城名阿瓦，城內民五萬，民矮小而健，不辭勞瘁，善

經營，巧勝暹民，但貪心太重，一若以天下與之，而猶未

足也。首不戴帽，身穿夏布，女裙而不褲，廉恥全無。好佛

教，日以花果食物供養其僧，僧皆黃衣遊食，近有耶穌

門徒傳授聖教焉。刑政與他國迥異，君之名固不敢呼

君之姓，亦毋題說，有觸即加大辟。又男至二十歲以上

者，三年內必以一年供王事，或佃，或兵，有至大之江，名

伊翠瓦，地產金寶石、大樹、土油、鹽、硝、象、鹿、牛、馬等，所貨

物、茶、葉、布、帛等。

海國圖志 卷十

東南洋 海岸國六

九

地理備考曰：阿瓦國在亞細亞洲之南，北極出地六度

至三十七度十分止，經線自東八十九度四十五分起

至九十八度五十分止，東至中國雲南暨暹羅國，西連

印度國，南接榜加刺海灣，北界亞桑國，南北相距五千

五百里，東西相去二千里，地面積方約四十萬零五千

里，烟戶七兆餘，日本國地勢北方則岡嶺層疊，迤邐綿

亘，中央則邱陵稀疎，峻峭無幾，南方則平原坦闊，恒遭

淹沒，其伊拉瓦的，西當薩德那塞靈亞刺干等，乃本

國最長之河，縱橫貫徹，田畝甚腴，穀果極豐，禽獸草木

靡弗繁衍，土產金、銀、銅、鐵、錫、鉛、鑽石、琥珀、紅玉、窩宅碧



玉琉璃花石信石綿花烟葉甘蔗藍靛木料等物地氣  
溫和非雨則熱每歲如常王位世襲所奉之教乃釋教  
也其貿易通市與印度中華居多本國初為北古國管  
轄迨既自異別為一國乾隆五年國變亂賊寇猖獗越  
十二載北古國人復行攻奪時本國人亞隆巴拉率眾  
逐之大獲全勝興國立業踐祚為君其後歷代嗣君開  
闢疆域將國內外為十有一部一名阿瓦乃本國都也  
建于伊拉瓦的河左茅舍居多木室亦有至若磚瓦屋  
宇為數無幾一名亞拉于部一名加賽部一名仍塞蘭

海國圖志 卷十 東南洋 海岸國六 十

部一名馬爾達般部一名美爾固宜部一名北古部一  
名達歪部一名德那塞靈部一名雲山部其通商衝繁  
之地曰耶昆曰波羅美曰業能軍此外又有進貢屬地  
一名加星安一名薩巴音一名見一名達翁蘇一名逸  
一名巴刺安一名森一名拉襪一名達撓一名薩拉翁  
外國史畧曰緬甸國北極出地自十五度四十五分及  
二十七度二十分長二百六十里闊一百里北連雲南  
南連暹羅並馬他班海隅東連老掌並雲南西連英吉  
利藩屬及旁甲拉海隅海濱甚低似皆山產鐵銅錫紅

銅鉛金銀石油火硝食鹽紅藍寶石最多石油由深井  
汲出色青厚燒之出黑烟林有堅木宜造船亦出漆油  
並紫梗禾甘蔗粟米豆烟縣花青黛內多象虎豹熊野  
貓野雞鴨鵝金雞沙佳鵝居民約八百萬地多荒蕪罕  
耕種其人身高體健顏色黑紫雕題文皮男女多裸身  
耳穿孔掛金銀飾性貪不喜笑性詐而傲崇佛養僧其  
僧黃衣髡首乞食居寺多造塔以金鑲佛像民貧官富  
語多異音中多老掌文萊之民皆拜佛山內有野民族  
類愈不一緬甸人能織文花布亦能刻花木造奇巧金

海國圖志 卷十 東南洋 海岸國六 十一

飾惟不知天主教○人好武勇性酷虐寡慾而情男逸  
女勤不濫飲食每飯恒嚼檳榔荖葉好飲酒不好殺獸  
不食牛肉牛孀男女均以黑色染指甲口唇若敬人則  
坐不立男女往來不以苟合為辱所立規矩法律俱由  
印度來亦多與中國合其始在周景王時距今二千三  
百九十一年前由印度遷至一千七百四十年前遷都  
於他處今日尚存其廟古蹟于元順帝三十一年始建  
今之阿瓦都城歷傳三百六十九年有文萊島之民興  
師敗緬後再戰敗而文萊反歸緬乾隆十四年文萊買



西洋火器并募荷蘭葡萄牙各國人協力攻緬陷其都  
逐其王據其國有一小官起義兵百人抗拒既而國民  
雲集盡力恢復後中國兵兩侵其地多病瘴癘退師緬  
人掠其軍以配土女別居新城故今緬地尚有漢人苗  
裔又與暹羅屢交戰奪還全境兵氣益驕後緬遂以兵  
侵印度英人擊退之道光四年國王再侵英之印度界  
時緬已東盟越南服暹羅覬覦印度之富遂傾國而  
來英軍兩年鏖戰于東界不服水土斃者甚眾英終不  
退兵復添新軍水陸并進聲言將擣其國都緬王畏懼

海國圖志

卷十

東南洋

海峽國六

圭

乃求會于南海邊地前時戰費至九百萬兩後彼此息  
兵亦無侵暹羅之事但尙時與英人肇衅道光二十六  
年更立之君亦被其世子廢逐失位。居民各族類共  
約八百萬地分四千六百土司民貪財不善通商貿易  
皆在內河若米若魚鹽運出者若石油白糖蒜紙兒茶  
黃銅金等器其漆器綢緞皆由中國來由以拉瓦的江  
達班摩與雲南通商琥珀寶玉象牙檳榔燕窩等物所  
買者綢緞布匹金箔糖菓紙等貨緬人亦與老掌交易  
老掌族類最樸實山內多寶玉虎象隨時進貢戰亦出

助陣焉。緬都曰阿瓦城瓦垣而竹屋街衢甚廣廟燿  
宮宏居民三萬北極出地自二十一度五十分偏東七  
十六度道光十九年地震安拉補臘爲唐人所居大鎮  
國之舊居也居民三萬蘭雲馬他萬巴心三城皆海口  
蘭雲城與印度貿易產堅木多運出造船每年價銀十  
五萬兩運入者多布匹附近城有大廟高塔愚民隨時  
赴之燒香拜佛用重金鑲塑木像前時之都屬文萊國  
者稱曰破米多古蹟。王操全權辦事不以律國中產  
業隨意奪給有事則征餉納稅無定則王所乘白象以

海國圖志

卷十

東南洋

海峽國六

圭

金鑲殿嵌以寶玉與宮無異履花毯食珍羞人敬象如  
大臣王戶俱會同操權有親政大臣一位輔政官一位  
副理政事通事官一位各部立帥各郡置官有土司調  
司皆世襲無俸祿故勒索爲常  
地里備考曰英吉利在亞悉亞兼攝之地在印度緬甸  
之間者一曰亞桑緯度自北二十五度三十分起至二  
十七度四十五分止經度自東八十八度二十四分起  
至九十三度三十分止東北界西藏西連印度國南接  
阿瓦國長約一千一百餘里寬約五百里烟戶一兆餘



口境內岡嶺絡繹河之長者曰的各隆曰矮斯曰的索也曰登塞里亞田土膾腴穀果豐茂土產金銀銅鐵茶烟蘇花甘蔗胡椒香料材木煤炭等物地氣溼熱技藝精良貿易昌盛首郡名若爾合德昔自為一國今為英吉利所兼攝

阿刺干部在阿瓦國之西長約一千八百里寬約二百里烟戶二兆六億口境內岡陵平原兩相間隔田土肥饒穀果豐稔鳥獸草木靡弗充斥土產金銀鹽蠟象牙等物地氣溼熱技藝參差貿易興隆首郡亦名阿刺干

昔自為一國今為英吉利所兼攝

馬爾達般部東連暹羅國西枕大海南接業地北界北古地統計地面積方約一萬三千五百里烟戶五萬餘口境內岡陵絡繹田土膾厚穀果豐登土產米鹽藍靛蘇花荳蔻烟葉象牙木料等物地氣溫和昔本阿瓦國一部今為英吉利兼攝之地

達威部東接暹羅山西枕海南界巴辰河北連馬爾達般部長一千一百五十里寬一百五十里地面積方約一萬七千里烟戶三萬口境內岡陵延袤田土膏腴穀

果豐稔鳥獸草木靡弗蕃衍土產錫鐵鹽靛象牙燕窩沙藤材木豆蔻香料等物地氣溫和人安物阜其地分為三大部一名業一名達威一名德邦塞靈昔本阿瓦國之部今為英吉利兼攝之地以上皆受東印度榜加刺兵節制

外國史書曰緬甸內英吉利屬地皆緬甸讓出海邊地在緬南北極出地十度及北入度長一百六十里闊十四里海邊別有島嶼居民或荒蕪東界皆山高約至四百丈地亦豐盛蘇蘇堅木可建船屋所出之物如蠟象牙兕角鹿角燕窩海參胡椒檳榔蘇山內出紅鉛錫居民多緬人時英人據其地共計二萬二千四百

山因與暹羅交戰大半荒蕪英人招百姓以保護其地民數頓增民多受泰天流徙至海邊者山內有加連土蠻未向化却喜聽耶穌之教。別有英國所據之地曰馬他班在甘文河間地豐盛北方歸緬甸天氣清爽不苦熱地荒蕪蓋緬甸暹羅兩國戰場也現已平靖而民未與復惟隣國之民及漢人咸遷其地為英人築新城在港曰白安黑其土產木料胡椒蘇花青黛烟象牙



檳榔荳蔻顏色等物多奉耶穌教故事教主。他威部北極出地自十度三十五分及十五度三十分長百一十里關十里沿海東連暹羅廣延皆山高四百丈其海邊多港汊其洲低其島皆石產錫多象牙木油紅木燕窩海參木料檳榔民性愚野奉天主教前緬甸官勒索居民有賞即奪故百姓媮惰今則各安其分又漢人多遷居之每年國所費銀五萬五千兩其護守兵千五百丁水師船三隻。地那悉林部地最窄在海邊南及燕來由地皆密林難通路其島繁多地甚磽瘠產檀香巴

海國圖志

卷十

東南洋 海岸圖六

末

馬油紫梗樹脂乳香南果尤香美在海邊燕窩海參珍珠皆飲之民其民無居處惟浮海面絕不耕田止以海味為食其都會曰墨危英軍士常攻擊此地蓋阿瓦國都特地險瘴惡為負固其瀕海之地則暹羅英吉利常吞并之焉

附入緬路程

見師範

由騰越州城南六十里為囊宋為南甸土司故為府由南甸左行六十里為龍拘樹又五十里為杉木籠山山之險者也又三十里為蠻隴又六十里為隴川土司又

海國圖志

卷十

東南洋 海岸圖六

末

四十里為那中山又一百里為猛卯土司凡四百二十里自南甸右行二十里至沙冲三十里至猛宋五十里至黃陵棚五十里至千崖土司八十里至蓋達土司三十里至太平街又自翁翰三十里至銅壁關凡三百五十里此自騰越州南分左右之里數也自隴川八十里至腊撒土司戶撒在其北四十里自腊撒至鐵壁關八十里由鐵壁而左五十里至蠻等七等里至虎踞關又五十里至南喜三十里至等拐又十里至天馬關此境內南行之里數也至於隴夷之路則有五十一自騰北道四程至茶山界自騰西道八程至里麻界十程抵孟養境十自州南一程至南甸二程至千崖四程蓋達蠻哈山一程由蠻等至猛密五七程至緬甸三千里有奇至南甸二自騰南一程至南甸四程至隴川西南又十程至猛密轉達緬自隴川東道又七程至木那轉達景綏國三自騰東南道二程至蒲窩二程至葶市轉達鎮康舊謂沽臨夷之路皆撫剿所必由惟茶山而西號野人境峭壁不可梯繩弱水難於舟筏而茶山里麻前明設有兩長官司明季時為野人所驅奔入內地今尚有



早土司後裔已為齊民其地閉塞不通久矣至阿瓦之  
道出銅壁鐵壁虎踞三關皆可乘船赴緬惟猛卯出天  
馬關陸路多於水道前用兵時密探其路自天馬關五  
十里而小隘又五十里而蔓布二十里而猛卡四十里  
而蠻空四十五里而猛老四十里而猛勒四十五里而  
蠻黑六十里而猛密土司三十里而布亞七十里而章  
谷洞三十里而尼孤凡五百九十五里然後下船兩日  
即抵阿瓦歷彥得上漿診直埂至阿瓦約三百里計天  
馬關至阿瓦水陸兼行不過九百里耳而明將軍征緬

東南洋 海國圖志

由木邦出天生橋取宋寨其地散漫小徑叢出深入無  
繼必至潰散傳經略由萬仞關四十里歷猛弄蠻埋止  
丹來曼南蓋河又三十里出夏鳩渡河十里蠻乃三十  
里蠻報又三十里麻里而至猛拱百五十里南烏頗三  
十五里沙河三十里深溝又六十里而至孟養其地至  
阿瓦甚遠且路徑不熟炎天瘴盛因回師而駐老官屯  
其路則出鐵壁關五十里而至猛卡又五十里而至榜  
木又十里而至洗帕河歷猛允猛映而至新街趙宏榜  
所敗積處也南行即為老官屯臨大金沙江賊分扼江

之東西我軍偪其東寨而駐故造船之議謂元人征緬  
以此取勝也要在熟悉地勢多集兵力出其不意耳緬  
人善於操舟舟之頭尾多置西洋大礮旋轉如飛趙宏  
榜新街之敗為其礮所擊潰又提督常青言二十四年  
駐兵江岸時月夜見江中出數象象背載十人逆流起  
伏甚捷水中用象載兵古所未聞并誌之以諗知兵者  
附大金沙江考

海國圖志 東南洋 海國圖志

楚克喀巴布山會諸水東流二千五百餘里入中藏復  
會木倫江東南流千二百餘里經中藏之南界過緬甸  
之阿瓦都城轉西南流至東印度會恒河注南海其源  
流皆不入雲南境滇人謂之大金沙江對岷江所會之  
小金沙江而言小金沙江入東海大金沙由緬甸入南  
海故黃貞元謂此即禹貢之黑水其說曰大金沙江瀾  
滌三水雖同出吐番同入南海然大小遠近迥殊瀾四  
倍于瀾大金沙十倍於瀾瀾所出源近而狹大金沙  
江上源相傳近于蘭岡自里麻茶山至孟養極北號赤



髮野人境峭壁不可梯繩弱水不任舟楫土人惟遠見  
川外隱隱有人馬形皆生番之域也今姑畧其源惟自  
經流支流入海可見者言之水流至孟養陸阻地合大  
居江橫榔江二水方名大金沙江蓋以別麗江北勝武  
定馬湖之小金沙江耳自此南流至猛掌有一江西來  
入之又南下經蠻莫有大盈江自騰越經鎮夷南甸干  
崖爰展西茶山古湧諸水伏流南牙山麓出蠻莫來入  
之又經蠻法魯勒孟拱遮龍管屯大小昌蒲峽至戛撤  
昔年緬人攻孟養以船運餉到戛撤爲孟養所敗者此

海國圖志 卷十 東南洋 海岸國六 十一

江也正統中蔣雄率兵追思機法爲緬人所壓殺於江  
中亦此江也江自蠻莫以上山聳水陡正統中郭登自  
貢章順流不十日至緬甸者亦此江也下流經温板有  
龍川江自騰越經界尾高黎其山隴川猛乃猛密所部  
來入之下流又經猛吉準古温板猛戛馬達刺至江頭  
江中有大山極秀聳山有大寺又有一江自猛辨洗戛  
母南來入之又經止即龍大馬革底馬撤躡馬入南海  
其江自蠻莫以下地勢平衍澗可十五里有奇益南江  
益寬流益緩緬人操舟如涉平地至是江海之水清爲

一色矣按此說所指大金沙江其上流即今雅魯藏布  
江在西南荒徼外其下流又逕緬甸始終不入雲南去  
禹貢雍梁二州甚遠因難指爲禹跡所導之黑水然此  
江中段則爲緬甸與東印度分界下游則金沙江會岡  
噶江全由東印度入海岡噶江即佛經之恒河其與金  
沙江會以後謂之安日得河又曰安治市河故坤輿全  
圖無大金沙江蓋統歸于安日得河也英夷所繪大清  
國圖有雅魯藏布江會恒河入海所繪印度圖則有蒲  
蘭蒲達江自東而西會激治斯河入海即大金沙江西

海國圖志 卷十 東南洋 海岸國六 十一

會恒河之異名蓋圖中國則用中國之名圖外國則用  
外國名也榜葛刺跨恒河之東西兩岸惟以東距大金  
沙江與緬甸廓喀等國分界英吉利會攻印度乘舟溯  
流直向阿瓦而澳夷新聞錄中又嘗恐中國兵假道緬  
甸攻東印度皆以此江下游直抵孟加臘之故一統志  
謂其西南流入厄訥特珂國亦指其下游入東印度之  
恒河而言第語之不詳故于坤輿圖說之安日得河欲  
指爲恒河則無大金沙指爲大金沙則無恒河不知二  
大水下游滙合爲一也大金沙江未會安日得河以前其



東岸為緬甸西岸為廓爾喀諸國及會安日得河以後  
東南岸下游為英夷所奪緬地西南岸為榜葛刺蓋古  
里地介金沙江及恒河之間而榜葛刺則在恒河入海  
口岸皆東印度境其緬甸雲南間尚有南掌胡廬景線  
景邁等國皆入貢中朝以非濱海不入是志

魏源曰乾隆三十四年緬甸老官屯之役賊樹柵固守  
官兵鏖戰彌月堅不可拔即四洲志所謂緬甸兵法專  
以大木立柵自環為不可敗有時英吉利兵亦為所遏  
蓋緬甸南瀕海嘗與英夷之印度交兵故英夷知其長

海國圖志 卷十 東南洋 海岸圖六 幸

技也又考劉健庭開錄順治十八年二月李定國自文  
選攻緬於阿瓦阿瓦城甚高大城外二江大曰蘭鳩小  
曰南葛臘環城三面皆水惟一面通陸自白文選師旋  
後並鑿之引水為湖留堤三道置木城其上距城四里  
定國遣人索永歷不應而于木城之外更立木城出兵  
守之有間木城前復立一城步步前進既偏定國營始  
出兵大戰前隊皆象中有花象善突陣為羣象先定國  
視戰地當象來處有石橋自持長刃迎待象鼻卷刃立  
斷負痛及奔羣象皆奔文選定國鼓噪乘之斬其大將

邊牙猱殺其兵萬緬收餘兵保柵固守此即樹柵自固  
步步為營之證其失在於出柵野戰反以象陣自挫前  
鋒故為白李所敗惟敗後而木柵尚存退可以守故阿  
瓦終不得破所謂善戰者不敗善敗者不亡也明瑞哈  
國興皆嘗登山俯瞰破其一二柵而十餘柵皆潰及老  
官屯之役賊懲前失先據高立柵又固守不出戰我兵  
百計攻之終不能拔是緬兵短於野戰長於憑柵具徵  
四洲志所言之不妄故上兵之紀律敵莫能禦中兵之  
紀律敵莫能侮觀於緬柵之足拒夷兵而知我之所以  
守觀於安南札船之足懼夷艇則知我之所以攻

海國圖志 卷十 東南洋 海岸圖六 幸



海國圖志目錄

東南洋海島各國

卷之十一

呂宋夷所屬島

卷之十二

荷蘭夷所屬波羅 瓜 大島

英荷布路三夷分屬地間等島

卷之十三

英荷二夷所屬葛留巴島

海國圖志目錄

卷之十四

葛留巴所屬島

卷之十五

英荷二夷所屬亞齊及三佛齊島

荷佛二夷所屬美洛居島

卷之十六

英夷所屬新阿蘭島

卷之十七

日本島

卷之十八

附東南洋諸島形勢

附東南洋鐵路

海國圖志目錄

二



海國圖志卷十一

東南洋 海島之國 原

邵陽魏源輯

呂宋夷所屬島一 原名蠻里刺魯明 季改名小呂宋

明史呂宋島居南海中去漳州甚近洪武五年正月使使借瑣里諸國來貢永樂三年十月遣官齎詔撫諭其國八年與馮嘉施蘭入貢自後久不至萬歷四年官軍追海寇林道乾至其國國人助討有功復朝貢時佛郎機強與呂宋互市源案呂宋島本名蠻里喇明季為西呂宋蓋對其本國而稱之猶瓜哇島之稱改新荷蘭也明史誤以呂宋為此島本名因妄謂呂宋島藏於佛郎機

海國圖志

卷十一

東南洋 海島國

十一

機誤甚至今此信尚有呂宋鎮守之兵無佛郎機之兵久之見其國弱可取乃奉厚賄遺王乞地如牛皮大建屋以居王不虞其詐而許之其人乃裂牛皮聯屬至數百丈圍呂宋地乞如約云圖蠻里喇地乞如約王大駭然業已許諾無可奈何遂聽之而稍徵其稅如國法其人既得地即營室築城列火器設守禦具為窺伺計已竟乘其無備襲殺其王逐其人民而據其國名仍呂宋寶佛郎機也案當云改名呂宋其也先是閩人以其地近且饒富商販者至數萬人往往久居不返至長子孫佛郎機既奪其國案以後佛郎機字均當作呂宋

其王遣一僧來鎖慮華人為變多逐之歸雷者悉被其侵奪萬歷二十一年八月雷即雷傲裏係勝侵美洛居役華人二百五十助戰有潘和五者為其哨官蠻人日酣臥而令華人操舟稍怠輒鞭打有至死者和五日叛死差死等死耳否亦且戰死易若刺殺此僧以救死勝則揚帆歸不勝而見縛死未晚也眾然之乃夜刺殺其酋持酋首大呼諸蠻驚起不知所為悉被刃或落水死和五等盡取其金寶甲仗駕舟以歸失路之安南為其國人所掠惟郭惟太等三十二人附他舟獲返時曾子

海國圖志

卷十一

東南洋 海島國

十一

郎雷猶吝駐朔霧聞之率眾馳至遣僧陳父宛乞還其戰艦金寶戮仇人以償父命巡撫許爭遠聞於朝檄兩廣督撫以禮遣僧置惟太於理和五竟畱安南不敢返初曾之被戮也其部下居呂宋者盡逐華人於城外毀其廬及猫吝歸即令城外築室以居會有傳日本來寇者猫吝懼交通為患復議驅逐而爭遠適遣人招還蠻及給行糧遣之然華商嗜利趨死不顧久之復成聚其時礦稅使者四出奸宄蠱起言利有聞應龍張巖者言呂宋機易山素產金銀採之歲可得金十萬兩銀三十



萬兩萬曆三十年七月詣闕奏聞帝即納之命下舉朝駭異言官金忠士曹於汴朱吾弼等連章力爭皆不聽事下福建守臣迫於朝命乃遣海澄王時和百戶于一成偕疑往勘呂宋人聞之大駭華人流寓者謂之日天朝無他意特奸徒橫生事端今遣使者按驗俾奸徒自窮便於還報耳其會意稍解命諸僧散花道旁若敬朝使而盛陳兵衛迓之時和等入會為置宴問曰天朝欲遣人開山山各有主安得開管中華有山可容我國開耶且言樹生金豆是何樹所生時和不能對數視疑疑

海國圖志

卷十一

東南洋 海島國一

三

日此地皆金何必問豆所自其上下皆大笑留疑欲殺之諸華人共解乃獲釋歸時和還任即病悸死守臣以聞請治疑妄言罪事已止矣而呂宋人終自疑請天朝將襲取其國諸流寓者為內應潛謀殺之明年聲言發兵侵旁國厚價市鐵器華人資利盡出而驚之於是家無寸鐵會乃下令錄華人姓名分三百人為一院入即殲之事稍露華人乃羣走萊園會發兵攻眾無兵仗死無算奔大崙山蠻人復來攻眾殊死鬪蠻兵少挫會旋悔遣使議和眾疑其偽撲殺之會大怒欲入城設伏

城旁眾饑甚悉下山攻城伏發眾大敗先復死者二萬五千人會尋出令諸所掠華人賞悉封識貯庫移書閩中守臣言華人將謀亂不得已先之請令死者家屬往取其孥與賄巡撫徐學聚等亟告變於朝京師驚悼下法司議奸徒罪萬曆三十二年十二月議上帝日疑等欺誑朝廷生費海外致二萬商民盡膏鋒刃損威辱國死有餘辜即梟首傳示海上并移檄呂宋數以擅殺罪令送死者妻子歸竟不能也其後華人復稍稍往而蠻人利中國互易亦不拒久之復成聚時佛即機已并滿

海國圖志

卷十一

東南洋 海島國一

四

刺加益以呂宋勢愈強橫行海外遂聚廣東香山澳築城以居與民互市而患復中於粵矣

明史沙瑤與喃囉囉連壤皆與呂宋近男女蓄髮推結男子用屨女子跣足以板為城豎木覆茅為室崇釋教多建禮拜寺男女之禁甚嚴盜不問大小輒論死孕婦將產以水灌之且以水滌其子置水中生而與水習矣物產甚薄華人商其地所攜僅磁器銅釜之類重者至布而止後佛即機據呂宋多侵奪鄰境惟二國號令不能及

皇朝通考四裔門呂宋居南海中在臺灣鳳山沙馬崎東南本朝崇禎中呂宋遣使進貢於明使臣雷聞未還順治三年福建平守臣送其使入都匹年六月造



歸本國康熙五十六年以呂宋等國口岸多聚漢人禁止商船往南洋貿易雍正五年後通市如故十三年正月呂宋以麥收歉薄附洋船載穀二千石銀二千兩海參七百筋來廈門欲易麥二三千石時提臣王羣以例禁五穀出洋奏請 詔曰國家嚴禁五穀出洋者乃杜奸商匪類暗生事端若各國米糧缺少隨時奏聞朕尙酌量豐餘以濟之今載穀易麥更近情理著均平糶糴以濟其用

又曰千絲臘在西北海中與英吉利相近風俗與英吉利同其國王姓名傳國世次無考每歲駕夾板船來廣東互市據呂宋速巫等處爲貿易之處千絲臘國常分遣小王鎮守呂宋云考佛郎機在明時既據呂宋今千絲臘亦分守呂宋蓋舊國已空島夷互踞難以實稽

也源案千絲臘即太呂宋之屬國明時佛郎機亦無襲取呂宋島之事此沿明史之誤

漳州黃可垂呂宋紀畧曰呂宋島爲千絲臘屬國千絲臘者西洋番國各也與和蘭勃蘭西紅毛相鼎峙俗呼爲宋仔又曰實班牙一作是班牙閩廣中所用銀餅尙其國主之貌而鑄者也海之東南數千里外即呂宋島

焉東界萬蘭潤仔低大海西界閩廣大海南界蘇祿大南北界萬水朝東大海計其地三千里有奇南北東西相去各千餘里與海相距亦數千里形勢負東臨西內外中三湖各廣三百餘里土番戶口不下數萬餘金珠玳瑁冰片燕窩海參烏紅木魚鹽之利甲於海外前明時千絲臘據其國建龜豆城於外湖西海之濱鎮庚逸嶼於城之西左角以控制遐邇土風最重番僧設巴禮院行禮拜之教巴禮者番僧也以濂水爲令將晝作夜院各擊鐘以定時子午爲中天初點未亥各十二點重

高聳不祀先祖所奉之神惟吡氏而已尤可怪者巴禮爲人改罪人俱以爲榮濂水者以巴禮王之尸煎爲膏脂有教父掌之將奉教之時令人自誓其身爲吡氏所出誓畢巴禮將尸水滴其頭故曰濂水有女尼院專司財賄以供國用其院封鎖極嚴男子絕跡威望甚尊千絲臘所造甲板船極大帆檣甚固鎗礮畢備洋寇不得近往來呂宋間皆用量天尺照水鏡淺石沉礁無不洞悉其法更妙於指南車華人之客呂宋者恒樂其舟楫之利而喜其制度之巧焉其甲板船來呂宋計程行三



月迨其船回本國水性不同行須五月華人貿易往來相安數百年矣 國朝乾隆年間西北海之紅毛英圭黎番猝造甲板船十餘直逼呂宋欲踞其地化人巴禮願納幣請解英圭黎遂返余因經商呂宋爰紀其畧 陳倫炯海國聞見錄曰東南諸洋自臺灣而南臺灣居辰巽方北自雞籠山至南沙馬崎延袤二千八百里與福興泉漳對峙隔澎湖水程四更隔廈門水程十有一更西面一帶沃野東面俯臨大海崇禎間爲紅毛荷蘭人所據鄭成功奪之康熙二十二年鄭克塽歸順方入

海國圖志

卷十一

東南洋 海島國一

七

許居住經商惟守一隅四方分定不許越界地原係土番今爲呂宋據轄爲東南洋貿易最盛之地因大西洋干絲鵬是班亞番舶所聚立教寺建城池聚夷族漢人娶番婦者必入其教禮天主堂晨鳴鐘爲日方許開市午鳴鐘爲夜闔市不敢往來昏鳴鐘爲日燈燭輝煌如晝營生夜半鳴鐘爲夜以開市肆晝夜各以三時辰爲日爲夜傍午捉夜禁闔地皆鬼市 謝清高海錄小呂宋島本名蠻里喇在蘇祿尖筆闌之北亦海中大島也周圍數千里今爲西洋呂宋國所轄

海國圖志

卷十一

東南洋 海島國一

八

版圖惟呂宋島至今爲西洋人所據其島在鳳山沙馬崎之東南居巽方距廈門水程七十二更北面高山一帶連視若踞齒俗名宰牛坑山有土番屬於呂宋與沙馬崎西北東南遠拱中有數島惟一島與臺灣稍近者名曰紅頭嶼有土番居住無舟楫往來語言不通食薯芋海族之類產沙金臺灣曾有舟到其處呂宋大山北從宰牛坑延繞東南昔爲大西洋干絲鵬是班亞所據是班亞國亦名呂宋國故以名此島地宜粟米長者五六分漳泉人耕種營運者甚盛年輸丁票銀五六金方



在萬山東故呼為東沙往呂宋蘇祿者所必經其沙有二一東一西中有小港可以通行西沙稍高然浮於水面者亦僅有丈許故海船至此遇風雨往往迷離至於破壞凡往潮閩江浙天津各船亦往往被風至此泊入港內可以避風掘井西沙亦可得水沙之正南是為石塘

萬國地理全圖集曰小呂宋島在中國東南北極出地自十二度至十九度偏東自一百二十四度至一百二十八度長一千二百里闊三百四十五里居民六十萬

海國圖志卷十一 東南洋 海島國一 九

其內地甚高樹林稠叢有火山往往地震出白糖棉花麻加非煙柯椰子即外國人等所用烹為飲也泉州人年年駕船至呂宋港稱為馬尼刺古時未屬是班牙國土蠻居之山內黑面之族鬚髮服樹皮棲茅屋土雖膏腴卻憚勞甯餓死不工作明永樂間國王遣臣進貢往往招漢人來居其國隆慶四年是班牙兵船取其地為本國之藩屬開墾勤勞與澳門英吉利亞默利加各國通商馬尼刺城晨時鳴鐘為日方許開市肆經營午亦鳴鐘夜時闔市其風俗與澳門西洋差不多父母已

聘僧沒婚姻世務亦是僧所料理人死貯以布囊富者納資較多寡埋堂上基內貧者埋牆外三年一清棄骸骨於深澗其民大半奉天主教餘尙固執已見不肯曰化其僧理其內地如官憲且百姓拜之如菩薩然

謝占王曰寧波海商道光六年江蘇海運出力保奏巡檢呂宋距關最近其疏

濟海口之法中國似可仿行蓋二十年前呂宋內河入海之雞峙口洋面計長三百六十里闊二百餘里因內河流沙入海口門淤淺舟行阻滯而汪洋一望難從水底施工會英吉利番船至彼不能進口英吉利人固多

海國圖志卷十一 東南洋 海島國一 十

巧技精於樞紐轉旋之法遂置轉盤器具設法疏濬縱橫數百里淺沙不半年悉皆通暢從此大船揚帆直入均無阻礙其法皆借轉輪之力以代人工所用器具以長方式船若干隻自船腰以至船頭分開兩叉如凹叉中橫插車盤一如水車式車邊離水底數寸深淺仍可伸縮船面橫眠轉輪一道若干人踏之使車盤轉動再用大播箕一可裝土數千觔箕底設車輪兩道箕口鑲鐵如耕田之犁再用兩鐵索長數丈一頭繫於車盤一頭縛於箕口車轉輪動則播箕拉近船邊鐵犁耕過則



沙土捲入箕內面上別設鶯架車起播箕將沙傾入小船刺往他處其船四面拋定錨纜不令移動專在中洪逐節挑深使河溜奔激中洪自能逐漸深闊既省人力又易成功此某昔游閩中與呂宋舵工交好覽其所記海道鐵譜內附此法惜未目覩一切器具為恨近在天津偶與海船舵工談及方知有鎮海王思高者昔為呂宋舵工今因年老退歸曾親見此項工程言之尤備近聞南河舊有混江龍鐵籠箕用以疏刷河底迄今用之不效其故由於黃河屢次決口分洩河流溜緩沙停以

海國圖志

卷十一

東南洋 海島國一

七

致海口河身一例平坦河面尚有溜勢河底卻同平水雖用鐵籠箕挑刷無奈隨刷隨停非如昔年河身高下懸殊溜勢徹底奔騰河底積沙稍為挑動即能挾溜遠行也因憶昔年航海常遇泊船錨纜並無風浪忽然移動舟人亦不解其故今始悟及海口潮溜小則面溜底平大潮則徹底奔流要知錨齒插入沙中則錨柄錨纜皆能布水下趨沖開海底泥沙無怪錨齒露出因而移動勢使然也竊復進而思之方今河底溜勢平緩不能挾沙入海可否即仿布水冲沙之意用船千數隻舵尾

皆掛一披木板兩邊再加鑲板闊數尺長數丈以外洋

硬木為之加以石墜使一頭沉入水中其式如削瓜之

鑲其板下置車輪一道使板離水一二尺輪在河底轉

動水從板下布出涯沖河底再掛鐵籠箕於船腰且籠

且沖自下而上逐節疏通船隻眾多乘風而上順流而

下使河底沙水刻不停緩冀可挾沙入海或亦節省人

工之一法歟布水冲沙之法如果試有成效可至浙江

甯台兩府雇募釣船一二千隻航海入淮其船尖頭闊

尾河海並行善於掉舵但非頂頭逆風稍得傍風便能

海國圖志

卷十一

東南洋 海島國一

七

逆流而上乘春夏東南風順利大小統計每船五人足以應用每日給與工食並船價銀二兩之數所費尙屬有限事非經驗不敢自信惟值當事大人念切河漕不揣鄙陋謹述所聞參以臆見用備芻採源案此說疏濬海口法專在中洪逐節潛深使河流奔激中洪自能逐漸深闊蓋先仿河工混江龍鐵掃帚之法以引水歸槽繼即用對堤個溜之意以水力攻沙非全恃船輪人力即能浚深數百里海口于半載之中也其船四面拋定錨纜不令移動亦非梭船來往棧線之謂

貿易通志曰西班牙所據之新地為呂宋島近閩粵產

米及白糖椰油珈琲麻煙等道光十二年甲板船百三



十六隻入口出口貨各百三四十萬員居民二百餘萬  
納稅甚重然商賈趨之如鶩也其餘南海各洲若蘇萊  
西若丁葛盧若彭亨各為番君所自治者稅餉皆苛故  
貿易不盛

地理備考曰呂宋島原名非里比納斯又名桑拉薩羅  
在南洋之西緯度自北五度起至二十度止經度自東  
一百十四度起至一百二十五度止統計千島大者名  
曰呂宋其明達撓蘇錄巴拉灣等則次之岡陵嶺我火  
山紛繁地震時作地氣炎熱飄風暴雨不時交作田土  
海國圖志 卷十一 東南洋 海島圖一

極腴穀果最豐叢林稠密木多上品土產金鐵鉛麻水  
銀硫磺朱砂寶石甘蔗桂皮加非胡椒等物各種禽獸  
麀弗蕃衍島列四名一名非里比納斯一名明達撓一  
名蘇錄一名巴拉灣序列於左 一非里比納斯內島  
紛繁呂宋乃其大者也長約一千四百里寬約四百里  
境土兩屬一屬大呂宋國兼攝一自設會長管轄其屬  
大呂宋兼攝者十有五部曰敦多部首郡名馬尼辣人  
烟稠密五方輻輳泊所穩闊帆檣如林曰加維德首郡  
亦名加維德曰瓦稜加斯首郡亦名瓦稜加斯曰不拉

千首郡亦名不拉干曰拉古納首郡名巴薩尼亞斯曰  
巴當阿首郡亦名巴當阿曰達亞巴首郡亦名達亞巴  
曰邦邦阿首郡波哥羅爾曰桑巴勒首郡名黎昆曰邦  
加西囊首郡名靈加言曰義羅各斯首郡名維安曰加  
加言首郡名義拉安曰新厄西首郡名巴勒爾德曰  
加馬里內斯首郡名那加曰阿爾白首郡亦名阿爾白  
其自設會長管轄者東方海濱暨島中一帶地方皆各  
立會長管理其桑馬爾島外屬大呂宋國兼攝中屬會  
長管轄其勒德島西方海濱屬大呂宋國兼攝餘皆會  
海國圖志 卷十一 東南洋 海島圖 南

長管屬曰塞布曰波和皆屬大呂宋國兼攝曰內哥羅斯  
其海濱係大呂宋國兼攝餘皆會長管轄曰巴乃其海  
濱係大呂宋國兼攝內地為會長管轄曰加拉米亞那  
屬大呂宋國兼攝曰明多羅大呂宋國兼攝無幾會長  
管轄居多 一明達撓島又名馬仁達撓長約一千里  
寬約五百里迴環約二千八百里地分三屬一屬大呂  
宋國兼攝一屬明達撓王統轄一係會長自為管屬其  
屬大呂宋國者分為三部首郡曰桑波昂安在西南方  
曰迷羅米斯在北海濱曰加拉加在東海濱其屬明達



撓王者境土廣闊首郡名塞蘭安建於北蘭日河濱乃

本國都也其會長管屬者在西方內設三十三會各霸

一方互相結盟一蘇錄島小島紛繁大者有三日蘇

錄日達維日巴黎蘭皆屬蘇錄王統攝首郡名北鸞乃

國都也土人多務劫掠海面尤為滋擾一巴拉鸞島

又名巴拉瓜長約九百五十里寬約一百二十里內地

土人自理海濱大半為蘇錄王兼攝東北海濱為大呂

宋國兼攝

萬國地理全圖集曰南海各島北極出自十二度至南

極十度偏東自八十五度至一百三十五度各出南地

物產天氣雖熱然海風常吹霖雨時沛草木暢茂四時

之景各極其佳又曰南海各小島在小呂宋之南者

有撒馬島馬鄰得島把刺灣島泥鄂巴島尼末巴地島

西武島馬涅島邦閱島多羅來地島天氣物產與呂宋

不異大半歸是班牙所轄居民共計二百二十四萬丁

又曰小呂宋西蘇錄羣島雖小而物產甚多出珍珠

玳瑁蘇木荳蔻鸚鵡降香藤福建廈門船屢赴其島互

市居民為海賊肆行劫掠與呂宋兵船交戰獲勝人戶

海國圖志 卷十一 東南洋 海島一 七

繁多五穀不足必買運別處

外國史畧曰小呂宋各島在中國之東南廣袤方圓四

千七百里居民六百萬丁其島嶼洲甚多延自北極出

五度及二十度多雨有火山常地震而土則豐盛出米

烟糖加非哥甚盛米穀有餘皆運售中國有大樹可

為梳又出蠟密糖好馬野牛其土人體矮語音風俗各

殊百姓順長敬尊然素性詭詐販賣人口為奴今多歸

天主教固守禮儀其奉回教者以海盜為業山內則

皆黑面人未向化以草果為食明朝時島君入貢中國

自明以來多福建泉州人每年商船大集亦多遭壞其

羣島曰閱他邦島撒馬島米地島巴尼島西布島閱多

羅島其最大者惟呂宋為是班亞國兵所駐於明嘉靖

三十九年是班亞船始到此島隆慶二年調師船往據

其地其土人多不服及今日尚有島不屬所轄者是班

亞既與中國日本開通商之路貿易歲倍唐人來不勝

數釀成巨衅為是班亞所誘戮者幾萬人乃立法律惟

准商賈居住船回商亦回惟入天主教始准任意居住

焉更兼管束其貿易禁例煩擾惟泉州船恒時來往乾

海國圖志 卷十一 東南洋 海島一 七



隆二十六年是班亞國與英人戰英人將奪其地計以重賂始退兵焉然其銀今日尙拖欠也後與亞默利加通商每年二三巨艦裝十五萬石價值約千二百萬員由亞默利加所運出者多銀條或中途與他國交戰而失其船則所損重矣嘉慶年間亞默利加藩屬地自立爲國不受是班管轄廣開港口所獲利漸微乃復調兵帥以代治其島會同土人護守之每年國帑所收銀百五十萬員所運入之貨約銀五百十五萬七千餘員所運出者約銀百四十三萬六千員其土產每年益增准

海國圖志

卷十一

東南洋

海島四

七

外國任意往來不復禁止故通商愈興旺惟國帑久空所收稅務未足償還本國欠項也○其都在呂宋島曰馬尼臘內多禮拜堂教師甚盛○臺灣呂宋之中間尙有數島屬是班亞國者其居民不多出糧食與他國不往來惟有遭風船到彼尙蒙接濟其難民焉

瀛環志畧曰近年諸番來粵東者多聚於馬尼刺米利堅佛郎西遣會來通市其船皆會集於此蓋其地爲七洲洋之東岸轉舵北行即入長沙頭門而抵粵東諸番倚爲東道之逆旅薪水糗糧皆取辦於此故近來小呂

宋之繁盛爲南洋諸島之最

又黃毅軒呂宋紀畧云乾隆年間西北海之英黎即英吉利猝造甲板船十餘直溯呂宋欲踞其地化人巴禮納幣請解英黎乃返余按化人巴禮即天主教之師泰西人皆奉天主教每用其人以解紛然英人之遽肯收兵亦非信巴禮之說也西班牙之有呂宋已二二百年不特市舶流通資爲外府而國勢之所託儼然東西兩境若爲英人所奪則干絲臘亡其半矣彼即中衰究係西洋大國命脈所關勢且背城借一英國雖強豈遽能滅此

海國圖志

卷十一

東南洋

海島四

六

朝食割土於重譯之外延敵於門闕之間非計也故呂宋之不可奪英人亦明知之特脅之以威力待其哀請而罷兵使之畏我德我不敢抗我顏行然後我之市舶東來即以彼土爲東道主而彼不敢斬馘羅巴之已奪而復還亦同此意皆形勢之顯然可見者

呂宋羣島之西南婆羅洲之東北有小國曰蘇祿接連三島俱渺小而戶口頗繁本巫來由番族悍勇善鬪民多習爲海盜西班牙既據呂宋欲以蘇祿爲屬國蘇祿不從西人以兵攻之反爲所敗其海產明珠玳瑁山



產蘇木荳蔻降香藤條又產鸚鵡戶口繁多地磽瘠食  
不足糴於別島廈門商船時由呂宋往貿易由厦至蘇  
祿水程一百一十更海國聞見錄謂蘇祿與吉里間文  
萊其一土係屬錯誤今更正之

海國圖志

卷十一

東南洋

海島國一

九

海國圖志卷十二

東南洋海島之國  
原無今補

荷蘭所屬安南  
附載此內原本無今補大島

萬國地理全圖集曰婆羅島北極出地自五度半至南  
極四度半偏東自一百零九度至一百十八度廣袤方  
圓七十八萬七千方里內有廣湖林樹產金沙錫紅鉛  
金鋼石沙藤胡椒蘇木沿海居民乃蕪來由蕪吉等族  
類搭草寮土蠻食人之肉若要娶女預先埋伏私殺鄰  
鄉人等將首獻新婦而後行房各鄉里常互相抱恨報

海國圖志

卷十二

東南洋

海島國一

一

仇雖此等狠心卻與外國交接溫良也漢人自古以來  
與此洲交易嘉應州人進山開礦穿山開道自立國家  
擇其長者稱為公司限一年二年辦國政每年廣州  
潮州船數隻到港開行貿易其西邊則荷蘭國人開港  
口在三入本田萬執馬生等處但因島之大半曠野並  
無田畝海賊劫掠生意微矣

西里百島在婆羅東沿海港以形勢古怪北極出地自  
一度四十分至南極五度三十分偏東自一百十九度  
至一百二十五度廣袤方圓二十二萬五千方里產珈



玕蘇木燕窩海參瑋玳等貨其居民勤勞織布賦解四方其名稱曰蕪吉曰蕪來由常帶短刀猛心報仇內地惟務耕田不肯出外此地國君不自主待居民集會公舉為王荷蘭國南北開港口南曰馬甲撒北稱馬拏多築礮臺調防兵

巴布亞在西東因內地土蠻無交通之理尙未識此島居民異類不同尙有黑面之人帶有鬃卷頭髮亦有如蕪來由之族狡戾巧詐樹高林叢物產不多其地雖廣未知其形勢道光十三年荷蘭開港而調兵守地自此

海國圖志 卷十二 東南洋 海島國一

以後商船來往不絕

陳倫炯海國聞見錄曰由呂宋正南而視有一大山名息利大山山之東為蘇祿西鄰吉里門又沿西文萊即古婆羅國再繞西朱葛礁喇大山之正南為馬神其山之廣大長短莫能度測山中人跡不到產野獸亦莫能名蘇祿吉里門文萊三國皆從呂宋之南分籌而朱葛礁喇必從粵南之七洲洋過崑崙茶盤向東而至朱葛礁喇一百八十八更馬神亦從七洲洋茶盤葛刺巴而往水程三百四十更廈門由呂宋至蘇祿水程不過一

百一十更共在一山南北遠近相去懸殊矣又隔東海一帶為芒佳瑟夫山由馬神至芒佳瑟水程二十七更復繞而之東即係丁機宜東北係萬老高而蘇祿吉里門文萊朱葛礁喇總名蕪來由繞阿番性喜銅鉦器皿皆銅沿溪箸屋為居俗甚陋身不離刀精於標槍見血即斃以采色布帛成幅衣身經商其地往來乘小舟駁眾持利器相隨產珍珠冰片玳瑁海參燕窩烏木降香海菜藤等類而馬神番尤狡獪紅毛人曾據其港口欲踞其地番畏火礮避入山用毒草浸上流紅毛被毒皆

海國圖志 卷十二 東南洋 海島國二

棄去產鋼鑽胡椒檀香降香料藤豆蔻冰片鉛錫燕窩翠羽海參等類鑽有五色金黑紅者為貴置之暮夜密室光能透徹投之爛泥污中上幔青布其光透出者每棋子大值價十萬餘兩西洋人購為至寶呂宋至吉里門三十九更至文萊四十二更此皆東南洋番國而朱葛礁喇馬神皆非呂宋水程應入南洋各國因同蘇祿文萊南北大山是以彙載東南洋俾覽者識其形勢焉謝清高海錄舌達國疑即古志所稱瓜哇也在尖筆蘭山東南海中別起一大山迤邐東南長數千里十數國



環據之或謂之息利大山此其西北一國也由尖筆蘭東南行順風約二三日可到王居埔頭有荷蘭番鎮守由埔頭買小舟沿西北海順風約一日到山狗灣為粵人貿易耕種之所由此登陸東南行一日入山其山皆產金而息利山金為佳皆古達所轄地

又曰巴薩國一名南巴哇在古達東南沿海順風約日餘可到地不產金中國人居此者唯以耕種為生所轄地有名松柏港者產沙藤極佳亦有荷蘭鎮守

又曰崑甸國在巴薩東南沿海順風約日餘可到海口

海國圖志 卷十一

東南洋 海島國一

四

有荷蘭番鎮守洋船俱灣泊於此由此買小舟入內港行五里許分為南北二河國王都其中由北河東北行約十日至萬喇港口萬喇水自東南來會之又行一日至東萬力其東北數十里為沙喇蠻皆華火淘金之所乾隆中有粵人羅芳伯者貿易於此豪俠善技擊頗得眾心時土番竊發商賈不安芳伯屢率眾平之又鱷魚為害芳伯為壇於海旁陳列犧牲取韓昌黎祭文宣讀而焚之鱷魚遁去華人敬畏尊為客長死而祀之至今血食不衰

又曰萬喇國在崑甸東山中由崑甸北河入萬喇港口舟行八九日可至山多鑽石亦有荷蘭番鎮守

又曰戴燕國在崑甸東南由崑甸南河向東南遡河而進約七八日至雙文肚即戴燕所轄地又行數日至國都乾隆末國王暴亂粵人吳元盛因民怨而殺之國人奉以為主華夷皆取決焉元盛死子幼妻襲其位至今猶存

又曰卸敖國在戴燕東南由戴燕內河逆流而上約七八日可至

海國圖志 卷十一

東南洋 海島國二

五

又曰新當國在卸敖東南由卸敖至此亦由內河行約五六日程聞由此再上將至息力山頂有野人皆鳥首人身云自戴燕至山頂皆產金山愈高金亦愈佳特道遠罕至故其金歲不多得自古達至萬喇連山相屬陸路通行聞粵人流寓淘金沙鑽石及貿易耕種者常有數萬戴燕卸敖新當各國亦有數百人皆任意往來不分疆域唯視本年所居何處則將應納丁口稅餉交該處客長轉輸荷蘭而已其洋船發頭金亦荷蘭征收本國王祇聽荷蘭給發不敢私征客商也華人居此多娶



妻生子傳至數世婦女不知廉恥唯衣服飲食稍學中國云土番皆無來由種類奉回教禮拜誦經約束女子極嚴出海貿易必盡載資財而行妻妾子女在家止少留糧食而已船回則使人告知其家必其妻親到船接引然後回否則以為妻妾棄之即復張帆而去終身不歸矣所穿沙即水幔貧者以布富者則用中國絲綢織為文彩以精細單薄為貴王女不下嫁臣庶唯同族相為婚其民尚利好殺雖國王亦嘗南塘一出王薨則以布束屍棺擇地為園陵以得水為吉不封不樹山中獠

子極盛唯各據一方不敢逾越稍有遷徙輒相殘滅故雖強盛而見無來由荷蘭及中華人皆畏懼不敢與爭恐大兵動無所逃遁也中華人初到彼所娶妻妾皆獠子女其後生齒日繁始自相婚配鮮有妻獠女者矣獠性尤兇暴喜殺得首級則歸懸諸門以多為能各國俱產冰片燕窩沙藤香木胡椒椰子藤席

又曰馬神在崑甸南少東由崑甸沿海順風東南行約二日經戴燕國境又行二三日到此疆域風俗與上畧同土產鑽石金藤席香木豆蔻冰片海參佳紋席猩猩

藤席極佳鑽石即金剛沙產此山者色多白產亞呼里隔者色具五采大者雖黑夜置之密室光能透徹諸番皆寶之一類有值白金十餘萬兩者西洋人得極大者奉為至寶雖竭資購之不惜也小者則以為鑽用治玉容玻璃堅無不破獨畏羚羊角云山中有異獸不知其名狀似猴見人則自掩其面或以沙土自塞

又曰蔣里讀去聲在馬神東南沿海順風約二日可到疆域稍狹風俗土產與鄰國同案此即吉利門也

又曰三巴郎國在蔣里西南少東海道順風約二三日可到疆域頗大閩粵人至此者亦多土產沉香海參沙藤燕窩蜜臘冰片菸以上三國皆無來由種類為荷蘭所轄即在葛喇巴東北

又曰麻黎國在三巴郎東南疆域同三巴郎沿海順風約四五日可到土番名耀亞人多貧窮而甚勤儉風俗淳厚異於無來由男女俱穿彩衣無鈕以繩束之下體不穿褲圍以長幅布男戴帽平頂女人髻盤於左喜採各花以綫穿繫於頸如掛珠狀死則葬於土無棺槨每歲迎神賽會舉國若狂剪紙為儀仗送至水邊盡棄之

海國圖志

卷十二

東南洋 海島國一

木

海國圖志

卷十三

東南洋 海島國二

七



急趨而散不知其何爲也娶妻亦童養夫死不再嫁年  
少者居夫喪亦穿吉服至二十五歲然後鬻髮而居二  
十五歲而後寡者當時即鬻髮既鬻髮出必以布蒙其  
頭衣不加彩有犯奸者事覺則眾人帶至廟中戒飭之  
以水灑其面謂之洗罪與明呀里俗畧同國王居山中  
土產珍珠海參燕窩魚翅沙藤胡椒沉香冰片  
又曰茫加薩在麻黎東南沿海約四五日可到亦耀亞  
種類疆域風俗土產均與麻黎畧同一國俱用中國錢  
歷代制錢俱有存者

海國圖志

卷十二

東南洋 海島國一

八

又曰細利窪在茫加薩東南由海道約行二三日可到  
沿海土番爲無來由種類內山土番爲耀亞種類耀亞  
王所居山名伯數奇風俗各從其類皆歸荷蘭管轄三  
國亦與噶喇巴鄰近其貨物多歸葛刺巴售賣自古達  
至此同據息力大山西南半面而各分港門其港皆口  
西向

又曰文來國在細利窪西北由細利窪東南入小港向  
西北行順風約五六日可至由地問北行順風七八日  
可至幅員甚長中多亂山絕無人居奇禽野獸莫能名

狀也番亦無來由種類喜中國布帛土產燕窩冰片沙  
藤胡椒

又曰蘇祿國在文來北少西舟由文來小港順東南風  
約七八日可至風俗土產與文來同貨物多運往崑甸  
馬神售賣二國同據息力大山東北半面山中絕巘崇  
巖荆棘充塞重以野番占據不容假道故與西南諸國  
陸路不通船由廣東往者出萬山後向東南行經東沙  
過小呂宋及南行即至蘇祿海口由古達往則須向東  
南行至細利窪或亦港轉西北沿山行經文來然後可

海國圖志

卷十二

東南洋 海島國二

九

至其國西北大海多亂石洪濤澎湃故雖與古達比鄰  
舟楫亦不通也

海島逸志曰海上之虹遠者只見其半如常也近者  
竟如環無端矣余初聞之巴人云吉理門之電青而  
不紅余未之信及往馬辰道經吉理門是晚有電果  
不紅而深青其光散漫無條緒東坡云天下奇觀到  
海盡信哉是言也源案往馬辰道經吉理門即海錄  
聞見錄言蘇祿吉利門等國相連確鑿可證吉理門  
在婆羅島而元兵往瓜哇師次吉里門者必非葛留  
瓜哇矣



地理備考曰婆羅島又名文萊在南洋之西緯度自北七度起至南四度二十分止經度自東一百零六度四十分起至一百十六度四十二分止長約二千九百里寬約二千五百里地面積方四十萬里烟戶約三兆餘口重岡叠嶺迤邐延袤火山不一地震時作地氣各殊穀果豐登禽獸蕃衍土產金銅鐵錫鉛鹽鑽石珍珠檀香甘蔗胡椒鮮薑豆蔻丁香棉花樟腦木料等物島中外人罕到迄今尙未詳悉海濱地勢廣闊人烟紛繁通島分而為三二屬荷蘭國兼攝一歸蘇錄王兼攝一不

海國圖志

卷十二

東南洋 海島圖一

廿

受別國管轄其屬荷蘭國兼攝者分為二大部一名西一部內地曰三巴魯白蒙巴瓦白崩的亞那曰蘭達曰登吉曰基那曰馬丹曰洞達瓦安一名東部內地曰哥麻厄曰那不安曰忙達瓦曰大達亞哥曰小達亞哥曰邦日爾曰達那勞此外內地尙有數名曰達打斯曰馬爾達亦拉曰加耶音當曰都古加囊曰都古齊利曰都遜至東北三帶地方仍歸蘇錄王兼攝其通商衝繁之地曰馬盧都曰巴義丹曰阿白曰達拉般其不受別國管轄者數國大者曰婆羅曰巴昔爾曰哥的曰蘇錄曰比

亞如

島之四面小島隨列大者曰那都納曰阿難巴曰加里馬達皆在西方曰索倫波曰不魯勞皆在南方曰馬拉都拉在東方曰加加言又名若羅曰巴耶般皆在北方每月統紀傳曰波羅為諸島之至大長二千二百五十五里闊六百六十里其山內有大湖並多江溝渠沉茫山林其末可造船建屋產物又繁盛胡椒檀香安息香冰片燕窩海參鳥木藤金沙鉛錫窩宅金剛寶石除山內之土蠻食人肉飲人血不守五倫其海濱居民是

海國圖志

卷十二

東南洋 海島圖二

廿

武吉兼馬萊西則漸知教化矣武吉者徧往各國覓利勤勞其馬來西者懶惰惡者為海賊各族各黨各州有其頭目頭目各遵主君之命時相鬪戰九死一生荷蘭已久開新蕃地建炮臺城池南方是馬神西方是阿蘭三城等但只管海邊不及山內廣東幾萬人往此湖之阿蘭地方開金山採金沙因恐土番之狠設族黨頭目如土酋管治其民每年有廣東一二船隻往其洲貿易發財唐人若肯開此大洲之荒地而總統之其利益甚大蓋波羅洲比臺灣山十分更貴不但出白糖米



穀等貨甚足且具各等寶貝如許大地方可養幾百萬  
飢民運出貨物利及國家

每月統紀傳曰近呂宋之蘇錄嶼小有巉巖之嶺其極  
南爲石崎山犀角嶼珠池其土產爲珍珠玳瑁華菱蘇  
木荳蔻鸚鵡降香類因島嶼繞環海內有珍珠商船至  
彼其土番探珠獲小者不計外獲巨珠則聽十倍福建  
人多住生理土番爲回回與婆羅洲芒佳瑟民結友爲  
海賊除非呂宋兵船無人管束之永樂十五年間其國  
王率妻子朝貢中國雍正六年間公使至閩貢獻呂宋

海國圖志

卷十二

東南洋 海島圖二

三

兵帥攻伐其嶼三次不能服之此與婆羅洲中之蘇祿  
地皆蘇祿國王所轄雖不同島而非二國也

每月統紀傳曰芒佳瑟洲之形勢嶇嶇嶮嶮環去繞來  
一帶遠視若鋸齒無數海港內地之山嶺不勝數也其  
山之廣大長短莫能測度亦有火山亦有金山亦有硫  
磺山其產物玳瑁海參燕窩烏木蘇木降香海菜藤類  
丁香荳蔻藤花金等貨山內有樹名烏把葉枝包甚毒  
故土番浸矢致害死敵天氣比廣東更熱其土番有回  
王管之皆回回之教惟在山內有拜太陽之人南方有

五坭國在海濱是土番所管並荷蘭屬轄之地方向北  
名馬那土向南名馬甲無甚土產

外國史畧曰婆羅島最廣之島也北極出地五度及南  
極四度半原名曰古曼坦長三千五百里闊千有百六  
十里其內地未及深入故未能知其底裏惟海濱之埠  
荷蘭人所開者在西北兩海邊蕪萊由民遷此地搭棚  
藏匿海盜者在東邊於布吉開埠貿易其奴卷髮黑面  
皆未向化之族類也古今唐人萃焉廣東嘉應州人最  
多或開肆或采金沙或販錫藤胡椒烏木別有一族專

海國圖志

卷十二

東南洋 海島圖二

三

以漁爲業居民甚罕共計不過四百萬而已內地多高  
山每年掘金沙者二十萬人所掘金沙約十萬兩有餘  
每月一人出金一兩有餘其中漢人自立長領不服他  
國亦有太富建廣屋者亦有務農者內河產金剛鑽石  
及他寶玉一塊價值三十萬兩爲列西國所貴亦產紅  
鉛珍珠海參獸則有象兕豹野豬牛其居民養水牛猪  
等畜山中有冰片桂皮。土蠻之中多蕪萊由族代之  
耕作頗安分但激其性則猛如虎常殺人取首掛之頸  
上以爲號否則無與婚焉各族互爲仇敵惟他抑族力



於耕樸實不詐燕萊由土君駐邑曰埔尼前數年以其所屬地撒拉空給英人英國封之為君教設律例彈邊海盜釋放他押奴可謂賢君矣後嗣無道私殺其善臣英人怒討之且盡力殄滅海盜。荷蘭國之埠共三所南曰班熱馬星西曰三巴曰本地亞納貿易皆不甚大昔時英國人亦於此間開埠後復失之旋復開埠於西北邊拉布安島與中國火輪船往來貿易雖產石炭其嶼尚荒蕪近婆羅島最著名者曰蘇祿洲共六十里北極出六度偏東百二十度以婆羅為東北向與中國通

海國圖志 卷十二 東南洋 海島國二

商亦入貢所居多漢人廣開墾出蠟玳瑁殼雲母殼珍珠每年值銀三萬五千兩海菜桂皮冰片烏木胡椒沙藤香料等貨其土民各異與燕萊由悉崇回回教與附近各島通商此時絕西洋用板船之貿易居民悉海盜為商船害尤與呂宋是班牙國為仇三國調兵船以討之

外國史畧曰西里白島形勢千曲萬環北極出自二度及南極出六度偏東自百二十九度及百二十五度廣袤方圓二千五百五十萬里居民三百萬口多支港內

地溪河四流多灣泊處米穀罕而珈琲豐盛有金沙亦產燕窩海參海菜玳瑁魚翅等貨賣於中國族類不一言語風俗教門亦俱不同最向化者居南方破尼海隅名曰布吉航駛南洋開市貿易設公會其土君各有五爵襄治亦有以妃及女為君者與歐羅巴不通往來亦不遵他國之命皆崇回回教不畏死內外之民稱曰馬加撒多奉耶蘇之教荷蘭國在極南開馬加撒埠廣袤方圓三百七十五里居民約五萬四千口在東北地開默那多口二百五十里運出珈琲每年約數五萬石居

海國圖志 卷十二 東南洋 海島國二 五

民善經營但不敢航海  
瀛環志畧曰由呂宋西南視之有大島居於午位曰婆羅洲一作浮流其島周迴數千里大山亘其中曰息力由東北而西南山之西畔極北曰文萊一作極南曰吉里間一作吉里門又作吉里山之東畔極南曰馬神一作馬與吉里間接壤屬神之北曰新當再北曰卸敖再北曰戴燕再北曰萬喇一作萬瀾又作萬再北曰崑甸再北曰巴薩極北曰古達由古達逾山而西北即文萊界矣曰古達至新當舊皆馬神所屬故諸書統稱馬神而



諸部之名不著山之兩廣莫荒涼其海濤龍壯猛多礁石舟楫不能近岸故土番南惟吉里問北惟文萊餘皆人迹不到之穉墟即兩國亦甚貧多駛船海中爲盜山之東物產墳盈海道通利又產黃金銓石攻鑛之工所萃故丁戶殷盛部落較多諸番巫來由皆種類沿溪築屋爲居身不離刀精於標鎗見血即斃性喜銅鈺器皿皆用銅上衣曰沙郎下衣曰水慢貧者以布富者用中國雜色絲綢裂條縫集爲文采俗從回教七日禮拜不食猪肉巫來由皆從回教回教興於小西洋之亞刺伯故傳染於南洋山中別有獠人

海國圖志 卷十二 東南洋 海島國一 共

性凶頑喜殺然不敢出山肆擾諸部舊多噶羅巴屬國荷蘭船初到此洲入馬神內港欲據其地番畏炮火避入深山以毒草漬水上流荷蘭受毒狼狽去後卒於海濱立捕頭四曰八三即巴曰日本即崑曰萬郎即萬曰馬生即馬繁盛遠遜噶羅巴又海盜時時鈔掠貿易益微息力太山金礦極旺別有銓山產銓石銓石即金剛石俗名金剛鑽有五色金黑紅者爲貴歐羅巴人以爲至寶大如碁子者值數萬金細碎者釘磁之工用之近年粵之嘉應州人入內山開礦屯聚日多遂成土著初

娶黎女爲婦巫來由女不嫁唐人生齒漸繁乃自相婚配近已逾數萬人擇長老爲公司理事謂之客長或一年或二年更易丁口稅銀由客長輪荷蘭洋船發頭金船稅也亦荷蘭徵收番會聽荷蘭給發不敢私徵每歲廣朔一府有數船入港貿易獲利甚厚諸國土產金與銓石之外鉛錫冰片豆蔻胡椒海參燕窩玳瑁翠羽烏木檀香藤條由廈門往文萊取道呂宋往吉里問馬神者取道七洲洋由茶盤轉而東向

余按婆羅洲爲南洋第一六島西洋人稱爲蟠尼阿海國圖志 卷十二 東南洋 海島國一 七

即淳泥之轉音唐高宗總章二年入貢謂之婆羅國宋太宗太平興國年間入貢謂之淳泥國明初入貢又分吉里地閩文萊淳泥等國蓋淳泥爲此島總名宋明之稱淳泥者乃馬神疆域較大力能駕諸部之上故以全島之名爲國名猶大亞齊之獨稱蘇門答臘耳陳寶齋海國見聞錄謂息力大山踞其中外吉里問文萊朱葛焦喇馬神蘇祿五國環而居之今考蘇祿在馬神東方乃海中三小島與此土不連朱葛焦喇別書不見其名惟王柳谷海島逸志云荷蘭所



推甲必丹巴說有大雷珍蘭武直迷朱葛焦諸稱

呼似陳錄所云誤以官名為國名矣又陳錄謂吉里

問在文萊之北與諸書皆不合自是舛誤海島志

巴往馬神道經吉里門日晴電光青而不成條噶羅

巴在馬神之西南往馬神而路經吉里門其在馬神

之西謝清高海錄紀此洲最詳惟歷數諸國俱云某

國在某國東南接之西洋圖地形方向尙有舛誤今

據圖稍更正之荷蘭人於南洋各島遍設埔頭諸番

皆奉命惟謹馬神獨能毒流退師可云錚佼佼卒為

西人所制番族固無遠謀也息力大山夙稱金穴近

年粵東流寓幾於成邑成都倘有虬髯其人者創定

而壅拓之亦海外之一奇歟

又按由廈門放海首小呂宋次琉球西則蘇祿又南

文萊馬辰等又西南則婆羅大洲又西南則大小瓜

哇又西南則蘇門答臘亞齊等已繞出西人新嘉坡

之西而近印度之錫蘭山矣倘因諸華人流寓島上

者舉其雄桀任以干城沈思密謀取醜夷聚而戮旃

因以漳泉惠潮嘉人為流官雄長其土破除陳例歸

於簡要自辟僚屬畧等藩鎮庶足為南服鎖鑰與

海國圖志 卷三 東南洋 海島一 六

婆羅瓜哇大島各國沿革考

婆羅國新唐書赤土西南入海得婆羅律章二年其王  
遣使者與環王使來朝○明史婆羅又名文萊東洋盡  
處南洋所自起也唐時有婆羅國高宗時常入貢永樂  
三年遣使者齎書稱其王四年其國東西二  
王入貢其地有山海崇釋教惡殺喜施禁食豕肉王薨  
葬金縷巾佩雙劍出入徒步從者二百餘人有禮拜  
寺每祭用儀獻貢珠瑪瑙車渠珠白焦花布焦布降  
真香黃蠟黑小斯萬歷時為王者闕人也或言鄭和使  
婆羅有閩人從之因留居其地其後人竟據其地而王  
之邱旁有中國碑王有金印一篆文上作獸形言承樂  
朝所賜民間嫁娶必請此印印背上以爲榮後佛即樓  
橫舉兵來擊王率國人走入山谷中放藥水流山毒殺  
其人無餘王得返國佛即樓遂犯呂宋  
浮泥國宋史浮泥在西南大海中去閩婆四十五日程  
去三佛齊四日程去占城三十日程所統十四州前  
代不通中國宋太平興國中始遣使入貢其國以板爲

海國圖志 卷三 東南洋 海島一 七

城王所居屋覆以貝多葉民舍覆以草王坐繩床出即  
大布單坐其上眾昇之名曰阮囊戰鬪者則持刀披甲  
甲以銅鑄狀若大筒穿之於身護其腹背其國鄰底門  
國有藥樹取其根煎爲膏服之及塗其體兵刃所傷皆  
不死喪葬亦有棺飲以竹爲輦車載乘山中二月始耕  
則祀之踰七年則不復祀婚聘之禮先以椰子酒積椰  
次之指環又次之然後以吉貝布或量出金銀成其禮  
國人以十二月七日爲歲節凡宴會鳴鼓吹笛擊板歌  
舞爲樂無器皿以竹編貝多葉爲器盛食訖棄之  
明史浮泥於古無所考宋太宗時始通中國太祖洪武  
三年遣使自泉州航海闕牛年抵閩婆又踰月至其國  
王傲慢不爲禮貢之始下坐拜受詔時其國爲蘇祿所  
侵頗衰耗又素屬閩婆閩婆人問之王意中阻使者折  
之曰閩婆久稱臣奉貢爾畏閩婆反不畏天朝耶乃遣  
使奉表箋貢鶴頂生玳瑁孔雀海參冰片龍腦西洋布  
降旨諸香洪武八年命其國山川附祀福建山川之次  
永樂三年冬使使入貢遣官封爲國王賜印誥刺符王  
大悅率妃及弟妹子女陪臣泛海來朝十月王卒於館



帝哀悼輟朝三日遣官致祭賻賻東宮親王皆遣祭有司  
 官棺槨冥器葬之安德門外石于岡樹碑建祠有司奉  
 秋祀以少牢諡曰恭順其子襲封國王上言臣國歲貢  
 瓜哇片臘四十斤乞赦瓜哇罷俱歲進天朝臣今歸國  
 乞命官護送就雷鎮一年慰國人之望并乞封國之後山  
 及併從人數帝悉從之命三年一貢又乞封國之後山  
 爲一方嶺乃封爲長寧鎮國之山御製碑文勒其上其  
 熙後貢使漸稀正德間佛郎機開入爲寇諸番通貢概  
 行屏絕嘉靖九年給事中王希文言暹羅占城琉球瓜  
 哇淳泥五國來貢並道東莞後因私攜賈客多絕其貢  
 萬曆中其王卒無嗣族人爭立國中殺戮幾盡乃立其  
 女爲王統十四州在舊港之西自古城四十日可至初  
 屬瓜哇後屬暹羅改名大泥華人多流寓其地時紅毛  
 番強商其境築土庫以居其入彭湖互市者所攜乃大  
 泥國文也案此傳中閩婆當作婆羅又與暹羅所屬之  
 大泥無涉  
 瓜哇國元史瓜哇在海外視古城益遠自泉南登舟海  
 行者先至古城而後至其國其風俗土產不可考大率  
 海國圖志 卷十一 東南洋 海島國二 辛

月營雷萬戶王天祥守河津令水軍馬步軍水陸首  
 希甯官懼棄船宵遁獲鬼頭大船百餘艘令都元帥那  
 海等鎮入節濶海口大軍方進土罕必闖邪遣使來告  
 萬郎王追殺至麻塔巴社請官軍救之亦黑彌失張參  
 政先往安慰土罕必闖邪鎮國引軍赴章孤接援七  
 日葛郎兵三路攻土罕必闖邪入日黎明與脫歡軍出  
 東南路遇賊戰殺數百人餘奔潰出谷日中西南路賊  
 又至興再戰至暗又敗之十五日分軍爲三道伐葛郎  
 期十九日會答哈聽砲聲接戰水軍折流而上亦黑迷  
 失等由西道與葛郎由東道進土罕必闖邪軍繼其後  
 九日至答哈葛郎國土以兵十餘萬交戰自卯至未連  
 三戰賊敗奔潰擁入河死者數萬殺五千餘人國王入  
 內城拒守官軍圍之且招其降是夕國主哈只葛當出  
 降撫諭令還四月二日遣土罕必闖邪還其地具入貢  
 禮以兵二百護送十九日土罕必闖邪背叛逃去前軍  
 拒戰二十四日我軍引還得哈只葛當妻子官屬百餘  
 人及地圖戶籍所上金字表以還○元史史弼傳世祖  
 欲征瓜哇殺商向書省左丞行浙東宣慰使旋拜福建  
 海國圖志 卷十一 東南洋 海島國二 辛



金字表及金銀犀象等物進於是朝廷以其亡失多故  
七十沒家資三之一元貞元年起同知樞密院事月兜  
魯奏弼等以五千人渡海二十數萬里入近代未嘗至  
之國存其王及論降傍近小國宜加矜憐遂詔以所籍  
運之拜榮祿大夫江西等處行中書省右丞○明史瓜  
哇國在占城西南洪武二年遣使以即位詔諭其國其  
使臣先奉貢於元遷至福建而元亡因入居京師是年  
二月太祖復遣使送之還且賜以大統歷三年六月以  
平定沙漠頒詔洪武十年其國王及東西二王各遣使  
朝貢洪武十三年遣使賜三佛齊王印綬瓜哇怒其以  
屬國抗已誘而殺之天子怒雷其使將加罪已遣還賜  
敕責之洪武十四年遣使貢黑奴三百人及方物明年  
又貢黑奴男女百人大珠八顆胡椒七萬五千斤永樂  
元年東西二王並貢三年遣中官鄭和使其國永樂四  
年西王與東王構兵東王戰敗國被滅適朝使徑東王  
地部卒入市西王國人殺之凡百七十人西王懼遣使  
謝罪帝賜救切責之命輸黃金六萬兩以贖永樂六年  
再遣鄭和使其國西王獻黃金萬兩禮官以輸數不足

海國圖志 卷十二 東南洋 海島國二

請下其使於獄帝曰朕於遠人欲其畏罪而已爾利其  
金耶悉捐之自後比年入貢或間歲一貢或一歲數貢  
中官吳濟鄭和復先後使其國時舊港地有為瓜哇侵  
據者滿刺加國王矯詔命索之帝乃賜敕令毋信滿刺  
加之言永樂十六年送還朝使遭風諸卒自是貢使歲  
一至正統元年閏六月遣古里蘇門答刺錫蘭山柯枝  
天方加異勒阿丹忽魯謨斯祖法兒甘巴里真臘使臣  
借瓜哇使臣郭信等同往賜瓜哇敕令其護送其國近  
占城三十晝夜可至元時遣帥西征以至元二十九年  
十二月發泉州明年正月即抵其國相去月餘宣德  
七年入貢表書一千二百七十六年蓋漢宣帝元康元  
年乃其建國之始也地廣人稠性兇悍男子無少長貴  
賤皆佩刀稍忤輒相賊殺其甲兵為諸番最字類瑣里  
無紙筆刻於葉草葉氣候常似夏稻歲二稔無凡楮七  
著人有三種華人流寓者服食鮮華他國賈人居久者  
亦尚推潔其本國人最汗穢狀黑黧綠頭赤腳崇信鬼  
道殺人者避之三日即免罪父母死昇至野縱人食之  
不盡則大戚煖其餘妻妾多播以殉其國一名諸家龍

又曰下港曰順塔萬歷時紅毛番築土庫於大洞東鄉  
郎機築於大洞西歲歲互市中國商旅亦往來不絕其  
國有新村最號饒富中華及諸番商船輻輳其地實  
填溢其村主即廣東人永樂九年自遣使表貢方物案  
此傳下港順塔諸家龍皆與此瓜哇無涉○南懷仁坤  
輿圖說瓜哇大小有二俱在蘇門答刺東南海島各有  
主多象無馬驢產香料蘇木象牙不用錢以胡椒及布  
為貨幣人奸兇兇急好作魔魅妖術諸國每治兵爭白  
象白象所在

魏源曰中國東南海洋諸洲以是洲為最大其疆域再  
倍日本四倍臺灣呂宋十倍琉球計環息利大山十餘  
國何國最強則諸小國皆役屬之故唐曰婆羅宋曰淳  
泥元曰瓜哇明曰蘇祿皆洲中雄長迭興之國而是洲

海國圖志 卷十二 東南洋 海島國二

反無一定之總名考息利大山為一洲之主則宜名息  
利島而各國環錯聽其自為沿革自史傳不知此法傳  
會蟻起重紕繆不可究詰或以淳泥為大泥則核海  
島於海岸或以婆羅為閩婆則移全洲於下港或以大  
瓜哇為小瓜哇則移是洲於葛雷巴誤始明張奕王圻  
之書而明史襲之諸志乘又襲之三人市虎積非勝是  
惟兩瓜哇之誤尤甚夫元史征瓜哇之軍先至吉利門  
正此洲東岸衝要而葛郎鄰國來拒即此洲之朱葛焦  
喇國也元世祖用兵海夷惟日本與瓜哇之役最鉅苟



彈丸小嶼曷足遠怒戈船明太祖封三佛齊爲國王瓜哇怒其以屬國抗已殺使阻封而渤泥亦有歲供瓜哇片腦之奏若葛雷巴尙不及淳泥三佛齊之大安能留臣二國上抗 天朝今此洲各國已皆服於西洋號新荷蘭洲而以葛雷巴爲小新荷蘭是大小瓜哇之又一變

海國圖志

卷十一

東南洋 海島圖一

一

英荷布路三夷分屬地問等島

海錄曰由細利窪東南行海中多亂山周圍或數百里或數十里各有山番占據多無來由羅亞二種別有一種名舞吉子富者攜眷經商所至即安無故土之思亦無定之寓貧者則多爲盜劫其國名未能悉數也

又曰噶悶國即細利窪東南海中亂山之一也萬丹南火燄山在國之西北亦無來由種類而性稍善良土產丁香豆蔻有荷蘭番鎮守

又曰噶門國亦亂山之一風俗土名與噶悶同原歸海國圖志卷十一 東南洋 海島圖一

荷蘭管轄近爲英吉利所奪

又曰地問島一作地盆亦名茶盤在噶門東南海中則起一大島周圍數千里島之西南爲地問歸布路亞管轄島之東北爲故邦歸荷蘭管轄山中別分六國不知其名天氣炎熱男女俱裸體圍水幔而風俗淳厚不種稻梁多食包穀聞粵人亦有於此貿易者土產檀香蠟蜂蜜貨物亦運往葛刺巴售賣案此三與息利大洲相連且一爲英夷據據一爲布路亞分據亦與大洲相連屬荷蘭者有別蓋逼近大洲之附庸於此



地理備考松巴瓦島在南洋之西隆波克島之東緯度自南八度十分起至九度七分止經度自東一百十四度二十二分起至一百十六度五十分止長約七百里寬約一百五十里田土肥饒穀果豐登土產金砂燕窩珍珠油木等物島中火山名當波羅火燄猛烈晝夜不熄通島分爲十數小國其畧大者六曰比麻曰當波曰松巴瓦曰當波羅曰卑加曰桑加爾各有酋長統攝其雄強者推比麻爲首

佛羅利斯島在南洋之西松巴瓦島之東緯度自南七度五十三分起至九度三分止經度自東一百十七度三十七分起至一百二十度四十五分止長約七百里寬約二百里火山衆多夫者名曰羅瓦的各晝夜吐火

不熄土產穀果桂皮檀香蘇花紅木等物島之西境屬比麻酋長兼攝餘俱各酋分攝不相統屬

蘇錄島在南洋之西佛羅利斯島之東非婆羅洲之蘇錄也長約一百里寬約五十里曰土臘腴穀果豐茂土產與佛羅利斯島相同各酋分理俱屬布路亞國兼攝薩波勞島在南洋之西蘇錄島之北長約一百四十里

寬約六十里田土產亦與前島相等

松巴島又名桑巴在南洋州之西佛羅利斯島之南長約三百四十里寬約一百里田土肥饒穀果豐稔島中土產檀香爲最餘乃白蠟燕窩蘇花等物各酋分攝不相統屬

地門島在南洋之西薩波勞島之東緯度自南八度三十分起至十度三十分止經度自東一百二十一度起至一百五十五度止長約八百里寬約一百五十里山陵綿亘川河紛繁土膏產饒叢林稠密木多上品地氣

不馴有礮居棲土產金銀檀香木料等物閩島共六十區分理東偏屬布路亞國兼攝南偏屬荷蘭國兼攝鄰近地門小島不一曰西毛曰羅的曰道曰薩烏各有酋長統攝

余按諸番通中國自漢始嶺南權番稅自唐始其前求珍異唐後則權貨稅益國用然明中葉閩廣猶不過南洋小西洋諸國無歐羅巴亦無所謂鴉片也南宋已憂錢幣漏泄明時亦有奸民假冒之幣勢有必至理有固然聖人不寶遠物之意深矣



海錄又曰大西洋海舶來中國皆南行過峽轉東南  
 經地問葛刺巴置買雜貨北入葛刺巴峽過茶盤即  
 地盆經紅毛淺而來若不泊葛刺巴則由地問北經  
 馬神崑旬西至茶盤北經紅毛淺而來九日以後北  
 風急則由地問借風向文來蘇祿小呂宋東沙而來  
 其往小西洋貿易者則由葛巴西西北行經蘇祿之西  
 尼是之東又西北經尼古巴臘而往由小西洋復來  
 中國則東南行經亞齊東北麻六甲西南入白石口  
 轉茶盤而來過北風則由白石口東南行至細利窪  
 乘南北風其蘇祿呂宋一道從未有能借風而行者

東南洋 海國圖志 卷一三

海國圖志卷十三

東南洋 海島之國 原無今補

邵陽魏源輯

英荷二夷所屬葛雷巴島

有二洲相接一下港即古開婆亦曰訶陵一曰

葛雷巴即小瓜哇也一作交雷巴一作加雷巴

明張爽東西洋考下港一名順塔唐稱閩婆在南海中

者也一名訶陵亦曰社婆元稱瓜哇一統志又名蒲家

龍甲兵為諸番之雄加雷巴者下港屬國也半日程可

到風生相類華船將到先以橋一籠小雨傘二柄送番

目番目報國王比到港以果幣進王有華人為財副者

海國圖志 卷十三

東南洋 海島之國

一

四人番財副二人華人請夷語夷書為通事船各一人

其貿易王置二間城外設立舖舍凌晨各上間貿易至

午而罷王日徵其稅又有紅毛荷蘭番來下港者起土

庫在大潤東佛郎機起土庫在大潤西二夷俱夾板船

年年往來貿易其本地夷則用鉛錢鉛錢十當西洋一

下港為四通八達之衢華船與番船貿易盛甲諸島

皇清通考四裔門葛刺巴本瓜哇故地巫來由種也後

屬荷蘭國在南海中距福建廈門水程二百八十更計

萬六千八百里閩廣間人浮海為業者利其土產率流



寓不返康熙五十六年以葛刺巴口岸多聚漢人恐擾長海盜禁止南洋往來其從前出洋之人限三年回籍然亦尚有留者雍正五年弛洋禁嗣後通市不絕初葛刺巴自明季為荷蘭人所據委夷目鎮守漢人居之者以數萬計生長其地曰上生仔司漢人貿易者曰甲必丹人有罪則流戍西隴西隴在西洋中距葛刺巴甚遠荷蘭舊國所屬地也六年閏六月為羣番所擾荷蘭力不勝遣流人禦之許立功後令還葛刺巴諸流人奮勇効力戰屢捷羣番敗走荷蘭既有立功贖罪之令又慮

海國圖志 卷十三 東南洋 海國圖三 二

釋還流人則西隴孤弱再令葛刺巴調無辜漢人往代時有甲必丹連者以漢人在此貿易惟領票輸銀無調取之例不受命番目拘之被徙者先後不勝計於是漢人大恐鳴金罷市番目怒擊火鳴礮相攻殺傷頗多署福建總督策楞提督王郡以聞策楞又奏言被害漢人久居番地屢奉招徠而自棄玉化今被其戕殺孽由自作但葛刺巴以地隔重洋恃其荒遠殘害罔忌恐嗣後擾及商船請禁止南洋商販俾知畏懼俟革心悔罪再請恩施廣東道監察御史李清芳奏言商人往東洋

者十之一往南洋者十之九一加禁邊則江浙閩粵關稅額必缺每年不下數十萬且民間貿易皆先時而買及時而賣預為蓄積以俟流通若一旦禁止商旅必至大困應請止停葛刺巴一國貿易此外南洋不宜盡禁既而王大臣會同兵部奏言今聞葛刺巴已將夷目黜責於我船返棹時加意撫慰護送賜令再往並無擾及商客之意宜仍準其通商從之

陳炯海國圖見錄麻刺甲南隔海對峙大山為亞齊係紅毛人分駐凡紅毛甲板往小西洋等處貿易必由亞

齊經過添備水米自亞齊大山繞過東南為萬古屢盡處與葛刺巴隔洋對峙紅毛回大西洋者必從此洋出

然後向西南過烏鬼甲繞西至大西洋就中國往葛刺

巴廈門計水程二百八十更原係無來由地方為紅毛荷蘭所據分官屬名曰甲必丹外統下港萬丹地問三島下港產胡椒萬丹另埔頭地問產胡椒檀香而葛刺巴盛甲諸島洋船雲集中國大小西洋白頭烏鬼無來由各番珍寶物食無所不有荷蘭建城池分埔頭中國人在彼經營耕種者甚多年給下票銀五六金方許居

海國圖志 卷十三 東南洋 海國圖三 三



住中國人口浩盛住此地何啻十餘萬近荷蘭亦以新  
唐禁革不許居住令隨船回茶盤一島居崑崙之南毗  
於萬古屢山之東皆南洋總路水程分途處島番捕海  
爲生產佳水草頂細而長者年僅足一席之用入王家  
辟虫蟻值價四五十金次者二三十金最賤有二二金  
者

謝清高海錄葛刺巴在南海中爲荷蘭所轄地海船由  
廣東往者走內溝則出萬山後向西南行經瓊州安南  
至崑崙又南行三四日到地益山萬里長沙在其東走

海國圖志卷十三

南洋海島四

四

外溝則出萬山後向南行少西約四五日過紅毛淺有  
沙坦在水中寬百餘里其極淺處止深四丈五尺過淺  
又行三四日到草鞋石又四五日到地益山與內溝道  
合萬里長沙在其西溝之內外以沙分也萬里長沙者  
海中浮沙長數千里爲安南外屏沙頭在陵水境沙尾  
即草鞋石船誤入其中必爲沙所壅不能復行多破壞  
者遇此須取木板浮於沙面入臥其上數日內若有海  
者船經過放三板小舟拯救可望生還若直立沙中數  
刻即爲沙七洲洋正南則爲千里石塘萬石林立洪濤  
怒激船若誤經立見破碎故內溝外溝亦必沿西南從

無向正南行者由地益山又南行約一日到網甲經葛  
刺巴峽出峽口又南行過三洲洋約二日到頭次山即  
葛刺巴邊境也上有中華人所祀土地祠又行二十餘  
里到海次山有數島皆以居中華之爲木工者一居瘋  
疾十傷罪人絞死之所其餘皆以囤積貨物過次山則  
至葛刺巴山山縱橫千里有城郭礮臺南海中一太都  
會也亦荷蘭所轄地後吳吉利師侵而奪之荷蘭行成  
仍命管理而歲分其貢稅焉荷蘭番鎮守此地者三四  
千人又有爲番兵數千此荷蘭分守南洋及小西洋各

海國圖志卷十三

南洋海島五

五

國者俱聽葛刺巴酋帥調遣土番亦無來由種類俗尚  
奢靡宮室衣服器用俱極華麗出入俱駕馬車與明呀  
喇新準息鍊各處相同而葛刺巴爲尤盛中華人在此  
貿易者不下數萬人有傳至十餘世者然各類自爲風  
氣不相混也民情兇暴用法嚴峻中華人有歐荷蘭番  
者法斬手戲其婦女者法絞烏番兵俱奉天主教死則  
葬於廟荷蘭番死則葬於墳園土番風俗與大泥吉蘭  
丹各國同土產落花生白糖丁香咖啡達子燕窩帶子  
冰片麝香沉香及日萬丹國在葛刺巴南疆域甚小與  
葛刺巴同一海島土產珍珠佳紋琥珀



佳國南臨大海海中有山層巒疊嶂峯兀峻巖時有火  
引風飄忽入夏尤盛俗呼為火嶽山蓋南方離火之  
精悉鬱發露西洋番船有至者上山探望攀危躡險有  
山番穴處遙見之羣隊面相逐逃稱後者輒為所殺食  
自此無敢復至者

每月就紀傳曰三大島之至盛為呀瓦即葛刺巴也產  
米足敷本島之用胡椒燕窩翠羽白糖藤花咖啡蘇木  
木頭等貨各樣果實蕉子椰子檳榔柘榴椰子波蘿菠  
蘿芋芒菓橙桔等果可恨水多鱷魚亦有鱗蛇又有火  
山頻數地震火出燒樹屋主番名呀瓦回回種也紫呀  
瓜時二時人甚樸實勤勞耕田性溫和戒爭鬪惟人觸  
海國圖志 卷十三 東南洋 海島國三 六

犯之則必雪怨乃已又好賭博輸田屋子婦賣身為奴  
偷盜誑騙莫勝其害於呀瓦洲為惡俗禮拜之時設虎  
與水牛相鬪場或死其十乃息山內多虎土番射獵向  
來數土酋分治此洲奉天竺國佛教明天順間回回兵  
征服之自後居民改奉穆罕默德教萬歷間荷蘭于其  
海口建葛刺巴城以為市埠漸乃征其土產服其民人  
迫令輸貢又別開砥利文蘇拉圭呀級馬廊各埔頭並  
荷蘭公班衙主管貿易倉箱充實不知荒歉惟其分官  
窮極奢侈不顧貧窶自雍正以後尙無大變際間有土

番倍叛時煩征服康熙乾隆間荷蘭公使朝京都嘉慶  
間佛蘭西王勝服荷蘭祖家遂派人為葛刺巴總管是  
時英國方與佛蘭西連年征戰故英國總督助荷蘭攻  
呀瓦洲獲勝其地仍歸荷蘭道光間土酋土匪謀廢荷  
蘭之公班衙荷蘭王遣將統領兵船大費財力始征服  
之唐人之到呀瓦大洲立埔頭者自明朝始及至順治  
年福建同安人多離本地往葛刺巴貿易耕種歲輸丁  
票銀五千金此後每有廈門巨艦船載萬餘石赴葛刺  
巴及級馬廊埔頭但因水程甚遠沙礁無數必有西洋  
海國圖志 卷十三 東南洋 海島國三 七

較長用渾天儀量天尺較日出時刻離水分度用羅經  
刻漏沙以風大小順逆較更數始知為某處近日中國  
人口浩盛住此地何啻十餘萬故荷蘭總管禁革新唐  
令隨船回然漢人流寓富貴者甚多荷蘭兼用漢人為  
甲必丹理國政掌財賦此外毘於呀瓦之島多是馬萊  
西土番所居兼海賊無數若地汶島及池門嶼皆有荷  
蘭與葡荷亞建城鎮守產檀木蜜蠟等貨馬來西  
島夷志瓜哇地平衍田膏腴五穀富饒倍於他國民不  
為盜道不拾遺諺所謂太平關婆者是也



萬國地理全圖集曰呀瓦島南極出自六度至九度偏西自一百度至一百九度異他海峽隔之故與蘇島不接廣袤方圓二十三萬七千方里民居六百萬丁內橫一帶山峯最高者一千二百丈原有火山地震果實繁多珈琲米穀白糖蕉子椰子檳榔石榴柚子波羅蜜芒果自然生茂眾地之中惟呀瓦乃樂土其十人甚老實溫和但人觸犯之埋恨必報猛如怒虎不論好惡觸輒刺殺最好賭博禮拜之時設虎與水牛相鬪之場眾民雲集土雖盛而農夫甚貧明朝年間漢人已到呀瓦地

海國圖志

卷十三

東南洋 海島圖三

八

經商獲利給丁票銀每年一名五六員至今中國人口浩盛佳此地何啻十餘萬荷蘭人歷二百有餘年據住其地惟東方尙存土君毫無權勢荷蘭且取各物產而賣之每年將銀五百萬員歸國帑但內地民往往不悅肇釁交戰內海各處海賊肆剝而荷派巡船擒治之其都曰葛刺巴經商甚盛另有北濱砥利文蘇拉圭呀敏馬廓埔頭皆運出珈琲白糖米穀

海島志曰葛刺巴南洋一大島國也廈門揚帆過七洲從安南港口歷巨港麻六甲經三笠而入嶼城至其

澳計水程二百八十更每更五十里距泉州約一萬四千里可到其國面北背南後屏火煙山其外則南海也左萬丹右井裡汶前則嶼城羅列門戶堅固城池巖峻地域雄闊街衢方廣貨物充盈百夷聚集之區誠一大都會也但其地勢卑下天氣炎熱四季皆如夏候炎風暴厲觸之生疾河水甘涼浴之卻病看雨秋旱歲只一收而田土肥沃耕種易熟米價平賤人民富庶貨物則皆各國輻輳以赴貿易非本島所產也其所統轄有北膠浪三寶壠竭力石四里貓馬辰望加錫安汶萬瀾間

海國圖志

卷十三

東南洋 海島圖三

九

仔低萬丹麻六甲等處不下數十島閩廣之人揚帆而往者自明初迄今四百餘載留寓長子孫奚止十萬之眾巴地本爪亞國也荷蘭設計籠絡納其租稅施號令設法度盤踞海口征課餉給文憑慎出入嚴盜匪管束諸夷其人隆準赤髮沉潛善慮故能冠諸夷之上其官職皆稟命於祖家之國主巴酋不敢自專也會有大王二王雙柄伽頭山海美色葛內外淡板公杯哭公勃瓏諸名目其分鎮各處者以地之大小授職之尊卑瓜亞舊曾處於山中地名覽內稱巡欄如漢之稱單于唐之



稱可汗其餘各處並稱史丹俱尊覽內為巡欄其官職有二把智淡拔公把低各有副如中軍以代行其事其陞降黜陟皆聽命於和蘭華人自明永樂時三寶太監鄭和等下西洋採買寶物至今通商來往不絕於冬至後厦島開棹甘餘日可達巴城連衛設肆夷民互市貴賤交易所謂利盡南海者也富商大賈獲利無窮因而納賄和蘭其推舉有甲必丹大雷珍蘭武直迷朱葛礁諸名目俱通稱甲必丹華人或口角或毆鬪皆質之甲必丹長揖不跪自稱晚生其是非曲直無不立斷或拘

海國圖志

卷十三

東南洋 海國圖三

十

或撻無容三思至犯法大罪並嫁娶生死俱當申報和蘭水旱來往皆給與文憑不得濫相出入其用法之森嚴設稅之周密大約可見矣惟人命則不問鄰右而重見證見證必審訊斬雜發誓方敢置押定案所以殺人或棄之道路或流之溝洫皆實而不問者無敢作見證也至於和蘭風俗虛名鮮實揆之五常多無合者上賊其下肆行貪酷非仁也夫妻反目聽其改醮死未周月由其他適非義也長幼無序男女無別非禮也窮奢極欲以終其身不為燕翼貽謀之計非智也惟貿易一事

然諾必信其庶幾乎至各島生番怪形異狀木處穴居虬髮交身露體血食無足齒及巴城地勢平坦人居稠密出鑿光城市以外皆為園地而和蘭園林相接聯絡數十里樓閣亭臺橋梁花榭窮工極巧每七日一禮拜於已刻入禮拜時講經念咒其拱聽者皆低首垂淚似能感發人心也者喧半時許各自散去入園林優宴盡一日之歡不理事以供游玩車塵馬跡衣香鬢影相望於道亦一勝事也余謂南洋之地有可愛亦有可惜天氣不寒頻年如夏百花暢茂四季俱開冬春之際夜雨

海國圖志

卷十三

東南洋 海國圖三

十

朝晴此時景之艷陽可愛也中華流寓既多俗重風雅喜逢迎善褒獎窮困相投或通譜或瓜葛皆無異視童子見客揖讓為禮婢僕見主屈膝為敬此人請之古厚可愛也地土肥沃日用平易斗米三三十錢雞鶩賤於蔬菜緡錢便可納婢此土產之便易可愛也然去國離鄉舉目異俗無中華書籍以資流覽無知己良朋以抒情懷無幽巖古剎以肆遊玩是為可惜耳余居巴城未及周歲輒遷於三寶瓏復之北膠浪巴中風土人情未能盡悉爰述大概以資考鑒且寄客中之岑寂云爾



三寶壠巴國所屬形勝之區也地方寥闊物產繁多賈  
帆湊集甲於東南諸洲北膠浪營森其左右翼也勞再  
年其倉廩也隄峙二胞綏其門戶也所轄上下數千里  
田土肥沃人民殷富為諸邦之冠天氣清涼勝於巴城  
人少疾病糧食廉於各處世無飢苦風俗質樸道不拾  
遺法度嚴峻夜戶不閉其所鎮之和蘭會職名鸞蠻律  
又有杯突大寫財副新曉州連等處以分管各司其事  
不相混雜凡推華人為甲必丹者必申詳其祖家甲必  
丹擇吉招集親友門客及鄉里之投契者數十人至期

海國圖志

卷十三

東南洋 海島國三

三

和蘭言人捧書而來甲必丹及諸人出門迎接和蘭之  
人入門並於庭中露立開書捧讀上指天下指地云此  
人俊秀聰明事理通曉推為甲必丹汝等鄉耆以為何  
如諸人齊應曰甚美甚善和蘭俱與諸人握手為禮畢  
諸人退方與甲必丹攜手升階至堂中繼敘賓主禮  
其籠絡人皆此類巴中甲必丹之權分而利不專三寶  
壠甲必丹之權專而利攸歸煮海為鹽丈田為租皆甲  
必丹所有得膺其職者則富逾百萬矣華人自相婚姻  
不屑巴產果得佳婿蠟燭壹雙即可為聘入贅以後奉

養極俊婢僕百十人各執一事主僕分嚴見必屈膝人  
多懼內家事必由主裁婢妾必由管束防閑謹密其鋒  
不可犯夫婦攜手而行並肩而坐甚至攬臂狎抱不避  
左右婢妾持傘障日羽保扇風執碗捧盃而服事於前  
後者風俗恬然無足怪也國中惟重食與眠雖有急事  
不即通報必俟其食畢眠起方敢以聞禮拜寺樓極高  
鐘聲四聞日夜撞擊子午為一點鐘至十二點而止午  
後為二點鐘則家家閉戶而臥路無行人是一日如兩  
日一世如兩世矣余謂西南洋為極樂之地蓋中華有

海國圖志

卷十三

東南洋 海島國三

三

禮義以自節制不敢恣其所欲洋夷則不知禮義廉恥  
為何物惟窮奢極欲以自快其身心而已矣王大滙會  
贊於三寶  
壠之甲必丹為貴增以親老辭歸此所言  
乃自道也南洋原本皆作西洋今俱改正  
北膠浪為巴國東南之區亞於三寶壠面山背海列屋  
而居可五六十家南北限以棚華人息居其中俗呼為  
入芝蘭謂街  
衛也厦屋連綿危樓高聳西向者為甲必丹第  
右有園一所可三四畝樹林陰翳亭名閒雲甲必丹公  
餘遊息之所亭東百卉俱備四時長放殆同仙景南有  
魚池柑園西有絲里園絲里者  
老葉也兩園相接界以牆而門



通焉園後椰樹數十株亭亭淨直圓可合抱其葉類葵扇而長迎風瑟瑟由入芝蘭以北有廟為澤海真人祠棚門外為泊面館以徵來往之賦稅隨河而北可半里為外泊面所以稽察遺漏又四五里達於海口其地有聖墓極靈舟楫來往必具香楮拜禱由入芝蘭南至苗冬可三十里苗冬有蔗部二處舊分東西今合為一至曾閩三十里其地產木片籬竹又五十里至海坡但見碧海漫漫白雲無際天長路遠頓起故鄉之思坡盡入林至凹務灣館其地當萬山深翠之中寥寂異常晝則

海國圖志

卷十三

東南洋 海島國三

西

猿吟虎嘯鴉鳴鶴唳行旅往來必結伴操戈方敢出入其間林可四五十里經藤橋至日踏館以上皆浪中統轄其下由岸坦葛里嶺我至三寶壠不過百里出入芝蘭山西過河濟竹筏之渡即磁頭禮些有淡坂公官居此處又二十里至羅冉年地沃土肥夷民星聚三寶壠之倉廩也自此由入馬壠至井裡汶計程六百里自汶至巴城各處禮些鎮皆屬巴中統轄陸路十日可達巴城但皆險阻難行惟為拔馬來往不絕浪中所鎮者為杯突理刑者名曰大寫理錢穀者曰則副有城曰班有

兵丁曰咭呀城與入芝蘭只隔一河城之南園林深蓬傑閣巍巍者杯突居焉巴城華夷聚會之區街衢方廣宮室華麗浪中山僻之地不假修飾自有山高水長天然景色至於夕陽在山漁人返棹行歌互答效乃相聞有似楚江音節河水不深不淺菱蕩縱橫其中彷彿蘇杭景象

萬丹在葛刺巴之西境古稱蘭婆國瓜亞所居也地廣土沃貨繁人富所產經紋幼蓆為西洋最和蘭輸其利稅據海口以聚集諸夷來往交易瓜亞之番四處星聚

海國圖志

卷十三

東南洋 海島國三

五

雖有國主惟長和蘭遵循維謹其史丹瓜亞處於山中所居王府極其壯麗王府之外築一小城和蘭十二人夷兵百人居小城中名曰護衛實所以挾制史丹也其史丹沒諸子非和蘭之命不得立瓜亞性愚蠢皆曰彼畏我所以輸我土地之稅彼敬我所以設城親自護衛計瓜亞之人東自巴城井裡汶北膠浪三寶壠等數十力石四里貓外南旺西自柔佛巨港占卑覽房等數十區皆其種類眾矣止百萬和蘭人數千不及其百一大相懸絕而能以威脅之以利誘之足以懾服其心就我



龍絡古人尙智不尙力信夫

葛刺巴古瓜亞之國和蘭所居沿海邊地未及十分之一瓜亞人數百倍於和蘭俗質實人愚蠢性柔怯皆懼荷蘭聞其名則合掌居民雜處山谷間種田歲只一收於春雨後田水平滿散粟於田則自發生並無耘鋤種秀不生一穗數百粒故南洋米價平賤山陂斜處亦可種粟以錐盤地實粟數粒及時則自蕃茂其粟不用磨礱以長木槽數人用直杵舂之脫粟簸出乃再舂米粒長而燥內地不及也家計生產皆婦人主之生女爲貴

海國圖志

卷十三

東南洋 海國圖三

共

贊人於室生男則出贊於人其室如亭四面開窗無椅榻席地而坐房中地皆鋪席施帷幄牀亦不高坐褥茵軟枕疊如塔大小六七級坐則盤膝跌坐見容以握手爲禮以檳榔爲敬富者用金銀器盛之常人用銅唾壺大如花瓶用以盛吐檳榔之汁男女渾坐無禁忌也食不設筓以手掬之以牛爲烹不食犬豕女子腳不纏面不脂粉首不簪花衣不帶領裾而不袴男子則衣有領簪簪花有袴可謂顛倒矣百花四季不開開放無欲百果花實相續味皆美於閩廣然壤地既異物性亦遷黃

梨黃瓜之類性本溼熱乃竟以爲清涼之藥凡感暑

氣及風邪者服之反能卻病蔬菜倍貴於雞鶩綠米粗反賤人皆不肯竭力灌種也巴國以風爲鬼以水爲藥凡有感冒風熱病作者浴於河則愈產婦及小兒出痘皆浴於河且以鍼挑破痘珠揉出濃漿竟無害者不亦奇乎雖甚暑不敢露體扇風臥必密室施帷幄少冒風則病立作故樓房屋宇皆用玻璃爲窗戶取其不透風而內外明亮也恩覽野史所載皆豔儂家島嶼有四時不絕之花玻璃爲戶玳瑁爲梁南洋處處皆然無足怪者

海國圖志

卷十三

東南洋 海國圖三

七

華人呼和蘭通稱曰段和蘭呼華人爲泰通稱曰稽和蘭居於西北海其人隆準赤髮面粉眼綠不蓄髭鬚衣服精潔短身狹袖步履健捷與紅毛佛蘭西三國鼎峙紅毛國貧而強又居咽喉之地每被其欺凌和蘭占巴國二百餘年始因避風入巴地見其土地雄闊可建城池故假守風入萬丹泉辭厚幣求於史丹瓜亞渠魁以暫借海濱之地修理舟楫爲名未幾又以設立木棚蔽內外爲請填其歲幣瓜亞愚直無謀又貪其利遂被其



襲破萬丹并巴地萬丹者巴國門戶必爭之地也乃與  
巡欄瓜亞之國盟約每年輸納地租而沿海之地盡歸  
和蘭統轄建立城池蠶食附近相傳至今武備嚴謹各  
城門鋪塘番語曰營卒羅守晝夜匪懈衣甲未常去身  
竟歲不聞盜賊創立美色近厝俗名以收養貧病鰥寡  
之徒凡人臨危無至親者則喚梁礁和蘭作字一如病  
人之意鐵案不移付美色甘衙門收貯俟其親人來領  
并有逐年利息或有園宅婢僕以及交關欠賬俱付作  
字分文不苟稍有違約立致囹圄有公勃些里和蘭專

海國圖志 卷十三 南洋 海島三 水

管山上各地有沈萬達專管海洋關口事例有內外淡  
板公分治城內外華人并各種番人皆設以甲必丹使  
其自申約束惟大罪及命案皆送付和蘭究治其創立  
法度謹慎嚴明所以能久遠也和蘭言其本國嚴寒九  
月則見霜雪草木凋零人多百歲及至巴國地氣蒸熱  
草木不凋頻年沐浴元氣發洩人多不壽五六十歲為  
上壽矣其巴產者髮不紅而瞳亦黑地土使然也  
英圭黎華人呼為紅毛居於西北海之隅與和蘭相鄰  
近其人類和蘭衣服制度與和蘭無異惟音語字跡各

別製作精巧其刀銃器皿為西北諸國之冠在巴貿易  
者皆處以土庫巨第其交關亦遵巴國約束而和蘭待  
之甚厚無敢有失近有新墾之地在麻六甲之西吉礁  
之南與大年相鄰地名檳榔嶼但其立法苛刻寡恩華  
人有在其地者皆遷徙他處不能堪焉

實班牙華人呼為宋仔亦曰大呂宋居於西北海之隅  
國名千絲臘每發船往高者國採買西洋布以販巴國  
資本極大華夷均負其債高者國此白帽回國也高者  
在巴國之西約水程二百餘更華人稱為些逸其人高

海國圖志 卷十三 南洋 海島三 水

大多鬚狀甚魁梧衣花錦襖白練裙以白布纏首手持  
念珠國甚富土產西洋幼布名紋只次名毛里上者每  
疋百餘金有袈裟薄如蟬翼中有紋絲極其精緻  
明未和蘭據臺灣近鹿耳門築小城以居俗呼曰紅毛  
城實節和蘭也海寇鄭氏游颶海上自南京敗還遂攻  
臺灣為負隅之所和蘭砲銃雖精然孤城無援敗歸巴  
國其祖家國主怒即將敗歸之和蘭致死於巴國城樓  
上至奈巴國之和蘭歷歷能道其詳  
嗚呼天道循環無往不復原天和蘭夷眾之據有巴地







過焉 兩山相向中夾一溪而水深流急不能造橋兩岸大樹參天而樹杪交柯者用竹篾連綿糾結闊七八尺長十餘丈其兩邊以藤懸掛樹杪形如月橋浮空搖曳乍見駭人番眾過之如履平地余自壩至浪必由之徑無可奈何乃下輿或僕人不得同過懼其搖曳也徐步輕涉而進至其半高處目不敢下視懼而躡足則其搖愈甚乃伏而坐番僕欲走進扶腋余懼急止之小停則火煙山在巴城西南六百餘里其山極高入蹟罕到頂如龍上之突日夜不息晴明則其煙少減風雨晦暝則其煙愈熾或有時如鳴巨礮則天雨灰氣味如硫磺意者南海之極南乃地氣所發舒也錄之以備博物者採取

磁石洋在南旺之東山谷間及崖岸皆有磁石磁石性能引鐵故其處之船皆用竹釘為之不敢用鐵釘也來往船棹悉當開不得相近或有被狂風驅近者則被其牽引不能解脫矣

海國圖志 卷十三 東南洋 海島圖三

海濱崖岸石澗巖多洞壑海燕千百為羣巢於洞中自萬丹巴城三寶瓏力石南旺馬臣貓釐把實產燕窩者不下數計處皆和蘭之有力者掌握焉逐年稅息大者數千金小者數百金而高商大賈納其賦稅以採取焉燕窩者燕巢也燕食海菜吐而成窩歲冬夏兩收不敢多取譬如取蜂之蜜數斯敗矣每採取則結廬其處擇吉刑牲演唱弄迎番人百十用竹梯數十以布囊繫於竹竿之末而取焉逢其盛者利無數也遇其衰者則虧折矣

海馬產於望加錫島常登海岸逐化馬故為人所牽毛純黑而柔膩尾長掃地其陸行與凡馬無異甚馴日可行千里但不敢浴於河見水則舊性復起遊泳沉潛其力甚大不可復制矣

和蘭欲窮覽博物每間有奇形異狀之事不惜重費必羅致以壯奇觀用火酒實以玻璃器而藏之厨中怪禽異獸赤蛇惡魚無所不有焉

葛雷巴風俗述

海島逸志曰島中車四輪者駕兩馬兩輪者駕一馬四

翰者前輪小而後輪大用木為之外鑲以鐵式如大者可坐三四人小者可坐一二人雕花綵繪飾者平人百金王坐鑲金者有官職及甲必丹皆坐綵繪者平人坐漆顏色者其座得悉程絨為之華麗奢僭

國中設賭棚甲必丹主之蒞納和蘭稅餉征其什一之利日日演戲甲必丹及富人請買番婢聘漳泉樂工教之以作錢樹子有官音亂彈泉腔下南二部其服色樂器悉內地運至歲臘無停所以雲集諸賭博之徒燈籠大書國課二字其賭之場帷帳皆書天下最樂不如賭博或寫樂在其中有巡賭者數十人來往稽察遺漏雖父子兄弟到其處不得相管束也倘欲管束有巡賭者聞之立拘其父兄見甲必丹責云教訓子弟當在家庭中此處國課所關何得浮言惑眾以亂人心使國課無微罪何可恕即有立致囚之禍蓋荒服之國其背謬類此

番戲名曰濃迎番婦之頗有色者帶虬髮纏錦幔插金花搖紙篋裸衣跣足歌番歌舞番舞頭閃目鶴立鴛行演唱雜劇備諸醜態或兩婦對舞或三四婦共跳舞

海國圖志 卷十三 東南洋 海島圖三

閒人亦可入其中與之對舞名曰弄濃迎弄畢則酬以金每於清夜遠聽之其音凄切悲楚所謂異鄉之樂祇令人悲耳番社中最喜日夜演唱華人住居之地嚴拒不許入境焉又有花英者類影戲俗呼皮猴所演唱皆其瓜亞土古故事未全人形或飛或遁如稗官所載諸說誕不經之事竹木雜陳俚鄙不堪注目

和蘭每宴會必設長席可坐數十人名曰鏡實踏絲竹雜陳男女對舞名曰丹六其俗女子字人聽其自擇名曰思甲若兩相愛悅則對舞以定匹偶其樂有長如瑟者其音清朗有高於人者立而彈之其聲高曠有形如琴者其音鏗鏘可聽頗有大雅之風其樂且精妙工巧異常其最者每副價值千金

酣饋教名如白蓮尤溪之類非國名也瓜亞無來由里貓柔皆習之其教持經咒法語不論年月揣摩成就為銅身鐵骨刀鎗不能傷惟忌猪犬以猪油犬血塗刀鎗殺之則能欲刃也

西北和蘭之屬皆着襪履戴禮笠名曰三角帽東南瓜亞之類皆不冠不履名曰赤腳番赤腳番皆能製藥於



山僻無人之處用毒蛇惡獸脂膏合藥以塗刀鎗之上  
製愈久則其毒愈烈傷人及禽獸見血立斃登時潰爛  
只存皮骨耳  
暴暴島地土頗大物產繁多商船無敢交易其處者風  
俗狡獪如鬼如蜮懼其煙也不知何藥所製於上風高  
處焚之聞其煙則舉船之人皆立斃所以物產卑賤少  
有通往之船必自運出耳  
有疽發於背腐潰欲絕者或薦和蘭醫而病人畏其用  
刀宰割固卻之後病楚不堪外科皆束手不得已乃聘  
和蘭醫入門一見則曰瘡劇矣何不早告自作之孽也  
急覓一豕乃喚其僕於車中攜小箱出藥酒一瓶斟以  
盞曰飲之則身麻不知痛癢也出銀刀割去瘡之腐潰  
者大如盤縛系於庭生割其肉亦大如盤操藥敷之時  
許棄其豕肉臭黑不堪其毒悉為拔出矣如是者三日  
可矣乃敷以膏藥戒曰當慎房事節食酒匝月耳三日  
而平復我華人外科無其技也雖華陀扁鵲何以過焉  
葛雷巴流寓華人述  
海島逸志曰陳約卿名應璋之石美人性機警能知人

其室兄映為三寶瓏甲必丹約卿往訪能佐理其事  
映卒遂襲其職買帆數十發販州府所到則其利數倍  
不數年富甲一方歌童舞女食前方丈侍妾數百余始  
至瓏見番官淡板公往候約卿馬數百整肅而來至  
柵門外則下騎入門則膝行而前約卿危坐俟其至乃  
少欠身噫異鄉貴顯一至於此是真為華人生色也巴中  
有大第一區名三寶瓏土庫唐初到客有欲到三寶  
瓏者則進其土庫並有船護送至瓏或通語或瓜葛或  
薦舉或投奔悉皆收錄因才委任各得其宜華夷均傾  
其資本經商者不計其數瓏地賈帆輻輳貨物充盈甲  
於南洋迨沒之日賈帆停泊生涯頓歇瓏中為之寂寞  
語云人傑地靈良有以也  
許芳良漳郡人也為巴城甲必丹性開擴有雅量蔡錫  
光時為門下客每稱其氣量人所不可及聞果有棕梨  
者漳之佳果也亦不可多得唐帆或有攜一二枚至島  
大者百金小者數十金芳良市兩枚付錫光將以進之  
巴王而錫光悞以為常果剖而供之芳良徐曰此誠故  
鄉中珍果也悉呼其客及家人共嘗之安汝有丁香油

用玻璃瓶貯之六者每瓶價百金錫光拂几悞碎之香  
聞遠近不可隱遂告之芳良曰生毀有數何必較也巴  
中宴貴客則用玻璃器杯盤茗椀俱係玻璃每副價值  
一二百金一日宴客婢失手盡碎之長跪請死芳良曰  
無須進內但云我悞碎可矣蓋巴中法度取婢僕甚嚴  
僕則自行管束婢則細君主之不如是則婢始矣有許  
姓者落魄為傭時巴中諸許皆貴顯芳良每以自炫有  
云傭者姓許芳良即招之曰既係子姪行到巴當即見  
我何自苦為也錄用之不數年竟成巨富其雅量類如  
此不能舉舉焉  
黃井公漳之漳浦人也性樸訥胃無宿物初為三寶瓏  
甲必丹以詩酒自豪不受約束遂遭遣謫又以課項未  
明竟至固圍或為井公謀以其所負於己者告之上臺  
使償已責井公曰緣我一人而累及眾人吾寧死不為  
也眾共仰其義願為之地各斂金而出之長子綿光在  
巴奮志經營頗為小康乃奉井公歸養巴中築園於清  
漪之沼日與二三遊侶嘯咏自適人皆以為古厚之報  
佛資者三寶瓏觀音亭之住持僧潭之漳浦人也能書

善畫出言滑稽公然娶婦育子女各一蓄婢僕客至喚  
婢烹茗誠可笑也蓋西洋僧家有妻有妾無足為奇余  
有戲贈佛資絕句云聞道金仙在此間禪家事事竟安  
閒袈裟自繡閨房裏待客烹茶喚小鬟  
漳城東門外深青社有蘇某者經商南洋娶婦某氏數  
載以不獲利而歸遂卒於家南洋婦聞其訃且知其家  
貧親老子幼乃子然航海至閩養姑教子以終其身其  
節義求之中華婦女尚不多得況荒服僻壤哉惜未詳  
其姓氏  
為可憐  
附葛雷巴所屬島  
海島逸志曰葛刺巴國其地一綫之橫背負南海左萬  
丹右自井裏汶直葛北膠浪三寶瓏二肥綾營森竭力  
石泗里猫至外南旺不過三四十日可以陸路相通其

海國圖志 卷十三 東南洋 海島圖三

海國圖志 卷十三 東南洋 海島圖三



地輿水鄉澤國，入巴國經營者，東至於萬瀾，西至於巴東南，背於南海，北背於狹巴國，港口浮嶼羅布，口王嶼、甲板嶼、熾媽嶼、白嶼、草嶼，不可枚舉。總而言之曰：嶼城、巴國統轄屬國，東有望加錫、安汶、萬瀾、潤仔、低，東北有馬辰，西有把東西，北有麻六甲、柔佛，其餘荒壤之國，但入貢而已。西北大海之中，有澤國數處，土地甚大，皆屬和蘭統轄，但華人未到其處，不能盡詳其風土。今述其就近屬島可知者於左。

一瓜亞番，其類甚多，自萬丹、巴城、井裏汶、北膠、浪三寶瓏、竹森、竭力、石泗里、猫仔、外南、旺邊海一帶，以及柔佛巨港、占卑、覽房之處，皆其種類，俱尊三寶瓏、覽房為巡欄。其餘各處，但稱史丹而已。其人粗蠢愚直，胸無宿物，怡然聽受，不紀年歲，以十二月為一歲，見月之日為初一。其字跡如蛇蚓，音語則各處有同異，然受制於和蘭，役使如奴隸，遵循維謹，不敢少懈。

一華人有數世不回中華者，遂隔絕聲教，語番語，食番食，衣番衣，讀番書，不屑為瓜亞，而自號曰息覽，奉回教，不食猪犬，其制度與瓜亞無異，日久類繁，而和蘭授與

甲必丹使分管其屬焉。  
一無來由番，其種類甚多，散居四處，麻六甲、吉礁、把東、望久里、馬辰、里罵、知汶、把實之屬，皆其類也。性狡獪，反覆多有劫掠海洋中者，巢穴處於吉裏門、龍牙等處，內地所謂艇匪者是也。出沒無常，閩廣患之。其言語和蘭，遵之以通融華夷，如官音然。  
一武乞氏，島居於望加錫，其魁處於山中，自稱管喏，如瓜亞之稱巡欄，南洋諸國皆習武藝，武乞氏為最勇，武藝精者，父母榮之，鄉里敬之，尊之曰牛實地，大好漢也。

海國圖志 卷十三 東南洋 摩羅國三 三  
能斷一鄉無不服從者，所以不論男女，十歲以上，則演習鎗刀、跳舞、諸技，其鎗法、刀法，皆有教師秘傳，其教之名色甚多，如太祖達尊、猴拳、鶴勢之類，故其武藝為南洋之冠。每揚帆海上，賊船遇之，莫不辟易，不受和蘭節制。與盟約為兄弟而已。土產幼布、海參，二者為西洋最友。人王砥侯有僕數人，隨其駕舟往萬瀾，中途遇盜舟，無恐也。戒舟人勿言動，以示懼怯，狀盜見之，曰：此必巴國唐人之船，畏怖如此，齊登船上，諸僕持刀以待，盜後二見皆錯愕，曰：何得武乞氏之船，即欲遁去，僕大喝盜，長腕稱僕犯死罪，各獻所有一牌名，掌珠，隨往馬辰，中途遇賊，眾寡不敵，倉皇失措，婢云：無恐，持鎗而出，守於樓。



門不動賊登舟擁至婢以鎗揮之立傷數人賊退而相謂曰何得有武乞氏之鎗法婢叱曰我即武乞氏也賊懼而盡披靡

一苗釐島居於外南旺之東狀類瓜亞男女皆穿耳而大其洞女子頗有色性勤儉持家不屬和蘭統轄其地當巴國之極東四面大海浮嶼羅布中多石洞土產燕窩海菜魚翅海參翠羽

一武敢島居於望加錫之南與息管門相近狀貌醜黑性強悍視死如歸諸番所畏其剛猛不亞於武乞而粗豪過之不屬和蘭統轄土產長藤蘇木海參鶴頂龍涎香

一暴暴島居於安汶之東狀如夜叉渾身漆黑毛髮螺拳如艾醜惡不堪手足敏捷上樹如飛多木處而穴居不火食血如濃墨性多嗜酒和蘭喜蓄此種爲僕以其狀醜便於出入與西蘭吉寧比連而處風俗亦畧相同皆稱曰烏鬼仔土產文煙血結香木蘇木海菜西國米一知淡島在尾陳之極東番語東曰知淡故云無來由所居與猫釐相鄰地方墾瘠人物粗蠢國貧不屬和蘭統轄土產香木丁香木香蘇木海參海菜

一把實島在馬辰之東風土畧同馬辰而富裕不及坐地之番什籍無來由自有國主不屬和蘭管轄每年只納貢稅而已土產燕窩長藤沙金諸島稱爲富國

一色仔年島華人呼爲烏鬼無祖系如巴國設立禮拜寺於城中其年歲字跡音語俱遵和蘭衣服飲食器用宮室亦並相同人物清秀女子甚美惟與和蘭婚娶其他不屑也其屬多從寫字或從營伍性機警和蘭妬忌不肯使之爲民上也

一里猫柔島居於馬辰之西處山中屬馬辰巡欄統轄其狀貌畧似瓜亞產沙金長藤鹿肉其類皆以抽藤打鹿淘洗沙金爲事馬辰之國甚富數處產金又產銍石其性最堅磨之光耀如鏡可鑑毫髮閃豔奪目如日月之精華入火不滅磨之光彩依舊大者無價小者用米粒兌之以米十六粒爲一葛力每葛力價二三十金和蘭不貴珠玉以銍石爲至寶鈕扣領袖皆用以爲飾或云重至十葛力以上者佩之可辟凶邪銍石卽金剛鑽

一里罵島在望加錫之東無來由所居不屬和蘭管轄地里偏僻風俗貧暴土產良馬鮮有經商之舟每年惟



載良馬入貢巴國而已

一安汶島在巴國之東南與萬瀾洞仔低相鼎峙色仔

年息覽無來由什處其地其屬國浮嶼有些罷賴余魯

亞哥魯里哥務里萬里罷土產海參丁香老茅鸚哥霧

鳥花油盒蜜

一萬瀾島在巴國極東南之地與蘇洛宿務相近相傳

從此回厦較之巴國為近但未有行之者土產海參玳

瑇沙金珍珠其浮嶼屬國尙多

一西壠島在西北海之隅地極廣大距葛雷巴極遠和

海國圖志

卷十三

東南洋 海島三

三

蘭紅毛佛蘭西呂宋諸國錯處其間產金銀寶石五色

俱備光彩奪目地屬和蘭管轄徒葛雷巴之犯流罪者

悉實於此華人之犯罪者亦實於此餘則不能到也

一龜靜島在西北海之濱與壠西壠二處鼎峙地方甚

大和蘭聚集居處其間人煙稠密不亞葛雷巴但華人

未有到其地者

海國圖志卷十四

東南洋 海島之國 原無今補

葛雷巴所屬島

邵陽魏源輯

地里備考瓜哇島在蘇麻答刺東南長約二千四百里

寬約五百里岡陵層疊峯之峻者曰巴拉呼曰巴囊古

撓曰巴薩魯曰拉的科麻曰墨爾巴布曰松兵曰新多

羅河之長曰若阿那曰塞達尼田腴產豐穀果備具林

密獸蕃地氣熾烈歸賀蘭兼攝分二十部設總兵駐劄

五方輻輳其通商衝繁之地曰薩麻耶曰蘇拉巴亞曰

海國圖志

卷十四

東南洋 海島三

一

巴薩盧昂曰蘇拉加爾大

其餘各島一名馬都拉在瓜哇島之東北長約三百里

寬約六十里地面積方一千八百里五穀之中秔稻為

最三箇分攝各據一方一名巴利又曰小瓜哇在瓜哇

島之東長約二百七十里寬約一百六十里地面積方

二千六百一十里田土肥饒地氣不馴土產金鹽稻粟

蘇花烟葉等物八箇分攝不相統屬一名隆波克在巴

利島之東長約一百八十里寬約一百五十里崇山峻

嶺峯巒參天田土膏腴五穀豐登一名君島在瓜哇島



之西北長約五十里寬約四十里田土低陷叢林稠密此二島皆屬一會統攝

每月統紀傳曰三大州之至盛為呀瓦米勝用胡椒燕窩翠羽白糖蘇花加非蘇木木頭等貨各樣果實椰子椰子檳榔石榴柚子波羅柑子芒果橙橘等無所不備恨水多鱷魚地有火山頻數地震火出燒樹屋居者皆以炎暑為患

土番皆回回甚老實勤勞耕田其本性溫和惟人觸犯之內恨不釋一定雪怨願怒之際如虎遇人就殺不論

海國圖志 卷十四 東南洋 附島國三 二

好友倘不觸其怒安然秩然甚惡相關但因賭博之好輸田屋子女至賣身為奴偷盜哄騙皆生于此最為呀瓦洲風俗之害禮拜之時設虎與牛相關之場或虎牛死就息止又山內多虎土番打圍射獵

向來土番王世管此洲守天竺國之佛教天順年間回回伐國征服之令居民改崇回教萬歷年間荷蘭建葛刺巴城以為海船聚集貿易之大埠番人罄珍寶物食無所不至漸漸征土酋而服之令其人進貢總兵之命別開砥利文島蘇拉圭呀島級馬廊島各埔頭並荷

蘭公班衙為主治管貿易倉箱充實任意奢侈不顧貧窶結釁打仗自雍正年以後未有大釁際即有土番背叛一霎時可服之乾隆年間荷蘭公使朝京都嘉慶年間佛蘭西國勝服荷蘭祖家遂奪據葛刺巴是時英國與佛蘭西方連年攻戰故英軍助荷蘭伐征呀瓦洲獲勝數年後結平盟復以呀瓦地歸荷蘭道光年間土番

君題坡那哦羅者與土人謀廢荷蘭之權時荷蘭公班衙已廢荷蘭王遣兵船戰鬪不息畢竟仍為荷蘭所有

海國圖志 卷十四 東南洋 附島國三 三

安人離本地往駐葛刺巴經商耕種年結丁票銀五六金此後每有廈門巨艦船載萬餘石赴葛刺巴兼級馬廊埔頭但因水程甚遠沙礁無數必有西洋夥長其用混天儀量天尺較日所出刻量時辰離水分度用羅經刻漏沙以風大小順逆較更數即知為某處近因中國人口浩盛往此地何啻十餘萬歸家鮮矣作家業娶

土女故荷蘭總兵禁革新唐不許居住令隨船而回然唐人土著生長富貴人甚多與荷蘭友睦交接兼荷蘭亦用唐人為官屬為保甲名甲必丹理國政掌財賦毗



於呀瓦之島等是巫來西族類土番所居兼蠻海賊無  
數在地本嶼或地門嶼荷蘭與荷荷亞建城產檀木蜜  
蠟等貨

葛雷巴士番有曰武吉族類者極勇猛飲血結盟死不  
爽信好行船往四方生理措置新民極聰明又勤勞纏  
綿補算之武吉人恭敬婦女不以婢妾待之故其女秉  
心貞靜有大用因芒佳瑟之士君甚多頻數爭鬪不息  
蓋回回之教不澤洽於兆民不酌定律例委曲詳明昭  
示致相戰不息也

海國圖志

卷十四

東南洋 海島國三

四

每月統紀傳曰葛刺巴地山嶺高千有餘丈別有火焰  
山發火焰硫磺似大砲之轟是時山內之石鎔如水流  
下凡所遇物即燒滅之亦有大山頂上有穴隙周三四  
里深十餘丈底有熱水滾下滾上色如牛乳臭如硫磺  
所圍之孔噴出白烟終不可近自巴城而東隔三百餘  
里有大火山向來多次發火焰忽一日白雲覆山地震  
霹靂如萬炮齊轟居民率然驚起天無門地無路要避  
又避不得火山發煉石火灰滿田盈谷草木房屋皆火  
盡燒民三千人及十鄉毀盡大山沈陷斯災禍格外稀

奇一如天地之末劫然且離巴嶼千有餘里有三巴哇  
海嶼嘉慶二十年三月其地火山忽然發焰冲天大石  
飛起燒煉溶流房屋倒塌五穀盡壞萬有餘人滅亡也  
巴城之中白日變暗火灰下如雨雪遮蓋房屋填塞街  
路耳聽如雷響葛刺巴地不比中國之蕃庶雖田之廣  
大有餘糧可多養幾萬人惟其居民生齒不繁且巴人  
不建城而居鄉里或百人或五十人合住一村茅舍四  
圍作園栽樹摘其果享其蔭因樹木茂盛遠望不見房  
舍春季大雨淋漓水漲漫屋諸村如海嶼一村之居民

海國圖志

卷十四

東南洋 海島國三

五

漸增日多必挪移別所又開墾焉初建之時新村屬舊  
村所管漸設保長每村內有鄉長數人亦有公所會集  
商事之所別建禮拜寺及請教師掌理之臣見王不穿  
袈裟而着緞褲圍長布其瓜亞王之宮殿尤四方端正  
闕十有餘里萬人可居城牆溝池周之大火炮防之殿  
前大門外有空院籬笆圍四方有榕樹甚古為御所之  
記號前門有階可登座位到內門透過禮院行中道至  
朝廷羣臣來此朝見後有王宮皆甚雅麗內地之居民  
在本鄉保管下樸實謙遜相友相助孝順父母愛惜妻



子非邪僻非驕傲秩然藹然惟大邑與華市之民則不然因與匪徒往來放僻邪侈不依古執迷能做法外國之文藝亦輕信人言之哄騙甚執妖鬼之誕守邪術之法富貴人爲世爵非常暴虐惟知積累財帛勒索百姓海口之人斷非儉吝賤錢即費買馬車器服倘旅客到寓厚待守賓主之禮沽名邀譽是瓜亞人所悅雖不大膽却許多忍耐磨難還怨欺負一轉眼發怒報仇不顧關係矣內山虎甚多鄉人聽有虎各持鎗圍虎穴打鼓放火以激之虎出眾人殺之亦有王家養虎囚於大籠

海國圖志

卷十四

東南洋 海島國一

六

招民聚集放火焚籠虎走出之時諸人攻擊昔有犯死罪之人但其所犯法無實憑據使之與虎相鬪若殺虎無罪被虎殺即正罪也王家戲玩好將水牛與虎相鬪牛觸虎敵旁人或灑沸水或以荆棗激怒之水牛因力大常勝因被虎傷亦數日後而死巴民心性輕浮最喜小說甚悅虛談故本地史記粧飾參假漢朝光武帝時有五印度國人坐船到巴地交易貨物恆常往來因土番蠢蠻印度人教之建屋耕田傳佛教印度人漸富專權侵地土番甘心媚服雕刻石像建廟奉佛其跡處

處尙在元朝時有國曰摩瓜巴俟盛興征伐鄰民收服回教以後回回力強令土番進教去除佛像奉事真主一位佛教日衰巴地之列王皆喪氣棄舊從新不敢抗違老幼俱奉回回之教嗣後荷蘭人到洲爭據其地萬歷二十年間回回百姓與兵如蟻集各國之人協力助陣終無如荷蘭之火銃何土番四散奔逃自斯以後荷蘭遂永管其地矣

海國圖志

卷十四

東南洋 海島國三

七

雷巴南極出自五度三十八分至六度四十分偏東自一百零五度十一分及一百一十四度三十二分廣袤二千七百四十五方圓里居民七百萬中地山高自五百丈至一千二百丈其東方之山高於海面一千六十一丈此山多峯有若火山近日火滅大半尙有數處出硫磺氣牙瓦地多支溪當霖雨時可舟行者數十處餘皆拱灌溉田南北均有海灣可泊南有高磐北多低澤甚烟瘴有泥火山恆流鹹水沖出黑泥其天氣谷熱而山涼多大雷雷地震天氣有六變故所產物亦殊異牙瓦土肥出穀米又出白糖加非黛青胡椒胭脂八角馬



芹畢澄茄椰子茶葉及各種嘉果多蛇虎而水牛極高有力不獨耕田亦可推車此島有八分之七未墾且不善務農又官吏迫納餉賦故無餘蓄其土民大半紫黑色樸實耐勞但不甚聰明惟上命是聽受虐不怨本奉印度佛教明永樂三年有回回教師領大軍強服其土民使乘偶像而拜回回教主元時亦入貢中國葡萄牙亞船於萬歷間到此島與土民交易荷蘭與英人繼之嗣後兩不相合荷蘭立城為藩屬國之都力戰土酋服之教種甘蔗加非等貨其利甚厚嘉慶十五年佛蘭西欲

海國圖志 卷十四 東南洋 海島國三 八

據此島英人調兵先取之立法律力保土民通商旅二十年復以此地再還荷蘭當今居民五百有餘萬服荷蘭所轄者五分之三其餘屬土酋道光五年有土民糾海邊蕪來由族類起兵攻荷蘭連兩年不能克且頭日被擄荷蘭王益調兵帥掌全島之政每三年與議士斟酌法令所派各大官皆由荷蘭國至其餘小官皆生長此地且於僑寓唐人中擇立首領按本律例以管所屬之人又立各族類頭目使管本地之民惟聽荷蘭大帥之命所傳之兩舊土酋在內地安逸度生而已各島稅

賦每年銀一千八百萬兩除給各公費尚存府庫銀兩調水師船數十巡羣島以遏海賊調兵守各埠約二萬丁○運出之貨道光十六年加非六十二萬二千五百九十七石白糖六十三萬六千八百九十一石米一百九十萬二千九百石黛青四千零七十八石錫五萬九千六百七十四石道光十八年加非七十三萬七千五百石白糖九十一萬八千七百五十五石米一百一十八萬七千五百石黛青七千四百三十石錫五萬一千九百六十六石其貿易可謂甚廣因多立禁諭商不得任意運貨往來故有阻礙包攬之弊○荷蘭駐札之都曰巴他威城在西南海邊居民六萬二千族類不一種北面海口曰蘇拉拜居民五萬丁撒馬郎居民三萬八千丁皆與他島貿易惟外國之船獨於巴他威或甲拉巴通商焉內地土酋所駐之大城曰蘇拉甲他居民十萬五千口儒約甲他十萬口其殿廷極廣大

海國圖志 卷十四 東南洋 海島國三 九

馬士拉在牙瓦之東北邊隔以海峽居民二十二萬丁崇印度佛教居民猛勇陣則為荷蘭之助島長三里闊約六里多出米穀以補他島在牙瓦各海口亦有唐人



經商致富○巴里島在牙瓦之東南隔以同名之海峽南極出八度四十一分偏東一百一十四度二十五分岸高難泊其居民尙執印度佛教屍皆焚葬其前君卒如妾七十二人皆願自焚土人不善駕船出米油檳榔燕窩等貨居民八十萬口鄉里長領之外餘悉貧乏自道光十七年以來土會各結黨互戰○屬此島之淪泊有峯高八百丈南極八度二十一分偏東百一十六度二十六分長十六里闊約十四里米穀豐盛每年三萬有餘石載甲板賣與中國居民崇印度佛教頗勤勞安

海國圖志 卷十四 東南洋 海島國三 十

分用中國之通寶錢歷來小土會結黨相殺荷蘭人排兵船以定其爭然終未太平○距此島不遠爲孫巴瓦長六百里闊十三里出堅木駿馬金沙居民鮮少未向化罕與外國往來有火山出火石烟火漿令四方震動○弗力島在八九經度間偏東自百二十至百二十三度出金沙椰油檀香蠟燕窩玳瑁等貨前此荷蘭據其東方今又有布吉據其地與外國無往來葡萄牙人在此南天主教築禮拜堂土民面黑喜鬪有所獲則販賣○地門島闊八百里長約十三里皆山地出檀香

每年約一萬石有金沙禁不准掘荷蘭人於此開礦土人殺之亦出銅蠟椰子椰油等貨崇耶穌教各鄉設學館此島分二分西分歸荷蘭其港口曰古邦東方歸葡萄牙築炮臺曰和睦每年由澳門開船前往買黑奴蠟檀香等貨雖設嚴禁犯者益多祇以人口爲買賣之物甚可恨矣其居民不似蕪來人髮鬚面黑皆土著不築航船○外此尙多嶼洲如鹿地檀香勒地等嶼皆小而微

葛雷巴島舊爲狼牙修沿革

海國圖志 卷十四 東南洋 海島國三 七

梁書扶南以南入海中爲頓遜國其西爲盤盤國又西南爲丹丹國海中有昆壽國去扶南八千里又西南爲干陀利干陀利國在南海洲上其俗與林邑扶南畧同出班布吉貝檳榔天監中其王遣使貢獻方物干陀利之西南爲狼牙修島又西南爲婆利島國再西南則中天竺再西南爲海中獅子國

按頓遜在扶南三千里斗入海中爲柔佛等地無疑昆壽去扶南八千里當是婆羅大洲干陀利在其西南當爲今下港而狼牙修又在其西南當爲



今葛雷巴之小瓜哇則正與婆利之為蘇門島相  
接地勢無一不合矣明史以狼牙修為印度南之  
師子國合為一島又以干陀利為三佛齊與婆利  
合為一島皆與史不合甚至以蘇門答刺為條支  
大食波斯之地則更無足辯矣

梁書狼牙修國在南海中其界東西三十日行南北二  
十口行去廣州二萬四千里地氣物產與扶南同偏多  
沈婆律香等其俗男女皆袒而被髮以吉貝為干縷  
及貴臣乃加雲霞布覆脚金繩為絡金環貫耳女子

海國圖志 卷十四 東南洋 海島國三

被布以縷絡繞身其國累樓為城重門樓閣王乘象有  
幡旛鼓琴台蓋兵衛甚設國人說立國以來四百餘  
年後嗣衰弱王族有賢者國人歸之王聞之乃加囚執  
其鏢無故自斷王以為神不敢害斥逐出境遂奔天竺  
天竺妻以長女俄而狼牙王死大臣迎還為王二十餘  
年死子婆伽達多立天監十四年遣使阿撒多奉表

葛雷巴島舊為閩婆小瓜哇沿革  
唐書訶陵亦曰杜婆曰閩婆在南海中東距婆利西距  
婆登南瀕海北與臘木為城覆屋以掛網象牙為床席  
出琉璃黃白金犀象國最富有穴自湧鹽以椰花椰子  
為酒有文字知星曆王居閩婆城其祖吉延東遷于婆

露伽斯城旁小國二十八莫不臣服其官有三十二大  
夫而大坐敢兄為最貴山上有一邱野州王常登以望  
海夏至立八尺表景在表南二尺四寸貞觀中與墮利  
羅墮婆登皆遣使入貢太宗以璽詔優答墮和羅巧良  
馬帝與之上元間國人推女子為王號悉莫威令整肅  
道不拾遺大食君聞之齎金一囊置其郊行者輒避如  
是三年王世子過以足躪金悉莫怒將斬之羣臣固請  
悉莫曰而罪實本於足可斷趾羣臣復為請乃斬指以  
宋史闍婆國在南海中其國東至海一月汎海半月至  
崑崙國西至海四十五日汎海三日汎海五日至大  
食國北至海四日西北汎海十五日汎海十五日  
日至三佛齊國又七日古暹國又七日至勃泥國又十五  
交阯達廣州其地平坦宜種植產稻麻粟豆無麥稗  
十一之租煮海為鹽多魚鱉雞鴨山羊乘牛以食果  
實有木瓜椰子蕉子蔗芋出金銀犀牙箋沉檀香胡椒  
胡椒檳榔硫磺紅花蘇木亦務蠶織有薄絹絲絞吉貝  
布剪銀葉為錢博易官以粟一斛二斗博金一錢室宇

海國圖志 卷十四 東南洋 海島國三

壯麗飾以金碧中國賈人至者待以賓館飲食豐潔地  
不產茶其酒出於椰子及蠟蜂丹樹華人未嘗見或以  
枕椰檳榔釀成亦甚香美不設刑禁雜犯罪者隨輕重  
出黃金以贖惟寇盜者殺之其王推髻戴金鈴衣錦袍  
躡革履坐方牀官吏日謁三拜而退出入乘象或腰與  
壯士五七百人執兵器以從國人見王皆坐侯其過乃  
起以王子三人為副王官有落倍連四人共治國事如  
中國宰相無月奉隨時星給土產諸物次有文吏三百  
餘員目為秀才掌文簿總計財貨又有卑官始千員分  
主城池帑廩及軍卒其領兵者每半歲給金十兩勝兵  
三萬每半歲亦給金有差土俗婚聘無媒妁但納黃金  
於女家以娶之五月遊船十月遊山樂有橫笛鼓板亦  
能舞土人被髮其衣裝纏胸以下至於膝疾病不服藥  
但禱神求佛其俗有名而無姓先是宋元嘉十二年遣  
使朝貢後絕消化三年貢象牙真珠繡花銷金及繡絲  
絞雜色絲絞吉貝織雜色絞布檀香玳瑁檳榔盤犀裝  
劍金銀裝劍藤花簾白鸚鵡七寶飾檀香亭子其使別  
貢玳瑁龍腦丁香藤織花簾至明州定海縣其使飾服



與管來入貢波斯相類其國與三佛齊有仇怨互相攻  
職本國山多猴不畏人呼以霄霄之聲即出或投以果  
實則其大猴二先至土人謂之猴王猴夫人食畢羣猴  
仍賜良馬戎具以從其請其言鄰國名婆羅門云大觀  
三年六月遣使入貢詔禮之如交趾又有摩國太平興  
國七年載寶貨至廣州海岸南昆國在大海之西南出  
三佛齊風颶月餘可至其國王每巡行先期遣兵百餘  
人持水酒地上以防颶風揚沙塵列鼎百以進食日一  
易之霍翰林官供王飲食俗喜戰鬪習刀稍善射鑿雜  
白銀為錢產珍珠番布其國最遠番船罕到時羅巴智  
力干父子其種類也居泉之城南自是船舟多至其國  
矣

廣東通志瓜哇國古詞陵也一日開婆又名蒲家龍在  
真臘之南海中洲上東與婆利西與隋婆登北接真臘  
國南臨大海自占城起程順風二十晝夜可至其國地  
廣入稠甲兵藥銃為東洋諸番之雄其港口入去馬頭  
日新村屋店連行為市買賣商旅最眾三佛齊國為其  
海國圖志卷十四 東南洋 海島國三 西

所并改名舊港以別於新村源按并三佛齊者乃大瓜  
哇非此小瓜哇也  
明史開婆宋元嘉時始朝中國唐曰詞陵又曰社婆其  
王居開婆城唐宋皆入貢洪武十一年遣使表貢其後  
不復至或曰瓜哇即開婆然元史瓜哇傳不言且曰其  
風俗物產無可考而太祖時兩國並時入貢其王之各  
不同或本為二國其後為瓜哇所滅然不可考源案開  
婆為下港小瓜哇為葛雷巴諸書皆以瓜哇即開婆獨  
此分之然尚與  
大瓜哇相混

魏源曰葛雷巴昔為小瓜哇今為小新荷蘭其與下港  
僅隔一峽凡西洋南洋之番船必透過峽中而後分赴  
各國故帆檣屢市雄甲南海視婆羅洲之大瓜哇尤繁  
盛荷蘭之有小瓜哇猶英吉利之有東印度凡各島駐

防之兵均皆聽號令受節制焉其并于天方也在明天  
順吞于荷蘭也在明萬歷交闕于佛蘭西英吉利也在  
嘉慶之初天方之服之也以回教荷蘭之蠱之也以鴉  
煙皆陰謀潛伏于無形而奪人家國氣運所遷機智所  
闕烏乎安所極哉諸書或以開婆即瓜哇或以噶雷巴  
即大瓜哇而下港為小瓜哇甚至謂瓜哇疆域南抵大  
食而以西南之蘇門答刺當之不知唐書大食王遣人  
囊金開婆之郊陰試女王之令者蓋商船往來速郵傳  
命詎真謂萬里波斯之國雞犬相聞明洪武中命外夷  
海國圖志卷十四 東南洋 海島國三 志

山川附祭各省安南占城真臘暹羅鎮里附祭廣西三  
佛齊小瓜哇附祭廣東日本琉球淳泥附祭福建今則  
大半歸于西洋



海國圖志卷十五

東南洋 海島之國 原無今補

邵陽魏源輯

英荷二夷所屬亞齊及三佛齊島 三國同島即唐以前婆利洲地

蘇門答刺今名亞齊 三佛齊今名舊港

謝清高海錄曰三佛齊及蘇門答刺島在新柔佛島對

渡舊柔佛為英吉利所據其土番徙新島周圍數百里

由柔佛島對渡西南海中別峙一大洲九國環之曰雷

里曰錫里曰大亞齊曰小亞齊曰尼古巴曰蘇蘇曰

叭當曰尼是曰茫古魯曰舊港曰龍牙九國同此一山

海國圖志 卷十五

東南洋 海島圖四

一

亞齊及蘇蘇皆蘇門答刺故地舊港則三佛齊故地也

雷里國在柔佛西南不與柔佛相連由柔佛渡海而南

行約日餘可到疆域約數百里風俗土產與柔佛同土

番較強盛潮州人多貿易於此海東北為琴山徑

錫里國在雷里西北疆域風俗與雷里同由雷里買小

舟沿海行約四日可到海東為麻六甲由此又西北行

約二日仍經紅毛淺土產魚肚冰片椰子胡椒

大亞齊國在錫里西北疆域稍大由紅毛淺外海西北

行日餘即到由國都向西北陸行丘六日水路順風一

二日則至山盡處俱屬大亞齊風俗與無來由各國同

海東北岸為沙喇我國山盡處則與新埠斜對土產金

冰片沙藤椰子香木海菜

尼古巴拉西南海中孤島也由亞齊山盡處北行少西

順風約十一二日可到土番俱野人性情淳良日食椰

子熟魚不食五穀閩人居吉德者常借吉德土番到此

採海參及龍涎香其海道亦向西北約旬日可由此

又北行約半日許有牛頭馬面山其人多人身馬面嗜

食人海艘經過俱不敢近望之但見雲氣屯積天日晴

海國圖志 卷十五

東南洋 海島圖四

二

朗遙見山頂似有火燄焉又北行旬日即到明牙喇海

口若向北少西行順風六七日可到曼達喇薩

小亞齊國一名孫支在大亞齊西由大亞齊西北行經

山盡處轉東南行約日餘可到疆域亦數百里風俗與

大亞齊同土產金沙藤胡椒椰子冰片

蘇蘇國在小亞齊南水路順風約二日可到疆域風俗

土產與小亞齊同

叭當國在蘇蘇東南水路順風亦二日可到疆域風俗

與上畧同海西別有一島為呢是國



呢是國又名哇德在蘇蘇叭當二國之西海中獨峙一山民似中國而小常相擄掠販賣出入必持標鎗懼礙火不食五穀惟以西穀米合香蕉煎食年老者子孫則抱置樹杪環其下而搖之俟跌死而後已其滅倫理至於此極自此以西海中多大石風濤險阻故大西洋海船往小西洋者必由叭當之西呢是之東茫古魯在巴當東水路順風約五六日可到陸路亦通但山僻多盜賊故鮮有行者沿海都邑近爲又吉利所奪國王移居山內然英吉利居此者不過數千人領兵數百而已

海國圖志

卷十五

東南洋 海島圖四

三

土產海參丁香豆蔻胡椒椰子檳榔

舊港國即三佛齊也在茫古魯東疆域稍大由古東南行約三四日轉北入葛刺巴峽口順風行半日方出峽峽東西皆舊港國疆土峽西大山名網甲別峙海中山麓有文都上盧寮下盧寮新港等處山南復有二小島一名空壳檳榔一名朱麻里皆產錫閩粵人到此採錫者甚眾文都有英吉利鎮守而權錫稅凡採者俱向借貸斧得錫則償之每百斤止給洋銀八枚無敢私賣國王所都在峽西由文都對海入小港西行四五日方至

亦有荷蘭鎮守兩岸居民俱臨水起屋頗稱富庶國王殿廷爲三級每日聽政王坐于上次列各酋長庶民爭訟者俱俯伏於下體制嚴肅而民性兇惡多爲盜賊不知尊中國而畏荷蘭英吉利如虎凡有誅求無敢違抗巫來由番皆然不獨此國也土產金錫沙藤速香降香胡椒椰子檳榔水鹿

龍牙國在舊港北由峽口水路到此順風約三日由此北行日餘則爲柔佛西北行日餘則至雷里此山多木大者數十圍中華洋船至此多換桅舵凡雷里錫里大

海國圖志

卷十五

東南洋 海島圖四

四

抵皆巫來由種類唯大亞齊及蘇蘇民稍消良餘俱兇惡盜劫爲生凡巫來由各國俱產黑燕窩速香降香雞骨香檳榔椰子海菜

地里備考曰蘇麻答刺島亦曰蘇門答刺在南洋之極西緯度自北五度起至南五度止經度自東九十三度起至一百零三度止長約三千五百里寬約五百五十里烟戶六兆餘口本島地勢重岡疊嶺迤邐延袤其最大者曰柯非爾山曰古農哥孫巴拉山火山不一地震時作田土膾腴穀果豐稔叢林稠密禽獸蕃衍土產金



銀銅鐵錫硝磺冰片胡椒椰子甘蔗藥材沙谷米等物地氣互異每多陰雨商賈雲集本島疆域不屬別國管轄惟一處歸賀蘭國兼攝其自為國者三曰亞齊在島之北疆域狹窄人烟稀疎都城建於西北屋宇樸陋街衢灣曲曰西亞哥在島東之西亞哥河兩岸數會分攝各霸一方海濱之人多務劫掠都城貿易蕭條曰巴達斯在島西海濱與亞齊毗連數會分攝不相統屬其歸賀蘭攝者一名巴當在島之西地勢偏小貿易則盛一名美囊加布在島之中一名巴稜邦在島之東田土肥

海國圖志 卷十五 東南洋 海島圖四 五

饒稼穡豐茂一名檳榔在島之南地多涉澤人烟稀疎島之東西小島臚列各設酋長東島一名盧巴一名邦八爾一名靈安長約一百八十里寬約一百里一名兵當長約一百里寬約四十里一名當容比囊內有里約城商賈輻輳一名邦加長約五百四十里寬約一百五十里人烟寥落錫礦繁衍一名比彝敦多產黑金西島一名英加諾迴環約一百里田土膾腴地氣嚴寒一名波日又曰那搔島嶼甚多不產杭稻椰竹沙谷米等甚屬蕃衍一名波拉又曰細波拉島嶼不一大者長約三

百里寬約六十里一名細比盧長約二百七十里寬約四十里內有火山晝夜吐燄不熄一名巴都一名尼亞斯長約一百八十里寬約六十里田土膏腴穀粟豐稔一名巴比一名巴比亞哥長約六十里寬約二十里每月統紀傳曰蘇門答刺大州嶼一帶皆山於其州中間分州兩分瘦嶺磧地只產錫金沙藤胡椒檳榔椰子冰片等貨英吉利人又種豆蔻丁香樹其金鳳有大聲名不勝其美土番皆馬萊西族類不勝數同民居住由來已久强悍刁頑肆為不法年年往默底那國拜其聖

海國圖志 卷十五 東南洋 海島圖四 六

人穆罕默德鐵棺棹各處皆有小土酋沿溪居茅不善生理故上下窮苦唐時為亞齊國權勢甚大今則西洋藩屬外國史畧曰蘇門他拉此為長島與牙瓦島以孫他海峽相隔長約三千五百里闊約五百五十里地分三分東北甚低有血蝎產沙米穀米安息香大河由此入海濱出胡椒地雖低無大澤西北高多出檳榔中多高山有千三百八十四丈山下廣坦暑月亦涼土人樂之亦多湖澤西則溪川四處灌溉地常震火山出火漿又



多金銅鐵硫磺等礦石炭石油硝等物但居民未悉採取之法金礦每年可出三萬兩游山者或偶遇之一塊重九兩者其穀僅足居民食用惜地未開墾草木暢茂爲野獸之藪產胡椒檳榔及冰片之樹計冰片數斤必伐木三百株惟中國貴之每年運出六千六百五十斤耕田以水牛林多象犀虎猴狒狒水中多蝦蟆蛤蜊蟒蝮林中有金雞神鷹鶴鵲鸚鵡運出之物如安息香桂皮蘇花加非等貨計萬萬石又有乳香楠沉紅木烏木等料居民多蕪來由族類崇回回教其教師嚴禁

海國圖志

卷十五

東南洋 海島國四

七

鴉片及各董物民色紫尊貴人以金鑲齒居民恆帶短刀有要事則誓諸墓以舊器爲盟在海口販人爲奴百姓不好城居自建鄉里竹葵爲寮食不用箸以手搏之飯惟魚蝦花椒等物以老男女爲醫生不必通其藝隨意令病者服藥教外之人皆好賭博食鴉片海邊居民以搶劫商船爲事其內地民則樸實有大城曰黑囊加報城亦蕪來由族類此族人在元以前獨住蘇門他拉一島後散布羣島不啻千萬仍以此城爲聖域赴其廟以祀神地多產金居民皆造金器亦善造火器火藥短

刀乾隆間土酋互相戰鬪嘉慶間請荷蘭兵助遏其教師荷蘭遂據其地○蘇島有名之國曰亞珍或曰亞齊昔與中國通其君住草舍道甚微居民憚勞苦○此國之南方有巴答蠻者雖向化辯字務農卻食人肉戰則虜人爲糧或父母老邁卽食其肉昔耶穌教師至此欲化之爲土民所殺後遂無入境者在南方有離利讓等族類崇佛教其民情貧○明萬厯間葡萄牙亞船到此島通商與海賊肇衅英人隨之在西南海邊開賓古林埠二百餘年以胡椒貿易乾隆年間始種丁香豆蔻後以

海國圖志

卷十五

東南洋 海島國四

八

此地讓荷蘭順治年間在西海邊開巴當海口亦在東邊占巴林邦所據之地道光年間始爲全島之主由此衅起與土人入戰亡其軍再戰始勝之然耗兵糜餉始令民種加非樹土產日增惟西北各金山歸荷蘭唐船每年有一二到巴林邦口買沙藤錫胡椒等貨海邊又任漢人開市百姓爲荷蘭管束不敢遠出

附近此島各地一曰岡加島在蘇門之東其地磽產紅石錫礦甚盛每年出六十萬餘石爲荷蘭所轄廣東嘉應州人多在此開錫山收餉頗重一曰北里屯島距岡



加不遠多海賊航船者難之○又蘇門西為尼押羣島居民愚蠢蕪來由虜賣之為奴地亦豐盛惜無人開墾

亞齊舊港即古婆利沿革考

梁書曰婆利國在廣州廣南海州上去廣州二月日行國界東西五十日行南北二十日行有一百三十六聚氣暑如盛夏穀一歲再熟草木常榮海出文螺紫貝有石名蚌貝羅初采柔輒刻削為物乾之遂堅國人披吉貝如吧及為都縵王乃用班絲布以嬰絡繞身頭著金冠高尺餘形如弁綴以七寶帶金裝劍偏踞金高坐銀

海國圖志 卷十五 東南洋 海島圖四 九

踏支足侍女皆為金花雜寶之飾持白旄拂及孔雀扇王以象駕輿輿以雜香為之上施羽蓋珠簾導從吹螺擊鼓王姓陳憐如自古未通中國言白淨王夫人即其國女天監十六年入貢

明史蘇門刺在滿刺加之西順風九晝夜可至或言即漢條枝唐波斯大食二國地西洋要會也成祖初遣使以即位詔諭其國永樂元年遣使賜其會織金文綺中官尹慶使瓜哇使道復使其國其會遣使朝獻詔封為國王遂比年入貢而鄭和凡三使其國先是王之父與鄰國花面王戰中矢死王子年幼有漁翁率國人往擊賊其王而還王妻遂與之合稱為老王既而王子年長復殺老王而篡其位及是鄭和至其國老王弟蘇幹刺以頌賜不及已怒統數萬人邀擊和勒步卒及國人禦之大破賊眾追至南渤利圍俘以歸宣德五年帝以

外番貢使多不至暹和及王景宏遍歷諸國願詔凡歷二十餘國明年遣使入貢者再八年貢麒麟九年王弟哈利之漢來朝卒於京成化二十二年其使者至廣東有司驗無印信勘合乃其表於庫卻遲其使別遣番人輸貢物京師稍有大臣握兵權大臣有奴榮黜出謂其兩易姓初其國有大臣握兵權大臣有奴榮黜出謂其主曰國王左右侍衛少主握兵權大臣有奴榮黜出謂其道吾殺之吾主即王矣敢異議者血此刃眾議不敢動其主遂篡位任奴為心腹委以兵柄未幾奴復弑主而代之以乃大為防衛拓其宮建六門不得開入雖動費不得帶刀上殿出乘象駕亭而帷其外如是者百餘年人莫測王所在其國俗頗淳出言柔順惟王好殺歲殺十餘人取其血浴身謂可除疾貢物有寶石瑪瑙水晶石青回同青善馬犀牛龍涎香沉香速香木香丁香降真香刀弓錫鎖服胡椒蘇木硫黃之屬貨船至貿易稱平地本無麥有禾禾一歲二稔四方商賈輻輳華人往者以地遠價高獲利倍他國其氣候朝如夏暮如

海國圖志 卷十五 東南洋 海島圖四 十

秋夏有瘴氣婦人裸體惟腰圍一布其他風俗類滿刺加蘇武後易國名曰亞齊又有須文達那者古不知何時初更然其貢物與王之名皆不同無可考室清通考四裔門亞齊在西南海中相傳舊為蘇門答刺國名萬歷中乃易今稱其王嚴防衛拓宮殿建六門雖動費不得帶刀上殿出乘象駕亭而帷其外如是者百餘年人莫測王所在其國俗頗淳出言柔順惟王好殺歲殺十餘人取其血浴身謂可除疾貢物有寶石瑪瑙水晶石青回同青善馬犀牛龍涎香沉香速香木香丁香降真香刀弓錫鎖服胡椒蘇木硫黃之屬貨船至貿易稱平地本無麥有禾禾一歲二稔四方商賈輻輳華人往者以地遠價高獲利倍他國其氣候朝如夏暮如



外不輸租賦有所征伐隨時調發立集會長率領皆自  
 備兵器糧糗汎海使風二十日至廣州其王號詹果其  
 元年皆來朝貢終宋世職貢不絕  
 明史三佛齊傳三佛齊古名干陀利宋孝武帝時嘗遣  
 使奉貢梁武帝時數至宋名三佛齊修貢不絕洪武三  
 年太祖遣行人趙述詔諭其國明年遣使奉表隨入朝  
 貢方物詔賜大統歷及綿綺有差其貨船至泉州者命  
 勿徵稅時其國有三王八年九月遣使隨招諭佛國  
 朝使入貢洪武九年遣使貢犀牛角黑熊火雞白猿紅綠  
 鸚鵡龜筒及丁香冰腦諸物其使者言先王歿嗣子不  
 敢擅立請命于朝詔遣使齎印敕封為三佛齊國王是  
 時瓜哇強已威服三佛齊而役屬之開天朝封為國王  
 與己城大怒遣人誘朝使殺之天子亦不能問罪自  
 是其國益衰貢使遂絕洪武三十年八月禮官以諸番  
 人缺貢奏聞帝曰洪武初諸番貢使不絕邇者安南占  
 城真臘暹羅羅哇瓜哇大琉球三佛齊彭亨百花蘇門  
 答刺西洋等三十國以胡惟庸亂三佛齊乃生間諜

海國圖志 卷十五 東南洋 海國圖四 三

給我使臣至彼瓜哇王聞知遣人戒飭禮送還朝由是  
 商旅阻遏諸國之意不通惟安南古城真臘暹羅大琉  
 球朝貢如故大琉球且遣子弟入學凡諸番國使臣來  
 者皆以禮待之我親諸國不薄未幾知諸國心若何今欲  
 遣使瓜哇恐三佛齊中途阻之聞三佛齊本瓜哇屬國  
 可述朕意移咨暹羅俾轉達瓜哇然三佛齊本瓜哇屬國  
 佛齊據其國改其名曰舊港三佛齊遂亡國中瓜哇已破三  
 哇亦不能盡有其地華人流寓者往往起而據之有梁  
 道明者廣州南海縣人久居其國閩粵軍民汎海從之  
 者數千家遂推道明為首領其國閩粵軍民汎海從之  
 外遇其子校與俱來永樂三年遣使齎敕招之隨使入  
 朝四年舊港頭目陳祖義梁道明各遣其子來朝祖義  
 亦廣東人雖朝貢而為盜海上貢使往來者苦之五年  
 鄭和自西洋還遣人招諭祖義詐降而潛謀逆劫劫有  
 施晉卿者告於和祖義來襲被擒獻於朝伏誅命設舊  
 港宣慰司以晉卿為使賜詔印及冠帶自是屢入貢然  
 進卿雖受朝命猶服屬瓜哇其地狹小非故時三佛齊  
 比也嘉靖末廣東大盜張璉作以官軍已報克獲萬歷

五年商人詣舊港者見礎列肆為番船長潭泉人多附  
 之猶中國市舶官云其地為諸番要會在瓜哇之西順  
 風八晝夜可至轄十五洲土沃宜稼語云一年種穀三  
 年生金言收穫盛而貿易多也俗富好淫習于水戰  
 國畏之地多水惟部領陸居庶民皆水居編筏築室繫  
 之于楮水漲則筏浮無沉溺患欲徙則拔楮去之不費  
 財力下稱其土曰詹卑猶國君也後大酋所居即號詹  
 卑國而故都則改為舊港初本富饒自為瓜哇破滅後  
 漸至蕭索商船亦鮮至其  
 地風俗物產俱詳宋史  
 瀛涯勝覽舊港古號三佛齊曰勃淋邦隸瓜哇東距瓜  
 哇西距滿刺加南距大山自西北濱海入淡港入彭  
 家裏舍易小舟入港達其國國人多廣東漳泉人流寓  
 土沃人稠宜稼穡俗好賭博如把龜奕棋鬪雞皆索錢  
 具也市亦用中國銅錢布帛之類厥產鶴頂黃連降真  
 沉香黃蠟食炭神鹿鹿啖草木不近腥物雖繫之不  
 死牛羊猪犬雞鴨蔬  
 果之類與瓜哇同

海國圖志 卷十五 東南洋 海國圖四 三

明張奕東西洋舊港古三佛齊國也初名干陀利又  
 名勃淋在東南海中本南蠻別種居真臘瓜哇之間王  
 號詹卑故今玉所部為詹卑國而故都為瓜哇所破更  
 名舊港以別于彼之新村云語其地故稱沃土商舟  
 至獻果幣有成數居人商量物價雖議價金多少然非  
 價金實價椒也如值金二兩則價椒百石其大較云喜  
 買夷婦他國多載女子易其椒以歸舊港則用銅錢矣  
 三佛齊風稱蕃盛國破以後滿日蕭條賈人亦希造  
 魏源曰三佛齊國自宋以來臣服中國蘇門答刺亦終  
 明世職貢不衰 國朝獨不列王會之圖則知為西  
 夷窟穴久矣其地自宋以前則為婆利洲梁隋唐皆入  
 貢而隋唐書言婆利國自交趾浮海南過赤土丹丹乃  
 至其國國界東西四月行南北四十五日行赤土即古



扶南今暹羅而丹丹即今柔佛等國地望相準且唐以後無婆利宋以前無三佛齊今此昔彼亦沿革相承又史言婆利東西南北數千里為海南大國舍是島外更無大洲足當婆利故壤者斷非明史南渤利南巫里梨我阿魯那孤兒等小嶼居民千餘家之倫至明史沿革之謬以蘇門答刺為古大食波斯等國烏乎何以至是

海國圖志 卷十五 東南洋 海國圖四 三

Table with multiple empty columns, likely a placeholder for a map or diagram.

荷佛二夷所屬美洛居島一作馬路古一作木路各一作摩鹿加各原無今補明史美洛居俗訛為米六合居東海中頗稱饒富會出威儀甚備所部合掌伏道旁男子削髮女椎結地有香山雨後香漚沿流滿地居民拾取不竭其會委積充棟以待商舶之售東洋不產丁香獨此地有之可以辟邪故華人多市易萬曆時佛郎機來攻其會戰敗請降歲以丁香充貢不設戍兵而去己紅毛番橫海上知佛郎機兵已退乘虛直抵城下執其酋語之曰若善事我我為若主殊勝佛郎機也酋不得已復聽命佛郎機會聞

海國圖志 卷十五 東南洋 海國圖四 古

之大怒率兵來攻值紅毛番已去遂破美洛居殺其酋立己所親信主之無何紅毛番至又破其城逐佛郎機所立酋而立美洛居故王之子自是歲歲構兵人不堪命華人流寓者游說兩國令各罷兵分國萬老高山為界山以北屬紅毛番南屬佛郎機始稍休息而美洛居竟為兩國所分

荷懷仁坤輿圖說呂宋之南有木路各島無五穀出沙谷米是一木磨粉而成產丁香胡椒二樹天下所無惟本處折枝插地即活性最熱祛淫氣與水酒同貯即吸乾樹旁不生草土人欲除草折其枝插地草即立枯又產異羊牝牡皆有乳有大龜一殼可容一人或用為盾以禦敵



地理備考曰美洛居島亦號米六合亦號麼魯加斯在  
南洋之西塞勒卑斯島之東緯度自北三度起至南十  
度止經度自東一百十七度起至一百三十度止島嶼  
紛繁火山不一地震時作每有不虞地氣溼熱不便居  
棲田土互異土產各殊島中或設酋長管理或附荷蘭  
總兵統攝島之大者曰安波義那長約二百里寬約三  
十里田地肥饒地氣炎熱土產硫磺丁香加非藍靛沙  
谷米等物樹木充斥東方為最禽獸蕃衍鱗介庶眾曰  
塞郎長約七百五十里寬約一百五十里山勢峻峭田  
土廣腴五穀百果靡弗豐登諸酋分攝各據一方曰布  
盧迴環約一百七十里地面積方約二千六百哩岡陵  
巍峩川河紛繁土肥穀豐毛羽鱗介充斥諸酋分攝各  
霸一方曰邦達內計十島皆有火山地震時作地氣不  
馴有礙居棲其內義辣郎多義爾古農阿比不慮阿義  
乃十島中之大者皆屬荷蘭國兼攝曰濟羅洛又名阿  
拉馬厄辣長約八百里寬約一百五十里境土錯落不  
相聯絡田土應厚物產豐饒地氣炎熱不便居棲島分  
三屬北屬德爾那的島酋長兼攝南屬的德爾島酋長

海國圖志

卷十五

東洋 海島圖四

五

兼攝中為本島諸酋分轄不相統屬其南北二處於道  
光四年有荷蘭國總兵駐劄於此始為兼攝曰德爾那  
的迴環約九十里內有火山晝夜吐燄田土膏腴金砂  
寶繁島中一酋統攝亦歸荷蘭兼轄曰的德爾長約十  
里寬約八里本島較德爾那的雖小而庶民則過之一  
酋統攝亦屬荷蘭兼轄曰巴將長約二百里寬約四十  
里田土肥饒穀果豐茂金礦蕃衍一酋管理曰大科比  
長約二百五十里寬約四十里田地土產與巴將島比  
等諸酋分攝各霸一方曰迷索爾長約一百七十里寬  
約五十里諸酋分攝不相統屬曰波波乃眾島總名也  
大者亦名波波迴環約百七十里一酋管屬曰麼爾帶  
長約二百二十里寬約六十里田土應腴人烟寥落歸  
于德爾那的島酋長兼攝不相統屬曰門日斯乃  
眾島總名也大者三島皆歸明達捷島酋長兼攝  
外國史卷曰東南各嶼曰摩鹿加島一作美洛居地確  
出粟蕃薯並無米多火山多地震山為谷為湖所常  
見也居民樸實出丁香玉果出售遠商與荷蘭往來多  
奉耶穌之教亦有同回教自為教門明萬歷間葡亞

初到開埠與土君戰是班亞兵船亦爭此地荷蘭遂乘  
間而據是嶼後各島歸荷蘭包攬丁香玉果之貿易且  
論土民盡伐其樹令他國無可買處如結果太過恐以  
是滅其價即燒此果每年出丁香約六千石玉果約七  
千石豆蔻花約二千石大半售於歐羅巴各國他島近  
亦種是樹價終減焉荷蘭調軍士數千往安本島築噶  
查其班他悉蘭在北方黃道之內特那地乃大山島義  
羅羅大嶼大半荒蕪主拉島地突島摩得島馬善布羅  
島出好檀香並花木○荷蘭各藩屬在羣島之中廣袤  
方圓共萬六千四百里居民千四百六十四萬四千俱  
聽荷蘭之命各島廣袤方圓七千九百  
五十五里居民三百八十五萬一千口  
萬國地理全圖集曰摩鹿加羣島在小呂宋之南全歸  
荷蘭轄居民大半奉耶穌教地出丁香玉果豆蔻蘇木  
等貨各島總帥駐在安門北極出三度四十分偏東一  
百二十八度海口建砲臺有萬他不離地內有火山常  
地震玉果豐結足以補列國之用西蘭長嶼出沙殼米  
但民不耕田故由他嶼運買其居民尚野未向化德拿

海國圖志

卷十五

東洋 海島圖四

六

地小嶼稱樂土周年天氣和暖但內地火山一動鄰地  
遍焚燬提讀島上有土君亦管義羅羅島也出丁香玉  
果但荷蘭人不準運賣巴治安島又歸同土君所治  
明隆慶年間葡荷牙人之船始到德島不期是班牙人  
亦至與葡荷接戰泰昌年惟荷蘭乘機力攻兩國擊其  
駐防兵嚴守其權歷二百年不廢但所發賣丁香豆蔻  
等物不足以資國費又絕他國船隻往來買賣是以生  
意不盛○又曰摩鹿加之西至牙瓦島一帶嶼曰亞羅  
地門律兩島土蠻人居佳不與外國交通武羅乃荷蘭  
埔頭少民人少物產地門出蠟檀香東方葡荷牙居之  
西則荷蘭之埔頭曰古邦西南曰檀香嶼北係佛理嶼  
西日遜巴瓦倫泊巴理等島皆出米居民向奉佛教未  
化向  
每月統紀傳曰美洛居嶼等與巴布阿大洲皆荷蘭管  
下本產豆蔻丁香每年數萬石惟荷蘭可載運出之谷  
島等因山嶺多石故無米土番食沙殼米即是樹髓居  
民事救世主耶穌崇拜上帝與荷蘭交友只恨人都安



逸偷開其都會為安門是荷蘭總管所治又有那巴布  
阿之士番欲娶妻必以人獻為聘故好殺人而實其願  
面黑性蠻有鸚鵡言鳥各類果食數種蓋土番可畏商  
舟往貿易者鮮矣道光十年荷蘭王差人建城臺池  
以防海口教習土番耕田作工以調理之及日萬占累  
巴當二島西南海濱巴鄰網甲二島在東北海濱為荷  
蘭所管建臺開埔頭因良人與山丙之白頭回回僧  
戰鬪不息故其地官府時防範巴鄰網甲沿溪樓閣  
羣居廣東船進江買胡椒藤錫等貨勒索太甚萬古累  
先為英國藩屬地因公費過于稅入故以麻刺甲邑易  
之萬古累地丁香樹胡椒園不勝數種之者無利網  
申嶼附蘇門答刺洲出錫幾萬石故荷蘭設官發賣  
且廣東人開錫山甚難米食物都  
由外國運出蓋其地為石山而已  
又曰檳榔嶼亦是英國所管附大山乾隆年間英國人  
開此地地方並作胡椒丁香園故息力檳榔嶼之屋不勝  
光耀○島之南北大島六曰桑濟爾曰西昂  
日邦加日書拉日布敦日薩拉夜爾餘不記

海國圖志 卷之五 東南洋 海島國四

又曰閩堂嶼是荷蘭所管有礮臺在山嶺及大營汎其  
產物為胡椒等貨潮州府人耕田買賣向有幾萬今其  
數漸減馬萊西君惟治各小嶼因馬  
萊西之族類懶惰窮苦并米皆無  
地理備考曰塞勒卑斯島在南洋之西邊羅美洛居二  
島之間緯度自北二度起至南六度止經度自東一百  
十七度起至一百二十三度止南北相距約一千七百  
里東西相去約七百里烟戶三兆餘口本島地勢錯落  
不相聯絡田土極狹穀果最豐叢林稠密木多上品地  
氣燥烈海風清涼土產金鐵硫磺水晶稻稻藤花丁香  
豆蔻烏木檀香椰子沙殼米各等物島中朝綱兩端一  
係荷蘭派官鎮守一係自設土酋仍附荷蘭其荷蘭派  
官者有四一名馬加薩又名茫加薩在島之西南貿易  
興隆商賈雲集一名賓達音在島之南去馬加薩二百  
五十里一名馬羅斯在島之北去馬加薩一百二十里  
一名馬那多在島之東北諸貨駁臻其自設土酋者數  
國工相結盟曰波尼曰瓦八曰盧呼曰馬加薩爾曰曼  
達爾曰達內德曰索兵曰昔德靈曰翁古宜辣曰哥阿

明史丁機宜瓜哇屬國也幅員甚狹僅千餘家柔佛  
而雄丁機宜與接壤時被其患後以厚幣求其稍獲甯  
處民俗類瓜哇物產悉如柔佛華人往商交易甚平自  
為柔佛所破往者亦鮮又蘇吉丹瓜哇屬國後說為思  
吉港國在山中止數聚落又有碟里國  
日羅夏治國皆近瓜哇於承樂初入貢  
明史合苗里海中小國也土膏多山山外大海饒有魚  
蟲人知耕稼承樂三年遣使附瓜哇使臣朝貢其國又  
名苗里務近呂宋商船往來漸成富壤華人其國不  
敢欺凌市法最平故華人為之語曰若要富須往苗里  
務有網巾礁腦者最兇悍海上行劫  
因是苗里務商船亦稀地漸貧困  
海國圖志見錄曰呂宋下接利仔天水程十二更至甘馬  
力水程二十一更二處漢人從呂宋舟楫往彼貿易利  
仔友之東南隔海對峙有五島曰班愛曰惡黨曰宿務  
曰苗務煙曰網巾礁腦均土番族類山海所產與呂宋  
同水程必由呂宋之利仔友海而南呂宋至班愛十更  
至惡黨二十三更至宿務二十四更至網巾礁腦五十  
更至丁機宜二百一十更

海國圖志 卷之五 東南洋 海島國四

入更人惡罔知識國各有酋惟謹守國土其東南又有  
萬老高丁機宜二島居於已方國土人物產瀕相似水  
程呂宋至萬老高一十七更  
四更至丁機宜二百一十更  
魏源曰坤輿圖說職方外紀述阿細亞洲海中鉅島曰  
日本曰呂宋曰萍泥曰小瓜哇曰蘇門答刺曰則意蘭  
曰馬路古一作木皆西洋市舶所盛之區而馬路古不  
見於史史言美洛居為佛郎機荷蘭其據又不見於圖  
說外紀其為音譯相互無疑丁機宜合苗里又小不足  
道矣乃明史此外尚有覽邦淡巴南巫里白葛達古里  
班萃等數十國僅謂在東南海中初無疆里沿革不過



漁獠蛋戶西洋所不屑顧而鄭和徧致諸王會史乘概列諸職方何足算哉何足算哉 國朝互市諸番在西北洋者皆夷船來市惟南洋則華船往市以冬春往夏秋歸康熙初開東洋海禁尙未許赴南洋雍正乾隆海禁大弛鸞帆鷁船萬里遊征然內地商船遠極印度南洋而止無至小西洋者明太監鄭和亦僅遠至小西洋無至大西洋者故今志海國以東南洋冠諸首而盡刪明史諸小島

海國圖志

卷十五

東南洋 海島國四

九

英夷所屬新埠島

疑卽明史之交欄山原無今補

謝清高海錄新埠海中島嶼也一名布路檳榔又名檳榔土英吉利于乾隆年間開闢者在沙刺我西北大海中一山獨峙周圍約百餘里由紅毛淺順東南風約三日可到西南風亦可行土番甚稀本巫來由種類英吉利招集商賈遂漸富庶衣食房屋俱極華麗出入悉用馬車有英吉利駐防番二三百又有敘跋兵千餘閩粵到此種胡椒者萬餘人每歲釀酒販鴉片及開賭場者權稅銀十餘萬兩然地無別產恐難持久也

海國圖志

卷十五

東南洋 海島國四

十

荷大庚英夷說英吉利者昔以其國在西北數萬里外距粵海極遠似非中國切膚之患今則駸駸移兵而南凡南洋瀕海各國遠若明呀喇曼噠喇薩孟買等國近若吉蘭丹丁加羅柔佛烏土國以及海中三佛齊葛雷巴婆羅諸島皆爲其所脅服而供其賦稅其勢日盛其心日侈豈有厭足之日哉近粵洋海島有名新埠者距大嶼山僅十日程沃土三百里閩粵人在彼種植以盡地利者不啻數萬阡陌田園一歲再熟卽粵人所謂洋米是也英夷以強力據之撥敘跋兵二千駐防其地與



新嘉坡相倚角居然又一大鎮矣

明史麻葉囊在西南海中永樂三年十月遣使齎書賜物招諭其國其酋長迄不朝貢自古城嶽山放舟順風十晝夜至交欄山其西南即麻葉囊山峻地平坦膏腴收穫倍他國交欄山甚高廣饒竹木元史弼高與伐瓜哇遺風至此山下舟多壞乃登山伐木重造遂破瓜哇其病卒百餘畱養不歸後益蕃衍故其地多華人元汪大淵島夷志畧勾欄山嶺高而林密田瘠穀少氣候熱俗射獵為事至元初軍士征關婆遺風於山輕損舟一舟幸免見此山多木故於其地造舟十餘隻飄然長往有病卒百餘人不能去遂畱山中今唐番雜居源案交欄山為往大瓜哇婆羅洲必由之地又山高壤沃似即新埠之地

海國圖志卷十五

東南洋 海島國四

圭

海國圖志卷十五終

海國圖志卷十六

東南洋 海島國之國 原無今補

邵陽

英夷所屬外新阿蘭島即阿塞亞尼洲一名阿蘭島之奧地利亞國同名若但呼新荷蘭又與兩瓜哇相混茲今從地理備考阿塞亞尼洲之名其實音近字殊猶之奧地利亞國也蓋地理備考以此洲為南洋諸島之統領故以島名為州名其實亞細亞等皆夷人以意命名非有故實六合之外聖人不論既放觀宇宙之大不得不名從主人也

海國圖志卷十六

東南洋 海島國四

一

地里備考曰阿塞亞尼洲又名奧斯達拉里亦名大新阿蘭在南洋之中緯度自南十度起至二十九度止經度自東一百十度起至一百五十二度止南北相距約七千五百里東西相去約九千五百里地面積方三百八十五萬里  
又曰阿塞亞尼洲即南洋諸島今合稱為五州之一也重洋登嶼地狹國多而以中央之最大奧斯達里亞島為主其餘各島土產豐饒黎庶不一政治各殊緯度距赤道自北三十五度起至南五十六度止經度巴黎斯午線東九十一度起至一百零五度止



本州東枕大海西接印度海南連南大海北界北大海暨亞細亞美里加二州

本州四面皆海眾島散布于中合計眾島南北相距約二萬二千七百五十里東西相去約四萬一千里統計地面積方約四百二十萬零五千五百里

本州地分三域一名西亞塞亞尼緯度自北十二度起至二十一度止經度自東九十三度起至一百三十二度止島嶼紛繁散布其中曰蘇麻答刺曰瓜哇曰松巴瓦地門曰美洛居曰塞勒卑斯曰婆羅曰呂宋此西方

海國圖志

卷十六

東南洋 海島國四

二

諸島國也一名中阿塞亞尼又名奧斯達里即本州之主島所謂大新阿蘭者也緯度自北一度起至南五十五度止經度自東七十六度起至一百八十一度止其諸島曰新爲義亞曰盧義西阿達曰新北勒達尼曰薩羅蒙曰北盧斯曰基羅斯曰新加勒達尼曰諾爾佛爾克曰新塞蘭地曰疊門尼此中央諸島國也一名東阿塞亞尼緯度自北三十五度起至南六十五度止經度自東一百二十五度起至一百零五度止各島曰日本曰馬黎亞納曰巴勞曰加羅黎訥曰慕爾加拉威曰維

的曰當加曰花和爾尼曰合麼阿曰給爾馬的曰古名曰都浪哀曰達義的曰包麼度曰門達那曰合威曰斯波拉大此東方諸島國也三域紛布而以中央之奧斯達里洲爲主故得阿塞亞尼州之名

本州各島人民約計二京零三億餘口風教不一曰回教曰釋教曰諸神教曰耶蘇公教曰加爾威諾教各從所尚

本州各島朝綱視別州無異其中稱王稱漢稱酋稱長或歷代相傳或庶民自立稱謂各殊彼此不同

海國圖志

卷十六

東南洋 海島國四

三

本州各島人民不一技藝各殊視他州迥別其黑人惟林是居無所事事凡日用器物槩不知造其馬來人稍爲辛勤或佃或漁或駕舟或開礦以爲養生之計至若陶器多造于巴布阿西亞人簞席多編于羅馬都人其塞勒卑斯布基斯勒及瓜哇等各島織紡最優工作細緻其維的當加達義的都波哀等各島工作製造亦屬精良凡鎔造金銀琢磨玉石刊斲竹木雕刻牙角在在不乏其最精者乃婆羅瓜哇及布里內西亞各島之人外人罕到迄今尙莫能悉至于海濱亦未甚詳其岡陵



重登人迹罕至河之長者曰好給斯巴黎曰馬加里曰  
拉支蘭皆在東方其白礬煤炭生鐵等物多產于南方  
之中草木花卉靡弗充斥叢林稠密禽獸蕃衍地氣互  
異各有不同北方酷熱人莫能堪中央溫和甚便居樓  
南方或寒或暑與歐羅巴州相等技藝缺乏土人愚魯  
明朝末年有荷蘭人始尋得此地旋以其荒蕪棄去近  
數十年英國復從流民開墾創造故猶存新阿蘭之名  
示別于葛雷巴也通島各地有屬英吉利兼攝有為酋  
長管理海濱有東西南北之號其東方又名南新牙利

海國圖志

卷十六

東南洋 海島國四

四

斯乃會所屬地方人民鄙陋居無廬舍遷徙靡常蓋洪  
荒甫闢榛狉之象也東南洋各島林立然至大如婆羅  
瓜哇日本皆不過長二三千里止獨此島長將萬里廣  
七千餘里如星中之月且寒暑適平物產繁殖非南極  
北極下冰海不毛之比故當命為一州與歐羅巴亞悉  
亞等並峙焉其屬英吉利者曰昔德內屋宇壯麗貿易  
日盛曰波德尼卑曰女加斯德爾曰巴拉馬大曰日爾  
非斯曰馬加利曰非里卑西方曰雷温曰厄德黎曰音  
達拉至南方皆屬英吉利兼攝地分四曰奴宜德斯曰

非芬德爾曰波定曰加蘭北方皆屬英吉利兼攝地分  
四曰維德曰鸞疊門曰阿爾內音曰加爾奔達里  
外國史畧曰南洋羣島最多形勢最大南極出地十二  
度四十分及北極二十度偏東自九十二度至一百三  
十四度各相連皆在南北黃道帶內故其天氣物產情  
形皆相似大山茂蕪並多古蹟產物甚貴由此而西各  
島分峙第一帶為蘇門他拉島牙瓦島巴里島倫薄島  
偏東一百一十六度土地豐盛居民務農第二帶為西  
里白在羣島之中東界係補東島撒刺益等島皆延偏

海國圖志

卷十六

東南洋 海島國四

五

東一百一十六度及一百二十四度婆羅島亦在此度  
內所居族類不一第三帶島自偏東一百二十四度及  
一百三十度北極出自二度及南極十度大半皆蠻其  
中有向化者亦奉耶穌之教食物係沙穀米產丁香玉  
果等物第四帶係呂宋羣島出米穀居民頗向化多地  
震第五帶係錫蘭山並五印度羣島族內有兩種其一  
居各海邊身短色紫髮長其二係土民黑面髮卷而長  
體短且蠻居林內總計東南島嶼棋布星羅其中央大  
地無如奧大利亞洲者廣袤方圓約十五萬里南極出



地自十度至四十度偏東自一百一十二度及一百五十四度此地支港不多江河亦少海邊有山嶺其地平坦廣有草場巡遊者雖多終不知其內地形勢之詳其北方近黃道天氣甚熱南方則冷水凝冰結內地低夏時多東北東南等風冬時多西北西南等風天氣之寒煖與別國不同往往冬夏相反雖長亢旱而其露如滴且無烟瘴故外人至者皆服水土樹木約四千二百種高約五十丈便於建船屋數年前其地惟出莠後英人種蔬菜南果葡萄荔枝等樹皆蕃盛尤美花卉因缺水

海國圖志卷十六

東南洋 海國圖四

六

灌溉惟可植麥不宜禾多野獸無牲畜英船載牛馬羊豕至日加蕃殖鳥多鸚鵡翠翎之屬海族多蛤蜊螺蚌而少魚鼈土人極卑陋無衣無宇奔走林內遇外國人惟求酒食醉即安睡雖耶穌門徒教化終無改變明萬曆三十三年荷蘭初到此因其荒蕪不足開墾遂去故其島至今尙有新荷蘭之稱非婆羅瓜哇之新荷蘭也迨乾隆四十二年英國水師官遠尋至此徧覽情形乾隆五十一年議將徒流之人押配海邊之陂他七港自後土民始同開墾道光年間四方徧建城邑開港口築

草場闢田畝事勤作不惜耗費更察內地有壤土招農工年年增益其最重之地曰新瓦里士係東海邊之部中間礮山而四面平坦牧場甚廣足養牲畜每年剪羊毛運回本國織造呢絨約七萬石并煎用其油道光十八年墾田五千四百頃出粟米大麥燕麥莠荷蘭薯共三十四萬一千石遇亢旱則居民食物不足必由他地運入道光十九年居民共十一萬四千三百口道光十八年運入之貨值銀四百五十萬兩運出之羊毛鯨魚油等值銀二百二十萬兩船二百九十二隻道光十

海國圖志卷十六

東南洋 海國圖四

七

九年運進貨價值銀六百六十九萬兩運出者銀二百八十二萬兩船五百六十三隻其後商賈不誠實外人濫賒濫賣諸行忽倒銀局不能守舊物價皆落商賈民貧賴英國才人設法整頓補救漸復如舊○英人調兵帥管理此地其戍兵三年一易所派文官不多其鄉紳公會皆良民所擇道光四年餉銀十五萬兩二十年二百零四萬兩今又消滅矣新瓦里士形勢似北亞默利加足爲大國此時開墾創建料百年後當爲東南洋第一廣大繁盛之地矣都會曰悉尼城南極出地三十三



度五十一分偏東百五十一度十六分居民二萬六千  
城美街廣海隅水深可泊船巴拉馬他海港居民三千  
默布尼所屬之菲立港山水四周景尤清妙道光十七  
年甫建此邑已廣築屋宇○南邊藩屬地偏東自百三  
十二度及百四十一度廣袤方圓千一百五十萬頃平  
坦不生草木近地開埠民不過萬此時開墾產物日增  
會城曰亞得害

西邊藩屬地南極出三十一度及三十五度偏東自百  
一十五度及百二十九度於道光十九年始開此地瀕

海國圖志 卷十六 東南洋 海島國四 八

海多沙並無產物居民數千口住鴻鵠河邊○北方藩  
屬地在甲賓他海隅乃道光十八年所開之埠天氣物  
產俱與南海島無異多產海參山內出了香土蠻面黑  
港曰益生頓居民少地面島南極出地四十一度二十  
分至四十三度四十分偏東一百四十四度四十分及  
一百四十八度二十分廣袤方圓一千三百五十五里  
係豐盛灌溉之地所出木料五穀甚多每年出麥一萬  
一千餘石所養之馬共二千零三十四匹牛八萬四千  
四百七十六頭羊百二十三萬二千五百一十一頭居

民四萬五千道光十八年運入之貨共計銀二百一十  
萬兩運出者百七十四萬兩船三百七十隻運出之鯨  
魚油價值銀二十六萬兩絲羊毛五十一萬三千兩惜  
僅開闢中央未能偏墾中央都會曰何巴邑居民萬四  
千三百八十二口老新屯邑居民六千口亦繁盛之港  
英國新到之銀大半無銀因在兩邑開銀局隨時借貸  
以扶其民焉○所附之那里佛嶼係流徙所集地出麻  
萬國地理全圖集曰南亞齊亞地分荷蘭大山與大海  
洋之羣島繁絮如微塵之數至其列地方西國船戶首

海國圖志 卷十六 東南洋 海島國四 九

先尋得者曰宋荷蘭等國為首前百有餘年無人知此  
等地迨及英國船隻詢問風土人情形勢察出新地無  
數則將其罪犯徒流之新荷蘭亦有間閭之民在本地  
無食物甘心涉重海來此開荒地辟草萊後又異國之  
民願受一厘而為氓別有教師離本地以傳耶穌福音  
之理又有捕鯨魚之船隻巡駛往來與該嶼結交於今  
通知其形勢而識其地理矣○新荷蘭南極出自十度  
至三十八度偏東自一百十五度至一百五十度延袤  
方圓九百萬方里惟知其海邊但其中地無人蹟到也



其江河不多兩邊乾涸之土所有山嶺最高者三十丈  
天氣暴燥赤地窮髮所有禽獸與北地毫無同形焉其  
土民素性近於禽獸惟以草果爲食以樹枝爲棲但與  
白面人往來之際則飲酒醉輾轉泥濘內不穿衣服男  
用其女若畜生痛打惡待怒則殺之英國之新民到此  
地者種麥粟米牧絲羊生意日廣日盛毳毛最細以織  
呢絨居民得其奶而賣其毛所運出者每歲價銀二百  
八十萬兩所運進之物每年四百萬兩其居民在各新  
處不上十萬其都乃悉尼在廣海門係屬大地之港口

海國圖志

卷十六

東南洋

海島國四

十

通商不少但其流徙之匪風俗奢慕居民亦染其毒而  
離道遠焉有時浩蕩虛費揮金如土有時行鋪閉歇銀  
錢缺乏海口居民二萬丁大半務商內地部落雖多人  
戶有限務農者鮮以放牧爲要年年搬進新民則六十  
年後此地乃大國彼時全南海之地必遵其命而服其  
權焉其船隻現赴到廣州府貿易矣○南海邊所闢之  
處尙新建屋數間而謂之邑所移人戶漸增又與外國  
經商故未久而成大國在西邊之新地惟江邊一處初  
到之民行事不如願現時失望並不得使費以開阡陌

也其北界近於黃道天氣暴熱但其土能產物故英國  
調勁兵駐劄此時遍地荒蕪但海濱之石中海參海  
菜燕窩等物件其土人野心不馴焉○地間島海東南  
形勢南極出四十度四十二分至四十三度四十三分  
偏東自一百四十四度二十二分表延方圓八萬一千  
方里出五穀及薯及各項蔬菜其居民不獨務農乃以  
捕鯨爲重沿海港口多不勝數貿易富庶○新荷蘭乃  
南方兩島隔以海陝南極出自三十四度偏東自一百  
六十度至一百七十八度表延方圓一十八萬六千方

海國圖志

卷十六

東南洋

海島國四

十一

里峯高及雲雪登環繞水澤涌泊其土民很心好殺與  
異族常結仇報復猖獗放蕩令眾人驚畏此時耶蘇之  
門徒進其地以教化之將福音傳其老幼又令此野人  
務農作工以除其食人肉之弊○其地豐盛出麻穀菜  
等物是以英國遷移人口向其土君買田遍開新地佛  
蘭西亦效法而占據此方○所有捕鯨之船節次赴此  
港口包兌包送以鳥鎗絨氈易各項食物其土人亦登  
其船而爲水手但性悍難近也○前所言之各地方全  
數歸英國調兵派官彼土君所管治者泯泯焚焚網紀



摧殘其中亦有蠻無主皆散林內如獸結羣東南海之島如新危尼新耳蘭新撒羅門希伯等羣島繁不勝數其山高亦有出火之峯但其居民黑面短身倚強恃暴無交通之理只知此島之形勢而已。其大洋茫茫一望無涯所有各羣島疏散不密大半褊小之地四圍有珊瑚石盤近之甚難其山出椰子芋薯餅果居民以逸待勞晴朗和暢衣服不多既無務事惟取樂而已其風俗未向化但其中有族循良諫行言聽耶蘇學生又至其島教以天道開其茅塞發光其心而引向福音不

海國圖志

卷十六

東南洋

海島圖四

三

期土人自將其菩薩一切捨棄真可謂神力無窮蠻心感化也。其羣島最大之嶼稱曰阿他害地風景清美居民與所屬各嶼欽奉耶穌向風慕義增設學校阿歪希乃繁多羣島之最廣亦歸正教嘉慶十七年奉教主耶穌棄邪歸正畫一無異今時此島之居民大興但人戶漸減其王養弁兵操演練習亦有師船通海巡駛學校遍地開諭教蒙。其羣島之居民形體正端但心內埋毒很加羅林羣島最多中有族頗會技藝偶有船隻與之通商。其賊羣島被是班牙所占據者強其居民

奉教效死不從此外尚有多嶼大半所出物件椰子而已居民最多與外國絕交。佛蘭西國於道光二十二年占據馬耳其沙之羣島以為新地但未知其情形何如付之數年後可也。

瀛環志畧曰澳大利亞一名新荷蘭在亞細亞東南洋巴布亞島之南周迴約萬餘里由此島泛大洋海東行即抵南北亞墨利加之西界其地亘古窮荒未通別土前明時西班牙王遣使臣墨瓦蘭由亞墨利加之南西駛再尋新地舟行數月忽見大地以為別一乾坤地荒

海國圖志

卷十六

東南洋

海島圖四

三

穢無人迹入夜燒火亂飛命名曰火地又以使臣之名名之曰墨瓦蠟尼加西班牙人以此後航海之能亦未嘗經營其地也後荷蘭人東來建置南洋諸島展轉畧地遂抵於海濱乃建設埔頭名之曰澳大利亞又稱新荷蘭旋為佛郎西所奪佛人尋棄去最後英吉利得之因其土地之廣堅意墾闢先流徙罪人於此為屯田計本國無業貧民願往謀食者亦載以來他國之民願受一廬者聽之地在赤道之南天氣炎燥海濱多平土山嶺高者不過三十丈江河絕少雜樹荒草灌莽無垠鳥



獸形狀詭譎與別土異土番黑面披髮裸體食草根山  
果結巢於樹予之酒一飲即醉卧泥中如豕負塗男役  
女若畜怒輒殺之英人流寓者墾海濱濕土種麥與粟  
草肥茂牧羊孳乳甚速毛毳細軟可織呢絨現居民不  
足十萬每年運出之羊毛值銀二百餘萬兩百物未備  
日用之需皆從別土運往英人於東海口建會城曰悉  
尼居民二萬捕鯨之船時時收伯貿易頗盛而流徙之  
戶本莠民欲博蕩後相習成風流寓良民亦頗染其俗  
南境濱大南海英人新徙人戶已成聚落西境亦創置

海國圖志 卷十六

東南洋 海島國四 齒

一屢在江河之濱北境近赤道天氣酷熱產海參海菜  
燕窩英人派陸兵駐守以防侵奪計澳大利亞一土英  
人四境所耕收僅海濱片土不過百之一二其腹地則  
與草叢林深昧不測土番如獸老死無往來不特風土  
無從探訪即山川形勢亦無由乘輅歷覽英人謂此土  
雖荒曠而百餘年後當成大國南海諸番島當聽役屬  
如附庸也近命名曰南亞細亞  
案此即職方外紀所云第五大洲陳寶齋所謂人跡  
不到處也野番獸處亘古昏蒙西班牙搜奇天外荷

佛蠻觸海隅英人極意經營可謂好勤遠畧矣

附近此洲各島

外國史畧曰新危尼島一作新爲匿一作新義內  
南廣袤方圓萬三千里居民五十萬山甚高峯積雪海  
中可遙見之亦有火山火燄民不知耕皆黑面鬚髮不  
著衣性如禽獸有人上山火燄民不知耕皆黑面鬚髮不  
蘭人於此開埠不服水土主守兵多殞於煙瘴甲版船過  
此島時即有土蠻來以玳瑁金沙易布匹衣服然所給  
之衣裳亦不穿用好裸身巡遊向有各嶼悉荒蕪無人  
外國史畧曰新阿蘭島南極出地自三十六度及百七十  
分至四十七度九分備東自一百六十六度及百七十  
九度廣袤方圓四千二百九十一里居民約十五萬島  
南多山天氣冷產物少萬歷間荷蘭水手初到此島乾  
隆間英人駛船始抵此島雲集恣人所捕而市皆無  
果田皆無穀類無羊豕牛民食草根樹葉於是伐木構  
屋墾田治園種菓樹蕃薯麥穀蔬菜置牲畜土民始火

海國圖志 卷十六

東南洋 海島國四 五

食山高千四百七十五丈土蠻力健勇於作爲形貌平  
正性亦良善附近羣嶼尚多皆荒地不毛土蠻如野獸  
地理備考曰新義內島一作巴布阿西島在南洋之中  
新阿蘭島之北緯度自南一十度起至十度止經度自東  
一百二十八度起至一百四十七度止長約三千六百  
里寬約九百里山勢峻峭叢林稠密島外人罕到迄今  
尚莫能悉至於海濱亦未甚詳土產椰蕉沙穀米等物  
人民樸陋逐日建篷造船營生謀食通島分爲四管  
聽其餘各島曰當必曰書敦曰阿路內有一島曰外去歸  
非里威里曰當必曰書敦曰阿路內有一島曰外去歸  
于的德爾酋長統攝  
地理備考曰盧義西阿達島在南洋之中新義內島之  
東緯度自南八度起至十二度止經度自東一百四十  
入度起至一百五十二度止地勢錯落不  
相聯絡居民皆食人肉島中備細外人尙莫悉其詳島  
之巨者曰羅塞爾曰聖埃南曰音德里加斯德曰羅歇  
地曰多羅皮安  
地理備考曰新北勒達尼島在南洋之中盧義西阿達



歸之北緯度自南四度起至六度二十五分止經度自東一百四十六度起至一百五十五度止地勢錯落不相聯絡火山不一晝夜吐燄叢林稠密禽獸充斥人民紛繁性兇猛島之大者曰新北勒達尼又名比拉拉日新義爾蘭達又名當巴拉日約爾各又名亞加馬大日新阿諾威爾其餘頗小茲不悉載

地里備考曰薩羅蒙島又名新日爾治在南洋之中新義內島之東緯度自南四度起至十二度止經度自東一百五十二度起至一百六十一度止島嶼列樹木稠密人烟紛繁遷徙無常島之巨者曰布加日布加音威里曰三義薩白爾曰日爾曰亞曰瓜達爾納爾

日三幾里斯多望其西薩爾加島雖小火山吐燄猛烈地里備考曰北盧斯島又名三達古盧斯在南洋之中薩羅蒙島之南緯度自南八度三十分起至十二度十五分止經度自東一百六十三度三十分起至一百六十七度四十分止地勢錯落不相聯絡島之大者七內有火山一座吐燄猛烈

又曰基羅斯島又名新里比里大亦號大西加拉德德在南洋之中新阿蘭島之東緯度自南十四度二十九分起至二十度四分止經度自東一百六十五度起至一百六十八度止中有二十一島大者九曰斯必里多曰馬里哥羅曰日都義至曰義諾忙各曰達納曰三巴爾

多羅阿曰澳羅拉曰本德哥斯曰義羅忙加

地里備考曰新加勒德尼亞島在南洋之中新基羅斯島之西南緯度自南十九度三十七分起至二十二度三十分止經度自東一百六十一度十七分起至一百六十三度五十三分止長約八百里寬一百五十里烟戶一萬五千口地瘠不毛不宜種植人民鄙陋遷徙無常四面小島不一大者曰阿塞爾瓦多畧曰羅牙爾地

曰波大尼加曰阿奴諾

地里備考曰諾爾弗克島在南洋之中新加勒德尼亞達斯馬尼二島之間緯度在南二十九度經度在東一百六十五度四分甚屬細小田土肥饒果穀豐登地氣溫和中有三島曰諾爾弗克曰尼比安曰非里卑

地里備考曰新塞蘭地島又名達斯馬尼在南洋之南緯度自南三十四度起至四十七度止經度自東一百

海國圖志卷十六 東南洋 海島國四 末

海國圖志卷十六終

海國圖志卷十六 東南洋 海島國四 末

六十四度起至一百七十八度止分而為二曰義加耶馬惟又名北達斯馬尼日達為不那毋亦號南達斯馬尼其北達斯馬尼長一千八百里寬五百七十里人煙紛繁頗屬強大田土膏腴樹林稠密地氣酷熱海風清涼諸酋分攝不相統屬其南達斯馬尼長二千五百里寬五百餘里人烟稀少田土較瘠南北居民性甚凶狠互相殘殺風俗鄙陋禮法全無四面島嶼甚多犬者曰布路敦曰半的曰金卑里曰阿加冷曰馬加里

地里備考曰登捫尼島在南洋新阿蘭之南緯度自南四十四度四十二分起至四十三度三十分止經度自東一百四十二度二分起至一百四十二度五分止南北相去六百三十二里東西相距五百四十五里田土肥饒穀果豐登叢林稠密禽獸充斥土產銅鐵若玉雲石煤炭等物地氣溫和其島為英吉利兼攝分列九屬

所屬島嶼曰爾其利曰斯敦曰二處則次之本島大者也



海國圖志卷十七

東南洋 海島之國 原無今補

邵陽魏源輯

日本島國錄 凡前史無關

明史日本古倭奴國唐咸亨中改日本以近東海日出而名也地環海惟東北隅大山有五畿七道三島其百十五洲統五百八十七郡其小國皆屬焉國小者百里大不過五百里戶小者千多不過一二萬國主世以王為姓羣臣亦世官宋以前皆通中國朝貢不絕惟元世祖數遣使招之不至乃命范文虎等師舟十萬征之至五龍山遭暴風軍盡沒終元世未相通也明興乘中國用兵屢寇海濱州縣盡沒洪武二年遣使頒詔書且詰其入寇之故日本不奉命侵掠如故屢入貢皆無表卻之二十年命江夏侯周德興往福建信國公湯和往浙江整飭海防命福建備海舟百艘廣東省之會胡惟庸謀逆藉日本為助其王遣僧如瑤率兵卒四百餘人詐

海國圖志卷十七

東南洋 海島國五

一

稱入貢且獻巨燭藏火藥刀劍其中既至而惟庸敗事露乃決意絕日本專務防海後著祖訓不征之國十五日本與焉永樂初始通表貢時對馬臺岐諸島賊掠濱海居民論其王捕之王發兵捕其眾繫其魁二十人以獻自是頻入貢亦頻獻所獲海寇且表言島上無賴鼠竊者實非臣所知願貸罪然海寇猶不絕十七年遼東總兵官劉江大破之于望海埭自是寇掠為稀貢使亦不至正統四年八年倭船四十艘連寇台州海甯先是洪熙時黃巖龍巖民二人因徭役叛人倭為之鄉導倭性黠時敵方戎器出沒海濱得間則張其戎器肆侵掠不得則陳其方物稱朝貢東南海濱患之其貢使亦屢殺人犯法其來貢者皆利互市交通沿海奸豪故且貢且寇嘉靖二十七年巡撫朱統乃嚴為申禁斬其交騰者由是浙閩大姓通倭狀以故閩浙人咸惡之巡撫湖史周亮閩產也上疏訊統請改巡撫為巡視以殺其權其黨在朝者左右之竟如其請後又奪純官羅織其擅殺罪統自殺自是不置巡撫者四年海禁復弛亂益

海國圖志卷十七

東南洋 海島國五

二

滋甚祖制浙江設市舶提舉司以中官主之駐甯波海船至則平其直制馭之權在上及世宗盡撤天下鎮守中官并撤市舶而濱海奸人遂採其利初猶市商人為之主已而嚴通番之禁遂移之貴官家而負其直者愈甚索之急則以危言嚇將吏俾之勒兵將出又以好言給之孔謂吾終不負若直倭喪其貨不得返已大恨而大奸若汪直徐海陳東麻葉輩素窟穴其中者以內地盜遂襲倭服飾號號并分艘掠內地倭患日劇於是廷議復設巡撫三十一一年七月乃以僉都御史王忬任之而勢已不可撲滅先是國初沿海要地建衛所設戰船董以都司巡視副使等官控制周密及承平久船散伍虛及退警乃募漁船以資哨守兵非素練船非專業見寇船至輒望風逃匿而上又無純帥御之以故賊帆所指無不殘破三十二年三月汪直勾諸倭大舉入寇連艦數百蔽海而至浙東西江南北濱海數千里同時告警破邑國衛四月犯太倉破上海縣掠江陰攻乍浦八月劫金山衛犯崇明及常熟嘉定三十三年正月自太倉掠蘇州攻松江復越江北薄通泰四月陷嘉善破崇明復薄蘇州入崇德縣六月由吳江掠嘉興還屯柘林縱橫來往若入無人之境忬亦不能有所為未幾忬改撫大同以李天寵代之又命兵部尚書張經總督軍務乃大徵兵四方協力進剿是時倭以川沙窪柘林為巢抄掠四出明年正月賊奪舟犯乍浦海甯陷崇德轉掠塘棲新市橫塘雙林等處攻德清縣五月復合新倭突犯嘉興至王江涇乃為經擊斬一千九百餘級餘奔柘林其他倭復肆掠蘇州境延及江陰無錫出入太湖莫有禦之者大抵真倭十之三從倭者十之七倭戰則墮其所掠之人為軍鋒法嚴人皆致死而官軍素懷怯所至潰奔帝乃遣工部侍郎趙文華督察軍情文華焚顯倒功罪諸軍益解體經天寵并被逮代以周璠胡宗憲諭月琰龍代以楊宜時賊勢蔓延江南北浙東西既無不遺其蹂躪新安徽州歙縣至績溪旌德過涇縣趨南陵遂達蕪湖燒南岸奔太平府犯江甯鎮徑侵南京倭紅衣黃蓋整眾犯大安德門及夾岡乃趨桃陵關而去曲



深水流劫深陽宜與閩官兵自太湖出遂越武進抵無錫駐惠山一晝夜奔一百八十餘里抵許墅為官軍所圍追及於楊林橋殲之是役也賊不過六七千人而經行數千里殺戮傷者幾四千人歷八十餘日始滅此三十四年九月事也應天巡撫曹邦輔以捷聞文華忌其功以倭之巢於陶宅也乃大集浙直兵與宗憲親將之及約邦輔合剿分道並進營於松江之觀橋倭悉銳來衝遂大敗文華氣奪賊益熾十月倭自樂清登岸流劫黃巖仙居奉化餘姚上虞被殺擄者無算至嵊縣乃殲之亦不滿二百人顧深入三府歷五十日始平其先一枝自山東日照流劫東安衛至淮安頓輸沐陽桃源至清河阻雨為徐邵官兵所殲亦不過數十人流害千里殺戮千餘其悍如此而文華自輒橋之敗見倭寇勢甚其自柘林移於周浦與泊於川沙舊巢及嘉定高橋者自如他侵犯者無虛日文華乃以寇息請還朝明年二月罷楊宜代以宗憲以阮鶚巡撫浙江於是宗憲乃請遣使諭日本國王禁戢島寇招還通番奸商許立功免罪既得旨遂遣甯波諸生蒞洲陳可願往及是可願

海國圖志 卷十七 東南洋 海國圖五 三

選言至其國五島遇江直毛海峯謂日本內亂王與其相俱死諸島不相統攝須偏論乃可杜其入犯又言薩摩諸島雖已揚帆入寇非其本心乞通貢互市願殺賊自効乃雷洲傳諭各島而送可願還宗憲以問兵部言直等本編民既稱効順即當釋兵乃絕不言及第求開市通貢隱若屬國然其奸巨測宜令督臣振揚國威嚴加備禦移檄直等俾剷除舟山諸賊巢以自明果海疆廓清自有恩賞從之時兩浙皆被倭而慈谿焚殺多慘餘姚次之浙江柘林乍浦烏鎮皂林間又皆為賊巢前後至者二萬餘人命宗憲亟圖方畧七月宗憲言賊首毛海峯自陳可願還一敗倭寇於舟山再敗之憑表又遣其黨招諭各島相率効順乞加重賞部令宗憲設計宜行是時徐海陳東麻葉方連兵攻圍桐鄉宗憲設計間之海遂擒東葉以降盡殲其餘眾於乍浦未幾復躡海於梁莊海亦授首餘黨盡滅江南浙西諸寇畧平而江北倭則犯丹陽及掠瓜洲燒漕艘者明春復犯如皋海門攻通州掠揚州亭郵人寶應遂侵淮安府集于廟灣逾年乃克其浙東之倭則盤踞於舟山亦先後為寇

軍所襲先是蔣洲宜諭諸島至豐後被匪轉令信人住山口等島傳諭禁戢于是山口都督源義長具咨送還陽等具方物奉表謝罪請頒勅合修貢送洲還前楊宜所遣鄭舜功出海哨探者行至豐後島島主亦遣僧清授明舟來謝罪言前後侵犯皆中國奸商潛引諸島夷眾義鎮等實不知於是宗憲疏陳其事言洲奉使二年止歷豐後山口二島或有貢物而無印信勘合或有印信而非國王名稱皆違朝典然彼既以貢來又送還被掠人口實有畏罪乞恩意宜禮遣其使令傳諭義鎮義長轉諭日本王擒獻倡亂諸渠及中國奸宄方許通貢詔可汪直之踞海島也與其黨王激葉宗滿謝和王清溪等各擁眾誘挾倭寇為雄朝廷至懸伯魯萬金之賞以構之迄不能致及是內地官軍頗有備倭雖橫亦多被勦戮有全島無一人歸者往往多尤直頂漸不自安宗憲與直同郡館直母與其妻孥于杭州遣蔣洲齎其家書招之直知家屬固無恙頗心動義鎮等以中國許互市亦喜乃裝巨舟遣其屬善妙等四十餘人隨直等

海國圖志 卷十七 東南洋 海國圖五 四

來貢市於三十六年十月初抵舟山之岑港將吏以為入寇也陳兵備直乃遣王激入見宗憲立遣之直又避一貴官為質即命指揮夏正直往直以為信遂與宗滿清溪偕來宗憲大喜禮接之甚厚令謁巡按御史王本固于杭州本固以屬吏激等聞大恨支解夏正焚舟登山據岑港堅守逾年新倭大至屢寇浙東三郡其在岑港者徐移之柯梅造新舟出海宗憲不之追十一月賊揚帆南去泊泉州之浯嶼掠同安惠安南安諸縣攻福甯州破福安甯德明年四月遂圍福州經月不解福清永福諸城皆被攻燬蔓延于興化奔突于漳州其患盡移于福建而漸廣間亦紛紛以倭警聞矣至四十年浙東江北諸寇以次平宗憲尋坐罪被逮明年十一月昭興化府大殺掠以據平海衛不去初倭之犯浙江也破州縣衛所城以百數然未有破府城者至是遠近震動亟徵俞大猷威繼光劉顯諸將合擊破之其侵犯他州縣者亦為諸將所破福建亦平其後廣東巨寇曾一本黃朝太等無不引倭為助隆慶時破碣石甲于諸衛所已犯化州石城縣附錦囊所神電衛吳川陽江茂名海豐



新甯惠來諸縣悉遭焚掠轉人雷廉瓊三郡境亦被其  
 患萬歷二年犯浙東甯紹台溫四郡又陷廣東銅鼓衛  
 雙魚所三年犯電白四年犯溫州又犯廣東十六年犯浙江  
 福建彭湖東湧十年犯溫州又犯廣東十六年犯浙江  
 然是時疆吏懲嘉靖之禍海防頗缺賊來輒失利其犯  
 廣東者為蛋賊梁本豪勾引勢尤猖獗總督陳瑞集眾  
 軍擊之斬首千六百餘級沉其船百餘艘本豪亦授首  
 帝為告謝郊廟宣捷受賀云日本故有王其下稱關白  
 者最尊顯時山城州梁信長為此職偶出獵遇一人臥  
 樹下驚起衝突執而詰之自言為平秀吉沙摩洲人之  
 奴雄健矯捷有口辯信長見而悅之命牧馬名曰木下  
 人後漸用事為信長畫策奪并二十餘州遂為攝津鎮  
 守大將有參謀阿奇支者得罪信長命秀吉統兵討之  
 信長為其下明智所弒秀吉方攻滅阿奇支聞變與  
 部將行長等乘勝還兵討之威名益振尋廢信長三子  
 僧稱關白盡有其眾時為萬曆十四年於是益治兵征  
 服六十六州又以威脅琉球呂宋暹羅佛郎機諸國皆  
 使奉貢乃改國王所居山城為大關廣築城郭建宮殿

海國圖志 卷一七 東南洋 海國圖五 五

其樓閣有至九重者實婦女珍寶其中其用法嚴軍行  
 有進無退運者雖子婦必誅以故所向無敵乃改元文  
 祿並欲侵中國滅朝鮮而有之召問故時汪直遣黨知  
 唐大畏後如虎氣益驕益大治甲兵繕舟艦與其下謀  
 入中國北京者用朝鮮人為導人浙閩沿海郡縣者即  
 用唐人為導據琉球洩其情使舟入貢同安人陳甲者  
 商於琉球懼其為中國害也與琉球長史鄭迴謀因進  
 貢請封之使其以其情來告甲又旋故鄉陳其事于巡  
 撫趙參魯參魯以聞下兵部部移咨朝鮮王但深辨  
 鄉導之誣亦不自知其謀已也初秀吉廣徵諸鎮兵儲  
 三歲糧欲自將以犯中國會其子死秀吉無兄弟前奪豐  
 後島主妻為妾慮其為後患而諸鎮怨秀吉之虐已也  
 咸曰此舉非為妾慮其為後患而諸鎮怨秀吉之虐已也  
 取親行二十年四月遣其將清正行長義智僧元蘇宗  
 逸等將舟師數百艘由對馬島渡海陷朝鮮之金山乘  
 勝長驅以五月渡臨津掠開城分陷豐德諸郡朝鮮望  
 風潰清正等遂逼王京朝鮮王李熙棄城奔平壤又奔  
 義州遣使絡繹告急倭遂入王京執其王如王子追奔

至平壤放兵淫掠七月命副總兵祖承訓赴援與倭戰  
 于平壤城外大敗承訓僅以身免八月承訓以兵部  
 侍郎宋應昌為經略都督李如松為提督統兵討之尚  
 是時甯夏未平朝鮮事起兵部尚書石星計無所出募  
 能說倭者偵之於是嘉興人沈惟敬應募星即假遊擊  
 將軍銜送之如松麾下明年如松師大捷于平壤朝鮮  
 所失四道並復如松乘勝趨碧蹄館敗而退師於是封  
 貢之議起中朝彌縫惟敬以成款局事詳朝鮮傳久之  
 秀吉死諸倭揚揚帆盡歸朝鮮患亦平然自關白侵東國  
 前後七載喪師數十萬糜餉數百萬中朝與朝鮮迄無  
 勝算至關白死兵禍始休諸倭亦皆退守島嶼東南稍  
 有安枕之日矣秀吉凡再傳而亡終明之世通倭之禁  
 甚嚴而間巷小民至指倭為詈罵甚以噤其小兒女云  
 武備志倭夷慣為蠅蟻陣陣以揮扇為號一人揮扇  
 眾皆舞刀而起向空揮霍我兵倉皇仰首則從下砍來  
 又為長蛇陣陣前羅百旗以次魚貫而行最強為鋒最  
 強為殿中皆勇壯相聞每日鷄鳴起蟻地會食食畢夷  
 酋據高坐眾皆聽命換則展視今日劫某處某為長某

海國圖志 卷一七 東南洋 海國圖五 六

為隊隊不過三十人每隊相去一二里吹海螺為號相  
 聞即合救援亦有二三人一隊者舞刀橫行薄暮即返  
 各獻其所劫財物毋敢匿衷會較其多寡而贏縮之每  
 擄婦女夜必酒色酣睡劫掠將終縱火以焚屋燬燬天  
 人方畏其酷烈而賊則抽去矣愚給我民勿使邀擊專  
 用此術賊至民間遇酒饌先令我民嘗之然後飲食恐  
 設毒也行衢陌間不入委巷恐設伏也不沿城而行恐  
 城上拋磚石也其行必單列而長緩步而整故占數十  
 里莫能近馳數十日不為勞布陣必四分五裂故不能  
 圍對營必先遣一二人跳躍而後突入故能空竭吾之矢  
 石火礮衝陣必伺人先動動而後突入故能空竭吾之矢  
 酣必四面伏起突陣後故令我軍驚潰每用怪術若  
 結羊羸婦之類當先以駭觀故吾目眩而彼械乘慣雙  
 刃上誑而下反掠故難格鎗鎗不露竿突忽而擲故不  
 測弓矢巨近人則發之故射命中歛跡者其進取也  
 張揚者其逃遁也故常橫破舟以示遁而突出金山之  
 團造竹梯以示攻而旋有勝山之去將野逸則通城欲  
 陸走則取棹或為穿以詐坑或結稻桿以絆奔或種竹



簽以刺逸常以玉帛金銀婦女為餌故能誘引吾軍之  
 進陷而樂為吾軍之遊追俘虜必開腔而結舌莫辨其  
 非倭故歸路絕思施附巢之居民故虛實洞知豐賞降  
 虜之工匠故器械易具細作用吾人故盤詰難向導用  
 吾人故進退熟宿食必破壁而處乘高而瞭故襲取無  
 機問常一被重圍矣餌以偽誠而逸之或披裝頂笠沮  
 溺於田畝或雲巾紉履蕩遊於都市故使我軍士或感  
 而殺賊或疑而殺良江海之戰本非其長亦能聯虛舟  
 張弱簾以空發吾之先鋒捐婦女遺金帛以餌退吾之  
 後逐凡舟之裙裾左右悉裹布帛被褥而淫之以拒焚  
 擊交關間或附蓬而飛越即雷震而風靡矣寇擄我民  
 引路取水早暮出入接籍呼名每處為簿一扇登寫姓  
 氏分班點閱真倭甚少不過數十人為前鋒寇還島皆  
 云做客回矣凡被我兵擒殺者隱而不宣其隣不知猶  
 然稱賀

海國圖志 卷十七 東南洋 海島國五 七

國者皆其島貧人向來所傳倭國造船千百隻皆虛誑  
 耳其大者容三百人中者一二百人小者四五十人或  
 七八十人其形卑隘遇巨艦難于仰攻若于泥沉故廣  
 福船皆其所畏而廣船旁既如垣尤其所畏者也其底  
 平不能破浪其布帆懸于桅之正中不似中國之偏桅  
 帆常活不似中國之定惟使順風若遇無風逆風皆倒  
 桅盪槽不能轉舵故倭船過洋非月餘不可今若易然  
 者乃福海沿海奸民買舟于外海貼造重底渡之而來  
 其船底尖能破浪不畏橫風關風行使便易數日即至  
 也

俞正燮癸巳類纂萬應中臺灣為日本倭所據末年荷  
 蘭紅毛人自西洋來欲據香山不可則據澎湖又不可  
 乃南據美洛居及葛雷巴以鴉片煙誘葛雷巴葛雷巴  
 人俱靡靡不能動役於荷蘭既而荷蘭聚集精銳攻香  
 山戰敗揚帆東走至澎湖使人行重賄於福建巡撫援  
 意大里亞人居香山故事以求澎湖必得巡撫使人善  
 諭之則投日本於臺灣歲納鹿皮三萬求臺灣互市也  
 適日本倭居臺灣者新奉天主教遂許之築赤嵌城以

居今安平鎮是也荷蘭既得地即數數與日本倭構爭  
 後既染其教爭不勝盡屬東去憤甚盡誅其人之習天  
 主教者並約東琉球而荷蘭據有臺灣置揆一王亦不  
 復東鄭芝龍者閩人也為日本婿家于臺灣日本之東  
 歸也芝龍以舟楫人眾橫於海大清順治二年芝龍  
 自安平奉表降其子成功逃入海晚年率舟師數百艘  
 攻臺灣荷蘭寡不敵眾遂去而回於葛雷巴臺灣人猶  
 有習其教者曰教冊成功則盡除之康熙初鄭克塽降  
 廷議棄臺灣施琅力爭曰是資荷蘭也卒置郡縣功施  
 至今

陳倫炯海國圖志錄曰朝鮮居天地之良方其南隔一  
 洋日本國屬之對馬島順風一夜可抵自對馬島而南  
 寅甲卯東方一帶七十二島皆日本倭奴之地而與中  
 國通貿易者惟長崎一島長崎產之栗菽難供食指開  
 貿易人公家通計歲終所獲利就長崎按戶口均分國  
 王居長崎之東北陸程近一月地名彌耶穀譯曰京子  
 服中國冠裳國習中華文字讀以倭音予奪之權軍國  
 政事柄於上將軍王不干預僅食俸米受山海貢獻上

海國圖志 卷十七 東南洋 海島國五 八

將軍有時朝見而已易代爭奪不爭王而爭上將軍倭  
 人記載自開國以來世守為王昔時上將軍會篡奪之  
 山海貢物不產五穀不登陰陽不順居臣位然後順  
 若如故至今無敢妄冀者官皆世祿遵漢制以刺  
 史千石為名祿厚足以養廉故少犯法即如年僉舉一  
 街官街官者鄉保也歲給養贍五十金事簡而問通文  
 藝者為高士優以禮免以徭俗尚潔淨街衢時為拭滌  
 夫妻不共湯羹飲餘婢僕尚乘之富者履坐絮席貧者  
 履坐荐席各家計糶毯踏棉之多寡為戶口男女衣服  
 大領潤袖女加長以曳地畫染花卉文采禪用帛幅裹  
 繞足著短襪以曳履男束帶以插刀髻鬚而冠頂額留  
 鬚髮至後枕關寸餘向後一挽而繫結髮長者修之女  
 不施脂而傅粉不帶鮮花剪髮而後甲無痕惟恐納垢  
 雲日加滌洗薰灼楠沉香前爪甲無痕惟恐納垢  
 其男女眉目肌理亦非諸番所能擬人皆覆姓其單姓  
 者徐福配合之童男女也徐福所居之地名曰徐家村  
 其塚在熊指山下俗尊佛尚中國僧敬祖先時掃墳廬  
 然所云熊指山者亦未知其所在則猶或出於附會也



法最嚴人無爭鬪語言寂寂呼童僕鳴掌則然諸無售  
 買人口備工期滿即歸所統屬國二北對馬島與朝鮮  
 為界朝鮮貢於對馬而對馬貢於日本南薩馬與琉  
 球為界琉球貢於薩馬而薩馬貢於日本二島之  
 王俱聽指揮氣侯與山東江浙齊長崎於普陀東西對  
 峙水程四十更廈門至長崎七十二更北風從五島門  
 進南風從天堂門進對馬島坐向登州薩馬坐向混  
 台地產金銀銅漆磁器紙箋花并染印海產龍涎香  
 鰾魚海參住蔬等類薩馬山高巖巖深寒水寒故刀  
 最利兼又產馬人壯健嘉靖間倭寇者薩馬是也日  
 本原市舶永嘉因倭之漁者十八人被風入中國奸人  
 引之為亂髮鬚額雜以遠處土語遞相攘掠擊稱倭  
 奴及就擒僅十八人隨禁市舶中國聽我往彼至今無  
 敢來者普陀往長崎雖東西正向直取而渡橫洋風浪  
 巨險謬云日本好貨五島難過廈門往長崎乘南風見  
 臺灣雞籠山北至米嶺洋香蕈洋再見薩馬大山天  
 堂方台正對嶺草二洋者洋中水面若撒撒水泡若草  
 菌呼之為米嶺洋香蕈洋薩馬而南為琉球居於乙  
 海國圖志 卷一七 東南洋 海國圖五 九

方計水程六十八更中山國是也習中國字人弱而國  
 貧產銅器紙蠟甸玳瑁無可交易至日本琉球而東水  
 皆東流所謂尾閘也  
 南懷仁坤輿圖說日本乃海內一大島長三千二百里  
 寬不過六百里今有六十六州各有國主俗尚強力雖  
 有總王權常在強臣其民多習武少習文土產銀鐵好  
 漆其王生子年二十以上以王讓之其國不重寶石惟  
 重金銀及古器器  
 皇清通考四裔門日本古倭奴國唐咸亨初更號日本  
 或云日本乃小國為倭所併故其號國在東海中東  
 北限大山其地東西高下勢若峭壁古亦曰蜻蜒國有  
 五畿七道三島一百十五州統五百八十七郡皆依水  
 嶼大者不過中國一村小而已屬國凡數十國有天皇  
 者自開闢以來相傳弗易不與國事不轄兵馬惟世享  
 國王供奉有國王受國事掌兵馬盛衰強弱更替不  
 常有官名關白者如中國丞相職代相更替專國政兵  
 馬平原藤橘四姓為日本巨族相編據為國王然君長  
 授受次序僅見於日本僧裔所紀有吾妻鏡一書五

十二卷始安德天皇治承四年訖龜山院天皇文永三  
 年凡八十七年事識其小而畧其大李言恭撰日本紀  
 國書土俗頗詳而世系弗晰相傳國王以王為姓居長  
 崎島之東北地名彌耶穀譯曰京從長崎至彌耶穀陸  
 行近一月去遼東遠而閩浙通史稱從帶方至倭國循  
 海水行歷朝鮮國乍南乍東渡三海歷七國凡一萬二  
 千里然後至其國又言去樂浪郡及帶方郡並一萬二  
 千里在會稽東與儋耳相近就其國都而言故紆迴  
 如此若日小所屬之對馬島與朝鮮僅隔一洋順風一  
 宿可抵昔朝鮮國王李昫時關白與師七載不解入道  
 幾沒者屢矣自內附 本朝倭人震懼帖息崇德四  
 年日本島主令平智連藤智繩等致書朝鮮云去年大  
 君有疾久不聽政今春始瘳大君左右用事之人需索  
 貴國土產甚多近來貴國土產數少且唐代交易之路  
 又絕大君左右所求無以應之望將貴國乙亥以後未  
 給之物一一補給然後兩國可保無虞矣薩摩洲太守  
 主和琉球肥前州太守主和南蠻每歲所得不資島主  
 主和貴國而所得零星以視二州為何如哉朝鮮國王  
 海國圖志 卷一七 東南洋 海國圖五 十

奏其書言倭情巨測應令邊臣戒飭防守以備不虞是  
 時日本雖觀釁而動而朝鮮究未被兵者皆震警  
 天威所及於朝鮮八年二月日本復遣告朝鮮令致書所  
 助祭器於朝鮮入年三月日本復遣告朝鮮令致書所  
 生之子如君朝兼索朝鮮國王空印紙條請遣使往  
 日本致賀儀藉觀形勢許之順治以後惟通市不入貢  
 其市亦惟中國商船往無倭船來也其與中國貿易在  
 長崎島而南而京皆日本地也國饒銅我朝鼓鑄所資自  
 濱銅而外兼市洋銅安檄江西蘇浙江等省每年額  
 四百四十三萬餘斤設官商額船十六隻皆以內地  
 緞絲棉糖藥往易商辦銅斤必藉倭照以為憑驗又有  
 額外浮給之小照數止一二百箱川二三年即廢其攝  
 摩依勢若佐博多之民相矜以舊積資或百萬和泉一  
 州鼎食擊鐘有中國風薩摩之鬚哥里其民知禮義重  
 犯法獨伊紀之頭陀僧三千八百房頗稱其諸國分  
 郡統於山口豐後出雲三軍門三軍門相捕剽國分  
 三而豐後獨強總屬於山城君明代入寇者薩摩肥後



長門之人居多市舶所集內奸勾引故也人物秀麗氣  
候與江浙齊產五色磁器漆器金文紙馬薩摩州者良  
地產銅銀工所聚刀最利故倭人好以爲佩龍涎香及  
海參鱈魚之屬皆海中產所統屬國北爲對馬島與朝  
鮮接南爲薩摩州與琉球接對馬島與登州直隸州  
與溫台直隸州與普陀東西對峙由此達彼水程四十  
更厦門至長崎北風由五島入南風由天堂入水程七  
十二更以海道不可以里計舟人率分一晝夜爲十更  
故以更記里云

澳門紀略曰日本國禁天主教最嚴其海口葛羅巴馬  
頭石鑿十字架於路口武士露刃夾路立商其國者必  
踐十字路入如回遊者立斬之又控耶蘇石像於城關  
以踏踐之故西洋夷船不敢往商其國  
萬國地理全圖集曰日本國本係三嶼而中山最廣大  
其內亦有王都海邊港汊通有埠頭其內地多山出金  
銅然其土不腴土人不好食肉不畜雜豕惟農是務山  
厥出各礦國民掘地道甚巧日本與漢人不同其面  
貌話音亦異雖然藉中國之字學唐人之禮但其意見

海國圖志卷十七 東南洋 海島國五 七

迥異身體不高眼深鼻扁只刺前首其後髮生長纏札  
短編安於頭上其衣長袍並不着褲足躡革履其食物  
惟米飯蔬菜魚鼈而已惟食酒過量營醉姦淫最甚始  
妓滿地尊貴賤卑國民承父之職歷來不變其世爵家  
王之封各帶刀劍自治列邦但在京都或親躬爲質  
或調子孫爲質也自王至于庶子各遵定例即王者亦  
不得任意侈用遊玩有大臣管束之故國主在其宮中  
爲虜也其內閣大學士亦不自主乃服律例之約束其  
諸侯之動止寢食惟禮是定獨准小民任意行爲倘若  
犯法置之重典稍不寬貸惟知義並不知仁故百姓畏  
懼並不敬愛也自古以來有兩王治國古時眞王現操  
神權在殿內如僧度生無殊木偶其次王操武權兼攝  
政務士民共計二千萬下至于士農匠商種種過人三  
與大半瓊地非勤耕即餓死匠作漆器細細中國所罕  
得者其商遍遊經營本國沿海明朝年間廣開通商之  
路但緣天主教肇發失和與葡荷爭戰而賴荷蘭獲勝  
是以滅教門驅逐外人無所不至自斯以後眾民歸佛  
惟准荷蘭與大清乍浦來之船隻在長崎貿易嚴行管

事所有居民繁多不勝數不幸屢次被火燒或地震之  
屋宇顛倒過爲瓦壘神王駐在京都此乃廟寺之地  
借道僻處沿海馬頭不  
少最廣大者係大枝  
導鄉贊筆曰嘗監國航海時其臣阮進欲乞師日本遣  
使齋補陀藏經以往有僧湛微者前自日本來因與同  
載阮抵日本其國初聞有藏經往喜甚及聞湛微名大  
驚曰此僧復來則速死耳因不受救護經而歸叩其故  
則以湛微曾入天主教道也先是西洋人以天主教  
教誘其國人各授以秘術民間聞多爲所亂一入其  
教死生不易主者遂肆奸術糾眾怙亂其國大發兵撲  
滅之自是痛絕西人以銅板鑲天主形置通衢凡各國  
人往者必使踐踏而過衣囊或携西洋一物或西洋畫  
冊按得一船皆誅見張遠白奉使日本紀畧

地理備考曰日本國在亞細亞洲之東北極出地二十  
九起至四十七度止經線自東一百二十六度起至一  
百四十八度止四面枕海東北西南相距約五千八百  
里東西相去約九百里地面積方約二十八萬里烟戶  
海國圖志卷十七 東南洋 海島國五 七

三京餘口地勢嶄巖巒疊起眾山之中有晝夜吐火  
不熄有冰雪凝積不化有樹木叢密風景遍殊湖河甚  
多地方沃潤河之長者有五一名約多一名等畧一名  
亞拉一名蘇讓一名加斯哥湖之火者有四一名荷宜的  
斯一名蘇讓一名加斯哥湖之火者有四一名荷宜的  
映花木充斥土產金銀銅鐵錫鉛絲茶漆竹樟藤絲花  
紋石瑪瑙磁器等物地氣屢更寒暑俱甚風暴地震不  
時交作王位惟男繼立所奉之教乃新德釋儒三教其  
奉儒教者爲數無幾技藝精巧工肆林立惟與中華高  
麗賀蘭等國通市埠頭不一惟有屈許島可泊客船通  
國分爲七十二部首郡名多乃國都也在慕許部此外  
又有耶索海島及古里利亞斯島大拉該島之南方皆  
屬本國  
兼攝  
地理備考曰南洋北有慕甯高爾加尼島分爲四一名  
慕甯西麻中有八十九島一名富加尼各中有火山一  
名東島一名西島田土腴瘠地氣寒燠俱似日本自爲  
部落不受管轄馬梨亞納島在小呂宋島東北緯度自



北十二度三十分起至二十度十三分止經度白東一百四十一度起至一百四十三度止田土肥饒果豐登地氣溫和海風清涼中有十七島大半為呂宋管轄各島惟五島有居民俱在南方曰嶺又名聖若望曰的尼安曰塞半曰亞基到于曰亞宋桑

外國史畧曰大清國東為日本國北極出地自三十度至四十二度偏東自一百二十度至一百四十三度廣袤方圓一萬二千五百里居民三千五百萬分五十三郡九州此外尚多島嶼日本之國隔以海峽古里利羣嶼亦歸日本權轄日本山高而礦豐田不多常地震傑嶼積雪四面環繞冬夏不消產金銅多寶玉出米穀雜甚少惟準唐人於港口養豕山內有野豬鹿鹿鹿等獸山水甚美日本在上古時本中國之氓往開墾與土人相參各地有土君操權時時爭鬪百姓不安日本與中國往來不多元世祖忽日本不入貢調戰船攻擊狂風忽起到岸者皆被殺後日本海盜掠浙江江蘇界侵高麗以雪怨連二百年有世襲將軍專權於是日本

海國圖志 卷十七 東南洋 海國五 幸

之君徒存虛名明世宗嘉靖二十年有西洋數船到日本岸與土民貿易有傳天主教之師教其民人幾及數萬後是班牙船亦開通商之路貿易不久時荷蘭亦到日本通商甚盛適日本將軍曰平秀吉者侵朝鮮地大勝自驕盡服各島主而操全權忽領軍回國禁其君只准在宮內與嬪妃往來不許外接且下令列國諸侯每年六月携家往都中同時雷妻孥為質又下令嚴禁奉天主教之民所殺數萬天主教遂止明懷宗十九年將軍承教之民所殺數萬天主教遂止明懷宗十九年議和即殺之僅歸其水手大呂宋有商船到日本國連人貨盡沒入之一切船戶有奉天主教者立治以死罪又嚴禁國人不准出入他國違者死遇有難民被風漂到異國者同時即監禁不准與其親戚骨肉往來免染異俗有荷蘭並中國往商之漢人及水手亦嚴禁在小洲不與土人交接每三年一次准荷蘭公使赴其都朝見沿途嚴防不容散步若遇他國船到即盡力絕之或末速退即放炮擊道光十七年有花旗國船載送日本被風難民七人回國尚淺至被害道光二十六年有

海國圖志 卷一七

花旗佛蘭西大尼等國之公使赴其港議和睦章程亦被拒雖在對馬島與高麗人貿易不久亦絕往來日本東方地甚曠不多產物惟出黃金紅銅民習於勤而性固執每因細故輕生其君亦視民如草芥見人貧苦亦不援手媚妓甚盛婚娶喪祭與中國相似尊長常帶劍二三口起居不含有痛於心則割腹而斃其人撲實不許若委以事不成不止手執巧捷最善者花布漆器綉緞等貨物發頭惟留頂髮衫長及胸貧者不褲夏則身裸女裳與男不異而目多同呂宋而異中國多食菜魚不養牲畜時時食茶然不及中國茶葉語者雖異中國而用中國文字書冊以教人除漢人文字外兼學荷蘭各藝術是以醫術天文地理無不通習其聰明過於漢上尚有有用字母者智士便寫之以合土音日本國重文墨但官多世襲通習文字者或反無俸祿不甚與外國貿易每年惟荷蘭船一唐船五琉球船亦不過十百姓沿海惟以本地之貨交易或載列島主所進貢將軍之物最大之港曰大坂然每年所失之舟亦有五分之一蓋所造之舟本不固難冒風水其君恐商人遠離本

海國圖志 卷十七 東南洋 海國五 幸

地故禁造堅船前見本民之陷沒不肯立法保救類海民多業漁日用所常食也捕鯨魚食其肉而用其油除佛教外則崇尚古時所傳之神道僧最多官府惟執法律不稍寬貸罪犯一聞擬罪輒願自盡不欲受辱全國分七道六十八國六百有四郡萬有三千邑九十九萬零九千八百五十八鄉六百有四十六炮台神廟二萬七千七百間佛廟二萬二千五百八十八間其北面山與滿州對峙多未開墾者土民愚魯與黑龍江之魚皮部同類近日耕地利漸廣產物漸多矣另開一連嶼與土人貿易亦設官理之國之將軍所駐在江戶海隅居民百餘萬其宮殿周二三里如嬪妃侍無數其街直恐地震以木造屋多火災廟甚壯麗居民五十萬巧于造物又多著書邑僧約八千名貴賤遠赴寺廟燒香者不勝數大坂處尤便通商因禁例嚴酷年消滅○國白昔王操全權生殺必按法律有大臣六執法管束若上若會議不合理且反之則必自勿以抵其罪其國王名為全國之主實不得自專王如極多以九百九十名為率但不







墨國人重之。湛微拜為師。湛微所不能若師而狡獪多變。乃之一島名。腹泉者。其島無中國人往來。不辨詩字。之好醜。湛微得妄自高。大惡札。村諸自署金師。子尊者。流傳至東京。大將軍見之。曰。此必西洋人之為。天主教者。潛入吾國。急捕之。既知其為江西僧。逐之。過海。日本不殺。大僧有犯法者。止於遂。再往。則戮及同。舟。湛微欲以此舉自結於日本。於是阮美始知其所賣也。遂載經而返。然日本自寬永享國三十餘年。母后承之。其子復辟。改元。義明承平。久矣。其人多好詩書。法帖。名畫。古奇器。十三經。十七史。異日值千金者。指載既多。不過一二百金。故老不見。兵革之事。本國且忘。豈能渡海。為人復仇乎。即無西洋之事。亦未必能行也。

瀛環志畧曰。自澳大利亞。迤東。迤北。抵南北亞墨利加之西界。謂之大洋海。水程數萬里。島嶼甚稀。間數千里。乃一遇其島。四圍多盤石。亦生珊瑚。海船近輒擱淺。故海國圖志卷十七 東南洋 海島圖五 七

不能遍及。大洋海風浪最恬。泰西人稱為太平海。各島天氣晴和。水土平淑。產椰子。芋薯。果實足供採食。土人織草為衣。以蔽形。性馴而慧。異於迤西島番之悍獷。近年耶蘇教之徒。遊其地而誘進之。多有信從。易俗者。島名不能盡悉。英人因教事而命以名。一曰會羣島。言其入耶蘇之會也。島之大者曰阿他。害地附近羣島甚多。以此島為綱領。其地山水秀淑。風景宜人。土人篤信耶蘇教。廣設學館。又阿歪希者。亦大島。屬島甚多。有國王嘉慶年間。舉國奉耶蘇教。學館尤繁。其王頗諳武備。

常有師船巡海。一曰友羣島。言與耶蘇教為友也。土人形貌端正。有心計。耶蘇教之徒。時遊其地。誘化之。有加羅林者。屬島最多。內有一族。頗通藝術。商船偶過其地。亦停泊貿易。一曰賊羣島。言其非善類也。各島多西班牙所據。西人以天主教誘勸之。土人不肯從。遂至互相攻擊。交鬪不已。此外小島尚多名。不盡著。土產惟椰子。人戶甚少。未與他國往來。道光二十二年。佛郎西新開馬耳其。殺羣島。風土未詳。

按四海之中。惟大洋海最大。即中國之東海。直抵亞墨利加之西境。四萬里。茫茫巨浸。別無廣土。即島嶼亦晨星落落。據泰西人所傳述。各島風土人類。遠勝於亞細亞。南洋諸島。然帆船偶涉。率畧未詳。蓋由東道往。水程當十餘萬里。由西道往。須歷南亞墨利加之鐵耳。聶離途既險遠。又無利可牟。故商船罕有至者。惟捕鯨之船。專為大洋無所不到。於諸島數數遇之。乃得稍通聲聞耳。

坤輿四大土。皆周迴數萬里。惟中國之南洋。萬島環列。星羅棋布。或斷或續。大者數千里。小者數百里。或數十



里野番生聚其間榛狂相仍自為部落其種人統名巫

來由一作無

又有稱爲繞阿

亞

武吃者

一作西漢時

諸番始通貢獻唐以後市舶屬集於粵東明初遣太監

鄭和等航海招致之來者益眾迨中葉以後歐羅巴諸

國東來據各島口岸建立埔頭流通百貨於是諸島之

物產充溢中華而閩廣之民造舟涉海趨之如鶩或竟

有買田娶婦留而不歸者如呂宋葛羅巴諸島閩廣流

寓殆不下數十萬人則南洋者亦七鯤珠崖之餘壤而

歐羅巴之東道主也

海國圖志 卷十七 東南洋 海島國五 七

顧亭林天下郡國利病書云倭奴鄰三韓而國故名韓

中倭後自惡其名更號日本在東南大海中依山島而

居地方數千里爲畿五曰山城曰太和曰河內曰攝津

曰和泉共統五十三郡爲道七曰東海統一百十六郡

曰南海統四十八郡嘗見日本所刻和漢紀年者其國本名曰和而華人謬稱曰倭至日本亦華人所稱其國至今自稱大和曰西海統九十三郡曰東山

統一百二十二郡曰北陸統三十郡曰山陽統六十九

郡曰山陰統五十二郡爲島三曰伊岐曰對馬按海國圖志日本平列三大島其迤北者名對馬島而此所云對馬島止統兩郡蓋對馬本北境小島之名後來遂以爲

北境總名余嘗見日本人所作廣對馬島賦倣選體曰

極瑰麗自注云島小不足賦故廣言之亦一語也曰

多嶺各統二郡皆依水附嶼郡之大者不過中國之村

落戶可七萬課丁八十萬奇國王一姓歷世不易初號

天御中主居築紫宮其子號大材雲尊自後皆以尊爲

號傳世三十二至彥瀲尊第四子號神武天皇徙太和

州強元宮傳至守平天皇凡四十一世復徙都山城國

其國文武僚吏皆世官自兩漢時始通中國魏晉以後

得五經佛教於中土於是沙門之教盛行唐貞觀間嘗

遣使往諭宋初遣國僧裔然浮海貢獻太宗賜紫衣厚

存撫之其傳國已六十四世矣按後漢書倭在韓東南

百餘國自武帝滅朝鮮後通漢者三十許國大倭王居

邪馬臺國男子皆黧面文身男女無別飲食以手俗尚

徒跣云云是日在漢時并非一國土俗與諸番島無

異其文字官制自是兩漢通中國後始學得之此所云

六十四世溯之當在商周其國王一元王憚汎海小錄

云由對馬島六百里踰一歧島又四百里入容浦口又

二百七十里至三神山其山峻削羣峯環繞海心望之

鬱然爲碧芙蓉也上無雜木惟梅竹蠶藥松檜杪羅等

樹其居民多徐姓自云皆徐福之後海中諸嶼此最秀

麗方廣十洲記所云海東北岸扶桑逢邱瀛州周方干



聖余按三神山本方士夸誕之說用以欺誑人主果即

係日本附近小島則當日船交海中何為求之不得後

漢書倭國傳稱會稽海外有夷洲及澶洲秦始皇遣方

士徐福將童男女數千人入海求蓬萊神仙不得徐福

畏誅不敢還遂止此洲世世相承有數萬家人民時至

會稽市王暉小錄所云或即夷洲澶洲之類至三神山

之名其為傳會無疑也泉州陳資齋提軍煥少時嘗附

商船遊日本言其風土甚悉云日本人皆覆姓單姓者

徐福配合之童男女也徐福所居之地名徐家村其家

海國圖志 卷十七 東南洋 海島國五 三

在熊指山下云徐家村熊指山不知在日本何地蓋華

人入倭自徐福始其遺民年久繁衍遂散佈於通國倭

人通中國文字當係君房教之特海外遠夷郵車罕至

往來者皆商賈之流無由探悉其原委耳

案日本三島香港英夷圖薩摩島於對馬島西居長

崎大島西北此大誤也夷人未至日本故東洋形勢

未能瞭如而以不知為知此亦其一蓋薩摩即薩崙

島居日本之南明季倭寇此島人也其北長崎長崎

西北王京在焉又北曰對馬其北朝鮮

附東南洋諸島形勢上

明史賓龍童國與古城接壤氣候風土大類占城有崑

崑山節然大海中與占城東西竺鼎峙相望其山方廣

而高其海即曰崑崙洋往諸西洋者必待順風七晝夜

始得過故舟人為之諺曰上怕七州下怕崑崙針迷航

失人船莫存此山無異產人皆穴居巢處食果實魚蝦

無室廬井龍

源案賓龍童乃占城海岸之國崑崙島則在其南海中

非地相連也大小崑崙嶺即東西竺山宋史天竺注輦國

來朝行二百餘晝夜至三佛齊國又行十八晝夜度巒

山水口歷天竺山至賓頭狼山又行二十晝夜至廣州

是也明史沿王所續通考之誤分崑崙竺山為二謬一

又望文生義謂東西竺山為柔佛國謬二既以柔佛為

佛國竺山為天竺因并以其對岸之賓龍童則舍衛城

然則佛國近在占城而大秦當近在長安乎崑崙嶺中

當有河源乎諺甚

海國圖志 卷十七 東南洋 海島國五 三

呼為大崑崙小崑崙山尤甚異土產佳果無人蹟神龍

盤踞昔荷蘭失臺嶼遊海界禁未復因金履二島平荷

蘭掠普陀毀銅像銅鐘萬惡間宮聖脫紗佛像刀刃不

能傷駕火礮壞之取裏所寶金銀財寶見像必劫以取

藏寶悉收而去至崑崙意欲居之龍與為患藉火礮與

龍鬪相持有日後荷蘭狀若狂自相戲以曲脫擊背

心日益驚揚帆而去將至鳴喇巴船擊碎存活者可十



崑崙者備雞鷲毛鬚壳到崑崙洋天時極晴露見黑雲一  
點隨化為煙蛟蜃搖尾即如江浙夏月湖中雲龍下蓬  
惟恐不及往風立至幸不及時而霄俗呼風尾龍風白  
雲者其風尤甚日遇二三次或四五次間或不遇者少  
故焚師王鬻壳取穢氣觸遠過崑崙則無  
海國聞見錄南澳氣島居南澳之東南嶼小而平四面  
挂脚皆覆古石底生水草長丈餘灣有沙洲吸四面之  
流船不可入瀾則吸閣不能返隔南澳水程七更古  
為落際北浮沉皆沙垠約長二百里計水程三更餘盡  
北處有兩山名曰東嶼象與臺灣沙嶼對峙隔洋關  
四更洋名沙嶼嶼頭門氣懸海中南屬沙嶼至粵海為  
萬里長沙嶼嶼頭門一洋名曰長沙嶼又從南首復生  
沙嶼至瓊海萬州曰萬里長沙嶼之南又生礁古石至  
七州洋名曰千里石塘長沙嶼一門西北與南澳西南與  
平海之大星鼎足三峙長沙嶼南約關五更廣之番  
船洋艘往東南洋呂宋文萊蘇祿等國者皆從長沙門  
而由北風以南澳為準南風以大星為準惟江浙閩省  
往東南洋者從臺灣沙嶼嶼頭門過而至呂宋諸國西

海國圖志 卷十七 東南洋 海島國五

洋甲板從崑崙七州洋東萬里長沙嶼外過沙馬嶼頭門  
而至閩浙日本以取弓弦直洋中國往南洋者以萬里  
長沙嶼之外渺茫無所取準皆從沙內越洋而至七州洋  
此亦山川地脈所繫之氣而於洋中之中以限海國也  
沙有海鳥大小不同少見人遇舟飛宿人捉不識懼搏  
其背吐魚蝦以為羹余在臺丙午年時有閩船在澎湖  
南大嶼被風折桅沙壞有二十人駕一三板脚舟用  
被作布帆同臺餓斃五人余詢以何處擊碎彼僅以沙  
中為言不識地方又云潮水溜入不得開出余語之日  
此萬里長沙嶼也尚有舊時擊壞一甲板潮雖溜入汝  
等若以南風掉長潮再不得歸矣大洋之水為沙兩隔  
節次斷續南北沙頭為潮汐頭四面合流外長而內  
退外退而內長須沿沙節次撐上斷續沙頭夾退潮乘  
南風東向盡流南退離欲北上求生而南下者正所以  
生也何也南風夾退潮方能出瀾雖瀾下然而歸於大  
海不入內瀾方得乘南風而歸舟人聞余語羣起驚呼  
曰亦曾到此地乎不則何為知之詳確如目視耶壞甲  
板尚存為飛沙汗沒飢抱海鳥為餐渴飲其血駕長潮

為瀾所吸不待開動三四日無奈禱祭倖退潮瀾入大  
洋驟十二日到臺余又語之日潮水分合退為長為  
退夾流雙開臨頭准足南澳氣受四面流水吸大而不  
出古為落際試問入而不出歸於何處豈氣下男有一  
海以收納乎四人者從上而入必從下而出如溪流湧  
急投以葦席入而出於他處此理甚明並以誌之  
爾黃表海諸島崑崙山在大佛靈南凡七嶼七港是謂七  
門其旁洲嶼皆巽然環列適諸國者此其標也其山多  
兇犀野馬巨鷹異蛇大木復平川沃壤數百頃椰樹駢  
生墮實彌谷冬瓜延蔓蒼藤徑寸實長三四尺大榆一  
團海上無人之境產物皆碩大予客朱巖令人採取何  
首鳥天南星二藥皆三倍於常品氣味自別固知有棗  
如瓜非詭語也陳腐若泥淖然船欲樵蘇非百人不能  
即日分水在占城之外羅海中涉嶼隱隱如門限延綿  
橫亘不知其幾百里巨浪拍天異於常海由馬鞍山抵  
舊港東注為諸番之路西注為朱巖儋耳之路天地設  
險以限華夷者也由外羅歷大佛靈以至崑崙山自潮

海國圖志 卷十七 東南洋 海島國五

至望潮東旋而西既望至晦即西旋而東此又海中潮  
汐之變也惟於操舟者乃能察而慎之  
又曰萬里石塘在烏嶼二洋之東陰風晦景不類人世  
其產多瑛珠其鳥多鬼車九首者三四首者漫散海際  
悲號聒耳慘顏愴神航師脫小失勢誤落石汊百無一  
免  
又曰萬里長沙嶼在萬里石塘東南即西南夷之流沙河  
也弱水出其南風沙獵獵晴日望之如盛雪船誤衝其  
際即膠不可脫必幸東南風勁乃免陷溺  
又曰鐵板沙所在有之舟觸即敗成化二十一年憲廟  
遣給事中林榮行人黃乾亨封占城官治大艘凡大船  
之行必選熟於洋道者駕小艘船先行探水大船後復  
繫二小船以便樵汲且防不虞是役也軍民千人物貨  
太重而火長又疏於徑路次交趾之占城羅誤觸鐵板  
沙船壞二使溺焉軍民死者十九予里中有麥福者同  
七十餘人奪一腳艇棹至崖側巨浪簸蕩舟登山回  
望大船覆處近如席前洪濤瀾汗惟敗篋破甌出沒其  
間數百人漚滅無跡眾皆長慟晝行夜伏捕蛇鼠拾草



木之實而啖風雨晦冥石妖木魅怪侮萬狀且已忘甲  
子惟視月望以驗時日曾未決旬死者強半存者二  
十四人復已缺食二日蹒跚冥行俛入空谷石窟寬坦  
如堂有草葉如廣之水蕉掘之根類蹲鴟而大貌取以  
食喉間微覺苦澀餘味如葛識者曰此非惡草也第未  
經風日水土氣作苦澀味耳乃曝之曰中偃息酣寢比  
寤曉星煌煌矣遲明馱火燃草取所曝者煨而食之味  
轉香滑晨進一枚饑渴俱弭相率力搜採填之根裔  
都盡窟居二日體力完健乃人負數枚復沿水際而行  
俄聞豁中人語至見島夷數輩乘三小船循谿搜撈綴  
帛器物有諸夷語者詢之乃交趾占城界之巡徽船也  
共載以歸二國夷王聞是天朝人民館穀如禮於是占  
城遣人以二使來計廣中始知大船泊沒守臣以聞二  
使均荷恤蒞又踰年二國始具海舟送回中國  
王圻續文獻通考龍六犀角島地內平而外尖民皆蟻  
附而居之氣候常熱以親戚尊長為重一日不見則持  
酒肴問安地產沉速降香等  
又龍涎噴浮海內波孽雲騰每至春間羣龍來集交戲

海國圖志 卷十七 東南洋 海島國五

遺涎番人乃駕獨木舟登嶼採蔬設遇風波則人俱下  
海旋卸至岸其涎初若脂膠黑色有魚腥氣久則成大  
塊或大魚腹中割出亦覺腥氣迨焚之其香清遠貨於  
蘇門官秤一斤金錢一百九十二准中國銅錢四萬九  
千文  
又龍牙門在三佛齊之西北山門相對若龍甲狀中通  
船山塗田瘠氣候常熱四五月間淫雨人以擄掠為豪  
遇有番船則駕小舟迎敵若得順風則倖脫否則被其  
截劫泛海者宜慎焉  
又吉里地問島地在連迦羅之東滿山茂林皆檀香樹  
無別種商販聚十二所尊長田肥穀茂朝熱暮寒商  
船染病十死八九蓋其地多瘴氣也  
謝清高海錄曰東洋諸島曾慮其地者曰哇大島哇希  
島匪支島呢呢島千尼島焉格是島那韋巴島亞亞  
島以上八島俱在東海由地問正東行約二月可到每  
島周圍十餘里各有土番數百其地多豕西洋船經此  
取鐵釘四枚即易豕一頭可三十斤人性渾龐地氣炎  
熱土番不穿布帛惟取鳥衣或木皮圍下體能終日在

水中嬉游水面海船來俱赤身落水取大木一段承其  
額浮游水面海船人招呼之至聽其調謔與之鐵釘二  
枚則喜躍而去不知其何所用也  
雞鴨有果形似袖而小熟時人取歸火煨而食之味如  
饅頭不食鹽由此又東行二三月海中無山西洋人  
呼其一為努玉一為衫里一為亞刺德反並無居人惟  
有鳥獸聞過此以東則南針不定番船亦不敢復往云  
又曰開於島在東北海由哇夫島北行約三月可到謝  
清高昔隨西洋海船至此採買海虎灰鼠狐狸各皮天  
氣凝寒雪花遍地船初至海口有冰塊流出大者尋丈  
未敢遠進鳴大礮有土人搖小船來引其船皆剝獨木  
為之船中有通其語者故得與交易其人甚稀而形似  
中國食乾魚每旬見太陽在南方高僅數丈一二時即  
落而未甚昏黑惟戌亥二時始晦餘時俱可見人每月  
唯望前後數日可見月光星光則未見也初到時手足  
皆凍裂而土人無恙唯來往手中皆執大木葉二坐則  
以足踏之知必有取也亦效之果愈不知為何木土人  
不錄

海國圖志 卷十七 東南洋 海島國五

極喜中國皮箱見則以皮交易而去偶上岸步行入一  
土窟土人外出見藏皮箱十餘開看皆裝人頭怖而返  
由此復北行二十餘日至一海港復鳴礮不見人來遂  
不敢進聞其北是為冰海云其東洋諸國清高所未至  
故皆



海國圖志卷十八

邵陽魏源輯

東南洋諸島形勢下

琉球一作流虬古未通中國隨時有海船望見之唐宋後漸通中土明初入貢太祖賜以閩人善操舟者三十  
 六姓修職貢甚謹後為日本所滅不通音問者數十年  
 已而王被執不屈倭送還國在日本薩峒馬島之南  
 周環三十六島南北四百餘里東西不足百里舊分山  
 南山北中山三國後并入中山為一故稱中山王王尙  
 海國圖志卷十八 東南洋 海島圖五 一

姓自記載以來一姓相傳無改步國小而貧屬役日本  
 惟賴貢舟販鬻稍得餘資以自給由福州五虎門放洋  
 用卯鉞四十餘更至姑米山其國大島也再東即至其  
 國收泊於那霸港國分三路曰首里王居之曰久米曰  
 那霸用中國文字入 本朝更恭順修職貢其官之  
 最尊者為金紫大夫守土之官曰按司一按司所轄約  
 六七里土瘠瘠產米絕少以地瓜為食即番薯非官與者  
 老不食米無麻絮以蕉為布負戴者圖下體餘皆裸露  
 附南洋各島  
 地里備考曰巴勞島在南洋之北加羅黎那島之西緯

度自北六度五十三分起至八度九分止經度自東一  
 百二十七度三十九分起至一百三十三度四十分止  
 中有十八島人烟稠密物產豐阜人民良善作事勤勞  
 島之大者曰波卑都曰哥羅曰尼利斯黎都  
 又曰加羅黎那島在南洋之北馬黎亞納島之南緯度  
 自北六度起至十二度止經度自東一百三十三度起  
 至一百六十七度止中有三十島地勢錯落不相聯絡  
 人烟紛繁樹林稠密地氣溫和風雨不時島之大者曰  
 亞巴曰我里曰慶結母曰  
 係利亞威內曰五亞蘭  
 又曰慕爾加拉威島在南洋之中馬黎亞納島之東南  
 緯度自北一度起至十度止經度自東一百六十八度  
 起至一百七十一度止田土瘠薄物產不阜島之大者  
 曰布路尼曰刺達各曰刺利客曰斯加波路曰京師米  
 爾  
 又曰維的島在南洋之中慕爾加拉威島之南緯度自  
 南十五度四十五分起至十九度四十三分止經度自  
 東一百七十四度四十分起至一百七十九度四十分  
 止長一千二百五十里寬一千一百里地勢錯落不相  
 聯絡田土瘠薄物產豐饒諸酋分轄不相統屬島之大  
 者曰維的黎勿曰干打本曰華蘭黎勿曰羅斯曰當基  
 又曰當加島又名亞米在南洋之中維的島之東南緯  
 度自南十三度二十分起至二十五度三十分止經度  
 自西一百七十三度八分起至一百七十八度三十  
 八分止中有一百五十島大者維三曰嘗加曰瓦瓦阿  
 曰意五亞田土肥饒物產豐厚地氣酷熱海風清涼人  
 民壯健作事勤勞諸酋分轄不相統屬  
 又曰花和爾尼島在阿塞亞尼亞州之中地勢錯落不  
 相聯絡島之大者曰五瓦曰好望島曰何爾尼  
 又曰慶阿島在南洋之中緯度自南五度三十分起  
 自東一百五十二度十七分中有七島諸酋分轄島之  
 大者曰波刺曰阿牙刺曰茂拿曰羅沙  
 又曰給爾島在南洋之中緯的島之南緯度自南  
 三十度三十六分起自東一百七十八度五十分中  
 有三島曰刺五耳曰馬告來曰姑爾的斯  
 又曰古各島在南洋之中緯度自南十八度四十五分

海國圖志卷十八

東南洋 海島圖五 二



起至二十一度二十六分止經度自西一百五十九度四十五分起至一百六十二度十五分止地氣錯落不相聯絡島之大者曰

馬拿牙曰亞的亞

地理備考都波哀島在南洋之中緯度自南二十三度三十分經度自西一百五十二度地勢錯落不相聯絡島之大者曰都波哀曰魯都曰

黎馬打刺曰來瓦外曰魯都曰

又曰達義的島在南洋之東緯度自南十七度二十九分經度自西一百五十一度田土肥饒穀果豐登多上品樹木地氣溫和島嶼不一諸酋分轄島之大者曰達義的曰弟都羅亞曰母勒亞曰買弟亞曰化衣尼曰刺牙的曰弟打下曰波刺

波刺曰茂卑的曰都拜

地里備考色度島在南洋之東緯度自南十四度起至二十三度止經度自西一百五十二度起至一百四十四度止島嶼紛繁地勢低陷島之大者

曰刺沙勒曰蠅島曰澳羅德曰巴黎射

海國圖志 卷一八 東南洋 海島國五 三

又曰門達那島在南洋之東緯度自南七度五十分起至十度三分止經度自西一百四十四度起至一百四十三度止島嶼紛繁分爲兩區在南東者曰馬爾給沙山勢峻峭峯巒參天在西北者曰窩神敦地氣高燥層巒聳峙其餘各島曰達度意瓦曰

達盧亞大曰瓦波亞曰瓦盧加

又曰合威島其地在南洋之東北緯度自南十九度起至三十三度止經度自西一百五十六度起至一百六十四度止田土肥饒穀果豐登地氣溫和諸酋分轄不相統屬中有十三島大者曰合至曰茂維曰窩亞盧曰亞堆

又曰斯波拉大島在南洋之南北其南之大島有六曰本林曰巴給斯曰沙刺曰阿餘亞即曰亞爾都耳曰聖自爾那都其北之大島有五曰巴刺打曰羅卑斯曰聖巴爾多羅摩曰聖巴多羅曰羅也斯各島人民稀乏物產不阜

外國史畧曰東洋島三種一曰山地山高自二百丈及一千丈各有火內產石蠟蛻等物山脚草木茂盛二曰

珊瑚嶼乃沙地有珊瑚四圍係珊瑚內之蟲負土積累致成高石三日邱地產物豐盛出椰子甘蔗有餅樹其果如饅味甘美並各蕉大薯番薯獸只犬豕鼠今則五畜資養焉居民之狀與燕來由相似眾尙蠻拜偶像以攻大敵惡僧弄權甚至殺人祭鬼衣甚少僅以葉束腰而已男女苟合近曰天主教于各島開學館以教化之○羣嶼太多今述其最廣者無人嶼在日本東南係荒島乃外國水手所開人少物稀捕鯨之船隨時到此與居民往來買蔬菜牲畜畜北向一帶島嶼皆屬日本

○側嶼在臺灣東北極出地自十二度及二十一度偏東自一百四十四度至一百四十八度其南向之嶼有居民歸是班牙權轄林甚密牛羊豕滿野○加羅林羣島北極出地自三度至十六度偏東自百三十三度至百七十三度共四十六州皆有居民好航海地惟有鼠無他牲畜居人以芋番薯魚龍爲食裸身草舍屢相爭鬪所往之船惟有海參檀香等貿易○此州之南曰菲治羣嶼居民墨面性凶殘各酋互相交戰虜敵即吞食

海國圖志 卷一八 東南洋 海島國五 四

之亦有時屠宰人一日至二百餘出檀香商人之船至今罕犯○東牙羣嶼最大者周三十里其地豐盛居民稠密互相交關○航海羣島在菲治島東北其八島最廣者周六十里有火山多火漿地豐甚出樹木居民健身高體色白○谷羣嶼南極出地自十八度至二十二度偏東自五十七度及百六十度係茅塞之地居民多奉耶穌教○會黨險海羣嶼南極出地自十四度至二十五度偏西自一百二十四度及一百五十七度其嶼繁多最大者曰他希地出木甚美居民昔時仇恨相殺以血飲神像今奉耶穌教改過向化○馬其羣嶼多沙而低居民彫題甚醜俱出海參珍珠土人寐水中尋出之外國水手至此貿易多爲人所殺○阿盛希等嶼共八所五州北極出地自十九度及二十三度偏西自百五十五度及百六十度居民十萬八千三百九十三但今人戶日消滅地繁盛中有佳果蔬菓檀香甘蔗燕花有火山極出火漿乾隆間此嶼尙荒無居民以芋魚爲飯後英國水師到此導以風化嘉慶二十三年居民皆去望像而拜上帝其部曰阿那羅路居民六千各國之



船所集○東洋之竟嶼雖多但福小居民罕少除椰子等貨別無產物

海國圖志

卷十八

東南洋 海島國五

五

附東南洋道路

東西洋考南洋鍼路自七州山七州洋始瓊州志曰在文昌東一百

里海中南山連起七峯內有泉甘洌可食船過用牲粥祭海厲不則為祟舟過此極險稍食東便是萬里石塘

即瓊州所謂萬州東之石塘海也并犯石塘希脫者七州洋打水一百三十托若往交趾東京用單針五

更取黎黎母山在瓊州定安縣南四百里廣東通志曰

母山黎黎母山五指山一名黎母生黎峒中五峯如人指屹立每辰已後雲霧收斂則一峯聳翠插天申酉間

復蔽不見用庚卯針十五更取海寶山

海寶山用單亥針及乾亥由塗山海口五交趾東京一

志曰東至海西至老樞又從七州洋用坤未針三

南至古城北至思明府又從七州洋更取銅鼓山

銅鼓山極深險用坤未針四更取獨珠山獨珠山在

東南海中峯勢高峻周圍五六十里南國諸番修貢水

道視此為準其洋為獨珠洋船人云有靈伯廟往來

祭獻打水六十五托用交趾洋打水七十托用坤未針

坤未針十更取交趾洋交趾洋取占筆羅山是廣東港

口廣南漢為日南郡隋唐為又從交趾洋用未申針三

華港清華港漢為九真郡隋唐為愛州交

又從交趾洋取小長沙海順化港順化府

又從交趾洋用坤未針十一外羅山遠望城門近看東

塘西有古老石船傍西行打水四十五托用丙

午針三更取馬陵橋其內為提夷是交趾屬縣

提夷馬陵橋打水二十五針內外俱可過船南邊有橋

口新州港國朝為新州交杯嶼兩嶼相對故名丙午針三更

新安府



海國圖志卷一八

**取羊** 羊嶼有小石塔好拋錨內打水八九托外二十托  
**煙筒山** 此交趾占城分界處也靈山嶺而方山頂一石  
**塊似佛頭** 故名靈山往來販船於此樵汲崇佛誦經祈  
**禱** 開打水六十托用單午針取伽南貌  
**伽南貌山** 港內有三嶼潮漲則不見山遠過打水十五  
**城港** 占城國一統志曰東距海西抵雲南南接真臘北  
**口** 占城國連安東南北至廣東舟行可半月程至崖  
**州** 可占城國羅灣頭針打水五十托用坤申  
**日** 占城王常避交人徙居茲山近打水二十  
**占** 城外十八托用單申針四更取鶴頂山  
**托** 五托洋中國玳瑁洲宜傍若往東埔寨  
**由** 此分路用單庚針四更取柯任山  
**行** 因風應變外任尋港用庚申針開有石爛礁在西南  
**若** 行船放落嶼下開頭用單庚及庚申針看風讓高收

**海國圖志卷一八** 東南洋 海島國五 七

**毛蟹** 毛蟹州打水六七托船頭對洲收拾有三托水在  
**州** 邊坤身頭崎便是大暑晴明潮水曉退在東埔寨  
**外** 任開船東風小午到淺至午進港為妙東埔寨  
**地** 也又名占臘將至港俱是泥地故名占臘泥國人自  
**呼** 甘字智後訛為甘破蔗船人又訛為東埔寨  
**又** 從赤坎山單未針十五崑崙山屹然海中山高而方  
**七** 州下怕崑崙針迷航失人船莫存小崑崙兩邊有礁  
**用** 單庚及庚酉針三更取小崑崙  
**西** 及單酉針真嶼看成三山內過打水十四托泥地外  
**八** 更取真嶼真嶼過打水十八托沙地遠過只七八托  
**便** 是假嶼水淺不可行直從真嶼東北邊出  
**水** 礁南邊過船用庚戌針五更取大橫山  
**大** 橫山到此是暹羅界外過南邊打水二十五托為正  
**路** 北邊水淺只五托水船在南邊見小橫山  
**小** 橫山其山多樹打水十四托用辛戌針十更  
**單** 戌針十更乾戌針十更取筆架山

**筆架山** 遠望形如筆架故云山下打水十四托開打  
**水** 二十托王亥針五更取陳公嶼及黎頭山  
**黎** 頭山西邊高大東南稍低其內有嶼西北一  
**主** 頭淺打水四十托單用竹嶼淺口打水四五托用王  
**尾** 即暹羅解二國名暹羅一統志曰在占城極南  
**暹** 羅暹羅乃古赤土及婆羅利地至本朝合暹與羅  
**又** 從崑崙山用坤申及庚酉針吉蘭丹即大嶼港口用  
**港** 是大泥國貢道由又從崑崙山取真嶼用辛酉針  
**泥** 國大泥國福建入又從崑崙山取真嶼用辛酉針  
**六** 坤地與大泥相連又從崑崙山取真嶼用辛酉針  
**斗** 嶼用丁午針五更取地盤山  
**地** 盤山在彭亨港外打水二十八托東西竺界也用丁  
**海** 國圖志卷一八 東南洋 海島國五 八

**未** 針十更取羅漢柔佛國一名烏羅漢嶼水淺宜防往  
**嶼** 即柔佛港口柔佛國丁樵林羅漢嶼來尋白礁為  
**準** 往滿刺加從北邊過船龍牙門山門相對如龍牙狀  
**用** 庚酉針五更入龍牙門中通船田瘠穀薄據  
**掠** 為豪番船於此防之夜不敢行以其多盜且南有涼  
**傘** 礁也中打水三十托北二十托南八九托又過淡馬  
**錫** 門用庚酉及辛戌吉里問山打水二十七托兩邊有  
**針** 三更取吉里問山淺用乾亥針三更取崑  
**崑** 崙宋嶼打水二十五托用單箭嶼打水三十四托用  
**嶼** 宋嶼亥針五更取箭嶼箭嶼乾亥針五更取五  
**五** 嶼先時會門鎮於此此中有真五麻六甲即滿刺  
**船** 人音訛耳在古又從東西竺用丙午針十  
**為** 歌羅富沙地又從東西竺用丙午針十  
**長** 腰嶼北邊正路打水二十六托若往丁獨石門出門  
**西** 針過鐵嶼其外水流急甚用單庚及鱈魚嶼西是  
**鐵** 針過鐵嶼其外水流急甚用單庚及鱈魚嶼西是



書南流而夜北流再進由丁機宜瓜哇  
 第二港入是丁機宜國又從長腰嶼用  
 午針十更取龍雅山在馬戶邊過用單午  
 龍雅大山三佛齊人稱其國王為詹卑其  
 詹卑七更取瓜哇所破故王從居於此因  
 更可到詹卑瓜哇所破故王從居於此因  
 七嶼此又用丁未針七更取彭家山用坤  
 取西南第二山有沉港舊港即三佛齊故  
 確用坤申針收舊港舊港即三佛齊故都  
 名舊港以別又從彭家山用辰針十更  
 於彼之新村又從彭家山用辰針十更  
 身七更見三麥嶼五更取都麻橫港下  
 三麥嶼五更取都麻橫港下  
 都麻橫港口中望一山名真不假不正路  
 都麻橫港口中望一山名真不假不正路  
 覽邦港口覽邦夷人好食人故船無雜纜  
 覽邦港口覽邦夷人好食人故船無雜纜  
 海國圖志卷十八 東南洋 海島五  
 取奴沙刺打水十四托又用錫蘭山港口  
 取奴沙刺打水十四托又用錫蘭山港口  
 丁午針三更遠望錫蘭山錫蘭山港口即  
 丁午針三更遠望錫蘭山錫蘭山港口即  
 港口者亦就望見言之其實去彼尚遠地  
 港口者亦就望見言之其實去彼尚遠地  
 瓜哇海邊有一盤石上印足跡長三尺許  
 瓜哇海邊有一盤石上印足跡長三尺許  
 稱先世釋迦從翠藍嶼來登此足跡至今  
 稱先世釋迦從翠藍嶼來登此足跡至今  
 永樂間其王來貢旋復負固不恭鄭中貴  
 永樂間其王來貢旋復負固不恭鄭中貴  
 上命釋之洋中凡五嶼正門打水四五托  
 上命釋之洋中凡五嶼正門打水四五托  
 六更至下港即古開婆在南海中者亦名  
 六更至下港即古開婆在南海中者亦名  
 亦名順塔再進又從滿刺加國五嶼分路  
 亦名順塔再進又從滿刺加國五嶼分路  
 入為咖囉吧又從滿刺加國五嶼分路入  
 入為咖囉吧又從滿刺加國五嶼分路入  
 綿花嶼第三灣正好過船打水七托外二  
 綿花嶼第三灣正好過船打水七托外二  
 雞骨嶼對開打水六十六托有淺船宜雙  
 雞骨嶼對開打水六十六托有淺船宜雙  
 門中十托即正路所經也取單嶼內打水  
 門中十托即正路所經也取單嶼內打水  
 乾皮針并辛戌四更取單嶼內打水十六  
 乾皮針并辛戌四更取單嶼內打水十六

認亞路坤身打水三托洋中二十托用王亥  
 認亞路坤身打水三托洋中二十托用王亥  
 巴祿頭其旁為九州山林木叢生永樂間  
 巴祿頭其旁為九州山林木叢生永樂間  
 細紋山人張目吐舌言天朝威力若急水  
 細紋山人張目吐舌言天朝威力若急水  
 對開水二十五托用亞齊國即蘇文答刺  
 對開水二十五托用亞齊國即蘇文答刺  
 刺加九畫又從玳瑁洲更取東西董東  
 刺加九畫又從玳瑁洲更取東西董東  
 夜可至單才針五更丁失力大山近山  
 夜可至單才針五更丁失力大山近山  
 未三十更取失力大山五更取馬鞍嶼  
 未三十更取失力大山五更取馬鞍嶼  
 馬鞍嶼取塔林嶼山尖有老古石正路在  
 馬鞍嶼取塔林嶼山尖有老古石正路在  
 馬吉甯馬哪山針七更取單丙針六更  
 馬吉甯馬哪山針七更取單丙針六更  
 勿里洞山丙午十五更取吉里問太山  
 勿里洞山丙午十五更取吉里問太山  
 海國圖志卷十八 東南洋 海島五  
 離山宜防用辰針保老岸山山與吉里問  
 離山宜防用辰針保老岸山山與吉里問  
 四更取保老岸山保老岸山山與吉里問  
 四更取保老岸山保老岸山山與吉里問  
 先用巽巳針四更取椒山椒山嶼七更  
 先用巽巳針四更取椒山椒山嶼七更  
 思吉港饒洞相蘇吉丹國與瓜哇國  
 思吉港饒洞相蘇吉丹國與瓜哇國  
 又從保老山取吉力石港吉力石港即瓜  
 又從保老山取吉力石港吉力石港即瓜  
 奔大海者也打水八九托雙銀塔用丁未  
 奔大海者也打水八九托雙銀塔用丁未  
 磨里山冠掠用單乙針三更取磨里山  
 磨里山冠掠用單乙針三更取磨里山  
 郎木山山下有三吧哇嶼前有老古重迦  
 郎木山山下有三吧哇嶼前有老古重迦  
 地與瓜哇界相接高山奇秀內一石洞前  
 地與瓜哇界相接高山奇秀內一石洞前  
 後三門可容萬人用單卯針五更取火  
 後三門可容萬人用單卯針五更取火  
 真里馬里馬過火門大急水出門用乙辰  
 真里馬里馬過火門大急水出門用乙辰



至警 響嶼 用乙卯針十更取 大小雲螺 用乙卯針六更取  
 蘇律 蘇律山 有紅毛番居此不宜進船 用印嶼針二更取  
 山 蘇律山 乙辰針三更收山取印嶼 用印嶼針二更取  
 至美羅港 池問 諸國最遠處也  
 即池問 諸國最遠處也  
 又從吉甯馬礁 往文郎馬礁分路用丙巳及  
 吧哩馬閣 即白水打水入托是正路近嶼有淺可防用  
 三密 三密港 用乙卯針二更取龜嶼 稍開有石六七  
 港 用單已針三更 單戎世力山 有淺宜防打水五托是  
 淺用單已針三更 單戎世力山 有淺宜防打水五托是  
 取單戎世力山 單戎世力山 有淺宜防打水五托是  
 四更又辰巽 美啞柔港口 是處多盜好夜殺人  
 針收美啞柔 美啞柔港口 是處多盜好夜殺人  
 文郎馬神國 古稱 文郎馬神國 古稱  
 海國圖志 卷一八 東南洋 海島圖五 七

東洋鐵路  
 大武山 用辰巽針七 彭湖嶼 是漳泉間一要害地也多  
 針五更取 虎頭山 用丙巳針七更 沙馬頭灣 用辰巽針  
 筆架山 遠望紅豆嶼并浮 大港 用半酉針三  
 山 筆架山 遠望紅豆嶼并浮 大港 用半酉針三  
 哪哦山 再過為白土山用辛 密雁港 南是淡水港水  
 力日再過山頭為岸塘 密雁港 南是淡水港水  
 又從密雁港 候頭門用丙午單午 六藐山 下有四嶼用  
 取郎 郎梅嶼 單午針四更 麻里著嶼 用丁午針五更取  
 梅嶼 郎梅嶼 單午針四更 麻里著嶼 用丁午針五更取  
 玳瑁嶼 東是傍柱旋橋用壬子針四 表山 門之望故名

用丙午針及單午針 里銀中邦 用丙巳針五更頭巾礁  
 五更取里銀中邦 里銀中邦 用丙巳針五更頭巾礁  
 午針五更 呂宋國 國初貢路由福建入用丙巳針及乙  
 收呂宋國 呂宋國 國初貢路由福建入用丙巳針及乙  
 貓里務國 即今貓里國也永樂 時與呂宋貢使偕來  
 又從呂宋 磨老央港 以甯港 山尾十更西邊  
 又從呂宋 磨老央港 以甯港 山尾十更西邊  
 又從以甯港 用丙巳針取漢澤 漢澤山 用單巽針  
 海山 用單巳針五更取 漢澤山 用單巽針  
 又從漢澤山 用丙午針二十更 交溢 稍下為逐奇馬山  
 海國圖志 卷一八 東南洋 海島圖五 七  
 魁根礁 魁根礁老港 用乙辰針七 紹山 又用乙辰針十  
 老港 魁根礁老港 用乙辰針七 紹山 又用乙辰針十  
 是米洛居地今 干子智港 對面是直羅里稍上是紹  
 佛郎機駐此 干子智港 對面是直羅里稍上是紹  
 紹武淡水港 此處大山凡四進入即 紹武淡水港 此處大山凡四進入即  
 又從交溢 對西開船 犀角嶼 船外有三四白礁南勢開  
 蘇祿國 國初貢有東王西王嗣子其後惟東王來貢  
 又從呂宋 不絕疑是為東王所并矣商船所至則峒王地  
 未針并丁未 小煙山 其上有仙人堂用丁亥針十 磨葉洋 用  
 取小煙山 小煙山 其上有仙人堂用丁亥針十 磨葉洋 用  
 五更取 巴著圓 用丁未針五更取 七峯山 用單  
 巴著圓 用丁未針五更取 七峯山 用單  
 聖山 溝舟行甚險用單未及坤未針五更取崑崙山



崑崙山此又別一崑崙是船人強名長腰嶼用單于鉗  
五更取鯉魚塘取毛花蠟印文萊國即婆羅國此東洋  
起處也越以婆羅終焉

海國圖志 卷十八 東洋 海國圖五 三

海國圖志卷十八終

海國圖志目錄

西南洋諸國

卷十九

五印度總述上

卷二十

五印度總述下

卷二十一

中東印度分述

卷二十二

海國圖志 目錄

南北印度分述

卷二十三

西印度 巴社國 即波斯

卷二十四

阿丹國 同教 祖國

卷二十五

各國回教總考

卷二十六

如德亞國 附景教碑



卷二十七

天主教考

卷二十八

南都魯機國

海國圖志

目錄

二

西南洋五印度國志

敘曰西南洋為印度海惟西北二印度尚各自為國其  
中南東三印度並據於西洋東印度為英夷駐防重鎮  
凡用兵各國皆調諸孟加臘每卒月餉銀約二十員又  
與我屬國緬甸廓爾喀鄰近世仇故英夷之偏中國與  
中國之籌制英夷其樞紐皆在東印度南印度斗出南  
海有佛蘭西彌利堅荷葡亞荷蘭呂宋各國市埠環列  
而英夷之市埠曰曼達薩喇曰孟邁皆產鴉片煙與孟  
加臘塔各國不得分其利恆外睦內猜故我之聯絡佛

海國圖志

卷二十九

西南洋敘

一

蘭西彌利堅及購買船礮其樞紐皆在澳門與南印度  
中印度為英夷與俄羅斯相拒之所中惟隔一興都哥  
士大山俄羅斯踰山則可攻取溫都斯坦英夷設重兵  
扼守之故我之聯絡俄羅斯其樞紐在中印度不悉東  
印度之形勢則不知用廓夷雖有倚角擣批之策而不  
敢信也不知南印度之形勢則不知用佛蘭西彌利堅  
欲行購造兵船之策而未由決也不知中印度北印度  
之情形則不知聯俄羅斯方詢俄羅斯國都與英夷國  
都遠近不知其相近者在印度邊境而不在國都也昔



唐太宗貞觀中王元策用吐番之兵以擣印度即廓爾喀攻孟加臘之路元太祖兵至北中二印度而返及憲宗命諸王旭烈先攻取西印度而後回取五印度即今俄羅斯侵徧溫都斯坦之路明三寶太監鄭和以舟師破錫蘭山俘其國王歸獻諸朝即今粵夷兵船赴南印度之路具載往牒近徵商船事異鑿空形同肘腋指示發蹤誰端銜策志西南洋實所以志西洋也故以東南中三印度冠其前而以西印度之天方教天主教附其後五印度沿革又附其後

海國圖志

卷十九

四南洋 敘

二

海國圖志卷十九

歐羅巴人原謨

侯官林則徐譯

西南洋

邵陽魏源重輯

五印度國

東南中三印度今皆屬英吉  
利惟西北二印度各自為國

印度國即興都斯頓也一作痕都斯頓一作溫都亦有作軒都斯丹者地隸阿

細亞洲西南地廣壤沃產豐甲於諸國其國如何創治

諸記未詳查探險寶記僅云為數小國而西流古土記

又云大國以巴利摩刺臘為國都仍未載及主國者為

海國圖志

卷十九

西南洋 五印度國總述

一

誰竟不知印度為古佛國蓋由西洋人奉天主教不覽

佛書而近日印度又為同教久據力此佛教踪跡也

然志中東南中三印度諸部落尚奉大西有公記始

佛教又似未盡改同教者未詳其故云壯麻墨合印度可臘山達達里共為一國後被俄利

所滅俄利傳至巴旦王耶蘇紀歲千三百九十八年

文二又為底摩阿所滅底摩阿傳百餘年後悉歸蒙古

年此蒙古謂養嗣各部落隔大山之險不服蒙古統轄各

馬爾罕之自立主各部中又以馬拉他為最強此南印度主國非

也至西北溫大壓山麻臘耦特爾希阿俄臘等部均歸

馬拉他所轄南隅麻疏一部為哈達阿里所據加補爾



部爲阿密沙所據阿密沙與馬拉他交戰時各部互相  
攻擊英吉利乘隙征服東隅遣賀威廉駐防孟阿臘遣  
賀族乞駐防遂於曼達拉薩孟買兩處開埠貿易貨物  
充物各國商舟雲集是時惟哈達阿里尙強不服英吉  
利于是印度之蘇拉札道臘統兵與英人爭鬪收賀威  
廉部眾置之黑獄英吉利遂遣律記利付奪復其地別  
置頭目後至千七百六十五年乾隆三十年復又背叛全滅  
英吉利之人英吉利王復遣薩依姑底奪復疆域自此  
印度地屬于英國者十三部曰孟阿臘曰曼達臘曰

海國圖志 卷十九 西南洋 五印度國總述 二

孟買曰彌那曰歐尼曰瀝部曰麻疎曰薩達臘曰稔哇  
曰特那彎戈曰果眞曰那治勃曰西倫島其各自爲主  
者曰新低曰阿魯斯曰尼保爾曰新尼曰即茅爾且數  
部而已此數部乃中印度南印度之邊境未盡屬英吉  
利者若西北二印度又不在此數部之內觀英  
夷所繪印度圖印度河東岸尙係青色不盡  
在所保黃色各國之內可證即此數部也孟阿臘以  
加爾格達爲首部計幅員二十二萬零三百十二萬方  
里戶口六千九百七十一萬名外有八萬五千七百方  
里未計戶口英吉利派加稔那一人加稔那  
官名也駐劄孟阿  
臘理糧餉鹽法貿易鴉片兵丁醫館等事隨員四人分

理各事曼達那薩幅員十四萬一千九百二十三方里  
戶口千三百五十萬八千五百三十五名英吉利派加  
稔那一人駐劄曼達那薩理糧餉鹽法貿易鴉片兵丁  
醫館等事孟買幅員五萬九千四百三十八方里戶口  
六百二十五萬一千五百四十六名外有五千五百五  
十方里未計戶口英吉利派加稔那一人駐劄孟買理  
糧餉鹽法貿易鴉片兵丁醫館等事定例曼達那薩孟  
買兩處加溫那仍歸孟阿臘統轄此外別設廐宿各一  
人執連共七十六人統設敘跋兵十八萬一千五百一

海國圖志 卷十九 西南洋 五印度國總述 三

十七名英吉利兵八百名蘭頓王家兵二萬名曰王家  
兵者雙分口糧也彌那幅員九萬六千方里戶口一千  
萬名歐尼幅員二萬方里戶口三百萬名薩達臘幅員  
一萬四千方里戶口百五十名特臘彎戈果眞幅員八  
千方里戶口一百萬名那治勃幅員二十八萬三千方  
里戶口千六百五十萬名西倫島幅員二萬四千六百  
六十方里戶口百萬名俱英吉利統轄而各部頭目則  
由部民公舉尙有新低阿幅員四萬方里戶口四百萬  
名魯斯幅員五萬方里戶口三百萬名所屬加斯彌野



幅員一萬方里戶口百萬名尼保爾幅員五萬三千方里戶口二百萬名新尼即茅爾旦幅員二萬二千方里戶口百萬名此皆自主之部落不屬英國所轄河道三安治士河河發源謙麻那歷山希臘特河發源阿山俱至孟阿臘出海新地河又名興都士河發源西藏經歷數千里至達岱入海產棉花胡椒檳榔檀香蘇木糖洋龍牙硝精紗羊毛鑽石金沙貓兒眼石碧玉水晶寶石銀鐵硫黃砒霜洋參鉛椰子象虎地毡襪緞布姜黃荳蔻肉桂鴉片鴉片為最鉅之貿易英吉利獨擅其利

海國圖志 卷十九 西南洋 五印度國總述 四

初時尚稀近則徧地皆種以麻尼哇所產為最每年出港共六千五百滿六百斤每滿價約百二十五員以上○案此所述鴉片專指麻尼哇一處非全數麻尼哇一作麻爾哇乃自主部落非英夷所轄

重輯原無今補

貿易通志曰印度之地距大西洋數萬里自古不相通其通商自荷蘭始萬曆二十二年荷蘭商船駛至南海五印度市胡椒返棹大獲利於是設公班衙僅洋銀三萬圓積久增至三百萬員主其事者六十五商及明泰昌問僅二十年公班衙所贏銀已千有四百萬員每歲

大船四十旋據南海葛雷巴洲建總埠順治四年遂與佛蘭西國分擅其利於是荷蘭公班衙大興東通暹羅日本又據臺灣雄長南洋諸島間每年文武使費銀百五十萬員其後雖失臺灣仍踞暹羅東南方地與各國互市康熙三十八年再稟求其國王賜救書定歲貢額銀九十萬員每歲別獻贖儀銀十五萬員公班衙即公司之異名也方荷蘭之立公班衙於南洋英吉利商慕之於萬曆二十七年糾國人合資本且稟求國王設立公司嚴禁本國散商之赴南洋者其始國人尚憚險

海國圖志 卷十九 西南洋 五印度國總述 五

遠僅合資十五萬員次年增至二十六萬員獲利皆二倍且途劫荷蘭國葡萄牙國之商船以歸於是英吉利公司漸興與荷蘭公班牙據地爭權英吉利乘機於印度海濱開新地立商埠其印度國民向外視而輕忽之時商船僅二十五隻資本僅三十五萬員國人屢稟求散公司之局於是國王令他商於印度西方孟買嶼立新公司兩公司相傾軋康熙四十年始合兩公司為一并借國王公帑銀一千萬員歲息八十萬員其後復貸五百萬員免其利息於是英吉利南洋公司大盛乾隆



四年東印度兵爲北印度侵逼且臣下自相割據結荷蘭佛蘭西公班衙之兵爲助於是英吉利公司兵船乘機取印度海南地印度國王求援于荷蘭佛蘭西并力拒敗英吉利之兵乾隆二十四年後英吉利復興兵與戰荷蘭及佛蘭西連年軍旅供億浩繁雖歲稅四百餘萬入不贍出非惟盡通本國之貢獻反借其國帑數百萬生計日耗至乾隆五十年遂敗於英吉利嘉慶十六年英吉利遂據公班衙之地佛蘭西公班衙散局惟與各國分市南印度其東中兩印度大半歸英吉利道光

海國圖志 卷十九 西南洋 五印度國總述 六

十三年國中會計公司貿易無利且虧空公項以鉅萬計始散公司局聽散商自運人人皆悅  
每月統紀傳曰明宏治年間葡萄牙人精神湧發營大圖艱始尋水路到五印度國歐羅巴沿海各邦聞知之皆乘船踵至其地葡萄牙官禁之令師艦縱橫洋面截劫商船各國商船不敢孤行故各人出錢或干員或萬員或二萬員積藏公帑備船礮募弁兵遇葡艦海賊則決戰保貨返國則以所載之貨發賣各捐戶公分其利由此立商會曰公班衙公班衙者爲羣商捐措資本錢

其作貿易也荷蘭公班衙爲首始出公銀二百五十萬員赴牙瓦洲摩鹿羣島買丁香胡椒等貨歸國獲益一倍年年續駛南海利路大開始則向土酋買地開新埠後則開釁戰鬪而奪其旁地兵盛勢強兩攻澳門敗退因據臺灣之港口與福建沿海居民貿易開墾愈廣錢貨益增船舶滿海築城建邑商變爲君後有爲福建鄭成功所攻時荷蘭公班衙通事何斌知港路深淺說成功聯檣並進荷蘭嚴守安平大港成功從鹿耳門進水漲三丈餘入據臺灣與荷蘭相持甚久圍其堡臺屢戰

海國圖志 卷十九 西南洋 五印度國總述 七

不息鎮守官乞盟返棹回國康熙二年公班衙雖失此地別奪他島建城立埠復興貿易自東自西自南自北每年奉本國王銀十五萬員別納一百萬員以答國恩嘉慶年間與英吉利國構兵攻伐忽然公班衙不幸其船或沉淪或被奪英總兵乘機取其新地荷蘭公司散局將所據之地奉歸本國英吉利公班衙始與荷蘭相合但每開釁屢次交鋒於是公班衙密合防禦共本錢八百萬員爭鬪良久後再立公班衙於五印度國建兩城東邊曰馬大刺西邊曰夢買其時彼國土官貪賄



慕勢私取陋規其土君復側目公司之利誓逐英軍而奪其業乾隆十七年奮力攻戰交鋒未及十餘合土若皆敗散自後英吉利特命總理官兼攝五印度國大半之權佛蘭西人恨之費力費帑圖勝英軍英兵冒火突鋒鏖戰佛蘭西兵終敗于是土君割地求和不敢強逼自三印度國屬英公班衙之後所據地廣不盡貿易惟務治國而已向來所赴廣東商船致載茶葉自道光十四年不利於市公司雖散掌握尚存每年所收國帑之銀共計一千五百萬員但使費亦繁所餘者無幾

海國圖志 卷十九 西南洋 五印度國總述 八

無皆今補

海島逸志曰明絞勞譯音之殊在葛雷巴之西土地亦甚寬大和蘭色仔年紅毛雜處其地四夷雲集交商之所百物俱備貨賄流通土產大呢羽緞噀支

案道光二十二年四月靖逆將軍奕山奏風聞奕逆所屬之孟阿刺地友向有英夷兵目帶領黑白夷兵各數百名駐守該逆兵目於冬多劫派土夷商民充

當兵役因而構怨羣起刺殺夷目並將白夷兵數百名焚斃殆盡嗣又據香港探報英逆前估孟阿喇埠頭藉產鴉片厚利得充兵餉因被孟阿喇不繼等語將入顛之弟殺死奪回鴉片以兵餉不繼等語又訪聞得英國之東另有思田國相距約三月水程英夷欲奪其地被思田國設計誘騙於本年正月內

殺斃英兵萬餘名現在干戈仍未止息等語又傳聞逆夷先與喀布爾打仗現在又與治拉拉拔打仗有地名古斯尼仍被治拉拉拔奪回該逆夷深恐喀布爾與治拉拉拔和好又訪聞喀布爾與孟阿喇各處總名印度等語○案喀布爾即加布爾乃阿付顏尼國之部落在中印度西境詳見於下

每月統紀傳曰孟買部在痕都斯坦西南方其酋部城建於嶼其嶼初為葡萄牙所屬地後讓與英國至順治二年間英國王以此嶼賜公班衙治理當時嶼甚荒沓潮漲水溢巨浸地也英人駐三年水土不服染病多死英人勉築隄防火烈山澤建磚屋開衙招徠流寓戶口繁滋其嶼雖磽瘦終年之產不足一月之用卻煙戶

海國圖志 卷十九 西南洋 五印度國總述 九

十六萬餘皆恃貿易為業洋艘七百餘隻皆往印度西北及法耳西阿拉比及中國各處所載出藥材棉花瑪瑙石等貨除英國商賈外有白頭回及法耳西商賈白頭人本法耳西國之土民當回教始與盡力征服四方不順奉者必遭刑戮致令多人往印度避害其人皆儉約勤作善貿易惟崇拜陰陽每當日出日入之際叩首敬奉然其俗好善施濟扶困持危惜無人告以福音之真道也英國在孟買建造戰船其匠皆白頭人手藝甚巧



塔喇瓦府每年納餉七十萬員昔屬瑪哈喇塔國其國本有大權勢因與回回戰鬪不息而後衰敗民遂任意作亂諸侯操權戰鬪為務自王達於庶民俱劫奪為業婆羅門僧狡獪巧捷煽惑民人恐嚇取財既貯藏銀王即革頂奪其不義之利嘉慶二十年間瑪哈喇塔王攻孟買肆焚掠與英軍交鋒瑪哈喇塔兵敗走諸侯皆服百姓甘願自從英人操權匪徒安分其王除位而安享空祿

乾底土府屬省治不久其郡係盜藪農廢田荒獨守堡臺土人只捕野獸故甚猛烈捐軀而戰風俗甚蠻且不守婆羅門教乃供奉汚鬼塑偶近于禽獸

君乾分作南北兩府皆豐腴地出米糖等貨亞美塔拔府先為回回之國徵斂賸削百姓盡窮後已復興惟嘉慶二十四年遭地震敗廢該喇府之土人崇婆羅門邪教常殺怨敵以獻神贖罪英國律例嚴禁然作亂不已當用軍防範

蘇喇府在大南洋北方昔海賊之藪故公班衙立一幫師船巡海剿賊今始安靜地產棉花織布精工府城即

海國圖志 卷十九 西南洋 五印度國總述 十

印度國當回教興旺時戶口有八十萬人現在減少十五萬口建放生院養各禽獸不論犬馬鳥蟲諸類皆養之不殺布羅者府陸海地方久歸英國掌管

北方各府其名吉斯喇地方居民皆印度國之土人俗尚火葬婦與夫屍同燒嬖妾爭先蹈焰貴家恐養女辱

門輒殺之無惻隱之心而婆羅門僧亦無警醒之言反礪磨愚民行溺女之罪近日英國嚴禁此弊以上原本無皆今補

五印度東界西藏緬甸西南界海北界韃靼里近日東南中三印度皆屬英吉利其自主之國惟西北二印度

耳孟阿臘孟買曼達那薩均濱海大市埠以下又原本

孟阿臘東印度部落東界緬甸西界麻哈南界海北界西藏廓爾喀領小部落二十一俗奉墨那敏教即古時佛教也首部落曰噶里噶達重兵駐防商民環

處樓閣園亭街衢廛市盛甲南海設有鴉片公司凡巴達那默那出產鴉片均歸入公司由公司發售出

口

麻哈東印度部落東界孟阿臘西界阿臘哈墨北界尼保爾南界尼路阿那領小部落十俗奉墨那敏佛

海國圖志 卷十九 西南洋 五印度國總述 十一



教而尼達那出產鴉片曰黑土又曰公班

尼路阿那東印度部落東界麻哈孟阿臘西界彌里

阿南界那特蘭北界阿臘哈墨領小部落三十俗奉

墨那敏佛教

阿蘭牙墨南印度部落東界彌那南界靡渣布西界

海北界堪力市領小部落九俗奉墨那敏佛教海錄

謂居斯土者為巴史種類顏色稍皙即今來粵貿易

之白頭夷也家居溫厚人習商賈所屬孟買為麻爾

注鴉片出口之埠頭

海國圖志

卷十九

西南洋 五印度國總述

三

厘加那特南印度部落東南俱界海北界麻臘西

界特臘彎戈在孟阿臘西少南陸行二十餘日水路

順風五六日領小部落二十有一俗奉墨那敏佛教

海錄謂之曼達喇薩居斯上者為雪那里種類出產

鴉片一曰金花紅一曰油紅以金花紅為最

阿那哈獸南印度部落東界麻哈西界麻爾注南界

尼路阿那北界歐尼領小部落十有二俗奉墨那敏

佛教產鴉片曰黑土遜于巴達那

麻爾注南印度部落東界阿臘哈墨西界吾治瀝南

界堪力市北界臘赤布達那領小部落十有二俗奉

墨那敏佛教產鴉片中國謂之白皮

吾治瀝南印度部落東界麻爾注西界刮治南界海

北界臘赤布撻那領小部落十有六俗奉墨那敏佛

教

特那彎戈南印度部落東界厘加那特西界海南界

海北界果真領小部落二俗奉墨那敏佛教

果真南印度部落海錄作固真東界戈彎都西界海

南界特那彎戈北界馬那麻領小部落二俗奉墨那

海國圖志

卷十九

西南洋 五印度國總述

三

敏佛教

彌那南印度部落東界尼路阿那西界阿蘭牙墨南

界海里那墨北界摩那領小部落六俗奉墨那敏佛

教

歐尼南印度部落東界麻哈西界阿尼那南界阿那

哈獸北界尼保爾領小部落六俗奉墨那敏佛教

西倫島在黎加那特之東南領小部落九俗奉墨那

敏佛教

靡渣部南印度部落東界海里那墨南界麻疏西界



海北界阿蘭牙墨領小部落十有五俗奉墨那敏佛教

麻疏南印度部落東界麻那耦南界歌王麻都西界

加那臘北界麻臘耦領小部落十俗奉墨那敏佛教

馬拉他南印度部落東界歌王麻都西界海南界果

真北界加那臘領小部落四俗奉墨那敏佛教產鴉

片

加士敏耶中印度部落東北俱界西藏西南俱界臘

和爾領小部落一俗奉墨那敏佛教

海國圖志

卷一九

西南洋 一印度國總述

西

臘和爾中印度部落東北俱界西藏南界特爾希西

界牙爾士丹領小部落十有五俗奉墨那敏佛教

俄爾注中印度部落東界西藏西界特爾希南界尼

保爾北界西藏領小部落二俗奉墨那敏佛教

特爾希中印度部落東界俄爾注西界臘赤布達那

南界阿厄臘北界臘和爾領小部落十俗奉墨那敏

佛教

臘赤布達那南印度部落東界阿厄臘西界茅爾旦

南界麻爾注北界臘和爾領小部落十有八俗奉墨

那敏佛教

茅爾旦即新地南印度部落東界臘赤布達那西界

麻爾士丹北界臘和爾領小部落七俗奉墨那敏佛

教

刮治南印度部落東界吾治瀝西界海南界海北界

茅爾旦領小部落四俗奉墨那敏佛教

阿厄臘南印度部落東界歐尼南界阿臘哈墨西界

臘赤布達那北界特爾希領小部落五俗奉墨那敏

佛教

海國圖志

卷十九

西南洋 五印度國總述

五

尼保爾中印度部落東界西藏西界俄爾注南界孟

阿臘北界西藏領小部落四俗奉墨那敏佛教

阿里沙東印度部落東界孟阿臘南界海西界特爾

沙加爾司北界尼路阿那領小部落五俗奉墨那敏

佛教

特爾沙加爾司東印度部落東界阿里沙西界麻那

耦南界海北界尼路阿那領小部落十有二俗奉墨

那敏佛教

海里臘墨東印度部落東界尼路阿那西界靡札布



南界麻那耦北界彌那領小部落六俗奉墨那敏佛

教

靡臘東印度部落東界尼路阿那南界彌那西北界

堪力市領小部落三俗奉墨那敏佛教

堪力市東印度部落東界尼路阿那南界靡臘西界

吾治瀝北界麻爾注領小部落三俗奉墨那敏佛教

麻那耦南印度部落東界特蘭沙加爾司西界麻疏

南界里加那特北界海里那墨領小部落五俗奉墨

那敏佛教

加那臘南印度部落東界麻疏南界馬拉他西界海

北界靡查布領小部落五俗奉墨那敏佛教

歌王麻都南印度部落東界西林西界馬拉他南界

里加那特北界麻疏領小部落一俗奉墨那敏佛教

西林南印度部落東界里加那特西界歌王麻都南

界里加那特北界麻那耦領小部落一俗奉墨那敏

佛教

五印度補輯

高宗御製文集五天竺說曰昆侖居大地之中天下萬

海國圖志 卷十九 西南洋 五印度國地志 六

國環之昆侖以東我大清國最大昆侖以西南五天竺

國最大昆侖以西鄂羅斯國最大今同疆與痕都斯坦

相接其國即印度故境以中國之力欲通五天竺國何

難但出于招致非彼之慕德嚮化而來故不為耳

又御製詩集題大西天草書普吉祥玉印序曰痕都去

衛藏甚遠道里莫得而詳即古五印度也相傳彼處有

佛遺跡而今彼處佛教乃式微外道轉盛俗稱為大西

天若同人之痕都斯坦蓋印度之一耳茲得玉印一方

體近天竺因令侍衛巴忠持詢章嘉胡士克圖據稱是

海國圖志 卷十九 西南洋 五印度國地志 七

大西天草書一曰薩爾瓦漢語普也一曰莽噶拉穆漢

語吉祥也首歲得此實為兆庶錫福之徵

海國圖志見錄小西洋居於丙午丁未方

與今志 從麻刺甲邊羅繞西沿山而至於白頭番國人

例不合 即西域之狀捲鬚環耳衣西洋布大領小袖纏腰頭裹

白布故以白頭呼之國有二東為小白頭

西為包社大白頭

丹為之北

海國圖志見錄小西洋居於丙午丁未方

與今志 從麻刺甲邊羅繞西沿山而至於白頭番國人

例不合 即西域之狀捲鬚環耳衣西洋布大領小袖纏腰頭裹

白布故以白頭呼之國有二東為小白頭

西為包社大白頭

丹為之北

海國圖志見錄小西洋居於丙午丁未方



密里亞即悉畢厘阿乃俄羅斯東瀋與中國新疆喀部  
黑龍江連界者皆是也原圖誤析俄羅斯與細密里亞  
爲二國故茲闕者之疑今仍原文而附訂於此小白頭東隣民呀國即孟小白

頭北與大白頭皆聯賽馬爾丹西北枕裏海西鄰東多  
爾其西南鄰阿黎米亞即天方阿南臨大海○多爾其

分東西二國皆回東多爾其機注國不通海東鄰大

白頭東北傍裏海北接惹鹿惹亞即南都西鄰西多爾

其即如德亞今并南接阿黎米亞同教○裏海者諸國

環而繞之東北細密里亞即哈西北俄羅斯東賽馬爾

丹賽馬爾丹者明代國名也今則西惹鹿惹亞南都西

海國圖志卷十九西南洋 五印度國總述 六

南東多爾其機注南包社大白頭內瀆大泊不通海

棹其水惟從包社出海故爲裏海○惹鹿惹亞一國亦

不通海東傍裏海西傍死海北聯俄羅斯南接東西多

爾其女子姿色美而毛髮紅氣味臭即古之西衣着同

白頭貢於包社○死海者即黑海源從地中北俄羅斯

南西多爾其東惹鹿惹亞西珉年呻即北都四面環繞

不通大海故爲死海而西多爾其珉年呻二國不通小

西洋之海而濱於中海之東北中海從大西洋之海而

入語附大西洋記○阿黎米亞即阿丹天方東鄰包社

大白頭北接東西多爾其西北濱於大西洋之中海西

聯烏鬼國陸地一隅自西至西南與烏鬼之地隔對一

海南臨大洋國爲多爾其所屬貢男女於多爾其爲奴

婢今天方之默德那阿丹

萬國地理全圖集曰五印度國亦稱忻都士坦北極出

地自六度三十分至三十五度偏東自六十五度至九

十五度東西南三方環海北至西藏東北連亞三西北

接加布此邦自古有名產玉金香珠萬國會聚赴市廣

袤方圓三百八十四萬方里居民萬三千四百萬丁北

海國圖志卷十九西南洋 五印度國總述 七

方各地高山插天四面積雪與西藏交界其國中開山

峯相接自北至南半之二分北至高之山二千五百丈

西方惟有三百丈而已安額爲聖河自北山流出其雪

穴闖入印度地方東南流入旁葛刺海隅即東恆河也

印度河由西藏出至五印度西北疆入印度海即西恆

河也又東北方有巴馬埔他江自雲南流入亞三境入

旁葛刺海隅即大金沙江也西尚有逆埔他答地等河

南有執他惟利吉那加惟利等江山內及沿河出鋼鑽

紅寶石石權珠嫩黃玉金色玉珊瑚青碧瑪瑙其國豐



盛惟西北沙漠乃游牧之地印度所出棉花最盛每年運出十八萬九千七百石青黛一十萬石檀香蘇木胡椒水菓各項其五爵君王皆騎象造金鞍美麗光彩其鷹甚怪鷲則高飛吞臭屍骸飛及高山山內金銀不多但有鐵如石其北方出硝甚多而最惡之鴉片亦此國所出

又曰自古以來五印度國大有聲名因離中國不遠數次梵僧流布其教令中華固執奉事菩薩周烈顯等主年間西國有希臘王率其軍士所向無敵攻取印度各

海國圖志 卷十九 西南洋 五印度國總述 三

國旋即退敗嗣後與大秦各國總無交通惟其商賈負物西往但不進內地又不探風俗故述怪誕以招人耳目宋朝年間同旋自北侵國自崇獨一真主上帝不奉事菩薩併力攻擊折其廟壞其像掃蕩全地強其土民服其權轄及元朝始衰之年有蒙古兵犯界剿滅地方開基創業四方強服其居民算各戶共計八千萬丁忽於明宏治八年葡萄牙船隻不遠數萬里來到印度西邊即時開港墾地貿易豐盛強據沿海多口築城建邑並立總帥代王理藩荷蘭如之亦來兵船與葡接戰

百攻百勝是時英商來國請土君建館亦築礮臺又有公班衙總官操權乾隆二十年旁葛刺總帥聲譽執英人付囚獄暴虐之甚英官力擊土人厚施賄賂教其將帥奸計投降土軍即時四散而英官操權於是其土君皆怨結約合軍南北兩邊力戰而究敗走惟英官施政行義故其土民仰之不敢背亂英國現今所據之地北有旁葛刺省方圓九十八萬四千方里居民五千七百萬丁其廣大雲南省三倍半馬塔刺省方圓四十六萬二千方里居民一千五百萬丁網買方圓二十一萬一

海國圖志 卷十九 西南洋 五印度國總述 三

千方里居民一千萬丁所屬權轄居民共計八千三百萬丁別有列國歸英轄方圓八十四萬九千方里居民一千五百萬丁所有自主之國不服英者方圓五十六萬一千方里居民一千一百萬丁  
又曰印度人身體懦弱四肢百體相稱面黑容溫其女不美穿鼻掛環天氣甚熱男惟着圍涼時將花帕包肩胸女則渾身加衣所食淡薄庶民各分品等上品者稱曰巴閱為國之儒又有戰品乃兵弁之類自幼讀兵書習武藝各匠自為一品子接父業否則父母棄之親友



疎之餒斃溝洫固執已見不向教化仍蹈前轍陷習惡所拜之菩薩神像千萬節期相接無已其僧大有權勢教其愚民將嬰兒投河或飼鱷魚如有僧將死寡婦於其墓堆薪自焚英官禁其弊而罰之印度之行外屈節從權內巧狡詭謀說謊騙人現開通商之路每年所運之貨共計銀二千四百萬兩所運出之物銀三千五百萬兩

又曰印度各國貢于英吉利者一曰尼散國在印度內地廣袤方圓二十八萬八千方里居民一千丁其地山

海國圖志

卷十九

西南洋 五印度國總述

三

峯不高天暑物阜國王好戰募兵與鄰國結讐兄弟離散四方仇敵並起英人助之始免亡失王交接匪類近習嬖幸英國始派大臣駐都理國所有軍士皆歸英國將弁督率彈壓都城最大居民二十萬丁國眾淫邪無度王常避宮不出

一曰納不邦者廣袤方圓二十一萬方里居民三百四十七萬丁古王以剽掠鄰邦為生往往犯英藩屬是以伐其王別遣大臣代辦國事

一曰澳地廣袤方圓六萬方里居民三百萬丁田地甚

豐江河灌溉土民健強好鬪恆結讐隙近招英官辦事其王甚富府庫充滿賴英大臣代理國政故百姓樂業一曰巴羅他乃賊魁之國本地暨破報兩國因鄰敵逼迫並無攻戰之法故招英官而服其權

一曰買素在印度南方廣袤方圓八萬一千方里古時農務甚興但王好戰連年英官効死力戰全取其地而此外別有列國小邦如中國之諸侯皆以英為其地主隨時進貢而拜其大臣如辦政之宰相

印度自主各國一曰廓爾喀國南東西三方皆連印度

海國圖志

卷十九

西南洋 五印度國總述

三

北連西藏遍地高山穿谷產大麥玉麥棉花甘蔗豈是參肉荳蔻土地廣袤方圓一十五萬九千方里居民二百萬丁如西藏土人崇佛教信喇嘛山內民人身矮力大乾隆年間侵西藏劫廟宇被天軍追剿嗣嘉慶二十一年與英結讐隙戰敗議和其都稱為甲曼士

一曰悉國在西藏西南形勢廣袤方圓一十五萬方里民人三百萬丁田地沙多農夫力耕居民獨拜上帝一位不崇菩薩力戰同教門自創立新國道光年間明君操權百攻百勝請西洋國將軍率兵講求武藝精熟



韜畧故此鄰國畏之道光十九年沒宗孫攝政讒佞在朝權奸營私國不如舊其都稱為刺合

一曰新地亞地廣袤方圓一十二萬方里居民四百萬亦國雖廣大然諸侯甚多各係自主好擄掠攻擊為英軍力戰擊退只待機會再可征伐土產鴉片每年運出五萬餘箱銷賣四方其都稱曰烏忽多有古蹟

一曰甲布國南連英藩屬國北至新疆東接後衛西及白西國其地廣大但居民不多部落土酋各據其邦大半為回同教門勇猛好戰以騎射為業地內沙漠狂風

海國圖志卷十九 西南洋 五印度屬地

四起道路崎嶇人馬難行故敵難攻擊況山洞路窄隘口難通道光十九年俄羅斯國私差奸人兜攬事情遍滋事端英國興師望甲而進跋涉勞頓不勝卒擊其敵逐其王而防範其國其王今貢於英案甲布一名河付干即愛烏罕國英吉利在印度國權力勢重始係商賈結駁為公班衙其貿易人等到印度沿海各口建立商館買賣因土君力索磨難必須防範是以操演軍法逐一過人百擊百勝雖本國距印度幾萬里能遙制之也所養騎步礮手各等兵共計三十萬其中僅十分之一為英人恆布真

教勸人棄菩薩而崇拜眞王上帝又引導各民悅服救世主耶穌故上帝增廣其土地而豎其國家矣

海國圖志卷十九 西南洋 五印度屬地

海國圖志卷十九終



海國圖志卷二十

邵陽魏源

地球圖說天竺國東界阿瓦國西藏國并旁

界印度洋并旁葛刺海西界亞拉比亞海并皮路直坦

國亞加業坦國北界西藏國其百姓約有十四千萬之

數都城地名甲谷他城內民六十五萬大半釋教小半

回回教現有花旗國并英吉利國人在是國傳耶穌教

人民聰明能織羊毛布匹體弱面黑含笑溫和南方最

熱不見冰雪東南北三方俱有高山中央平坦惟北方

海國圖志卷二十

西南洋 五印度國總述

之山更高上有積雪國內分列三部曰旁葛刺曰馬搭

刺曰網買現屬英國管轄故英官長教其庶民各歸四

業一僧二兵三商四役各傳其業無相奪倫不許互相

嫺好一出其類父母惡之眾民棄之親友疎之有三大

江曰沿絕斯江印度江布蘭布塔江其沿絕斯江僧人

愚其國人以為聖江能投赤子以餉鱷魚則神佛護佑

遇大偶像乘車而來凡所過境民爭以子及身投於輪

下男或病亡則其婦與其夫之屍一齊焚化誠可傷矣

旁葛刺之城名比拿力內有高樓五六層僧言古昔菩

薩親手創造妄稱聖域人能至此燒香即免地獄之苦

有河一帶能入河洗滌則罪惡俱淨以此取人之利國

內有極大之榕樹其枝倒垂於地則枝復生根綿延不

絕故一樹根株遠約二里其下可容三四千人國西有

曠野沙漠物產全無禽獸繁殖又一城名俄亞現係葡

萄牙國人管轄逼令土人入天主之教不從則鞭責甚

至火焚何其忍也大小書院學習文藝處處皆有計

其數土產五穀白糖胡椒果品檀香蘇木青黛棉花鴉

片金鋼鑽紅寶石石榴珠嫩黃玉金色玉珊瑚瑪瑙鐵

海國圖志卷二十

西南洋 五印度國總述

確象虎豹熊鹿水牛鷹鴛各大鳥又有最毒之大蛇等

物再南有一島名錫蘭洲現與英吉利管轄耶穌門徒

亦在此傳教是洲土產與天竺國無異但另有桂皮香

料象土人用之如牛馬山內多寶玉海濱多珍珠至于架非近

亦栽種不少

地里備考曰印度國又名天竺在亞細亞洲之南北極

出地七度起至三十六度止經線自東六十五度起至

九十三度止東至阿瓦國暨榜加刺海灣西連阿付干

國暨科曼海灣南枕印度海北界西藏長七千五百里



寬五千五百里地面積方約一百六十六萬里烟戶一  
核三京四兆餘口本國地勢東南北三方重岡疊嶺迤  
邐延袤中央平原坦闊風景幽雅湖河甚多地方沃潤  
河之長者有九一名安日一名印度一名巴刺迷尼一  
名瑪合奴的一名哥達威黎一名基斯德那一名加威  
利一名內爾布達一名達布的湖之大者有四一名幾  
爾架一名郭拉伊爾一名林一名達爾田土膏腴生殖  
蕃衍土產金銀銅鐵錫鉛珍珠水晶磁砂鑽石花石鴉  
片棉花藍靛木料香料等物地氣酷熱海風清涼南方

海國圖志 卷二十一 西南洋 五印度屬地 三

高山峻嶺南北綿亘迤邐冬夏互異冷熱懸殊每十二  
時風色兩轉由于子至午風向海去則酷熱異常由午至  
子風向岸來則清涼復生國制名位不一或為王或為  
酋或自設官長或他國兵帥兼轄所奉之教或巴拉馬  
或那內克或回回或天主或釋各教紛紛趨向不一技  
藝精巧工肆林立五方輻輳史書紀載淵源久遠年歲  
迢遞耶穌未誕之前全奉釋教耶穌降生之後一千年  
間回王肇居北偏始創回教明孝宗宏治十年布路亞  
國人航海訪護水路遂至其地而賀蘭英吉利佛蘭西

三國次第接踵而至所得境土惟英吉利國人居多通  
國之地約分為三一屬於別國管轄一不屬於別國管  
轄一進貢於英吉利國自是天主教大興

其一分內建四國一名新的亞一名塞哥一名信地一  
名尼巴爾其新的亞國在印度之中東西南北四至皆  
英國兼攝之地土地版圖不相聯絡錯落別國疆域之  
中統計地面積方約有四萬一千三百餘里烟戶四百  
萬口通國分為三方一名亞加拉首城瓜利爾乃國都  
也建于平原之中屋宇峻麗人烟稠密百貨駢集一名

海國圖志 卷二十一 西南洋 五印度屬地 四

于德宜至一名馬盧襪其塞哥國在印度西北中為隆  
德勒至河分歧在河左者為英國兼攝別序于後在河  
右者東界西藏西界北羅吉斯丹阿付于二國南界信  
地國北界西藏阿付于二國長約二千五百里寬約一  
千里地面積方約十八萬零五百五十里烟戶八百萬  
口昔則列君分據各霸一方彼此結盟不相統屬今則  
一君統攝世襲王位通國分為十二部一名本若首部  
日勞爾乃本國都也建于拉維河岸昔繁華今蕭條貿  
易仍盛技藝精巧一名固宜斯丹一名加支迷爾一名



着者一名亞薩勒一名北朝威爾一名幾爾加布一名  
木爾丹一名勒亞一名德拉克義斯馬伊汗一名德拉合  
西汗一名巴合瓦爾布其信地國在印度之西東界亞  
日迷爾加支二部西界北羅吉斯丹國南界加支部暨  
科曼海灣北界北羅言斯丹塞哥二國長約一千餘里  
寬約五百里地面積方約五萬五千五百五十里烟戶  
一百萬口至于朝綱王位歷代相傳首域名海德拉巴  
乃本國都也其通商衝繁之地一名達大一名哥拉齊  
一名給伊布耳一名拉爾加納一名奴沙辣其尼巴爾

海國圖志

卷二十

西南洋

五

五

國在印度之北東界布丹國西界德列部南界烏德國  
暨阿爾部北界西藏長一千六百里寬四百里地面積  
方約五萬五千五百六十里烟戶二百五十萬口王位  
歷代相傳通國分爲九邑一名尼巴爾首城曰加德滿  
都乃國都也一名念四汗一名念二汗一名馬各王在  
爾一名幾拉德斯其中各汗分據首城非一一名加當  
一名札言布爾一名薩巴帶一名麼隆  
其一分內建十二國一名烏德一名德干一名那哥布  
爾一名曷爾加耳一名賣索耳一名口瓜爾一名刺日

布德一名西林德一名邦德爾干一名波保爾一名薩  
達拉一名達拉王哥爾其烏德國在印度之北東界巴  
阿爾西界德列暨亞加拉南界亞拉合巴爾德北界呢  
巴爾國長約九百里寬約三百五十里地面積方約二  
萬三千三百三十里烟戶三百萬餘口朝綱王位歷代  
相傳首城各處各體乃本國都也建于高翁的河岸其  
通商衝繁之地一名非薩巴爾一名幾拉巴一名巴來  
支一名丹達其德干國又名尼桑在印度之南東界那  
哥布爾國西界薩達拉國南界加爾那德部北界馬爾

海國圖志

卷二十

西南洋

六

六

襍部長約三千七百五十里寬約三千三百里至于朝  
綱王位歷代相傳通國分爲五部一名海德拉巴乃本  
國都也一名比德爾一名北拉爾一名亞瓦即加巴一  
名北乍布爾其那哥布爾國在印度西南東界阿利薩  
部西界尼桑國南界西爾加部北界亞拉把部國境長  
約一千五百里寬約一千里地面積方約八萬里烟戶  
二百四十七萬口王位歷代相傳首城亦名那哥布爾  
乃本國都也其通商衝繁之地一名霸架爾一名郎德  
各一名昭布爾一名拉登布爾一名馬合罷一名列布



爾一名古達一名威拉合爾其曷爾加耳國在印度之西東界新的亞國西界古薩拉的部南界千的是部北界刺日布德國地面積方約一萬五千里烟戶一百二十萬口王位歷代相傳首都亦名曷爾加耳乃本國都也其賣索爾國在印度之南東南三方界加爾那德部西界加那刺部北界貝查布爾部長約七百五十里寬約六百里地面積方約四萬五千里烟戶二百二十七萬口王位歷代相傳首都亦名賣索爾乃國都也其通商衝繁之地一名那加羅爾一名幾那巴登一名幾德

海國圖志 卷二十 西洋 哥倫比亞 七

拉克一名贊拉一名哥刺爾其日瓜爾國又名古宜加瓦爾在印度之西東界亞美大巴府西南北三方皆界疴曼海灣長約五百五十里寬約四百餘里地面積方約三萬三千五百里烟戶二百萬口王位歷代相傳首都名巴羅達乃本國都也其刺日布德國在印度西北東界亞哥拉部西界阿付千國南界古斯拉德部北界塞哥國長約一千二百六十里寬約七百二十里地面積方約九萬里烟戶三百餘萬口侯位相傳各分部落通國分爲九部一名日宜布爾一名哥達一名奔的一

名柯代布爾一名入德布爾一名當克一名日薩迷耳內有諸酋分部一名比加尼爾一名巴的內有諸酋分部其西林德國即薩德勒至河左之塞哥國也在印度之北東界德列部西北界塞哥國南界刺日布德國長約亦百餘里寬約四百里地面積方約三萬餘里至于朝綱諸酋統轄各部落首都一名巴的亞拉一名達內薩爾一名拉的亞納一名翁巴拉其邦德爾干國在印度之中東界烏德國西界新的亞國南界亞拉合巴部北界德列部長約六百里寬約五百餘里地面積方約三萬里諸酋統轄各部落首都一名札德爾布一名某一名布那其波保爾國在印度之中東南界亞拉合巴部西北界新的亞國長寬皆約三百里地面積方約九千里至于朝綱王位臨御首都亦名波保爾乃本國都也其薩達拉國在印度之西周圍四方皆英國屬地北惹布爾部包括長約五百里寬約四百里地面積方約一萬餘里王位臨御首都亦名薩達拉乃國都也其通商衝繁之地一名馬合比里昔爾一名美黎至一名般德爾布一名合達尼其達拉王哥爾國在印度之

海國圖志 卷二十 西洋 哥倫比亞 八



南東北界加爾那德部西南界海長約五百餘里寬約二百餘里地面積方約一萬里王位臨御首郡名的里灣德稜乃本國都也其通商衝繁之地一名達拉王哥爾一名波爾架一名固蘭一名安任加

地理備考曰本州之地隸英吉利者實多有國君專管之地即錫蘭海島有印度公司兼管之地即印度之榜加刺等十九部暨亞桑阿刺干馬爾達般達威新埠息辣馬拉加各等處分四兵帥管攝一在榜加刺駐劄一在亞加刺駐劄一在馬達拉斯駐劄一在孟買駐劄

海國圖志 卷二十一 西南洋 五節 國疆述 九

錫蘭海島在印度之南緯度自北五度五十分起至九度五十二分止經度自東七十七度三十分起至七十九度止長約一千里寬約四百里烟戶一兆五億口田土肥饒穀果豐登土產稻烟絲麻椰子檳榔胡椒桂皮棉花木料金石之類禽獸充物鱗介紛繁地近赤道暑多寒少貿易昌盛商舟絡繹首郡名哥倫波有國君所派總兵一員駐札

榜加刺部東界阿瓦國西界阿拉合巴暨巴合爾二部南界印度海北界布丹國長寬皆約一千二百五十里

地面積方十五萬六千二百五十里烟戶二京五兆三億口地勢土產已詳印度國志貿易興隆五方輻輳總領十八府首府名加爾古達乃都會也建于烏給黎河之左地勢平坦澤隰間隔屋宇峻麗巴合爾部東界榜加刺部西界烏德國暨阿拉合巴部南界岡都亞那部北界尼巴爾國長一千里寬七百五十里烟戶一京餘口總領六府首府名巴達那乃都會也

科黎薩部東界榜加刺海灣西界岡都亞那部南界哥達威利河北界榜加刺部長寬皆約三百里總領六府

海國圖志 卷二十一 西南洋 五節 國疆述 十

首府名古達克乃都會也岡都亞那部東界科黎薩部西界北拉爾根的土二部南界義德拉巴北西爾加耳二部北界馬爾襪阿拉合巴二部長二千里寬一千八百里地面積方十五萬四千四百里烟戶三兆口為英國兼攝者只東北二方百府名倭巴爾布以上四部皆屬駐榜加刺之兵帥管轄亞加拉部東界烏德國暨阿拉合巴部西界亞日迷爾部南界馬爾襪部北界德列部長九百里寬六百里烟戶六兆口總領五府首府亦名亞加拉乃都會也



阿拉合巴部東界卑合爾榜加刺二部西界馬爾襪亞  
加拉二部南界岡都亞那部北界亞加拉部暨烏德國  
長九百七十里寬四百三十里烟戶七億口總領六府  
首府亦名阿拉合巴乃都會也

德列部東界烏德國西界亞日迷爾部南界亞加拉部  
北界古爾瓦勒部長寬皆約五百里烟戶八兆口總領  
六府首府亦名德列乃都會也

古爾瓦勒部東界尼巴爾國西界勞爾府南界德列部  
北界西藏長約一千九百里寬約八百里烟戶五億口總領

三府首府各西里那都乃都會也

亞日迷爾部東界亞加拉部西界阿付干國南界古塞

拉德部北界勞爾府長一千二百六十里寬七百二十

里烟戶三兆口此部惟首府亞日迷爾為英國兼攝以

上五部皆屬駐東方亞加拉之兵帥管轄案克什彌爾

惟首郡屬英則北印度未全為英夷有也

加爾那的部東南界榜加刺海灣西界達拉王哥爾暨

賣索爾二國北界北日布爾部長二千里寬約三百里  
總領十府首府名馬達拉斯大乃都會也

哥英巴都爾部東界加爾那的部西界馬拉巴爾部南  
界丁的古爾府北界加的山長約五百里寬三百里烟  
戶六億口總領二府首府亦名哥英巴都爾乃都會也

馬拉巴爾部東界哥英巴都爾部西界海南界達拉王  
哥爾國北界加那拉部長七百里寬三百里烟戶九億  
口總領一府首府多加里古都

加那拉部東界賣索爾國西界大海南界馬拉巴爾部  
北界北日布爾部長七百里寬約二千里烟戶三億九

萬口總領五府首府各蒙加羅爾乃都會也

海國圖志 卷二十 西洋 五國圖述 十一

巴拉加部東界加爾那的部西界加那拉部南界薩靈

部北界義德拉巴部長一千九百里寬八百里烟戶二兆口  
總領二府首府各北拉利乃都會也

北西爾加部東南界榜加刺海灣西北界窩黎薩部長  
一千二百五十里寬約二百里烟戶五兆五億口總領

五府首府各干都爾乃都會也以上五部皆屬駐南方

馬達拉斯大之兵帥管轄

科隆加巴部東界德干國之東比德爾府西界科曼海

灣南界北日布爾部北界根的士部長約六百里寬約



五百五十里總領十府首府名孟買乃都會也

北日布爾部東界義德拉巴部西界印度海南界賈索爾國暨加那拉部北界科隆加巴部長一千三百里寬七百五十里烟戶七兆口總領五府首府亦名北日布爾乃都會也

根的土部東界北拉爾部西界古塞拉德部南界科隆加巴部北界馬爾襪部長六百五十里寬約五百里總領三府首府名高爾那乃都會也

古塞拉德部東西南界海北界亞日迷爾部長一千四百

海國圖志

卷三十

西南洋

印度國總述

三

百里寬六百五十里地面積方約四萬四千里烟戶二兆一億六萬口總領四府首府名蘇拉的乃都會也以上四部皆屬駐孟買之兵帥管轄

地里備考曰本州之地為葡萄亞兼攝者曰科襪又名小西洋在印度之西緯度自北十四度五十四分起至十五度五十三分止經度自東七十一度三十分起至七十二度五十分止東南至加那拉部西枕荷曼海灣北界北日布爾部長二百五十里寬一百二十里地面積方約一千五百里烟戶三億一萬餘口內有一十九島

岡陵叠起絡繹廻環田土肥饒穀果茂盛土產鹽麻蘇花豆薺胡椒椰子檳榔等物禽獸草木靡弗蕃衍地氣炎熱夏多颶風技藝平常貿易清淡其地分為三部一名荷襪首府邦靖設有總管衙門一名薩爾塞的首府馬爾岡一名巴爾德斯首府馬布薩此外又有新疆之地內分十部一名奔達一名加那哥納一名比吉靈一名薩達利一名北爾寧一名阿斯德拉加一名巴黎一名英巴爾巴開一名順達拉瓦的一名加哥刺

達蒙在印度國古塞拉的部內其地甚小長寬不過數十里烟戶約一萬五千口在昔貿易興隆今甚凌替的玉在印度國內地方狹窄人烟稀疎海口深闊泊舟便利

海國圖志

卷三十

西南洋

印度國總述

四

地里備考曰佛蘭西國兼攝之地皆在印度國內分為五府一名奔的支黎府在加爾那的部內于北極出地十一度五十五分經線自東七十七度三十一分烟戶四萬口土產米糖藍靛鴉片藥材等物設有總管衙門一名加黎架爾府亦在加爾那的部內于北極出地十度五十五分經線自東七十七度二十八分烟戶一萬



五千口土產蘇花一牙那安府在北西爾加耳部內其北極出地十六度五十五分經線偏東七十九度五十分烟戶一萬八千口土產木料一名商德爾那哥府在榜加刺部內其北極出地二十二度五十五分經線偏東八十六度九分烟戶一萬五千口土產鴉片一名馬黑府在馬拉巴爾部內其北極出地十一度四十二分經線偏東七十三度十六分烟戶一萬口土產胡椒地里備考曰大尼國兼攝之地俱在印度國內一名西稜布爾府在榜加刺部內烏給黎河之右其北極出地

海國圖志

卷二十

西南洋 五印度總述

五

二十二度四十五分經線偏東八十六度六分烟戶一萬三千口設有總管衙門一名達耶給巴爾府在加爾那的部內其北極出地十一度十五分經線偏東七十七度三十四分烟戶一萬二千口

外國史畧曰五印度國為亞悉亞熱帶地北極出地自七度至三十五度偏東自六十七度至九十七度廣袤方圓四十一萬六千里其東印度海邊一千二百里自南至北一帶六千二百三十里最闊之地約六千里若論其交界北連雪山稱曰希馬拉雅山與西藏交界及

大印度海東及旁甲拉海隅與緬甸交界西及印度海西北與押安比路治等交界則以印度江畫其疆也北方之山高聳二百六十丈四時積雪不見巉巖由此河流直下岸谷蕃昌終年花開樹木蕃盛然多瘴癘無人居人入夏則禽獸俱不得生自此南向漸有廣坦當河之支流分為三條曰布蘭補答曰恆額曰印度其水皆來自西藏東西兩岸皆山連山皆密林延及南方海濱所謂哥摩林也印度西北有曠野廣袤方圓五萬里夏無草木飛塵蔽空惟於深谷內掘井以飲產水瓜止渴西

海國圖志

卷二十

西南洋 五印度總述

六

北海邊甚低有二海港一曰屈治一曰干拜內有鹹澤眾水所入所謂裏海也印度之南有錫蘭島間有馬那爾海港其水淺大抵錫蘭島之間與巴勒海相隔無多港支海船不至其印度河自西藏涌出初西北流後轉西南入五印度地眾水之所匯也至一處有五支河入之五印度之所以名者或亦以此在新締地亦有海口其水淺大船不能入恆額河所流出之地在印度之北界其地高於海面者九百丈南流入印度國又多分支人旁甲拉海隅即印度人所稱聖江者是也流傳謂



能浴此河內，卽洗滌諸大罪過，故自遠來，溺死河邊者不少。榜甲拉有石岸，在南地之河，產金沙、金剛石、紅青藍等玉。巴勒海產珍珠，其北方產米、鴉片、蘇花、靛、靛、靛。南方產胡椒、檀香、各項香木、樹膏、椰子、桂皮、各項材木。獸有象、兕、豹、虎、駱駝、野驢、鹿，惟牛最鮮，有則民稱爲神。禽翎羽甚美，但無能鳴者。昆蟲多如海沙，而白蟻最狠，又多青蛇。

印度國自古有名，所出寶物不可勝數，人皆視爲樂土，故凡稱他國最美之區，則曰猶五印度。云自古與東洋

海國圖志 卷二十 西南洋 五印度國總述 七

西洋各國無往來，其書冊所錄，惟述佛菩薩神明之異，眾民各分品類，各守戒律，有犯必逐，惟聽第一品婆羅門輩之命，其君大國者皆出此族。周赧王年間有希臘國王者，侵五印度，自後遂由紅海通商貿易，旣而佛教之僧，遍往四方，傳其教，竟至中國。中國百姓亦盛奉此教，卽日本、暹羅、緬甸各國皆設其像而建其廟。至漢時始與中國交接，自耶穌升天後數十年，其門徒亦至此。國傳福音之理，所立聖會至今尙存。後五印度各國多年肇釁，互相爭戰，及宋靖康年間，有回回族由白西爾

亞伐五印度，據其地，創立大國，富強，寔盛於西域。押安之游牧部落皆貪其富而攻伐之，始於元初創國時，爭據其地，壞佛菩薩像，強百姓入教門，不從則斬，亂久不息。明建文元年，西域蒙古撒馬爾罕王諦母爾強服印度國，創立大蒙，古號管理五印度大半，各國皆震懼。及明世宗嘉靖八年，蒙古王全操印度之權，建立法度，歷十五年，其國廣袤方圓至七萬餘里，居民四百萬名，歲收餉銀二萬二千四百萬，各國皆景仰焉。時葡萄牙人於明武宗正德七年初到五印度海西邊通貿易，後

海國圖志 卷二十 西南洋 五印度國總述 六

占其海口，稱曰峇亞，復於他海口開埠，而荷蘭人亦於嘉靖年間至此。國造船奪葡萄牙國所據之錫蘭島開港，通市，然必奉大蒙古之諭。後英吉利佛蘭西大尼三國亦乘機往租地通商，皆在偏隅，未開廣市。於時大蒙古之君威權重大，人皆畏之，其後眾子爭權，內亂並起，各部皆乘間自王其地，遂四分五裂。

英吉利國於萬曆二十六年，在印度創立公班衙，與各國貿易，得利甚微。萬曆三十八年，又在印度西北蘇拉地方開埠，順治十年始於馬答拉貿易。康熙二年，葡萄牙



牙國以網買島讓英國正在印度之西數年後大蒙古  
 王肇衅商人有見殺者康熙三十八年後英吉利與佛  
 蘭西肇衅即在印度之礮臺互相攻擊前則英失後則  
 佛奔於是鄰國皆動干戈或助英或從佛屢有戰爭歐  
 羅巴公使出為兩國議平乾隆二十年佛國官蠱惑蒙  
 古所駐榜甲拉之兵帥將所轄之英商弁盡行禁錮繼  
 其大半英人欲雪此仇調傾國之師駛入恆額河與其  
 土酋盟自逐其蒙古酷主佛蘭西乘隙復率荷蘭師船  
 入內河力拒英人英人中有才能者曰加里威集眾聚  
 海國圖志 卷二十一 西南洋 五印度總述 九

議與其蒙古土君背城一戰竟獲全盛於是東印度各  
 君長皆以其地讓給旁甲拉以為英人之藩屬其南方  
 地或買或和得之於是英國調兵帥代理其全地又擇  
 其年少聰明者使之學而後執政恐其受賄賂則給厚  
 俸以養其廉乾隆六十年間有蒙古土酋與英人交鋒  
 招佛蘭西助之英軍盡力攻守至嘉慶四年土酋父子  
 悉降其地大半歸英嘉慶十年盡驅佛蘭西駐印度之  
 兵以據其地又在南方占荷蘭國所據之牙瓦等島也  
 時英人在此地尚與印度為對待既而大蒙古國漸微

其外部盡背叛自立於是英人入其都其蒙古王曰得  
 希者反賴英官賙濟之其初財積如山竟成窮乏此以  
 知大國之不可恃也嘉慶十六年各土君在五印度者  
 皆服惟有耶加之族類越境侵擾英人討之西北有新  
 起教門其首領係西刻人甚勇猛土君惴惴求英人保  
 護而納貢焉緬甸王亦與英人爭鋒且殺其兵將入旁  
 甲拉地攻英藩屬連年不解後英軍擊敗緬甸入其都  
 緬王求和讓北方並南海口且償其兵費於是各國皆  
 畏英兵之強五印度國賴以少安歷數百年或同盟之  
 海國圖志 卷二十一 西南洋 五印度總述 十

土君有叛者必除其位是以農力於田匠勤於肆商則  
 遍出於其途皆歸英權轄忽義羅斯國使與甲布君盟  
 合白西國攻擊黑臘城道光十八年英軍克甲布地復  
 立其酋主二十一年甲布人又生異心英人募兵侵甲  
 布仍復前王之位此時西刻地之主復募兵侵英境英  
 軍旋剿滅以我拉昇王此國於是加治彌耳地亦歸英  
 國自是五印度皆安堵矣五印度人固執教門不論佛  
 教婆羅門回回皆一心堅守民多紫黑色有面白者有  
 正黑者身體高大行不能速髮長而黎身多瘦貌圓扁



額大而高，女多美，男女以白布繞身，好潔，勤洗，常以布纏頭，卽纏頭回回也。百姓畏熱，少衣，好以金銀器飾手足耳，鼻常赤，足不用履。其教門古分四品，卽婆羅門等是也。僧長領軍士、商匠、農工，各分品類等級，世守其業，不得互相婚姻。一出其品類，卽謂忘本原，不得比于人。數是以上品世貴，下品世賤。婆羅門爲上品，門第最重。婆羅門之巧，猶者藉經術以漁利濟私。此外尙有各國族類與本土人相雜。歐羅巴中、維、葡、荷、亞人甚多，計約六十萬，皆執天主教，與土人未通。往來英人苗裔在此。

海國圖志 卷二十 西南洋 五印度總述 三

者文武兵丁六萬，工商等人四萬。亞拉人亦有來此充兵立業，各類參雜，統計約二十萬萬口。大半服英國權轄。土音係梵語，所撰書冊詩本，惟僧能講。其民土音有三十六種。今則多習英語，譯各藝術之書，以資日用。城內大開書院，廣教學士，崇婆羅門佛教者居十之九。尤異者，數年前教門之寡婦，必同夫屍自焚，爭赴禮佛菩薩之像，致車輪壓斃者不勝數。此真婆羅酷虐之門，迷惑不悟，大可哀哉。其回回教之人約千五百萬口。崇耶穌教者亦幾十萬人。又北印度國錫蘭島等處皆確守。

釋迦之教

英國據印度地，大半分四部。東北方曰榜甲拉部，方圓萬有二百四十八里，居民六千六百九十四萬二千口。中央曰亞加拉部，廣袤方圓四千一百九十六里，居民二千二百一十四萬六千七百口。東南曰馬答拉部，廣袤方圓六千七百里，居民六千四百八十七萬六千口。西方曰網買部，方圓三千六十五里，居民六百八十八萬七千口。北界廓爾加地，南界同名之海隅，東至亞散，緬甸等地，西至巴哈部，經度自二十一度至二十七度。

海國圖志 卷二十 西南洋 五印度總述 三

平坦豐盛，恆額河東南流之所在也。海邊有瀦澤，二十四分之中，三分河湖，四分荒蕪，一分鄉城，三分牧場。九分田，四分未墾之地。徧地皆支江，可以灌溉。其水時漲壞田，夏旱又易淺涸，稍雨則水驟長，江河遷變無常。滄桑陵谷盈涸，時有春夏之交，雷雨連月，不勝蒸熱。秋則無雨，零露瀼瀼，天氣苦冷。北方則近雪山，寒凍更甚。中央地勢卑濕，平地皆水家家，以小舟通來往。鄉村廣大，皆築高阜，以居。生齒浩繁，榜甲拉爲米穀所出。夏禾冬麥兼產，豆粟黍藿，并出。鴉片、青黛、烟、糖、油，在印度首推。



沃饒之地。田歲收二次。一穀一菜。但民不善耕。且多貧不能具農器。男女體段。女好染指甲。作赤色。平民亦喜爭訟。當步兵者。四分之三。奉婆羅門教甚謹。出蠶絲。善造紬緞。織縐紗布。亦出硝磺砂。并各藥材。富者開肆。兌換金寶。貸銀取利。不好遠出。榜甲拉西連巴哈亦屬此部。在廓耳加之南。經度自二十二度至二十六度。山鴉片。蘇花殼。糖。黛。青。油。檳榔。玫瑰花露。榜甲拉之南。曰阿勒撒部。地瀕海。未開墾。多山林密箐。山民聽本宗長領。不服他人。其性蠻。其地磽。江中多毒蟲。鱷魚。榜甲拉

海國圖志

卷二十

西南洋

五印度總述

三

之都。會曰甲谷。他城在胡義利河邊。恆額河之支流也。北極出地二十二度。三十三分。偏東八十八度二十八分。為榜甲拉之大海口。統印度大兵帥所駐。各文武官商皆居于此地。甚遼闊。城池高固。四方置大礮臺。居民甚雜。乃各國所集之大市。舟車輻輳。每年運出貨價約三千六百萬兩。其軍士則屯于巴拉破利礮臺。距荷蘭破利城不遠。其城前屬大尼國。亦美邑也。居民萬三千口。內多回回人。造縐袈裟布。母耳士他城。城在河邊。屋宇三萬間。居民十六萬五千口。多富饒。巴那城。居民三

十萬。種罌粟。其土人大半回回。性多傲。半古答城。壯屋美民多長壽。距此地不遠。曰若尼。宇城有佛菩薩廟。印度四方之人。每歲來禮拜者。約十萬人。道斃者不少。而僧則愈富足。東連榜甲拉之亞山。地在雲南交界。亦屬榜甲拉。長一千二百里。闊自六百里及百二十里。不等。地平坦。巴馬布他河。支流之下游也。多礦。沿河有金沙山。內產石炭。出米穀。田未開墾者。十之八九。多瘡。瘡居民由中國遷來者。建屋築城。其古蹟至今尚存。後被緬甸掃蕩。而其地難以復興。居民約三十萬。崇佛教。

海國圖志

卷二十

西南洋

五印度總述

三

山民尤樸實。與人無詐。騙其居民大半老掌之族。守分務業。藉英國人為保護。榜甲拉海隅之東。為亞拉干地。廣袤方圓千八百里。東連緬甸。以高山為界。內多廣谷支溪。遇雨漲溢。遍地成湖。澤土極豐腴。宜果木。而多瘴。異方人不服水土。海口處處可泊。其魚繁。林內多象。虎。居民二十一萬六千名。會城曰亞拉干。古極興旺。今又有海口之邑曰脚地。亦通商之處。亞山之南。尚有各地。草木叢茂。人蹟罕到。然居民健勇。可用。此地當東印度緬甸之交界。乃母尼補甲治。加特比拉。可西亞各



王酋所轄其民野性不馴統歸英人羈縻○亞甲部在榜甲拉西北廣袤方圓四千一百八十七里居民二十萬當諸河下游西南其山漸高布那出金剛石西方多牧場與高山相連天氣與江浙無異居民健壯產麥多猛獸東連榜甲拉西南抵網買列曾境北及雪山西刻之地北極出自二十五及二十八度內河甚淺未足灌溉盛出者綠花青黛白糖居民織粗布僅足用此地昔為大蒙古之都尚有古蹟居民多回回是為印度之聖城其都會曰亞拉哈巴城在恆額河間那河會滙之處

海國圖志卷二十 西南洋 五亞倫德述

居民六萬餘口印度人在此集會燒香城為蒙古所造甚堅固有大軍局又有比那勒城亦五印度之聖城四方雲集以拜佛像婆羅門僧多若蜂聚其街甚狹居民二十餘萬每年自遠方來敬佛者不下十萬爭向恆額河浴身回回五分之一與土民分黨不居城內○亞甲居民九萬六千昔係大城今漸衰矣內多宮殿古蹟有昔時王后之陵最壯麗廣通商又德希城大蒙古之故都也居民十五萬舊國王苗裔在此賴英人之祿以度生○巴勒里城居民七萬回回居三分之一屬地曰古

摩雲與西藏不遠山林深邃冬甚冷物產茂盛居民不多田亦褊少前婆羅門僧再據此地與西藏通廓爾加國君于嘉慶十九年據之後讓地于英人英國貴人多建別墅每歲從印度來此作銷夏之會所駐之地曰新拉乃印度統帥行館納涼之所且登山以獵熊虎夏後仍還印度平坦之地○尼布他地在尼布地河之兩岸其民未向化惟伐林木為材料不用銀錢只以鹽糖交易其平地及谷內亦有印度人但地未開墾所交界之雲他瓦地間有向化之士人與中國苗蠻無異○馬他

海國圖志卷二十 西南洋 一亞倫德述

拉部在印度南廣袤方圓六千七百里居民千四百八十七萬海邊有輕沙如鹽鹵天氣長熱雨則全地皆漲旱則野無青草南方高山深林下滙溪澗可灌全地山頂結冰而谷中暑燥難堪海邊出椰子蘇花內地產米稻甘蔗芝蔴西邊地最低出胡椒肉豆蔻米山溪內多產金沙其會城同名馬答拉計屋二萬七千間居民四十二萬雖瀕海口而無泊處船難到岸各礮臺內文官日間務事晚則歸莊園水榭以度良夜其土民所住稱黑城為數甚繁旁牙羅利城在內地高原英軍屯駐焉



西令牙巴城高而堅固居民三萬英軍前此力攻克者也君巴歌倫居民三萬有大池云浴之者可滌諸罪各信士雲集以祈清潔亦恆額河所分滙也。特治那破里城居民八萬乃土君所駐之都四方豐盛多奉耶穌教曼牙羅利海口在西方居民三萬加里屈海口居民數同葡萄牙人初到印度時即抵此港在西邊為海灣最深入之地東邊無灣可泊。網買部廣袤方圓三千六百六十五里居民六百八十八萬七千屬此部者非一處山多而地磽五穀不足惟產絛花每年四分之一

海國圖志 卷二十 西南洋 五印度總述

運進中國又出檀香等貨居民多回回會城與部同名北極出地十八度五十六分偏東七十二度五十七分昔葡萄牙國以此島讓英人遂建城邑初不服水土今已天氣清爽居民二十三萬住屋二萬七百八十六間中多白頭回人有豪氣博濟好施專務通商其民皆能講十九種語音尤樂與中國人交易亦與亞拉白西等國貿易英國船廠在焉能造最大戰艦商船蘇拉城亦在海隅居民六十萬口大半崇印度婆羅門之教其愚人或以獸牲為聖畜養之誠謹古時此處為通商之埠

但海口潮溜甚急船難近岸布那乃內地之城居民七萬有大書館焉此外城邑尚多

五印度土君藩屬國

此外尚有土君之國雖未設英官而係為英國藩屬者今別敘於左內地有希答巴地廣袤方圓一萬零五百里地高坦出好麥因其國官吏朘削其農故民甚貧乏又罕通商歲費重餉約七百萬兩地大半為爵士所據其土君昔與英對敵募兵約八千丁此嘉慶年間之事但君既無智能其臣又奸宄惟利是圖故英人時時計

海國圖志 卷二十 西南洋 五印度總述

議欲取其國焉其都城居民八萬口內多匪惡雖有一萬二千之英兵屯此尚時時反側不安其附近之幾干他邑昔曾出珍玉號為寶庫茲已盡矣又有舉龍牙巴居民六萬昔盛今衰土雖豐產僅足食用前代后妃之陵惟在此者最壯麗。其毗連此部者為納布里廣袤方圓約六千里多出豆烟麥粟米其土君無大權常以千騎自衛其都城居民八萬地頗廣屋則土寮附近此城有英人礮臺。薩他拉等部土君係馬拉他種類好騎好虜掠自英人攝權後悉順服地無高山其民好獵



古城廣大居民罕少中有聖城遠方雲集焚香禮佛不遠千里。答文可利部在南方海邊山水極佳果木尤可珍海口古時被荷蘭所據居民一萬大半遷徙別處內地之米所地昔有土君近歸英國亦廣大之邦但居民屢遭困迫不足以獲其益。西金地在西藏旁福地也天氣甚冷土會轄之。烏地在榜甲拉之北土雖豐產居民甚貧惟土君之帑常充都城曰鹿那居民五十萬英國屯兵在此時遣大官蒞辦政務。本得君地在西北半歸英權轄半為各土酋所管其土無所出。布

海國圖志

卷二十

西南洋 五節國總述

未

破城小而固英人嘗再攻不破三次乃陷。破巴係山地在匿補他河邊民不勤作惟以武藝為重。突鹿小地英人所立在馬拉他族類之中間。哈甲係馬拉他種類古時廣大屢擾印度各界英人降其桀驁而民以靖。巴羅他廣地在西北干拜海隅民以劫盜為生英人調重兵征服道光二十四年復抗拒再擊敗之多印度國之聖蹟居民焚香處也此際歸英國者已大半。古治在西北之極形勢斗出常懼地震逼近火山故其地磽不甚產物民多野心約三十五萬惟水手不憚死

會城曰威城居民三萬丁英軍屯駐焉。拉補坦亦列君之地居民有膽畧遇險不懼印度列國之兵惟此稱武勇。新蒂地在印度河邊多叢林列君射獵處也道光二十三年悉為英人所滅地豐沃全賴印度河灌溉一遇亢旱五穀遂不登其都曰希答巴居民二萬屋則土寮城之固者曰答他城在平原列土君藏所劫奪之財帛約數千萬兩今已罄矣。西刻地在後藏南嘉慶年間倫亞升王所立國也此君之祖曾取印度及回教二者參合為一以宇宙萬物之主宰為萬土之王盡絕

海國圖志

卷二十

西南洋 五節國總述

三

神佛自為一教至倫亞升王募兵攻伐甲布居民奪加治彌耳等地且招西國之武官操練兵法鄰國畏之於道光十九年倫薨干戈並起其子孫越英藩屬境大肆擄掠道光二十二年復侵英藩屬地乘英人不備一戰而勝英人死者甚多英軍士力拒旬月始破西刻之軍直入其國都於是割地請盟焉其地長七百六十里闊百三十里居民四百萬地多鹽可為藥材每年所掘約八百萬石南地多鹵不產物北方豐盛因官吏勒迫民甚貧乏惟專意于武戰與後藏交界多山嶺遍地江流



乃印度五支江所派也其都曰拉合居民八萬內有回  
回廟其君常至此縱樂又有雲勒悉城王所藏庫處莫  
但城乃製造絲緞之處居民四萬五千所屬之谷曰加  
治彌耳高於海面五百八十丈所環之峯最高者約千  
七百丈冬夏積雪不消物產甚多甲於南北奈國主酷  
待其民故地雖腴無能興焉前時居民八十萬今僅二  
十萬而已昔大蒙古之君夏時於此納涼為加治彌耳  
國之名勝地居民多為商與後藏西藏多年貿易其都  
會同名居民四萬

海國圖志

卷二十

西南洋 五印度國總述

三

各國民經營不一惟英國所營者為富庶旁甲拉貨物  
共價銀七十萬萬圓眾務事所收銀一千九百萬亞甲  
貨物共價銀三十五萬萬圓每年眾務事所收者七萬  
萬圓馬答拉銀十四萬萬圓眾務事所收者共二萬三  
千六百萬圓網買部貨物價值銀萬五百萬圓眾務事  
所收者萬七千五百萬圓貿易甚大任百姓自作生計  
無苛政管束故民甘出力宜其旺相也人皆善積各安  
分樂業印度地豐盛但不善灌溉一旱亢則無禾麥除  
五穀豆菜外遍地種青黛約五十餘萬頃亦產湖絲種

罌粟每年出鴉片約四萬箱榜甲拉所出者五穀每年  
價值銀三千三百萬兩蜀黍九百萬兩豆千六百萬兩  
種子千四百萬兩白饅烟絲花等貨二千七百餘萬兩  
共九千七百七十三萬兩合五印度各國所陳田產統  
計四萬萬兩百姓以製造物件為重不出運賣外國其  
細布綢緞之美者惟西洋每歲買之外有加治彌耳人  
織造搭膊布悉不得運出外國印度人不知掘礦故鐵  
銅金玉必由外國入道光十七年運入之貨三千四百  
六十餘兩運出者五千三百八十有餘萬兩現掘河以

海國圖志

卷二十

西南洋 五印度國總述

三

運貨立銀局以便貿易百姓向愚蠢英人于此設學館  
教民於是印度人皆事天主  
五印度各屬地有大事必問本國公班衙乃與英國公  
同會議復立議士會同斟酌在馬答利網買兩部各調  
兵帥共同議士商辦聽大帥之命惟英人能務大事其  
土人只任下職而已若征田賦亦立鄉紳總理錢糧  
國費出入榜甲拉部入八千一百七十萬圓經費銀七  
千六十二萬五千九百圓所調之軍十一萬六千馬答  
拉入銀三千一十二萬四千圓經費二千四百二十二



萬六千圓軍士七萬網買收銀千四百萬圓經費千九百七十三萬二千圓軍士四萬在旁網兩部調水師戰艦火輪船防範其火輪大船二十隻另建鐵船小火輪船其守五印度三營者大半土人

西洋各國所據五印度地葡萄牙屬地曰我亞在西南方海邊港口嘉邑也地多山無通路其田大半能耕居民五十萬崇天主教三分之二地門亦海口昔與中國通商撒米居民十萬。佛蘭西所據東南之偏地居民二十一萬其都曰本得識理海邊種青黛甘蔗亦開

海國圖志卷二十一 西南洋 五印度國總述

學院以教其民焉

印度各土君之國

新地亞附近之亞甲即所稱馬臘地也廣袤方圓四千七百里居民四百萬有餘口每年所出之餉約四百二十萬兩其都爲吳亞未鹿居民五萬口鳥音之城亦堅固步兵萬四千騎兵一萬有大礮二百五十門常與英抗。尼報里國亦曰廓爾加印度之北地也與西藏交界山峯插天居民專務佛教多拉麻僧惟念經好靜不養父母一女配數男山內之民甚勇猛曾入貢中國嘉

慶十七年攻及英界英人攻戰始讓地議和此時英人尙駐其都所稱甲曼士居民二萬四千其民互仇戰鬪

山內各有酋長自專其地不聽其王之命產鐵鉛銅等多印度人亦有回回族居住此地其廓爾加族即由北方所來之矮人攻服此地種類語音不同教門互異今尙占據。布但地與尼報里皆西藏所連之微地山上雪冰恆積多烟瘴平地出蔬菜果麥居民善灌溉敬其老猿爲仙獸百姓面貌似中國而剛健習勞信佛敬僧多修寺院其轉世刺麻號爲活佛與西藏同俗亦與旁

海國圖志卷二十一 西南洋 五印度國總述

甲拉通商其都曰他西蘇屯城此兩國均未信教主耶

蘇之教

瀛環志畧曰余嘗見米利堅人所刊地圖五印度共二千餘國在東者曰孟加拉曰麥哈爾曰尼泊爾曰阿力邑在北者曰克什米爾曰勒懷曰威聊曰烏納曰聶離在中者曰阿爾各拉阿拉哈板特口工窪納曰馬爾達在南省曰甘勒士曰彌勒爾曰海特爾拉蠻曰麻打薩曰噶納的曰孟買在西者曰爾勒士布他拉曰阿布爾信據米人雅裨理云此係五印度舊部落之名自英占



利據印度後，有分析，有改革，與此圖不同，後見英人所刊五印度圖，與米利堅圖全不同，地名繁簡亦異，地既屬英，當就英圖立說，以資考核。

塞哥一作悉國北印度大國，西域稱爲克什米爾，一作加治

彌爾又作西刻，乃其別部之名，其國自古以此部

又作夾氏米理里，爲國名，新唐書謂

之箇失密，又謂之迦涇彌羅，宋史謂之迦涇彌，猶尼泊

爾之稱廓爾喀，浩罕之稱安集延也，東北雪山環抱，與

後藏西微毘連，西北隅接西域之札布西界，阿富汗俾

路芝，西南界信地，東西約千里，南北約二千五百里，其

地時序和平，山水明秀，沙磧雖多，而田土極沃，農功甚

勤，戶口約三百萬，商賈善於行遠，西域回疆後藏處處

有之，國舊分左右部，以隆德勤至河爲界，河左之西林

德部，已降英吉利爲屬國，餘諸部皆在河右，各有酋長，

不相統屬，乾隆末，勞爾即刺會長林日星，兼并河右諸

部爲一，又逾印度河，割阿富汗數城，繼立之王尤雄武，

以歐羅巴人爲將，戰勝攻取四鄰，畏服，道光十九年，王

卒，宗孫嗣立，信任讒佞，大柄旁落，國勢頓衰，先是英吉

利攻滅孟加拉，乘勝脅降諸部，值塞哥兩世得賢主，國

海國圖志 卷二十 西南洋 五印度國總述 章

治兵強，故英人止戈修好，未嘗措意，至是昏庸在位，閒

隙可乘，遂連年大舉，深入侵割，其疆土過半，其所失爲

何部，尙未得其詳也，國分九部，首曰本若都城，建於拉

維河岸，曰勞爾，一作刺合米，貿易繁盛，爲通國大都，會

曰固宜斯丹，首城名拉德如爾，曰克什米爾，首城同名，

曰着這，首城名亞德各，曰亞薩勒，曰北朝威爾，曰幾爾

加爾不耳，曰木耳丹，曰勒亞，曰德勒義斯馬伊爾汗，曰

德拉合西汗，曰巴合瓦爾不耳，首城皆同名，道光二十

出英人新聞，紙有英軍攻阿付顏尼，我羅斯約木哈臘

欲取阿付顏尼之說，意在爭北印度也，二十六年傳聞

英人用兵於北印度，有取得西刻之加治彌爾，與後藏

接壤，欲起藏通市之說，西刻即塞哥，加治彌爾即克什

米爾，據西人所刻地圖，克什米爾在塞哥極北界，英人

果割地至此，則已拊塞哥之背，不止喪地實多，抑且危

如朝露矣，英吉利印度埔頭孟加拉最盛，孟買次之，麻打拉

薩又次之，英吉利本國商船，與歐羅巴諸國之船，每歲

往來以數千百計，其稅銀每歲得千餘萬，養兵太多，支

銷之外，所餘亦無幾。

中國之布，從前皆以麻織，自元太祖征印度，乃得絲花

之種，棉花初流傳中土，至今衣被九州，功駕桑麻之上，

其利溥矣，乃鴉片之毒，亦出於此，五印度諸部，皆產此

海國圖志 卷二十 西南洋 五印度國總述 美



物而最多者為馬刺他川南滇西地近印度故有栽種鴉粟者鴉片分兩種成團者為大士其價昂聚於孟加拉麻打拉薩成片者為小士其價廉聚於孟買五印度貨物惟蘇花鴉片最多近年竟以鴉片為主每歲出運數萬餘箱宇宙淨孽之氣乃獨鍾於佛國何其怪也

回疆葉爾羌等城時有克什米爾溫都斯坦兩處之人往來貿易西域聞見錄謂兩部皆回部大國由葉爾羌南行六十餘程至克什米爾又四十餘程至溫都斯坦以今攷之克什米爾即塞哥為北印度大國溫都斯坦則五印度總名部落既多西域不能辨識自克什米爾之外概稱為溫都斯坦耳又云兩廣福建之物往往由溫都斯坦販至回疆此無足怪溫都斯坦之孟加拉孟買皆英吉利大埔頭閩粵之貨山積由兩處至回疆皆商賈通行之熟路轉運固甚便矣

案由回疆之葉爾羌南越博羅可達後藏由後藏越廓爾喀可達印度英夷果由印度轉販回疆未知此以北大雪山葱嶺以及葉爾羌南之大戈壁皆屬陸路何由得至豈派印度河逆流而上與然究在雪山

海國圖志

卷二

西南洋 五印度國總述

三

南也若用駝馬轉運或由岡噶江逆折而西而北以達回疆與然不可考矣

海國圖志卷二十終

海國圖志

卷三

西南洋 五印度國總述

美



海國圖志卷二十一

邵陽魏源重輯

中印度各國

西域聞見錄溫都斯坦亦西域回國之大者也葉爾羌西南馬行六十餘日至克食米爾克食米爾復西南行四十餘日至溫都斯坦水亦可通兩地貿易之人多資舟楫往來不絕稱其王曰汗其都城雄壯周圍六十餘里轄大小回城三百七十餘其人深目高鼻多鬚目睛黑白光如琉璃面黑唇青言語類鳥鳴回子亦不能辨

海國圖志

卷二十一

西南洋 中印度國

衣做前襟頭纏花布厥土黑壤地極溽暑瘴癘為害人有頭面生贅疣引之而長放之而縮者地以象耕服車致遠皆取給於象有牛馬無駝羊騾驢不解游牧之事粳糯秈稻及瓜果蔬菜靡不繁植檳榔枕椰櫻欄橘柚在在成林冬不凋葉人習技巧金漆雕鏤制作精奇所製玉器薄如蟬翼文成如髮抽金銀為絲織綢緞氍布遍貨於西域各國及各回城所居穴地深數丈旁掘土洞為室亦絕精飾以金玉從無地土起屋並園亭之事其城村似曠邈無人煙處也郭外大澤一山水秀麗

花木蔚然居人多攜眷乘舟累月經旬游於其內多美釀尚宴會必費數百金亦多載酒泛舟於澤中者凡其地之公私事務及一切農工商旅操作交易皆於夜間為之日出則伏國既富庶風俗奢靡其地亦有玉山獨少白金價過黃金也最貴中國磁器或有攜至其國者爭以白玉盤碗交易而去惟恐失之而大黃尤為至寶以黃金數十倍兌換蓋其地之一切疾病瘡瘍得大黃即愈百不失一貴客來及大筵宴皆以大黃代茶人若經年不服大黃則必死故雖貧苦小回亦必有一半兩

海國圖志

卷二十一

西南洋 中印度國

二

大黃囊胸前舌舐而鼻嗅之其地之江河皆通海洋時有閩東海航到彼停泊多有以大黃漁利者兩廣福建之物往往有之或重販至葉爾羌轉入中國矣哈什噶爾回子買得漳絨一端上有天順字號固閩貨也其國西隅有巨澤圍數千里澤中有山圍踰千里萬峰聳峙高入雲天或曰人間第一高山也名曰牽各里麻膽達喇斯山中產獅子于秋月皎潔輒負雜于山中往來頭大而毛虬尾形如帚黃質黑章如虎皮長六七丈時登山絕頂望月垂涎咆哮跳擲猛飛吞月有飛去八九里



十餘里而墜死山谷中者其國人以豢養獅子為上戶每當秋月其汗使人取獅以金鐵作柱大如窰密布層遮圍畜之於其中飼以牛時而吼如雷霆滿城震動人畜不寧椿園氏曰乾隆四十年有溫都斯坦之海門達爾遊至回疆予晤其人面黑唇青睛如琉璃據云彼乃其地之白哲者耳又云其國之西南數萬里有黑白之人白者如雪黑者如漆國在大海之中得毋即東粵之所謂黑鬼白鬼者歟因細談其地之事甚詳與予向所聞無異而幸各里麻騰搭拉斯之山高聳至極靈蹟最

海國圖志 卷二十一 西番洋 中印度國 三

著其即古人所謂日繞之峯歟顧山雖至高無出沒日月之理四圍皆水舟楫可通亦無所謂弱水焉案溫都一作與都即印度身毒之轉音也坤輿圖職方圖皆作莫臥爾爾圖蓋中印度也其西北大澤即所謂裏海也裏海中高山而疑其地暑而多瘴多雨類閩廣水土惡為須彌陋不足辨其地暑而多瘴多雨類閩廣水土惡劣之鄉而山有寶地生毛故人繁而殷富惜乎象胥通言不能盡解其說所得考核存據者亦僅參半焉爾萬國地理全圖集曰亞加者古時中印度之省會係家古印度王之都殿宇官衙光曜燦輝形勢在北極出地二十七度十一分偏東七十七度五十三分有塔建在

平坦周視九十里所有居民大半崇回教並不崇拜菩薩其廟內無偶像並無燒香惟念經叩頭而已回回教門之人數百萬在五印度各處居住昔蒙古軍侵國強令土人棄絕佛像否則誅死故此印度多奉其教至今不絕其近城有古王之墓高如叠塔一周幾十丈煥然齊整其礮臺四面險固此際鄰國咸窺毫無戰燬故生意復興道光十三年以此地為都會又亞北得希者古回回王之京明嘉靖五年蒙古汗乘機侵奪創立大國歷二百三十五年令五印度列國進貢乃佞臣結黨

海國圖志 卷二十一 西番洋 中印度國 四

變詐蜂出乾隆二十五年王懦無能投降英人蒙其俸祿安居本都但戰鬪不息為敵國侵擄于是英官征逆靖國宣威回回王現時駐官無權惟享虛榮受英俸祿足以養宗室而已其都廣大其殿遼濶其民各服英權歷年泰平

東印度各國

海錄焉土國在暹羅達牙西北疆域較暹羅更大由達牙陸路行四五日水路順風約二日到佻歪為焉土屬邑廣州人有客於此者又北行百餘里到媚麗居又西



北行二百餘里到營工又西行二百餘里到備姑得烏  
土屬邑王都在益畫由備姑入內河內河即恒河會水  
行約四十日方至國都有城郭宮室備姑鄉中有孔明  
城周圍皆女牆參伍錯綜莫知其數相傳為武侯南征  
時所築入者往往迷路不知所出云北境與雲南緬甸  
接壤雲南人多在此貿易衣服飲食大約與暹羅同而  
樸實仁厚獨有太古風民居多板屋夜不閉戶無盜賊  
爭鬪國法極寬有過犯者罰之而已重則圈禁旬日而  
釋無殺戮撲楚之刑實南洋中樂國也男女俱推髻婚

海國圖志 卷二十一 西南洋 東印度國 五

嫺峇同中國死葬於山不封不樹土產玉寶石銀燕窩  
魚翅犀角泥油紫景兒茶寶石藍者為貴以其難得也  
泥油出土中可以燃燈紫景亦土中所出可代印色自  
安南至此及南洋諸國沿海俱有鱷魚形如壁虎嗜食  
人土番有被鱷吞者延番僧咒之垂釣于海食人者即  
吞鉤而出其餘則不可得也由備姑西北行沿海數千  
里重山複嶺并無居人奇禽怪獸出沒號叫崇巖峭壁  
間多古木奇花所未經視舟行約半月方盡亦海外奇  
觀也。徹第岡在烏土國大山之北數十年來英吉利

新闢之地未有商賈其風俗土產未詳案此皆印度之  
也

又曰明呀喇即孟加臘英吉利所轄地周圍數千里西南諸  
番一大都會也在徹第岡海西岸由徹第岡渡海順東  
南風約二日夜可到陸路則初沿海北行至海角轉西  
又南行然後可至為日較遲故來往都由海道其港口  
名葛支里港外沿海千餘里海水渾濁淺深叵測外國  
船至此不能遽進必先鳴礮使土番聞之請於英吉利  
命熟水道者操小舟到船為之指示然後可土番亦必

海國圖志 卷二十一 西南洋 東印度國 六

預度其深淺以泡志之泡者截大木數尺製為橈形空  
其中繫之以繩墜之以鐵隨水道曲折淨之水面以為  
之志土番謂之泡每一望遠及轉折處則置一泡然外  
人終不能測是殆天險也港口有礮臺進入內港行二  
日許到交牙礮臺又三四日到古里噶達英吉利官軍  
鎮明呀喇者治此有小城城內唯住官軍商民環處城  
外英吉利官吏及富商家屬俱住漲浪居漲浪居者城  
外地名也樓閣連雲園亭綺布甲於一國英吉利居此  
者萬餘人又有敘跋兵五六萬即明呀里土番也酋長



有三其大者曰卽攸士第其次曰尼里又次曰集景皆命于其王數年則代國有大政大訟大獄必三人會議小事則聽屬吏處分其統屬文武總理糧餉一人謂之辣亦數年而代其出入儀仗較三會長特甚前有騎士六人後有四人左右各一人俱穿大紅衣左右二人裝束俱同辣唯辣所穿衣當胸繡八卦文為異耳凡鞠訟上下俱青衣唯三會長兩肩有白絨緣頭戴白帽會長上坐客長十人旁坐客長客商之長也每會鞠必延客長十人旁坐欲與眾共之也其獄必僉曰是然後定讞

海國圖志卷二十一 西南洋 東印度國 七

有一不合則復鞠雖再三不以為煩然怙奢尚利賄賂公行徒事文飾無財不可以為說也其土番有數種一明呀里一夏里一巴藍美明呀里種較多而巴藍美種特富厚明呀里食牛不食豕夏里食豕不食牛巴藍美則俱不食富者衣食居處頗似英吉利以華麗相尚貧者家居俱裸體以小幅布圍其腰臍以掩下體男女皆然謂之水慢無來由番亦多如此有吉慶則穿長衣窄袖其長曳地用白布二丈纏其頭以油徧塗其身所居屋盡塗以牛糞交易以文螺壳為貨貝娶妻皆童養夫

死髮髮而居各種不相為婚男子胸蓋數小印額刺紋女皆穿鼻帶環巴藍美死則葬于土餘俱棄諸水明呀里間有以火化者更有仇儷敦篤夫死躍入火中以殉者自此以西地氣漸寒中國人居此者可穿夾衣非若東南洋諸國四時俱單衣也土產鴉片煙硝牛黃白糖棉花海參瑤瑁訶子檀香鴉片有二種一為公班皮色黑最上一名巴第古喇皮色赤稍次之皆中華人所謂烏士也出於明呀喇屬邑地名巴且孛其出曼達喇薩者亦有二種一名金花紅為上一名油紅次之出馬喇

海國圖志卷二十一 西南洋 東印度國 本

他及盎几里者為紅皮出孟買及卽杜者則為白皮近時入中華最多其木似嬰粟葉如靛青子如茄每根僅結子二三顆熟時夜以刀微劃其皮膏液流出凌晨收之而浸諸水數刻然後取出以物盛之再取其葉曝乾末之雜揉其中視葉末多少以定其成色葉末半則得膏半然後捏為團以葉裹之子出膏盡則拔其根次年再種案明呀喇海國圖見錄作珉呀或人又作孟阿拉或作孟加臘實皆一地海國圖見錄小白頭國東鄰珉呀國一作明呀喇即珉呀人黑穿着皆白類似白頭英機黎荷蘭佛蘭西聚此



貿易珉呀天竺佛國也珉呀之東南遠及暹羅珉呀之南臨海珉呀之北接刺麻西藏及賽馬爾丹國屬

粵商回述孟阿拉地宜種植百物叢生終歲南風並無

冬夏每洋銀一圓值彼處銅錢一百文白米一升值彼

處銅錢一文其鴉片煙四季種收周流不息各國夷人

均向彼處收買每公土一件價銀一圓白土一包價銀

六錢國王所抽稅每土一件約銀二圓運至中國每碼

士計成本銀四圓有奇從前可賣至八九圓聞去年中

國禁令森嚴彼處夷發售甚艱價亦太賤每船煙士所

售銀兩僅敷來往盤費所獲既無大利各夷均不願作

此鴉片生理本年夏間由彼處起程聞英吉利國王以

中國嚴禁有傳令停止製造之說

萬國地理全圖集曰榜葛刺國東印度也海口河流疏

派田畝豐盛物產如山如糖硝棉花鴉片餅餅胡絲五

穀等貨其省會曰甲谷他在安額河之濱於北極二十

二度二十三分偏東八十八度二十八分天下互市之

處康熙七年英商始建市館築小礮臺屋宇僅七十間

乾隆十七年土君擅壞其房因其人當時英官報仇用

海國圖志 卷二十一 西南洋 東印度國 九

海國圖志 卷二十一 西南洋 東印度國 十

兵驅逐虐主總歸其管轄焉都邑廣大居屋如殿其街

直而廣兩面高樓粉白如雪內有學校文院各等文藝

之館男女讀書務學勉為良善全印度之總帥劄駐甲

谷他管下英國軍士三萬丁土軍二十三萬丁文官俱

幼時來自英國學習土話自下升擢俸祿甚厚以理地

方各事所建礮臺四圍廣大敵軍斷難取據深溝高壘

金城湯池四面險固水路可通內地各大邑若水淺流

急用火輪船牽其河舟不待風潮上下不絕城內財帛

不勝數凡他省及內地富商皆雲赴甲城以包兌包送

○甲部東勢他加城居民二萬丁百姓立機房造織細

幼布帛昔總帥劄駐之省會此時惟見頽牆壞壁○甲

部之西八孛邑居民稠密造硝種罌粟青黛田種玫瑰

醪醱摘花葉造花露居民好香撲鼻常用以調飯洗身

○甲部西南北孛力邑印度教門中著名之區謂是地

之中心街衢甚窄房屋瓦造高五六層眾生奔馳如影

不絕居民計六十萬丁據印度人說菩薩造成其城以

為聖處信其教者詣邑燒香奉拜偶像以免地獄之罪

又言沐浴其河內者諸罪一概洗滌直上天堂此印度



佛教中之恆河也東印度之東爲緬甸北印度之東爲廓爾喀及西刻等國此數國皆近西藏貢於中國近日西刻及廓爾亦爲英吉利駐印度之兵所攻服故東印度孟加臘已與西藏通互市惟北印度與鄂羅斯國游牧部相接壤至今爭戰未息蓋鄂羅斯亦貪印度鴉片之利爾

魏源西藏後記曰滇南師範有言中國赴于竺佛國亦有兩道一自雲南騰越州而南田緬甸城轉西以至東天竺凡三千五百里再至中天竺又千有一百里共五千有百里一百雲南麗江而距進藏至中天竺北界二千里又千有六百里而至中天竺僅三千有二百里視南道經千有九百里以地望準之雲南之騰越州正與天竺東南相值止因其間赤髮野人隔之故一則迂道南行千有七百里至緬甸然後轉西至東天竺又西北至中天竺檀那國計三千八百里一則迂道西行入藏然後轉南亦至檀那計三千二百里使能取道野人徑直西上則色田緬由藏兩迂道而自騰越達天竺不過千有九百里野夷若入版圖則與天竺境壤相接昔漢

海國圖志

卷二十一

西南洋 東印度國

十一

武開西南夷欲由梁州達大夏偉矣哉西藏記曰由後藏塞爾地方西南十八程至宗里又八日至白木戎部落其地北接後藏西接白布南至小西天北界至小西天界南行十日至其國都布爾牙部落始上海船行半月至大西天小西天爲東天竺大西天爲中天竺又曰後藏札什倫布西南與布魯克及白布等部交界白布即贊普取白布國王女之地布魯克即往天竺之路也又一路由阿里西南二千餘里入厄納特珂克即中天竺其中藏前藏東南則以怒江爲界江以南即貉狗野

海國圖志

卷二十一

西南洋 東印度國

十一

人每藏中有死罪則驅之過江聽野人殘之以上西藏記然則怒江南岸逾野夷西境即布魯克部與東天竺近而怒夷自雍正中內附歲輸皮貢於騰越界非不可闢之區則天竺與中國亦非不可接之境惟是東天竺即今南洋孟加臘地久爲西洋英吉利所據專產鴉片煙流毒中國誠能募騰越士勇萬人渡江而西南長驅擣其背腋通絕域爲鄰壤實制西夷之一奇或曰大金沙江自藏經緬其入海之口即東天竺界其水關於大江造舟藏地順流建筏尤倍捷于陸然有舟師之便而又有



緬夷之梗利害亦適相當也

又乾隆征廓爾喀記四川雲南之西為烏斯藏烏斯藏之西南為廓爾喀廓爾喀之西南為五印度印度古佛國在葱嶺西南瀕大海去烏斯藏尚遠或以烏斯藏即古佛國者非也自四川打箭爐西行二十餘驛至前藏四十二驛至中藏又十二驛至後藏又十二驛至濟隆又三十驛至石宿堡為後藏極邊地踰橋而西則廓爾喀矣廓爾喀本巴勒布國舊分葉楞部布顏部庫木部于雍正九年各奉金葉表文貢方物後三部并吞為一

海國圖志

卷二十一

西南洋

東印度國

三

遂與後藏鄰自古不通中國其與中國構兵則自乾隆五十五年內犯西藏始初後藏班禪刺麻以四十六年來朝祝 高宗七旬嘏中外施舍海溢山積及班禪卒于 京師資送歸藏其財皆為兄仲巴呼圖克圖所有既不布施各寺廟與唐古特之兵又損其弟舍瑪爾巴為紅教不使分惠于是舍瑪爾巴憤怨廓爾喀藉商稅增額食鹽糶土為詞興兵闖邊唐古特兵不能禦而 朝廷所遣援剿之侍衛巴忠將軍鄂輝成德等復調兵賄和陰令西藏堪布等私許歲幣萬五千金接

兵不戰遽以賊威乞降飾奏而諷廓爾喀曾入貢受封國王廓爾喀既侮藐內地次二藏中歲幣復爽約于是廓爾喀以責負為名再舉深入後藏札什倫布西南左有曲多江鞏右有彭錯嶺峭壁連岡咽喉天險賊步卒數千自聶拉木入其時蕃漢官兵苦分兩路一扼曲多江鞏遏其前一繞赴彭錯嶺截其後則廓爾喀深入無援可不戰潰也駐藏大臣保泰一聞賊至則移班禪于前藏并請移達賴班禪于西甯欲以藏地委賊且札什倫布地負山面江形勢鞏峻刺麻數千乘墉可守以待

海國圖志

卷二十一

西南洋

東印度國

古

援而仲巴呼圖克圖挈資先逸刺麻濟仲札蒼等復託言卜諸吉祥天母不宜戰眾遂潰賊大掠札什倫布全藏大震爾大喇麻飛章告急侍衛巴忠扈 駕熱河聞變畏罪自沉水死時鄂輝為四川總督成德為四川將軍因盡以罪委之謂巴忠解唐古特語故私議皆其一人所為已二人不知也及奉命赴藏剿禦又按程緩進 上知二人不足恃乃 命嘉勇公福康安為將軍超勇公海蘭察參贊調索倫滿兵及屯練土兵進討其軍餉則藏以東川督孫士毅主之藏以西駐藏大



臣和琳主之濟隴邊外，則前川督惠齡主之，賊狃于上年賄和之役，半運所掠歸國，半屯界不去，鄂輝成德等遂奏賊退，欲卽以蕪寧。上切責不許，明年二月，將軍參贊由青海至後藏，四月，連敗其屯界之賊，盡復藏地。六月，遂大舉深入，恐賊繞襲後路，遣領隊大臣成德岱森保及總兵諸神保各出左右一路，以分賊勢，而大軍出中路，海蘭察將三隊爲前軍，福康安將二隊繼之，賊據木古拉山，阻水拒險，將軍議令護軍統領台斐英阿與賊相持，而大軍別趨間道，海蘭察繞山後出賊營。海國圖志卷二十一 西南洋 東印度國 五

之上，福康安由間道合衝賊營，克其木柵石卡數十，追奔至雍野雅，而成德諸神保亦克鐵索橋進會利底，廓夷舉國震懼，遣使詣軍前乞降，將軍參贊嚴檄斥之，七月，再進，六戰六捷，殺賊四千，涉賊境七百餘里，將近其國都陽布之地，隔河大山，賊以十營踞山巖守，水深山斗絕，山後卽其國都也，福康安欲逾橋攻之，海蘭察力持不可，福康安自引兵渡橋仰攻，果不利，賴海蘭察接應退賊，方是時其國境南鄰印度之地，久爲英吉利屬國，與廓夷積釁，聞廓夷受兵於中國，則亦出兵攻其邊

鄙廓夷兩支強大敵，洵懼無計，且恐我軍聞而氣奮也，再遣人詣軍，卑詞哀乞，將軍參贊議以賊境益險，而踰八月，卽大雪封山，不可老師，乃允其降，盡獻還所掠藏中財寶，及塔頂金冊印，歸前被執之丹津班珠爾等，并獻沙瑪爾巴之尸，貢馴象番馬工樂，請永遵約束，班師。上本欲俟事平，裂其土授諸土司，而酬福康安以郡王爵，及聞已受降，乃允其請，留番兵三千，漢蒙古兵一千，戍藏，是爲官兵駐藏之始，後藏至廓爾喀，故有孔道賊嚴守之，故我師覓間道入，其峭絕處，左壁右湍，不海國圖志卷二十一 西南洋 東印度國 六

容一騎，將軍參贊亦時步進，故所貢象，竟不能達，而烏拉嶺上下百二十里，必窮一日之力踰之，稍昏黑，卽不能覓路，且有雪城若門洞，深數十丈，人往來者不敢語，否輒有雪，大如屋，壓而殛之，廓爾喀寇藏時，運糞歸國者，二千人，過嶺凍死殆盡，蓋葱嶺之南脊，天所以限中西也，險倍金川，遠踰回部，爲漢唐兵力所未至，幸其士卒皆跣足，每戰仿古法，先約期而後交綏，我軍不顧輒先發拚襲，往往猝爲我乘，自大創以後，至今貢獻不絕，其國西南與五印度相鄰，其南海號印度海，近日印度



之孟加臘及孟買等國為西洋英吉利所據乾隆六十年英吉利使臣入貢自言前歲大將軍率兵至西藏西南之的密部落時彼國兵船亦曾相助倘嗣後有需用西洋兵者情願効力 朝廷始知前此廓爾喀之役其南界亦有邊警外患也道光二十年英吉利夷人入寇粵浙廓爾喀亦遣人稟駐藏大臣言小國與里底所屬披楞相鄰每受其侮今聞里底與京屬構兵京屬屢勝臣願率所部往攻底里屬地以助天討時駐藏大臣未知所稱里底即英吉利所稱京屬即謂中國之廣東

海國圖志 卷二十一 西南洋 東印度國 七

省所稱披楞屬地即印度答以蠻觸相攻 天朝向不過問卻之蓋英吉利國都雖遠在大西洋而其屬國印度則與廓爾喀接壤世仇構釁故我攻廓則英夷乘之我攻英則廓夷亦願助之云 臣源曰廓爾喀界西藏及東印度攝兩強敵之間然內貢中國而不貢印度夷近日英夷西與鄂羅斯構兵東與中國結釁故廓爾喀欲乘兩大國之勢以攻印度云印度地產鴉片煙英吉利關稅歲入千萬計其兵船入犯中國者十九皆孟加臘之人誠能聽廓夷出兵之請

獎其忠順擾彼腴疆擣其空虛牽其內顧使西夷失富強之業成狼狽之勢亦海內奇烈也鄂羅斯地袤二萬里與中國首尾相接地大兵強西洋所畏其與我互市之地則有陸而無海英夷之與我互市則又有海而無陸近日鄂羅斯屢與英夷爭韃韃里之地其地橫互南洋鄂羅斯得之則可以圖并印度故與英夷連年血戰雍正五年俄羅斯攻取西藏西南五千里之務魯喀地若能許鄂羅斯海船赴粵貿易連絡彌利堅佛蘭西等國皆英夷仇敵則英夷之兵船不敢舍其境而

海國圖志 卷二十一 西南洋 東印度國 本

遠犯中國英夷在印度大兵船止百艘以其半入寇中國其餘皆分守各境不敢遠離恐他國乘其虛夫以夷攻夷之效咫尺者視為迂圖乾隆嘉慶間一封暹羅遂足以西制緬甸東制安南善奕者或一開著而全局皆生况以宅中馭外之勢制仇讐四結之夷哉

海國圖志卷二十一終



海國圖志卷二十二

邵陽魏源重輯

北印度各國

統志巴勒提在博洛爾南宸都斯坦東與之接境貢道由回部漢唐屬賓近東地也當為唐西域記羣山近之畢迦試國

接中有長河有于伯特化穆巴克什米爾諸地分兩部

然然帕爾及烏蘇完分統之各有眾八千餘案宋史曰迦濕人舊在葉爾羌貿易乾隆二十五年內附

西域見聞錄克什米爾回子一大國也案宋史曰迦濕彌勒國元經世

地里圖曰乞石迷耳英夷地彌勒國元經世

圖曰夾氏米里皆字異音同葉爾羌西南馬行六十餘

海國圖志卷三十一 西南洋 北印度國 一

日可至其國中隔一冰山人畜至此須土人駝牽而過

其險甚於木素達板其人深目高鼻黃睛多鬚衣圓領

窄袖無髮辮飲食尤多禁忌禮拜尤虔語言強半可通

稱其君曰汗所屬回眾近百戶城池周三十餘里椿園

氏曰嘉峪關外多流沙間有水泉沙石兀突怪惡不生

草木至克什米爾以西以南時既清淑山川秀麗別有

天地矣而溫都斯坦各國極熱多雨無霜雪一切飛潛

動植與中國之闊廣無異豈以其近海之故歟人習工

巧製造詭異案此所云克仁彌爾之冰山即唐元裝西域記北印度之大雪山也

皇清四裔考曰愛烏罕在巴達克山西南部落最大漢

書西踰蔥嶺有北道北道出大宛南道出大月氏此當

為大月氏地有三大城曰喀奔曰堪達哈爾曰默沙特

喀奔城南北西面山東面平曠堪達哈爾城四面俱山

其汗愛哈默特沙居之默沙特城舊屬伊蘭愛哈默特

沙征取之統治三城事耕種無游牧勝兵十五萬軍器

烏槍腰刀之屬無弓矢善田作戶有餘糧少物采自兼

并溫都斯坦部後資其金絲緞匹物力加豐亦有奄豎

多取諸溫都斯坦商人不至其國乾隆二十四年大兵

海國圖志卷三十一 西南洋 北印度國 二

逐霍集占將入愛烏罕境為巴達克山酋素爾坦沙擒

獻其屬下有奔愛烏罕者咬其輿師問罪於巴達克山

素爾坦沙懼遣使具言諸不得已狀愛哈默特沙云

大清國地廣人稠見於記載未知道路遠近今擬與爾

部偕往投誠遂屢貢焉案愛烏罕亦作阿布額尼亦作甲布爾所屬阿拉

克巴拉斯阿爾雜拜延舊隸伊閑由喀奔至堪達哈爾

二十八程由堪達哈爾至默沙特二十程北接布哈爾

西有默克札志爾等數部落中隔沙漠過此為西海南

有思布部落過思布亦海也案西海皆裴海非地中海也



地里備考曰阿附干國即加布爾在亞細亞州之中印  
度之西北北極出地二十八度起至三十六度止經線  
自東五十七度起至七十度止東至塞哥國西連白爾  
西亞國南接北羅吉國北界達爾給國長三千二百餘  
里寬約二千里地面積方約十五萬二千七百餘里烟  
戶四兆三億口本國地勢東南西南平原坦闊其餘各  
方峻嶺重疊湖河甚少河之長者惟一各曰印度河又  
名心德河湖之大者有二一名盧克湖一名烏勒爾湖  
其田土西方則磽瘠過半沙漠無垠餘方則隴畝膾腴

海國圖志 卷三十一 西南洋 北印度國 三

穀果豐盛土產鐵錫礬鹽窩宅磁砂硫磺烟葉蘇花阿  
魏青黛丹參甘蔗地氈等物地氣互異冷熱俱極王位  
相傳長幼皆得臨御諸臣公舉惟賢繼立所奉之教乃  
回教也技藝庸陋貿易平常商賈負販結隊而行粵稽  
本國來歷渺茫明武宗正德元年有巴卑爾者既獲加  
布爾濟斯尼于達爾等處遂即位稱汗歷傳二百餘載  
康熙五十九年復取自爾西亞國歸於一統越十七載  
白爾西亞國君那的爾沙與師擊逐反取本國迨薨後  
本國復興自為一國時君名亞美里沙乾隆四十五年

傳至塞曼沙者被弟馬慕慕逐以後綱紀敗壞國亂民  
變越十餘載塞哥國勞爾地會長林日星者乘機侵占  
其兼攝諸地亦皆背叛惟阿付干西斯丹等處尙存現  
改九部一名加布爾乃本國都也建於平原之中街市  
繁華風景美麗一名羅各曼一名日刺拉巴一名合斯  
那一名西維一名干達合爾一名發來一名都札克一  
名伊隆達爾其通商衝繁之地曰加布爾曰干達合爾  
曰合斯那

案又名阿付顏尼即愛烏罕之轉音也

海國圖志 卷三十一 西南洋 北印度國 四

外國史畧曰甲布國或曰押安國或曰加布額尼前屬  
白西亞國及北路治北及西域游牧部東及五印度西  
連白西國廣袤方圓萬六千里居民千四百萬多山谷  
故氣候土產皆異在印度界內惟此地無深淵大河山  
頂積雪不消而山內極熱地肥磽不一百姓稀少農夫  
有五等每年二收多麥產油並阿魏多駝及綿羊犬善  
走貓亦美鷹能捉鹿民樸實有仇必報百年不忘恥買  
賣不肯家居以持械爭戰為要務山峽甚多有外人入  
之即絕其歸路故敵國不敢侵而屢伐他國獲勝嘗據



五印度地後爲白西國所服降爲藩屬道光十七年我  
羅斯國愆惠其民畔白西復動干戈而白西國王率兵  
圍其北界之黑臘城於是甲布別立新主調兵以拒退  
白西國道光二十一年冬土民乘冬凍攻擊英兵英兵  
乏衣食多斃者次年英兵攻之仍令前王攝權地始安  
靜。其都曰加布額尼城甚堅固英人破之千他哈亦  
交界之城街廣而直城長而方民多甲布之族與白西  
國所屬之黑臘國交界其國君每駐此與白西國有隙  
地豐盛民壯健。○哈薩克甲布兩地之間有地曰甲非

海國圖志

卷三十一

西南洋

北印度國

五

勒坦山地奉佛教與附近甲布之回人交戰族類甚多  
地狹險多巖居出葡萄南果民美丰姿但未向化因在  
巖內負固回族亦難侮之無王無君惟聽命於長老好  
飲酒面白每將其女賣與回人爲奴最輕忽無信若非  
山巖險固久爲他國降服矣

外國史畧曰北路治地南及印度地北連甲布東及英  
藩屬地西連白西亞國廣袤方圓九千一百五十四里  
居民二百七十萬地分五部曰撒拉文曰云他瓦曰以  
哈拉文曰路士古地天氣殊異高峯夏亦雪積平地則

熱甚野長六十五里闊四十里東多山高者八百丈有  
金銀銅錫鐵鉛等礦出絲花五穀青黛居民分兩族多  
遊牧頗誠實喜接旅客亦有印度白西人其宗派各有  
本會不相合駐其拉之地每年征餉二十五萬圓兵四  
十有戰則召募民壯至三萬五千之多曾進貢于甲布  
國此地形勢未經詳察

案俾路芝南濱印度海西北接巴社居愛烏罕之南  
西恆河迤西也

地里備考曰黑拉德國又名東哥羅三在亞細亞州之

海國圖志

卷三十一

西南洋

北印度國

六

中印度之北北極出地三十三度起至三十六度止經  
線自東五十八度起至六十五度止東南界阿付干國  
西連白爾西亞國北接達爾給斯丹國長約一千五百  
里寬約七百里地面積方約八萬里烟戶一兆五億口  
地勢嶄巖岡嶺絡繹湖河甚少田畝肥饒穀果豐稔草  
木紛繁牲畜充牧土產鐵絲麻煙阿魏蘇花香料藥材  
鴉片等物地氣溫和王位世襲所奉之教乃回教也技  
藝精良商賈輻輳通國分爲三部一名黑拉德乃國都  
也建于平原之中昔甚富麗今稍凌替一名夏般一名



巴米昂

瀛環志畧曰阿富汗波斯東境明時裂波斯數城自立為國前此固統於波斯別無名號也世多傳其兼并溫都斯坦今攷溫都斯坦乃五印度總名與阿富汗為鄰者為北印度之塞哥國兩國本以印度河為界阿富汗嘗逾河而割塞歌之西境迨後塞歌亦逾河而割阿富汗之東境所謂疆場之邑一彼一此者耳西域間見錄謂放罕與溫都斯坦地界毗連各以威力相制迭為強弱今攷與溫都斯坦為鄰者阿富汗之外別無放罕國

海國圖志

卷二十一

西南洋 北印度國

七

名蓋阿富汗一作愛烏罕愛烏合音近放遂誤以愛烏罕為放罕而安集延之浩罕都城亦稱放罕一作豪罕又作霍罕論者遂以此譏樞圖之謬妄謂其移極北之回部於南方實則轉音之滄訛而不足深訛也又聞見錄云放罕之人種類不一有與內地回子相似者有與安集延相似者有與土爾扈特相似者有毛髮拳曲與我羅斯相似者又一種人亦回子衣帽鬚繞頰如鬚而赤染以齒其人多力善用木矛西域人多畏之又一種人圓領大袖衣冠類漢唐貌清奇似朝鮮人或謂是後漢之遺種

云又云放罕西域之大國亦西域之亂邦詐力相尙日皆逐鹿之勢蓋自古而然云余攷西洋人地圖阿富汗境土縱橫皆不過三千里幅員既無莫大之勢種族安得如許之繁蓋其國本波斯所分迨後由分而合復由合而分西域不知波斯國名遂以波斯各部種類並歸之阿富汗耳泰西人亦稱波斯客籍流寓種類甚多語音不一有額力西者即西有阿丹者即阿有羅馬者有土魯機者正與聞見錄所云相合至兩國再合再分兵爭數起又復時時內訌迭相篡奪所云日日皆逐

海國圖志

卷二十一

西南洋 北印度國

八

鹿之勢殆不虛也  
俾路芝密羅既 北羅吉 忽魯謨斯 思布在阿富汗之南亦回部也東接西印度西接波斯南臨印度海東西約一千七八百里南北約六七百里岡臭重疊沙磧廣莫田土甚瘠僅敷耕食時序和平物產與阿富汗畧同國無王分六部曰薩拉彎曰加支干達瓦曰倭拉彎曰盧斯曰美加蘭曰古義斯丹六部各有酋長國小而強習於攻戰與英吉利所屬之印度西部時時搆兵互有勝負  
按俾路芝立國不知所自始明初鄭和等使西洋乃有



忽魯謨斯國名今四裔考之思布皆指俾路芝也

地里備考曰北羅吉國一作比路治國亞細亞州之中

印度之西北極出地二十五度起至三十度止經線自

東五十八度起至六十七度止東至塞哥新的亞二國

西連白爾西亞國南接疔曼海灣北界阿付干國長約

一千餘里寬約六百二十里地面積方約十萬餘里烟

戶三兆餘口本國地勢岡陵重疊沙漠廣闊湖河甚小

逢夏畧涸田土頗瘠樹林稀疎五穀百果僅敷所需各

種鳥獸罔不充物土產金銀銅鐵錫鉛礬礬窩宅硫磺

海國圖志卷三十二 西南洋 北印度國 九

礪砂花石茜草蘇花等物地氣溫和四季相適至于朝

綱諸酋統轄各分部落所奉之教乃回教也技藝庸拙

貿易清淡通國分爲六部曰薩拉灣曰加支干達瓦曰

倭拉灣曰盧斯曰美加蘭曰古義斯丹

地球圖說皮路直坦國一作比路斯其酋亦號士丹猶

痕都之號斯坦也東界天竺國南界亞拉北亞海西界

白耳西亞國北界亞加業坦國其百姓約有二百萬之

數都城名基拉城內民二萬半述釋教半述回教其

風俗亦有不善遇財即劫多居穹帳少瓦屋人尙規矩

又有不居於帳篷者即不良之徒也嘉慶年間本與亞  
加業坦國爲一國後各自分析立主國內有極大之曠  
野有極峻之高山故少膏腴惟牧羊馬

地球圖說亞加業坦國東界天竺國南界皮路直坦國  
西界白耳西亞國北界大布加利亞國其百姓約有五  
百七十萬之數皆半述釋教半述回教以收羊馬爲  
生南有曠野東南北復有高山惟中央平坦人民之狀  
與皮路直坦國相似風俗亦無異惜其民心不睦時相  
矛盾國王失柄不從其命心惟愚拙何異天竺之民也

海國圖志卷三十二 西南洋 北印度國 十

地里備考曰布丹國一名廓爾喀國在亞細亞州印度

西藏二國之間其國土自北極出地二十六度二十分

起至二十九度止經線自東八十六度十分起至九十

二度五十五分止東至亞桑國西連阿付干國南接榜

加刺地方北界西藏國長約一千六百里寬約七百里

山陵叠起人烟稠密田土肥饒湖河潤澤五穀百果鳥

獸草木靡弗蕃衍蘇花大黃黑金紋石寶爲豐盛地氣

溫和所奉之教乃黃衣釋教人民僮勉貿易興隆通國

分爲二大部一曰德白拉乍乃國都也一曰比斯尼



俄羅斯與印度構兵記曰印度海與後藏緬到日鄰廓爾喀介其中其孟阿臘東印度也孟邁南印度也其温都斯坦中印度也温都一作與都一作痕都即印度之轉音克阿爾爾古爾賓愛烏罕古大月氏北印度也印度河兩岸巴社各回國西印度也皆在葱嶺西南接中國西域近日英吉利自稱管理五印度蓋惟北西印度未全為所據其東南中三印度則幾盡并之矣然康熙雍正間英夷僅據孟阿臘孟邁二埠未窺印度全境而鄂羅斯方與普魯社構兵亦未南收葱嶺西地中海東皆統於天方之回教

海國圖志

卷二十一

西南洋

節度圖

七

乾隆中西域甫平温都斯坦尚與巴達克山構兵旋為愛烏罕所并嘉慶以來鄂羅斯由黃海攻服黑海各部又沿裏海南侵英夷亦并温都斯坦沂恆河北上于是葱嶺西除布哈爾愛烏罕諸大國外凡裏海游牧回部號韃韃里者皆并於鄂羅斯夾恆河及南洋之城郭回國半屬於英吉利裏海即加士比海海近於鹹海亦名西洋人謂游牧之回英吉利及鄂羅斯二境中所隔數部曰韃韃皆音近國則愛烏罕為大或稱阿付顏尼或曰甲布爾道光十九年愛烏罕與沙蘇野相攻沙蘇野會請救於英夷英

吉利遂起印度各部落之兵并力攻破愛烏罕愛烏罕之酋亦走愬于鄂羅斯鄂羅斯復起駐防韃韃之兵南攻巴社取機洼取木哈臘欲恢復愛烏罕故地以直攻印度英吉利兵據險力拒于是英鄂二邊境僅隔興都哥士一大山而血戰無虛日矣興都即印度二字音轉其山界北中二印度之間愛烏罕國及沙蘇野部落皆在是山之南機洼及木哈臘皆在是山之北而沙蘇野之部落亦有軼出山北者是為英鄂交惡之由與交兵之界沙蘇野三以道光十八年為愛烏罕所破走投援印度時英吉利鎮守印度之大兵帥曰□□副兵帥曰沙機尼遂于十九年七月起孟阿臘孟邁温都斯坦三部之兵使沙機尼將之而沙蘇野酋自以所部兵鄉導時愛烏罕酋自都於加模爾城遣其次子以兵三千五百守牙尼士城長子以兵數千守加布爾城牙尼士城本險固干其城門前復增重濠重牆守禦甚固英吉利軍先營近郊誘戰不出乃督馬礮軍駱駝礮軍步礮軍三路進攻此三軍謂以駱駝負礮以人扛礮也又開天礮擊之天礮者仰空發礮飛墮城中遂偪城而營并以兵扼加布爾援軍之路愛烏罕之

海國圖志

卷二十一

西南洋

節度圖

七



會遣其長子領千五百騎步兵三千由加布爾城赴援  
夾攻後路爲沙蘇野部兵擊退次日遂會各營專攻城  
門更番迭進城內兵亦死力鏖戰既而天礮從空而下  
城中震虢爭潰遁凡二晝夜拔其城擒其次子乘勝兩  
路進攻加布爾城愛烏罕之酋同其長子率兵萬有三  
千守格麻關而軍士奪氣望風解體父子率三百騎走  
保麻緬棄芻糗火礮輜械山積英吉利遂據一城遣沙  
蘇野王復國酌留歐羅巴兵溫都斯坦兵及愛烏罕新  
降兵助守其地此英夷侵北印度之事也愛烏罕既遁

海國圖志

卷二十二

西南洋 北印度屬

事

麻緬則遣使乞師於鄂羅斯鄂羅斯鎮守韃韃里之兵  
帥久豔東南印度之富特隔于各回部至是乘各部自  
闕謀由巴社以圖印度巴社者  
爲巴社巴社雖不屬英吉利而與英吉利睦故英帥律  
屋蘭者以兵助巴社拒之鄂羅斯復以收逃奴爲名襲  
破機注及木哈臘二回部又攻取沙蘇野所屬三部之  
在與都哥士山北者遂駐兵荷薩士河與英吉利中印  
度接界并使人習印度法律言語又購木哈臘人鄉導

無一日忘印度而英吉利亦嚴兵愛烏罕爲備議還舊  
會于故地以息外構而增藩蔽議未定而廣東事起是  
時 欽差大臣赴廣東禁鴉煙罷互市聲其罪惡布  
告諸國其佛蘭西彌利堅警英夷者咸稱快廓爾喀亦  
白駐藏大臣願率所部收東印度 姚瑩康輜紀行廓爾  
與英吉利有隙道光十八九年間英吉利初據廣東廓  
爾喀求助之餉往攻第里入察大臣不知第里入察即  
孟加刺也不許及英夷大擾江浙廓爾喀自以兵乘虛  
攻之大有破獲英夷回救不及乃以所得中國銀百萬  
贖其俘于 鄂羅斯使臣亦自比革爾國都起程赴  
關約中國由緬甸西藏夾攻印度事雖未行而英夷則

海國圖志

卷二十二

西南洋 北印度屬

事

惴惴甚或欲乘鄂國使臣未至速行入寇或料中國疑  
鄂羅斯更甚於疑他國未必遽信其言然南洋西洋聞  
罷市之信各埠茶葉大黃已不肯售踊貴價倍而英夷  
國中繳煙價龍關稅各缺銀千餘萬員諸銀肆復不出  
貸價復翔貴借貸鄰國數百萬充兵餉而彌利堅佛蘭  
西先後在粵請助兵船爲中國効力者屢見於粵中督  
撫及將軍章奏事則可徵也時則可乘也前廓爾喀記  
中以夷攻夷之議尙或迂之而不察故復述是篇而以  
澳門探報附其後



臣源曰由近事溯之乾隆則準酋阿睦爾薩納之來投請兵也盈廷喙拒獨高宗排羣議用之遂一戎衣而定伊犁矣土爾扈特之棄鄂羅斯來附也盈廷喙拒獨高宗排羣議受之并移檄鄂羅斯剖明曲直卒盡臣瓦刺四大部矣由遠事溯之康熙則俄羅斯所部東徂黑龍江聖祖附書荷蘭轉達鄂汗海道往還牛載得報遂擴索倫地數千里矣準噶爾請授兵六萬于鄂羅斯聖祖移書宣示利害絕其糾約噶爾丹敗無可投卒潰竄死矣聖祖籌運於廊廟之間而指麾使於數萬里之外豈不在識夷情洞敵勢哉西藏一陷於準噶爾再陷於廓爾喀彼時氛惡烟熾孰不畏道遠勞師而兩朝深維利害不惜深入撻伐恢域犁庭是以北攝準夷西震印度奔世而後尙有願效馳驅之廓夷夾攻印度之鄂部請助海艘之島國待我驅策同我敵愾故曰天下有道守在四夷此擊則彼應威立則令行事會之來間不容髮哉

附澳門月報即所謂新聞紙  
道光二十年七月澳門接印度五月十四日來信

即中國四月論及鄂羅斯欲攻打印度之事蓋我英月十三日論及鄂羅斯欲攻打印度之事蓋我英國之印度兵攻取興都哥士山近巴南邊各部落而鄂羅斯邊境在此山之北三年前尙有回回四五國互隔英吉利與鄂羅斯屬國之間各遠數百里今止隔一大山而已鄂羅斯近日直攻至韃韃里之機注韃韃里謂游牧回部如哈薩克布魯特之類東起蔥嶺西至裏海南界印度北界鄂羅斯皆是也機注皆因我等攻取阿付顏尼此部原屬巴社今爲英吉利所據在部印皮之西巴社之東北韃韃里之南故鄂羅斯亦攻至荷薩士河近機注地已約木哈臘亦韃韃里南

海國圖志卷二十一西南洋 北印度國 未  
部落近阿同取阿付顏尼部以攻打印度爲我英國兵頭沙阿力山及馬約里治堵禦故計不行鄂羅斯前在希臘巴社國東方部與巴社人立約欲收服阿付顏尼以攻取印度亦因我兵頭律屋蘭所拒巴社即白頭回國南抵海西界都魯機北界韃韃里後詭稱收回逃散奴僕突攻取機注及木哈臘人皆謂鄂羅斯既得此二地當必退兵乃又日日使人學習印度事務又與木哈臘人立約同取阿付顏尼不知鄂羅斯人要何地方肯住手現聞鄂羅斯使者已自比



特革起程由韃韃里到中國此韃韃里謂廓爾喀蒙古蓋凡各游牧部皆謂之必從惠中國人與英國人爭鬪并欲得

北京出 論與緬甸人使引來攻擊不知何時使臣能到得

北京我等切不可閉目不理

鄂羅斯人曾以兵威自黃海攻至黑海一帶地方

以廣其國境所以今日必要隄防其在荷薩士河

駐札之兵前來攻擊倘我將阿付顏尼防兵撤回

則鄂羅斯人必帶領木哈臘之兵同攻阿付顏尼

矣我等今年若將阿付顏尼王復立於加模爾城

海國圖志 卷三十一 西南洋 北印度國 七

阿付顏尼舊部即應帶兵過與都哥士大山取回沙蘇野

所失去之三部落一日袞都斯一日麻爾格一日模特散皆在阿付顏尼之北

哈臘之南然我兵到彼必定遇鄂羅斯兵與木哈臘兵

約會夾攻我兵我兵恐即擾亂而回亦或與鄂羅

斯人相持大抵英鄂二國在阿細亞洲交戰之事

不久即至我等宜先預備出兵矣

南印度各國

南印度地毘連印度海地形如箕海中東南一島名曰

錫蘭東南西三面距海北距中印度西為孟邁一作孟孟買

邁之西海中有島曰檳榔嶼即新埠也其餘小島星布皆無大於此者

海國圖志 卷三十一 西南洋 南印度國 八

南三面皆臨大海為大西洋各國市埠所環據戈什峽

東面沿海地名有三曰網礁臘則英機黎埔頭也曰房

低者里則佛蘭西埔也曰泥顏八達則荷蘭埔頭也其

西面沿海地名有二曰蘇喇曰網買則英機黎埔頭其

地俱紅毛所建置此外又懸一島曰西倫大珠即錫蘭

山也此皆南天竺地

海國圖志 卷三十一 西南洋 南印度國 八

海鏡曼達喇薩在明呀喇西少南由葛支里沿海陸行

約二十餘日水路順東風約五六日俱英吉利所轄地

至此別為一都會有城郭英吉利居此者亦有萬人叙

跋兵二三萬此地客商多阿里敏番即來粵東戴三角

帽者是也土番名雪那里風俗與明呀哩畧同土產珊

瑚珍珠鑽石銀銅絲花訶子乳香沒藥鴉片魚翅玳瑁

牙梭牙形如小洋狗又有金邊洋布價極貴一匹有值

洋銀八十枚者內山為曉包補番曉包補者猶華言大

也本回回種類其間國名甚多疆域不過數百里所織



布極精細大西洋各國番多用之。○笨支里在曼達喇  
 薩西南為佛郎機所轄地由曼達喇薩陸行約四五日  
 水行約日餘即到土產海參魚翅訶子棉花猴梭豕內  
 山亦屬曉包補。○尼古叭當國在笨支里西嶺界中疆  
 域甚小土番名耀亞。○西嶺在笨支里少北又名古魯  
 慕由笨支里水路約六七日陸路約二旬可到為荷蘭  
 所轄地土番名高車子風俗與明呀里畧同內山為乃  
 弩王國土產海參魚翅棉花蘇合油海參生海中石上  
 其下有肉盤盤中生短帝蒂末即生海參或黑或赤各  
 海國圖志 卷二十一 南洋 南印度國 九

肖其盤之色豎立海水中隨潮搖動盤邊三面生三鬚  
 各長數尺浮沉水面探者以鉤斷其蒂撈起剖之去其  
 穢煮熟然後以火焙乾各國俱有唯大西洋諸國不產  
 ○達冷莽柯國在西嶺西北順東南風約二三日可到  
 疆域甚小民極貧窮然性頗淳良風俗與上畧同屬邑  
 有地名珈補者西洋客商皆居此土產海參魚翅龍涎  
 香訶子。○亞英加在加補西北順風約五六日可到為  
 英吉利所轄地土番風俗與上畧同土產棉花燕窩椰  
 子訶子又曰固貞在亞英加西北水路順風約日餘可

到為荷蘭所轄地土番風俗與上畧同內山為曼得尼  
 加國實回回種類土產乳香沒藥魚翅棉花椰子蘇合  
 油血竭砂仁訶子大楓子。○隔瀝骨底國在固貞北少  
 西水路順風約二日可到陸路亦通風俗與上同土產  
 胡椒棉花椰子俱運至固貞售賣內山仍屬曼得尼加  
 ○馬英在隔瀝骨底北少西水路順風約二日可到為  
 佛郎機所轄地土產風俗與上畧同內山亦屬曼得尼  
 加拉在馬英西北陸路相去約數十里為英吉利  
 所轄地土番風俗亦與上同土產胡椒海參魚翅淡菜  
 海國圖志 卷二十一 南洋 南印度國 十

內山仍屬曼得尼加。○馬喇他國此與孟加臘音近地  
 度也母在達拉緒西疆域自東南至西北長數千里沿  
 海邊地分為三國一小葡萄一孟婆羅一麻倫尼為回  
 回種類凡拜廟廟中不設主像唯于地上作三級取各  
 花瓣徧撒其上羣向而拜或中間立一木椎每月初三  
 各于所居門外向月念經合掌跪拜稽首土產棉花胡  
 椒魚翅鴉片。○小葡萄在馬喇他東南沿海邊界由達  
 拉緒向北少西行經馬喇他境約六七日到此為葡萄  
 亞國所轄地疆域約數百里土番奉蛇為神婚嫁與明



呀里同死則葬于土每年五月男女俱浴于河延番僧  
坐河邊女人將起必以兩手掬水洗僧足僧則念咒取  
水饋女面然後穿衣起又有蘇都魯番察里多番古魯  
米番三種多孟婆羅國人西洋人取以爲兵西洋人居  
此者有二萬人士產檀香魚翅珊瑚犀角象牙鮑魚嘗  
有西洋太醫院隨船至此聞其妻死特遣土番齋札回  
大西洋祖家請于國王以半俸給其家養兒女是知此  
地亦有陸路可通大西洋也○孟婆羅國在小葡萄北  
山中由小西洋水路順風約日餘可至國境王都在山

海國圖志 卷二十二 西南洋 南印度國 三

中以竹爲城疆域亦數百里風俗與小西洋同土產檀  
香犀角○麻倫尼國在孟婆羅北水路順風約日餘可  
到疆域風俗與孟婆羅同土產海參魚翅鮑魚二國所  
產貨物多運至小西洋埔頭售賣○益几里國在麻倫  
尼北少西水路順風一二日可到疆域風俗與小葡萄  
畧同土產洋蔥其頭寸餘熟食味極清甜瑪瑙棉花鴉  
片內山亦屬曉包補自曼達喇薩至卽杜土番多不食  
豕牛羊犬唯食鷄鴨魚蝦男女俱戴耳環○孟買在益  
几里北少西相去約數十里爲英吉利所轄地有城郭

土番名以史顏色稍白性極淳良家多饒裕英吉利鎮  
此地者數千里土產瑪瑙大蔥棉花阿魏乳香沒藥魚  
膏魚翅鴉片番靛棉花最多亦南洋一大市鎮也鄰近  
馬喇他益几里曉包補卽杜諸國多輦載貨物到此買  
易其內山亦屬曉包補○蘇辣在孟買北水路約三日  
可到亦英吉利所轄土番名阿里敏土產同上○淡項  
讀平在蘇辣北水路約日餘可到爲葡萄亞所轄土產  
同孟買○卽杜國在淡項北疆域稍大由淡項水路順  
風約二日可到風俗民情與益几里諸國畧同土產鴉

海國圖志 卷二十二 西南洋 南印度國 三

片海參魚翅俱運往蘇辣孟買販賣自明牙喇至此西  
洋人謂之戈什峽總稱爲印度海土人多以白布纏頭  
所謂白頭回也遇王及官長躡身合掌于額侯王及  
官長過然後起子見父母亦合掌于額平等亦如之其  
來中國貿易俱附英吉利船本土船從無至中國中國  
船亦無至小西洋各國者自此以西北海波洶湧一望萬  
里舟楫不通淺深莫測沿海諸國不可得而紀矣其卽  
杜內山則爲金眼回國問其疆域極大不與諸國相  
往來故其風俗土產亦不可得而紀也案金眼回國在  
南印度山內



是中印度之莫臥爾白頭回國也

萬國地理全圖集曰馬塔刺南印度之省會也形勢在北極十三度五分偏東八十度二十一分海邊浪湧濤鳴上岸甚險建城于沙坦居民四十萬餘丁土人面黑而肢骸趨捷能翻飛作劇富戶耗費銀錢造廟造像信佛奉神不悟天主正教英國建礮臺保障防禦其屋建於園裡美花香草芬芳瀰鬱佛蘭西軍屢次攻擊英臺雖然獲勝後亦必退此時英權穩立如磐斷難動移馬塔刺之南為本地治利城乾隆間為佛蘭西守據挑唆

海國圖志

卷二十一

西南洋 南印度國

重

土民肇釁驅英但東得西失惟留本城而已此省內所有大城如左班牙樂礮臺堅固街衢廣麗內有古王宮殿被英軍所攻敗者北刺利建在山頂係要隘欲上山嶺惟有一路防兵乘險開礮無敵敢近撤林居民織造布帛又製火硝骨他巴係罪犯徒流之邑骨他羅利邑屋宇美街衢廣西合牙巴坦昔係王都銳意欲驅英民出印度所募民壯軍士不勝其數因英國之兵奪險備城效死力戰土王戰敗和銀一十萬兩割其國三分之二以免剿滅於嘉慶三年再開釁隙王募四十萬軍士

立心方戰於是英國軍士圍攻城池闖入城內其王被兵刺死遂奪全地為英屬國

又曰網買在南印度之西邊海濱之左昔屬葡萄牙此時歸英建立省會因潮水高漲掘築船廠建造戰艦其房屋甚美其人貴白頭回惟利是圖拜日祀火不葬其屍以供鷹食恒時買賣獲益亦好布施厚賜濟故令天下庶民景仰之也。鄰地豐產棉花大半運赴中國亦有胡椒椰子珊瑚等貨海船至大者載二萬二千五百石入水甚深每年進黃埔厚運貨物省會形勢在北極

海國圖志

卷二十二

西南洋 南印度國

重

十八度五十六分偏東七十二度五十七分天氣熱昔時英人不服水土此時已經開墾安居無恙其居民共計一十七萬丁內有白頭一萬三千口前日地磽人貧今廣開通商之路每年運出物價幾百萬兩日增裕富。網買之北蘇刺城昔大興盛此際漸衰城內有禽獸院養各類老犬老牛亞麥犬八邑乃回回之城居民有十萬丁因地震倒塌屋宇所損不可勝計埔拿城嘉慶年間乃馬刺他之雄都四圍山嶺築建堡臺以防禦國敵英國攻取各臺驅其人而據其地。網買之南有葡



葡藩屬國曰俄亞者長一百二十里闊六十里於明正德五年攻取其地建城保障脅服鄰國立廟造寺養僧無算不久速廢今所留之地物產不多生意亦少○昔荷蘭據海邊之城如可陳等處互市貿易現已割予英人是以沿海各地方大半英人所轄

地里備考曰馬爾地瓦斯國一曰錫蘭山在亞細亞州之南居印度海中北極出地十五分起至七度二十分止經線自東七十度三十分起至七十一度三十分止周圍枕海地不相連環以各島共一千五百座四面相

海國圖志

卷二十二

西南洋 南印度洋

美

向自南而北約二千里其烟戶所在惟四五十島地氣溫和寒暑相稱田土不澤隴畝稀疎穀果甚鮮椰子木多海出龍土產珊瑚玳瑁等物商船絡繹王位相傳所奉之教乃回教也國都在馬劣島中乃通國之首島外國史畧錫蘭山島在印度東南廣袤方圓千一百六十二里居民一百四萬五千六百口北極出地自五度五十六分及九度四十六分偏東自七十九度三十六分及八十一度五十八分地高於海自八十丈及三百丈最高之峯五百處其一曰亞坦之峰有石上足痕或

曰佛足蹟焉西北地低港汊皆流入之夾以最深之海港地形如箕舌時有甘雨地氣常如春時絕不似印度亢熱地多磽產桂皮加非椰子海邊尤豐居人榨其油市與外國土人用象如牛馬多嫩黃青藍各色美玉海產明珠每年約值銀二十萬兩內地多出鹽但五穀不登必買于印度居民有三種一為內地之干地人士民多由五印度來半奉耶穌教餘則拜佛錫蘭島自古有名珍奇鍾萃號為寶渚時有中國大商艘赴島貿易亞西亞各國皆于是港通商明時回回族類由亞拉國來

海國圖志

卷二十二

西南洋 南印度洋

美

侵據此島孝宗宏治年與葡萄牙亞兵船結盟歲貢肉桂皮協力驅亞拉回人遂為葡萄牙亞所據勸土民奉天主教崇禎四年干地王招荷蘭助驅葡萄牙亞而荷蘭復奪海邊各地開埠越百三十年嘉慶元年又為英人攻據自後全島歸英國每年納餉約百萬尚不足供官費然貿易日興所種珈琲樹每年增至數萬石開道院勸民奉耶穌教○其都城曰可倫破在西南海邊居民六萬築礮臺以護之內設大礮三百門于地山水甚美高海面者六百餘丈前與北地未通欲攻擊其酷主不能進



此時開通路輻輳不絕貿易日興其海口曰可道丁馬里又牙利城東南之堅城

又曰馬地威羣島約百八十里偏東七十二度四十八分並七十三度四十八分產珊瑚有沙石亦出椰子粟多沙魚居民勤勞年年將椰油鹹魚貝子玳瑁殼等貨赴印度市以易鐵器布沙糖百姓馴樸今皆遵天主教○臘其地威十七島偏東自七十二度至七十四度北極出地自十度至十二度惟八洲有居民種椰子為飲食民甚貧乏○尼哥巴羣島在印度西海中北極出地

海國圖志卷二十二 西南洋 南印度羣島

在七度產木料其烟瘴各島多出椰子檳榔海出蛤蜊榜海參香涎等物居民惰逸耶穌之徒教化之大尼國在此開埠因瘟疫皆斃道光二十六年再開墾○大尼之北為安他曼羣島土蠻未向化居草寮食魚蠔泥身不衣然善用弓箭互相殺戮其林箐內有紅黑香木但烟瘴太重乾隆五十四年英國人在此開埠旋退去後或有船抵此甫及岸其土民即突出攻擊

海國圖志卷二十二終

海國圖志卷二十三

西南洋

歐羅巴人

侯官林則徐

西印度西巴社國一作包社一作高奢一作報達一名百爾西亞即漢之安息唐

之大食皆屬西印度西地

巴社國又名巴爾齊亞在都魯機之東西與都魯機昆連以戈厘斯頓山為界東與新都司頓昆連以比魯山為界北與俄羅斯韃靼里昆連韃靼里即西哈薩克西布魯特

海國圖志卷二十三 西南洋 西印度國

各以古疏山為界南界海即利瑪竇所謂默生丁海是也史記所載亦古名邦如阿西利阿比比羅尼阿先日之國都即巴社邊界之地也後有國中之西臘土征服巴比羅尼阿遂稱為巴社國以伊士巴舍為國都恃其兵力遂取西里阿伊揖小阿細亞及東界之印度疆域之大古未有綸後以奢淫無度為額力西所覆額力西勒祭在意大里國之東今并於西都魯機遂將巴社印度等處均改為部落至耶穌紀歲三百年漢永康元年始有阿達色爾法奪回巴社自立為王並敗羅汶之兵至七百年間唐武后則為天年間



阿丹所滅改遵阿丹之回教率師東征拓地益廣忽又被都魯機韃韃里互侵國中復為戰場至千五百八十六年明萬曆十四年國中阿巴士糾集部眾悉驅外國之人恢復故都設官立政垂二百餘年復有阿富晏土作亂所過焚戮人民塗炭越十有四年有高里坎王者起兵攻擊阿富晏土自立為王然以暴易暴身沒無嗣頭目爭立為一大將所據稱曰加林坎王在位十有六年身沒國中復亂時耶穌之千七百七十九年也乾隆十四年有聞人阿牙磨哈墨者以兵定亂于千七百九十六年嘉慶元年

海國圖志卷二十三 西南洋 西印度國圖一 二

始立發底阿里沙為王厲精圖治百廢俱舉巴社之瘡痍稍息雖俄羅斯亦常侵擾奪去邊境數部而國中無恙惟屢遭兵亂古昔典冊泯蕩無存改遵回教尊君卑下尙勝于東方諸國各部頭目世襲其職擅財賦兵馬各制一方國王不得過問各頭目角勝爭強人民伺勝負為去就彼勝歸彼此勝歸此故頭目爭結民心以自固國王之女止與教師婚配不下嫁于頭目以其掌兵恐謀篡奪國王額設護衛兵三千謂之王僕步兵萬二千以為外護按名給田耕屯自養其餘兵馬分統於各

頭目遇警徵調可二十餘萬善騎射而辛苦斷敵糧草絕敵水道是其所長曾以此困羅汶後被韃韃里阿富晏土攻敗從此兵威不振近世國王復按歐羅兵法訓練其兵漸還舊觀佛蘭西王前曾遣牙鼎尼求援於巴社以攻英吉利東邊之屬國英吉利旋亦使至巴社力陳利害發佛蘭西詭謀巴社兵遂不東復請英國將官往助訓練故其騎兵輕捷長于鎗劍復有鎗炮步兵萬人皆合歐羅巴法度嗣值巴社與都魯機用兵英國恐已將士助戰生衅盡召回本國其地平遠中央大山起

海國圖志卷二十三 西南洋 西印度國圖一 三

自都魯機之阿彌巴阿至南邊海岸深山大谷洞穴曲通多為盜窟平時專事劫奪有事亦可募為軍鋒北界俄羅斯時虞侵逼故近日國王移都于南并于加士比奄海即裏海也亦名鹹海亦名北海設立水師防衛其國戶口傳聞二萬萬人多黃色壯而不秀客籍流寓種類甚多國中音語不一有額力西者有阿丹者有羅汶者有都魯機者風俗虛假鮮實善諂媚尚禮貌一見如故人始知其知有已不知有人也奢靡甲東方宮室外則磚石閭麗內則陳設璀璨衣飾珠寶一衣有值十餘萬金至二十



三十萬金者命婦衣皆絲縷寬袍大袖不蒙頭不出戶也顏色易凋不十年儼如老嫗母以子貴無論嫡庶尤喜良馬不惜高價其嗜馬之心百物無以尚之惟飲食蔬儉罕供魚肉筵宴賓客僅以果品為豐巴社素稱文墨之邦先日以詩名者有哈斐士長於掄頌有沙底善論風化有法部西工言情歐羅巴之人譯出讀之文奇趣溢各極其妙然古時文學早已殘缺近日王重文學每日必有詩人在側曾對英吉利使者夸贊之每一脫稿即賜一金錢潤筆醫學星算諸館亦與文學並重各

海國圖志 卷二十三 西南洋 西印度國圖 四

有教授傳習之人歲費三四十萬棒故巴社之人多信星卜謂可致富貴歐羅巴人皆不信之俗奉回教以阿厘為宗主阿厘者馬哈墨之兄子亦即其婿也阿厘之教即馬哈墨所傳都魯機阿丹等國均宗馬哈墨何以各有不同互爭得失致成仇敵有謂阿厘之教雖授自馬哈墨然其中悟會亦少有分別各自流傳遂成偏執如巴社禁人不飲酒禮拜火神即與他國回教不同產米麥鹽絲髮五采地氈羊毛綢緞磁器紙皮寶石銅鐵領小部落二百六十有六部落名目原本闕

西印度西巴社回國沿革唐以前非回教已見西印度內唐以後為大食為包社為伯爾西亞國今與英吉利通和非其所屬○原無今補

新唐書大食本波斯地男子鼻高黑而髻女子白皙出輒障面日五拜天神銀帶佩銀刀不飲酒舉樂有禮堂容數百人率七日王高坐為下說曰死敵者生天上殺敵授福故俗勇于鬪土磽礫不可耕獵而食肉刻石蜜為廬如舉狀歲獻貴人葡萄大者如雞卵有千里馬傳為龍種隋大業中有波斯國人牧于俱紛摩地那山有獸言曰山西三穴有利兵黑石而白文得之者王走視

海國圖志 卷二十三 西南南洋 西印度國圖 五

如言石文言當反乃詭眾哀亡命于恒曷水劫商旅保西鄙自王移黑石寶之國人往討之皆大敗還于是遂強滅波斯破拂菻始有粟麥倉庾南侵婆羅門并諸國勝兵至四十萬康石皆往臣之其地廣萬里東距奚騎斯西南屬海中有撥拔力種無所屬附不生五穀食肉刺牛血和乳飲之俗無衣服以羊皮自蔽婦人明皆而麗多象牙及阿末香波斯賈人欲往市必數千人納氈劍血誓乃交易兵多牙角而有弓矢鎧稍士至二十萬數為大食所破畧永徽二年大食王始遣使者朝貢



自言王大食氏有國三十四年傳二世開元初復遣使獻馬鈿帶謁見不拜有司將劾之中書令張說謂俗殊慕義不可實于罪玄宗赦之使者又來辭曰國人止拜天見王無拜也有司切責乃拜十四年遣使蘇黎滿獻方物拜果毅賜緋袍帶或曰大食族中有孤列種世酋長號白衣大食種有二姓一曰益尼末換二曰奚深有摩訶末者勇而智眾立為主關地三千里克夏臘城傳十四世至末換殺兄自王下怨其忍有呼羅珊木鹿人並波悉林將討之徇眾曰助我者皆黑衣俄而眾數萬

**海國圖志** 卷三十三 西南洋 西印度國一 六

即殺末換求奚深種孫為王更號黑衣大食至德初遣使者朝貢代宗取其兵平兩京貞元時與吐番相攻十四年遣使者三人朝東有末祿小國也治城郭多木姓以五月為歲首以畫缸相獻有尋支瓜大者十人食乃盡蔬有類蔥葛藍軍達莖薙大食之西有苦國者北距突厥可薩部地數千里有五節度勝兵萬人土多禾有大川東流入亞俱羅商賈往來相望云自大食西十五日行得都盤西距羅利支十五日行南即大食二十五日行北勃達一月行勃達之東距大食二月行西抵岐

蘭二十日行南都沒北大食皆一月行岐蘭之東南二十日行得阿沒或曰阿昧東南距陀拔斯十五日行南沙蘭一月行北距海二日行居你訶溫多城宜馬羊俗柔寬故大食常游牧于此沙蘭東距羅利支北恒滿皆二十日行西即大食二十五日行羅利支東距都盤北陀拔斯皆十五日行西沙蘭二十日行南大食二十五日行恒滿或曰恒沒東陀拔斯南大食皆一月行北岐蘭二十日行西即大食一月行居烏澗河北平川中獸多獅子西北與史國接以鐵關為限天寶六載都盤等

**海國圖志** 卷三十三 西南洋 西印度國一 七

六國皆遣使者入朝

宋史大食國本波斯別種隋大業中據有波斯西境唐永徽後屢入朝貢乾德四年僧行勸游西域因賜其王書以招懷之開寶中太平興國貢方物自後屢朝職貢不絕其從者目深體黑謂之崑崙奴其貢物有白龍腦真珠玻璃器象牙乳香鑲鐵紅絲杏貝五色羅花香錦繡微水龍鱗銀藥千年棗駝毛褥其國貢使自言與大秦國相鄰為其所屬在都城介山海間土產犀象香藥自泉州西北舟行四十餘日至藍里次年乘風颿又六



十餘日始達其國地雄壯廣大民俗侈麗甲于諸番天氣多寒其王錦衣玉帶躡金履朔望冠百寶純金冠其居以瑪瑙為柱綠甘為壁水晶為瓦礫石為磚帷幕用百花錦宮有丞相太尉各領兵馬二萬餘人馬高七尺士率驍勇民居屋宇略同中國市肆多金銀綾錦工匠技術咸精其能建炎三年奉珠玉寶貝入貢帝曰大觀宣和間茶馬政廢武備不修致金人之禍今復捐數十萬緡以易無用之珠玉曷若惜財以養戰士乃卻貢優賜以答遠人之意紹興初復貢文犀象齒朝廷亦厚賜

海國圖志

卷三十三

西南洋 西印度國

八

而不貪其利故遠人懷之貢賦不絕職方外紀印度河之西有大國曰百爾西亞太古生民之始人類聚居言語惟一自洪水之後機智漸生人心好異即其地創一高臺欲上窮天際天主憎其長傲遂亂諸人之語音為七十二種各因其語散諸五方至今其址尚在名曰罷百爾譯言亂也謂亂天下之言也百爾西亞之初為罷鼻落你亞幅員甚廣都城百二十門乘馬疾馳一日未能周也國中有一苑園造於空際下以石柱擎之上承土石凡樓臺池沼草木鳥獸之屬無

不畢具大復踰千一邑天下七奇此亦一也後其國為百爾西亞所併遂稱今名至今強大國主營建一臺純以所殺回回頭纒之臺成體幾五萬廿年前其國王好獵一園獲鹿至三萬欲侈其事亦聚其角為臺今尚存也又東撒馬兒罕界一塔皆以黃金鑄成上頂一金剛石如胡桃光夜照十五里伯爾西亞地江河極大有一河發水水所及處即生各種名花南有島曰忽魯謨斯在赤道北二十七度其地悉是鹽否則硫黃之屬草木不生鳥獸絕跡人著皮履雨過履底輒敗多地震氣

海國圖志

卷三十三

西南洋 西印度國

九

候極熱人須坐卧水中沒至口方解又絕無淡水勺水亦從海外載至其艱如此因其地居三大州之中凡亞細亞歐羅巴利未亞之富商大賈多聚此地百貨駢集人烟輻輳凡海內極珍奇難致之物往輒取之如寄土人嘗言天下若一戒指此地則戒指中之寶物也貿易通志曰西印度各洲在海中為荷蘭佛蘭西西班牙英吉利分屬之藩國其中耕田之人皆黑面乃田主之奴他國多買雇而用之產白糖咖啡棉花烟酒薑與南海洲相類有古巴者西班牙之新地也道光八年貨



進口價銀千有九百五十萬員出口亦如之船千有八百八十九隻其他埠頭亦出入貨價三四百員英吉利所屬之西印度洲亦如之

萬圖地理全圖集曰白西國即西印度之包社地也南及海隅北至西域裏湖並我羅斯藩屬國東至印度西接土耳其藩屬國北極出地自二十六度至四十度偏東四十四度至六十度其北方有高山數帶自遠視如鉅齒其河不長或入湖或浸於沙地有好馬奇羊國王當周秦年間強服鄰國唐朝年間棄所習崇火拜太陽

海國圖志

卷二十三

西南洋 西印度國

十

之教而為回回往往自東自北有強敵侵其國而逐其君道光年間土君與我羅斯肇衅屢次戰敗割北方全地讓我羅斯而服事之雖英國大臣駐防者苦勸土君堅守然不得其志國王隨意賞罰如令將軍領師交戰而接捷音遂令之割陣亡敵人之耳獲勝是實王釋放戮殺不顧律例凡事自專其宮殿如仙境四面花園水池異鳥香煙縹緲珠玉交輝臣工百僚自視如奴。東北各地交界有西域游牧時時侵犯境界掠民為奴而白西人不得折衝禦防居民共計一千三百萬丁皆奉

回回之教一飲釀酒喜得心花俱開農者勤勞種麥因

無水溝不得植稻葡萄豐生內地草場甚廣喂馬羊剪羊毛造帕氈其價甚貴北地出銅及土油地面有鹽土故田不膏腴土人好字作詩不盡唱和之歡土音和雅聽之如作樂甚好飾身耗費銀錢又買好馬挺鎗躍騎奔騰千里好禮百拜諛諛無實常時食煙遊玩居環土牆內鋪呢氈夏冬洗身眉清目秀其女容儀雅媚但不貴本地之女必由番國買來為妾美豔易凋嫁後七八年形容憔悴男將女嚴禁閨中若出過市則渾身蓋蔽

海國圖志

卷二十三

西南洋 西印度國

十一

貶食省用只務外觀。國之北部如額蘭部在裏海之濱支流灌溉林密草芳省會居民六十萬城多古蹟昔有幾萬居民今頽牆壞壁。馬散地蘭部在裏海四圍高峯山麓平地為牧羊之所。可刺散廣大地方省會米食居民五萬人田畝雖豐游牧賊心肆掠無忌故農夫苦貧。內地之部日以辣山嶺不毛谷內物產甚阜但因戰釁之久遍處頽廢國都地希蘭周圍十四里城池鞏固。益巴罕城屋宇繁多通商富裕晝夜勤勞東南繞土惟葉大城居民繁多生理富盛。法耳辣城郊



外山水清秀國中詩人觀山玩水歌誦吟嘯其補食海  
口與印度國通商運出強馬紅棗珍珠運入各項南產  
布匹白西海隅有惡末嶼古時大市眾商聚會今已廢  
為沙野部內有古蹟花柱舊廟大殿城瓦礫場遊人察  
其古蹟解其碑記乃古白西人崇火拜陽與西國交戰  
與工營築者。法南沿海編小刺地沙惟出棗而已。  
東方克耳曼部居民養羴羊用之以織造花帕其價甚  
貴。西古西但省田肥土茂其河灌溉全境緣賊侵掠  
小民缺于日用。東南有沙野無水其王好戰率兵圍  
甲布王之希辣城欲侵印度賴英國兵帥力行阻禦連  
月奮死擊退

海國圖志

卷二十三

西南洋 西印度國

三

地球圖說白耳西亞國圖說東界亞加業坦國皮路直  
坦國大布加利亞國南界白爾西亞海西界土耳其國  
北界裏海并大布加利亞國其百姓約有九百萬之數  
都城名第希蘭即城內民十三萬大都回回教又另有  
拜火之教名曰太陽教是國昔時威震諸國今不若昔  
矣西北民最眾東南次之中有曠野以牧羊紡織毛布  
呢氈為業好尚服色頗知禮儀言語文式女容雅潔

出外必遍身遮蔽交際專尚虛禮不守忠信遇有疑處  
常食鴉片以解鬱悶然其食鴉片之形狀不似中國而  
與土耳其國相似其飲食不用刀叉匙箸惟以手搏之  
誠不美也自道光年間頻與俄羅斯國暨亞加業坦國  
交戰未分勝負土產氈毯呢羊毛布綢緞葡萄酒羊馬  
棗銅油鹽

再稽聖書所謂古聖人摩西與真神示誠於西奈山以  
色列人奉摩西之諭避麥西國人之害追入紅海真神  
即合水以相滅其山其海均是在是國焉內有至曠之野

海國圖志

卷二十三

西南洋 西印度國

三

人民行走俱跨駱駝以牧羊馬為生所居大都帳房但  
其風俗每多不善遇財即劫誠可惡也土產咖啡棗子  
靛青藥材珠子駱駝良馬其馬上山如平地渡水似浮  
橋日行二百里  
地里備考曰白爾西亞國又曰義蘭曰波斯在亞細亞  
州之中北極出地二十五度三十分起至三十九度止  
經線自東四十一度四十分起至六十一度三十分止  
東至黑拉德阿付干北羅吉三國西連土耳其基國南接  
白爾西亞科曼二海灣北界達爾給厄羅斯二國暨加



斯比約海長約四千五百里寬約三千里地面積方約六十萬里烟戶九兆餘口本國地勢山陵疊起砂磧綿邈河之長者曰給拉曰加倫曰達波曰西達羅干曰的窩盧曰固爾曰給西魯森曰馬三德蘭湖之大者曰塞勒又名都刺海曰詩拉斯烏爾迷亞曰伊里完田土磽瘠惟詩拉斯伊巴汗義蘭馬三德蘭等處平原膏腴穀果豐茂禽獸充物樹木蕭條土產銅銀鐵鉛絲麻烟酒窩宅花石硫磺磁砂磁器縣花珍珠藥材香料大黃鴉片氈毯牛皮等物地氣互異西冷南熱中溫王位相傳

海國圖志

卷二十三

南洋 西印度國圖

西

所奉之教乃回教也技藝精巧人烟幅輳凡與鄰國交易靡弗結隊而行馱負運載本國初併于美地亞國周靈王十二年有西祿斯者復立國基即克服都蘭美地亞暨亞細亞州西方等處越二百零七載傳至達里約有馬塞多尼亞國君攻奪其地迨薨後麾下諸將互分其地各霸一方稱王未幾各嗣君陸續皆被羅馬國君所侵惟本國屢挫其三軍不致盡隸版圖唐太宗貞觀十年爲天方回人侵奪宋理宗景定五年又爲蒙古人兼併越一百二十六載土耳其亞國人逐去蒙古而據

其地其後嗣君暴虐無道康熙三十三年國中變亂廢

弒迭與索非斯君之後裔達馬斯者招兵買馬用賊首

那的爾沙爲將許以重賞率討叛寇大獲全勝盡復失

地其後那的爾沙貪婪無厭以賞不酬功爲詞遂行背

叛將達馬斯君囚而弒之篡位爲王乾隆十二年被臣

所弒其後紛紛爭位干戈四起國之變亂較昔尤甚以

致國人各分黨羽皆欲立其酋爲君殺戮搶奪無所不

至東方各地竟爲阿付干國所獲別建一國西方各地

則被那的爾沙家臣給靈者所據即位後任賢舉能興

海國圖志

卷二十三

南洋 西印度國圖

五

利除害爲一時之明君在位約三十載而殂時其弟薩

的者欲竊君位乃以鴆謀毒嗣君其後妻從子亞里木

拉亦欲竊位聲言薩的欲行篡逆乃率衆攻圍西拉斯

城越九月既陷遂將薩的暨嗣君一併弒害僭立爲君

時國內復亂兵革滋擾乾隆五十年亞里木拉薨後國

事未定其哥麼部酋曰非爾者僭位稱王中涓馬何美

起兵攻之屢戰獲勝而有其國及薨其姪巴塞爾達

嗣立嘉慶十八年與厄羅斯國交兵即義羅斯也又喪

日爾日亞地方於是通國分爲十一部大小不等一曰



義拉亞日迷爾乃國都也建于平原之中一名達巴利一名馬郎德蘭一名義蘭一名亞塞爾拜然一名古爾利一名古西一名發爾斯一名給爾滿一名古義一名哥刺森其通商衝繁之地一名亞不支爾一名本德爾亞巴西一名音西利一名巴爾福祿支

外國史略曰白西亞國北及峩羅斯裏海西域東及西域甲布巴律坦西及亞拉並土耳其藩屬地廣袤方圓二萬二千七百四十里居民二千一百二十五萬北極出地自二十六度至四十度偏東自四十二度至六十

海國圖志 卷二十三 西南洋 西印度國一 夫

度西北多山北地尤高餘皆平坦民皆穿河灌溉海濱廣斥卑濕而熱山亦礮礮無草木惟出馬驢駝羊鼠各多異種又產瓜豆麻烟薑鴉片蘇花乳香阿魏甘棗百果大黃硝硫磺鐵鉛銅鹽道光四年地大震山崩大邑遂多荒蕪○白西亞本古國民昔居山內與他國無往來周朝時有巴比倫國攻擊猶太人虜之陳高祖永定二年白西亞朱魯士王陷巴比倫都釋猶太人厚送財帛再建神殿而阿西亞各地皆服之其子又強陷麥西等國恣其暴虐國人廢之別擇立賢明之大利阿王出

兵西方據地益廣降地中海各島與東北遊牧之徒戰敗退其子悉實又攻據希臘所屬之馬基頓地王歿國為將軍所分及北宋時羅馬人欲占其地與白西國戰屢年不克而退於東晉穆帝時羅馬之君議和以五部讓白西國白西王又奪印度各國連界之亞拉地於齊武帝永明元年與匈奴盟遂廣擴土地自地中海延及印度雖羅馬君亦畏之唐太宗貞觀元年羅馬軍突破其國而亞拉之回王穆哈默亦攻敗白西殺其君強百姓歸回教不服者誅之白西國昔奉星宿太陽自太宗

海國圖志 卷二十三 西南洋 西印度國一 七

貞觀九年始歸亞拉回教至南宋間五百八十四載無所變易及宋理宗二十五年元太祖起蒙古踰葱嶺西征盡降其地封其婿賽馬爾罕為王駐阿母河西北以遙轄之至明洪武時賽馬爾罕王興師而南遍陷其地盡有西域亦奉回教及賽馬爾罕王沒大軍亦旋留諸酋長分鎮各地土耳其人乘間據白西國正德間復歸蒙古雍正元年屢與土耳其峩羅斯兩國結怨白西人素勇直性反復無常乾隆元年有蒙古王霸那得者以本國微遂侵五印度奪其財帛降其百姓性嗜貪境



雖廣歿後白西國遂分爲四各鄰國亦奪其土地俄  
斯兵之在界者屢擊敗白西人道光六年讓裏海邊地  
後白西民又殺俄國公使割其王之鼻耳今王於道光  
十四年卽位受俄羅斯之命攻喜拉城此地尙屬五印  
度英軍擊退之俄羅斯因講和焉其國各有土酋分封  
本蒙古之宗室常反側不安

其產宜麥宜瓜果多馬其民貌美女幼甚麗逾二十餘  
歲遂成老醜俗尙奢靡惟利是圖其屋外樸內華其人  
外謙內詐頗聰明有豪氣能詩文多尙回教喜拜太陽

海國圖志

卷二十三

西南洋 西印度國一

六

火焰多出外國貿易好美其鬚乘良馬家家有浴室甚  
整飾語多亞拉音與土耳其國爲仇製造最巧者花毯  
搭膊布美兵器嵌以金銀並磁器其民不善通商故船  
赴海口者少亦無土產運出

其城邑最北者曰治耳文城在裏海西與俄羅斯交界  
平坦多五穀有油泉自土涌出每日得油千斤有自然  
火由淵上炎五印度敬火之人爭赴此拜之裏海之巴  
古海口可通商。裏海之西曰其蘭部甚豐盛出蠶絲  
多果木水土惡有瘟疫南有溜山路狹難通行其都會

曰勒悉城居民六萬大埠也在裏海。北部之東裏海  
之南有馬撒得蘭部出米穀巴佛居民四萬亞末居民

三萬。阿士搭拉巴部四面雲山麗景如畫。西北之  
部曰亞得比安與土耳其其俄羅斯交界四面皆山卽古  
之他必城極廣大豐五穀並日用各物多耶穌之教  
又有大城曰以利文。哥拉撒與西城白西亞國交界  
地甚廣有鹵野其都曰墨設城居民五萬。以拉部西  
連土耳其亞拉等國地多饒而產穀頗盛農皆守分其  
北方有新立都曰得希蘭城居民五萬大半駐兵冬來

海國圖志

卷二十三

西南洋 西印度國一

六

夏去以免瘟疫其王嘗駐此以拒俄羅斯其古都曰以  
士巴舍城百年前居民百餘萬今荒廢其海口曰布悉  
有貿易無戰船。注斯部之示拉士邑山川秀麗距此  
百餘里有古城

其王專威好殺傲視他國侍衛二千人其都周圍以萬  
騎環之其游牧者各有首領戰卽召之各省所部以隨  
陣各營增至十五萬及二十萬人皆烏合易散近請英  
人及佛蘭西人訓練其兵仿歐羅巴軍令陣法以拒俄  
羅斯然猶不能敵焉政酷而餉重故富戶甚鮮



海國圖志卷二十四

西南洋

邵陽魏源輯

阿丹國一作阿蘭○  
天方回教考

阿丹國一作阿蘭一名阿豚比阿又曰曷刺比亞在阿細亞洲極西南東南西南皆界海北界都魯機東西距千一百里南北距千五百里幅員百十六萬六千方里戶口約千萬名形勢亦居要害惟地多沙石缺源泉惟資山澗灌溉遇沙即滲通國僅有東隅一小港耳西那山伊阿列山郎里山皆最高濱臨西海在墨加默德那各

海國圖志

卷二十四

西南洋 西印度回國一

一

族中不產草木故古咸謂之石阿丹然墨加之地較他處尚稱沃壤產上品乳香其史書經典皆依回教無官無王類以族分每族教頭即部長也內地事牧畜海岸多商賈惟邊界土蠻事劫掠耶穌紀年七百以前唐武鄰國皆亂獮阿丹無恙有馬哈墨者被謫多年收納勇敢教以戰陣值羅汶之衰東征西討西取摩羅果又渡海取呂宋等邊地東取阿沙斯河各地遂創立法制與各教為仇為古今文字之一變傳及其子阿釐嗣衣為大教師初尚揆實迨商旅輻輳漸即樂逸自後復有

哈倫阿爾士支阿爾門二人佐理大與文學日本國疏

疏遂遷於巴社即古時巴比羅尼阿之首區也嗣被韃

韃里侵擾一空謂元代蒙古也退保本國還其樸俗不

與他國往來其濱海西岸復被都魯機奪去越三百年

明英宗正統初距元會統回回祖國值都魯機衰弱始復奪回千七百

三十年康熙五十九年本國忽有微賤之注都阿哈聚集徒黨

欲興復麻哈密之教刪去其附會自謂能知十來有少

年頭目依沙烏信之以兵力迫眾遵從連合各族立為

通國教主以墨加默德那兩處為首區威震鄰國一時

海國圖志

卷二十四

西南洋 西印度回國二

二

稱盛遂率其子阿巴爾臘圖據伊揖磨加等國廣行教化伊揖之巴札領兵拒敵竟擒阿巴爾臘歸國戮之然其教內之人滋蔓難圖地方遼遠兼多曠野可以乘機出擾而外地不能進攻政事以一族為一部每族立一教首各理各族不相統屬故阿丹之族譜推究極詳自古迄今未有改易其族中操權父考謂之小師而於眾小師中議立一師謂之大師各小師均屬之有大小無尊卑大者不能以三目居而小者亦不以臣僕稱也各族均有徽臺牧畜遊牧曠野毋虞攘掠人皆悍鷙好勝



各族亦互相械鬪若能聯族合心齊力實爲勁旅阿細亞洲內強國恐非其敵歷來各國均有更亂而阿丹依然如故此外又有一人曰耶米在僻地獨立一族以貴人執政後有伊滿相繼爲政於千六百三十年明崇禎三年將都魯機人驅逐即擅權爲教主立加底士官以判事焉阿丹之人瘦小面黃多力足智善騎射烏鎗俗尙儉節富者始食稻米皆產他國貧者僅食本地大麥以加非豆柳豆之壳浸水飲之凡菜飯皆調以駱駝乳罕肉食富家宴賓惟潔蔬菜口腹之人眾皆不齒衣則腰帶

海國圖志

卷二十四 西南洋 西印度回國一

三

各纏白布以便插刀惟布帽無論寒暑厚十餘層金綫繡字再垂金銀穗于兩肩其教師均出世家如歐羅巴之俗故師之名雖南面不易國中麻哈密之後裔生齒蕃多雜處民間無處不有其尊貴世家謂之煎里靡其帽貴綠又有哥厘士十二家專司教事亦得冠綠部人望之若神明俗尙劫奪務慷慨行人過境必先求其保護但有一飯之緣即慨諾出力設無保護即謂是應劫之物雖同處款洽而一至曠野無不劫奪如未謀面者然雖被劫之人但尾至其帳尙可動其矜憐不至全受

災害也家居飲食時見有行人必招同餐恐人疑其貧實喜結交多禮節乍見即搖手爲禮曲盡殷勤尊長見卑幼亦然幼稚即習禮儀然皆虛文鮮實器量狹小與人無隙不報不休誤行觸犯亦必報之非特報其本人且必誅及其族中尊貴而後已故出門必攜利器坐以達旦終宵不寐積習牢不可破人多妻妾別內外民婦或可游行若部落之女不蒙頭即不外行較之都魯機巴社防範尤嚴回教原出於阿丹而阿丹又以馬哈墨爲最著迨後又分兩種一曰色底特士教一曰比阿厘

海國圖志

卷二十四 西南洋 西印度回國一

四

教各立門戶常見都魯機巴社與阿丹人爭辯教理成仇反以馬哈墨所傳之教爲邪教是何謂耶惟阿丹人不甚拒絕外教故歐羅巴客商往彼貿易或導人以克力士頓教亦復客留善待不至輕忽拒絕若哇都阿哈之教自爲伊揖敗死後教亦不甚流傳阿丹音語與由斯及巴社等相似其書籍近多散軼因先日奪得外地建造部落時盡將著名書籍先運往賊及至地失而書亦隨淪木國人復又著輯論族類論仇敵論攻擊論遊覽論女人以至小說等書近有小說謂之一千零一夜



詞雖粗俚亦不能謂之無詩才土產加非豆柳豆巴爾色馬香乳香沒藥樹膠沉香馬駱駝阿蘭爲香料聚集之埠頭名馳異域其實本國僅產乳香沒藥巴爾色馬香耳餘俱購自阿未里加洲

萬國地理全圖集曰亞刺伯即天方阿丹回教祖國也此乃半土南及南海北至土爾其藩屬國東接白西及其海隅西及海峽名曰死門又至江海以蘇葉微地速與亞非利加大地北極出自十一度至三十一度偏東自三十度至六十度五十分長四千五百里闊三千六

海國圖志 卷二十四 南洋 西印度國二 五

百里大半沙漠惟出棗南方產珈琲香味價貴土出香料藥材其馬大有名上山如平地落水如浮橋一日能走二百里其駝係國之舟忍耐辛苦陳宣帝大建元年回教始由摩哈麥者生於麥加邑少年商遊西國雖不識字性好默思道理貿易通利一觀本地人民獨拜偶像心內不悅新造教門令妻受之其親戚朋友進教後合爲一會著聖書稱曰可蘭獨一眞主上帝而摩哈麥乃其所差之聖人欲奉事上必每日定期祈禱念經賜濟貧之每年一次連月守齋日間不食必須終年一次

往摩哈麥生死之兩邑附近其慕燒香禮拜禁豕肉飲酒固守死後即昇上界享天女之樂但佛教之徒不肯悅服令摩避危藏身穴內唐高祖武德四年逃麥地拿之邑居民悅接並其從徒以此年爲元紀信徒雲集結羣攻擊次年其敵復來固圍國邑摩哈麥募兵報警征取其礮臺乘機掩殺糜爛其民威權愈重是以使人遍往四方令諸國承其教稍敢忤違率兵剿滅年及五十督兵侵木邑拆壞菩薩齋毀異已土人畏其兵力不敢不信服進貢如是其教廣布西域

海國圖志 卷二十四 南洋 西印度國二 六

西奈山在亞刺西北方商朝年間上帝於此處雷電外立十條誡諭人類敬守。麥加在西方離紅海不遠回民於此集會拜摩哈麥所生之屋於四角一里之殿有黑石古人所敬親嗅七次周行後洗身水源以表滌罪巡行瞻禮上山事竣其罪一概赦免其城之居民三萬丁每因大會生意豐盈。麥地拿係摩哈麥葬處臥於鐵棺回回亦往彼燒香但城褊小房屋不過五百萬年年南海西域西國與亞非虔信士不止數萬起程赴城泛江涉嶽而至大眾繁雜稠擠



地球圖說亞拉比亞國又名亞拉伯國東界白耳西亞  
海南界南海西界紅海北界土耳其國其百姓約有一  
萬之數都城名麥加城內民亦百萬其麥加之城即昔  
回回教主摩哈麥所生之城又一城名麥地拿即回回  
教主葬地故凡西域等國不嫌千里之遠每年必數至  
燒香禮拜蓋昔年回回教主摩哈麥自云奉天神親諭  
令著聖書一册名曰可蘭以示庶人若能信從即享天  
福如遇不信之徒即行誅戮以致亞細亞之西方各國  
不敢不信至禮拜日期亦以此日為例但與耶穌教不

海國圖志 卷二十四 西南洋 西印度國圖二 七

同回教禮拜日在耶穌教禮拜後之第五日也  
地里備考曰天方國又名亞拉亞在亞細亞州之西北  
極出地十二度起至三十四度止經線自東三十度起  
至五十七度止東至科漫白爾西亞工海灣西枕紅海  
南連科漫海灣暨印度海北界蘇埃斯徑暨土耳其亞  
國長約六千里寬約五千里地面積方約八十萬里烟  
戶一京二兆口沙漠居多邱陵甚少一望平原曠野河  
之大者有二曰美丹曰北波其餘小川不注于海田土  
廣齊荒野寥絕東南濱海頗為膾炙土產銅鐵鉛鐵

葉烟蔗香料胡椒蘇花熟皮珍珠白玉珊瑚琥珀砂  
硫磺花石等物禽獸蕃衍馬匹極良地氣互異近日稍  
和各處甚熱泉少水缺人物難堪至于朝綱諸酋統轄  
所奉之教乃回教也技藝庸陋貿易與隆本國自古開  
基以至唐高祖武德五年歷代相傳並無分踞其後有  
本國美加城回人馬何美者布傳新教煽惑民心紳衿  
家皆拂其言且圖杜絕其教乃去美加城入美的納邑  
居無何名溢遐邇投徒甚眾因率之以攻美加城既陷  
其地復強其民遂即位為君敷布新教通國皆從風而

海國圖志 卷二十四 西南洋 西印度國圖二 八

靡奉為聖人及靈嗣君復以新教流布于亞細亞亞非  
里加歐羅巴三州取地甚多其後國勢凌替互相分析  
夷地于土耳其亞國者甚多通國分為六域一名黑德  
倭斯建于山谷之中屋宇宏峻街衢闊直一名耶門一  
名亞達拉毛一名科曼一名刺沙一名內的惹  
外國史畧曰亞拉國半地南及印度海北連土耳其藩  
屬地東連白爾西亞海隅西及紅海為蘇益之微地與  
麥西國隔海峽即回教之天方國也廣袤方圓五萬里  
居民千二百萬地多沙恒酷暑無土產惟海島中產棗



並各樹人賴以活。耶閔部廣袤方圓三千二百四十里居民三百萬口產香馥樹膠沒藥等貨其都曰未加城出珈琲東南及沙漠西及紅海有土會管理與麥西定貢物其城曰撒那。阿曼係東南之地東及白西亞海隅東南有沙漠其君有權勢亦在鄰地或亞非利加兩海邊開埠其城曰母士甲居民萬二千口是最廣之埠。哈查係白爾白亞海隅多海賊。黑查乃紅海濱之聖地有兩邑曰黑加曰米地那那回回所集西北係磽地。內地有尼耶地居民皆背回教。南海邊曰哈

海國圖志卷二十四 西南洋 西印度回國二 九

答毛居民無幾。此地天氣殊異平地尤熱夜則反冷有數處無雨獨降露地乾水鹹亦產麥及甘露聚藤花藥材烟各種樹膠運賣他國馬尤駿善走多駝民食其肉用其毛資其載負來往皆以駝為業多獅駝野羊野獸。土民貧而野好游牧搶劫以帳房為居牲乳為食各立長領雖統屬于土耳其之君而不遵其命隨意恣行有犯之者必殺乃已各族亦恒相犖。其民自古不服他國雖異國犯其界俱未能勝後亦為希臘擊服希臘君亞拉百姓侵據河中間地東漢安帝永初

間又為羅馬國強服其邊地百姓或敬星宿太陽或耶蘇教亦有猶太國人為王禁遏耶蘇門徒于是各族類屢鬪有穆哈默者本為商賈遠貿易與道士往來習印度猶太之經典隱居崖穴忽若神授因自立一教邑之居士不信而驅逐之唐高祖武德二年穆哈默遂往異鄉聚眾起兵立年號自稱天使屢戰獲勝四方雲從勢日益大迫令鄰國之君棄其教而進回教風俗丕變穆既歿其兄子嗣王位益與其教越羅馬之界攻取其大城不肯奉其教者誅焉後侵麥西國疆土日廣于

海國圖志卷二十四 西南洋 西印度回國二 十

是北據是班東服白西亞盡占五印度國如是回回之教四布數百年有麥西賢士著書闢其說為異端由是麥西國領太軍以驅除之其教始漸廢亞拉國分三大分一曰石地一曰沙地一曰豐地石地在西北方猶太人初出麥西國即至此地所謂摩西聖人受上帝命于西奈山即此處也。穆哈默所自出之邑曰墨加者四方雲集無不敬為聖域貿易輻輳米地那者穆所葬墓在廟內輝煌焜耀多不遠千里來禮拜之焉音破者紅海邊之港居民六千墨加之港居民萬



五千商船極多為亞拉最豐之市埠又摩加者居民五千出珈琲東邊莫甲邑最旺相在白爾西海隅有海賊巢穴英人兩次殄滅之。英人在死門海陝開埠曰亞著堆積石炭以便火輪船往來地甚磽居民亦少。吉曼為西南之地大半沙野其都會同名。近日白爾西國王與坐耳其之君分據亞拉之地居民皆在山內不順外國之主祇貢微物而已。

西印度西阿丹國沿革唐以前名條支非回教已

斯阿丹天方默德那等國即回教祖國也。原無分補

海國圖志

卷二十四

西南洋

西印度國一

新唐書波斯居達邊水西距京師萬五千而贏東與吐火羅康國接北鄰突厥可薩部西南皆瀕海西北贏四千里接拂蘇界入數十萬其先波斯匿王大月氏別裔王因以姓又為號治三城有大城十餘俗尊右下左祠天地日月水火祠夕以麝採蘇澤形顏鼻耳西域諸胡受其法以祠祇拜必交股俗跣躄丈夫視髮衣不割襟青白為巾帔緣以錦婦辨髮着後戰乘象一象士百人負則盡殺斷罪不為文書決于廷判者鐵灼其舌瘡白為正器為曲刑有髡鉗別劓小罪形或系木于頸以時

月而置劫盜囚終老偷者輸銀錢凡死棄于山服閱月除氣常歎熱地夷漫知耕種畜牧有鷺能噉羊多善大驢大驘產珊瑚高三三尺隋末西突厥葉護可汗討殘其國其孫奔拂蘇國人迎立之貞觀十二年遣使朝貢其王為大酋所逐奔吐火羅半道大食擊殺之吐火羅以兵納其子龍朔初又訴為大食所侵是時天子方遣使者到西域分置州縣以疾陵城為波斯都督府俄為大食所滅雖不能國咸亨中猶入朝使其子泥涅師為質調露元年詔裴行儉將兵護還將復王其國以道遠

海國圖志

卷二十四

西南洋

西印度國一

至安西碎葉而還泥涅師因客吐火羅景龍初西部獨存開元天寶間遣使者十輩獻瑪瑙牀火毛繡舞筵乾元初從大食襲廣州焚倉庫廬舍浮海走大憚時復來獻又有陀拔斯單者其國三面阻山北瀕小海居婆里城世為波斯東大將波斯滅不肯臣大食後為黑衣大食所滅

明史天方古筠冲地一名天堂又曰默伽水道自忽魯謨斯四十日始至自古里西南行三月始至其貢使多從陸道入嘉峪關宣德五年鄭和使西洋分遣其儕詣



古里聞古里遣人住天方因使人贏貨物附其舟偕行往返經歲市奇珍異寶及麒麟獅子馳雞以歸其國王亦遣陪臣隨朝使來貢宏治三年其王速檀阿黑麻遣使偕撒馬兒罕土魯番貢馬駝玉石正德初帝從御馬太監谷大用言令甘肅守臣訪求諸番騾馬驃馬番使云善馬出天方守臣因請諭諸番貢使傳達其王俾以入貢嘉靖十一年遣使偕土魯番撒馬兒罕哈密諸國來貢稱王者至二十七人所遣使人倍踰恒數番文至後五六年一貢迄萬厯中不絕天方于西域為大國四

海國圖志

卷二十四

西南洋 西印度國一

三

時常似夏無雨霜雪惟露最濃草木皆資之長養土沃饒粟麥黑黍人皆頎頎男子削髮以布纏之婦女則編髮蓋頭不露其面相傳回教之祖曰馬哈麻即漢德首于此地行教死即葬焉墓頂常有光日夜不熄後人遵其教久而不衰故人皆向善國無苛擾亦無刑罰上下安和寇賊不作西土稱為樂國俗祭酒有禮拜寺月初生其王及臣民咸拜天號呼稱揚以為禮寺分四方每方九十間共三百六十間皆白玉為柱黃甘玉為地其堂以五色石砌成四方平頂內用沉香大木為梁

凡五又以黃金為閣堂中垣墉悉以香徽露龍涎香和土為之守門以二黑獅堂左有司馬儀墓其國稱為聖人土產寶石圍牆則黃甘玉兩旁有諸祖師傳法之堂亦以石築城俱極壯麗其崇奉回教如此瓜果咸如中國西瓜甘瓜有一人不能舉者桃有重四五斤者雞鴨有重十餘斤者皆諸番所無也馬哈麻墓後有一井水清而甘泛海者必汲以行遇颶風取水灑之即息當鄭和使西洋時傳其風物如此其後稱王者至二三十人其俗亦漸不如初矣

海國圖志

卷二十四

西南洋 西印度國一

四

又曰默德那回教祖國也地近天方宣德時其酋長遣使偕天方使臣來貢後不復至相傳其初國王謨罕慕德即馬生而神靈盡臣服西域諸國諸國尊為別諸拔爾猶言天使也國中有經三十本凡三千六百餘段其書旁行兼篆草楷三體西洋諸國皆用之其教以事天為祖而無像設每日西向虔拜每歲齋戒一月沐浴更衣居必易常處隋開皇中其國撒哈入撒阿的幹葛思始傳其教入中國迄元氏其人徧於四方皆守教不替國中城池宮室市肆田園大類中土有陰陽星厯醫藥



音樂諸技其織文製器尤巧寒暑應候民服物繁五穀六畜咸備俗重殺不食猪肉嘗以白布蒙頭雖適他邦亦不易其俗

瀛涯勝覽阿丹國瀕海富饒崇回回教阿刺壁言語情性強梗悍戾有勝兵七八千馬步俱精鄰邦畏之自古里國舟西行一月可至永樂九年詔中使賜命其國王遠迎謹甚即諭其國人就互市王頂金冠衣黃袍腰寶粧金帶禮拜則易白纏頭以金錦爲頂衣白袍乘車列象而行將領等冠服有差民間男則纏頭衣撒哈刺錦

海國圖志卷二十四 西南洋 西印度國圖二 五

繡絲細布有靴鞋婦人則長衣頂珠冠綴絡耳金錢寶環手金寶鐲釧足亦有環絲腕金銀器皿絕勝赤金錢曰哺嚕黎重一錢面有文紅銅錢曰哺嚕斯市易用之氣候溫和歷無閏以月出定月之大小夜見月明日又爲一月也有善推步者定某日春則花木開榮某日秋則花木凋落日月交蝕風雨潮汐無不驗者民居累石爲壁上覆以磚或土高至十四五尺市肆熟食及綺帛書籍俱如中國粒食多用酥糖蜜製味極精美厥產有米麥麻豆蔬菜果有萬年棗松子杷擔乾葡萄核桃

花紅石榴桃杏之類獸有象駝牛羊雞鴨犬豬雞狗羊則無角領垂短毛有紫檀薔薇露簷葡萄白葡萄福鹿青花白駝雞福鹿如騾白首白眉滿體網間道青花如畫白駝雞如福鹿麒麟前足高九尺餘後足六尺餘項長頭昂至一丈六尺傍耳生二短肉角牛尾鹿身食粟豆餅餌獅子形類虎黃黑毛鉅首闊口尾稍黑其毛如響聲吼如雷百獸見之皆伏厥貢金寶帶珍珠八寶金冠鴉忽等各種寶石金葉表文

明史阿丹在古里之西順風二十二晝夜可至永樂十四年遣使奉表貢方物辭還命鄭和齋救及綵幣借往賜之自是凡四入貢天子亦厚加賜寶宣德五年海外諸番久缺貢復命和齋救宣諭其王即遣使來貢八年至京師正統元年貢使始還自後不至前世梁隋唐時並有丹丹國或言即其地源案史言丹丹國在振州東

接壤之國若阿丹則在西印度又以赤土爲丹丹則與暹羅之西相去極遠安得混爲一乎地膏腴饒粟米人性強悍有馬步銳卒七八千人鄰邦畏之王及國人悉奉回教氣候常和歲不置閏其定時之法以月爲準如今夜見新月明日卽爲月朔四季不定自有陰陽家推算

海國圖志卷二十四 西南洋 西印度國圖二 末



其日為春首，即有花開。其日為秋初，即有葉落。日月交蝕，風雨潮汐，皆能預測。其王甚尊，中國聞貴，船至躬率部領來迎。入國宣詔，訖徧諭其下，盡出珍寶交易。永樂十九年，中國周姓者往市，得貓睛重二錢許，珊瑚樹高二尺者數株，及大珠金珀諸色，雅姑異寶，麒麟獅子花貓鹿金錢豹駝雞白鳩，以歸。他國所不及也。蔬果畜產咸備，止無鵝與豕。市肆有書籍，工人所製金首飾，絕勝諸番。所少惟草木，國人皆壘石為居室，麒麟前足高九尺，後六尺，頸長丈六尺，有二短角，牛尾鹿身，食粟豆餅餌，獅子形似虎，黑黃色，無斑，首大口，廣尾尖，聲吼若雷，百獸見之皆伏地。

海國圖志 卷二十四 西南洋 西印度國圖二 七

明史嘉靖時製方邱朝日壇，玉爵購紅黃玉于天方哈密諸國，番不可得。有通事言此玉產于阿丹，去土魯番西南二千里，其地兩山對峙，自為雌雄，或白鳴，請如永樂宣德故事，齎重賄往購。帝從部議，已之。此大謬，阿丹購天方何，又再購阿丹，且阿丹去土魯番又豈止二千里耶？當云購玉于土魯番哈密，不可得人言此玉產于阿丹去土魯番密萬二千里，或云玉產天方。又曰坤城西域同回種，宣德五年遣使來朝，貢駝馬時

有開中之令，使者即輸米一萬六千七百石於京，倉中監及辭還，願以所納米獻官。帝曰：回人善營利，雖名朝貢實圖貿易，可酬以直。於是予帛四十疋，布倍之。其後亦嘗貢自成祖，以武定天下，欲威制萬方，遣使四出，招徠。由是西域大小諸國莫不稽顙稱臣，獻琛恐後。又北出沙漠，南極溟海，東西抵日出沒之處，凡舟車可至者無所不屆。自是殊方異域，鳥言侏儻之使，輻輳闕廷。歲時頒賜庫藏為虛，而四方奇珍異寶，名禽殊獸，進獻尚方者亦日增。月盛，蓋兼漢唐之盛而有之。百王所莫並。

海國圖志 卷二十四 西南洋 西印度國圖二 八

也。餘威及於後嗣，宣德正統朝猶多重譯而至。然仁宗不務遠略，踐阼之初，即撤西洋取寶之船，停松花江造船之役，召西域使臣還京，敕之歸國，不欲疲中土以奉遠人。宣德繼之，雖間一遣使尋亦停止，以故邊隅獲休息焉。今采故牘，嘗奉貢通名天朝者，曰哈三，曰哈烈兒，曰沙的，曰哈的，曰蘭，曰掃蘭，曰七克力，曰把力，曰黑，曰俺力，曰脫忽麻，曰察力，曰幹失，曰卜哈刺，曰怕刺，曰你沙兀兒，曰克失迷兒，曰帖必力思，曰火壇，曰火占，曰苦先，曰牙昔，曰牙兒干，曰戊，曰白，曰兀倫，曰阿端，曰邪思。



城曰捨黑曰擺音曰克亂計二十九部以疆域稱小止稱地面與哈烈哈實哈兒賽藍亦力把力失刺思沙鹿海牙阿速把丹皆由哈密入嘉峪關或三四五年一貢入京者不得過三十五人其不由哈密者更有乞兒麻米兒哈蘭可脫吐臘獨也的干刺竹亦不刺因格失迷乞兒吉思羽奴思哈辛十一地面亦嘗通貢

又曰魯迷去中國絕遠嘉靖三年遣使貢獅子西牛給事中鄭一鵬言魯迷非常貢之邦獅子非可育之獸請卻之以光聖德帝竟納之五年冬復以二物來貢既頒

海國圖志卷二十四 西南洋 西印度國圖二 五

賜其使臣言長途跋涉費至二萬三千餘金請加賜御史張祿言華夷異方人物異性留人養畜不惟違物抑且拂人況養獅日用三羊西牛日用果餌獸相食與食人食聖賢皆惡之乞返其人卻其物薄其賞明中國不貴異物不納乃從禮官言如宏治撒馬兒罕例益之二十二年偕天方諸國貢馬及方物明年還至甘州會巡北賊入寇總兵官楊信令貢使九十餘人往禦死者九人帝聞穢信職命有司棺殮歸其喪二十七年三十二年並入貢其貢物有珊瑚琥珀金剛鑽花瓷器鑲服撒

哈喇帳羚羊角西狗皮狒狒孫皮鐵角皮之屬

瀛環志畧曰阿刺伯亞拉彼亞 亞拉鼻亞 阿爾拉

阿丹阿蘭回教初興國也北界東土耳其東界波斯及阿勒富海南距印度海西抵勒爾西海俗稱長四

千餘里廣三十餘里地西南濱海有腴壤中央皆戈壁

商旅必結隊以行否則虞盜劫且慮風沙埋沒物

產唯棗最多人與畜皆食之產名馬牧者愛養如兒子

能一日行五六百里駝尤負重行遠皆賴之又產加

非香料沒藥之類其地古為土夷散部恒役屬於波斯

海國圖志卷二十四 西南洋 西印度國圖二 五

陳宣帝大建元年有摩哈麥者或作摩哈默 又作瑪哈穆特生於麥

加一作美加少年為商往來西國娶富商之寡遂至大

富不識字而性聰敏以佛教拜偶像為非而泰西諸國

耶穌教已盛行思別創教門以自高異入山讀書數年

著書曰可蘭宣言於眾謂獨一真主上帝命聖者教化

世人初命摩西次命耶穌兩人之教雖行然不能徧及

也復命摩哈麥立教以補其缺入其教者焚香禮拜念

經禁食豬肉唐高祖武德四年逃難於麥地拿一作默

的納一作美土人靡然從教即以四年為元紀今回教稱一千

二百幾十年即



本於此歐羅巴則以耶穌生年其後徒黨日眾不入教為元年故稱一千八百幾十年其後徒黨日眾不入教者率眾攻之兵敗徒散收合起遂滅大敵據阿刺伯

全土布其教於四鄰鄰部皆畏而從之回教遂蔓延西

土當其盛時嘗翦滅波斯吞食羅馬猶太買據阿非之

北境紅海地中海裂歐羅之西垂西班牙縱橫三土亞

亞阿非利南岸諸部幾於無敵後為土耳其所攻屬藩盡失日就

加歐羅巴衰微卒乃納貢於土耳其稱藩國焉西域稱摩哈麥為

派罕巴爾華言天使也其苗裔稱和卓木華言聖裔也

巴達克山塔什干皆其支派而霍集占兄弟稱大宗回

海國圖志卷二十四南洋 西印度回國二主

部以為貴種所至輒擁戴之黠虜藉其名以號召回眾

數數犯邊遂為西鄙長患云麥加麥地拿皆在紅海之

濱摩哈麥生於麥加其地有黑石上作大殿周一里許

麥地拿為摩哈麥葬處斂以鐵棺每歲諸回回來兩地

禮拜南洋西域泰西阿非利加近者數千里遠者數萬

里接踵膜拜以數萬計。阿刺伯地分六部首部曰黑

德倭斯都城曰麥加建於山谷之中夏屋雲連街衢闊

直海口甚大出運之貨以加非為主販行歐羅巴各國

其海口在西方者曰熱地富商所萃在東方者曰木甲

與英吉利米利堅定約通商以兵船巡海護之。亞丁小島也在紅海口門之外現為英人所據

按阿刺伯古條支國也回教既興乃有天方天堂等名

皆花門誇耀之稱比其國於天上其實本無此名其國

在波斯之西南前明時累次朝貢多由西域陸路來明

初鄭和等由海道使西洋至天方而止稱為西洋盡處

彼蓋由印度海駛入紅海遂以為海盡於此而不知小

西洋之外尚有所謂大西洋也

佛教興於印度以慈悲寂滅為歸中土士大夫推闡其

海國圖志卷二十四南洋 西印度回國二主

說遂開禪悅一派摩西十誠雖淺近而尚無怪說耶穌

著神異之迹而其勸人為善亦不外摩西大旨周孔之

化無由宣之重譯彼土聰明特達之人起而訓俗勸善

其用意亦無惡於天下特欲行其教於中華未免不知

分量摩哈麥本一市僧忽起而創立教門其禮拜與天

主教同所別異者僅不食豬肉一端而其獸處無倫則

又為泰西諸國之所唾棄乃自李唐以後其教漸行於

西域今則玉門以西盡亞細亞之西土周迴數萬里竟

無一非回教者嗚呼鼠蟻蝨甘帶孰為正味乎正難



為昧任侏僂者深求也惟腥羶之俗蔓延中土爾復毒  
驚自為一類非我族類實逼處此終貽江統憂爾

後漢書東漢和帝永元九年西域都護班超遣掾甘英  
往通大秦抵條支臨海欲渡安息西界船人告以海水

廣大往來須齋三歲糧英疑憚而止大秦屢欲遣使於  
漢為安息遮遏不得通桓帝延熹九年其王安敦遣使

自日南徼獻象牙犀角瑇瑁始得一通云考泰西人  
地圖安息即今之波斯條支即今之阿刺伯東漢時大

秦即意大理正當全盛未分東西詳意大其國都在意  
海國圖志卷二十四西南洋 西印度回國二

大里之羅馬東境至西里亞猶太即唐書之與安息接  
壤若由安息往大秦渡媯水入安息境約三千餘里即

波即已入大秦東境今土耳其其東土美索不再西北行  
約三千餘里今土耳其其東土美索不再西北行

北境今土耳其約二千里至意大里之東北境今奧地又  
西南行千餘里即至大秦都城羅馬計陸路萬里而近

自西里亞以西皆大秦地漢書所云從安息陸路繞海  
北行出海西至大秦庶連屬十里一亭三十里一置從

無盜賊寇警者的確不誣又云道多猛虎獅子遮害行

旅不百餘人齎兵器輒為所食按西里亞以西皆大秦  
名都大邑四達通衢安得有猛獸遮害行旅蓋安息貪

繪絲交市之利必不欲大秦之通漢故為此誣說以阻  
漢使之西行所謂遮遏不得通者此也若由條支從海

道往則阿非利加之大浪山一路自明以前未通舟楫  
即今歐羅巴諸國貨船往來之歐羅巴東來海道率取

路明宏治間葡萄牙始創行之歐羅巴東來海道率取  
道於地中海紅海條支都城在麥加乃紅海北岸漢書

支城在山上周迴四十餘里正今之麥加城也而其東境又臨阿勒富海甘英  
所臨之海未知其為阿勒富海抑即紅海若為阿勒富

海則須繞條支三面之海計水程六七千里至紅海之  
尾而海盡行陸路一百七十里地名蘇爾士至地中海

之東南隅再登舟西駛約六千餘里而抵大秦都城即  
馬計水程一萬三千餘里若所臨係條支都城之紅海

則西北駛千餘里已至紅海之尾計水程不足萬里中  
間隔陸路一百七十里不能一帆直明以前歐羅巴大

即因此阻隔海國聞見錄所謂恨不能用力截斷者也  
近年英吉利用火輪船遞送文報皆由此路地中海另

有火輪船接遞然舍此別無道路計其水程則四五百里  
亦不過兩三月半載儘可往返何至須齋三歲糧蓋安



息總不欲大秦之通漢故使西界船人麥加距安息已遠廿英所臨之海當係阿設此詞以難之甘英憚於浮海遂中止耳至

安敦之入貢由日南徼外即今越南南境之占城一帶

乃由紅海駛入印度海東南行至蘇門答臘噶羅巴之

巽他海峽轉而北行入南洋抵越南之南境今歐羅巴

諸國由粵東繞阿非利加至印度海後亦由此路若從

陸路須由日南歷暹羅緬甸抵東印度越中印度至西

印度無論中間歷數十番部使幣難通而西印度以西

仍須經遮遏之安息方達大秦東境故知其必由海道

海國圖志 卷二十四 西南洋 西印度回國一

無疑也。大秦國之北方亦有陸路可通中國須從塞

地利亞東北行歷我羅斯南境至裏海之北岸轉而東

行歷西域游牧城郭諸部可抵玉關此則不入安息境

無從遮遏之矣然兩漢時大秦北境至日耳曼而止塞

地利亞以東以北皆匈奴別部時我羅斯尚未立國時擾大秦邊

境斷無可通之理故通中國惟安息一路既為所遮遏

不得不由海道也

案匈奴別部指今俄羅斯南部薩加社日爾日阿斯

達拉岡荷倫不爾厄然後由北哈薩克中哈薩克霍

罕安集延布魯特以達西域至玉門也

島夷志畧天堂地多曠漠即古筠冲之地風景融和四

時如春田沃稻饒居民樂業雲南有路可通一年之上

可至其地西洋亦有路通名為天堂有回回歷與中國

授時歷前後只爭三日其選日永無差異氣候暖風俗

好善男女辨髮穿細布長衫繫細布袖地產西馬高八

尺許人多以馬乳拌飯為食則人肥美貿易之貨用銀

五色緞青白花器鐵鼎之屬

海國圖志 卷二十四 西南洋 西印度回國一

美



海國圖志卷二十五

邵陽魏源輯

案今天山以南玉門以西環慈嶺東西南北延及鹹海裏海之左右分亞細亞洲之半蔓延及於內地各府廳州縣無不有清真寺禮拜寺者中士士大夫之無識者或從之其人率陰鷲寡廉恥甘居人下而中懷叵測自為一族海宇承平可無大患然其凶狠猛烈之氣固難化也考回教

各國回教總考

海國圖志卷二十五 西南洋 西印度回國三

案阿丹默德那皆天方也而明史分三傳蓋方其盛時則巴社等國亦皆并于天方其後分為數國而教仍一教是一國不足以該回教回教亦不專屬一國故別為總考于後

杭世駿景教續考曰西域三教曰大秦曰回回曰末尼大秦則范蔚宗已為立傳末尼因回回以入中國獨回回之教種派蔓衍士大夫且有慕而從之者在唐時史固稱私創邸第佛祠或伏甲其間數出中涓橋與軍人格圖等舍光門魚契走城外而摩尼至京師歲往來

西域商賈頗與囊橐為姦李文饒亦稱其挾邪作祟

淫宇內則其可絕者匪特非我族類而已作景教續考

回回之先即默得那國國王穆罕默德四譯館考作生

而靈異臣服西域諸國尊為別語拔爾華言天使也而

天方古使稱阿丹奉真宰明諭定分定制傳及後世千

載後洪水泛濫有大聖努海受命治世使其徒眾四方

治水因有人焉此去阿丹降世之初蓋二千餘歲後世

習清真教者乃更衍其說曰阿丹傳施師師傳努海海

傳易卜刺欣欣傳易司馬儀儀傳母撒撒傳達五德德

海國圖志卷二十五 西南洋 西印度回國三

傳爾撒爾撒不得其傳六百年而後穆罕默德生而曰

哈聽猶言封印云具見天方古史又言國中有佛經三

十藏自阿丹至爾撒凡得百十有四部如討刺特降與

之經則通爾降與達五引支納降與爾撒皆經之最大

者自穆罕默德按經六千六百六十六章名曰甫爾加

尼此外為今清真所誦習者又有古爾阿尼之寶命真

經特福西爾噶最之噶最真經特福西爾噶吸堤之哨

希德真經特福西爾白索義爾之大觀真經密邇索德

之道行推原經勒瓦一合之昭微經特卜綴爾之大觀



經侏僂昧任不可窮詰而其隸在四驛館者回回  
入館之首問之則云書兼篆楷草西洋若士魯若天方  
撒馬爾罕占城日本真臘瓜哇滿刺加諸國皆用之今  
考其教之入中國者自隋開皇中國人撒哈八撒阿的  
幹思葛始故明初用回回歷其法亦起自開皇至唐元  
和初回紇再朝獻始以摩尼至其法日晏食飲水茹葷  
屏酒酪見新唐書二年正月庚子請於河南府太原府  
置摩尼寺許之見舊唐書明洪武時大將入燕都得秘  
藏之書數十百冊稱乾方先聖之書中國無解其文者

海國圖志 卷二十五 南洋 西印度回國三

三

太祖敕翰林編修馬沙亦黑馬哈麻譯之而回回之教  
遂盤互於中土而不可復遺矣至於天方則古筠冲地  
亦名天堂本與回回為鄰明宣德間始入貢而今之清  
真禮拜寺遂合而一之念禮齋拜朝互之類月無虛夕  
異言奇服招搖過市而恬然不以為怪其亦可謂不齒  
之民也已道古堂文集

每月統紀傳曰亞非哩加東北對面隔紅海有長地稱  
為亞刺伯三邊及海縱橫遼闊荒蕪沙漠天氣甚熱飛  
沙走石土民游牧不知農務乳酪為食擄掠行旅其南

方肥茂宜五穀多果實古時居民崇太陽星辰以為神  
明猶太民亦遷移立國耶蘇之徒廣布教然道理不正  
經初差毫厘後謬千里陳宣帝大建元年有穆罕默德  
生其地為回回開基之祖儀容俊偉少時家貧服賈遠  
游徧交異國人廣擴見識體察人物之性不舍晝夜推  
窮義理累入深幽無人之處將本地所崇教門千思百  
索默尋根原竟捕風捉影水中撈月立新教其妻并家  
人拜服視之若聖言已奉上帝之命教化天下上帝獨  
一位而穆乃其聖差眾人信服戒犬豕酒醴不崇偶像

海國圖志 卷二十五 南洋 西印度回國三

四

而拜天地之主各人進教宜割元陽之皮為號欲享天  
樂必須洗身清潔每日三次念經施濟貧民每年一次  
連日守齋家有有力者一生必一赴穆之墓行禮拜神有  
不遵教者立攻伐戮殺凜循法度者為教除害不顧生  
死者身後升天堂享天樂國人有不信其教戲笑譏訕  
者穆潛身穴內假與神使對晤奉天命以聳眾唐高祖  
武德四年密計露出城中人歃血欲殺之穆潛竄山洞  
其僮遍訪至洞但見蛛網塞口遂返穆既免難益自負  
入城復宣前教眾漸信從久遂尊為聖人敵國環而攻



之領萬眾圍其城，穆立排柵築重城，深壕塹，守禦甚嚴。敵拔寨退兵，穆引軍而出，左衝右突，盡虜敵人，威振西海。遠近皆敬之，如神。日增倨傲，性耽安逸，奪其繼子之妻，托言奉天之命，辯駁者立斬。倣起兵，強服猶太國人，率兵千四百名，佯稱拜神於本邑之廟，乘機誘說鄉人信從。後率眾取其邑，盡壞偶像，獨留黑石，令人於此處拜神。兵強國富，西征東討，廣布教化，遂奪亞刺伯全地為游牧之處。其時隔地之羅馬國，地廣大，與亞喇伯交界，穆發兵乘虛入羅馬境，不復戀戰而退，自覺死在

海國圖志

卷二十五

西南洋 西印度回國三

五

且夕勸其黨羽，固執其教無改。案西洋人崇耶穌，闢回教，故語皆詆斥，今去其已甚，存其大概，惟言穆罕默德生于陳宣帝大建元年，足補諸書所未備。

廣東通志曰：南徼外占城，以至西域，默德那國，其教專以事天為本，而無像設。其經有十三藏，凡三千六百餘卷。其書體旁行，有篆草楷三法。今西洋諸國皆用之。又有陰陽星歷之類，其地雖接天竺，而與佛異俗。牲非同類，殺者不食，不食犬豕肉，無鱗魚，謂之回回色目教門。今懷聖寺有番塔，創自唐時，輪囷直上，凡十六丈五尺，每曰禮拜者是也。然亦有占城諸國人雜其間，宋岳珂

程史云：番禺有海獠，雜居其最豪者，蒲姓，本占城之貴人也。既浮海而遇風濤，憚于反復，乃請于其主，願留中國，以通往來之貨。歲益久，定居城中，屋室少侈，靡踰禁。使者方務招徠，以阜國計，且以其非吾人不之問，故其宏麗奇偉，益張而大，富盛甲一時。紹熙壬子，先君帥廣，余年甫十歲，嘗游焉。今尚識其故處，層樓傑觀，晃蕩絳，不能悉舉矣。番性尚鬼，而好潔，平居終日，相與膜拜祈福，有堂焉，以記名如中國之佛，而實無像設。稱謂荖牙，不知何神也。堂中有碑，高表數丈，上皆刻異書，如篆籀，是為像主，拜者皆跪嚮之。且輒會食，不置。七箸用金，銀為巨槽，合鮭炙梁米為一灑，以醬露散，以冰腦坐者，皆置右手于褥下，不用曰：此為觸手，惟以溷而已。羣以左手攫取飽而滌之，復入于堂，以謝居。無澳區，有樓高百餘尺，下瞰通流，謁者登之，以中金為版，施機蔽其下。奏厠鏗然有聲，樓上雕鏤金碧，莫可名狀。有池亭，池方廣數丈，亦以中金通甃，制為甲葉，而鱗次全類。今州郡公宴燎箱之為而大之，凡用鏗鏗數萬，中堂有四柱，皆澆水香高貫于棟，曲房便榭，不論常有四柱，欲狃于朝。

海國圖志

卷二十五

西南洋 西印度回國三

六



船司以其非嘗有恐後莫致不之許亦臥廡下後有窾  
堵波高雲表式度不比宅塔環以甃爲大址纒而增之  
外圍而加灰飾望之如銀筆下有一門拾級以上由其  
中而圍轉焉如旋螺外不復見其梯磴每數拾級啟一  
寶歲四五月船將來羣番入于塔出于寶喇喇號呼以  
祈南風亦輒有驗絕頂有金雞甚巨以代相輪今亡其  
一足他日郡以歲事勞宴之迎導甚設家人帷觀余亦  
在見其揮金如糞土與皂無遺珠璣香貝狼籍坐上以  
示侈帷人曰此其常也後三日以合薦酒饌燒羊以謝

海國圖志 卷二十五 西南洋 西印度回國三

七

龍巖撲鼻奇味不知名皆可食迥無同槽故態羊亦珍  
皮色如黃金酒醇而甘幾與厓密無辨獨好作河魚疾  
以腦多而性寒故也余後北歸見藤守王君與翁諸郎  
言其富已不如曩日池園皆廢云

西域圖志 回人尊敬造化之主以拜天爲禮每城設禮  
拜寺始生教主曰天主也天主再世號曰派噶木巴爾  
每日對之誦回經五次初次寅時二次未時三次申時  
四次酉時五次戌時拜畢則宣讚其義畧云至尊至大  
起無功了無盡無極無象無比無倫無形無影大造化

天地主兒凡有職之人與夫誠心守教法者莫不如是  
每七日赴禮拜寺誦經一次務集四人合誦不論貴賤  
貧富皆然回人通經典者曰阿渾爲人誦經以禳災迎  
福每遇大年小年詳見上歲時條阿渾誦阿伊特瑪納斯經爲  
眾所佑眾人饋贈衣帽一襲遇青草富生時有牲畜之  
家每十羊出一牽三十牛出一頭送阿渾爲敬天禮阿  
渾代眾誦經所佑牲畜蕃滋倘有贏餘牛羊卽以之濟  
給貧乏不自私也一歲之中富貴者有大事則大餽阿  
渾自千金值物至數千金不等於派噶木巴爾前誦哈

海國圖志 卷二十五 西南洋 西印度回國三 八

提密爾蘇爾經一次謂之大布施餘物亦以濟給貧乏  
其好善敬天之人隨時致禮阿渾流其誦經派噶木巴  
爾來世先立祠堂奉香火名曰瑪咱爾每年兩次眾人  
赴瑪咱爾禮拜誦經張燈於樹通宵不寐瑪咱爾有香  
火田畝以供祭祀之需又回國前有得道者如哈帕體  
和卓布楚爾哈爾和卓輩共有七人每月四次眾人餽  
送阿渾向七和卓像禮拜誦經貧富貴賤皆然遠行則  
功禮物於阿渾令其誦經保佑疾病其所禱請亦如之  
回部西有默引默德納爲回回祖國回人凡終身必親



往禮拜一次以答鴻庥辨裝爨糧往還期以三年惟富者能酬其願貧無力者不能也亦有附香火之資於富室以借往者

西域聞見錄回地之始立教者曰嗎哈木苗回人稱之曰烏魯克大牌罕帕爾也謂去今時乾隆三十七年

凡一千一百七十餘年所傳經一卷曰闊爾罕凡三十篇經內皆教人敬天積福行善禁服紅赤謂招兵劫之思男服白女服黑謂火勝金水尅火也其行教者清晨禮拜畢即登高喚醒眾人為工作役晚則登高作樂向

西送日無畫像設奉教傳法者曰阿渾不受職不戰陣不飲酒不吸烟其講誦勸化回人咸尊敬之以三百六十日分十二月有十二支無天干每月以初見新月之

次日為朔單月為大建雙月為小建無閏月每十二月畢再加六日以補足小建之數不知推算日月交食也其經類佛說咒語談因果性命之旨阿渾僅能粗講大意其深微亦莫能曉也其經云天地日月乃覆載循環當為上祭山川水土乃資養萬物利于人者當為中祭家堂墳墓乃人之根本為下祭每家門外築土為壇坐

海國圖志 卷二十五 西南洋 西印度回國三 九

西向東名曰瑪雜木爾為禱祝禮拜天地日月及向西誦經之所此其上祭也喀什噶爾之北八千里有雪山名圖書克塔克高峻無路可上惟石躡一徑盤旋七八里其土有干岡周三十餘里草肥水碧境界靈秀四面懸崖可望而不可即遙望其西有大孔穴曰圖書克洞土人言此洞乃牌罕帕爾之大弟子羅賀滿梯入其中修心學道升天之處人若虔心往拜尙能現形曾有見者故回會布拉尼整每新年第一日必親往禮拜至今回人常往望山叩拜以山中多熊虎蛇蟲故不敢深入

海國圖志 卷二十五 西南洋 西印度回國三 十

也又山雪冬積夏融乃先聖人因其地無雨澤且聖蹟神山恐人踐踏故常存不化之冰雪滋育生靈回人每秋收後備糧作餅餌望祭此酬山酬水之中祭也每日三餐每未食之先必往家堂望叩先祖是謂下祭回人無姓氏三世之內曰近族兄弟之子女互相婚配三世而外則無倫序惟以長幼分坐次年長者為尊年幼者為卑每年終前一月即把齋據牌罕巴爾經云此一月乃先聖人等避難之月大眾應日則把齋夜則念經日出之前早食月出以後晚食如此一月則聖人之難可



脫各人先祖亡魂盡可出離災難其持齋服人亦假聖人之力而脫災難又一日曰庫爾板阿依特經云是日當念經禮拜通禮送崇又一日曰鄂舒爾係牌罕帕爾之外孫依瑪木哈散等被賊殺害之日牌罕帕爾于是日作樂誦經超度亡魂故回人依制亦于是日前經以超度父母早生天界又一日曰都瓦係牌罕帕爾超度一切冤魂孽鬼歸坐各享烟火之日故回人于此日各上墳哭祭又一日曰巴拉特係上天鑒察人過惡之日故俱誦經贖過喀城東約五里餘有墳園土人名曰瑪

海國圖志

卷二十五 西南洋 西印度回國三

二

天方考考上源

維初太始萬物未形無方無似天地既闢乃集氣火水土四行之精造化人祖阿丹于天方之野天方居崑崙之陽處三洲之極中為聖賢首出之地天方與地經曰地為圓體乃水土相合而成土居水面四分之一地之半面分為三東土西土中土自東至西作一直線自南至北作一橫線兩線相交為十字形天方當其十字交處為天地之樞紐故萬方環向焉阿丹生育子孫聖聖相承其修道立教之規皆阿丹奉真宰明諭定制傳世無一出于凡造阿丹千餘載後洪水泛濫人民漂沒三月而洪水退有大聖努海受命治水使其徒眾分往四方去阿丹降世之初蓋三千餘歲矣四方地氣不齊故人之散處四方者語言文字風俗不能一致去古近者其教猶存去古遠者其教遂失故四方之教多非古教惟天方得上古真傳阿丹受真宰命傳與施師師傳努海海傳易卜刺欣欣傳易司馬儀儀傳母撒撒傳達五德德傳爾撒撒死不得其傳綱紀墜落異端蜂起又六百年而後穆罕默德生以天方帝胄生而神靈以大德王天下西域諸國其上尊號曰倍昂伯爾即派罕巴爾凡天

海國圖志

卷二十五 西南洋 西印度回國三

三



方受命行教同是聖人而有四等行教而微有徵兆者曰聖人如脫魯持郁實父是也行教有徵兆而救之以經旨曰欽聖如施師葉爾孤白素來馬尼是也行教救以經旨而能因時制宜損益先聖之典者謂之大聖如努海易卜刺欣母撒達五德爾撒是也其受命行教特受大典總革前聖之經為天下萬世率由之準者謂之至聖惟穆罕默德一人而已其未生也父額有珠九之相既生而胸有天使之文及長入山得元石之瑞其生平靈異材藝不可殫述其功之大者一日刪經經即真

海國圖志 卷二十五 西南洋 西印度國三

宰降與前聖凡百十有四部如討刺特經降與母撒則連爾經降與達五德之經名引支勒經降與爾撒之經名皆經之最古者自穆罕默德出真宰悉命裁革乃授之以甫爾加尼經六千六百六十六章共三十册包括前古經文于其中甫爾加尼者華言寶命真經也蓋自爾撒去世六百年異端紛擾古經訛謬是以聖人奉命刪定存真去偽由博返約而後蕩蕩平平萬古不易二曰定制如齋拜婚喪律度權衡大而朝廟禮祀小而飲食起居以及天地山海禮樂文章醫卜術數之類皆總前聖之精微而集

其大成如一日五禮晨禮始于阿丹晌禮始于易卜刺欣哺禮始于郁納息昏禮始于爾撒宵禮始于母撒至穆罕默德始兼而用之一日五禮七日一聚一年二會一齋會晨禮四拜晌禮十拜哺禮四拜昏禮五拜宵禮九拜聚禮十拜會禮二拜惟大人有明禮有夜功有禮親之禮禮親二拜明禮夜功無數穆罕默德以其教傳子孫傳弟子分適殊域廣行教化其為教也以默識主宰為宗以敬事主一為功以歸根復命為究竟敬服五功天道盡矣敦崇五典人道盡矣五典同儒五功者一

海國圖志 卷二十五 西南洋 西印度國三

念真二禮真三齋戒四捐課五朝覲天闕也時念真宰有口念曰禮五時有散禮歲齋一月盡絕葷肉歲捐課財謂舍于終身一觀天闕天闕即天方凡修教之人無論何國終身必往天方瞻禮聖墓親撫元石以示歸敬是謂借有形之朝覲以寓無形之朝覲

天方教考下

天方經以甫爾加尼經為最大諸大弟子發明之者如曰噶最真經曰咱希德真經曰大觀真經曰昭微經曰費隱經曰研原經曰道行推原經曰真光經天方諸賢



若查密爾氏暨阿補德歐默爾輩皆著有成書如密爾  
索德勒瓦一合額史爾等經既行于天方又傳之東土  
文義聳牙詘屈不能通于儒康熙中有金陵劉智者彼  
教中人也會通東西之文譯為天方性理天方典禮一  
書因經立圖因圖立傳冠以五章首言大世界理象顯  
著之效及身心性命所藏之用聖凡善惡之由末章總  
合大小世界分合渾化之理而歸于一真大都天分七  
重氣分七行地分七洲人分七等其禮拜亦以七日為  
期七天者即七政天惟其上第八庫爾西天第九阿爾

海國圖志

卷二十五

西南洋 西印度回國三

七

實天總包諸天之外華言無可譯則仍其舊名然各重  
天皆有廣輪里數愈上愈廣即阿爾實庫爾西亦各有  
若干萬里則仍即歷家之恒星天宗動天而已人分欽  
聖眾聖大賢智慧廉介庸常冥頑七等分配七政而有  
至聖大聖以配阿爾實庫爾西二天至聖惟穆罕默德  
一人七行者於金木水火土外增氣為一行凡風雲雷  
電皆是也靈活為一行凡動走飛潛皆是也七洲之說  
未詳其目諒亦取西洋五洲而增之其教以真宰為主  
真宰者生天生地生人生物網維理數宰制萬有人之

性命皆所賦予故必生時以主宰為趨向而後沒時歸  
根復命仍還于主宰其諦言篇曰我證一切非主惟有  
真主止一無二我證穆罕默德是主差使我信主本然  
以其妙用尊名我承主一切法則我信真主信一切天  
神信一切經書信一切聖人信後世信善惡有定自主  
信死後復生清哉真主世讚歸主萬物非主惟有真主  
其主至大無時無力惟以尊主民常篇曰維造物皇恩  
誕敷寵錫加我愚氓品類時出五室以居木竹石土革  
五鑽以用金銀銅錫鐵五服以衣棉絲麻葛裘五食以

海國圖志

卷二十五

西南洋 西印度回國三

七

食穀蔬果肉飲五食各五五穀五蔬五果以利民事以  
五肉五飲共二十五品宏道績老得以終幼得以育嗚呼皇恩厚哉寵錫殷哉  
惟造物皇德大垂眷顧重我生民張陳萬物民用是足  
我民不智亂厥置位聖人明聰無忤無拂審形辨義以  
物付物順物材物以不負物物乃又義乃成民斯利益  
集義利而成德以德報德是為至德嗚呼皇德深哉仁  
愛淵哉名無可名意無可意居處篇曰居近仁處近義  
非其隣不宅穆民忌野居穆民猶野居近智先隣  
而後宅以親賢正不危居不孤處不坐卧於寺不入寓



於遠譯之鄉墳原不寺園圍無家禁地之中無敢私舍  
淫亂之家不過其門非我族類必有表記凡我域中不  
容毆君堂不容祝虎院不容佛室道觀以不眩亂于吾  
民毆君堂天主教也祝虎院俗謂挑筋教也冠服篇曰服有常制非其位不  
服其服王用弁冠冠上着頂頂之數不一視所屬王國  
多寡為定掌一王者一頂掌二王者二頂掌四五王者  
四五頂頂皆重寶為之天方稱大國者九十有四稱王  
者五十餘方言稱王曰蘇魯禮稱帝者七方言云墨利奇而統屬於魯密  
之一君所謂帝之帝君之君也其冠但一頂無二王衣  
海國圖志卷二十五西南洋西印度回國三七  
金絲織繡略如東土惟不用鳥獸龍鳳為章惟以山水  
藻卉相臣銀繡金素百官銀素以職異制士緣帛民素  
布狹其袂冠一以巾以職異制夷奴短褐民不衣帛不  
以金銀飾惟婦女金帛無忌男子不衣艷色禮官尚白  
刑官尚墨聖王尚綠庶民上黃夷役青靛母着異冠異  
服惟適異國遵其國制飲食篇曰飲食惟良必慎必擇  
良以作資乃益性德禽食穀獸食芻畜有純德者良若  
雞鳧雁雉穀食者也若鹿麋獐麝芻食者也穴屬有兔  
潛屬有魚蠃蟲之屬有蝨免食之可魚食之常蝨食之

變利于大獸牛馬作膳馬驢乘負駝曰大牲宜祀宜貢  
祀則不以負非大事不宰駝非寶會不宰牛市有牛屠  
聖化不人若草與木有良有毒若鳥豎獸有善有惡金  
羸浪岩厥性毒為鳥攫獸厥性惡唯毒戕生惟惡賊性  
賊性惟大皆勿食用其羽革毛皮可也介蟲之類龜鼈  
蟬蛤蛇蟻蜂蠶皆勿食勿啖犬豕勿飲酒犬豕汚酒亂  
勿食自死肉勿食浮水魚凡宰牲必誦主名異教之人  
不知主名宰者勿食禽畜有性良而或食汚穢者則駝  
宜畜于家飼草四十日雞鶩飼穀三日乃可宰食天方  
海國圖志卷二十五西南洋西印度回國三八  
人舊不禁酒穆罕默德初禁酣飲繼禁于禮拜之時而  
究不能遵禁乃絕不許飲凡祭祀賓燕皆代以花露雖  
終日飲之不亂  
魏源曰天方教之事天同于儒之事上帝而襲取釋教  
禮拜齋戒持誦施舍因果淺近之說以佐之大旨亦無  
惡于世教其以天地日月為上祭山川水土為中祭宗  
廟墳墓為下祭不廢神祇人鬼亦勝天主教之偏僻惟  
既以阿爾實天庫爾西天最上無外而又各有廣大若  
千萬里之數不知從何測量從何起算是其言天也近



鑿聖為天口言合天心而經必皆託于真宰之所降則其稱天也近誣中國有周以前同姓婚姻不禁然穆罕默德以女妻其兄之子不避期親則其于倫也太瀆誦主名殺者可食不誦主名殺者不可食則主名不以止殺而適以濟殺牲畜必純良者乃食性不純良者不可食則是專嗜狼而戕良且不食犬豕惡其污穢而同一啗穢之駱駝雞鶩則又餉穀旬日即可宰食何獨不可施諸犬豕或難劉智曰回教事天當體天心好生惡殺何不概禁不食劉氏不能援上帝以解之則援中土先

海國圖志

卷二十五

西南洋 西印度國三

五

王之制以自道嗚呼回教何事遵于先王獨于殺生乃援先王豈先王亦教人誦主名而殺乎先王亦教人但禁犬豕專殺純良乎鴻荒草昧禽獸偏人蹄迹交于中國人無爪牙鱗介以自衛故庖犧作網罟教民畋漁以捍暴而衛患非利其養也沿習既久弱肉強食又以人而賊物聖人有憂之而勢不能塞之也爰制令曰魚禁鯢鮪獸長麋鹿鳥翼鵲鷩鳥獸之肉不登于俎則公不射數罟不入汚池於是一食戕無數生命者免矣又制令曰天子諸侯大夫士無故不殺牛羊犬豕庶人無故

不食珍豹不祭獸不田獵賜生必畜餽生必畜不網不射宿不獵較國君春田不圍禽大夫不掩羣士不取麋卵孟夏毋大田獵昆蟲未蟄不以火田於是一物可供數人數日之食者亦非秋冬賓祭養老不用矣先王之好生惻死曲全萬物若此酌中制去已甚若此乃徒計較於物性之純不純污不污利養不利養而物命死生漠然不問乎且回教不食豕之人果否純良智慧他教亦食豕之人果否皆不良不慧乃以一豕之食不食為出教入教之大防幾視淫殺盜妄為尤厲乎既斥佛氏

海國圖志

卷二十五

西南洋 西印度國三

羊

概不食肉為非而回教概禁飲酒又同於佛氏毋乃舍其難而禁其易舍其大而禁其細乎為回教者曰眾聖猶長月之月穆罕默德出則中天之日也眾聖自阿丹至母撒猶木自根而幹而枝而葉而華穆罕默德出則其果也嗚呼大聖必全天德全天德必體天心天心果偏仁於不純物而偏忍於純良之物乎穆罕默德適墨瓦底納國見市屠牛者謂之曰曷改業其人曰無以為生也穆罕默德曰有羊乎遂舍牛而業羊斯言也毋乃中土回人襲齊宣環鐘之權詞而不察牛羊之何擇且



齊宣詎大聖耶其言果合于阿爾實之天心耶抑合于庫爾西之天心耶刪經定制集羣聖大成而所定之制若此所自援之儒教僅如此又何暇與議五倫何暇與議六合

海國圖志

卷三十五

西南洋 西印度國圖三

三

海國圖志卷二十六

西南洋 原無今補

西印度之如德亞國沿革

故亦名大秦元人謂之密昔爾天主教謂之如德亞回教謂之西多爾其皆古西印度邊境今並入阿丹國故四洲志原本無之今別輯出以志天主教源流

新唐書拂菻古大秦也居西海上一曰海西國去京師四萬里在苦國西北直突厥可薩部西瀕海有連散城東南接波斯地方萬里城四百勝兵百萬十里一亭三亭一置臣役小國數十以名通者曰澤散曰驢分澤散

海國圖志

卷二十六

西南洋 西印度國圖

一

直東北不得其道里東度海二千里至驢分國重石為都城廣八十里東門高二丈釧以黃金王宮有三襲門皆飾異寶中門有金巨稱一作金人立其端屬十二九率時改一九落以瑟瑟為殿柱水晶琉璃為椽香木梁黃金為地象牙闔有貴臣十二共治國王出一人掌囊以從有訟書投囊中還省柱有國有大災輿輒廢王更以賢者王冠如鳥翼綴珠衣錦繡前無襟坐金藤榻側有鳥如鴉綠毛上食有毒輒鳴無陶瓦屑白石墜屋堅潤如玉盛暑引水上流氣為風男子剪髮衣繡石祖



而帔乘輜駟白蓋小車出入建旌旗擊鼓如人錦巾家  
貴億萬者為上官俗喜酒嗜乾餅多幻人能發火於顏  
手為江湖口嚙耗舉足墮珠玉有善醫能開腦出蟲以  
愈目昏土多金銀夜光璧明月珠大貝車渠瑪瑙木難  
孔翠虎珀織水羊毛為布曰海西布海中有珊瑚洲海  
人乘大船墮鐵網水底珊瑚初生磐石上白如菌一歲  
而黃三歲赤枝格交錯高三四尺鐵發繫網船上絞而  
出之失時不取即腐西海有市貿易不相見置直物旁  
名鬼市有獸名質大如狗獷惡而力北邑有羊生土中

海國圖志

卷二十六

西南洋 西印度洋

二

臍屬地割必死俗介馬而走擊鼓以驚之羔臍絕即逐  
水草不能羣貞觀十七年遣使獻赤玻璃綠金精下詔  
荅賚大食稍疆遣軍伐之拂赫約和遂臣屬乾封至大  
定再朝獻開元七年因吐火羅大酋獻師子羚羊源案唐書  
所言大奏之盛皆隔海歐羅巴大秦非拂赫  
所有故云度海二千里當以後漢書為正  
宋史拂赫國東南至滅力沙北至海皆四十程西至海  
三十程東至西大食及于闐回紇青磨乃抵中國歷代  
未嘗朝貢元豐四年十月其王始遣大首領來獻鞍馬  
刀劍真珠言其國地甚寒土屋無瓦產金銀珠西錦牛

羊馬獨峯馳梨杏千年棗已攬粟麥以葡萄釀酒樂有  
篋篋壺琴小篋篋偏鼓王服紅黃衣以金線織絲布纏  
頭歲三月則詣佛寺坐紅床使人舁之貴臣如王之服  
或青綠緋白粉紅黃紫並纏頭跨馬地田野皆有首  
領主之每歲惟夏秋兩得奉給金錢錦縠帛以治事大  
小為差刑罰罪輕者杖數十重者至二百大罪則盛以  
毛囊投諸海不尙鬪戰鄰國小者有爭但以文字來往相  
詰問事大亦出兵鑄金銀為錢無穿孔面鑿彌勒佛背  
為王名禁民私造元祐六年其使兩至詔別賜以玉帛

海國圖志

卷二十六

西南洋 西印度洋

三

二百匹白金瓶襲衣金束帶文獻通考案唐史有拂赫  
秦自後漢始通中國歷晉唐貢獻不廢而宋四朝史拂  
赫傳則言其國歷代未嘗朝貢至元豐始獻方物又唐  
蘇傳則言其國西瀕大海而宋傳則言西距海尚三十程其  
餘界亦齟齬不合土產風俗亦不同故以唐之拂赫附  
入大秦而此拂赫自為一國云源案唐之拂赫已非後  
漢之大秦而宋之拂赫又非唐之拂赫皆秦前代秦遠  
之盛而冒  
名之者  
明史拂赫即漢大秦桓帝時始通中國晉及魏皆曰大  
秦嘗入貢唐曰拂赫宋仍之亦數入貢而宋史謂歷代  
未嘗朝貢疑其非大秦也元末其國人捏古倫入市中  
國元亡不能歸太祖聞之以洪武四年八月召見命齎



詔書還諭其王復命使臣普刺等齎勅書綵幣詔諭乃遣使入貢後不復至萬曆時大西洋人至京師言天主生於如德亞即古大秦國也其國自開闢以來六千年史書所載世代相嬗及萬事萬物原始無不詳悉謂天主肇生人類言頗誕謾其物產珍寶之盛具見前史洋諸書止言天主生如德亞無大秦之說此徐光啓傳會唐書而明史沿之

坤輿圖說亞細亞洲最西有名邦曰如德亞其國史書載上古事蹟極詳自初生人類至今六千餘年世代相傳萬事萬物造作原始悉記無訛因造物主降生是邦

海國圖志卷二十六 西南洋 節度英屬國 四

故人稱爲聖主春秋時有二聖王父達味德子撒喇滿造一天主堂皆金玉砌成飾以珍寶窮極美麗費以三十萬萬王德盛智高聲聞最遠中國謂西方有聖人疑卽指此案天主生於漢元壽中春秋時安得有國王造天主堂耶或卽古之天祠亦止祀上帝而非祀耶穌安得謂西方聖人卽指上帝豈上帝亦偏在西方耶古名大秦唐貞觀中曾以經像來賓有景教流行碑刻可考如德亞之西有國名達馬斯谷產絲綿絨縠料極佳城不用磚石是一活樹糾結甚厚無隙高峻不可攀登天下所未有案利馬中國安知有列子及景教碑皆徐光啓代爲傳會而近人方執以證大秦之說亦可晒已

職方外紀亞細亞之西近地中海有名邦曰如德亞此天主開闢以後肇生人類之邦天下諸國載籍上古事蹟近者千年遠者三四千年而上多茫昧不明或異同無據惟如德亞史書自初生人類至今將六千年世代相傳及分散時候萬事萬物造作原始悉記無訛諸說推爲宗國地甚豐厚人煙稠密是天主生人最初所賜沃壤其國初有大聖人曰亞把刺杭約當中國虞舜時有孫十二人支族蕃衍天主分爲十二區厥後生育聖賢世代不絕故其人民百千年間皆純一敬事天主不

海國圖志卷二十六 西南洋 節度英屬國 五

爲異端所惑其國王多有聖德乃天主之所簡命也至春秋時有二聖王父曰大味得子曰撒喇滿嘗造一天主大殿皆金玉砌成飾以珍寶窮極美麗其費以三十萬萬其王德絕盛智絕高聲聞最遠中國所傳爲西方聖人疑卽指此也此地從來聖賢多有受命天主能前知未來事者國王有疑事必從決之其聖賢竭誠祈禱以得天主默啟其所前知悉載經典後來無不符合經典中第一大事是天主降生救拔人罪開萬世升天之路預說甚詳後果降生于如德亞白德稜之地名曰耶



蘇譯言救世主也在世三十三年教化世人所顯神靈聖蹟甚大且多如命醫者明聾者聽瘖者言跛者行病者起以至死者生之類不可殫述有宗徒十二人皆耶穌縱天之能不假學力即通各國語言文字其後耶穌肉身升天諸弟子分散萬國闡明經典宣揚教化各著神奇事蹟緣此時天下萬國大率為邪魔誘惑妄立邪主各相崇奉自天主降生垂教乃始曉悟真理絕其向所崇信惡教而敬信崇向於一天主焉所化國土如德亞諸國為最先延及歐羅巴利未亞大小千餘國歷今

海國圖志卷三十六 西南洋 西曆一千九百零七年

千六百餘年來其國皆久安長治其人皆忠孝貞廉茲畧述教中要義數端一曰天地間至尊至大為人物之真主大父者止有其一不得有二一即天主上帝而已其全智全能全善浩無窮際萬神人物皆為天主所造又恒賴其保持安養凡人禍福修短皆其主宰故吾人所當敬畏愛慕者獨有一天主也此外或神或人但能教人純一以事天主即為善人吉神若以他道誘人求福免禍是僭居天主之位而明奪其權其為凶神惡人無疑崇信祭祀此類者不免獲罪一曰天地間惟一天

主為真主故其聖教獨為真教從之則令人行真善而絕不為惡可升天堂永脫地獄若他教乃是人所建立斷未有能行真善免罪戾而升天堂脫地獄者一曰人言形軀有靈魂形軀可滅靈魂不可滅人在世時可以行善可以去惡一至命終人品已定永不轉移天主于時乃審判而賞罰之其人純一敬事天主及愛人如己必升天參配天神及諸聖賢受無窮真福若不愛信天主違犯教戒者必墮地獄永受苦難也其苦樂永無改更無業盡復生為人及輪迴異類等事故實欲升天

海國圖志卷三十六 西南洋 西曆一千九百零七年

堂脫地獄只在生前實能為善去惡無他法也一曰人犯一切大小過惡皆得罪于天主者也故惟天主能赦宥之非神與人所能赦亦非徒誦念徒施舍所能贖也今人生孰能無過欲求赦宥必須深悔前非勇猛遷改故初入教先悔罪有拔地斯摩之禮既重犯求解罪有恭乘桑之禮遵依聖教守戒所求必獲赦宥不然一生罪過無法可去地獄無法可脫也所以教中要義望人真能改過遷善以獲赦免而享天福自有專書備論云如德亞之西有國名達馬斯谷產絲綿絨罽刀劍顏料



極佳城有一層不用磚石是一活樹糾結無隙甚厚而高峻不可攀登天下所未有也土人製一藥甚良名曰里亞加能治百病尤解諸毒有試之者先覓一毒蛇咬傷腫脹乃以藥少許嚙之無弗愈者各國甚珍之

職方外紀曰百爾西亞西北諸國皆為度爾格所併內有國曰亞刺比亞中有大山名西奈山古時天主垂訓下民召一聖人美瑟于山賜以十誠著于石板左板三誠右板七誠今所傳十誠是也其西北有死海海旁城邑古極富厚因恣男色之罪天主降之重罰命天神下

海國圖志 卷二十六 西南洋 西印度天南國 八

界止導一聖德士名落得者全家出疆遂降火盡焚其國至今小石遇火即然臭不可近產果形如橘柚破之則臭煙而已按上文回教亦託言西奈山十誠則不知誰為葛藟之未去也萬國全圖集曰土爾其藩屬國北接黑海南連地中海西至希臘羣島海其中有湖長四百里廣百里名曰死海古時建大城邑因民自作罪孽天降火焰硫磺盡燒其城沉為鹹湖臭水四方無人居惟有瘦嶺枯山死海之北為加利湖有救世主耶穌靈蹟其約爾坦河南流入死海此河內救世主受洗禮而聖神降臨之

瀛環志略曰泰西人記巴庇倫城高三十五丈厚八丈七尺上設塔二百五十城門一百以銅為之周迴一百

八十里南懷仁所記宇內七大宏工有巴必鸞城即巴音即此城也當其初建糜膏血而供版築自以為子孫萬世之業然居魯士兵來會不血刃而克之金城千仞果足恃乎巴庇倫再叛大流士惡其城垣之高拆毀其半至今猶存遺址在土耳其東方美索不達迷亞境內又英官李太郭云西里亞文字西里亞文字即巴庇倫所造文字與諸國不同與清文極相似但橫寫順讀耳

海國圖志 卷二十六 西南洋 西印度天南國 九

泰西人紀猶太古事云猶太古名迦南有夏帝芒之世西土有至人曰亞伯拉罕生於兩河之間阿付臘底斯河遷於迦南其苗裔稱以色列族傳數世至耶哥伯有十二子最少者曰約色弗聰慧過人諸兄忌之賣於麥西為人奴麥西一名埃及多一作厄日多或作以至比阿非利加麥西王立以為相以色列之族羣往歸之初至時七十人年久繁衍至六萬人麥西王忌其強宗欲除之時迦南以色列族有至人曰摩西生而神異學識過人殺仇殺人逃於荒野四十年蒙神人使赴麥西救本



宗至則麥西王方張網羅欲收以色列族坑之摩西密告宗人約期同發至海港潮退變陸渡畢而潮大至麥西軍追者皆溺死摩西率眾至迦南之耶路撒冷遂王其地示十誠以訓民教以事神天敬父母勿殺勿姦勿盜勿妄證勿貪他人之財七日禮拜省過誓是為西土立教之始泰西人相傳天神降於西奈山石上現文字摩西拜受垂為十誠以教民蓋托於神道以起人之崇信耳後來耶穌教即本摩西卒約書亞繼之於此西奈山在今亞刺伯西北境摩西卒約書亞繼之分以色列族為十宗裂地封為小部統於耶路撒冷數傳至周穆王時始稱猶太國又數傳至周襄王時王耶

海國圖志

卷二十六

西南洋 西印度洋

十一

何雅舍嗣位始貳于巴庇倫先是巴庇倫為亞細亞大國猶太風備西藩巴庇倫倭汰遇諸侯無禮猶太王怒絕朝貢周簡王元年巴庇倫以大兵攻之城破王自殺遷其民於巴庇倫猶太遂亡周景王八年波斯滅巴庇倫釋猶太民歸國以色列族復立故國傳三百餘年西漢時降羅馬為屬國後復叛為羅馬所滅屠耶路撒冷都城羅馬衰亞刺伯回部據之猶太為耶穌生長之地歐羅巴人時往拜其墓既為回部所據禁不得通諸國皆怒合兵攻回部從軍者縫十字於衣血戰二百餘年

卒奪回猶太地重立為國成以兵未幾成兵思故土多散歸尋為土耳其所據其部民散之四方西土各國多有之以數百萬計而總稱為猶太族與別族不相混云猶太人最講文字西國各種書籍多猶太人所譯解故其國紀載獨詳歐羅巴文士游學者不於希臘即於猶太蓋泰西之鄒魯也猶太女人姿姣好而性靈慧與別部迥異娶婦得猶太女則以為威施在室也猶太自唐初為拂菻即撒冷之轉音初轉為拂憐再轉為拂絲唐書直以拂絲為大秦蓋拂絲在羅馬東部中最著名遂誤為大秦別名猶之西域稱浩罕為安集延也宋明史因之則沿唐書之誤耳

海國圖志

卷二十六

西南洋 西印度洋

十一

案羅馬即大秦東土之猶太敘理諸部今為東土耳其其中土曰買諾附近有數島曰居伯羅曰羅得曰治阿曰米地鄰其東土有阿臘山黎巴嫩山阿付臘底斯河一作阿偏得又名八阿底格里斯河一作地額河有大澤曰死海湖曰加利利其地為泰西諸國創建之祖其民居海岸海島者曰額力西種希臘是也為上等其半阿丹種戈達曼種及馬羅奈底土種特魯西種黑爾西種皆回民自其國中衰守土之酋僅羈縻勿絕而已薩地自擅如唐之藩鎮焉



萬國全圖集又曰猶太國今土爾其國之藩屬也昔分三部曰猶太曰撒馬利亞曰加利利古時其地蕃昌物產如阜名揚四海本居麥西國上帝率之進始祖所先住之地但必四十年間遊於亞刺伯曠野又奉上天所啟始識上帝之聖旨漢建始年間有羅馬國征服天下猶太人亦歸其權且上帝之子耶穌於漢平帝元始元年於猶太國生住世三十三年布聖教於民並贖人之罪代受酷刑而死復活昇天操萬世宇宙之權教散於四方而信士以其地為重往往詣耶穌墓而伏拜今為

海國圖志卷二十六 西洋南洋 西曆庚子國 主

回國國主所轄

猶太之都曰路撒冷昔甚廣大居民數十萬在旬山上建立上帝之殿屆期禮拜因猶太人不崇上帝之子自作罪孽激羅馬國之怒遣大將引兵四面圍合攻破城池猶太人自此亡國四散各邦為旅此時其城大半壞敗居民貧乏○加利利拿撒勒邑係救世主所養生之處居民不承其道雖見其靈蹟却不改悔加省○此地之海口曰亞吉曰伯律曰牙法但其口無障風之山選貨又不盛

猶太國北敘理亞國南方里巴嫩山出香柏阿倫得河通流其地地破里海口居民二萬五千海濱有兩大城一曰土羅西頓城其富商如國君倉廩實府庫充一曰大馬上革城山川秀麗田場開爽衢市修飾花卉芬芳昔掃羅望此邑而行欲執耶穌之門生忽天發光聞聲即此地也○敘理亞之東方近野哈馬大城古蹟遍地昔大有權勢之王所居其都會曰亞勒坡居民三十萬道光二年地震屋倒城壞野有餓殍道光十六年麥西總帥與上王結盟侵取其國於二十年英軍扶助還其

海國圖志卷二十六 西洋南洋 西曆庚子國 主

原主

景教流行中國碑 唐建中二年大 秦寺僧景淨述

粵若常然真寂先先而元元有自然靈虛後後而妙有總元樞而造化妙眾聖以元尊者其唯我三一妙身元元真主阿羅訶歟判十字以定四方鼓元風而生二氣暗空易而天地間日月運而晝夜作匠成萬物然立初人別賜良和令鎮化海渾元之性虛而不盈素蕩之心本無希嗜泊乎婆娑施妄鉅飾純精開渾大于此是之中際冥同于彼非之內是以三百六十五種肩隨結轍竟



織法羅或指物以記宗或空有以淪二或禱祀以邀福  
或伐善以矯人智慮營營恩情役役茫然無得煎迫轉  
燒積昧亡途久迷休復於是我三一分身景尊彌施阿  
戢隱真威同人出代神天宣慶室女誕聖于大秦景宿  
告祥波斯觀耀以來貢圓廿四聖有說之舊法理家國  
于大猷設三一淨風無言之新教陶良用于正信制八  
境之度鍊塵成真啟三常之門開生滅死懸景日以破  
暗府魔妄于是乎悉摧棹慈航以登明宮含靈于是乎  
既濟能事斯畢亭午昇真經留廿七部張元化以發靈

海國圖志 卷二十六 西南洋 西印度天志原圖 五

關法浴水風滌浮華而潔虛白印持口字融四照以合  
無拘擊木震仁惠之音束禮趣生榮之路存慈所以有  
外行削頂所以無內情不畜臧獲均貴賤于人不聚貨  
財示罄遺于我齋以伏識而成戒以靜慎為固七時禮  
讚大庇存亡七日一薦洗心反素真常之道妙而難名  
功用昭彰強稱景教惟道非聖不元聖非道不大道聖  
符契天下文明太宗文皇帝光華啟運明聖臨人大秦  
國有上德曰阿羅本占青雲而載真經望風律以馳艱  
險貞觀九祀至于長安帝使宰臣房公元齡總仗西郊

賓迎入內翻經書殿問道禁闈深知正真特令傳授貞  
觀十有二年秋七月詔曰道無常名聖無常體隨方設  
教密濟羣生大秦國大德阿羅本遠將經像來獻上京  
詳其教旨元妙無為觀其元宗生成立要詞無繁說理  
有忘空濟物和人宣行天下所司即於京義寧坊造大  
秦寺一所度僧廿一人宗周德喪青鶴西昇巨唐道光  
景風東扇旋令有司將帝寫真轉摸寺壁天姿汎彩英  
朗景門聖迹騰祥永輝法界案西域圖記及漢魏史策  
大秦國南統珊瑚之海北極眾寶之山西望仙境花林

海國圖志 卷二十六 西南洋 西印度天志原圖 五

東接長風弱水其土出火浣布返魂香明月珠夜光璧  
俗無寇盜人有樂康法非景不行主非德不立土宇廣  
闊文物昌明高宗皇帝克恭纘祖潤色真宗而于諸州  
各置景寺仍崇阿羅本為鎮國大法主法流十道國富  
元休寺滿百城家殷景福聖歷年釋子用壯騰口于東  
周先天末下士大笑訕謗于西鑄有若僧首羅舍大德  
及烈並金方貴緒物外高僧共振宏綱俱維絕紐元宗  
至道皇帝令寧國等五王新臨福宇建立壇場法棟暫  
僥而更崇道石時傾而復正天寶初令大將軍高力士



送五聖寫真寺內安置賜絹百疋奉慶曆圖龍椅雖道  
弓劍可攀日角舒光天顏咫尺三載大秦國有僧佶和  
瞻星向化望日朝尊詔僧羅舍僧普論等一七人與大  
德佶和于興慶宮修功德肅宗文明皇帝于靈武等五  
郡重立景寺代宗文武皇帝每于降誕之辰錫天香以  
告成功頌御饌以光景眾我建中聖神文武皇帝披八  
政以黜陟幽明闡九疇以惟新景命化通元理祝無愧  
心大施主金紫光祿大夫同朔方節度副使試殿中監  
賜紫袈裟僧伊斯和好惠聞道勤行遠自王舍之城

海國圖志

卷二十六

西南洋 西印度洋 西印度洋 西印度洋

末

聿來中夏中書令汾陽郡王郭公子儀初總戎于朔方  
也元宗俾之從邁為公爪牙作軍耳目能散祿賜不積  
于家獻臨恩之頌黎布辭口之金燭或仍其舊寺或重  
廣法堂崇飾廊宇如翬斯飛更効景門依仁施利每歲  
集四寺僧徒虔事精供備諸五旬餽者來而飯之寒者  
來而衣之病者療而起之死者葬而安之清節達矣未  
聞斯美白衣景士今見其人願刻洪碑以揚休烈  
方碑下及東西三面皆列彼國字式下有助檢校試太  
常卿賜紫袈裟寺主僧業利檢校建立碑石僧行道雜

于字中宇皆左轉弗能譯也按碑三一妙身无元真主  
阿羅訶者教之主也大秦國上德阿羅本者于貞觀九  
年至長安也京兆府義寧坊建大秦寺度僧廿一人貞  
觀十有二年也此即天主教入中國之始未齋金  
石考畧

右景教流行中國碑景教者西域大秦國人所立教也

舒元與重巖寺碑雜夷而來者有摩尼焉大秦焉秋疑

神焉合天下三夷寺不足當吾釋氏一小邑之數今

摩尼祇神祠久廢不知所自獨此碑敘景教傳授頗詳

蓋始于唐初大秦僧阿羅本攜經像至長安太宗詔所

海國圖志

卷二六

西南洋 西印度洋 西印度洋 西印度洋

七

司于義寧坊造寺一所度僧廿一人高宗時崇阿羅本  
為鎮國大法主仍令諸州各置景寺其僧皆削頂留鬚  
七時禮讚七日一薦所奉之像則三一妙身无元真主  
阿羅訶也今歐羅巴奉天主耶蘇溯其生年當隋開皇  
之世或云即大秦遺教後題大族月七日大耀森文日  
建立所云大耀森文亦彼教中語也潛研堂金  
石三跋尾  
册府元龜天寶四載九月詔曰波斯經教出自大秦傳  
習而來久行中國爰初建寺因以為名將以示人必循  
其本其兩京波斯寺宜改為大秦寺天下諸州郡宜准



此此大秦寺建立之緣起而碑言貞觀中即詔賜名大秦寺夷僧之誇詞也符元與重巖寺碑云合天下三夷寺不足當吾釋寺一小邑之教釋寺唯一夷寺有三摩尼即末尼也大秦即景教也祇神即波斯也今據元輿記而詳考之長安誌曰布政司西南隅胡祇祠武德四年立西域胡天神也祠有薩寶府官主祠祇神亦以胡祝稱其職東京記引四夷朝貢圖云康國有神名祇畢國有火祇祠疑因是建廟王溥唐會要云波斯國西與吐番康居接西北距拂林即大秦也其俗事天地日月水火

海國圖志 卷二十六 西有洋 西印度天志圖 天

諸神西域諸胡事火祇者皆詣波斯受法故曰波斯教即火祇也宋人姚寬曰火祇字從天胡神也經所謂摩醯首羅本起大波斯國號蘇魯支有弟子名元真居波斯國大總長如火山後化行于中國然祇神專主事火而竟以為摩醯首羅者以波斯之教事天地水火之總故諸胡皆詣受教不專一法也大秦之教本不出于波斯及阿羅訶者出則自別于諸胡碑言三百六十五種之中或空有以淪二或禱祀以邀福彼不欲過而問焉初假波斯之名以入長安後乃改名以立異若末尼則

志磐統紀序之獨詳開元二十年敕云末尼本其胡人妄稱佛法既為西胡師法其徒自行不須科罰會昌三年秋敕京城女末尼凡七十二人皆死梁貞明六年陳州末尼反立毋乙為天子發兵禽斬之其徒不茹葷酒夜聚嬉穢畫魔王踞坐佛為洗足云佛上大乘我乃上乘蓋末尼為白雲白蓮之流於三種中為最劣以元輿三夷寺之例覈而斷之三夷寺皆外道也皆邪教也所謂景教流行者皆夷僧之黠者稍通文字妄為之詞非果有異於摩尼祇神也錢民景教考

海國圖志 卷二十六 西有洋 西印度天志圖 九

按西洋奉天主耶穌或謂即大秦遺教據碑有判十字以定四方之語與今天主教似合然日下舊聞考載天主堂構于西洋利瑪竇自歐羅巴航海九萬里入中國崇奉天主云云若大秦一名如德亞今稱西多爾其在歐羅巴南印度之西相距甚遠似不能合為一也杭氏謂唐之回紇即今之回回說亦未然唐之回紇即回鶻其地與薛延陀為鄰距長安祇七千里若回回有祖國以今職方諸書攷之在古大秦國之東一名伯爾西亞今稱包社大白頭番與回紇隔遠亦不能合為一也



碑稱大秦國上德阿羅本而唐書西域傳所載皆稱  
拂菻一名大秦然無一語及景教入中國之事唐會要  
稱波斯國西北距拂菻則波斯在拂菻之東南故長安  
志所載大秦寺初謂之波斯寺玩天寶四載詔書波斯  
經教出于大秦則所謂景教者實自波斯而溯其源于  
大秦也唐書西域傳波斯距京師萬五千里其法祠祇  
神與唐會要語司然亦無所謂景教者祇神字當從示  
從天讀呼煙切與從天者別說文云關中謂天為祇廣  
韻云胡神所謂關中者統西域而言西北謂國事天最

海國圖志卷二十六 西南洋 西印度洋 手

敬故君長謂之天可汗山謂之天山而神謂之祇神延  
及歐羅巴奉教謂之天主皆以天該之唐傳載波斯國  
俗似與今回回相同此碑稱常然真寂哉隱真威亭午  
昇真真常之道占青雲而載真經舉真字不一而足今  
所建回回堂謂之禮拜寺又謂之真教寺似乎今回回  
之教未始不源于景教然其中自有同異特以彼教難  
通未能剖析姑備錄諸說以資博攷至碑稱景教景字  
之義文中只二語云景宿告祥懸景日以破暗寤是與  
景星景光流照之義相符然則唐避諱而以景代丙亦

此義歟金石萃編

四庫全書提要曰西學凡一卷附錄唐大秦寺碑一篇  
碑稱貞觀十二年大秦國阿羅本遠將經像來獻上京  
即于義寧坊敕造大秦寺一所度僧二十一人云云考  
西溪叢語載唐貞觀五年有傳法穆護何祿將祇教詣  
關聞奏敕令長安崇化坊立祇寺號大秦寺又名波斯  
寺至天寶四年七月敕波斯經教出自大秦傳習而來  
久行中國爰初建寺因以為名將以示人必循其本其  
兩京波斯寺並宜改為大秦寺天下諸州郡有者準此

海國圖志卷二十六 西南洋 西印度洋 手

册府元龜載開元七年吐火羅國王上表獻解天文人  
文慕閣智慧幽深問無不知伏乞天恩喚取問諸教法  
知其人如此之藝能請置一法堂依本教供養段成  
式西陽雜俎載孝德國界三千餘里舉俗事祇不識佛  
法有祇祠二千餘所又載德建國烏訶河中有火祇祠  
相傳其神本自波斯國乘神通來因立祇祠內無像於  
大屋下置小廬舍向西人向東禮神有一銅馬國人言  
自天而下據此數說則西洋人即所謂祇斯于主即所  
謂祇神中國具有紀載不但有此碑可證又杜預注左



傳次睢之社曰睢受汴東經陳留梁譙彭城入泗此水  
 次有祆神皆社祠顧野王玉篇亦有祆字音同憐切註  
 為祆神徐鉉據以增入說文宋敏求東京記載寧遠坊  
 有祆神廟註曰四夷朝貢圖云康國有神名祆畢國有  
 火祆祠或曰石勒時立此是祆教其來已久亦不始於  
 唐岳珂程史記番禺海祆其最豪者蒲姓號白番人本  
 占城之貢人留中國以通往來之貨屋室侈靡踰制性  
 尚鬼而好潔平居終日相與膜拜祈福有堂焉以祀如  
 中國之佛而實無像設稱謂聳牙亦莫能曉竟不知為  
 海國圖志 卷二十六 西南洋 西印度天竺屬國 三

何神有碑高袤數丈上皆刻異書如篆籀是為像主拜  
 者皆嚮之是祆教至宋之末年尚由賈舶達廣州而利  
 瑪竇之初來乃託為亘古未睹艾儒畧作此書既援唐  
 碑以自證則其為祆教更無疑義乃無一人援古事以  
 抉其源流遂使蔓延於海內蓋萬懸以來士大夫大抵  
 講心學刻語錄即盡一生之能事故不能徵實考古以  
 遏邪說之流行也

海國圖志卷二十七

邵陽魏源重輯

明文秉烈皇小識崇禎初始行天主教上海徐光啟教  
 中人也入政府力進其說宮府供養諸銅佛像盡毀碎  
 至是悼靈王病篤上臨視之王言九蓮華娘娘立空中  
 歷數毀壞三寶及苛求武清云云言訖而薨上大驚懼  
 無及京師天主堂有二西人主之龍華民湯若望也販  
 其教者先命取其家佛像來天主殿前有石幢一石池  
 一其黨取佛像至即于幢上撞碎棄池中率以為常某

海國圖志

卷二十七

西南洋 西印度天主教屬國

十一

年六月初一日復建此會方日正中天無纖雲適舉火  
 忽大雷一聲將佛像爐炭盡攝去眾皆汗流合掌念阿  
 彌陀佛遂絕此會

澳門紀畧曰澳中凡廟所奉天主有誕生圖被難圖飛  
 昇圖其說以耶穌行教至一國國人裸而縛之十字木  
 架釘其首及四肢三日甦飛還本國更越四十日而上  
 昇年三十有三故奉教者必奉十字架每七日一禮拜  
 至期男女分投諸寺長跪聽僧演說歲中天主出遊三  
 巴則以十月為禱以三月九月支糧以三月大廟則一



月五月六月凡三出遊率先夕詣龍鬆廟迎像至本寺  
然燈達旦澳眾畢集黑奴昇被難像前行番童誦咒隨  
之又以番童象天神披髮而翼來往騰躍諸僧手香獨  
步其後又用老僧抱一耶穌像上張錦棚隨從如前儀  
歲三月十五日爲天主難日寺僧皆瘖越十七日復鳴  
諸番徹酒肉三日雖果餌噉不至飽番僧不一類三巴  
寺僧削髮披青冠斗帽司教者曰法王由大西洋來澳  
會無與敵體者有大事疑獄兵頭番目不能決則請命  
命出奉之惟謹其出入張蓋樹旛幢僧雜擁衛之男女

海國圖志

卷二十七

南洋

西印度天主廟

二

見者輒前跪捧足俟過然後起法王或摩其頂以爲大  
幸婦女尤信嚮之龍鬆廟僧亦削髮蒙氈內衣白而長  
外覆以青板樟廟僧不冠曳長衣外元內白復以白布  
覆其兩肩噶斯蘭僧服籠布衣帶索草履不冠不襪出  
入持蓋是二廟僧有盡削其髮者有但去其頂髮者他  
如大廟風信花王支糧諸廟則係本澳自行焚香禱頂  
而圓被長青衣無妻室而左右列侍番女子于廟于家惟  
所便蓋火居衲子之流其通曉天文會遊京師者皆留  
髮鬚解華語分住各廟中諸僧往來番人家其人他出

徑入室見其婦以所攜藤或兩織置諸戶外其人

而避之惟三巴律甚嚴番婦入寺者爲之持咒禳解

寺僧不苟出入卽必以人伴之書其名於版以爲志

尼曰聖母其敬奉尤甚於法王一女爲尼其家人權重

辟得女尼片紙立宥之然必捐千金致諸公故入寺者

鮮寺中尼凡四十有奇三巴寺在澳東北依山爲之高

數尋屋側啟門制狹長石作雕鏤金碧照耀上如覆幔

旁倚琉璃麗所奉曰天母名瑪利亞貌如少女抱一嬰

兒曰天主耶穌衣非縫製自頂被體皆采飾平畫障以

海國圖志 卷二十七 南洋 西印度天主廟 三

琉璃望之如塑旁貌方論說狀鬚眉豎者如怒揚者如

喜耳重輪鼻隆準三十許人左手執渾天儀右叉指若

動目若瞞口若聲

又曰天主教者西土曰天主耶穌漢哀帝元壽二年庚

申生於如德亞國爲天主孳生人類之邦西行教至其

國奉之至今甚且沾染中土誘惑華人在明則上至公

卿下逮士庶邇日奉 詔禁而博士弟子尙有信而從

之者其徒著書闡述多至百餘種士大夫又爲潤色其

文詞以致談天言命幾於亂聰今就澳門取其書觀之



所云五經十誡大都不離天堂地獄之說而詞特陋劣較之佛書尤甚開管尋求其故西洋諸國由來皆崇佛教回回教觀其字用梵書歷法亦與回回同源則意大利亞之教當與諸國奉佛回回者無異特其俗好奇喜新聰明之士遂攘回回事天之名而據如來天堂地獄之實以兼行其說又慮不足加其上也以爲尊莫天若天有主則尊愈莫若蓋其好勝之俗爲之不獨史稱歷法云爾也昔西人有行教于安南者舉國惑之王患之逐其人立二幟于郊下令曰從吾者立赤幟下宥之

海國圖志 卷二十七 西南洋 西印度天主原國 四

否則立白幟下立殺之竟無一立赤幟下者王怒然礮殺之盡至今不與西洋通市至則舉大礮擊之西人亦卒不敢往倭亦然噶羅巴馬頭石鑿十字架於路日武士露刃夾路立商其國者必踐十字路入否則加刃雖西人亦不敢違又埋耶穌石像於城闕以蹈踐之蓋諸番嚴惡之如此中土人士乃信而奉之如恐弗及明臣蔣德璟序破邪集且爲調停其間夫逃楊歸儒歸斯受之猶可說也援儒入墨援而附之不可說也必如聖朝用其歷法而放斥其邪教庶乎兩得之矣

趙翼詹曝雜記曰天主堂在宣武門內欽天監正西洋人劉松齡高慎思等所居也堂之爲屋圓而穹如城門洞而明爽異常所供天主如美少年名耶穌彼中聖人也像繪於壁而突出似離立不著壁者堂之旁有觀星臺列架以貯千里鏡鏡以木爲筒長七八尺中空而嵌以玻璃有一層者兩層者三層者余嘗登其臺以鏡視天赤日中亦見星斗視城外則玉泉山寶塔近在咫尺間磚縫亦歷歷可數而玻璃之單層者所照山河人物皆正兩層者悉倒三層者則又正矣有樓爲作樂之所

海國圖志 卷二十七 西南洋 西印度天主原國 五

一虬鬚者坐而鼓琴則笙簫磬笛鐘鼓鏡鐃之聲無一不備其法設木架於樓架之上懸鉛管數十下垂不及樓板寸許樓板兩層板有縫與各管孔相對一人在東南隅鼓鞀以作氣氣在夾板中盡趨於鉛管下之縫由縫直達於管管各有一銅絲繫於琴絃此鬚者撥絃則各絲自抽頓其管中之關振而發響矣鉛管大小不同中各有竅竅以象諸樂之聲故一人鼓琴而眾管齊鳴百樂無不備奇巧又有樂鐘并不煩人挑撥而按時自鳴亦備諸樂之聲尤爲巧絕



俞正燮癸巳類稿曰西域有叢神謂之天祠有主祠者如巫覡至其教成其徒惟奉本師不復奉天神勢則然也佛藏賢愚因緣經云過去提婆令奴王將至天祠泥木天像起身爲禮前王五百子中設至天祠自禮天像諸餘泥木天像悉不作禮又云恒河邊有摩尼跋羅天祠毗沙門王白帝釋言我有一臣摩尼跋羅有轉相從其祠求子是所謂天神者事火事日又雜兼眾神所謂主者廟祝如馬韓各立一人主祭天神名之曰天君也其人非六惟耶穌能成大宗耶穌亦作爾息亦作爾撒

海國圖志

卷二十七

西南洋 西印度天主原圖

木

對音字不能審也佛時乾闥婆阿修羅皆其教傳之耶穌其教始盛耶穌生當漢哀帝元壽二年景宿告祥在如德亞地唐建中二年大秦寺僧景淨立景教流行中國碑音大秦寺始貞觀十二年七月碑稱三一妙身无死真主阿羅訶又稱其母爲三十分身景尊彌施訶云室女誕聖於大秦又言阿羅訶存髮削頂七時禮讚七思薦薦則兼摩尼法唐以後宋元不見于史明萬曆九年其人復至廣東二十九年至京師明史云禮部郎中徐如泗召天主教二人授以筆劄所記舛繆不相合回

回幹爾塞經則云爾撒聖人者亦阿丹聖人之後立教敬天爲主傳徒繁盛戰勝攻克或通其妻託求異術爾撒告妻畏人縛髮妻於是夜暗繫其髮仇至遭擒便被殺害其徒憤恨天不垂佑乃奉天主不復事天天主教則言耶穌行教國王磔之十字架止其徒所傳艾儒畧萬物真源馮秉正聖言廣益全編及其詮自證等經冗鄙無可採語十字架者景教碑所言判十字以定四方者也賢愚因緣經優婆塞提緣品云梵志或事日月翹脚向之或復事火朝夕然之卽通典注言大秦胡事火

海國圖志

卷二十七

西南洋 西印度天主原圖

七

咒詛也西域記云鉢羅那迦天祠人露形且上高柱一手執柱端一足躡旁杙一手一足虛懸向外視日影求出生死所謂裸形求仙是尼健法然則十字架者高柱及代後不事日猶留其式耶穌裸體張十字架上者耶穌以他事被殺而遺像具生時露形上高柱翹手脚視日也其徒文言之則曰定四方妄言之則曰耶穌磔於十字架耶穌誠磔死架上何忍實其受慘刑具而頂禮之且耶穌母何爲以弄其兒哉大唐西域求法高僧傳云諸外道先有九十六部今但十餘齋會聚集各爲一



處是彼時猶與佛教同赴齋請其截然分判不知始於何時今天主教皆力拒佛其自言知識在腦不在心蓋為人窮工極巧而心竅不開在彼國為常在中國則為怪也乃好誘人為之而自述本師之事亦不求所本然則耶穌在西洋為持世之人而他部之人入其教則亦無心肝之人矣案耶穌磔死十字架湯若望書有之不應湯若望不知天主事蹟也

欽縣楊光先闢邪論上篇曰歷官李祖白天主教之門人也著天學傳概一卷其言曰天主上帝開闢乾坤而生初人男女各一初人子孫聚居如德亞國此外東西

海國圖志 卷二十七 南洋 西印度天主原圖 八

南北並無人居當是時事一主奉一教紛歧邪說無自而生其後生齒日繁散走遐逝而大東大西有人之始其時畧同考之史冊推以歷年在中國為伏羲氏即非伏羲亦必先伏羲不遠為中國有人之始此中國之初入實如德亞之苗裔自西徂東天學固其所懷來也生長子孫家傳戶習此時此學之在中夏必倍昌明於今之世矣延至唐虞三代君臣告誡於朝聖賢垂訓於後往往呼天稱帝以相警勵其見之書曰昭受上帝天其申命用休詩曰文王在上於昭于天魯論曰獲罪於天

無所禱也中庸曰郊社之禮所以事上帝也孟子曰樂天畏天事天何莫非天學之微言法語乎審是則中國之教無先天學者噫小人而無忌憚亦至此哉不思今日之天下即三皇五帝之天下也祖白謂歷代之聖君聖臣是邪教之苗裔六經四書是邪教之微言將何以分別我大清之君臣而不為邪教之苗裔乎而弁

其端者曰康熙三年柱下史昆陵許漸敬題噫吁異哉以史臣以諫官而亦為此言耶雖前明之季學士大夫如徐光啟李之藻李天經馮應京樊良樞者多為天主

海國圖志 卷二十七 南洋 西印度天主原圖 九

教作序然或序其歷法或序其儀器或序其算數至進天主書像圖說則罔有序之者實湯若望自序之可見徐李諸人猶知不敢公然得罪名教也若望之為書也曰男女各一以為人類之初祖未敢斥言覆載之內盡是其教之子孫也祖白之為書也則盡我中國而如德亞之矣盡我中國古先帝聖師而邪教苗裔之矣盡我歷代之聖經賢傳而邪教緒餘之矣豈止妄而已哉天主教不許供君親牌位不許祀祖先父母真率天下而無君父者也而許侍御序之曰二氏終其身於君臣父



子而莫識其所為天即儒者或不能無弊噫是何言也  
二氏寺觀供奉龍牌是尙識君臣佛經言供養于辟支  
佛不如孝堂上二親是尙識父子况吾儒以天秩天序  
天倫天性立教乎唯天主耶穌以犯其國法釘死是莫  
識君臣耶穌之母瑪利亞有夫名若瑟而曰耶穌不由  
父生及皈依彼教人不得供奉祖父神主是莫識父子  
許君顛倒之甚至謂儒者言天有弊是先聖乎先賢乎  
不妨明指其人與取攻之如無其人不宣作此非聖之  
文自毀周孔之教也楊墨之害道也不過曰為我兼愛

海國圖志

卷二十七

南洋 西印度天主原圖

十

而孟子亟拒之曰楊墨之道不息孔子之道不著傳概  
之害道也苗裔我君臣學徒我周孔祖白之意若曰孔  
子之道不息天主之教不著孟子之拒恐人至於無父  
無君祖白之著恐人至於有父有君而許君為祖白作  
序是拒孔孟矣遵祖白矣儒者不能無弊許君自道之  
也邪教開堂於京師宣武門之內東華門之東阜城門  
之西山東之濟南江南之淮安揚州鎮江江寧蘇州常  
熟上海浙之杭州金華蘭谿閩之福州建寧延平汀州  
江右之南昌建昌贛州東粵之廣州西粵之桂林蜀之

重慶保寧楚之武昌秦之西安晉之太原絳州豫之開  
封凡三十窟穴而廣東之香山嶺南萬人盤踞其間成  
一大都會以暗地送往迎來若望藉歷法以藏身金門  
而棋布邪教之黨羽於 大清十三省要害之地其  
意欲何為乎明綱之所以不紐者由廢祖宗之法弛通  
海泄漏之律徐光啟以歷法薦利瑪竇等於朝以數萬  
里不朝貢之人來而弗譏其所從來去而弗究其所從  
去行不監押之止不關防之十三直省之山川形勢兵  
馬錢糧靡不收歸圖籍而弗之禁古今有此詭待外國

海國圖志

卷二十七

南洋 西印度天主原圖

七

人之政否 大清因明之待西洋如此習以為常不  
察伏戎於莽萬一竊發百餘年後將有知予言之不得  
已者

其下篇云天主教所事之像名曰耶穌手執一圓象問  
為何物則曰天問天何以持於耶穌之手則曰天不能  
自成其為天如萬有之不能自成其為萬有必有造之  
者而後成天主為萬有之初有其有無元而為萬有元  
超形與聲不落見聞乃從實無造成實有不需材料器  
具時日先造無量數天神無形之體次及造人其造人



也必先造天地品彙諸物以爲覆載安養之需故先造  
 天造地造飛走鱗介種植等類乃始造人男女各一男  
 名亞當女名厄禮以爲人類之初祖天爲有始天主爲  
 無始有始生於無始故稱天主焉次造天堂以福事天  
 主者之靈魂造地獄以苦不事天主者之靈魂人有罪  
 應入地獄者哀悔於耶穌之前並祈耶穌之母以轉達  
 於天主卽赦其人之罪靈魂亦得升於天堂惟諸佛爲  
 魔鬼在地獄中永不得出問耶穌爲誰曰卽天主問天  
 主主宰天地萬物者何爲下生人世曰天主憫亞當

海國圖志 卷二十七 西南洋 西印度天主原國 主

造罪彌延世世苗裔許躬自降生救贖於五千年中或  
 遣天神下告或托前知之口代傳降生在世事蹟預題  
 其端載之國史降生期至天神報童女瑪利亞胎孕天  
 主瑪利亞怡然允從遂生子名曰耶穌故瑪利亞爲天  
 主之母童身尙猶未壞問耶穌生於何代何時曰生於  
 漢哀帝元壽二年庚申噫荒唐怪誕亦至此哉夫天主  
 氣之所結撰而成非有所造而成者也設天果有天主  
 則覆載之內四海萬國無一而非天主之所宰制必無  
 獨主如德亞一國之理獨主一國豈得稱天主哉既稱

天主則天上地下四海萬國物類甚多皆待天主宰制  
 天主下生三十三年誰代主宰其事天地既無主宰則  
 天亦不運行地亦不長養人亦不生死物亦不蕃茂而  
 萬類不幾息矣天主欲救亞當胡不下生於造天之初  
 乃生於漢之元壽庚申天主造人當造盛德至善之人  
 以爲人類之初祖猶恐後人之不善繼述何造一驕敖  
 爲惡之亞當致子孫世世受禍且其子孫中又有聖有  
 賢有智有仁不盡肖亞當所爲又何人造之哉天主下  
 生救之宜造化存神型仁講讓以登一世於皞熙其或

海國圖志 卷二十七 西南洋 西印度天主原國 主

庶幾乃不識其大而好行小惠惟以瘳人之疾生人之  
 死履海幻食天堂地獄爲事又安能救一世之雲初去  
 惡而遷善以還造化之固有哉釋氏銷罪必令懺悔彼  
 教則但崇事耶穌母子者卽升之天堂不奉之者卽下  
 之地獄使奉者皆善人不奉者皆惡人猶可言也苟奉  
 者皆惡人不奉者皆善人不皆顛倒賞罰乎謂佛墮地  
 獄中永不得出誰則見之而耶穌生釘十字架則現身  
 劍樹苦海豈有主宰天地萬物之人而不能自主其一  
 身之性命者乎以造化世界之上帝而世人能戕之戮



之者乎剽竊釋氏天堂地獄之唾餘而反唇謗佛則雖  
道教方士之剽佛謗佛不如是甚也且又援儒而謗儒  
歷引六經之上帝而斷章以證其為天主曰蒼蒼之天  
乃上帝所役使或東或西無頭無腹無手無足未可為  
尊况於下地乃眾足所踐污穢所歸安有可尊之勢夫  
不尊天地而尊上帝猶可言也尊耶穌為上帝則不可  
言也耶穌而誠全德之聖人也則必一言而為法後  
世一事而澤被四海若伏羲文王之明易象堯舜之致  
時雍大禹之平水土周公之制禮樂孔子之明道德斯

海國圖志卷二十七 西南洋 西印度天主原國 西

萬世之功也耶穌有一于是乎如以瘳人之病起人之  
死為功此華陀良醫祝由幻術之事非大聖人之事也  
更非主宰天地萬物者之事也苟以此為功則何如不  
令人病不令人死之功更大也以上帝之聖神廣運一  
一待其遇病瘳之過死起之則已不勝其勞遇耶穌者  
一二不遇耶穌者無量無邊其救世之功安在也且利  
瑪竇之書止載耶穌救世功畢復升歸天而諱其死于  
王難至湯若望點不若利瑪竇乃并其釘死受罪圖寫  
而直布之其去黃巾五斗米之張道陵幾何而世倘或

以其制器之精奇而喜之或以其不婚不宦而重之不  
知其儀器精者兵械亦精適足為我隱患也不婚宦者  
其志不在小乃在誘吾民而去之如圖日本取呂宋之  
已事可鑒也詩曰相彼雨雪先集為霰傳又曰鷹化為  
鳩君子猶惡其眼今者海氣未靖譏察當嚴緝盜開門  
後患宜甚寧使今日置子為妬口毋使異日神子為前  
知斯則中國之厚幸也夫 案福音書耶穌自稱為上帝  
之子而稱上帝為神父未嘗  
謂耶穌即上帝也此所論  
稍未中肯其餘大槩得之

海國圖志卷二十七 西南洋 西印度天主原國 圭

耶穌教者半然所謂天主者即耶穌其書同而講解異  
按耶穌生於猶太教之盛行起於羅馬王侯聽其願指  
有不從者國輒被兵數百年無敢違異以耶穌為上天  
之主宰也路得稱耶穌為救世主名其教為耶穌教諸  
國之奉天主教者翻然從之不可止 今歐羅巴從天主  
教者曰意大利亞  
日佛耶西曰比利時曰西班牙曰葡萄牙曰亞德蘭教者  
日英吉利曰荷蘭曰德國曰瑞國曰普魯士曰米利堅  
此外兩教參雜者曰聖地利曰日耳曼天主教規立十  
字架作銅人背耶穌被釘受難之形旁有女人像背耶  
穌之母馬利亞耶穌教無之餘七日禮拜安  
息之類皆同又別有希臘教者亦天主教別派



瀛環志畧曰事火神者拜旭日或燃薪向之拜民非火  
 化不生非白日則宇宙無暗故兩地之夷古有此俗義  
 起報本非邪神也事天神始於摩西時在有商之初  
 年託言天神降於西奈山在阿刺伯境內垂十誠以教世人七  
 日安息禮拜即起於此距耶穌之生尚隔一千數百年  
 乃天主教之所自出非即天主教也天竺自佛教興而  
 祀火之俗改今西域之乾竺特南印度之孟買仍有拜  
 火之俗是其明證波斯則自唐以前尚未改後其國為  
 回回所奪始改從回教然至今禮拜仍兼拜火神故末

海國圖志 卷二十七 西南洋 西印度天主教原圖 末

惡嶼有太陽火神古殿也中國自前五代時有祆神祠  
 又有胡祆祠火祠唐時有波斯經教天寶四年詔改兩  
 京波斯寺為大秦寺又有景教流行中國碑建中二年  
 大秦寺僧景淨述今考祆字從示從天即天神其教起  
 於拂絲即猶太摩西初建此本大秦國之東境大秦即  
 之羅馬國漢人因其人長大平正有類謂胡祆之即祆  
 中國故稱為大秦其本國並無此名謂胡祆之即祆  
 神祆神之即天神祆字本中國人所造西土而屬之大  
 秦似也拂絲自漢初隸羅馬至是即耶穌教之嚆矢也  
 若火神教則出自波斯與大秦無涉謂為火祆則已混

火神於天神謂波斯教出於大秦則又邇本支於異姓  
 景教一碑尤為荒誕景教即火教中間景宿告祥懸景  
 日以破暗府亭午昇真云云皆指太陽火也又云判十  
 字以定四方七日一薦云云又牽涉天主教其所謂三  
 一妙身无元真主阿羅訶者不知何人而一切詞語又  
 皆緣飾釋氏糟粕非火非天非釋竟莫名為何等教矣  
 蓋波斯之祠火神本其舊俗而佛教行於天竺乃其東  
 鄰天神教行於大秦乃其西鄰至唐代則大秦之天主  
 教又已盛行胡僧之黠者牽合三教而創為景教之名

海國圖志 卷二十七 西南洋 西印度天主教原圖 末

以自高異中國不知其原委遠從而崇信之正昌黎所  
 謂惟怪之欲聞者耳又碑中云貞觀十二年大秦國大  
 德阿羅木遠將經像來獻上京阿羅德果自大秦來其  
 為天主教無疑其經當即歐羅巴所傳之聖書福音其  
 像當即耶穌被釘十字架之像乃當時不聞有此而其  
 所謂景教者依傍於波斯之火神潤色以浮屠之門面  
 是不可解也自唐以後佛教盛行胡祆火祆之祠波斯  
 大秦之教俱不復見據泰西人所紀載惟阿非利加比  
 士之阿比西尼亞尚有大秦教名亦仍是波斯火神耳



天主教考上

天學初函諸書未之見也所見者西夷述救世主耶穌  
新遺詔書用漢文譯刊凡十餘卷曰馬泰傳福音書第  
一馬可傳福音書第二路加傳福音書第三約翰傳福  
音書第四皆述耶穌降生行教靈蹟始末也聖徒言行  
傳第五述耶穌死後諸大弟子傳教事迹也聖徒保羅  
寄人書十篇聖徒約翰寄人書三篇又聖徒耶哥伯書  
彼得羅猶大士書皆其門人闡揚師教猶中土人論學  
之書也又聖人約翰天啟之傳則言天地劫毀天主重

海國圖志卷二十七西南洋 西印度天主原國

造人物之事計自開闢至今將六千年自耶穌降生千  
有八百三十餘年稱耶穌為基督其先世自亞伯喇罕  
至大辟十四代自大辟至流巴庇倫十四代自流巴庇  
倫至基督亦十四代共四十二代其母曰馬里亞童女  
有身徵兆奇異言是上帝之子降生代天行化及長能  
使病者愈死者生聾者聰瘡者語盲者視跛者行能履  
海濤能服邪鬼能榮槁木能以七餅分給四千人食  
能通各國語言遺其十二門人行化各郡國言上帝為  
神父耶穌為神子敬其子即敬天年三十有二為猶太

國異教所嫉毀之國王禽而釘之十字架死後三日復  
活母子重逢生于天上坐于上帝之右其現身酷死所  
以代眾生之罪故惟敬耶穌可以免罪獲福免地獄生  
天上萬歷中馮馬諾著天問畧曰天有十二重最高之  
十二重為天主上帝諸神聖處永靜不動廣大無比即  
天堂也其內第十一重為宗動天其第九重為東  
西歲差天南北歲差天其動極微僅可推算而甚微妙  
又其內各重為日月諸星本動之天皆自西而東宗動  
天自東而西故先論九重未及十二也福音書曰元始

海國圖志卷二十七西南洋 西印度天主原國

有道德即上帝萬物以道而造其造生者人類之光也  
光輝耀于暗而居暗者不識有上帝所遣之人名約翰  
來為其光所證命眾得信真光照世即耶穌也其身非  
由私欲而生乃上帝之子也耶穌之教始于阿細亞州  
而西行于歐羅巴近則并行于墨利加其西洋人發揮  
彼教之書曰大西各國惟知崇拜一上帝此外無所祈  
禱此教何所始曰有一舊遺聖書乃上帝指示摩西聖  
人所錄而摩西子孫傳于後世也其一言上帝之出沒  
其二言萬民之本分其三言後世之永福永禍夫上帝



先乎天地萬物不可得知其所由來惟無所不知無所不能無所不在至正至大至智至誠則人人可信故風雷雲雨日月星辰草木花卉飛禽走獸鱗介昆蟲凡天地所覆載莫非上帝創造故名之曰天父曰救世曰聖神其實一上帝而已此當知者一人生於世莫不稟受於天既稟受於天則此身心皆上帝所生上帝即人之親矣惟子者可不愛敬其夫父母乎次則生我之父母亦當報罔極之恩推及同氣與天下同類之人此當知者二且人莫不有靈魂常不息不滅故信上帝而為善

海國圖志 卷二十七 西南洋 西印度天主原圖 千

則死後其靈永享天福違上帝而為惡則死後其靈永受苦罰此當知者三上帝無形無聲恐人不知故畱書以救世其聖書始于夏終於漢前者已閱三千年後者已閱三千年餘矣其書半是亞細亞之西希伯來人所錄半是歐羅巴之東希臘人所錄又有神理論曰天地內有神為極大全能造化萬物管理萬物人不能自生物不能自造日星何以循環山川何以凝載草木何以榮落飛走潛介何以視聽鳴動曰靈曰魂曰心曰性皆神之所為也是神獨一無二最始無前倘有對待有後

起即非神天之神也莫大于天地然天地有形可見神天無形天地有終始神天無終始天地乃受造之物所造之者神也天地乃運動之機器所以運之者神也天地尚不可稱神而世人常敬數神千百神如日月雲雷山海社稷則以其尊大顯赫而神之古人有文武出眾功德在人者則神之不知天上地下止有一神所管更無二神可抗故專言神恐鄰于祇鬼專言天恐泥于形氣惟合言神天乃足該至大至靈之宗即儒書所謂造化所謂上帝非世俗玉皇大帝之謂者也謂神曰靈亦可但有人靈有仙靈有天靈人靈與身體相結不脫于物亦神所造非神也仙靈乃神之使者無靈重之身而自細妙之身亦神所造非神也惟天靈即神天全無身體無方所無在無不在故易曰陰陽不測之謂神妙萬物之謂神不疾而速不行而至之謂神

海國圖志 卷二十七 西南洋 西印度天主原圖 千

天主教考中

天主垂世為十大誠十大誠者當中國商朝時神天降於如大國之西奈山交畱石碑又以大聲音宣其命令惟召聖人摩西上山受上帝之命藏在金匱千年至耶



蘇興始以其法示人凡戴天履地皆宜祇遵其一神天  
曰除我外不可有別神也凡人手所作之木偶十石及山川祖宗等神皆不可奉蓋拜祭之禮止可施于神天不可施于他人其二神天曰不可為我而造雕畫之像不可立廟設位陳牲酒施鼓樂讚誦而事神也禮拜之日雖耶穌及聖母之像十字之架皆不可設蓋無形之聖神有形則非矣其三神天曰爾不可輕用神名古時以色列國民受何瓦漢譯言自然而然之神也凡發願發誓祈禱開語時不可泛稱神名必至誠用之其四神天曰撒巴日宜守禮其前六日可兼營爾業惟第七日不可務別業並爾子女婢僕牲口門內之客皆然蓋六日

海國圖志卷二十七西南洋 西印度天主原國

內神主造天地海第七日乃神主安息日故宜守之即禮拜日也第七日不惟罷外事乃亦息內念已往未來一切開事勿念一心專念神天或拜神或讀聖書或省察已心或勸化他人皆所以保靈魂體造化以上四誠皆屬敬天以下六條乃及五當其五神天曰敬爾父母六日不可殺人不但靈魂不可即自戕者其靈魂陷入地獄故臨難可死不可自戕最為大罪七日不可姦人妻不惟禁外淫并不許姦妾凡富貴之人可用婢僕無數惟不可置妾無子亦聽于命不可違戒八日不可盜人物九日不可妄證及爾鄰者十日不可貪人之所有上數戒皆外事此則耶穌曰爾以全心全靈魂全明悟而愛主爾神此乃第一大誠其第二則必愛爾

鄰如己焉此耶穌述十誠大意歸此敬天愛人二者然敬天則無不愛人故二者中又以敬天為要聖徒保羅曰惡報有三一者今世諸難二者死亡大痛三者死後永苦凡有罪者不能脫免惟信耶穌可得救之何者耶穌在世成全律法有大功勞信之則其功歸我又耶穌曾受艱苦代我當罪信之則我罪歸他大哉盛哉施舍生命以免我苦以其痛苦我得平安以其死亡我得生活以其禍害我得永福天上神仙其力有限其位非高不如耶穌力大尊極貴為神子位為參天自棄天光降

海國圖志卷二十七西南洋 西印度天主原國

此紅塵代人受苦以救萬世不信之者雖善人亦墮落能信之者即惡人立升天堂至萬萬年還有餘祥焉  
天主教考下  
天學初函諸書四庫全書列諸存目今畧錄其提要曰二十五言一卷明利瑪竇撰西洋人之入中國自利瑪竇始西洋教法傳中國亦自此二十五條始大旨多剿竊釋氏而文詞尤拙蓋西方之教惟有佛書歐羅巴人取其意而變幻之猶未能甚離其本厥後既入中國習見儒書則因緣假借以文其說乃漸至變衍支離不可



究詰自以為超出三教上矣附存其目庶可知彼教之  
初所見不過如是也又天主實義二卷明利瑪竇撰是  
書成于萬曆癸卯凡八篇首篇論天主始制天地萬物  
而主宰安養之二篇解釋世人錯認天主三篇論人魂  
不滅大異禽獸四篇辨釋鬼神及人魂異論天下萬物  
不可謂之一體五篇排辯輪迴六道戒殺生之謬而明  
齋素之意在于正志六篇解釋意不可滅并論死後必  
有天堂地獄之賞罰七篇論人性本善併述天主門士  
之學八篇總舉泰西俗尚而論其傳道之士所以不娶

海國圖志 卷二十七 西南洋 西印度天主原國

五

之意并釋天主降生西土來由大旨主于使人尊信天  
主以行其教知儒教之不可攻則附會六經中上帝之  
說以合于天主而特攻釋氏以求勝然天堂地獄之說  
與輪迴之說相去無幾特小變釋氏之說而本原則一  
耳又崎人十篇二卷附西琴曲意一卷明利瑪竇撰是  
書成于萬曆戊申凡十篇皆設為問答以申彼教之說  
一謂人壽既過誤猶為有一謂人于今世惟僑寓耳三  
謂常念死候利行為祥四謂常念死後備死後審五謂  
君子希言而欲無言六謂齋素正旨非由戒殺七謂自

省自責無為為尤八謂善惡之報在身之後九謂妄詢  
未來自速身凶十謂富而貪吝苦于貧窶其言宏肆博  
辯頗足動聽大抵攝釋氏生死無常罪福不爽之說而  
不取其輪迴戒殺不娶之說以附會于儒理使人猝不  
可攻較所作天主實義純涉支離荒誕者立說較巧以  
佛書比之天主實義猶其禮懺此則猶其談禪也未附  
西琴曲意八章乃萬曆庚子利瑪竇觀京師所獻皆譯  
以華言非其本旨惟曲意僅存以其旨與十論相發故  
附錄書末焉又七克七卷明西洋人龐迪我撰書成于

海國圖志 卷二十七 西南洋 西印度天主原國

五

萬曆甲辰其說以天主所禁罪宗凡七一謂驕傲二謂  
嫉妬三謂慳吝四謂忿怒五謂迷飲食六謂迷色七謂  
懈惰于善迪我因作此書發明其義一日伏傲二曰平  
妬三曰解貪四曰熄忿五曰塞饕六曰防淫七曰策怠  
其言出于儒墨之間就所論之一事言之不為無理而  
皆歸本敬事天主以求福則其謬在宗旨不在詞說也  
其論保守童身一條載或人難以人俱守貞不婚人類  
將滅乃答以儻世人俱守貞人類將滅天主必有以處  
之何煩過慮其詞已遁又謂生人之類有生必有滅亦



始終成毀之常若得以此終以此毀幸甚大願則又詞窮理屈不覺遁於釋氏矣向何闢佛之云乎又辨學遺牘一卷明利瑪竇撰是編乃其與盧溥熙論釋氏書及辨蓮池和尙竹窗三筆攻擊天主之說齊固失矣楚亦未爲得也又交友論一卷明利瑪竇撰萬曆己亥利瑪竇遊南昌與建安王論友道因著是編以獻其言不甚荒悖然多爲利害而言醜駁參半如云友者過譽之害大于仇者過訾之言此中理者也又云多有密友便無密友此洞悉物情者也至云視其人之友如林則知其

海國圖志

卷二十七

西南洋 西印度天主原國

美

德之盛視其人之友落落如晨星則知其德之薄是尊天下以濫交矣又云二人爲友不應一富一貧是止知有通財之義而不知古禮惟小功同財不概諸朋友一相友而卽同財是使富者愛無差等而貧者且以利合又豈中庸之道乎王肯堂鬱岡齋筆塵曰利君遺余交友論一編有味哉其言之也使其素熟于中土語言文字當不止是乃稍刪潤著于編則此書爲肯堂所點竄矣又西學凡一卷明西洋人艾儒略撰儒者有職方外紀已著錄是書成于天啟癸亥天學初函之第一種也

所述皆其國建學育才之法凡分六科所謂勒鐸理加者文科也斐錄所費亞者理科也默第濟納者醫科也勒義斯者法科也加諾擲斯者教科也陡祿日亞者道科也其教授各有次第大抵從文入理而理爲之綱文科如中國之小學理科則如中國之大學醫科法科教科者皆其事業道科則在彼法中所謂盡性致命之極也其致力亦以格物窮理爲本以明體達用爲功與儒學次序畧似特所格之物皆器數之末而所窮之理又支離神怪而不可詰是所以爲異學耳又靈言蠶勺二

海國圖志

卷二十七

西南洋 西印度天主原國

美

卷明西洋人畢方濟撰而徐光啟編錄之書成于天啟甲子皆論亞尼瑪之學亞尼瑪者華言靈性也凡四篇一論亞尼瑪之體二論亞尼瑪之能三論亞尼瑪之尊四論亞尼瑪所同美好之情而總歸于敬事天主以求福其實卽釋氏覺性之說而巧爲敷衍耳明之季年心學盛行西士慧點因撫佛經而變幻之以投時好其說驟行蓋由于此所謂物必先腐而後蟲生非盡持論之巧也又空際格致一卷明西洋人高一志撰西法以火氣水土爲四大元行而以中國五行兼用金木爲非一



志因作此書以暢其說然其窺測天文不能廢五星也  
 天地自然之氣而欲以強詞奪之烏可得乎適成其妄  
 而已矣寰有詮六卷明西洋人溥汎際撰書亦成于天  
 啟中其論皆宗天主又有圍滿純體不壞等十五篇總  
 以闡明彼法案歐羅巴人天文推算之密工匠製作之  
 巧實逾前古其議論夸詐迂怪亦為異端之尤 國朝  
 節取其技能而禁傳其學術具存深意其書本不足登  
 冊府之編然如寰有詮之類明史藝文志中已列其名  
 削而不論轉慮惑誣故著于錄而闕斥之又明史載其  
 海國圖志 卷二十七 西南洋 西印度天主原國 末

書于道家今考所言兼剽三教之理而又舉三教全排  
 之變幻支離真雜學也故存其目於雜家  
 魏源曰西域三大教天主教天方皆闢佛皆事天即佛經  
 所謂婆羅門天祠其教皆起自上古稍衰于佛世而復  
 盛于佛以後然吾讀福音諸書無一言及于明心之方  
 修道之事也又非有治歷明時制器利用之功也惟以  
 療病為神奇稱天父神子為剏制尙不及天方教之條  
 理何以風行雲布橫被西海莫不尊親豈其教入中土  
 者皆淺人拙譯而精英或不傳歟天既無形氣無方

體乃降聲如德之國勒石西奈之山殆甚于趙宋祥符  
 之天書而摩西一人上山受命遂傳十誠則西域之王  
 欽若也印度上古有婆羅門事天之教天方天主皆衍  
 其宗支益之謫誕既莫尊于神天戒偶像戒祀先而耶  
 蘇聖母之像十字之架家懸戶供何又歧神天而二之  
 耶斥佛氏之戒殺而力言禽獸異于人之靈魂萬物不  
 可為一體以濟其口腹庖宰之欲是上帝果不好生而  
 好殺乎人之靈魂最貴故人不可殺亦不可自殺即殉  
 難自殺亦必陷地獄則申生扶蘇召忽屈原皆地獄中  
 海國圖志 卷二十七 西南洋 西印度天主原國 末

人反不如臨難苟免之人乎謂上帝初造人類時止造  
 一男一女故人各一妻妻即無道不可議出即無子不  
 可娶妾則何以處淫悍不孝且何又許富貴人婢僕無  
 數豈陰許其實而陽禁其名乎謂人一命終善惡皆定  
 受報苦樂永無改易更無復生輪回之事則今生皆初  
 世為人人皆天主所造何不但造善信毋造邪惡乎耶  
 蘇自身受罪可代眾生之罪則佛言歷劫難行苦行舍  
 頭目腦髓若恒河沙功德當更不可量耶蘇又曷斥之  
 乎謂孔子佛老皆周時人僅閱二千餘歲有名字朝代



但為人中之一人不能宰制萬有則耶穌詎非西漢末  
人又安能代神天以主造化且聖人之生孰非天之所  
子耶穌自稱神天之子正猶穆罕默德之號天使何獨  
此之代天則是彼之代天則非乎歷覽西夷書惟神理  
論頗近吾儒上帝造化之旨餘皆委巷所談君子勿道  
又其書皆英夷所刊布而英吉利舊傳不奉天主教見  
國間見錄及傳及考每月統紀傳則又言英吉利民遷  
夷安突得口供及考每月統紀傳則又言英吉利民遷  
墨利加洲新地不服水土疫氣流行皆赴神之堂願  
教得息于是國人奉事天主七日禮拜又以耳得蘭島

海國圖志 卷二十七 西南洋 西印度天主原國

距國數里結黨抗教國王勒之歸順且禁買黑奴亦以  
耶穌之道豈昔闢之而近日奉之歟抑遵波羅特士之  
天主教而不遵加特力之天主教門戶不同旨歸小異  
歟董子曰道之大原出于天故吾儒本天與釋氏之本  
心若冰炭乃天方天主亦皆本天而教之冰炭益甚豈  
辨生于末學而本師宗旨或不盡然歟周孔語言文字  
西不逾流沙北不暨北海南不盡南海廣谷大川風氣  
異宜天不能不生一人以教治之羣愚服習羣愚訟服  
正直文中子曰西方之聖人也中國則泥莊子曰八荒

以外聖人論而不議九州以外聖人議而不辨或復謂

東海西海聖各出而心理同則又何說焉道光二十五年  
奏佛蘭西國使呈請天主教勸人為善非邪教請弛漢  
人習天主教之禁奏交部議准海口立天主堂華人入  
教者聽之推不許奸誘婦女誑騙病人眼瞶者仍治  
罪查西洋之天主教不可知若中國之天主教則方其  
入教也其受藥丸領銀三次之事其病終有本師來  
之事其同教有男女共宿一堂之事其病終有本師來  
取日時之事其銀每給百三十兩為貿易費本師折  
則復領凡領三次則不復給贖之終身棄京師有醫某  
者歲終貧困思惟入天主教可救貧而邪教又不可入  
乃先煎藥開思惟入天主教可救貧而邪教又不可入  
藥灌我于是至天主堂西洋人授以丸如小餅使吞  
之予百餘金歸至家則手擲神主口中喃喃妻子急如  
前言煎藥良久暴下而醒見廁中有物蠕動洗而視之  
則女形寸許眉目如生乃蓋之藥瓶中黎明而教師至

海國圖志 卷二十七 西南洋 西印度天主原國

手持利刀索還原物醫言必告我此何物乃以相予  
師曰此乃天主聖母也入教稍久則手抱人心終身信  
向不改教矣乃子之而去又凡入教人病將死必報其  
師師至則妻子皆跪室外不許入良久氣絕乃許入則  
入教者欲試其術乃伴病數百不食報其師至果持小  
刀近前將取睛其人奮起奪擊之乃跟踉遁問市中  
國鉛百斤可煎文銀八兩其餘九十二斤仍可煎原  
價惟其銀必以華人睛點之乃可用而西洋人睛不濟  
事故西洋病終無取睛之事獨華人入教則有之也亦  
鴉片不行于夷而  
行于華之類也



海國圖志卷二十八

歐羅巴人原誤

此國界西洋西南洋之問故別為一卷

侯官林則徐譯

邵陽魏源重輯

南都魯機國

在唐以前為安息北境諸史有西女國當在此境唐後為回國所并職方外紀作度爾格國與歐羅巴洲之北都魯機同是一國分跨二洲與俄羅斯相似一作土爾其

一作都魯機

都魯機國疆域在阿細亞洲者半在歐羅巴洲者半在

阿細亞洲者曰南都魯機地廣而沃古時巴比羅尼阿

海國圖志

卷二十八

西南洋 南都魯機回國

一

國阿彌尼阿國厘底阿國主底阿國舊基也主底阿舊

為鉅國部民種類由斯為多方其盛強鄰近諸邦小者

滅大者服可與敵者惟西厘阿與斐尼西阿二國耳斐

尼西阿都於代厘雄麗蕃庶在埃阿尼呵耶阿厘斯厘

底阿加厘阿阿西利阿巴比羅尼阿諸國之上此外以

大國稱者又有巴比羅尼阿阿西尼阿然皆不能長久

後均降于巴社斯時巴社之臘西王恃其強盛西奪小

阿細亞南取伊揖疆甲諸國意猶未厭復統大軍北攻

額力西額力西歐羅巴洲大國一作厄勒黎兵驕無紀

律為額力西非厘王之子阿力山達一戰覆之舉國逐

屬於額力西迨阿力山達嗣位尤稱富強身後數子爭

立大將色力玉加斯乘內亂而篡之惟西隅之地尚屬

阿力山達之子旋亦為人所侵割據分裂一曰伯牙麻

司一曰朋都司一曰阿彌尼阿相繼稱王後值羅馬盛

強之日沿黑海裏海之間悉服羅馬惟晏底古斯爾特

厘底斯二王不服與羅馬血戰多年終為羅馬所滅改

國為部落者數百年及耶穌紀歲七百之際羅馬浸衰

兵戈迭起西厘阿地阿西利阿地均為阿丹回教所據

海國圖志

卷二十八

西南洋 南都魯機回國

二

建都麻那於是阿丹之遊民遙擁而至悉奪小阿細亞

疆土樹建回旗令所屬地均改奉回教風俗政事一變

未幾黑海之南干戈不息復有頭目荷多曼者智勇過

人先得歐羅巴之北都魯機建都其地旋得南都魯機

合為一國惟耶路薩凌之地被歐羅巴之克力士頓教

人所據不及百年克力士頓教人居東不樂忽退回西

故耶路薩凌仍屬於都魯機矣南都魯機屢經變亂民

生不聊自荷多曼得國以後歷數百年無干戈之擾惟

回教政尚操切風俗終不如古如先日濱底格厘士河



岸者有阿西利阿國濱歐付底斯河者有巴比羅尼阿國及巴社所轄印度河之那麻士加司依路彌阿耶路薩凌薩麻利阿巴厘阿斐尼西阿皆當日鉅邦部落逾百里社星羅野無荒土衢無停轍牧畜遍野舟楫連檣極一時人物之盛今其地雖存名多不同且奈音位之軍牆巴比羅尼阿之城郭巴色波利士之宮殿耶路薩凌之廟宇何在與夫阿臘之船廠代伊爾之巨船西倫之機織商賈兵卒之眾牲畜之蕃農夫士女之謳唸又安在陵谷滄桑今古邱壘人能興地非地與人信夫政

海國圖志

卷二十八

西南洋 南都魯機回國

三

事與歐羅巴洲之都魯機同每大部落立一巴札聯之地廣權重勢成尾大故千七百年間康熙三十九年達哈荷麻王時名雖臣屬實各專制徵調貢獻羈縻關畧按南都魯機處一洲中央距北都遠又隔黑海常懷跋扈如東隅巴札之來沙部巴酸部荷羅部鞭長莫及食稅衣租不供王室即主底阿之巴札亦復如是若巴比羅尼阿之巴札曰阿黑則先後抗拒於那達沙王疏厘麻王竟成敵國千八百有十年嘉慶八年費幾經營始能黜革而新立之巴札甫經一二年復擁眾背叛國王率師往征竟

遭射肩殞命從此王家不振特以世臣夾輔未及耳耳伊揖原其屬國亦舊設巴札之一近日不但不臣且侵奪都魯機之西厘阿部落收養亡命為其爪牙居民荼毒亦甚矣各處巴札專利股削遇訟獄則或株連富人而罰之或聽其入教令人首報而勒贖之或置豪民於死刑而籍其財產皆彼國之大害城中山河表裏自成境界然亦不如印度希麻臘牙庵底斯兩山之形勢在阿爾阿者以阿臘山為最高次即西厘阿之黎巴倫山終年積雪而中多平原可耕若主底阿全是山阜而

海國圖志

卷二十八

西南洋 南都魯機回國

四

無高聳其西隅有兩山夾峙中僅通人者有四面拱抱內皆沃野者雖綿亘邈迤而高則僅同主底阿之山諸河皆導源是山其最鉅者曰歐付臘底斯河底格厘士河一直一曲均會麻疏臘同行百有五十里而出印度海故歐付底司河長千四百里而底格厘阿河僅八百里曲直之別也此外小河紀載未詳湖有底比厘阿湖晚湖雖不甚大山環樹繞風景宜人風俗教門文學大約與歐羅巴洲之都魯機同而各部種類性情經異在各處海岸海島者俱額力西種也謂之上等人在山中



者達戈曼種也遠隔巴札不服約束容貌風俗似是如  
士比奄之後裔而游牧為生好勇鬥狠全類韃靼里如  
遇行軍但許其虜掠竟可毋給行糧然亦難以禦節制  
之師其在西厘阿巴里士達巴比羅尼阿各部者俱阿  
丹種也美髯善騎經商致富文雅甲通國在里麻倫山  
居住者有二種一馬羅奈底士一特魯西士均阿丹人  
也馬羅奈底士乃賢者馬倫所化導之人因此得名原  
居於格斯羅晚山谷俗奉克力士頓教阿丹以兵勒令  
改教棄家逃來日久蕃庶遂攻阿丹近邊並欲侵據耶

海國圖志 卷二十八 西南洋 南都魯機回國 五

路薩凌部落致都魯機之阿母臘王于千五百八十八  
年明萬曆十六年率兵深入其地馬羅奈底士寡不敵眾始輸  
貢獻改從回教其俗每村必有一廟立道觀二百餘所  
道士業耕種僧則牧畜能甘淡泊人咸敬之雖幼小之  
僧有人遇諸途亦必口噀其手官民毋分尊卑節儉甚  
于百姓而日用尙有不足政事會議公所以阿丹之教  
斷之彼此有仇准私報復其戶口十一萬五千兵三萬  
四千又有特魯西士者種類強悍亦宗伊揖巴札伐底  
美所立之回教在耶穌紀年一千時宋咸平四年其教始行

與阿丹回教不盡同被阿丹禁逐遂逃於里麻倫山極  
高之地迨阿母臘王統兵征服馬羅奈底士之時特魯  
西士亦往歸服令其自立頭目約束一方以麥羅為首  
部歲貢方物後因遊於意大里染習奢華為人中傷而  
死其家別選一人續充教師世代相繼不選外人部落  
有大事即傳各小頭目會議並許部眾參議與英吉利  
政事畧同其人勇敢輕生聞戰爭先恐後不暇覓器械  
徒手短衣長驅赴敵其戰不長平陸而長山險居高陵  
下鳥鎗發無不中境內所崇祀者一克力士頓廟一回

海國圖志 卷二十八 西南洋 南都魯機回國 六

教廟每逢禮拜兩廟俱至雖無區別而至克力士頓廟  
者多其教師以為經典天神所授大言自聖歐羅巴人  
欲見其經典從不可得大抵亦無甚精奧觀於同族聯  
姻自娶姊妹已可概見其額兵共有四萬其戶口約二  
十萬又有黑兩西者其種類亦居里麻倫山最高之處  
屬於西厘阿所奉回教畧同巴社飲食器皿非已不用  
欲洗自己之罪過須殺別教自代都魯機人皆斥為邪  
教惟遇爭戰奮不畏死從未敗績常以數千而敵萬人  
國中亦賴此不為俄羅斯吞并又阿彌尼阿部者當昔



大亂迭起時，受災較少，戶口約十七萬，原奉克力士頓教，因羅汶之人，前曾至此，故習加特力者亦約二萬，第克力士頓之和尙，僅不茹葷，仍皆婚娶，故甚尊加特力之和尙，風俗政事教門，與由斯相似，而不慳嗇，其貿易近則巴社，遠則歐羅巴及印度，并有深入阿未里加洲者，阿彌阿之南，即戈底士丹部落，濱臨底格厘士河，地險難耕，多游牧于韃韃里，而巴社俗尤剛強，動輒攘奪，為通阿細亞洲中之最悍，產羊裘地氈，葡萄乾布絲藥材，樹膠寶石酒穀麥五金，國中港口在四馬那部內。

海國圖志 卷二十八 西南洋 南都魯機國 七

南都魯機在阿細亞洲之最西，又名小阿細亞，東抵巴社，以底格厘士河分界，西抵地中海，南界阿那比阿，阿那比阿即北界黑海，東西距千二百里，南北距八百里，幅員五十萬方里，戶口千萬，丁領大部落九，小部落二十有六。

阿那多里阿東界路彌阿加，那馬尼阿西南北界海，領小部落八十有四。  
加那馬尼阿東北界路彌阿，西北界阿那多尼阿，南界依芝爾，領小部落十有六。

依芝阿東界阿爾尼悉阿，南界西里阿海，北界加馬尼阿，路彌阿，領小部落十有六。  
路彌阿東界阿彌尼阿，西界阿那多里阿，加那馬尼阿，南界阿爾尼西阿，依芝爾北界海，領小部落二十有七。

阿彌尼阿東界巴社，南界哥底士丹，阿爾尼西阿，西界路彌阿，北界海，及俄羅斯，領小部落二十有四。  
哥底士丹東界巴社，南界依那加比，西界阿爾尼西阿，北界阿彌尼阿，領小部落十有六。

海國圖志 卷二十八 西南洋 南都魯機國 八

伊那加比東界巴社，南界阿拉比阿，西界阿爾尼西阿，北界哥底士丹，領小部落十有九。  
阿爾尼西阿東界依那加比，哥底士丹，南界阿拉比阿，西界西里阿，北界路彌阿，領小部落二十有九。  
西里阿東界阿爾尼西阿，南界阿臘比阿，伊揖，西界海，北界芝爾，領小部落二十有五。

南都魯機國沿革 漢唐皆為安息，大食，西北境有明為度爾格，今為南都魯機，原無今補。  
職方外紀 百爾西亞西北諸國皆為度爾格所併，內有



國曰亞刺比亞中有大山名西奈山天主傳謂此處也土產金銀極精亦多寶石地在二海之中氣候常和  
一歲再粟有樹如橡栗夜露墮其上即凝為蜜晨取食之極甘美更產百物俱豐自古稱為福土其地有沙海廣二千餘里沙乘大風如浪行旅遇之偶為沙浪所壓倏忽上成邱山凡欲渡者須以羅經定方向測道里又須備糧糗及兼旬之水乘以駱駝馳行甚急可日馳四五百里又耐渴一飲可度五六日其腹容水甚多客或乏水則剖駝飲其腹中水傳聞有鳥名弗尼思其壽至

海國圖志

卷二十八

西南洋 南極島嶼回國

九

四五百歲自覺將終則聚乾香木一堆立其上待天甚熱搖尾燃火自焚矣骨肉遺灰變成蟲蟲又變為鳥故天下止有鳥而已西國言人物奇異無兩者皆謂之弗尼思云其地有一海長四百里廣百里水味極鹹性凝結不生波浪嘗湧大塊如松脂不能沉物雖用力按抑不能入曾有國王異之往觀命人沉水試之終不可入海色一日屢變日光炫耀文成五色因其不生水族故命曰死海度爾格之西北曰那多理亞國有山多瓊石國人嘗往鑿之至一石穴見石人無算皆昔時遊

亂之民穴居于此死後為寒氣所凝漸化為石其地西界歐羅巴處中隔一海寬五里許昔有一名王曰失爾塞者造一跨海石梁通連兩地今為風浪衝擊亦崩頽矣又有地名際刺產異羊羊之絨輕細無比雨中衣之暑不沾濡即漬以油毫不污染也一種異犬性好竊衣履巾帨之屬稍不慎輒為竊匿矣有山生草木皆香過之則香氣馥郁襲人衣裾案後漢西域傳從安息繞海北行有飛橋數百里即此五里石梁之謠傳

海國圖志

卷二十八

西南洋 南極島嶼回國

十

蘇拂蘇君長歲遣男子配焉俗產男不舉交獻通考西女國在蔥嶺之西其俗與東女同東女在葱嶺東南近吐番後亦附于拂蘇唐貞觀八年朝貢始至為吐番所滅 坤輿圖說韃而韃各國迤西舊有女國曰亞瑪作擄驍勇善戰建一神祠壯麗奇巧非思議所及今亦為他國所并僅存其名耳案為他國所并者即指度爾格國兼并之事 萬國地理全圖集曰土爾其藩屬國北接我羅斯及黑海南連亞刺伯及地中海東接白西國西至希臘羣島海為亞齊亞洲極西之地方北極出自三十度至四十



度東偏自二十六度至四十八度長二千六百  
千四里北方山極險峻高接雲霓河源皆在此山最長  
者巴河地額河對流而東南及將入海兩河乃合屢次  
漲潦其湖最著者曰死海其北為加利湖其約爾坦河  
自北流南而入死海。此地古時分為列國唐初年間  
回回占據其地居民塗炭今已千有餘年土官橫征私  
派并勒令天主教及希臘回教之徒概進稅貢山內有  
蠻族心野好戰時時掠其游牧所有列國藩屬如左  
又曰小亞西亞國即南都魯機也其國半土山險峻物

海國圖志

卷二十八

西南洋 南都魯機回國

七

產多出胡絲乾葡萄果等貨遍地古蹟昔時興旺今則  
衰寂士麥那城居民十萬所運出運進之貨價每年不  
止幾百萬金列西國之賈悉來其地但其城市不潔瘟  
疫易生。補撒大城居民六萬加士他母尼邑內有回  
回廟宇其黑海北方有得比遜海口與義羅斯通商族  
類五萬人內地古地亞城可尼昔西域之王都也居民  
六萬丁附近安義刺城羊毛最細用之織布最溫軟西  
瓦邑六萬居民掘山出銅其東南海濱居伯羅島地膏  
腴出葡萄酒南菓五穀女多美麗但因苛政民稀土曠

羅得島水土最宜農古時各島皆有土酋今服屬于土  
爾其○治阿島居民十五萬道光四年土爾其水師上  
岸攻其城池燬其富庶。米地鄰島產酒油

兩河中地北有亞麥尼地山嶺險隘峒峽深邃洪水初  
平之際巨舟閣於其峯居民奉耶穌之教好商賈不憚  
跋涉惟回回官甚磨難其民其都曰葉西倫有十萬民  
居天氣冷七月有雪巴牙息在山腳亞麥尼民之學院  
內有壯麗之寺其教主所會也近河平坦地亞北客城  
與鄰國通商。山內古耳得族類建堡山穴以賊盜為

海國圖志

卷二十八

西南洋 南都魯機回國

七

生。中地之都會曰摩俗鄰地或沙或澤農苦耕耘賊  
奪產物。八塔城昔回回國都古時殿宇祥光燦爛現  
時衰廢獨存其古蹟瓦礫如山可想其城之廣大因犯  
上帝之律例酷待所虜之猶太人是以遭廢成野。在  
兩河入海之所曰巴所刺邑與印度國通商屋小街窄  
人穢然係萬國饒富之市商賈甚盛

案南都魯本韃靼種舊游牧蔥嶺伊犁一帶展轉西  
徙入買諾居於拉馬尼亞者也  
地球圖說土耳其國東界白爾西亞國南界亞拉比亞



國西界地中海北界黑海其百姓約有一千二百萬之數其都城在歐羅巴大洲內土耳其國相間之處地名孔士旦半天主教半猶太教北有高山南有曠野中央平坦內有大湖名曰死海鹹而且臭終無可用死海之北有加利利湖即教主耶穌在此宣講真理多醫疾病不時顯聖有約耳坦江即耶穌領受洗禮之處又有許多被天火焰燒之城即巴米辣巴皮倫尼瓦等城雖泯沒而舊跡尚存再稽聖書內言真神始以土塵造人名亞丹復以亞丹之筋骨造女以為夫婦復裁以田園

海國圖志

卷二十八

西南洋 南土魯機回國

五

以與二人居住之處暨耶路撒冷城係猶太國之都內有真神殿宇當時之民每年必三至禮拜迨後猶太國民終不信從真神震怒即加大罰極其民毀其城至今大相懸殊也城外有橄欖山即耶穌日在耶路撒冷城宣教夜回橄欖山栖宿之地并耶穌生身之地長養之地葬身之地均在是國現其塚上為天主教門徒建立禮拜堂以耶穌教之門徒無追慕之理也國內江河極少運貨俱用駝馬必旅伴同行以禦劫掠牧羊者嚴務農者少有大江名由非刺氏江又名比拉江土產北果蒲荷

酒五穀菸葉絲布鴉片胡絲羊絨布獸皮銅等物道光十六年被麥西國人侵佔西南境界至二十年幸歐羅巴大國助而復之

外國史略曰南土耳其在亞悉亞藩屬地南抵亞拉回國北及黑海東連俄羅斯白西等國西及地中海羣島等海達他匪並君士坦海峽隔之以俄羅斯之微地曰蘇益典亞非利加相連北方多山東方平坦兩大河匯入白西海隅者一為以法河一為得義河所屬之地本古各國後為羅馬所轄。小亞悉亞乃半地所凸出者廣

海國圖志

卷二十八

西南洋 南土魯機回國

五

袤方圓八千里居民五百萬田甚豐盛天氣溫和多物產南果葡萄俱美出縣花鴉片薑花煙木料牛馬羊尾長可織布又出胡絲花石鉛居民多土耳其人性驕傲亦多希臘人多為商匠在山內者恣游牧頗為盜賊居民造搭膊布並織地分八郡最廣港口曰士默那居民十二萬五千多外國商賈人戶稠密多瘟疫港多商船運出者鴉片蠶絲百果藥菜花鹽等貨運入者各工製造之物廣通商無積聚土甲居民十萬舊地亞居民六萬。屬此地之島曰棋賓島在敘利海邊居地中海中



廣表方圓三百四十里民多希臘人亦有教師教主昔本豐盛多物產今祇出葡萄極大之城曰尼可西亞居民萬六千全島之山水美不勝賞故自古閒逸之士皆集此以適其意。羅突島廣表方圓二十一里出南果蘇花五穀橄欖油居民三萬在地中海邊地立新埠今已三百年服土耳其之權。勒布廣表方圓十二里居民五萬屬土族出無花果及橄欖油百姓能力於戰。士其阿廣表方圓十八里數年前居民十二萬出南果胡絲蘇花向時此島本樂境貿易極旺道光二十年希臘人欲脫土爾其之酷因驅逐土兵土兵來報復殺男女老幼四萬又將三萬人販賣為奴遂荒其地。

海國圖志卷二十八 西南洋 南土極國 去

兩河中之地悉廣坦古本樂地中地之北方甚豐盛有牧場與亞拉回國交界係沙野少產物兩河邊瀦澤尤廣地半遊牧各自有酋長不服國王之權山內有新族亦不畏國君其都會巴達係古回國君之都居民五萬即與五印度貿易之處地平坦前時建巴比倫尼尼瓦兩大邑為兩國之都於是時據各鄰國亦陷猶太地且虜其民人後為他國所滅間有游牧者至其地遍地

荒野且其河溢漲居民受困地雖甚腴卻無草無菜又時有瘟疫其大港曰布所拉在白西海隅為兩江匯入海口商船雲集。北與俄羅斯國所連者曰亞面地廣表方圓千五百九十三里居民九十五萬大半山地所出之穀微惟牧場頗茂居民多耶穌教古原自為一國被回回攻服民聰慧善賈巡游四方甚殷實散布亞悉亞各國在土耳其國大開銀局其國若務大事惟亞面人是賴人奉回教外多儀而內極誠實外國人皆敬之其會城曰益西倫在高山上海居民十萬多製造皮布兵器多賣與土爾其國羣商每年自亞悉亞集此貿易輻輳不絕附此邑有山巨舟能入有水患即避此。

海國圖志卷二十八 西南洋 南土極國 去

敘利亞部在地中海邊東與亞拉國相連延及小亞悉亞廣表方圓二千三百里有利巴倫山古多香松今為游牧之所東方沙坦多曠巖海邊地極豐盛天氣熱北方有阿倫得江足灌溉兩岸山水甚美多產南果蒲桃烟蘇花五穀居民二百五十萬養駝羊山羊豕蜜山出鐵花石及各貨百姓語言不一教亦不一若回回天主教門猶太人種種有之昔推敘利亞部為國主後



毀羅馬所轄居民久奉天主教迨亞拉之回回侵迫令  
民改從回教居民不多荒其田而不耕較往古盛時不  
及百分之一大馬士革城亦豐盛居民二十萬街狹人  
稠。安地悉居民一萬古為廣大之都海邊港口曰亞  
拉居民萬五千疊為敵國圍困昔有破拿倫將軍後為  
佛國王攻伐而退後麥西國並英人又取之哈立城即  
山麓大城邑原居民二十萬於道光二年地震屋宇倒  
壞然山水固極清秀也猶太國屬敘利亞古時天主教  
教之地為羅馬國所有者五百餘年後又為回教所屬

海國圖志

卷二十八

西南洋 南土番機回國

七

者五百年後歐羅巴各國大發憤會兵攻取耶路撒冷  
之都旋為土耳其君所據仍崇回教故其地雖豐今則  
荒甚僅存耶路撒冷之民約二萬餘多屬天主教歲有  
遠方人來拜聖墓瞻古跡耶穌之都亦立教主以訓猶  
太民其國大河曰約耳但河自北而南其流甚急入於  
死海在北流所通之湖曰加利利長二里闊里餘在湖  
濱海南之地多沙海北地產各物內多山峯亦有平坦  
沃上千里居民散處無定居土耳其征其錢糧按數追  
納逃避者多約耳但河外有平坦足資游牧穀田甚腴

其地分三分東曰加利利即耶穌所生長之地中央曰  
撒馬利亞百姓以道雜異端故甚與猶太人結仇其南  
曰猶太亦在此建都焉

土耳其國有雜族之民共二百萬樂安逸好勇戰一人  
每娶數女土人甚少用外國人以代辦事立酷政以傲  
裔其下虜異族小兒斷其勢皮以為回教所募之軍所  
建之船一切皆效西洋招異國人為武官其希臘人住  
海口廣貿易亦為水手亦耕田約百餘萬崇天主教或  
尚羅馬教皇所傳之教巧偷務利不樸實其女美而惑

海國圖志

卷二十八

西南洋 南土番機回國

六

男今則民數日少前統管亞悉亞西方今被土夷所東  
亞面族約十萬名頗老實在各大城邑經營致富與我  
國同音族類七百二十萬人與破蘭所居相上下情甚  
鄙陋惟飽食無他意土國制之易如反掌其由西國來  
之雜族約六百五十萬其猶太國人散在各部以本祖  
所居之國為聖地雲集居住數約九十萬以買賣為業  
其東方有亞拉人數百萬或游牧皆崇回教另有蠻族  
在山內以搶奪為生極凶悍。其產物多蘇花在歐羅  
巴地每年約值銀三百五十萬兩在麥西國約六十萬



石亦出烟每處多至二十萬包國人皆食之葡萄汁由西方亞悉亞運出者約六十萬担所出之鴉片約四千萬箱皆運入中國亦產藥材蠟蜜蠶絲與細羊毛其馬高大善走製造之物不多皆買自外國而易以土產國多港口土人不善營生希臘亞面等國之民爭至此為商在土默拿一年之貨物運出運入約價銀五千萬員地理備考曰土耳其國兼攝之地在亞細亞州之西緯度起自北三十度起至四十二度止經度自東二十三度起至四十八度止東至白爾西國西枕地中海南接

海國圖志 卷二十六 西南洋 南土番國

九

天方國北界黑海長四千里寬二千六百里地面積方約七十三萬里烟戶一京二兆五億口境內嶺巖參差岡陵延袤山之至高者曰道羅曰里巴諾曰亞拉刺曰利令伯曰義太曰加爾美羅河之最長者曰有發拉德曰的加勒曰幾西義馬曰曼德勒曰若爾丹曰薩拉巴湖亦錯雜大者曰萬曰亞斯發的德即死海也曰巴加馬曰亞波羅尼曰亞斯薩約曰達薩拉曰亞哥失爾嶼更羅列巨者曰西布勒曰巴達麼斯曰羅德斯曰西岳曰勒斯波曰德內德斯田土肥饒豐茂金石各礦具備

禽獸充斥土產絲酒油蜜香料藥材等物地氣互異山頂冰雪平原燻暑技藝精良貿易豐盛所奉之教乃回教也其地分爲五部一名小亞細亞又名亞那多里在西方內六府一名亞爾美尼部在東方內五府一名古爾的部在東方內二府一名美索布達迷部在東南內三府一名西利亞部在南方內四府其衝要繁華之地皆在亞那多里部半在亞爾日西拉部一又名白枝即耶穌降生之地皆在西利亞部

海國圖志 卷二十六 西南洋 南土番國

十



海國圖志目錄

印度沿革原無今補

卷二十九

五印度沿革總考正史歷代使西域記○附恒考二篇

卷三十

中印度沿革今溫都斯坦小白頭回國屬英夷職方外紀作莫卧爾

東印度沿革今孟加臘屬英夷明史作榜葛刺

南印度沿革今孟邁等埠西洋各國分據之海中錫蘭島附

西印度沿革今包社大白頭回國及阿丹回國與英夷通和不為所屬○漢書曰安息條支

海國圖志卷二十九西南洋目錄

唐以後曰大食波斯種林明曰天方默德邦

北印度沿革今克什彌爾國不屬英夷亦不屬中國○克什彌爾漢屬密其西境之愛烏崇

即漢月支亦北印度境也其北境之巴達克山及博羅爾等非北印度境亦附錄備考

卷三十一

北印度西北鄰部附錄

卷三十二

北印度以外疆域考二篇

元代征西域考二篇

慈嶺以東新疆回部附考二篇



西南洋五印度沿革總敘

行海以指南鍼取向地球以渾儀辨方五印度地當震旦西南以中國偏東形勢格之為丙午丁未方以地平二十四盤分之則在巽己云唐以前西域貢道由蔥嶺達玉關道雖迂迢而歷代取經求法之僧足與目謀圖畫指掌至宋天聖中防西夏鈔掠始改大食等國貢道由海達廣州自後習於航海之使於是自古西域西南近海之國概稱西南洋古時國名十亡其六元有天下吞并西域分封駙馬子弟為王盡易國名以蒙古語而

海國圖志卷二十九西南洋總敘

古今沿革十亡其九明一統志稱自後魏至隋唐康居安息二國地界相混豈知大秦與條支二國屬賓與印度各國尤混之混甚至宋史謂天竺以東之注犛國距廣州四十一萬里天竺以東當與今滿刺加接壤在元緬甸暹羅之南距廣州不及萬里元史征瓜哇謂以五千卒渡海二十五萬里征從古未至之國史彌考其方域距閩粵皆里不及萬至馬八爾國在天方之西境較注犛瓜哇稍遠亦計里不過萬餘而元史謂自泉州至其國約十萬里皆無稽之說地周九萬里自歐羅巴大西洋至中國幾于繞地半周為里亦



不過五六萬里烏有阿細亞洲之南洋近接西藏緬甸  
動稱數十萬里者乎又甚者以元太祖至鐵門見角端  
之地為東印度不知尙未入北印度也以西藏吐番之  
地為古佛國中印度反以中印度之痕都斯坦為屬賓  
西域而不知印度河印度海至今尙存西南洋也以葱  
嶺東西回部自昔皆回教無佛教不知自古皆佛教無  
回教也六合以外存而不論八荒以外論而不議九州  
以外議而不辨西南諸國近在九州以外尙非八荒之  
外也且海防切膚之災也烏得不論而烏得不議輯五

海國圖志

卷二十九

西南洋 總考

二

印度沿革六篇恒河考二篇附北印度疆域考二篇元  
伐征四域考一篇葱嶺以東新疆回部考二篇

海國圖志卷二十九

西南洋

邵陽魏源輯

五印度沿革總考

原本無  
今補輯

後漢書天竺國一名身毒在月氏之東南數千里俗與  
月氏同而卑溼暑熱其國臨大水乘象而戰其人弱於  
月氏修浮圖道不殺伐遂以成俗從月氏高附國以西  
南至西海東至盤起國皆身毒之地身毒有別城數百  
城置長別國數十國置王雖各小異而俱以身毒為名  
其時皆屬月氏月氏殺其王而置將令統其人土出象

海國圖志

卷二十九

西南洋 五印度總考

一

犀璠瑁金銀銅鐵鉛錫西與大秦通有大秦珍物又有  
細布好毳毼諸香石密胡椒薑黑鹽和帝時數遣使貢  
獻後西域反叛乃絕至桓帝延熹二年四年頻從日南  
徼外來獻世傳明帝夢見金人長大頂有光明以問羣  
臣或曰西方有神名曰佛其形長丈六尺而黃金色帝  
於是遣使天竺問佛道法遂於中國圖畫形像焉楚王  
英始信其術中國因此頗有奉其道者後桓帝好神數  
祀浮圖老子百姓稍有奉者後遂轉盛

晉法顯佛國記法顯昔在長安慨律藏殘缺遂以  
宏始二年己亥與慧景等往天竺尋求戒律初度



隴至乾歸國夏坐訖前行至傳檣國值張掖大亂  
張掖王雷作檀越復夏坐訖進燉煌沙河計千五  
百里至鄯善國其國王奉法可有四千餘僧悉小  
乘學從此西行所經諸國胡語國不同然出家  
人皆習天竺書天竺語住此一月復西北行十五  
日到烏夷國僧四千餘人皆小乘學法則齊整西  
南行一月五日得至于闐國僧數萬人多乘學  
四大家門前皆造小塔最高者千丈許其國十  
食威儀齊肅器鉢無聲法顯欲觀行像停三月  
觀行像訖進向子合國在道二十五日已於是南  
有千餘僧多乘學住此十五日已於是南行四  
日入葱嶺山到於摩國安行二十五日已於是南  
國值其國王作五年大會四方沙門雲集其地山  
寒不生餘穀惟熟麥耳有佛睡壺及佛齒塔國當  
葱嶺之中從此北行向天竺在道一月得度葱  
嶺冬夏有雪又有毒隴度嶺已到北天竺始入其  
境順嶺西南行十五日崖岸險絕石壁千仞下有

海國圖志 卷二十九 西南洋 五印度總論

水名新頭河昔人鑿石通路及度七百傍梯已斷  
懸絕過沙河兩岸相去八十里北天竺也畫作  
皆不至也渡河便到烏夷國是正北天竺也畫作  
中天竺語佛遺足跡及晒衣石從此東下五日  
捷陀衛國是阿育王子法益所治處從此南行四  
日到佛樓沙國是膩迦王起塔處高四十餘丈  
浮提鉢不西行上佛鉢即在此國月氏大與兵  
象迎鉢不西行上佛鉢即在此國月氏大與兵  
頂骨佛齒佛影佛杖佛度小雪山北陰寒人  
佛塔及千數住冬二月南度小雪山北陰寒人  
皆那國各有三千餘僧兼大國又南行十日  
跋那國各有三千餘僧兼大國又南行十日  
日復國各有三千餘僧兼大國又南行十日  
法興國各有三千餘僧兼大國又南行十日  
河已西天竺諸國王皆篤信佛法供養眾僧  
籍官法惟耕王地者乃輸地利不用形殺罪無  
重輸錢惡逆惟截右手國人恐不殺生不欲酒不

食熟蒜唯除茶羅獵師自波新頭河至天竺  
迄於南海四萬里皆平坦無大山川正有河水  
從此南行十八由延塔七級上覆精舍國內豐  
為母說法下東南行七由延塔七級上覆精舍國  
兩澤以時東南行七由延塔七級上覆精舍國  
度恒沙水南行三由延塔七級上覆精舍國  
南行八由延塔七級上覆精舍國  
治城也城內人民稀曠有二百餘家南門外  
二百步即城內人民稀曠有二百餘家南門外  
二王所刻牛頭旃檀池流清淨林木蔚然有波  
人經行舍衛城東南行十二由延塔七級上覆  
利淨王舍衛城東南行十二由延塔七級上覆  
白塔王舍衛城東南行十二由延塔七級上覆  
而在各佛塔表之國大空荒人民稀少道途  
象師子不可妄行復東行十七由延塔七級上  
城師子不可妄行復東行十七由延塔七級上

海國圖志 卷二十九 西南洋 五印度總論

民亦稀曠從此東行十七由延塔七級上覆  
北三里起塔尚從王千七由延塔七級上覆  
佛後人起塔尚從王千七由延塔七級上覆  
阿難自起塔尚從王千七由延塔七級上覆  
俾兩國各得半身舍利起塔尚從王千七由延  
到摩竭國各得半身舍利起塔尚從王千七由  
中唯此國城邑大民人富盛年所治也諸  
行像四輪車高三丈許其狀如塔懸繪四邊  
作龍皆有坐佛菩薩立侍可二十車道俗雲  
花伎樂供養病中長者居士各于城中立  
藥舍以施貧病中長者居士各于城中立  
塔從東出城東南行九由延塔七級上覆  
世王所造城郭東南行九由延塔七級上覆  
周園狀若城郭東南行九由延塔七級上覆  
端麗是五山中最有佛及諸羅漢弟子各  
石窟窟經五百阿羅漢結集經處從此西行  
向窟窟經五百阿羅漢結集經處從此西行  
佛窟窟經五百阿羅漢結集經處從此西行



延到迦耶城內亦空荒佛泥洹已來惟門大塔  
處佛法相承不絕四大塔者佛生處得道處轉法  
輪處般泥洹處從此南行三里到雞足山大迦葉  
今在此山中入定法顯還向巴連弗邑順恒水西  
行二十由延到迦尸國波羅奈城東北十里行  
鹿野苑精舍是佛成道處欲西北往揚啖彌國而  
道路艱險竟不得往遂東行還到巴連弗邑法顯  
本求戒律而北天竺諸國皆師口傳無本可寫  
是以遠步乃至中天竺得摩訶僧祇律律本在  
時最初大眾所行也于祇洹精舍傳其本自餘十  
八部各有師資大歸不異復得一部薩婆多律  
即此案地眾僧所行者也任此三年學梵書梵語  
寫律精舍恒水東下十八由延其南岸有瞻波大  
國佛精舍經行處及四佛坐處悉起塔從此東行  
近五十由延到多摩梨鞞國即是海口其國佛法  
亦興法顯住此二年寫經及畫像于是載商人大  
船汎海西南行晝夜十四日到師子國其國在大  
洲上東西五十由延南北三十由延左右小洲百

海國圖志 卷二十九 西南洋 五印度總論 四

數皆統屬大洲多出珍寶佛至其國現神足降惡  
龍有青玉像高二丈許通身七寶右掌中一無價  
寶珠國中可五六萬僧常以三月出佛齒供養法  
顯住此國二年更求得沙彌律藏本復上大船  
南還至青州長廣郡界法顯自發長安六年到中  
天竺停六年還三年達青州凡所游歷咸三十國  
魏書南天竺國去代三萬一千五百里有伏醜城周匝  
十里城中出摩尼珠珊瑚城東三百里有拔賴城城中  
出黃金白真檀石蜜葡萄土宜五穀世宗時其國王婆  
羅化遣使獻駿馬金銀自此每使朝貢又有疊伏羅國  
去代三萬里拔豆國去代五萬里皆出白象亦必天竺  
境但使未明言故不錄之

梁書中天竺國在大月支東南數千里地方三萬里一  
名身毒漢世張騫使大夏見邛竹枝蜀中國人云市之  
身毒身毒即天竺蓋傳譯音字不同其實一也從月支  
高附以西南至西海東至槃越列國數十每國置王其  
名雖異皆身毒也漢時羈屬月支其俗土著與月支同  
而卑溼暑熱民弱畏戰弱于月支國臨大江名新陶源  
出崑崙分為五江總名曰恒水其水甘美下有真鹽色  
正白如水精其西與大秦安息交市海中多大秦珍物  
珊瑚琥珀金碧珠璣玕斲金蘇合漢桓帝延熹九年

海國圖志 卷二十九 東南洋 五印度總論 五

大秦王安敦遣使自日南徼外來獻漢世唯一通焉其  
國人行賈往往至扶南日南交趾其南徼諸國人少有  
到大秦者魏晉世絕不復通唯吳時扶南王范旃遣親  
人蘇勿使其國從扶南發投拘利口循海大灣中正西  
北入歷灣邊數國可一年餘到天竺江口逆水行七千  
里乃至焉積四年方返其時吳遣中郎康泰使扶南及  
陳宋等具問天竺上俗云佛道所興國也人民敦龐土  
地饒沃其王號茂論所都城郭水泉分流繞于渠壑下  
注江其宮殿皆雕文鏤刻街曲市里屋舍樓觀鐘鼓音







海國圖志 卷二十九 西南洋 五印度總論

旬入乾陀羅國土地與烏場國相似本名婆波羅國為噉嗟所滅遂立勒勒為王國中人民悉是婆羅門種崇佛經典而國王好殺不信佛法與國寶爭境連年戰門師老民怨坐受詔書凶慢無禮送使一寺供給甚薄西行三月至新頭大河復西行十三日至佛沙伏城郭端直林泉茂盛土饒珍寶風俗清善各僧德道行高奇石像莊嚴通身金箔有迦葉佛跡復西行一日乘舟渡一深水三百餘步復西南行六十里至乾陀羅城有佛涅槃後二百年國王迦尼色迦所造離浮圖凡十二重去地七百里其廣三百餘步悉用文石為階塔內佛事千變萬化金盤晃朗寶鐸和鳴西域浮圖最為第一復西北行七日渡一大水至那迦羅國有七佛手作浮圖及佛手書梵字石塔銘凡在烏場國二年至正光二年還闕

水經注河水篇釋氏西域記阿耨達太山其上有大湖水宮殿樓觀甚大焉山即崑崙山也其山出

六大小山西南有海名新頭河經屬越摩訶刺諸國而入南海以鍾列嶺阿耨達太山西南有恒水名遙奴山西南小東有水名薩罕水東南有日恒水之源乃極西北出崑崙山中有五大源諸水分流皆由此五大源枝層層大出山西北流東南注大海枝層層即恒水也故釋氏西域記作恒曲之目恒北有四國最西頭恒曲中者是也揚夷那利城北去王舍城五十里恒水又東運戰舍利城北去王舍城七十里恒水北岸佛說法處恒水又東南運迦維羅城北故淨王宮也竺法維日迦維衛國佛所生天竺國也天地之中火也恒水又東運藍莫塔塔邊有池也龍守護之恒水又東運五河口蓋五水所會也渡河南下之恒水又東運提國巴連林邑即阿育王所治之城凡諸國中惟此城為大居人富盛競行仁義恒水又東南運小孤石山山頭有佛所坐石室恒水又西

海國圖志 卷二十九 西南洋 五印度總論

運王舍新城是阿闍世王所造又西運迦那城南釋氏西域記曰尼連禪水南注恒水佛于此浴復順恒水西下到迦尸國波羅奈城竺法維曰波羅奈國在迦維羅衛國南二百里中間有恒水東南流佛轉法輪處在城東北十里即鹿野苑法顯又曰恒水又東到多磨梨南傳曰從迦那調河西入大灣可七八百里乃到枝尾梨大江口渡江運西行極大泰也又云發揚利口入大灣中正西北入可一年餘得天竺江口各恒水入口有國號擔祇屬天竺釋氏西域記曰恒水東流入東海蓋二水所注兩海所納自為東西也又曰蔥嶺南干里河源發其嶺分為二水一水西徑循休國南又運難兜國北又西運屬賓國北又西運月氏國南其俗與安息同又西運安息國南城臨海地地方數千里河水與蛇羅跋水同注雷海此也嶺西流之水也釋氏西域記蜈羅跋水亦出阿耨達太山之北西運乳尸羅國四大塔北又西運健

陀衛國北其水至安息注雷海

新唐書天竺國漢身毒國也或曰摩伽陀曰波羅門去京師九千六百里都護治所二千八百里居蔥嶺南幅員三萬里分東西南北中五天竺皆城邑數百南天竺瀕海出師子豹獐象駝犀象火齊琅玕石蜜黑鹽北天竺距雪山圍抱如壁南有谷通為國門東天竺際海與扶南林邑接西天竺與罽賓波斯接中天竺在四天竺之會都城曰茶鑄和羅城濱迦毗黎和有別城數百皆置長別國數十置王曰舍衛國曰迦沒路國開戶皆東



嚮中天竺王姓刹名利氏世有其國不篡殺土溽熱稻  
四熟禾之長者沒臺賦以貝齒為貨有金剛旃檀鬱金  
與大秦扶南交趾相貿易人富樂無簿籍耕王地者乃  
輸稅以抵足摩踵為致禮家有奇樂倡伎王大臣皆服  
錦罽為螺髻於項餘髮剪使卷男子穿耳垂璫或懸金  
耳環者為上類徒跣衣重白婦人項飾金銀珠纒絡死  
者燔骸取灰建窆堵或委野及河餽鳥獸魚鼈無喪紀  
謀反者幽殺之小罪贖錢不孝者斷手足剝耳鼻徙于  
邊有文字善步歷學悉曇章妄曰梵天法書貝多葉以

海國圖志 卷二十九 西南洋 五印度總論 十

記事尚浮屠法不殺生飲酒國中處處指曰佛故迹也  
信盟誓傳禁咒能致龍起雲雨隋煬帝時遣裴矩通西  
域諸國獨天竺拂菻不至為恨武德中國大亂王尸羅  
逸多勒兵戰無前象不弛鞍士不釋甲因討四天竺皆  
北面臣之會唐浮屠立契至其國尸羅逸多召見曰而  
國有聖人出作秦王破陣樂試為我言其為人立契粗  
言太宗神武平禍亂四夷賓服狀王喜貞觀十五年遣  
使者上書帝命雲騎尉梁懷瓊持節慰撫尸羅逸多驚  
問國人自古亦有摩阿震旦使者至吾國乎皆曰無有

戎言中國為摩阿震旦乃出迎膜拜受詔書戴之頂復  
遣使者隨入朝二十三年遣右衛率府長史王立策使  
其國以蔣師仁為副未至尸羅逸多死國人亂其臣那  
伏帝阿羅那順自立發兵拒立策時從騎纒數十戰不  
勝皆沒遂剽諸國貢物立策挺身奔吐蕃西鄙檄召鄰  
國兵吐蕃以兵千人來泥婆羅以七千騎來立策分部  
進戰茶縛和羅城三日破之斬首三千級溺水死萬人  
阿羅那順委國走合散兵復陣師仁禽之俘斬千計餘  
眾奉王妻息阻乾陀衛江師仁擊之大潰獲其犯王子

海國圖志 卷二十九 西南洋 五印度總論 十一

虜男女萬二千人雜畜三萬降城邑五百八十所東天  
竺王尸鳩摩送牛馬三萬餽軍及弓刀寶纒絡迦沒路  
國獻異物并上地圖請老子象立策執阿羅那順獻闕  
下有司告宗廟立策朝散大夫得方士那羅邇娑婆寐  
自言壽二百歲有不死術帝改館使治丹命兵部尚書  
崔敦禮護視使者馳天下采怪藥異石後術不驗有詔  
聽還不能去死長安高宗時盧伽逸多者東天竺烏荼  
人以術進拜懷化大將軍乾封三年五天竺皆來朝開  
元時中天竺北天竺各遣使者至南天竺亦獻五色能



言鳥乞師討大食吐番丐名其軍玄宗詔賜懷德軍  
揭陀一曰摩伽陀本中天竺屬國環五十里土沃宜稼  
穡有異稻巨粒號共大人米王居拘闍揭羅布羅城北  
瀕菟伽河貞觀二十一年始遣使者自通于天子獻波  
羅樹樹類白楊太宗遣使取熬糖法即詔揚州上諸蔗  
作齋如其劑色味愈西域遠甚高宗又遣王玄策至其  
國摩訶菩提祠立碑焉後德宗自製鐘銘賜那爛陀祠  
又有那揭者亦屬國也貞觀二十年遣使者貢方物鳥  
茶者一曰烏伏那亦曰烏葦直天竺南地廣五千里東

海國圖志卷二十九 西南洋 五印度總論  
距勃律六百里西屬賓四百里山谷相屬產金鐵葡萄

鬱金稻歲三熟人柔詐善禁伽術國無殺刑抵死者放  
之窮山罪有疑飲以藥視澗清濁而決輕重有五城王  
居昔揭釐城東北有達麗羅川即烏葦舊地貞觀十六  
年其王遣使者獻龍腦香璽書優答大食與烏葦東鄰  
接數誘之其王與骨咄俱位二王不肯臣開元中命使  
者冊為王章揭拔國本西羌種居悉立西南四山中後  
徙山西與東天竺接衣服畧相類因附之地袤八九百  
里勝兵二千人無城郭好鈔累商旅患之貞觀二十年

其王因悉立國遣使入朝玄策之討中天竺發兵來赴  
有功由是職貢不絕悉立當吐番西南戶五萬城邑多  
傍澗谿男子繪束頭衣瓊褐婦人辮髮短裙婚姻不以  
財聘其穀宜秬稻麥豆死者葬于野不封樹喪制為黑  
衣滿年而除刑有刑鼻常羈屬吐番

唐元英使西域記出高昌故地自近者始曰焉耆  
國四面據山道險易守泉流交帶文字取則印  
度貨用金銀錢小銅錢佛藍十餘所習學小乘從  
此西南行九百里至龜茲國東西千餘里南  
北六百餘里伽藍百餘所僧徒三千餘人習學小  
乘城北四十里臨河有二伽藍佛像莊飾殆越人  
立五年建一大高聳戟行像動以千數道俗雲集  
供養從此西行六百餘里經小沙磧至姑墨國西

海國圖志卷二十九 西南洋 五印度總論  
北行三百餘里度石磧至凌山山谷積雪春夏結

冰逾山四百餘里至大清地周千餘里東西長南  
北狹清地西北行五百餘里至素葉水城諸國商  
胡雜居素葉城西四百餘里至千泉各立長然皆役屬  
突厥素葉西行四百餘里至千泉各立長然皆役屬  
百餘里南面雪山三垂平陸突厥可汗每來遊獵  
西行百五十里至咄羅私城又西南得二百餘里  
至白水城西南行二百餘里至恭御城從此南  
行四五十里至鐵城國周千餘里沃壤備稼  
穡盛花果多葡萄城邑百數城邑君長雖則畫野  
區分總稱鐵城國從此西行二百餘里至赫時  
國城言石國也國周千餘里西臨葉河東西狹南  
北長土宜氣宇如赤建國城邑數十既無總主役  
屬突厥從此東南千餘里至怛捍國國周四千餘  
里膏腴多稼宜羊馬氣寒俗剛貌弊語異無大雅  
長從此西行千餘里至罕堵利瑟那國國周千四  
五百里東臨葉河葉河出蔥嶺北原西北流注  
海急土宜風俗同石國白有王附突厥從此西北







薩世親菩薩勝尊者等所生處也迦膩色迦王所	建寧堵波基周里半高四百尺名謂諸國行五十	里波大河至布色羯羅伐底城東西二百餘里至	跋信渡河諸方實多集于此復北踰山涉川六	百餘里至烏仗那國周六千餘里俗謂禁咒多	學大乘有清揭釐城如來在昔為忍辱仙及為苦	薩修苦行舍身求佛舍身代鶴析骨為經皆在此	地從昔揭釐城東北踰山越谷逆上信度河行于	餘里至達麗羅川即烏仗那國舊都也復逾嶺越	谷逆上信度河五百餘里至鉢露羅國周四千餘	里在大雪山間東西長南北狹氣寒俗獠從此復	還烏鐸迦漢茶城南渡信度河廣三四里西南	流澄清皎鏡度河至咀又始羅國以上諸國並屬	役畢試國皆北印度之北境	北印度以迦溼彌羅國最大諸七國皆屬焉咀又	始羅國舊屬迦溼彌羅國近亦附庸于迦溼彌羅國	從此國東南越山谷七百餘里至僧訶補羅國國	海國圖志 卷二十九 西南洋 五印度總沿革	周三千餘里西臨信度河都城險固氣序寒俗驍	猛無君長役屬迦溼彌羅國從此復還咀又始羅	國北界渡信度河東南行二百餘里度大石門復	東南山行五百餘里至烏刺戶國周二千餘里	山阜連綿田疇狹隘氣序溫和微有霜雪屬役迦	溼彌羅國僧習大乘佛法從此東南履山險度鐵	橋行千餘里至迦溼彌羅國舊屬寶也國周七千	餘里四境負山門徑險隘自古鄰敵無能攻伐城	西臨大河氣序寒勁多雪少風衣皆白毳容貌姪	美邪正皆信僧徒五千有如來沒一百年後無憂	王所建五百僧伽藍有如來沒一百年後無憂	王請集五百羅漢作毘婆沙論之所從此西南踰	山涉險行七百餘里至半跋踰國周二千餘里	山多崎嶇氣溫暑俗勇烈無大君長屬役迦	溼彌羅國從此東南四百餘里至葛羅補羅國	國周千餘里險固多山地不豐人性驍勇役	屬迦溼彌羅國自臨彼國至此粗鄙獠暴非印度	之正境乃邊裔之曲俗從此東南下山渡水行七
---------------------	---------------------	---------------------	--------------------	--------------------	---------------------	---------------------	---------------------	---------------------	---------------------	---------------------	--------------------	---------------------	-------------	---------------------	----------------------	---------------------	----------------------	---------------------	---------------------	---------------------	--------------------	---------------------	---------------------	---------------------	---------------------	---------------------	---------------------	--------------------	---------------------	--------------------	-------------------	--------------------	-------------------	---------------------	---------------------

百餘里至礪迦國國周萬餘里東據毘羅摩	臨信度河風俗暴急衣服鮮白少信佛法摩揭	神數百年前有大族王滅法逐僧其鄰境摩揭	國幻日王雅敬佛法大族王治兵攻之幻日王不	忍門其民逃竄海島從者數萬大族王浮海往伐	幻日王扼險誘戰伏兵四起生擒大族王封以	憐而救之乃率其邑人殺迦溼彌羅國其國王封	士邑久乃率其邑人殺迦溼彌羅國其國王封	健馱羅國毀廢塔寺千有六百以三億上族三億	中族臨信度河殺之千有六百以三億上族三億	落墮無開獄從此東行五百餘里至那僕底國	周二千餘里氣序溫暑風俗怯弱都城東南行五	百餘里有過去四佛座及經行遺蹟小宰堵波諸	大石室鱗次相望並是劫初以來諸果聖人於此	寂滅從此東西四百五里至闍爛達羅國氣溫	俗剛貌鄙土富又東北踰嶺谷七百餘里至屈露	多國國周三千餘里鄰雪山多珍藥氣序逾寒霜	雪微降人貌粗弊高尚勇猛巖多石室並羅漢仙	人所止從此南行七百餘里西臨大河山嶽大服	圖虛國國周二千餘里西臨大河山嶽大服	鮮綺氣暑俗和敦信佛法已上并北印度境	從此西南行八百餘里至波理夜咀羅國始入中	印度境周三千餘里有稻六十日而穫多牛羊	少花果氣暑熱俗剛猛不尚學藝信奉外道從此	南行五百餘里至秣菟羅國周五千餘里氣暑	土沃崇德尚學過去四佛遺跡甚多諸聖弟遺身	翠塔波具在每歲三長及月六齋僧徒各隨所宗	而致供養香雲花雨旛蓋虧蔽從此東北行五百	餘里至薩他泥溼伐羅國周七千餘里溫暑宜	稼俗奢尚幻術逐利少農國周奇貨所聚都城周	二百里內土人謂為福地從此東北行四百餘里	至萃嶽勤那國周六千餘里東臨迦河北背	大山開率那河中外道有餘里來舍利耶髮諸寮	堵波近世國王為諸外道所誣信受邪法捐廢	廣三四里東南流海處廣十餘里至彼土書託謂
-------------------	--------------------	--------------------	---------------------	---------------------	--------------------	---------------------	--------------------	---------------------	---------------------	--------------------	---------------------	---------------------	---------------------	--------------------	---------------------	---------------------	---------------------	---------------------	-------------------	-------------------	---------------------	--------------------	---------------------	--------------------	---------------------	---------------------	---------------------	--------------------	---------------------	---------------------	-------------------	---------------------	--------------------	---------------------



海國圖志卷二十九 西南洋 五印度總論

之福水渡河東岸至秣底補羅國國周六千餘里  
俗媚咒術兼信邪正王敬天神異道雜居從此北  
行三百餘里至婆羅摩補羅國此國境北入北  
印度境據大山中周四千餘里此國境北入北  
中為王東接土番國北接于闐國西接東女國世以  
從未底補羅東南行四百餘里至羅毘那國復  
入中印度境如來在昔于此一月說諸法要從此東  
習學小乘如來在昔于此一月說諸法要從此東  
南行四百餘里至亞摩羅國國周三千餘里  
如來昔為龍王七日于此說法自此南行二百六  
七十餘里至劫伽河西南至毗羅國又東南行  
二百餘里至劫伽河西南至毗羅國又東南行  
階聖迹垣內靈異相繼從西北行二百餘里至  
城國周四里餘里都城西行二百餘里至  
所聚人居人富樂僧徒萬有餘人先王為東印度設  
職土象軍五千馬軍二萬步軍五萬自西徂東征

海國圖志卷二十九 西南洋 五印度總論

伐不服象不解鞍人不釋甲於六年中據五印度  
更增甲兵象軍六萬馬軍十萬垂三十年兵戈不  
起河側建立度數千宰堵波各高百餘尺有五印  
建大精盧五歲一設無遮大會傾庫布施惟除兵  
器聞大唐國沙門遠至問曰摩訶羅布施元泰王  
天子平定海內作秦王破陣樂誠有之乎元泰王  
對大唐功德戒日王將還曲女城設法會從數十  
萬眾在河南岸拘摩羅王從數萬眾在河北岸分  
河中流水陸並進二王導引四兵嚴衛仲春月也  
至曲女城諸國大伽藍東起寶臺南起寶壇為浴  
主先于河西建大伽藍東起寶臺南起寶壇為浴  
佛像之處由行宮至伽藍夾道為閣雅樂迭奏王  
子行宮出金像載以大象張以寶帳戒日王為  
帝釋左侍揚摩羅王為梵王右侍各五百象軍披  
鎧周衛王以真珠羅寶及金銀諸花隨步四散供  
養三寶香水浴佛以諸寶衣數十百千而為供養  
及至散日伽藍門樓忽然火起戒日王深悟無常

海國圖志卷二十九 西南洋 五印度總論

從率堵波方下階陛忽有異人持刃逆王在石  
訊之受外道之誘使為刺客于是究問外道徒  
有五百婆羅門城諸沙門蒙王供養乃火箭燒  
雇人行刺王乃罰其首惡五百婆羅門出印度境  
自此東南行六百餘里渡流伽河有世親著菩薩  
講堂及如來舍利塔諸蹟從此東行三百餘里渡  
伽河北至阿耶利諸國國周二千四百餘里東  
南臨流伽河有六千餘里渡流伽河於此處三月法  
從此東南行六百餘里渡流伽河於此處三月法  
至鉢羅細沙彌國國周五千餘里都城據兩河交  
地夾境細沙彌國國周五千餘里都城據兩河交  
妙奇珍而初奉施次常置大佛像眾莊嚴即持上  
學外道學徒次常置大佛像眾莊嚴即持上  
服玩都盡醫中明珠身諸瓔珞施無所不備後諸  
國君王各獻珍服常不逾旬府庫充物從此西南  
行五百餘里至拘陵國國周六千餘里城西南

海國圖志卷二十九 西南洋 五印度總論

有如來降毒龍石窟又東北八十里至蘇索迦國  
渡流伽河復北行百七十里至蘇索迦國  
四干餘里如來常昔于此地六年說法道樹猶有  
從此東北行五百餘里至室羅伐悉底國即舍衛  
國也即波斯匿王所治國都周六千餘里城中  
有須達長者故宅城南五六里有祇陀林是給孤  
獨園凡如來經行之迹說法之處或樹旌表給孤  
堵波冥祇警衛靈瑞間起或鼓天樂或問神香景  
福之祥難以備敘有三深坑是諸外道及捏婆  
達多訪佛害佛生陷地獄之處又東南行五百餘  
里至迦毘羅城王正殿也上建精舍中作王像有  
故基淨飯城南門外有釋迦太子出家修有摩耶  
夫人寢殿城南門外有釋迦太子出家修有摩耶  
見父及至迦毘羅城南門外有釋迦太子出家修有  
二百餘年或云千三百餘年或云千五百餘年或云  
已過九百或云未滿千餘年或云千五百餘年或云  
在三月十五或云當在九月八日復大林中或云當  
百餘里至波羅奈國國周四千餘里城臨流伽



河間開梯比居人殷盛貨充溢浴重強學多信	外道有佛盥浴器浣衣三池並有龍護從此廟貌	伽河東行三百餘里至戰主國國周二千餘里城	臨疏伽河渡河東北百五十里至瓦舍離國國周	五千餘里都城傾圮僧徒寡少異道雜居如來昔	于此說維摩詰經有長者現疾說法之處城東南	行百五十里有佛伽藍並學大乘此東北行五百	餘里至弗栗特國國周四千餘里西距河濱東西	長南北狹土沃氣寒外道多于僧眾從此西北行	千四五百里踰山入谷至尼波羅國國周四千餘	里宜穀稼多花果出赤銅犀角共命鳥貨用赤銅	錢氣冽俗獷邪正兼信從此復還毗舍離國南渡	疏伽河至摩竭陀國國周五千餘里土地溼熱邑	居高原僧徒萬餘宗習大乘如南有故地地獄	城推存基址有石柱高數十丈是無憂王作地獄	處又有所藏舍利王塔塔波及諸羅漢石室城西	南隅二百餘里有宰塔波是過去四佛座及釋行	遺跡之所又西南行二百里有大山雲石幽蔚是	海國圖志 卷二十九 西南洋 五印度總論 三	佛入定處又西南行四五百里渡泥連河至迦	耶山溪谷杳冥峯巖危險印度國俗稱曰靈山前	代之君莫不登封而告成功如來於此演說寶雲	等經東渡大河至前正覺山如來於此入金剛定	而成正覺其下有金剛座若座餘處地輒震動山	亦傾陷正門東闢對尼連禪河金剛座者劫初與	大地俱起據三千大千世界之中下極金輪上侵	地際金剛所成獨無傾搖今有菩提樹表其處自	剛定大地震動獨無傾搖今有菩提樹表其處自	菩提樹南十餘里聖迹相鄰難以備舉每歲茲芻	解雨安居四方法浴七日七夜香華鼓樂備遊林	中禮拜供養菩提樹東度尼連禪河入大林野行	百餘里至鐵足山峻起三峯是尊者大迦葉傳衣	入定之所又有上茅宮城摩揭陀國之正中也崇	山四五百里餘里故城周三十餘里城東北十	四五里至鷲峯即耆闍崛山也如來御世五十年	多居此山廣說妙法毘婆羅王自解至峯綫石為	級廣十餘步長五六里中路有二小塔塔波王至
--------------------	---------------------	---------------------	---------------------	---------------------	---------------------	---------------------	---------------------	---------------------	---------------------	---------------------	---------------------	---------------------	--------------------	---------------------	---------------------	---------------------	---------------------	-----------------------	--------------------	---------------------	---------------------	---------------------	---------------------	---------------------	---------------------	---------------------	---------------------	---------------------	---------------------	---------------------	---------------------	---------------------	--------------------	---------------------	---------------------	---------------------

此下乘徒行以進精舍旁有大石是提婆達多過	擲擊佛處其南崖下佛說法華經處山西南陰昔	五百溫泉今惟數十猶有冷有煖未盡溫也南山	之陰大竹林中有大石室如來涅槃後迦葉與一	千大阿羅漢結集三藏處竹林精舍旁八功德水	今亦枯涸西北行三里至王舍城外郭已毀內	基尚存周二千餘里毗婆羅王自王舍城外郭已	此外伽藍最居福地為五印度之所宗仰從此東	行入大山林中三百餘里至伊爛拏鉢伐多國南	周三千餘里城北臨疏伽河從此順流而南皆	東行三百餘里至瞻波國國周四千餘里城皆	疏伽河自此東行四百餘里至迦舍離國國北	伐潭那國國周四千餘里以上並皆中印度境	自此東行九百餘里大河至迦舍離國國北	東印度境國周萬餘里土地泉澤多果宜稼穡	俗猶多事天神異道數萬故自佛興至今尚未	立伽藍其有淨俗之徒消念而已王本婆羅門種	海國圖志 卷二十九 西南洋 五印度總論 三	雖不消信佛法然敬高學沙門聞有支那國僧遠	至摩竭陀國殷勤來請元裝以宏法為心遂與使	偕往陽摩羅王亦問秦王破陣之樂為闍揚德化	于甚欣慕此國之東山阜連接無大國都其境接	西南夷計兩月行可入蜀西南境然摩竭陀國	旅裝足從此南行千里至西里至三摩耶國	周三千餘里瀕海岸色鰲性剛邪正兼信城外	有萃塔波如來昔為諸天人所于此說法七日從是	東北大海濱山谷中有室利差怛羅國次東南大	海隅有迦摩羅國次東有摩訶羅國次東有	伊賞補羅國次東有摩訶羅國次東有	西南有閻摩那國凡此六國山川道阻不入其	境自三摩耶國西行九百餘里毗婆羅王自王	周千五百里餘里海峽水陸交會珍寶所聚殷富	強勇邪正兼信有過去佛蹟自此西北行七百里	里至迦舍離國國周四千餘里至鷲峯如	前有如來說法之處西南七百里餘里至鷲峯	國周七百里餘里至鷲峯如
---------------------	---------------------	---------------------	---------------------	---------------------	--------------------	---------------------	---------------------	---------------------	--------------------	--------------------	--------------------	--------------------	-------------------	--------------------	--------------------	---------------------	-----------------------	---------------------	---------------------	---------------------	---------------------	--------------------	-------------------	--------------------	----------------------	---------------------	-------------------	-----------------	--------------------	--------------------	---------------------	---------------------	------------------	--------------------	-------------











度之是之謂矣

宋史天竺國舊名身毒亦曰摩伽陀復曰婆羅門俗宗淨圖道不飲酒食肉漢武帝遣使十餘輩問出西南指求身毒為昆明所閉莫能通至漢明帝夢金人於是遣使天竺問佛道法由是其教傳於國中梁武帝後魏宣武皆來貢獻唐貞觀以後朝貢相繼則天授天中五天竺王并來朝獻乾元末河隴陷沒遂不復至周廣順三年西天竺僧薩滿多等十六族來貢名馬乾德三年滄洲僧道圓自西域還得佛舍利一水晶器具葉梵經四

海國圖志 卷二十九 西南洋 五印度總沿革

三

十次來獻道圓晉天福詣西域在塗十二年住五印度凡六年五印度即天竺也還經于闐與其使偕至太祖召問所歷風俗山川道里一一能記四年僧行勸等一百五十七人詣闕上言願至西域求佛書許之以其所歷甘沙伊肅等州焉耆龜茲于闐割祿等國又歷布路沙加溼彌羅等國並詔諭其國令人引導之開寶後天竺僧持梵夾來獻者不絕八年冬東印度王子穰結說羅來朝貢天竺之法國王死太子襲位餘子皆出家為僧不復居本國有曼殊室利者乃其王子也隨中國僧

至焉太祖令館於相國寺善持律為都人所傾嚮財施盈室眾僧頗嫉之以其不解唐言即偽為奏求還本國許之詔既下曼殊室利始大驚恨眾僧諭以詔旨不得已遲留數月而後去自言詣南海附賈人船而歸終不知所適太平興國七年益州僧光遠至自天竺以其王沒徙曩表來上以釋迦舍利附光遠上進施護者烏墳曩國人其國屬北印度西行十二日至乾陀羅國又西行二十日至曩誡羅國又西行十日至嵐婆國又西行十二日至曩誡羅國又西行至波斯國得西海自北印度行百二十日至中印度中印度西行三程至呵囉尾國又西行十二日至末曩羅國又西行十二日至鉢賴野伽國又西行六十日至羅拏俱惹國又西行二十日至摩羅尾國又西行二十日至烏然泥國又西行二十日至羅羅國又西行四十日至蘇羅茶國又西行十一日至西海自中印度行六月程至南印度又西行九

海國圖志 卷二十九 西南洋 五印度總沿革

三

十月至供迦拏國又西行一月至西海自南印度南行六月程得南海皆施護之所述云八年僧法遇自天竺取經回至三佛齊遇天竺僧彌摩羅失黎附表願至中



國譯經上優詔召之法遇後募緣製龍寶蓋袈裟將復  
往天竺表乞給所經諸國敕書遂賜三佛齊等國王書  
以遣之雍熙中衛州僧僻濬自西域還與胡僧密坦羅  
奉北印度王及金剛坐王那爛陀書來又有婆羅門僧  
永世與波斯外道阿里烟同至京師永世自云本國名  
利得國衣黃衣戴金冠以七寶為飾出乘象或肩輿以  
音樂螺鼓前導多遊佛寺博施貧乏其妃衣大綱鍍金  
紅衣歲一出多所振施人有冤抑候王及妃出遊即迎  
隨伸訴署國相四人庶務並委裁制五穀六畜果實與

海國圖志 卷二十九 西南洋 五印度總論

中國無異市易用銅錢有文漫圓徑如中國之制但實  
其中心不穿貫耳其國東行經六月至大食國又二月  
至西州又三月至夏州阿里烟自云本國王號黑衣用  
錦綵為衣每遊獵三二日一還國署大臣九人治國事  
無錢貨以雜物貿易其國東行經六月至婆羅門至道  
二年八月有天竺僧隨舶至海岸持帝鐘鈴杵銅鈴各  
一佛像一軀貝葉梵書一夾與之語不能曉天聖景祐  
中西印度僧屢獻梵經佛骨及銅牙菩薩像各賜紫方  
袍束帛

范成大吳船錄曰乾德二年詔沙門三百人入天  
竺求舍利及貝多葉書有繼業三藏姓王氏耀州  
人預遣中至開寶九年始歸寺所藏涅槃經一函  
四十二卷業於每卷後分記西域行程雖不甚詳  
然地里大略可考世所罕見錄于此以備國史之  
闕業自階州出塞西行由靈武西梁甘肅瓜沙等  
州入伊吳高昌焉耆于闐疏勒大石諸國度雪嶺  
至布路州國又度大蔥嶺雪山至伽羅羅國西  
登大山有薩埵太子投崖向虎處遂至健陀羅國  
謂之中印土又西至流波國及左欄陀羅國西  
有二寺又西過四大國至大曲女城南臨滔河  
北背洹河塔廟甚多而無僧尼又西二程有寶階  
故基又西至波羅奈國兩城相距五里南臨洹河  
又西北十許里至鹿野苑塔廟佛跡最夥業自云  
別有傳記今不傳矣南行十里渡恒河河南有大  
浮屠野自鹿苑西至摩揭提國館於漢寺寺多相  
入八分隸焉僧徒往來如歸南與杖陵山相直巍  
峯巒然山北有優波拘多石室及塔廟故基西南

海國圖志 卷二十九 西南洋 五印度總論

百里孤山名雞足三峯云是迦葉入定處又西北  
百里有菩提寶座城四門相望金剛座其中東向  
又東至尼連禪州東岸有石柱記佛舊事自菩提  
座東南五里至佛若行處又西三里至迦葉村  
及牧牛女池金剛座之北門外有師子園伽藍又  
北五里至伽耶城又北十里至伽耶山云是佛說  
寶雲經處又自金剛座東北十五里至正覺山又  
東北三十里至骨磨城業館于緞羅寺謂之南印  
土諸國僧多居之又東北四十里至王舍城東南  
五里有降醉象塔又東北登大山細路盤紆有舍  
利子塔又臨湖有馬下迎風塔度絕壑登山頂大  
塔廟云是七佛說法處山北平地又有舍利本生  
塔其北山半曰鷲峯云是佛說法華經處山下即  
王舍城城北山趾有溫泉二十餘井又北有大寺  
及伽藍隨竹園故跡又東有阿難半身舍利塔溫  
湯之西有平地直南登山腹有單鉢羅窠業止其  
中誦經百日而去意西復有阿難鉢窠業止其  
王舍城八里日往乞食會新王舍城中有蘭若



漢寺又有樹提迦故宅城其西有輪王塔又  
五里又那爛陀寺寺之南北各有數十寺門皆  
向其北有佛座又東北十五里至烏頭寺  
南五里有聖觀自在像又東北十里至伽藍彌羅  
寺寺南距漢寺八里許自漢寺東行十二里至  
提希山又東七十里至西有佛寺西北五十里至那  
西寺古漢寺也西北百里至花氏城青王故都也  
自此渡河北至毗耶離城有維摩方丈故跡又至  
拘尸那城及多羅聚落踰大山數重至泥波羅國  
又至磨逾里過雪嶺至三耶寺由故道自此入階  
州

元史郭侃傳王子從宋王旭烈兀西征癸丑至木乃奚  
其國墜道置毒水中侃破其兵五萬下一百二十八城  
斬其將忽都花爾兀朱算灘算華言王也丙辰至乞

海國圖志 卷二十九 西南洋 五印度總論 三

都卜其城在檐定山上懸梯上下守以精兵悍卒乃築  
夾城圍之真能克侃架礮攻之守將卜者納失兒開降  
旭烈兀遣往說兀魯兀乃算灘來降其父阿力據西城  
侃攻破之走據東城復攻破殺之丁巳正月至兀里兒  
城伏兵下令聞鉦聲則起敵兵果來伏發盡殺之海牙  
算灘降又西至阿刺汀破其游兵三萬禡授營爾算灘  
降至乞石迷部忽里算灘降又至報達部此西戎大國  
地方八千里父子相傳四十二世勝兵數十萬侃兵至  
破其兵七萬屠其西城又破東城東城殿宇皆搆以沉

檀木舉火焚之香聞百里得七十二弦琵琶五尺珊瑚  
燈檠兩城間有大河侃預造浮梁以防其遁城破合法  
里算灘登舟觀河有浮梁扼之乃自縛詣軍門降其將  
紂答爾遁去侃追之至暮諸軍欲頓舍不聽又行十餘  
里乃止夜暴雨元所欲舍處水深數尺明日獲紂答爾  
斬之拔三百餘城又西行三千里至天房其將住石致  
書請降左右以住石之請為信然易之不為備侃日欺  
敵者亡軍機多詐若中彼計耻莫大焉乃嚴備以待住  
石果邀我師侃與戰大敗之巴爾算灘降下其城一百

海國圖志 卷二十九 西南洋 五印度總論 三

八十五又西行四千里至密昔爾國會日暮已休復舉  
兵起雷數病卒西行十餘里頓下令軍中銜枚轉前敵  
不知也潛兵夜來襲殺病卒可乃算灘大驚曰東天將  
軍神人也遂降八年戊午旭烈兀命侃西渡海收富浪  
喻以禍福兀都算灘曰吾昨所夢神人乃將軍也即來  
降案此取地中海一島國師還西南至石羅子國敵人  
非即至歐羅巴州也來拒以奇兵掩擊大敗之加葉算灘降己未破兀林游  
兵四萬阿必丁算灘大懼來降得城一百二十四南至  
乞里灣忽都馬丁算灘來降西域平



元劉郁西使記

憲宗皇帝二年壬子命皇弟旭烈瓘諸軍西征

烈即錫喇一凡六年拓境幾萬里十年己未正月

甲子常德字江駝驛西觀自和林出兀孫中西北

行二百餘里地漸高入站經瀚海地極高寒雖酷

暑雪不消山石皆松文西南七日過瀚海行三百

里地漸下案地高漸下者有河闊數里曰昏木盤

夏漲以舟楫濟數日過龍骨河即烏龍古河在

復西北行與別失八里南路相直案元時天山南

海國圖志 卷二十九 西南洋 五印度總論

前今烏近五百里多漢民有麥黍穀河西注瀦為

海約千餘里曰乞則里八寺即烏龍古河所西瀦

乞則里八寺即赫薩多魚可食有礮礮亦以水激

之行漸西有城曰業滿又西南行過宇羅城所種

皆麥稻山多柏不能株駱石而長城居肆圍間錯

土屋窗戶皆琉璃城北有海鐵山風出往往吹行

人墮海中西南行二十里有關曰鐵木爾懺察守

關者皆漢民關徑崎嶇似棧道出關至阿里麻里

城市井皆流水交貫有諸果唯瓜葡萄石榴最佳

回紇與漢民同居其俗漸染頗似中國又南有赤

木兒城居民多并汾人案阿里麻里即伊犁城也

北百餘里之賽里木泊也此所過皆蔥嶺東回鶻

地太祖時所已服者入版圖二十餘年故有漢民

并汾民商有獸似虎毛厚金色無文善傷人有蟲

如蛛毒中人則煩渴飲水立死惟過醉葡萄酒吐

則解有嗜酒宇羅城迤西金銀銅為錢有文而無

孔方今回疆普爾至麻阿中以馬捧拖床遞鋪負

重行疾或曰乞里乞西易馬以犬二月二十四日

過亦堵兩山間土平民夥溝洫曠帶多故壘壞垣

問之蓋契丹故居也此契丹乃西契丹也遜之後

數千里太祖滅乃蠻執太陽汗其子屈突律奔西

契丹旋襲其位又十餘年太祖征西域滅之此

其故土長春西遊記所云田曠桑麻與計其地去

和林五千里而近有河曰亦運流洶洶東注土人

云此黃河源也此蔥嶺東喀什二十八日過塔刺

寺今塔刺三月一日過賽藍城有浮圖諸回紇祈

拜之所明史賽藍在塔失干之東今塔失干城在

三日過別石蘭諸回紇貿易如上已節四日過忽

寧河渡船如弓鞋然忽寧河即霍爾河之音轉



人云河源出南大山地多產玉疑為崑崙山案崑崙山在嶺南

崑崙元人以有多語以多龜蛇行相雜郵亭客舍蟄如浴

室門戶皆以琉璃飾之民賦歲止輸金錢十文然

貧富有差八日過樽思千城案元太祖本紀十六

千城長春西游記見太祖于邪迷思千城即此也

即今賽馬爾罕城在敖罕境為蔥嶺以西扼要之

地元太祖駐軍之所故知城大而民繁時羣花正

開唯梨花薔薇玫瑰如中國餘多不能名城之西

所種皆葡萄粳稻有麥亦秋種滿地產藥十數種

皆中國所無藥物療病甚效十四日過暗布河元

海國圖志 卷二十九 西南洋 五印度總序

或作暗布河或作阿布河又作阿母河元秘史作

阿梅河長春西游記作阿母河即佛經之納勿大

河源出蔥嶺大龍池西注裏海者也元夏不雨秋

初置阿母河元帥府領蔥嶺以西各國

則雨溉田以水地多蝗有鳥飛食之十九日過里

丑城其地有桑棗征西奧魯屯駐於此二十六日

過馬蘭城又過納商城草皆苜蓿籬籬以栢二十

九日過帶埽爾城滿山皆鹽如水晶狀近西南六

七里長春西游記踰鐵門東南行山根有鹽泉流

出見日即成白鹽又東南經分水嶺西望高

備若冰皆鹽以上皆新得國曰木乃奚牛皆駝峯

太和時舊得之部落

黑色地無水土人隔山嶺鑿井相沿數十里下通

流以溉田所屬山城三百六十已而皆下案崑崙

西地中海之東以四洲地志考之言都魯機滅

包社而蒙古又滅都魯機則此為都魯幾無疑在

布哈爾愛烏罕之西境疑明史所惟檐定西一山

稱哈烈也或曰哈烈即愛烏罕

城名乞都布孤峯峻絕不能矢石六年丙辰王師

至城下城絕高險仰視之帽為陸諸道並進敵大

驚令其相臣大赭約失兒來納款已而兀魯兀乃

算灘出降算灘猶國王也源案算灘為西域國王

作鎖魯檀本朝官書作蘇勒坦亦或速魯檀又葛

雷巴稱其王曰巡欄其實皆一音之轉也又痕都

斯坦四字痕都國名斯坦即國王也西洋地圖忽

嶺西各國或作土丹或作土單音凡數譯字皆一

義其父領兵據山城令其子取之七日而陷金玉

寶貨甚多一帶價值銀千笏者其國兵皆刺客俗

見男子勇壯者利誘之令手刃父兄然後充兵醉

酒扶入窟室娛以音樂美女縱其欲數日復置故

處既醒問其所見教之能為刺客死則享福如此

因授以經咒日誦蓋使盡其心志死無悔也潛令

使未服之國必刺其主而後已雖婦人亦然木乃

奚在西域中最高悍威脅鄰國四十餘年王師

既克誅之無遺類案唐書大食本波斯地有禮堂

容數千人每七日王高坐為下

海國圖志 卷二十九 西南洋 五印度總序



說曰死敵者生天上殺敵授福故俗勇于鬪又  
有白衣大食黑衣大食分二國即今白帽回黑帽  
也四月六日過訖立兒城所產蛇皆四跗長五尺

餘首黑身黃皮如鯊魚口吐紫豔過阿刺丁城人  
被髮率以紅帕勒首衣青如鬼然此創古之黑王  
衣大食也

師自入西域降者幾三十國有佛國名乞石迷西  
在印毒西北蓋傳釋迦氏衣鉢者其人儀狀甚古

如世所繪達摩像不茹葷酒日啖粳一合所談皆  
佛法禪定至暮方語案乞石米西即今克什米爾  
大唐西域記作伽澤彌勒國  
即北印度也在濕都斯坦之西北故曰七年丁巳  
在印度西北此時北印度尚未改回教

海國圖志卷二十九 西南洋 五印度總序

歲取報達國南北二千國其王曰合法里其城有

東西城中有大河西城無壁壘東城固之以鐵給  
其上甚盛王師至城下一交戰破勝兵四十餘萬

西城既陷盡屠其民尋圍東城六日而破死者以  
數十萬合法里以舸走獲焉其國俗富庶為西域

冠宮殿皆以沈檀烏木降真為之壁皆黑白玉為  
之金珠珍貝不可勝計其后妃皆漢人所產大珠

曰太歲彈蘭石瑟瑟金剛鑽之類帶有值千金者  
其國六百餘年傳四十主至合法里而亡人物頗

秀於諸國所產馬名脫必察后法里不悅酒以橙  
漿和糖為飲琵琶三十六絃初合法里患頭痛醫

不能治一伶人作新琵琶七十二絃聽之立解士  
人相傳報達諸胡之祖故諸胡皆臣服案報達即  
作巴祇乃白頭回也穆罕  
默德曾都此故亦云祖國報達之西馬行二十日

有天房內有天使神胡之祖葬所也師名癖顏八  
兒房中懸鐵繩以手捫之誠可及不誠者竟不得

捫經文甚多皆癖顏八兒所作轄大城數十其民  
富貴案此真回教祖國亦名天方亦名墨克其造  
經之祖曰派罕巴爾此作癖顏八兒蓋譯音

海國圖志卷二十九 西南洋 五印度總序

不同華言天使也然則天方即天房其國在包社  
之西漢安息國即報達也條支國即天方也此後

為專征回國故既平天方始旋師服印度蓋自太  
祖先平蔥嶺西東諸回國憲宗乃復平蔥嶺西南

諸回國也西有密昔爾國尤富地產金夜視有光處誌  
之以灰翼日發之有大如棗者至報達六千餘里

國西即海海西有富浪國婦人衣冠如世所畫昔  
薩狀男子胡服皆好善寢不去衣雖夫婦亦異處

有大鳥駝蹄蒼色鼓翅而行高丈餘食火其如升  
餘案密昔爾即蘇林國其西富浪則地中海北  
島夷也駝蹄大鳥即漢書安息所產大馬也其  
石羅子國出珍珠其王名奧思阿塔卑其西南海



也採珠盛以草囊止露兩手腰短石墜入海取蚌  
 並泥沙貯于囊中遇惡蟲以醋噴之即去既得蚌  
 滿囊撼短舟人引出之往往有死案石羅子園見元史郭侃傳以下乃六年以後班師回東使道攻取各國大抵皆屬中印度也印毒國去中國最近軍民一千二百萬戶所出細藥大胡桃珠寶烏木雞舌賓舌賓鐵諸物國中懸大鐘有訴者擊之司鐘者紀其事及時王官亦紀其名以防奸欺民居以蒲為屋夏大熱人處水中九年己未歲七月兀林國阿早算灘來降城大小一百二十民一百七十萬山產銀黑契丹國名乞里彎王名忽教馬丁算灘聞王大賢亦來降其拔里寺大城獅子雄者鬃尾如縷拂傷人吼則聲從腹中出馬聞怖溺血狼有鬃孔雀如中國畫者惟尾在翅內每日中振羽香猫似土豹糞溺皆香如麝鸚鵡多五色風駝急使乘之日可千里珊瑚出西南海取以鐵網高有至三尺者蘭赤生西南海山石中有五色鴨思價最高金剛鑽出印毒以肉投大淵底飛鳥食其肉糞中得之撒巴爾出西海中蓋璚瑋之遺精

海國圖志

卷二十九

西南洋 五印度總論

乘

蛟魚食之吐出年深結成價如金其假者即犀牛糞為之也骨篤犀大蛇之角也解諸毒龍種馬出西海中有鱗角牝馬有駒不敢同牧被引入海中復出皂雕一產三卵內一產生犬灰色而毛短隨母影而走所逐擒無不獲者攏種羊出西海以羊臍種土中漑以水聞雷而生臍系地中及長驚以木臍斷便行嚼草至秋可食臍肉復有種案羊臍傳拂菻國文一胡婦解馬語即知吉凶甚驗其怪異等事不可殫記往返十四月郁款曰西域之開始自張騫其土地山川固在也然世代浸遠國號變易事亦難考今之所謂瀚海即古金山也印毒即漢身毒也曰駝鳥者即安息所產大馬爵也密昔爾即唐拂菻地也案拂菻即在條支之西不渡大秦誤也密昔爾今為海唐書乃以拂菻即隔海之如德亞國近利未亞州觀其土產風俗可知已又唐書載拂菻去京師四萬里在西海上所產珍異之物與今日地里正同蓋無疑也中統四年三月劉郁記

海國圖志

卷二十九

西南洋 五印度總論

乘

西庫書且曰西使記元劉郁撰郁真定人是書記常使西使皇弟錫里庫軍中返道途之所見王



憚嘗載入玉堂雜記中此蓋別行之本也元史憲  
 宗紀二年壬子秋遣錫喇征西域蘇丹諸國是歲  
 錫喇斃三年癸丑夏六月命諸王錫里庫及烏爾  
 哈達帥師征西域法勒噶巴哈台等國八年戊午  
 錫里庫討回回法勒噶巴平之擒其王遣使來獻捷  
 考世系表睿宗十一子次六曰錫里庫而諸王中  
 別無錫喇郭侃傳侃王子從錫里庫西行與此記  
 所云王子歲皇弟錫喇統諸軍奉詔西征凡六年  
 拓境幾萬里者相合然則錫喇即錫里庫因元史  
 為明代所修故譯音訛舛一以為錫喇一以為錫  
 里庫誤分二人而憲宗紀二年書錫喇斃三年重  
 書錫里庫征西遂相承誤載也此記言常德西使  
 在已未正月蓋錫里庫獻捷之明年所記雖但據  
 見聞不能考證古蹟然亦有異聞郭侃傳所載  
 與此略同惟譯語時偶有誤耳我朝傳所載  
 西域崑崙月餘詳盡入版圖計常德所經皆在今屯  
 田列障之內具詳西域圖志劉郁所紀本不足道  
 姑錄以備考耳

海國圖志卷二十九 西南洋 五印度總論

源案此記所載回國則直造天方佛國則直窮  
 印度皆踰蔥嶺而抵西海今新疆版圖僅有蔥  
 嶺以東安能在屯田列障之內讀 高宗御  
 製五天竺說則我朝不勤遠略無庸與元代  
 爭疆武亦不必以  
 諛詞誣往代也

明職方外紀中國之西南曰印弟亞即天竺五印度也  
 在印度河左右國人面皆紫色其南士曉天文頗識性  
 學亦善百工技巧無筆札以錐畫樹葉為書國王之統  
 例不世及以姊妹之子為嗣親子弟則給祿自膳男子  
 不衣衣僅以尺布掩臍下女人有以布纏首至足者其  
 俗士農工賈各世其業最貴者曰婆羅門次曰乃勒大

抵奉佛多設齋醮今沿海諸國與西客往來者亦海奉  
 天主教其地有加得山中分南北南半則山川氣候鳥  
 獸蟲魚草木之屬無不各極詭異其地自立夏以至秋  
 分無日不雨反是則片雲不合酷暑難堪惟日有涼風  
 解之其風自已至申從海西來自亥至寅從陸東來草  
 木異于常者不可屈指西友鄧儒望嘗游其國獲觀草  
 木生平未嘗見者至五百餘種其所產木以造舟極堅  
 天下第一良材幹可造舟車葉可覆屋實能療瘧能  
 止渴又可為酒為醋為油為餉糖堅處可削為釘殼可  
 盛飲食其可索絢種一木而一室之利畢賴之矣又有  
 二奇木其一一名陰樹花形如茉莉巨畫不開至夜始放

海國圖志卷二十九 西南洋 五印度總論

向晨盡落地矣國人好卧于樹下至垂花覆滿身其一  
 木不花而實人不可食其枝飄揚下垂附地便生根若  
 桂如是歲久結成巨林國人蔭其下無異屋宇至有容  
 千人者其樹之中近原幹處則以供佛名菩提樹鳥類  
 最多有巨鳥鳴能解百毒國中甚貴之一物直金錢五  
 十地產象異於他種能識人言土人或命負物至某地  
 往輒不爽他國象遇之則蹲伏有獸名獨角天下最少  
 亦最奇利未亞亦有之額間一角極能解毒此地在  
 毒蛇不敢飲泉水亦染其毒人獸飲之必死百獸在水次  
 雖渴不飲飲必俟此獸來以角攪其水毒遂解百獸始  
 就飲焉勿謂祭亞國庫云有兩角稱其為寶又有獸形  
 如牛身大如象而少低有兩角一在鼻上一在項背間  
 全身披甲甚堅銃箭不能入其甲交接處比次如鐵甲  
 甲面亦可擊如箭皮頭大尾短居水中可數十日從小  
 之亦可擊如箭皮頭大尾短居水中可數十日從小  
 骨肉皮角才百餘俱皆伏尤憎象與馬偶值必逐殺之其  
 中國所產如天絲等類之類其類甚多其類甚多其類甚多  
 能飛如蝠大如貓蛇種類極多大半俱毒 地勢為三



角形末銳處闊不百步東西氣候無不各極相反此時則彼雨此寒則彼熱此風濤蔽天則彼穩如平地矣故海船有乘順風而過者至銳處則行如拔山此南印度之尤異也

又曰印度有五惟南印度尚仍其舊餘四印度今皆為莫卧爾回國所併矣莫卧爾國甚廣分為十四道象至三千餘隻近百年內吞併鄰國甚多嘗攻西印度其西印度王統兵五十萬馬十五萬象二百每象負一木臺容人可二十又載銃千門其大者四門每門駕牛二百

海國圖志 卷二十九 西南洋 五印度總考

聖

又盛載金銀滿五十巨罌以禦之不勝盡為莫卧爾國王所獲又東印度有大河名安日即恒河國人謂經此水一浴所作罪業悉得消除五印度之人咸往沐浴冀得滅罪生天也其東近滿刺加處國人各奉四元行之一死後各用本行葬其屍如奉土者入土奉水火者投水火至奉氣者則懸掛尸於空中亦大異也

恒河考上

源

問自晉魏唐以來歷代高僧使西域皆自蔥嶺沿印度河南行以達中西二印度從無有沿恒河者豈恒河不

源蔥嶺而偏處東隅乎佛經說法動喻恒河波斯國王及諸大弟子往返之迹皆在恒河從無一語及印度河豐佛終身僻處東南二印度而不至中西二印度乎蔥嶺大龍池即阿耨達池出四大水分注四海而印度河恒河皆注南海何以唐人皆指印度所注為西海乎魏源曰恒河同源而異委其出于蔥嶺大龍池者即恒河之正源至印度而分二一由西印度入海是為西恒河一由東印度入海是為東恒河佛生中印度之舍衛國一生得法輪多在西恒河左右其東恒河則偶至不常

海國圖志 卷二十九 西南洋 五印度總考

聖

至後世方俗傳稱東印度之河為恒河而謠稱西恒河為印度河于是并以上游出蔥嶺之源統稱印度河信度河新頭河者皆印度之轉音也惟梁書言天竺國臨大江名新頭河源出昆侖分為五江總名曰恒水又鄒氏水經注引釋氏西域記曰阿耨達太山其上有大淵池宮殿樓觀甚大焉山即崑崙山也其山出六大水山西有水名新頭河西南有二水名遙奴一名薩罕一名恒伽同出一山俱入恒水恒水一出大秦名犁鞞一東流入東海蓋二水所注兩海所納自為東西也又康泰扶南傳曰恒水



之源乃出極西北崑崙山中有五大源枝扈黎大江出  
山西北流東南注大海枝扈黎即恒水也渡江西行極  
大秦也此乃並指印度河為西恒河印度河源為恒源  
法顯傳上游雖沿俗稱印度河而下游言恒水又東到  
多磨犁軒即是海口犁軒乃條支瀕西海之地是亦以  
印度河即恒水若專指東印度之水為恒水則豈能橫  
貫印度河而西北至犁軒又貫印度河而東南至榜葛  
刺耶源同委異星漢昭明安得忽奪其一又并誣其源  
致佛經無一可通乎至阿耨達注西海之水以印度河

海國圖志卷二十九 西南洋 五印度總論

當之尤元奘記之謬夫東恒西恒同注南海非地中海  
也烏得以印度河之海口為西海又安得分一恒河之  
水以當二河哉別詳崑崙惟是水經雖言恒河下游之分  
注而不詳上游何地分支考西域諸記西洋諸圖皆無  
分流歧出之證皇清通考四裔門曰巴達克山國扼葱  
嶺之西有河北流經博羅爾巴達克山兩部之間至伊  
什得克特分流一流經北入圖斯泊一流逕西又北入  
伊西洱泊此蓋指縛芻河與印度河初分之處圖斯泊  
即縛芻河所經伊西洱泊即印度河所經也徐氏西域  
水道記第

一圖于龍池西出二派行六七百里或謂恒河東西分  
即各分為二亦以意為之非有所據或謂恒河東西分  
流如梁州之東漢水西漢水在山谷中孔穴相通故西  
域取經諸僧皆未道及此亦臆度之詞而吾則斷兩水  
之分必在中印度以下不在中印度以上何者北印度  
之北界以大雪山綿亘二千里直抵裏海包社之地印  
度河循大雪山而西直至包社始轉而南故知上游斷  
無分流別駛之地極至中西兩印度之間平原曠野受  
水益多始分一支東行迨受後藏岡噶江之水而其流  
始大又至東印度之東受大金沙江水而浩瀚始極故

海國圖志卷二十九 西南洋 五印度總論

歷代西使之記皆踰印度河即為北印度無更渡一水  
者至其受岡噶江以後則一統志述之曰岡噶江源出  
岡底斯山山南馬品木達賴池及耶噶池自池西流出  
名狼楚河西流二百餘里折而北繞古格札什魯木布  
則城西仍轉南又西流千有五百餘里至阿里西鄙桑  
納蘇木多之地拉楚河自僧格喀巴布山發源西流千  
有六百餘里轉南流三百五十餘里來會之又轉南流  
二百五十餘里經畢底城之西二百餘里折東流千七  
百餘里至那克拉蘇木多北鄙又有麻楚河來會之三



水合一始名岡噶江轉東南經馬木巴柞木郎部落至  
厄訥特克國入南海案厄訥特阿國即中印度也其下  
游至東印度又受大金沙江則英夷地圖繪之岡噶江  
與大金沙江合流始名安日河亦名安市河河入南海  
故坤輿職方諸圖皆無大金沙江蓋統于安日河之海  
口也然則東印度當在恒河以西乎抑在恒河以東乎  
曰恒河兩岸地皆有之上游則岡噶江以東如吉里鎮  
里坎巴諸國下游則安日河以東如大小葛蘭柯枝諸  
國以西如榜葛刺國皆東印度境也大金沙江自緬甸  
海國圖志 卷二十九 西南洋 五印度總沿革 吳

恒河考下

問曰漢書往屬賓有懸皮之險晉法顯亦曾經其地述  
之曰崖岸險絕石壁千仞下有水名新頭河鑿石通路

躡懸絙過沙河兩岸相去八十步渡河到烏婁國即北  
天竺是懸度蓋度新頭河往印度必由之險而元邱長  
春劉郁之西行及乾隆中官兵之追霍集古皆往反此  
河曾無躡懸絙緣竿之事豈陵谷遷變耶曰水經注言懸  
度在烏耗之西烏耗今巴達克山也官軍追賊僅至巴  
達克山東北交界安能即至其西境之懸度乎漢書尉  
賓傳歷三盤石坂臨崢嶸不測之深步騎繩索相引二  
千餘里乃到懸度是其地距龍池甚遠故法顯傳踰蔥  
嶺後又西南行十五日始至懸度焉我軍追賊至蔥嶺

海國圖志 卷二十九 西南洋 五印度總沿革 吳

之阿爾楚山又三日即追戰于伊西庫河其兩岸即  
和什珠克嶺近在大龍池之西巴達克山之東北距法  
顯所渡尚隔十餘程故皇清四裔考曰蔥嶺西有河北  
流經巴達克山博羅爾兩部之間北入伊西河泊其北  
鄙之城曰瓦漢將軍富德移檄索其獻俘而進軍瓦漢  
以待之蓋駐軍其國北境未抵其國都也至邱長春初  
從鐵門踰阿母河至印度北雪山行在不言過印度河  
及歸從他道過石峽有石梁橫其上下流甚急賦詩有  
水北鐵門猶自可水南石峽更堪驚之句則明指阿母



河以南之印度河矣其後次再赴行在舟濟阿母河後  
夜過班里城又東行數十里復過一水馬僅能度則又  
涉印度河矣長春兩踰印度河而一由石梁一則馬涉  
是皆印度河上源其水尚淺又何曾至烏耗以西下游  
之懸度乎不但此也即唐元裝使西域記亦未經懸度  
蓋元裝由鐵門過縛芻河南度大雪山即邱長春所經  
之路法顯則順河北岸西行故未經鐵門亦未踰大雪  
山其程途有上下游之別非往北印度者必經懸度之  
險也以地望推之鐵門在縛芻河北納林河南迫近塞  
馬爾罕當在今敖罕南境懸度則在今巴達克山西境  
愛烏罕東境恒河蓋貫二部而南經克什彌爾之東以  
入痕都斯坦其通舟當在懸度下游以後漢唐時往屬  
窰者憚大雪山之阻故繞其下游唐以後多踰大雪山  
至北印度故不繞懸度也外國史略曰印度東南北俱  
高山惟中央平坦卑溼片地皆支江可以灌溉其水漲  
時壤田旱易淺涸雨則驟潦家家以小舟往來鄉邨亦  
無高阜江河遷徙無常滄桑陵谷盈涸時有故知東西  
恒河之通流斷在懸度以後不在懸度以上

海國圖志

卷二十九

西南洋 五印度總論

梁

海國圖志卷三十

西南洋

邵陽魏源輯

中印度沿革

原無今補

漢書烏弋山離國主去長安萬二千二百里不屬都護  
戶口勝兵大國也東北至都護治所六十日行東與罽  
賓西與犁軒條支接烏弋地暑熱莽平其草木畜產五  
穀果菜食飲宮室市列錢貨兵器金珠之屬皆與罽賓  
同而有桃拔師子犀牛俗重妄殺其錢獨文爲人頭羸  
爲騎馬以金銀飾杖絕遠漢使希至自玉門陽關出南

海國圖志

卷三十

西南洋 中印度沿革

一

道歷部善而南行至烏弋山離南道極矣轉北而西得  
安息案烏弋山離在罽賓之西犁軒條支安息之東南  
共爲中印度無疑俗重妄殺佛國始見于史故以  
冠中印度之首漢初身毒  
未通于中國故語焉不詳  
後漢書天竺國一名身毒在月氏之東南數千里俗與  
月氏同而卑溼暑熱其國臨大水乘象而戰其人弱於  
月氏修浮圖道不殺伐遂以成俗從月氏高附國以西  
南至西海東至槃起國皆身毒之地全傳已見前五印  
度總考茲不重錄  
范蔚宗西域傳論曰西域風土之載前古未聞也漢世  
張騫懷致遠之舉班超奮封侯之志終能立功西遐羈



服外域自兵威之所肅服財賂之所懷誘莫不獻方奇  
 納愛質露頂肘行東向而朝天子故設戊己之官分任  
 其事建都護之帥總領其權先馴則賞纓金而賜龜綬  
 後服則繫頭類而繫北關立屯田於膏腴之野列郵置  
 於要害之路馳命走驛不絕於時月商胡販客日款於  
 塞下其後甘英乃抵條支而歷安息臨西海以望大秦  
 拒玉門陽關者四萬餘里靡不周盡焉若其境俗性智  
 之優薄產載物類之區品川河嶺障之基源氣節涼暑  
 之通隔梯山棧谷繩行沙度之道身熱首痛風災鬼難

海國圖志 卷三十 西南洋 中印度洋 二

之域莫不備寫情形審求根實至於佛道神化與自身  
 功而二漢方志莫有稱焉張騫但著地多暑溼乘象而  
 戰班勇雖列其奉浮圖不殺伐而精又善法導達之功  
 靡所傳述余聞之後說也其國則殷乎中土玉燭和氣  
 靈聖之所降集賢懿之所挺生神迹詭怪則理絕人區  
 感驗明顯則事出天外而驚超無聞者豈其道閉往運  
 數開叔葉乎不然何誣異之甚也漢自楚英始盛齋戒  
 之祀桓帝又修華蓋之飾將微意未譯而但神明之邪  
 詳其清心釋累之訓空有兼遺之宗道書之流也且好

仁惡殺獨傲崇善所以賢達君子多愛其法焉魏書唐書宋史  
已見五印度總考不重錄

明史沿納模兒其國在榜葛刺之西或言即中印度古  
 所稱佛國也永樂十年遣使者齎敕撫諭其國賜其王  
 金絨錦金織文綺絲帛等物十八年榜葛刺使者懇其  
 國王數舉兵侵擾詔中官侯顯齎勅諭以睦鄰保境之  
 義因賜之絲幣所過金剛寶座之地亦有布施然其王  
 以去中國絕遠朝貢竟不至金剛座之地見佛經及大  
唐西域記此中印度無疑  
 西域圖志曰愛烏罕東南接痕都斯坦部漢書南道西

海國圖志 卷三十 西南洋 中印度洋 三

踰蔥嶺則出大月氏與今愛烏罕方位相符而痕都斯  
 坦為古屬賓國愛烏罕南與相接亦與漢書大月氏南  
 接屬賓之說合惟境壤相接是以貴霜大得滅屬賓而  
 有之也屬賓與北印度接五印度即五天竺國范史稱  
 貴霜王于滅屬賓後并滅天竺亦其境地毘接之明證  
案以大唐西域記考之屬賓當為克什彌爾之地即北  
印度而痕都則中印度也愛烏罕為大月氏南境而大  
月氏則北有大夏又有兼 又班書稱大月氏都媽水北  
北印度之西境此全說  
 魏書稱其都馬許水隋書稱其都烏許水烏許與媽為  
 音之近烏許與馬許則字之譌也范史又稱天竺在月



氏之東南天竺為今西藏亦適當愛烏罕東南境據此  
斷以愛烏罕為月氏故壤無疑源案以西藏為天竺故  
謂屬賓尚非北印度愈岐愈遠皆與○御製  
五天竺說不合惟謂愛烏罕為月支則近是

又曰痕都斯坦在拔達克山西南愛烏罕東漢書作國  
東南

工治玉以水磨成器最精為內地所勿逮舊於葉爾羌  
貿易乾隆二十五年頒 勅書賜物通市如故其地蓋

北印度交界北極高二十九度十五分距京師偏西四  
十五度五分當為古屬賓國地案屬賓即北印度而痕  
混為一也痕  
都一作溫都

海國圖志 卷三十 西南洋 中印度沿革 四

東印度沿革原無今補輒○明史作榜葛刺此  
或云滿加塔或云明呀刺或云孟加臘或云孟阿拉  
同其北境有古里項里坎巴又東隔海口之河汶  
葛蘭等國皆東印度  
境惟緬甸在印度外

明史榜葛刺即漢身毒國東漢曰天竺其後中天竺貢  
於梁南天竺貢於魏唐亦分五天竺又名五印度宋仍

名天竺榜葛刺則東印度也自蘇門答刺順風二十晝  
夜可至永樂六年其王嚮牙思丁遣使來朝貢方物七

年使凡再至攜從者二百三十餘人帝方招徠絕域頒  
賜甚厚自此比年入貢永樂十七年及正統三年凡兩

海國圖志 卷三十一 西南洋 東印度沿革 五

其麒麟百官表賀自是不復至其國地大物阜城池街  
市繁貨通商繁華類中國四時氣候常如夏土沃一歲

二稔不待籽耘俗瀆龐有文字男女勤於耕織容體皆  
黑間有白者王及官民皆回回人喪祭冠婚悉用其禮

男子皆薙髮裹以白布衣從頸貫下用布圍之懸不置  
鬮刑有笞杖徒流數等官司上下亦有行移醫卜陰陽

百工技藝悉如中國蓋皆前世所流入也其王敬天朝  
闕使者至遣官具儀物以千騎來迎王宮高廣柱皆黃

銅包飾雕琢花獸左右設長廊內列明甲馬隊千餘外



列巨人明盛甲執刀劍弓矢威儀甚壯丹墀左右言孔  
 雀翎傘蓋百餘又置象隊百餘於殿前王飾八寶冠其  
 踞殿上高坐橫劍於膝朝使入令拄銀杖者二人來導  
 五步一呼至中則止又拄金杖者二人導如初其王拜  
 迎詔叩頭手加額開讀受賜訖設絨毯於殿宴朝使不  
 飲酒以薔薇露和香蜜水飲之贈使者金盃金繫腰金  
 瓶金盆其副則悉用銀從者皆有贈厥貢良馬金銀琉  
 璃器青花白瓷鶴頂犀角翠羽鸚鵡洗白苾布兜羅棉  
 撒哈刺糖霜乳香熟香烏香麻藤香烏釜泥紫膠藤樹  
 烏木蘇木胡椒麝黃宋史丹眉流國東至占臘五十程  
 南至閩婆四十五程西至羅越水程十五程西至西天  
 南至五程東至廣州一百三十五程其俗以版為屋  
 跌足衣布無紳帶以白絁纏其首貿易以金銀其主所  
 居廣袤五里無城郭出則乘象車亦有小駝地出犀象  
 銅石紫草蘇木諸藥四時炎熱無雪霜未嘗至中國咸  
 平四年來貢按其方  
 位四至亦東印度地

明史或言柯枝即古盤盤國宋梁隋唐皆入貢唐書盤  
 盤在南海北距環王限少海與狼牙修接自交州海行四十  
 日乃至宋元嘉梁大通中均入貢其民瀕水居比木為  
 欄石為矢鐵貞觀中王遣使朝其東南有哥羅富沙羅  
 玉州二十四其兵有弓矢稍受以孔雀羽飾每戰以  
 百象為一隊一象百人鞍若檻囚人執弓稍在中賦率  
 輸銀三銖無絲絛惟吉貝非有官不束髮凡嫁娶納棺

海國圖志

卷三十一

西南洋 東印度沿革

六

椰為禮多至二百盤東南有拘婁密海行一月至南  
 婆利行十日不進行五日至西北距文單行六日  
 至與赤土墮 自小葛蘭西北行順風一日夜可至永樂  
 和羅同俗 元年遣中官尹慶齋詔撫諭其國賜以銷金帳幔織金  
 文綺綵幣及華蓋永樂六年復命鄭和使其國六年遣  
 使來貢十年封其國中之山勒石山上宣德八年遣使  
 偕錫蘭山諸國來貢正統元年遣其使者附瓜哇貢船  
 還國賜勅勞王其國與錫蘭山對峙中通古里國界東  
 大山西南北皆大海氣候常熱田疇少收俗頗瀆築室  
 用椰子樹即取其葉為苦覆王瑣里人尊釋教佛座四  
 旁皆水溝復穿一井每旦鳴鐘鼓汲水灌佛再三始羅  
 拜而退人分五等第一南昆王族類二回回三哲地皆  
 富民四革全皆牙儉最賤者日木瓜屋高不得過三尺  
 蓋極貧民執賤役者歲中二三月時有少雨國人皆治  
 舍儲食物以俟五六月間大雨不止街市成河七月始  
 晴八月後不復雨歲歲皆然地產諸穀獨無麥諸畜亦  
 皆有惟無鴛鴦驢 澳門紀畧柯枝園分上三等曰南昆  
 全皆牙儉日木瓜最貧賤  
 遇南昆哲地人軒伏地

明史又曰小葛蘭其國與柯枝接境自錫蘭山西北行

海國圖志

卷三十一

西南洋 東印度沿革

七



六晝夜可達東大山西大海南北地窄西洋小國也永樂五年遣使附古里蘇門答刺入貢賜其王錦綺紗羅鞍馬諸物其使者亦有賜王及郡下皆瑣里人奉釋教敬牛及他婚喪諸禮多與錫蘭同俗溥土薄收穫少仰給榜葛刺鄭和常使其國厥貢止珍珠傘白綿布胡椒又有大葛蘭波濤湍悍舟不可泊故商人罕至土黑壤本宜穀麥民懶事耕作歲賴鳥爹之米以足食風俗土產多類小葛蘭柯枝即海錄之烏土國故大小葛蘭地接柯枝土亦黑墳無一不合考英夷所繪中國地圖亦列柯枝于大金沙江海口東岸與緬甸接以上二國皆東印度邊境故附著之

海國圖志 卷三十一 西南洋 東印度洋 八

又曰古里西洋大國西濱大海南距柯枝國北距狼奴爾國東七百里距坎巴國自柯枝舟行三日可至觀柯枝至古里必由舟行可見中隔江河蓋古里介大金沙及恒河二水之間而柯枝則在江河合流之東南岸也自錫蘭山十日可至諸番要會也永樂元年命宦官尹慶奉詔撫諭其國賚以綵幣其酋遣使從慶入朝貢三年達南京封爲國王賜印誥及文綺諸物遂比年入貢鄭和亦數使其國十三年偕柯枝南勃利甘巴里滿刺加諸國入貢十四年又偕瓜哇滿刺加占城錫蘭山木骨都東瀾山南淳利不刺哇阿丹蘇門答刺麻林刺撒忽

魯謨斯柯枝南巫里沙里灣泥彭亨諸國入貢是時諸番使臣充斥於廷以古里大國序其使者于首十七年偕滿刺加十七國來貢十九年又偕忽魯謨斯阿丹祖法兒刺撒不刺哇木骨都東柯枝加異勒瀾山南淳利蘇門答刺阿魯滿刺加諸國遣使千二百人入貢時帝方出塞勅皇太子曰天時向寒貢使卽令禮官宴勞給賜遣還其以土物來市者官酬其直自成祖崩中朝不遣使諸國諸國貢使亦不來宣德五年復遣鄭和使其國八年其王遣使偕蘇門答刺柯枝錫蘭山祖法兒阿

海國圖志 卷三十一 西南洋 東印度洋 九

丹甘巴里忽魯謨斯加異勒天方便臣入貢其使久留都下至正統元年乃命附瓜哇貢舟西還自是不復至其國山多地瘠有穀無麥俗甚淳行者讓道道不拾遺人分五等如柯枝王敬淨屠鑿井灌佛亦如之每旦王及臣民取牛糞調水塗壁及地又煨爲灰抹額及股謂爲敬佛國中半崇回教建禮拜寺數十處七日一禮男女齋浴謝事午時拜天於寺未時乃散王老不傳子而傳甥無甥則傳弟無弟則傳於國之有德者國事皆決於二將領以回回人爲之刑無鞭笞輕者斷手足重



者罰金珠尤重者夷族沒產鞠獄不承則置其手指洗湯中三日不爛即免罪免罪者將領導以鼓樂送還家親戚致賀富家多植椰子樹至數千其嫩者漿可飲亦可釀酒老者可作油糖亦可作飯幹可構屋葉可代瓦殼可製杯瓖可索綯煨為灰可鑲金其他蔬果畜產多類中國所貢物有寶石珊瑚珠琉璃瓶琉璃枕寶鐵刀拂郎雙刃刀金繫腰阿思模達塗兒氣龍涎香蘇合油花瓊單伯蘭布苾布之屬


又曰西洋瑣里洪武二年命使臣劉叔勉以即位詔諭

海國圖志 卷三十 西南洋 東印度沿革 十

其國三年平定沙漠復遣使臣頌詔其王遣使奉金葉表獻方物成祖頌即位詔於海外諸國西洋瑣里亦與焉永樂元年二十一年偕古里阿丹等十五國來貢源統志云西洋瑣里本一小國乃古城暹羅錫蘭山柯枝諸大國王舊志皆云瑣里人故特存之此與古里皆東印度境於大地方位為南洋非西洋也明史云概西洋者失之明史西天阿難功德國西方番國也洪武七年遣其講主必尼西來朝貢方物及解毒藥石詔賜文綺禪衣及布帛諸物後不復至又有和林國師亦遣其講主來朝獻銅佛舍利曰哈丹布及元所授玉印玉圍其講主曰尼入刺國在諸藏之西去中國絕遠其王皆僧為之洪武十七年太祖已招徠諸番議通使其地命僧智光齋書絲幣待并使其鄰境地湧塔國智光精釋教才識宣揚天子德意其王即遣使隨入朝貢金塔佛經及名馬方物二十年達京師帝喜賜銀印玉圍

書詰救符驗及幡幢綵幣又賜其使者二十三年命智光使其國永樂七年遣使來貢十一年命楊三保齋聖書銀幣賜其嗣王及地湧塔王十六年命官鄧城齋書往所經罕東靈藏必力工瓦烏斯藏及野藍小地湧塔王如之自後貢使不復至又有連魏崇者亦西幣其酋以道遠竟不至萬歷野復編曰西天功德阿難國古來不聞此夷名金元諸史及國朝會典皆不載必胡僧賺賞偽造美名以欺天朝耳源察明史尙有加異勒國甘巴里國吉蘭丹國皆永樂宣德中鄭和所奉使招徠偕古里柯枝南濤利等國入貢其隣境尙有小阿蘭撥丹二國皆東印度之部落

海國圖志 卷三十 西南洋 東印度沿革 十





南印度沿革

原無今補註  
附錫蘭山島

後漢書東離國居沙奇城在天竺東南三千餘里大國也其土氣物類與天竺同列城數十皆稱王大月氏伐之遂臣服焉男女皆長八尺而怯弱乘象駱駝往來鄰國有寇乘象以戰

新唐書曠博或曰曠婆北距宛伽河多野象羣行顯慶中與婆岸干支弗舍跋若磨臘四國並遣使入朝干支在西南海中本南天竺屬國亦曰半支跋若唐言五山也北距多摩婁又有哥羅舍分修羅分甘畢三國貢方

海國圖志

卷三十一

西南洋 南印度沿革

三

物甘畢在南海上東距環王有勝兵五千哥羅舍分者在南海南東婆和羅修羅分者在海北東距真臘其風俗大略相類有君長皆柵郭二國勝兵二萬甘畢才五千又有多摩婁東距婆鳳西多隆南干支弗北訶陵地東西一月行南北二十五日行俗無姓婚姻不別同姓王坐常東向勝兵二萬有弓刀甲稍無馬果有波那婆宅護遮菴摩石櫛其國經薩盧都訶盧君那盧林邑諸國乃得交州顯慶中貢方物

案通典有章求拔國在東印度西未審為南否也

南印度海中錫蘭山島國沿革

一曰師子國一曰僧伽刺國一曰楞伽山一曰則意蘭島

梁書師子國天竺旁國也其地和適無冬夏之異五穀隨人所種不須節其國舊無人民止有鬼神及龍居之諸國商賈來共市易鬼神不見其形但出珍寶顯其所堪價商人依價取之諸國人聞其土樂因此競至或有停住者遂成大國晉義熙初始遣獻玉像經十載乃至像高四尺二寸五色潔潤形製殊特殆非人工此像歷晉宋世在瓦官寺寺先有徵士戴安道手製佛像五軀

海國圖志

卷三十一

西南洋 南印度沿革

三

及頌長康維摩畫圖世人謂為三絕至齊東昏遂毀玉像前截臂次取身為嬖妾潘貴妃作釵釧宋元嘉六年十二月其王刹利摩訶遣貢獻大通元年後王伽葉伽羅訶梨邪使奉表

新唐書師子國居西南海中延袤二十餘里有稜加山多奇寶以寶置洲上商舶償直輒取去後隣國人稍往居之能馴養師子因以名國總章三年遣使者來朝天寶初王尸羅迷迦再遣使獻大珠鈿金寶

明史錫蘭山即古狼牙修梁時會通中國自蘇門答刺



順風十二晝夜可達永樂中鄭和使西洋至其地其王欲害和和覺去之他國其王又不睦鄰境屢邀劫往來使臣諸番皆苦之及和歸復經其地乃誘和至國中發兵五萬劫和舟且塞歸路和乃率部卒二千由間道乘虛攻拔其城生擒其王妻子頭目獻俘于朝廷諸臣請戮帝釋之擇其族之賢者立之其舊王亦釋歸自是海外諸番益服天子威德貢使載道而其王遂屢入貢其國地廣人稠貨物多聚亞于瓜哇東南海中有山三四座總名曰翠藍嶼大小七門門皆可通舟中一山尤高

海國圖志 卷三十一 西南洋 南印度洋

大番名梭篤蠻山其人皆巢居穴處赤身髡髮自此山西行七日見鸚哥嘴山又二三日抵佛堂山即入錫蘭國境海邊山石上有一足跡長三尺許故老云佛從翠蘭嶼來踐此故足跡尚存中有淺水四時不乾人皆手蘸以洗面目山下僧寺有釋迦真身側臥床上旁有佛牙及舍利相傳佛涅槃處也其寢座莊嚴甚麗王所居側有大山高出雲漢產諸色寶石每大雨衝流山下海旁有浮沙珠蚌聚其內故其國諸珠寶特富王所居國人崇釋教重牛日取牛糞燒灰塗其體又調之以水徧

塗地上乃禮佛手足直舒腹貼于地以為敬不食牛肉止食其乳死則瘞之有殺牛者罪至死氣候常熱米粟豐足雖富饒然不喜噉飯欲噉則於暗室不令人見男子裸上體下圍以布徧體皆毫毛悉薙去惟髮不薙所貢物有珠珊瑚寶石水晶撒哈喇西洋布乳香木香樹香檀香沒藥硫磺解竭蘆薈烏木胡椒磁石馴象之屬

海國圖志 卷三十二 西南洋 南印度洋

案梁書狼牙修國與師子國分敘為二國狼牙敘于干陀利之後婆利之前而師子國則敘于婆利及天竺之後東西判然迥不相侔安得以狼牙修為錫蘭山而置龍鬼合居之師子國于不問乎明史之外國沿革無一不繆有如此者  
廣東通志錫蘭山疆域在西洋與柯枝國對峙南以別羅里為界自羅里南去順風七晝夜可至錫蘭山十晝夜可至古里國二十一晝夜可至小葛蘭順風二十晝夜可至木骨都東國自古里順風一晝夜可至忽魯謨斯國二十晝夜可至刺撒國二十二晝夜可至阿丹國又自忽魯謨斯國四十晝夜可至天方國乃南洋之盡處也書稱狼牙修國在南海中其界東西三十日行南北二十日行北去廣州二萬四千里蓋即此國  
西域記附注僧伽羅國古之師子國又曰無憂國即南印度其地多奇寶又名日寶諸昔釋迦牟尼佛化身名僧迦羅國人推尊為王以大神通力破大鐵城滅羅刹女挫極危難于是建都築邑化導四方示寂留牙在于茲土國有凶荒災異無所隨應今之錫蘭山即古之僧伽羅國也王宮側有佛牙精舍飾以眾寶輝光赫灼累世相承敬禮不衰今國王阿烈苦索兒墳里人也崇佛法外道不敬佛法暴虐國人承樂三年太監鄭和奉香花



往詣彼國供養王欲加害利和知其謀遂去後復遣鄭和往賜諸番并賜錫蘭山國王王益慢不恭欲圖害使者用兵五萬人刊木塞道分兵以劫海舟會其下預泄其機鄭和等歸路已絕潛遣人回舟備水師拒之而和乃與其國內番兵四面攻圍數重拒戰六日和等欲其王凌晨開門伐木取道且戰且行凡二十餘里抵葛其達舟即禮請佛牙登舟靈異非常光彩照輝歷涉巨海數萬里風濤不驚如履平地永樂九年七月至京師詔於皇城內莊嚴旃檀金剛寶座貯修供養佛牙精舍側有小精舍亦以眾寶而為瑩飾中有金佛像此國先王等身而鑄肉髻則貴寶飾焉至是并歸中國元王大淵島夷志畧僧加刺壘山環翠洋海橫峙其山腹有佛殿巋然則釋迦佛舍利所在海濱有石如蓮臺上有佛足跡長二尺有四寸闊七寸深五寸許跡中海水入其內不鹹而甘病者飲之則愈土人面紫身黑眼巨而長手足溫潤而壯健壽多至百餘歲佛初降彼方之人貧而為盜故以善化其民後以甘露水灑池俾產

海國圖志

卷三十一

西南洋 南印度洋

六

紅石土人掘之得此以濟貿易皆令溫飽而善其佛前有一鉢蓋非玉非銅非鐵色紫而潤敲之有玻璃聲故國初凡三遣使取之云  
南懷仁坤輿圖說印第亞之南有則意南島離赤道北四度人自幼以環繫耳漸垂至肩而止海中多珍珠江河生貓睛昔泥經金剛石等山林多桂皮香木亦產水晶嘗琢成棺殮死者相傳為中國人所居今房屋殿宇亦頗相類西有小島數十總名馬兒地殘廢悉為人所居海中生一椰樹其實甚小可療諸病  
按南印度之楞伽島舊為羅刹所居人不敢至佛為說法尚不能戒殺見於法苑珠林所載梁書亦言其為龍與鬼神所居何以後世竟為耕桑商舶之地惟西域記均注言僧伽刺王仗佛力以滅羅刹之事得

其實矣凡佛經所言轉輪聖王及阿修羅皆劫初時地天之通未絕非後世所有故昔日羅刹夜叉各島今皆開闢生齒繁殖而西牛貨州東神勝洲今亦商船通行氣運日開不怪為怪固難以為夏蟲井蛙道也

又案瀛環志略言中有高山土產鴉鵲寶石每遇大雨衝流山下從沙中拾取之隋常駿至林邑極西望見之番人謂高山為錫南因名云

附補落伽山及潘山

補落伽山一名普陀山

海國圖志

卷三十一

西南洋 南印度洋

七

大唐西域記南印度瀕海有殊刺耶山產龍腦香山東有布吐落迦山頂有池池側有石天宮觀自在菩薩往來遊舍從此山東北海畔有城是往南海僧迦羅國路從此入海東南可三千餘里至僧迦羅國唐書師子國亦南印度之境也國周七千餘里昔本寶渚羅刹居之即釋迦佛之前生也。案補落伽山在南印度瀕海之岸非島也由此下海乃至錫蘭山島故別載之海島美玉曰穆迦濱於南海真佛所居山極高峻徧地真佛持齋受戒數年而得人皆稱曰老君自能降神伏怪驅邪斬鬼手持念珠慈悲可掬見者知其有道。案此即南印度瀕海之落迦山也非錫蘭島  
明史潘山自錫蘭山別羅里南去順風七晝夜可至自蘇門答刺過小幡山西南行十晝夜可至永樂十年鄭和往賜其國自後三貢並與忽魯謨斯諸國借宣德五年鄭和復使其國後竟不至其山居海中有三石門竝



可通舟無城郭倚山聚居氣候常熱土薄穀少其人皆捕魚暴乾以充食王及羣下盡回人婚喪諸禮多類忽魯謨斯山下有八巷各以儒名或言外更有三千番舟或失風入其處即有沉溺之患

魏源曰五印度之地惟南印度斗出大海形如箕舌似中國之登萊而補落迦山則猶登州之成山其錫蘭島之楞伽山則四面皆海猶瓊州臺灣也普陀之在西藏之浙江定海者皆後出傳會惟此近翔實以非西夷市船所集故無述焉獨是錫蘭島偏近印度史稱地廣富庶亞於瓜哇南懷仁艾儒略均圖述之何以亦闕然於英夷據印度之後惟地里備考以榜甲刺等十九部為

海國圖志 卷三十一 西南洋 南印度洋 六

印度公司兼轄之地以錫蘭島為土君專轄之地其言較核於諸夷書蓋南洋斗出瀕海之岸為大西洋各國市埠環峙有英吉利埠有荷蘭埠有佛蘭西埠有彌利堅埠有葡萄牙埠岸市盛故島市微矣瀕山諸島林立環錫蘭山而地里備考謂錫蘭山四面千嶼環之其人物生殖者惟四五十島亦最切南洋之形勢譚印度者可無唐棗空之憾焉

案海間小島名目實繁西人以意命名不能劃一大約大則百里小則數十里洲嶼星列耳

西印度沿革 唐以前安息條支皆備教也唐以後大食波斯始皆回教故以宗歸此類

漢書安息國治番兜城去長安萬一千六百里不屬都護北與康居東與烏弋山離西與條支接土地風氣物類所有民俗與烏弋屬賓同亦以銀為錢文獨為王面幕為夫人面王死輒更鑄錢有大馬爵其屬小大數百城地方數千里最大國也臨媯水商賈車船行旁國書革旁行為書記武帝始遣使至安息王令將將二萬騎迎於東界東界去王都數千里行比至過數十城人民

海國圖志 卷三十一 西南洋 西印度沿革 九

相屬因發使隨漢使者來觀漢地以大鳥卵及犁軒眩人獻於漢天子大說安息東則大月氏

漢書又曰烏弋山離國行可百餘日乃至條支國臨西海案此西海謂地中海暑溼田稻有大鳥卵如燕人眾甚多往往有小君長安息役屬之以為外國善也安息長者傳聞條支有弱水西王母亦未嘗見也自條支乘水西行可百餘日近日所入云此語魏書已破其妄後漢書安息國居和橫城去洛陽二萬五千里北與康居接南與烏弋山離接地方數千里小城數百戶口勝



兵最為殷盛其東界木鹿城號為小安息去洛陽二萬里章帝元和元年遣使獻獅子符拔符拔形似麟而無角和帝永元九年都護班超遣甘英使大秦抵條支臨大海欲度而安息西界船人謂英曰海水廣大往來者逢善風三月乃得度若過遲風亦有一歲者故入海人皆齋三歲糧海中善使人思土戀慕數有死亡者英聞之乃止案大秦與條支止隔地中海長雖萬餘里僅廣二千里順風對度數日可至安有此阻難之理此西夷食漢使財物恐其西通大秦自相貿易則已國不得能斷其利故為此恐嚇之詞也至魏書始破其十二年安息王滿屈復獻獅子及條支大鳥時謂

海國圖志 卷二十 西南洋 西印度洋 三

之安息雀自安息西行三千四百里至阿蠻國從阿蠻西行三千六百里至斯賓國從斯賓南行度河又西南至于羅國九百六十里安息西界極矣自此南乘海乃通大秦其土多海西珍奇異物焉  
後漢書自皮山西南經烏秣涉懸度歷罽賓六十餘日行至烏弋山離國地方數千里時改名排持復西南馬行百餘日至條支條支國城在山上周回四十餘里臨西海海水曲環其南及東北三面路絕唯西北隅通陸道土地暑淫出師子犀牛封牛孔雀大雀大雀其卵如

發轉北而東復馬行六十餘日至安息後役屬條支為置大將監領諸小城焉

魏書安息在蔥嶺西都蔚搜城北與康居西與波斯相接在大月氏西

隋書安國漢書安息國也王姓昭武與康國王同族都那密山南城有五重環以流水宮殿皆為平頭煬帝初遣杜行滿至其國又烏那曷國都烏濬水西舊安息之地王姓昭武康國種類東北去安國四百里西北去穆國二百餘里東去瓜州七千五百里穆國都烏濬河西

海國圖志 卷三十 西南洋 西印度洋 三  
亦安息故地與烏那曷為鄰其王姓昭武亦康國種類東北去安國五百里東去烏那曷二百餘里西去波斯國四千餘里東去瓜州七千七百里唐書以後安息改名波斯皆回教非佛教矣別見巴杜阿丹兩國沿革

魏書波斯國都宿利城在忸密西古條支國也城方十里河經其城中南流出金銀鐵石珊瑚琥珀車渠瑪瑙多大真珠頗翠璫璃水晶琴瑟金剛火齊鑛鐵銅錫硃砂水銀等物氣候暑熱家自藏冰有鳥形如猿馳有兩翼飛不能高食草與肉亦能噉火神龜中遣使入貢



隋書波斯國都達曷水之蘇蘭城即條支故地西去海數百里東去穆國四千餘里西北去拂菻四千五百里東去瓜州萬一千七百里都城方十餘里勝兵二萬餘乘象而戰妻其姊妹國無死刑或繫排于頸以標之煬帝遣李昱使波斯尋遣使貢方物

宋史注犂國東距海五千里西至西天竺千五百里

原本作距海五里又天竺上無西字此據文獻通考南至羅蘭二千五百里北至

頓田三千里自古不通中國水行至廣州約四十一萬

一千四百里其國有城七重高七尺南北十二里東西

七里每城相去百步凡四城用磚二城用土最中城以

木為之皆植花果雜木其第一至第三皆民居環以小

河第四城四侍郎居之第五城主之四子居之第六城

為佛寺百僧居之第七城即主之所居室四百餘區所

統有三十部落其西十二其南八其北十二今國主

相傳三世矣民有罪即命侍郎一員處治之輕者繫於

木格笞五十至一百重者即斬或以象踐殺之其宴則

國主與四侍郎膜拜于階遂共座作樂歌舞不飲酒而

食肉案回教食牛羊肉不飲酒俗衣布亦有餅餌掌饌執事用婦人

其嫁娶光用金銀指環越諾布及女所服錦衣遺孀若

男欲離女則不取聘財女卻男則倍償之其兵陣用象居前小牌次之梭槍次之長刀又次之弓矢在後四侍郎分領其眾國東南約二千五百里有悉蘭池國或相侵伐地產真珠象牙珊瑚頗黎檳榔豆蔻吉貝布獸有山羊黃牛禽有山雞鸚鵡果有餘甘藤羅千年棗椰子甘羅崑崙梅婆羅密等花有白末利散絲蛇膽佛桑麗秋青黃碧婆羅羅蓮蟬紫水蕉之類五穀有綠豆黑豆麥稻地宜竹自昔未嘗朝貢大中祥符八年來貢以盤

海國圖志卷三十三 西南洋 西印度洋 三

奉珍珠碧玻璃升殿布於御坐前降殿再拜離本國舟

行七十七晝夜歷那勿丹山娑里西蘭山至占賓國又

行六十一晝夜歷伊麻羅里山至古羅國國有古羅山

因名焉又行七十一晝夜歷加八山占不牢山舟寶龍

山至三佛齊國又行十八晝夜度蠻山水口歷天竺山

至賓頭狼山望東西王母塚距舟所將百里又行二十

晝夜度羊山九星山至廣州之琵琶洲離本國凡千一

百五十口至廣州焉凡宴賜恩例同龜茲使明道二年

表進珍珠衫帽及真珠一百五兩象牙百株自言數朝



貢而海風破船不達願將上等珠就龍牀脚撒殿頂戴  
贖禮以申嚮慕之心乃奉銀盤升殿跪撒珠于御榻下  
而退

宋史云屑壇國在南海傍城距海二十里熙寧四年始  
入貢海道使風行百六十日經勿巡古林三佛齊國乃

至廣州傳國五百年十世矣人語言如大食地春冬暖  
貴人以越布纏頭案此即白帽回亦曰纏頭回服花錦白毯布出入

乘象馬有奉祿其法輕罪杖重罪死穀有稻粟麥食有  
魚畜有綿羊山羊沙牛水牛橐駝馬犀象藥有木香血

海國圖志卷三十 西南洋 西印度洋

竭沒藥鵬砂阿魏薰陸產珍珠玻璃密華三酒交易用

錢官自鑄三分其齊金銅相半而銀居一分禁民私鑄  
元豐六年使再至神宗念其絕遠詔頒賚如故事仍加

賜白金二千兩

坤輿圖說阿爾母斯其地悉是鹽及硫磺草木不生鳥

獸絕跡人著皮履遇雨過履底一日輒敗多地震氣候  
極熱須坐卧水中沒至口方解絕無淡水勺水皆從海

外載至因居三大洲之中富商大賈多聚此地百貨駢  
集人煙輻輳凡海內珍奇難致之物輒往取之源案明史作忽

曾談斯文南懷仁圖中有阿爾母河職方外紀則作阿  
爾謀海與西紅海相對共兩海汶而阿丹回國則夾于  
二海汶之間蓋歐羅巴洲之貨由地中海來者皆在此  
過載駁陸再下南洋海而亞細亞洲南洋之貨亦至此  
入內河分赴  
彼二州也

明史祖法爾國自古里西北放舟順風十晝夜可至永  
樂十九年遣使偕阿丹刺撒諸國入貢命鄭和齎書

賜物報之宣德正統屢貢其國東南大海西北重山天  
時常若八九月五穀蔬菓諸畜咸備人體頗碩王及臣

民悉奉回回教婚喪亦遵其制多建禮拜寺過禮拜日  
市絕貿易男女長幼皆沐浴更新衣以薔薇露或沉香

海國圖志卷三十 西南洋 西印度洋

油拭面焚沉檀掩八兒諸香于鑪人立其上以薰衣然

後往拜所過街市香經時不散天使至詔書開讀訖其  
王遍諭國人盡出乳香血竭蘆薈沒藥蘇合油安息香

諸物與華人交易乳香乃樹脂其樹似榆而葉尖長上  
人斫樹取其脂爲香有駝雞頸長類鶴足高三四尺毛

色若駝行亦如之常以充貢案地產駝雞知爲安息大食境故入之西印度

又曰忽魯謨斯西洋大國也自古里西北行二十五日  
可至永樂十年天子以西洋近國已航海貢琛稽顙闕



比刺潘山孫刺諸國賜其王錦綺綵帛紗羅如及大臣  
皆有賜至忽魯謨斯王即遣陪臣奉金葉表貢馬及方  
物十二年至京師命禮官宴賜酬以馬直比還賜王及  
如以下有差自是凡四貢和亦再使後朝使不去其使  
者亦久不至宣德五年復遣和宣詔其國乃遣使來貢  
八年至京師宴賜有加正統元年附瓜哇舟還國嗣後  
遂絕其國居西海之極自東南諸蠻邦及大西洋商船  
西域賈人皆來此貿易故寶貨填溢氣候有寒暑春發  
他秋隕葉有霜無雪多露少雨土瘠穀麥寡然他方轉

海國圖志 卷三二 西南洋 西印度洋 美

輸多價極賤民富俗厚或遭禍致貧眾皆遺以錢帛其  
振業之王及臣下俱回回人婚喪悉用其禮人多白哲  
豐偉婦女出則以紗蔽面市列塵肆百物具備惟禁治  
犯者罪至死醫卜技藝皆類中華交易用銀錢書用回  
回字王遵其教日齋戒沐浴虔拜者五地多鹹不產草  
木牛羊馬駝皆噉魚脂壘石為屋有三四層者寢處庖  
廁及待客之所皆在其上饒蔬果有核桃把册松子石  
榴葡萄花紅萬年棗之屬有大山四面異色一紅鹽石  
鑿以為器盛食物不加鹽而味自和一白土可塗垣壁

一赤土一黃土皆適於用所貢有獅子麒麟駝雞雁  
靈羊常貢則大珠寶石之類源案西印度諸國皆安  
漢書所謂安息大鳥今闕粵寓波上海洋船多載還內  
地其雞高三四尺花冠翠羽其行若駝俗云洋雞者也  
但此尚非至大者其本國駝禽高大更倍天方典禮云  
駝雞尾長似雉雌者高三尺至七八尺雄者高大餘皆  
有肉較似駝可乘致遠蹄蒼色張翅甚大其卵如雞可  
作器舟船難載故罕至此皆西南洋非大小西洋而  
明史謂其國居西洋之極者鄭和之舟至此而返也

海國圖志 卷三二 西南洋 西印度洋 美



北印度沿革原無今補輯。今克什彌爾古屬其地其西境之愛烏罕即古大月氏亦與北印度犬牙相錯。又案北印度與鄰境各國有大雪山界之雪山之北則印度河界之其南與中印度亦有大山為界疆域本不難辨後人不審西域記自作紛擾耳。

漢書西域記罽賓國王治循鮮城去長安萬二千二百里不屬都護戶口勝兵多大國也東北至都護治所六千八百四十里東至烏秣國二千二百五十里東北至難兜國九日行西北與大月氏西南與烏弋山離接昔匈奴破大月氏大月氏西君大夏而塞王南君罽賓塞

海國圖志卷三十一 西南洋 北印度拾萃

種分散往往為數國自疏勒以西北休循捐毒之屬皆故塞種也罽賓地平溫和有苜蓿雜草奇木檀欒梓竹漆種五穀葡萄諸果糞治園田地下溼生稻冬食生菜其民巧雕文刻鏤治宮室織罽刺文繡好治食治金銀銅錫以為器市列以金銀為錢文為騎馬幕為人面出封牛水牛象大狗沐猴孔雀珠璣珊瑚琥珀壁琉璃它畜與諸國同自武帝始通罽賓自以絕遠漢兵不能至其王烏頭勞數剽殺漢使後軍侯趙德使罽賓與其王陰末赴相失陰末赴鎖狼當德殺副以下七十餘人遣

使者上書謝孝元帝以絕域不錄放其使者於縣度經而不通成帝時復遣使獻謝罪漢欲遣使者報送其使杜欽說大將軍王鳳曰罽賓前親逆節惡暴西域故絕而不通今悔過來而無親屬貴人奉獻者皆行賈賤人欲通貨市買以獻為名又煩使者送至縣度為防護寇害起皮山南更不屬漢之國四五斥候士百餘人五分夜擊刁斗自守尚時為所侵盜驢畜負糧須諸國稟食得以自贖國或貧小不能食或笨黠不肯給擁疆漠之節餒山谷之間人畜棄捐曠野而不反又歷大頭痛小

海國圖志卷三十一 西南洋 北印度拾萃

頭痛之山赤土身熱之阪令人身熱無色頭痛嘔吐驢畜盡然又有三池盤石阪道陘者尺六七寸長者徑三十里臨崢嶸不測之深行者騎步相持繩索相引二千餘里乃到縣度畜墜未半阨谷盡靡碎人墮執不得相收視險阻危害不可勝言聖王分九州制五服務盛內不求外今遣使者承至尊之命送蠻夷之賈勞吏士之眾涉危難之路非計也使者業已受節可至皮山而還於是鳳白從欽言屬賓實利賞賜賈市其使數年而一至案縣度在烏秣西與罽賓鄰當在今巴達克山西境乃印度河岸也



後漢書大月氏國居藍氏城西接安息四十九里東去長史所居六千五百三十七里去洛陽萬六千三百七十里戶十萬口四十萬勝兵十餘萬人初月氏為匈奴所滅遂遷於大夏分其國為休密雙靡貴霜辟頓都密凡五部翎侯後百餘歲貴霜翎侯邱就卻攻滅四翎侯自立為王國號貴霜王侵安息取高附地又滅濮達屬賓悉有其國至其子立復滅天竺置監領月氏自此之後最為富盛諸國稱之皆曰貴霜王漢本其故號言大月氏云高附國在大月氏西南亦大國也其俗似天

海國圖志卷三十 西南洋 北印度洋 三

竺而弱易服善賈販內富於財所屬無常天竺屬賓安息二國強則得之弱則失之而未嘗屬月氏漢書以為五翎侯數非其實也後屬安息及月氏破安息始得高附

魏書大月氏國都盧監氏城在佛敵沙西去代一萬四千五百里北與蠕蠕接數為所侵遂西徙都薄羅城去弗敵沙二千一百里其王寄多羅勇武遂與師越大山南侵北天竺自乾陀羅以北五國盡役屬之世祖時其國人商販京師自云能鑄石為五色琉璃於是採礦山

中於京師鑄之既成光澤乃美於西方來者乃謂為行殿容百餘人光色映徹觀者見之莫不驚駭以為神明所作自此中國琉璃遂賤人不復珍之○阿鈞羌國在莎車西南去代一萬三千里國西有縣度山其間四百里中往往有棧道下臨不測之淵人行以繩索相持而度因以名之土有五穀諸果市用錢為貨居止立宮室有兵器土出金珠一統志漢書稱烏秬國西有縣度魏書則以權于靡國即漢之烏秬而縣度在阿鈞羌國之西考阿鈞羌去權于靡止三十里境壤毗連蓋漢烏秬國至魏分而為二其在今則皆拔達克山境也又波路國在其西北與今布魯特在拔達克山西北者地勢正合波路與布魯特近其為布魯特部

海國圖志卷三十 西南洋 北印度洋 三

○小月氏國都富樓沙城其王本大月氏王寄多羅子也寄多羅為匈奴所逐西徙後令其子守此城因號小月氏焉在波路西南去代一萬六千六百里先居西平張掖之間被服頗與羌同其俗以金銀錢為貨隨畜牧移徙亦類匈奴其城東十里有佛塔周三百五十步高八十丈自佛塔初建計至武定八年八百四十二年所謂百丈佛圖也○屬賓國都善見城在波路西南去代一萬四千二百里居在四山中其地東西八百里南北三百里地平濶和有苜蓿雜草奇木檀槐紫竹種五



穀糞園出地下淫生稻冬食生菜其人工巧屬文刻銀織罽有金銀銅錫以為器物市用錢他畜與諸國同每使朝獻○噉噉國大月氏之種類也亦曰高車之別種其原出於塞北自金山而南在于闐之西都馬許水南二百餘里去長安一萬一百里其王都拔底延城蓋王舍城也其城方十里餘多寺塔皆飾以金風俗與突厥畧同其語與柔然高車及諸胡不同眾可十萬無城邑依隨水草能鬥戰西域康居于闐沙勒安息及諸小國三十許皆役屬之號為大國與柔然婚姻自太安以後

海國圖志

卷三十

西南洋 北印度洋

三

每遣使朝貢初熙平中肅宗遣王伏子統宋雲沙門法力等使西域訪求佛經時有沙門慧生者亦與俱行正光中還慧生所經諸國不得知其本末及山川里數蓋舉其畧云其國去漕國千五里去瓜六千五百里一統志今愛烏罕為蔥嶺西南大國漢書所云南道踰蔥嶺則出大月氏與今愛烏罕適合魏噉噉附地皆月氏總類其所載都馬許水南及烏許水南蓋字畫之傳訛漢書稱其都媽水烏許與媽其音固朴近是噉噉地也與月氏同為一地○鉢和國在渴盤陁西其土尤寒人畜皆愛烏罕境也○鉢和國在渴盤陁西其土尤寒人畜同居穴地而處又有大雪山望若銀冪有二道一道西行向噉噉一道西南趨烏菴亦為噉噉所統○賒彌國

在波知之南山居不信佛法專事諸神亦附噉噉東有鉢盧勒國路險緣鐵鎖而度下不見底熙平中宋雲等竟不能達○烏菴國在賒彌南北有蔥嶺南至天竺婆羅門胡為其上族婆羅門多解天文吉凶之數其王動則訪決焉土多林果引水灌田豐稻麥事佛多諸寺塔事極華麗為法不殺犯死罪唯徙于壘山西南有檀持山山上立寺以驅數頭運食山下無人控御自知往來也○乾陁國在烏菴西本名業波為噉噉所破因改焉其王本是勅勒臨國民二世矣好征戰與尉賓國鬪三

海國圖志

卷三十

西南洋 北印度洋

三

年不罷人怨苦之有門象七百頭十人乘一象皆執兵仗象鼻縛刀以戰所都城東南七里其佛塔高七十七丈周三百步即所謂雀離佛圖  
新唐書吐火羅或曰土密羅曰覩貨羅元魏謂吐呼羅者居蔥嶺西烏許河之南古大夏地與挹怛雜處勝兵十萬國土著少女多男北有頗黎山其陽穴中有神馬國人游牧于側生駒聊汗血其王號葉護武德貞觀時再入獻永徽元年獻大鳥高七尺色黑足類驢駝翅而行日三百里能噉鐵俗謂駝鳥顯慶中以其阿緩城



為月氏都督府析小城為二十四州扼恒國漢大月氏之種大月氏為烏孫所奪西過大宛擊大夏臣之治藍氏城大夏即吐火羅也噉噉王姓也後裔以姓為國訛為扼恒俗類突厥天寶中遣使朝貢俱蘭或曰俱羅弩曰屈浪弩與吐火羅接壤地三千里南大雪山北俱魯河出金精珠石取之貞觀二十年遣使者來獻書辭類浮屠語劫國居蔥嶺中西南距賒彌西北扼恒也去京師萬二千里氣常熱有稻麥粟豆畜羊馬武德二年遣使者獻寶帶玻璃水精柘越底延國南三千里距天竺

海國圖志 卷三十一 西南洋 北印度洋 諸

西北千里至賒彌東北五千里至瓜州居辛頭水之北其法不殺人重罪流輕罪放無租稅俗剪髮被錦袍貧者白氍自潔潔氣溫多稻米石甯此國非北印度而與北印度毘連故先述之新唐書箇失密或曰迦涇彌羅北距勃律五百里環地四千里山回縵之他俗無能攻伐王城西瀕彌那悉多大河地宜稼多雪不風出火珠鬱金龍種馬俗毛褐世傳地本龍池龍徙水竭故往居之開元初遣使者朝獻胡藥且言有國以來並臣天可汗受調發國有象馬步

三種兵臣身與中天竺王阇吐蕃五大道禁出入戰勝有如天可汗兵至勃律者雖眾二十萬能輸糧以助又國有摩訶波多磨龍池願為天可汗營祠因丐王冊冊木多筆為王自是職貢有常其役屬五種亦名國所謂咀义始羅者地二千里有都城東南餘七百里得僧訶補羅地三千餘里亦治都城東南山行五百里得烏刺尸地二千里有都城宜稼穡東南限山千里即箇失密西南行險七百里得半笈蹉地二千里又得曷邏闐補羅者其大四千里有都城多山阜人驍勇五種皆無

海國圖志 卷三十一 西南洋 北印度洋 諸

君長云新唐書罽賓隋潛國也居蔥嶺南距京師萬二千里而罽南距舍衛三千里王居修鮮城常役屬大月氏地暑溼人乘象俗治浮屠法武德二年遣使貢寶帶金鎖水精瑣頗黎貞觀中獻名馬遣果毅何處羅拔等厚齎賜其國并撫尉天竺處羅拔至罽賓王東向稽首再拜仍遣人導護使者至天竺顯慶三年以其地修鮮為都督府開元七年遣使獻天文祕方奇藥罽賓及烏菴國王乾元初使者朝貢



海國圖志卷三十一

西南洋

邵陽

北印度西北鄰部附錄漢書尉佗以西南

九姓昭武等國見大唐西域記者孰北印度孰非

北印度至為昭析今不復錄惟元代盡易國名而

明史誤以北方之賽馬爾罕為爾賓官書西域圖

志又以南方之溫都斯坦為爾賓官書西域圖

藏方為天竺遂燕郵易位芬如亂絲今特畫

出北印度以外各國以區戎索特自元明始

邱長春西遊記門大李志常述前牛鳥程程同文

長春子姓邱名處機登州棲霞人己卯年住萊州吳天

觀己卯元太祖稱帝十四年宋寧宗江南河南各大帥

屢邀請不往會是冬十二月成吉思皇帝遣侍臣劉仲

祿以虎頭金牌率二十騎來請時山東尙為金有適兩

朝講好故使命得通庚辰年正月啟行庚辰元太祖十

定十三年金宣宗由燕京出居庸關駐宣德州十月幹辰

大王遣使臣阿里鮮來請程同文曰幹辰大王即太祖

命幹赤斤居以辛巳年二月八日啟行辛巳元太祖十

守幹難河度野狐嶺在張家口外北過撫州十五日東

北過蓋里泊有鹽池金史撫州之豐利縣有蓋迤東北

去自此無河鑿沙井以汲南北數千里亦無大山馬行

三日出明昌界又六七日忽入大沙陀即大東北行千

里外三月朔出沙陀至漁兒樂始有人煙聚落張德輝

昌州以北入沙陀凡六驛而出沙陀與此又二十餘日

正同今為達兒海子在克什克騰部落北

方見一沙河西北流入陸局河陸局河即臚胸河之

河北行三日入小沙陀四月朔至幹辰大王帳下即幹

舊帳非十七日馬首西北二十二日抵陸局河積水成

海周數百里並河南岸西行五月朔亭午日有食之水

流東北行十有六日河勢遶西北山去不得窮其源克

倫河發源肯特嶺南流及平地始轉東南西南深驛路

長春由河南岸折河西行故不見來源

又行十日夏至量日影三尺六七寸漸見大山峭拔從

此以西漸有山阜此所見大山又四程西北渡河乃平

野此所渡土山川秀水草饒有契丹故城蓋遼亡士馬

不降者西行所建城邑也又言西南至尋思干城萬里

外回紇最佳處契丹都焉歷七帝註詳下文蓋契丹初

統葱嶺也故乃蠻之六月十三日至長松嶺後宿十四

日過山度淺河天極寒十七日宿嶺西盛夏冰雪山路

盤曲西北且百餘里既而復西北始見平地有石河長

五十餘里故曰石河雍正中拒羊鳴爾其時黑龍江兵



至鄂羅坤河軍營者過汗山即西北渡上拉河又西北行踰喀里雅爾山乃濟鄂爾坤河與長春行程正同長松嶺官即喀里雅爾山其地已在山行五六日峯回路北極出地四十九度是以寒甚歟 轉尋登高嶺勢若長虹壁立千仞俯視海子淵深惡人此厄魯赫 二十八日泊窩里朶之東窩里朶漢語行宮特山也

也奉皇后旨請師渡河其水東北流瀾漫沒軸入營駐

車南岸其車輿亭帳望之儼然古之大單于未有若此

之盛也此和林行宮也在鄂爾坤河之北色楞格河之南又在塔米爾河哈綏河二小水之間哈綏河即元時和林河也以水得名其地為自昔回紇建牙之所其所渡之河或即入和林河之支流今日瑚伊努河

七月九日同宣使西南行五六日屢見山上有雪山下

海國圖志 卷三十一 西南洋 北印度附考 三

往往有墳墓又二三日過曷刺肖故城又五六日踰嶺

而南迤邐南山望之有雪此地東距陸局河約五千里

七月二十五日至阿不罕山北鎮海相公來謁阿不罕

山東北今阿集爾罕山也鎮海傳太祖屯田於阿魯歡立鎮海城阿魯歡即阿不罕之音轉 八月傍

大山西行約三日復東南行過大山經大峽中秋日抵

金山東北其山高大深谷長坂車不可行三太子出軍

始闢其路縣轅以上縛輪以下約四程連度五嶺南出

山前臨止泊傍大山者即傍阿爾泰山之東大幹也乃向西南行當取道於今科布多再西南乃科布多河及額爾齊斯河發源處為阿爾泰山之脈脊故自經大峽抵金山東北也南出山臨阿爾當是烏隆古

河劉郁西使記 渡河而南經小童山七十里又鹵地三謂之龍骨河 十里宣使與鎮海議曰此地最難行前至白骨甸行二百里達沙陀北頗有水草更涉沙陀百餘里方及回紇城所謂白骨甸者古之戰場疲兵至此百無一還頃者乃滿部大敗於此須暮起夜渡其半明日向午方得水草但黑夜魍魎為祟當塗血馬首以厭之師笑不答徐日金山東北與烏魯木齊所屬之古城南北相距今白科布多赴新疆驛路南抵古城之鄂倫布之拉克台之蘇吉台之噶法台皆 翌日過沙陀南望天際若銀霞疑沙蹟即白骨甸也 為陰山八月二十七日抵陰山後回紇交迎至小城北

海國圖志 卷三十一 西南洋 北印度附考 四

告曰此陰山前三百里和州也翌日汾州西行禾麥初

熟西即驚思馬大城回紇王部族勸葡萄酒供花果告

曰此大唐時北端州府景龍三年楊公何為大都護有

龍興西寺二石刻紀其功德其東數百里有西涼府其

西二百餘里有輪臺縣唐之邊坊往往尙存此陰山非山乃天山也博克達三峯去古城北數日程即見之故長春詩有三峯並起插雲寒之句其陰山前三百里和州者謂天山以南吐魯番為古火州地譌火為和耳唐北庭大都護府在今濟木薩之北端州者端即都護字之合音輪臺縣治在今阜康縣西五六十里縣治在博達克山背故南望陰山程同文曰驚思即別失歐陽圭齋曰北庭今別失八里也則 九月七日西行問更幾程元時別失八里止在於此

元時別失八里止在於此 九月七日西行問更幾程



得至行在皆日西南更行萬餘里即是四日宿事

東又歷一城重九日至回紇昌八刺城其王畏午兒與

鎮海有舊率部族遠迎源案畏午兒即畏吾兒乃回鶻

犁東抵哈密故此有其會長程同文曰昌八刺城即元

史西北地里附錄之彰八里也耶律希亮傳踰天山至

北庭都護府二年至昌八里城夏踰馬納思河則昌八里在今瑪納斯河之東矣翌日並陰山

而西約十程又度沙場一晝夜方出蓋白骨旬大沙分

流也南際陰山之麓踰沙又五日宿陰山北詰朝南行

長坂七八十里翌日又西南行二十里忽有大池方圓

幾二百里雷峯環之倒影池中師名之曰天池徐松曰沙場者

海國圖志卷三十一 西南洋 北印度附考 五

晶河城東至托克多積沙成山東距阜康千一百里故

云十餘程其間當過數小河此不言者夏雪融則漲冬

則涸此九月過之故不知有水也自托克多至晶河山

行五百餘里至養喇木泊東岸泊正圓周百餘里即天

池海池正南下左右峯巒眾流入峽曲折六七十里二

太子扈從西征始鑿石理道刊木為四十八橋橋可行

車並泊南行五千里入塔勒奇山峽諺曰果子溝溝水

南流勢甚湍急架木橋以度車馬峽長六十里今為

四十二橋即其遺址翌日方出入東西大川次及一程至阿里馬

城鋪速滿國王暨蒙古塔刺忽且來迎宿於西果園土

人呼果為阿里馬因以名城東西大川即今阿里瑪圖

麻里即伊犁城也元史又作葉密里又作葉密立皆即

此城本朝名之曰伊犁以唐書伊列河得名恐亦即葉

密立之 又西行四日至答刺速河土人呼河為汲雲

音轉 水勢深闊從東來抵西北截斷陰山河南復是雪山十

月二日乘舟以濟南下至一大山北有小城此即今伊

水西流以行四日計之其渡河當在今

之察林渡也南下一大山疑今鉛厥諸山又西行五日

宣使劉仲祿以去行在漸近先往馳奏獨鎮海公從又

西行七日度西南一山遇東夏使回言七月十二日辭

行在上將兵追筭端汗至印度西唐一山當是善塔斯

稱元史作筭端明史作速檀一作瑣檀本朝官書作

種勒坦今哈薩克布魯特每稱之七月十二日辭行在

十月十四日至明日回紇小城十有六日西南遇板

此在道三月矣

海國圖志卷三十一 西南洋 北印度附考 六

橋渡河晚至南山下即大石林牙其國王遷後也自金

師破遼大石林牙領眾數千去西北移徙十餘年方至

此地風土氣候與漠北不同平地多農桑果實如中國

惟夏秋無雨皆資灌溉東北西南左山右川延袤萬里

傳國幾百年乃滿失國依大石土馬復振盜據其土繼

而算端西削其地天兵至乃滿尋滅算端亦亡源案前

南至尋思干城萬里外回紇最佳處契丹都焉歷七帝

者此也劉仲祿言在乃蠻奉詔徵師者亦此也夫石林

牙遼宗姓於遼亡後率眾西行間闢萬里建國西土是

為西遼耶律大石號德宗改爲延慶二年康國十年子

夷列立號仁宗其幼時太后蕭氏權國改元咸清凡七

年及親政改元紹興凡十三年卒子幼妹耶律氏權國



崇福十四年子直魯古立改元天曆凡三十四年元太祖滅乃蠻禽太陽汗其子屈出律奔契丹襲執天祚尊為太上皇其國十餘年元太祖征西域滅之其事附見遼史天祚紀末兼見於契丹國志實止建國七十年歷三帝二后以遠隔蔥嶺故諸史皆無之此地尚在伊犁西境未遼蔥嶺也時乃蠻部據其蔥嶺東地而印度算端據其蔥嶺西地分為兩國其尋思十有八日汾干城則印度算端所據也舊皆西契丹地

山而西七八日山忽南去一石城當途石色盡赤有駐軍古迹西有大塚若斗星相聯今時穆爾圖泊南岸也多古翁仲即此地也自渡伊犁河以南所經之程即今伊犁兵起喀什噶爾防之路傍特穆圖泊東南經布魯特游牧乃上蔥嶺也並西南山行五程至塞藍城有小塔回紇王來迎入館十一月四日土人以爲年傍午相賀西南復三日至一

海國圖志 卷三十一 西南洋 北印度附考 七

城其王亦回紇明日又歷一城復行二日有河是爲霍爾河由浮橋渡泊於西岸其河源出東南二大雪山間色渾而流急深數丈西北注不知幾千里此正踰蔥嶺之路也程同

又曰賽藍據劉郁西使記在塔刺寺西四日程今塔刺河之西也明史外國傳賽藍在塔失干之東今塔失干城在錫林河之北元時西域往返之道必從塔刺斯河過賽藍乃西南行渡霍爾河即納林河也劉郁西使記在忽率河之西南絕無水草者二百餘里復南望大雪山而西山形與邪米思干之南山相首尾又至一城得水草復經三城山行半日入南北平川仲冬十有八日過大河至邪米思干大城之北西契丹之河中府也

大師移刺國公及蒙古回紇郊迎大設帷帳乃知宣使劉公以路梗尙留此處蓋千里外舟梁爲土寇所毀也遂留過冬其城臨河岸秋夏常無雨國人疏二渠入城分達巷陌方算端未敗時城中十萬餘戶今存四之一大半回紇人契丹及漢人次之有岡高十餘丈算端之新宮據焉又孔雀大象皆東南數十里印度國物邪米元史及西史記皆作尋思干即賽馬爾罕城在今撒罕境內在納林河之南長春自北來先渡霍爾河此又渡大河至邪米思干城者應指城東之河北流入那林河者也自北庭至此大率西行過此則大率南行最爲西征扼要之地故於此宿兵而以耶律楚材駐守焉其後以封駟馬駝木兒至明尙爲西域大國源案元史太祖

海國圖志 卷三十一 西南洋 北印度附考 九

先取尋思干城後取薛迷思干師因問五月朔日食事城則誤作二地薛迷思干迷也其人云此中辰時食至六分止師曰前在陸局河時午刻見其食既又西南至金山人言已時食至七分此三處所見各不同以理揆之正當其下則見其食既在旁者則千里漸殊耳是年閏十二月將終宣使所遣偵騎回言二太子發軍滅土寇整橋梁 帝蹕大雪山之東南今則雪積山門百餘里深不可行今開此路請師師作詩有陰山西上五千里大石東過二十程之句壬午年春三月壬午元太祖十七年朱術宗嘉阿里鮮至自



行宮來迎師問阿里鮮程途幾何對曰春正月十三日自此初發馳三日東南過鐵門又五日過大河二月初去東南過大雪山積雪甚高馬上舉鞭測之猶未及其半下所踏者復五尺許南行三日至行宮矣三月十五日同劉宣使啟行四日過碣石城傳旨以甲士千人衛送過鐵門東南度山山勢高大亂石縱橫眾軍挽車兩日方至前山沿流南行軍即北入大山破賊五日舟渡小河七日舟濟大河即阿母河也碣石元史地理志作柯傷明史外國傳作渴石云南傍大山屹立出峽口有石門色似鐵唐西域記出錢門至觀賀羅國其地東拒蔥嶺西接波斯南

海國圖志

卷三十一

西南洋 北印度附考

九

踰大雪山北據鐵門過雪山為濫波國即北印度境是也太祖追北印度算端南踰雪山已親至北印度太祖旋師後復遣將追至忻都窮及申河算端死乃返則兵亦至中印度界矣前阿里鮮赴行在時正太祖追算端至印度之日故踰雪山南又三日乃達乃長春至行在則帝已回至雪山遊畧故長春過鐵門後行十二日至雪山而止也所渡之阿母河元史亦作暗布河亦作阿木河元秘史作阿梅河即佛書之縛芻河發源蔥嶺大龍池西北流入裏海者其後於阿母河立元帥府統蔥嶺以西各國大雪山今為和羅三托山自東而西餘百千里東南行又四日達行在時四月五日也上恐印度迤南炎熱故於雪山避暑上下四月十五日開道將至期有報回紇山賊指斥者上欲親征因改卜十月吉師乞遣舊館臨時再來乃以千餘騎由他路回遂歷大高山

有石門望如削堵有巨石橫其上若橋其下流甚急此地蓋門口新為兵所破師出峽詩有水北鐵門猶自可水南石峽更堪驚之句源案阿母河之南雪山之北其度河上游也印度河亦名新頭河法顯傳曰度蔥嶺西

海國圖志

卷三十一

西南洋 北印度附考

十

日復啟行詣行在十有一日過碣石城翌日步騎千餘入大山中行即鐵門外別路也涉紅水澗有峻峯高數里向東南行山根有鹽泉流出見日即成白鹽又東南上分水嶺西望高澗若冰皆鹽耳十有四日至鐵門西南之麓將出山其山門險峻左崖崩下澗水伏流一里許中秋抵河上其勢若黃河流乘舟以濟東南行三十里乃無水源案此又過阿母河也即夜行過班里城甚大東行數十里有水馬僅能渡源案此又過印二十二日至行在入見道人見帝無跪拜禮入帳折身叉手而已二十七



日從車馬北回九月朔渡河橋而北鹽泉在鐵門山之西其西北即大鹽池元史郭寶玉傳太祖封大鹽池為惠濟王劉郁西使記過納商城滿山皆鹽如水晶狀納商即渴石也越三日出山抵河上其水勢若黃河西北流者即流入大鹽池蓋蘆嶺西之水皆會于此即阿母河南懷仁圖言襄海之水浩蕩甚鹹或以受此河之故歟東行數十里復渡一河則印渡河之上源也九月朔復渡河橋北還者即阿母河之浮橋前為賊毀官軍修復之蓋長春已見帝即扈從而北矣讀此記乃知元史本紀及耶律楚材傳帝至東印度駐鐵門關角端見班師者蓋本於宋子貞所作楚材神道碑不知太祖軍踰雪山止至北印度何由遠及瀚海之東印度若鐵門則距雪山北印度尚遠考湛然集楚材在西域十年止駐尋思干城縱或偶至鐵門無由至印度神道碑欲歸功楚材故移

明史撒馬兒罕即漢罽賓地此語誤沿王圻續文獻通考之謬賽馬爾堪城沿納

海國圖志

卷三十一

西南洋 北印度附考

七

林河今在敖罕西北塔什干西南則是古大宛大夏隋地敖罕布哈爾皆元撒馬爾罕所轄地與罽賓無涉唐皆通中國元太祖蕩平西域盡以諸王駙馬為之君長易前代國名以蒙古語始有撒馬兒罕之名去嘉峪關九千六百里元末為之王者駙馬帖木兒洪武中太祖欲通西域屢遣使招諭而遐方君長未有至者二十一年四月帖木兒首遣回滿刺哈非思等來朝貢馬十五駝二詔宴其使賜白金十有八錠自是頻歲貢馬駝及鑛鐵刀劍甲冑諸物而其國中回回又自驅馬抵涼州互市帝不許令赴京鬻之元時回回徧天下及是居

甘肅者尙多詔守臣悉遣之於是歸撒馬兒罕者千二百餘人二十七年八月帖木兒貢馬二百其表言欽仰聖心如照世之杯使臣心中豁然光明照世杯者其國舊傳有杯光明洞澈照之可知世事故云成祖踐阼遣使敕諭其國永樂三年傅安等尙未還而朝廷聞帖木兒假道別失八里率兵東勅甘肅總兵官宋晟備備五年六月安得還初安至其國被畱朝貢亦絕尋令人導安徧歷諸國數萬里以誇其國廣大至是帖木兒死其孫哈里嗣乃遣使臣送安還貢方物帝厚賚其使遣官

海國圖志 卷三十一 西南洋 北印度附考 七

往祭故王而賜新王及部落銀幣其部落頭目沙里奴兒丁等遂亦貢駝馬景泰七年貢玉石天順元年命都指揮馬雲等使西域勅獎其鎖魯檀賜綵幣令護朝使往還鎖魯檀者君長之稱猶蒙古可汗也成化中其鎖魯檀偕亦思罕各酋長貢二獅至肅州其使者還不由故道赴廣東又多買良家女為妻妾又請泛海至滿刺加市狻猊以獻市船中官韋眷主之布政使陳選力陳不可乃已宏治二年其使由滿刺加至廣東貢獅子鸚鵡諸物守臣以聞禮官耿裕等言南海非西域貢道卻



之薄犒其使量以綺帛賜其王明年又偕土魯番貢  
子及哈刺虎諸獸由甘肅入嘉靖十二年偕天方土魯  
番入貢稱王者至百餘人禮官夏言等論其非請勅閣  
臣議所答張孚敬等言西域諸王疑出本國封授或部  
落自相尊稱先年亦有至三四十人者若驟議裁革恐  
人情觖望乞敕禮兵二部詳議於是言及樞臣王憲等  
謂西域稱王者止土魯番天方撒馬兒罕如日落諸國  
稱名雖多朝貢絕少宏正間土魯番十三人貢正德間  
天方四人貢稱王者率一人多不過三人餘但稱頭目

海國圖志

卷三十一

西南洋 北印度附考

三

而已至嘉靖二年八年天方多至六七人土魯番至十  
一二人撒馬兒罕至二十七人孚敬等言三四十人者  
并數三國爾今土魯番十五王天方二十七王撒馬兒  
罕五十三王實前此所未有宏治時回賜敕書止稱一  
王若循撒馬兒罕往歲故事類答王號人與一敕非所  
以尊中國制外番也帝納其言國止給一敕且加詰讓  
示以國無二王之義然諸番迄不從十五年入貢復如  
故若嘉巡撫趙載奏諸國稱王者至一百五十餘人皆  
非本朝封爵宜令改正且定貢使名數通事宜用漢人

毋專用色目人致交通生變後入貢迄萬曆中不絕蓋  
番人善賈貪中華互市既入境則一切飲食道途之資  
皆取之有司雖定五年一貢迄不肯遵天朝亦莫能難  
也其國東西三千餘里地寬平土壤膏腴王所居城廣  
十餘里民居稠密西南諸番之貨多聚於此號為富饒  
城東北有土屋為拜天之所規制精巧柱皆青石雕為  
花文中設講經之堂用泥金書經裏以羊皮俗禁酒人  
物秀美工巧過於哈烈而風俗土產多與之同其旁近  
東有沙鹿海牙達失干賽藍養夷西有渴石迭里迷諸

海國圖志

卷三十一

西南洋 北印度附考

南

部落皆役屬焉達失干即今之塔什干在  
放罕之北哈薩克之西  
又曰迭里迷在撒馬兒罕西南去哈烈二千餘里有新  
舊二城相去十餘里其酋長居新城城內外居民僅數  
百家畜牧蕃息城在阿木河東多魚河東地隸撒馬兒  
罕西多蘆林產獅子永樂時陳誠李達嘗使其地下花  
爾在撒馬兒罕西北七百餘里案卜花爾在放罕西即  
今布哈爾也撒馬兒罕  
都城在今布哈爾放罕地斷非漢之屬實矣爾實為今  
克什噠爾且中隔巴達克山等國相去甚遠又有哈爾  
彼時雖城甚小今則盡有撒馬爾罕之地為大國故  
以撒馬爾罕為今之布哈爾古之大夏也乎近世  
居平川間十餘里戶萬計市里繁華號為富庶地卑下



節序常溫宜五穀桑麻多絲綿布帛六畜亦饒永樂十三年陳誠自西域還所經哈烈撒馬兒罕別失八里俺

都准八答黑商迭里迷沙鹿海身饗藍渴石養夷火州

柳城土魯番鹽澤哈密達失干卜花爾凡十七國悉詳

其山川人物風俗為使西域記以獻以故中國得考焉

宣德七年命李達撫諭西域卜花爾亦與焉達失干即

別失八里即今新疆南路回部八答黑商即今巴達克山

明史哈烈一名黑魯在撒馬兒罕西南二千里當為今

部之去嘉峪關萬二千餘里西域大國也元駙馬帖木

海國圖志卷三十一 西洋 北印度附考 五

兒既君撒馬兒罕又遣其子沙魯哈據哈烈洪武時撒

馬兒罕及別失八里咸朝貢哈烈道遠不至二十五年

遣官詔諭其王賜文綺綵幣猶不至二十八年遣給事

中傅安郭驥等攜七卒千五百人往為撒馬兒罕所阻

不得達三十年又遣北平按察使陳德文等往亦久不

還成祖踐阼遣官齎聖書綵幣賜其王猶不報命永樂

五年安等還德文徧歷諸國說其酋長入貢皆以道遠

無至者亦是年始還德文采諸方風俗作為歌詩以獻

帝嘉之明年復遣安齎書幣往哈烈其酋沙哈魯巴都

兒始遣使隨安朝貢七年達京師復命齎賜物偕其使

往報明年其酋遣朝貢撒馬兒罕酋哈里者哈烈酋兄

子也二人不相能數構兵帝因其使臣還命都指揮白

阿兒忻台齎敕諭之白阿兒忻台既奉使徧詣撒馬兒

罕失刺思俺的干俺都淮土魯番火州柳城哈實哈兒

諸國賜之幣帛諭令入朝諸酋長各遣使貢獅子西馬

文豹諸物自是諸國使並至皆序哈烈於首及仁宗不

勤遠略宣宗承之久不遣使絕域故其貢使亦稀至七

年復命中官李貫通西域敕諭哈烈貴等未至其貢使

已抵京師貢駝馬玉石英宗幼冲大臣務休息不欲倣

中國以事外番故遠方通貢者甚少天順後朝貢遂絕

其國在西域最强大王所居城方十餘里壘石為屋平

方若高臺不用梁柱瓦壁中徹虛空數十間窗牖門扉

悉雕刻花文繪以金碧地鋪氈罽無君臣上下男女相

聚皆席地趺坐國人稱其王曰鎖魯檀猶言君長也男

髻首纏以白布婦女亦白布蒙首僅露雙目上下相呼

皆以名相見止少屈身初見則屈一足三跪男女皆然

食無匕箸有瓷器以葡萄酒交易用銀錢大小三等

海國圖志卷三十一 西洋 北印度附考 六



不禁私鑄惟輸稅於酋長用印記無印者禁不用市易  
皆征稅十二不知斗斛止設權衡無官府但有管事者  
名曰刀完亦無刑法止罰錢以姊妹為妻妾居喪止百  
日不用棺以布裹屍而葬常於墓間設祭不祭祖宗亦  
不祭鬼神惟重拜天之禮無干支朔望每七日周而復  
始歲以二月十月為把齋月晝不飲食至夜乃食周月  
始茹葷城中築大土室中置一銅器周圍數丈上刻文  
字如古鼎狀游學者皆聚此若中國太學然有善走者  
日可三百里有急使傳箭走報俗尚侈靡川度無節土

海國圖志

卷三十一

西南洋 北印度附考

七

沃饒節候多暖少雨土產白鹽銅鐵金銀琉璃珊瑚玳  
珀珠翠之屬多育蠶善為紉綺刑止筆撲交易兼用銀  
錢獅生於阿木河蘆林中初生目閉七日始開土人於  
目閉時取之調習其性稍長則不可馴矣其旁近俺都  
淮入答黑商並隸其國俺都淮在哈烈東北千三百里  
東北去撒馬兒罕亦如之東北舊誤西北又東北舊誤  
東南今改正俺都淮與入答  
黑商相連即今愛烏罕也安得更  
在哈烈之西撒馬兒罕之北乎城居大村周十餘里  
地平衍無險田土膏腴民物繁庶稱樂土自永樂八年  
至十四年偕哈烈通貢後不復至入答黑商在俺都淮

東北觀此語可證前段方向之誤蓋城周十餘里地廣  
無險阻山川明秀人物朴茂浮屠數區壯麗如王居西  
洋西域諸賈多販鬻其地故民俗富饒初為哈烈酋沙  
哈魯之子所據永樂六年命內官賜其酋書敕綵幣並  
及哈實哈兒葛忒郎諸部自是往來通商東西萬里行  
旅無滯十二年陳誠使其國十八年遣使來貢

皇清四裔考巴達克山居於蔥嶺中其境北至伊西洱  
河東北去葉爾羌千餘里有城郭其汗口素爾坦沙部  
落繁盛戶十萬有奇頭戴紅氍小帽束以錦帕衣錦

海國圖志

卷三十一

西南洋 北印度附考

六

氍衣腰繫白絲絛足穿黑革鞮女則被髮雙垂餘與男  
子同其民人帽頂制似葫蘆邊飾以皮衣黃褐束白絲  
絛足穿黑革鞮亦有黃牛皮者其國負山險扼蔥嶺  
之右頗擅形勢有河北流經博羅爾巴達克山兩部落  
之間至伊什得特兒分流一流經北入圖斯泊一流道  
西又北入於伊西洱泊其北鄙之城曰瓦漢在漢烏托  
國地乾隆二十四年八月回部逆酋博羅尼都霍集古  
為王師所敗奔巴達克山副將軍富德率師追之二  
賊方竄入巴達克山之錫克南村詭稱假道往墨克乃



逸去肆掠村落素爾坦沙禽博羅尼都而以兵圍霍集  
 占於阿爾渾楚哈嶺賊退保齊那爾河素爾坦沙進戰  
 擒之囚於柴扎布柴扎布者布達克山繫囚處也素爾  
 坦沙乃遣人詣軍門投款且報二賊就擒副將軍富德  
 鑒其忠順遣使者往諭責令獻俘進軍五漢以待之是  
 時溫都斯坦方以兵臨巴達克山謀劫霍占兄弟而塔  
 爾巴斯者巴達克山警國也賊將逼之攻巴達克山所  
 遣使被獲乃遷霍集占於別室以二百人圍殺之尙以  
 二逆酋與已同派噶木巴爾裔欲縛獻恐諸部不從難  
 海國圖志 卷三十一 西南洋 北印度附考 九

之富德反覆曉以順逆利害乃以逆屍馳獻率其部十  
 萬戶與博羅爾部三萬戶俱降四裔考曰漢書皮山國  
 西南至烏秣國千三百  
 四十里皮山在於閩國西今自和闐西行至巴達克山  
 亦千三百餘里其國居蔥嶺南境四面皆山與班史烏  
 秣國山居之說相合則今之巴達克山在漢為烏秣國  
 也又魏書載阿鈞羌國在莎車西南西有縣度山漢書  
 亦云烏秣國西有縣度山今之葉爾羌在巴達克山  
 東北亦與阿鈞羌國在莎車西南之說合又權於摩國  
 去代一萬二千九百七十里阿鈞羌國去代一萬三千  
 里二國相距止三十里當屬毗鄰之境疑漢時統屬烏  
 秣至魏乃分兩國東屬權於摩故去代較近西屬阿鈞  
 羌故獨與縣度相接也唐書不載烏秣權於摩阿鈞羌  
 諸國而有喝盤陀者由疏勒西南六百里至其國今之  
 喀什哈爾古疏勒地西南六百里至巴達克山道里適  
 符城居山內河抱城東所謂沿蔥嶺負徙多河者形勢  
 可驗至元史載有巴達哈傷明史載有入答黑商其音

與巴達克山相近疑即此地然元史不載遠近道里而  
 明白陳誠使西域一至其地名號相傳天廬後絕不復  
 至重以中外譯音彷彿同異  
 又曰博羅爾在巴達克山東有城郭戶三萬有奇四面  
 皆山西北面有河乾隆二十四年與巴達克山同時內  
 附其南有部落曰溫都斯坦產金絲緞霍集占走巴達  
 克山時溫都斯坦方以兵相攻謀劫霍集占不果後其  
 部為愛烏罕所并三十九年正月博羅爾遣使入朝是  
 時博羅爾與巴達克山屢行構讐圍城劫掠乞援於駐  
 劄葉爾羌都統新柱遣諭巴達克山恪遵約束還俘罷  
 海國圖志 卷三十一 西南洋 北印度附考 十

兵至是進玉欄雙七首  
 地球圖說大布加利亞國即布哈爾也東界新疆南界  
 亞加業坦國并耳西亞國西界裏海北界俄羅斯國其  
 百姓約有五百萬之數都城名布加利城內民八萬大  
 都回回教牧牛馬以馬乳為酒氍毹為廬國內有曠野  
 亦名各城皆有書院土產馬駱駝羊絨布果品金珠玉  
 寶石金剛石等物所進入貨物惟中國之磁器茶葉雜  
 色絲布絨緞少購西洋之物  
 地理備考曰達爾給斯丹國即南懷仁圖所謂韃而坦



也斯丹乃西域國王之稱亦名哈薩克國在亞細亞州西北北極出地三十四度起至五十五度止經線自東四十七度起至八十度止東至天山北路西枕加斯比約海南接白爾西亞阿付干二國北界厄羅斯國之西卑里亞長約五千里寬約三千五百里地面積方約一百七十八萬里烟戶四兆餘口本國地勢東南峯巒峻聳冰雪凝積西北平原坦闊沙漠相間河之長者一名亞木達里一名西爾達里一名薩刺蘇一名主意一名古彎一名加爾齊湖之大者一名亞拉爾又以其過大

海國圖志

卷三十一

西南洋 北印度附考

三

而稱海一名德勒斯古爾一名加拜古拉一名加拉古爾一名達蘭一名巴達于的爾田土廬原濱地尤腴穀果草卉禽獸鱗介靡弗蕃衍五金各礦皆備惟鐵開採餘皆禁取土產礬煤寶石紋石礪砂烟葉熟皮藥材等物地氣溫和寒暑俱極諸汗統轄各分部所奉之教乃回教也工作技藝惟布加拉人善于織造餘皆耕牧爲業貿易興隆商侶結隊而行盜風太劇往來維艱通國牛土著半游牧共分二十部落一名布加拉建于平原之中乃通國之最富強者也一名着爾塞波斯一名

伊陸爾一名安該一名美馬墨一名巴爾克一名古爾墨一名昆都斯一名達黎干一名巴刺達哥古一名德爾瓦斯一名古拉波一名亞比者爾麼一名刺迷以上皆土著之部有城郭居室此外則一名加爾札係諸酋分部游牧無常處一名加非里斯丹亦諸酋分部游牧無常處一名哥干一名其爾意斯土人素稱哥薩克內分上中下三部一名其穢一名加刺加爾巴亦諸酋分部游牧遷移靡有定居一名都爾各馬尼亞亦諸酋分部游牧廬帳徙處不一並無定止

海國圖志

卷三十一

西南洋 北印度附考

三

外國史畧曰西域哈薩克游牧國也葱嶺東西皆有其地西人稱之曰達達里亦曰達爾韃亦曰達爾給北極出自三十六度及五十一度偏東自四十三度及七十八度廣袤方圓三萬二千里南及甲布地北及我羅斯藩屬國東及新疆西及裏海東南有大山隔新疆在北亦有山多湖其味鹹色如海潮旱則鹽出其山麓平地高於海面二百丈漸近裏海勢愈低亞拉湖之南有兩野各廣三十五里在北之山地足資游牧絕無淡水有沙邱焉隨時變易其處中多瀦水與裡海所連之地悉



高坦其土磽無產物故居民鮮焉其新疆西北哈薩克  
游牧之地土雖磽尙有牧場亦豐盛然西南甚瘦不生  
草木惟駝克通行焉中有腴地生五穀西域大半皆不  
毛之地其亞母河之泉在三十七度二十七分高於海  
者百五十丈其水西北流無沙線無磐石匯入亞拉湖  
水深能駛船西黑河由天山漏出入亞拉湖哥墨河在  
撒馬耳干地流出兩岸豐盛多物產亞拉湖方圓七千  
里內有淡水非若他湖之盡鹹也哈薩之地多湖悉鹹  
水罕雨多塵所有居民各分種類其土民稱曰他益與

海國圖志 卷三十一 西南洋 北印度附考 三

白西人風俗畧同其餘屬土耳其者或烏士百之族類  
共三十二宗派身矮而壯面紅以布包首亦穿靴非若  
他夷之赤足也女則遍身絲緞頗聰明咸奉回回教其  
游牧西方者多此族反覆無常日騎馬恣虜掠四方畏  
之在西北哈薩克之種類或事裁羅斯或服中國野性  
難馴專以搶掠爲事其烏士百之種類則勤耕安分造  
綿布綢緞或帽或紙等貨多使奴皆外國販來者亦有  
五印度國所到之商賈其要市在我羅斯界每年駝干  
三百隻載貨赴市其新疆所來之漢商亦不少貿易興

旺喀什噶爾葉爾羌和闐各商往來者恆不絕焉○西  
域民多是土耳其蒙古各族類所自出此時國地已分  
最大者曰布加拉國即布哈爾中央有豐有磽郊外多  
沙大麥旱雪連三四月不消南方曰巴勒與甲布交界  
其熱多瘴癘其都曰破加拉名邑也北極三十九度四  
十二分偏東六十四度五十五分連邑之處高於海面  
百二十丈居民十五萬內有書院回回廟大房宇便通  
商海外之商雲集奉回回教其君聽命於國內之教師  
東四十里有撒馬爾罕古城居民萬口多古蹟在南方

海國圖志 卷三十一 西南洋 北印度附考 三

巴勒之間亦有古城居民在西方二十里外有鄉邑四  
百餘處居民甚罕○尹士斯在亞母河之南即元史之  
阿母河也谷間甚燥熱居民不多與其隣國補答山巖  
盡有其地即巴達克山也地產紅玉青金○北方之南  
有小地是各夷目所管者此地並葉爾羌中間有巴黑  
坦地高於海三十丈氣候甚冷山阿盛夏猶有雪五穀  
不登其居民係哈薩克之游牧以肉乳爲食○布加拉  
東北曰哥干地亦曰敖罕古小國也出蘇花蠶絲與裁  
羅斯商交易民務農引河灌田甚巧最大之城曰答金



居民八萬與俄羅斯國互市○布加拉西及裡海曰其  
五部亦曰機衛其君管土耳其其南方游牧雖專耕田亦  
虜賣人口道光二十年統兵二萬往侵俄羅斯國凍瘡  
大半通市之邑曰阿耳云治其夷目以掠人爲事御護  
往來商賈以征其餉其居民與俄羅斯世仇英人屢勸  
和不果○此地中間及裡海土耳其或曰耳哥曼族類  
遊奕無定處惟養牲畜食肉飲乳無統屬產良馬奔速  
如電居民約十四萬○白西亞交界最豐盛之墨味地  
一種百倍昔屬白西國爲破加拉君政有其地○北方

海國圖志 卷三十一 西南洋 北印度附考

哈薩克與蒙古無大分別多奉回教或耕田或遊遊惟  
冬時則附城邑搭氊帳不畏權勢忽馴忽叛○西域之  
民多不安分惟嚴務防範以免其肇衅一生戰端則爭  
鬪不息矣  
一統志塔什罕在回部喀什噶爾之北一千三百里東  
至布魯特界東南至那木干界東北至右哈薩克部界  
其貢道由回部以達於 京師漢爲康居大宛交界之  
地北魏爲九姓昭武所居隋唐爲安國石國地明達失  
於國地居平原有城郭向有三和卓分轄回眾曰昭莫

爾多薩木曰沙達曰吐爾占舊爲右哈薩克屬英爾  
多薩木什者哈薩克所置和卓也吐爾占逐之哈薩克  
以兵問罪久而不解乾隆二十三年參贊大臣富德追  
討哈薩克錫拉至其地道使撫定塔什罕回眾時吐爾  
占方與右哈薩克戰於河上因諭以睦鄰守土之道乃  
大感悟與哈薩克釋爭相睦即遣使奉表求內屬先是  
有準噶爾部逸賊額什木札布在其境內即擒以獻其  
年遣使來朝貢塔什罕之西南行數百里踰錫爾河又  
踰那林河二河見右哈薩克部及霍罕部爲賽瑪爾堪城又西南爲噶  
拉克則城又西爲烏爾根齊城又西爲臨達里岡阿泊  
是爲西海西境於是盡焉塔什罕城居平原多園林儲  
果木土宜五穀居民稠密當葱嶺直北四百里外

海國圖志 卷三十一 西南洋 北印度附考

一統志霍罕東與布魯特錯處西至喀什干南至葱嶺  
北至那林河那林河在葱嶺西北經流數千里霍罕安  
集延諸國瀕之以居大小泉源支流不一並會此河其  
發源從布魯特境西行過安集延城之北又西行過瑪  
爾哈朗城又西行過賽瑪爾堪城之北可證賽瑪爾又  
折東南入於達里岡阿泊廣千餘里爲西境巨海無



有涯際凡蔥嶺以西之水咸歸之漢甘英窮臨西海即此水也案此誤以鹹海為地中海也史記大宛傳大宛在匈奴西南

在漢正西去漢可萬里有城郭屋室其屬邑大小七十餘城漢書西域傳大宛國王治貴山城去長安萬二千

五百五十里東至都護治所四千三十一里北至康居卑闐城千五百一十里南至大月氏六百九十里北與

康居南與大月氏接別邑七十餘城多善馬北魏曰洛那國唐曰拔汗那國天寶初改名甯遠國

一統志布哈爾在拔達克山西二千餘里其貢道由回

海國圖志 卷三十一 西南洋 北印度附考 三

部以達於京師漢為難兜國自後無聞乾隆二十五年回部底平遣使頒勅諭二十九年其部長因拔

達克山素爾坦沙籲請以其屬內附漢書西域傳難兜國王治去長安萬一千五百里東北至都護治所八百

九十里西南至尉賓三百三十里按漢書載烏秬國西與難兜接烏秬為今之拔達克山難兜為今之布哈爾

其地位遠近正相值也源案布哈爾一作布嚙爾當巴達克山西北正包拔汗西域拔

罕為大宛則布哈爾為大夏無疑也且難兜非大國又不在大宛之西決非其地史記月氏為匈奴所破乃遠去西擊大夏而臣之大夏在大宛西有二千餘里媯水南媯水疑即今之納林河今按罕雖古大宛地然止入

城不足全當大宛而布哈爾包拔汗三面屬城百餘則兼有大宛西境矣

西域聞見錄曰塞克西域一大國也在拔汗西絕非回

子種類拔汗西則布哈爾也布哈爾稱其王曰汗部落數百處各有統轄之人皆其汗之阿拉巴圖事權歸一無

政扈叛弒之事城池巨麗人民殷庶居室寬敞整潔人

家院落中各立木竿向之禮拜冬夏和平風俗坦白尙

宴會喜歌舞人多力善射發必命中佩標鎗五枝長四

五尺取物於百步之外與拔汗稱勅敵也拔汗西境勅敵舍布哈爾

其椿園氏曰塞克西域最遠之國去葉爾羌二萬餘里

海國圖志 卷三十一 西南洋 北印度附考 天

既云拔汗西境則去葉爾羌亦不過二三千即至鄂羅斯界亦不過五千餘里安得荒遠至此松筠奏疏

言拔汗西有布哈爾大國統屬百餘城西北與俄羅斯

介鄂羅斯哈爾之問不應更有他國也西北與俄羅斯

陸穆接壤或曰興阿喇克等國犬牙相錯大抵皆世俗

所傳之大西洋也然而塞克之邦風樸民淳人無欺詐

尙氣節敦廉恥不得以荒遠而鄙夷之矣源案阿喇克

音轉塞克即薩克之音轉蓋布哈爾即西哈薩克國乃

誘而為阿喇克又誘而為塞克遂分一國為三國矣哈

薩克有四大部左哈薩克其東部右哈薩克塔什干其

中部布哈爾其西部也此三部外尙有北哈薩克近鄂

羅斯不通中國疑即此所謂阿喇克者歟左右二部為

古康居西北二部為古大夏尙分有大宛西境明時為

賽馬爾罕地自明末賽馬爾罕分裂拔汗得其十之三

布哈爾得其十之七近日布哈爾又滅拔汗而有之則



兼并大宛大夏之域矣

西域水道記塞勒庫勒在葉爾羌城西八百里為外蕃總會之區達外蕃凡三道自塞勒庫勒南十四日程曰巴勒提又東南一日程至其屬邑曰哈普倫哈普倫南十六日程曰士伯特即藏地也巴勒提西南二十九日程曰什克米爾地出研蠟紙又西南四十三日程曰痕都斯坦善鏤玉以上皆各自為部不相屬自塞勒庫勒西五日程曰黑斯圖濟又西南三日程曰乾竺特歲貢金一兩五錢又西四日程曰博洛爾其地南即巴勒提

海國圖志

卷三十一

西南洋 北印度附考

素

會貢劔斧匕首乾竺特西北九日程曰拔達克山其汗素爾坦沙獻寶集占首貢刀斧八駿又北五日程曰塔木干又北三日程曰差雅普又西南三日程曰渾渚斯又西北三日程曰塔爾罕與噶斯呢為鄰曰黑斯圖濟至塔爾罕皆噶勒察種也博洛爾西二十日程曰愛烏罕亦曰喀布爾乾隆二十七年其酋愛哈默特沙攻痕都斯坦殺其汗其子逃鼠愛哈默特沙取扎納巴特城以伯克守之自居拉固爾城又統至固珠喇特攻克什米爾執其頭曰塞克專二十八年貢刀及四駿其屬邑

曰拉虎爾距葉爾羌六十二日程自塞勒庫勒北三日程曰滾又西北二日程曰幹罕又西北二日程曰差特拉勒分二道北一日程曰羅善西一日程曰什克南乾隆中有與葉爾羌阿奇木伯克鄂對為仇肆凶暴名曰沙關機者即什克南頭目也又西北二日程曰達爾瓦斯自滾以下亦噶勒察種達爾瓦斯北為喀爾提錦部布魯特羅善北為霍罕霍罕城距東南塞勒庫勒十日程其屬城曰瑪爾噶浪在東北一日程曰安吉延在東北三日程曰窩什在東南八日程曰納木干在西南二

海國圖志

卷三十一

西南洋 北印度附考

三

日程曰塔什罕在西北四日程曰科拉普在西北五日程曰霍占在西南五日程其大伯克自稱曰汗居霍罕城其塔什罕城舊為舍氏和卓與摩羅沙木什二人分治舍氏和卓漸強摩羅沙木什被其侵奪訪與霍罕乞師復還侵地舍氏和卓又會西哈薩克攻殺摩羅沙木什二子額爾德呢遂攻塔什罕丕色勒來援哈薩克後得之終入霍罕霍罕與回部分界處有二嶺曰噶布蘭曰蘇提布拉克額德格納部布魯特居之嶺東為回布嶺西為霍罕霍罕西十五日程曰布哈爾亦大國東南



距塞勒庫勒三十二日程其屬城曰鄂勒推帕在東七日程曰濟維克在東三日程曰拜爾哈在東北三日程曰噶斯呢在西南十日程曰坎達哈爾在西南二十日程

職方外紀中國之北迤西一帶直抵歐羅巴東界俱名韃而韃其地江河絕少平土多沙大半皆山大者曰意貌中分亞細亞之南北其西北皆韃而韃種也案意貌大自當指蔥嶺言之當云中分亞細亞洲之東西原本作南北誤也若指阿爾泰山北幹言之則蒙古游牧部落在其南不皆在西北或指天山言之則又不能西抵歐羅巴洲觀上文中國迤西一帶則南北字當為東西

海國圖志 卷三十一 西南洋 北印度附考 三

之誤明矣韃韃即蒙古達子又即達達氣候極寒冬月無雨入夏微雨僅濕土而已人性好勇以病歿為辱人罕得遍歷其地亦無文字相通故未悉其詳然大率少城郭居室駕屋於車以便遷徙產牛羊駱駝嗜馬肉以馬頭為絕品貴者方得噉之道行飢渴即刺所乘馬瀝血而飲復嗜酒以一醉為榮此外諸國更有殊異不倫如夜行晝伏身蒙鹿皮懸尸於樹喜食蛇蟻蜘蛛者有人身羊足氣候寒極夏月層冰二尺者有長人善躍一躍三丈履水如行陸者人死不事棺槨衣衾殞殮瘞埋且

有謂不忍委之邱隴者此皆其國俗之殊異者也迤西舊有女國曰亞瑪作搦最驍勇善戰嘗破一名都曰厄弗俗即其地建一神祠宏麗奇巧殆非思議所及西國稱天下有七奇此居其二國俗惟春月容男子一至其地生子男輒殺之今亦為他國所併僅存其名即諸史女國也今為他國所併者謂非於南都魯機也又有地曰得白得不以金銀為幣止用珊瑚邱長春西遊記在蔥嶺西之大雪山見太官以白金二錢買五十株高者尺餘是其證也又以至大剛國惟屑樹皮為餅如錢印王號其上以當幣其俗國主死後輿棺往葬道

海國圖志 卷三十一 西南洋 北印度附考 三

逢人輒殺之謬謂死者可事其主嘗有一王會葬殺人無數此其西北之國俗然也又曰中國之西北出嘉峪關遇哈密土魯番曰加斯加爾多高山產玉石二種出水中者極美出山石中者以薪火燒石迸裂乃鑿取之甚費工力牛羊馬畜極多因不啖豕諸國無豕自此以西曰撒馬兒罕曰革利哈大藥曰加非爾斯當曰杜爾格斯當曰查理曰加本爾曰古查曰蒲加刺得皆回回諸國也其人多習武若商旅防寇非聚數百不可行亦有好學好禮者初宗馬哈默



之教諸國多同，後各立門戶，互相排擊，持戒亦有數端。其大者在不得辯論教中事，謂教如此立，則當冥心順受。雖理有未安，弗顧也。案杜爾格即度爾格，凡言斯當者，即斯單之音轉，或作斯坦，或作士丹，或作速檀，或作算端，皆西域酋長之稱也。

萬國地里全圖集曰：蔥嶺以西與中國交界，南及加布白西等國，北至俄羅斯藩屬國，東接新疆，西至甲片湖，北極出自三十五度至五十五度，偏東自五十五度至七十五度。

紀昀閱微草堂筆記曰：海中三島十洲，崑崙五城十二樓，詞賦家沿用久矣。朝鮮琉球日本諸國皆能讀華書。

日本余見其五京地志及山川全圖，疆界袤延數千里，無所謂仙山靈境也。朝鮮琉球之貢使，則余嘗數數與談，以是詢之，皆曰：東洋自日本以外，大小國土凡數十，大小島嶼不知幾千百，中朝人所必不能至者，每帆檣萬里，商船往來均不聞有是說。惟琉球之落際，似乎三千弱水，然落際之舟，偶值潮平之歲，時或得還，亦不聞有白銀宮闕可望而不可即也。然則三島十洲豈非純構虛詞乎？爾雅史記皆稱河出崑崙，攷河源有二，一出

和闐，一出蔥嶺，或曰蔥嶺其正源和闐之水入之，或曰和闐其正源，蔥嶺之水入之，雙流既合，亦莫辨其誰主誰賓。然蔥嶺和闐皆在今版圖內，開屯列戍四十餘年，即深崖窮谷亦遍耕牧，不論兩山之水孰為正源，兩山之中必有一崑崙確矣。而所謂瑤池懸圃珠樹芝田，槩乎未見槩乎未聞，然則五城十二樓，不又荒唐矣乎？不

但此也。靈鷲山在今拔達克山，諸佛菩薩骨塔具存，題記梵書一一與經典相合，尚有石室六百餘間，即所謂大雷音寺。回部游牧者居之，我兵追捕波羅泥都霍集占嘗至其地，不過如斯種種莊嚴，似亦藻繪之詞矣。相傳回部祖國以銅為城，近西之回部云銅城在其東，萬里近東之回部云銅城在其西，萬里彼此遙拜，迄無人曾到其地，因是以推恐南懷仁坤輿圖說所記五大洲珍奇靈怪均此類焉耳。

源案蓬萊方丈始自秦漢方士史書之以見其妄，未有信之為實者。何勞考辨？惟梁書言毗塞國王在南海中，去扶南八千餘里，其國王自古至今長生不死，能作天竺書二千餘言，與扶南王相報說其宿命所

海國圖志 卷三十一 西南洋 北印度附考



由與佛經相似此則明載正史確鑿可徵乃自明以來西洋商船無島不通遠窮南極曾有此島嶼乎止當辨毘騫不當辨十洲三島也崑崙之為蔥嶺無疑其地產玉及上有龍池故玉山瑤池之說尚非無因至靈鷲山在中印度為今之痕都斯坦其北之克什彌爾始為北印度又北始為拔達克山則並非北印度境距中印度境則數千里乃謂諸佛菩薩骨塔具存殆同兒戲至大雷音寺出西游演義並非釋典何得回疆真有其寺耶回部祖國為天方阿丹默德那

海國圖志

卷三十一

西南洋 北印度附考

謹

等地在西印度西紅海之間明史載其職貢 本朝通其商船粵中所謂港脚白頭回子即其部類也其地有教祖穆罕默德之墓墓前有元石凡各國回人皆歲往禮拜焉在西藏之西八千餘里見明史回回麻論并非渺茫之域豈有彼地回人舍其聖祖陵墓而向東禮拜之理耶筆記雖小說家言然紀文達負張華博物之名恐惑觀聽故錄而辯之

海國圖志卷三十二

西南洋

北印度以外疆域考一魏源

邵陽魏源輯

五印度之疆域南印度以大海界之西印度有紅海地中海界之古今截然不紊惟東北二印度陸地界消各國然東印度航海相通商夷共習至北印度中隔蔥嶺所幸克什彌爾為唐宋之迦濕彌羅國千餘載不易有大雪山界其北得據為北印度之屬實自元始以鐵門為東印度明始以賽馬爾罕為古屬實於是印度北境

海國圖志

卷三十一

西南洋 北印度附考

一

終不可明考 皇清通典邊防門曰自塔失罕西南行七百里外踰錫爾河又踰那林河為賽馬爾罕城又西南為哈那科爾城又西臨達里岡阿泊是為西海此海即鹹海也一統志曰納林河在蔥嶺西北經流數千里霍罕安集延塔什干諸國瀕以居其水發源布魯特境西行過安集延城北又西過瑪爾哈朗城又西過賽馬爾罕城北又折東南入於達里岡阿泊廣千餘里為西境巨浸凡蔥嶺西之水皆歸之是賽馬爾罕城實在敖罕境內為古大宛之區南距克什彌爾尚二千餘里而



以為古之屬賓其傾一明史又稱賽馬爾罕疆域東有  
養夷沙鹿海牙賽蘭達失干即今塔什干西有渴石迭里密  
諸城又渴石西三百里大山屹立中有石峽兩崖似鐵  
路通東西番兵守之謂即元太祖至東印度鐵門關迤  
一角獸之地或疑渴石即克什彌爾考明史言渴石在  
賽馬爾罕西南三百六十里宮室壯麗為其先賽馬爾  
罕酋長所居云云若克什彌爾距敖罕豈止三百餘里  
且克什彌爾乃元初篤來帖木兒所封賽馬爾罕乃駙  
馬賽因帖木兒所封各人各國元史地理志乞石迷西即克什彌爾何得

海國圖志

卷三十二

西南洋 北印度附考

二

以此帖木兒當彼帖木兒張冠李戴南轅北轍蓋克什  
彌爾之地北負雪嶺三垂黑山疆域險固自古別為一  
國賽馬爾罕不能越險而并有之也其傾二鐵門見唐  
元奘西域記在縛勃河之北出鐵門過觀賀羅國南北  
千餘里又踰大雪山國至迦畢試國凡數千里而後至  
北印度迦羅國邱長春西遊記過鐵門後踰七日渡小  
河又七日渡阿母河又四日方至元太祖行在時太祖  
恐印度炎熱故回雪山避暑是雪山距鐵門南北已二  
千里蒙古源流云成吉思汗將進征額納特阿克直抵

齊塔納凌嶺之山脊遇一獨角獸名曰賽魯奔至汗前  
屈膝而叩汗曰彼額納特阿克乃古昔大聖降生之地  
今奇獸至前殆上天示意遂振旅而還此明言遇獸在  
雪山非鐵門非東印度且非因楚材之諫蓋楚材在西  
域十餘年止駐守尋思干城即賽馬爾罕城也終身未  
至印度北之大雪山後人作耶律神道碑者必欲歸功  
楚材故移雪山之事於鐵門以遷就之不知千里之謬  
而元史因之明史因之其傾三元太祖軍踰雪山追算  
端實止至北印度未親至中印度有長春西行記可證

海國圖志

卷三十二

西南洋 北印度附考

三

若僅及鐵門則北印度尚未至况能逾中印度而至瀕  
海之東印度乎此則萬里之謬亦始於耶律神道碑而  
元史因之明史因之其傾四漢時大月氏大夏境域即  
賽馬爾罕之域兼今敖罕布哈爾愛烏罕諸部地自嘉  
靖後入貢一國稱王五十餘人則已四分五裂故今蔥  
嶺西無復賽馬爾罕之名而圖西域者尙列其舊圖以  
統蔥嶺諸部坤輿職方諸圖海國圖聞見錄莊氏地球圖  
並同殊非核實從今之義故詳辨之以祛正史之誣并  
以祛後來諸圖之惑



北印度以外疆域考二 魏源

問曰賽馬爾罕國在敖罕境其非屬賓非北印度固已至其疆域為蔥嶺以西第一大國東西三千餘里斷非止今敖罕八城之地且明史賽馬爾罕外達失干即今塔什干卜花爾即今布哈爾八答哈商即今拔達克山各自為國則將以何者為賽馬爾罕之疆域耶曰史稱永樂中傅安等使西域賽馬爾罕使人導安等徧歷諸國數萬里以夸其國廣大則是蔥嶺以西皆其屬國又卜爾花雖在賽馬爾罕西北七百餘里而初境狹小至

海國圖志 卷三十一 西南洋 北印度附考 四

明末賽馬爾罕地裂為數十今則盡并於布哈爾故撫有百餘城包敖罕西南北三面近且滅敖罕而有之則今布哈爾之域即昔賽馬爾罕之域西抵裏海東抵蔥嶺北接鄂羅斯南接愛烏罕巴達克山兼古大宛大夏之地史言大宛七十餘城今敖罕止七城又史言大夏在大宛西南二千餘里媯水南媯水在葉水之南葉水即今之納林河則媯水為蔥嶺龍池所出之縛芻河二水之間是其疆域矣曰西域聞見錄言有塞克大國者在敖罕西部落數百與敖罕勍敵西北與鄂羅斯薩穆

接壤亦與阿喇克等國犬牙相錯是果何國耶曰阿喇克即哈薩克之音轉塞克即薩克之音轉蓋布哈爾即西哈薩克國乃譌而為阿喇克又譌而為塞克遂分一國為三國矣哈薩克有四部左哈薩克其東部右哈薩克塔什干其中部布哈爾其西部也此三部外尚有北哈薩克偏近鄂羅斯不通中國其即此錄所謂阿喇克者歟左右二部為古康居西北二部為古大宛大夏明時為賽馬爾罕地明末分裂敖罕得其十之二布哈爾得其十之八近日則大宛大夏皆并於布哈爾焉曰明

海國圖志 卷三十二 西南洋 北印度附考 五

史言蔥嶺以西惟賽馬爾罕及哈烈二國最大其哈烈即賽馬爾罕分封其子之地當今何地耶曰史言哈烈在賽馬爾罕西南三千餘里俗崇回教不知其為今之愛烏罕歟抑為今之南都魯機歟愛烏罕在裏海之東南都魯機則在裏海以西地中海以東凡西域圖志一統志所稱西海者皆裏海非地中海也然則西域聞見錄謂塞克國絕非回子種類今謂為西哈薩克回部者何曰明史言天方入貢始僅一王嘉慶中入貢稱王者至二十七人故西域圖志言回部二十五世始分十二



支分適布哈爾敖罕痕都斯坦克什爾爾拔達克山各  
國則布哈爾正回教後裔西域聞見錄於西洋鄂羅斯  
之奉天主者妄指為北方回子大國而於塞克之即西  
哈薩克回部者反誣為非回教偵倒迷謬胡壹至此

元代征西域考上魏

太祖之用兵西域也專為回回與師回回即西契丹其  
地奄有天山南路及蔥嶺西敖罕境若天山北路之回  
鶻一名畏吾畏吾一作畏兀皆回鶻之音轉其時畏吾國王亦都護已  
降故太祖於北路回鶻未嘗煩兵而直攻回回國都於

海國圖志卷三十二西南洋 北印度附考 六

蔥嶺以西又遣諸皇子分兵攻回回諸城於天山以南  
皆於回鶻無涉也回回西契丹乃遼之後裔於金初率  
眾西奔初居於漠北乃蠻部內見契丹國志後假道回鶻南  
攻回回盡有其地其國都有二一在蔥嶺西之尋思干  
城即賽馬爾罕城在今敖罕境一在蔥嶺東之布魯特  
當伊犁西境其地南界印度北界阿速西抵襄海東抵  
伊犁袤數千里此二大國為諸小國之綱故元兵攻取  
亦分二路太祖自將由北路十四年取阿答刺城禽其  
首此回回別部之首非其汗也十五年克蒲華城地里志作胡尋思瓦在蔥嶺西

干城即賽馬爾罕脫羅爾城地里志作羅耳十六年攻下哈爾城

明史作下花爾元地理志作阿八哈薛迷思干城長春

耳今作布噶爾更在尋思干之西北西遊

記作邪迷思干即尋思班勒紇城長春西遊記有班里

干也元史誤分為二城在鐵門及阿母河

之南近西域主札蘭丁出奔與蔑里可汗合帝禽蔑里

元秘史兔年太祖征回部命哲伯為前鋒速不台繼之

脫忽察爾又繼之命所過毋攻城毋虜掠直走王城俟

太祖大軍至夾攻回回王札刺下與蔑力克合兵拒戰

此蔑力克汗當是乃蠻之子西契丹太祖軍伴卻誘

國者蓋回部西奔與西契丹合兵也太祖軍伴卻誘

之而哲伯等兵夾攻其後回兵大敗走至申河溺死殆

海國圖志卷三十一西南洋 北印度附考 七

盡此申河即印惟札刺丁及蔑力克二酋沿河西遁太

祖自取兀都刺爾各城於阿勒壇廓爾山過夏此謂印

大雪山非阿命速不台征迤北東鄰等十一部前後征

回城七年使巴刺窮追札刺丁二酋班師此太祖親軍

由回鶻五城而攻西契丹乃滿酋於葱嶺以西也皇子

朮赤長察哈台次窩闊台三子等分攻養吉干城巴

爾真城玉龍傑赤城今作玉龍哈什馬魯察城葉爾馬

魯城疑即葉昔刺思城皇四子拖雷等分攻徒思匿城

察兀爾等城并下之還掠木刺夷國遂度朔朔關河疑



烏蘭烏 克耶里等城與帝會兵攻塔里寒寒拔之即今蘇河西北之塔 西域主札闌丁出奔此天山南路之兵又分

二路木赤等由南山之干闐而至葉爾羌拖雷等由天山之庫車阿克蘇烏什而至喀什噶爾故拖雷先會太祖於蔥嶺西也十八年皇子木赤等三人兵亦來會遂

定西域置達魯花赤監治之十九年追若弗又算端踰大雪山至北印度角端見班師郭寶玉傳甲戌從帝討

契丹遺族歷古徐鬼國訛夷朶等城破其兵二十餘萬尋收別失蘭等城次忽章河西人列兩陣迎拒追殺幾

海國圖志 卷三十二 西南洋 北印度附考 八

盡進兵下尋思干城次暗木河敵築十餘壘陳船河中寶玉發火箭乘風燒其船破護岸兵五萬收馬里四城

辛巳可弗又國唯算端罕破乃滿國引兵據尋思干聞帝將至棄城南走入鐵門屯大雪山寶玉追之遂奔印

度帝駐大雪山前時谷中雪深二丈詔封其昆侖山為元極王大鹽池為惠濟王此北印度算端襲據契丹西

都太祖兵又攻諸印度以南也計二國中惟西契丹用兵最久蓋自耶律大石以來建國七十載閱五帝并二

數至是為乃蠻襲據已閱十餘載太祖滅乃蠻殺太勝其子屈出律奔門

契丹襲執其汗尊為太上皇據其地袤萬里風俗慄悍國仍契丹之號太祖西征乃滅之地

又有鄰部北印度汗覬乘我軍退後收漁人之利使非禽渠徙種則大軍返後旋服旋叛故太祖駐軍數載以

尋思干城為蔥嶺以西要扼令耶律楚材守之分一軍北出追茂里二酋於欽察而自率大軍南出鐵門踰阿

母河踰大雪山追若弗又首於北印度旋師後復遣將追至忻都即溫都斯恒窮及申河算端死乃返算端者

名其後遂封駙馬帖木兒於尋思干城以鎮守之而設行省於阿母河以總控西域阿母河即佛經之縛芻河

海國圖志 卷三十二 西南洋 北印度附考 九

源出蔥嶺之大龍池西注鹹河為蔥嶺西第一幹河南可控印度北可控尋思干以今地里計之太祖兵力由

伊犁西布魯特境攻取敖罕布哈爾塔什干而後南敗巴達克山元史地理志追至克什彌爾元地理志作

遣將追至痕都斯坦而還太祖親至北印度未親至中印度元史誤以北印度為東印度又誤以見角端之地

為鐵門繆之又繆元史于乃蠻于回鶻于回回于西契丹當仿宋史李煜劉鋹錢椒之例各立一傳以見太祖

初年削平各國次第乃疆域沿革一切茫然竟不知在



何方疏之又疏至其兼并五印度則在憲宗之世蓋大

宗全力平金平北方未遑南略憲宗二年命忽必烈征

大理諸王圖爾花撒征身毒徹底不花征沒里奚即劉

使記之木乃奚國也旭烈征西域素丹等國案身毒即中印度素

丹即西印度沒里奚則在印度之北賽馬爾罕之西介

鹹海及裏海之間皆葱嶺西之三大部故分兵三路征

之八年旭烈討回回哈里發平之禽其王遣使來獻捷

哈里發即明史之哈烈國史言哈烈在賽馬爾罕西南

二千餘里與賽馬爾罕并為西域大國當為今之愛烏

罕也又案此一事元史誤於二年書旭烈而三年別

書旭烈兀征西域以一事為二事一人為二人今以劉

海國圖志卷三十二西南洋北印度府考十

正其失三年命兀良哈台等征西域哈里發八塔塔

等國又命塔塔爾帶撒里土魯花等征欣都思即痕都

度怯失迷爾等國即克什彌爾北印度也此二軍皆以

當以郭侃傳與劉郁西使記參考之其所述憲宗世西

征戰事皆在西印度若北中二印度則不大煩兵而服

南東二印度則兵未之及焉元初設阿母河行尙書省

蓋以此控契丹故墟南控印度諸國然印度特大雪山

之隔旋各擅命不受統轄見海國圖志中葉後則賽馬爾罕

以隔於葱嶺則各自為國朝廷鞭長莫及遂罷阿母河

等處行省惟以阿力麻里別失八里二元帥府控制天

山南北二路又以曲先塔林元帥府控玉門陽關東路

而已東路今謂之安西路

海國圖志卷三十二西南洋北印度府考十



元代征西域考下

問元史元秘史及長春西遊記元太祖皆無征烏斯藏

之事惟蒙古源流攷曰青吉斯年三十三歲起兵伐金

三十五歲進兵托克摩克斬蕭古里蘇勒德汗即赤赤

三十七歲破克里特業之翁汗即克烈部王罕也曾三

十九歲破奈曼之圖們汗即乃四十一歲破郭爾羅斯

之納林汗今漢南蒙古有郭四十三歲破哈爾里固特

之阿爾薩蘭汗當即回鶻回四十五歲用兵土伯特

之古魯格多爾濟汗其汗遣使獻駝隻輜重無算青吉

海國圖志 卷三十一 西南洋 北印度附考 三

斯汗致書於大刺麻遙申版禮由是收復阿里三部屬

八十萬土伯特人眾然則元太祖兵果至西藏乎曰此

言致書刺麻則兵未至藏尙在蔥嶺北印度與西藏交

界地其言收復阿里三部者特以大刺麻通好即謂之

收服耳又言遂進征額納特阿克中印直抵齊塔納凌

嶺之山脊遇一獨角獸名曰塞魯奔至汗前屈膝而叩

汗知上天示意遂振旅而還案齊塔納凌嶺之山即北

印度迦濕彌羅國北之大雪山也自西至東綿亘千里

爲印度與回北之大界是太祖親征實至北印度而止

其諸皇子兵至和闐南路而止自元人鋪張耶律楚材

則以鐵門爲見角端之地而蒙古源流乃刺麻所撰好

鋪張唐古特則又謂成吉思汗有親至唐古特境之事

其於地域則差歧數千里疑誤千百年苟得其情片言

可折也曰蒙古源流又述成吉思汗曰承上帝之命駕

馭天下十二強汗平定諸惡劣小汗今當養息安居十

有九年以唐古特人眾未服丁亥歲遂攻錫爾固汗禽

之此非明言征唐古特乎曰此非征唐古特之事乃征

西夏事也元初稱西夏高麗高昌皆不舉其國而舉其

海國圖志 卷三十一 西南洋 北印度附考 三

氏西夏曰唐兀氏高麗曰肅良合氏亦猶稱高昌爲畏

吾兒也元秘史云征唐兀部時其酋布爾罕來降約其

攻回回請爲軍右翼至是令其出軍其臣阿沙敢布言

俟大國兵敗時我再出兵太祖大怒曰我先破回回再

滅爾國前後攻回城凡七年還至土刺河黑林舊營明

年遂征唐兀部先破其將阿沙敢布於賀蘭山還圍其

酋於靈州城誅之靈州及賀蘭山皆西夏地而初次稱

降者即西夏納女請和之事後次討誅者即誅夏主李

睨之事而征唐兀部在征回部之後年歲亦合至蒙古



源流稱唐兀部為唐古特者譯音古特合聲為兀字亦猶稱回鶻為畏吾也太祖未征西藏可決也此初刊本疑唐兀與畏吾為一而回鶻與畏吾為二既知其誤乃改訂前後段附識於此

海國圖志

卷三十一

西南洋 北印度附考

西

蔥嶺以東新疆回部附考上原無今補輯○案此與海國無涉以印度

回教沿革非此不備故附之

法顯佛國記曰鄯善國王奉法有四千餘僧悉小乘學從此西行所經諸國語各不同然出家人皆習天竺書天竺語西南行一月得至于闐僧數萬人多大乘學家家門前起小塔高二丈許國王安置法顯等於僧迦藍三千僧共提棧食威儀齋肅器鉢無聲及夏四月觀佛行像國王夫人散華供養城西七八里有僧伽藍高二十五丈經三王方成莊嚴妙好非言可盡嶺東六國諸王皆以上寶供養

海國圖志

卷三十一

西南洋 北印度附考

五

洛陽伽藍記魏神龜元年太后遣比丘惠生向西域取經從鄯善西行千六百四十里至左末城有中國佛菩薩像無胡貌又捍摩城有大寺僧三百餘金像丈六相好炳然恆面東不西顧言自南方騰空而來于闐國王親見禮拜載像歸中途夜宿忽還本處因起塔供養西行八百七十八里至于闐國有辟支佛靴於今不爛魏書西域傳于闐俗重佛法寺塔僧尼甚眾王每設齋親洒掃饋食城南有贊摩寺即昔羅漢比丘盧旃為其



王造覆盆浮圖之所石上有辟支佛跣處雙迹猶存注云于闐國寺中有石驛石上有辟支佛迹法顯所不傳疑非佛迹云云案道元但據法顯傳未考惠生使西域記耳惠生記所疏勒國當高宗遣使獻釋迦牟尼佛目驗故史據之 袈裟一長二丈餘高宗以審是佛衣應有靈異遂置猛

火之上經日不然觀者悚駭心形俱肅

唐元奘西域記曰焉耆國龜茲國姑墨國文字並取則

印度伽藍各百十所僧徒少者數千多者萬餘習學小

乘又曰歸途至于闐國記作罽薩且那國文字遵印度崇尙佛

法伽藍百餘所僧徒五千餘人並多大乘法教王甚驍

海國圖志 卷之十一 西南洋 北印度附考 六

武敬重佛法自云毗沙門天之祚胤也城南十餘里有

大伽藍此國先王爲徧照阿羅漢建西南牛角山有大

石崖中有阿羅漢人滅心定待慈氏佛近者崖崩掩塞

門徑

晉書藝術傳鳩摩羅什天竺人也父鳩摩羅炎辭相位

出家東度葱嶺龜茲王聞其名郊迎請爲國師偁妻以

妹遂生羅什幼時日誦千偈沙羅國王重之專以大乘

爲化年二十龜茲王迎還國待堅聞而欲迎之遣呂光

將兵七萬西伐論以若獲羅什即馳驛送之還至涼州

聞秦亡遂留姑臧迨姚興遣姚碩西伐破呂隆乃迎羅

什至秦

唐書西域傳太宗之遣郭孝恪擊焉耆也龜茲有浮屠

善數歎曰唐家終有西域不數年吾國亦亡源案以上

以前西域并行佛法無回教之證也至葱嶺以西印度

以外凡今回教各國唐以前亦皆佛教音見於法顯魏

惠生唐元奘所記

知葱嶺以東乎

明史西域傳圖蘇魯國阿克蘇國沙哈魯國俗皆敬佛

惡闢案明史皆據永樂中陳誠使西域記之言此又明

初回部尙奉佛未盡從回教之證也况唐宋元之

世

海國圖志 卷之十一 西南洋 北印度附考 七

舊唐書疏勒國西帶葱嶺俗事祆神有胡書文字于闐

國好事祆神崇佛教尉賓國在葱嶺南常役屬於大月

氏其地暑濕人皆乘象尤信佛法此祆神未知爲回教

與佛教雜行之證也

宋史于闐國西抵葱嶺與婆羅門接相去二千餘里此

羅門即葱嶺

西之回教 又曰龜茲本回紇別種景祐中入貢賜以

佛經一藏紹聖三年上表獻玉佛又曰高昌漢軍師前

王之地其地頗有回教故亦謂之回紇乾德三年西州

回紇可汗遣僧法淵獻佛牙國中佛寺五十餘所皆唐



朝賜額寺中有大藏經唐韻玉篇經音等宋太宗遣供

奉官王廷德使其國游佛寺曰應運大寧之寺貞觀十

四年造復有摩尼寺波斯僧各持其法佛經所謂外道

者也案摩尼寺波斯外道皆天主教宋時回疆特問有之又曰雍熙元年西州回

紇與婆羅門僧永世波斯外道阿里煙同入貢景德四

年遣尼法仙等來朝獻馬請游五臺山又遣僧翟入奏

欲於京城建佛寺祝聖壽不許熙寧元年入貢求金字

大般若經以墨本賜之此宋時回部僅間有一二他教其全境仍奉佛教之證也

西域水道記曰葉爾羌城內東南隅有古浮圖一高三

海國圖志卷二十一 西南洋 北印度附考 太

十餘丈回人各曰圖持謂是喀喇和台國人所造也回漢人曰和台

阿克蘇城赫色勒河南流三十餘里經千佛洞西緣山

法像尚存金碧壁有題字曰惠勤蓋僧名也東匯于渭

于河折而南四十餘里經丁谷山西山勢斗絕上有石

室五所高丈餘深二丈許就壁鑿佛相數十鋪瓔珞香

花丹青斑駁洞門西南向中有三石楹方徑尺隸書梵

字鏤刻日環積石剝蝕惟辨建中二年字又有一區是

沙門題名水經注言龜茲國北四十里山中有寺名省

離大清淨今溯遺跡差存髮髯

西域水道記伊犁河逕拱宸城南經故回部王吐呼魯

克吐木勒罕墓西回人庫魯安書云其部初有女子曰

阿郎固庫勒魯者天地使一丈夫向女吹噓白氣感而

有身生子曰麻木哈伊項為回部王傳至三世童蒙習

佛法又傳十四世為吐呼魯克吐木勒罕年二十二嗣

為國主後二歲獵於阿克蘇遇回人授派噶木巴爾法

返伊犁又有回教七人來教其部眾遂盡返舊俗在位

十年卒案伊犁與蔥嶺及哈薩克近故元末有回酋非八城之皆元裔世藩也然此回酋亦先

元末回教未盛行之一證 有滿克國回部長以囊駝

四十負滿克國土為建此塚覆以碧琉璃刻墓門識營

造之年至今嘉慶二十五年凡四百七十四年推以彼

術三十年積一萬六千三百一十一日則四百七十四年當

積一十六萬七千九百六十九日又十分日之八以歲

實約之得四百五十九年又三百二十三日大半日從

庚辰逆數之蓋建於元順帝至正二十年庚子歲

西域聞見錄曰庫車城西六十里有大佛洞山山上下

前後鑿洞四五百處內皆五采金粉繪為佛像最高一







今幸而復合，豈非天平所受明朝勅印可悉繳工別錫封爵蘇勒檀者，猶蒙古稱汗，明成化時回號也。順治六年，河西逆回丁國棟等叛，偽立哈密巴拜汗子士倫泰為王，據肅州，叛提督張勇討平之。十二年，回目克拜齋葉爾羌表至，稱哈密巴拜汗為葉爾羌阿布都刺汗所禁，獻還內地民請罪，張勇詰其表異名之故，克拜告曰：哈密吐魯番葉爾羌皆昆弟，其父曰阿都刺汗，居葉爾羌，卒已久，子九人，長即阿布都刺汗，居葉爾羌，次即阿布勒阿哈特汗，居吐魯番，次巴拜汗，居哈密，以得罪天朝，故為葉爾羌汗所拘禁，其次諸弟分長阿克蘇庫車和闐，前貢使來自吐魯番，故著吐魯番汗名，今以葉爾羌汗為昆弟長，故表稱葉爾羌汗名。康熙十二年，吐魯番使貢馬及璞玉，表稱烏木特賽伊特汗，署一千八百十三年，即阿布勒阿哈特汗之子也。案此以元首裔號此明季南路初改回教之譏二十五年後，貢表稱臣成吉思汗裔承蘇齊滿汗業云云。康熙二十一年，噶爾丹以嫌繫山南阿布都爾質特三十五年，噶爾丹敗阿布都爾質特脫出來歸，詔遣人護至哈密，使歸葉爾羌。案回疆自後汗位遂絕蓋

西國圖一  
三十一 西南洋 北印度附考

外迫於準部，內分於回。乾隆二十年，定北將軍班第奏教和卓木而元裔亡矣。吐魯番舊頭目莽蘇爾為元太祖裔，居喀喇沙爾，應遣歸，轄其舊屬。五十一年，陝甘總督黃廷桂獻額敏和卓繪吐魯番圖，奏吐魯番不復有蒙古裔，瓜州回民願歸故土，請視舊納準夷賦為貢額。西域圖志又曰：回教之祖派噶木巴爾第一世，同祖兄子阿里為第二世，鄂賽音為第三世，再努勒阿畢丁為第四世，瑪木特巴克爾為第五世，札不爾薩氏克為第六世，木色伊塔則木為第七世，阿里伊木西里雜為第八世，賽葉特轄路里布為第九世，阿布拉為第十世，阿布拉為第十一世，阿布拉為第十二世，阿哈瑪特為第十三世，瑪木特為第十四世，沙喀三為第十五世，沙額色尹為第十六世，扎拉里丁為第十七世，克瑪里丁為第十八世，布爾哈尼丁為第十九世，米爾氏瓜納為第二十世，瑪木特為第二十一世，布喇尼丁為第二十二世，扎拉里丁為第二十三世，瑪哈圖木阿雜木為第二十四世，瑪木特額敏為第二十五世，瑪木特王素布為第二十六世。案第二十六世為初遷喀城之祖，見西域水道記至霍集右僅

西國圖一  
三十二 西南洋 北印度附考



四世伊達雅圖勒拉和卓為第二十七世雅雅和卓為第二十八世瑪罕木特為第二十九世波羅尼都霍集古為第三十世

又曰瑪罕木特子波羅尼都霍集古即大和卓木小和卓木兩逆酋也其第二十五世之巴哈古敦阿布都哈里克瑪木特伊布喇伊木伊薩木瑪木特阿里阿拉勒顏瑪木特色德克阿三沙伊赫和卓阿布都勒拉共十二支析居布哈爾痕都斯坦諸處第二十六世之哈色木後遷布合爾木薩爾後遷拜勒哈世次不備載

十二 西南洋 北印度附考

西域水道記曰瑪木特玉素普之初遷喀什噶爾也案霍集古土人龐雅瑪獻所居地為寺死即葬焉墓在回城東北十里許回人即墓為祠堂曰嗎咱爾周發石欄中列木格標馬牛鹿尾於其端謂薦牲祈福也樹木陰翳臺宇軒敞外垣以藍色玻璃鑲刻花卉每日寅未申酉戌五時誦經咒日入則鼓吹送之曰送日鼓七日為市曰巴咱爾市前一日男婦入祠堂膜拜以求利市魏源曰西域自唐以前無論蔥嶺西東皆有佛教無回教其以回教稱者自隋唐之間始且其教止行於極西

而未及蔥嶺以東其及蔥嶺以東者自明季始教雖東行而山南各回城酋長尚皆元大祖之裔於回裔無與其被滅於準夷則自國初康熙間始以此三事證諸羣書則其言西域自古皆佛教者見於晉書鳩摩羅什傳及晉僧法顯魏僧惠生唐僧元奘使西域之記見於魏書晉書唐書宋史西域各傳見於今日葉爾羌城內之古浮圖西域水道記阿克蘇城外數十里河岸之千佛洞及石佛洞庫車城西六十里之大佛洞皆像好莊嚴梵經漢刻是回教皆佛教昭如星日其言回教皆在極

十二 西南洋 北印度附考

西明季始被蔥嶺以東者見於唐書西域傳之大食波斯明史西域傳之天方默德那又見於回部之世譜此西域圖及西域水道記蓋隋唐時謨罕默德崛起天方臣服諸國創教事天西域尊曰天使番語曰派罕巴爾其地在蔥嶺西萬餘里二十五世始分十二支分適布哈爾敖罕痕都斯坦克什彌爾巴達克山諸國至二十六世瑪木特玉素普始東遷喀什噶爾立寺行教死即葬焉即霍集古高祖是為新疆南路回教之祖然仍以極西之祖國為天堂故回疆習教之人終身必赴西海禮拜



一次是慈嶺東之有回教近始明季又昭如星日其言  
新疆回酋 國初以前皆元裔者見於元史明史見於  
欽定外藩王公表傳所載順治初年之 上諭康熙  
中之貢表與夫張勇班第黃廷桂先後之奏蓋元時慈  
嶺以西爲太祖駙馬賽馬爾罕封地慈嶺以北之阿羅  
思欽察爲太祖長子朮赤封地金山以北爲太祖孫海  
都篤姓昔里吉等封地慈嶺以東天山以南爲太祖次  
子察罕岱封地建國於葉爾羌其苗裔分于南路各城  
其見元史者如 宗王阿魯忽所封 案罕岱即元

二 西南洋 北印度附考

素

祖紀屢言征拜端即征于闐叛王也 見明史者哈密  
爲元威武王所封皆察罕岱之孫而朝廷別建南路元  
帥府于別失八里北路元帥府于阿力麻里以控禦之  
元末天山路爲強臣脫歡所踞別爲準部於是元裔  
惟有天山南路 國初順治中回酋表貢尙以葉爾羌  
酋爲太宗稱臣成吉思汗裔承蘇賚滿汗業其諸弟分  
長八城即元裔之第二十五世也至康熙中并滅于準  
夷拘各城元酋遷之山北雖康熙三十五年滅噶爾丹  
時縱回酋歸葉爾羌亦終於不振自後汗位遂絕故說

隆蕩平準部時各回城無復元裔於是霍集占以回教  
橫起據之前此從無回教酋長表貢之事是霍集占以  
前之皆元裔非回裔亦昭如星日而近日西域圖志獨  
以新疆南路從古皆回教盡斥歷代西域傳之謬然無  
以處夫唐以前也則取元成吉思汗至順治初凡二十  
五世之藩封併移諸上古謂其更在派罕巴爾以前與  
元太祖同名又以派罕巴爾即遷喀城始祖而無如回  
教祖墓在天方極西載在明史也則析派罕巴爾與穆  
罕德爲二人謂回城酋長自元明即皆回教而順治

二 西南洋 北印度附考

素

間表貢之元裔酋長何人竟置不問於 欽定外藩表  
傳之官書亦置不問推原其故皆由明季回教由天方  
至喀城時諸元裔酋長靡然奉之故康熙初土魯番貢  
表署于八十三年此元裔改奉回教之證故華人遂誤  
以元裔爲回裔并誤以新疆自古皆回教此皆鑿柄之  
至大者今特盡錄諸書於前案而不斷以昭慎重唐書  
言于闐疏勒俗事祇神宋史言其佛寺外有末尼寺及  
波斯寺此回疆舊兼有天祠之事豈得謂西域自古皆  
天主教乎佛經屢言娑羅門外道事大自在天祠雖佛







小西洋利未亞洲各國志

教曰小西洋利未亞洲與歐羅巴隔地中海其地之廓人之庶皆與歐羅巴均乃語教化則無持世之哲語富強則無統一之王四分五裂惟產黑奴以拱掠賣何哉今東六部則布路亞國服之北四部鄰地中海為海賊則佛蘭西服之西二十四部瀕西海則布路亞荷蘭英吉利佛蘭西各國分踞之南則斯瀋墨大雪山斗入南海其極南之兀賀峽即大浪峯南極出地三十六度北極入地三十六度與中國反對為大西洋商船必遠過

海國圖志

卷三十三

小西洋序

一

之地亦英吉利荷蘭兵成守之皆據海口立礮臺設市埠而土人供其驅使今志小西洋實所以志大西洋也魏源又曰水隨山脈行山逆則水逆逆則回環而氣鍾焉葱嶺以東水皆東流故相陰陽觀流泉者皆以西流為逆蔥嶺以西水皆西注則又以東流為逆利未亞洲之泥祿河自西至東逆行八九千里而入地中海蓋山脈東起如德亞峽南遶伊揖及亞昆心域及至南利未加而後折西轉北東行復至伊揖周環萬餘里而水從之故中利未亞各國四周環山不與海國往來而西洋

商船所通者皆其山背四隅頑嶺之地而已麥西及亞

毗心域二國居泥祿河下游近西印度紅海岸故風氣早開聲名文物冠西海而近掃蕩於回教全變羶俗其上游腹內之地則除近河兩岸外餘皆沙漠炎毒瘴癘外人所不能入英吉利曾以火輪船深入其中半途病疫不得要領而還故山川疆域物產風俗皆未深悉於四洲中地氣最劣焉中利未洲其人稍習西南利未洲則皆黑奴為歐羅巴兵艘役之而來華人不知其產地也則或謂歐羅巴人種有黔皙云

海國圖志

卷三十三

小西洋序

二



海國圖志卷三十三

歐羅巴人原議

小西洋 東利未亞二大國別爲此卷

侯官林則徐譯

邵陽魏源重輯

利未亞洲總說 原本無今補輯

職方外紀天下第三大洲曰利未亞大小共百餘國西南至利未亞海東至西紅海北至地中海極南南極出地三十五度極北北極出地三十五度東西廣七十八度其地中多曠野野獸極盛有極望好文彩之木能入

海國圖志卷三十三 小西洋總說

水土千年不朽者迤北近海諸國最豐饒五穀一歲再熟每種一斗可收十石穀熟時外國百鳥皆至其地避寒就食涉冬始歸故秋末冬初諸近海地獵取禽鳥無算所產葡萄樹極高大生實繁衍他國所無地既曠野人或無常居每種一熟即移徙他處野地皆產異獸因其處水泉絕少水之所滯百獸聚焉更復異類相合輒產奇形怪狀之獸獅猛能與虎鬪虎豹能罷之類不一故土人多以田獵爲業貴人亦時出獵搏獅虎爲娛樂丙名山有亞大蠟者在西北天下惟此山最高凡風南

露雷皆在山半山頂終古晴明視日星最大昔人有畫字於灰土者歷千年不動無風故也國人呼爲天柱此方人夜睡無夢甚奇有月山在赤道南二十三度極險峻不可躋攀有獅山在西南境其上頗興雷電轟擊不絕不間寒暑其在曷羅刺國者出銀鑛甚多取之無窮其在西南海者曰大浪山其下海風迅急浪起極大商船至此或不能過則退歸西洋船破敗率在此處過之則大喜故亦稱喜望峯此山而東嘗有暗礁全是珊瑚之屬剛者利若鋒刃海船極畏避之凡利未亞之國著

海國圖志卷三十三 小西洋總說

者曰厄入多 即伊 曰馬羅可 即摩羅 曰弗沙 即都尼 曰亞未利加 即東阿未 曰奴米弟 即南阿未 曰亞昆心城 即阿邁 曰馬拿莫大巴 即山牙 曰西爾得 在西未利加 其散處海中者曰井巴島曰聖多默島意勒訥島聖老楞佐島利未亞西北有七島福島其總名也其地甚饒凡人生所需無所不有絕無雨而風氣滋潤易長草木百穀亦不煩耕種布種自生葡萄酒及白糖至多西土商船往來必至此島市物以爲舟中之用七島中有一鐵島絕無泉水而生一大樹每日沒即有雲氣抱之酸



成甘水滴下至明日日出方雲散水歇樹下作數池一夜輒滿人畜皆沾足焉終古如此名曰聖迹水言天主不絕人用特造此奇異之迹以養人各國人多盛歸以爲異物

地球圖說曰亞非利加大洲東界紅海并印度海西南界大西洋海北界地中海百姓約共九千萬地當赤道正度天氣極熱中有曠野浩浩無涯水草皆窮人馬難行惟駱駝尙可奔馳雖七八日不飲亦無妨然間有水草數處可經過而飲焉以上皆人迹經歷之地至其腹

海國圖志

卷三十三 小西洋 總說

三

地無人經覽但遙見一高山名月山長亘州中央至西而東而已州東有三島一名馬達加葛又名馬係是洲管轄二名冒勒突係英國管轄三名埔耳防係佛蘭西管轄西邊有四島一名加那利係大呂宋管轄其餘馬太拉亞鎖利綠頭三島係葡萄牙國管轄此州人民膚黑髮鬚鼻扁唇厚不好學不甚聰明農少牧多在昔此洲北有大城極多書院文學有名今無是矣是方有夷及多一處卽一千八百餘年前馬利亞避猶太國加害旅寓之地所述之教大半祀偶像小禱回教而耶穌

教間或有之土產架非葡萄酒五穀橄欖油藥材樹油可造番糖乳酥百果木料象牙獸皮獅象犀虎蟒虺駝鳥復有極大之白蟻能作土宮舍高至丈餘有二大江卽尼羅江與黑江是也是洲極南昔荷蘭國人所踞嘉慶十年間英吉利國據之洲北夷及多界內有極高之古蹟狀如塔其至高者有七十丈更有異樣石人古蹟世遠年湮被沙土埋掩僅存其首形狀人頭獸身統體約十三丈四足俱全前二股間與前右足上俱有廟宇乃後人去其砂土獲此大觀也

海國圖志

卷三十三 小西洋 總說

四

地理備考曰天下五洲最難盡悉者乃亞非里加州也地當赤道炎氣蒸爲瘴癘隔以沙漠多毒蟲惡多他國人到輒病死故自古未通英吉利商常往探之或染瘴死或爲土番邀殺迄不得要領又用火輪船從尼日爾河下游駛入水手半途死亡惟遇見高峯橫亘別無所聞而歸故至今惟知沿海四面其腹內山川人物地勢土產則不能周知所有部落之名僅得諸傳聞而已其地在亞細亞之西南以羅針視之正當坤申之位南北一萬八千東西闊處一萬六千里



亞非里加州緯度距赤道自北三十八度起至南三十度止經度自巴黎斯第一午線西十九度起至東四十度止南北相距一萬八千里東西相去一萬六千五百里地面積方七百五十萬里其地居熱道者多居溫道者寡海邊尚覺清涼其餘熯烈異常域中尤為酷熱水土猛烈瘴癘流行十二時寒熱相間即土人亦屬難堪易季之時雷電風雨交作熯烈稍減既霽其熱如故外國史略曰利未加州北極出地三十七度二十分及南極出地三十四度五十分偏東五十一度至偏西十

海國圖志 卷三十三 小西洋 總說 五

七度三十三分廣袤方圓六十萬里廣一千零二十里西南皆抵大洋海北極地中海與歐羅巴相隔以危亞達海峽東與亞西亞微地相連而以西紅海為界此洲地雖大但沿海邊直而不曲少泊舟之處其江河駛入內地亦不長廣西方最大者曰尼額河加瓦拉河未詳其源其曠野四面沙磧而中央如巖開豐水草北地之山高者千百丈上有廣坦海濱天氣長熱如夏惟極南此之地應乎四時故以西洋各國之強而不侵其內地且至今商旅亦惟在海口貿易莫知其中央情形焉歟

多獅虎豹象駝鹿水馬犀牛其鳥多翠翎駝鳥尤異常俱不鳴產駝鱧怪異草木春萌秋落與亞西亞州相仿但其民情地荒不知工作故可用之物少其居民大半卷髮黑面扁鼻白齒多土蠻以語音別其宗派支類外國舟船過此多掠其黑人販賣為奴婢近日英人禁之然居此地之教師多死於煙瘴其地可分三分為南北中亞非利加

瀛寰志略曰亞非利加北土在紅海西南岸者近亞細亞故交西國開風氣獨早在地中海南岸者近歐羅巴海國圖志 卷三十三 小西洋 總說 六

故非尼西亞國啟疆於前意大里亞耘耨於後迨回部既強噬滅殆盡麥西既隸土耳其曩時文物之盛已掃蕩無遺而地中海南岸諸部乃半化為躑躅之巢穴時勢之變遷可慨也夫 瀛寰志略曰按北亞非利加之東偏地多沙漠本不毛之土獨麥西得尼羅河之淤灌變為沃壤其西北境之蘇爾士蘇葉又與阿伯猶太接連故東方夷族上古時即轉徙至此其創制規為遂為歐羅巴開風教之始歷數至一千數百年可謂盛矣惟立國鳩民僅傍尼羅河



蜿蜒一帶無地可擴無險可守故波斯希臘羅馬諸大國興麥西恆爲之臣迨回部既強遂爲所吞噬而名土變羶俗矣盧比阿本麥西南部其種人雖雜野番自昔別無立國阿邁司尼不歐不回自古爲土番部落或謂其國尙有規模不至如泰西人所云之荒陋然較之麥西不啻有華夷之別矣所奉者天主教二教其實大秦教卽波斯舊奉之火祆教而大唐之名則中土謠傳也

又按由西印度西行有小島曰亞丁英吉利所據也由

海國圖志

卷三十三

小西洋總說

七

此入紅海西北四千里而港盡至麥西之蘇爾士行旱路一百七十里卽地中海之東南隅再舟行七千里出直布羅陀海口卽大西洋海較之紆迴南向繞阿非利加之西境至極南之吸樸而始轉枕東北者計里約滅二萬計程約近一月惟蘇爾士隔旱路一百七十里舟楫不能通行海國聞見錄謂恨不用刀截斷者卽指此也近年英吉利襲火輪船遞送文書由印度海駛至亞丁入紅海至蘇爾士行旱路至地中海東南隅彼處有火輪船接遞西駛出直布羅陀海口火輪船行駛甚速

不畏風浪而計程又近二萬里故五十日可達英倫國都自明以前歐羅巴通中國皆出此路說詳回向言北人使馬南人使船僅就中國江河言之若以例西洋諸國之渡海真有大小巫之判矣

厄日度國

卽伊權國

地理備考曰厄日度國一作厄日在亞非里加州東北北極出地二十三度二十三分起至三十一度三十七分止經線自東二十二度十分起至三十三度二十二分止東枕紅海暨蘇埃斯徑西連的黎布利國暨里比亞

海國圖志

卷三十三

小西洋東利未加國

八

沙漠南接盧比亞國北界地中海長寬皆約一千七百里五十里地面積方二十四萬里煙戶四北餘口通國分爲上中下三處其上中之東西二方岡陵縣巨地勢如谷其下者平原廣闊溪渠間隔河之長者一日尼羅南北通流湖之大者曰門薩拉曰美利曰布爾羅曰馬略的河濱膏腴餘地砂磧而隴畝之肥磽視河水之消長每歲夏至水長秋後水消若長不過甚則年必豐稔否則歲必荒歉土產穀果麻說絲花紋石等物禽獸蕃衍駝馬尤良地氣熾烈陰雨甚罕四季之內非春卽夏沙



漢蕪蒸瘟疫傳染不設君位歸屬於土耳其亞國派有  
 總管奉回教其餘各教有奉之者亦不禁貿易輻輳國  
 本古時巨邦周威烈王時曰爾西亞國奪之越二百載  
 復為亞勒山德黎君率師攻克身後諸將分據及羅馬  
 國王兼并其地歸為一統羅馬衰弱又為天方回國所  
 奪宋理宗淳祐中天方國駐防軍士叛亂自推一首領  
 為王屢次交兵終為土耳其亞國所克嘉慶三年佛蘭  
 西國軍攻克之越三載仍歸其地於土耳其自後歲派  
 總管一員統轄其地分國二十五部曰加義羅建於砂

海國圖志 卷三十三 小西洋 東利未加國 九

積中曰吉里烏波曰北爾卑義曰師卑曰米加馬爾曰  
 忙蘇辣曰達迷耶大曰給比爾曰當達曰美黎曰美路  
 曰內曰勒曰福阿曰達馬路曰亞勒山德黎曰德基塞  
 曰亞德非曰白尼隋佛曰發雅曰迷尼亞曰蒙發祿曰  
 西於德曰齊爾白曰給內曰埃斯內其通商衝繁之地  
 七此外尚有兼攝之地數處大者曰西烏阿曰科日拉  
 皆在西方曰哥塞義爾曰蘇埃斯皆在東方  
 外國史略曰亞非利加東北方土爾基人所據之麥西  
 國亦名埃及多南及黑人地北及地中海東北為蘇

益微地與亞拉回國相連東及紅海西及曠野廣袤方  
 圓七千五百里有尼羅河兩邊窄谷居民三百萬居住  
 邑鄉約二千五百尼羅河通流焉河在北方分兩支流  
 入地中海河邊地每年水漲時可耕餘地多沙產蘇花  
 五穀棗南果蘇芒水溢則田盛不則多旱有蝻蚱田鼠  
 及各蟲壤稻故豐年不免於飢民工藝術奉僧如神嚴  
 禁出外國各自為主於周顯王時白西國王來攻毀佛  
 菩薩像希臘王隨之遂降全國其後將軍攝政稱王召  
 納賢士遂為人材所聚漢成帝建始二年羅馬將軍麥

海國圖志 卷三十三 小西洋 東利未加國 十

西為立部頭自治之與希臘通商今耶穌門徒於此傳  
 教迄唐貞觀十三年回回族強據其地遂自立國侵辱  
 耶穌門徒明武宗正德年間土耳其又奪其地嘉慶二  
 年佛蘭西將軍那波倫者領兵圖取此地欲由此渡海  
 攻印度英軍扼尼羅河口焚虜佛船以拒其進是時土  
 爾基兵帥甚聰明尤滅弄權之驍騎招士通商訓練陣  
 法與列國無異又得英兵之助故佛蘭西戰不能敗但  
 其君重賦病農官祿有餘生民塗炭每年征餉約銀六  
 百七十五萬兩軍士四萬八千其上中下戰艦甚多故



使費大。居民大分別，惟土人及西服人尚耶蘇教。此

二族與猶太人率皆口訥，其亞拉回人則甚巧儉，然操

權者多土耳其人。交西國與亞未利加內地多相連，

商販結羣而來，販黑奴至此，賣與地中海各邊界產絲

花五穀。國分三分為下中上，其都曰加以羅，居民二

十萬，其街狹窄，屋宇污穢，亦通商。上尼羅河有大塔高

六十丈，周六十九丈，用十萬人建造，經二十年乃成。四

方瞻仰贊美。上麥西國曠野有大城，海邊亦有古城曰

亞勒撒，昔係地中海之廣港，商船雲集，今已衰，只六

千居民而已。羅悉他係美邑，希臘人居之，居民萬六千

有奇，日益生聚焉。

案此洲至今未與廣東通市，然不獨此一國也。西

圖又謂伊指國又謂麥西國，元史作馬八爾國，其

余爾河即泥祿河也。

伊指國在阿未利加洲之東北，東界阿細亞州內之都

魯機，北界地中海，西界特黎波里，南界東阿未利加各

國，即利瑪竇所謂黑人多是也。職方外紀作厄入多格

羅都城為著名之國，開者起敬，然其史書久湮，故人物

海國圖志 卷三十三 小西洋 東利未加國一 十一

之本源，朝代之沿革，均無稽考。雖書籍所述極其榮華

富貴，亦無遺蹟可徵。按坤輿說載：天下七奇，而厄日多

茂王所建，基方一里，周四里，高二百五十級，每級寬二

丈八尺，頂上寬容五尺，造工者每日三十六萬人，二

日法羅海島高臺亦多，蘇茂王所建，依山為基，細白石

築成，頂上安火炬，夜照百里外。海船俾識港路，此皆所

謂榮華富貴之事也。然此云無蹟可徵，豈今皆湮沒耶？

惟聞上古西樓特力士實為著名之王，曾征服阿細亞

洲各國，攻至中阿未里加洲之地。今底彌士部落尚有

石像遺跡，旋又攻服由士西利阿阿西里阿巴社達達

里等處，名聞諸國。至三彌尼達士王往攻阿未里加之

北隅，敗績，并本國為巴社襲奪，賴國人不服，巴社遂有

阿力山達起兵恢復，同時才傑並出，有比多里彌士等

興，工作教技能遂一變，伊指為聲名文物之國，以額力

西之技藝先原得自伊指也。在耶穌未紀年以前，曾為

隔海之意，大里所據，一時雖不幸，而機巧技藝亦得意

大里國之傳授，至耶穌紀年七百唐嗣聖十七年為回教阿丹

所攻服，阿丹仇視別教，遂將比多里彌士等之書盡燬

于火，伊指之人日漸荒陋，及破走巴社，恢復本國，始復

學習舊藝，然終不及額力西，後又為都魯機所奪，設巴

海國圖志 卷三十三 小西洋 東利未加國一 十二



札理政事其伊揖之麻米黍種類本皆奴僕後裔恃其  
 蕃庶反僕為主自立頭目稱藩於都魯機至千五百十  
 六年明正德遂欲自王東方攻擊都魯機邊境都魯機  
 雖興師誅討然變種善騎射好背叛不屬巴札統轄者  
 居半千七百九十八年嘉慶佛蘭西兵侵伊揖被英吉  
 利襲其後敗績而退於是伊揖巴札乘間驅麻米黍種  
 人出境遂亦叛都魯機自立盡復昔時藝業法律并鼓  
 勵國人習歐羅巴之技能國勢復振當阿丹被阿都哇  
 哈攻擊時伊揖統兵往助代奪回墨加默德那二部落

海國圖志 卷三十三 小西洋 東利未加國一

乘勝遂攻都魯機得俄羅斯和解令都魯機割出千底  
 阿西利阿兩部落歸於伊揖兵始寢息阿丹人居斯者  
 自設官分理然亦必由伊揖巴札定奪納錢糧調丁壯  
 均由司官經手國賦有二一田地一丁口一稅餉歲征  
 地土錢糧銀二百四十萬員丁口銀三十二萬員歲餉  
 銀五十九萬員共三百三十一萬員除歷年起解觀士  
 頓丁羅布爾銀八萬員餘銀存留伊揖以備支發凡克  
 力士頓教由教之人男丁十六歲者按名納時令十三  
 枚至五十枚不等貨物止稅入口歲征銀千七百六十

萬員除國中支給尚餘銀百萬員軍伍昔強未嫻紀律  
 近得歐羅巴訓練之法隊伍雄甲東方千八百二十四  
 年道光十計兵七萬四千近復設武備館延歐羅巴教  
 師以訓年少餘丁萬有四千月支經費銀六千員並設  
 鑄礮局器械局火藥局有大兵船九中兵船七小兵船  
 三十幅員十三萬方里戶口二百六十萬有奇原居士  
 著日果斯十六萬口餘俱阿丹都魯機之由教阿未利  
 加之額力教歐羅巴洲之克力士頓教等人先後流寓  
 士番奉克力士頓教面貌豐滿顏色黃黑目圓而明鼻

海國圖志 卷三十三 小西洋 東利未加國一

高而直唇粗髮黑好貿易外似消和內實貪猾一見如  
 故以詔為欺國中阿丹人多業農都魯機人多營士宦  
 額力西人與由教人多事貿易尚有歐羅巴阿未利加  
 之人各習一教雜處一方判如胡越自巴札力與文教  
 設印書館才藝日出惟衣食儉樸富者戴小帽內服棉  
 夏小衫外服呢袍女則頭罩紗帕衣以絲髮所食無非  
 蔬菜羊肉貧者周身裹布啖麪嗜酒並吸食自造之鴉  
 片國中多河道最長者奈爾河即坤輿圖之泥祿河長  
 八千八百里分七道入  
 海源自阿未利加洲內至羅阿伊揖出海未詳里數



土產稻穀麥棉花洋靛牛驢駱駝由阿未利加買回貨物金及象牙最多領大部落三小部落百四十有一

羅阿伊揖猶華言下伊揖也東界海東北界阿西阿

洲土魯機南界先特臘爾伊揖西界西阿禾利加曠野之地西北界特黎波里北界海領小部落四十有

八

先特臘爾伊揖猶華言中伊揖也東界海南界阿巴伊揖西界阿未利加曠野之地北界羅阿伊揖領小

部落三十

海國圖志 卷三十三 小西洋 東利未加國 五

阿巴伊揖猶華言上伊揖也東界海南界東阿未利加西界阿未利加曠野北界先特臘爾伊揖領小部落六十有三

國中有湖四麻里阿底市湖摩羅士湖緬沙力湖麥吉機倫湖河道除奈爾河之外尚有運載河五阿力山特厘阿河阿沙臘河彌利河阿時多安河摩伊市河

重輯 原本無 今補

職方外紀 厄入多大國在利未亞之東北自古極稱富

厚中古時曾大豐七年繼即大歉七載當時天主教中有前知聖人名龔瑟者預教國人廣儲蓄罄國中之財

悉用積穀至荒時出之不惟救本國之饑而四方來糴

財貨盡入其國故富厚無比至今五穀極饒畜產最蕃他方百果草木移至此地即茂盛倍常地千萬年無雨

亦無雲氣國中有一大河名曰泥祿河河水每年一發

自五月始以漸而長土人視水漲多少以為豐歉之候最大不過二丈一尺最小不過一丈五尺至一丈五尺

則歉收二丈一尺則大有年矣凡水漲無過四十日其

海國圖志 卷三十三 小西洋 東利未加國 六

水中有膏腴水所極處膏腴即着土中又不泥濘故地極肥饒案此與暹羅真臘同百穀草木俱暢茂當水盛時城郭多被淹沒國人於水未發前預杜門戶移家於舟以避之

去河遠處水亦不至昔有國王專求救旱澇之法得一智巧士曰亞爾幾默得者為作一水器以時注洩即今

龍尾車也國人性極機智好格物窮理之學又其地不雨并無雲霧日月星晨晝夜明朗夜固又不須入室內

舉目即見天象故其天文之學考驗益精為他國所不及其國未奉真教時好為淫祀即禽獸草木之利賴於



人者如牛司耕馬司負雞司晨以至蔬品中為蔥為薤之類皆欽若鬼神祀之或不敢食其誕妄若此至天主耶穌降生少時嘗至其地方入境諸魔像皆傾頽繼有二三聖徒到彼化誨遂出有名聖賢甚多其國女人恒一乳生三四子天下騾不孳生惟此地騾能傳種昔國王嘗鑿數石臺如浮屠狀非以石砌皆擇大石如陵阜者鑿削成之大者下趾濶三百二十四步高二百七十五級級高四尺登臺頂極力遠射箭不能越其臺趾也有城古名曰孟斐斯今日該祿是古昔大國舊都名開

海國圖志 卷三十三 小西洋 東利未加國 七

西土其城有百門門高百尺街衢行三日始遍城用本處一種脂膏砌石成之堅緻無比五百年前此國強盛善用象戰鄰國大畏小服象戰時以桑椹色九象則怒而奔敵所向披靡都城極富厚屬國極多今其國已廢城受大水衝齧傾圮尚有街市長三千餘行旅喧闐百貨具集城中常有駱駝二三萬

每月統紀傳曰伊揖國古史云麥西國在阿非里加東北地方國之東北有小地與阿細阿之西相連自古執迷不與外國人交接恐亂風俗王一人掌國政早起覽

各部文書畢即進廟聽修道會長之訓誨宴食甚淡嚴禁奢華兄弟姊妹自相娶嫁僧為國大師各官恭敬之其僧傳輪迴之佛道流布印度國遠至中國日本國也麥西國不殺生崇陰陽又有勞教或拜日或拜火甚或敬牛如神此又其國中之旁門外道喪事貴人敷以香油殮以膏藥可存千年孝子修尸室竭盡家貲古王者建塔四方高七十七丈各方一百十丈雖三千餘年其塔還存麥西人將葬屍先令官察究博訪其先世陰陽人若作惡即不許出喪不許耐先人之窆窆而辱棄之

海國圖志 卷三十三 小西洋 東利未加國 太

所葬之屍數千年不壞不腐現有尚存者國中古蹟不可勝數間有古殿城邑傾頽各處尚存城有百門寬大勝京都古時麥西國之人膺賢養才能文作書與漢人隸字不甚相遠其僧儒等當夏月則測星相距日月交食合朔望節氣交宮按時記風雲雷氣流星諸象節氣以實測驗其地無雨無霜終古晴明故可以觀察星宿考制歷象

案所述與職方外紀說合與四洲志亦合多出聖賢毓靈孕秀醫內科有定制據法醫病不據法誤人者罪死其地四方平坦是以築岑邱為所居泥祿大河每夏水至苗隨



水長不惟無滯患反藉以肥田疇倘河漲不及度則受  
荒旱之災與賦方外紀合其國當帝舜年間君為那阿之孫初  
創立國是名麥西喇音其後阿細曼塔喇接位侵夷建  
城國始興隆當夏朝間游牧侵國並征服之移都南方  
當商朝間約色弗為相國且補七荒年之缺近世益盛  
案此國救荒之法亦見職方外紀

萬國地理全圖集曰亞非利加各國皆在海濱其內地  
係沙漠游牧之地東北曰麥西或埃及多地也在紅海  
之邊中間所流之河稱曰尼羅自南之北每年一次漲

海國圖志 卷三十三 小西洋 東利未加國 九

溢以沃田土若灌糞培植但河水不至之處則沙礫而  
已是以近河人戶雜居但離此不遠即無人之地麥西  
國自古有名於商朝年間國家興盛所築之塔高大尙  
存其墳塚如殿及於今日有人不遠萬里以觀此古蹟  
然古民雖藝術超眾尙固執異端所拜之神係禽獸蟲  
蛇等物外國知其富財帛又知其懦弱無謀不得不攻  
擊取國而服土民為奴始則羅馬國攻取之久操其權  
繼則回回族犯境而據之近日土耳其王又派總師代  
為辦政造戰艦演士卒與西國不異故兵勢大盛亦占

據其主之士但各國強之使還侵地現又貢進土王也  
然其居民見迫脅于磨萬難農夫苦劇老弱轉乎溝壑  
其國出五穀棉花蠟藥材等貨所得餉銀每年九百三  
十三萬兩其軍十二萬丁其居民二百五十萬丁其大  
戰艦十四隻其王雖聰明但因養兵之多錢糧不敷國  
用其大埠頭稱曰亞勒散特亞古時著名今亦通商之  
港口也其都城曰加以羅居民三十萬古時殿屋頽墻  
壞壁其塚陵內之屍雖歷三千年因傳以香油尙得存  
留麥南曰怒北天氣最熱惟尼羅河濱猶可耕田此外

一片沙漠浩渺如海野蠻無賴劫奪行旅販賣人口其  
王力不能禁麥北曰怒南係哈北國在山嶺中地瘠少  
物產居民好鬪崇異端因五穀不多故食牛肉啖腥茹  
血嘗有生蠻侵其國人猛如虎以穴為屋以蝗為食累  
攻居民非烈戰不能掩殺也

海國圖志 卷三十三 小西洋 東利未加國 十

阿邁司尼國即職方外紀之亞昆心城國也元史作俱藍國今未與廣東通市  
阿邁司尼國東距海西距曠野南界阿區北界盧比阿  
曠野境內重山峭壁而谷中平壤多堪播植厥土惟中  
地居伊指邊界自古凡攻勝伊指之人皆未深入其



地聞其國之王與郡郡妻也皆出梭羅汶之後裔嗣有伊

揖之比多里彌王好游覽欲徧知沿海港口遂至其國

之阿松語部落即阿都里之市埠也見象牙充積收購

回國且擇其名勝畱題墨蹟自後商舶踵至市易雲集

其國史書在耶穌未紀年以前俗奉由斯教由教即回

者佛經謂之婆羅門在麻哈麥以前猶中國孔子未生先有儒教也至千四百年明建文

有伊揖之佛魯曼底士仕於其國尊寵用事遂遍勸國

中改奉克力斯頓教其馬哈墨回教之主從未至此原

中稱回教曰馬駱沒教或曰馬賀墨頓教又曰麻哈密教皆音之轉是以境內所崇之教

海國圖志 卷三十三 小西洋 東利未加國 三

毫無歧雜伊揖與阿丹兩國之人值世亂時多于此避

隱其地為西洋與印度商旅之要津於千有六百年明

歷二十有西洋戈未合等由伊揖至此勸導國人改奉

加特力教千有六百二十年明泰昌元續有博學之教師

巴依士亦至大行其道遂煽惑蘇士尼阿士王往遊羅

汶國都並勸將加特力教頒行部落迨後西洋之人不

復至日八年湮幾忘其有此國後有墨魯士遊是邦歸

紀載稱述雖有點綴鋪張而與逝日沙爾所論大略相

同其國都建於萬那歷代一姓傳嬗政事皆專制於王

近因西南阿國之士蠻牙爾臘憑陵各部乃各界兵

權俾自專征討由是大權旁落臣下斬殺自由且衅起

蕭牆內亂不已非骨肉爭位即權貴弑奪所幸徧國中

人只服王家不知他姓故雖強臣擅國命不敢篡王位

必奉一王家舊裔守府尸位近則疆域大半為牙爾臘

侵據部首皆牙爾臘種也風俗與伊揖阿丹略同向聞

此邦舉動狂獷無異野人近始知傳言過實惟于宴筵

好啖生肉并聞牧人餒餓即割牲肉以充饑立塗創口

驅行如故國人犯死罪者官自斬割不假手於人即極

海國圖志 卷三十三 小西洋 東利未加國 三

酷慘亦無難色皆由屢遭內亂頻年戰鬪故嗜殺成性

矣士著皆由斯種類粗野多鬚性就麤蕪大袖束帶庶

人戴白圓帽貴者帽前尖角以別等差室皆苦覆松柱

曲梁不加斲削廟宇亦然惟多建山巔為國中之一景

性喜繪事宮殿廟宇署廡舍莫不懸圖畫金碧燦然

婚姻男女相說則請命女父一諾即可交臂而返俟過

數月始同入廟禮拜其富貴者頗知昏禮婦人用事能

約束其夫然結褵不難分袂亦易故伉儷鮮克有終所

奉克力士頓教以伊揖國都之大僧師為宗主音語間



隔故所學終不深徹且其教中又雜以由斯之規矩戒  
 宿戒食童割勢皮據此知由斯旋又參以羅汝國加特  
 力教中之規矩紀載前賢生期甚多入廟禮拜慶祝幾  
 無虛日廟宇各懸前賢遺像惟不雕塑泥木案此處可  
與波羅士特國中亦有道觀規矩嚴肅如歐羅巴凡道  
 士一入觀後即不得預世務文字音語略近阿丹文字  
 以唵哈部落為宗惟各部音語不同侏儻龐雜最難習  
 學其書籍僅有前賢行實一書乃伊揖編年之史而阿  
 邁司尼又用本國音語按由斯史法譯國中其教人誦  
 海國圖志 卷三十三 小西洋 東利未加國一 語

讀者皆僧師也文學不過如是其牙爾臘蠻夷身短面  
 紫若人居平地反變為黑其蠻又分數種最强者曰波  
 蘭牙爾臘次則阿卓牙爾臘惟本國土著差滄良生蠻  
 則污穢罕倫用不洗之牛腸束髮繫腰周身塗膏為飾  
 如遇爭鬪不問男女老幼虜殺必盡而後已能鳧水耐  
 苦勞其器械無鐵純用銳木火煨而油煉之其鋒甚利  
 每突陣呼聲殷地設非勁敵不無震撼若能敵其始銳  
 乘其衰竭亦即敗北無教門廟宇或拜穹樹或拜星月  
 近得阿邁司尼之地亦漸改暴蠻化入回教此亦由由  
斯教為回

其人多壽命勝於本國土著之人尚有一種曰山牙  
 臘黝面鬚髮居北依爾阿彌河濱山澗炎瘴榛莽茂  
 土蠻雜處其中晴庇樹陰雨藏石洞暴獸肉為乾脯其  
 地為本國各頭目之獵場秋冬蒐狩意不在得獸而在  
 擒山牙臘為奴僕然山牙臘雖無戰馬火器恆死麋拒  
 敵國南之沙滿山最高重疊起伏綿亘岷險甲於他國  
 每有山巔凹坦石磔四周天然若築者其崖斗絕非繩  
 梯莫上當國中被兵之日王家宗族多于此避亂山南  
 部落未悉惟臘馬爾蘊山為歐羅巴商船由紅海進口  
 海國圖志 卷三十三 小西洋 東利未加國一 語

之路故得知其詳河以奈爾河為最大源出沙滿山其  
 上游曰蘭比阿湖四圍皆大山湖受四山之壑由東宣  
 洩出謂之北依爾阿厘河逶迤北流直至盧比阿曠野  
 始為奈爾河又西南諸山溪澗涯焉北至伊揖國都分  
 七道而注之海土產大麥蜜糖馬棉花足金水晶棉布  
 鎗刀象牙各種香料領小部落百三十有一以萬邦為  
 首部亦曰根達原無  
今補

重輯  
 職方外紀曰利未亞東北近紅海處其國甚多人皆黑



色迤北稍有白色向南漸黑甚者色如漆矣惟齒目極白其人有兩種一在利未亞之東者名亞毗心域即阿國所請顏色稍白者地方極大據本州三分之一從西紅海至月山皆其封域產五穀五金金不善鍊恒以生金塊易物糖蠟極多造燭純以蠟不知用油國中道不拾遺夜不閉戶從來不知有寇盜其人極智慧又能崇奉天主修道者手持十字或懸掛胸前極知敬愛西士篤獸聖人為其傳道自彼始也王行遊國中常有六千皮帳隨之僕從車徒恒滿五六十里

海國圖志 卷三十三 小西洋 東利未加國一 謹

地里備考曰盧比亞國即亞比心域國之東境也在亞非里加州之東北界其國地北極出地九度起至二十四度止經線自東二十六度起至三十七度止東枕紅海西連尼吉里西國南接亞比西尼暨哥爾多分二國北界厄日度國長三千里寬二千里地面積方三十萬里煙戶二兆餘口東南峻嶺重疊川谷間隔西北沙漠遼絕隴畝寥寥其尼羅河各支派由南而北貫于其地河濱膏腴土產麻麥米煙酒甘蔗藤花沈檀香烏木象牙金沙等物鳥獸充斥駝馬最良地氣酷熱人物難堪

不設君位民人自主道光二年始歸厄日度國兼攝奉回教技藝疎庸貿易豐盛多與厄日度國人交易國分四部一盧比亞一哥辣一塞那爾一北日斯其通商衝繁之地七

亞比西尼國乃亞毗心域國都也一作阿邁司尼皆音轉相近在亞非里加州東北北極出地七度起至十六度三十分止經線自東三十三度四十分起至四十一度止東枕紅海暨亞丁海灣西北連盧比亞國南接亞德爾地暨札加山北界奴比亞國長二千三百七十里

海國圖志 卷三十三 小西洋 東利未加國一 美

寬二千餘里地面積方四十五萬里煙戶三兆餘口地勢嶄巖岡陵重疊河之長者曰藍河其亞勒加馬勒波丹德爾合瓦土等河則次之田土肥饒土產麥粟麻蜜大麥藤花木料等物禽獸蕃衍獅豹山狗尤為充斥地氣溫和惟紅海一帶頗為熾烈霹靂不時風雨交作自五月至十月滂沱傾注有礙行人國政諸酋分攝所奉之教乃天主教秦二教相參技藝疏慵製造寥寥除日用所需器皿布疋外餘無所見貿易淡薄土人怠惰通國分爲七小國曰的給勒曰公達爾曰昂哥卑爾曰昂



合拉日昂哥日那勒亞日薩馬拉

又曰葛爾多番國在亞非里加州之東北北極出地九度起至十五度止經線自東二十三度起至三十度止東北界盧比亞國西連達爾大國南接岳山長約一千五百里寬約一千二百里地面積方約二十二萬里烟戶一兆餘口沙漠環繞南方山陵峻嵯河之大者名曰巴勒拉比東南貫徹田土肥磽土產鐵器絲花等物禽獸蕃衍地氣炎熱土人色黑多以耕種爲業國中火山吐燄不息不設君位歸於厄日度國兼攝奉者回教技

海國圖志

卷三十三

小西洋 東利未加國

七

藝寥寥貿易興隆往赴盧比亞達爾夫二國皆必結隊而行以防虜掠首郡名科卑德乃昔日國都也地之衝繁惟巴拉城餘皆荒僻屋宇傾頽氓庶流散

又曰達爾大國在亞非里加州之東北北極出地十一度起至十六度止經線自東二十三度三十分起至二十七度三十分止東自葛爾多番國西南接蘇丹國北連沙漠南北相距千二百五十里東西相去八百里地面積方九萬五千烟戶二億餘口地多沙漠湖河甚小天氣燭熱田土乾旱惟南方膏腴最饒五穀尤多樹

林土產黃蘇胡椒烟葉象牙玉硝礪砂材木香料等物

王位相傳人奉回教技藝靡疎民惟業農每歲國君率臣宰親耕爲勸農之舉商旅接踵惟邊境多賊盜須結隊而行人數每至千餘其駝負之數或二千或二萬不等以防劫掠首郡名曰哥卑乃國都也國王常御於發拾爾距都不遠餘皆荒僻

又曰亞德爾國在亞非里加州之東亞比西尼國東南其國土自巴卑爾海峽起至瓜爾達海角外人罕至是以迄今長廣不知戶口未悉至此地勢西南重岡疊起

海國圖志

卷三十三

小西洋 東利未加國

八

東北平原廣闊尿河貫徹隴畝肥饒少雨恒旱土產金砂黍稷乳香胡椒象牙等物通國分各部落常與亞比西尼亞國交兵貿易蕭條人奉回教

又曰亞然國在亞非里加州之東北北極出地二度起至十一度止經線自東四十八度起未定所至東枕印度海南接桑給巴爾國北連亞德爾國長約一千九百里地面積方約五萬六千里烟戶約六萬餘口北方峰巒疊起東方荒野沙漠居平人迹罕到土產香料教門不一以牧獵爲業沿海乃天方商旅面目羞白內地土人



皮肉皆黑通國分十數部各霸一方不相統屬其大者名曰巴拉瓦建於海濱其地棲泊穩便舳舻雲集

又曰桑給巴爾國在亞非里加州之東北極出地二度起至南十度止經線自東三十四度起至十五度止東枕印度海西連尼內阿乃地南接莫山比吉國北界亞然國長約四千里寬約七百里地面積方二十八萬里烟戶約二兆餘口海濱澤濕叢林稠密野豕成羣內地則重岡疊嶺西南尤為斬巖江河貫徹其間曰里維耶爾曰塞勒曰幾里馬內乃河之大者也由西北而下注

海國圖志

卷三十三

小西洋

東利未加國

三

於印度海田土膾炙不能盡一土產金銀銅鐵穀菓蠟蠟花象牙鳥羽木料藥材等物地氣熾烈各酋分據皆奉回教貿易興隆稼穡豐茂通國分爲數十部其至大者曰幾羅河曰蒙巴薩曰美林德曰美加多朔各霸一方不相統屬

每月統紀傳曰迤志比多國海邊泥祿河口英國與佛蘭西船水戰之地也嘉慶年間佛蘭西英國連年對壘勝負不分彼時佛蘭西都統將軍那波里雲者熟練行陣決計攻取麥西國欲自此攻取英人所據印度屬國

英國令兵帥尼理遜率師船十四艘追之其師船或載百一二十大砲或五七十大砲水手兼兵丁視船之大小自一千至幾百人英兵帥湖地中海不見敵直到麥西海口佛蘭西師船泊港英國兵船繞之兩面大砲齊轟一船對一船輪番鏖戰佛蘭有一大船炮中英國兵帥尼里遜之腦尼里遜自料必死急諭將佐處分後事節度得良醫敷藥血止傷平闔船氣益奮半夜勝敗未分忽佛蘭西首船火藥船自焚闔船灰燼復合戰至天明佛蘭西大敗軍士傷死五千二百餘人逃竄者四船

海國圖志

卷三十三

小西洋

東利未加國

三

而已英國戰士死傷約九百人於是尼里遜凱旋本國自後佛蘭西不敢輕視英國水師矣  
外國史略曰東亞非利加地麥西國之南曰盧比國偏東自四十四度及五十六度北極出地自十三度至二十四度三十分廣袤方圓萬五千里南及亞必治地北連麥西國東及紅海西接曠野亦有黑面人在此立國曰先納居民盡蠻產金及象馬香貓駝鹿獅虎駝鳥河馬藥材烏木檀香烟米糖栗等民不與外國往來有旅客即擄掠故不知內地情形民多回教性猛不馴間有



崇耶穌教者

亞必治國亦曰阿比西尼即古所謂亞毗心城國也在  
盧比國東南接紅海多山嶺廣袤方圓萬五千三百里  
居民約五百萬形體端正崇天主教以石鹽在亞非利  
加內地通商易金沙奴婢象牙地分三國一曰哈必一  
曰額利一曰刷地又有安居陋邑識里谷邑亞多瓦邑  
南向之牙拉地居民尚蠻好戰耕牧相間或崇回回教  
或耶穌教山深林密與外國不交通專以擄販人口為  
利

海國圖志

卷三十三

小西洋 東利未加國一

三

元史海外諸番國惟馬八爾與俱藍足以綱領諸國而  
俱藍又為馬八爾後障自泉州至其國約十萬里其國  
自阿布河大王城水路得便風約十五日可到比餘國  
最大世祖至元間行中書省左丞唆都等奉聖書十通  
招諭諸番未幾占城馬八爾國俱奉表稱藩餘俱藍諸  
國未下行省議遣使十五人往諭之帝曰非唆都等所  
可專也若無朕命不得擅遣使十六年十二月遣廣東  
招討司達魯花赤楊庭璧招俱藍十七年二月至其國  
國主書回回字降表附庭璧以進言來歲遣使入貢十

月授哈撒兒海牙俱藍國宣慰使偕庭璧再往招諭十

八年正月自泉州入海行三月抵僧伽耶山舟人鄭震  
等以阻風乏糧勸往馬八爾國或可假陸路以達俱藍  
國從之四月至馬八爾國新村馬頭登岸其國宰相馬  
因的謂官人此來甚善本國船到泉州時官司亦嘗慰  
勞無以為報今以何事至此庭璧等告其故因及假道  
之事馬因的乃托以不通為辭與其宰相不阿里相見  
又言假道不阿里亦以它事辭五月二人蚤至館屏人  
令通使輸情言我一心願為皇帝奴我使札馬里丁入

海國圖志

卷三十三

小西洋 東利未加國一

三

朝為我大必閣赤赴算彈華言國主也告變算彈籍我金銀  
田產妻孥又欲殺我我詭辭得免今算彈兄弟五人皆  
聚加一之地議與俱藍交兵及聞天使來對眾稱本國  
貧陋此是妄言凡回回國金珠寶貝盡出本國其餘回  
回盡來商賈此間諸國皆有降心若馬八爾既下我使  
人持書招之可使盡降時哈撒爾海牙與庭璧以阻風  
不至俱藍遂還哈撒兒海牙入朝計事期以十一月俟  
北風再舉至期朝廷遣使令庭璧獨往十九年二月抵  
俱藍國國王及其相馬合麻等迎拜聖書三月遣其臣



入貢時也里可温兀咱兒撒里馬及木速蠻士馬合麻等亦在其國聞詔使至皆相率來告願納歲幣遣使入覲會蘇木達國亦遣人因俱藍主乞降庭壁皆從其請四月遷至那望國庭壁復說下其主至蘇木都刺國諭以大意即日納款稱藩遣其臣入朝二十年馬八爾國遣僧攝及班入朝五月將至上京帝即遣使送諸塗二十三年海外諸蕃國以楊庭壁奉詔招諭至是皆來降諸國凡十日馬八爾曰須門那日僧急里南無力日馬蘭舟曰那旺日丁呵爾曰來來曰急蘭亦勝日蘇木都

海國圖志 卷三十三 小西 東利未加圖 一 番 刺皆遺貢方物

源案唐書始言錫林之西南度磧二千里有黑人國蓋即今利未亞烏鬼各國然僅得諸傳聞非通使貢也惟元史馬八爾俱藍國近之考元太宗命皇弟旭烈兀平西域盡取諸回國凡天方默德拂林古安息條支之地盡入版圖安有元世祖時又創招西域之域更在天方之外無疑其曰自阿西利未亞洲之域更在天方之外無疑其曰自阿布河大王城水路得便風約十五日可到者阿母河一作暗布河在蔥嶺西為來帖木兒大王封地從其地順流而下至印度海口即可沂西紅海至馬八爾國以四洲地志考之馬八爾蓋即伊揖國俱藍即阿道司尼國故言俱藍為馬八爾後障必假道馬八爾始至俱藍與利未亞之伊揖及阿道司尼二國形勢相符利未亞州惟此二大國富而文非餘烏鬼國比也西圖又謂之厄入多國及亞昆心城國地鄰天方亦奉回教前史漢唐通

西域極于條支錫林皆句細亞洲之盡境木及利未亞洲通利未亞洲者自元代始故以備小西洋之沿革其同時來貢之十國則皆南洋島夷非小西洋也日須門那日僧急里即俗御刺日急蘭亦都刺即蘇門答那日僧急里即俗御刺日急蘭亦股即吉蘭丹餘可類推至瓜哇大島則元史別有專傳故不列于十國

海國圖志 卷三十三 小西 東利未加圖 一 番



海國圖志卷三十四目錄

利未加洲東州南州北州各國

東州各國 屬蒲桃亞六國

北州各國 屬佛郎西四國

南州各國 屬英吉利一地 屬蒲桃亞二國 屬土酋自主者各園

海國圖志 卷三十四 目錄

一

海國圖志卷三十四

歐羅巴人原誤

侯官林則徐譯

小西洋 東北南三利未 亞共爲此卷

邵陽魏源重輯

東阿利未加洲

東阿利未加洲濱臨因里阿海東自海岸以至西域寬約五六百里不等南自含摩那司北至阿匿海岸環繞計長三千里北廣南狹內有路巴達大山其橫縱起伏長竟海岸河二路菲尼河由摩新彌葵出海區彌西河

海國圖志 卷三十四 小西洋 東利未加洲 一

下流分四口出海商船以歸爾厘麻尼河口爲最土番血黑頗工技藝千五百年明宏治十三年聞葡萄亞人由兀賀峽至此地墾闢南隅海岸拒絕外人故其中部落若干會長若干甲所轄何地乙所轄何地幅員戶口政事教門均未能悉南有含摩那司英漢門疏華臘麻尼加摩加蘭牙摩新彌葵六部俱葡萄亞所轄北有山危麻摩區二部阿丹所轄含摩那司東界海西界曠野南界加富臘厘阿北界英漢門東阿未里加洲之南界即由此起



英漢門東界海北界蘇華臘西南俱界含摩那司地卑  
溼水土惡土番三千猶好鬪有葡萄亞礮臺守兵百五  
十產顏料象牙黃蠟歲值不下十萬棒又船載人口售  
于摩新彌葵輒十餘舟每舟四五百口

蘇華臘東界海西界麻尼加南界英漢門北界摩嘉蘭  
野濱臨海岸灘沙曰漲非小艇不能登岸土番是加付  
臘黎阿種類常懷利刃不夢約束葡萄亞初至本一大  
市鎮也造築礮臺以禦土番土產金及象牙皆由染彌  
西河運至交易今則改運莫新彌變所屬之歸爾厘馬

海國圖志 卷三十四 小西洋 東利未加國二

尼河口昔日市埠倏變窮鄉海船間至亦止棉花粗貨  
麻尼加東界蘇華臘西界曠野南界含摩那司北界摩  
加蘭野葡萄亞人於千五百六十九年明隆慶三年率師奪  
據築礮臺開埠市採金礦金雜山石中取之竭力而產  
不旺惟銅鐵象牙與販賣人口交易甚大

摩加蘭野東界海西界曠野南界蘇華臘北界摩新彌  
葵土番面光黑厚唇鬚髮兵惟弓矢無火器聞其地前  
即摩諾摩達巴國新摩其首部落也後因割裂各踞一  
方其酋占牙麥臘者即麻臘威湖之盜據新摩部落自

稱曰歸底威

莫新彌變東界海西界曠野南界摩加蘭野北界山維  
騰葡萄亞所轄地此為最大近海岸六島並屬葡萄亞  
摩新彌葵部落在歸爾厘麻尼河口之上道路雖坦水  
土頗惡然葛葛荷之華麗甲於阿未里加洲所設稅口  
公所墉垣宏敞近有坍塌貴人儻從服飾都麗佩帶多  
飾以金居此者葡萄亞人五百阿丹人八百土番約六  
千黑番千有五百礮臺不甚堅可禦海賊難拒大敵歸  
爾厘麻尼為國中中市鎮赤金象牙販賣人口均由匭

海國圖志 卷三十四 小西洋 東利未加國二

彌河運至市埠鱗次近因英吉利奪得達溫峽與毛厘  
底敖司二處阻販人口過境故市減大半然每年運回  
葡萄亞者尚不下四千口厥凌島在其對岸舊無人居  
葡萄亞人開闢其地遷莫新彌變之人居之與馬那亞  
司加大島相近常被其劫奪歸阿臘島亦葡萄亞市埠  
孟麻沙島膏腴產糖與五穀般麻島匭西脈島孟菲阿  
島陸產固豐其海中尤多珊瑚以上皆葡萄亞所轄其  
貿易以匭西墨島為最有礮臺設兵二百三十幾利斯  
底匭人五百番奴二萬一千八百有奇土番約萬人產



蜜糖黃蠟顏料以上六國皆屬荷荷亞

山維麻東抵海西抵曠野北界阿區南界莫新彌斐葡荷亞始至其地向是蘇恢里西人所據今則分而為三南隅腹地為牙爾臘人所奪牙爾臘者阿邁司尼阿國中土蠻也南隅沿海諸岸則為阿丹所奪北隅有麻雅諾沙大部落據之拒絕歐羅巴不通往來千七百七十七年有英吉利之船戶駕三板船登岸探訪被羈不返由洋面遙望麻雅諾沙部落半屬茅舍半屬高大石墳工作華麗故歐羅巴人謂之埋人城墨臘瓦者麻雅

海國圖志

卷三十四

小西洋 東利未加國一

四

諾沙之部落貿易鱗莖亦一大市鎮也

阿區東西抵海南界山維麻西北界阿邁司尼西南抵曠野為東阿未里加盡處北岸對海即阿丹地阿區土番種類甚雜地盡沙石土燥不宜播種北多山阜所運出土產除香料外莫識何物麻馬臘亦一小部落每年一會所產香膠沒藥乳香赤金象牙諸貨畢至商賈雲集阿丹所貿易之香膠香料大半由此購去并聞內地運出者距麻馬臘二十日程殆產自牙爾臘地也阿區爾在阿區西北與牙爾臘毘連首部曰西臘本阿區舊

地俗奉馬哈墨教常與阿邁司尼阿爭鬪日久兩黨各自分理西臘貿易蕃庶竟為阿邁司尼所奪由此再進則皆山野內有任尼羅國遇新酋立時即屠其舊酋騰妾大官取血以飾宮室以上二國皆屬阿丹

萬國地里全圖集曰東亞非利加惟葡萄牙國開新地其西北之方被回回所據其海邊最低到處稠林所有人類烈性野心近於禽獸其山內有藥材以及金沙其葡國之權現衰兵微將寡以買人口為要又將其奴送

海國圖志

卷三十四

小西洋 東利未加國一

五

到廣東界門內地族類狡戾猖獗草木暢茂禽獸繁殖五穀不登其葡之要地曰所弗刺摩散北兩邑其回回之城稱曰墨林他雖其海邊長九千里但無文學之士巡歷紀載故其情形難詳。東大島稱曰馬大狎甲出南極自十二度至二十六度長八百四十里闊二百一十里其中一帶高山巔巖險崑溪瀑飛流其山谷中多蘇木高竹橙核等樹平地水澤風景甚好居民二百萬丁頗向化道光年間島君延英國教師勸民嚮學文藝大進多信服耶蘇之教王忽被王后毒死驅逐善長而招其匪類其佛蘭西國官務開新地亦無效而退。其



東方有英國之島，稱曰冒勒突，周圍四百五十里，出白糖等貨，每年運進者價值二百七十萬銀兩，凡所運出者百萬兩。佛國據捕耳木，居民九萬七千二百丁，出白糖、咖啡、丁香等物，每年價銀百八十六萬，但無停泊之港，每遇狂風，船難避境，其三島外還有羣島，多椰子。

海國圖志

卷三十四

小西洋 東到東亞西

六

北阿利未加洲四國 即聯方外紀之馬羅可國，弗沙國也。古分二國，今分四國。

為佛蘭西藩屬

阿利未加洲之北四國曰摩羅果、曰阿爾尼、曰都尼、曰特厘波里。四國同區統而名之曰麻馬里。南依大山北濱地中海，地狹而袤，長東界伊揖，西界阿蘭底海，計長二千里，南抵阿臘特斯山，北抵地中海，計寬自五六十里，以至百餘里。阿臘特斯山自東自西，長與麻馬里等，最高之峯千有三百丈，其餘小峯四五百丈，均在麻馬里之境。山林深密，終年積雪，四國土番皆麻密種。

海國圖志

卷三十四

小西洋 北利未加洲二

七

類容貌風俗四國皆同。當國勢盛時，文教與額力西相等，武功與意大利爭雄，兼取得大呂宋之西樓島，商埠雲集，既強且富，名著海邦。何期盛衰靡常，四國均為意大里亞所滅，既又為回教之阿丹侵奪，設立加里甫統轄之，駐兵加爾灣，悉令改從回教之馬哈墨，教燬其書籍，愚其耳目，並隔絕他國，不許往來，垂二百餘年，聲教掃地，竟成野蠻頑蠢，幾不可問。後值阿丹衰弱，各國始自為主，既而阿彌尼、阿都尼、司特黎波里三國旋為都魯機所滅，分設總理之官，在阿爾尼、阿者曰尼在都尼。



司者曰彌在黎波里者曰巴札遂均爲都魯機屬國屯兵鎮守是時土人分三種曰摩羅即都魯機之人曰阿丹即回教之人曰土番即山谷土著舊人摩羅踞城邑嗜鴉片採取本地所產蘇依法配製亦曰鴉片阿丹之人則游牧遷徙以毡帳爲廬舍其本地土番多在阿特臘斯山巖居穴處銃獵爲生然都魯機之兵皆無賴橫行動輒戕官盜劫四出居民咸罹荼毒惟摩羅果一部未被侵奪謹守疆域其王亦勤政自強都尼司特黎波里二國近亦復國自王惟阿爾尼阿染都魯機之俗專掠歐羅巴各國商

海國圖志 卷三十四 小西洋 北利未加國 八

船惟被彌利堅英吉利二國之船所敗既又劫佛蘭西商船佛蘭西遂起兵擣其巢穴設兵分守然其人皆賊很難與耦居故佛蘭西之兵近亦退居海口摩羅果國爲麻馬里極西之地在阿特臘斯大山之後幅員二十九萬方里人戶千二百萬口土沃產豐惟達非里部落較瘠其國舊通聲教後王無道遂爲阿丹所奪王既降爲部酋愈恣昏亂所屬兵亦如禽獸垂二百餘年遂成野人近日復國仍以摩羅果爲國都新王力革汚俗政事文學日漸起色惟所行律法仍用回教且

未設議事之官臨事倉猝裁決並無舊章骨肉時思篡奪故叛謀迭見護衛兵五千與操防之兵俱無紀律田賦什而征一牧畜二十而征一歲得稅餉銀五百萬員領大部二小部落五十

摩羅果東界阿爾尼阿南界沙漠西界海北界地中海領小部落二十有六產杏仁羊皮象牙蜜糖黃蠟樹膠

緋司部東界阿爾尼阿西界摩羅果南界阿特臘斯山領小部落二十有四產大呢地氈綉紗手巾

海國圖志 卷三十四 小西洋 北利未加國 九

阿爾尼阿國古時謂之盧彌尼阿縱七百里橫自五十里至百五十里戶二百萬口舊與摩羅果同俗可證古馬羅迨阿丹奪國悉改回教二百餘年全失本性蠻頑無知土尙肥美宜播種山林柏橡叢茂而習俗游惰半多荒棄以劫奪爲生涯又爲都魯機所據設呢官以重其事有鎮守兵萬五千隊伍皆無賴不知王法竟有殺死呢官自擇同伍驍勇代之者土番之海寇亦自立一王專劫海船所獲資財半歸頭目半自裒分至千八百十五年嘉慶二始爲彌利堅英吉利船擊敗旋有佛蘭



西船被其虜劫人貨俱盡佛蘭西於千八百三十年道光年起兵擄集殲厥渠魁盡有全國設兵三萬防守其地然腹地皆阿丹種類常懷仇恨故佛蘭西之官兵近日退居港口不屯內地

阿爾尼阿東界都尼司南界沙漠西界摩羅果北界海在都尼司之東北幅員二十四萬五千方里戶口二百萬名領小部落五十有八產羊皮香料蜜蠟羊毛紗呢果實珊瑚

毛紗呢果實珊瑚

都尼司國職方外紀在阿爾尼阿之南東界特黎波里

海國圖志卷三十四小西洋北利未加國

南界沙漠西界阿爾尼北界地中海地勢平坦宜播種且北隅沿海小島百餘較之阿爾尼阿疆域差小舊都於加尼達近歐羅巴洲之南岸互市甚盛不亞於意大利後為阿丹奪國駐兵加爾灣都尼司二部勒改回教盡失舊俗榛狂無知迨至千六百年明萬曆二十八年又為都魯機所據設彌官以理政事兵卒橫行官受挾制民罹荼毒近日酋長遂背都魯機而自立改都于都尼司悉除虐政與國人更始以土番頑愆廣採才智凡歐羅巴人稍有才識者雖微賤皆加任用立規條判曲直約束

番眾法度漸可觀幅員七萬五千方里戶二百萬口領小部落二十有一產絨綢噀噀香繖

特黎波里國在摩羅果之南東界伊揖南界沙漠西界都尼司亦古弗北界地中海域內多山惟北隅沃壤然所產不贍於食仰資鄰國其人先受愚於阿丹之回教嗣受虐於都魯機駐防之兵後有巴札日哈彌者設謀備宴邀其兵目三百會飲伏壯士禽縛誅之并盡屠其兵黨即自立為王仍都於特黎波里都魯機衰弱不能征討從茲不屬都魯機哈彌約束部卒除虐蘇困招徠

海國圖志卷三十四小西洋北利未加國

歐羅巴技藝之人教導土番近日之王寬厚儉節通好各國外攬賓客內化愚頑較摩羅果等國政事尤整飭領大部落一小部落三十有三幅員二十一萬五千方里戶百萬口有奇

特黎波里東界伊揖南界菲山西界都尼司北界海領小部落二十四產呢紗地氈橄欖金沙象牙

菲山北界特黎波里東南西界沙漠在特黎波里之南領小部落九

重輯原無今補



職方外紀百阨入多近地中海一帶為馬羅可國即摩

國與弗沙國即都尼馬羅可地分七道出獸皮羊皮極

珍美蜜最多國人以蜜為糧其俗最以冠為重非貴人

老人不得加冠于首僅以尺布蔽頂而已弗沙地分七

道都城之大為利未亞之最宮室殿宇極其華整高大

有一殿周圍三里開三十門夜則燃燈九百盞國人亦

略識理義阨入多之西為亞非利加地最肥饒易生一

麥嘗秀三百四十一穗西土稱為天下之倉馬邏可之

南有國名奴米弟亞即南阿未人性悍惡不可教誨有

海國圖志卷三十四 小西洋 北利未加國 五

果樹如棗可食其地有小利未亞之水泉又千里無江

海行旅過者須備兼旬之水

萬國地里全圖集曰亞非地中海邊各地古時歸羅馬

國為藩屬嗣後蠻夷侵之而東方回回又侵其地然其

居民勁悍專在地中海劫商船三百年來驚害各國故

佛蘭西起水師渡海以討其罪而取其邦其地名亞利

額居民三百萬人佛軍奮威交戰大敗回回人自後設

兵駐防賦額悉準經制其回回族暫退沙野心懷仇怨

不時飛馬而出挺戟攻擊故佛國終年嚴兵防堵保障

封疆國費最耗然佛國誓服蠻夷終不肯棄其地也○

吐匿回回在海邊長三百里有十萬丁卻已向化織布

經理安分每年運麥穀橄欖油出市○特利破里在沙

野中間四圍沙漠狂風四起道路崎嶇此內居民皆以

駝駝遊牧剽掠為生馬落可國西北山地較廣居民六

百萬地出蠟藥材南果昔時其國兵船四海劫掠獲人

即行囚禁使服回教今已挫其銳氣不敢出海也至居

民之規矩風俗守其回教執迷不悟非崇其教者不論

何國視之若仇憚勤勞好遊蕩其衣以寬布纏身首戴

海國圖志卷三十四 小西洋 北利未加國 五

紅帽以巾裹頭腰插刀劍為鎗嚴氣端容安坐不動雖

不飲酒食鴉片者亦食麻葉如煙可醉嚴防閭闔不許

出門出則蒙帕惟露其眼其女以肥為美盡避靜幽度

日無事所讀之書稱為天經禁食豕肉飲酒通商不廣

銀錢罕得男好騎射藝皆精熟

地里備考曰北州地屬佛蘭西兼攝者四國一馬羅各

國在亞非里加州之西北北極出地二十七度起至三

十五度止經線自西二度起至十四度止東至亞爾日

耳國西枕亞德蘭的海南連薩阿拉沙漠北界地中海



南北相距二千五百里地面積方四十六萬七千七百七十里煙戶六兆餘口地勢由西南而東北亞德拉斯山橫亘其中砂磧居多田少而腴饒穀果蕃駝馬土產銅鐵錫蠟窩宅絲花熟皮木料等物河之長者曰木祿亞餘河次之四季溫和夏季酷熱海風解之沙漠蒸氣峻嶺蔽之汗位相傳人奉回教國分六部一馬羅各一非斯一蘇斯一達拉合一達非勒一西日美塞國都昔在馬羅各今則遷於非斯部其貿易尤盛者乃馬羅各部之磨加多爾城也土人與天方國人貿易皆結隊而行

海國圖志 卷三十四 小西洋 北利未加國二

亞爾日耳國在亞非里加州之北其國土在北極出地三十二度起至三十七度止經線自東七度五十分起至西四度三十分止東至都尼斯國西連馬羅各國南接薩阿拉沙漠北界地中海長二千一百五十里寬一千八百里地面積方二十四萬九千三百里煙戶二兆五億餘口岡陵絡繹東南尤甚峯巒參天冰雪凝積沿海陡坡險峻不易登臨河之長者曰支里弗曰瓦低曰的田土極腴人情耕種沙漠遼闊土產金銀鐵錫礬礬

珊瑚等物地氣溫和人安物阜惟多地震之患國無君長昔歸土耳其亞國兼攝今屬佛蘭西國統轄奉回教少技藝鮮貿易國分六部曰亞日爾曰岡士丹的納曰馬斯加拉曰的德利曰薩布曰卑北耳其都城在亞日耳建於山坡之上樓臺峻疊風景相稱其通商衝繁之地一西的非盧至一薩爾日一德內斯一摩斯達科寧一布日亞一波科那一岡士丹的納

都尼斯國在亞非里加州之北北極出地三十二度起至三十六度三十分止經線自東五度起至九度止東

海國圖志 卷三十四 小西洋 北利未加國二 五

至的黎布利國西連亞日耳國南接沙漠北界地中海長千五百里寬八百里地面積方五萬五千五百六十里烟戶二兆八億口少岡陵多沙漠河濱膏腴餘地焦燥沿海島瀆河之長者曰美日爾達湖之大者名曰盧德亞土產銀銅錫蠟水銀瀆砂等物獅象猴獐山狗野貓結隊成羣地氣溼熱人物富庶王由眾舉而請命於土耳其國奉回教少技藝然在此州尚為禮義之邦商賈輻輳內地尤盛亦結隊而行國分二部一曰里幾亞一達拉幾斯都城建於湖濱高阜街狹屋卑惟宮殿廟



堂頗峻麗其通商多在海濱

一的黎布里國在亞非里加州之北北極出地二十四度起至三十四度止經線自東六度三十分起至二十六度三十五分止東至厄日度國西連都尼斯國南接薩阿拉沙漠北界地中海長四千里寬二千五百里地面積方二十五萬里烟戶二兆五億餘口少山陵多沙漠其內河貫徹於中地甚膏腴產穀果皮羽蠟蘇花硫磺滑石丹參金沙山禽野獸蕃衍成羣尤多猛獸毒蟲晝暑夜寒王位相傳仍請命於土耳其國奉回教少

海國圖志

卷三十四

小西洋 北利未加國二

夫

技藝貿易結隊而行國分四部一的黎布里一巴爾加一非山一亞達美都城建於海濱屋宇壯麗街道闊直五方輻輳其通商衝繁之地一名勒波達一名美蘇拉達一名奔加西一名達爾內

地里備考曰北州之地隸大呂宋國兼攝者一修達國在馬羅各國日巴拉大海峽之東北金城湯池烟戶八千餘口泊所不穰貿易甚微一北農的威勒斯一亞慮塞馬斯一美黎辣皆城池堅固一加那里亞斯其亞德蘭的海之西北有島二十其大者曰德內里島溼熱磽

瘠樹林稠密產酒果饴蜜黍麥豆薯絲材木泊所穰便貿易繁盛其巴爾馬城在加那里亞島中田土膏腴德幾塞城在蘭塞羅德島中有火山

外國史略曰亞非利加州北方延地中海曰巴八里北極出地自二十八度至三十六度偏西自十一度三十分偏東及二十七度十二分闊千餘里長六千六百里西有高山連及地中海土平坦少樹木藉井灌田沙瀘雞耕

一曰馬鹿國亦作馬羅可本州極西北之地廣袤方圓

海國圖志

卷三十四

小西洋 北利未加國二

七

萬三千里居民八千五十萬口南及曠野北及地中海危押達海峽東及大西洋海口連佛蘭西國山嶺連延極高者千二百丈內地膏腴多蟻蚱害稻海邊沙地亦出五穀杏仁棗油樹膏亦有礦出金銀銅鐵民多摩羅人與亞拉國之回族猶太國之農夫皆西班牙驅來此地人多黑面奉回教與天主教之徒戰故西班牙人見即虜之為奴或被巡海船劫賣為奴近始禁止地產皮裘而無布民好牧牛羊不務農馬駿而少故價昂駝高有力每年載出土物約二萬駝而運入金沙駝鳥翎



象牙奴婢皆與亞拉回人及印度人由海通商價銀約二百萬圓地中海兩港口大西洋海濱三口遇西洋船至約束甚嚴且回教輕傲外國故貿易不與國分三大部一馬鹿二非士三他非勒又分各小部南邊尚有土酋自據小地○此國自操全權政令甚酷草芥百姓奴視臣下上命是聽下不敢怨無議事之官國王任意出令無敢諫者各部設總兵稅賦官每年收餉約四百萬員內三十三萬圓為各西國商船所給以免馬鹿海賊之擾軍士萬五千雙桅師船二戰艦十<sub>二</sub>各地炮臺二

海國圖志

卷三十四 小西洋 北利未加國二

六

十四英人昔據其北海一邑旋即棄之今惟佛蘭西國尚據海口數城以為防禦其都城曰非土城居民八千曰米貴城居民五千曰馬鹿城居民三萬此皆國主所駐在高山之下其君安逸生子與民養之十二歲乃回宮

一佛蘭西藩屬地曰押額國一作阿爾尼一作亞爾日其疆域南及曠野北及地中海東連馬鹿西接土匿廣袤方圓四千二百里古時此地極盛商周間猶大國氓所開墾也漢時為羅馬軍所攻服越六百年遂自立國

嗣後亞拉回回據是地晉高祖天福元年有霸王創基驅西班牙及摩羅之兵於此地立國垂數百年自明正德以來及道光十年賊匪屢掠商船戮殺殘虐英吉利荷蘭西班牙佛蘭西等國迭轟其炮臺壞城燒船仍為海盜肆劫如故佛國因調大軍攻擊賊巢遂據其國民多遊牧結黨抗違殺掠佛兵佛國再調兵深入沙地糜餉勞師數年仍肆焚掠道光二十四年與馬鹿一戰獲大勝海盜乃戰慄佛國設將軍鎮守是國其守護兵士七萬帑費重大惟管其城池其郊外之遊牧仍不順也

海國圖志

卷三十四 小西洋 北利未加國二

九

產物惟聚佛國招集外氓來墾但畏亞拉不敢耕其田此地昔分四部今佛國所據者一押額城周十里北極出三十度四十七分偏東三度四分居民二萬二千餘自佛兵據後回教他徙一阿蘭城周二十里居民昔屬是班亞今順佛國命貿易一破那城及君士旦古城距亞額東六十五里居民二萬特米新邑居民一萬○山南地皆遊牧不歸佛國管束惟商賈深入曠野與遊牧貿易

一曰土匿國亦作都尼司其城南及曠野北及地中海



東連地波里西與押額交界廣袤方圓三千四百里居民三百萬南方沙地多磽西方田肥土茂多嘉果葡萄尤美五穀蔬菜亦饒驢馬尤健歲出牛皮十萬張羊毛二萬石海邊珊瑚甚多漁舟百六十隻其民向為海盜擾地中海道光元年佛國軍強平之海賊盡斂土耳其舊在此操權軍士向多土耳其人土耳其舊都距海十二里屋卑街狹居民十三萬改文邑居民五萬城內回回廟極壯加他俄城亦繁華歷二千年今廢不興每年餉三千萬圓兵士約一萬五千

海國圖志卷三十四小西洋 北利未加國二 手

一曰地波里國一作特厘波里一作的黎布在土匿之東乃沙野也廣袤方圓八千里居民百五十萬半為賊地雖廣大沙無水少物產猶太人曾此貿易後土耳其基國調兵帥管之約兵萬五千大戰船一小戰艇十六國人本皆海盜今佛蘭西平之都城民二萬五千附近多古蹟

瀛環志略曰泰西人記非尼西亞故事曰非尼西亞古商賈國夏以前西土人閉戶削跡耕田鑿井俯仰自足老死不相往來不見可欲其心不動有夏中葉智者創

舟車賈遷有無居積財貨以此致富西土名其人曰非

尼西亞譯言客商也始居於巴尼斯的納海濱後有立

國於希臘者曰德巴斯詳希臘圖說希臘隘不能容周厲王

十年有遷於地中海之南岸者定都城於士羅即今突

更國名曰加爾達額一作加其時地中海南岸荒穢未辟

人戶稀疏非尼西亞人出其貨財建城邑立市廛墾田

野四方無業之民羣往歸之益治舟楫流通百貨地中

海南北兩岸利權大半歸其掌握復跨海辟西班牙建

為藩部國富兵強一時無抗顏行者越數十年而意大

海國圖志卷三十四小西洋 北利未加國二 圭

里之羅馬與羅馬初興甚微弱且不習兵事加爾達額

視之蔑如地中海有二大島曰哥爾塞牙一作哥耳西

略曰薩下一作沙力尼阿又作撒地尼又作撒下皆附近羅馬加爾達額

據之以逼羅馬羅馬不敢爭又西治里島一作西基利

亞與羅馬南境相接本屬羅馬加爾達額以兵力強奪

之羅馬亦不能取由是益驕周顯王年間額力西之馬

基頓王亞勒散得以大兵伐波斯遊兵至加爾達額攻

破土羅屠八千人國幾亡從此聲威頓削而羅馬日益

強先是羅馬習陸攻不習水戰加爾達額勝則進攻失



利則張帆颺去，羅馬無奈，何加爾達額有戰艦穿漏，拋泊海岸，羅馬得之，倣其式，三月而造成百艘，有義略都者，講求駕駛之法，簡勁卒練為水軍，往來海道，日益嫻熟，由是與加爾達額為勍敵，加爾達額嘗侵羅馬，虜其將勒孤羅，檻送羅馬，請易俘囚，羅馬帥惜其才，將許之，勒孤羅張目叱之曰：「亡羅馬者，諸君也，出戰被俘，本國從無救贖之例，乃欲以一人壞國法耶？」毅然反敵營，大罵而死，羅馬軍人人雪涕，勇氣百倍，加爾達額敗績遁去，遂奪回三大島，加爾達額有夙將阿彌利加與羅

海國圖志 卷三十四 小西洋 北利未加國二

馬血戰數十年，稱為能軍，有子曰漢尼巴，一作阿幼敏，尼巴爾幼敏，慧嘗詢父以兵法，父戲之曰：「爾能矢志滅羅馬，當授爾漢尼巴，即設誓於入必德爾之前，古時各國所奉宗祠之神，未詳何時人」阿彌利加悉以韜略授之，漢尼巴既長，謀勇過之，伐羅馬，屢奏捷，年二十五拜為大帥，合西班牙之兵，大舉伐羅馬，登舟慷慨，酌酒海中曰：「不滅大敵，有如此水師，抵羅馬南境，破其邊城，乘勝急攻，銳不可遏，羅馬四戰四北，南境諸城皆陷，遂渡厄伯落河，越比勒鈕阿比斯峻嶺，長驅直進，勢如風雨，羅馬屬部西拉古薩亦叛，附加

爾達額羅馬大震，羅馬大帥發比約馬西摩與眾謀曰：「虜氣方盛，難與爭鋒，客兵利速戰，宜堅壘以老其師，而別以奇兵襲其後，乃閉城拒守，為舉辭以緩攻，而遣別將馬爾塞羅收復古西薩拉城，因伏兵邀其歸路，又遣西比揚潛以舟師渡海，襲其國都，漢尼巴方與羅馬軍相持日久，食垂盡，聞都城警報，急引兵回救，發比約馬西摩率勁兵潛躡之，而馬爾塞羅伏奇兵突出，邀擊漢尼巴前後，受敵兵大潰，死傷山積，棄輜重，登舟急發，西比揚偵其將至，率舟師邀截於海中，焚斬殆盡，漢尼巴

海國圖志 卷三十四 小西洋 北利未加國二

以單舸遁，乞援於西里亞，一作西里亞者，亞細亞大國時希臘諸部為羅馬所困，亦求救於西里亞，西里亞王帥師救希臘，為羅馬所敗，狼狽東走，羅馬軍踵至，圍攻西里亞，破之，漢尼巴仰藥死，希臘諸國皆降於羅馬，由是加爾達額孤立無援，屬部多離畔，自知亡在旦夕，願以夙稱大國，恥於納款，漢景帝十年，羅馬以大兵伐加爾達額，圍土羅都城，土羅堅守不下，截婦女髮為弓弦，羅馬軍死者千餘，羅馬有大將，冒矢石進攻，城將陷，加爾達額闔城舉火自焚，羅馬毀其城為平地，因分兵



略定海南諸部，復回兵急征西班牙，西班牙亦降，非尼西亞遂亡。

海國圖志 卷三十四 小西洋 北利未加國二 三

南阿利未加洲各國

南阿利未加三面濱海，一面界斯瀋墨爾大山，華語雪山也。山自西而東，與海岸齊長，峯高千仞，四時積雪。南阿未里加諸山，無出其右，地分三國。山之南曰兀賀峽，今屬英吉利。山之北曰磨舒阿那山，之東曰加付臘厘。河二者亦各有王土，人有六種：一英吉利，一荷蘭，一和鼎圖，一磨舒阿那，一加付臘厘，河一摩耶斯滿。六種中，惟摩耶斯滿居於斯瀋墨爾山谷中，無頭目，類野人。其河皆發源斯瀋墨爾山，其南為岡都斯河，南流由蘇加

海國圖志 卷三十四 小西洋 南利未加國一 三

部落出海，東則額利罪矢河，東南流由麻哈爾斯出海，北則阿蘭治河，環繞山麓，轉歷正西曠野而注之海。其加富臘厘阿之地，尚有數河，未詳源委。

果羅里，東界加富臘厘阿，南西俱界海，北界斯瀋墨爾山，山斗出海中，時有迴風，舟行危險，本名曰阿付丹北司峽，華言暴風山也。嗣西洋改其名曰兀賀峽，言山峽情景可觀。源案東方語先能後所，西方語先所後能，如飲酒曰酒飲，登山曰山登，故不曰兀賀峽而曰峽兀。峽長五百八十里，廣二百餘里，平蕪半沙石，無青草，依山濱海，夾岸茂林，大田多稼，峽達稔其首部也。



此亦當云達稔  
 依峽建城始自荷蘭先得因里阿海岸  
 知此地堪為市埠於千六百五十年順治七年創築峽達稔  
 設官鎮守增戶授田商船輻輳始成樂土英吉利於千  
 七百九十五年乾隆六年率師爭奪荷蘭以兵拒退之不  
 數載英兵復至連戰竟奪峽地土人三種一英吉利一  
 荷蘭一和鼎圖英人多居峽達稔近關地於額利非駛  
 河之左右歲被水潦舍田業商已成市鎮荷蘭人分處  
 四鄉田地寬闊爭界請丈啓訟行賄其官徇情偏斷專  
 嗜膏粱凡農事牧畜委諸和鼎突故爭訟不息東近斯

海國圖志卷三十四 小西洋 南利未加國一 美

溜墨爾山兼練武事以防摩耶斯滿野番故此方荷蘭  
 素稱趨勇和鼎突即果羅里之士番服役于荷蘭半奴  
 半佃不辭力作人將死先攫其臟腑燻炙而食疾走善  
 射能逐奔獸以硝皮織席造弓鑄刀為業喜歌舞不信  
 教門領小部落七十九幅員十二萬方里戶十五萬口  
 其首部曰峽達稔為歐羅巴人流寓之所背倚特步爾  
 山高三百五十八丈其峽東西通衢產酒沉香牛羊獅  
 豹之皮牛角象牙獨角獸牙原本無部落  
 莫舒阿那國又名彌珠阿那東界加付臘里阿西界曠

野南界斯溜墨爾山北界馬路魯司在果羅里與斯溜  
 墨爾山之北其首部曰古里查尼城即國都也宏麗甲  
 於阿未里加洲風俗半農半牧技藝精巧廬舍內木外  
 土雕刻彩飾外圍石垣為牧畜之所女司耕男司牧惟  
 王及酋長之妻妾始免勞役服長衣飾以毛羽珊瑚珠  
 寶厚待外國而與鄉鄰動輒爭鬪不死不休兼以劫掠  
 為生故不敢散處惟聚居城郭與附郭之村莊也土人  
 見王無貴賤之分席地坐談以煙為酬醉頭目臨陣以  
 獸皮蔽兩臂手持籐牌及箭餘皆赤體交鋒俗佻健嗜

海國圖志卷三十四 小西洋 南利未加國一 美

歌舞禦人以口給領小部落三十八產銅鐵皮  
 嘉富騰里在霏溜墨爾山之東南界果羅里北界尼臘  
 俄阿東界海西界莫舒阿那自海濱至此約二三百里  
 餘界里數未考土番有數種曰丹母幾曰蘇臘司曰和  
 倫頓氏司狀修偉膚紫色女番差卑小略似歐羅巴惟  
 眼黑而光較有神俗無定處不耕種以游牧為業惟丹  
 母幾與鄰近果羅里一種尚能傾銀鎔鐵若蘇臘斯和  
 倫頓底斯兩種惟多膂力無他技也其王之加常札畜  
 壯兵萬五千倘遇警急則有少年兵十萬故為鄰國所



畏原本無今補

摩耶斯滿山番本和鼎突種類居於斯潘墨爾山谷有

如野獸不耕種專畋獵登山騫澗如飛見人即殺尤喜

歌舞星月之夜嘯躍達旦春秋佳日歌舞徹數晝夜原本無部

落

重輯原本無今補

新唐書曰自旃林西南度嶺積二千里有國曰磨鄰曰

老勃薩其人黑而性悍地瘴癘無草木五穀飼馬以稿

魚人食鵝莽波斯粟也不恥悉報于夷狄最盛號曰尋

海國圖志卷三十四 小西洋 南利未加國一

其君臣七日一休不出納交易飲以窮夜案利未亞各

者始

職方外紀曰更有一種在利未亞之南名馬拿莫大巴

者國土最多皆愚蠢即山牙臘土蠻見氣候甚熱沿海

皆沙人踐之即成瘡痂黑人坐卧其中晏然無恙也喜

食象肉亦食人市中有市人肉處皆生蛇之故齒皆銜

銳若犬牙然奔走疾於馳馬裸身塗膏氣羶甚無文字

初歐邏巴人到此黑人見其誦經講書大相驚訝以為

書中有言語可傳達也地無兵刃惟以木為標鎗火炙

其末極銛利性不知憂慮行鳥獸然聞簫管琴瑟諸樂

音便起舞不休性樸實耐久教之為善事亦即盡力為

之為人奴極忠用力視死如歸遇敵直前了無避畏其

俗不虜掠不崇魔像亦知天地有主但視其王若神靈

亦以為天地之主凡陰晴旱澇皆往祈之王若偶一噴

涕舉朝皆高聲應諾又舉國皆高聲應諾大可笑也喜

飲酒易醉所產雞亦皆黑獨豕肉味美為天下第一病

者食之亦無害產象極大一牙有重二百斤者又有獸

如猫名亞爾加里亞尾後有汗極香黑人穿於木籠中

海國圖志卷三十四 小西洋 南利未加國一

汗沾于木乾之以刀削下便為奇香烏木黃金最多地

無寸鐵特貴重之布帛喜紅色班色及玻璃器又善浮

水他國名為海鬼其亞昆心域屬國有名諸哥得者夜

食不晝食又止一食絕不再食以鹽鐵為幣又一種人

名步冬頗知學問重書籍善歌舞亦亞昆心域之類也

利未亞之南有井巴番者眾十餘萬極勇猛善用兵無

定居以馬及駱駝乘載遷徙所至即食其人及鳥獸蟲

蛇必生命盡絕乃轉他國為南方諸小國之大害

海國圖志見錄烏鬼國東北山與阿黎米亞相聯向西南



生出坤申方大洋何啻四五國之遠其盡處曰呷即中國支山入海盡處曰表表者標也佛蘭西曰呷英機黎曰岌皆順毛烏鬼地是以紅毛甲板船從小西洋來中國者由亞齊之北麻喇甲之南穿海過柔佛出茶盤而至崑崙自呷而東至戈什塔自戈什塔而東至亞齊其海皆呼曰小西洋原本戈什塔當作戈什峽又西南洋稱小西洋亦誤蓋利未亞洲方為小西人黑白不同皆西域裝束長衫大領小袖裹頭纏腰國富庶產寶器生銀洋布丁香肉果水安息吧喇沙末油蘇合油等類以金為幣鑽石為寶

海國圖志 卷三十四 小西洋 南利未加國一

源案此所謂呷者指暹羅南境之新嘉坡而言計西南洋中新嘉坡為第一峽南印度度戈什塔為第二峽利未亞之大浪峯為第三峽凡地之斗出海中甚長如登萊類者所謂峽也呷皆即峽之別字又案賽馬爾罕者元時封藩統轄葱嶺以西各國至明中葉賽馬爾罕已分十餘國不盡為所屬矣近日更全變為回國若教罕若布哈爾若愛烏罕若巴達克山若克什米爾等凡十餘國而聞見錄猶以古時賽馬爾罕統稱之誤矣至又以賽馬爾罕為噶爾丹之國則誤中又誤矣謂俄羅斯國惟限于西洋而其與中國相首尾之東北萬里概置不提皆疏舛之尤者書作于雍正初年乾隆八年在新疆未服以前故傳聞遙揣舉一漏百故刪節而辯正之於此

海錄妙里士島西南海中島嶼也周圍數百里為佛郎機所轄凡大西洋各國船回祖家必南行經葛刺巴至

地問然後轉西少北行約一月可到此山無土人其所居皆佛郎機及所用烏鬼奴土產烏木由此向北少西行約半月有奇謂之過峽一路風日晦暝波濤洶怒寒雪飄零六月不息舟人戰慄咸有戒心其天氣與妙哩上迥別過峽後至一島謂之峽山為荷蘭所轄天復炎熱但海闊風狂波浪騰湧舟行經此遇風過猛必須稍待風和而行山亦無土人唯荷蘭及鬼奴居之土產梨及牛黃有大鳥莫知其名其卵大數寸由此更北行少西順風約七八日復至一島名散爹里周圍約百里為

海國圖志 卷三十四 小西洋 南利未加國一

英吉利來往泊船取水之地無土產有英吉利兵在此鎮守源案此峽即坤輿圖之大浪山在利未亞州極南境又曰鬚毛烏鬼國在妙里士正西由妙里士西行約一月可至疆域不知所極大小百有餘國民人蠢愚色黑如漆髮皆鬚生其麻沙密紀國生那國加補五輦國皆為蒲萄亞所奪又嘗掠其民販賣各國為奴婢其土產五穀象牙犀角海馬牙橙西瓜

海島逸志曰鴿島在西北之隅和蘭甲板船數十隻歲往通其祖家必由此地停泊更換舟工水手裝下伙食



然後再駛，蓋其地當半途之間，華人在巴，有受其傭雇為舟人者，至此地必更和蘭人，華人暫處於此，配船而還，巴不令往其祖家，然甲板船來往，相傳來三去五，其來風水為順，只有三月，往則水逆道紆，當須五月，又云將至之處，有暗海不見日月，舟行二三日始出，蓋天地之大，有不可思議者矣。即所謂大浪峯也，為小西洋利未亞極南之峽，凡船回大西洋者，過此日過峽。

萬國地理全圖集曰：南亞非利加地為西洋人巡船來往，故知其形勢，其山麓深入海中，各船赴印度中國必

海國圖志 卷三十四 小西洋 南利未加國 三

繞之而駛，是以船隻往來不絕，其南方豐盛樹木花果千態萬狀，其牧場廣延，五畜肥長，五穀亦運出售賣，又種葡萄樹，出甘酒，雨後溪山蒼秀，旱則沙漠不毛，其北方沙漠風起時，陰雲四合，黑氣滿空，在此地虎獅象兕馬鹿以及駝鳥，濯濯自在，又有黑面土蠻穴居獵獸而食，其東方之類，則四肢百骸相稱，赴武勇敢，葡萄牙船初到此地，荷蘭見其形勢合宜，故涉重洋而開埔頭墾田務農，且海風甚狂，浪疊千層，必得購料修船之地，是以荷國將本民移處內地，驅逐土人，或擒為奴，嘉慶十

年英兵船攻取此地，其城在南海邊高山之下，其居民大半荷蘭人，晝夜經營，各江澗河之處，皆建鄉里，但散處不相聯屬，多隔沙野難渡，又牛車多渴死，故英開新地在東界也，每與其氓交鋒相仇，其地袤延四方幾萬里，但居民六十萬而已，運入運出貨物，每年銀百萬有餘，兩別開海口，奉耶蘇之教師，進其內地以教化之，又西海中有一孤島，嘉慶年間，倖佛蘭西王拿破倫流諸此島。

地里備考曰：本州地為英國兼攝者，一為好望海角，即

海國圖志 卷三十四 小西洋 南利未加國 三

兀賀峽，一名大浪山，乃本州之要害也，在亞非里加州之極南，緯度自南十度起至三十五度止，經度自東十六度起至二十六度十分止，東至加弗勒里亞國，西枕亞德蘭的海，南接南海，北連可丁多的亞國，長約二千里，寬約一千里，分二部，十二府，首城名加布，建於達勒暨長二山之麓，屋宇廟堂甚壯，五方輻輳，地氣溫和，海口險阻，泊所不穩，為歐羅巴往來亞細亞船必經之路，多於此採辦水米食物焉。一為塞拉勒窩內地，在本州之西，幾內亞國之中，少稼穡，多山岡，林木猛獸成羣，



地氣不和弗便居樓商旅每易中病貿易多結隊而行  
首郡名非里城設有總管衙門附近皆受管轄。一為  
哥斯達斗羅即金濱也。金砂豐盛因以為名。田土膾腴  
產穀果金石藤花藍靛樹膠白蠟皮革貿易昌熾地氣  
酷熱首部名加布哥爾蘇設有總管衙門。一為三達  
厄勒那島在亞德蘭的海西南緯度自赤道而南十五  
度五十五分經度自第一午線而西八度九分長四十  
里寬二十五里地面積方九十里多山少平原地氣溫  
和海濱尤瘠內地膾腴首部名曰彌斯城設有管理衙

海國圖志 卷三十四 小西洋 南利未加國一

門此島實為有名之處佛蘭西國君那波良者殞命於  
此詳見佛蘭西國志附近各島皆屬管轄。一為毛里  
西亞島在印度海東南緯度自赤道而南二十度起至  
二十一度止經度自第一午線而東五十六度起至五  
十七度止迴環約五百里地氣熾烈尚可棲居田土膏  
腴首部名波爾多盧義斯設有總理衙門其塞舌勒共  
三十島亞爾密蘭德共十一島皆屬管轄  
外國史略曰此州極南方為大浪山英吉利藩屬地也  
長約二千里闊一千里海濱周四百里背山沿海平坦

內地漸高其谷廣延離海愈遠愈多砂磧無草木產白  
礬鉛銀惟石鹽頗盛最南天氣清爽內地晝暑夜寒高  
野陽亢或三年無雨人至暈死及一雨則又山野青葱  
異常花草奇麗產牲畜五穀葡萄羊毛羊油沉香象牙  
駝翎樹膏等民不農而游牧乳油為食射獵為業半係  
荷蘭人耐寒暑性樸實厚待旅客好遊曠野常有數千  
人出界圍獵與土族戰鬪佛蘭西人在此植葡萄所遷  
之英氓在港口東邊開墾土人曰合丁突形汚性馴不  
似林中野蠻人形獸心亦不似東邊之加非利蘇拉等

海國圖志 卷三十四 小西洋 南利未加國一

族賊盜為業也。葡萄牙人於明弘治間至此海峽以  
為赴五印度國海路之標準風狂浪大故稱曰大浪山  
往來之船在此汲水采果歷久水中堆成磧路荷蘭於  
順治八年開埠據之乾隆以後英人據焉至今民益繁  
境益闢廣袤五千四百里居民十四萬四千大半荒野  
無可耕地分東西兩部部各分邑埠在峽口曰浪山邑  
居民二萬街衢甚美兩旁高樹英官住焉餘與鄉里無  
異居民方半崇耶穌教荷英日佛四國教師皆赴此教  
化土蠻故奉教之人日增道光十四五年各國進口船



共三百五十八隻，運出口三百五十隻，所運進貨計百六十二萬兩，所運出貨百有八萬兩，稅餉七萬兩，除浪山海峽外，尚有押執亞海口進出之貨約百二十萬兩，羊豕約三百餘萬隻，鷄鴨價約三十萬兩，總計萬二千二百萬有奇，屋宇田畝牧場各價四千八十萬兩。○昔時西洋船必半年有餘，方能抵印度，故以此為中途要地，近日航海慣習，加以火輪，其迅如風，浪山海口無大用，況土蠻爭鬪，糜餉勞兵，英國調兵帥護守，亦以土人及荷蘭之游牧為民壯，尙立土司以管理各部，道光十

海國圖志

卷三十四

小西洋 南利未加國一

美

六年，所入國幣共四十七萬四千兩，所費者五十四萬二千兩，入不敷出，惟師船在亞非利加各海來去巡駛，以禁販賣黑奴之船及海賊之船，故學不可廢焉。地里備考曰：南州地隸英吉利者一，隸布路亞國兼攝者二，其自主者四，其隸布路亞者曰昂可拉國，在本州西南公額國內，東界馬稜巴河，西枕亞德蘭的海，南連奔吉利，北接丹達河，地勢嶄巖，叢林稠密，山谷平原皆飭沃，河之長者曰里弗內，曰丹達，曰本各地氣酷熱，海風清涼，產金銀銅鐵各礦，國分四部，一幾達馬，一送比

一敦比，一可完多，首部建於羅安達島，設有總管衙門，又有分出之奔給拉國，東界沙漠，西枕亞德蘭的海，南接星卑巴地，北連昂給拉，天時土產與昂可拉國相仿，而皆遜之，設有總兵官管攝，仍受昂可拉總管節制。

一曰莫山比，給國在州東南內有七處，為布路亞國兼攝，一給林卑，一莫山比吉，設有總管衙門，一幾里馬內，一塞那，一索發拉，一義能巴內，一羅林索馬爾給斯，各派總兵官一員鎮守，皆受莫山比吉總管節制，統計烟戶幾二萬口，地氣不馴，田沃產饒，貿易較昔冷淡，其莫

海國圖志

卷三十四

小西洋 南利未加國一

美

山比給本國在亞非里加州之東南，南極出地十度起，至二十五度止，經線自東二十六度起，至三十八度止，東枕印度海，暨海盆西界盧巴達山，南接加弗勒里國，北連桑給巴爾國，長約四千四百里，寬約一千里，地面積方四十六萬里，烟戶三兆餘口，多山林，蕃野象，田土膾腴，金礦甚多，金沙滿岸，地氣不和，苦於棲止，有諸會分攝者，有布路亞國管轄者，紛紛不一，其諸會分攝者，如馬古阿蒙，如木新卑等處，仍貢於布路亞，所奉之教，或耶蘇，或回回，趣向不同，技藝寥寥，貿易頗盛，國都建



於海島有布路亞國總管駐劄其地

其自主之國四一曰麼諾達巴國在亞非里加州之東南南極出地十五度起至十九度止經線自東二十七度起至三十一度止東界蒙素拉河西南接佛瓦拉山北枕桑卑塞河長寬皆約千里嶄巖峻嵯峨江河不一其大者曰桑卑塞曰馬加拉曰蒙素拉曰盧安薩沿河膏腴產金鐵象牙甘蔗樹膠等地氣熾烈人民黧黑昔日汗位歷代相傳追賊寇猖獗之後列君分據不相統屬枝藝貿易俱乏各部惟麼加耶瓜最强

海國圖志 卷三十四 小西洋 南利未加國一 美

一曰加弗勒里國在亞非里加州之南南極出地二十三度二十分起至三十三度三十分止經線自東二十四度二十分起至三十一度三十分止東枕印度海西連可丁多的國西南接加布地東北界麼諾達巴國長約四千里寬約一千里地面積方八十四萬里烟戶二兆餘口東方重山餘多沙漠河之大者馬弗麼那巴加納波阿喪等皆流於南方是為本國之界土產金銀銅鐵石類珊瑚琥珀等物地氣甚熱列酋分據各為部落不相統屬技藝貿易俱乏惟以稼穡為業各部惟二部

居海濱餘皆住內地

一曰馬達加斯國在亞非里加州之東南南極出地十二度十分起至二十六度止經線自東四十三度起至四十九度止四面枕海南北相距約三千八百里東西相去約一千里幅員八千里地面積方二十五萬里烟戶二兆餘口懸崖疊嶺瀑布飛流林密谷敞平原坦闊形勢實為壯觀由南而北山陵縣亘江河眾多貫徹沃潤其長者曰麼隆達瓦曰達爾慕德發源西岡東注於莫山鼻給海盆其海濱澤潏瘴癘熾烈中人每易感病

海國圖志 卷三十四 小西洋 南利未加國一 美

田肥穀饒各獸充斥惟少獅虎象馬產絲麻蜜蠟竹木甘蔗樹膠青黛烟葉白胡椒沙穀米又有五金之礦寶石水晶徧山多有而土人惟鐵是采奉回教少技藝而貿易豐盛通國部落紛紛不一諸酋分據不相統屬一曰科丁多的國在亞非里加州之南南極出地二十三度起至三十二度止經線自東十三度起至二十五度止東至加發拉里地西接亞德蘭的海南連加布地北界星卑巴西國長約二千五百里寬約二千二百里地面積方二十八萬里烟戶四億餘口南北崇山中央



沙漠沿海低陷時有颶風河之長者名曰科蘭日由東而西河濱膏腴饒物產地氣溫和人物咸宜諸酋分據各為部落曰哥拉那曰那馬瓜曰達馬拉曰布雷阿那曰波支斯曼名目不一以牧養為業怠於稼穡亦少工商

外國史略曰南亞非利加西邊地半屬土蠻半屬葡萄亞國其屬土酋者一日下危尼廣袤四千里未詳其內地恆旱少雨露硫磺之氣蒸為烟瘴河流紛歧海口淤塞有販賣人口之市曰南峨○一日羅安峨多有各國

海國圖志

卷三十四

小西洋 南利未加國一

卑

族類河多魚多野獸物產豐而民憚工作故地荒蕪除豕豕外無他畜○一日公峨在海邊甚低多澤瀉內地山高賽利河流廣而漫居民極蠻醜○一日安敦拉皆山地居民形體端正絕異黑人之醜物產蕃盛明朝年間葡萄亞國在此開埠廣立法度百姓有進天主教者○一日賓吳拉地瀕海自南極九度延及十六度密林高樹其土豐盛民蠻好殺食人肉

南州邊地自死門東向海濱延二百里斗出海中為勝重海峽居民多茅里族類黑面禾向化海口曰巴拉運

出加非樹膏沒藥駝鳥翎金沙通商亦旺未詳其內地自勝重峽之西曰亞安曰散西曰貴羅亞等地皆天方亞拉國所轄其內地未詳港口曰馬牙多撒南極出二度一分偏東四十五度十九分散西巴通商最重歲納稅餉銀九萬兩運出五穀白餅此皆土酋自主之地也○此外摩散比地半歸葡萄亞所轄散比西河廣且長都會曰善那曰摩散比邑昔為通商大市今衰邑褊小距此三里節蠻族多瘴未屬其國管轄山內產金沙等物有冒險之商務通亞非利加之路每中途染疫斃或

海國圖志

卷三十四

小西洋 南利未加國一

卑

被土蠻殺害或失路死亡無人成就其志故內地情事無可考

又曰黑面人在曠野之南偏西自十七度及偏東五十度北極出地自一十七度東西千里南北三百餘里東西皆山內有大湖其源甚長西流多支漫將入海匯為澤其湖長約六十里偏東十五度瀕海地低管密不見日樹木倒則霉壞烟瘴實甚內地曠坦多水草自四月及九月雷電交作大雨滂沱冬多風仍吹熱氣皺人皮膚若連數日其害尤甚四海無此炎酷也民情故荒



蕪草有高三丈者產樹膏安息香及各香料絲花甘蔗  
黛青自然而生不待人力山象水馬均高大性猛多猿  
有慧絕似人者水蕃昆蟲鱷魚大有力語音風俗皆異  
鼻扁脣高膚黝身短而健北地之黑人崇回回教其內  
地亦拜偶像殺人以敬神近日頗知耶蘇教

瀛寰志略曰阿非利加南土之岌朴番謂山之盡頭處曰岌為歐

羅巴東來必由之路其地形銳入大南海海水至此迴  
薄風濤猛烈異常舟楫易於損壞不得不謀修葺之所

又長途水米接濟荷蘭之壘開此土蓋有所不得已焉

海國圖志 卷三十四 小西洋 南利未加國一 畢

從前大西洋商船東來至岷朴必收帆寄棹近年海道  
愈熟收泊者十無二三則亦無關重輕矣

海國圖志卷三十五

西阿利未加洲各國目錄

西州內色黎安彌國在河北者九部一作音近字殊

西州內色黎安彌國在河南者十部

西州內上幾內亞國十一部

下幾內亞國二十一部以下原本無今補

西州內英吉利佛蘭西大尼荷蘭彌利堅各國兼攝  
之地在色黎安彌國者四處在幾內亞國者三  
處

海國圖志 卷三十五 小西洋目錄 一



海國圖志卷三十五

歐羅巴人原撰

小西洋西利未

侯官林則徐譯

邵陽魏源重輯

西阿利未加洲各國

西阿利未加分兩大區其一區起自色黎雅爾河以南至安彌阿河以北內有九國一嘉約二莽孟三雅爾蘭四夫達多臘五河洼爾六馬臘七孟薩倫八雅尼之稔里大小各國同屬一區佛蘭西人遂合并兩河之名以

海國圖志 卷三十五 小西洋 西利未加各國

名其地曰色黎安彌阿九國之中僅嘉約濱海餘俱腹內又有西臘氏國相毘連在色黎雅爾河之北其安彌阿河以南至敏惟臘河又有十四國同區一霏落司二夫達雅羅三額林四埃阿里五阿寒氏六那知彌七彌領八洼里九尼門十根我十一鑿我十二雅門十三安我臘十四敏維臘皆濱海之區地勢平蕪偶有高阜亦皆錯出海中名山巨嶽盡在腹內橫數百里長約四千里彎環參錯凡二十四國山以公山為最巨由色黎安彌阿至東阿未里加之間山蜿蜒相連境內河道皆

發源於此山之西有安彌阿河及色黎雅爾河尼額河

山之南有來阿額蘭尼河米蘇那河其源遠而闊者尼

額河由花羅來市直達阿蘭底海安彌河流最駛出色

黎安彌阿南入海色黎雅爾河源較遠曲折深洄由色

黎安彌阿北入海若來阿額蘭尼河彌蘇臘那河俱在

南隅由根我諸口入海尚有爾戈河安薩河未悉其

源委其海口距內地里數不等歐羅巴人分疆畫域惟

以河流分界然亦止知瀕海莫窺內地即阿丹地理所

載亦多臆度始耶穌紀歲千四百三十年明宣德五年西洋

海國圖志 卷三十五 小西洋 西利未加各國

有葡萄牙人舟過麻牙那山麓樓于阿爾厘島始訪

出北隅之色黎安彌阿繼尋得南隅之根我等處從茲

沿海埠頭悉屬葡萄牙亞千六百四十餘年葡萄牙浸衰

其俄俄戈之地即為荷蘭所奪雖旋取回而色黎安彌

阿又為英吉利佛蘭西所據英人即在安彌阿河口立

埠佛蘭西則在色黎雅爾河口立埠兩國皆有公司各

立礮臺出口貨物惟金及人口最大至內地情形英吉

利與佛蘭西人講求探溯尚無端倪而兩國構兵遂為

中止聞其人戶共二千百餘萬口大都厚唇扁鼻邪而



後仰色黑髮懸不裝飾無技藝文學戰鬥雖悍平居尙  
 澆樸不習教門專祀匪底祇之神或以大樹大石或以  
 象牙狗牙虎牙羊頭魚骨或樹枝繩束等類隨意而指  
 卽以爲匪底祇之神有供奉在家者有位置在村莊者  
 立龕列祭遇事祈禱人死多焚財帛謂資冥用宰人作  
 牲以享先靈嗜音樂喜歌舞多畜妻妾常人多則一二  
 十王則動百十計而阿寒底那和彌兩國會長竟至數  
 千民居卑小門高三尺鞠躬而入一妾一門外圍以墻  
 上下皆然惟宮室廡署略較爽塏間施樂飾以別等級

海國圖志 卷三十一 小西洋 西利未加各圖 三

男女皆喜帶手鐲指環或金或象以多爲美卽赤貧亦  
 繫鐵鐲面繪紅白文身刺膚以手搏食飲啖兼數人產  
 椽樟楊柳葡萄酒無花果桂皮甘蔗桑椹薯蕷粟油浮  
 石椰子松柏樹龍血樹楡檬桃柑李蕉菓西瓜黃瓜米  
 粟棉花糖蔗材木金銅鋼鐵象牙計象牙歲值銀約十  
 五萬員

色黎安彌阿十國

色黎安彌阿一區內有九國在西阿未里加之北東界  
 蘇厘麻西界海南抵安彌阿河北抵色黎雅爾河東西

距七百餘里南北距二百五十里大小九國又土番三  
 種一曰野羅甫一曰付臘司一曰鼻領峩付臘司種類  
 高大鼻扁唇厚面似橄欖俗奉馬哈墨回教性尙平和  
 周濟老弱疾病與外來窮旅游牧爲生隨帳遷徙鼻領  
 峩種類面黑業漁喜問訊嗜歌舞多娶妻妾妻有過撻  
 之於市以示懲警野羅付種類面黑業紡織善騎射計  
 數以五作十無文字

嘉約國卽野羅甫在色黎雅爾河口瀕海岸爲色黎安  
 彌阿區中之大國惟一部落日麻皆卽會長所居佛蘭

海國圖志 卷三十一 小西洋 西利未加各圖 四

西人貿易其地遂據河口築礮臺又於對岸之俄黎島  
 設立部落居人三千爲河口之保障樹木叢茂產豐多  
 商賈

莽孟國在色黎安彌阿之東附近色黎雅爾河內有那  
 達更山金鐵相間掘至數尺許卽有金粒至丈許則金  
 粒成團土番不善支撐礦穴動致坍塌色買臘山金在  
 剛石之間鑿探費工又有半山出產紅石

雅爾蘭國在色黎雅爾河之上流地處極東與滿母比  
 鄰佛蘭西船會商其地獲利倍蓰以水土不服河道難



行恒被劫掠遂不復深入其地

夫達多臘國在色黎雅爾河之下流距海不遠河之南  
北均其轄地會長回教種類亦不能制其部下

和注爾國近海葛爾之區會長蠻野無匹自稱曰額利  
墨臘猶華言王中王云

馬臘國在安彌阿之北距海甚近會長所居即馬臘部  
落也境內有尼利弗里市半設有稅館先屬葡荷亞國  
英吉利奪之而于安彌阿河口築礮臺防守溯流而上  
四十里即比沙部落英人雖有貿易究不與內地尼額

海國圖志 卷三十五 小西洋 西利未加之國 五

河相通故交易不盛

孟薩倫國在馬臘國之上幅員較闊土番約三十萬均  
鼻頰我種類

雅尼國稔里國均小國也居于孟薩倫之上厥土墳衍  
產穀甲一方再行四百里即沙水井湧之地多鱈魚水  
鳧岸則野獸成羣舟楫難駛

西臘氏國在色黎雅爾河之北與前九國毘連為十河  
源發自公山至馬臘之尼力弗里出口經西臘氏境內  
者居半

安彌河以南至敏維臘河以北十四國

霏落司國在嘉約之南東界蘇厘麻西界海南界夫達  
雅羅北界嘉約之安彌阿河土厚產豐鷄鴨蜂蜜尤蕃  
庶歐羅巴人至此貿易向例須曼領我從中經紀兩家  
買賣不得見面故不能徑與通商

夫達雅羅國又名富臘司在霏落司之東少南東界額  
林西南界海北界蘇厘麻幅員約長三百五十里寬三  
百里一鼎磨一黎彌里阿一西耶臘里阿那一臘達俄  
司四大部落也會長居於鼎磨常領千六百人虜掠人

海國圖志 卷三十五 小西洋 西利未加之國 六

口賣與歐羅巴人為奴祭祀用人為牲土番皆付臘司  
種類俗奉馬賀墨頓教西耶臘里阿那濱臨海岸為英  
商市埠由此至額林邊界約程二百臘彌里阿在彌斯  
臘那河口為彌利堅市埠南北長二百五十里寬二三  
十里土沃民情多無賴產銀鐵材木皮細布棉花糖油  
象牙蘇木黃蠟胡椒

額林國在夫達雅羅國東南東界埃阿里南界海西界  
夫達雅羅北界蘇厘麻惟一部落曰鼎來會長居之祭  
祀亦用人為牲并有夫死而妻自殺墓前以祭者別有



一種教師曰墨爾里能專國中之權其教師少年離俗  
露處深林修練日久能作怪異能通奧妙非但識其教  
中之理并能審識案牘方可謂之墨爾里其地舊屬葡  
萄亞今尚有葡萄亞之人與土番雜處土產胡椒

埃阿里國在額林國之東南界海北界梭難東界阿寒  
氏西界額林領部落二一曰臘后濱海口一曰耶格蘇  
居腹內臘后所產象牙為最歐羅巴人以土番獵惡罕  
往貿易土番言語聲在喉中若野獸叫嘯駭人聞聽

阿寒氏又名我戈爾在埃阿里之東少南東界那和彌  
海國圖志 卷三十五 小西洋 西利未加各國 七

西界埃阿里南界海北界蘇蘭幅員萬四千方里戶百  
萬口并奴僕之數則有四百萬領部落四一吉戈司一  
依爾彌那濱臨海邊一阿加臘一準曼里均在腹地吉  
戈司英吉利商賈所寓有礮臺東行約五十里即依爾  
彌那為荷蘭市埠礮臺甚多海岸土疏多沙而沃產糖  
與包粟最豐產金礦土番暴燥好訟房屋閎整每村設  
一會議之所以高年掌之審理訟獄富家多以訟敗產  
屠人祭奠酣宴數日習俗男逸女勞負重工作無非女  
惟捕魚則男耳服色尚白酋長以下多繫金鐃兵事或

戰或和悉商之四官春秋二祭皆屠人所福會長身死  
輒戮千人以祭先拘外國奴僕並羈禁之罪囚不足則  
虜行人故入市不敢獨行恐被虜也妻妾以多為貴會  
長例有三千並選姿色稍忤意輒戮死並鬻人口與歐  
羅巴人為奴其暴虐甲通洲然會長亦知慕歐羅巴之  
材藝以教其人民陳設器物皆精巧其出口之貨惟有  
黃金屬地甚廣如領幾臘阿幾浯注掃阿廣磨四國皆  
其所轄後又征服內地之雅漫陰達那安麻諸國

那和彌國在阿寒氏之東少南東界彌領西界寒阿氏  
海國圖志 卷三十五 小西洋 西利未加各國 八

南界海北界梭蘭附近海岸長廣各二百里其沒海之  
地曰斯列哥士華語奴僕岸也本恢那國之地其會長  
恃富驕淫遂為那和彌所併風俗人情與阿寒氏同而  
殘忍更甚人死不殮不埋挂于墻壁任其腐朽宮室廟  
宇覆以人之天靈骨會長妻妾例有三千每年傳集番  
女挑選一次上等自留次者指配番官鄰近尚有阿那  
臘那厄里臘俄司諸屬國臘俄司祈雨將少婦倒植神  
前有犯死罪者縋首樹杪阿臘那土產棉花油番蠟瓦  
器鐵器



彌領國又名彌阿佛臘在那和彌之南少東濱海廣約  
二百里與洼里尼門二國同區彌領地勢低窪恒患潦  
溺產象牙俗敬匪底祇神國人見會長當如見神設有  
干犯會長者已科犯上本罪再加褻瀆神明規條施以  
極刑

洼里國在彌領西南濱臨內河地勢卑溼溪汊紛歧皆  
狹不容舟惟墨臘斯河較闊源流亦長直達阿蘭底海  
土瘠民稀風俗略同彌領

尼門國在彌領東南沿河逆流而進約行六十里即耶

海國圖志卷三十五小西洋 西利未加各國 九

付連部落會長蠻野戰勝即聚其顛骨以造廟宇以祀  
匪底祇之神販鬻人口每年約二萬產象牙最多其次  
油鹽

根我國在鑾峩之南少東北界鑾峩西界阿蘭底海南  
抵安臘峩東界曠野領小部落三根我洼在內地會長  
所居也馬領麻加敏那均濱海涯土番身體短小面黑  
有力俗情罕耕種樹皮爲廬草蓆蔽體地曠人稀村小  
者百餘人大者數百人分四等曰頭目曰錢糧戶曰  
耕戶曰家奴會長與頭目多蓄妻妾販人口市埠雖在

海岸而所販之人悉由內地運載而至

鑾我國在根我之北西抵阿蘭底海南抵根俄東北俱  
界牙門風土人情略同根我

安我臘國在根俄之南東界曠野西界阿蘭底海南界  
敏雅臘北界根我風土人情亦同諸部

敏維臘國在根我之南西界阿南底海東南俱界荒蕪  
之地北界根我沿海岸數百里俱葡萄亞所轄每年販  
人口約二萬計風俗同前諸部產上銅

重輯原無

海國圖志卷三十五小西洋 西利未加各國 十

每月統紀傳利未亞之西濱海有西爾得國其地有兩  
大沙其一在海中隨水游移不定其一在地隨風飄泊  
所至積如邱山城郭田畝皆被壓沒國人甚苦之又有  
工鄂國地亦豐饒頗解義理自與西客往來多奉真教  
其王又遣子往歐羅巴習學文字講明格物窮理之學

西得爾國一作西爾得  
國今屬英吉利夷埠

又曰亞非利加海邊向有匪徒駕船載火器而以美酒  
玩物賣與黑面奴因此誘販人口又有列國貪利之夷  
目侵伐鄰境虜掠生俘赴海口販賣將奴三四百口擁



擠下艙，縛桎梏，不通風，臭氣染病死者不勝其數。英吉利公會立法嚴禁，巡船到處搜探，一遇載奴之船，即捕送治，以死罪。上年十月，兵船巡海，遇有販奴舟泊於海隅，先放礮招降，既不肯投，遂衝鋒掩殺，一人戰死，六人受傷，竟奪獲其船，赴葡萄牙埠頭，其城之鎮守官強索其販奴船，英軍不允，葡萄牙放礮轟擊，英之水師憤怒，返棹啓咨本國將帥，已領戰船赴彼雪怨。萬國地理全圖集曰：西亞非利加之海，北係沙地，其黃道南北兩地，深林密菁，瘴氣彌空，外人不履，水土多患。

海國圖志 卷三十五 小西洋 西利未加各國 七

病居民黑面卷髮，扁鼻厚唇，愚鈍無知，或崇回教，其土人不服一君，亦不立國家，但各自為族，袤延方圓三百六十萬方里，約計二千萬丁，顏色悅和，揚眉暢氣，並不慮遠，會時鮮衣裝舞，男女用金珠象牙，渾身華飾，貧人大半裸體無羞，其僧誘惑庶民，殺人祭神，將各項樹木禽獸為神而拜之，或用妖術靈符，殊可痛恨，其居室檜巢草寮，不用金銀，惟以貨易物，土肥饒產，不待人力，故民皆游惰，每臨饑乏，則族攻族，類擊類，而相吞所獲之俘，則賣為奴，外國船到此，以買其人口，將二三百人雜

裝船內，駛到各國販賣，以種園耕地，如此黑族，蔓延四海，無處不至，故此英國發義怒，嚴禁販賣，又排巡船恒駛海濱，往來捕治。○葡萄牙國初據此地，為荷蘭所奪，後佛英兩國開海濱新地，建礮臺，但恐山林瘴氣，不敢入內地，西北海邊葡國所據之島，曰馬太拉島，初時遍地深林，焚烈種植，作葡萄酒，賣與外國，每年價銀三十萬兩。○加拿利羣島，有山嶺，其最高者，百二十丈，名特尼勒山，為船之標準，此嶼歸是班牙國，亦出葡萄酒不少。○綠山頭羣島，不毛之地，瘦嶺枯山，其海濱出鹽。

海國圖志 卷三十五 小西洋 西利未加各國 七

羣島對面之海邊沙漠，其南方西尼甲江，有佛蘭西礮臺，與居民貿易，布疋金沙樹膠，每年來船三十隻，貨價銀六七十萬兩，民人大半回回，中有數族，安分務商。○威北亞河南流入海，有英國商埠，包兌包送之地，此江之南，開英國新地，稱為獅山，產象牙油蠟皮木頭樹膠，價值銀四十二萬兩，英人如獲奴船，在此釋放，又召教師開學，以傳耶穌之道，雖頑蠻難化，虛費不貲，然援人于水火之禍，不獨保其生命，乃引之履天道，其東南邊稱曰危尼，中有花旗國新地。○更望南而往，其海濱一



曰穀邊一曰象邊皆蠻民猛力好戰攻接外船性近禽獸一曰金邊乃英荷所建礮臺與土人通商之處其百姓稍已入化又立長老治之金邊之東有大黑國稱爲亞山地其國王起兵與英交鋒又與鄰小國結讐今亦服之國王娶妻三千更赴南販賣人口再至南則到比納海邊居民懍服其王受死無怨惟命是聽另有破島其埔頭歸是班牙國其最南方稱曰公我被葡萄牙所占據專販人口所建之城頗大商頗盛

地里備考曰塞內岡比國在亞非里加州之西北極出

海國圖志

卷三十五

小西洋 西利未加各洲

吉

地十度起至十八度止經線自西九度起至二十度止東至尼給里西國西枕亞德蘭的海南接幾內亞國北界沙漠長約二千七百五十里寬約二千里地面積方五十五萬烟戶一京二兆餘口平原沙漠相間少山多林河則塞地加爾河爲首岡比河那祿河次之故統名曰塞內岡比國沃土豐產穀果藥材金銅鑿琥珀紋石象牙皆具炎瘴特甚惟五月至八月陰雨暑氣稍降土人色黑髮卷列會分攝或世襲或選立各霸一方所奉回教國以河得名故通國分二十小國在河南北曰弗

達多羅曰弗達日羅曰弗拉都曰加孫曰賓都曰牙尼曰弗義尼曰烏黎曰登的里亞曰分達曰加科爾達曰邦布各曰薩隆曰加布曰日的羅弗曰新曰烏阿羅曰巴爾曰加約爾曰薩倫

西州各國補輯此數國四洲志無之今據他書補

又地里備考曰幾內亞國其上幾內亞在亞非里加州之西南南極出地一度起至北十一度止東至沙漠西南接亞德蘭的海北界塞內岡比國及尼給里西國長約八千五百里寬約三千里地面積方一百零五萬里

海國圖志

卷三十五

小西洋 西利未加各洲

丙

烟戶一京餘口民人多黑齒莽無文本國公山爲尼給里西及塞內岡比二國分界海濱低陷烟瘴觸人河長者名曰尼日爾由尼給里西貫徹本國而注於亞德蘭的海其次曰塞勒郭安薩田土肥饒穀果豐稔土產黃金珊瑚琥珀紋石甘蔗烟葉香料地氣炎熱夏秋則陰雨連綿列會分攝各據一方所奉之教或拜山河或奉禽獸初無一定技藝缺乏耕種皆女通國分爲數十小國其要者曰的馬尼曰古郎哥曰蘇尼馬那曰加布蒙德曰桑固音曰加瓦利曰亞於的亞曰達可美曰亞爾



達拉曰巴達給里曰拉各斯餘未及載

公額國又名下幾內亞在亞非里加州之西南南極出地一度起至十七度止經線自東八度起至十八度止東至日牙加地西接亞德蘭的海南連星卑巴西亞國北界上幾內亞國長約三千八百里寬約一千四百里地面積方四十四萬里烟戶四兆餘口地勢東方多山眾河發源於此其長者曰公額又名塞勒四面繞貫田土最腴產銅鐵甘蔗胡椒烟葉薯粉象牙等地氣燄烈技藝缺乏貿易稀疎列酋分攝不屬別國管轄者分二

海國圖志 卷三十五 小西洋 西利未加各國 圭

十一小國一羅昂額一公額一賓巴一薩拉一莫盧阿斯一虎美一加三日一岡各白拉一何國一何羅合一日仍加一幾蘇阿一古達多一古霄加一當巴一里波羅一幾薩馬一塞拉一白倫多一難諾一比黑

其屬列國者曰星卑巴西國在亞非里加州之南南極出地十八度起至二十五度止經線自東十度起莫知所至西接亞德蘭的海南連科丁多的亞國北界公額國長約二千七百五十里地面積方約三十四萬里烟戶約二億餘口海濱艱險平原磽薄一望沙漠人民蕭

條猛獸充斥國多無籍遊民

本州西南臨海幾內亞之地凡荷蘭大尼花旗各國市埠皆在其中隸荷蘭國兼攝者名厄爾彌那城建於幾內亞國中烟戶約一萬口景色壯觀商賈接踵設有總理駐札其地餘城皆受節制○隸大尼國兼攝者曰給里斯的巴爾其城在幾內亞國中地產饒豐工賈商眾設有總理駐劄其地餘城彈丸皆受節制○隸亞美里加州花旗國兼攝者在幾內亞國門蘇拉多河濱曰里卑利亞其居民皆由亞美里加州遷徙首郡名蒙拉維

海國圖志 卷三十五 小西洋 西利未加各國 未

學館書庫備具商賈輻輳

外國史略曰西亞非利加海邊地通各國商埠者一日西尼安在曠野之南廣袤方圓約三萬里多暑盛烟瘴民皆黑面各有酋長風俗殊異好戰鬪地或沙或壤物產不由人力佛蘭西在此海邊開埠築炮臺在路義義利等島建邑土酋多畏其勢產穀椰子棉花棗黛青烟胡椒等貨英人及葡萄牙亞等國亦開埠然甚微小○獅山在海濱長五十五里闊六十里卑溼多瀦澤內地漸高惟歐羅巴人所居地多產物其黑面人地極荒蕪土



民稠密飲水食樹根不肯工作乾隆四十七年英人在此開埠方圓約十七里嚴禁販賣人口常調師船巡駛所獲之奴即送獅山設教師開學館以施慈政居民約三萬二千後小邑鄉里務藝術英國每年費銀九十萬兩以立此港道光十六年運入之貨二十八萬七千兩運出者二十八萬五千兩民寡而勤故地雖褊小能通商

一危尼地在西海濱其通商各異埠一曰穀油濱自山內及米蘇拉加地一曰象牙濱自巴馬及亞破羅尼地

海國圖志 卷三十五 小西洋 西利未加各圖 七

一曰金濱自亞破羅尼及窩他河一曰奴濱在窩他河東邊最要者曰亞山地曰他何米曰押他曰巴他義曰拉我等國亞山地族類權勢甚重百姓百萬織布鍛五金勇敢殘酷其君妃嬪四千淫邪無度死之日殺千餘人以殉可馬西族類亦在各海濱通商英吉利荷蘭大尼等國各建礮臺調守兵以護貿易屬地褊少居民亦罕運出貨價僅數萬金此州內地甚廣部落多民俗異外國人未有入之者故不識其形勢北方有地曰丁布士大市也北賈雲集駝馬不絕又布奴近大湖亦通商

又副拉居民稠密土酋豪健常領兵以據其鄰國

海國圖志 卷三十五 小西洋 西利未加各圖 末



海國圖志卷三十六

中阿利未加州各國目錄

中州尼吉里西國一名二十二部

莫盧農

曼那臘

羅良

雅彌

燕名地

蒿司

海國圖志卷三十六 目錄

沙加都

峩墨山付臘

嘉諾

嘉司那

色塞

嘉達

蒿司沙西

裕里

注瓦

莫爾我

莫司沙

巖阿

泥罪以上十九部皆與西洋通市之地又附泥罪五小部曰沙達盧至富臘盧不錄

丁麻杜

麻西那

展里

莽馬臘

加阿臘

海國圖志卷三十六 目錄

嘉孫以上六大部五小部皆尼厄河上游之國未與西洋通市



海國圖志卷三十六

歐羅巴人原撰

小西洋 中利未 亞洲

侯官林則徐譯

邵陽魏源重輯

中阿利未加洲各國 職方外紀言亞非心域國地極大居本洲三分之一則中阿利未加亦在其內不止阿邁司尼也

竭為全洲膏腴之最西界西阿未里加北界曠野東界查湖南界無考長三千餘里廣千有餘里山最大者曰

海國圖志卷三十六 小西洋 中利未加各圖

悶山自東至西起伏綿亘與洲境同其起迄中阿未利加僅山之中央一隅耳峯巒層疊崖石嵯峨有似倒塌炮臺者有似銳浮圖者形勢不一高者二千丈崎嶇與平坦相間山內可種棉粟并有城垣依山而建天炎土燥而田疇不乏水澤皆資悶山之灌溉河道有四曰厄厄河曰孤盧尼河曰菰彌河曰瓜臘馬河皆發源悶山而厄厄河最鉅源遠流長計三千餘里總受諸河之水由機里出海諸國皆沿河建立湖以查湖為最闊與磨爾農連界長約六百里寬約四百里其水澄清甲天

下湖中小島各有居人林深草茂飛走數澤次為尼彌

湖雖不及查湖之大亦一目難窮此外皆小湖而已幅

員遼闊內多小國距海岸遠不與海國通往來近四十

年始有冒險至其地略悉情形究無史書難溯源委讀

阿丹地理誌載千二百年 宋承安五年 部內之人遷徙曠野

之南可見居於中阿未里加洲者多阿丹之人并聞先

日有阿麻西尼司與翁彌阿尼司互爭勝者各自立國

其最大者嘉諾曰薩加曰磨爾農嘉諾之南產金最旺

千四百年 明建文四年 摩羅果大頭目阿佛厘加盧士統眾

海國圖志卷三十六 小西洋 中利未加各圖

至丁麻杜奪得依機阿各地立國稱王即名丁麻杜國

嘉時嘉諾亦屬丁麻杜所轄矣千七百年 康熙二十九年 間又

歸於加斯那千八百初年 嘉慶五年 薩加親頭目曰蘭華利

荷者自立為王并服蒿司沙部磨爾農部遂成大國不

久分裂為摩爾農頭目所驅逐蒿司沙各部落若俄壘

若色塞同時亦各自王即如丁麻杜國自阿佛厘加盧

士以後即為摩羅果之屬國滿馬臘向稱大國所屬之

展里大部落近已為頭目阿馬盧所據各國政事皆自

專制故無著名之邦亦無統轄之主蝸角蠻觸各長一



方其俗百官見王俯伏殿前以首叩地名國王死屠人以祭雖不若西阿未里加阿寒氏那和彌二國之多然祀典用人亦不能缺王之所貴不在宮室制度而在妻妾貨財故國王宮室僅加於民居一等往往苦蓋塵積乳燕環飛兒童暴露樸陋無倫而妻妾之多則難以數計凡監守各官以至服役皆姬妾焉部落長官皆由民自推擇賦稅無定額軍旅無紀律惟摩爾農之兵似有隊伍善長鎗簾牌行列方圓成陣臨戰僅裹獸皮以禦弓矢薩斯親國有兵六萬各國皆不習火銃惟阿丹各

海國圖志 卷三十六 小西洋 中利未加各國 三

商有火器遇兩國爭鬪常以此解圍土產粟米棉花洋龍六畜獅象豹蜂蜜象牙金沙洋藍布各埠運貨并無車輶全藉負載賈於斯者皆阿丹之人由北阿未里加越燃沙漠缺水草多盜賊近日始知僱駱駝載節省倍從所運入者如絲紬呢紙珠銀器利皆數倍運出則黃金象牙奴僕居多奴僕多自南山虜掠而來非但賊盜即國王貴官亦然如莫爾農之王與曼那臘王之女為婚會會赴麻斯俄虜掠人口三千以賀嘉禮境無溝洫亦少衢道荒陬曠野信足穿越或倒木橫阻或兩水

泛濫行旅躑躅馬瘠僕吁土番與阿丹之人雜處僅學其技藝工作從不習其回教文字地素蠻野較之通洲則尙知禮義喜結交惟俗尙掠奪在他方尙以貧劫富此則以富劫貧習不為恥凡事皆信匪底祇之神其摩爾農蒿司沙兩國極欲修文苦無教導性喜歌舞雖尊貴亦登場演唱揚揚自得土番面皆黑即所謂烏鬼國云

莫爾農為中阿未里加洲強大之國幅員七萬五千五方里戶二百萬口在查湖之西濱湖水鄉美稼稍多獅

海國圖志 卷三十六 小西洋 中利未加各國 四

象能虎為害領大部落入鈎加其首部落也其次若安俄那若安牙騰若吾尼若加領若臘里若加沙里若阿爾磨盧農七部湖山錯壤大小各別而富庶以安俄那為最始王其地者本阿丹之人嗣有依爾加尼者起兵據國放前王于附郭逐官民回阿丹其國中大官以嚼腹為美首纏白布其王接見歐羅巴人則端坐龕中外列侍從陳兵護衛性好鬪而不輕捷敗則走步艱難坐以待斃土番黑面厚唇樸魯好鬪善紡織精染洋藍耕種皆以女國王所駐鈎加部落甚小居民萬人安俄



爲國中最大之部居民三萬貿易集會約有十萬安牙  
臘吾尼亦兩大部北則加領部與曠野交界居民驍勇  
臘里部民僅二千加沙力亦大部居民善用藥箭阿爾  
磨盧農部落近已荒廢

曼那臘國在磨盧農之南山谷土沃領大部落八以磨  
臘爲首區悶山最高之峯在其境內陟巖遠眺疆域了  
然土番不習教門文身衣革麻斯俄部落最爲蠻野好  
騎生馬衣山羊豹皮取鬣人牙齒串珠掛頸以夸其羣  
那古爾臘地處山谷村堡堅固好武關勝善用藥矢摩

海國圖志 卷三十六 小西洋 中利未加各國 五

爾農兵侵之爲所敗

羅良國在查湖之南爲洲中最靈巧之國接壤強鄰皆  
兇惡好殺竟能立國保境安民皆才智所致也即以羅  
良爲首部落街衢坦闊距查湖僅四十里產佳木香草  
精染洋藍布不亞於摩爾農錢用鐵鑄形如馬蹄番婦  
容貌在黑人中爲最端好卑溼多蚊惟日午暫息餘時  
皆蟲飛薨薨

敏雅彌國在查湖之東南土域遼闊土番勇戰衣鐵甲  
習長鎗 摩爾農器械尤備交鋒亦無紀律

蕪名地在查湖之中島嶼甚多居於斯者皆瀾落麻之  
人烏旁泊船千計無非盜艇土謠云天未貽我糧神未  
貺我牛與羊只生替力與詐腸我居宛在水中央不劫  
何以蒙四方磨爾農王欲禁之無如何也然所虜人口  
以作奴僕尙不甚殘虐往往給以妻室

蒿司沙在尼厄河之西幅員遼闊界域莫詳壤燥宜麥  
一歲再獲倉廩充實果蔬既多且旨土番皆阿丹之人  
自耶穌千年以後 失威平 三年 陸續遷至非其回教中人無  
不被虜爲奴與西隅之黑番貿易

海國圖志 卷三十六 小西洋 中利未加各國 六

沙加都國即多谷魯在蒿司沙之西土沃民庶先居薩  
加都近遷馬雅利阿城池壯闊甲於中洲墻高三丈門  
戶十二日落即閉王宮前面方角開敞四壁藻繪薩加  
都之舊部落近已頽毀  
俄墨國山付臘國均蠻地好關俄墨首部曰古尼阿城  
池堅固於千八百二十九年 道光 二年 蒿司沙率兵六萬侵  
之爲俄墨所敗山付臘首部曰沙彌當嘉諾薩加都兩  
部之衝專劫行旅爲業

雅那國即嘉諾爲阿未里加腹內之地疆域雖狹於舊



而商賈市準猶甲諸國嘉諾首部部落也周有十五里居民約三四萬中央地窪而曠水涸之後貿易聚焉為一大市鎮有頭目司市價辨真偽設有賤售貴贖亂真者則經紀受罰日出登市日入即散又有奴僕市兩棚分列男女各坐一棚買者先觀五官四肢繼令其步履聽其音語市用小介壳為錢謂之勾力士四百八十枚值銀一錢八分

嘉司那國在嘉諾之北向稱大國前時之蒿司沙會屬其管轄城墉廣闊民居不及十之一皆商賈所集

海國圖志 卷三十六 小西洋 中利未加各國 七

色塞國在嘉諾薩加都二國之南為中洲最沃之壤產上米蜜棗沙厘阿其首部也居民五萬田疇繡錯林麓

葱蔚色塞之南亦饒水草尚有小部落屬其統轄

加達國居眾山之中村莊大小五百領羅臘其首部也

地雖多山而濱涉力河土亦膏澤貿易頗盛惟土番蠻

惡前遇歲歉盡屠外國商賈而食之由領羅臘沿河而

東即阿那磨注皆加達屬地也

蒿司沙之西國轄部落四首即加雅東部次即山尼阿

部次加達良部次珊山部加雅東美田疇山尼阿在山

谷之中形勢環拱頗秀蔚加達良會屬莫盧農之部落

珊山貿易一大市鎮也人皆獷狠

俗里國疆域平曠近尼阿河常有水患厥土潤澤最宜

播種俗勤力作土番雖多為奴然伶俐耐勞首部即裕

厘甚寬闊植木城而裹以鐵周三十里居民蕃盛強勇

阿丹人常侵之皆被驅逐王宮儉陋國王曾殺有名游

士曰巴客大受惡名後遂優禮格臈白頓遊人以改前

過 注氏國蕞爾地耳而田疇膏沃地當孔道都邑居民不

海國圖志 卷三十六 小西洋 中利未加各國 八

及二萬而蒿司沙之商賈營焉市陳百貨曲港連甃管

絃宵晝行人至止被醴錯陳

磨爾俄在磨斯沙注瓦兩部之西北半多叢山茂林幾

阿麻其首部也王奉回回教敬匪底祇神宮殿設兵扈

衛宮室帷帳陳設侈靡土番驕勇敢鬪盜賊尤多劫奪

四出

莫司沙國在裕里國之下首部落即名莫司沙濱臨尼

阿河河岸寬闊下即大石灘舟楫往來素稱危險地宜

五穀前為阿丹人所據後始殺逐阿丹自立為國前時



遊人巴客被害即在此灘

巖阿國美田疇多農商西方富庶之區也轄大部落五  
口巖阿曰磨府曰區那曰幾司曰查吉仙原都磨府近  
遷居巖阿城周有十五里民戶未詳其數磨府今雖不  
復為都而居民安之尚稱樂土區那在國南幾司在國  
北若查吉仙則山谷之中矣王宮及民舍墻皆苦覆惟  
門楣多有雕飾頭目見王曲跪盡禮王多妃妾難以數  
計宮內之事皆廢妾司之凡祀神亦以人為牲特不至  
阿寒氏那和彌之多耳國中問有小山至高者三百丈

海國圖志

卷三十六

小西洋 中利未加各國

九

天氣和暖高下皆可布種產粟米棉花尤工機織其布  
與尼罪國等林木馨香蜂蝶翩跹花晨月夕致堪游衍  
尼罪國在尼厄河之東岸亦富庶之區居此土者半回  
回半黑人泥罪之黑人又黑入中之靈敏者奴僕皆工  
織機故所織棉花他國莫及轄部落八那麻其首部也  
產五穀牛馬草蓆之佳甲於通洲蘇爾府部落在其北  
界城池堅固貿易蕃盛部民盡回教男女無別臘牙馬  
及馬尼磨兩大部落均依尼厄河之東岸因阿丹侵擾  
改遷西岸巴達司在莫司沙之邊界沙俄司與臘麻相

距不遠四水環繞洲浮水面工作精巧所織棉布道洲  
頭目無不購而珍之有七百軍船防守邊界伊牙部亦  
臨河岸長四里多商船以上十九國皆與西洋通市

以下附五部落均自為會長

嘉公那部僅有大村鄉三自立頭目雖不屬泥罪  
國而土番頗馴

封那部距嘉公那四十里一大市鎮也再行四十  
里尚有數部落情形莫詳

磨卦部亦在嘉公那之下相距約八十里大市鎮

海國圖志

卷三十六

小西洋 中利未加各國

十

也商賈鱗萃有頭目經理其事

機里部在磨卦之下相距約五十里多商船亦一  
大市鎮然土瘠歉收其草牲畜不食故居民皆漁

蕉菓河以糊口產油最著

伊磨部在機里之下相距約七十里城池寬大濱  
河口亦市埠也出口貨物油與人口居多往來船

舫陳設器具頗似歐羅巴夾岸多大宅栽種芭蕉  
椰子椰子樹華麗勝於鄰國惟俗習驕汰無度醜酒

椰達宵日



以上中阿未里加腹地諸部也尙有尼厄河上流各國地土肥美略同遊人巴客道死不及回國莫詳其所經歷而各大部落亦略有所聞附載于後

丁麻杜國在中阿未里加洲邊界產黃金光色射目歐羅巴人常冒險至其地部落遼闊情形莫悉方其盛日蒿司沙各國均屬統轄近數百年并已國反屬於摩羅果矣近日黑人爲王宮室民含半皆圓銳形若蜂房厥壤燥瘠產不敷食仰給鄰國由尼厄河沿流運至加墨臘津口一日可至以金礦甚旺故商旅若鶩多摩羅果

海國圖志 卷三十六 小西洋 中利未加各國 十一

阿爾尼阿都尼司三都之人百貨充初惟黃金奴僕兩種交易最大

麻西那國在彌尼湖之旁宜牧畜距丁麻杜部落頗遠土番付臘司種類會長卽展里會之弟

展里國濱臨尼厄河邊首部卽名展里會長阿丹人居民萬口貿易稍遜丁麻杜而丁麻杜所需貨物多購諸此商賈皆富臘司曼領俄莫馬騰摩羅四種間有黑番至此貿易

莽馬臘國土曠而沃色俄其首部也尼厄河居中宮室

民舍依傍兩岸墾闢鱗比街衢方軌居民三萬南山所產金沙皆運此出售珊山領部落貿易亦盛居民萬口麻那母部落產鹽北界曠野爲摩羅人牧場

加阿達國皆沙土首部部落曰甘猛

加孫國地小而沃首部部落曰孤尼阿加里

沙達盧根戈盧領尼古墨魯古富臘盧五小國高阜多林木河中產金沙甘干部落其大市鎮也每遇禮拜三墟期焉母里地多金運此銷售產蜜糖棉花火器火藥花布及歐羅巴貨物無一不備以上六大部五小部皆尼厄河上游之國未與

海國圖志 卷三十六 小西洋 中利未加各國 十二

重輯

萬國地理全圖集曰亞非利加中地北係沙漠稱曰撒哈拉北極出自十五度至三十度偏西十五度至東三十度長九千里闊三千里其沙地風吹堆積爲山炎熱難行但沙漠中亦間有水草沃壤其民大半田亞拉伯國而來以劫掠爲生其駝若舟動止醒睡恒與人同伴行路如患渴死則殺其駝飲血且胃內有存水解渴由麥西國至西十日路皆無人之地至窄谷始有樹木而



後抵非散國都居民七萬向麥西南形勢距二千有百  
里乃他弗芽地其兵最耐辛苦。望南而往則地補土  
亞勒兩族貧窮好鬪沙漠外各地皆有水草居民愈多  
大半黑面其中有數國半從回教恆執己見若見白面  
之人則酷待之風俗澆漓放僻男逸女勞凡耕田治舍  
貿易工作無一非女故愈娶妻女則愈富足土君娶婦  
必盈于此內尼額大河兩岸沃饒林樹暢茂。自古及  
今內地與外國無往來之理是以居民野心近日英人  
用心周遊其地以考其來歷但不服水土或染瘴或被

海國圖志

卷三十一

小西洋 中利未加各國

三

賊或志未成就近日又用火輪船進其內河搜訪其風  
俗而水手死亡船空往反竟無成功惜哉

地里備考曰尼吉里西國又名蘇丹在亞非里加州之  
中北極出地六度起至二十三度止經線自東七度起  
至三十一度止東至盧比亞暨亞比西尼二國西連塞  
內岡比國南接幾內國暨岳山北界沙漠長約六千里  
寬約四千二百五十里地面積方二百四十五萬里烟  
戶約二京餘口人黑色地形準闊湖河與沙漠相間河  
之長者曰尼日爾曰哥拉曰要曰沙利湖之大者曰沙

德曰的別曰非德勒瀕河田多臘朕土產稻黍麻藤  
烟穀果象牙金沙皮革等物地極炎熱多毒蟲惡豸外人  
到輒病死故自古不通別國奉回教業農罕技藝國分  
二十二部落各會分攝不相統屬曰波爾奴曰巴耶爾  
美曰北爾古曰桑加拉曰布勒曰岡干曰窩那蘇勒曰  
上邦巴拉曰下邦巴拉曰馬昔那曰巴難曰的勒南曰  
了布各都曰牙烏利曰尼非曰波爾古曰牙黎巴曰北  
甯曰瓜曰公曰加拉那曰達公巴

一中央曠野此最廣之沙漠礫山不毛獨有野獸獅狼  
駝鳥等其游牧亦渴餓易斃西方之地荒風歷藤暝暗  
如夜居民罕少野積枯骨中一地有草木然水泉鹹商  
賈希利結羣而往族類各異其中士亞勒地好虜掠然  
客宿其家亦厚接之若逢於野即便劫掠。特布族類  
在東方顏色黑惟食駝乳淡物每遭士亞勒之虜掠。  
非散在地坡里之南土豐盛長百里闊六十六里居民  
七萬統轄於地坡里之酋其曠野與麥西國交界海港  
頗通商其曠野有佛廟四方禮拜雲集。此外多沙磧  
無大部落矣

海國圖志

卷三十一

小西洋 中利未加各國

七



利未亞洲各島原志此洲不載島國今取泰西各書補之

職方外紀曰聖多默島在利未亞之西赤道之下闊千里徑三百里其地濃陰多雨愈近日處雲愈重雨愈多凡在此島之果俱無核又有意勒納島鳥獸果實甚繁而絕無人居海舶從小西洋至大西洋者恆泊此十餘日樵採漁獵備二三萬里之用而去又赤道南有聖老楞佐島圍二萬餘里從十七度至二十六度半人多黑色散處林麓無定居出琥珀象牙極廣

亞細亞以西之地中海與利未亞洲北境相首尾有島

海國圖志 卷三十六 小西洋 中利未加各國 五

百千其大者一曰哥阿島獲國人患疫有名醫名依卜舉大火燒一晝夜火息而病亦愈蓋疫一曰羅得島天為邪氣所侵火氣猛烈能激濂諸邪也

氣常清明終歲見日無竟日陰霾者其海畔常積一巨銅人高踰浮屠海

中築兩臺以盛其足風帆直過跨下其一指中可容一人直立掌托銅盤夜燃火於內以照行海者鑄十二年其銅以駱駝九百隻往負之一曰際波里島豐物產每歲國賦至百萬葡萄酒極美又出火浣布是煉石而成

地熱少雨嘗連晴三十六年土人散往他國今稍稍湊集矣

地里備考曰本州之島分隸西洋各國管轄其隸布路

亞國者三處皆設總管一曰馬德義辣島在亞德蘭的

海西北長一百八十里寬七十里烟戶一億二萬餘口山勢峭壁氣溫和土肥饒穀果豐稔葡萄尤盛首郡名豐札爾○二曰布威爾德島在亞非里加州之極西緯度自北十四度四十五分起至十七度二十分止經度自西二十四度五十五分起至二十七度三十分止內有十島大者名桑的可阿烟戶一萬七千餘口土產穀菓絲椰藥材甘蔗藍龍葡萄烟葉等物地燻烈不害居棲禽獸充斥鱗介蕃衍十島中名桑非里卑者出火島

海國圖志 卷三十六 小西洋 中利未加各國 六

也○三曰桑多美北林西卑島在本州西義內亞海灣中分為二一桑多美島回環四百里地氣不馴而田廬

產豐一北林西卑島長八十里寬六十里地氣溫和田土禽獸穀果均與桑多美島相等

隸天方國者五一幾羅阿島在東方幅員十數里上產

寥寥四面險阻船隻難度一蒙非亞島長三百三十里寬三四十里田土膾腴物產豐盛一桑西巴爾島長二百五十里寬五十里泊所穩便貿易興隆一奔巴島幅員三百五十里地多肥饒土產木料本島為天方管轄



者三分之一一紫哥德拉島長二百五十里寬一百里  
泊所穩便地硠少泉貿易無幾土產象膽朱砂禽獸等  
物

隸土耳其基國者曰馬蘇阿在亞比西尼國馬蘇阿海島  
之中烟戶稀疎泊所穩闊商賈雲集地氣燥烈

隸佛蘭西國者曰聖盧義斯島田土膏腴貿易興隆地  
氣不和一哥勒亞島泊所穩便凡佛蘭西船往亞細亞  
者必至其處一烏阿羅島賊多民散四望空虛以上各  
處皆在塞內岡比亞國中一布爾濱島在印度海長一

海國圖志 卷三十六 小西洋 中 梨加各國 七

百八十里寬一百三十里烟戶約八萬五千口土廬狀  
氣溫和內有火山土產黑金珊瑚穀果桂皮藤花烟葉  
材木香料泊所不穩有總管駐劄

外國史略曰亞非利加各洲島其東方最廣大者曰馬  
他牙士里島廣袤方圓一萬零五百里長二千二百里  
闊約四百五十里及七百里南極出十二度及二十六  
度偏東四十四及五十二度其居民約四百萬口族類  
不一形狀甚美此島蕃毓出五穀百果蠶絲香料黛青  
牛畜銅銀鉛中央皆大山密林有土酋管之惟阿瓦族

最大近各酋歸於一主嘉慶間部主聰明召外國藝術  
賢士教化土民道光十五年女王攝權仇視耶蘇門徒  
半死殺戮此地通商佛國每欲開埠多染瘴斃近女  
王與英佛兩國肇衅○補吞島並所屬之洲三百二十  
里南極出自二十度五十分至二十一度二十分馬島  
東向之嶼一帶皆山判分此島峰高千丈無平坦地多  
白饴丁香等物居民十萬黑七白三大半耕田此島葡  
萄亞所開後佛蘭西據之產貨甚多恨無灣泊之港○  
離此嶼不遠之茅勒士島在補島東面南極二十二度

海國圖志 卷三十六 小西洋 中 梨加各國 八

二十一度中間廣袤七百餘里地面二萬七千三百二  
十四頃此島豐盛白饴最多凡南洋之物皆有之地有  
火山草木藥蕪荷蘭人曾至此後佛蘭西據之遂荒蕪  
白面人其裔也喜慶年間讓與英國黑人五萬三千  
道光十六年運進之物值銀二百七十萬兩船三百四  
十九隻所運進者二百五十萬兩英國調兵帥管之黑  
面人無用每僱唐人治其田道光十六年收稅餉七十  
一萬所費四十一萬七千兩○西識羣島天氣和美洲  
有五產白饴椰子等民少而食用足港口無暴風捕鯨



之人皆泊此。可摩利羣州甚高出各物民所可他島甚高在亞丁海隅係亞拉天方回族地亢出蘆薈菜皆崇回回教。

亞非利加西方之島一希里尼洲在磐石上土薄無多產英人屬地商船往來要路嘉慶十九年佛蘭西霸君波那良謫居在此船由印度至者在此雲集其昇洲產鹽商船賣之。一多馬等島地荒蕪在危尼海隅其林稠密民皆匪類屬西班牙國多烟瘴。一青翠島屬葡萄牙有火山天氣亢旱惟產絲花居民屢遭饑饉。加海國圖志卷三十六西洋 中利未加各洲 九

那利洲屬西班牙國出葡萄酒島居民十九萬山水最美。又有絕美之洲曰馬地拉出美酒百果與聖港嶼皆屬葡萄牙居民十二萬地氣清爽英國人多留此醫病養生。

海國圖志目錄

大西洋歐羅巴洲

卷三十七

歐羅巴洲總沿革原無今補

卷三十八

布路亞國一作葡萄牙一作博都爾鳴即澳門大西洋國

卷三十九

大呂宋國亦名斯篇國一作干絲臘一作西班牙一作是班牙一作以西托尼亞

卷四十

海國圖志卷三十九目錄

荷蘭及彌爾尼王國彌爾尼王國又名伊宜又名北義

卷四十一

佛蘭西國上一作佛郎機一作佛郎西一作佛蘭祭

卷四十二

佛蘭西國下



大西洋歐羅巴洲各國總敘

敘曰恭讀康熙五十有年十月壬子 聖祖諭曰  
 海外如西洋等國千百年後中國恐受其累此朕逆料  
 之言夫康熙之世荷蘭効文船定貢期意大里國備臺  
 官佐歷算四海賓服而 大聖人已智周六合慮深  
 萬世何哉地氣自南而北間禽鳥者知之天氣自西而  
 東驗海渡者知之大秦之名聞中國自漢世始大秦之  
 通中國自明萬歷中利馬竇始大秦者西洋之意大里  
 亞國也凡佛郎機葡荷亞之住澳門入欽天監皆意大  
 海國圖志 卷三十七 大西洋總敘 十

里開之為天主教之宗國代有持世之教皇代天宣化  
 至今西洋各國王即位必得教皇冊封有大事咨決請  
 命焉又請其大弟子數十分掌各國教事號曰法王教  
 皇猶西藏佛教之達賴喇嘛而法土則猶住持蒙古各  
 部之胡土克圖今澳門市埠屬葡荷亞國而故自昔惟其法王則亦意大里國人故自昔惟  
 意大里亞足以綱紀西洋自意大里裂為數國教雖存  
 而富強不競于是佛郎機英吉利代興而英吉利尤熾  
 不務行教而專行賈且佐行賈以行兵兵賈相資遂雄  
 島夷人知為禍流毒為中國三千年未有之禍而不知

水戰火器為沿海數萬里必當師之技而不知備兵之  
 厚練兵之嚴馭兵之紀律為緣營水師對治之藥故今  
 志于英夷特詳志西洋正所以志英吉利也塞其害師  
 其長彼且為我富強舍其長甘其害我烏制彼勝敗奮  
 之奮之利兮害所隨禍兮福所基吾聞由余之告秦繆  
 矣善師四夷者能制四夷不善師外夷者外夷制之

又案明萬歷二十九年意大里亞國人利瑪竇始  
 入中國博辯多智精天文中國重之自稱大西洋  
 之意大里亞人未嘗以大西洋名其國時佛郎機

築城室於濠鏡及明季亦旋棄澳而去皆非今澳  
 門大西洋澳門大西洋者明末布路亞人以歷法  
 聞于中朝禮部尚書徐光啓奏用其法并居其人  
 于澳門至今相沿呼澳夷為大西洋國明史外國  
 傳自當專立布路亞國一傳以著中歷用西法之  
 始及澳門有大西洋之始乃僅一語附見意大里  
 佛郎機傳中遂至今如墮雲霧其實大西洋者歐  
 羅巴洲各國之通稱澳夷特其一隅不得獨擅也  
 以其洲言之則各國皆曰歐羅巴以其方隅言之

海國圖志 卷三十七 大西洋總敘 二



則皆可曰大西洋以其人言之則皆可曰紅毛至  
澳門紀略以今澳夷為意大里亞國亦誤意大里  
但行敘於澳其市舶兵船礮臺洋樓及歲輸地租  
則皆布路亞國主之無與意大里

歐羅巴與利未亞之分洲也以地中海界之而歐  
羅巴一洲復中亘一海其表幾與地中海相亞海  
北為瑞丁那耳威士等國北界冰海西史稱別一  
天下而是海獨無專名隨國立稱難以舉似今只  
洲中海名之猶朝鮮遼東之與登萊中隔渤海矣

海國圖志 卷三十七

西洋 總敘

三

海國圖志卷三十七

大西洋

邵陽魏源輯

大西洋各國總沿革

原無今補

後漢書大秦國一名犁鞞以在海西亦云海西國地方  
數千里有四百餘城小國役屬者數十以石為城郭列  
置郵亭皆堊墼之有松柏諸木百草人俗力田作多種  
樹蠶桑皆髡頭而衣文繡乘輜駟白蓋小車出入擊鼓  
建旌旗幡幟所居城邑周圍百餘里城中有五宮相去  
各十里宮室皆以水精為柱食器亦然其王日遊一宮

海國圖志 卷三十七

西洋 總沿革

一

聽事五日而後徧常使一人持囊隨臣車人有言事者  
即以書投囊中王至宮發省理其枉直各有官曹文書  
置三十六將皆會議國事其王無有常人皆簡立賢者  
國中災異及風雨不時輒廢而更立受放者甘黜不怨  
今西洋荷蘭彌利堅等國何用此俗其人氏皆長大平正有類中國故謂之大秦  
觀此知大秦乃中國人稱彼之詞非彼國大號士多金銀奇寶珊瑚  
珀琉璃琅玕朱丹青碧刺金縷繡織成金縷罽雜色綾  
作黃金塗火浣布又有細布或言水羊毳野蠶繭所作  
也即今之大呢合會諸香煎其汁以為蘇合凡外國諸珍異



昔出焉以金銀爲錢銀錢十當金錢一與安息天竺交  
市於海中利有十倍其人質直市無二價穀食常賤國  
用富饒鄰國使到其界首有乘驛詣王都至則給以金  
錢其王常欲通使於漢而安息欲以漢繒綵與之交市  
故遮闔不得自達觀此語則知安息傳中所言土人告  
漢使齋三歲糧乃得渡海及海中使  
人思慕死亡之語皆安息人所  
以恫喝漢使不欲其通大秦也至桓帝延熹九年大秦  
王安敦遣使自日南徼外獻象牙犀角瑇瑁始乃一通  
焉其所表貢並無珍異疑傳者過焉或曰其國西有弱  
水流沙近西王母所居處幾於日所入也漢書云從條

支西行二百餘日近日所入則與今書異矣前世漢使

皆自烏弋以還莫有至條支者又云從安息陸道繞海

北行出海西至大秦此即今都魯機及鄂  
羅斯相通之陸路人庶連屬十

里一亭三十里一置終無盜賊寇警而道多猛虎獅子

遮害行旅不百餘人齎兵器輒爲所食又言有飛橋數

百里可渡海北諸國所生奇異玉石諸物譎怪多不經

故不記云職方外紀曰百爾西亞西北諸國皆爲度博  
格所并其地有一海長四百里廣百里命曰  
死海其西北有那多理亞未西界歐羅巴處中隔一海  
寬五里許昔有一名王曰失爾塞者造一跨海石梁通  
連兩地今爲風浪衝擊亦崩頽矣源案度博格國在死  
海之西北界歐羅巴何細亞兩洲之間今都魯機國也

海國圖志卷三十七 西洋總論

所云跨海石梁正與此地望相准長止五里蓋塞外得  
水謂海之例未爲不經而後漢書言飛橋數百里則傳  
聞之過也

晉書大秦國一名犁鞬在西海之西其地東西南北各  
數千里有城邑其城周迴百餘里屋宇皆以珊瑚爲稅  
栴琉璃爲牆壁水精爲柱礎其王有五宮其宮相去各  
十里每旦於一宮聽事終而復始若國有災異輒更立  
賢人放其舊王被放者亦不敢怨有官曹簿領而文字  
習胡亦有白蓋小車旌旗之屬及郵驛制置一如中州  
其人長大貌類中國人而胡服其土多出金玉寶物明

珠大貝有夜光璧駭雞犀及火浣布又能刺金縷繡及

織錦縷扇以金銀爲錢銀錢十當金錢之一安息天竺

人與之交市於海中其利百倍鄰國使到者輒獻以金

錢途經大海海水鹹苦不可食商客往來皆齎三歲糧

是以至者稀少漢時都護班超遣掾甘英使其國入海

船人曰海中有思慕之物往者莫不悲懷若漢使不戀

父母妻子者可入此皆彼土人夸誕之詞  
妄以地中海爲大海英不能渡武

帝太康中其王遣使貢獻

魏書大秦國一名黎軒安都城從條支西渡海曲一萬



里從條支波海萬里其地中其海傍出猶濁海也西與渤海相望蓋自然之理地方六千里居兩海之間源案自漢晉以來皆誤以地中海為大西洋故有諸種數歲始達大秦之說獨魏書始知其海傍出猶濁海與中國渤海東西相望自古言地中海者莫先於此所云波海曲萬里者以其縱長言之南北橫波實止三千餘里所云地居兩海之間者大秦之北又有洲中海亦與地中海廣長略半皆渤海非大西洋也故言西域莫精於魏書其地平正人居星布其王都城分為五城各分五里周六十里王居中城城置八臣以主四方而王城亦置八臣分主四城若謀國事及四方有不決者則四城之臣集議王所王自聽之然後施行王三年一出觀風

海國圖志 卷三十七 大西洋 總沿革 四

化人有冤枉詣王訴訟者當方之臣小則讓責大則黜退令其舉賢人以代之其人端正長大衣服車旗擬中國故外域謂之大秦其土宜五穀桑麻人務蠶田多瓊琳琅玕神龜白馬朱鬣明珠夜光璧東南通交趾又水道通益州永昌郡多出異物大秦西海水之西有河河西南流河西有南北山山西有赤水西有白玉山玉山西有西王母山玉為堂云從安息西界循海曲亦至大秦四萬餘里於彼國觀日月星辰無異中國而前史云條支西行二百餘日近日入處失之遠矣此皆能破舊史之妄

職方外紀天下第二洲曰歐羅巴南起地中海北極出地三十五度北至冰海出地八十餘度南北相距四十五度徑一萬一千二百五十里西起西海福島初度東至阿比河九十二度徑二萬三千里共七十餘國其大者曰倚西把尼國呂宋曰拂郎祭即佛蘭西也祭舊誤作察則形曰意大里與今曰亞勒馬尼尼瑪曰法蘭得斯荷曰波羅尼波曰翁加里今并入西曰大尼曰雪際日諾勿惹即那威國與瑞曰厄勒祭即額曰莫哥斯未俄羅其地中海則有甘的亞諸島西海則有意而蘭大

海國圖志 卷三十七 大西洋 總沿革 五

諸厄利諸島云諸厄利即英吉利其凡歐羅巴洲內大小諸國自國王以及庶民皆奉天主耶穌之教織毫異學不容竄入國主互為婚姻世相和好財用百物有無相通不私封殖其婚娶男子大約三十女子至二十外臨時議婚不預聘通國之中皆一夫一婦無敢有二色者土多肥饒產五穀米麥為重果實更繁出五金以金銀銅鑄錢為幣衣服蠶絲者有天鵝絨織金段之屬羊絨者有毯罽銷哈刺之屬又有苧麻之類名利諸者為布絕細堅而輕滑大勝棉布做則可搗為紙極堅韌今



西洋紙率此物君臣冠服各有差等相見以免冠爲禮  
男子二十以上繫衣青色兵士勿論女人以金寶爲飾  
服御羅綺佩帶諸香至四十及未四十而寡者卽屏去  
衣素衣酒悉以葡萄釀成不雜他物其酒可積至數十  
年當生子之年釀酒至兒年三十娶婦時用之酒味愈  
美諸種不同無葡萄處或用牟麥釀之其膏油之類味  
美而用多者曰阿利穢是樹頭之果熟後卽全爲油其  
生最繁又島長平地山岡皆可栽種國人以法制之最  
饒風味食之齒頰生津在橄欖馬金囊之上其核又可

海國圖志

卷三十七

大西洋 總沿革

六

爲炭滓可爲醃菜可食牛羊凡國人所稱寶產蓄大小  
麥第一葡萄酒次之阿利穢次之蓄牛羊者爲下  
其國俗雖多酒但會客不以勸飲爲禮俾犯醉者終身  
以爲詬辱飲食用金銀玻璃及磁器天下萬國坐皆席  
地惟中國及歐羅巴諸國知用椅棹其屋有三等最上  
者純以石砌其次磚爲牆柱木爲棟梁其下土爲牆木  
爲梁柱石屋磚屋築基最深可上累六七層高至十餘  
丈地中亦有一層既可窖藏亦可除濕瓦或用鉛或用  
石板或陶瓦凡磚石屋皆歷千年不壞牆厚而實外氣

難通冬不寒而夏不溽其工作如木工石工畫工型工  
繡工之類皆頗知度數之學製造備極精巧凡爲國工  
者皆考選用之其駕車國王用八馬大臣六馬其次四  
馬或二馬乘載碑馬驢互用戰馬皆用牡馴過則弱不  
堪戰矣又良馬止飼大麥及稗不雜他草及豆食豆者  
足重不可行此歐羅巴飲食衣服宮室制度之大略也  
又曰歐羅巴諸國皆尚文學國王廣設學校一國一郡  
有大學中學一邑一鄉有小學小學選學行之士爲師  
中學大學又選學行最優之士爲師生徒多者至數萬

海國圖志

卷三十七

大西洋 總沿革

七

人其小學曰文科有四種一古賢名訓一各國史書一  
各種詩文一文章議論學者自七八歲至十七八歲學  
成而本學之師儒試之優者進於中學曰理科有三家  
初年學落日加譯言辯是非之法二年學費西加譯言  
察性理之道三年學默達費西加譯言察性理以上之  
學總名表錄所費亞學成而本學師儒又試之優者進  
於大學乃分爲四科而聽人自擇一曰醫科主療病疾  
一曰治科主習政事一曰教科主守教法一曰道科主  
興教化皆學數年而後成學成而師儒又嚴考閱之凡



試士之法師儒羣集於上生徒北面於下一師問難畢又輪一師果能對答如流然後取中其試一日止二人一人遍應諸師之問如是取中便許任事學道者專務化民不與國事治民者秩滿後國王遣官察其政績詳訪于民間凡所為聽理詞訟勸課農桑興革利弊育養人民之類皆審其功罪之實以告於王而黜陟之凡四科官祿入皆厚養廉有餘尚能推惠貧乏絕無交賄行賂等情其諸國所讀書籍皆聖賢撰著從古相傳而一以天主經典為宗即後賢有作亦必合于大道有益

海國圖志 卷三十七 大西洋 總沿革 八

人心乃許流傳國內亦專設檢書官看詳羣書經詳定訖方准書肆刊行故書院積書至數十萬卷毋容一字盡感人心敗壞風俗者其都會大地皆有官設書院聚書於中日開門二次聽士子入內抄寫誦讀但不許攜出也又四科大學之外有度數之學曰瑪得瑪第加亦屬斐錄所科內此專究物形之度與數度其完者以為幾何大數其截者以為幾何多二者或脫物而空論之則數者立算法家度者立量法家或體物而借論之則數者在音相濟為和立律呂家度者在天迭運為時立

應法家此學亦設學立師但不以取士耳此歐羅巴學設官之六略也

又曰歐羅巴國人奉天主正教在遵持兩端其一愛敬天主萬物之上其一愛人如己愛敬天主者心堅信望仁三德而身則勤行瞻禮工夫其瞻禮殿堂自國都以至鄉井隨在建立復有掌教者專主教事人皆稱為神父俱守童身屏俗緣純全一心敬事天主化誘世人其殿堂一切供億皆國王大臣庶轉輸不絕國人羣往歸焉每七日則行公共瞻禮名曰彌撒此日百工悉罷

海國圖志 卷三十七 大西洋 總沿革 九

通國上下往焉聽掌教者講論經典勸善戒惡婦女則另居一處而聽男女有別其愛人如己一是愛其靈魂使之為善去惡盡享生天之福二是愛其形軀如我不慈人天主必不慈我故歐羅巴人俱喜施捨千餘年來未有因貧鬻子女者未有餓餓轉溝壑者在處皆有貧院專養一方鰥寡孤獨處其中者又各有業雖殘廢之人亦不廢如醫者運手足痺者運耳目各有攸當務使曲盡其才而不為天壤之廢物又有幼院專育小兒為貧者生兒舉之無力殺之有罪故特設此院令人撫育



以全兒命其族貴而家貧者取于送子入院更有兩全之法其院穴牆以設轉盤內外隔絕不相見送兒者乘人不見置兒盤中扣牆則院中人轉兒入矣其會領洗與否皆明記兒胸異時父母復欲收養則按所入之年月便得其子又有病院大城多至數十所有中下院處中下人有大人院處貴人凡貴人若羈旅若使客偶患疾病則入此院院倍美于常屋所需藥物悉有主者掌之預備名醫日與病者診視復有衣衾帷幔之屬調護看守之人病愈而去貧者量給資斧此乃國王大家所

海國圖志

卷三十七

大西洋 總沿革

十一

立或城中人併力而成月輪一大貴人總領其事凡藥物飲食皆親自驗視之各城邑遇豐年多積米麥饑歲以常價糶之如所謂常平倉者人遇道中遺物或獸畜之類多覓其主還之弗得主則養之國中每年數日定一公所認識遺畜失者與得者借來會集如遇原主則聽其領去如終弗得主則或宰肉或賣價以散貧人若拾金銀寶物則書于天主堂門外令人來識先令預言其狀如一符合即以還之不得主亦散于貧之國中又有天理堂選盛德宏才無求于世者王之凡國家有

大舉動大征伐必先質之此堂問合天理與否據以

可然後行之國八病危悔過祈赦則分析產業遺一分

爲仁用或以救貧乏或以助病院或以贖敵國所虜或

以修飾天主殿庭一切仁事悉從病人之意遺于子孫

謂子孫之財遺于仁用謂已靈魂之財其聖教中人更

有慕道最深拋棄世間福樂或避居於山谷或入聖人

聖女所立之會而畢世修持者其入會須發三誓一守

貞以絕色一安貧以絕財一從命以絕意凡歐羅巴諸

國從十六七歲願入會中矢守童身者自國王大臣宗

海國圖志

卷三十七

大西洋 總沿革

十一

室以下男女不可勝紀其女子入會後惟父母至戚得往見之餘絕不相交接其會中居屋原極宏敞亦自不礙遊息也其男子入會例有多端有專自脩不務化人者有務化人不能遠游者又有化人而欲及天下者此則離本國捐朋友棄親戚遍歷遐方其視天下猶一家視天下人猶一體不辭險阻艱辛雖啖人炙人之地亦身歷焉惟祈普天之下皆識真王而救其靈魂升天以畢素志此歐羅巴敬天愛人之大略也

又曰歐羅巴諸國賦稅不過十分之一民皆自輸無徵



比催科之法詞訟極簡小事里中有德者自與和解決  
事乃聞官府官府聽斷不以已意裁決所憑法律條例  
皆從前格物窮理之王所立至詳至當官府必設三堂  
詞訟大者先訴第三堂不服告之第二堂又不被告之  
第一堂終不服則上之國堂經此堂判後人無不聽於  
理矣訟獄皆據實証告則告者與證見即以所告之罪  
坐之若告者與訴者指言證見是仇或生平無行或嘗  
經酒醉即不聽為證者凡官府判事除實犯真賊外亦  
不先事加刑必俟事明罪定招認允服然後刑之官亦

海國圖志 卷三十七 大西洋 總沿革 五

始終不加管駕即詞色略有偏向訟者亦得執言不服  
改就他官聽斷焉吏胥餘孽雖亦出于詞訟但因事大  
小以為多寡立有定例刊布署前不能多取故官府無  
恃勢剝奪吏胥無舞文詐害此歐羅巴刑政之大略也  
封內雖無戰鬪其有邪教異國恃強侵侮不可德馴如  
韃而韃度爾格等者本國除常設兵政外又有世族英  
賢智勇兼備者常以數千人結為義會大抵一可當十  
皆以保國護民為志其初入會者試果不懼諸艱方始  
聽入焉會在地中海馬兒達島長者主之遇警則鳩集

成師而必能滅寇成功他國亦有別會俱彷彿乎此即  
國王亦有與其會者此又歐羅巴武備之大略也  
又曰地中海有島百千大者曰甘的亞島囊有百城周  
二千三百里古王造一苑圍路徑交錯一入便不能出  
游者須以物識地然後可入生一草名阿力滿少嚼便  
能療饑地中海風浪至冬極大難行有鳥作巢於水次  
一歲一乳但白卵至翼不過半月此半月內海必平靜  
無風波商船待之以渡海鳥名亞爾爾虐此半月遂名  
為亞爾爾虐日云

海國圖志 卷三十七 大西洋 總沿革 五

又曰歐羅巴迤北一帶海島極多冬長暗數月行路工  
作以燈產貂類極多人以為衣又有人長大多力遍體  
生毛如猿猴產牛羊鹿甚多犬最猛烈一犬可殺一虎  
遇獅亦不避也源案東北海黑龍江以下有使犬使鹿  
海故貂鹿犬 部捕貂為生此西北地亦然蓋地北  
所產相同 冬月海水為風所擊嘗湧積如山人善漁  
獵山多鳥獸水多魚鼈人以魚肉為糧或磨魚為麵油  
為燈骨造舟車屋室亦可為薪其魚皮以為舟遇風不  
沉不破如陸走則負皮舟而行源案黑龍江東有魚皮  
北海與東北海 物產同之一證 其海風甚猛能拔樹折屋及攝人物於



他處又曰北海濱有小人國高二尺鬚眉絕無男女或預破其卵以絕種類又有小島其人性嗜酒任飲不醉年壽最長近諸厄利亞國為格落蘭得島其地多火以磚石障之仍可居處或宛轉作溝以通火火焰所至便置釜飪熟物更不須薪其火亦終古不滅

萬國地理全圖集曰歐羅巴列國南至地中海之海義八搭峽海隔亞非利加地東南至黑海連亞齊亞北及冰海東接亞齊亞西及大西洋海廣袤圓方九百七十五萬方里長一萬零五百里闊七千五百里居民二萬萬

海國圖志 卷三十七 大西洋 總沿革 西

丁其半地歸峩羅斯北極出自三十六度至七十一度自英都中線偏西十度偏東三十六度遍地江河支流灌溉田畝中間高崗崎嶇千峯險峻由此延曼南北大湖在俄羅斯國由海隅深入其地交通往來自有轉關之易古時此地林樹稠密羣蠻遊獵商朝盤庚年間希臘族種到俄羅斯而開新地漸進教化在地中海島各地與亞齊亞列王戰勝於是羅馬國在以他里大興攻服歐羅巴之大半化民成俗四夷共服惟有北方之野蠻與羅馬交戰屢獲全勝東漢獻帝年間匈奴侵歐羅

巴東境其土民遷移隣邦一至羅馬國之交界盡力戰鬪被羅馬國蕩覆君室自創新鼎異族者漸奉天主之教勉為良善但無見識其僧秉機弄權敢作敢為唐朝年間回回前進與西國接戰宋朝年間千萬居民離其本地而往猶大國百有餘年與回回苦鬪不息自後歐羅巴內城邑大興並操自主之權始知印書知製火藥初造羅經泊明嘉靖年間舟楫無所不至初尋出亞默利加大地次到五印度國後駛至中國通商日增見識日廣此時歐列國萬民之慧智能高大緯武經文故

海國圖志 卷三十七 大西洋 總沿革 五

新地日開徧于四海焉  
瀛環志略曰歐羅或作友羅巴一土在亞細亞極西北隅以烏拉大嶺為界詳俄國中國之所謂大西洋也絕長補短約得亞細亞四分之一西距大西洋海水由西北此灣環注入大地曰波羅的海一作八得海轉注東北分兩汊約三四千里波羅的海之南海水由正西注入大地曰地中海泰西名墨力特爾勒尼由西而東約七十餘里再分小汊注東北成巨浸曰黑海泰西名周迴二三千里環波羅的海南盡地中海黑海之北岸為歐羅



巴全土其地自夏以前土人游獵為生食肉飲皮如北方蒙古之俗有夏中葉希臘各國初被東方之化耕田造器百務乃興漢初意大里亞之羅馬國創業垂統疆土四關成泰西一統之勢漢史所謂大秦國也前五代之末羅馬衰亂歐羅巴遂散為戰國唐宋之間西域回部方強時侵擾歐羅巴諸國蒼黃自救奔命不暇先是火炮之法創於中國歐羅巴人不習也元末有日耳曼人蘇爾的斯始倣為之猶未得運用之法明洪武年間

元駙馬帖木兒王撒馬兒罕威行西域歐羅巴人有投海國圖志卷三十一 大西洋 總帶革 六

部下為兵弁者攜火藥炮位以歸諸國請求練習盡得其妙又變通其法創為鳥鎗用以攻敵百戰百勝以巨艦涉海巡行西關亞墨利加全土東得印度南洋諸島國聲勢遂縱橫於四海現大小共十餘國  
波羅的海之東有大城曰彼得羅堡一作必特爾士木爾俄羅斯之都城也波羅的海之西岸與大西洋海相表裏也形如葵扇下垂曰瑞蘭國從南岸突出如臂巨波羅的海之闊與瑞蘭國作凹凸之勢曰捷國捷國之南曰日耳曼列國為歐羅巴之中原日耳曼之東北臨波羅的海曰

普魯士日耳曼東南曰奧地利亞其東南臨地中海曰土耳其土耳其有三土此其西土中東兩土在亞西亞界內土耳其之南地形如人掌拊於地中海曰希臘日耳曼之南曰瑞士再南如人股之著屐於地中海曰意大利國日耳曼之西北臨海曰荷蘭荷蘭之南曰比利時比利時之南曰佛郎西佛郎西之西南曰西班牙西班牙之西臨大西洋海曰葡萄牙佛郎西之西北有三島雄峙海中曰英吉利

按以上各國惟俄羅斯與中國互市在西北陸路不海國圖志卷三十一 大西洋 總帶革 七

由海道其至粵東貿易者英吉利船最多居各國十分之六西班牙之船六十自呂宋來粵東稱大小呂宋不稱西班牙其船之多幾過於英吉利而洋米之外少別貨此外則奧地利亞普魯士次之奧國荷蘭又次之瑞蘭又次之佛郎西貨船每歲來粵多不過三四隻少則一二隻所載皆呢羽鐘表諸珍貴之物葡萄牙即居澳門之大西洋其本國商船來者甚稀日耳曼之翰堡一作昂不爾北閩一作不爾兩埠間有貨船來粵比利時現求通商船尚未來意大里亞近分四



國商船無來者土耳其係回回希臘新造小國向未通商

按諸書述各國地域之正方里各各不同與中國開方法不同不知其如何折算其所列進幣兵額師船之數復各書多不相合殊不足據所謂欠項者乃國所欠於民之數西土之例國有兵事則聚鄉紳於公會令其籌辦兵餉皆貸於富商大賈而歲償其息愈積愈多或借一歲之入而不足以償則加稅額以取盈焉民之怨時國之衰弱半由於此

海國圖志 卷三十七 大西洋 總論 六

歐羅巴一土以羅經視之在乾戌方獨得金氣其地形則平土之中容蓄滄海數千里迴環吞吐亦與他壤迥別其土膏腴物產豐阜其人情性縝密善於運思長於制器金木之工精巧不可思議運用水火尤為奇妙火器創自中國彼土倣而為之益加精妙鑄造之工施放之敏殆所獨擅造舟尤極奧妙篷索器具無一不精測量海道處處誌其淺深不失尺寸越七萬里而通於中土非偶然也

歐羅巴諸國迤南者在北黃道之北寒暑略似中原迤

北者在北黑道之南積雪至五六尺堅冰至三四尺俗傳西洋人畏冷誤矣冬月室皆熾炭衣履數重無著裘者所傳畏冷者黑夷皆印度或南洋各島人與赤道相近亘古未見冰雪其遇所寒而瑟縮也宜矣

歐羅巴諸國來粵東皆從大西洋海開行沿亞非利加之西岸南行至盡頭之好望海角俗名大浪山乃轉而東北舟行至此風濤最惡彼土人慣於浮海亦罔不慄慄危懼過此乃額手稱慶浮印度海東北行入蘇門答臘葛留巴之巽他海峽又東北而至瓊東計程約七萬

海國圖志 卷三十七 大西洋 總論 九

餘里俗稱來三去五蓋由大西洋來中國約三月程回國則須五月程往返同途而遲速不同者非盡由風信之順逆也四海之水皆東趨至尾閭而入大地又從萬派源泉分流而出由歐羅巴至中國則為順流由中國西旋則為逆流故遲速不同耳

歐羅巴諸國紀年皆稱一千八百幾十年非其傳國之年數也各國皆奉耶穌教以耶穌降生之年為元年至今凡一千八百餘年耳至各國祚數或修或短惟佛郎西傳世最久其餘多者亦不過數百年且時立女主族



姓潛移俗傳西洋諸國自古未易姓者妄也

西洋諸國語言文字相同者普魯士塞地利亞與我羅斯同地相接也英吉利與米利堅同西班牙與墨西哥以南諸部同葡萄牙亞與巴西同彼州本三國之所開闢也餘國皆不相同

秦西人造屋外無牆垣中無院落惟層樓疊架繞以回廊徧開牖戶賤者處下層貴者居上層雖王宮亦如此所稱俄羅斯新都王廷長四十五丈闊三十八丈舊都王廷廣七十七丈長二百一十丈非指一宮言之總其

海國圖志 卷三十七 大西洋 總沿革 三

宮牆四隅計之而中則自分層數間數也

歐羅巴之大界限自地中海以外一為州中海橫貫瑞丁那威大尼普魯社之南我曰聖佛羅瑞意大利各國之北亦名黃海亦名巴得海亦名波的亞海皆此州之異名也一為烏拉嶺即葱嶺之北幹起白爾摩北抵冰海長四千餘里分亞細亞歐羅巴二洲之界俄羅斯跨此嶺東西焉其嶺所連諸山皆葱嶺西北之幹蜿蜒回環于曲百折以抵海濱信乎葱嶺之大雪山為古昆侖嶺為羣山之祖也

地理備考歐羅巴各國總敘上曰歐羅巴洲各國建立始末以額力西國為最而額力西國之前又係上古亞西黎亞與厄日度二國開創風氣當中國唐虞之世亞西黎亞國政教昌隆自夏后不降十三歲嗣君尼亞斯不勤政事國勢漸衰自後八百餘載朝政日非古史無所記載惟厄日度國代有明君然古史但載兵革始末而賢君善政均未之述自商王祖辛十二年亞美奴非斯溺死紅海後西索斯的里嗣位武備文事極一時之盛是時厄日度國人約二千七百萬餘口傳世七百十

海國圖志 卷三十七 大西洋 總沿革 三

一載每遣人民遷赴他方開創教化故亞德納斯國漸為聲名文物之邦實賴厄日度國人前往其地變化之也是時額力西國王聞而嚮風遣其能臣遊說各國因得十二國會盟彼此相衛歲遣使臣再會於德爾摩比勒之地議行善政復思延國祚必須立教遂將德爾佛斯堂諸善士布施之資財盡付十二國會議之人管理緩急相關併力禦侮是以伯爾西亞回國兵來侵無不敗北偃武修文二百餘載航海四出并至葛爾給斯等處創建新國焉殷王廩辛六祀亞德納斯國王名德修



者武勇絕倫自思十二部落事權不一遂欲合而一之  
先得庶民之心次散其附和首領之眾又裁汰國內各  
衙署惟建會議公堂一所設禮制輕稅斂招徠遠人疆  
九之地竟成通都大邑較額力西各處更盛國中大權  
盡歸一人盡革前此各部強弱衡行之習其國人分三  
等一則尊爵紳士二則百工匠役三則農夫庶民因一  
等之人權重故自德修王至哥德洛斯亞兩世特加惠  
於二三等之人以分爵士之勢久之民志日驕崎重之  
勢權遂歸下當周康王時哥德洛斯王薨其民以此後  
必無如先君之賢者遂揚言惟玉必德爾為君方可推  
戴玉必德爾者乃其國供奉宗神之首示不欲更立國  
王也遂立會議官以執政事從此額力西各國效尤紛  
紛逐君革爵設官擅政風俗政治為大變易惟亞德納  
斯國人初雖除國王之名尚立哥德洛斯王後裔為統  
領之官曰阿爾干勢權與國君相等越三百三十一載  
當中國周平王時國人復議阿爾干官永執國政與君  
何異嗣後州官三年一易越五十五年又議每歲分立  
九官於任滿退之時必述職於民以定臧否人皆視

海國圖志

卷三十七

大西洋總沿革

三

為畏途自後亞德納斯國人各自專擅無復法度國中  
諸才智士復議創造法律以約束其下推達拉固主其  
議其人性過嚴酷纂修法制罪無大小盡定斬決時人  
謂之血書越數十載有梭倫者當周靈王年間修改律  
例歸於平允遂按一國資財之多寡分尊卑貴賤四等  
其四等至貧賤之人雖不得居官至有通國會議公務  
亦可參預又恐人多語雜因建議事廳大理寺二署其  
議事廳定額四百人為庶民會議之所其大理寺乃官  
府會議之所其官必名望才德由眾推舉此梭倫所定  
政治章程各國多效之者又有斯爾巴達國其始亦如  
額力西分列小國而統於一君歷代相傳四百餘載當  
周成王時有兄弟二人者同登君位嗣後相傳皆係二  
君同治至九百年之久此事最為奇異迨秦始皇時葛  
黎厄美尼斯王踐位始復改為一君其國政嚴禁奢後  
不用銀錢不豐飲食皆練習武事故富強善戰國中世  
守其教視亞德納斯國梭倫所立法度更為悠久當其  
時伯爾西亞回國達黎約王與兼併之意又聽阿德納  
斯國人懇請報復步騎十一萬大舉來攻然伯爾西亞

海國圖志

卷三十一

大西洋總沿革

三



承平日久士卒或習奢過度或從役勞苦不能如昔年之勁旅於是亞德納斯國中良將簡精銳萬人迎敵大破敵軍逾二十載伯爾西亞國嗣王名捨爾時者志圖報復率馬步舟三軍數十萬眾傾國大舉復攻額力西之亞德納斯等國各國齊心盟約背城力戰破之水陸全勝然自後額力西各國恃勝而驕所獲敵財彼此侵奪於是亞德納斯與斯巴爾達二國首先背盟號召各小國自相侵伐干戈不休日至衰微越九十三載當周顯王時遂為馬斯多尼亞亞國王襲破盡有額力西全國

海國圖志

卷三十七

大西洋 總沿革

五

開闢疆土更廣於額力西其子阿勒山德里王嗣為盟主當周顯王時復率步軍三萬馬軍五千攻服伯爾西亞國遠至天竺諸處無不歸附屢戰屢勝兼有歐羅巴州亞細亞州之半迨殂後其將帥等互相割據事蹟紛繁建為東都號君士但丁城後為土爾其希臘國所有焉東漢時始為意大利國所併額力西國自昔盛時當周景王顯王時二百餘載文名顯著之士不可勝計百工技藝皆至精巧玉必德爾與的亞納二廟堂尤天下第一壯觀雖東方各國尚不及詩書文字繪畫工塑無

不與妙而軍務尤所講習方行天下至於海表洲歐羅巴州開創之首國在意大里之前者也

歐羅巴洲古時國最盛者自額力西外嗣惟羅馬國一統最久其創建在成周中葉其混一在西漢之中分裂在東晉之末其宗社全墟在明景之世祚歷二千餘年自古無其強大悠久然自昔至今一興一衰為歐羅巴二次大變亦歐羅巴之大關係也當周平王時環意大里亞皆強勇之國而國王羅母洛者與鄰國戰勝時即收其精銳歸入營伍并擇其軍器號令之勝已者而效

海國圖志

卷三十七

大西洋 總沿革

五

從之每戰勝一次勢力愈增連年練戰上下皆善用兵紀律嚴肅且勤治國政設立議事廳選才智百人會議法度無不盡善其後四代賢君國益富強迨七世之君達爾癸伯者殘忍無道敗亂倫常通國怒而逐之嗣後遂不立君惟推主師一人以領兵別推官長二員代理國務一年一易此羅馬國之大變局也自後政事修明國益富強越數百年之久環意大里亞諸部盡歸版圖惟隔海之加爾達額國實為勁敵其國在亞非里加州海濱以舟楫為貿易事海濱兩岸皆歸其掌握延及歐







海南岸僅餘兩強國未服一曰賓多一曰玉占爾達時  
 賓多國恃有高哥斯山為屏障兵亦強悍故與羅馬兵  
 相持二十年之久始為奇岳所破而玉占爾達國尤險  
 遂於漢元封五年始征服焉由是地中海南亞非里加  
 州各國盡入版圖猶太麥西國亦俯首歸附其地中海  
 北歐羅巴境亞馬尼佛蘭西無不臣服又渡海征英吉  
 利番建為大部西土數萬里無復抗顏行者然羅馬國  
 人民自恭革王位以後其議事官原議一年一易後因  
 軍事難更生手漸有久於其位者議事官之後嗣世沐

海國圖志

卷三十一

大西洋 總沿革

天

榮寵偏庇姑息其庶民雖有例許為顯職得遇選舉然  
 其所選仍皆議事官之後嗣民間才傑皆不得進以此  
 上下人心不睦且征伐諸國之後偏染繁華驕奢日甚  
 富貴子孫恃勢凌人諸將各擁強兵悍不馴服故外患  
 既平內釁漸啓幸邊圍皆有重兵鎮壓互相鉗制故國  
 中變亂未作若非東都西拉之兵則羅馬國早為大將  
 馬黎約軍卒所擅據矣先是西拉之兵與馬黎約之兵  
 積勞交訐其黠民乘機倡亂殺高爵子孫民與紳鬥兵  
 與兵鬥既而兵民紳分黨相攻同時並起至相屠戮數

萬時二大將出征東北夷族者一曰潘沛一曰塞薩爾  
 聞變旋師共平內難盡戮反側十餘萬人國事乃定於  
 是大權盡歸兩帥潘沛會定麥西猶太各國立功東北  
 塞薩爾會收服佛蘭西英吉利立功西北二人威名相  
 等積不相下而塞薩爾兼有文學尤得民心潘沛遂起東  
 部兵攻之為塞薩爾敗諸希臘之地潘沛走死由是塞  
 薩爾總大政立法制羅馬大治有議事官忌之使刺客  
 殺之於是塞薩爾之兄子額達唯約起兵復仇奪回其  
 國遂即尊位是為羅馬復立國王之始時漢建始二年

海國圖志

卷三十七

大西洋 總沿革

天

也是時歐羅巴利亞二州及亞細亞西境周回影萬里  
 盡入版圖惟羅馬國獨立行政於天下四國之使雲集  
 於羅馬皆納款獻賦焉義地約比國使人求和巴爾的  
 亞國昔與羅馬深仇亦使人結盟和好天竺國命使前  
 赴會盟其餘各國畏威懷義無不奉命水陸無警兵革  
 休息於是額達維約王親閉仍訥廟門仍訥者乃其國  
 之神也凡有戰鬪之事其廟門則啓若干戈甯靜則閉  
 其廟門以示偃武修文從此四海昇平人物熙和為西  
 土極隆平之世越三載當漢孝哀帝建平二年耶蘇乃



降誕於如德亞國羅馬國之創始如此至其文學抄  
古時亦未開闢惟以兵農是習迨勝額力西後盡獲其  
珍奇嗣服阿細亞各國復得其積貯各國之藝精華盡  
入於羅馬外敵既讎爰修文學常取高才置諸高位文  
章詩賦著作撰述不乏出類拔萃之人但除開國數君  
之外餘多驕暴敗常視國人如奴僕且國君既以酷虐  
待民而已身又爲驕兵所制既使天下聞名悚懼而其  
君反自畏三軍此則羅馬國之大勢也初羅馬征服各  
國之後其邊外夷狄尙未收服後嗣遂欲窮兵絕域深

海國圖志

卷三十七

大西洋 總沿革

三

入沙漠窮追至北海犁庭掃穴伏屍百萬始能征服然  
開地既廣鞭長莫及國中既皆放辟邪侈之習加以北  
地降王處之內地生聚漸盛報復不忘各旋其本部告  
以羅馬人物之富麗田土之膏腴復述親友死亡之慘  
以聳土夷憤怒之心遂傾國奮矛枕戈並攜妻子奴僕  
六畜器皿蜂擁而至所過掃蕩遇室即焚逢人即殺肝  
腦塗地及晉惠帝時嗣王以禦狄殞於陣國大震不得  
已乃與之和自羅馬西都遷於伯拉東都以避其鋒並  
將西都守河之兵調赴東方護衛自徹藩籬以至故都

守備單弱東晉孝武帝二十二年復分國爲二王以治  
東西二都其後西都屢爲戎時族所侵宋元徽三年魏  
特圖羅馬西都王出降由是西都遂爲羅馬所據惟東  
都仍稱羅馬國焉夷裔科多亞塞者遂據西都卽位稱  
汗宮室焚毀府庫傾蕩閱數百載傾覆盡矣唐初回教  
之摩哈默興於天方兼併波斯其勢欲強羅馬入回教  
不從由是波斯回兵數侵羅馬東境猶太麥西諸部皆  
陷峽東地全歸回教僅餘希臘片土元末峽東盡歸土  
爾其數渡海峽侵羅馬吞其旁邑殆盡明景泰二年攻

海國圖志

卷三十七

大西洋 總沿革

三

陷君士但丁都城羅馬遂亡羅馬軍旅最有紀律至今  
猶傳留爲法止因後不守先王之道勤修政治專以關  
疆黷武爲事盛滿必傾外患驟至辱國損威千百年繁  
華富麗皆成化外良可歎息焉  
歐羅巴各國總序下曰自羅馬西都陷於夷狄之後迨  
當唐中宗嗣聖年間英吉利南邊膏腴之地歸於薩索  
尼亞夷國奧盧地歸於法郎古夷國西班牙歸於厄都  
夷國意大利亞及各鄰近之地歸於龍巴爾多夷國於  
是羅馬國之政治法度技藝文學等掃蕩僅存踪跡政



事律例風俗衣冠言語人名國號盡變夷俗自後數百年歐羅巴風俗鄙陋即顯官縉紳亦不能讀書識字且因導引諸夷內攻之會領等以所得之地與其大夫將軍按職分授而大夫將軍等亦所在效尤與其麾下分授地方迫奪民田迫使佃耕又各部互相攻擊動輒挾制君上無復綱紀於是各國君讐議務結民心以強己勢而分部會之權庶民始立會議公廨選舉官員經理約束國政漸變音之荒蒙情慢者皆講習以開其智勤奮以勵其身且夷狄攻破西都時獨東都伯拉未遭傾

海國圖志

卷三十七

大西洋 總沿革

三

覆國中文學事業仍存一二迨數百年後其地又為大市埠而天竺國之珍奇貨物巧妙工作多往聚售意大利亞國始再與各國來往復習文學之事後又與歐羅巴各奉耶蘇教之君會盟共逐回回出如德亞國都時各國三軍或赴如德亞或歸本國無不會集於伯拉東都而列西國之生意實賴此創始宋哲宗紹聖二年也迨各國干戈休戢之後有意大里亞國人日日威亞者當元成帝年間始造羅盤以便舟行從此意大里亞各國人始赴東方厄日度諸埠收買天竺土產奇巧各物

歸歐羅巴甚獲利益時元大德年間至明建文帝年間也至耶蘇一千四百年間歐羅巴北方之人無不奮營貿易是時隣近洲中海之的納馬爾加瑞典等國海盜猖狂及與意大里亞通商結盟保護而他方效之於是亞里曼及佛蘭地二國之八十城亦約盟互衛隣近別部亦皆求和好始公立貿易章程各埠財物積貯於佛蘭地國之布盧日城及其隣近各城皆為歐羅巴至富庶之福土再奉耶蘇教各君往救如德亞之後因與魯蒙古達爾哥斯丹各王結約以拒土耳其回國其奉使

海國圖志

卷三十七

大西洋 總沿革

三

赴蒙古者皆耶蘇教中僧人素好雲游四海遠方絕域無不歷遍其首赴蒙古記錄沿途古蹟者乃若翰加爾賓也宋理宗淳祐六年復有數僧齎教主公牘投蒙古國王懇其關照保護嗣後往蒙古印度等處者益多迨明太祖洪武年間蒙古國王達美爾蘭者人甚英武印度遠域無不攻克彼時歐羅巴人已於蒙古部落充當兵卒後攜其火藥礮位運用之法旋歸本國較阿里曼國人所造更精至是始講求益善焉蒙古國王達美爾蘭薨後歐羅巴之奉教諸僧皆旋本國遂以印度等東



方之富麗豐饒啓發本國人並言海面水路直達各處先此西洋舟船不過游奔亞非里加近處海邊後漸向南駕駛於明孝宗弘治十年駛越好望海角始為赴東海及印度海之眾路彼時西洋人有日訥瓦國人名哥隆波者擬由西方而赴東方國人皆謂孟浪之談復稟弗蘭西英吉利布路亞三國王亦皆不見用最後得大呂宋國王賞發銀幣備三大船於明孝宗弘治五年開行西往越三十三日探得前途始有洲島及臨近其地並非印度所遇人民言形殊異即今之亞美里加洲地

海國圖志 卷三十七 大西洋 總沿革 語

也語詳後卷茲不及贅再羅馬國敗廢之後歐羅巴餘邦皆遭大幽暗世衰道微國人鹵莽文學攸斂迄明永樂以後復如田禾早穡得雨還甦漸再知教化況新尋得各洲淳然復興創造印撰書籍百工技藝交接貿易故諸火推今世為極盛

地里備考曰歐羅巴雖為地球五州中之至小者然各處文學技藝較之他處大相懸殊故自古迄今常推之為首其地緯度離赤道往北三十五度起至七十二度止經度自巴黎斯第一午線西十二度起至東六十度

止東連亞細亞西至亞德蘭的海南統黑海及地中海北至水海東西長約一萬五千六百里南北寬約一萬零八百里地面積方約五百九十一萬六千里

歐羅巴內外共十四海迴環穿繞其至大者三一名北海為北方之界一名大西洋海為西方之界一名地中海為南方之界其餘小者十一一名白海乃冰海之分派一名巴爾的哥海一名北海一名漫沙海一名一爾蘭大海以上四者皆係大西洋海之分派一名若尼約海一名亞爾給白拉科海一名馬爾馬拉海一名黑海

海國圖志 卷三十七 大西洋 總沿革 語

一名亞索弗海以上五者皆係地中海之分派一名加斯比約海此海原天下至大之湖是以俗名為裏海在歐羅巴之東與各海均不相通

歐羅巴地大半在北溫道其居北寒道者祇十二分之一至於地氣則分四等第一自緯三十五度起北至四十五度乃熱第二自四十五度至五十五度乃溫第三自五十五度至六十五度乃寒第四自六十五度至七十二度乃極寒也四等之內或熱或溫或寒或極寒皆有損其太過益其不及其臨德亞蘭的海一面之各國



冷則由南而北漸漸加甚熱則有海風解散暑氣也其  
 臨地中海一面之各地冷則乍寒乍暖不時變易由西  
 而東以漸加增熱則隨風更變全無定准而東方各處  
 較西方微覺涼爽其枕亞西亞一面之各處雖屬嚴寒  
 然由南而北無甚參別熱則因其冷之甚反為炎酷按  
 四季而論其第一二三等雖各按時令然皆有先後遲  
 早之分其第四等之地祇有二季居北寒道各處冰雪  
 凝結有越三月不夜之天有數月尤長之夕日只比曉  
 懸於空中故冬長而刻乃因久無日光之故也夏短而  
 炎乃因常有日照之由也

海國圖志卷三十七 大西洋 總論 三

歐羅巴所產金銀寶玉較之他州雖屬微鮮然其所有  
 銅鐵鉛錫煤水銀等礦及鹽田則勝於別處  
 歐羅巴一州地臨北方者多近赤道者寡故凡熱域之  
 草木實為難得然而瀕地中海各邊凡他州所有卉木  
 百穀亦皆有之且諸物中草木五穀皆以地道為限莫  
 能到處皆宜即如阿利穢樹與葡萄黍稷之類產南方  
 者皆在赤道北三十六度以內若四一九度外則全無  
 矣歐巴離西方諸處較之亞細亞東方北極出地同度

者頗為卑下所產草木甚為懸殊除四海同生之草木  
 外其餘皆止宜於二方極北之地至於歐羅巴中央  
 產者則凡高山由巔至麓樹木最繁花卉萬種然亦只  
 宜此方難移植他地橡樹在歐羅巴北方甚為高大名  
 曰樹王椴松檉榆等樹乃北方所共有黑楊皂角等樹  
 叢茂成林亦在北方溫道之末惟松檉二樹最多赤道  
 往北六十八度外殆無樹木至四十四度內皆有所產  
 五穀皆足以供歐羅巴一州之人厄羅斯伯羅尼亞里  
 曼等國五穀豐登除本國食用外尚可外運佛蘭西地

海國圖志卷三十七 大西洋 總論 三

收麥甚豐厄羅斯伯羅尼亞里曼皆有苜蓿意大利種  
 秈稻土耳其基種黍稷諸魯威蘇益薩二國在北方五穀  
 甚鮮只有油麥而已又至六十二度外則無苜蓿還可  
 至四十六度全無果菜雜處歐羅巴各糧皆有而南方  
 猶茂盛檳榔橘子阿喇穢果桑甚甘蔗等皆聚於南方  
 葡萄乃歐羅巴至美至繁之果或至四十五度或至五  
 十度方無黃麻苧麻之類歐羅巴中央用意栽種桑樹  
 惟歐羅巴南方栽種至於顏料藥材在熱道者較多於  
 他處其香料亦生於熱道者多種類不一然通行常用



者各國山中皆有之

歐羅巴州所在生齒日繁種植日甚禽獸充斥然較少於他州尤少惡毒之獸蓋人烟日稠戶口繁滋是以此一州人每於惡獸毒蟲務將除絕所產野獸近日迹微但高山尚有熊獸毛色種類各異其豺狼狐狸豪豬一豬等皆生於深山幽谷曠野叢林之地其麋鹿鹿兔松貂二鼠等不缺於遊畋狩獵之人至於畜牲日增月盛且其種昔尚矮小今則配合於他方所生皆高之雄駁其至多者乃馬牛羊犬至於野鳥則鷹鷂鷓鴣鴉鵲林皆

海國圖志

卷三十一 大西洋 總論

三

滿家禽則鷄鴨鵝不可勝數孔雀白鴿白鶴烏燕無不備具此外或裸或鱗或介或甲種則繁盛味則甘濃焉

歐羅巴一州之人共約二核二京七兆七億口除回回國外其餘歐羅巴各國皆奉耶穌教大同子異各從其門  
歐羅巴中所有諸國政治紛繁各從其度或國王自為專主者或國主與羣臣共議者或無國君惟立家宰執政者

五州之內皆有文學其技藝至備至精者惟歐羅巴一州也其外各州亦皆有之但未能造至其極如鐫刻地理音樂等書通行各國者皆歐羅巴人所著作其鑄造修製鐘表鎗礮風球火船陰晴表寒暑針等有裨日用之器及織造各色匹頭大半皆創造於其地

歐羅巴古為鹵莽之州後其地因近於厄日度又連於亞西亞故額力西國始得離暗就明棄鄙歸雅且其民人才能敏慧文藝理學政治彜倫靡弗攻修以臻其至時有非尼西國人自亞細亞州至於本州南方教以質

海國圖志

卷三十七 大西洋 總論

三

易事務建立貨局招募商賈其後加爾達厄國人始至焉而額力西國人遂泛海於意大里地立新國即羅馬也是時不惟意大里諸地歸其所有抑且英國及亞里曼等國皆為其所得及羅馬叛亂之後為北方夷族奪據彼時天主教既由亞細亞入於歐羅巴又徧布於四方傳國數百餘載迨夷狄占據後所建新國非一其奧盧地歸於法郎西人其義斯巴尼亞地歸於維西哥多人其英吉利地歸於薩索尼亞人其俄羅斯地歸於古斯於的納維亞人嗣後由大尼那威而至之海寇占據



佛蘭西國之一部由亞非里加而至之回人侵犯大呂宋國之數地而羅馬國則歸於天主教王管轄其昔有各地大半為佛蘭西國所有更定新國創業垂統歐羅巴現在諸國乃耶穌降生後數百年間始為建立

海國圖志 卷三十一 大西洋 總沿革

一

海國圖志卷三十八

歐羅巴人

侯官林則



大西洋 歐羅巴洲

邵陽魏源重輯

布路亞國總記

一作荷荷亞 一作博都爾噶亞 卽在澳門之夷明以來所謂大西洋

也

布路亞國古名魯西達尼阿與大呂宋毘連一區西南俱界大海東北俱界大呂宋在耶穌未紀年以前加達尼晏士侵奪大呂宋時尚不知有布路亞迨呂宋為阿

海國圖志 卷三十八 大西洋 布路亞國

一

丹攻擊割布路亞地請和旋復興兵滅阿丹而奪回之

千二百年

宋寧宗慶元二年

呂宋加色代爾部落嫁女於佛蘭

西之律與厘

律官名與厘人名

割布路亞地之北隅數部贈嫁

于是興厘遷居北隅日漸盛強復興師攻取南隅之義

斯門西彌里等處遂建都于義斯門立國稱王千五百

年後

明武宗正德年間

駕駛舟師東取沿海西取南彌利堅洲

之摩那濟爾地百餘年後有塞麻斯田王往侵布路亞

軍伍淆亂自誤截已兵遂大潰國王沒諸子爭立乞援

于大呂宋菲里王始定王位自是國事受制于呂宋邊



地被侵於荷蘭先感菲里王之德繼成仇隙千六百四十年崇禎十三年部眾咸憤起兵驅大呂宋之人並廢前王而改立新王不受大呂宋節制傳至四代國事廢弛邊境俱失維時大呂宋之麻密王深念唇齒既締好於英吉利復釋布路亞之世仇互市通商故布路亞部落摩那濟爾所產之金始得進口千八百有七年嘉慶十二年佛蘭西摩那巴底王遣禹詔領兵往襲布路亞倉卒無備遂棄義斯門而走摩那濟爾旋得英吉利之助始逐佛蘭西復其故都其子遂即位于摩那濟爾國中官無常俸不守廉隅世祿之家奴使小民專擅驕縱如大呂宋兵丁三萬無紀律自糾英吉利兵拒退佛蘭西後爾英國兵帥助其訓練始成勁旅近已不亞於歐羅巴各國俗奉加特力教所在多立廟宇統計教師廟四百所尼菴百五十所為人驕情虛假鮮實尙白好潔貴富賤貧河道三魯羅河之源發自呂宋歷本國之阿波多大市鎮而注之海達俄河之源亦發自呂宋歷國都而注之海惟密里俄河自本國發源沙中有金可淘產羽毛布正魚鹽燂金哩噤鼻煙葡萄亞國即布路亞東北俱界

海國圖志 卷三十八 大西洋 布路亞國 二

大呂宋西南俱界阿蘭底海幅員二萬八千八百方里戶三百五十三口領大部部落六小部落五十俗奉加特力教

一 伊斯里麻魯那 東界俱界阿蘭底 領小部落十有二 晏特厘多羅 東北俱界大呂宋 西界阿蘭底 領小部落

二 特拉斯阿滿底 東界大呂宋 西界阿蘭底海 領小部落

三 彌那 東南大呂宋 南界伊里麻魯那 領小部落 西界特那斯阿滿底 北界阿蘭底海

十四 阿領底若 東界大呂宋 南界阿爾牙威 領小部落 西北俱界依士特里底魯那

一 阿爾牙威 東界大呂宋 北界阿蘭底 領小部落 若西南俱界阿蘭底海

葡萄亞國沿革 原無 今補

皇清四裔考博爾都噶國 即布路亞國 一作葡萄亞國 三字轉音 在歐邏巴極西境徑七百里西濱大洋地分五道四方商船皆聚都城有大河曰德若河經都城西人海通國大市凡六水泉二萬五千國有二學曰厄物

海國圖志 卷三十八 大西洋 布路亞國 三



辣曰哥應拔歐邏巴高士多出此中有耶蘇會士蘇氏者著徒祿日亞書最精土產果實絲綿多水族善釀葡萄酒即過海至中國不壞園圃有周數十里者禽獸充物異國名王過其地往射獵焉俗有仁會恤孤寡犛獨商船至或有死而無主者收其行李訪其戚屬還之國王隨處遣官為孤子治家長則還所有且加益焉明以前未通中國雍正五年表貢方物乾隆十八年復貢

命欽天監正劉松齡前途引導至京 召見賜宴

先是雍正五年朝貢於常賞外 特賜國王人參四

海國圖志 卷三十八 大西洋 布路亞國 四

十勛庫緞二十五疋磁器一百三十件洋漆器六十六

件紙三百張墨二十匣字畫絹一百張及荔枝酒哈密

瓜松糕茶糕芽茶香餅燈扇香囊等物又加賞來使倭

緞磁器漆器紙墨扇絹等物至乾隆十八年又 特

賜國王龍緞四疋粧緞花緞線緞各八疋百花粧緞十

二疋綾紡絲各二十二疋羅十三疋杭綢七疋冊頁一

付瑪瑙玉器六件琺瑯器二種漆器十九種磁器三十

三種及紫檀木器書絹香袋香餅紙墨扇茶又加賞正

使書絹紙墨扇茶及文綺又隨 勅書賜國王龍緞

片金各二疋蟒緞倭緞各三疋粧緞七疋花緞六疋閃

緞花緞青花緞藍緞青緞帽緞線緞各四疋綾紡綢各

二十二疋羅十三疋絹七疋又因端陽節加賞國王紗

四十疋葛百疋香囊香串官扇藥錠等物并正副使

葛香囊香串藥錠等物蓋念其遠來從優錫予焉二十

五年廣東南海縣民林六因緣入教至於變易服飾娶

妻生子經兩廣督臣李侍堯奏准比照左道惑眾為從

例治罪以維風俗部議從之其國東境為伊西巴尼亞

又東北為拂朗祭又東北為法蘭得斯又東北為熱爾

海國圖志 卷三十八 大西洋 布路亞國 五

瑪尼亞博厄美亞諸國山川風俗見職方外紀初博爾

都噶國君乏嗣伊西巴尼亞之君為其昆仲乃權署其

國事後復自立君長不相統屬乾隆初博爾都噶國人

傳作林以天文家來仕 中朝為欽天監

海鏡大西洋國又名布路亞士氣候嚴寒由散麥里正

北行約二旬可到國境其海口南有二礮臺謂之交牙

礮臺儲大銅礮四五百架有兵二千守之凡有海艘回

國及各國船到本國必先遣人查看有無出痘瘡者若

有則不許入口須待痘瘡平愈方得進港內有市鎮七



處如中國七府由交牙礮臺進港行數十里到預濟窩  
亞此一大市鎮也國王建都于此有礮臺無城郭又由  
此進則爲金巴喇亦一市鎮凡入中華爲欽天監及至  
澳門作大和尚者多此土人又進爲窩達又進爲維丟  
其餘爲來魯爲阿喇加爲渣比皆大市鎮也人烟稠密  
舟車輻輳各有重兵鎮守土番色白好潔居必樓屋器  
用精巧色尙白凡墻屋皆以灰塗飾稍舊則復塗之女  
人亦以色白者爲貴稱王曰理稱世子曰黎番爹王子  
曰必林西比王女曰必林梭使相國爲干爹將軍爲馬

海國圖志 卷三十八 大西洋 布路亞國 木

喇亞乍文官有五等武官有九等其鎮守所屬外洋埔  
頭各土官即取移居彼處之富戶爲之亦分四等一理  
民間雜事一理人間鬪爭一掌糧稅一掌出入船艘本  
國歲差一文一武到彼管轄疆域大者或差三四人每  
大事則六人合議若所差官未攜眷屬則必俟土官四  
人熟議合民情土風然後施行差官不得自專若均有  
室家則聽差官主謀土官多不與爭謂其患難相共也  
男子短衣窄褲僅可束身有事則加一衣前短後長若  
蟬翅然官長兩肩別鑲一盞蘆形金者爲貴銀次之帽

圓旁直而上平周圍有邊女人上衣亦短窄下不裨圍  
以裙至八九重年少則露胸老者掩之出必以寬幅長  
巾掛其首垂至兩膝富者更以黑紗掩其面紗極細緻  
遠望之如雲烟價有值二十金者手中多弄串珠富者  
則以珍珠或鑽石爲之男女俱穿皮鞋自國王至于庶  
民無二妻者妻死乃再娶夫死乃再嫁凡婚姻婿家必  
先計粧奩父母但以女不得嫁爲恥雖竭家資不惜而  
男之有婦與否則不復計蓋又恃有婦家取償也婿不  
禁同姓唯親兄弟不得爲婚寡婦再醮者雖叔姪亦相

海國圖志 卷三十八 大西洋 布路亞國 七

娶凡婚必請于教主教主許然後婚教主者廟中大僧  
師也俗奉天主教每七日婦女俱詣廟禮拜凡娶妻男  
女俱至廟聽僧師說法然後同歸男女將議婚父母媒  
妁必先告教主教主則出示通諭俾眾共知男女先有  
私約許情告即令各從其願雖父母莫能爭也婦女有  
犯姦淫各罪欲改過者則進廟請僧懺悔僧坐于小龕  
中旁開一窗婦女跪于窗下向僧耳語訴其情實僧爲  
說法解罪僧若以其事告知眾人則眾以僧爲非其罪  
絞凡男女有犯法恐家主罪之者至廟中求僧僧若許



為解釋以書告其家主雖怒不敢復罪也人死俱  
葬廟中有後來者則掘其先墓棄諸廟隅而補葬其處  
生死皆告于廟僧為記其世系然閱三世後亦多不知  
其祖矣國王立不改元以奉天主教計其年每年以冬  
至後七日為歲始合計一歲而分十二月不論月之合  
朔與否故月有三十一日者以月借日而光為不足法  
也冬至後五十餘日國中男女俱不肉食謂之食齋至  
四十九日而後止將止三日婦女禱拜各廟謂之尋祖  
先三日後則廟僧將所藏木雕教主置之廟堂或置路

海國圖志卷三十八 大西洋 布路亞國 八

隅先見者則徧告以為尋獲次日番僧及軍民等送置  
別廟藏之大和尚出迎穿大衣長至地衣四角使四僧  
牽之為布幕其長丈許寬五六尺用四竿擎其四角擇  
富戶四人執一竿大和尚在幕下手執圓鏡中有十  
字形儀仗軍士擁之而行見者咸跪道旁俟和尚過而  
後起其女人亦有出家為尼者別為一廟而扇閉其門  
戶衣服飲食俱自竄進終其身不復出有女為尼則其  
家俱食祿于王父母有罪尼為書請乞輕重赦除之  
凡軍民見王及官長門外去帽入門趨而進手撫其足

而嘔之然後垂手屈身拖足向後退數步立而言不跪  
子見父久別者亦門外去其帽趨進把父腰父以兩手  
拍其背嗅其面數四子乃屈身拖足退數步立而言未  
冠則不拖腰早晚見父母俱執手嘔之餘如前兄弟及  
親戚相好者久不相見則相抱然後垂手屈身見長輩  
如見父儀而不相嗅長輩而年相若者亦相抱唯卑者  
微惡其足女見父母幼則如男長則趨進執其手嘔之  
退後兩手攝其髻稍屈足數四見舅姑亦如之親戚男  
女相見男則垂手屈身拖足女則兩手攝其髻屈足數

海國圖志卷三十八 大西洋 布路亞國 九

四然後坐女相見則相向立各攝其髻屈足左右圍轉  
然後坐朋友親戚路遇則各去其帽出外携眷回家有  
親戚訪問者女人必出陪坐語女人出外遊觀則丈夫  
或家長親戚攜手同行亦有一男攜二女而行者此其  
大畧也俗貴富而賤貧其家富豪則兄弟叔姪之貧者  
不敢入其室不敢與同食云案此所述該西洋各國風俗非獨葡葡亞也以澳夷  
居中國最久故海錄以冠  
各國并將全洲風俗繫之  
澳門紀畧乾隆十六年 西洋夷居香山澳自明萬曆  
迄今幾二百年悉長子孫其國上世有歷山王又號占



總王今有二王曰教化王曰治世王治世者奉教化之

命惟謹案教化王最大者惟一人駐意大里國總掌西

洋各國之天主教謂之教皇猶西藏之活佛非

國國有之也今來粵貿易各國從未有每國各二王之

說此篇所述澳門亦有法王不過大僧師之稱耳若國

中只有一法王既來駐澳其本國又

安得有法王豈能遙制數萬里外乎

澳寺番僧皆教化

類夷人貿易者則治世類西洋國歲遣官更治之澳素

饒富

國初洋禁嚴諸番率借其名號以入市酬之

多金財貨盈溢今諸番俱得自市又澳船日少富庶非

昔比大西洋去中國遠三年始至稍西曰小西洋去中

土萬里大西洋遣僧守之澳門頭目悉稟小西洋令歲

海國圖志

卷三十八

大西洋 布路亞國

輪一船往有大事則附小西洋酋帥以聞不能自達也

有地汶島在南海中即地問島水土惡毒人黝黑無所

主大西洋與紅毛分據其地有兵頭鎮成三年一更遣

自小西洋由澳而後達於地汶亦歲輪一船往澳夷罪

不至死者遣戍之終其身無一生還者其行賈之地曰

馬西與之約不得以所產市他國康熙中馬西背約私

與他國市澳夷怒駕船往所市之國責之馬西患之遂

相仇殺死者三百餘人市道中絕今所與市易者曰哥

所達島曰葛羅巴島曰呂宋島凡所往之國海道不可

以里計但分一晝夜為十更計由某達某路若干更云

其人白皙鼻昂而目深碧不眇不畜鬚髮別編黑白髮

蒙首及頸蝟然蒙茸賜自法王得者以為榮其通體黝

黑如漆特唇紅齒白畧似人者是曰鬼奴明洪武十四

年瓜哇國貢黑奴三百人明年又貢黑奴男女百人

南太守以摩訶

贈陶峴即此

唐時謂之崑崙奴入水不眯目貴家大

族多畜之明史亦載和蘭所役使名烏鬼入水不沉走

海面若平地粵中富人亦間有畜者絕有力可負數百

斤生海外諸島初至時與之火食累日洞泄謂之換腸

海國圖志

卷三十八

大西洋 布路亞國

或病死若不死即可久畜漸為華語鬚髮皆卷而黃其

在澳者則不蓄鬚髮女子亦具白黑二種別主奴凡為

戶四百三十有奇丁口十倍之澳城明季創自佛朗機

萬歷中總督何士晉令濠澳城臺天啟時徐如珂署海

道副使澳夷奔告紅毛將犯香山請兵請餉請木石以

繕埔垣如珂昌言于兩府曰此狡夷嘗我也已而夷警

寂然而澳垣日築百丈如珂遣中軍領兵戍澳諭之曰

埔垣不毀澳人力少也吾助若毀不兩日蕪除殆盡夷

相暗視自是稍戒心今城固而庫大門一小門三礮臺



六大者曰三巴礮臺列礮二十八上宿番兵臺垣四周  
 爲甌龕以置守夜者臺下爲窟室貯硝磺次則東西望  
 洋兩臺對峙東置礮七西五餘制與三巴畧同娘媽角  
 礮臺在西望洋下礮二十有六南環礮臺置礮三噶斯  
 蘭礮臺置礮七設火藥局於左側通計礮七十有六大  
 者六十一餘差小銅鑄四十六餘鐵其大銅鑄者重三  
 千斤大有餘圍長二丈許受藥數石明時紅毛擅此火  
 器嘗欲窺香山澳脅奪市利澳人乃倣爲之其製視紅  
 毛尤精發時以統尺量之測遠鏡度之靡不奇中紅毛  
 海國圖志 卷三十八 大西洋 布路亞國 圭

乃不敢犯今海宇承平諸番向化以此爲 天朝守海  
 門而固外圍耳夷兵頭遣自小西洋率三歲一代轄番  
 兵百有五十分戍諸礮臺及三巴門番人犯法兵頭集  
 夷目於議事亭或請法王至會鞫定讞籍其家財而散  
 其眷屬上其獄于小西洋其人屬獄候報而行法其刑  
 或戮或焚或縛置礮口而燼之夷目不職者兵頭亦得  
 効治其小事則由判事官量予鞭責判事官掌刑名有  
 批驗所掛號所朔望禮拜日放告赴告者先於掛號所  
 登記然後向批驗所沒入既受詞集兩造聽之曲者于

鞭鞭不過五十亦自小西洋遣來理事官一曰庫官掌  
 本澳番船稅課兵餉財貨出入之數修理城臺街道每  
 年通澳僉舉誠樸殷富一人爲之番書二名皆唐人凡  
 郡邑下牒于理事官理事官用呈稟上之郡邑字遵漢  
 文有番字小印融火膝烙于日字下緘口亦如之凡法  
 王兵頭判事官歲給俸一二千金有差理事官食其所  
 贏不給俸外紅棍官二大紅棍于夷人將歿時察其  
 貲財而籍記之詢其人以若干送寺廟若干遺子女若  
 若干分給親屬詳書于冊俾無後爭二紅棍于夷人既歿  
 海國圖志 卷三十八 大西洋 布路亞國 圭

有子女俱幼不能成立者即依大紅棍所開應給之數  
 撫育其子女而經理其餘財待其既長婚嫁舉以付之  
 如無子女悉歸其貲于寺廟其晨昏譏察如內地保甲  
 者曰小紅棍兼守獄獄設龍鬆廟右爲樓三重夷人罪  
 薄者置之土層稍重者繫于中重則桎梏于下有土窟  
 委乾牛馬矢炷火其中名曰矢牢皆無祿凡中國官府  
 如澳判事官以降皆迎于三巴門外三巴礮臺然大礮  
 番兵肅隊一人鳴鼓一人颯旗隊長爲帕首褲衫狀舞  
 鎗前導及送亦如之入謁則左右列坐如登礮臺則番



兵畢陳吹角演陣犒之牛酒其然礮率以三或五發七發致敬也歲十月肖楮爲紅毛夷縛而走于市諸番手椎追擊之置而出歌而入晚則焚于野明季紅毛奪澳市澳夷怨之每歲有舉所以志之也番船視外洋夷船差小以鐵力木厚二三尺者爲之鋼以瀝青石腦油釘以獨鹿木束以藤縫以柳索其碇以鐵力水杪底二重或二檣三檣度可容數百人行必以羅經掌之者爲一船司命每船用羅經三一置神樓一船後一桅間必三針相對而後行向編香字號由海關監督給照凡二

海國圖志 卷三十八 大西洋 布路亞國 西

十五號前數年尙有一十六號近年止十三號二十餘年間飄沒殆半澳番生計日絀其夷目船稅上貨抽加二次加以五又次加一小艇曰三板長丈餘西洋俗以行賈爲業富者男女坐食貧者爲兵爲梢工爲人掌船婦女繡巾帶炊餅餌糖果粥之以餬口凡一船貨直鉅萬家饒于財輒自置船問其富數船以對費微者附之或數十主同一船每歲一出出則數十百家之命繫焉出以冬月冬月多北風其來以四五月四五月多南風計當返則婦孺遠舍呼號以祈南風脫卒不還相率行

乞于市乞者常千人然性後稍贏于貧居室服食輒以華靡相勝出必張蓋乘輿相見脫帽以爲禮以冬至後七日爲歲首插柳葉于戶人相賀歲三百六十五日分爲十二分一分曰沙聶祿三十一日二分曰勿伯勒祿二十八日三分曰馬爾所三十一日四分曰亞伯理三十日五分曰馬約三十一日六分曰如虐三十日七分曰如畧三十一日八分曰亞我斯篤三十一日九分曰斯等伯祿三十日十分曰呵多伯祿三十一日十一分曰諾文伯祿三十日十二分曰特生伯祿三十一日紀

海國圖志 卷三十八 大西洋 布路亞國 五

年以耶穌始生之歲爲元年稱一千四百若干年四時無節令春秋亦無祀先禮慶弔無牢醴幣帛之儀燕飲不修賓主揖讓之節飲酣則擲玻璃盞以爲樂每日晨興食已皆卧聞兩點鐘而起暮張燈作人事夜分乃息兩點鐘者日爲午夜爲子也重女而輕男家政皆女子操之及死女承其業男子則出贅女家不得有二色犯者女愬之法王立誅死或許悔過則以鐵鈎鈎其手足血流被體而後免女則不禁得一唐人爲婦皆相賀婚姻不由媒妁男女相悅則相耦婚期父母攜之詣廟跪



僧誦經畢訊其兩諧卽以兩手携男女手送之廟門外謂之交印廟惟天主大廟風信三分番戶而司其婚餘皆否尤薄於送死家有喪號哭不過七日不炊親友饋之食無棺槨昇支糧廟公匣至殮以布帛覆以罩僧鳴鐸前導赴素所禮拜之廟而葬之既至出諸匣富者入貨多許于天主前穴地藁葬鐸志姓名于石貧者葬廟外其富者又分貨獻諸廟葬之日爭爲鳴鐘其妻子迄無一送者故僧以日饒葬踰年出骨瘞之他所如尙肉謂獲罪不上昇僧鞭其屍而掩之需其化而改葬喪期

海國圖志 卷三十八 大西洋 布路亞國 夫

或一年或數月有吉事則不至期亦釋服產子未彌月而天徧告戚友聚而焚香置諸盤插花繡綵送廟中葬之僧勞其父母以鏹謂之仙童遇黑奴無道不匹配鏹之終其身示不蕃其類也無族姓親屬自多瑪著聖教切要竊中土五服圖爲同姓外親四代之圖叩之澳夷實嘗如門供十字架謂之聖架諸廟每日卯叩鐘以迎神酉扣以送神是日三點鐘聞者必蒲伏持咒雖道路不廢案所述風俗亦西洋各國所同不獨澳地也故以冠西洋之首貿易通志曰布路牙國民昔蒙于遠賈近日頗念其出

入之貨每年不過幾百萬員英吉利商船往市甚多每年載八十餘萬石與其國易布帛大呢

萬國地里全圖集曰葡萄牙在歐羅巴列國之極西東北連是班牙東南乃大西洋海北極出自三十七度三分至四十二度一十二分偏西自六度一十五分袤延方圓十二萬八千方里國甚褊小居民三百六十三萬丁所有江河盡皆由是斑亞國流出若士羅大莪等江是也產葡萄酒及南果英商以織造物件易之每年所進價銀七千三百萬兩所出價銀二百萬兩其居民懶

海國圖志 卷三十八 大西洋 布路亞國 七

惰憚勞詐僞好報仇天主教之僧操攝國權所有田畝多歸之是以積財自肥而勤勞之農不得自給地土豐盛而耕不勤其國昔服羅馬國敬奉天主教後有回回自亞非地征取全國於元朝年間其土民自憤力驅回教勢成鼎足於明朝時國王專務算法深通天文選能幹水手駛南尋出新地周遠亞非全地竟至五印度國最爲西洋各國之嚮導國民豪氣大興冒浪衝濤視死如歸不遠萬里於明世宗年直抵中國在粵門踞住貿易通商嗣後人心漸弛所有新地馬頭以及各蕃屬或



讓給荷蘭或服屬是班亞國氣力非昔然其前世本國之人在各新地娶妻生子至今後裔講葡話崇葡教不獨流於舉門尚遍於五印度各地也其國王現係女主不專主國政今設議國政兩班貴人如其議不合眾意則女主所諭亦不得遵行焉國都係勒門在大江邊大戰艦能到之處其殿廟最妙其街污穢屢結黨乘機殺民報仇阿破多設大書院亦出葡萄酒紅酒其國之西亞素翠島多產南果天氣清明風景甚美

地球圖說葡萄牙國東北界大呂宋國南西界大海百

海國圖志 卷三十八 大西洋 布路亞國 六

姓約三百五十萬都地名力斯朋城內民二十六萬統屬天主教其百姓昔極興旺能與西海通商今大不如昔且學校未廣民多怠惰膚色頗黑與西班牙國相似土地膏腴天時和暢乾隆二十六年間是國都城地震屋宇傾頽人民泯沒者三萬人內有三大江曰卦地亞那江太古江杜以羅江另有亞非利加大洲之西海三島名馬太拉島亞瑣利島加法島與天竺國網員部內之俄亞城并中國之澳門島均其所屬土產葡萄酒鹽羊毛布油等物

地理備考曰布路亞國古名盧西達尼今稱伯爾都加里在歐羅巴州極西北極出地三十六度五十六分起至四十二度七分止經線自西八度四十六分起至十一度五十一分止凡論經線皆係自佛蘭西國都第一午線算起後皆仿此東北二方皆連西班牙國西南二方皆至亞德蘭的海南北一千三百里東西五百里地面積方約五萬一千二百五十里烟戶三兆五億三萬日本國除海涯與河岸各平原外餘皆岡陵重疊絡繹不絕河之至長者八米虐河黎馬河斗羅河窩烏加河

海國圖志 卷三十八 大西洋 布路亞國 九

薩阿都河瓜的亞那河湖至大者六義士孤拉湖勒敦大湖隆加湖色砂湖薩斯卑洛湖科比多湖土沃產饒地氣溫和土產金銀銅鐵錫鉛窩宅水銀煤礬硫黃花石砒石寒水石紅藍寶石紫石英吸鐵石寶砂水晶磁器等王位男女皆得嗣立惟以長幼爲序奉羅馬天主教外國人守寓或奉別教者不禁工肆林立技藝精巧舊不立國君惟設宰臣理政後有非尼亞西國人興兵克之旋爲加爾達厄國人驅逐即主其地三百餘載又并於羅馬晉義熙五年又爲亞拉與隋窩二國分據隋



開皇五年遂為哥度國王所取唐景雲二年同人奪之  
宋紹聖元年加斯德辣國王因佛蘭西國王之孫英黎  
給與同人交兵有功賜以所克葡萄牙之地妻以已女  
厥後英黎給之子襲職於金熙宗天眷二年大敗同人  
眾立為王是為本國開基之君也其後歷代漸次征服  
同人開闢益廣明萬曆八年國君絕嗣大呂宋國王非  
里卑乘時舉兵占據越六十載明崇禎中國人逐呂宋  
監守官自立若翰為君嘉慶十二年佛蘭西兵來侵國  
君走據巴拉西利地道光元年復歸本國始立巴拉西

海國圖志

卷三十八

大西洋 布路亞國

子

利地自為一國不相管屬舊分六部今為八部一義德  
斯勒馬都拉部乃國都也建於德入河邊由河濱至於  
高陵樓臺疊起景色峻麗四方輻輳一卑辣亞爾達部  
一卑辣拜砂部一亞零德入部一亞利牙爾威部一斗  
羅部一米虐部一達拉斯德蒙部其國通商衝繁之地  
或為內地大埠或海濱馬頭除八部外尚有數處歸其  
統屬一亞索利斯海島在亞德蘭的海與本國東西相  
對共有九島是為至大之島一馬地義拉一加致威爾  
的一安可拉一三多美暨比一莫桑比給以上五處皆

在亞非里加州一小西洋暨其屬轄各處皆在亞細亞  
州一地門索羅爾等處皆在南洋海中

外國史略曰葡萄牙國於周朝時已通貿易後羅馬國  
攻服之以為藩屬漢朝時國日強然屢被外國侵伐唐  
肅宗時并入回國者三百年宋朝時攻取回國軍士  
歡呼自此立國歷二百年賢王在位招商航海望西南  
而駛遇島即據立新埠遠駛亞未利加沿海地方漸近  
赤道之地觸熱前進遠過大浪山遂抵五印度國復東  
南駛一周仍回五印度時明弘治六年也由此散布在

海國圖志

卷三十八

大西洋 布路亞國

子

南海各島於明正德十一年至中國前駐上川後至舟  
山寧波泉州而據澳門廣通商之路與日本貿易獲厚  
利又別在亞默利加州之東南開藩屬國嗣後國內之  
教師弄權五爵恃勢王又好戰萬曆五年親出兵於亞  
未利加之北以強伐回國屢敗戰死西班牙聞風即侵  
葡萄牙強據之并乘間強取葡萄牙屬地之大半荷  
蘭亦攻擊澳門垂六十年百姓大怨西班牙國明崇禎  
四年其大爵公侯共驅西班牙兵師國勢再興據東南  
亞默利加之巴悉開埠并五印度數港與英國連唇齒



廣通商市乾隆十四年約色弗王號第一王即位招賢  
 改政名揚海外盡逐天主教擅權之士而親自攝權焉  
 嗣後佛蘭西大起兵侵葡國入據其地國王逃避巴悉  
 國英國以婚姻之故不忍坐視大軍於嘉慶十三年攻  
 勝佛兵與葡軍合陣敗敵盡歸其侵地返其君道光十  
 四年國王沒女王即位與外國聯姻居民連年啟釁國  
 帑盡空欠項日積雖將道院之財悉充公猶不足用幸  
 其國畏天順人頗知自守。其地東南及大海西北連  
 西班牙國北極自三十七度至四十度偏東自九度至  
 十二度五十八分其東北與西班牙交界中亘山嶺其  
 水一自西班牙來之他我河一為北方土羅河大船可  
 入其谷最豐盛山水形勢最美天氣不暑不寒故民不  
 染病其春時於十二月中起二月多大風雨四月收穀  
 但百姓未善耕田故五穀不給其嘉美之產惟紅白葡  
 萄國地方圓千七百二十二里居民二百五十四萬九  
 千餘附近之亞湖羣島二百二十四里居民三十九萬  
 一千其面棕色好作樂喜遊玩不好飲食其男之健者  
 好航船氣量甚褊有怨必報惟北方之民有禮厚待旅

海國圖志 卷三十一 大西洋 布路亞國

客其貴人尤以禮自持國中富者皆大爵庶民有財者  
 鮮葡萄亞人固執天主教輕耶蘇本教國中教宗大  
 師一位教主二位副教主十四位男道院三百六十處  
 內居五千七百六十人歲廩七千六百萬圓女院百三  
 十八間內居三千零九十三人歲俸四千五百萬圓此  
 時已籍其道院之大半入官獨存一大學院土音與西  
 班牙語相同鮮文士乏製造其始建都於利士本近我  
 河口長僅一里闊半里無城在港口建礮臺為衛乾隆  
 十九年地震礮臺壞今復建之居民二十萬建禮拜堂  
 三百處修道院六十四處好善之家立病院每年養病  
 人萬有六千亦有育嬰院每年收嬰孩千六百名近城  
 有道以引水書院積書冊八萬本都城為葡國最大之  
 市埠本地各行店二百四十家外國百三十家每年進  
 口商船萬二千隻英國大戰艦每停泊焉博多亦海邊  
 港口居民八萬土羅河邊每年進口船千隻冬運紅葡  
 萄酒居民織緞襪等貨街衢潔淨益文邑居民萬八千  
 哥音邑居民萬五千國之肄業院在此學術之士千五  
 百名葡國君多與外國婚姻若辦國事必聽命於鄉紳

海國圖志 卷三十一 大西洋 布路亞國



五箭不得徑行所入國帑共千七百萬圓近時所入更  
少其欠項至今僅還十分之一步兵二萬騎兵三千水  
師益少大戰艦二隻中戰艦四隻一桅戰船六隻。百  
姓三百五十四萬九千餘丁共八十二萬七千餘家道  
光十八年所生之人九萬九千零九十七所死者六萬  
七千五百名小兒未及七歲者五十一萬名亞非利加  
所屬轄之民六十八萬二千亞細亞五十七萬六千

海國圖志

卷三十八

大西洋 布路亞國

一

海國圖志卷三十九

歐羅巴人原撰

大西洋

歐羅巴洲

侯官林則徐譯

邵陽魏源重輯

大呂宋國

即斯扁國一名西班牙一作是班牙一作以西把尼亞海錄謂之意細班尼皆譯者之轉又一作千絲騰

大呂宋國在荷荷亞國之北少西亦明以來住澳之大  
西洋也四圍皆山中央平行在耶穌未紀年以前為加  
達尼晏所據開采銀礦政多暴橫居民苦之時意大里

海國圖志

卷三十九

大西洋 大呂宋國

一

亞國勢方盛請兵驅逐因舉國歸意大里心悅誠服雖  
後他意大里衰微猶不忍背四百十八年晉安帝義熙十四年  
完那爾士曷士二人聚眾雄長各不相下血戰經年曷  
士戰勝遂王呂宋建都麻特義設官分治三百載阿丹  
國逾海往侵力不能拒棄國遁保山林旋得渣力司馬  
特爾力戰三日阿丹不敢進追乃割國中部落之半歸  
阿丹議和千七百四十年乾隆五年曷士後裔之華里蘭王  
始破阿丹日漸強盛乘勢攻擊獲北墨利加之審斯果  
繼得南墨利加之畢盧皆產金著名之地並奪得阿細



亞洲之蠻尼那島名之曰小呂宋兼並旁近數部落為海濱巨國傳至菲利王漸弱身後諸子爭立卒滿求助于佛蘭西得立雖不稱藩於佛蘭西而感其援立如小事大政事舊歸馬約里衙門因專權裁汰別設士特干西爾衙門正副各一眾推公舉分理其事以防專擅後復朋黨為奸佛里王欲革不能借助隣國始得裁廢近又新設戈底可以備差遣大小戰船百艘護行兵二萬五千水陸兵共三十五萬五千水師先號強悍後攻南彌利堅無功遂以不競陸兵驍勇替甲諸國百年來亦

海國圖志 卷三十九 大西洋 大呂宋國 二

遠不如昔賦稅歲徵二千九百九十萬員市屢貨物凡易一手納稅一次重徵疊歛遂致蕭索國用歲需二百五十二萬五千員王宮中歲支五十四萬員宮祿七十二萬五千員戰船費二百萬員水師兵餉七百二十二萬五千員陸路兵餉千三百二十五萬員常年出納有盈無絀惟意外大兵大役不無匱缺故國中積欠九萬萬員俗驕好鬥不甚遵約束然性靈巧工丹青尤喜音樂節奏之妙亞于意大利國中俱遵加特力教例禁兩歧有犯者治以焚如之刑河道五達俄河魯羅河均源

伊墨連山由大呂宋而至布路亞出海上游在大呂宋地內者大半下游在葡萄牙地內者甚短而舟楫雲集倍徙於呂宋俄阿那河自那滿查發源至葡萄牙出海伊浚河由北隅之加達墨連山發源歷數部落而至東隅出海俄斯那爾威河之源發自西臘摩里那山歷數部落至南隅之魯加爾出海商船所匯聚土產鉛水銀鐵絲髮毛呢布琥珀棉繭沙紙所屬之密斯果畢盧產金銀近已減少今中國所行洋銀俱呂宋所鑄他國銀錢罕由澳門通市之始先行呂宋貨幣云

海國圖志 卷三十九 大西洋 大呂宋國 三

貿易通志曰是班牙國與葡萄牙亞相隣其國連年混亂商旅微少所運出者水銀鉛鐵橄欖油果紅花葡萄酒蠶絲羊毛每年不過數百萬員此條補入斯扁即大呂宋國都東南界海西界葡萄牙北界佛蘭西幅員十八萬八千二百方里戶百二十四萬八千口領總部落十有六大部落八十小部落四百三十有七紐加塞代爾東界哇領舍西界伊塞那麻魯南界哈那魯北界阿爾加色代爾領大部七小部落六十加達羅尼阿東南界海西界阿拉頭北界佛蘭西領大部九小部落



三十有三	阿臘灣 <small>東界加達羅尼阿南界哇領含西</small> 領大部落
七小部落四十有三	那哇臘 <small>東南界阿臘灣西界</small> 領大部落五小部落八
十有四	母社 <small>東界哇領含西界</small> 那魯社 <small>南界海北界鈕加色代爾</small> 領大部落三小部落二十有二
五小部落七十有四	阿爾加色代爾 <small>東界阿拉灣西界里稔南</small> 領大部落
六小部落三十有七	彌斯計 <small>東界那哇臘北界海西</small> 領大部落一小部落
十有七	牙厘社 <small>東界阿色都里斯西</small> 領大部落五小部落二
十有五	里稔 <small>東界阿加色代爾西界布路亞南</small> 領大部落
七小部落四十有八	

依塞特那麻魯 <small>東界鈕加色代爾西界大西</small> 領大部落
落七小部落三十有二
麻育加島 <small>在國東與</small> 領大部落一小部落三
彌那加島 <small>在國東與</small> 領大部落一小部落一
依委沙島 <small>在國東與</small> 領大部落一小部落一
大呂宋國沿革 <small>原無今補</small>
職方外紀歐羅巴之極西曰以西把尼國 <small>即呂宋國南起三</small>
十五度北至四十度東起七度西至十八度周一萬二
千五百里疆域徧跨他國世稱天下萬國相連一處者
海國圖志卷三十九 <small>大西洋 大呂宋國</small> 五
中國為冠若分散於他域者以西把尼亞為冠 <small>案呂宋其強所至攻取各島如臺灣南之小呂宋其一也故分散他域者眾</small>
面環海一面臨山山曰北勒搦阿產駿馬五金絲棉細
絨白糖之屬國人極好學有共學在撒辣曼加與亞而
加辣二所遠近學者聚焉高人輩出著作甚富而陡麻
日亞天文之學尤精古一名賢曰多斯達篤者居仰斯
玻之位著書最多壽僅五旬有二所著書籍就始生至
卒計之每一日當得二十六章每章二千餘言盡屬奧
理後人繪其像兩手各持一筆彰其勤敏也又有一王



名亞豐肅者好天文歷法精研諸天之運列宿之躔撰成歷學全書世傳歲差本原皆其考定製爲一定圖像爲今歷家大用又將國典分門定類爲七大部法紀極備復取天主古今經籍有註疏者不下千餘卷遍閱至十有四次又纂本國自古史書以身親國政之人傍及著述種種如此後世稱曰賢王宜矣此國人自古虔奉天主聖教最忍耐又剛果且善遠游海外曾有遠大地一周者國中有二大名城一曰西末利亞近地中海爲亞墨利加諸船所聚金銀如土奇物無數又多阿祿利

海國圖志

卷三十九

大西洋 大呂宋國

六

果有一林長五百里者一名多勒多城在山巔無泉下山取水甚艱近百年內有巧者製一水器能盤水直至山城不用人力其器晝夜自能轉動也又有渾天象其大如屋人可以身入於其中見各重天之運動其度數皆與天合相傳製此象者注想十七年造作三年曾未重作一輪其境內有河曰寡第亞納伏流地中百餘里穹隆若橋梁其上爲牧場畜牛羊無算有塞惡未亞城乏甘泉從遠山遞水架一石梁橋上作水道擊以石柱綿亘數十里又一都城悉皆火石砌成故本國有言以

西把尼亞有三奇有一橋萬羊牧其上有一橋水流其上有一城以火爲城池也國中天主堂雖多而最著者有三一以奉雅歌聖人爲十二宗徒之一首傳聖教於此國國人尊爲大師大保主四方萬國之人多至此瞻禮一在多勒多城創建極美中有金寶祭器不下數千有一精巧銀殿高丈餘闊丈許內有一小金殿高數尺其工費又皆多于本殿金銀之數其黃金乃國人初通海外亞墨利加所攜來者貢之于王王用以供天主耶穌者近來國主又造一瞻禮大堂高大奇巧無比修

海國圖志

卷三十九

大西洋 大呂宋國

七

道之士環居焉其內可容三國之王水泉四十餘處堂前有古王像六位每位高一丈八尺乃黑白玉琢成者堂內有二十六祭臺中臺左右有編簫二座中各有三十二層每層百管管各一音合三千餘管凡風雨波濤謳吟戰鬪與夫百鳥之聲皆可模倣真奇物也又有書堂闊三十步長一百八十五步周列諸國經典書籍種種皆備卽海外額勃濟亞國之古書亦以海船載來貯於此處其地原係曠野山林後因造此堂鳩工住集七年遂成一城云以西把尼亞屬國大者二十餘中下其



百餘其在最西者曰波爾杜瓦爾分爲五道向有本王  
 後因乏嗣以西把尼亞之君係其伯仲乃權署其國事  
 焉其境內大河曰得若經都城里西波亞入海故四方  
 商舶皆聚都城爲歐羅巴總會之地也土產果實絲綿  
 極美水族亦繁所出土產葡萄酒最佳即過海至中國  
 毫不損壞國中其學二所曰厄物臘曰哥應拔其講學  
 名賢曾經國王所聘雖已輟講亦終身給祿不絕歐羅  
 巴高士多出此學近有耶穌會士蘇氏著陸祿日亞書  
 最精最廣超數百年名賢之上其德更適於文國都又

海國圖志 卷三十九 大西洋 大呂宋國 八

有一地界兩河間周圍僅七百里爲高士聚會修道之  
 所有一百三十處又有天主堂一千四百八十所水泉  
 二萬五千大方石橋二百通海大市六處由此可見其  
 地之豐厚也侯家苑固有周數十里者各種禽獸充物  
 其中異國名王過其地者往射獵焉隨處立有仁會遍  
 恤孤寡獨或給衣食或助贖或保護其家或葬死  
 者商舶至或有死而無主者則爲收其行李訪其親戚  
 遺之種種仁事他國雖各有會莫如此中之盛此外國  
 王隨處遣官專撫恤孤子理其家產廣其生殖長則遺

所有且增益焉歐羅巴初通海道周經利未亞過大浪  
 山抵小西洋而至中國貿遷者從此國始詳見別紀  
 海錄天呂宋國又名意細班尼惹在布路亞北少西由  
 布路亞西北行約八九日可到海口向西疆域較布路  
 亞稍寬民情克惡亦奉天主教風俗與布路亞畧同土  
 產金銀銅鐵多羅絨羽紗嗶嘰蒲桃酒琉璃番鐘表  
 凡中國所用番銀俱呂宋所鑄各國用之佛朗機國又  
 名佛蘭西在呂宋北少西疆域較呂宋尤大沿海舟行  
 四十餘日方盡由呂宋陸行約二十日可到民情淳厚

海國圖志 卷三十九 大西洋 大呂宋國 九

心計奇巧所製鐘表甲于諸國風俗土產與布路亞畧  
 同亦奉天主教所用銀錢或三角或四方中有十字文  
 案意細班尼惹卽以  
 西把尼亞音同字異  
 萬國地理全圖集曰是班牙國東連佛蘭西國西交葡  
 萄地南北及海而有海峽隔絕亞非海濱北極出自三  
 十六度至四十二度四十分偏西九度十七分至偏西  
 三度十七分方圓五十三萬九千方里居民千三百七  
 十三萬丁其地之山成三帶自東而西通行其最北者  
 至長分全國爲三方其北地崇山峻嶺夾以溪澗無處



可耕其中央乃國都天氣燥暴雨水罕得草木不登惟  
牧羊而已其南方晴和所產瓜果及所畜羊馬驢騾甲  
于他國國民驕豪敢戰在家好逸憚勞飲食節用其五  
爵形容清俊視庶民如草芥但多貧乏徒恃世爵之威  
有名無實男女並好彈琴歌舞又好鬪牛古時國屬羅  
馬後被東方回突來攻奪勒百姓改奉回教於是回  
軍操權立國歷七百年占據南方然天主教人不服後  
世興兵復仇獲勝剿滅回回靡有孑遺獨留其巖堡及  
殿廷瓦礫而已明孝宗四年國王遣船尋新地赴到亞

海國圖志

卷三十九 大西洋 大呂宋國

十

墨利加國得其地金銀之山自開礦治每年所出之財  
無數彼時是班牙國之富強幾為歐羅巴洲之冠特其  
上下恃富而驕內不勤生外不修武于是佛蘭西國興  
兵爭之英吉利又與兵爭之呂宋屢戰不勝其戰艦或  
被英奪或沉于水盡驅是班牙軍奪其產金銀之地所  
存者東惟呂宋西惟古巴而已於嘉慶十二年佛兵侵  
國居民同仇英兵來助協力擊退其民久經戰鬪常有  
變國家之意又擇五爵紳士以辦國政現嗣位者乃國  
王之女國餉銀每年千八百萬兩其兵八十萬丁陸軍

每年七百九十五萬兩水師四百三十二萬兩理刑名  
官各員四十萬五千兩文武三十二萬四千兩王宮百  
五十一萬五千兩國家欠項四萬八千萬兩前此恃外  
來之財今金銀產地皆失故國用甚窘國事惟僧是從  
以僧為議士各處建高大之殿廟而設天后與各聖人  
之偶像羣會賽神拜像其畝田屋宇亦多為僧所據隨  
時施濟以市人心其教主眾民敬仰如帝君為天主教  
最盛之邦昔修道避世之男女幾千萬此時異端漸廢  
國家籍其產業入官其國分二十五部國都馬特乃新

海國圖志

卷三十九 大西洋 大呂宋國

十一

城內建大殿有如城邑費金無算但其地沙野草木不  
登內地所有巴牙突撒接曼加瓦刺多勒等城昔人戶  
甚繁今廢衰北海邊威我北破亞等城有嘉海口經理  
通商在地中海邊巴耳所羅那以及加特等埠頭運出  
南菓酒油等貨甚豐加那他昔乃回回之都多古蹟多  
勒多與西味里城廣大居民不少國南兩大島南果所  
產

地球圖說大呂宋國東南並界地中海西界葡萄牙國  
北界大西洋並佛蘭西國百姓約有千三百九十萬之



數都城名馬特城內居民二十五萬宗天主教民之文者彈琴行樂武者鬪牛尙勇火輪船與火輪車亦少國之北有崇山峻嶺中央高燥草木難生以牧羊馬驢騾爲業天時和暢果實倍繁惜十餘年來君民不睦不時叛逆現今國君是女主又其南與亞非利加相近之處有高山上有礮臺現屬英吉利管轄再南方有地名義人答答亦被英吉利占據有江五一伊伯羅江一加大怪法江一卦地亞那江一太古江一杜以羅江雖大而淺舟難深入東南有三島一馬實耳加島一米諾耳加島一伊非加島外此又有西印度之二島與亞非利加之加拿利島并中國之小呂宋島均是國所屬也產葡萄酒蒲提子羊毛布綢緞百果

海國圖志 卷三十九 大西洋 大呂宋國 主

地里備考曰大呂宋國古名意卑里亞今稱義斯巴尼亞在歐羅巴州西南其國土在北極出地三十六度起至四十四度止經線自東一度起至西十二度止東南至地中海西連葡萄亞國暨亞德蘭的海北接加斯哥尼海灣西南距東北約二千四百五十里東南距西北約二千零八十里地面積方約二十一萬八千七百六

十里烟戶一京三兆九億口崇山峻嶺絡繹不絕河十二注于亞德蘭的海者七注于地中海者五湖三一名亞爾不非辣一名伯乍爾一名加羅于達平原山谷靡弗膏腴穀果豐登禽獸蕃衍地氣冷中熱南暑土產金銀銅鐵錫鉛水銀窩宅煤礬硝磺礪砂石膏花石礪石青石火石藍綠寶石鑽石紅玉碧玉瑪瑙琥珀水晶紫石英石榴珠等王位男女皆得臨御惟以長幼爲序奉羅馬天主教嚴禁旁門工作技藝較歐羅巴州各國稍拙然工肆亦不少通商貿易陸少水多在昔爲加爾

海國圖志 卷三十九 大西洋 大呂宋國 主

達厄國人所得漢初歸于羅馬國羅馬衰弱遂爲北狄侵占隋開皇末爲維西哥多人所取唐睿宗時又被回人侵據彼時本國將軍伯拉約者乘回人不睦遂激勵遺民奮起驅逐獲大勝眾立爲王是爲本國開基之王後世漸擴邦土分建數國協力逐寇明憲宗成化十五年亞拉岡之君既娶加斯德辣后遂將列國歸于一統迨亞拉岡薨後奧斯的里亞國大臣加爾羅斯者以王婚嗣君位康熙三十九年加爾羅斯王薨無嗣遺命傳國與佛蘭西國王之孫非里卑是以佛蘭西與奧斯的



里亞二國舉兵互爭究爲非里卑所得嘉慶十三年被佛蘭西國王那波良者占據立其弟爲君自後布路亞大呂宋英吉利三國合軍挫敵救之復立前王之子非爾難多爲君迨道光十三年薨後其女卽位乃大呂宋國現在之女王也大呂宋國昔分十二國一部今則連國外海島四十九部

其國通商衝繁之地內地大埠十海邊大馬頭八除四十九部外尙有數地歸其統屬一搜達一北嫩德威勒一亞慮塞納一美里黎一加拿里以上各處皆在亞非

海國圖志

卷三十九

大西洋 大呂宋國

西

里加州一固巴一伯爾多黎海島皆在亞美里加州一名小呂宋一馬黎納海島皆在南洋阿塞亞尼州又有大呂宋屬國曰安多勒在其國之加達魯尼部極邊山坡小谷之中爲塞哥勒河分派巴利拉小河所穿者其地長寬皆不及七十里佛蘭西國王與大呂宋國王互相覆庇其官除國人自立會議官一員外尙有佛蘭西國王與大呂宋國王派委理事官二員其人民以土產材木及製造鐵器易穀果與日用所需各物會城建于巴利拉河邊烟戶約二千口

外國史略曰西班牙國自古由海濱開墾漸通貿易後在北亞非利加州之甲他哥國設新埠旣而爲羅馬軍所據土人隨其風俗語音者四百年東晉恭帝時有夷人自東至西戰勝據其全地唐睿宗年間同國人侵取南方與北方崇天主教之民力戰七百年不分勝負同回之焰稍衰而西班牙之勢正旺明弘治間遂盡逐回同兼并列國獨稱雄焉維時各國各尋新地以通商西班牙有駛西海之船初抵亞墨利加州立新國每年收銀不下千萬亦時并旁國名揚海外其國專務天主教

海國圖志

卷三十九

大西洋 大呂宋國

左

教其僧及其教司皆統管庶民有不信者重罰於是荷蘭英吉利兩國崇老教與西班牙軍力戰八十年荷蘭獲勝然是時西班牙權在亞墨利加南北地愈廣財日裕又據呂宋羣島傳天主教康熙三十八年國衰君廢改立新君其國再興所通商半屬英船布帛呢羽等貨皆赴西班牙國其國舊禁銀出洋因此生釁西班牙結佛蘭西軍共擊英人乃佛國之新君波那良竟誘西班牙亞之君至國逐之而立其弟以君西班牙國其民不順英國助之復立前王之子時嘉慶十三年也道光十



三年國主卒其女攝權固執新教變亂未定國帑如洗其民有財者不肯借而亞墨利加南北各藩屬地復盡驅其主而自操權財涸軍廢然固執天主新教終不悔悟也。西班牙與葡萄牙為半土東北連佛蘭西西及葡萄牙亞南及地中海與亞非利加州相隔北及西班牙海北極出自三十六度至四十三度四十七分偏西三度十七分至九度十七分地多山北方山尤崇峻中高氣燥水少草木不生南方多晴產物豐盛東北界佛蘭西有險阻為保障南北海港大船能入河曰他我河長

海國圖志

卷三十九

大西洋

不呂宋國

六

百二十里西流至葡萄牙國入大洋海以伯羅河長百里西南流入地中海危亞地那河長百里危他其威河長六十里皆南流也國內無運河貨物難通又無往來之路故國帑如洗道途不修故防範難恃其民人千二百五十七萬此際漸滅以其君禁不信天主新教即不准居住後在藩屬地之人大獲利遷徙益眾以故居民益少。其爵之名最多為上下爵其上爵最古有產業權勢其下爵與庶民無異男女入寺往往遂絕俗不出在內參禪立修道院盛財帛招貴人入院念經天主教

之院幾占地之大半甚殷裕有權勢尊貴者罔不畏之自佛蘭西侵後道院之勢漸衰遂籍其產入官以充公費然道院中之教師庶民至今引領焉屢變是非使民不安地方褊小財帛不多然可足食全地半墾為田半歸五爵其三分之一歸在城紳士其六分之一歸道院之僧師南方出米并橄欖油葡萄酒不甚產木其山產水銀黑鉛民無巧思少製造其亞墨利加之生理前獲厚利今則為各國所分生意微少其教師不好文故兒童多不入學女鮮識字國內立大學院十七間以神道

海國圖志

卷三十九

大西洋

不呂宋國

七

設教居民大半棕色眼有光明好施濟重禮拜故罷工之日多暇則以鬪牛為戲南方女多美西班牙人崇天主新教祈禱念經口內長稱其名臨危時即懇願馬利亞之名以為憑信其民好逸而憚勞。乾隆五十六年各口入貨銀九千萬圓由藩屬國運入者八千三百萬圓其中金銀四千四百萬圓外國所運出者銀四千九百萬圓藩國所運出者五千三百萬圓其歲收藩屬金銀之貢三千五百萬圓雜貨價值銀二千萬圓然國帑猶時時缺乏所立通商之公班衙久歇於道光十八年



外國所運入者六千萬員，運出者銀二千六百萬圓。鉛山每年出五十萬石，水銀二十四萬石。嘉慶三年，穀果計三千萬圓，牲畜價銀四千六百萬圓，所出之礦四千三百萬圓，雜貨銀千四百萬圓。國內設教主、教師、副教師、教先生、小教師、副師、修道男女僧並教師等，一年所收之田共六千萬圓，禮拜堂、廟、寺共二萬八千二百四十九間，修道之男女居焉。教師財日盛，權日重，屢與國抗，或反為所敗。國都在中地，曰馬特城，居民十九萬五千，地皆平坦，高於海二百二十七丈，內建禮拜堂。

海國圖志

卷三十九

大西洋 大呂宋國

六

七十七間，修道院六十二間。國君並朝臣居此，設大學院各術之堂十八間，以廣志識。巴悉羅那城在地中海濱，居民十二萬，港口極廣，但水淺，大船不得入，其貿易甚盛，每年進口船千五百隻，所出入貨價計銀千萬圓。居民善造火器、花布、絲緞，在海邊有軍局、鑄火礮之地，別設病院、養嬰院、悉威刺邑，居民九萬六千，周三里半，有十二門，禮拜堂三十間，製烟之人千五百名，鋪七百間，織綢緞，城內設大學院，學生七百八名，加那他邑居民八萬，前同族所建之城也，加得邑居民七萬，在地

中海邊，此港最廣，昔與亞墨利加人于此大通商，四方立礮臺，近地多產葡萄、瓦林西亞邑，在河邊，山水清美，為一國之最，土田豐產，居民六萬，其中二萬二千織綢，緞、馬拉亞邑，在海邊，亦通商之地，有甘葡萄酒，可多。邑居民三四萬。西班牙今之女王年尚少，其母如督同大臣代攝國事，居民千二百二十八萬，城百四十五座，共萬八千八百七十七方里，全地分四十三部，外有在北亞非利加海邊之城，在南方之島，在西北之島，在亞墨利加之島，在呂宋之羣島，惟其臣不善理國帑，公項

海國圖志

卷三十九

大西洋 大呂宋國

七

積欠五萬零七百萬圓，其利息至今未還。大累他國之債，主道光十九年，計所費用銀五千萬圓，文官百萬圓，刑部二百三十萬圓，內國務千四百萬圓，軍士水師九千六百萬圓，欠項利息三千八百萬圓，道光二十二年，國費至銀萬萬圓，所收者六千二百萬圓，其欠項一百五萬圓，所入不敷所出。步兵六萬七千，礮手凡七千八百，軍機營兵千二百，騎兵萬三千，後營四萬，尚有民壯五十營，軍勢雖廣大，奈不能撫馭百姓，屢有叛變，此時水師漸衰，僅數號兵船朽爛在港口。



海國圖志卷四十

大西洋

邵陽魏源輯

荷蘭及彌爾尼王兩國總記

彌爾尼王國一名伊宜又名北義

荷蘭及彌爾尼王兩國同區總名曰尼達蘭大牙互錯參差不齊幅員二萬四千八百七十七方里半水半陸居歐羅巴洲南北之中為貿易之總埠彌爾尼王地勢平蕪而多高阜惟荷蘭處於低窪四圍濱海潮至高出地面修堤捍衛二國先皆無王連合為一彌爾尼王之人強悍與意大里亞之西撒爾磨戰為所服荷蘭則結意

海國圖志

卷四十

大西洋 荷蘭國

一

大里亞為援應於是兩處皆為意大里亞之藩部中世各國兵起兩處旋屬於佛蘭西嗣佛蘭西之渣麻額厘王薨其子各霸一方荷蘭彌爾尼王分屬佛蘭西之麻更里管轄麻更里以女嫁於奧地亞國王割十七部落為奩贈荷蘭彌爾尼王即在其中繼復為大呂宋所得迨大呂宋之菲厘王昏虐無道荷蘭彌爾尼王不服統轄與兵血戰五十載彌爾尼王以邊無險隘不能拒守惟荷蘭抗拒如故呂宋決堤浸灌城不沒者三版固守不下會與大利亞國兵來援呂宋退走荷蘭遂撫沃

饒之七部落自為一國建都於巖士達攬築城練武以舟師東征克因里阿西攻南墨利加洲之墨臘濟爾遂與東洋通貿易國都日盛會佛蘭西兵取彌爾尼王旋進荷蘭據好司阿蘭治于是兩國仍為佛蘭西所屬干七百九十九年嘉慶四年俄羅斯英吉利欲恢復荷蘭不克迨佛蘭西之那波里稔王即位以其弟羅彌斯王荷蘭仍節制佛蘭西之巖士達攬市埠英吉利商賈所聚也佛蘭西與英吉利構兵連年遂封荷蘭港口以斷英商之貿易荷蘭埠市遂微嗣與大利亞國復取回荷蘭並

海國圖志

卷四十

大西洋 荷蘭國

二

得彌爾尼王合為一屬國名曰尼達蘭設好司阿蘭治鎮守以防佛蘭西侵奪第荷蘭與彌爾尼王雖同區而音語教門迥異名合心離千八百三十年道光十年二地果生衅大戰旬月奧地亞兵鞭長莫及於是歐羅巴五大國調停講和仍分兩國遂議彌爾尼王別立一王公舉色斯哥麥之子厘阿波爾主之今奧國女王贊色斯即此即名其國曰彌爾尼王國建都於墨臘西爾斯轄大部者九荷蘭轄大部落十有二其荷蘭舊所奪東洋之囚阿地葛雷巴島沙麻特拉島細利窪島文萊



島麻拉馬島哥羅曼尼島即在阿非里加洲之伊爾彌  
 俄爾果色諸地並其地駐防之水師船仍專歸荷蘭統  
 轄荷蘭向尊波羅特士頓教彌爾尼王向尊加特力教  
 今亦各仍其舊從茲分國不復名尼達蘭矣政事荷蘭  
 國都設色特底司衙門一仁尼臘爾衙門一在色特底  
 司供職者終身不易在仁尼臘爾供職者三年一易居  
 期歲更三之一俟有熟手接代彌爾尼王國都設立西  
 那底衙門一厘勃力新撻底衙門一在西那底供職者  
 八年一更在厘勃力新撻底供職者四年一更二國未  
 海國圖志 卷四十 大西洋 荷蘭國 三

經彌爾尼王境內至休斯倫比與奈因河合流出海色  
 支爾河亦發源遠方經過彌爾尼王諸部落至奄都注  
 而注之海歐羅巴洲有數大河皆由此出海故奄都注  
 最為大市埠土產米麥豆麻果大呢白紵布洋布鼻煙  
 菜油海鯨骨磁器煤鐵

荷蘭國十二部

北荷蘭部東北界海及由特力治西界南荷蘭南界  
 西蘭島又勒治墨那滿領小部落十有八  
 非利斯蘭部東界俄羅忍銀及阿委厘斯南界特凌

海國圖志 卷四十 大西洋 荷蘭國 四

題西北界海領小部落二十  
 俄羅忍銀部東界耶瑪尼南界阿威厘斯西界非力  
 斯蘭北界海領小部落十有二  
 阿威厘斯部東界口口南界特凌題西界非力斯  
 蘭北界俄羅忍銀領小部落十有一  
 特凌題部東界耶瑪尼西界海南界蟻爾那蘭北界  
 阿威厘斯領小部落二十有二  
 蟻爾那蘭部東界耶瑪尼西界海及由特力治南界  
 勒治墨那北界特凌題領小部落二十有四



由特力治部東界蟻爾那蘭南界勒治墨那滿西界
北荷蘭北界海領小部落八
南荷蘭部東界由特力治南界勒治墨那滿西界海
北界北荷蘭領小部落十有五
西蘭島部東界勒治墨那滿南界彌爾尼王西界海
北界南荷蘭領小部落十
勒治墨那滿部東界耶瑪尼南界彌爾尼王西界西
蘭島北界南荷蘭蟻爾那蘭領小部落二十有二
臨麥部東界耶瑪尼東南界彌爾尼王西北界勒治
墨那滿領小部落十有二
勒心麥部東界耶瑪尼南界佛蘭西西北界彌爾尼
王領小部落十有六
彌爾尼王國九部
小墨那滿部東界臨麥南界希撓爾那摩西界依色
佛蘭那北界奄都注領小部落十有六
奄都注部東界臨麥西界依色佛蘭那南界小墨那
滿北界荷蘭領小部落十有八
依色佛蘭那部東界小墨那滿西界威色佛蘭那南

海國圖志

卷四十一

大西洋 荷蘭國

五

界希撓爾北界荷蘭領小部落十有七
威色佛蘭那部東界依色佛蘭那西界海南界佛蘭
西北界荷蘭領小部落十有六
臨麥部東界荷蘭西界奄都注小墨那滿南界里尼
北界荷蘭領小部落十
希撓爾部東界那摩南界佛蘭西西界威色佛蘭那
北界小墨那滿及依色佛蘭那領小部落十有九
那摩部東界尼里南界佛蘭西勒新麥西界希撓爾
北界臨麥及小墨那滿領小部落十有五
里尼部東界耶麻尼西界那摩南界勒新麥北界臨
麥領小部落二十有四
勒新麥部東界荷蘭南界佛蘭西西界那麻北界里
尼領部落十有四
荷蘭國沿革 <small>原無今補</small>
明史和蘭又名紅毛番地近佛郎機古不知何名永樂
宣德時鄭和七下西洋歷諸蕃數十國無所謂和蘭者
其人深目長鼻鬚眉髮皆赤足長尺二寸頰偉倍常萬
歷中福建商人歲給引往販大泥呂宋及交爾巴者和

海國圖志

卷四十一

大西洋 荷蘭國

六



蘭人即就諸國轉販未敢窺中國也自佛郎機市香山  
 據呂宋佛夷惟市香山未嘗據呂宋據呂宋島者乃西  
 洋之大呂宋以其國名此島至今尚然未嘗  
 爲佛郎機所據也此語亦誤和蘭聞而慕之萬歷二十九年駕大艦  
 攜巨礮直薄呂宋呂宋人力拒之則轉薄香山澳澳中  
 人數詰問言欲通貢市不敢爲寇當事難之稅使李道  
 即召其酋入城與遊處一月亦不敢聞於朝乃遣還澳  
 中人又慮其登陸力爲防禦始引去海澄人李錦及姦  
 商潘秀郭震久居大泥與和蘭人習語及中華事錦曰  
 若欲通貢市無若漳州者漳南有澎湖嶼去海遠誠奪  
 海國圖志卷四下 大西洋 荷蘭國 七  
 而守之貢市不難成也其酋麻韋耶曰守臣不許奈何  
 曰稅使高宗嗜錢甚若厚賄之彼特疏上聞天子必報  
 可守臣敢抗哉會曰善錦乃代爲大泥國王書一移家  
 一移兵備副使一移守將俾秀震齋以來守將陶拱聖  
 大駭亟白當事繫秀於獄震遂不敢入初秀與會約入  
 閩有成議當遣舟相聞而會下急不能待即駕二大艦  
 直抵澎湖時三十二年之七月汎兵已撤如入無人之  
 墟遂伐木築舍爲久居計錦亦潛入漳城偵探詭言被  
 獲逃還當事已廉知其狀并繫獄已而議遣二人諭其

僉遷國許以自贖且拘震與俱三人既與會成約不欲  
 自彰其失第云我國尙依違未定而當事所遣將校詹  
 獻忠齋檄往諭者乃多攜幣帛食物覬其厚酬海濱人  
 又潛載貨物往市會益觀望不肯去當事屢使使諭之  
 見會語輒不競愈爲所慢而宋已遣心腹周之範詣會  
 說以三萬金餽宋即許貢市會喜與之盟已就矣會總  
 兵施德政令都司沈有容將兵往諭有容負膽智大聲  
 諭說會心折乃曰我從不聞此言其下人露刃相詰有  
 容無所懼盛氣與辨會乃悔悟令之範還所贈金止以  
 海國圖志卷四下 大西洋 荷蘭國 八  
 咳囉噠琉璃器及番刀番酒餽宋乞代表通市宋不敢  
 應而撫按嚴禁姦民下海犯者必誅由是接濟路窮番  
 人無所得食十月末揚帆去巡撫徐學聚劾秀錦等罪  
 論死遣戍有差然是時佛郎機橫海上紅毛與爭雄復  
 泛舟東來攻破美洛居國與佛郎機分地而守後又侵  
 奪臺灣地築室耕田久留不去海上姦民闌出貨物與  
 市已又出據澎湖築城設守漸爲求市計守臣懼禍說  
 以毀城遠徙即許互市番人從之天啟三年毀澎湖所  
 築城移舟去巡撫商周祚以遵諭遠徙上聞然其據臺



灣自若也。已而互市不成，番人怨復築城彭湖，掠漁舟六百餘艘，俾華人運土石助築，尋犯廈門，官軍禦之，俘斬數十名，乃詭詞求款，再許毀城，遷徙而修築如故。已又泊舟風櫃仔，出沒浯嶼、白坑、東椗、青頭、古雷、洪嶼、沙洲、甲洲間，要求互市，而海寇李旦復助之。濱海郡邑為戒嚴，其年巡撫南居益初至，謀討之，上言：「臣入境以來，聞番船五艘續至，與風櫃仔船合，凡十有一艘，其勢愈熾，有小校陳士瑛者，先遣往交雷巴，宣諭其王，至三角嶼，遇紅毛船，言交雷巴王已往阿南國，因與士瑛偕至。」

海國圖志

卷四十

大西洋 荷蘭國

九

大泥謁其王，王言：「交雷巴國主已大集戰艦，議往澎湖求互市，若不見許，必致構兵，蓋阿南即紅毛番國，而交雷巴大泥與之合謀，必不可以理論為今日計，非用兵不可。」因列上調兵足餉方畧，部議從之。天啟四年正月，遣將先奪鎮海港，而城之，且築且戰，番人乃退守風櫃城，居益增兵往助攻，擊數月，寇猶不退，乃大發兵，諸軍齊進，寇勢窘，兩遣使求緩兵，容運米入舟，即退去。諸將以窮寇莫追，許之，遂揚帆去。獨渠師高文律等十二人據高樓自守，諸將破擒之，獻俘於朝，彭湖之警以息而

其據臺灣者猶自若也。崇禎中，為鄭芝龍所破，不敢窺內地者數年，乃與香山佛郎機通好，私質外洋，崇禎十年，駕四舶由虎跳門薄廣州，聲言求市，其酋招搖市上，姦民視之若金穴，蓋大姓有為之主者，當道鑿壕鏡事，議驅斥，或從中撓之，會總督張鏡心初至，力持不可，乃遁去，已為姦民李葉榮所誘，交通總兵陳謙為居停，出入事露，葉榮下吏謙自請調用以避禍，為兵科凌義渠等所劾，坐逮訊，自是姦民知事終不成，不復敢勾引，而番人猶據臺灣自若，其本國在西洋者去中國絕遠，華

海國圖志

卷四十

大西洋 荷蘭國

十

人未嘗至其所，恃惟巨舟大礮，舟長三十丈，廣六丈，厚二尺餘，樹五桅，後為二層樓，傍設小窗，置銅礮，桅下置二丈巨鐵礮，發之可洞裂石城，震數十里。世所傳紅夷礮，即其製也。然以舟大難轉，或遇淺沙，即不能動，而其人又不善戰，故往往挫衄。其所役使名烏鬼，入水不沉，走海若平地，其舵後置照海鏡，大徑數尺，能照數百里，其人悉奉天主教，所產有金銀虎珀馬瑙玻璃天鵝絨，瑣服多羅璉，國土既富，遇中國貨物當意者，不惜厚資，故華人樂與為市。



皇清四裔考荷蘭俗稱紅毛番亦曰紅夷在西北海中  
西北與佛郎機接去中國水程五萬餘里其國有大山  
名那蘭山山麓建城名那蘭城其國受 朝勅稱王  
名列外服其臣下官爵見於奉使者亦有戶部官總兵  
官等名俗奉天主教與英吉利同性強悍好爭雄所恃  
惟巨舟大礮明萬曆中荷蘭來侵呂宋泊香山澳入彭  
湖嶼尋據臺灣又與葛刺巴合將入澎湖求互市明發  
兵擊敗之崇禎十年復爲明將鄭芝龍所破餘眾猶據  
臺灣教習土番耕作築平安赤嵌二城以自固順治九

海國圖志

卷四十

大西洋 荷蘭國

七

年鄭成功寇鎮江敗歸謀取臺灣會荷蘭通事何斌述  
夷負遁投成功說成功以水師從鹿耳門入與荷蘭相  
持久荷蘭戰屢敗棄臺灣走十年廣東巡撫奏報荷蘭  
願備外藩謹修職貢十三年六月齋表朝貢經禮部議  
覆應五年一貢貢道由廣東入 詔改八年一貢以  
示柔遠康熙三年大兵渡海攻鄭錦等進克廈門荷蘭  
國率舟師助剿以夾板船乘勢追擊斬首千餘級遂取  
浯嶼金門二島事由靖南王耿繼茂奏聞 賜國王文  
綺白金等物先是二年六月入貢有刀劍八皆可屈伸

馬四鳳鷹鶴脰迅速異常二十五年獻方物請定進貢  
限期五年一次又貢船例由廣東入但廣東路近而泊  
地險福建路遠而泊地穩嗣後請由福建入部議應如  
所請是年定減荷蘭貢額乾隆元年裁減荷蘭稅額  
諭曰朕聞外洋紅毛夾板船到廣時泊於黃浦輪稅  
之法海船按梁頭徵銀二千兩左右再按則抽其貨物  
之稅此向例也近於額稅之外將伊所攜置貨現銀另  
抽加一之稅名曰繳送與舊例不符非朕嘉惠遠人之  
意着查例裁減並宣諭各夷知之荷蘭故居西北地界

海國圖志

卷四十

大西洋 荷蘭國

七

西隴去中國甚遠自通市後常占居葛刺巴地事詳葛  
刺巴傳乾隆六年閩浙總督策楞奏稱西隴爲荷蘭祖  
家去葛喇巴甚遠所謂西隴者當即西洋故地荷蘭雖  
占居葛喇巴而荷蘭之名久通朝貢故仍其故號云  
海錄荷蘭國在佛郎機西北疆域人物衣服俱與西洋  
同唯富家將死所有家產欲給誰何必先呈明官長死  
後即依所呈分授雖給親戚朋友亦聽若不預呈則必  
籍沒雖子孫不得守也原奉天主教後因寺僧滋事遂  
背之然仍立廟宇亦七日禮拜死則葬于墳園國王已



絕嗣羣臣奉王女為主世以所生女繼今又絕國中不復立王唯以四大臣辦理國政有死者則除其次如中國循資格以次遷轉不世襲所屬各埠各島雖在數萬里之外悉遵號令無敢違背亦以天主教紀年國中所用銀錢爲人形騎馬舉劍謂之劍錢亦有用紙鈔者土產金銀銅鐵琉璃珍珠羅絨羽紗噀噀番靛酒鐘表羽紗而琉璃尤甲于諸國

伊宜國在荷蘭北疆域較布路亞稍狹由荷蘭向北行約七八日可到風俗土產與布路亞同此即所謂彌爾尼王國也與荷蘭運疆域始合終分奉加特力教與荷蘭異

海國圖志 卷四十一 大西洋 荷蘭國 三

伊宜沿海向北少西行約旬餘可到

亞里披華國在盈蘭尼士東其南與佛郎機毘連由盈蘭尼士向東少北行約數日到人頗豪富男子所穿衣較布路亞稍長女人以巾裹頭連下領包之頭戴一圍平頂插以花其額圍以珠翠亦與布路亞稍異云

王頗輦國在亞里披華東北風俗疆域土產略同其伊宜盈蘭尼士亞里披華王頗輦各國交界處有地名郎

瑪眾建一廟禮拜者日無隙晷是布路亞呂宋佛朗機伊宜王頗輦雙鷹單鷹七國所共奉祀盈蘭尼士亞里披華二國則不拜西洲地志佛朗西布路亞大呂宋者殆與荷蘭均奉波羅士特教

貿易通志曰荷蘭國沿海有大港口自古專務貿易其通商自順治康熙年間甚盛於今漸衰所載出者爲牛油酥餅丹參麻子麻布酒等進口者各南洋之貨道光十年國都進口之船千有九百八十四隻進口貨價千五百萬員出者千四百萬員國帑虧空故重徵餉稅甚

海國圖志 卷四十一 大西洋 荷蘭國 古

塞通商之路南有羅得坦埠頭道光八年進口船二千零八十五隻其餘海口各港各埠贏縮不等

職方外紀法蘭得斯在亞勒馬尼之西南地不甚廣人居稠密有大城二百八十小城六千三百六十八共學三所一學分二十餘院人情俱樂易溫良最好談論善謳歌其婦人與人貿易無異男子顧其性極貞潔能手作錯金絨不煩機杼西洋布最輕細者皆出此地

萬國地理全圖集曰荷蘭國極福小東連日耳曼國南至北義西北至海西離英國不遠地雖最窄人戶稠密



其計三百六十萬丁其地似中國之江蘇形勢極底若不築隄防範則海水漲溢其害無窮由佛日兩國所流出之江支曼入海矣內地運河無數船隻往來不絕田疇不多到處牧場故奶餅牛油盛於他國。古時荷地原係水澤蠻夷所居國民勤勞築堤掘河是以從日佛兩國所流之水入海不漲而肥草場興焉土民皆自幼習水故出水手自古專務通商於宋元等朝西洋列國以荷爲通市商賈雲集舟車輻輳善造氈呢布疋是以大城富邑興焉當明朝時呂宋國王操權欲荷蘭背波

海國圖志

卷四下

大西洋 荷蘭國

七

羅士特教而遵加特力教荷民死拒不從呂宋欲以兵船強服之連戰八十年後不得不議和荷則廣開通商乃合七部自爲一邦選中國英傑統督各部當此時荷船駛到四海戰舟與英佛交鋒獲勝其商賈駛開新地又在東南蓋建葛拉巴又據臺灣與日本國往來其勢隆隆炎炎口盛不幸乾隆年間爲佛蘭西國所逼降服請盟嘉慶十七年荷賴他國協力驅逐佛軍與北義部合爲一國十五年不變忽然北義作亂而逐荷王兩國交戰又永絕交焉其居民樸實勤儉以積財爲務身體

壯健好食酒煙屋宇街市酒掃淨潔古時與萬國貿易近日他國乘機各自交易故荷船減少國分七部鄉鄉相續邑邑相連人物如蟻但恨其人好酒其國欠項最重納稅倍于他國國王不得專制其國惟聽紳士會議施行其都安特堤在海隅其居民二十萬丁建屋在澤上用木扶之各街有河以其房高大內外美觀每年進口船二千隻鹿特堤城廣街多屋城內無處不遍舟楫居民溫和厚接遠客合琪乃國王所居離海不遠殿廷不高大然其良民之屋甚美來丁烏特等城內有大書院名儒賢士所出也荷國語音北與日耳曼良如出一轍

海國圖志

卷四下

大西洋 荷蘭國

六

北義國即彌爾尼王國道光十一年與荷相絕南及佛北連荷東交日耳曼西至海居民二百六十七萬丁其地與荷無異但其河不多產五穀蔬菜其百姓固執加特力教效是班牙國之尤庶民勤勞度生飲食過量又好動輕諾寡信其國王非與百姓公舉之紳士商議不能立法納餉現王愛其民但其僧誘民糾眾犯法絕荷以後貿易路塞昔所進港口之船移往他處但城中之



民皆巧手造織呢布今亦製鐵軌路以便經商其王都北歷悉美城遍栽樹林以為樂園俾民人遊賞山水安威耳乃大馬頭船隻往來甚便而荷蘭忌之封其江口也

地球圖說荷蘭國東界波路西亞國並亞利曼諸小國南界北利諸恆國西北界北海百姓約二百五十萬都城名海克城內民六萬大半耶蘇教小半天主教地極低陷連間江河若不時時修築隄防則潦漲橫溢土地膏腴故務農者眾而牧羊者亦不少身體壯健性愛清

淨國圖志

卷四一

大西洋 荷蘭國

七

白房屋街衢統勿污穢惜好烟酒耳其土民嫻習於水故多為水手復有於水澤腹堅之際用木屐流行水上其捷如飛經營不懈國內兵船不若往昔故昔時能與英吉利佛蘭西戰勝復能至中國據臺灣與日本往來盡據有亞細亞之南海各島今則僅有四分之一焉所出土產牛油奶餅火酒毯氈呢絨布羊毛布等物

地里備考曰荷蘭國在歐羅巴州之中北極出地五十一度七分起至五十三度止經線自東一度起至四度四十八分止東連亞里曼之亞諾威國暨布魯西國南

北爾日加國西北至海長約六百五十里寬約三百五十里地面積方一萬八千三百三十里烟戶二兆五億五萬八千口本國除給爾德勒暨盧森不爾厄二處邱阜寥寥外其餘各地平坦低窪荒沙澤濕河至長者五湖則甚多其至大者曰亞爾零海地氣濕寒北方少穀果南方則禾稼豐盈土產胡麻茜草材木烟葉滑石生鐵花石惟煤甚富禽獸蕃衍鱗介充斥王位傳男以長幼為序無男方得立女奉加爾威諾脩教者過半奉天主公教暨路得羅修教者稍少若外國人寄寓或奉別

淨國圖志

卷四一

大西洋 荷蘭國

六

教者不為禁止工肆林立技藝精巧百貨駢集本國耶蘇未生以前皆為加理亞及亞里曼二國之地繼為羅馬國人所克服耶蘇降生後四百年間始則盡為法郎哥人所服繼則歸於佛蘭西國統屬至耶蘇九百餘載佛蘭西國變亂本國諸酋紛紛自立分為十七小國明成化中盡歸奧斯的里國所取傳位於呂宋國王明穆宗隆慶中呂宋國王設稽查邪教院凡國人信從左道者從重治罪因此國人叛亂廢君逐官分通國為七部自立官宰互相結盟各不統屬再越二百十六載則乾



隆六十年又遣佛蘭西兵占據迨佛蘭西國君那波良  
臨御之後封建其地復立爲國迨那波良敗績後國人  
乃將北爾日加國合爲一邦道光十一年也北爾日加  
國亂不服管轄自立爲國分十一部一北賀蘭部乃本  
國都也建於義河岸屋宇峻麗商賈雲集仍爲歐羅巴  
州富麗之國一南賀蘭部一斯蘭的部一北巴拉班部  
一烏德勒支部一科爾威義塞耳部一德倫得部一哥  
羅寧加部一非里薩部一靈不爾厄部除此十一部外  
尙有一區名曰盧森布厄長二百五十里寬二百里地  
面積方三千九百四十里烟戶二十九萬五千口與亞  
里曼各國結盟應出兵丁二千五百五十六名其地應  
爲頭等公爵統攝卽賀蘭國王也所兼攝各地凡亞非  
里加州亞美里加州阿塞里亞州皆有之  
外國史略曰荷蘭國瀕海地窪潮水漲溢晝夜築堤以  
捍海水水退則陸地成草場足資游牧民猛勇善戰不  
服羅馬之軍唐朝時進天主教尙分數國各擅其民互  
爭強弱國內江河無數以通商爲業土產甚多而居民  
稠密勤織布匹以補食用自明洪武及嘉靖國蒸蒸蔚

海國圖志

卷四

大西洋 荷蘭國

五

起舟艦雲集街衢輻輳民恃庶富屢逆國命於明嘉靖  
時有豪氏倚西班牙之助於日耳曼近地僭號曰甲利  
號第五王甲利王崇天主教立志殄滅老教禁諭甚  
嚴凡老教拜上帝之人甯死不從北方七部難民並起  
立首領抗拒八十年交戰不息西班牙國助之亦師老  
餉糜於順治四年北七部各自主其地惟南部仍歸西  
班牙國入日耳曼國之版輿仍天主教商賈工匠皆  
畏避他徙故北方率富而南方益衰是時荷蘭與西  
班牙戰勝廣通商之路至五印度國奪葡萄牙人所開  
之牙瓦島開市葛雷巴兩攻澳門不得志萬曆二年又  
開埠臺灣後亦歸中國順治康熙年間荷蘭國運貨至  
粵貿易歐羅巴各國忌其富佛蘭西英吉利水陸交攻  
之幸上帝保護其國能勝敵而通商益廣其時英吉利  
奉耶穌老教之民不從天主教新教於康熙二十七年逐  
英吉利王招賀蘭君卽位佛蘭西亦懼來結平他國有  
缺乏者赴賀蘭貸之其國庫常充乾隆五十七年佛蘭  
西背荷蘭國驅其君掠積聚佛君波羅穩王乃復立其  
弟爲荷蘭王其時荷蘭已失藩屬貿易之商船又畏英

海國圖志

卷四

大西洋 荷蘭國

三



人之戰艦不敢航海於嘉慶十八年其民會合歐羅巴各國驅佛蘭西兵復自立其舊君復南方之地時道光十三年也南北交戰遂分二國其北部仍歸舊主存荷蘭之名號其南方為北義國乃昔日英吉利女王之所配者南北雖尚通商然較曩時貿易大不如矣○荷蘭乃最褊小之地東連日耳曼南界北義西北皆濱海由日耳曼國來之支流曰來尼河馬士悉得等河皆西流北入海遍築堤防禦水尚屢次溢漲覆鄉邑內地運河船往來不絕南方多出五穀餘惟牧場無林木西邊多

海國圖志

卷四十一

大西洋 荷蘭國

三

出藍靛顏料運賣他國最著名者花卉甲於各國牛高大多乳牛油酥餅有名人稠地狹田園不足於耕故商賈徧遊各國水手熟悉水性不憚勤勞不取樂不好戰若激之則猛烈不惜身命不畏風浪好潔淨屋宇街衢洒掃不輟故城邑最美其鄉如城無極貧者好飲酒吸烟晝夜不輟不妄耗財而喜賙濟遍國無丐若有之即運送新地俾自食其力不容一閒手也荷蘭本日耳曼之族故語音風俗相近○其國之廣袤方圓五百七十五里居民男百四十萬女百四十五萬其屋共計四十

四萬居民十六萬崇耶蘇老教者計百七十萬四千崇天主教者百一十萬猶太人五萬二千國人敬畏上帝所派之勢師厚其祿設禮拜堂土產牛最多道光十七年運出之牛油十九萬四千石爛餅三十三萬四千石所製麻布漂布羽毛燕酒皆運之他國內地之運貨船萬五千隻大艇五千六百隻航海之船千五百隻別有在藩屬國者道光十九年國中進口之船二千三百隻在鹿得堤入口者三千隻大洋捕鯨魚黃花魚之艇二百六十隻共計運出貨價銀四千四百萬圓運入銀

海國圖志

卷四十一

大西洋 荷蘭國

三

千六百萬圓○國內大開書院學士雲集講術藝小學館二千八百餘處大學院四處皆聚印繙繹之書○理國務公會兩班其一班王自擇之悉當職者其一班是民之所尊貴三年一推選焉會辦國務若公會不准即不得征餉外國務藩屬國務及兵部戶部水師部各有大臣正教門天主教門各有首領官議軍機者皆有功績之大臣各部有管地之五爵紳士議定然後赴公會視事征餉自道光二十一年地稅二百四十萬兩人丁百五十萬兩印票六十萬兩白糖八十萬兩葡萄二十



萬兩酒八十萬兩牲畜三百六十萬兩鹽課四十萬兩  
番餉二十萬兩票紙三十五萬兩稅餉百三十八萬益  
綬三十五萬兩關津稅銀百二十八萬兩公費自道光  
二十三年言三十一萬兩文官俸二十五萬兩外國務  
十三萬兩刑法師三十九萬兩國內務百二十六萬兩  
耶蘇老教師三十五萬兩天主新教師十三萬兩水師  
百四十萬兩藩屬地萬一千兩公項欠利息八百四十  
萬兩養廉六十四萬兩各部公費百五十萬兩兵餉費  
一百七十萬兩因欠項太重故歛餉較難雖在南洋之

海國圖志

卷四十

大西洋 荷蘭國

三

牙瓦島並他藩屬地有餘費二百萬兩而亞墨利加之  
藩屬地耗費太過每年銀八百兩總共公欠項三萬一  
千二百萬兩餘國小費繁故各物重征而民益困。地  
分七部都城曰安得堤居民二十萬百年前為海外最  
大之埠各國商船雲集在海港之南其街直其屋峻鑿  
河通海其土淖必先鋪木板始可建造其公宇長二十  
八丈闊二十三丈高六十丈上有塔高二十一丈商賈  
會館甚美長二十五丈闊十四丈內外之客所集以議  
論者城中二百九十橋遍通來往水鹹鮮清泉夏月滿

渠尤臭居民收雨水用之海邊有哈地最美之邑也建  
高殿為王居鹿得堤城在馬士河邊居民七萬八千其  
與國通商惟英夷為最火輪往來不絕大書院三所在  
來丁邑烏得邑我寔音邑之城二曰鹿堡曰白他

瀛環志略曰荷蘭

和蘭。荷蘭。法蘭得斯。

歐羅巴小國也東界日

耳曼南界比利時西北距大西洋海壤地褊小歐羅巴  
地形此最低陷海潮衝鬪為洲渚港道縱橫交貫其  
地沮洳卑濕而土脈最腴民擅水利善築堤防開溝洫  
又善於操舟能行遠故歐羅巴海市之道行自荷蘭始

海國圖志

卷四十

大西洋 荷蘭國

三

其地古時為土番部落時意大里擴地至佛郎西荷蘭  
土番悍不聽命意大里兵阻水不能進因置為荒服不  
能爭後為日耳曼之弗郎哥人所據蕭齊時佛郎西取  
之置酋長分領其眾佛有內亂諸酋擁地自擅分為十  
七部後復并諸部為一自立為侯國北宋時海潮決隄  
數百里居民皆沒都城幾陷潮退之後積水匯為巨浸  
曰亞爾零海經營數十年戶口繁滋商賈通行完富過  
於曩時明初侯查理侵佛郎西圍其都城耀兵而還時  
荷蘭富民多恃財犯科律侯以峻法繩之刑戮過當眾



怨怒有叛志佛郎西乘勢伐之侯震恐納賂請盟佛兵乃退荷蘭舊分南北部侯政苛虐南部利時畫疆不聽

命侯與戰敗績墮溝中死正德季年西班牙查理第五

王新為日耳曼所推立已詳舉地利亞圖說有大權擊佛郎西擄

其王西土諸國無敢抗顏行者遂下令兼王荷蘭荷蘭

不敢抗時荷蘭富甚王減稅以悅其民而悉令人天主

教有遵耶蘇教者積薪燔之已而西班牙王令其子兼

王荷蘭禁耶蘇教尤急北部夙崇耶蘇教西班牙王以

峻法繩之荷蘭人憤甚有阿蘭治者智勇過人眾推為

主起兵拒西班牙西班牙以大眾攻之荷蘭人殊死戰

屢敗而氣不衰佛郎西英吉利嘗引兵救之已而退去

阿蘭治激其眾曰西人以我供刀俎當塗肝腦決死戰

幸而勝國之福也不濟則決海隄挈妻子為波臣不死

者乘舟逃萬里外誓不為之氓眾皆曰諾遂引軍獨進

與西班牙鏖戰數十年屢挫西軍四班牙遣客刺殺之

其子繼立雄武過父奮力擊西軍大破之西班牙乃斂

兵議和由是荷蘭復立為國晏然富庶者二百餘年當

前明中葉荷蘭航海東來至中國之東南洋據瓜哇海

口即噶羅巴迤東迤北各島國皆建設埔頭通東西七萬里

之海市故國雖小而富饒甲於西土明季嘗以兵船擾閩浙壘臺灣而據之後為鄭氏所逐小西洋各埔頭亦頗為英佛諸國所侵削而南洋數大島依然荷蘭有也康熙二十七年威廉第三王有雄略英吉人招之渡海奉以為王幾霸西土嘉慶初佛郎西拿破侖侵伐四國兵及荷蘭荷蘭王走死荒野地歸佛郎西英吉利乘荷蘭之亂也奪其瓜哇埔頭拿破侖既敗荷蘭復立故王之裔英人乃還其埔頭先是荷蘭南部與北部相仇當

海國圖志 卷四十一 大西洋 荷蘭國 三

北部與西班牙構兵南部附西班牙不相助嘉慶十九

年南部與荷蘭合道光十一年南部復絕荷蘭立他族

為王稱比利時國荷蘭地形平衍有水無山東偏僅有

邱阜亦甚寥落其民俗樸實耐勞節衣蓄食治生最勤

無游手盜賊利之所在不遠數千里性喜潔房屋時時

掃條街衢有污穢必洗刷淨盡稅餉頗重聽紳士籌辦

王不得專地分十一部。北荷蘭西距大西洋海東環

亞爾零內海都城建於義河之濱架木水中上起樓閣

遂以河為街衢居民二十萬貿易之盛為歐士大都會



又有別都曰合其在海濱國王所居殿廷制頗卑狹而居民極整潔來丁烏特兩城有大書院士儒所萃○南荷蘭在北荷蘭之南西面大海南界內港隔斷成兩洲會城曰海牙所屬鹿特堤城內通舟楫般商所萃街市華潔○斯蘭德亞在南荷蘭之南西面大海內港縱橫界隔成六洲○北巴拉班的在斯蘭德亞之東幅員頗廣南與比利時接壤會城在南荷蘭之東○給爾德勒在烏支德勒之東北西界亞爾零內海東界日耳曼德得在給爾德勒之北西界內海東界日耳曼○科威義

海國圖志卷四

大西洋 荷蘭國

毛

塞在德倫得之北東界日耳曼○非里薩在科威義之西三面距內海○哥羅凝加在科威義塞之北為荷蘭極北境東界日耳曼○靈不爾厄在北巴拉班的之東南隅與日耳曼接壤○十一部之外別一部曰盧森不爾厄在日耳曼界內長二百五十里廣二百里會城同部名戶口二十九萬八日耳曼公會應出兵二千五百瀛環志略曰歐羅巴諸國皆好航海立埔頭遠者或數萬里其好勤遠略也彼以商賈為本計得一埔頭則擅其利權而歸於我荷蘭尤專務此其航海而東來也亞

非利加印度麻喇甲蘇門答臘即已遍設埔頭噶羅巴哇一島大小西洋入中國之門戶富盛甲於兩洋為諸島國之綱領荷蘭以詭謀據其海口建設城邑流通百貨由是迤東迤北諸島國如婆羅洲一名蘇尼阿西里百一名失摩鹿加一名美巴布亞一名那之類大小凡數十處說見南洋圖皆巫來由繞阿武吃番族荷蘭以次據口岸立埔頭有租債其地者有侵脅得之者大約近年以來小西洋諸島國以英吉利為主東南洋諸島國除呂宋屬西班牙餘皆以荷蘭為主地本彈丸而圖國計於

海國圖志卷四

大西洋 荷蘭國

美

七萬里之外歷數百年無改亦可謂善於運籌者歟地球圖說伯利諸恆國又名北義國東界波路西亞國南界佛蘭西國西界北海北界荷蘭國百姓約四百二十萬都城名北律悉城內民十一萬大半天主教小半耶穌教人甚聰明善繪畫言語各異在南則與佛蘭西國土音相似在北則與亞利曼國土音相似昔本與荷蘭同國後於道光十一年間兩相分析各自立君土產呢布羽毛最佳五穀最多地里備考曰北爾日加國亦名北義國在歐羅巴州之



中北極出地四十九度三十二分起至五十一度二十八分止經線自東十五分起至三度四十六分止東至賀蘭布魯西二國西連佛蘭西國暨北海南接佛蘭西國北界賀蘭國長約五百里寬約三百里地面積方一萬五千里烟戶三兆五億六萬口北方平坦南方邱陵河之至長者惟三一名義士加爾達一名米于塞一名勒魯下流皆在荷蘭貨船由此出運地温土腴生殖蕃衍各礦富庶製造精良王位歷代世襲奉天主教者過半奉路得羅脩教者無幾本國當賀蘭國被法郎哥

海國圖志 卷四十一 大西洋 荷蘭國 三

人攻克時一並歸其統屬後又為大呂宋國管轄康熙五十三年呂宋國王將此讓與奧斯的里國統攝越八十一載乾隆間本國與賀蘭國同歸佛郎西迨賀蘭西國君那波良敗績後本國與賀蘭雖合為一然各奉一教風俗言語不同賀蘭視北義人不許居顯爵不得入學院道光十一年國人遂倡變交戰驅逐荷蘭監守官出境佛郎西助之立日耳曼之薩克撒小侯雷波爾多為君由是復析為二國國分九部一南巴拉班的部乃國都也建於塞內河岸宮殿甚壯一安都厄比部一東

發蘭德部一西發蘭德部一海臘德部一那慕蘭部一列日部一林布爾厄部一盧森布爾厄部其國通商衝繁之地或內地或瀕海

外國史略曰北義國微地耳南及佛蘭西北及荷蘭東及日耳曼西及北海最長者悉得河西北流入海馬士江出佛蘭西通北義國流入荷蘭地方圓五百三十四里半為田其餘種菜果及為牧場為草場為林木其未墾地僅十分之一出藍色顏料麻烟牛馬鐵石炭售與他國價值銀二百萬圓民力于耕無閒土惟南方尚係

海國圖志 卷四十一 大西洋 荷蘭國 三

磽地廣瀦水有兩海口曰安威賓曰東末道光十九年入安威之船千二百隻他海口之船隻共百三十七隻民奉僧不好學故男女中不識字者十之七八娶妻後夫婦終身不離好施濟少聰敏言語不通體肥多疑出外者少作鐵路以火車往來迅速如風。國務彷彿蘭西時君娶英國王女及娶佛國王女有鄉紳五爵之會居民每八十五名中擇一為鄉紳王必聽其所議法度有未便隨時改變國費最多其欠項利息銀至六百三十萬圓賜五爵銀六十萬圓兵刑各司之俸二百四







海國圖志卷四十一

大西洋 歐羅巴洲

歐羅巴人 侯官林則徐譯

邵陽魏源重輯

佛蘭西國總記 即佛郎機一作佛朗西一作佛蘭西一作法蘭西一作和蘭西一作勃蘭

佛蘭西國古曰俄爾北與英吉利對峙僅隔一港并近荷蘭東界耶瑪尼國瑞國意大里國南抵海並比利里山西抵大洋四圍非山即海形勢崎嶇先屬意大里亞

海國圖志卷四十一 大西洋 佛蘭西國

始學文字故尊加特力教嗣因耶馬尼率師來侵意大里不能援救自此佛蘭西不屬意大里亞節制自立國稱王建都於巴立斯迨渣爾馬額里王沒後諸子爭位分爲數國至珂加昆王始復並爲一至今爲歐羅巴洲富強之國惟與英吉利不睦世尋兵戈政事設占馬阿富衙門一所官四百三十員由各部落互相保充如英國甘文好司之例審訊衙門三百六十所官三千員舊日官皆世襲擅賦稅調人丁政多紊亂後遂裁革世職陸路步軍武官九千五百有五員領步兵二十四萬四

千有百名騎軍武官二千八百有五員領騎兵五萬一千三百名火器營武官千九百五十員領火器兵三萬二千五百九十四名水師大小戰船百有十火船十有七小船百三十有三俗向奢華虛文鮮實精技藝勤貿易商船萬四千五百三十河道四羅牙河發源布羅溫斯至南底斯西隅出海倫河發源沙緩蘭之潯倫冰雪至布羅溫斯南隅出海新河發源麻良里至英吉利分界港口出海來因河發源柔查底湖至荷蘭出海土產羽毛紗鐘表紗呢絨氈地氈夏布棉布糖棉花葡萄酒

海國圖志卷四十一 大西洋 佛蘭西國

鹽鐵錫銀鉛銅白礬煤火石水晶玻璃陶器  
佛蘭西國 東界瑞國意大里西界海南界大呂宋北界荷蘭爾尼王 幅員二十一萬五千七百里戶二千九百二十一萬七千口  
大部落八十一小部落五百三十俱奉加特力教  
西尼愛西部 東界西耶瑪尼南界內匿其首部曰巴利斯即國都也原本佛蘭西國各 領小部落八  
大部落內所領小部亦止載一首部餘俱未詳  
注部 東南界海北界羅 領小部落十  
羅阿付部 東界意大里西界南界 領小部落六  
海阿付部 東界意大里西界南界 領小部落四



依西爾部 東界意大利大里西界倫卷內里領小部落十  
有一

引部 東界倫卷內里亞南界依西爾領小部落四

由那部 東界瑞國南界引西界領小部落八

萊斯部 東界瑞國西南界日領小部落四

阿巴臘引部 東界瑞國南界萊斯西界領小部落五

磨西里部 東界羅那引南界羅拉引領小部落六

繆地部 東界羅拉引南界羅拉引領小部落四

窩斯尼部 東界阿巴那引南界阿巴那領小部落六

海國圖志

卷四十一

大西洋 佛蘭西國

三

阿巴順部 東界阿巴那引南界萊斯領小部落六

特林部 東界海阿付南界西里領小部落七

高部 東界阿爾付南界里倫領小部落七

里倫部 東界海阿付南界里倫領小部落六

阿里支部 東界特林西界羅西里領小部落二

倫卷內里部 東界依極里南界阿巴那領小部落

四

順巷內里部 東界由那南界倫卷內里領小部落七

葛羅部 東界由那南界順巷內里領小部落六

阿巴麻尼部 東界窩期尼南界葛羅領小部落六

貌栖部 東界繆地南界阿巴麻領小部落八

阿隣尼斯部 東界埃斯尼北界荷蘭領小部落九

麻尼部 東界繆地南界阿隣尼斯領小部落七

歐敏部 東界阿巴麻北界阿隣尼斯領小部落六

潤尼部 東界葛羅西界內匿南領小部落十

奈威里部 東界順巷內里南界阿隣尼斯領小部落七

阿里野部 東界順巷內里南界奈威里領小部落四

海國圖志

卷四十二

大西洋 佛蘭西國

四

羅西厘部 東界阿巴那支西界阿威倫南領小部落四

希老爾部 東界南南界西厘領小部落六

阿威倫部 東界羅西里南界且領小部落六

干代部 東界阿巴內里南界阿威倫領小部落六

稗厘林部 東界倫里內厘南界干代領小部落六

伊塞稗厘尼部 東界海西南界大領小部落六

歐里部 東界海西里南界且領小部落六

旦部 東界希老爾西界阿巴牙倫領小部落六

阿甲尼部 東界歐里南界大且宋領小部落三



阿巴牙倫尼部	東界阿羅里尼南界大呂宋西領小部
落七	
離律部	東界阿威倫西界律巷牙倫尼領小部落九
戈立栖部	東界千代南界離律西領小部落六
格流栖部	東界羅龍北界格流栖領小部落五
借部	東界奈威里南界阿厘野西領小部落六
內匿部	東界阿威引尼北界英特厘領小部落八
西尼巷麻尼部	東界借部南界內匿西領小部落
六	
埃斯尼部	東界阿隣尼斯西界愛栖南領小部落九
離那刺部	東界荷蘭南界埃斯尼西領小部落八
斯特力阿付加部	東界離那刺西領小部落
七	
新敏部	東界埃斯尼南界愛栖西領小部落七
愛栖部	東界埃斯尼南界西領小部落七
羅注西尼部	東界羅注西領小部落十一
由厘部	東界西尼愛栖南界由厘內野領小部落七
由厘內野部	東界羅注西領小部落七

內野巷借部	東界內匿西界英特厘南領小部
落七	
英特厘部	東界借部南界格流栖西領小部落六
海稗厘尼部	東界阿巴牙倫尼南界大呂宋領小部
落四	
羅神厘尼部	東界海稗厘尼西南皆領小部落五
離雅斯部	東界阿巴牙倫尼西領小部落
八	
蘭特司部	東界離雅司南界羅神厘領小部落十
律巷牙倫尼部	東界離律南界離雅司西領小部落
六	
雅倫尼部	東界羅龍南界蘭特司西領小部落九
羅龍部	東界戈立栖南界律巷雅倫領小部落八
阿巴威引尼部	東界格流栖南界戈立栖領小部落
五	
渣隣底部	東界阿巴威引尼南界羅龍西領小部落
五	
威引尼部	東界英特厘南界渣隣底西領小部

海國圖志 卷四十一 大西洋 佛蘭西國 五

海國圖志 卷四十一 大西洋 佛蘭西國 六



落五

英特厘菴內野部 東界內野菴借南界威引尼 領小部落六

部落六

沙底部 東界內野菴借南界英特厘菴 領小部落四

荷尼部 東界由厘南界荷尼西界 領小部落七

加爾注羅部 東界由尼南界荷尼西界 領小部落八

贊尼爾部 東界加爾注羅南界 領小部落九

麻引尼部 東界沙底南界麻引尼西界 領小部落七

七

海國圖志

卷四十一

大西洋 佛蘭西國

七

麻引尼內野部 東界英特厘菴內野南界都西威 領小部落七

都西威力部 東界威引尼南界渣隣底西界 領小部落十

羅注渣隣底部 東界渣隣底南界雅倫 領小部落六

落十

伊厘庵威領尼部 東界麻引尼南界羅注內 領小部落六

那刺果部 東界伊厘庵威領尼南界摩敏 領小部落七

落六

那刺果部 東界伊厘庵威領尼南界摩敏 領小部落七

七

摩敏寒部 東界伊厘庵威尼南界海西 領小部落七

非尼底里部 東界都西威利南界羅注渣隣底 領小部落二

部落二

羅臘引部 東界羅臘沙蘭南界阿巴拉引西 領小部落八

八

羅注內里部 東界麻引尼菴內野西界海南 領小部落八

落八

威引利部 東界都西威力西界海南界 領小部落七

七

海國圖志

卷四十一

大西洋 佛蘭西國

八

佛蘭西國沿革 原無今補

職方外紀拂郎祭即佛蘭西國在倚西把尼東北南起

四十一度北至五十度西起十五度東至三十一度周

一萬一千二百里地分十六道屬國五十餘其都城名

把理斯設一其學生徒嘗四萬餘人併他方學共有七

所又設社院以教貧士一切供億皆王主之每士計費

百金院居數十人共五十五處中古有一聖王名類斯

者惡回回占據如德亞地與兵伐之始制大銃因其國

在歐邏巴內回回遂舉稱西土人為拂郎機而銃亦沿



襲此名是國之王天主特賜寵異自古迄今之主皆賜  
一神能以手撫人癒瘡應手而愈至今其王每歲一日  
療人先期齋戒三日凡患此疾者遠在萬里之外預畢  
集天主殿中國王舉手撫之祝曰王者撫汝天主救汝  
撫百人百人愈撫千人千人愈其神如此國王元子別  
有土地供其祿食不異一小王他國不爾也國土極膏  
腴物力豐富居民安逸有山出石藍色質脆可鋸為板  
當瓦覆屋國人性情溫爽禮貌周全尙文好學都中梓  
行書籍繁盛甚有聲聞又奉教甚篤所建瞻理天主堂

海國圖志 卷四十一 大西洋 佛蘭西國 九

講道殿堂大小不下十萬初傳教於此國者原係如德  
亞國聖人辣雜珠乃當時已死四日蒙耶穌恩造命復  
活即此人也案明史在此書之後并不知據此為藍木  
荒陋至此惟此紀國王以手愈疾自  
古至今皆然云云則夸誕無稽之說  
明史佛郎機近滿刺加古不知何國案滿刺加乃暹羅  
機所據遂誤以大西洋為南  
洋相去數萬里明史舛甚永樂時海外諸邦通中國  
者以百數亦未有其名自正德中據滿刺加地遂其王  
十三年正月遣使臣加必丹未等貢方物請封詔給方  
物之直遣之其人久留不去剽劫行旅至掠小兒為

食已而黃緣鎮守中貴許入京武宗南巡其使火者亞  
三因江彬侍帝左右帝時學其語以為戲其畱懷遠驛  
者益掠買良民築室立寨為久居計十五年十二月御  
史邱道隆言滿刺加乃勅封之國而佛郎機敢併之且  
啗我以利邀求封貢決不可許宜卻其使臣明示順逆  
還滿刺加疆土方許朝貢倘執迷不悛必檄告諸番聲  
罪致討御史何鰲言佛郎機最凶狡兵械較諸番獨精  
前歲駕大船突入廣東會城礮聲殷地畱驛者違制交  
通入都者桀驁爭長今聽其往來貿易勢必爭鬪殺傷

海國圖志 卷四十一 大西洋 佛蘭西國 十

南方之禍殆無紀極祖宗朝貢有定期防有常制故來  
者不多近因布政吳廷舉謂缺上供香物不問何方來  
即取貨致番船不絕於海滋蠻人雜選於州城禁防既  
疎水道益熟此佛郎機所以乘機突至也乞悉驅在澳  
番船及番人潛居者禁私通嚴守備庶一方獲安疏下  
禮部言道隆先宰順德鰲即順德人故深晰利害宜俟  
滿刺加使臣至廷詰佛郎機侵奪鄰邦擾亂內地之罪  
奏請處置其他悉如御史言報可亞三侍帝驕甚從駕  
入都居會同館見提督主事梁焯不屈膝焯怒撻之彬



人詬曰彼嘗與天子嬉戲肯跪汝小官耶明年武宗崩  
 亞三下吏自言本華人爲番人所使乃伏法絕其朝貢  
 其年七月又以接濟朝使爲詞攜上物求市守臣請抽  
 分如故事詔復拒之其將別都盧既以巨礮利兵肆掠  
 滿刺加諸國橫行海上復率其屬疎世利等駕五舟擊  
 破巴西國嘉靖二年遂寇新會之西草灣指揮柯榮百  
 戶王應恩禦之轉戰至稍州向化人潘丁苟先登眾齊  
 進生擒別都盧疎世利等四十二人斬首三十五級獲  
 其二舟餘賊復率三舟接戰應恩陣亡賊亦敗遁官軍  
 海國圖志 卷四十一 大西洋 佛蘭西國 十一

寇也初廣東文武官月俸多以番貨代至是貨至者寡  
 有議復許佛郎機通市者給事中王希文力爭乃定令  
 諸番貢不以時及勘合差失者悉行禁止由是番船幾  
 絕巡撫林富上言粵中公私諸費多資商稅番船不至  
 則公私皆窘今許佛郎機互市有四利焉祖宗時諸番  
 常貢外原有抽分之法稍取其餘足供御用利一兩粵  
 比歲用兵庫藏耗竭藉以充軍餉備不虞利二粵西素  
 仰給粵東小有徵發即措辦不前若番船流通則上下  
 交濟利三小民以愁遷爲生持一錢之貨即得展轉販  
 海國圖志 卷四十一 大西洋 佛蘭西國 十二

得其礮即名爲佛郎機副使汪鉉進之朝九年秋鉉累  
 官右都御史上言今塞上墩臺城堡未嘗不設乃寇來  
 輒遭蹂躪者蓋墩臺止瞭望城堡又無制遠之具此所  
 以往往受困也當用臣所進佛郎機其小止二十斤以  
 下遠可六百步者則用之墩臺每墩用其一以三人守  
 之其大至七十斤以上遠可五六里者則用之城堡每  
 堡用其三以十人守之五里一墩十里一堡大小相依  
 遠近相應寇將無所容足可坐收不戰之功帝悅即從  
 之火礮之有佛郎機自此始然將士不善用迄莫能制

易衣食其中利四助國裕民兩有所賴此因民之利而  
 利之非開利孔爲民梯禍也部議又從之自是佛郎機  
 得入香山澳爲市而其徒又越境商於福建往來不絕  
 至二十六年朱統爲巡撫嚴禁通番其人無所獲利則  
 整眾犯漳州之月港浯嶼副使柯喬等禦卻之二十八  
 年又犯詔安官軍迎擊於走馬溪生擒賊首李光頭等  
 九十六人餘遁去統用便宜斬之怨統者御史陳九德  
 遂劾其專擅帝遣給事中杜汝禎往驗言此滿刺加商  
 人歲招海濱無賴之徒往來鬻販無僭號流劫事統擅



自行誅誠如御史所劾遂被逮自殺蓋不知滿刺加即佛郎機也自紉死海禁復弛佛郎機遂縱橫海上無所忌而其市香山澳壕鏡者至築室建城雄踞海畔若一國此澳門有西洋夷屋之始然佛郎機旋去澳不居非今日之澳夷也將吏不肖者反視爲外府矣壕鏡在香山縣南虎跳門外先是暹羅占城瓜哇琉球浣泥諸國互市俱在廣州設市船司領之正德時移於高州之電白縣嘉靖十四年指揮黃慶納賄請於上官移之壕歲輸課二萬金佛郎機遂得混入高棟飛營櫺比相望閩粵商人趨之若鶩久之其來益眾

海國圖志

卷四十一

大西洋 佛羅西國

七

諸國人畏而避之遂專爲所據四十四年僞稱滿刺加入貢已改稱蒲都麗家守臣以聞下部議言必佛郎機假託乃却之萬曆中破滅呂宋盡擅閩粵海上之利勢益熾明年番禺盧廷龍入都請盡逐澳中諸番出居浪白外海還我壕鏡故地當事不能用番人既築城聚海外雜番廣通貿易至萬餘人吏其土者皆畏懼莫敢詰甚有利其實貨伴禁而陰許之總督戴耀在事十三年養成其患而不問番人又潛匿倭賊敵殺官軍四十一年總督張鳴岡檄番人驅倭出海因上言粵之有澳夷

猶疽之在背也澳之有倭賊猶虎之傳翼也今一旦驅斥不費一矢此聖天子威德所致惟是倭去而番尚存有謂宜勦除者有謂宜移之浪白外洋就船貿易者顧兵難輕動而壕鏡在香山內地官軍環海而守彼日食所需咸仰於我一懷異志我即制其死命若移之外洋則巨海茫茫奸宄安詰制禦安施似不如申明約束內不許一奸闖出外不許一倭闖入無啟釁無弛防相安無患之爲愈也部議從之居三年設叅將於中路雍陌營調千人戍之防禦漸密天啟元年守臣慮其終爲患

海國圖志

卷四十一

大西洋 佛羅西國

西

遣監司馮從龍等毀其所築青州城番亦不敢拒其時大西洋人來中國亦居此澳今稱澳夷爲大西洋國始此其實名葡荷亞也澳夷見明史者只此一語由外國傳中不立蓋番人本求市易初無不軌謀而中朝疑之過甚迄不許其朝貢又無力以制之故議者紛紛然終明之世此番故未嘗爲變也其人長身高鼻貓睛鷹嘴拳髮赤鬚好經商恃強陵轍諸國無所不往後又稱干系臘國所產多犀象珠貝衣服華潔貴者冠賤者笠見尊長輒去之初奉佛教後奉天主教市易但仲指示數雖累千金不立約契有事



指天爲誓不相負自滅滿刺加巴西呂宋三國海外諸番無敢與之抗者

皇清四裔考佛朗機一名和蘭西亦紅毛番種也東與荷蘭接其國都地名巴離士至中國水程五萬餘里從羅令山峽出口境絕險風俗略同和蘭英吉利諸國順治四年八月廣督佟養甲疏言佛朗機國人寓居壕鏡澳門與粵商互市於明季已有歷年後因深入省會遂飭禁止請嗣後仍准番船通市自是每歲通市不絕惟禁入省會其族種有居呂宋者詳呂宋傳來粵互市或

海國圖志 卷四十一 大西洋 佛蘭西國 五

從其本國或從呂宋國至云此誤以呂宋爲佛

每月統紀傳曰法蘭西國東連阿理曼國西及西班牙國南及地中海意大理國北及英吉利海比利潤峽國廣六六十二萬七千方里分八十六部落田十萬三千有餘頃園山林萬八千有餘頃歲出土產約價銀九萬三千五百七十四萬員戶三千二百五十萬口馬二百十七萬隻牛六百九十七萬隻羊四百五十萬隻歲出葡萄酒價銀約萬有六千萬員織綢緞極精巧道光四年所載出之貨物約價銀八千八百七萬員入價九

千九十七萬員巨戰艦三十六隻中戰艦三十五隻火輪舟八隻各項水師船百有八十六隻水師武官梢手共萬有四千九百商船梢手三十二萬八千營兵二十三萬歲入國帑銀二千五十四萬員出二千七十萬員當中國漢代以前此國土蠻強梗攻隣焚掠於是羅馬國命帥領兵擊服調理野人向化遵法齊明帝二年土酋擊敗羅馬之兵創立新國旋進天主教立廟建殿傳至苗裔三百年間惟耽聲色委政臣下有臣曰鋌者敏智雄豪當同回侵國時舉國震恐惟總領率士民血戰

海國圖志 卷四十一 大西洋 佛蘭西國 六

三日破走敵寇其孫甲利泰甫於唐德宗六年嗣位才德出眾創立法制爲四國風俗之表率且東界土蠻屢侵甲利率兵深入山林與土蠻鏖戰敗其十分之二甲利正欲結和而羅馬之教皇意大里亞爲天主教之宗國稱曰教皇凡西洋各國王即位必得教遣使來約必除蠻首以淨根株甲利遂進擒蠻王禁之隱修院復進攻回回之族週伏敗還退值世子作亂東蠻悖叛甲利旋師奮虜四千五百人發怒糜爛之以懲叛黨自赴羅馬國都遂蒙教皇冊立爲西朝之君禮賢興學文教日進其所建之殿所創之邑



所造之路至今遺蹟尚留及沒後諸子爭國五爵擅權故王威福遂替在宋朝時西國之民赴猶太國觀天主耶穌所活之地又拜聖墓住彼聖城河同族惡之將天主教門之信士禁監勒索甚者殺戮之于是五爵激烈盡起國兵攻擊回國且隣邦協力共取聖城國王反乘其遠出籍其家產人心遂離及宋理宗二年路易王登位兵政由舊判事明允人心悅服國帑充盈拒破英吉利之兵復領舟師攻破回國名揚四海適侵敵國全軍瘟疫進退兩難為敵所獲贖還歸國益發憤修政克保

海國圖志 卷甲十一 大西洋 佛蘭西國 七

令終嗣王復戰勝英言利恃勝而驕國政混亂民懷異志垂及百年國瀕危殆忽有童女高聲苦勸庶民效死出力驅逐叛逆法蘭西王即合諸侯增兵士發新教賢女又宣曰必改邪歸正自拔流俗始蒙上帝之祐于是法蘭西國捕焚新教廣布善教明武宗正德年間阿里曼國王足智多謀連年交戰法蘭西王被其所虜王歸復與他國結盟報復勝負相當末年始彼此寢兵嗣王屏棄正教惡徒乘機株累無辜國危民困顯理王於萬曆二十五年戰勝登位發憤自修廣布仁惠復興正教

百姓歸之為邪教之黨所弒每月統紀傳曰正德嘉靖民進正教而匪徒攪擾之毀廟仇殺不止明嘉靖三十一一年顯理王生自幼不憚寒暑馳馬試劍操練武藝伏拜救世主耶穌其始封本國福小介西班牙法蘭西兩國間自即位後心烈性良巡國平訟薄歛立法於是天主邪教之僧日思毀除正教之黨設謀毒請顯理王法蘭西國都婚娶禮成合登夜忽鐘鳴邪黨蜂擁而入殺正教之人顯理匿身床下避難法蘭西王后遂引誘之縱情淫佚四年內推取樂是從忽然悟悟而逃幸正教之黨統兵攻擊互有勝負當時法蘭西王統率無謀兵敗被弒顯理自立雖殉於貨色然執法如山律例千條萬緒一一明折十四年中國泰民安惟邪教僧百計謀而欲害王乘一日王車入街前後簇擁陰伏刺客批王之胸百姓哀喪考妣嗣王男形女性不親政事信時明萬曆二十七年也

海國圖志 卷甲十一 大西洋 佛蘭西國 六

用匪人五爵百姓咸戰慄及王沒世子接位好武用兵諸國來朝驕傲凌辱故列君怨之糾軍協攻法蘭西國王憤辱而卒是時國家共虧欠銀九千萬員當康熙五十二年其孫登位縱情背理喪心滅恥媚佞弄權奢用公錢弁兵敗散國帑空虛新王嗣位是時北方亞墨里加之民與英吉利國交戰王助亞墨里加戰勝然其餉銀漸減故招爵僧民三品會集以尋聚斂之法國民乘王殺之七年國政混亂有臣曰那波利稔者武功服眾嘉慶八年登王位連九年戰服四方恃強驕武旋敗失位前王之苗裔復立民暫安息及弟嗣位復激民變逐



王而別擇親屬以登位道光十年新王創立國家受諫  
寬仁百姓安堵論西方諸國大有勢力者我英吉利國  
爲第一俄羅斯國爲第二法蘭西國爲第三焉原無今補  
又曰法蘭西那波利稔王初爲總帥時國王使驅逐奧  
土地喇之軍出意大利國境維時法蘭西軍乏錢糧缺  
兵械又未訓練那波利稔鼓舞將士整頓紀律乘敵未  
設備突然攻之躬親督戰麾兵衝擊戰勝凱旋爲國王  
所忌遂領兵三萬駕戰船離國至麥西地方乃土耳其  
之藩屬國也其土兵竭力抵禦終不能勝遂爲法蘭西

海國圖志

卷四十一

大西洋 佛蘭西國

九

總帥所據自恃善戰既絕本國謂可自開新地適英吉  
利之師船來助土人擊法蘭西巨艦火藥藉發爲英所  
敗於是退兵嘉慶三年復還國都結黨握權除國之五  
爵自立爲王時國帑甚空民心未服而那波利稔恃其  
兵力與其才智且國之首領皆其所轄設造新律改正  
紀綱國中匪徒畏那波利稔之嚴陰謀殺之皆事敗誅  
死是時鄰敵尋釁來攻那波利稔王引精兵潛出山後  
間道突襲其後敵兵驚潰諸國無敵獨英吉利人與爲  
仇隙再三水戰互有勝負彼此勸和舊無今補西國咸寧

又曰法蘭西國王那波利稔築立與英吉利仇隙論飭  
諸港口逐英吉利之船嚴禁通商欲以窘迫英國英國  
之水師再三竭力燒其戰船法蘭西復與俄羅斯及他  
國結盟募兵五十萬每十萬兵給錢糧銀六十萬員於  
嘉慶九年出師來攻英軍拒擊敗其大半三國排陣相  
抵隨結和而退法蘭西之戰船又與西班牙戰艦合英  
吉利水師將又破散之法蘭西又與破魯斯國結盟隙  
損兵折將法蘭西軍保守堅城嗣後與俄羅斯國王會  
盟結好一理東方一統西方當是時西班牙之國王世

海國圖志

卷四十一

大西洋 佛蘭西國

三

子悖命且佞臣弄權故法蘭西王召其父子君臣至國  
執而廢之以國封其弟西班牙民不服招英吉利之軍  
助其戰守驅逐敵軍嘉慶十三年佛蘭西復領兵侵西  
班牙土民降服法軍凱旋娶西班牙國王之女爲妃遂  
論阿里曼諸國仰之若共主法蘭西之武勢益廣心志  
益侈聯合諸屬國各領其兵士共五十萬欲攻服俄羅斯  
斯我羅斯軍已退避不意上帝降災大風凜冽霧雪如  
山法蘭西諸軍凍死者十有九遁回後又募兵攻阿里  
曼之國諸侯皆苦其暴酷破魯斯王拒敵歐羅巴列國



合而攻之互有勝負卒後法軍敗散諸國合兵伐之法  
蘭西王失國嘉慶十八年避於小嶼創立新國日夜思  
復仇寢食皆廢粹回法蘭西國逐其新王惟上帝不祐  
復為英吉利破魯斯兩軍擊敗於是法蘭西舊王復立  
禁放波利稔王于遠嶼欲逃不得道光元年憤恨而死  
論其才能非不出類起眾惟佳兵好戰以至於亡舊無今補

○波利稔一作破  
辰翁一作拿破倫

顏斯徐海防餘論曰佛蘭西地廣人多旗號純白可與  
英吉利抗衡自古有大仇不能解釋每二三十年爭戰

海國圖志 卷四十一 大西洋 佛蘭西國 三

一次每戰輒數年而後各國為之講解罷息近來與荷  
蘭連結改旗號紅白藍三色而豎用荷蘭國旗則三色  
橫用

海島逸志曰勃蘭西居於西北海與和蘭英圭黎鼎峙  
為鄰其狀貌衣服器用並同惟字跡言語則異性甚強  
悍少經商之徒所以罕至葛爾巴者和蘭每受紅毛欺  
凌則倚以為助勃蘭西國大人眾英吉黎所畏懼也

貿易通志曰佛蘭西國其西港口曰波爾多每年商船  
出口二千九百三十八隻道光八年貨價三百七十八

萬員其南港口曰馬耳西利道光十二年海關徵稅六  
百萬員有奇通計國中大小各船插佛蘭西旗者共計  
八萬二千三百九十八隻載三千餘石水手三十五萬  
八千人外國船進其口者三千三百八十二隻道光十  
一年國中進口貨價萬四千七百萬員出口貨價萬二  
千九百萬員

萬國地理全圖集曰佛蘭西國南至地中海東南連以  
大里北及英吉利海峽連北義國東與日耳曼國交界  
西及是班牙海隅北極出自四十二度四分至五十一

海國圖志 卷四十一 大西洋 佛蘭西國 三

度十分偏東自八度二分至偏西四度四分廣袤方圓  
六十二萬七千方里其居民三千三百萬丁其中男一  
千六百萬丁女一千七百萬丁娶妻者六百二十一萬  
名寡婦一百六十九萬名於道光十五年婚姻共計二  
十七萬五千生子女九十九萬三千丁人死者八十  
一萬六千名其中自盡者二千二百三十五名國家定  
死罪四十一名三軍不下三十萬丁大小兵船二百九  
十隻水手五萬其中最大船載七十二噸至一百二十  
門火輪船巡駛於地中之海每年收銀約一萬二千九



百萬兩有餘收國幣萬二千九百六十六萬兩欠項五萬八千萬兩西北兩方平坦少山西南一帶山嶺與是班牙國交界東南一最高之峯與以他里隔界其江不多亦不長自北直流入地中海名羅尼江由東至西者名曰羅亞利中間多開運河故內地交通山出石炭鐵鉛白礬專資國用不得運出他國惟西南各方多葡萄酒出售各國尙有橄欖油及種蘿蔔以造糖五穀亦有而民惟食麩佛蘭西國民最精神好禮厚待遠客男女會集歌舞惟樂目前不慮久遠危時敢作敢爲甯死不

海國圖志

卷四十一

大西洋 佛蘭西國

三

居人不其女巧言如簧甚悅人意但不甚守禮其民輕諾寡信豪興喜武是以常與各國肇釁效死勇戰漢朝年間居民尙野得羅馬國征服漸漸教化通其語言文字同于各國三百年後遂驅逐羅馬之官而自立國始稱曰佛郎機於唐順宗之年有甲利王者攻勝蠻夷有功自立其後裔不明是以數百年無治及元朝年間人類再悟而佛國漸得操權然與英夷累次交戰當危急時忽有童女統軍驅敵如此國家再得加力教演士卒嗣後國王好色妾婦弄權及乾隆五十四年庶民怨之

廢戕其主而自擇君於是將軍名曰那波侖即位十

有餘年百戰百勝各國震怒故於嘉慶十七年同心協

力禦防並力攻擊那波侖敗喪暫時退位復同再戰佛

國王約英國及普魯社國助援礮火迫急那波侖登英

國兵船求避英國待同俘虜見流在大西洋孤與自後

其王再歸本國產最豐盛者乃葡萄酒每年價值銀六

千九百萬兩別有三百萬兩之熱酒售與天下各國又

出胡絲每年十萬有餘石然不敷內地織造之用別由

意大里國運來國地作五十三分計之其二十三分係

海國圖志

卷四十一

大西洋 佛蘭西國

三

耕田十分園林七分牧場其餘係野路水澤居民實巧其絲緞大有名每月變新樣以悅四方之意所織售價銀每年千五百兩不但由海與列國交易亦由陸路交市各港口所據船萬五千二百四十九隻佛蘭國大半崇加特力教不信波羅士特教國家重儒有才能者即速官之其藏書院內印本三十六萬冊寫本七萬冊准各人隨便往來勤讀又有繁術院內居各藝師及諸項文藝傳其徒凡學兵法開河道及造物之術種種過人國中昔分三十部各部分府今改爲八十六部其王都



曰巴勒居民九十萬九千丁宮殿廣大光耀其街四方貨物充積都民每年納餉稅銀九百萬兩所有養濟醫院十四間每年療痊者萬四千名故此西國列方之士多赴巴勒學醫術其金銀匠皆卓異超羣共計二千名歲造時辰表四萬自鳴鐘一萬八千丁部民造粗麻布部內有五萬人等以造織度生中地之阿耳蘭士耳破羅亞等城及南方里翰士路士等城皆大有名務織通商南海邊有廣港口與地中海沿各國互市一曰馬耳西里一曰士倫戰艦所造之處其西海邊最廣大之

海國圖志

卷四十一

大西洋 佛蘭西國

三五

海口曰破耳多乃運出葡萄酒之馬頭另有羅治利辟勒馬羅恩口等港通海路貿易其北海峽之地有補羅義加者近英國之南境及東末口佛軍屢由此港侵寇英國英國周建砲臺敵船難入佛國之南可耳西加島本屬以他里國居民二十萬丁內地嶺礮石產物不多佛蘭西話音眾儒所學其書亦所共讀列國大臣皆用以會議而辦外國之事

海國圖志卷四十二

大西洋

邵陽魏源輯

佛蘭西國總記下

地球圖說佛蘭西國東界意大利國西國亞利曼國南界地中海並大呂宋國西界大西洋海北界英吉利荷蘭二國百姓約三千三百五十萬都城名巴勒城城內之民九十萬大半宗天主教小半耶蘇教教民習禮儀交接極殷勤其言語係歐羅巴之官音故列國官長統識其語道光二十七年民叛國王逃避於英國國

海國圖志

卷四十二

大西洋 佛蘭西國

一

民又自專制不復立君矣國南土地膏腴天時和暢果穀極盛國之西北土地磽瘠草木難生國中多書院以習文武技藝又設養濟院以濟貧民有大江四即羅尼江羅亞利江西利江伽倫江是也產絨緞葡萄酒香料酒磁器自鳴鐘時辰表洋絨布呢羽毛麻布等貨地里備考曰佛蘭西國古名奧盧又名牙里亞在歐羅巴州之中北極出地四十二度二十分起至五十一度五分止經線自東五度五十六分起至西七度九分止東至巴敦蘇益薩薩爾的尼等國西統亞德蘭的海南



接地中海暨比里牛斯山北連滿沙海暨北爾日加國  
南北相距約二千二百五十里東西相去約二千零六  
十里地面積方約二十七萬里烟戶三京二兆口西北  
邱陵寥寥平原甚廣東南二方峰巒參天河之至長者  
二十有一湖之至大者則九西北溼寒東南燥暖田土  
皆饒生殖茂盛土產金銀銅鐵錫鉛水銀窩宅煤鹽信  
礬寶石鑽石白玉水晶花石石膏銀硃磁粉王位歷代  
皆男册立以長奉羅馬天主教者十之九奉別教者  
十之一外國寄寓所奉何教聽其自便工巧藝精匠肆

海國圖志 卷四十二 大西洋 佛蘭西國 二

林立商賈輻輳原本國在昔為塞爾達人所居漢元帝  
初被羅馬國征服迫羅馬衰又有北狄侵擾其地南方  
各部則為維西哥多人所取西方各部則為布爾給農  
人兼併其餘各部皆歸於發郎哥人齊高帝建元三年  
發郎哥首領戈羅維斯者既逐各狄遂據呀里亞國自  
立為王建國號曰發郎薩即佛郎機國所由名也天寶  
間嗣王被廢更立家宰北北諾為君傳及其子不惟通  
國盡歸掌握而且西方各地三分有其二焉宋太宗時  
王歿無嗣國人更立公爵武額加卑多者為君傳至加

爾祿斯薨後絕嗣更立第三次非里卑之孫為君子時  
英吉利國王有舅甥之親覬覦分封乃舉兵索地至其  
孫加爾祿斯王立干戈始息乾隆三十九年傳至第十  
六次盧義斯國勢大亂至乾隆五十七年乃裁革王爵  
更立會議官員辦理國務越七載又改立領事官三員  
其首領名那波良者因有弭亂除暴功將勇兵強平定  
國家嘉慶九年國人共立為王嘉慶二十年與英吉利  
等國戰敗國人復立前王盧義斯者為王及薨國人更  
立其弟加爾祿斯為王在位九載因亂被廢道光十年

海國圖志 卷四十二 大西洋 佛蘭西國 三

更立盧義斯非里卑為王後又兩立兩廢道光二十七  
年遂不立君仍復舊制立領事官舊有三十三部大小  
不等今改八十六名或以經流之河為名或以相近之  
山為名其序如左  
第一部登里亞德佛蘭薩改為五府一名塞納府乃本  
國都也建於塞納河兩岸宮第雄麗序美奐橋梁街  
衢之寬直園亭之雅致四時山水景色尤佳製造精良  
商賈雲集  
第二部法郎德勒各諾爾府



第三部亞爾多亞名巴的加雷府

第四部比加爾的亞名索美府

第五部諾爾滿的亞改爲五府

第六部

第七部羅勒納改爲四府

第八部賣內改爲二府

第九部安如名賣內羅亞府

第十部北勒達尼改爲五府

第十一部波亞都改爲三府

海國圖志 卷四十二 大西洋 佛蘭西國

第十二部可尼名下沙蘭德府

第十三部森當日昂姑木亞名沙蘭德府

第十四部耳里亞內斯改爲三府

第十五部都勒內名音德勒羅府

第十六部北利改爲二府

第十七部尼威爾內名聶維勒府

第十八部布爾波內名亞列爾府

第十九部馬爾世名哥留斯府

第二部黎木性改爲二府

四

第三十一部科威爾內改爲二府

第三十二部亞爾撒斯改爲二府

第三十三部法郎師官德改爲二府

第三十四部不爾科尼亞改爲四府

第三十五部里科內改爲二府

第三十六部德爾非內改爲三府

第三十七部布羅溫薩改爲四府

第三十八部耶給德改爲八府

第三十九部佛亞名亞利日府

海國圖志 卷四十二 大西洋 佛蘭西國

第三十部盧西隆名東北里牛斯府

第三十一部馬耶內改爲九府

第三十二部

第三十三部哥爾塞牙名哥爾塞牙府其國通商衝繁

之地在內地大埠十七處海濱馬頭十一處除八十六

府外尚有所屬地方在于各州之內後釋其州再爲詳

明

外國史略曰佛蘭西國古時亦山林之蠻夷久漸向化

然性好勇建屋不築城惡其障蔽拘禁也戰勝則取敵

五



頗爲酒器使奴婢務農以羊牛乳酪爲生衣其毛女年將許嫁則父母多招少年宴會視女所愛者以洗盤送之卽定聘焉其丈夫操女之生死隨意可休妻若女與人苟合則其刑重男誓報仇然始嚴終怠久亦漸踰禁矣其教奉耶穌以爲天地之大主不得以人之舍宇蔽之故不建廟每蒞樹間以爲神之居處也人性猛烈不肯安坐好遠遊擄掠于周安王時侵羅馬國之地爲所敗後破希臘國又結羣渡海據英國之蘇格蘭島今其島山內之頑民皆其遺種也佛蘭西之南方人多爲商

海國圖志 卷四十二 大西洋 佛蘭西國 六

往歲侵羅馬國之役其民盡出日耳曼列族乘虛內侵大獲勝而意大里者亦奪其北方之地是時羅馬國與佛蘭西相仇戰爭六十年奈羅馬之將軍名震海外佛國難與之抗因求和焉漢宣帝時羅馬至佛國立新埠且教其居民服教化遂變其土音皆習羅馬國之語垂二百年通貿易忽有中國東北方游牧之匈奴族類舉兵西向戮殺男女老幼而日耳曼又渡河據其國瓜分其地列士操權于唐元宗時回回人來侵佛國併力擊退于時佛國之大甲利王與弟共勵國政武勇勝敵迭

舉兵攻服未向化之撒遜回族使歸天主教是時意大里國內亂甲利王又率兵往取地大半又侵西班牙國擊退回族又與羅馬教主議再復羅馬西都之君號甲利王雖久歷戰場而好文教招賢講學賞功績尙名分智勇兩全爲西海賢王薨後其子孫不能承先志互戰生釁絕日耳曼之好其爵士各據一方海賊亦入攻其城國勢日弱及元泰定四年因藩國酋長僭號佛君因滅五爵之權削其地由是釁隙復肇又與猶太國回教交戰數百年陣亡滿路傳至路義號第九王屢擊回回

海國圖志 卷四十二 大西洋 佛蘭西國 七

始則被虜費十萬金自贖反國發憤修政再攻回回復疫作軍士多亡賴非立王與羅馬之教師盡力戰勝于是佛國之眾推非立王卽位英吉利亦覬佛國之地連年攻戰獲勝遂入其都忽有佛國童女激勸軍士眾謂天助奮力驅敵英人乃退據海濱嗣路義第十二王亦好戰與日耳曼交戰被虜贖回是明正德十一年也萬曆二十六年顯理第十三王卽位因國中克力斯頓之天主教與波羅斯特之耶穌教不和爭戰乃示諭各居民崇拜上帝各隨所願民悅服戰息旋被弑順治元年



路義第十四王即位五傳敬服攻戰屢勝與鄰國連盟而英國為盟主康熙五十四年路義第十五王即位乾隆三十八年路義第十六王即位皆不修政事國庫耗于如妾乃議增餉以補國用民心不服正與歐羅巴列國交戰有將軍那波倫者佛國英雄也乘虛擅權百戰百勝威聲大震於嘉慶八年篡位稱尊號在諸國以上與英吉利西班牙波路斯俄羅斯等國戰無不勝于嘉慶十七年傾國往攻俄國長驅直入其都被火焚潰而退冰雪交侵飢殍滿路于是俄羅斯與波路斯國連

海國圖志 卷四十二 大西洋 佛蘭西國 八

和合從以驅佛軍日耳曼國又乘其後又協英吉利東國等合攻佛國于是那波倫失位退居小島復糾其餘黨復國英人又合破路斯軍擊之那波倫敗降遂謫死於海島時嘉慶十九年也其舊王再即位及道光十年眾又不悅作亂驅其君嗣王號曰路義非立至道光二十七年復廢遂不立國王佛國為歐羅巴最美之邦西南兩際海西及西班牙海隅南及地中海東連日耳曼列國東南及瑞士意大利等國北及北義國北極出自四十二度四分至五十一度十分偏東自八度二分偏

西四度四分沿海無多港口南有黑雲海隅在西班牙及佛國之間西北必當海隅北有那耳曼海隅在地中海佛蘭西所屬之撒丁島各曰各西甲南流之羅尼河長五十二里兩岸豐盛西方之牙倫江長五十里羅亞利江長八十里其岸多葡萄西北有西尼河國都在馬日巴利臨瑞土地有白山為眾山之冠高一千四百八十一丈尚有峯高六百丈在西班牙佛蘭西交界又有溜山高稍次之其北山則平坦四面環繞負山表海是以敵國難侵物產五穀僅足自給民嗜麪亦種葡萄最

海國圖志 卷四十二 大西洋 佛蘭西國 九

重于歐羅巴各國遍地種葡萄計二萬頃所出之酒三萬五百斗六分之一為火酒最美者為紅葡萄酒各國皆貴售之計所產物每年價銀萬四千四百萬圓運出者約千六百萬圓南方出橄欖油最清貴少林木所需材料多購自異國田畝計二十三萬頃其中五十分種五穀九分為草場四分葡萄埔十四分林一分果木蔬菜園計銅鐵煤錫礦廠五百二十處採礦者三萬人南方出絲不足給用海中漁舟最繁其民奉天主教舊有齋戒之例男女皆食魚禁食肉今則天主教稍息而齋



戒者亦少，故魚之用，迥不如前矣。人多巧思，製造精妙。每年所造呢羽，計銀一萬零五百萬圓。運賣他國者，七百萬圓。其銅鐵器及時辰表，尤妙。花紙有名，磁器亦珍。重皮靴鞋極佳。每年所造各物，約六萬萬圓。國中貿易，每年陸路萬五千萬圓，水路二萬三千萬圓。運進銀二萬三千萬圓，運出價銀二萬七千萬圓。每年進口本地船四千八百隻，外國船亦如之。漁舟萬五千隻。○城中學館最大，又民間小學二萬八千九百六十三所。學生計二百二十餘萬名。其大學院三百五十八所，學生三

海國圖志

卷四十二

大西洋 佛蘭西國

十

萬三千名。會學院一百所，學士二萬三千六百名。○佛國素稱知禮，他國皆就學焉。民謙和，喜舞蹈，性反覆，機變終日。歌舞遊樂，男女佚蕩。軍士尚勇好戰，陸兵有名。水師則屢被英吉利荷蘭所敗。嘉慶年間，英國以戰艦封其海口，其船俱不能出。其民崇羅馬天主教，惟八分之一守波羅士特正教。國中有大教主十四位，副教主六十六位，皆五爵及教主。據田畝大半，百姓貧乏。後國大亂，驅殺五爵、教主、教師等，皆出奔，產殺入官。雖那波倫王在位，再立新爵，亦僅存其名號，而權不如前矣。學

士能詩能文，晝夜勤誦，故各國有盟約誓辭，皆用佛國語。歐羅巴各國無不以佛國之字為正宗。其內外醫科尤卓越，又精歷法，知天文，能讀漢字。造木板印書，所製造藥材，並各項料物，尤多新奇。自道光十年後，佛國王自操權，按國之義冊，會商爵士、鄉紳以議國事。每年王宮所用之銀二百四十萬圓。世子每年俸銀二十萬圓。國之大臣如之。有司國璽之大臣，理兵部教門、外國務之大臣，理水師藩屬地之大臣，理國內務之大臣，工務農商之大臣，文學大臣，司刑之官，千六百三十員。審獄

海國圖志

卷四十二

大西洋 佛蘭西國

十一

之司一千員。別有定商務擬斷之司，派兵弁之司，與中國無異。其公會必派國之大爵有名望者，百姓中每年納餉銀五千員以上者，推為公會之鄉紳，預論國事。能言之士最多。佛國富民最驕，動自專擅，屢結黨作亂。與他國肇衅，以路義非立王之賢，又募壯丁為民之衛，而有財之民，莫能彈壓焉。其國庫入項，雖每年二萬五千六百三十萬員，而三年欠項共一萬四千萬員。其出項每年文官之祿，並工部教門教學等費五千二百八十萬員。軍士水軍六千五百萬圓，造橋路造礮建戰



艦千五百萬圓，納稅二千八百四十餘萬，所應交還之項千二百二十五萬圓，計一年所費過於所入者七百四十七萬圓。道光二十五年，更增兵數，共計五十四萬四千馬，八萬四千匹，堅城共一百七十八座，各有護兵。○郡縣城邑，廣袤方圓九千七百五十二里，分三十八郡，每部分府州縣，至城邑有居民五千者，共七百零九處，居民一萬者，共二百七十四處，居民一萬以上者，共四十九處，居民二萬者，共二十五處，居民二萬以上者，共四十三處。其都曰巴利城，居民九十萬，國有大事，皆海國圖志 卷四十二 大西洋 佛蘭西國 七

在議焉。外國來人繁多，城內旅館六百餘，旅客不下十萬，所用馬車共計二萬七千輛，每日寄出書信，約七萬件，新聞紙八萬五千張，各印書三千名，呢羽匠千二百名，稅餉五百五十四萬圓，賭場之租百二十三萬圓，市租二十六萬圓，護兵萬五千丁，別有壯丁十二營，立仁義之院，以施藥，共二十處，一處每年計收病人一萬，所藏古今書籍計八十萬冊，此皆國都之內之情形也。南方大邑曰利雲，在羅泥河濱，居民十五萬，工織絲綉，然驕不安分，地中海濱有馬悉利邑，居民十四萬六千餘。

通商之大口，每年進船六千隻，有佛國水師船，築城立礮臺，以防範西方海邊。璞托邑，居民九萬八千餘口，商賈雲集，運出之物，多紅葡萄酒，埔頭甚富，路安邑，居民九萬餘口，在西尼河濱，商船來往，縣布所出，南方土路士邑，居民七萬七千多，好學，與西班牙國交界，難得邑，居民七萬五千，每年出人之船，計三四千，民善作鐵器，衛堡邑，居民五萬七千，在來尼河日耳曼國界，堅城固壘，其城內禮拜堂塔最高，士民大半崇正教，利里邑，居民七萬二千，在北方，亞面邑，居民四萬六千，在西北方。

海國圖志 卷四十一 大西洋 佛蘭西國 七  
尼墨邑，在南方，居民四萬三千，密邑，在東方，最固之城，居民四萬二千，甲音邑，居民四萬，聖以典邑，居民四萬，羅米古邑，昔時佛蘭西君在此即位，居民三萬八千，阿耳蘭邑，在國之南，居民四萬，門必勒邑，在南方，無雨多晴，居民三萬五千，安額邑，居民三萬五千，九百林區邑，在西邊海，居民三萬五千，土倫邑，大海口，居民三萬四千，佛國戰艦皆泊此，亞威雲邑，居民三萬，難西邑，在意大里交界，居民三萬，林匿邑，居民三萬五千，必勒邑，海邊最固之城也，居民二萬九千，比散孫邑，居民二萬九千。







則令公局籌辦相無權宣傳王命而已國有額兵三十萬戰船大小二百九十隻水兵五萬船之大者載礮七十二門至一百二十門亦有火輪船數十隻巡駛地中海其俗人人喜武功軍興則意氣激揚面有矜色臨陣跳盪直前議不返顧前隊橫屍雜遝後隊仍繼進不已獲勝則舉國歡呼雖傷亡千萬人不恤但以崇國威全國體為幸其酋長沈鷺好謀知兵者多水戰陸戰之法無不講求又好用縱橫之術故與諸國交兵常十出而九勝

海國圖志 卷四十二 大西洋 佛蘭西國 天

按佛郎西在歐羅巴諸國中傳世最久自哥羅味開基至今已千餘年中間雖迭遭變故而代立者皆其宗黨未滋他族未立女主較他國之奕棋置君者固有關矣立法駿厲賢君復六七作危而不亡殆有由也  
歐羅巴用武之國以佛郎西為最爭先處強不居人下偶有凌侮必思報復其民俗慷慨喜戰有小戎駟鐵之風其用兵也仗義執言不似諸國之專於牟利故千餘年中侮亂迭生而虎視泰西國勢未嘗替削

至拿破侖之百戰百勝終為降虜則所謂兵不戢而自焚又可為瀆武者之殷鑒矣

佛郎西屬地在別土者亦有數處如南印度之本地治利南亞墨利加之歪阿那亞非利加之阿爾及耳印度海之布爾奔得之不甚經營棄之亦不甚惜蓋不以此為重也

歐羅巴各國皆以販海為業如英吉利米利堅呂宋之屬每歲商船至中國多者百餘艘少亦三四十艘所販鬻者多綿花洋布粗重之物至如洋米胡椒蘇

海國圖志 卷四十二 大西洋 佛蘭西國 七

木海參之類皆從東南洋轉販亞非西產獨佛郎西商船最少多則三四艘少則一二艘入口之貨皆羽毛大听鐘表諸珍貴之物蓋其國物產豐盈製作精巧葡萄酒大泥紬緞之類售之歐羅巴各國即已利市十倍不必遠涉數萬里而謀生其航海而東來也意在於耀聲名不專於權子母國勢既殊用意迥別其情勢可揣而知也



海國圖志目錄

大西洋歐羅巴洲各國

卷四十三

意大利國一作意大利亞一作伊達里又名大泰國一作羅馬國今分為九國

卷四十四

耶馬尼國上一作熱爾馬尼一作日耳曼一作阿里曼共二十四部

卷四十五

耶馬尼國下

卷四十六

海國圖志

卷目錄

奧地利亞國即來澳之雙鷹又其夷地國中作歐塞特厘共九部

附寒牙九部

一作博厄美厄一作班那里阿

波蘭國一作波羅尼

卷四十七

瑞士國一作大爾馬齊亞即來粵之藍旗與海北之瑞丁

卷四十八

北土魯機國與阿細亞洲內之南土魯機蓋一國分跨兩洲與俄羅斯相似

卷四十九

希臘國即古時額力四國故地亦作厄斯奈昔為二魯機所據今仍自為國○舊無今補

海國圖志卷四十三

歐羅巴人原撰

大西洋歐羅巴洲

侯官林則徐譯

意大利國總記一作伊達里一作以他里又名即史書所謂大泰國也羅馬一作那馬○案利馬實即此國人始通中國自稱大

西洋人非今澳門之大西洋國也又案凡地名未亞字阿字皆其餘聲可有可無故意大利亞一作伊達里又如班那里阿一作寒牙里譜厄利亞即英吉利印弟亞即印度又如歐塞特里阿一作歐塞特里故知尼聲皆可省

意大利亞歐羅巴中央之區西北一隅依阿利大山餘

海國圖志

卷四十三

大西洋 意大利國

三面皆濱地中海四面受敵亂世易招攻伐其地上古

無主統攝各霸一方嗣里渣赤之益喀爾西阿土王始

并各部落為一名曰羅馬國一作那馬國方其盛強時航海

攻服各國厥後衰弱分為九曰里渣赤曰達士加呢曰

沙里尼阿曰那勃爾士曰馬領那曰磨里那曰納加曰

巴麻曰依塞特里那各自為治不相統屬遂致先日羅

汶之賀林宮署僅存基址分國之後事無統攝皆才黠

專政盜賊竊起民無安業其俗富貴之家嗜酒遊蕩居

處華侈雖以佛蘭西之修飾應舍總不及意大利亞之



精也九國皆奉加特力教河道三底瑪河自阿比尼山發源至里渣赤出海長百五十里波河之源發自葛底

均至彌蘭匯合同歸海長各四百餘里

貿易通志曰意大利國自古以來化民成俗與各國通

商西北大埠曰額那亞所出口者為橄欖油米柑南果

鐵絲紙剪絨大采緞等入口貨如各國計價約八百萬

員其西方市埠曰里窩耳那每年入口出口貨價千餘

萬員船千有七百九十三隻又有那破里埠頭為國之

別都戶口甚眾而人游惰故貿易不盛每年進口不過

幾百萬員又其南方埠頭曰西齊里洲物產山積而政

令不善故貨滯不銷此條補人

意大利國即古羅馬國東西南皆界地中海東北界

蘭西九部落近各自主分為九國原本

一里渣赤部東西南界海先為羅馬部落後自為一國

幅員萬四千二百方里戶二百六十萬口兵六七萬名

賦稅銀八百六十萬員管小部落四十四似奉加特力

教產玻璃

海國圖志 卷四十三 大西洋 意大利國 二

一達斯加尼部東南北俱界里先為羅馬國部落後遂

自主幅員七千九百二十方里戶百二十七萬五千口

小部落二十一俱奉加特力教產尼草帽

一沙里尼阿部東界鄰蘭西界佛蘭西先為羅馬國部

落後自為一國幅員二萬七千六百四十三方里戶四

百十萬五千餘口小部落三十有九并轄沙里尼阿島

小部落二十有一俱奉加特力教產銀銅水銀鉛又沙

里尼阿島與里渣赤近領小部落二十產白礬硫磺

一那勃爾斯部東西南界海先為羅馬國部落後自為

一國幅員四萬二千九百三十七方里戶五百四十五

萬餘口小部落七十有六并轄西里島小部落二十有

六俱奉加特力教產磁器又西里島與那勃爾斯近戶

百七十二萬九千餘口領小部落二十有六俱奉加特

力教產銀銅鉛鐵硫磺麥香芄所屬之糜那山產金

一馬領那部東北界都魯機先為羅馬國部落後自為

一國幅員三千二百方里戶五萬丁口小部落十有七

俱奉加特力教產翦絨大花緞素緞

一磨里那部東界里渣赤西界巴臘先為羅馬國部落

南界納加北界彌蘭

海國圖志 卷四十三 大西洋 意大利國 三



後自爲一國幅員千九百五十八方里戶二萬七千口  
小部落四俱奉加特力教

一納加部東南俱界達斯加尼  
西界海北界磨里耶先爲羅馬國部落後自

爲一國幅員四百十三方里戶十四萬五千口小部落

四并轄戈西加島小部落十三俱奉加特力教又戈西

加島與達斯尼近領小部落十三

一巴麻部東界磨里那西界沙里尼阿  
南界達斯加尼北界蘭先爲羅馬國部

落後自爲一國幅員二千四百二十七方里戶三萬口

小部落六俱奉加特力教

海國圖志 卷四十三 大西洋 意大利國 四

一伊塞特里那部即摩那戈東界都魯機西  
南北俱界海先爲羅馬

國部落後自爲一國戶六萬五千口小部落六俱奉加

特力教

意大利國沿革原無  
今補

職方外紀意大利亞在拂郎祭東南南北度數自三十

八至四十六東西度數自二十九至四十三周圍一萬

五千里三面環地中海一面臨高山各牙而白又有亞

伯尼諾山橫界于中地產豐厚物力十全四遠之人幅

輳于此舊日千有六百十六郡其最大者曰羅馬古爲

總王之都故又稱爲  
羅馬國歐羅巴諸國皆臣服焉城周百五

十里地有大渠名曰地白里穿出城外百里以入於海

四方商舶悉輸珍寶駢集此渠自古名賢多出此地曾

建一大殿圓形寬大壯麗無比上爲圓頂悉用磚石磚

石之上復加鉛板當瓦頂之正中鑿空二丈餘以透天

光顯其巧妙供奉諸神于內此殿至今二千餘年尙在

也耶蘇升天之後聖徒分走四方布教中有二位一伯

多珠一寶祿皆至羅馬都城講論天主事理人多信從

此二聖之後又累有盛德之士相繼闡明至于總王公

海國圖志 卷四十三 大西洋 意大利國 五

斯瑞丁者欽奉特虔盡改前奉邪神之宇爲瞻禮諸聖

人之殿而更立他殿以奉天主至今存焉教皇即居于

此以代天主在世布教自伯多珠至今千有六百餘年

相繼不絕教皇皆不婚娶永無世及之事但憑盛德輔

弼大臣公推其一而立焉歐羅巴列國之王雖非其臣

然咸致敬盡禮稱爲聖父神師認爲代天主教之君也

凡有大事莫決必請命焉案此乃歐羅巴  
洲之總教皇也其左右嘗簡

列國才全德備或即王侯至戚五六十人分領教事此

各國分主教化之法王也此羅馬城奇觀甚多聊舉數事宰輔之家



有一名苑中造流觴曲水機巧異常多有銅鑄各類禽鳥遇機一發自能鼓翼而鳴各有本類之聲西樂編籥最有巧音然亦多假人工風力成音此苑中有一編籥但置水中機動則鳴其音甚妙此外又有高大渾全之堂外周盡鏤古來王者形像故事爛然可觀其內則空虛可容幾人登階上下如一塔然伯多珠聖人之殿悉用精石製造花素奇巧寬大可容五六萬人殿高處視在下之人如孩童然城中有七山其大者曰瑪山人烟最稠密第苦無泉邇來造 高粱長六十里梁上立溝

海國圖志 卷四十三 大西洋 意大利國 六

接其遠山之水如通流河也有水泉飲之其味與乳無異汲之不竭蓄之不溢近地曰羅肋多一聖殿即昔日聖母瑪利亞親身所居之室此室舊在如德亞國後為回回竊據天神凌空移至此地越海七千餘里國人欲致崇飾恐失其舊因周其玉牆覆以大殿今逢聖母誕日行旅來朝者常至數萬人儒略嘗親詣此殿今已屹然鉅鎮矣其西北為勿撈祭亞無國王世家共推一有功德者為主城建海中有一種木為椿入水千萬年不腐其上鋪石造室復以碑石為之備極精美城內街衢

俱是海兩傍可通陸行城中有艘二萬又有一橋梁極闊上列三街俱有民居間隔了不異城市其高又可下度風帆國人精于造舟預厄物料一舟指顧可成他方重客每至其處閱視一兩時其工已成一巨舫可以航海者矣所造玻璃最佳甲于天下有勿里諾湖在山巔從石峽瀉下聲如迅雷聞五十里飛泉噴沫成珠日光耀之恍惚皆虹霓狀有一異泉出山石中不拘何物墜於其內半月便生石皮周裹其物又有沸泉有溫泉沸泉常沸高丈餘不可染指投畜物于內頃刻便可糜爛

海國圖志 卷四十三 大西洋 意大利國 七

矣溫泉女子或浴或飲不生育者育能育者多乳所產鐵鑛掘盡踰二十五年復生第在本土任加火力鐵終不銷之他所始鎔其南為納波里地極豐厚君長極多有火山晝夜出火爆石彈射他方恒至百里外昔一名士欲窮其故近其山為火燎死後移一聖人遺蛻至本國其害遂息有一城名亞既諾聖人多瑪斯著陸錄曰亞者生于此地又地名哥生濟亞有兩河一河濯髮則黃濯絲則白一河濯絲髮俱黑其外有博藥業城因多公學名為學問之母昔有二大家爭為奇事一家造一



方塔高出雲表以爲無復可踰一家亦建一塔與前塔齊第彼塔直聳此則斜倚若傾而今已歷數百年未壞直聳者反將頹矣又有城名把都亞中有公堂縱二百步橫六十步上爲樓覆以鉛瓦而中間不立一柱又把兒瑪一堂廣可馳馬亦無一柱惟以梁如人字相倚尋丈至盈尺皆然上壓愈重則下挺持愈堅也從納波里至左里城有石山相間隔國人穴山以通道長可四五里廣可容兩車對視則如明星又有地出火四周皆小山山洞甚多人內皆可療病又各主一疾如欲得汗者

海國圖志

卷四十三

大西洋 意大利國

八

入某洞則汗至欲除溼者入某洞則溼去因有百洞遂名曰一百所此皆意大利屬國也其大者六國俱極富庶西諺嘗曰羅馬爲聖勿搗祭亞爲富彌郎爲大那坡里爲華熱亞爲高福楞察爲整各有專書備論此古時疆域也今則各自爲國如福楞察即佛朗察熱亞亞即耶瑪尼然則古時意大利地居全洲之大半故該括全洲 意大利亞之名島有三一西齊里亞地極豐厚俗稱曰國之倉之庫之魂皆美其富庶也亦有大山噴火不絕百年前其火特異火燼直飛踰海達利未亞境山四周多草木積雪不消常成晶石亦有沸泉如

醋物入便黑其國人最慧善談論西土稱爲三舌人最精天文造日晷法自此地始有巧工得大祿者造百鳥百能飛即微如蠅蟲不能飛更有天文師名亞而幾墨得者有三絕嘗有敵國駕數百艘臨其島國人計無所出已則鑄一巨鏡映日注射敵艘光照火發數百艘一時燒盡又其王命造一航海極大之船舶成將下之海計雖傾一國之力用牛馬駱駝千萬莫能運舟幾墨得營運巧法第令王一舉手舟如山岳轉動須臾下海矣又造一自動渾天儀十二重層層相間七政各有本動

海國圖志

卷四十三

大西洋 意大利國

九

凡日月五星列宿運行之遲疾一一與天無二其儀以玻璃爲之重重可透視真希世珍也其傍近有馬爾島不生毒物即蛇蝎等皆不螫人毒物自外至至島輒死一撥而地泥亞亦廣大生一草名撥而多泥人食之輒笑死狀雖如笑中實楚也西諺凡謂無情之笑皆名撥而多泥笑一哥而西加有三十三城所產犬能戰一犬可當一騎故其國布陣一騎間一犬反有騎不如犬者又近熱奴亞一雞島滿島皆雞自生自育不須人養又絕非野雉之屬



明史意大里亞居大西洋中自古不通中國萬曆時其國人利瑪竇至京師為萬國全圖言天下有五大洲第一曰亞細亞洲中凡百餘國而中國居其一第二曰歐羅巴洲中凡七十餘國而意大里亞居其一第三曰利未亞洲亦百餘國第四曰亞墨利加洲地更大以境土相連分為南北二洲最後得墨瓦臘尼加洲為第五而域中大地盡矣其說荒渺莫考然其國人充斥中土則其地固有之不可誣也大都歐羅巴諸國悉奉天主耶穌教而耶穌生於如德亞其國在亞細亞洲之中西行

海國圖志 卷四十三 大西洋 意大里國 十

教於歐羅巴其始生在漢哀帝元壽二年庚申閏一千五百八十一年至萬曆九年辛巳瑪竇始汎海九萬里抵廣州之香山澳其教遂沾染中土至二十九年入京師中官馬堂以其方物進獻自稱大西洋人禮部言會典止有西洋瓊里國無大西洋其真偽不可知又寄居二十年方行進貢則與遠方慕義特來獻琛者不同且其所貢天主及天主母圖既屬不經而所攜又有神仙骨諸物夫既稱神仙自能飛昇安得有骨則唐韓愈所謂凶穢之餘不宜入宮禁者也況此等方物未經臣部

譯驗徑行進獻則內臣混進之非與臣等溺職之罪俱有不容辭者及奉旨送部乃不赴部審譯而私寓僧舍臣等不知其何意但諸番朝貢例有回賜其使臣必有宴賞乞給賜冠帶還國勿令潛居兩京與中人交往別生事端不報八月又言臣等議令利瑪竇還國候命五月未賜綸音毋怪乎遠人之鬱病而思歸也察其情詞懇切真有不願上方錫予惟欲山棲野宿之意譬諸禽鹿久羈愈思長林豐草人情固然乞速為頒賜遣赴江西諸處聽其深山邃谷寄跡怡老亦不報已而帝嘉其

海國圖志 卷四十三 大西洋 意大里國 十

遠來假館授餐給賜優厚公卿以下重其人咸與晉接瑪竇安之遂留居不去以三十八年四月卒於京賜葬西郭外其年十一月朔日食歷官推算多謬朝議將修政明年五官正周子愚言大西洋歸化人龐迪我能三拔等深明歷法其所攜歷書有中國載籍所未及者當令譯上以資採擇禮部侍郎翁正春等因請倣洪武初設回回歷科之例令迪我等同測驗從之自瑪竇入中國後其徒來益眾有王豐肅者居南京專以天主教惑士大夫暨里巷小民間為所誘禮部郎中徐如珂惡之



其徒又自誇風土人物遠勝中華如珂乃召兩人授以筆劄令各書所記憶悉舛謬不相合乃倡議驅斥四十四年與侍郎沈淮給事中晏文輝等合疏斥其邪說惑眾且疑其為佛郎機假託乞急行驅逐禮科給事中余懋孳亦言自利瑪竇東來而中國復有天主之教乃雷都王豐肅陽瑪諾等煽惑羣眾不下萬人朔望朝拜動以干封夫通番左道並有禁令公然夜聚曉散一如白蓮無係諸教且往來壕鏡與澳中諸番通謀而所司不為遣斥國家禁令安在帝納其言至十二月令豐肅及

海國圖志 卷四十三 大西洋 意大里國 三

迪我等俱遣赴廣東聽還本國命下久之遷延不行所司亦不為督發四十六年四月迪我等奏臣與先臣利瑪竇等十餘人涉海九萬里觀光上國叨食大官十有七年近南北參劾議行屏斥竊念臣等梵修學道尊奉天主豈有邪謀敢墮惡業惟聖明垂憐候風便還國若寄居海嶼愈滋猜疑乞并南都諸處陪臣一體寬假不報乃怏怏而去豐肅尋變姓名復入南京行教如故朝士莫能察也其國善製礮視西洋更巨既傳入內地華人多效之而不能用天啟崇禎間東北用兵數召澳中

人人都令將士學習其人亦為盡力崇禎時應法益疏舛禮部尙書徐光啟請令其徒羅雅谷湯若望等以其國新法相參較開局纂修報可久之書成即以崇禎元年戊辰為歷元名之曰崇禎歷書雖未頒行其法視大統歷為密識者有取焉其國人東來者大都聰明特達之士意專行教不求祿利其所著書多華人所未道故一時好異者咸尚之而士大夫如徐光啟李之藻輩首好其說且為潤色其文詞故其教驟興時著聲中土者更有龍華民畢方濟艾如略鄧玉函諸人華民方濟如

海國圖志 卷四十三 大西洋 意大里國 三

略及能三拔皆意大里亞國人玉函熱而瑪尼國人麗迪我依西把尼亞國人陽瑪諾波爾都瓦國人皆歐羅巴洲之國也所言風俗物產有職方外紀諸書在故不其述案鄧玉函耶馬尼人麗迪我呂宋人陽瑪諾布路亞人譯音之殊皇清四裔考意達里亞在歐羅巴州南境其地周萬五千里三面環地中海一面臨高山土田饒沃州郡繁多其山川風俗政教具詳職方外紀及明史從古未通中國明萬曆九年有利瑪竇者始泛海抵廣州二十九年遂入京師中官馬堂以其方物進獻嘉其遠來給賜甚



厚利瑪竇安之遂留不去嗣後來者益眾皆祖述其說略言天下有五大州一曰亞細州自中國至日本安南西域等國是也二曰歐羅巴州南至地中海北至冰海東至阿比河西至大西洋即利瑪竇所生本國也三曰利未亞洲南至大浪山北至地中海東至西紅海西至阿則亞諾海是也四曰亞墨利加洲地分南北中有一峽相連峽南曰南亞墨利加南起墨瓦蠟泥海峽北至加納達峽北曰北亞墨利加南起加納達北至冰海東盡福海是也五曰墨瓦蠟泥加洲相傳歐羅巴屬之伊

海國圖志 卷中十三 大西洋 意大利國 西

西巴泥亞國王念地為圖體西往可以東歸命其臣墨瓦蘭者往訪沿亞墨利加東偏展轉經年忽得海峽巨千餘里以墨瓦蘭首開此區遂即其名命曰墨瓦蠟泥加也又盛誇天主之教為天地萬物主宰時禮部侍郎沈淮給事中晏文輝等斥其邪說惑眾乞加驅逐崇禎初歷法疏舛禮部尚書徐光啟請以其國新法相參校開局纂修報可書成未用會 本朝建元始採取其說先後命西洋人湯若望南懷仁等入為欽天監官先是欽天監按古法推算康熙八年十二月當皆閏南懷

仁言雨水為正月中氣是月二十九日值雨水即為康熙九年之正月不當閏置閏當在明年二月欽天監官多直懷仁言乃改閏二月並許自行其教餘凡直隸各省開堂設教者禁康熙九年六月國王遣使奉表貢金剛石飾金劍金珀書籍珊瑚樹珊瑚珠琥珀珠伽南香哆囉絨象牙犀角乳香蘇合香丁香金銀乳香花露花幔花毯大玻璃鏡等物十七年八月 召見于 太和殿宴賽還歸五十六年廣東碣石鎮總兵官陳昂疏言天主教各省開堂聚眾在廣州城內外者尤多加

洋國圖志 卷四一三 大西洋 意大利國 五

以洋船所匯同類招引恐滋事端乞循康熙八年例再行嚴禁毋使滋蔓從之五十七年兩廣總督楊琳疏言西洋人開堂設教其風未息請循康熙五十六年例再行禁止五十九年西洋人德里格以妄行陳奏獲罪從寬禁錮雍正元年 恩詔釋德里格於獄時浙閩總督覺羅滿保疏言西洋于內地行教聞見漸淆請除送京効力人員外俱安置澳門其天主堂改為公廨奏入得 旨遠夷住居各省年久今令其遷移可給限半年委官照看毋使地方擾累沿途勞苦二年十二月兩



廣總督孔毓珣疏言西洋人先後來廣東者若輩送澳門安置濱海地窄難容亦無便舟歸國請令暫居廣州城天主堂內年壯願回者附洋船歸國年老有疾不能歸者聽惟不許妄自行行走衍倡教說其外府之天主堂悉撤為公廨內地人民入其教者出之三年二月毓珣又言廣東香山澳有西洋人來居此二百餘年戶口日繁至三千餘丁邇來常從外洋造船回澳已及二十五艘請著為定額毋許添置彼處頭目以瓜期來代者許留餘悉隨船歸國俱報可三年八月意達里亞國教化

海國圖志

卷四十三

大西洋 意大里國

六

王表謝

聖祖撫卹恩并賀

上登極貢方物使

臣歸國令齋

勅諭其王四年六月釋西洋人畢天

祥計有綱于獄初天祥等於康熙間以罪繫廣東獄及是教化王伯納第多請援德里格之例釋天祥等從之乾隆五十年十月奉 諭前因西洋人巴亞里坎等私入內地傳教經湖廣省查拿究出直隸山東山西陝西四川等省俱有私自傳教之犯業據刑部審擬永遠監禁第思此等人犯不過意在傳教尚無別項不法情事且究係外夷未諳國法若永禁固圉情殊可憫俱著

加恩釋放交京城天主堂安分居住如情願回洋者著

該部派司員押送回粵示柔遠至意傳聞意達里亞旁

有八九國西洋艾儒略為職方外紀道諸國山川風俗

略言由意達里亞東行為厄勒祭亞當歐羅巴極南境

東北有羅瑪尼亞由厄勒祭亞東行為翁加里亞由

翁加里亞東北行為波羅泥亞由波羅尼亞東行為莫

斯哥未亞此五國皆在意達里亞東境其在西北境者

有四大國曰大尼亞曰諾爾勿惹曰雪際亞曰鄂底亞

此四國與熱爾瑪尼亞相隔一海套道阻難行西史稱

海國圖志

卷四十三

大西洋 意大里國

七

為別一天下其南夏至日長六十九刻其中長八十二

刻其北夏至日輪橫行地面半年為一晝夜蓋意達里

亞南際地中海而四國則北際冰海云西洋去中國水

程八萬里其道由地中海西出大洋南行過福島東南

行泛利未亞海過大浪山折而東行過西南海東北行

過小西洋又東行至呂宋入廣東境遠泛重洋傾誠慕

義錫賚之典亦不與他國同

萬國地理全圖集曰以他里國即意大里亞乃歐羅巴

洲精華腹地也天氣不冷不熱花芽早出林香撲鼻遍



地古蹟想見往昔熙皞之遺今則中邦羅馬為教皇所據而國王偏處東方惟北地尚歸東國管理其中邦與南邦則分屬列君各自主其地其土大半豐盛饒五穀橄欖柑桔橡栗等實中間一帶高山然其谷如圍圃焉無所不產北極出三十六度四十分至四十八度偏東自六度至十四度廣袤圓方三十五萬一千方里其居民織身好詩歌畫像刻雕各務其女之眼光妖冶不好廉節居民好逸憚勞有怨敵皆不明攻而但暗報崇天主加特力教產絲甲於全洲每年所出絲價銀三千六百

海國圖志

卷四十三

大西洋 意大利國

大

百萬兩遍地栽葡萄樹釀酒英國所運進造織之物每年價銀二千四百萬兩所出者三百有餘萬兩佛國運出入之物大概千有百萬兩其列國皆服專主並不知自主之名最管束百姓者乃東國官憲其外小君皆效其辦法又不許百姓得知機密是以其五爵無事只得逸樂早進天主堂聽僧念經拜像遂回家遊玩與女人敘談笑論如此終生度日其農安分勤勞不怨○所屬列國陳如左一日羅馬教皇之地此乃以他里國中都會也居民二百六十八萬人國餉銀每年九百三十萬

員地雖褊小名及四海古今無不聞之在周朝間初建羅馬城之際僅若小鄉歷二百年惟農是務其國最微與夷蠻等因羅馬民敢作敢為百攻百勝如此以他里全地漸次皆服羅馬鄰國聞名於是國王嚴正持法力能奮武南北東西無不攻服於漢朝年間其地衰延自葡萄牙拂郎祭各西域遍服一主而萬國景仰矣其將軍不論何處獲勝即扶良除暴立律法所有話音達於西國今日如葡萄牙亞是班亞佛蘭西英吉利等之首皆原于羅馬國是時普天下變化從風其後帝君縱欲妄

海國圖志

卷四十三

大西洋 意大利國

九

行國家危變三軍弄權隨意立主國衰政弱于是東方游牧野蠻一齊攻界羅馬古時勇兵挫銳外夷雲集亂擊分國為兩邦東西各一其東者迨及明憲宗年間又被土耳其基國強服其西國不久於北宋順帝之時為西夷侵取羅京盡行虜掠國歸夷主凡羅馬昔時所造之殿廟所存之古蹟盡皆拆毀文藝並廢書冊焚蕩吐羅馬之教師乘機布異端以管束其蠻令崇其道由此加特力教興焉即是藉福音之理以人意傳會參之其教師遂操國權自後愈加力能占據地方號曰教皇自此



以後嚴諭稟奉天主之教各君王如不服順即出禁諭斷絕往來不准百姓仍遵其主明朝年間西國多歸一道自除異端是以教皇之權大替今尚執其地業推廣異端遇有沒時其大教主集會公擇教皇續其大統所取之皇多係老邁惟執法從事故其政令與其國制不變常如山川焉其國都亦稱為羅馬內有前代之古蹟與現今所蓋之天主殿堂街道宏整遠客至城者視之若遊仙山城內僧多如蟻各仰教皇俸祿由外國到之祭司亦不少又隨時有別國之信士赴羅馬焚香而拜

海國圖志 卷四十三 大西洋 意大國 羊

偶像其居民一千五十萬無德行無豪氣並不超眾也波羅我那古城恒執其義並不悅服其教皇而固執其自主之理至羅地之農大半不甚勤力尙有曠野其山內多藏伏賊攻害旅客事露即逃天主堂亦不能按例究辦觀此則意大里國教皇為加特力教之主各國奉加特力教者宗之而英吉利等國奉波羅士特教者不宗以他里內各地一曰米蘭部在波蘭河濱四圍山水最美其廟拜天主教聖人之像長四十五丈闊二十七丈高三十三丈其巨虧臺令各國旅客所景仰居民十五萬丁尙所有之大部落曰伯儀有居民三萬丁

曰額摩那有民二萬六千曰曼士亞其城甚堅屢與軍交戰雖久圍之不能服曰羅味亞有民二萬一千曰羅地有民萬八千地方豐盛○非匿城在以他里之東北方其省會同名古時此城為地中海最大之海口千有餘年既富且強屢與大國接戰其後五爵漸衰百姓愚懦隣國攻圍舉手而得之今尙存古時高威之古蹟殿廟甚壯麗其城建立於澤地各街夾溝人不駕車而駛船往來橋尤高壯居民十萬零一千丁近日通商甚小巴士亞城有大文學院其內三百儒務文藝居民五

海國圖志 卷四十三 大西洋 意大國 羊

萬丁味羅那邑居民五萬五千丁味普撒邑居民三萬丁蘇地那邑萬八千丁○兩部擇其尊貴紳士會議國政而請東國帝君准行之所云東國帝君蓋以他里尙有國王居于東部為列部之共主猶春秋之東周天王也其故都羅馬則屬于教皇又曰突加那地極美各國慕其豐盛獨立無二北撒乃古城昔與今衰其居民十一萬丁漸消存二萬里窩那城係其地之海口商船所集巴馬地彼東國女主所管昔係佛蘭西國王那波利稔之后現據此地辦其政令



而別嫁夫也

又曰撒丁國分四分曰辟門曰熱那亞曰撒至曰撒丁島合為一國皆其王所轄居民共三百八十三萬丁其王都曰士林有好殿堂民所稱美辟門多山地其民全資外國營生熱那亞在廣海隅昔為地中海濱之公市守口兵船甚盛今則衰廢獨存其官署而已撒丁島廣袤居民粗魯帶刀游牧悍不遵法故開道路以通交易而便往來

又曰那波利國在以他里之南方與西治里島合為一

海國圖志

卷四十三

西洋 亞美利國

三

國居民五百萬丁其都城同名屋宇高大殿廟整肅其乞丐結黨滋擾良民繞城皆高山洞壑奇秀又有火峯烟燄冲天有時亦發熱石撒空有時灰塵蓋地有時火漿流出盡燒草木有古城兩座被灰掩蔽兼屢次地震烈其地肥饒無所不產○西治里島長五百四十里闊四百五十里居民百有十七萬丁田宜五穀出甘酒亦以火峰為患政令不仁僧寺弄權五爵暴民故國富而民貧其都城曰巴勒摩其埔頭曰黑西那○西南馬里他島居民勤耕人戶稠密昔為回回所服有曠將獨住

禦防全島嘉慶年間佛蘭西將軍誘其驍將舉局拔降於是英國又以戰船攻取之而調兵嚴守以為地中海戰艦之港口

地球圖說以大利國東界亞得利亞海南界地中海西界地中海并佛蘭西北界瑞西國并阿士氏拉國百姓約有二千一百七十萬羅馬城內民十五萬五千猶太教少天主教眾蓋昔年天主教皇生於羅馬自稱西門彼得羅為耶穌十二門徒之首嗣後承其職者涉於張夫耶穌之教曰凡欲為長宜為人役凡欲為首宜為人僕何與此教之不符也是以天主教祈禱不藉神子而追古賢之功守真神之誠拜各賢之遺容迄今教皇

海國圖志

卷四十三

西洋 亞美利國

三

殛擊教主必會集公舉別立教皇以承大統故無論城鄉野僻悉立馬利亞之像以便禮拜其民甚聰明善圖繪雕刻物類國內有高山名亞閉尼火山名非蘇未由自一千八百年以前是山發焰並有火漿灰土將二城掩沒國王發帑開掘尚未完工又一城名除那亞即昔年能覽美理駕之大洲國之形勢斜伸入海似人股若權之形天氣輕寒輕暖土壤膏沃花果極蕃內有一大



江即波江第巴江也近數百年來分裂多國一曰羅馬  
即天主教首自主之國二牙第尼亞三波斯利又名雙細摩  
此二國各自立君四狼罷地五塔斯加尼六拍馬七摩  
地那八鹿駕均為阿士氏拉國所屬產橄欖油橙柑橡  
栗百果麥葡萄酒并一切造織之物再南有三島

地里備考曰意大里國在歐羅巴州南北極出地三十  
七度起至四十七度止經線四度起至十六度止東西  
南三面皆地中海北連蘇益薩奧斯的里亞二國長約  
三千里寬約千四百里地面積方十五萬一千八百二

海國圖志

卷四十三

大西洋 意大里國

譯

十里煙戶二京一兆四億口岡陵平原相間地氣溫和  
四季時若河長者曰波河湖至大者曰加爾達湖土沃  
產蕃百工技藝皆備丹青音樂甲於通州分十有三國  
或王或公或侯或民首或教宗名位不一所奉之教乃  
羅馬天主教其額力西國教暨路得羅加爾威諾二  
修教奉之者鮮羅馬國人自古創建邦基後甲于天  
下耶蘇降生後四百年間始有夷狄侵擾本國占據三  
百餘載至佛蘭西取之合為一國厥後佛蘭西勢衰本  
國人仍分析其地各建邦國不相統屬眾君之中有伯

稜日爾者乘其強力漸服諸酋各國盡歸掌握嗣因暴

虐無道國人于後晉開運二年共議廢之而奉亞里曼

國汗為主此後外攻內亂紛紛不一其先受轄於人後

則自操於己始則本為一君繼則改為列君此乃本國

數百年之事也嘉慶十年佛蘭西國君那波良者復克

其地自王其國再越十載各國公使齊集維耶納地方

會議將本國分為十三國大小不等其中有屬於別國

者有不屬於別國者其屬於別國者則西一倫巴爾多

威尼一德西魯一哥爾多一馬爾達以上四國前三國

海國圖志

卷四十三

大西洋 意大里國

譯

分屬于奧斯的里亞蘇益薩佛蘭西三國其後一國屬  
于英吉利國其不屬於別國者則九別序如左  
其一薩爾的尼國東連各國西連佛蘭西國南界地中  
海北接瑞西國長九百里寬七百三十里地面積方四  
萬一千九百四十里煙戶四兆三億口王位世襲道國  
分十部一都靈部乃本國都也  
其二巴爾馬國寬袤皆二百里地面積方二千六百里  
煙戶四億四萬口公爵世襲通國分五府一巴爾馬府  
乃本國都也



其三摩德那國長三百里寬一百四十里地而積方二千二百六十里煙戶三億八萬口公爵世襲通國分爲四府一摩德那府乃本國都也

其四盧加國長九十里寬五十里地面積方五百六十里煙戶一億四萬三千口公爵世襲國分十二邑盧加乃本國都也

其五摩納哥國周圍四方皆爲薩爾的尼亞國包括長三十五里寬二十里地面積方六十里煙戶六千五百口侯爵世襲摩納哥乃本國都也

海國圖志 卷四十三 大西洋 意大國

美

其六聖馬里弱國周圍四方皆爲羅馬國包括地面積方約有五十里煙戶四千五百口不設君位國人自立官理務首處亦名聖馬里弱建於山上

其七多斯加納國東至羅馬國西南連地中海北接盧加摩德那羅馬三國長四百五十里寬三百五十里地面積方九千五百里煙戶一兆二億七萬五千口公爵世襲通國分五部一名佛羅稜薩建於亞爾諾河岸乃本國都也

其八教宗國即羅馬都城也東至貳西里亞國西連多

斯加納摩德那二國南枕地中海北界山嶺地勢險要五十里寬四百七十里地面積方二萬二千四百里煙戶二兆五億九萬口教宗管轄歷代相傳遞嬗繼立通國分二十一部一名羅馬建於的北黎河岸乃本國都也廟堂壯麗至若首堂華絕無比凡天下萬方丹青畫圖珍寶奇觀靡不畢集其中

其九曰西里亞國西連羅馬國東南枕地中海北界州中海暨羅馬國其地分而爲二一名那不勒斯長六百四十里寬五百八十里地面積方四萬一千九十里一

海國圖志 卷四十三 大西洋 意大國

美

名西西里亞長約六百餘里寬約三百六十餘里地面積方一萬四千二百七十里煙戶共計七兆四億二萬口王位世襲通國分二十一部一名那不勒斯建於塞卑多河右在維蘇威約包西里波二山之間乃本國都也風景幽雅可稱名勝其維蘇威約山頂出火晝夜不息餘十三部皆在那不勒斯地發羅河右其加達尼亞部亦有火山曰挨德納山乃歐羅巴州中至大之火山也又七部皆在西西里亞島發羅河左其國通商衝繁之地內外不一或在海邊或在內地



瀛環志略曰羅馬國一稱教宗國古羅馬舊都也當全盛時文物聲名爲西洋第一大都會至劉宋時爲北狄義特族所據故王宮闕大半殘毀書冊舊典亦掃蕩無遺由是民變夷俗天主教自東漢時傳播西士羅馬人崇信尤篤故國既爲狄所據天主教之徒乘機招誘黨羽日繁大權歸其掌握佛郎西既滅義特族遂以其地歸天主教師號曰教教主效則大會各教王發議推老成者一人嗣位略如前後藏喇嘛坐牀之俗其教傳布各國有不遵者輒挑釁構兵夷滅之或教其民叛主

海國圖志

卷四十三

大西洋 意大利國

庚

佛郎西之創霸也教王爲之加冕英吉利北族之起兵也請於教王教王封以英土其權如此所據羅馬都城古蹟最多天主教堂極崇宏入教之徒各食教王精別國祭司禮拜主事者遠方信士焚香禮拜踵相接也天主教之外所崇奉者耶穌之母馬氏利爲天后繡繡尤虔其民情於農事野多曠土山內多藏寇盜捕急則逃入天主堂無復過問者

後漢書大秦國一名犁鞞以在海西此海指地中海亦云海西國所居城邑周圍百餘里置三十六將皆會議國

事其王無有常人皆簡立賢者其人民皆長大平正有類中國故謂之大秦與安息即波斯交市於海中其王常欲通使於漢爲安息遮遏不得自達至桓帝延熹九年大秦王安敦遣使自日南徼外獻象牙犀角瑇瑁始乃一通焉云考之泰西人所紀載羅馬都城最大與漢書周圍百餘里之說相合又羅馬自帝馬七世後不立國王選賢者居高爵立公會以治事與漢書王無常人簡立賢者之說相合漢成帝二年唯大屋踐王位仍世及漢書所云乃其往

海國圖志

卷四十三

大西洋 意大利國

庚

事又漢順帝十二年王安敦嗣位號爲中興與漢書延熹九年大秦王安敦遣使入貢之說年代名氏均相合則意大里之爲大秦無可疑矣意大里在兩漢時歐羅巴一土隸幅員者十七八故大秦之外別無海西部落之名見於范書惟安敦之入貢由日南徼外其爲航海東來可想而知然則謂歐羅巴諸國明以前未通中國者殆不其然惟市舶之聚於粵東則自前明始耳唐宋以來皆以佛錄爲大秦不知佛錄乃大秦東鄰屬部猶之稱南洋爲安東延也然自宋以後佛錄爲回部所據并不屬大秦中國不知其原委故回仍不改耳